



116
B
70

116
B
70



116
10
70

116
B
70



P R Æ F A T I O

ad Lectorem.



Annus hic agitur novus, ex quo BOECLERIANARVM DISSERTATIONVM Tomum priorem recudi fecimus, earum videlicet, quæ maximam partem jam tùm ipso Auctore curante, uno volumine sed minore formâ, olim prodierant. Jussimus tunc à nobis expectari ejusdem *Celeber-*

):(2

rimi

P R Æ F A T I O.

rimi Viri alia laborum Academicorum *λείψαντα*,
 cū *Orationes* Ejus & *Programmata* in lucem
 daturi; tūm verò etiam collectionem novam
Dissertationum partim BOECLERVM *ipsum*
auctorem agnoscentium, partim sub Ejus au-
spiciis habitarum, polliciti. Et illud quidem
 prius jam præstitimus: quò minus verò etiam
 Dissertationes promissæ statim sequerentur, in-
 tercessit aliorum Operum editio, quibus præ-
 lum occupari voluit Is, cujus sumptibus hæc pa-
 rantur. Nunc ergo tandem fidem liberamus
 nostram, ne, quod dilatum esset, etiam ab-
 latum crederetur. Ipsarum quidem, quas pro-
 ducimus, Dissertationum non eandem æsti-
 mationem esse, ultrò fatemur. Neque enim
 pro Bœclerianis omnes venditamus; & Tibi,
Cordate Lector, ubi quæ ex solido huic no-
 mini debentur, se offerent, facile erit vel pau-
 cis lineis lectis, velut ex ungue leonem, co-
 gnoscere, ac vicissim tironum labores, suo se
 indicio prodentes, ab istis distinguere. Inte-
 rim ut venatores solent, qualis transierit fera,
 in ipsis vestigiis observare; ita non dubitamus,
 quin

P R Æ F A T I O.

quin etiam in his aliquam saltem *ἰσορροφία* Boecleriani ingenij agniturus sis ex ipsa rerum tractatarum dispositione, quam à Præside, ut solet, acceperunt Respondentes; utcunque tractatio ipsa nonnihil interdum juvenile atque immaturum præferat. Et erant sanè (ne quid dissimulemus) adhuc una alteraque Dissertationes, sub eodem moderamine olim defensæ, sed tirocinium Scriptoris nimis manifestè arguentes; quas ob id ipsum, quòd tanti non videbantur, ut propterea Tomus hic debito fieret spissior, consultò omisimus. Ne quid de aliis dicamus, quas alioqui plus vice simplice impressas seorsim, aut libris quibusdam appendicis loco adjectas, in prompta earum copia, hîc denuò exhibere ratio non fuit. Decætero selecta Dissertationum harum argumenta, quicquid alibi desideratur, abunde pensabunt: quæ cum circa politica, historica, philologica, nec non ad Jus publicum spectantia versentur, in ipsa certè varietate suâ satis habent lenocinii. Fastidiosum stomachum esse oportet, & planè ægro- tantem, qui in tam varia promptaque lautissi-
):(3. morum

PRÆFATIO.


morum ciborum copia non uno alterove ex
iis capiatur. Nobis, qui in hac editione *Sum-
mi* quondam *Viri ex Familia Bæcleriana*,
nunc rebus mortalibus exempti, Illustr.
OBRECHTI, implere destinationem studui-
mus, nihil jam restat amplius, quàm ut tuum,
L.B. exoremus favorem, cujus usibus omnis
hæc opera impensa est. Vale.

SYL-


SYLLABUS DISSERTATIONUM

in hoc Tomo comprehensarum.

S acrum Romanum Imperiū.	Mæcenas s. Consiliator Regius.
Conductor Carolinus.	Συνέδριον Ἀμφικτυονικόν, s. Senatus Amphictyonum.
Witekindus Magnus.	Cliens.
Theodoricus Ostrogothus.	Comitia Imperij.
Historia Caroli M.	De Principalium Familiarum perpetuitate.
Rudolphus Imperator, Germaniæ instaurator.	Libertas Senatoria.
Legislator Germanicus.	Δοκιμασία Ἀττικῆ, i. e. Probatio Magistratum Athen. ad Lyfiæ Summi Oratoris Oration.
De Lingua Celtica.	XV. & XXX.
De Lingua Nov. Test. originali.	Præsidia Pacis.
In Musas Herodoti, s. Hercules Musagetes.	Clypeus Regius.
In Bucolicon Virgilii IV.	Considerat. Mercaturæ Politica.
Philonis Josephus.	Civitas maritima.
Agésilæus.	Argo nova; s. de Navibus heroicis & fatalibus juniorum temporum.
Epaminondas.	Minos maris dominus.
Roma sub VII. Regibus.	Sacra Legationis.
De Annona sub Imperatoribus Rom.	De Orationibus Principum.
De Legione Romana.	Comparatio instituta inter Hippolytum Euripidis & Senecæ.
De Factionum in Republ. Rom. Causis.	Themistocles, s. Idea magni Civis.
Scipio Polybii ex fragmento Peiresciano.	De Clarigatione & Manifestis.
Trajani & Flavij Claudij Impp. vitæ comparatæ.	Hannonis Periplus.
Sylloge Miscellaneorum.	De fatis literar. nostri temporis.
Excerpta Curtiana.	Comparatio militiæ vet. & nov.
Νόμμοι τῶν Ἀιγυπτίων s. Leges Egyptiorum.	



SACRUM ROMANUM IMPERIUM.



Logium est, quod in omnibus publicis privatisque scripturis, sermonibus, meditationibus, domi forisque versatur: Sed cujus vel historia, vel philosophia, nonnihil explicationis & vindiciarum, adhuc

desiderat. Quam ad rem, si non pro amplitudine & majestate argumenti, ex officio tamen civis Germani, simpliciter & ingenue, aliquid operæ conferamus, extra reprehensionem, nec extra gratiam fore nostrum studium, confidimus. Singula verba nobis singulas partes describent: ut & de SACRO Imperio, & de ROMANO Imperio, & de IMPERII ipsius appellatione agatur.

SACRUM.

HUjus non sine singulari divina providentiæ attributæ Imperio nostro appellationis *causas & significationem* plerique instituerunt exquirere: prætermiſſa *historia*, unde explicationi origo & lux est. Non enim hic ita *Imperii sanctitatem* consideramus, ut omnibus Principatibus, Regnis, Imperiis, multum de divinæ majestatis

A

cha-

charactere trahentibus, convenit. quo de genere plerâque in *dissertatione de auspicio regio* attinguntur. Neque, ut studio obsequioque sapientium & bonorum virorum domi forisque debita summis potestatibus veneratio, per quicquid est sacrosancti, declaratur commendaturque. Verum, ut inter publicas formulas, & in stilo curiæ, ut loquimur, authenticum id decus elogii solennis SACRO Romano Imperio accessit. Jam in ipso Imperio Romano, sacratissimos & sanctissimos Imperatores, sacras literas, sacrum palatium, sacra vestigia, Numen Imperatorum, divinas literas, divinam domum, novimus: extra formulam tamen & titulum, de quo agimus, SACRI Romani Imperii. Ante sæculum ergo duodecimum a Christo nato, non reperio publicæ scripturæ accommodatum hoc elogium. In privilegio, quod Fridericus I. Imperator Henrico Duci Austriæ dedit Anno MCLVI. Austria appellatur *cor & clypeus SACRI Romani Imperii*. Et mox iterum, quatenus Dux esse debeat obnoxius SACRO Romano Imperio, vel non, ostenditur. Hoc privilegium Fridericus II. Imp. insequente sæculo confirmavit Anno MCCXLV. his inter alia verbis: Nos itaque, qui fidem & obsequia nostrorum Principum non patimur irremunerata transire, attendentes fidem puram & devotionem sinceram, quam prædictus Princeps ad Majestatis nostræ personam & SACRUM Imperium habet &c. Idem Imperator de tuendis Imperii juribus contra Papam & Turcos hac præscriptione utitur: Fridericus Imperator Principibus & Statibus Sacri Imperii. Et in literis ad Senatores & populum Romanum de proditoribus Imperii non receptandis, a vobis, inquit, tanquam à SACRI nostri Imperii capite. Et ad Justitiarium Terræ laboris, de exigenda subventionem a Clericis: Præter SACRI Imperii jus & morem nostra se pluries inclinavit humilitas. In regula militaris ordinis Wilhelmo, cum Rex Rom. eligeretur, à Principibus Imperii præscripta Anno MCCXLVII. legitur: Ego Wilhelmus Comes Hollandiæ, militiæ Princeps, SACRIQUE Imperii Vasallus liber. Literas Conradini Conradi IV. Imper. filii ad Principes utraque lingua sic inscriptas refert Goldast. ad A. MCCXLVIII.

Uni-

apud Goldast. const. rom. un. p. 302.

ap. Goldast. tom. 3 Const. p. 389.

p. 394.

p. 372.

p. 400.

Statut. & Rescr. Imp. p. 88.

Universis SACRI Principibus Imperii. Allen deß Hilligen Riichs Fürsten. Anno præcedente Richardus ita orditur: Richardus Dei gratia Romanorum Rex semper Augustus universis SACRI Romani Imperii fidelibus præsentibus literas inspecturis. Iisdem verbis Rodolphus I. Imperator utitur An. M C C L X X I V. & in Constitutione de primis precibus An. M C C L X X I I I. ob reverentiam SACRI Imperii, dem H. Reich zu Ehren. Inde magis magisque frequentata est formula, neque post Caroli IV. Auream Bullam, in qua aliquoties habetur, ut & in aliis ejus scriptis publicis, facile omissa. Adeo ut ob imperitiam stili curiæ notandum se in hunc diem præberet, qui solennibus formulis abesse tam auspicatam & sanctam vocem pateretur.

Ap. Miræum
in donat. Belg.
gic. p. 240.

Ap. eundem.
P. 553.
Ap. Goldast.

*Causas appellationis quomodo alii tumultuarie conquirant, primo indicabimus: tum, si quid addi queat, aut conjectari, requiremus. Nolumus autem hic ulla distinctione uti ejus, quod *sacrum*, & ejus, quod *sanctum* dicitur, cum præsertim vernacula nostra lingua, quæ hoc elogio inprimis gaudet, tale discrimen non agnoscat. Quidam ergo putant SACRUM, dici Imperium nostrum, imitatione veteris stili curiæ, qui Imperatoribus Romanis sanctitatem undique conciliare, rationis & consilii duxit: ut ante diximus. Alii à religione, vel communiter, vel singulariter; vel libero & expedito judicio, vel ex studio & commodo partium, rationem arcessunt: quia Imperium hoc à sanctissimo Deo prædictum, constitutum, & hucusque servatum sit; quia hoc Imperium Sanctum sanctorum, id est Christum nascentem complexu suo foverit; & ad judicium novissimum venientem deinde visurum sit; quia sanctæ Ecclesiæ Christianæ nobilissimam partem comprehendat; quia ex sacro & civili ordine corporis tanti compages aptata sit. nolo enim addere, quod & falsum est, & sanctimoniam Imperii nostri haud raro adversum fuit, ob sanctitatem Pontificis; quem verticem & caput Imperii jactare non verentur, qui sanctum summumque & unicum caput Imperii Imperatorem venerari profano ausu dedignantur. Nonnulli denique ad sonum*

Thef. pract.
V. Heylig.
Notabil,
I, P, L. 7.

vocis intenti, *sacrum*, quasi magnum, aut venerabile; aut inviolabile imperium interpretantur. Cujus generis pleraque habes apud *Besoldum*, *Speidelium*; in *Lexico Juris Publici*: & *Magnificum Limnaum*.

Nobis, ut ante cætera tempus in usum receptæ publicum hujus formulæ indagare ratio fuit; ita, si ex illius temporis conditione possit aliquid investigari de consilio recipiendi, operæ factum videbitur pretium. Antea autem Imperium Romanum suam majestatem, etiam ex eo tempore, quo Germanico nomini accessit, facile tutabatur: sanctumque & erat, & habebatur domi forisque, etiam absque nomenclatione, & titulorum submonentium auctoritate. At, ubi novo sanctitatis vel mangonio, vel monopolio Pontifices quidam Hildebrandum auctorem secuti, sacram Imperatoris & Imperii nostri majestatem non profanare modo, sed profanatam deprimere adorti sunt: tum aliis modis, tum solennitate elogii vindicanda fuit Sanctitas Imperii, quam Deus, sibi soli secundam, in perpetuum consecraverat. Ne ideo tantum *sacrum* videretur Imperium, quia *sacrum Imperii diadema de ara Petri* (ut loquebantur etiam) *susceptum* esset: sanctitatem istam à vero sanctitatis omnis fonte derivandam, & contra importuna carmina rebellis Romæ propugnandam duxerunt Imperatores. Hinc Henricus V. Imperator Anno M CC IX: *Christiani orbis Imperium sibi à DEO Optimo Maximo impositum esse; proinde se de veteri more & ritu prisce religionis, sacris supreme majestatis placitis non desuturum.* Et Fridericus I. edicto Anno M CLVII: *Cumque per electionem à solo DEO regnum & imperium nostrum sit, qui in passione Christi filii sui duobus gladiis necessariis regendum orbem subjecit; cumque Petrus Apostolus hac doctrina mundum informaverit, Deum timere, Regem honorificare: quicumque nos Imperialem coronam pro beneficio à Domino Papa suscepisse dixerit, divina institutioni & doctrina Petri contrarius est, & mendacii reus est.* Et in alio Edicto: *Certe nobis coronam per electionem Principum imposuimus! nihil nisi solam unctionem ab eo, (Pontifice) accepimus. ----- Regnum non ab eo, sed à DEO suscepimus.* Iterum in Re-

Ap. Goldast.
Constit. tom.
un. p. 251.

p. 264.

p. 263.

in Rescripto ad Episcopos Germaniæ Anno M C LVIII. Liberam Imperii nostri coronam divino tantum beneficio adscribimus. &c. Hujus generis multa occurrunt : notumque est illud in decreto Ludovici Bavari & Ordinum Imperii Anno M CCC XXXVIII. *Sacro sanctum Imperium, summa in terris potestas, celeste donum est. Imperator enim primus ante omnes, secundus post Deum est, & tam grande nomen à solo Deo traditur. & quæ magnifice non minus quàm vere attexuntur.*

p. 266.
Goldast. tom.
3. constitut.
p. 409.
& in Monarchia S. Rom.
Imp.

Neque nulla tamen suberat ratio (ut in ejusmodi excogitatis ac exquisitis titulis non simplicis consilii prudentia haud raro vertitur) quæ ad Christianæ religionis, & Ecclesiæ decus ac tutelam spectaret. Ita enim prorsus persuasum erat plerisque : Imperio & Imperatori Romano in primis à DEO attributum esse munus tuendæ, & adversus inimicos Christiani nominis defendendæ Ecclesiæ. Quamvis enim & alii Reges Principesque Christiani ad suum id spectare officium merito crediderint : primas tamen Imperii nostri, ut in reliquo civili ordine graduque (de quo postea) ita in patrocínio Ecclesiæ præstando partes esse, constans opinio & fama tenebat. Videntur huc respexisse Imperatores, cum honorem Imperii, & salutem, quietem, unitatem Ecclesiæ, sive cum Imperio necessitudinem ac concordiam, totiens summam consiliorum suorum, gravissimis sententiis profitentur. Friderici I. verba sunt ex Mandato Anno M C LIX. *Quoniam divina præordinante clementia, Romani Imperii gubernacula suscepimus, oportet, ut in omnibus viis nostris ipsius legem custodiamus, cujus munere, cujus voluntate dignitatis nostræ apicem adepti sumus. in hoc itaque sacratissimo proposito constituti, cum omnibus Ecclesiis in Imperio nostro constitutis debeamus patrocinari, sacrosancta Romana Ecclesiæ tanto impensius debemus providere, quanto ipsius cura & defensio à divina providentia creditur nobis esse commissa specialius.* Fridericus II. Romanum Cæsarem Catholica Fidei Defensorem, excellentiore nota laudat. Idem Fridericus II. ad R. Angliæ & alios Reges scribit : *Cum ad hoc, disponente Domino, Imperii sceptrum suscepimus, & Romanum Imperium nostrum ad predicationem Evangelii preparatum, ut catholicam fidem & ma-*

Goldast. tom.
un. p. 272.

Id. tom. 3. p.
394.

ind. 379.

- rem Ecclesiam, à cunctis hostium incurſibus, noſtrarum virium co-
natus eruanus. Subjicit de Tartaris repellendis. Unde
P. 33. & Imperium Romanum Chriſtianum memorabili discrimine,
ſi tempora ſub paganis Imperatoribus conſiderentur, ho-
noris cauſa ſignatur. Et quid remotioribus immoramur?
- Capitul. Ca- In Capitulationibus Imperatoriis adhuc commendatur cu-
rol. V. & al. ra hujus elogii omnibus triumphalibus titulis præferendi,
art. 1. cuius Eleſto Imperatori: ſcilicet *deſenſio*, non *Eccleſia* mo-
do, ſed totius *Chriſtianitati*. Et in Electione, orare ju-
bentur Eleſtores, ut divina ope eligere valeant idoneum
Cæſarem *pro ſalute populi Chriſtiani*, & *caput populo Chriſtiano*,
ſicut in jurejurando eorum amplius continetur. Quare
Aur. Bul. Imperatorem noſtrum recte *Chriſtianiffimum* dici, ſuperiore
tit. 2. ſæculo demonſtravit Henricus Bebelius. Quidni *Sacrum* dice-
retur & eſſet Imperium, cui Chriſtianiffimum caput præ-
ap. Schar- eſt, cui Chriſtianitatis totius cura ſemper viſa eſt eximie
dium tom. 1. competere? An addam, cui ducatus in bello ſacro, quod
P. 254. &c. adde Carpz. Chriſtianis adverſus *απαρδης* Turcas perpetuum eſſe de-
de L. Reg. bebat, communi gentium Chriſtianarum ſuffragio defer-
Germ. c. 2. ſ. 1. tur? Ita de Auguſtis noſtris ſentit Hugo Grotius, loco, qui
de I. B. 2. 15. 12. in annotatis ad illud opus non ſegniter explicabitur. Sane
quantum ad *sacram* illam *militiam* momentum facere poſ-
ſit *sacrum Imperium noſtrum*, nemo eſt, quin fateri cogatur.
Joan. Antonius Campanus, non ſegnīs Germaniæ & rerum
Imperii obtrectator, ad Jacobum Cardinalem Papienſem,
Epist. 2. apud in hac cauſa anno 1471. ſcribit: Dico ego tecum, quod ſen-
Freher. tom. ſio, FIERI OMNIA POSSE IN SALUTEM CHRISTIANAM, SI
2. p. 148. CÆSAR VELIT; nihil, ſi tergiverſabitur. Et in ſequentē E-
piſtola: Si queris ſententiam meam, illud ſentio, magnam ſpem
propoſitam eſſe nobis, ſi Cæſar inſtabit; exiguam, ſi lenteſcet;
Epist. 7. nullam, ſi tergiverſabitur. Iterum: Ego ea ſum nunc ſententia,
qua nuper fueram, cum primum de conventu ad te ſcripſi, pendere
omnia ex Cæſaris voluntate: qui niſi omnia velit, quæ ad incun-
dum bellum pertineant, nihil dicam aliud, quàm ſato malo peri-
turam rem Chriſtianam. In iisdem autem quæ tum agita-
bantur comitiis, Hungari eo argumento ad Imperatorem
utuntur, ut dicant: oportere eum eſſe præcipuum Chriſtiano-

rum propugnatorem, qui idem Christianorum sit Imperator. Quod argumentum, non epistolis modo tetigit de quibus diximus, sed oratione in comitiis habita magnifice diffudit Campanus. Quare & in precibus solennibus, consecrando Cæsari destinatis, propulsatio barbarorum & Christiano nomini inimicorum hostium ponitur. Augusta vero & tanto Principe digna vox est Maximiliani I. Imperatoris de expeditione sacra, cui semper intentus varie interim distinebatur, deliberantis: *Nam me quidem in hoc Imperii fastigio, non solum in acie belli Ducem & Imperatorem esse, sed multo magis huius publici consilii ducem atque auctorem esse convenit. Sicut autem sæpissime impediti sunt Augustissimi Imperatores, quominus sacris expeditionibus operam, ut destinaverant, darent: ita superiori sæculo se commovit Austriacorum Cæsarium virtus, reque Christiana præclare gesta, non exiguum Turcis terrorem incussit. Neque armis tantum, sed & consiliis pugnatum est. neque enim Cæsarium toto sæculo isto superiore quisquam fuit, qui adversus Turcas non pro salute Christiana præclare contenderet. Quid? quod vere Imperatoria Domus Austriaca longe lateque hic pro re Christiana excubat, magnamque vim pecuniarum, militum, munimentorum, apud fines & pro finibus, perpetua munificentia providentiaque adversus Turcas dispensat. Faxitque Deus, ut gloria sacræ militiæ, qua nulla est illustrior, in Sacro Romano Imperio Imperatoribus propria ac perennis duret! Non debet hoc loco omitteri Francisci I. Gall. R. responsum ad Caroli V. Cæsaris Romæ factam querelam de auxiliis ad bellum Turcicum. Obtuli, inquit, liberaliter, quod maiores mei (quibus nihil unquam est præscriptum, ubi de ipsorum adversus hostem religionis ageretur officio) præstare sunt soliti, id me perludentem esse Christiana reipublica præstiturum, ut copias scilicet meas omnes (etsi multa mihi proponebantur à bello quiescendi occasiones) tamen ipse præsens vel ad tuendam Italiam, cui tum etiam Turca imminabat, vel alio quocunque rei postularet necessitas, educerem: ita tamen, ut CÆSARI NIHILOMINUS PRINCIPEM EA IN EXPEDITIONE LOCUM NON GRAVARER EX OFFICIO CEDERE.*

Possit,

In Reusneri
Anti-Turc.
vol. 1.

pag. 56.

Apud Freher.
tom. 3, p. 352.

Præfat. apo-
legetica con-
tra Chiflet.
XXXIII. 2.

Possit, cui vacat, hoc loco paulo accuratius ratio-
cinari, quæ fuerint Sacri Romani Imperii in hunc diem,
inter tot vices rerum, singularia fata, opera, miracula circa
& ad rem Christianam universam: tum, quàm evidens di-
vinæ providentiæ industria, hoc ipsum elogium *Sacri Im-*
perii, non ut aliis communicari illa laus potest, sed ut
aliquid habet proprium, singulare, publicum, solenne,
huic servaverit vindicaveritque. Neque enim tam sancta
mysteria Grammaticis disputationibus, aut umbraticis
speculationibus, vel explicari vel judicari debent. A qui-
bus mireris non temperasse virum cetera doctissimum *Da-*
videm Blondellum, quando insolito fastu, veluti per indul-
gentiam, elogium *SACRI*, Imperio, quo ipse vult sen-
su, concedit, ut *ROMANI* appellationem, prorsus adi-
mat, de quo postea. Sed, *Germanos*, inquit, *supremum*
regionis suæ Imperium SACRUM Imperium vocare non impro-
babunt, quibus *Germaniam* nobile *Christiani orbis membrum* esse,
Christianis Principibus subesse, eoque *Christo sacrum Imperium* esse
debere, in mentem venerit. sed eodem jure & *Francia Occidentalis*
& *Hispania regna*, quorum alterum *Christianissimum*, alterum
Catholicum dici solet, *Imperia Sacra*, id est, *ditiones ac regna*
Christi nomine consignata, *Deoque consecrata*, ex officio fuerint &
nuncupari debuerint. Parum his rebus, quæ ad publicam &
curialem scripturam pertinent, se assuetum ostendit. Fal-
sum est: *Regnum Galliæ Christianissimum*, *Regnum Hi-*
spaniæ Catholicum, ea loquendi formula, & eo elogii ge-
nere, quo *Imperium nostrum Sacrum* vocatur, unquam
dicta esse. Multum diversam rationem esse, ultro agno-
verint, qui *Regis Christianissimi* & *Regis Catholici* cogno-
mina ab origine sciunt intelliguntque: tum, qui repu-
tant, publicas titulorum formulas, ab inflexionibus vo-
cum arbitrariis (ut à *Catholico Rege*, *Catholicum regnum*; à
solenni & publico elogio, per similitudinem & interpre-
tationem, libera laudatio derivatur) plurimum differre.
Alienum, ambiguum, insolens est, dicere: *Germanos*
supremum regionis suæ Imperium, *sacrum Imperium* vocare.
Quid est, *supremum regionis suæ Imperium*? Qui ita loqui-
tur,

tur, non videtur omnino cepisse, quid *Imperii* vocabulo notetur. An enim forma tantum reipublicæ, & τὸ νέος signatur? minime gentium. Dicitur postea. Intolerabile in primis est & importunum, nunc demum quæri, quo significatu Imperium nostrum ita *Sacrum* vocari possit, sicut alia quoque regna sacra sunt, postquam totius orbis Christiani nationes & regna, etiam inter invidiam & æmulationes, ob ipsam Imperii Romani dignitatem coortas, jam à pluribus sæculis ita Imperium nostrum *Sacrum* vocarunt, sicut sua regna non vocarunt, publicisque & solennibus Imperii nostri titulis id vocabuli attribuerunt, quod sibi non vindicarunt. Non unus esset Rex *Catholicus*, qui honorem ejus cognomenti sibi posset vindicare, si ad Grammaticos & Rhetoras hic eundum esset. sed consuetudo & jus titulorum, tamdiu uni hoc adjudicat, qui publice ab omnibus hactenus tulit, donec alius idem juris, eodem consensu nationum consequatur. Et quid eximii esset in titulo *Christianissimi*, si Blondelli more, potius originem verbi spectando pluribus commune reddere vocabulum, quàm usum verbi publicum & curialem, ut sic loquar, attendendo, uni Galliarum Monarchæ vindicare instituas? Nimirum non debemus ex *titulis*, *epitheta*; aut ex *epithetis*, quæ libero ingenii certamine inveniuntur, variantur, permutantur, *titulos formales*, ut sic dixerim, concinnare. Id equidem non negaverint, qui aliquem rerum usum habent, ex eo, quod ab initio *epithetum* fuit, paulatim fieri posse *titulum solennem*. Sed *Titulus* ille demum habetur, qui non tantum utentis arbitrio assumitur, sed ab aliis agnoscitur & attribuitur. Huc ergo debebat spectare Blondellus, quod *SACRI* elogium Imperio nostro non domi tantum inter solennia attributum est, sed ab exteris & æmulis, in literis, legationibus, actuque & scriptura formali, cui nihil opponi potest, ut inanissimum sit disputare, & ad extenuandum hujus tituli decus requirere, quomodo aliis regnis convenire queat talis appellatio. Ostendendum enim erat, si quis nollet actum agere, *SACRI* Imperii elogio alia regna, solenni titulorum formula, præ-

ter hoc nostrum, honestata esse. Sæpe doleo viri doctissimi vicem, qui adversus *Chisletium* jussus scribere, non raro facit, quod in adversario reprehendit: neque semper pensi habet, quid scribat; dummodo causæ suæ serviat. Quamquam profecto hoc non est causæ servire, sed nocere; si quis studio certandi, proxima quæque arripit, censet, vexat, neque de ulterioribus aut ceterioribus cogitat. Quid attinebat, quasi ad honorem Galliae, extenuare aut communicare, aut aliter interpretari, quod ipsi Christianissimi Reges sanctius interpretati sunt, & vigorem ac prærogativam solitam voluerunt retinere? Franciscus I. Rex prudentia, auctoritate, rerum usu maximus, neque cuiquam ultra solitum admitti titulos solitus, vel cum ad omnes Ordines scribit, SACRI Romani Imperii Ordinibus inscribit literas, & Sacrosancti Romani Imperii Ordines vocat; vel cum ad unum, exempli gratia, S. Rom. Imp. Archimareschallo & Principi Electori, destinat epistolam. Quin & in contextu literarum huc alludere, rationis duxit, in illis verbis: *Cum ad vos potissimum Romani Imperii sanctitas, & publici juris tutela dignitasque pertineat.* In responso supra laudato ista legas non frigide nec perfunctorie posita: Mandaveram equidem legato meo, ut SACRI Romani Imperii Ordines, quibuscum meum per vetus amicitia, tum Principatus Mediolani ratio sociarat, per occasionem mihi salutaret, meque ostenderet non ignarum esse, quanam mea esse deberet, & cum illis societas, & ERGA ILLUD IPSUM SACROSANCTUM ROMANUM IMPERIUM OBSERVANTIA. Quid aliud, quàm obloquitur tanto Regi, cujus auctoritas pro ratione esse poterat, qui titulum tanta juris formula, tamque studiose ab ipso illuc, quo conveniebat, delatum, in epitheton vertit, extenuat, & Grammatici arbitrii facit? Nolo de illo dicere, quod admodum restricte scilicet, Germaniam nobile Christiani orbis membrum, fatetur. Nobilissimum optimo jure poterat dicere, vel quia Imperii dignitas totius Christiani orbis commodo hic recumbit, ut suo loco monstrabitur: vel de quo Legati Gallici (quorum ut auctoritas ita oratio publica est) superiore sæculo ad S. R. I. Ordines Spiræ conventum

Apud Freher.
rom. 3.

tum agentes longe animosius & ita loquuntur : *An nos hoc* Frcher, tom. nescire putatis , nullam procellam post homines natos in Germaniam P. 365. ingruisse , quæ non confestim ad nos perveniret ? Fuere patrum memoria , qui Galliam debellarent , vincerent , opprimerent ; abstinere tamen à Germania cogerentur. Sed redeundum nobis est ad auctoritatem publicam & sollemnissimam tituli , de quo agimus : quem scilicet & æmulæ nationes , & maximi Reges agnoverunt , & suo judicio prædicarunt. In literis Frcher, tom. Henrici VII. Angliæ Regis ad Imperatorem & Ordines in P. 36. &c. Comitibus Confluentiæ 1492. *Sacri Rom. Imp.* titulus sæpius repetitur. Verum non opus est , cumulare exempla : infinita enim sunt : neque hæc ipsa attulissemus , nisi ad intelligendam quæstionem pertinere visum esset , *Titulos usu & sollemnitate* , non ratiunculis & ritu Lexici , ut cuique in mentem venit , explicare. Sunt enim ejuscemodi contentiones frivolæ , inanes , gravibus hominibus & negotiis indignæ. Excellit sane amplissime illustribus in rem Christianam meritis Germania. nemini tamen cordato volupe fuerit , aliorum regnorum Christianorum merita , obtentu Tituli , extenuare. Est eritque Germanici candoris specimen , nec alienos titulos usu publice receptos firmatosque cavillari aut detrectare ; nec domesticos cuiquam cavillandos aut detrectandos relinquere. Nobis interim in omnia hujus dissertationis eadem lex sit , *amplioritatem curia sequi* , quæ quo latius per gentes concinit , eo est gravior validiorque. Pergemus igitur nunc ad alteram vocem , qua Imperium dicitur

R O M A N U M.

Nolumus hic à primordio repetere , quæ prolixè ab aliis traduntur , de *Romani Imperii* appellatione , ejusque fati : dum alii extinctum Romanum Imperium , alii servatum , varie disputant. Habent quod legant , quibus copia placet , apud *Linnaum* præsertim , tum in *Jure Publico* , & *Additionum tomis* ; tum ad *Capitulationem Caroli V.* Addi possunt *Speidelius* , & alii. Ponemus tan-

cap. 13.

L. 6.

tum quædam, adversus alios deinde profutura. I. Neque opus fuerit ad ulteriora ire, sed ea tempora in oculis habere, unde dicitur ROMANUM IMPERIUM cum adjectione NATIONIS TEUTONICÆ: *das Ræmische Reich Teutscher Nation*. II. Non opus fuerit, multum laborare, cur Nostrium Imperium ROMANUM dicatur, cum tamen Romæ non subiecta sit aut fuerit Germania: ratio enim haud dubie validior esset, quod Ottoni, & omnibus ab eo Imperatoribus Germanicis imperium in urbem Romam in perpetuum quæsitum est, sicut in Ottone I. & alibi amplius demonstratur. III. Id jus cum adhuc hodie durare, ostenderit *doctissimus Conringius libro*, quem in hoc argumento excellenter laudatum volumus, *de Germanorum Imperio ROMANO*, & in opere de Finibus Imperii cap. IX. & X: Romani Imperii titulum non absurde sibi vindicat, cui Roma subest. IV. Etiam si autem per injuriam excidisset Germania imperio in urbem Romam, non esset tamen propterea abstinendum titulo Romani Imperii, non enim sedes imperii ita alligata est loco, ut loco mutato, nomen imperii mutandum sit. Quo recte accommodant illud *Herodiani*: *ἡκεῖ τε ἡ Ρώμη, ἔπεσσε αὖτ' ὁ βασιλεὺς ἡ*. *Ibi est Roma, ubi Imperator*. Ab Ottonis certe Magni temporibus sedem ejus Imperii, quod Roma quoque agnovit, sive, cui Roma citra controversiam paruit, in Germania, in hunc diem fuisse, dubio caret. V. Et quia in ROMANI Imperii nomine aliquid singularis gloriæ & celebritatis fuit (sicut apud omnes in confesso est) negari non potest, decus ejus gloriæ ad eos, tanquam per manus traditum & propagatum, pertinuisse & pertinere, quibus hæc appellatio communi quasi consensu attributa est & attribuitur. Quod de Nostro Imperio, nemo nisi omnium publice actorum imperitus, abnuerit. VI. Id vero, non sine singulari divina providentia evenisse, facile credunt, qui & divinitus prædictam celebritatem reliquiarum Romani Imperii, & multa non absque numine quoad hoc negotium gesta, denique verum rei totius & propagationis miraculum paulo altius meditantur.

tur. VII. Illud quoque non in obscuro est : ex quo Germanis & Ottoni perpetuum urbis Romæ & Italiæ imperium datum est, nullum fuisse regnum, quod opibus & auctoritate, Germaniæ merito potuisset anteponi, ut sic quoque celeberrimi Imperii dignitas in sede incomparabili substitit. VIII. Et quamvis nominum rationes sæpe consuetudo magis, quam prudentia moderetur, non videtur tamen ad retinendam *Romani* nominis auctoritatem quicquam incitamenti defuisse iis, qui serio intellexerunt & considerarunt, quæ hætenus dicta sunt. IX. Quinimo ea ipsa publice omnibus insita persuasio de *ROMANI* Imperii eminentia, sanctitate, perpetuitate, videtur perfecisse, ut per tot æmulationes & certamina, duraret in hunc diem & pervigeret tanti nominis majestas, quod venerantur omnes foris Christianæ potestates : adeo, ut si cui Christianorum cætera potentissimo hic titulus accedere posset, citra omnem tergiversationem, primo illum loco positurus esset. Sed prospectum est legibus moribusque, quos Deus servet, ne tituli incomparabilis decus externis possit opibus accedere.

Hic vero *Blondellus* cum se gerit, quem non agnosce- Præfat. Apo-
rem, demto nomine. ostendit profecto, non sufficere loget. XXXI.
multam lectionem & variam eruditionem ad tractanda 3. b & c.
argumenta publica, absque penitioris cognitione reipublicæ, morisque & actus publici. Certe dum partibus suis subservire ex summo studio contendit, earum stilum & scripturam publicam, & acta publica sedulo impugnat. Quo genere scribendi nihil magnis Principibus magis aver-
sandum reor. Cur enim, tantum ut adversario contradicatur, nunc dicam, cujus contrarium Respublica mea semper dixit, scripsit, dicitque & scribit? Ludere hoc est : neque magis adversarii, quàm suis rationibus illudere. Igitur statim sua vineta cædit, cum majore quàm decebat supercilio orditur : *Germania Reges, Imperatores, Germaniæ regnum Imperium dici, Franco nemini displicuerit, cum enim Germania Europa universa latissima populorumque ad armatorum feracissima portio sit, cujus dominium alteri nulli in ter-*

vi obnoxium sit, viribusque suis solis fretum injuria cuius propul-
 sanda per se par esse possit, aliasque multas ditiones, qua impe-
 riale sibi nomen vindicarunt, dignitate ac potentia longe superet,
 Imperiali titulo dignissima fuerit, si Imperium Germanicum nun-
 cupetur, eique cum summo imperio praefecti Germaniae Impera-
 tores dicantur, sui compos nemo refragabitur. At si Germaniam
 Imperium Romanum, Germania Reges, Romanorum Im-
 peratores ex usu posteriorum saeculorum communi quis vocet, à
 vero proprio priscoque majorum sensu & loquendi genere longissime
 abscedere videtur. Ergo, inquam, Christianissimi Reges, qui
 in hunc diem Imperium nostrum, Romani Imperii elogio,
 Imperatores Nostros, Romanorum Imperatorum appellatione
 honestarunt, iudice Blondello, assertore Gallico, à vero
 proprio priscoque majorum sensu & loquendi genere lon-
 gissime abscefferint. Mereretur censuram, quam Blon-
 dellus non semel in adversarium stringit, si quis exter-
 nus, nulloque peculiari vinculo obstrictus, tam profa-
 ne de tantis Regibus sentire in animum induceret. Exem-
 pla infinita, id est, longe plura sunt, quam ut possint
 aut debeant huc conducì: unde constat, non factum tan-
 tum esse, quod diximus, sed magna ratione, consulto
 consilio, exquisito studio factum esse. In *Apologia ex ca-*
stris ad Contaeum Belgica vicum 7. Maji 1537. eum se describit
 Rex Franciscus, qui nunquam non dignitatem Ordinum &
 ROMANI IMPERII NOMEN coluerit. Et Legati ejus-
 dem Regis, postquam accurate nationem Germanicam ab
 Imperio distinxisset, imperium illud ipsum Germanis at-
 tribuunt, quod Carolus M. in Germaniam invexisset,
 id est Romanum. Nam Carolus M. inquit, idem Gallo-
 rum parens & idem vester, omnium consensione afflictum illud
 (Imperium) propeque collapsum unus erexit: unus de nefario-
 rum hominum faucibus eripuit: unus è Gracia, ubi exulabat ab-
 jecta ejus dignitas, non minus fortiter huc quam feliciter invexit.
 Nunc igitur partem tot suorum laboribus & periculis dignitatem
 vobis extorqueri, illa vestra majestatis jacta a suis majoribus fun-
 damenta convelli, Rex majorum suorum summus admirator, in-
 stitutorum qua ab iis profecta sunt, renacissimus observator, vo-
 luerit?

Apud Freher.
 tom. 5. P. 340.

in orat. ad
 Ordin. Spir.
 pag. 365.

Invenit? Quid potuit studiosius apparatusq; dici? An Nominale Romanum Imperium, Nominales Imperatores (ut Blondellus cavillatur) intellexerunt, qui ita locuti sunt? Hæc ex luce rerum & negotiorum publica, audiantur interim contra umbraticas nænias, testenturque: Gallorum iudicio apud Germanos esse Romanum Imperium, & quidem illud ipsum, quod Carolus invexit: ad Germanos Imperatores etiam post Carolovingos scilicet propagatum. Audiatur etiam Legatus Venerius ad Imperatorem Maximilianum I. verba faciens apud Gerardum de Roo: Denique Senatus Populusque ille, mundi domitor, CUJUS IMPERIUM IN TERRIS IN TE SOLO EST, CUJUSQUE AMPLITUDO ET MAJESTAS IN TE CONSPICITUR, nonne plures populos atque provincias clementia, æquitate & mansuetudine, quam bello armisque imperio suo adjecit?

Histor. Austr.
lib. XII. pag.
444.

Quis autem est verus, proprius, priscusque majorum sensus, & loquendi genus, à quo discedit hæc dictio? An Romanum Imperium, tantum dicetur, quicquid olim Imperatores Romani florentes sub sua ditione tenuerunt? Atqui nulla ratio uni illi significationi hanc appellationem alligat, ut ante dictum est, cum præsertim ratio præsentior ab imperio in urbem Romam in promptu sit: acceduntque alia, quæ ad auctoritatem titulis conciliandam idonea sunt. Jam à Carolinis temporibus, non negamus quidem, distincta esse interdum Regnorum & Imperii nomina: sed illud quoque meminimus, sæpe Imperii & Imperatoris vocabulo, tanquam excellentiore, summam loquendi factam. Interea ut Germania Imperatores dicantur nostri Imperatores, stolidè admonuit Blondellus, privata auctoritate stilum publicum totius Europæ corrigere ausus; tum ad verum proprium priscumque loquendi genus majorum, quod ipse sibi fingit, & publicæ auctoritati opponit, parum accommodatè reformare nostra tempora orsus. Imperium enim absque adjectione Romani, Romanæ urbis ditionem tamen respiciebat, sicut infinitis locis scriptorum doceri potest.

Insignem vero prorsus fraudem, & circumforaneo sophista quam viro sapiente digniorem commisit Blondellus,

In Cæsarib.
Germ.

deus, quod *titulum Romani Imperii Germanicis Imperatoribus in Ottone Magno post Carolo-vingos fundati*, prorsus silentio prætermittit, ac si nihil factum unquam esset. *Sigonii* ea de re confessionem alibi annotavimus. Et declaravit abunde laudatus ante *Conringius*: *in Ottone Magno per Cæsareum titulum Germaniam accepisse Imperium aliquod summum ac perpetuum in urbem Romam, Papam ac patrimonium Ecclesie Romanæ.* Hunc nodum Gordium, fide parum bona, inter affectationem curiosæ & omnia conquirentis diligentiae præterivit gladiator ille famosus, & ab anno 1125. neminem Imperatorem aliquid juris in Romana ditione habuisse, ostendere satagit.

Sed incipiamus à verbis ejus. Cum igitur, inquit, nihil ab anno 1125. & quod excurrit in Romana ditione, qua sola sub Carolo-vingis ejusdem potentibus Imperium Romanum dicebatur, cujusque unius gratia ab anno 800. ad 1125. quotquot in Germania, Gallia, Italia Imperatores audierunt, Romani Imperatores dicti sunt, Germanicorum Regum ullus possiderit aut possideat: hiat postea oratio, nec concluditur: festinatione tumultuaria, puto. satis tamen intelligitur, quomodo suppleri velit, nempe, ideo *Imperatoris Romani* elogium Nostro Imperatori non convenire. Nil dicam de exempli, quod nostris Imperatoribus tam graviter opponitur, diversis periodis, & quemadmodum Imperatoris Romani nomen & dignitas in Italia sub Carolis Calvo Crassoque, & interjecto Ludovico Balbo (Carolo-vingis) eviluerit: quis ab intercepta possessione (quid autem in hac re & quantum factum sit, post attingetur) tam importune argumentatur, ut jus alterius statim neget, de quo semper professio & testatio facta est? Si compendium hoc Blondellianum valuisset, non opus fuisset tot contentionibus togatis & armatis per tot sæcula agitatæ de titulis regnorum, quos nemo jure nitens dimittit, nisi pactione aut victoria alterius partis ad solennem ejurationem adactus. Quod in nostris Imperatoribus non tantum factum non est, sed ne quidem publice controversia de titulo unquam mora fuit. nisi quis unius & alterius

terius Constantinopolitani Imperatoris irritas statim & efficaciter nugas velit huc asferre.

Ut autem res tota clarius enitescat, paulo altius & supra annum 1125. historiam repetamus, imo ab initio sæculi undecimi. Sigonii, plena est auctoritas: qui Germanis nihil nisi evidentia veritatis adactus concedit. Illustis confessio legitur principio libri VIII. de regno Italia: Italici, qui illustres duos, Regni Imperiique titulos ad exteros rursus esse translatos, pro insita animi magnitudine acerbe ferebant, ut tribus regnantibus Ottonibus multa pro antiquo decore repetendo moverunt, sic Henrico, Conrado, & Henrico II. subinde rerum potentibus prorsus nunquam quieverunt. ceterum quemadmodum rebus novis studentes ab his quoque, quos dixi, regibus virtute opibusque compressi sunt. hoc libro narrare pergemus. De his ergo Imperatoribus nulla est quæstio. Sub Henrico III. (ut Sigonius numerat: nam aliis IV. est) spes tantum & occasio & conatus libertatis parandæ, sive, ut verius loquamur, rebellandi affulsisse videbatur. qua de re initium libri IX. agit. Imperium inde Henrici filii (IV. ipse, alii relictus V. numerant) novum quasi stabilienda libertatis ac dominationis initium ab Italicis ipsis est habitum. Adhuc debili pede, neque ad jus, sed ad factum demonstrandum hactenus proceditur. Sed initium libri XI. parum à confessione injuriæ abest. Præmittitur: Quod Henrico Rege aut PATIENTE, aut certe NON VINDICANTE, Mediolanenses cum vicinis instituerunt, ut de omnibus controversiis inter se non jure judicioque contenderent, sed bello armisque decernerent, id proximis Regibus Lothario & Conrado rerum potentibus pleraque omnes civitates facere perrexerunt. Favit autem nescio quomodo eorum cæpius consiliisque fortuna: quod Reges ipsi Germanici sedandis seditionibus occupati aut RES RESPICERE ITALICAS NEQUIVERUNT, AUT DEMUM IN IPSO CONATU RERUM EXTINGTI subito decesserunt. Quid clarius? Non minus constitit Italicis de suo facinore, averfis scilicet legitimi Principis oculis conficiendo, quam de animo Principis jus suum minime neglecturo. Venimus nunc ad illa tempora, quæ designavit Blondellus, & ad Lotharium Henrici V. suc-

C

cesso,

1002.

1056.

Sigon. lib. X.
de regn. Ital.
pr.

lib. XI. de re-
gnolial,

1136.

1137.

cessorem, quem statim probrose notat, & Pontificis carmen (magnæ scilicet auctoritatis in propria causa) longe deterius, quàm ipsi fere unquam voluerunt Itali, intellectum præscribit. Est autem insignis impudentia, eum ab omni Imperatorio jure excludere in Italia, qui in secunda expeditione Italica Jus Imperatorium exercuit tanta auctoritate tantoque successu. Idoneum testem iterum citabimus Sigonius, citra ambages memorantem: ut pleraque armis & conditionibus occupaverit; ut occupatas terras Principibus beneficii loco attribuerit; ut populos & civitates contendentes judicaverit; ut Ducem Apulia dederit; ut denique Imperatorio nomine & auctoritate apud omnes valuerit in Italia. An, qui hæc fecit pro Rege & Imperatore, solam coronam titulumque re sua vacuum, consecutus dici potest? Quanto candidius & peritius Sigonius judicat? cujus ipsa verba arguent Germanici nominis obtrectatorem. Ponemus aliqua: Ad lacum Benacum progressus (Lotharius) castrum Ganda; ad Padum, Vardaſtallum recepit, atque eorum utrumque Henrico genero beneficii loco attribuit, — Italici lites, quas initis dirimere certaminibus instituerant, continuo ad illius judicium revocarunt. Subjicitur Mediolanensium & Cremonensium controversia, ubi Cremonenses hostes judicati sunt. Cremenses à Cremonensibus accusati, quod, cum ex comitatu diocesisque sua essent, ad Mediolanenses defecissent, cum compellati die dicta non affuissent, Lotharii sententia condemnati. Ponitur inde lex in conventu Roncaliensis lata, cujus hoc proœmium est: Cum apud Roncalias secundum antiquorum Imperatorum consuetudinem pro justitia & pace regni comparanda consideremus, omnia, quæ ad honorem Imperii Romani spectare videntur, solcite indagantes &c. — In causa Rinaldi & Pontificis Innocentii Lotharius diem VII. Idus Julias ad causam cognoscendam constituit: atque utriusque partis patronos in consilio ad illam diem adesse præcepit. & in hoc judicio, privilegia Imperatorum Caroli, & aliorum, trium Ottonum, quatuor Henricorum, & unius Conradi, æquum esse dixit Lotharius, ut ab Innocentio servarentur. In sequentibus nota, quod Legati

Legati Pontificis accusarunt monachos Cassinates, ut qui cum Rogerio Siculo adversus Ecclesiam atque IMPERIUM conjuraverint. Ecce æquiores Blondello Pontificios legatos, qui auctoritatem Imperii & Imperatoris in Italia agnoscunt. Et Lotharius respondit, se id monachis condonare, quod scilicet contra se peccassent, & in Imperium & Imperatoris auctoritatem conjurassent. In Ducatu quidem Apuliæ conferendo in Ranulsum lis aliqua inter Imperatorem & Pontificem exorta est, de qua Orto Frisingensis: in dando Ducatu inter ipsum (Lotharium) & Romanum Pontificem pane controversia orta fuit, utroque Ducatum Apuliæ sui fore juris affirmante: qua lis consilio tandem hoc modo decisa dicitur, ut in dando Duci vexillo utrique manum adhiberent. Hinc utique constat, Imperatorem, licet Pontificem pro sua in eum facilitate & reverentia, in societatem investituræ admiserit, suum jus nequaquam abdicasse, aut credidisse, Imperio & Imperatori nihil hic juris esse. Et, ut iterum appareat, quanto æquiores sint nobis Itali, quorum tamen res agebatur, quam Blondellus; credidit Sigonius: Lotharium lege sanxisse, ut ex uno jure civili Romano posthac judicia fierent: cuique legi in Italia obtemperatum esse, cum Italici ante alii Longobardico, alii Salico, alii Romano jure uterentur. Non dico de historia, sive, ut eruditi demonstrarunt, fabula: sed quod illi, qui ita crediderunt, eadem opera jus Lotharii in Italia sive potestatem legislatoriam agnoverunt.

add. Conrad.
ring. de Fin.
in Addend.
pag. 836.

l. XI. de regn.
Ital. p. 272.

De Conrado, qui Lothario Saxoni successit, eodem fastu & elato supercilio Blondellus decernit, quod Casarem agere, & quicquam Domini Imperiique Romæ retinere, ultro noluerit. Allata historia Orthonis Frisingensis id non evincit. Non enim sequitur: Conradus Romanis adversus Pontificem tumultuantibus noluit suam auctoritatem accommodare: ergo omne imperium in urbem Romam abdicavit. Certe hoc non sensit Frisingensis, qui paulo post disertis verbis, Eugenio, inquit, in urbe Roma sedente, CONRADO IN EADEM, Ludovico in Occidentali Francia REGNANTIBUS. Quanto rursus meliori fide & candore Sigonius, & excusat magno studio Conradum, quod in Italiam, sicut

lib. I. de gest.
Frid. I. c. 21.

lib. I. de gest.
Frid. I. c. 34.

l. XI. de regn.
Ital.

destinaverat, venire & coronam accipere non potuerit, & animum vindicandi jus suum, recuperandique à rebellibus occupata, nunquam omiserit, nec auctoritate Caesaris ac nomine in Italia caruerit. Plura sunt, quàm quæ huc transcribi debeant testimonia. Apud eundem Historicum legas: Anno 1139. Genuenses à Conrado Rege pecunia signanda jus impetraverunt, itaque in hunc usque diem accepti beneficii monumento nummos aureos ipsius Conradi Regis nomine signant. — Placentini etiam jus signanda pecunia à Conrado obtinuerunt. Non factum esset hoc, si nulla Conradi, ut Imperatoris Romani, in Italia auctoritas fuisset: aut si regni Italici solam coronam titulumque, re vacuum, quod Blondellus criminatur, tenuisset Conradus. Et quandoquidem Pontificibus omne jus Imperatorium per hæc tempora tanto conatu vindicat Blondellus, valere utique debet contra ejus sententiam id argumentandi genus, quo ipse utitur. Si enim, ob novarum rerum molitores, & rebellium defectionem, Imperatori jus suum periit, quomodo ergo Pontificibus salvum esse dicet, ex quo contentio Romanorum adversus Innocentium instituta, omnes deinceps Pontifices usque ad Clementem tertium exercuit.

Sigon. XI. de
regn. Ital.
p. 276

In *Friderico I.* cum non posset Blondellus de imperio in Italiam negare, imperium in urbem Romam Romanamque ditionem ei importune abjudicat. Operæ pretium est audire, quibus argumentis. *Roma urbe, inquit, exclusus est. A quibus? scilicet ab iis, qui sua confessione rebelles, cum antea Imperatoris nomen & jus verbis agnovissent, non ex voto accepti, mox animum mutarunt. An rebellium & usurpatorum facto, quisquam suo jure excidit? Deinde, annon Pontifex quoque Hadrianus urbe tum exclusus est, & alias alii? quibus tamen jus in urbem firmum certumque esse vult Blondellus. non laudabili sophismate iterum gravissimam orationem Friderici, de jure suo Imperatorio in urbem Romam, silentio transmittit, Orthoni Frisingensi plenius, Sigonio summam describam. Quæ tamen (quod notatu dignum) habita est, Pontifice apud Imperatorem tum agente, & sciente, qui contradicere certe*

de gest. Frid.
lib. 2. c. 21.
lib. 12. de r. l.
20, 1136

certe debuit tantæ asseverationi, si solus sibi in urbem Imperium vindicaret. Festivus vero est *Blondellus*; cum ex consilio Pontificis de ingredienda urbe, ad denegandam ditionem progressus, Imperatori nihil nisi advenæ conditionem reliquit: quod nec *Sigonius*, neque modestiorum hominum quisquam ut faceret, ulla re adductus est. Vim argumenti novam & inauditam! *Qui ab urbe aliqua seditione civium excluditur, & comneatum non impetrat, & ab alio præsidium in parte urbis habente, consilium accipit immittendi in tempore & loco suum exercitum; is nullum jus in urbe habet, sed ut advena ab eo, qui consilium dedit, & munitionem aliquam ejus urbis insedit, introducitur, ejusque jus in urbem agnoscit.* Tale quid nec Pontifex ipse ausus esset tum affectare. Et, cum post hæc insolescens, Imperatorum comitatem & officia reverentiæ, male affectato juri vellet præterdere, acerrimum habuit contradictorem *Fridericum*, cujus responsa & literæ apud *Historicos & Goldastum* in obvio sunt. Debuisse addere *Blondellus*, ut constaret ipsi ratio horribilis philosophiæ: *qui ab obsidione urbis tumultuantis pestis in exercitum grassante revocatus est, quo minus posset eam in ordinem redigere, ille jus in illam urbem non habuit, aut amisit.* Ad integrandam enim historiam pertinebat ita argumentari. Nonne autem *Fridericus* in patrimonio *Petri*, quod vocant, sodrum exegit? nonne *Magistratus S. Petri* in urbe nihil derogare respondit juri Imperatoris *Romani*, cujus ipsum nomen confessionem imperii in urbem significaret? Et sane Pontifices coronando & vocando Imperatorem *Romanum*, idonei sunt de jure in urbem *Romam* testes. neque tam facile probatur, quam dicitur, & à *Blondello*, quasi certum sumitur: inane nomen, nudam coronam esse. Nulla corona indotata capiti Principum imponitur. Non est dissimilis iis, quæ præcessere, clausula. Ita enim, satis violente, *Blondellus*: Si caruit *Fridericus* Imperio *Romano* proprie dicto, qui in alium transmittere potuit? si caruit. Atqui non caret jure, qui usu juris, facto injusto alterius prohibetur. Aut si id carere vocat, crassius loquitur, & male objicit Imperatoribus rebellem

insidamque suis longo jam tempore Roman;

v. Sigon. XII.
de regn. Ital.
1197. & 1199.

Gunth. Ligor
lib. 1. p. 142.

hist. sui temp.
tom. 1. libr. 1.
pag. 5. edit.
Flor. 1550.

Sigon. XII. de
regn. It. 1159.

de regn. Ital.
l. 14. p. 327.

Indid.

Saltem adversus Pontificem, cui tamen *Blondellus*, quasi per monstrum doctrinæ in gente *Reformatorum*, tam firmum jus tribuit, nihilo minus valeret ratio, de Romanorum vel genio vel facto. Notus est *Pauli Jovii* locus: *Romani sive pristini decoris & antiquæ libertatis memores, sive ut sunt natura turbidi atque feroces, sacerdotum imperia, quod plerique eorum parum moderate avareque imperitent, æquo animo ferre non possunt.* — Cepere aliquando atque interemere *Bonsacium Octavum*, hominem quamquam factiosum, morum tamen ac literarum dignitate venerabilem: quin & *Eugenium*, eximia virtutis Pontificem, sede atque urbe immaniter expulere: alios palam expugnare armis, alios conjuratione facta, ac obsessis itineribus in maxima vita atque amittenda dignitatis pericula conjecere. Rectius judicant, quibus in conventu *Ronalien*si probata est ratio *Friderici* dicentis, se velle jura, quæ *Lotharii & Conradi* suorum decessorum incuria oblitterata, atque ab *Italicis* usurpata sunt, repetere, ac novis institutis stabilire. Quod de incuria decessorum dicitur, vel ad quædam pertineat, non ad omnia, cum de diræ necessitatis impedimentis supra dictum sit; vel significet nihil aliud, quam non vindicatum jus, quantum ad eventum actumque: vel (neque enim omnino negari potest) revera non tam strenue se adhibuerunt in suo jure vindicando *Lotharius & Conradus*, sicut facere debebant. Iterum enim repetit illam querelam *Fridericus* anno 1171. apud *Sigonium*: Si *Lotharius & Conradus* acriores se & promptiores in Italia coercenda ferocia præbuissem, haudquaquam sibi tantum ad eam retinendam laborum fuisse ac periculorum exhauriendum. Quam sit porro falsum, quod *Blondellus* de *Friderici* secundo adventu ait; cum postea *Romam* ante annum 1167. eam frustra obsessurus non redierit: iterum vel *Sigonii* historia ostendit; unde discimus, *Fridericum* capta urbe & civibus pace data, obsides accepisse, *Paschalem* restituisse, *Alexandro* profugiente; postmodum, peste in exercitu oborta, *Paschali* *Roma* cum præsidio relicto urbe discessisse. An hoc est, frustra obsidere urbem? Mirum, quod non etiam attulit fabulam de collo Imperatoris à Pontifice calcato, & hinc felix *Logicus* argumentum nexuit. Legenda hic omnino & *Blondello* fortiter

titer opponenda sunt verba Sigonii ex principio libri XV. de regno Italia : *Quin etiam Fridericus Imperator cum multa ex ditione Ecclesia oppida in Marchia, Umbria, Etruria & Romaniota occupata teneret, non modo non ea restituebat, sed proxima quoque affectare se ostendebat.* Extat etiam gravis totius dissidii inter hunc Imperatorem & Pontifices, ac impotentibus studiis partium libera consignatio apud Petrum de Marca, Archiepiscopum Parisiensem, virum doctissimum, in opere de concordia Sacerdotii & Imperii. lib. c. 1. §. 2.

De Henrico VI. itidem mira ratione argumentandi utitur Blondellus : Si Henricus una conditione coronam nomenque Imperatoris promeruit, ut Tusculum sibi fidum Romanisque infestum, ne quid Romani periculi ab eo, quod tanquam servitutis sue instrumentum exhorrebant, deinceps experirentur, diruendum tradere coactus est; quid sibi potestatis qua coercerentur, retinuerit, aut quid urbis subjectaque ditionis universo dominio excussus à Papa Romanisque præter nudum nomen & insigne re sua vacuum obrinuerit? Valde rhetoricandi se peritum ostendit, qui verba Godefridi Monachi, tam horribili glossa extendit. ad ann. 1191. Scilicet, si Imperator coronandus Pontifici petenti aliquid concedit, quod sæpe factum est, inde à primo ortu Pontificiæ coronationis; ea ratione coronam nomenque Imperatoris meretur: rem optimo jure debitam sibi, neque nisi per nefas ab ullo Pontifice denegandam, aut in dubium vocandam. An aliter loqueretur, qui omne Cæsarei fastigii arbitrium vel conferendi vel adimendi Pontifici in solidum vindicatum cuperet? quod præter adulatores curiæ Romanæ nemo unquam fecit. Quomodo autem ex eo, quod Tusculum Romanis tradidit, id est, compedem urbis refractariæ, eo ipso omni se in urbem jure abdicavit? An qui fidem urbis alicujus sequitur, neque vim adhibet, sive vim remittit, ideo jus suum in urbem amittit? Quàm bene ac prudenter, facilitate illa usus sit Henricus, non exquirimus. sed juris sui adeo post hæc immemor non fuit, ut querantur, qui juris Imperatorii vindicias, injuriam Romanæ Ecclesiæ vocant, quod Henricus oppresserit Rom. Ecclesiam, sicut antecessores ejus.

in Chro-

pag. 103.

de regn. It.
l. 15. p. 349.15. pag. 351.
ann. 1193. &
pag. 353.Sigon. 15.
pag. 355.

Pag. 337.

in *Chronico Belgico Magno*. quibus hoc verbo nihil aliud exprobratur, quàm quod juris & imperii in Romanam urbem & ditionem memores se retinentesque præbuerunt. Sed quod tanto Polyhistori ignotum esse, aut etiam dissimulari non debuit, male & non integre ex *Godefrido Monacho* illa historia refertur, quæ ex *Sigonii* accuratioribus monumentis omnino peti debuerat. Inde constat: de rebellionem Romanorum, à qua sejuncta fuit causa *Celestini Pontificis*: in cujus manus *Henricus* tradidit *Tusculum*, adversus Romanorum odia patrocinio defendendum. Eam rem cum Romani probassent, & ut legem concordie accepissent, digresso Imperatore, fide rupta Pontifici per vim admotam *Tusculum* extorserunt. Quam hinc alia rerum facies, & à *Blondellianis* glossis diversa emergit? Ex eodem *Sigonio* discas licet; *Henricum Pontifici* multam ditionem ademisse, & Imperio vindicasse: *Duces Tusciae* ac *terre Mathildis*, *Ravenne*, *Ancona*, *Spoleti* constituisse.

Sequitur de *Philippo* *Henrici* fratre, & *Ottone IV*, quo tempore interregnum decem annorum ab aliis ponitur: longe diversa à *Blondello* scilicet sentientibus. Iniqua autem Pontificis odia non omisit arguere *Urspergensis*. ex quo etiam diligenter notabis contra *Blondellum* ista, quando de reconciliando Pontifici *Philippo* actum est: *A legatis Principum inducitur Papa*, ut velit permittere, quatenus regnet *Philippus*. Ast propter hoc (ut retulerunt nobis viri veridici) promittitur Papa, quod filia Regis daretur in uxorem filio fratri sui *Richardi*, qui jam Comes fuerat effectus Papa suffragio, NEC STATUIT PAPA REPETERE TERRAS, QUAS MULTOTIENS AB IMPERATORIBUS REPETERE CONSUEVERUNT ANTECESSORES SUI, in *Tuscia* & *Spoleto*, & *Marchia Ancona*, sperans, quod in potestatem nepotis sui per predictas nuptias possent devenire. Antea autem, tanquam *BONA ECCLESIAE* injuste obtinentem, communione sacrorum excluderat, ut est apud *Sigonium*. Hæc *Urspergensis* verba neque *Philippum* pariuntur in illo *ἱστορικῷ* consistere, quo detrusum cupit *Blondellus*, cum de jure Imperii Romani in ditionem, quæ Pontificis habetur, quæstio incidit.

Ott

Otto IV. quomodo terras, quas S. Petri vocant, Imperio vindicaverit, atque adeo ditionis Romana compos fuerit, nemo Historicorum tacuit. Et quamquam, violatum in eo esse jusjurandum, quod Pontifici præstitisset, conquerantur, inter ipsas querelas non dicunt nihil pro Ottone, Godefridus ille, qui Blondello fundus est, ait: factum esse jusjurandum ab homine novo & rei nescio; deinde post consecrationem, à magistratibus & potestatibus revocatum & prohibitum esse, quo minus restitueret. At Sigonii luculenta est narratio: Otto urbe egressus in urbibus Etruria concedit, ac de more summi adhibitis Jurisconsultis, jura regni diligenter inquirere tanquam ea constituturus, incepit. Cum autem quedam oppida in Etruria à Pontifice, alia vero in Campania à Friderico modo vacante Imperio, occupata comperiret, quæ ad Imperium sive regnum pertinere putaret, nulla Pontificis ac sacramenti sui habita ratione, militibus protinus immisis recepit. Addantur sequentia, ubi nominatim recensentur plura: & Urspbergenfis narratio. Habere hic locum quodammodo potuit, quod postea à Friderico II. usurpatum est; qui dixit: se ex primo suo sacramento Imperii jura tueri, & dispersa congregare debere. Quid ad hæc Blondellus? Per hæc, inquit, odium Pontificis incurrit, & ab eo excommunicatus est: ergo nihil veri in Romanos & Romanam ditionem dominii consecutus, Romanorum Imperator non secundum esse, sed secundum dici fuerit. Quid protervius loqueretur emptus mancipatusque curiæ Romanæ vernula? Itane de Pontificiis illis brutis fulminibus, quæ nullo jure, nullo more in sacrosancta Principum capita vibrabantur consuetudine ejus temporis, judicat Theologus Reformatus? Non est leve profecto bonæ causæ documentum ex parte Imperatorum, quod excommunicare eos imo Imperio deicere illi ausi sunt, quibus nullum ejus rei jus esse aut fuisse unquam, nemo bene sanus negaverit. ne de ipsa serie rerum vitio gestarum aliquid dicam. Quanto æquius est nominari Ottonis fulmen, qui omnes populos, qui à se desciverant, proscripsit. Sigon. 16. Non enim possunt defendi, qui excommunicationem pontificiam, causam defectionis habuerunt, P. 17.

lib. XVI. 22.
1209.

Fridericum secundum non Augustalia tantum ornamenta Romæ accepisse, sed *Patrimonium*, quod appellabant, *sua ditione tenuisse*, *Jura Imperii & provincias ei debitas ex summo studio vindicasse*, consensu Historicorum constat. ut & illud: *hanc precipue illi cum Pontifice dissidendi causam fuisse*. Per dissidia autem ut priora, ita hæc ipsa, fieri aliter non potuit, quàm ut quidam Pontificis, alii Imperatoris partes sequerentur, quare & Gibellinorum & Guelphorum certamina dirum in modum per hæc tempora sæviebant. Quis hic sanus, etiamsi inter tanta certamina pars Pontificia aliquid Imperio debitum occupasset, jus Imperii propterea extinctum, possessoribus stabilitum assereret? Quis, si Imperator in ipso recuperandi vindicandique actu morte præventus, aut rebellionibus ac defectionibus debilitatus, absolvere cœpta non potuit, jus Imperii interiisse judicaret? Quis errorem eorum, qui Pontificia anathemata, ut oracula veneranda esse persuasi erant, vero juri cujusquam hominis præjudicio esse debere contenderet? *Blondellus* adversus hæc omnia, quasi opertis oculis, excerpit infortunia quædam: *Seditionem*, inquit, *moverunt Romani adversus Papam*; ergo *ante seditionem Papa paruerunt, non Friderico*. Quali vero Fridericus quicquam Papæ juris concessisset, nisi *salvis jure & honore Imperii & suorum regnorum*. quæ exceptio, etiam si verbis non expressa esset, naturaliter subintelligeretur; & Friderico tamen solennis fuit, apud *Sigonium*. *Amplius insonat: Viterbium amisit, & recedere coactus est Fridericus*. Scilicet ut fortior postea respiraret, in SUOS REBELLES insurgendo. Sicut ipse, quem testem citat, loquitur *Matthew Parisiensis*. Ille de mutatis fortunæ vicibus & Paparum desperatione fugaque amplius docere poterit: ille, utut metuens à Pontifice dissentire, diligentissime Friderici apologias & actionem adversus Pontificem, adeoque jura Friderici consignat; nec sine *inimicitia* ut cum dicit: Pontificis *invektivas Imperialem epistolam, licet PROBABILIA* contineret, *suspectam reddidisse*. ut cum refert: *Dominus Imperator admirans, quod robur Romanorum numis enervatum à*

con-

p. 421. edit.
Tiguri 1606.

constantia sua subjectionis debita & fidelitatis tam fiducialiter promissa recalcitravit, permittendo in eundem Imperatorem, Dominum suum naturalem, sententiam excommunicationis inferri in civitate, scripsit curiæ R. Cardinalibus & Senatori Urbis & Romanis. ut cum defectores omnes comparat hominibus temporariis, qui fortuna sequuntur serenitatem. ut cum Landgravium ait dilexisse Imperatorem, & Romana curiæ, inimicos & æmulos Friderico quærentis, odisse cavillationes. ut cum ait, quæsitissimas adversus Fridericum criminationes multos potuisse erigere, nisi Papales ejusdem Friderici adversarios, avaritiæ, simoniæ, & usuræ, aliorumque vitiorum macula coinquinassent. Sed curiæ quidem Romanæ corruptelas infinitis locis facetur deploratque. Cur non excerpserit ex Mattheo cordata illa testimonia, unde de jure Friderici & injuria Pontificis non obscure constare potuit? Gravissima sunt Regis Galliæ verba, quibus Pontifici respondetur: Quo spiritu vel ausu temerario Papa tantum Principem, quo non est major, imo par inter Christianos, non convictum vel confessum de objectis sibi criminibus exharedavit, & ab apice Imperiali præcipitavit? Qui si meritis suis exigentibus deponendus esset, non nisi per generale Concilium cassandus judicaretur. De transgressionibus suis non est hostibus suis fides adhibenda; quorum Papa dignoscitur esse capitalis. Et quæ sequuntur, valde consideratu digna. consimili gravitate Sacerdos Parisiensis jussus excommunicationis formulam è suggesto publicare: Audite, inquit, universi: accepi in mandatis, ut candelis accensis, & pulsas campanas in Imperatorem Fridericum seram sententiam solennem. causam autem ignorans, non ignoro gravem controversiam & odium inexorabile motum inter eos. Scio etiam, quod unus illorum alii injuriatur: quis cui, nescio. Sed illum, in quantum se mea extendit potentia, excommunico, & excommunicatum denuntio, alterutrum istorum, videlicet ipsum, qui alii injuriatur, & absolvo injuriam patientem, quæ tam damnosa est toti Christianitati. Si aliquid ex hac indole hausisset Blondellus, non semper injurias, & facta Pontificum nullo jure nixa, adversus jura Imperatorum allegaret, cum præsertim talia peræque Pontificibus

Pag. 474.

Pag. 488.

Pag. 589.

Pag. 738.

Pag. 500.

Pag. 635.

bus (quibus ipse tantopere cautum vult) nocere debeant; si suarum in disputando legum memor esse velit. Digna est, quæ legatur apud eundem *Matthæum Parisiensem* disputatio populi Romani, sibi jura Pontifici nullo modo obnoxia vindicantis.

De interregno XXIII. circiter annorum non opus erat dicere. Sed, quanto rectius judicaverint ipsi Pontifices Romani, quàm *Blondellus*, manifestum est. *Blondellus* ad abolitionem Juris Imperatorii in ditione Romana, id intervallum retulit. At, non ita sensit Pontifex Nicolaus, qui à Rodolpho I. post interregnum Imperatore Electo, pro vicariatu Etruria restituto, *Romaniola Comitatum* poposcit, quem Reges jam inde à *Friderico I.* sibi in magna contentione retinuerant, cum ad jus Ecclesiæ ab antiquo pertineret: sicut apud *Sigonium* loquitur.

ann. 1278.
l. 20. de regn.
Ital. p. 118.

A Rudolpho I. omnibus Austriacis Imperatoribus insolentius insultat *Blondellus*. Rudolphum nominatim criminatur, quod nec Rom. Imperatoris nomen nec coronam à Rom. Ecclesiâ consecutus, nihil de patrimonio Petri possederit, aut ad successores transmittere potuerit: tum quod accepto à civitatibus Longobardicis aliisque in Italia, pretio regni jura infringi passus fuerit. Sed notum & alibi demonstratum est, Nomen Imperatoris Romanorum & coronam sive Jura Imperii Romani, non competere Imperatoribus nostris per & propter cærimoniam coronationis Pontificiæ, sed per Electionem Principum Germanorum, olim communiter; ab aliquot sæculis, à Collegio Electorali factam. sicut ipse Pontifex publico testatoque diplomate jam *Ottonis I.* tempore agnovit. Neque obest huic assertioni, quod nonnulli ante coronationem Pontificum se Reges tantum Romanorum dixerunt, non Imperatores Romanorum. Id enim nil juverit *Blondellum*: quia Rex Romanorum non minus jus in urbem Romam notat, quàm Imperator Romanorum. Deinde nulla necessitate, sed liberrimo arbitrio factum id est ab Imperatoribus. unde, si qua suspicio aut ratio majoris rei se offerret, aliter factum est. Sic *Maximilianus Primus* in Italiam profecturus, Tridenti titulum Impera-

Ger. de Roo
lib. XII. pag.
497.

peratoris Romani, pro Rege Romanorum, assumfit, & publice promulgavit: & in hunc diem optimo maximo jure, nec repugnantibus Pontificibus, Imperatores Romanorum, etiam Romæ non coronati, vocantur. Perpetuo autem liberalitatem & beneficia Cæsarum adversus Pontifices Blondellus, pro abdicatione omnis Juris Imperii, quasi de plano, arripit. Verum nec potuisse vel Rudolphi vel Alberti vel Caroli IV. aut ullorum Cæsarum donationibus, alienari ea, quæ sunt Imperii; neque non reservatum esse summum jus Imperii in Romanos (de quibus *Blondellus* potissimum est sollicitus) ostendit, & nobis disputationem ampliorem lucrifecit doctissimus *Conringius* in præcellenti de *Finibus opere cap. XX. & XXI.* Unde etiam corruunt *Blondelliana* carmina in numerum extensa: *Germania Imperatores Romam Romanamque ditionem ab anno 1273. adeuntes in ea ut hospites in alieno vixisse, nullumque in Romanos & circumposita regionis populos imperium habuisse, sed Ecclesia Romana supremum in temporalibus dominium agnovisse: adeoque Imperatores Romanorum nec re ipsa fuisse, nec dici, nisi abusive admodum potuisse. & quæ plura, non falso minus, quam cum contumelia eruât. Rectius in Theologia sua ætatem fatigasset, quam in iis rebus, ubi non potest discernere possessionem dependentem à summo alterius jure, & independentem prorsus: tum intelligere dominium utile, etiam plenum; quod non excludit jus superioris. In primis autem nisi plane voluisset in tenebris micare, debuit requirere *Acta publica & monumenta authentica*, unde Cæsaribus & Imperio disertis verbis adimeretur jus in urbem Romam. Hic Rhodus hic saltus. in quo profecto crus fregerit, vel celeberrimus controversiarum defultor.*

In hac confusa sed audaci asseveratione, rursus fraudem commisit *Blondellus* non reticendam. cum enim de omnibus ab anno 1125. Imperatoribus disputationem instituisset, eosque quicquam in urbem Romam aut Romanam ditionem juris obtinuisse, impudenter negasset, postea ad Austriacorum Cæsarum nomen versus, rimam

sibi elabendi reperisse visus est, si omittere posset *Henricum VII. Lucelburgium*, & *Ludovicum Bavarum*, ut omnis Juris Imperatorii, ita in Italiam & Romam Romanosque, gravissimos vindices. ne scilicet cursus ille temporis, quem Pontificibus quasi ad usucapionem contra Cæsares procedere optavit, nimis manifesto interPELLARETUR. quamquam ne tum quidem, si abessent hæc juris tam potenter exerciti documenta, pervenire, quo vult, posset. Et de Henrici quidem VII. imperio in urbem, de latis per Italiam in victos legibus, factis in reos læsæ majestatis judiciis, exempla sunt omni exceptione majora. in quibus & renovatam *Legem Regiam* à Romanis ponunt; *Urspergensis* supplemento, & *Goldasto*, non omissam. cetera de Imperio in Italiam urbemque Romam candide denarrant *Albertus Argentinenfis*, *Conradus Vecerius*, *Aventinus* & alii. *Ludovico IV.* in asserenda Imperii & Juris Imperatorii auctoritate, egregiam navarunt operam *Ordines Imperii*: neque ejus rei finis est factus, donec veneno paricidiali optimus Princeps è medio sublatus est. Quade re non historia tantum, sed publicæ disceptationes, in *Monarchia Goldasti*, testimonium dicunt. Quibus addideris *Hervarti defensionem Ludovici contra Bzovium*. In *Caroli quoque IV.* historia, etiamsi pro se putet facere *Blondellus* nimiam ejus facilitatem adversus Pontificem, ad summam quæstionis & bonæ fidei pertinet, non dissimulari prius iter Imperatoris in Italiam, ubi *obsequia Italicorum*, ipsiusque *Romæ* non defuerunt: & posterius iter, ubi Senator Romanus quidam habita ad populum oratione vere ingeminavit; *Ecce Rex Tuus venit.* in *Paralipomenis Urspergensis*. Addendus est *Platina* in *Urbano Quinto*. Ex quo etiam observare licebit, circa illa tempora (de quibus loqui cœpimus) *Senatoriam dignitatem Romæ Imperatoris nomine gestam esse*. *Benedictus enim Duodecimus Legato demum misso Senatui populoque Romano persuasit, ut Senatoriam dignitatem, quam diu regio nomine gesserant, suis tandem & Ecclesiæ auspiciis administrarent.* Ejusdem *Platina* candor & modestia merito suggillare potest *Blondelli* pervicaciam

caciam in tuendis decretis partium studio à se factis. Non ille ἀρχαίαν Italicam, inter perpetua dissidia, rebelliones, tyrannides (quibus & ipsa Roma usque ad exitium conflictata est) vel ad Pontificum jura adstruenda, vel ad Imperatorum jura destruenda arripit, sed absentiam Imperatoris veram tot malorum causam judicat, jurisque Imperatorii minime dubii præsentio rem usum, ut remedium desiderat. Interim, inquit in Innocentio VII, cum & vero Pontifice & optimo IMPERATORE carent Itali: unicuique scelerato peccandi licentia data est. Fridericum III, Imperatorem loco & ritu solenni Roma agnovit: quando anno 1469. in fungenda publice cærimonia, cum in extremis verbis admonerentur turbæ, ut acceptæ gratiæ memores pro Romana Ecclesia & Pontifice orarent, additum est: Et pro Federico IMPERATORE NOSTRO. describente Jacobo Piccolomineo Cardinale. Et in precibus ex libro Apud Freher. carimoniarum apud Goldastum in Politicis Imperialibus, idem 10m. 2. p. 14. observes. Carolus V. Cæsar, quàm memor fuerit Juris Imperatorii, credamus par est Paulo Jovio. Adventanti Casari, inquit, tres Pontificis legati pressio fuerunt, ut eum Pontificia ditionis fines intrantem sacramento adigerent, quo de more jurare cogebatur, nunquam se pontificia libertati vim allaturum. Ea autem jurijurandi formula verbis rite conceptis ex sacris carimoniarum libris petebatur. Sed Casar, QUI IMPERATORII JURIS APPOSITE MEMOR, ITA JURAVIT, UT SE DE JURE SUO NIHIL DECESSURUM testaretur. De hoc tamen Principe, cujus victricia arma Italia expavit, Roma sensit, Blondellus fatetur quidem, quod Pontificem cum tota curia & urbe sub potestate habuerit, Romaque potens fuerit, sed glossis solitis indulgens addit: eundem violento & hostili dominatu sponte abdicato, Clementem VII. Papam in integrum restituisse, id est, ut ipse accipit, omni se Imperatorio jure abdicasse. Neque sufficit. Quid Jupiter Junoni in aurem dixerit, enucleate divinat Blondellus; & cur coronatio Italica Bononiæ non Romæ facta sit, impudentissima & conjectura & interpretatione in hunc modum promulgar: à Pontifice 1530. non Romæ, ne quid realis in Romanos

Paul. Jov.
lib. XXVII.
P. 87.

manos subjellamque ditionem potestatis consecutus videretur, sed Bononiæ, urbe Pontificia longe extra fines Romani Imperii Carolini posita diademate redimitus est. Primo, si quid realis potestatis in urbem, ubi coronatur, is consequi videtur, qui coronatur; quidni ergo Carolus in Bononiam saltem, ubi coronatus est, Pontificiam certe urbem, aliquid realis potestatis consecutus videretur? vel ex regula, quamquam non ex mente, Blondelli: si sibi consentanea vellet dicere. Deinde, quem horribilis hujus arcani auctorem laudat? An ita coningere licet de summorum Principum actionibus & consiliis? an coningere fas est, imo hariolari in iis, quæ dubia esse non patitur historia, & rerum series? Edisserat nobis non somnia Blondelliana, sed rem certam & notam Historicus Italus: Caesar multis de causis Bononiæ coronari statuerat, quamquam id antea Romæ faciendum esse decrevisset, ubi superiores Cæsares tanquam in sanctissima sacrorum sede & felici nationum ornatu domicilio, urbeque ipsa veteris imperii honore, antiquorum triumphus, & stupendis fortuna suprema monumentis longe clarissima, coronas legitimo jure suscepissent. Sed evastata urbis & nondum novis commodis sublevata calamitosa tenuitas, & opulenta suppellectilis ornamentorumque penuria Cæsarem avertabant, quamvis Romani ejus spe adventus ab omni tristitia & sordibus ad latitiam veteremque splendorem revocati viderentur. Erant præterea Cæsari multa opportuno statoque tempore in Germania peragenda. & quæ plura ibi sequuntur. Et, potestne homo quisquam, cui status ejus temporis non plane est ignotus, credere; Pontificem vel verbulo contradicendum fuisse, si Cæsar victor, & omnibus formidatus, voluisset Romæ coronari? Quisquamne fando audivit, Pontificem ullum suo juri Romano ita voluisse cavere, si Imperatorem Romanorum alibi quàm Romæ coronaret? In eos Imperatores, qui Carolum V. secuti Italiam nunquam ingressi sunt, jam suo jure debacchari videtur posse Blondellus: nominales Imperatores, Jus Imperatorium, ut merum ens rationis, & ut accidens sine subiecto cavillans. Imo (quod nemini credidissim nisi oculis meis) eo progreditur Blondelliana rabies in Cæsares, adulatio in Pontifices, ut dicere

dicere aufit : *Fuerint ergo in prasens potestatis suæ temporalis ac ditionis jure maxime propriæ , si titulum illum non aspernentur , (hui !) Cæsares , Augusti ac Romani Imperatores , Romani Pontifices : quorum in urbe , olim mundi domina , & prisca Cæsarium sede , totaque circumiacente regione , quæ Carlovingorum Romanum Imperium universum constituit , aliis quibuscunque re-gibus exclusis , summum Imperium est.* Quid audio ? nihil obstat , quo minus Cæsaris , Augusti , Imperatoris nomina sibi vindicent Pontifices , præter fastidium hujus honoris ? aspernantur scilicet hos titulos. Quam diverso vivimus ingenio mortales ? melius putassem de Pontificibus meriturum , qui dixisset : potuisse eos invadere hæc nomina , nisi modestia obstaret. Faveret huic opinionioni historia. Solus enim Bonifacius VIII. cum de Electione Alberti Imperatoris approbanda appellaretur , ea superbia usus est , ut diceret palam : *se & Pontificem & Imperatorem esse.* apud Gerardum de Roo. ceteri Imperatoribus iniqui , alia & varia causati , eo non excessisse leguntur. lib. 2. p. 62.

Sed nimis longum est , omnes Blondelli criminationes refellere. Quæ ultro concident , si inania & vana colorum , quos aspergit , abstergantur. I. enim , quod *de loci continua nec interrupta possessione , & honore solii , quasi loco affixi* jactitat : validissime adversus Pontificem , adeoque pro Imperatore facit , quod Pontifices LXX. per annos Romanam sedem , juxta ipsorum dogmata loco affixam & solennem , non obtinuerunt : sed Avenione , tamen pro Pontificibus Romanis haberi voluerunt , & à Blondello habentur. Cur ea hypothesis non æque Imperatoribus prodesset ? qua constaret , non in loco esse immotum fixumque jus , quo de sermo est. II. Et sane , contineri jure victoriæ citra dubium videtur potestas transferendæ sedis Imperii , retento priori nomine. Nihil solidi in-contrarium asferri potest. Nam argutatio de vocabulis , mille exemplis redargui potest. III. Ita de hospitio & domo , quæ Imperatores Romæ , tanquam advenas receperit , nugæ sunt canoræ , quas conficit Blondellus. An Princeps , qui provinciam totam in feudum

E

alteri

alteri tradidit, neque sibi peculiaria ædificia reservavit, sed in domo vasalli, aut alterius civis ejus provinciæ diversatur, quotiens accedit, propterea omne jus suum in illam provinciam abdicavit aut omisit? An in urbibus ditionis suæ, nemini in beneficium datis, nullum jus habet, si in civis ædes divertit, neque peculiarem domum sibi reservatam ibi habet? IV. Falsum est, inde ab Ottonis Magni temporibus Germanicum Imperium ita Romano opponi posse, ut hoc ab illo divelli queat. Eo ipso enim quod Rex creatur in Germania, est etiam (non Germaniæ tantum Rex, sed) Romanorum Rex, imo jure ipso Imperator, nisi quod interdum nomen Imperatoris differri potuit, sicut apud plures gentes in hunc diem, Reges optimo jure regnantes, ante solennia inaugurationis, non Reges, sed Reges designatos, aut aliter, vocari potuisse constat. Romæ enim, ab Ottonianis temporibus nihil relictum est suffragii aut arbitrii, quo posset denegare nomen Imperatoris ei, qui quo jure actuque factus est Rex Germaniæ, eodem jure actuque natus est jus Imperatorium, sive factus est Romanus Imperator. Unde &, citra contradictionem, hodieque est & manet Imperator Romanorum, ex quo tempore Roma tenetur sequi judicium Germaniæ. cujus invicti argumenti robur, quàm parum candide silentio prætermittere decreverit Blondellus, supra diximus. Quamquam enim Caroli Magni solium (cujus, & posterorum, ditionem unice in ore habet Blondellus) agnoscunt & tuentur Nostri Imperatores, adeo tamen non est omittenda Epocha Imperii Romani Ottoniana, ut vel sola ea rem adversus criminantium fabulas possit conficere. Qui ergo fatetur, Principes Austriacos à Rudolpho primo fuisse Germaniæ Reges (quod additur, seu Franciæ Orientalis, censura & explicatione opus habet) eo ipso, eosdem Imperatores Romanorum fuisse fateatur oportet. V. In beneficiis & amplissimis etiam privilegiis concessis, jus Imperii saluum intelligitur. Inde ab Ottone Magno (imo ulterius, sed hinc repeti sat est) formula jurijurandi apud Sigonium extat,

tat, quā feudatarii jurabant : *se fideles Domino futuros ad-* de regn. It. 74
versus omnes homines, EXCEPTO IMPERATORE AUT REGE. P. 176.

Atque ita Fridericus I. anno 1155. ob B. Petri Principis apud Goldast:
Apostolorum reverentiam Hadriano Papa civitatem dimisit Tiburti- rom. 2. const.
nam, SALVO TAMEN SUPER OMNIA JURE IMPERIALI, P. 334.

absolvit deinde Tiburtinos à fidelitate, quam Imperatori iura-
 verant, & præcipit, ut venerabili Papa fideliter assistant, de-
 vote serviant, atque sicut Domino suo devote obedire studeant,
 scientes, à juramento fidelitatis, quod nuper fecerint, se absolu-
 tos, SALVO IN OMNIBUS JURE IMPERIALI. Potuerunt

hi Papam dominum agnoscere, potuerunt solvi juramento fi-
 delitatis, illudque Pontifici jurare, salvo tamen jure Imperatorio.
 Iterum atque iterum notentur hæc adversus Blondellianas
 illationes: & simul de reverentiæ in Papam officiis jura
 Imperatoria non extinguentibus. VI. Parum sibi constat

Blondellus, & prout in partes sibi invisas aut dilectas inci-
 dit, in contraria quasi vento circumagitur. Cum de Præf. Apol
 Balduini & Philippi titulo Imperatorio, & de Renati An- XXXV. 3.

devagensis Carolique filii titulis regis agit, modeste sci-
 licet philosophatur: injuria succumbere, rebusque propriis ex-
 inde carere, infortunium esse non dedecus; vim majorem, quæ
 regnantium fortunas evertit, nec afflictorum titulos expungere, nec
 jura in possessiones dominiaque eis ademta abolere; regia dignitate
 regnique quo exacti sunt titulo, nequaquam excidere, quorum
 manibus sceptrum violenter excussus est, dominium his, non do-
 minii jus ab emulis ademtum esse. Additur: de titulis Regni
 Hierosolymitani, & Portugallia. An non vidit, si vicis

contra Germanos Romanorum Imperatores, quod vo-
 (quod quidem nunquam concedendum est) non minus
 pro his valitura, quos impugnat, quam pro his, quos
 tali disputatione tuetur? VII. Immanis prorsus est te-
 meritas Blondelli, ita tandem sibi triumphum canentis:
Tantisper, dum, quid de inveterato abusu statuendum Europa u-
niversa putet, expectamus, Austriaca gentis Principes ullos Roma-
norum Imperatores reales fuisse, pro jure nostro negaturi sumus.
 Itane abusus inveteratus hic est? quorum opera invetera-
 vit? nimirum totius Europæ (& amplius) studio, sensu,

stilo, recepta est juris veri & solidi significatrix formula: quam vel sola consuetudinis tam inveteratae auctoritas, tueri idonea esset. unde magnificum argumentum struit

P. 257, & 258. *M. Antonius Dominicus JCrus, Assertor Gallicus, pro Regis sui honore & dignitate, extenso in longius toto loco ac testimoniis referto; cujus est initium: Hac quippe consuetudine regitur non potentia, ut recte advertit Menochius Philippi 11. Regis Hispania in Ducatu Mediolanensi Consiliarius à secretis: Is judicandus est, inquit, major & dignior, atque ita ceteris anteponendus, qui pro veteri more & consuetudine ita habitus est, & vere hac est omnium sane sententia. His suffragatur Baldus &c. non enim describere totum locum placet. Sed Europa scilicet, quem invexit, abusum emendabit? sive potius Blondellus Europæ totius hac in re criminator, ad mutandum consensum tam diuturnum, stilum tam studiose receptum, Europam impellet sua auctoritate, & ratiunculis. Efficient illa nugamenta, ut in Concilio totius Europæ, Imperatori nostro, titulus Imperii Romani abjudicetur, Pontifici adjudicetur. Et quoniam expectavit, dum hoc fiat, cur interim negavit, cur interim privato ausu stilum publicum, inceslere & mutare, id est, adversus antiquorum torrentem niti, quod alibi Chiffetio objicit, statuit? Hoccine est jus illud, de quo insonat: pro jure nostro negabimus? Bona verba. hoc jus nullum est, vanum est, & sine cujusquam approbatione, commentitium: ut privatus, auctoritatem totius Europæ, de abusu accuset, contra eam excipiat, imo decernat, & præjudicium unus contra omnes (Quiris an Senator sine suffragio?) faciat. Et expectavit ille quidem, sicut in fabulis*

rusticus expectat, dum defluat amnis.

An reliquit expectationis socios? neminem, puto, cui coarscit. Nemo Pontifex, nemo Regum Christianorum, Blondellianum consilium pro bono, sano, utili unquam habebit. Qui non videt rationes, omnium Regnorum & Principatuum rationes ignorat. Quare semper credidi; neque adhuc dubitandi ullam mihi video, vel probabilem, causam relictam, de mente omnium Europæorum & Chri-

& Christianorum Regum : nemo est, inquam, venerandorum & coronatorum capitum, vel etiam de Amicis eorum, qui non adulatorias per artes, sed gravitate & prudentia consiliorum locum in republica suum tenent, cui vel satis honestum, vel utile videri queat, obtestare Imperatoris Romani titulis & juribus. Quis enim non videt, eorum quidem Regum, qui ceteris potentiores habentur, & cum Imperatore Romano incomparabilem possunt trigam facere, rationibus interioribus prorsus repugnare id contentionis genus; reliquos autem omnibus argumentis ad contextum Europæ & communitatem pertinentibus, à tali proposito longius abstinere? Dicitum sapienti sat est, & jam pridem à *sacri & Romani* elogio, desinere hæc scriptio tendit in

IMPERIUM.

IN hac quoque voce ludos facit *Blondellus*, liberalis scilicet vult videri, si Augustis Cæsaribus nostris 1. nomen *Imperii* & *Imperatoris* concedat, quatenus *Imperium* significet dominium, nemini in terris obnoxium, sua vi adversus omnem vim nixum; & quatenus *Germania* alias multas nationes, quæ Imperiale sibi nomen vindicarunt, dignitate ac potentia longe superet. 2. hac conditione, ne *Imperium* & *Imperator*, absque adjunctione; neque cum adjunctione elogii Romanorum; sed *Imperium Germanicum*, & *Imperator Germaniae* dicatur. Satis imperiose adversus *Imperium* & *Imperatorem*. Sed in mala causa, cum ad sophistarum artes semel confugisset, nihil sinceri aut incorrupti adferre potest, si velit animo suo satisfacere. Quæstio erat de *Imperii* & *Imperatoris* significatione antiqua, prima ac primaria (in hac de Principatibus disputatione) & constanti usu propagata absque omni contradictione, dubitatione, mutatione. *Blondellus* affert nobis significationem novam, bene & hodie natam, secundariam, nunquam pro solenni receptam, sed paucorum arbitrio vel condonatam, vel relictam. *Imperatoris* enim vox, ex quo constitutæ à Cæsaribus monarchiæ

chiæ accommodata est (initio in Cæsare dictatore facto ; in Augusto, firmato prænomine) semper deinde significavit Romanum Principem : non alium ullum. Etiam absque adjectione *Romani* tituli. Per se enim Imperator, est Princeps Romanus. unde apud *Dionem Cassium*, in *παράλληλῳ* dicitur, ἰσὺν Ῥωμαίων ἀρχηγὸς ἔκ κρείττορ. An aliud significavit, cum Carolus Magnus dictus est *Imperator*, cum Otto Magnus, eorumque successores ? minime gentium. hæc una significatio in ore, in animo fuit usque in hunc diem toti Europæ, & omnibus, quibus res Europæ penitus innotuerunt, si paucissimos excipias barbare invidos. *Imperator*, inquam, & *Imperium* semper significavit Romanum Imperium : & Germanici Imperatores, ii intelligebantur, qui, in dignitatem ejus Imperii, quod Romanum vocatum est, successerunt. Igitur, si vel maxime stilum, non animum Blondelli quis sequens, *Germanicum Imperium*, *Germania Imperatorem* diceret, non aliter tamen, nec alius, ab ullo stili publici perito acciperetur, quàm illud regnum, quod Romani Imperii nomen & æstimationem meretur ac tuetur hætenus, indeque ipsum vocabulum Imperii gerit ; ille Princeps, qui ex jure Ottonum, ritu & significatione vetusta Imperatoris nomen habet. Cæcus utique sit oportet, qui non videt, toto cælo distare illa : quando *Imperatores* nostri, citra adjectionem *Imperatores* vocantur ; & quando alii *Imperatores Hispania*, *Imperatores Russia* (quæ jactantur exempla) appellantur. Hic enim ad alteram illam & novitiam significationem transitur : quasi *Imperii* & *Imperatoris* vox excellentius quiddam sonaret, quàm regnum, & Imperium id esset, quod pluribus regnis constaret, aut plurium regnorum viribus responderet. Ament hanc significationem quicunque volunt : nostrum *Imperium*, etiamsi hoc quoque nomine citra omnem controversiam excellit, altiore tamen auspicio appellationem suam metitur. Sunt hæc celebritatis, gloriæ, honoris nomina. in quibus interpretandis infra tyronem sapit, qui non animadvertit, quid intersit inter nomen Imperatoris nostris Cæsaribus debitum.

debitum, & aliis Principibus, ex alia scilicet causa, accommodatum. Et quamquam loquendi genus unum idemque videatur (si dicas Imperator Romanorum, Imperator Hispanorum) diversitas tamen maxima subest, tum quod altera appellatio auctoritate & usu publico invaluit, altera eousque non processit; tum quod celebritas & majestas Romani Imperii, supra omnia Principatuum elogia ascendit. Sicut & *Imperator Germania*, ut notare coepimus, longe aliam vim significandi habet, quàm *Imperator Hispania*. Ille enim, nomen Romanorum Principum, ex jure sæpius declarato, & cum respectu illius, gerit: hic, tale jus nec allegare potest, nec eandem appellationis originem ullo modo ostendere, neque denique eandem significationem præferre. Mirari hoc loco lubet, quod nec hodie desunt, qui suadere suis Principibus, an obtrudere æmulationem Imperatorii nominis instituunt. Nonne dicemus, hos ignorantes verum iter gloriæ, gloriosum putare, quod à magnitudine & gravitate animi, summis fastigiis unice digna, longius devertit. Cur enim imitari studeas, quod non assequare? Fallunt enim & falluntur, qui idem esse putant, aut æque magnificum, si dicas, *Imperator Britannia*, aut *alterius regni*, ac si nomines *Imperatorem Romanum*, aut *Imperatorem* absque adjectione. Et hoc posterius genus, sicut aliquid excellentiæ ostentare intelligitur, ita nemo vindicare sibi volet aut poterit. Quis enim omnium Regum se volet absolute appellari Imperatorem? Ex quo Cæsarium nostrorum prærogativa, clara in luce collocatur. De quorum antiquissima beneque fundata excellentia, cur nemo Christianorum Principum aliquid decerpere aut diminuere optet, nisi suis ipse & totius Christianitatis rationibus intertrimentum creare velit, magnæ sunt, & omnibus Blondellianis commentis, & inventis adulationis fortiores rationes. Sciunt, qui publica capiunt, nobis enim non licet esse prolixis. Quam agat parum bona fide Blondellus etiam cum Christianissimis Regibus, vel hinc constat, quod per speciem arcanæ scientiæ cordatissimis Heroibus affingit animum ab ipsorum indole

dole prorsus alienum, quasi in fovenda Imperatorum nostrorum dignitate & prærogativa, non serio agere, sed comiter more solito blandiri voluerint. Scilicet talia blandimenta per tot sæcula, tanta asseveratione alia aliis continuantur?

Sicut autem in *Imperatoris* nomine paratragædiat Blondellus; ita in *Cæsaris* & *Augusti* vocabulis mira & nova parturit. quæ verbo tangenda sunt, vel ideo, quia Imperii Romani propria hæc elogia censentur. Hæc quoque ut Imperatoribus nostris dubia faciat, non sufficit ei dicere, aliis quoque Principibus ea accommodari posse, sed nescio quæ somniare videtur. Si, inquit, eodem cum Moscovitis, quorum universa ditio extra veteris Romania fines jacet, sensu Cæsaris vocabulum Germanis usurpare libeat, ut quemadmodum Moscovita Principem suum (quia latissimum Imperium tenet, in eoque jure vere monarchico, quale Cæsarium in Romania fuit, utitur) Cæsarem non Romanorum, quibuscum illis nihil est negotii, sed suæ gentis ac regionis inscribunt; sic Germani Regem suum, quia late & vere monarchica Cæsariumque in vetere Imperio pari pollet potestate, Cæsarem suum scilicet non Romanorum, in quos ei nihil imperii est, nemo jure reclamaverit. Sed eadem ratione suum Franci, suum Hispani Regem, quia summo & vere Cæsareo Imperio uterque in ditione sua tremendus eminet, Cæsarem, si quando collubitum sit, verissime dixerint. Quot sententiæ, tot monstra. Scilicet à Moscovitis Germani exempla & rationem Imperii describendi & nominandi petent: à novitio dominatu, antiquissimæ appellationis interpretatio arcessetur. nam de vocabulo *Czar* Moscovitico, quod Regem significare periti tradunt & sciunt, nolo dicere. Scilicet Cæsar inde dictus & inter vocabula Principatus adscriptus est, quod jura vere regia & monarchica aut amplitudinem Imperii significaret. Scilicet Cæsar Romanorum, e. g. Trajanus Cæsar Romanorum, in Latinis formulis est. Hæc in literis, tali viro nemo condonanda dixerit. in republica vereor, ne multo minus excusare hominem ullus mortaliū ausit. An titulos sibi publicos & solennes, Principum quisque, si quando collubitum est, ultro accommodat?

dat ? An si , præter Imperatores nostros , alii Reges , se Cæsares dicerent ; id statim idem signaret , eandemque prorsus æstimationem subiret , quam in consuetudine totius orbis Cæsar sonat in elogiis nostri Imperatoris ? An credat quisquam , inter assiduos elegantiae aulicæ profectus , futurum quenquam , qui suo Regi suadeat , ut se *Casarem suæ gentis* , aut , sine additamento , *Casarem* vocet ? *Gerberti* , Cæsarem vocantis Lotharium Regem manifesta ratio est & disertis verbis explicata : *fatum Cæsaribus* , *Cæsarem* poetico more dixit. *Augustus* & *Cæsar* quid intersit , nec intelligit Blondellus. Facilius quivis Principum *Augustus* dici potest , quàm Cæsar. *Sanctum* enim notat Augustus. nota autem *sanctitas Regum*. Et dicuntur sane sæpius *Augusti* , Principes : sed oratorio fere studio ac more. monstrent nobis exempla , si possunt , quis Augustus eo more , formula , ratione dictus sit , ut nostri Imperatores dicuntur. Reguntur hæc omnia , quæ ad titulos pertinent , usu longi temporis , consensu & suffragatione gentium , auctoritate curiæ. Quæ omnia , inaudita quasi temeritate profanantem *Blendellum* atque conculcantem , si quis ferre potest , ille bono utatur stomacho oportet. Posset illa intemperies uberius exhiberi , & redargui , nisi jam in longius processisset hæc annotatio.

Supererat etiam , ut *Sacri Romani Imperii* , servata in hanc diem divinitus *æternitatem* singularia , quæ id faciunt longe lateque eminere , paulo accuratius in conspectum daremus : ut quantum instar sit , in Augustali fastigio ; in incomparabili Electorum & vere regio splendore , in Principum , inusitata dignitatis & potestatis prærogativa excelssissime florentium , numero & ordine ; in Civitatum , validissimi corporis robore & virtute rempublicam sustentantium , illustri collegio : per momenta civilis prudentiæ interiora exhiberemus. Sed expleto hujus scripturæ modo , satis habeo contra obsoletas nænias , novis coloribus imbutas , & temerariis obtrectationum stimulis perarmatas , asseverasse , inconcusso jure & vigore perstare , nostram

Rempubicam , atque in perpetuum audire & SACRUM & ROMANUM & IMPERIUM.

Iterum autem iterumque volo meminisse lectorem, non constitutum nobis fuisse, ipsum tam nobile argumentum tractare, & quid de singulis partibus disputari possit, in medium asferre: sed unice volumus, quæ petulanter & insolenter à Blondello jacta sunt, repellere. *Contumelias*, inquam, *adversarii refellere*, non *confirmare Imperii iura*, hæc dissertatio instituit. Multum enim differt utriusque instituti ratio. Ne quis existimet, *virum doctum inclementius à nobis habitum*, non veremur: si quis ipsius Blondelli verba expendat. id quod ab æquo iudice, nostro jure contendimus. Tam irreverenter, tam probrose summos Principes incessit, tam contemptim nationi nostræ insultat, ut interdum ne referre quidem intolerandas Germanis & ingenuis auribus injurias sustinuerim. Igitur ne dubito quidem, quin omnes, qui criminationibus responsionem comparaverint, meram moderationem agniture sint. Quamquam non mea sed Patriæ & sanctissimorum in terris Capitem causa indignanti mihi paratam apud omnes bonos veniam fore, satis scirem.

Corollarii loco adjecta.

I. Quæri potest, an Quintius contra Nabidem tyrannum bene disputer apud Livium (XXXIV, 32.) quando sentire videtur: jus tyranno & invasori, etiam dominatione cum oppressis quæsitum, adversus tertium parum valide allegari? In illis verbis: *Amicitia & societas nobis nulla tecum, sed cum Pelope rege Lacedamoniorum justo ac legitimo facta est. cujus jus tyranni quoque, qui postea per vim tenuerunt Lacedamone imperium (quia nos bella, nunc Punica nunc Gallica, nunc alia ex aliis occupaverant) usurparunt, sicut tu quoque hoc Macedonico bello fecisti.* Et: an hæc causa adversus tyrannum ei prodesse possit, qui jam cum tyranno rempublicam obtinente semel vel aliquotiens contraxit? Et: an potius artificiose dissimuletur jus tyranno post invasionem

nem quæsitum? Placebit hac vice, colloquii causa, Quintium defendere.

II. Masaniſſa non recte argumentatur in contro-
verſia finium adverſus Carthaginenſes, obtentu inter-
ruptæ poſſeſſionis apud Livium (XXXIV, 61.) illis ver-
bis : *Neque enim, de quo agatur, probare eos poſſe. per op-
portunitates, nunc illos, nunc reges Numidarum uſurpaſſe jus,
ſemperque penes eum poſſeſſionem fuiſſe, qui plus armis potuiſſet.*
Intervenerat enim & confeſſio regis, & terminatio finium
à Romanis facta : cui rex facile, qua erat apud Romanos
gratia, intervenire potuiſſet. Aliter & melius de *perpe-
tua poſſeſſione, aut interrupta diſputat Sulpitius adverſus An-
tiochum, apud eundem Historicum XXXV, 16.*

III. Legatus Pontificius in conventu Tulnensi, cum pericula Christianis à Turca imminencia, nisi Imperator sineretur vires eo vertere, exposuisset, Alios, inquit, Christiani orbis Reges & Principes in Germaniam oculos habere conjectos, neque aliquid prius moturos, quàm illum exemplo sibi præire videant, qui UTI PRIMUM INTER IPSOS LOCUM HABET, ITA ET NATIONI PRÆEST, UNDE MAXIMUM ROBUR hoc tempore sit expectandum, Gerard. de Roo Histor. Austr. lib. VII. p. 274.

IV. Mercatura, si magna sit, non sordida (ut *Cicero* distinguit) est ubi non dedeceat Nobiles, est ubi dedeceat : si nimirum nulla occasione & more loci invitati, aliorum hominum Mercurio proprie operantium lucra invadere & præripere studeant. Hæc enim ratio dignitatem habere nullam potest. Qui autem fructus suos vendit, mercaturam non exercet.

V. SACRI appellatio, de qua supra paucis actum est, qua de causa Imperio nostro *publice*, live in *formulis publicis*, accommodata sit, tacente historia, nemo potest certo & definite assignare. In quæstione enim facti, ubi deficit testimoniorum auctoritas, non potest scientia dari ἀναμφισβήτητος. Superfunt *conjectura*, in quibus nemini quicquam obtrusum volumus; sed à quovis doceri optamus. Sicut autem libertas conjecturis magna fortasse de-

betur, ita rationum momentis magis aut minus probabiles eas reddi, omnes sciunt. Ex quo genere sit, si quis mentem Principum ex eorum scriptura & negotiorum genio, casibusque temporum venetur, aliorum sit iudicium. Cogitabam omnium primo de *Græcorum* consuetudine, cujus æmulatione hoc genus loquendi in Sacro Romano Imperio invalescere potuerit. Sed videbam nihil solidi subesse huic opinationi. Primo enim, illo ipso tempore, quo in usum publice venit elogium *Sacri Romani Imperii*, *Friedericus I.* ab eo genere *sanctitatis*, quo Græci Imperatores in titulis gloriabantur, sejunxit & distinxit hanc formulam claris verbis: *Sciat ille tuus* (Imperator Constantinop.) *me sanctitatis nomen, sicut arrogans ille canis, mihi non ascribere.* apud Goldast. *rom. constit. un. p. 286.* & eodem tamen tempore, in eadem causa *Sacrum Romanum Imperium* nominat. *ibid.* Imperio adscripsit sanctitatem, non personæ. Quid? an non sancta persona Imperatoris? Est omnino, sed nos loquimur de consuetudine titulorum ejus temporis. multis posset verissimis elogiis honorari, & honorata est aliis temporibus majestas Imperatoria: sed illo quo de loquimur, tempore, Imperatores Imperium vocabant SACRUM, non se. Igitur (quod etiam atque etiam notandum est) formula Græca, ἡ βασιλεία ἡμῶν, ἡ ἁγία βασιλεία ἡμῶν, *Imperium Nostrium, Sacrum Imperium nostrum*, nullo modo id significat, quod *Sacrum Romanum Imperium*. Græci enim illo genere personam Imperatoris, Nostri, hoc genere, rem & corpus Imperii, signabant. Græca formula nihil aliud sonat, quàm ut dicimus; *Majestas nostra*, id est, *Nos*; sive *Ego Rex, Ego Imperator*. Unde rectissime Codini Interpretæ illud, ἡ βασιλεία μου προβαλλεται σε δεσπότην, reddit, adjecta ἐπεξηγήσει, *Imperium meum, sive majestas mea creat te Despotam*. Et quod in *Polychronio* (notum voti genus) vocabulo βασιλείας, Imperii, effertur, *Corippus* Imperatoris nomine interpretatur: *felices annos Dominus felicibus operant*. Nolim ergo diversa loquendi genera confundere aut permiscero. Hæc causa fuit, cur in hac brevitate, supra nihil de Græcorum illa formula dictum est. Sed video nos excludi

spa

spatiis scripturæ ; igitur de Græcorum illo stilo & consuetudine , tum diverso charactere epistolarum , quæ à Nostris ad Græcos Imperatores (exempli gratia Conradi III.) scribebantur , uberrima testimoniorum auctoritate , alio loco agemus. Unum addam de tempore recepti elogii , dixi sæculum XII. unum testimonium posui. Huic adde *Friederici Primi mandatum , quo Archiepiscopus ad expeditionem vocatur , apud Goldast. constitut. tom. un. pag. 276. Et ejusdem Imperatoris Responsum ad Græcos anno 1189. pag. 286. ubi disertis verbis Sacrum Romanum Imperium exprimitur. Sunt hæc testimonia irrefragabilis auctoritatis , & omni exceptione majora : unde facile judicabit æquus lector , an tempus initii recte assignaverimus , Sed , nunc quidem definendum est. Spero me satisfacturum deinde de partibus argumenti , quod vindicare à quibusdam probris , non tractando exequi , nunc visum est.*

VI. *Sigoniur de temporibus Ottonianis (de Regn. It. VII, p. 177.) de concordia Imperii ac Sacerdotii , Imperatoris ac Pontificis , Utraque vero , inquit , potestas sacra erat , & ad Christianam conservandam rempublicam instituta.*

CONDUCTOR CAROLINUS.

ad A. B. caput I. usque ad §. 18.

De ipsa Aurea Bulla judicium Posssevini premissum examinatur.

Apponemus ab initio , loco proemii , Scriptoris Itali *Antonii Posssevini Junioris , Philosophi & Medici Mantuani , ex Lib. IV. Gonzaga , de Aurea Bulla mentionem. pag. 400.* Dum hæc , inquit , Mantua agerentur , Germania in pace erat ; *Casari , Electoribus ac Regni Proceribus , quanta nunquam hactenus concordia intercesserat , ut nullo extrinsecus convelli posse crederetur. Nec ea populorum , sed Domini modestia erat ; quo turbas ac discordias averfante subditi serme omnes conquiescunt. Itaque Carolus presentis ac futuri juxta providus , demendas confternatio-*

nibus gentis causas judicans, legesque imponendas, quibus contentionum semina vellerentur, & aeterna Magnatibus amicitia interponeretur, animum remedio intendit. Longa enim experientia innotuerat, si inter Electores dissidio certaretur, difficillimo bello causam dari, quae reliquum Imperium abriperet. Sic Henricos, Federicos, nec minus se, contumacia exercitos, & victoriam Imperatori suo sanguine quasitam. Convocatis regni Proceribus, Millesimo tercentesimo septuagesimo sexto (anno quinquagesimo sexto debuit dicere) de modo dicendorum Caesarum, ordine Principum, Imperis juribus actum est. Sic vetus consuetudo restituta, abusus qui obrepserant sublatis, & addita quae communi bono profutura credebantur: idque diplomate cui Bulla Aurea nomen ex rei dignitate impositum. Non sunt haec ad historiae fidem usquequaque exacta, ut omnes vident. Sed memorabilis tamen locus haberi debet, quomodo ista res ad externos pervenerit: cum praesertim hic scriptor inter eos poni mereatur, qui judicio graviore historias tractarunt. De concordia Electorum, & per hanc universorum Statuum Imperii, bene in iudicium compegit, quae in ipsa Bulla legerat. De causis discordiarum Germanicarum, more Italorum sensit: qui turbas ab Italia in Germaniam profeminatas Germanorum ingenio invidiose solent tribuere. Argumentum Aureae Bullae *παχυλῶς* & rudi admodum Minerva signavit. Interim, quamquam Aurea Bulla praecipue Jura Electorum & Electionis prosequatur, nobilissimum tamen Juris publici monumentum merito habetur, & à plerisque omnibus Lex Imperii fundamentalis laudatur. Quod elogium tamen paulo aliter, ac vulgo fieri solet, explicandum est. Non enim satis accurate dicunt: Lex fundamentalis est, quae Majestatem Imperii realem complectitur, & quae tolli non potest, nisi ut una Imperium concidat: Et haec ad Auream Bullam accommodant. Praeterquam enim quod majestatis realis & personalis tales traduntur explicationes, quae salvis civilibus regulis stare non possunt: etiam illud notandum est, nullam legem talem ferri posse, aut latam esse, quin eadem potestas legislatoria quae tulit, mutare queat, aut abro-

abrogare, aliamve substituere. Omnes enim leges quæ describunt formam reipublicæ accidentalem, mutari aut abrogari possunt, salva manente republica. Ita si lata esset lex de republica unius imperio administranda, & hæc procedente tempore abrogaretur, aliaque ferretur de republica per Optimates administranda, non interiret tamen respublica, quamvis commutata hac lege. Si enim legis fundamentalis nomen ulla in re potest locum habere; fundamentalis potissimum ea dicitur, quæ descriptionem formæ reipublicæ continet. Atque hoc sensu jam Aurea Bulla, accurate loquendo, non esset prorsus & plene lex fundamentalis: non enim prorsus & plene describit formam & statum Imperii nostri. Dicatur tamen & sit *Lex fundamentalis Imperii*, quia ad fundamenta salutis publicæ, ejusque status, quem cupimus perennare, potentibus momentis pertinet; & legibus plenius fundamentalibus i. e. Capitulationibus Imperatoriis, usque in hunc diem sacratur firmaturque, tanquam verum & fatale palladium Germanicæ Securitatis. De titulo *Possessimus* ita locutus est, ut ambiguitate sibi caveret. Potest enim *dignitas rei* vel ad sigilli aurei nobilitatem (quæ vera & historica ratio est) vel ad materiæ præstantiam referri, quod figura ἱεροῦς καὶ βασιλικῆς etiam cæteri interpretes extulere.

Seligitur materia de conductu Electorum & conductoribus in Aurea Bulla.

Placet cum venia eruditi & Patriæ amantis Lectoris, per modum Annotationis, ad materiam de *Conductu & Conductoribus* aliqua consignare; & inscriptionem *Conductoris Carolini* his paginis imponere. Agitur enim de conductu, multis nominibus singulari, & à Carolo IV. Imperatore ad certam formulam descripto. Rejecerat Gerlacus Buxtorfius declarationem hujus loci in humeros doctissimi Competitoris sui: qui tamen in egregia dissertatione de *securitate & salvo conductu*, quo minus ad singularia hujus Constitutionis Carolinæ progredere, itidem fuit præpedi-

peditus. Neque sane, ut exhauriamus arduum hoc & non unis tricis implicitum argumentum, expectari debet. Annotationem enim, ex historia, & moribus patriis, & philosophia civili, non commentarium profitemur. Interea in comitatu *Conductorii Carolini* incedere, & suo quodam ministerio occupari, res plena favoris vel est, vel esse debet.

Legislator quis fuerit, requiritur.

Ut tota Aurea Bulla, Carolina constitutio dicitur, ita hæc pars de Conductu & Conductoribus Electorum, ad hunc refertur auctorem. Latæ autem sunt hæc leges in Comitibus, sive (ut ipsis Imperatoris verbis utamur) in solenni curia Imperatorii Noribergensi, assidentibus Imperatori omnibus Principibus Electoribus Ecclesiasticis & secularibus, & aliorum Principum, Comitum, Baronum & Procerum, Nobilium & Civitatum multitudo numerosa: Imperatore in folio Majestatis Cæsareæ residente, Imperialibus insulis, insigniis, & diademate coronato, matura deliberatione prævia, de Imperiali potestatis plenitudine. Quo tam splendido apparatu, mos & ratio legislationis Comitialis in S. R. Imperio usitata, graviter designatur & repetitur. Videntur quidem non accurate agere, qui Comitiorum Germanicorum consuetudinem, inde à Caroli M. temporibus, usque ad nostra, pari modulo metiuntur. Quanta enim facta sit in Republica mutatio, nec semel, cum non sinat nos ignorare historia; satis intelligitur etiam, non omni tempore eodem modo ordines & membra Imperii ad leges condendas se adhibuisse. Et utile omnino fuerit, momenta administrationis nomotheticæ distinctius eruere & proponere, usque ad illam Comitiorum formam, quæ non tantum more sed jure publico est definita. Quod in hoc transcurso, & hoc loco fieri non posse, satis apparet. Germanicarum interim seu Imperialium legum proprium est hoc *ἀξιωμα*, quod à Cæsare & Ordinibus, in quorum præsentia & adjunctione, Imperatoriæ potestatis vis & decus

decus amplius exsplendescit, in Comitibus feruntur. Neque quicquam habet Orbis terrarum, quod nostrorum Comitiorum majestatem adæquet. In his *Imperialis plenitudo potestatis*, ut Carolina constitutio sæpius loquitur, excellentissime viget. Neque probare eos possumus qui hanc loquendi formulam ita accipiunt, ut de omnibus aliis Principibus accipi solet. nam stilus curiæ suam interpretationem capit ex forma & constitutione reipublicæ. quo fit, ut eodem modo, sensu, ad suam cujusque hypothesin, non eodem, diversæ Respublicæ loquantur. Multo minus ferendum est, quod dicitur: nihil aliud hoc genere dictionis notari, quam cum dicitur, *Princeps hoc egit ex certa scientia*. Utitur quidem & hac formula Constitutio Carolina (cap. 9. §. 1.) sed non ἐκ πειρασμάτων. Quin enim potestatis legislatoriae significatrix sit hæc formula, dubio carere arbitramur. Sed à primo suo ortu (in hoc ipsum, quo A. B. condita est, forsitan sæculum competente) an semper uno eodemque modo explicata sit & explicetur usque ad hæc tempora, quæri posse, apparet. Neque sane novum est, retineri formulas, alio rerum habitu ortas, in qua commode explicandi ratio subest. Sensus autem diversos ita quis facile repererit: vel enim significat *plenitudo potestatis*, jus vere regium; cum unus proprio jure, suoque auspicio, legem fert: vel, ubi unus suo simul & aliorum jure, ex more & formula status, idem facit: vel ubi unus jure regio quidem, sed solennibus curiæ adhibitis exerceri solito, constitutiones sancit. nam illum modum, qui nihil aliud, quam certam scientiam præ se fert, jam exclusimus. *Scientia* enim errorem in decernendo abfuisse; *plenitudo* illa, nihil facultatis decernere volenti defuisse, ostendit. A quibus legum non modice pendet auctoritas: si nec per sub & obreptionem suggestæ, nec ultra limites potestatis legislatoriae proditæ sint. Exprimitur utrumque plenius in Caroli IV. confirmatione de Electione R. Boh. apud Goldastum ann. 1348. ex certa *tom. 1. p. 342.*
Scientia de nostra Romana Regia plenitudine potestatis.

Illud autem notabile est, quod in solennibus quidem

G

Comi-

Comitiis lata est Lex Carolina Auræ Bullæ, assidentibus omnibus Ordinibus: non autem per omnia ab omnibus Ordinibus vel consultata, vel decreta. Exemplum sunt insignia Cap. 3. §. 2. ubi Imperator dicit: *se habita deliberatione cum omnibus Principibus Electoribus, tam Ecclesiasticis, quam Secularibus, & de ipsorum consilio decernere, & de Imperatoria potestatis plenitudine hac edictali lege perpetuo valitura sancire &c.* Cap. 12. §. 2. cum dixisset, Curiam Noribergæ celebratam, cum Electoribus & multis aliis Principibus & Proceribus, de solis Electoribus addit: *habita cum iisdem Principibus Electoribus deliberatione, & de eorum consilio, pro bono & salute communi cum dictis Principibus Electoribus tam Ecclesiasticis quàm Secularibus duximus ordinandum &c.* Ita enim plenius habet Editio Goldasti & MSC. noster Codex. Ad quem locum Limnæus etiam ita annotat: *quanquam hac indicta curia solenni in qua cum Electoribus multi alii Principes & Proceres presentes fuerunt, constituta sint, non tamen cum illis omnibus, sed cum Electoribus tantum deliberata & constituta deprehenduntur. Consensu Statuum tunc Bullam promulgatam fuisse, extra dubium versatur: omnia autem ejus contenta à cunctis Statibus deliberata fuisse, ipsius Bullæ testimonia negant. Ita in Ludovici Bavari Diplomate quodam 1342. legitur: sicut hoc jus cum consilio Electorum ad bonum commune, statuimus & ordinavimus.*

p. 385.

Species hujus conductus singularis designatur.

Conductus (utendum enim est voce Legis, de qua agitur) securitatem meandi & commeandi notare solet. Qui vel debetur ex jure naturæ, vel ex jure gentium, vel ex jure civili. Ex jure naturæ debetur hæc securitas omnibus iis, quibus commercium seu communicatio aperte vel tacite concessa est. an vero solenni comitatu armatoque, aut vigore morum & disciplinæ reipublicæ citra apparatus tutelarem præsteretur, hætenus nihil interest. Jus gentium his iisdem vestigiis incedens, consuetudines

nes inter populos peperit , non sine discrimine & gradu, sicut exempli causa in securitate legatis, fœderatis, sociis, hospitibus præstandâ , apparet. Jure Germanico publico conductus legalis non unius generis , per constitutiones Imperii & usu atque observantiâ , describitur, & Solennibus certis informatur : desumtis ex ipso naturæ & gentium jure , atque adeo ex æquo & bono , rationibus, & ad tempora statumque Reipublicæ accommodatis. Atque hic duplex occurrit consideratio. Spectatur enim conductus vel ex necessitate officii , vel ex facultate privilegii ac prærogativæ. Necessitas officii illuc spectat, ut civium quilibet eos , qui Reipublicæ summa negotia tractant, ejusque rei causa meant commeantque, adjutos, defensosque, quantum potest, velit. Sicuti & in arctiore fœdere, socii fœderis ad eadem officia obligati censentur. Electores autem Principes, in apice rerum constitutos, & ad providendum, ne quid respublica detrimenti capiat, lege publica instructos, in maximo omnium & ad summam reipublicæ pertinente negotio versari, quando Imperatorem eligunt, nemo ignorat. Sua igitur quemque civem pietas, ad conferendam opem, qua securitati tantarum & rerum & personarum prospicitur, in itu, in reditu, in loco negotiationis, in necessitatibus & apparatu & subsidiis actionis, ultro sollicitat. Hujus debiti exactor est, Conductor Carolinus; seu Constitutio Auræ Bullæ: eo severius, quo major est negotiorum necessitas. Unde & ad conventus publicos, curias, comitia, euntium munitior esse solet securitas, & conductus solennior. Quemadmodum autem præcipue necessitatem officii Imperio debiti, in conductu Carolino spectari, vel horribilis sanctio, argumento est; cum privilegia, honores, prærogativæ, jura, non soleant ita sanciri, ut non utendo iis tam atroces pœnæ incurrantur: ita per consequentiam in designato ordine & executione conductus, respectus est juris vel mediate vel immediate conducenti per suum territorium & loca suæ ditionis. Ne scilicet inter conductores, occasione officii tam necessarij,

Reform.
Frid. 3. an.
1442. §. 2.

lites suboriri possent, fieri voluit Legislator hunc conductum, sicut alia, ad omnes quidem Imperii Cives Statusque pertinentia negotia, sed modo & ordine, qui Imperii contextum, ex consuetudine & Lege publica decet juvatque, exequenda. Exemplum peti potest ex constitutionibus Pacis Publicæ, quibus hactenus Conductus Carolinus comparari potest. ad eam enim tuendam vocantur ex necessitate officii Imperio debiti, omnes, non tantum Immediatorum Statuum honore gaudentes, sed etiam quibus Mediati obsequii gloria relicta est: secundum necessitudinem tamen & respectum juris & gradus cuique competentis, auxilii ferendi consuetudo describitur. Quæ de re amplius mox dicendum, & simul de argumento immedietatis, quam vocant, ex conductorum denominatione peti solito, aliquid monendum erit.

cap. I. §. 5. Cæterum in hoc Conductu Carolino non securitas tantum præstanda spectatur, sed etiam rerum necessariorum facultas & parabilis copia exigitur. sine qua, ne obtineri quidem finis legislatoris posset, qui vult hoc iter Electorum sine omni impedimento, aut difficultate, in expedito constituere.

Quantum autem discrepet singularis hic conductus, ab aliis conductibus, per singula membra hujus annotationis, in sequentibus ad extremum patefiet.

Conductores qui & quomodo describantur.

Conductores, ad exemplum accuratæ legislationis, describuntur 1. ex Statu & conditione sua. 2. ex situ & loco. 3. ex nominibus. 4. ex habitu animorum.

In primo genere, omnes, qui membra & cives Imperii Germanici haberi solent & possunt, ponuntur: *Electores*, *Coelectorum suorum Conductores*, *Principes*, *Imperii Vassalli*, *Comites*, *Barones*, *Milites*, *Cientes*, *Nobiles*, *Ignobiles*, *cives*, & *communitates castrorum, civitatum, & locorum sacri Imperii universa.*

Hic ante omnia dubitatur, an de Immediatis tantum Statibus sermo sit, quibus scilicet territoria & jus conducendi

cendi tribui videtur? Quod quidem negandum esse, ostendit res ipsa, ut supra cœpimus dicere. Necessitas enim conducendi, ad omnes pertinens, qui membra Imperii vel mediate vel immediate, ut solemus loqui, habentur; non autem honor & jus conductus, præcipue hic spectatur. Quare & Civitatum Mediarum diserta habetur mentio. §. 12. primo inter Conductores Electoris Trevirensis nominatur Archiepiscopus Elector Moguntinensis: deinde ex civitatibus subicitur *Civitas Moguntinensis*. Ita §. 14. inter conductores Electoris Saxonie nominatur Civitas Erfordia: quæ, quo minus inter Mediatas Civitates haberetur, nec in Camera Spirensi, nec apud alios efficere potuit auctoritas hujus loci in A. B. Satis enim apparet, designationem Conducentium fieri, magis ex ratione itineris & loci, quàm ex statu & conditione Mediatæ vel Immediate subjectionis. Quando enim dicunt, jus conducendi esse argumentum Superioritatis territorialis, sive cohærere juri Superioritatis & territorii; exceptiones quidem in obvio sunt, quoad eos, qui jus conducendi in alieno territorio, vel vi servitutis jurisdictionalis, vel pacto, habere possunt: neque tamen de cetero statim ex conditione Mediatæ Status, in Immediate migrant, qui conducere jubentur. Ita dici posset, si jus potius, quàm onus & necessitatem conducendi velit quis urgere: civitates mediatas vocari ad conducendum non jure proprio, sed jure sui Principis: ut executio tantum ex ordine & consequentia loci, juxta consuetudinem, significari intelligatur. Ad omnes, qui membra sunt Imperii vel mediate vel immediate, onus & necessitatem conducendi pertinere, quod jam dictum est, tota constitutio de conductu declarat, & illa verba §. 3. de *Viſualibus* vendendis ac sufficiens, dubitari non sinunt: quippe cum & civitates communitatesque omnes & earum cives ac membra obligentur; sitque ea hujus muneris obeundi natura, ut ad Immediateos restringi se nullo modo patiantur.

Vocantur ergo, quod ad statum & conditionem con-

ducentium attinet, omnes sine exceptione, quorumcunque operam *Locus & situs* (hæc enim *secunda* descriptio est) Electoribus ad Electionem itineribus tutandis necessariam & commodam facit. Quod quidem verbis legis adeo est explanatum expressumque, ut dubitandum non sit, quin omnes, quicumque ab Electore super priorem numerum constituto aut constituendo appellarentur ex locorum pertinentium conditione, obligentur conductum Carolinum præstare, pari necessitate ac illi, qui nominatim exprimuntur. Ratio enim legis, ex necessitate officii Electoribus ad Electionem proficiscentibus præstandi, nullas exceptiones patitur. Illud deliberationis est, an quotiens in statu Statuum aliquid mutatur, etiam lege publica id significandum decernendumque sit: præter mutationem ipsam scilicet, ejusque formam. Rei ipsius necessitas non potest allegari, sicut diximus. Superest consilii voluntas, si quis existimare velit, conformari ad eundem habitum legalem (si licere potest nobis ita loqui) debere, quæ sunt ejusdem ordinis gradusque. Verum ubi juri Statum spectanti prospectum est, expectatio specialium & solennium indifferens haberi, nisi peculiaris causa obstat, potest.

Laudari interim jure optimo meretur Imperatoris diligentia, qui (ut *tertio loco* posuimus) non describit tantum conductores, sed nominat: cum repetitione obligationis generalis, à qua *ad singulares conductus & conductores, pro regionum & locorum adjacentia cuilibet magis aptos designandos*, proceditur. Unde satis constare potest, si qua mutatio rerum & locorum fieret, Electoribus liberum esse, magis *aptos conductores* eligere. Causa enim hujus conductus perpetua est, & ad omnia tempora hominesque, ut ante dictum, pertinet.

Putamus autem in hac nominum illustrium recensione, multum latere, de notitia Imperii, ejus præsertim temporis. Sed, pro ratione instituti, licebit nobis ex multis pauca decerpere.

Primo igitur, nollemus quærere, cur Electorum, ut
Electo-

Electorum, in hac enumeratione non fiat mentio. Lex enim secum ipsa conferri, & ex se ipsa explicari debet. Quod cum fiet, apparebit, ab initio constitutionis valide & signanter in hoc conductu Electorio obligari *Electores, ad conducendos Coelectores suos*. Conductor Carolinus Electores conducit, non modo, ut civis & pars Imperii est, sed vel maxime ut Elector est. Electorum enim concordiae frustra caveretur, si à Coelectoribus quicquam conductui adversum oriri posset.

Quod ad ordinem attinet, Bohemiae Regem primo loco nominari, videmus. nec putaremus causam à singulari, & notissimâ de cetero, erga Bohemos benevolentia, repeti debere, sed temporis & personae, hunc ordinem non fuisse modo, sed esse debuisse. Imperator ipse fuit Rex Bohemiae. quae causa stilo curiae pro omni ratione sufficere potuit.

Inter conductores Archiepiscoporum Colonienfis & Trevirensis, appellatur etiam, *de Limpurg* (§. 11. & 12.) qui infra (*cap. 27. §. 6.*) *Vicepincerna de Limpurg*, exprimitur. ubi non possis probare interpretes, qui de suo addunt vocabulum *Baronis*. Quod in textu non dicitur. Imo in hac de conductu materiâ, quin appellatio *Comitis* huc quoque pertineat, nulla dubitandi ratio reliqua est; nisi velis omnes sanæ interpretationis regulas subvertere. Ergo, quando hæc enumeratio singulorum conductorum confertur cum illa generatim facta, non recte dicitur: *fieri hic tantum mentionem Principum, Comitum, Baronum, Civitatum*. Dicendum potius videtur, *nullam fieri hic Baronum mentionem*. Enumerantur *Comites de Isenburg, de Westerbürg, de Runckel, de Limpurg & Falckenstein*: ubi nulla apparet ratio, cur Limpurgium, Comitibus præcedentibus & insequentibus, sine mutatione prædicati, lex inferuisset, nisi pro Comite habuisset. Neque inter auctoritatem legis, & interpretum, dubitatio longa est. Ab officio designabatur Illustrissima hæc familia plerumque (sicut in ipsa A. B. bis factum est) sine elogio dignitatis generalis. Bis tamen & in hac constitutione exprimitur dignitas generalis

neralis Comitum, & in aliis monumentis publicis auctoritatis. At, qui secure multa describunt in jure publico, ut suas sententias paribus fulciant auctoritatibus, postulandum est. Si enim quis velit forte dicere; *In Catalogo membrorum Imperii ampliare, inter quatuor Barones referri*; jampridem viri usu rerum periti demonstrarunt, nullam esse ejus catalogi *authenticam*, ne dicam, illas arithmeticas appellationes, ad conditionem & qualitatem Status, appellationibus talibus alias notari soliti, non referri stricte & accurate, sed alias comparandi rationes spectare. Videntur autem interpretes suæ opinionis & appellationis, quantum ad *Baronem*, inde occasione nartipuisse, quod Pincernis de Limpurg, elogium *Semperfrey* tribui sciebant. id cum Baronis vocabulo converri crediderunt. At non ita argumentari nos posse, vel illud indicio est: quod Comites Westeburgenses, quos nunc Lainingenfes repræsentant, etiam *Semperfrey*, sive *des H. Reichs Semperfrey* dicuntur: non certe ex respectu Baronatus cujusdam, sed altiore auspicio. Non est scilicet novum, titulum à principio excellentiore modo significaturque destinari alicui: qui postea in plures, nec eodem modo, pro diversitate temporum vulgatur.

Dum de elogio *Semperfrey* loquimur, liceat nobis, cum bona æqui Lectoris pace, ponere conjecturam, de titulo *Waltheri de Sepf.* Hunc enim Pincernam Imperii anno 1213. fuisse, *Goldastus in Statutis*; & ex eo *Limnaus* (ad cap. 27. §. 6. A. B. *observatione* 11.) refert. Atqui nulla noscitur hujus nominis familia. Putem ergo, scriptum fuisse: *Schenck Walther Semperfrey*; sive per compendium scribendi, *Sepf.* Judicet quisque quod volet.

Ipsa vox *Semperfrey*, sicut in hunc diem non satis explicata & documentis historicis illustrata est, ita etiam *Baronum* quoque appellatio, non in omnibus momentis ad liquidum perducta est. *Barones* aliquando splendide usurpabantur, ut *Comites* sub se comprehenderent. Illustre est diploma Principum Imperii Electioni Ottonis IV. Imperatoris faventium, apud *Goldastum*, anno 1200. in cujus

jus principio, & medio, in summam, ponuntur, *Prin-* tom. un. p.
pes & Barones Alemannia, qui elegerunt, & electioni con- 287,
 fenserunt; & *Principes ac Barones*, à tam rationabili electione
 discordes. Et in subscriptione, *Henricus Comes de Kuke* no-
 minatim exprimitur. Sed tempore Aureæ B. scriptæ di-
 stinctis jam gradibus *Barones* infra *Comites* noscebantur, si-
 cut ex tota constitutione clarissimum est. Disparitatem ta-
 men postea aliquam mansisse inter *Barones*, ratione Fa-
 miliarum & Officiorum & publicæ præcedentiæ, pleri-
 que omnes annotant. in eo tamen non satis caute agunt,
 quod Baronum nomen inculcant, ubi authentica monu-
 menta id non habent, sed vel *Domini*, vel *Officii* nomine;
 vel, ut supra dictum est, elogio *Semperfrey* utuntur. Ita
 cum *Paurmeisterus* in recensione Statuum, in Comitum se-
 riem refert, *die Reussen*, ex vulgari potius errore, quàm ex
 authenticis documentis, addit *Barones*. *Domini* enim no-
 men, quod authenticum est, non statim in *Baronem* verti
 potest. Ex *Paurmeistero*, jam *Reinkingius* hanc annotatio-
 nem format: *Quidam ex Baronibus, quales sunt Limburgici,* l. r. class. 4.
Waldburgici & Rusti, quibusdam preferuntur Comitibus, ut vi- c. 15. n. 55.
dere est apud Paurmeisterum. Quamquam quoad Limpurgi-
cos cautius egerat Paurmeisterus, ita expresso nomine:
Limpurg Semperfreyen, absque Baronum vocabulo, quod
 aliis addidit. nisi quod elogium illud cum Barone in τα-
 γαλλικῷ dici, vulgo creditum est. *Limnaus* autem inter u-
 trumque vult quodammodo incedere, *In specie autem*, in-
 quiens, quod *Limburgenses* attinet, responderi etiam potest, illos
 facilius Comitum titulo ornari, vel sub eo comprehendi posse, cum
 non sint simplices *Barones*, sed *Semperliberi*, nec non *Officiales*
Imperii, Erbschencken, atque à nonnullis, eos quibusdam Comiti-
 bus præferri, annotatum fuerit. De Baronum voce sumtam,
 non demonstratam opinionem diximus. Et *Officia* illa
Imperii hæreditaria, sicut illustrissimam & quodam modo
 incomparabilem prærogativam merentur; ita Baronis no-
 men, si in Familia hæreret, aut hære authenticis mo-
 numentis probaretur, per se non extinguerent. Hæc in
 loco & occasione non præterire volumus: parati, alia tem-

de jurisd.
lib. 2. c. 1.

addit. ad
lib. 4. c. 5.
p. 417.

poris & scriptionis opportunitate ostendere, quàm sint multa, quæ apud Scriptores Juris Publici, & Genealogicos, ex vulgi potius opinione, quàm ex authenticis ad hdem faciendam monumentis petuntur.

Dum *Electores, Conductores*, nominantur; non additur Titulus muneris Electoriæ cujusque dignitati connexi: sed quando *Electores conducendi* describuntur, apponuntur elogia *Archicancellariorum, Archipincerne, Archidapiferi, Archimareschalli, Archicamerarii*. De conducendis enim Electoribus, ad illud munus obeundum, quod Imperii totius salutem capitaliter spectat, præcipue laborat constitutio: ut conductores ipsi quoque alter alterius sint, ex consequentia & successu negotii statuitur. Ibi monstrantur: hîc jubentur. Ibi in excellentia suæ dignationis & muneris incedunt: hic in pari cum ceteris conductoribus officio, salvis de cetero perpetuis prærogativis, collocantur.

§. 5. & 6.

Describuntur amplius Conductores, ab *affectione animi*. id enim *quarto loco* posuimus, si forte discordent vel Electores conductores ab aliquo Electore conducendo, vel ceteri Principes. Respexit legislator ad mala priorum temporum, quæ ex propinquo in oculis erant: cum Germania dissidiis Ordinum & privatorum undique inquietaretur & turbaretur. Et fatendum est, dissidendi non consuetudinem modo sed licentiam, in Germania istis temporibus fuisse justo familiariorem. sicut ex cap. XVII. A. B. licet animadvertere. Cum autem fas sit, privata odia publicis utilitatibus remittere; ad hanc autem patriæ debitam quidem voluntatem, non omnes sponte inclinari possint; necessitas legis, & severitas sanctionis, adjungenda fuit, ne quid de utilitate publica, omnium maxima, deperiret. Facit huc aliquo modo, §. 4.

*Conductoris Carolini officium conducendis
debitum.*

Id continetur, uno verbo, *conductu*. & quidem, *absque dolo, & contradictione præstando*. Si per singularia nomina

mina evolvendum est hoc officium ; Lex ipsa in duobus ponit : *Non ledere ; & securitatem prestare.*

Lasio consistit in his , si 1. *hostiles custodia tendantur, seu insidia parentur.* quæ videantur *ἐκ παρρησίας* dici : nisi quis velit habere veriores expositionem , ut *hostiles custodia* referantur ad vim apertam ; *insidia* ad vim occultam. In Germanico textu : *Wer eym Kurfürsten syntliche Hude vermacht , oder sich vermisset Lage zu legen. Hostiles custodia tendi,* hoc loco videntur , si armata manus iter facientibus se obijciat , eosque , ut hostes repellat , progressuque prohibeat. *Insidias* tum eas intellexeris , quæ grassandi prædandique animo , tum quæ vindicandi & inimicitias exequendi proposito sunt. *Weglagerung, und Verwahrung.* utraque enim res securitati adversatur : quæ quo sanctius in conductu Carolino munitur ac describitur , eo majorem facit talis criminis atrocitatem. 2. si *invadantur Electores aut eorum Legati in personis aut rebus.* Germanicus textus ita explicat , ut *invasio in personis* , ad honorem , famam , existimationem ; *in rebus* , ad corpus & bona referatur : *oder sye oder etliche mee vnder yne an sin Ere oder siner Lude Lip oder Gut anegrißet.* Ita in *Goldastii Statutis.* Ut *Recessibus Imperii* præhigitur , totus textus ita habet : *seindlich erwarten , oder vvas thatlichs vvider sie , ihrer einen oder mehr , fürzunehmen , ihr Person oder Güter anzugreifen.* Quæ quidem verba , *hostiles custodias & insidias* , ut *ἐπιχειρητικῶς* conjunctas interpretantur. sed vetustior textus Germanicus , ut Latino propior in his , ita ad plenioris securitatis descriptionem aptior videtur. Quod autem *invasionem in personis & rebus* attinet , novissimus textus Germanicus. Latinum *κατὰ πῖδα* sequitur : vetustior autem non alienam *honoris & fama* mentionem habet. illud dubitatione dignius est , quod *invasio in corpore & bonis* ad Legatos tantum Electorum , non ipsos Electores refertur. ad plenioris sensum exprimendum faceret , si verba ita concepta essent , *an sin oder siner Lude Ere Lip oder Gut anegrißet.* 3. si *conducendi turbentur.* Germanice , *anbetrüben, sive beleydigen* , utraque versio reddidit. Quibus vocabulis , omnis

offensio, & læsio notatur, valido in supplementum significatu, cum, post unam & alteram speciem, quicquid impeditenti, injuriæ, offensarum non enumerat, universum intelligendum datur.

Sicut hæc plenissime accipi debent, ita etiam *Securitas præstatio* omnibus numeris absoluta & quanta in Conductoris vires & industriam convenire potest, sancitur. Securitas præstari potest commeantibus; vel disciplina reipublicæ, vel auctoritate imperantis, administrantisve, vel armis, seu armata tutela.

Disciplina reipublica securitas conficitur, ubi vel sensus vel sermo ille vere obtinet: *Per limites mei imperii aut administrationis, nemini iter facienti periculum est; didicerunt mei, vi abstinere, pacem publicam revereri.*

Intervenit autem Imperantis administrantisve *auctoritas*, cum minister publicus, e.g. buccinator, aut alius, conducendo additur; non qui vim propulsare manu, sed conspectu & significatione auctoritatis ac potestatis Heri sui, paratus instructusque sit. Idem de *Literis*, Ejus, qui Securitatem præstare vult, nomen aut sigillum aut utrumque præferentibus, sentire ac dicere fas est. Quo & alia symbola, cippos, pilas, picturas, eodem significatu prostare solita, retuleris.

At *armati conductus*, inter gentes usus est, vel ubi probabiliter non desunt, qui ab injuriâ commeantium, nisi vim metuant, temperare vix solent; quod pro ingenio nationum locorumque facile dijudicatur: vel, ubi ex magnitudine negotii, certioris præsidii causa, sive ad majorem securitatem, quasi ex abundanti, aut honoris etiam causâ, armati conductores adjunguntur.

Conductor Carolinus, qui *conducit* Electores sive *conductum præstat* Electoribus ad Electionem rendentibus, ut constitutio hæc postulat, armatus est. Ne enim sine armis hoc officium obiretur, pericula priorum temporum, oppositæ hostiles custodiæ, structæ insidiæ, monuerant. Venit in partem consilii, proclivis ad dissidendum circa tale negotium, & in transitu rerum, aut ubi Princeps non
sumitur,

sumitur, sed quæritur, occasio. Tum, quia non ornamenti tantum sed & præsidii causa, ipsis Electoribus armatus comitatus, non more solum sed & lege præsto est; conductor Carolinus præsidium præstatio præstat, & vires firmat viribus.

Modus & numerus armatorum, quibus conducendi sunt Electores, securitatis sine terminatur. Itaque pro temporum & periculorum opinione, augeri debet. Quod facile est factu Conductoribus, cum quibus nemo est, quin sociare operam teneatur. Adeo quidem, ut, si nominatim conductoris alicujus vires aliquo casu non sufficerent, ex non nominatis, ut quisque loco & opportunitate proximus est, advocari posse, & ad subsidium ferendum teneri, ipso legis hujus vigore, vix dubitatio detur.

De *præbendis Victualibus*, hujus conductus lege etiam caveri, jam ante cœpimus dicere. Cui convenit hoc officium? Non aliis potius quàm *conductoribus*. quæ vox apud Latinos sequioris ævi etiam pro *hospite*, sicut *conductus* pro *hospitio*, accipitur. collegit exempla ad *Sidon. Apoll. lib. p. 164* 5. ep. 17. 30. *Savaro*, & ex eo descripsit quædam *Georg. Erhard* sive potius *Michael Caspar Lundorpius*, ad *Petronium. p. 151*. In verbis equidem Constitutionis exprimentur *omnium Civitatum Cives & Communia*, *Bürger und Gemein*, sive *die Bürger und Gemeinen aller Stadte*. Ergo Conductor apud sui quidem territorii Civitates & cives hac de re prospiciet conducendis: in omnibus autem territoriis, idem omnes facere tenebuntur, quoscunque ad conducendi operam & ministeria teneri, supra dictum est: quibuscunque nominibus appellitentur. Et sunt sane in ipsius Legis anterioribus articulis posita nomina, quæ neminem excludi patiantur. Quanquam autem *Cives & Communia Civitatum* multa suo complexu continere intelligantur, si quis tamen speciali & solito fere significato malit accipere, ratio manifesta est ex eo, quod in tali itinere, opportunitates Civitatum inprimis quæri, moris & consilii sit. Neque minus tamen obligationis universalitas manet, si extra ordinem in pagis aut vicis, aut quibuscunque locis

hospitium desideratur. Sicut enim electio locorum conducendis libera relinquitur, ita hospitale officium ad eum modum, non adstringi sed extendi censetur.

Quid autem debent præstare ex hoc officio? Victualia nominantur. Qua voce, non minus ac alterâ magis Latinâ, Victus, significantur non tantum, quæ ad cibum potumque & vestimenta, sed etiam, quæ ad stramenta, habitationem, ministeria, medicamenta, curam denique cultumque hominum & jumentorum pertinent. Id quod adjectâ hîc necessitatum voce amplius declaratur. Kost und Lieferung, nach aller ihrer Nothdurft.

In quantum & quomodo tenentur præstare? Vendendo & vendificiendo, inquit Bulla. & quidem in communi pretio atque cursu. Illud vendificare, etiam complectitur illam magistratus & Principis auctoritatem, quâ de singulis cogi possunt nonnulli, ut res aliquas, necessitatibus scilicet Electorum & Electoralium Nuntiorum explendis, & vendant, & communi pretio vendant: quas alioquin in alia tempora & pretia reservaturi erant. Imo hæc necessitas vendendi, ab ipsa Lege omnibus videtur imponi, in quantum opus est: executio autem rei iis demandari, quibus jubendi & administrandi jus est. Pretium commune, addito vocabulo cursus, nach gemeinem Lauff und Werde, in gemeinem Kauffgeld, ita accipi debet, ut non illud pretium modo intelligatur, quod currens appellatur, & taxato pretio opponitur: sed etiam taxatum lege pretium includatur. quod non definit esse commune, quia à lege taxationem accepit: cum legislator in dubio credatur communem peritorum æstimationem sequi, & plerumque in favorem ementium pretium definire. Si tamen constet, ex certa causa, & quasi extra ordinem, taxationem commodo vendentium factam; dubitationem vix habet, quin hæc constitutio, ad favorem emtoris reduci hoc negotium velit.

Ulro autem intelligitur, etiamsi non moneatur, etiam de publicis cellis, penuariis, horreis, erogari victualia æquo pretio debere, si privatorum hospitiorum commodi-

moditas aut copia, pro conditione locorum & temporum, necessitatibus commearum ægre sufficiat.

Et quoniam Legislator, vendentium victualia aut procurantium, damnum non desiderat, iniqua tantum lucra & morositatem arcere contentus, aucta subito & inevitabili aliquo casu rerum pretia, pro currentibus & communibus haberi non desinunt, quatenus minoris res vendi citra damnum venditoris nequit. Si autem ex vicinia leviori pretio possint res necessariae in locum transitus aut hospitii comportari, duplex videtur quaestio oriri: *primo*, an is, qui de Victualibus requisitus est, debeat pati, ut vicini forum tunc liberalius instruant, suasque merces minore pretio distrahant, quam cives & communitates talium locorum, suas possent vendere? *deinde*, an ipse requisitus vel requisiti debeant aliunde, si id facile fieri potest, ultro advocare aut congregare, melius, quam de suis, emenda? Ad utramque humanitatem & diligentiam hospitalem, si citra praëjudicium cujusque Civitatis privilegiorum expediri potest, Bullam invitare, non etiam cogere, forte dixeris. Quod autem, si id omittatur, *fraudem*, in omni hoc negotio exclusam, conductores videantur commisisse, nemo sustinuerit opinari aut dicere. Atque hæc per modum paraphraseos cujusdam, de officio Conductoris Carolini, annotata esse, apparet.

Victualia præbenda esse æquo pretio, etiam, cum ante susceptum iter non petuntur nominatim, non est dubitandum. Quia enim Conductoris officium Bulla vult esse plenissimum, tum securitatis, tum necessariorum copiarum ratione, ipsa analogia hic supplet, quod §. 4. de *securitate etiam non petentibus præstanda* dictum erat. Neque enim vel hic, vel ibi, *Tò si petierint*, exclusionis, sed distinctionis notam habet. Versaturque manifestum discrimen in eo, quod *petentibus*, securitas solenni illo & apparato conductu; *non petentibus*, securitas tamen sufficiens præstanda est. Videturque Legislator consilio Conducendorum aliquid hic reliquisse: quibus scilicet tempora & loca ignota non sunt. Quo fieri potest, ut conductores de
speciali

speciali illo ac solenni conductu interdum sibi appellandos, interdum non appellandos existiment. Sicuti etiam verisimile non est, omissum iri petitionem victualium, si dubitetur, an omnia necessaria ex tempore præsto esse possint. Ubi nulla dubitatio; potest evenire, ut ista petitione non opus esse videatur. Atque ita acciperem diversitatem in literis requisiti conductus, Matthiæ 1612. & Augustissimi Leopoldi 1657. tunc Bohemiæ Regum, annotatam *Limneo ad A. B. §. 7. observ. 10.*

Exigit etiam Legislator à Conductore cautionem scriptura consignatam, & jurejurando firmatam, §. 7. Non, quod semper ita opus sit, sed quod possit ita exigi. Sicut in securitate ipsius conductus præstandâ, liberum est petere conductum, ita, sicuti dictum est, præstandum, vel non petere. Petentibus, salva Legis auctoritate, denegari scriptura & jusjurandum non potest. Non petentibus debetur tamen conductus officium, ac si cautione juratoriâ signatum esset. Sed, quoniam eo tempore solennium maxima cura fuit, scriptura autem nihil certius, jurejurando nihil sanctius inter mortales habetur, adversus inimicitias, etiam ab amicis talia exigi mos & ratio fuit. Ad firmitatem scilicet & certitudinem ampliorem, & efficacem obligationem. Lex sane omnes obligat, & quidem efficaciter: sed in reciproca significatione obligationis, sive testatâ debiti, obsequique obligatione, efficacia manifestius se ingerit oculis animisque, quæ origo celebratoris formulæ in actu civili habetur.

In eo movet *Limneus* dubium, an Electores æque ac ceteri Principes & Status, ad cautionem juratoriam teneantur. eo, quod usus est exemplari minus perfecto: quale in *Statutis Goldasti* etiam exhibetur *Latinum* ex Archivo Palatino: ubi *Electores* omittuntur. At *Germanicum*, in eodem volumine, tum in *Recessibus*, & *Latinum* in *Constitutionibus*, & *Msc.* nostro, Electores nequaquam omittit. Notaque sunt non Electorum minus, cum Coelectoribus, quàm aliorum Statuum cum Electoribus dissidia: quibus hic obviam itur.

tom. un.
p. 353.

De

De conducendis , disquiritur.

Conductor Carolinus conducit *Electores, & Eorum Nuntios*, neque quavis occasione, sed *ad Electionem proficiscentes*: cum *hominibus eorum*, ut Bulla loquitur, sive cum vasis comitibusque, ut vetustior formula habet.

Conducuntur, inquam, tanquam Electores, & Electorales Nuntii seu Legati, non ut quovis tempore & itinere securitas ipsis debetur, sed ut Electionis peragenda causa commeantibus Carolini Conductoris officio securitas præstanda est.

Conducuntur, non ut Electores modo, sed etiam ut Coelectores.

Conducuntur, non concordēs modo Conductoribus, sed de cetero discordes. Conductus enim Carolinus omnium contentionum vel finem vel inducias habet.

Conducuntur Legati Electorum, si constat, eos ea, qua dictum est, causa legari. nam, an instrumentum procuratorium habeant sufficiens ad agendum, quod Electio postulat, sive quod ipsos, qui ad Electionem admittantur, idoneos faciat, non conductoris extra locum Electionis, sed Collegii Electoralis, in loco Electionis inspectio est.

• Huc igitur forte retuleris, quæ nonnulli de *Jure gentium*, legatis securitatē præstante, ad Conductum annotant. Quamquam Conductor Carolinus, ultra jus gentium, propria juris formula Legatos Electorales tuetur. Ipsos autem Electores, *Legatos Imperii* cum dicunt, commoda interpretatione opus est. Elogia enim, quibus in A.B. ornantur, facile obscurant *Legatorum* appellationem. Etiam si velis Legatos Imperii dicere, quicumque Imperii negotium gerunt: communem facies aliis titulum in negotio non communi. Electio enim convenit solis Electoribus, jure tum sui status, tum collegii, perpetuo: nec per modum communem negotii gesti, sed longe excellentius, prærogativa eminentissima & incomparabili. In Electores crimen majestatis committitur: Electoribus, ut supra dictum, jus videndi ne quid Imperium detrimenti capiat, non temporario antiqui &

extraordinarii exempli more , sed solennem & Collegio ordinarie annexam potestatem tribuit ; antea usu, deinde ipsius Carolinæ constitutionis vigore : in Electoribus sunt Vicarii Imperii, vacante Imperio , illo ipso tempore, quo conducuntur, eo jure fungentes. Quæ , & similia , faciunt , ut fiduciaria Legatorum auctoritas , sicut & ministerialis Magistratuum potestas (quamvis eâ voce , ut minus accurate definant uti Scriptores talium argumentorum, vix reliqua spes est) longe infra Electorias in Electione curas & jura, subsistat.

§. 10. usque
ad 16.

Quare etiam quàm sit singularis Carolinus conductus, apparet ex consideratione Conducendorum : qui & communiter describuntur , ut vidimus ; & nominatim , *Rex Bohemia Sacri Imperii Archipincerna , Archiepiscopus Colonienfis S. Imperii per Italiam Archicancellarius , Archiepiscopus Trevirensis , S. Imperii per Galliam & Regnum Arelatense Archicancellarius , Comes Palatinus Rheni S. Imperii Archidapifer , Dux Saxonia S. Imperii Archimarscallus , Marchio Brandenburgensis S. Imperii Archicamerarius.* cur non etiam Princeps & Decanus tam Augusti Collegii , *Archiepiscopus Moguntinus , S. Imperii per Germaniam Archicancellarius ?* Respondet Linnaus : quod *Moguntinus conductore nullo indigeat , quando proficiscitur Francofurtum , ad Electionem ibi perficiendam ; eò enim versus semper in territorio suo progredi potest. Indigere autem potest, si Electionis actus alibi , quàm Francofurti celebretur.* Sed quia Carolus lege voluit hunc locum Electioni destinare , non opus fuit , ad exceptiones , tempori tantum & necessitati condonandas (ut disponitur cap. 28. §. 5.) respicere. Si tamen legitimum impedimentum Electionem alium transferat in locum , Elector Moguntinus , jam communi jure Electorum , ab initio hujus legislationis signanter expresso , potest conductores sibi optare , qui ratione loci & temporis necessarii videntur. Forte & ob hoc ipsum nominati non sunt conductores , quod Carolus locum Electionis Francofurtum omnino servari cuperet (ubi scilicet Moguntino conductores non videbantur necessarii) neque facile , aut citra legale impedimentum mutandum esse , indi-

indicare vellet. Nam quod *Hartmannus Maurus in coronatione Caroli V.* ipsum Carolum IV. mutasse hanc suam legem anno 1363. & libertatem loci statuisse refert, nec probari, nec sine probatione credi potest. Vix dubitem interea, præter causam dictam, fuisse & alias, ob quas Moguntino conductores singulares non attribuerentur, ex illius temporis & status rationibus, nobis ignoratis. Forte & reperiri aliquid possit, si meditentur, qui ingenio valent, & instructu Tabularum publicarum juvantur.

Loca, per quæ conductus Carolinus fit, signantur.

Conductor Carolinus tenetur conducere per terras, territoria, & loca sua, & etiam ultra, sicut longius poterit. Et: per territoria sua, & alias quanto poterit remotius. Et: ut unusquisque ad præstandum conductum, per suas duntaxat terras & territoria, ac etiam ultra quanto potest remotius, sit adstrictus. *durch ihre Lande, gepiete und Stede, und auch fürbaß, so sie ferrest mogen. sonderlich durch syn Lande und Gepiete und auch fürbaß, so er ferst mag.* Recentior versio, in fine hujus legislationis de conductu, sequentem particulam, sine dolo huc transfert: *allein durch sein land und gepiete, auch so ferr er es ungesährlich vermag zu geben.*

Generalitas in exprimendis locis, respondet generalitati in assignandis conductoribus: apparet enim, ex sanctione ipsa, ut ante diximus, non tantum Immediatos vocari ad hujus conductus officium præstandum, sed etiam Mediatos per modum Pacis publicæ seu generalis, & Ediæti de auxilio ferendo (*eines gemeinen Friedens- und Hülffgebotts*) pro cujusque viribus. Unde Jureconsultus non inolebris, civitati fundamentum Immediatis in conductu Carolino quærenti, quàm infirmum præsidium aspiraret, cum etiam Mediatum conducere hic jubeantur, ostendit: & addidit mentionem civitatum non Imperialium jus conducendi habentium.

Quod autem attinet illa verba, *etiam ultra, quanto pot-*

erit remotius, & perspicuitas & repetitio declarat, indicari *amotionem à proprio territorio aut loco, & sic transitum in alienum territorium*. Sed *potestas juris* additur: *sicut poterit, salvo jure cujusque*. Qua in re putamus, Legislatorem respicere, *extensionem partim legi, partim voluntatis, partim necessitatis*. *Legalis extensio* quando est, vel pacto, vel consuetudine, jus est conducendi per alienum territorium. Qualia exempla nec tum defuisse, satis apertè colligitur. *Voluntaria extensio*, ad multa pertinere potest; quæ nunc, pacatioribus temporibus & itineribus, haud æquè attenduntur. Periculo enim imminente, consilii & rationis fuit, vel admittendo, vel invitando adungere sibi conductores in societatem officii, qui jam per sua loca conduxerant. Major etiam fuit species, numerosius incedentium. Potuit accedere ejus, qui conducebatur, votum aut desiderium: potuit attendi commoditas aliqua à conductoribus conducto exhibita, & amplius exhibenda. &, si quæ possunt hujus generis alia, ad rerum temporumque veras imagines accommodari. *Necessaria extensio* ad præsentiolem periculi metum pertinet, si conductores sequentes, præcedentium operâ se opus habere dicant ad meandum remeandumve, & hi (præcedentes) non habuerint exceptionem *tè aduante*, sive ejus, quod moraliter fieri nequit. Posset & ille necessitatis casus cogitari, si sequentes conductores non fungantur officio, ut tum præcedentes teneri intelligantur. Cogitari, inquam, hoc posset. nam ex historia, tale quid inde ab A. B. conditâ accidisse, demonstrari non potest. Ut servaretur quippe Lex, utut accuratissimæ constitutionis, sanctio & severitas pœnarum effecit, de quâ nunc dicendum est.

*Sanctio Constitutionis, & pœnarum denominatio
consideratur.*

Sanctio in hac constitutione, & criminis acerbitate, & pœnarum severitate maxima constat. Causam tantæ severitati *Necessitas* temporum videtur suggessisse. Latrocinia
& graf-

& grassaturæ ubique increverant. quibus in Germania & Bohemia coercendis singularem Carolus industriam ac disciplinam adhibuit: denique ea fundamenta jecit, quibus postea Imperatores Pacis Publicæ Leges superstruxerunt. Accesserant & turbarum, in transitu rerum & circa Electionis negotium, exempla, & factionum dissidiorumque uberrima materies. Igitur mediocribus remediis non credebatur sisti posse temporum licentia.

Descriptio criminis sic I. *generaliter*. II. *per specialia nomina*. III. *per colores & exaggerationes*. Generaliter in istis: si qui huic nostræ constitutioni contraire præsumserint, contra præmissa facere præsumentes, contrarium facientes, qui secus fecerint, qui nostras leges & constitutiones adimplere noluerint aut eis contraire præsumserint, in has leges nostras committens. Quæ generalis descriptio, & ad omnia, quæ lex fieri jubet, & ad commissa, quæ lex fieri vetat, ex ipsa cujusvis sanctionis natura, pertinet.

Specialia nomina delicti, miscentur rationibus & coloribus, ad exaggerandum pertinentibus. *Perjuri, rebelles, negligentes*, vocantur; qui in hanc constitutionem de conductu Carolino deliquerint. Ubi vox *negligentia*, ad rei præceptæ omissionem, quæ dolum habet conjunctum, αὐθιγία referenda est. *Rebellio* ad exaggerandum spectat. *Perjurium* partim interpretativè, ut loquuntur, exaudiri debet; quatenus fide ordinariâ & juratâ ejus, qui Imperii membrum vel Mediatum vel Immediatum est, continetur observantia Legum Imperialium, & præsertim hujus de Conductu Carolino; ut sine nota perjurii se opponere nemo queat: partim *legaliter*, quatenus hac ipsâ constitutione pro perjuro habendus & puniendus violator conductus Carolini decernitur. Præter hanc generalem contraventionem, exprimuntur etiam nominatim delicta quædam, ut *custodia hostiles, insidie, denegatio literarum*, quibus obligatio conductus continetur. De quibus supra dictum est. s. 4. & 7.

Rationes, tanquam colores, ad intendendum crimen, s. 2.
congeruntur in illis verbis: præsertim cum contra Rempubli-

cam ac sacri statum & dignitatem Imperii ac etiam contra honorem proprium & salutem, tanta rei temerarii neglectores, tanquam rebelles, inobedientes & perfidi, infideliter & perverse agere convincantur. vmb daß sie begriffen werden, daß si wider eyn gemeyn gut offenbare vnd deß heiligen Richs Gesetze vnd würdigkeit, auch vvider eygen ehre vnd heil vnd groß ding frevelig gehindert han, vnd auch als vviderßpennige, vngehorsame, vngetreu also bößlich vnd vngetreulichen han gethan. Textus Latinus haud dubie causali voculâ cum rationem severitatis reddit. id quod recentior Germanica versio non æquè clarè expressit: *Besonder so dieselben vvider deß Heiligen Reichs gemeinen Nutz, Stand oder Würdigkeit, auch vvider sein eigen ehr, als freventliche versäumer und vviderßpennige, dem Heyl solcher sachen ungehorsam, so haßig, ungetreulich, und vvider-vvertiglich mißhandelt, erfunden vwerden.* Vel hinc liceat animadvertere, quanti sint faciendæ versiones Germanicæ, & quàm non æquandæ Latino textui. sicut rectissime *Limneus* monuit. Addimus hoc loco, in transitu: ex his & aliis Germanicis textibus A. Bullæ clarum esse, *Latine ab initio conscriptam, postea demum Germanicè* (licet forte non adeo diu postea) *versam esse.* An & hoc adjicere fas est: novissimam versionem Germanicam non omnia in melius retulisse; imo infra vetustiores non raro substituisse? Sed ut ad rem ipsam redeamus, Carolus crimen violati conductus, eoque exaggerat, ut majestatis læsæ id haberi velle videri queat. Rationes graves & pæne irrefragabiles in promptu sunt. I. Descriptio ipsissima criminis læsæ, in illis verbis validè continetur, *si quis contra Remp. & Sacri Statum ac Dignitatem Imperii, tanquam rebellis & perfidus infideliter & perverse agere convincatur.* Ubi *perfidæ rebellionis* mentio hostilem animum in Rempublicam; *Status & Dignitas Imperii*, publicæ venerationis læsæ, & potestatis turbatæ significationem portendit. II. quia Legislator, imitatore Veterum Imperatorum agit in Aurea Bulla, sicut pater, vel ex *cap. 24. §. 1. ex l. Quinqu C. ad l. Jul. Maj. dimanante.* Jam autem inter Arcana Principatus Romani hoc fuit, ut crimina, quibus coercendis mediocria

diocria remedia non sufficiebant, gravius appellando, etiam citra extensiones tyrannicas, specie legis majestatis tractarentur, norante *Tacito*. III. Si jam olim Lege Juliâ ^{l. A. 72. 4.} constitutum fuit, ut is majestatis teneretur, cujus operâ, consilio, dolo malo consilium initum esset, ut magistratus P. R. quique imperium potestatemve habebat occideretur: quid mirum, si securitati Electorum (qui magistratibus Romanis non satis digne compararentur; cum ^{l. 1. §. 1. D.} altiore auspicio emineant) hac præscriptione caveretur? ^{ad l. Jul. Maj.} cum præsertim IV. *hostiles custodie & insidiæ* nominentur. ^{h. c. §. 4.} & V. Electores *pars corporis Imperatorii* sint, ut semper Sacrosancti & inviolabiles, ita præsertim in Electionis negotio & apparatu. Verum, si ita hæc exaggeratio interpretanda videatur, strictior esse debet interpretatio, neque ad ipsos Electores, sed ad cæteros Immediatos Mediatosque, sicut in ipsa Constitutione ubi hæc verba leguntur, enumeratio fit, applicanda. Sed hæc ad declarandam exaggerationem criminis, ita allata par est intelligi, quatenus ad atrocissima crimina, pacis præsertim publicæ violationem spectantia, coloribus depingenda, ex natura & conditione criminum majestatis, aliquid mutuari solent Legislatores. Quod autem pro formali, ut loquuntur, crimine majestatis haberi per omnia voluerit violationem conductus sui, Carolus; vel propterea non fuerit existimandum, quia illâ appellatione, infra aliàs usurpatâ, hic non utitur: quamvis tanto studio & apparatu velit rem magnam & horrendam facere.

Sicut in *pœnarum* denominatione amplius apparet. Pertinent autem pœnæ *partim* ad omnes necessitate conducendi obligatos, si deliquerint: *partim*, ad singula genera, in quæ conductores tribuuntur. *Communis* omnium, *pœna perjurii* est. *die pœn Meineids*. ut qui violaverit has conductus leges, pro perjuro habeatur. *die sint gleich meneidig*. ut habet vetustior versio. *Perjurium* autem ad fidem Imperio debitam juratamque respicit.

Quantum ad *Electores* conductores attinet, præter pœnam perjurii, decernitur, *perditio*, pro illa duntaxat vice, sua ^{S. 1.}
vociu

vocis quam in electione hujusmodi fuerat habiturus. Quæ quidem satis clara sunt : nisi quæ postea sequuntur, difficultatem non minimam crearent. His enim pœnis, aliqui novum aliquid addi ; nonnulli autem hanc ipsam privationem vocis §. 1. in §. 8. explicari & *ἐκφυγῆναι* produci existimant. Prior sententia nititur apparatu verborum, qui non otiosus debet putari : si quidem talis Princeps Elector existerit (qui contraire aut has leges non adimplere, præsumserit) ex tunc ceteri sui Coelectores à suo ipsum deinceps excludant consortio, ipseque voce electionis & aliorum Principum Electorum loco, dignitate careat atque jure ; nec investiatur de feudis, quæ à Sacro Imperio visus fuerit obtinere. Ita enim Msc. noster Codex habet. versio vetustior : *ist es, daß er ein Kurfürst ist, zu stund so sollen die andern sin mit Cursfürsten denselben fürbaß me auß ihrer Gesellschaft schliessen, und sol darby verlyren Stymme der Kor und der Kurfürsten Stad, Würdigkeit und Recht, und sol auch nit ingesetzt vwerden von der Lehen vwegen, die er von dem heiligen Riche heldet. Nec mutat recentior: er sol auch sine Walstimm, so vvohl andere Churfürstliche Würdigkeit, Stat und Gericht mangeln, noch einiges Lehens, so er vom H. Reich bett, sahig oder empfänglich seyn.* Ubi tanta verborum frequentatio. quod debeat non voce tantum sed dignitate, Statu, jure, Electorali carere, videtur plusquam temporariam privationem ad unius Electionis actum restrictam & suspensionis naturam referentem, exprimere. Quare Rümelinus ad A. B. explicat : *Electo has leges adimplere renuens, Electoratu suo privatur.* Alii verba sine explicatione repetunt. Sed hic obstant rationes magni ponderis. Ut facere novum Electorem & Electoratum, ita etiam deponere aut extinguere, res est ingentis moliminis. An credi potest, Carolum, negotium totius Imperii auctoritate tractandum, in solius Collegii Electoralis manus resignasse ? Dices forte : quidni ? cum tantum faveat dignitati Excelsissimi hujus Collegii ? cui nec minora, si Electionem Imperatoriam consideramus, usu, consuetudine, & ipsâ lege Carolinâ, tradita sunt. præterea, hæc Depositio non tam fieret à Collegis Electoribus (nisi quoad

execu-

dislett. 2.
th. 6.

executionem) sed Imperatoriâ totiusque Imperii consentientis auctoritate in legem hanc publicam relata. Sed &, quantum à violatione hujus legis omnes detertere voluerit Legislator severitate poenarum , ex toto verborum contextu constat : ut mirum vixesse debeat, si hæc quoque poenæ acerbitas , ceteris pro portione quadam respondeat. Favere videtur & ratio severitatis ; si Elector-*ea* quæ ad honorem Electorum & salutem sancita sunt, violer , ut dignus non videatur in tam sacrosancto Collegio numerari , cui proprius honor & salus , non Collegarum tantum , in levi habetur. Huc addi potest, quod de deneganda Feudorum investiturâ dicitur. Qui enim non investiendus est de feudis , quæ à S. R. Imperio visus fuerit obtinere , in perpetuum exclusus à Collegio Electorum videri queat. Sed, utut hæc non sint nullius ponderis, facile tamen , qui omnia considerata considerat , existimabit , non decerni perpetuam & plenam à Collegio Electorali exclusionem : in quâ disertissimis verbis & definitâ expressione opus videtur. Et , quia nulla hic praxis occurrit (quæ non minimum alias explicandis legibus momentum facit) forte huc potissimum inclinandum est & in toto negotio , & in denegandâ investiturâ , ut suspensio potius quàm omnimoda privatio Electoralis Dignitatis accipienda sit : donec scilicet, qui deliquerit, Imperio & Imperatori satisfecerit , & concessâ veniâ, investituram & pristinam dignitatem recuperaverit. Flexit huc oculos *A-*
rumans, cum vocem *investiendi* stricte accipit , de prima in- disc. I. ad
 vestiturâ , exclusâ confirmatione , quæ tamen cap. 2. §. 5, A. B. §. 15. A. B. §. 15.
 sancitur. *Quod si Elector*, inquit, *vel Princeps, Comes, Baro,*
Nobilis, qui nondum de Electoratu , Principatu, Comitatu, Baronatu aut pseudo investitus est , Constitutionem hanc de salvo Conductu implere noluerit , aut ei contravenire præsumserit, &c.

Pœna aliorum , qui non sunt Electores , exprimitur non uno modo. Primo de iis agitur , qui sunt *Principes, Comites, Barones, Milites & Clientes*. hic addunt nonnulla exemplaria , & universi nobiles contrarium facientes , quod etiam in MSC. nostro comparet, & retinuit Versio Germanica

nica vetustior : *Alle Fürsten und Graffen, Landes-Herren, Edel, Ritter, und Knechte, und alle Wölgeborn, die darvvider ihnn.* Sed, ut Goldastus Latinum textum in *Constitutionibus* exhibet, omittitur posteriore loco, vox, *nobiles*, & ponitur ita : & *universi contrarium facientes.* sicut etiam novissima Versio Germanica ponit. Vir, de his studiis bene meritus, substituendum censet, *ignobiles* : ne bis *nobilium* fiat mentio. Nolim assentire. Si adjectitia vox est *nobilium*, valde vetustum est glossema. & ratio, cur accesserit, non adeo obscura est. Indicandum enim videbatur, de *Nobilium* pœna hic agi, quatenus à civibus & communitatibus in hac constitutione aliquotiens distinguuntur, de quibus etiam mox sequitur. Est autem pœna, præter reatum perjurii, privatio feodorum omnium, quæ à S. Rom. Imperio, & à quibuscunque aliis obtinent, & etiam omnium possessionum suarum à quocunque habitatarum. *Die fallen in pœn Meneydes vnd Verluste aller Lehen, die sie von dem heiligen Rich han, vnd ander Lehen, von vve-me sie die hant, vnd alles ihres Guts, wo sie es hand.* ubi discrepat textus Germanicus vetustior, à Latino : quod ibi *specificatio* bonorum, ut vocant, hic *origo & titulus* spectatur. Plus autem videtur quodammodo indicari, si dicas, à quocunque habeas possessionem, atque his verbis ipsum titulum & occasionem exceptionis & prætextus bonæ fidei ac iusti acquæstus, extinguas ; quàm si nomines *bona ubicunque habita.*

Civium & Communitatum pœna, præter perjurium, cuius notâ communiter violatores Conductus Carolini insigniuntur, est privatio iurium, libertatum, privilegiorum, & gratiarum à sacro obtentarum imperio ; tum bannum ac proscriptio Imperialis, quam cum personis & bonis suis omnibus incurrant. Cujus banni descriptio horribilis & plena habetur, primum ab objecto, quod ad personas & bona pertineat ; deinde ab effectu, quod cuilibet liceat auctoritate propria & sine iudicio seu invocatione magistratus cujuslibet impune violatores illos invadere, nullamque pœnam propter hoc invadens ipsos debeat ab Imperio aut quovis alio formidare. Utrobique frequentibus verbis & copiosâ denuntiatione res geritur. Et in banni quidem

quidem descriptione, *personas & bona Germanica* Recentior κατὰ νόμον expressit: *vetustior* reddidit, ex formula, puto, judiciali, *Jhr Lip und Gut*. De illis verbis, quæ effectum banni ordiuntur, quædam monenda sunt. Non bene enim interpungi plerumque, & omisissis voculis quos & omni corrigi arbitramur. Fortasse optime retinebitur integer textus, ut in *MSC.* etiam *nostro & Goldasti* Constitutionibus legitur; sed hac interpunctione, post *incurrunt*, nova sententia inchoabitur in hunc modum: & eosdem, quos ipso facto exnunc prout extunc omni jure privamus, deinceps cuilibet hominum auctoritate propria &c. licebit invadere. Præterea, sicut legislatio non ad singulos tantum sed ad totas communitates ac civitates pertinet, ita etiam poena banni totas universitates, ceu fulmen, cui comparatur, afflare potest. Est enim hæc natura, horribilis hujus poenæ, ut feriat ubicunque potest, & quoscunque potest: cum inventa sit ad terrorem augendum. Quo incusso, ubi pertimuerint, qui banno Imperiali perculsi sunt, & ad satisfactionem decurrerint, æquitate Judicis, & si ad instantiam partis impetratum est hoc fulmen, etiam partis moderatione, vel spontaneâ, vel à Judice elicita (præsertim ubi de tota communitate agitur) de rigore, vix abest, quin aliquid remittatur. In talibus enim, rigor immobilis, ad ultimos casus, ubi Respublica dirâ necessitate ad statuendum exemplum compellitur, reservari solet.

v. Gail. de
P. P. 2, 9.

Cæterum *proscriptio Imperialis* in *Vetustiore Versione* dicitur *Kayserliche Acht*, in *Recentiore des heiligen Reiches Acht*. sicut in pluribus monumentis ista ἐκ παραλλήλου dici, notum est.

Invasio banniti, quæ hic permittitur, intra terminos strictiores, & citra interfessionem, merito & prudenter, ut arbitror, à *Limæo* coërcetur. Sed nobis non est constitutum hoc loco de Banno Imperiali prolixius agere.

Ufus Constitutionis hujus de Conductu Carolino, an & quis hodie,

Dubitari fere posset, an magnus hodie hujus legislationis usus sit. Ita enim Freherus cap. XII. de Tutela Curaque Testamentaria Electorali: Conductus Electorum ad Comititia euntium tam accurate praescriptus, pene totus in desuetudinem abiit: credo, quia Pace publica firmata melius quàm Bulla tempore, & securitate viarum publicarum vigente, custodiâ & conductu illo parum opus. Salva tanti viri auctoritate, existimem, hæc liberalius dicta. Non enim in desuetudinem abiisse totum hunc Conductum Carolinum, vel novissima exempla demonstrant. Minore cura & sollicitudine ac severitate rem geri, quàm in Carolinâ Constitutione continetur, verum est: & fiduciâ pacis securitatisque temporum solet evenire; ut in multis aliis cernimus. Tertio argumentum Freherianum adversus omne jus conducendi eadem argumentandi ratione converti posset: quod tamen non solet dimitti, ut notum est. Quarto, si, quod Deus prohibeat, pericula temporum priorum redirent, praesentius cerneretur, & expromta in originarios usus esset Lex Carolina; cujus auctoritas, desuetudinis obtentu, nequaquam imminuenda videtur.

Testatur etiam interga pleno vigore, de *sanctitate Electoralis axiomatis*; & operis Electorii, ad totius Imperii perpetuam salutem pertinentis, *majestate*. De quibus nihil decerpendum est ullo prætectu.

Ad illustrandas *legislationes de Pace Publica*, ad hoc exemplum in multis exactas, quàm potentibus momentis pertineat, fortiter ostendi posset, si hoc jam ageremus.

Nomothesia Carolina, quàm sit accuratum hoc specimen, itidem clarius est, quàm ut dici debeat.

Neque de *Ufibus Historicis*, ad Notitiam Imperii, ejus temporis, spectantibus, aliquid adjiciendum ducimus, expleta jam mensura hujus scriptiunculae *avroxydus* deperatae.

Carolus

Corollarii loco adjecta.

I. An ullo casu aut causâ Christianis fas sit, Turcarum armis viribusque alios Christianos oppugnare? N.

II. An Principi Christiano à Turcis impugnato, teneantur alii Principes Christiani, si postulantur, auxilium ferre; idque jure divino & naturali? A.

III. Præcipuum potentiae Turcicae robur in quibus consistat; tum in quibus præcipua infirmitatis indicia appareant?

IV. Donationes à Principe moriente emendicatae, an jure revocari possint? Rationes dicet *Hieronymus Osorius lib. 1. de reb. Emmanuelis Lusit. R.*

V. Rectiusne severitate adversus Judæos anno 1482. usi sint Fernandus & Isabella Castellæ Reges, an benignitate & mansuetudine, Joannes & postea Ejus successor Emmanuel, Lusitaniæ Reges?

VI. An conditores XII. Tabb. in lege, qui alienas fruges excantassent, capital esto, fieri hoc posse magicis artibus crediderint, an propositum tantum & conatum magicum puniri voluerint? Conferendi sunt *Augustinus de C. D. VIII, 19. Plinius XXX, 1. & XXVIII, 2. Senec. Nat. Q. IV, 7. Apulejus apolog. 1.*

VII. An illud ab Apulejo ex antiquioribus sumtum verum sit: *Quindecim liberi homines, populus est; totidem servi familia; totidem vinclii ergastulum?* A. si populus *metropolitanus* e. g. de vico aut pago; familia & ergastulum *extramuranus* de plenioribus legitimisque, capiantur.

VIII. An Scipio Gentilis in Apolog. Apuleii (pag. 246.) recte existimet, *morem scripto agendi causas, magno recip. malo inductum esse?* N.

IX. An lex Attica, & judicii Martii consuetudo, quâ patroni causa, principia dicere & miserationem movere verabantur, ad actores tantum pertinuerit: &, an omnino probanda sit? Non probanda indefinite videtur. Vid. *Quintil. II, 17. & VI, 1. Apulej. Miles. X.*

An Poëtæ , philosophicè , *fames* dicatur *Furiarum maxima* ? sive : *an nulla pœna sit fame gravior* ? A.

Appendix

CONDUCTORIS CAROLINI.

Quia video brevitatem , & festinationem mihi fraudi fuisse , in hoc schediasmate ; pauca respondebo , non quidem Arcadico pecori , quod ne vocabula quidem harum rerum intelligens alienas censuras assert , sed illis Cenforibus , qui nullam occasionem alienis laboribus insultandi omittunt. Nam *Ludimagistellus* iste *Calumniator* , *Sycophanta* , *Paratragedus* , qui se *Jurisconsultum* vocat ; tum aliis pluribus facinoribus , tum famosis libellis infamem in modum occulte disseminandis , indignum se facit omnium bonorum virorum commercio , & cathedrâ Academicâ , cujus opprobrium diu fuit , ne triviali quidem ludo præfici dignus ; denique in nullo censu ponendus , nisi forte sycophanticorum latronum turba eum signiferum cooptet. Ne tamen impurissimi hominis scelera lateant , paulo post ostendentur *Soli mendacia* , *furores* , *flagitia* , quibus *Reipublicæ* & *seculo* non *delicias* profecto facit , sed convitium. Utendum enim est dictione , quam servum animal ex occultis nec intellectis susurris , arreptam , statim ad obscœnitates & ineptias sui moris transtulit ; & sincera honestissimaque gaudia eadem voce signari non credidit : licet pueri eum mille exemplis verberare queant ; frustra quidem , ut opinor : quî enim bruta bestia , unam eandemque vocem tam diversa significare , intelligeret ? aut quî , nullius omnino linguæ peritus rabula , de ullo loquendi genere erudito judicaret ? Sed conventum volet hunc latronem mox publica & privata *Nemesis*. Nunc ad rem.

Reprehendunt , quod (*pag. 10.*) *Erfordiam* & *Moguntiam* , *Civitates Mediatas* dixerim. Et de *adulatione* quidem , nemo nisi *calumniator* suspicatur , ex suo ingenio alios judicans.

dicans. Nemo est hic, qui adulationem (tace sycophanta) admittat, vel afferat. Ignorantia & malignitas est, quæ veritati obstreperit. *Erfordiam* à multis sæculis, atque adeo ante A. B. fuisse civitatem *Mediatam*, agnovit semper Aula Cæsarea, ante *Cameram* institutam; agnovit *Camera* superiori sæculo (nisi omnes mecum errarunt, qui apud *Gylmannum Meichsnerum*, *Klockium*, propriis *Erfordiensium* confessionibus, & præterea argumentis invictis crediderunt; viri scientia & rerum usu tales, ut, qui iis se præferre velit, testimonio valde violento opus habeat) agnoverunt Comitibus; & in novissimo conflictu non *Moguntina* tantum *Sedes* apud *Pacificationem Osnabrugensem*, sed etiam ipsa *Serenissima Domus Saxonica*, cujus in clientelam se *Civitas* tradidit, *Immedietatis* affectationem gravi scripto publicato retulerunt. Quid? quod ipsi, præcipui *Consilarii Civitatis*, & aliunde in consilium vocati, responderunt, *Fundamentum Immedietatis* ex A. B. & jure conducendi speratum, valde infirmum imo nullum esse. ad quam rem digitum intendi pag. 27. Addatur *Limmaeus* l. P. IV, 8, 82, &c. *Martin, Mager, de Advocat, cap. 6, à n. 173. usque 180.* Nec est, quod à me amplior demonstratio exigatur: cum hæc res in oculis & manibus sit.

Moguntiam, anno demum 1462. *Mediatam Civitatem* factam esse ex *Immediatâ*, *Kyriander in Trevirensibus*, *Stumpsius in Helveticis* referunt; absque ulla probatione: ex his ceteri secure describunt, catalogum exhibente *Knipschildio*. Ita scilicet res confecta est; licet ostendi possit; *Moguntiam* jam ante *Auream Bullam*, paruisse *Archiepiscopis Moguntinis*, tanquam *Patrimonii S. Martini Sedem primariam*; omniaque præstitisse, per quæ subjectio demonstratur; neque illam conjecturam, ex capta anno prædicto *Moguntinâ*, ullius *Historici* suffragio aut *Documentorum* fide illuc pertinere, quasi tum demum, *Immedietatis* conditionem amisisset. Qui in contrarium argumenta, non nomina sine argumentis, afferent, vincent. Habebit illa res suum locum.

De *Illustrissimo Limpurgio* p. 12. &c. actum est, ut omnes vident,

vident, ex hypothesi *Limnai*. quod enim ego, non ignoratam mihi dubitationem, de Conducentium locis, territoriis, regionibus & familiis, tum de ipsorum Limpurgiorum origine, lineis, necessitudine, seposuerim prorsus hoc tempore; & manifestum per se est, & ultro prædictum. *Limnaus* autem ad hæc ipsa verba Textus cap. 1. §. 11. observat. 18. posuerat: *Barones Limpurgici dicuntur semper Freye, suntque Vicepincerna Imperii, hac Bulla nostra cap. 27. §. 6. des H. Reichs Erb-Schencken.* Hæc dum repetii (p. 12. f.) satis apparere utique debuit, me ad alienam sententiam annotationem ponere; & quidem, relistâ disputatione de pluribus Limpurgiis, tantum de illa Pincernarum Familia agere, ad quam *Limnaus* nomen Limpurgium (ab aliis ad diversas Familias accommodatum) in tota A. B. refert. Hic ergo rogo Censores illos (nam cum Asinio Sycophanta mihi nolo negotium esse) ut mihi potius ex documentis publicis, instrumentis, diplomatis, subscriptionibus, quàm ex scriptoribus illis, mihi fortasse non minore numero cognitis, quàm ipsis, ostendant, ubi vocabulum *Baronis* Pincernarum Limpurgiorum nomini-bus sit additum, & quotiens id factum sit, quaque ratione & auctoritate. hæc enim omnia considerari debere, nemo negaverit. Imo hac ipsâ de causa proposui publicè, ut, quoniam Documenta ejuscemodi per Archiva disperguntur, elicerem aliorum investigationem. Secundum erat, quod notavi, in A. Bulla neque hoc cap. 1. neque altero cap. 27. *Baronis* nomen rectè addi; hinc enim, *Comitis* appellationem Limpurgio nomini additum apparere: infra, *Vicepincernam de Limpurg*, absque *Baronis* titulo occurrere. Tercio, *elogia Domini*, & *Semperfrey*, non statim evincere *Baronis* conditionem, monui. Quarto honorifica *Paurmeisteri*, *Reinkingii*, ipsius *Limnei*, *judicia de Illustriissima hac Familiâ*, attuli. Et obscurari potius incuriâ multorum Scriptorum, splendorem hujus Familiæ, quàm describi, in loco & tempore doceri posse, adjeci. Quid ergo in his, ò mei Censores, peccatum est? Quæ hic ignorantia, quis error, tyroni etiam erubescendus accusa-

accusatur? Docete, quæso, paratum gratias agere. Nam adulandi causâ me hæc scripsisse, nemo nisi excors Calumniator dixerit.

Qui etiam deliravit, locum aliquem fore iis, quæ domi suæ ex alterius studiis de genealogiâ quadam audiverat. ubique enim alieno ore stiloque blaterat. Occasione elogii *Semperfrey*, verba *Paurmeisteri* (ex lib. 2. cap. 11. §. 40.) repetii p. 14. *Westerburgenses*, quos *Comites Leiningenses* jam representant. Quæ totidem elementis habet *Besoldus de Comitib. & Baron. cap. 4. §. 19. & Limnæus l. p. lib. 4. c. 5. §. 23. & cum explicatione ex Rec. Imp. ad A. B. c. 1. §. 11. observ. 16. p. 136. ne de Daniele Ottone, & ceteris dicam. Quid hic de genealogiâ? quæ tricandi occasio?*

Superest, quod non credo illis Censoribus deberi, quibus hætenus, libenter meritoque respondeo. aut, si quid moverunt, certe Ludimagistellus Calumniator non cepit per stuporem, neque accepta reddidit per malitiam. Magnum facinus admisi: Dixi, in *Electores crimen majestatis committi posse*, p. 25. Habeo facinoris socios, gaudeo, præclaros profecto viros innumeros; è quibus paucos tantum nominabo, ne mihi secutulejorum emblema ingeratur: illos

defendit numerus, junctæque umbone phalanges.

Dicunt ergo hoc *Arumæus*, *Reinkingius*, *Schützius*, *Cammanus*, *Beckerus*, *Freinshemius*, &, præsertim, cum fusâ explicatione & auctoritate rerum præjudicatarum *Carpzovius in Practica Criminal. part. 1. quest. 41. Limnæus*, qui in hac locutione aliquid desideraverat antea, novissimis annotationibus in A. B. multum videtur remisisse. Subtilitas est nec necessaria, nec recepta, quando quis diceret: *Committitur quidem crimen majestatis, insidiando vitæ Electorum, sed in Imperatorem committitur, non in Electores; Imperator & Imperium in Electoribus leditur.* Æque enim receptum est olim & hodie, ut dicatur: *crimen majestatis committi in eos, qui sunt pars corporis Imperatorii*; sicut cum infinitis aliis loquitur *Perezius C. ad L. Jul. Maj. & Carpzovius l. d. Quod enim Limnæus, Fachinas etiam usurpatum lemma ponit,*

crimen majestatis non committi nisi in habentes majestatem; nemini accurate cogitanti facile se potest approbare; si consideret, Legislatorem crimina, ex usu reipublicæ, & pro necessitate temporum, definire; idemque nomen non iisdem delictis semper imponere. Et extensiones Legis majestatis, non tyrannicæ tantum, (ut Tiberii, Domitiani &c.) sed bonorum Principum consilio repertæ (ut Augusti, Arcadii & Honorii &c.) notæ sunt omnibus, quibus historia non ignota est. Quamquam, in exemplo, non opus est huc decurrere. Quis enim ita patiatur assumi: *Electores non habent majestatem*? Licet enim totam non habeant, participant eam tamen. Quo fit, ut nonnulli longius progressi, in omnes Imperii Status crimen majestatis committi posse, statuunt. sed A. B. de quâ nobis sermo, haud dubie aliquid eximium hîc Electoribus decernit: ut gradus maneat inæqualitas, etiam ubi de juris æqualitate præsumitur. Sed quantæ in utramque partem salebræ in hac quæstione occurrant, quando de communicanda, aut partienda majestate; de majestate Imperatoris unius, an Ordinum quoque; de dependentia ac independentia Ordinum; de una, aut ex multis in modum unitatis constituta Republicâ; de variis summæ potestatis, & summâ minoris vocabulis, eorumque distinctione & usu; quæque sunt ejus generis alia, huc spectantia: de his, inquam, frustra diceretur apud eos, qui non assueverunt tales quæstiones ad propria cujusque partis principia revocare. Et absolvi posse apud homines non iniquos eum, qui dicat, in Electores committi crimen majestatis, etiam absque apologiâ, nihil dubitandum est.

Sed Ludimagistello Calumniatori, famosorum libellorum artifice & disseminatori clanculario, aliunde satisfiet fortioribus remediis; & fœdissimorum mendaciorum refutatio, toti mundo ostendet, quantus sit Calumniator Principum & Procerum, Collegarum & extraneorum, vivorum & mortuorum, singulorum & universorum, virorum & fœminarum: cujus sycophantiis matronæ sanctissimæ ad mortem crucientur; cujus convitiis tribunalia exhor-

exhorrescant ; cujus pravitatibus clientes ad summum discrimen adducantur. Neque non patefiet bruta indoctissimi hominis stupiditas in mandatis corrumpendis , in negotiis depravandis , in scandalis ad pias aures obtrudendis ; tantâ veritatis luce , ut omnes , qui norunt Sycophantam Paratragedum , statim agniture sint imaginem monstri. Ego enim bonas horas melius collocabo ; nisi in quantum necessitas mihi incumbit tuendæ innocentiae & famæ tot Regum Principumque non testimonio tantum munitæ , sed præsidio tutæ : inprimis etiam Reipublicæ Argentoratensis ; quæ honorifica sua judicia , & perscripta de me ad exteros , & honorificis Senatusconsultis compluribus in Actis consignata ; cur patiat livore & infamibus machinis oppugnari , causam , spero , neque publicè neque privatim ullam inveniet : neque vitio mihi vertet , si , quotiens famosæ ejusmodi chartæ adversus me evolabunt , jure defensionis naturali utar vel ego , vel pro me amici.

Quod si his defensionibus aliqua intercurrerint , quæ attingi nolle Incluta Respublica , in me nulla hærebit culpa , sed in stupore & malitia Calumniatoris , qui & affert ea , quæ nemo sanus enuntiaret , & tam foede convitiatur mentiturque , ut & sæculi & Reipublicæ intersit , non tolerari exempli infamiae noxam.

WITIKINDUS MAGNUS.

EX hâc stirpe , nomine & meritis fulgentissimæ Principum Familiae , in primis Marchionum Misniae , Ducum & Electorum Saxoniae , & Imperatorum Saxoniorum , originem deducunt. Sicut , præter ceteros Genealogicos , diligenter ostendit *Elias Reusnerus* : cui addi debent *Chytraus* , *Cyriacus Spangenbergius* , *Albinus* , *Lazius* , *Blodellus*. Retro vero , ultra Theodoricum Witikindi Magni avum , certa series Saxoniorum & Westphaliae Principum , incorruptis testimoniorum monumentis tradita non est , notante *Chytrao* chronici sui libro tertio , post principium.

L 2

Merito

BASILIX.
Stirpe Witi-
kindæ p. 160.
&c. Chron.
Sax. lib. 2. p.
48. &c.
Sachf. Chron.
c. 79. *Meiss.*
Chron. tit. 19.

de migr.
gent. lib. 9.
p. 126.
Seren. Mar-
gareta Austr.
flemmar. ma-
tern. 5.
Georg. Fabr.
orig. Sax. lib.
1. p. 5.

Merito autem Witichindus hic, *Primus* hoc nomine describi potest. nam quem *Hunibaldus* alium vetustiore Witikindum jactat, is tali auctore non agnoscitur. *Magnus* cur vulgo cognominetur, adhuc amplius constaret, nisi res ab eo gestæ, & ad eum pertinentes, summatim potius quàm enucleatè traderentur. Sic quoque dispersa variè, in unum conduci, & quodam modo declarari, forte operæ pretium fuerit.

Nomen ipsum literis exprimunt non uno modo. In Annalibus Eginhardi, *Widikindus*, msc. *Vuinichindus*. In Chronico vetere Moissiacensi, *Guiduchint*. In fragmento vetere apud Franciscum du Chesne, *Widukindus*. In Annal. Franc. Fuldensib. *Witukind*. In Chronico Brevi apud du Chesne, *Widichinus*. In Chron. Hildesheim. *Witbuchingus*. In Annalibus Bertinianis, & Msc. Mon. Sangall. *Widochindus*. Apud Siebertum Gemblac. *Wintichindus*. Apud alios *Witekind*, *Wittikindus*. In Catalogo nominum propriorum. Monast. S. Gall. apud Goldastum, *Witichins*, *Vuiduchint*. Videatur omnino *Reineccius* in notis ad *Poëtam* ad lib. 1. p. 16, *Anonymum de rebus Caroli M.*

ann. 777.
p. 313.
Metrop. lib. 1.
c. 9.
Saxon. lib. 2.
c. 2.
Orig. Saxon.
lib. 1. p. 61.
Krantz. mc-
trop. lib. 1.
c. 1. Linden-
brog. in
Chron. add.

Ultimus Rex, & Primus Dux Saxonie, à plerisque recentioribus appellatur. Et de re quidem non dubitatur: sed de consuetudine appellandi, haud æque constat. Vetustissimus quisque, talis appellationis nullam facit mentionem. *Annales Eginhardi*, qui vulgo *Astronomo Ludovici Imp.* tribuuntur, *Widikindum* unum ex primoribus *Westphalorum*, vocant. quem locum explicat *Meibomius* in *Vindictis Billingani*. Quare *Albertus Krantzius* caute: *Wede-kindus Saxonum primarius princeps (five regem eum dicere collibeat)* magno pralio victus. Et alibi, *Wede-kindum omnium primarium ducem* nominat. Doctissimus *Fabricius* annotat: ante annum 628. nullius neque Regis neque Ducis Saxonum, ab ullo scriptore, qui extant, nomen citari, cum sine rege aut ducibus esse non potuerint. Idem, qui amplius observat: *Saxones* diviso in toparchias imperio, duodecim virorum Sena-

Senatum constituisse, ex quibus is, qui re communiter Krantz Sax. lib. 2, c. 22, deliberatâ decretaque bello præstiebat, Regis nomen suscepit, finito bello deponendum. Et in his Witichindum Vuernechini filium, de quo nobis sermo, numerat.

Witichindus Monachus tamen tradit: à tribus Principibus totius lib. 1. p. 6. gentis Ducatum administratum esse, certis terminis exercitus congregandi potestate contentis, quos suis locis atque vocabulis signatos ait, in Orientales populos, Angarios & Westphalos. quem locum reconciliare aliis Scriptoribus conatur Reineccius ad Poët.

Anon. de rebus Car. M. p. 3. Alberto Stadenfi, Witikint, Dux Saxonum dicitur. Regem vocitari à Dirmaro lib. 1. Reineccius ann. 783, tat ad Poët. Anonym. Qui de Magno Duce sermocinantur, p. 15.

non meminerunt, se novissima vetustis confundere. Fuerit Witikindus, magnus Dux ob rerum gestarum magnitudinem, non appellatione curiali. Principem Angariorum Chyrraus vocat. addunt alii Iburgum, quod nunc detorto paulum vocabulo Driborg vocant. Westphaliâ denique ei Krantz Sax. lib. 1, c. 24, ceu provinciam tribuunt. Videndæ doctissimæ Notæ in & 25. Monumenta Paderbornensia p. 84. & 108. 109.

Sicuti autem inclyta Saxonum gens, multos aliis gentibus reges dedit: ita quin animus verè regius in Witikindo agnosci debeat, nemo inficias iverit; qui magnitudinem consiliorum, celeritatem cogitationum, industriam in agendo, constantiam in perficiendo, fortitudinem, libertatis studium, perseverantiam in laboribus, fiduciam in adversis, & ceteras laudes, quæ summam fortunam vel mereri vel ornare possunt, ex vero æstimaverit. Quo in genere parca est admodum historia, neque tam spectacula nobis magnorum operum ad intuendum, quam indicia ad conjectandum exhibet. Igitur nec de educatione Witikindi, & juvenili ætate, nec de gradibus aut passibus, quibus ad tantum gloriæ fastigium conscendit, possumus asserere, quæ expectari in descriptione magnorum Principum, mos est. Angusto enim incedimus tramite, qui tenui filo signatur, intra terminos belli Saxonici, ejurata ethnica superstitionis, & exitus militaris,

De bello Saxonico , quod Carolus M. post annos amplius triginta vix finire potuit , ejusque causis , & magnitudine , *Eginhardus in Vita Caroli* summatim , verbis , quæ multi descripserunt , *Adamus Bremensis* , *Helmoldus in Slavicis* , *Albertus Stadensis* , *Abbas Urspbergenfis* , & alii : singillatim autem & per annos , cum *Eginhardi Annalibus* , alii Chronicorum ante laudati scriptores. In bello hoc gravissimo & pæne anniversario , quin prima fuerit apud Saxones persona Witikindus , non est dubitandum : licet Veteres ab initio belli non statim ejus meminerint. Totum belli tempus ei tribuit *Fabritius* : primum concitorem facit *Aventinus*. *Fabritius* rotundè non accuratè se locutum ipse ostendit , quando post 786. annum , qui ante tempus dimidium belli totius expletum ponendus est , impermixtum bello in fide mansisse Witikindum , refert. quod & *Erpoldus Lindenbrogius* affirmat.

Orig. Saxon.
lib. 4. p. 423.
lib. 4. pag.
239. p. 438. &
439.

in Chron.
Ger. M.

Witichindum , ut populares suos adversus Francos incitaret , non leves causæ permovebant : primum , quod errore communi bellicosarum nationum , quiescere , partem ignaviæ , suas alienasque fortunas spe metuque versare , virtutis opus existimabat : deinde quod libertatem Saxonum à Caroli Avo & Parente gravius , quàm ut oblivioni tradi deberet , attrectatam reputabat : virtute præterea gentis nondum infracta aut domita confusus ; & præsertim occasione temporum imminens , quam adversus distractum circa tot populos & imperia Carolum haud difficulter patefieri , non absurde credidit. Talis animi septimo ante Witichindum sæculo apud Cheruscos fuit Arminius , qui libertatis vindicandæ jus perpetuum esse , opinatus est , *liberator Germaniæ* propterea ab hoste dictus. & *Segellus* focer ejus , moderatioris sapientiæ , quæ fidem passionum interpositam ob stare vindiciis libertatis autumabat , non aliud pretium , quàm popularium odium retulit. Accessit ad superiora irritamenta apud Witikindum , odium Christianæ religionis , superstitionibus paganis adversæ : cujus acerrimum vindicem Carolum non ignorabat.

Tac. 2. A. 58.

Tac. 1. A. 58.

Et

Et Carolum quidem Saxones infestatis limitibus Francicis, ad propulsandas armis injurias excitaverant. Sed fuit Carolo non minimus ad hoc bellum stimulus; Christianæ religionis, destructo paganismo, propagandæ perpetuum & acre studium, quod *Adamus Bremensis*, *Helmoldus*, & alii non tacuerunt. An hæc justa belli causa, sæpe disputatum est: etiam superioris sæculi anno 47. *Fernandus Vasquus* declinavit hanc quæstionem: *Grotius* non exhaustit. Maneamus intra terminos nostri exempli. Si gentem aliquam Christiano nomini infestam esse constat, & ad illud delendum semper intentam, quidni liceat, cognito hostili animo, bello eam aggredi, & victoria ita uti, ut abolitis paganis, Christiana religio introducatur? Adde duplicem cautionem, & omnibus tricus viam obstrues: primo, ut temperamentum juris bellici, sine quo jus belli in rigore suo, Sepulveda aliquo interprete acceptum, summa injuria est, adhibeatur: tum, ut fides interposita, si qua paganis data est, servetur. Prioris temperamenti magnum habemus auctorem, ipsum Carolum: qui Witikindo nuntiari jussit: *se procerum dignitati & Saxonum saluti cupere consultum*. Posterius, clades Varnensis Vladislai Hungariæ Regis ultro commendat. *Divina certè vindicta hanc cladem omnes ascribebant*, inquit *Gerardus de Roo*. Melius enim fuerat, *pacem cum Turcis aut non fecisse, aut factam servasse*. Addenda sunt, quæ de consilio Juliani rumpendæ pacis auctoris, consignantur.

Thuan. lib.
34. f.
Illust. con-
rov. lib. 1. c.
10. §. 11.
I. B. 2, 20, 46

Thuan. 34. f.

Fabric. orig.
lib. 4. p. 433.
Hist. Austr.
lib. 5. p. 196.
add. Specul.
Hon. Austr.
ann. 1444.

Initio statim belli eluxit Caroli pro Christianâ religionis studium. Habito enim Wormatiæ Francorum concilio, in Saxoniam misit copias, & prima vice castrum Heresburgum cepit, ad Ermensul usque pervenit, & ipsum fanum destruxit, & aurum vel argentum, quod ibi repperit, abstulit. ita *Annales Bertiniani*. pæne iisdem verbis *Metenses* & *Re-*
gino, ubique ὁμοῦς. nisi quod *Hermenensul* & *Herman Saul* vocatur idolum. *Eresburgum* hoc non accipi debere de Mersburgo ad Salam, Thuringiæ fluvium, sed de urbe aut castro veteris Saxonie ad Dimolam, cum hoc, tum alia multa me-

ann. 772.
ann. cod.

moratu

moratu digna de hoc loco, exhibent accuratissimæ *Note in monumenta Paderbornensia*. *Irmensulam* autem *Saxoniam* totâ commentatione descripsit doctissimus *Henricus Meibomius*. *Lindenbrogius* etiam imagines hujus, & aliorum deastrorum Saxoniorum ob oculos posuit. Pauca attigit *Elias Schedius de Dls Germanis*. Inopiam aquæ, qua destruentes famum, laborabant, veluti miraculo suppletam, plerique adjiciunt. Victi Saxones, Carolo ad Visurgim accedenti, obsides (Albertus Stadenſis XII, nominat) dederunt, impetratâ pace.

à p. 59. ad 71.

in Chron.
Car. M.
Syngr. 3. c. 3.

Exigui temporis requies illa fuit. cum enim anno inſequentē, Carolus in Italia Deſiderium Langobardorum regem debellaret, Witikindo facile fuit perſuadere Saxonibus, ut ulciſci prioris anni damna auderent. cum præſertim Carolus neque limitem Saxonicum valde cuſtoditum reliquiſſet: neque peculiari tractatu, Saxones ad quietendum obligafſet. Effuſi igitur in viciniam Francis parentem, omnia igni ferroque miſcebant, uſque ad Buriburg, in quod caſtrum ſe receperant, qui fugiebant Haſſi. & ut Saxones oſtenderent dolorem ex idolo ſuo deſtruſto, Fridiſlarienſem Baſilicam à Bonifacio Martyre conſecratam, igni abſumere parabant, miraculo repulſi à cœptis. *Annalibus Bertinianis & Metenſibus* addendus *Regino ann. 773. & 774.* Nonnulli ad Mœnum penetrafſe Saxones, & Saxenhuſam oppidum è regione Francofurti condidiſſe tradunt, notantibus *Fabricio & Spangenbergio*. Et Carolus, accepto rebellionis nuntio, maturato in Germaniam reditu, cum Ingelheimium perveniſſet, in quatuor agmina partitiſ copiiſ (quatuor *ſcaras* vocant vetuſtiores annales, quam vocem Germanicam alii per *legiones*, alii per *exercitus* interpretantur) triplici victoria potitus eſt. nam quarta legio non reperit, cum quibus pugnaret.

Orig. Sax. lib.
4. p. 426.
Chron. Sax.
c. 73.
ann. 774.

Inſequentium duorum annorum res geſtas (775. & 776.) è recentioribus obſcurius ordinat *Fabricius*, clarius quodam modo *Spangenbergius*. Fundus, in *Annalibus Bertinianis & Metenſibus*, & *Reginone*, Poëta *Anonymo*, *Annalibus Eginhardi*. Summa, iſthæc: Conventus Duriæ celebratus;

ann. 775.

Sigi-

Sigiburgum à Francis captum ; Heresburgum instauratum ; præliopulsi Saxones , apud Brunisbergam , ubi Francos frustra transitu Visurgis arcere conati sunt. quæ de re eleganti carmine , *Monumenta Paderbornensia* :

*Arx ubi Brunonis , circumspicit alta , Latini
Militis insectas cade Visurgis aquas.
Saxones hic , amnem , Carolum , transire parantem
Nequicquam telu impedire sui.
Sed dare versa fuga victori terga coacti
Cesserant totum fluminis imperium.*

ubi nobilis annotatio. Sequitur apud Ocrum (*Obacrum*) p. 72. &c. fl. deditio Saxonum Ostfalorum (*Aufstrelendi Sax.* vocantur) Duce Hassione , obsidibus & jurejurando firmata : Angariorum , apud pagum *Bucki* (*Buchi* , *Bukki* , quæ est Boca ad Lippiam) Duce Brunone Witikindi fratre : Westfalorum , armis subactorum. Heresburgum à Saxonibus rebellantibus captum , Sigisburgum frustra tentatum , & miraculo defensum ; Desigburgum etiam egregie propugnatum. *Defenberga* est , quæ

Notæ in monum. Paderborn. p. 75. &c. ann. 776.

*Paruit Imperio Caroli , cum Francus adegit
Saxona degeneri vertere terga fuga.*

in *Monumentis Paderbornensibus* , & *Notis*. Hinc iterum concilium Wormatiæ habitum , bellum in Saxones decretum , consultis facta juncta : Heresburgum iterum instauratum , aliudque castellum ad Luppian , claustrum devictorum , extructum : quo maxima dedentium se multitudo venit , obsides offerens , fidem promittens , Sacramentum Christianæ religionis suscipiens. Dispositi custodes , & manus militum idoneis locis collocatæ.

Devenitur ad concilium magnum , quod Carolus M. anno 777. Paderbornæ coëgit : ad quod non Francorum modo proceres sed & Saxonum , excepto Witikindo , venerunt.

*Hic , ubi fons Padera media surgentis in urbe
Duco vetus magni nomen ab omne Padi ,*

*Marte diu ancipiti Carolus certare coactus,
Delegit castris conciliisque locum.*

P. 92. &c.

Poëta Anonym.
Hist. Dan.
lib. 4.
ad p. 166.

Saxon.
Grammat.
hist. Dan.
lib. 8.

ann. 777.

Ita auctor Monumentorum Paderbornensium, cujus aureolæ Notæ thesaurum antiquitatum Saxonicarum continent. Witikindus, qui semel decrevisset, nunquam in amicitiam cum Francis esse, eam sibi conditionem quæsierat, ut affinem haberet, qui & opibus valeret plurimum, & in societatem consiliorum adversus Francos & incrementem longe lateque Caroli dominationem communi periculo adduci posset. itaque Regis Danorum (Normanni tum vocabantur) sororem Gevam secum matrimonio conjunxit. Gotricus is erat, quem exteri Gothofridum aut Sigfridum appellant. unde Job. Isaacus Pontanus duos ex uno redegit, notante errorem Stephano Johannis Stephanio in Notis ad Saxonis Grammatici libr. 8. f. Hic cum partem Saxonix tributo sibi obligasset, & Germania oppressionem animo agitans, etiam plus ultra aspiraret, faciles præbebat aures sororio, immodicas spes inflanti, & nihil æque illis obstare ac Francorum opes, demonstranti. Paulus Æmilius ingenio hic indulget, & suavioriam Witikindi, aliorumque contradictionem ponit: ex quo describit Lindembrogus. Opportunum erat Dania receptaculum Witikindo & quos ipsi socios fugæ eadem ferocia aut amicitia junxerat, unde, ceteris Carolo se deditibus, nova in Francos consilia procuderet. In hoc Paderbonensi concilio, plurimi iterum Saxones sacro lavacro tincti, & in hanc fidei formulam adstricti sunt: se religionem Christianam, & fidem erga Carolum Regem, ejusque liberos & populum Francorum, constanter servaturos, sub pœna amissionis libertatis, & omnium bonorum. Bertiniani Annales ita efferunt: secundum morem illorum, omnem ingenuitatem & alodum manibus dulgtum fecerunt, (i. e. amittere se debere professi sunt, sive, in eventum dimiserunt) si amplius mutassent, secundum modum consuetudinemque eorum, nisi conservassent in omnibus Christianitatem, vel fidelitatem supradicti Caroli Regis, & filiorum ejus vel Francorum. Annales Metenses & Regino ita interpretantur: sacramenta dederunt, ut perde-

rent

rent ingenuitatem, & omnem hereditatem, nisi conservarent susceptam Christianitatem, & promissam fidelitatem Regi & filiorum ejus. Eginhardus: si ulterius Regi statuta violarent, patria & libertate privarentur. ex quo eadem verba mutuatus est Albersus. Tantis fidei pignoribus editis, nondum tamen fidem servare decreverant.

Neque enim Witikindus, libertatem, & sacra patria amittere fas ducebat. Quare, cum sequens annus Caroli arma in Hispaniam traxisset, fama que de morte ejus percrebuisse, Witikindus hoc illud esse tempus clamitabat, quod finem Imperio Francorum & servituti Saxonum portenderet, si viri essent, & fortunæ venienti sinum pandere auderent. Facile movit homines armis innutritos auctor consilii: ut hoc duce ad Rhenum usque ferro & igne omnia miscerent, non sacris non profanis, nulli ætati aut sexui parcerent. Quibus Carolus auditis, Altisiodoro, ubi tum agebat, delectam Francorum manum (Scaram Franciscam [an? Francicam] vocant Annales Bertiniani) misit. cujus tamen conspectum Saxones, deceptos se videntes non sustinuerunt, sed refugere summa ope contenderunt. Quorum plerosque consecuti Franci apud Fluvium Adarnam (Eder) magna clade affecerunt. Witikindum apud Thassilonem Baviaræ Ducem confugium & receptum invenisse, Spangenbergius nescio unde hauserit. Hæc ad annum 778. veteres Annales referunt. Chron. Sax. c. 74.

Anno 779. describuntur ea, quæ adversus Saxones apud Buchol (Bucholtz silvam à fagis dictam) & Medofulli (Spangenh. Medbel oder Mepel an der Ems) gesta sunt. ubi nulla Witikindi mentio. Anno 780. quæ apud Saxones & Slavos circa religionem & leges ordinata sunt, commemorantur. Spangenbergius veteri chronologiæ bene congruit: in Fabricio transponuntur anni, quod typographi potius, quàm auctoris sponte factum crederem, nisi in Summarum volumin. eodem modo exhiberi viderem. Anno 781. de Saxonibus rebus siletur.

Annus autem 782. Witikindum in patriam reduxit à Nordmannis (Danis) ad quos profugerat: postquam

cognovisset, Carolum Regem concilio Saxonum apud fontes Luppiae (Lipspring) celebrato, cui ipse cum sociis interesse noluit, in Franciam rediisse. More suo popularibus ad arma vocatis, castra posuit ad montem Suntal, ibi Francorum Duces eximios, qui ad Sclavos licentius agentes compescendos missi erant, Saxonumque auxilium speraverant, magna clade affecit, magnamque fortitudinis laudem retulit. Quo nuntio, & jacturâ tot illustrium virorum commotus Carolus, cum exercitu in Saxoniam properavit, & ubi Alara in Wisaram influit, obvios habuit ac supplices Saxones, qui inquisitione factâ, omnem in Witikindum primarium incentorem culpam transtulerunt. Sed is in solitas latebras confugerat. de ceteris, qui persuasioni ejus primum morem gesserant 4500. fere omnes nobilitate conspicui, ad pœnam dediti sunt. Triste spectaculum hic ira præbuit Regis, quando *super Alaram fluvium in loco qui Ferdi (Verda) vocatur, omnes una die decollati sunt.* verba sunt Eginhardi in Annalibus. Quidam & exilio damnati. Poëta Anonymus Saxo:

*Tradita sunt sanè reliquorum bis duo letho
Millia, quingentique viri, qui tam grave bellum
Illius (Witikindi) contra Francos gessere suâs.
Hosque die cunctos Rex decollaverat una
Juxta Alaram fluvium, locus idem Ferdi vocatur.*

v. Spangenberg.
Chron. Sax.
c. 75. p. 108.
add. Bertin.
& Met. A.
&c.

ex Bibl. Pithæi.

in vit. Rar.
p. 24.

Annales incerti auctoris: quorum mors (intelligit legatos & duces Caroli cæsos) quatuor millium & quingentorum hominum decollatione vindicata est. Hæc illi satis clarè. Solus Egoismensis, territus, credo, magnitudine supplicii, quasi praelio occisos memorat. Ita enim scribit: Iterum omnes Saxones convenientes subdiderunt se potestati domni Caroli, & reddiderunt omnes malefactores illos, qui ipsum rebellium maxime terminaverunt. In eo autem praelio occisi sunt de Saxonibus quatuor millia quingenti.

Insequens annus (783.) iterum rebellione & clade Saxonum insignitus est, neque dubium haberi potest, atrocitate supplicii ad ulciscendas necessitudines & propinquorum mortes, concitados Saxones, Aliqui de Danicis auxiliis

xiliis addunt. Duobus praeliis, uno apud Thiotmalli seu Theutmalli (antiquis Teuteburgium, hodie Dermoldia est) altero apud fl. Hafa, non auspicio tantum sed ductu suo victor Carolus exiit. Witikindi instinctu & consilio rem gestam apud Saxones, non dubitatur. posteriori praelio per triduum pugnato, etiam interfuisse eum, & ex fuga in arcem à suo nomine dictam confugisse, inde paulo post evasisse, variè deinceps latebras mutantem, novissimi Scriptores tradunt, veteribus tacentibus.

Notz ad me-
num, Pa-
derb. p. 37.
&c.
Eginhard, in
vita C.
Spangenh.
Fabric Lin-
denbrog. &c.
Chyuz.

Neque tot cladibus perdomiti sunt Saxones, quin Frisiorum auxiliis sibi conciliatis iterum discrimen belli adeundum statuerent. Igitur (ann. 784.) Carolus filium cognominem adversus Westphalos rem gerere jussit: Ipse, cum Visurgis exundatio iter interciperet, per Thuringiam late provectus est in Ostfalos. ita ex *Reginone* corrigendi sunt *Annales Bertiniani* & *Metenses*, qui utrobique Westphalos ponunt. Recepit victorem filium Wormatiæ, ubi consilio habito decrevit, nullam quietem perterritis dare, donec perdomiti, cupidinem rebellandi abjicerent. Non intercessit ergo hiems quo minus Saxoniam percurfarent infesta agmina, Heresburgo, ubi hiemabat Carolus, dimissa.

add. Ursperg.

v. Ego listmen-
sis in vit.
Car.

Vidit tamen Carolus, solis armis, quamquam fortibus ac felicibus, rem confici non posse, & ad excidium gentis indomabilis grassari, labes victoriæ videbatur. Quapropter consilii unici esse credidit, Witikindum sibi reconciliare. Hic vero apparet, quantus sit ille, quem cum hostem frangere non posset Rex tot gentium, tot Ducum victor profligatorque, amicum ultro ambivit; & quo gladium tenente, pacari Saxoniam posse desperavit, ejus amicitiam, ut finem belli, expetivit. Hoc Carolus, hoc Caroli proceres in concilio Paderbornensi (quando publicum populi sui conventum in loco qui *partherbrunno* vocatur more *solenni* habuit) optimum factu judicarunt. Peractis his, quæ ad illius conventus rationem pertinebant, in pagum vocabulo *Bardengoo* (*Bardengavi* est tractus circa *Bardevicum* in agro *Luneburgico*) proficiscitur, ibique audiens *Unidokindum* ad *Al-*

785.

ita MSC. An-
nal. Eginh.

Meibom. de
pagis Saxon.

bionem esse in transalbiana Saxonum regione , primo eos per Saxones , ut omiſſa perfidia ad ſuam fidem venire non ambigerent , ſuadere cepit. cumque ipſi ſacinatorum ſuorum ſibi conſcii regis fidei ſe committere dubitarent , tandem accepta ab eo quam optabant impunitatis ſponſione , atque impetratis quos ſibi dari precabantur ſue ſalutis obſidibus , quos eis amaluinus unus aulicorum à rege miſſus adduxerat , cum eodem ipſo ad ejus præſentiam in Arſiniaco villa venerunt , atque ibi baptizati ſunt. nam rex poſtquam ad eos accerſiendos memoratum amaluinum direxit , in Franciam reverſus eſt. Deſcripſimus hæc ex MSC. membrana , quæ in *Annalibus Eginhardi* nonnihil interpolata leguntur , dum editores meliora facere ſtudent , quam ſtilus ſeculi ferebat. Conſentiunt , licet paulo breviori narratione deſuncti , *Annales Bertiniani & Metenſes* , *Regino* , *Uſpergenſis* , *Stadenſis*. Satis tamen hinc intelligitur , quàm ſolicite quam comiter cum hoſte acerrimo egerit Carolus. primo tentat animum Witikindi per populares , quibus jam documentum ſuæ fidei & clementiæ dederat. mox diſſidenti , & quaſi ex æquo agenti cum victore , obſides pollicetur. denique virum illuſtrem à latere ſuo , qui adduceret , honoris cauſa mittit. Alii , ſine acceptis pignoribus ſecuritatis mendici habitu in caſtra Regis veniſſe , & cum cœnam dominicam celebrari videret die paſchatis , miraculo ad expetenda Chriſtianæ religionis ſacra inducitur , memorant. Sed tempus paſchale non congruit. præceſſerat enim adventum Witikindi conventus Paderbornenſis , menſe Majo habitus , & Carolus Paderbornâ Attiniacum regreſſus erat. Ipſum porro Carolum manus admoviſſe baptizando & pro eo ſponſendiſſe , nec minus Reginam Faſtradam pro Geva Widekindi conjuge , facile credimus. Gratulandum eſt hodieque , utriſque, Carolo & Witikindo : illi quod moderationem armis efficaciorẽ in tempore ſpeculatus eſt : huic , quod ſalute non civili modo ſed cœleſti una eademque operâ potitus eſt. Albionem (Poëta Anonymus Saxo , *Abbonem* vocat) recentiores tradunt , Saxoniam Tranſalbinam tanquam ſupremum principem poſſediſſe. quod refellit doctiſſimus *Lambecius*. Inſignem quoque utriusque ſexus

Fabric.
Spangenberg.
Lindenberg.
Krantz. Sax.
2, 23; Stange-
fol. *Annal.*
Weſtphal.
lib. 2. p. 86.
& 87.

Orig. Ham.

sexus comitatum, in partem & communionem Sacrorum burg. part. 1. Christianorum tunc venisse, *Sociorum* nomine Annales in- P. 7. & 8. dicant.

Ex hac rerum commutatione ingens lætitia, & pax fidelior constantiorque. *Tunc tota Saxonia subjugata est*, inquit *Vita Caroli à Purboro edita. quievitque illa Saxonica perfidia pervicacitas per annos aliquot*, ait Eginhardus. quæ metro includit Poëta laudatus:

*Hic iidem procures sacri baptismatis unda
perfusi, tandem Regi mansere fideles,
ipsaque gens aliquot requieverat inde per annos.*

Octo scilicet annos. quibus fido etiam commilitio Saxonum aliquotiens Carolus usus. In hoc tempus aliqui referunt rem Ecclesiasticam in Saxonia propagatam. *Tunc ad ann. 788.* demum, ait *Stadensis*, *Saxonia* in provinciam redacta est, *quæ simul in VIII. Episcopatus divisa Moguntino & Colonienſi Archiepiscopis est subiecta.* Eundem numerum tradit *Helmoldus* ex *Adamo Brem. Chronicon Mindense*, decem numerat. vid. c. 3. doctiss. *Bangerti Not. ad Helmold.* Sed ad ulterius tempus hæc transfert accuratissimus *Johannes Gryphander.* Idem de *Weichb.* qui inquit etiam de *servitute ex Saxonia sublata*, de *im-* *Saxon, c. 29.* *munitate concessa*, de *exemptione ab Imperio*, de *provincia siye* *c. 24. &c.* *ducatu Saxonia*, de *decimis ad Ecclesias translatis*: quæ omnia ex Poëta *A-* *von, ad ann.* *post hanc pacem Saxonibus concessa aut imperata libera-* *803.* *lius juniores & securius memorant.* De insignibus *Witi-* *kindi*, & equo in album mutato ex nigro, nihil attinet refragari: cum per tot ætates duraverint.

Verum, ætas humana requiritur, antequam memoria pristini status deponatur, & patientiâ novi imperii animi imbuuntur. vix certa parendi fides, dum supersunt, qui aliam rempublicam viderunt. Post octo annorum quietem, Saxones (793.) Hunnicam militiam detrectantes, interfecto etiam Caroli in Daniam legato, iram Regis concivere. qui mox (794.) bipartito exercitu in campo *Sinistfeld* (hod. *Sentfeld*) eos in ordinem redegit. Poëta *Anonymus*, *Sinostfeld*, *MSc. Sinosfeldo.* In *Monumentis Pa-* *derbor-*

derbornensibus elegantissimo carmine celebrantur Tropæa Caroli M. Francorum Regis in campo Sinisfeld :

*Nunc ubi fertilibus late flavescit arvis
Tam Cereri gratus quàm spatiosus ager,
Olim campus erat , quo prælia Saxo minatus
Francorum signis obvia signa tulit,
Sed victus cessit titulo : victoria donat
Mœnia vicino conspicienda jugo.
Si Marathon Persis nomen fatale peremtis,
Miltiada jactat clara tropæa duci :
Gloria major erit Caroli, qui parcere victis
Maluit, hostili quàm jugulare manu.*

Hermann.
Contract.
An. Bertin.
Eginh.

add. Linden.
brog. p. 177.

799.

In sequenti anno (795.) ob interfectum Wilzan (Wizzen) Abotritorum regem, qui ad Carolum iter habebat, insidiis Saxonum, in auctores facinoris deditos gladio animadvertit, & tertiam eorum partem obsides accepit. Anno 796. 797. iterum late pervastata Saxonia, castrorum suorum locum apud Visurgim Haristelli vocari jussit, mutuatus nomen ab Heristallo Francico. Videatur omnino in Monumentis Paderbornensibus, Heristallum Saxonicum in ripâ Visurgis. Ab his omnibus turbis purgant Witikindum Krantzius, & Fabricius. Sane nec Veteres ullam in eum per hæc tempora suspicionem concitant. Anno 798. Nortliundi trans Albim seu Nordalbingi, interfectis præfectis Regiis, iterum clade insigni coerciti, obsides dederunt ferocissimum quemque : & anno sequente Carolus Regis filius cum exercitu illuc profectus in fidem eos suscepit. Transalbiani tamen illi, anno 802. iterum vastati : cum instigantibus ad rebellionem Danis aures patefissent. anno autem 804. in Franciam translati sunt, Abotritis in eorum sedes inductis. Cæterum magna est laus Witikindi, quod fidem Christo & Regi semel datam, inter tot popularium tumultus, nunquam violasse compertus est.

Quem verò statum devictæ à se Saxonix dederit Carolus, unus ex veteribus, Poëta Saxo, qui tempore Arnulphi Imperatoris scripsit, explicare uberius studuit. Et hac

hac occasione *Reineccius* in descriptionem ampliorem, quam Notarum modus ferebat, digressus est. Doctissimus quoque *Conringius* bonam & huc pertinentem operam navavit, in re judiciaria explicandâ. *Spangenbergius* ad hunc finem retulit judicia Westphalica, quasi à Carolo M. instituta. cujus narrationem descripsit *Erpoldus Lindenbrogius*. Sed quod à Carolo M. non profiscantur illa, ostendit *Gryphiander* prolixè: cui *Conringius* astipulatur, quâ de re mox licebit aliqua annectere.

Nunc enim ad *Witikindum* redeundum est. Cui duas Uxores attribuunt: primam, *Gevam* Daniæ R. filiam, cujus matrimonium, ut robur & præsidium ad majora nitendi amplexus est. hæc genuit ei filium *Wigbertum*; & *Hafalam* filiam. Altera Uxor *Suatana* (seu *Suaterna*) Principis Bohemi filia appellatur, è quâ suscepit *Witikindum* II. Comitum Wethinensium conditorem. *Albertus Stadenfis* *Witikindi Magni* posteritatem eatenus memorat, ut ad Magnum *Ottonem* à *Wigberto*, *Brunone*, *Ludolfo*, *Otone* *Henrici* patre, properet.

Exitum vir militaris fortitus est militarem. In extremâ enim senectute bellum gessit, nescio quâ causâ excitatus (verba sunt *Fabricii*) cum *Nothardo* (alii *Geroldum* vocant) Duce Suevorum: quod prælium cum durasset satis diu, fatigatus gravitate armorum & contentione pugna oppetiit: & in templo à se structo sepultus fuit. quod cum *Henricus I. Imp.* destrueret, & *Vallerslebam* non procul à *Brema* transferret, etiam cineres ejus loco moti sunt & *Padelborna* repositi, ut *Chronicon Cellense*, in qua urbe divi honore cultus est, ut *Origines*. Diem, mensem, annum & obitus & translationis, vetustas locorumque illorum vastitas oblivione obruerunt. *Albertus Krantzius*, in Ecclesia collegii, quod fundaverat, sepultum, & postea *Paderbrunnam* à filiis translatum, tradit. Describit *Crusius Annal. Suev. lib. 1. part. 2. c. 2.* Vulgo annum mortis assignant 807.

Quod si *Witikindus* nactus esset facundos & diligentes rerum gestarum conditores, vix ullo maximorum imperatorum minor haberetur. Sed incidit in tempora annalibus scribendis iniqua. Unde de cœvis scriptori-

de Judiciis
Germ. §. 21.
usque ad 48.
Chron. Sax.
c. 356
de Weich-
bild. Sax. c.
45. & seqq.
de Jud.
Germ. §. 40.
Reusner.
Chytræ. &c.
G. Krauß in
Stamm und
Ankunft des
H. Sachsen.
Laur. Pec-
cant. theatr.
Sax. part. 1.

Orig. Saxon.
lib. 4. p. 439.
& 440.

Saxon. lib. 2.
c. 24.

bus vix unus & alter ; nec de iis , qui aliquot post sæculis Carolina tempora attigerunt , multi supersunt. hi-que omnes levi mentione & quasi in transcurso defunguntur. Juniores, plura quidem adferunt, sed quibus non usquequaque licet fidere. Ex *Gobelino Persona* , *Krantzius* & alii multa describunt , quibus non semper acquieveris. *Chronicorum* ad varias nationes & loca sua scripta accommodantium , quanta sit credulitas & negligentia in rebus vetustioribus corripiendis describendisque , notius est , quàm ut dici debeat. Supersunt varia Chronica necdum edita : sed pleraque à temporibus , de quibus sermo est , nimis remota , neque auctoritatem præstare idonea. *Spangenbergius* sine dubio multum diligentiae adhibuit : plus etiam , *Fabricius*. optem tamen sæpe , fontes , unde hauserint , nosse : In *Erpoldi Lindenbrogii Carolo* , mirari licet , sæpe in margine adscribi , *Hermannum Contractum* , *Sigebertum* , & alios , in quibus ne apex quidem ejus rei , quæ tractatur , extat. Quàm multa non aliud , quàm ex famâ , nunquam satis liquidâ , subsidium habent ? Longè magis ergo interdum ad novissima tempora quadrat , quod jam olim *Curtius* questus est : quod summa componentium vetustæ rerum monumenta , vel securitas , vel par huic vitium credulitas sit. Igitur paucula illa ex vetustioribus colligere , quàm novissima cumulare , satius visum est.

lib. 9. c. 5.
D. 21.

Judicia Secreta sive Westphalica , à Carolo M. veluti necessariâ severitate , ut *Chytræus* autumat , ad continendos in officio Saxones , inducta , vulgo credi tradique , diximus. Liceat ergo pauca hîc , per modum appendicis , annotare. Duo sunt inprimis doctissimi viri , qui de hoc argumento disquisiverunt : *Gryphiander* , de *Weichbildis Saxonici* , & *Meibomius* , de *Irmensula Saxonica*. Non exscribenda sunt , quæ illi fufius disputant. I. Quod fuerint *judicia sic appellata* , ut diversis vocabulis exprimuntur , non dubitamus. II. An talia fuerint , ut describuntur , maxima oritur dubitatio. nam & suspecta res est , quod ejus temporis aut proximè insequentis æqualis nemo , mentionem rei facit , quam præteritura non erant illius ævi ingenia.

Plurib. capp.
c. 12. à p. 39.
usque ad 46.

genia , ad hæc *παρόδοξα* arripienda præ ceteris intenta. *Gryphander* cum *Frehero* primum putat *Æneam Silvium* sexto demum post Carolum sæculo , tradidisse. *Meibomius* duplicem ex sæculo Christiano XI. & sæculo XIV. auctoritatem affert, ad quæ responderi potest ; sic quoque intervallum esse à sæculo VIII. aut IX. (discrepant enim de origine) ad sæculum XI. Deinde vix probatum dari potest, *crudelissimam legem Saxonum* (apud *Wipponem in Conrado Saliquo*) accipi debere de Westphalicis judiciis. certe nec *Meibomius* ipse sic accepit in *Notis ad Witichindi Annales*. *Henricus de Erfordia* adhuc longius abest à temporibus Carolinis , & nugis admixtis, auctoritatem , si quam habet, destruit. Nec minimam suspicionem parit diversitas & discordia narrantium , qui nec in tempore instituti talis, neque in causis & delictis vindicandis, neque in modo & ordine exequendi conveniunt, sed valde dissona tradunt. III. An Carolus M. aliquod genus judiciorum instituerit, quod diceretur *heimliche* , *Westphalische* oder *Freygerichte* , rationes sunt graves ab aliis productæ, cur difficile ad fidem sit, quas nondum vidi refutatas. Ipsi quidem, *Judices*, & *die Freygraven*, id jactabant, & famâ inolitâ nitebantur. meminî me vidisse exceptionem Imperatori hoc nomine oppositam. Et *Fridericus III. Imp.* in *Reformatione* suâ 1442. ad Caroli M. institutum rem videtur revocatam velle. Posset quidem hic dici , *non esse necessarium, ut curia semper in veritatem historiæ inquiret : posse accipi prætextam famam & ad jus ferendum utiliter converti. quâ de re *Gryphander*. Sed dicamus potius, Imperatorem, de *Weichb. Sax. c. 55.* si non verba cavillari sed sensum ex toto contextu inspicere velimus, negare, à Carolo M. talia judicia, qualia vulgo tum jactabantur & affectabantur, unquam instituta esse, sed Carolum nullis judicibus, ultra suæ jurisdictionis terminos, & causarum discrimina, & ordinem æquitati consentaneum, tam infinitam & liberam potestatem concessisse, & quæ antehac eo nomine venditarentur judicia, nihil tale affectasse. De cetero in formulis Processuum etiam legitur : *Jch . . . ein geveht richter und fri-*

greve des H. Richs vnd der Keyserlichen frien graveschafft zu
 zun kunt und bezugen vermitz diß offenen brief für allen fürsten,
 hertzogen, graven, edlen, herren, rittern, Stetten, amptuten,
 voigten, richtern, vnd vort allen guten mannen die disen gegen-
 wertigen brieff soltent sehen oder mögent hören gelesen werden,
 daß ich dalig vff dag datum diß brieffs den fryen Stul in
 gelegen mitt vrtel vnd recht becleidet, vnd beseßen hatte gespan-
 neter banck in einem offenbaren freien K. gerichte zu richten
 nach gesetzzen vnd alten herkumen des grossen vnd heil-
 gen Kaiser Carls melder gedechnuß, als mir dann zu
 recht geburht &c. Et post Reformationem prædictam
 auli sunt iactare: hac à Carolo M. instituta, hæcenus con-
 servata, etiam in Reformatione Friderici Imp. stabilita, omni
 contradictione superiora esse. Gloriabantur amplius, se no-
 mine totius Imperii & vice sacra judicare. Ita Ich ein ge-
 vvehrt vriegrave und richter des Allerdurchl. . . . Sigmundes Ro-
 mischen Kayserß des fryen Stols tot. . . . gelegen do kunt und
 betuge in disem breyve der heimlichen achte, vor allen ersamen vrie-
 graffen und vor allen ersamen rechten vryscheppen derselver heimlicher
 achte, dat ich op disen tage gyffte deß breyves besat stad und Stol den
 vorgenanten fryen Stol to vnder Kønigs banne gespannender
 banck in einem vryen gehegeden gerichte mitt oirdeln und rechte to
 richten over lyff vnd eere na gesetzte vnd recht des hilgen richs
 hemelicker beslotner achte &c. postea in sententia ferenda, dat sy
 dem vorgen sin recht don vnd hangen ene an des Kønigs Wy-
 men, dat is an den eyersten bom den sy ankumen, und dar to bequame
 is &c. Hæc ex Sæculo XV. IV. Interim, dum tanto
 ambitu Imperatoris & Imperii auctoritatem ubique præ-
 texunt, totum in Imperio judiciorum ordinem convul-
 lunt, & Imperii arcana tentant. Jampridem enim ple-
 risque Imperii Civibus prospectum erat, ne evocarentur
 ad longinqua & externa judicia, si apud suum magistra-
 rum aut electum in vicinia judicem juri stare vellent. At
 illi judices Westphalici hæc insuper habebant, & in
 omnes sibi jurisdictionem vindicabant. Quare Refor-
 matio Cæsarea id agit potissimum, ne causæ à competen-
 tibus . . .

ribus iudicibus avocarentur, aut ad iudicia Westphalica traherentur illi, *deren man zu ehren vnd recht machig seyn künfte.* Hanc tamen ipsam Reformationem, ut diximus, pro se interpretantur, & spretâ sanctione pœnali, omnibus modis se opponunt. Igitur præter Reformationis remedium, Cæsar plerisque Statibus Imperii peculiaria privilegia contra iudicia Westphalica dedit, & pro infirmioribus etiam constituit conservatores & defensores talium privilegiorum, ex vicinis Principibus. semper tamen obluſtabantur illi, & priorem importunitatem perdebant, ita ut Freygravius aliquis, *der doch kein Stulber ist,* exhibitâ sibi inhibitione Cæsareâ, quâ in irritum revocabatur talis citatio, & in eventum, sententia, respondere non sit veritus: legisse se mandatum Cæsareum, sed S. M. Cæs. non intelligere hoc jus, neque inhibere posse, *das nach dem vnser allernedigſter Herr der Rœmische Kayſer der Weſtphalischen gerichte nicht vviſſende vvere, ſolliche inhibition vber die Weſtphalischen gerichte vſſgenzulaffen, ſinen gnaden nicht gepürlich ſin ſolte &c.* Igitur Status Imperii complures fœderabantur contra violentiam horum iudiciorum, ita ut, si quis fœderatorum deprehenderet nuntium ferentem literas citationis aut alias ejusmodi schedas, cuicumque alii fœderato inſcriptas, is latorem carceri manciparet & male mulſtaret. Sunt imo tales greguli literarum undis ſuffocati, aut aliter necati, aut neci vix ſubtracti. Neque hæc ſeveritas effecit, ut deſiſterent Weſtphalici iudices. ſubmiſerunt quinimo clam homines, qui in portis & aliis locis apud aditus urbium abderent aut inſingerent de nocte literas denunciatorias. V. Apparet ex his ſæculo XV. cotidie pæne frequentatis contentionibus, iudicia Weſtphalica, ut prætendebantur, pro abolitis fuiſſe, ſi rem ipſam velimus dicere: neque potuiſſe cum Camerâ anno 1495. inſtitutâ, ſtare. Omnia molimina Weſtphalicorum pœnam merebantur, conſtitutionibus & privilegiis ſancitam, & repetitam *Ordinat. Camer. 1555. part. 2. tit. 20. §. 8.* Quid enim ſupererat illis, ſi leges Comitiales exercerentur? Itaque VI.

dubitare hætenus licet, an in Archivis alia reperiantur ~~Acta~~ talium judiciorum, quàm quæ de abusu testantur, sive ad ea tempora pertinent, quibus abusus usum absorpserat & ignotum fecerat: ita ut undique contradictiones opponerentur. Cumque ea, quæ dixi, in pluribus archivis reperiantur, VII. bene mererentur de hoc argumento, qui feliciores in reperiendo, usum judiciorum horum ante abusum historicè demonstrarent; & ostenderent, quo tempore judicia Westphalica, & quomodo in usu fuerint, ut ab aliis judiciis proprio charactere, sed legitimo, non improbatò, dignosci possent. Non opus est negare talem usum: sed fas est, desiderare descriptionem & historiam. Non sufficit dicere: fuit usus Secretorum judiciorum. nam ejus mentionem fieri in Actis publicis, vel ex *Wehnero* constat. Sed descriptionem historicam ante tempora abusus, requirere liceat. hoc reperire, hætenus mihi non fuit integrum. VIII. Aliud enim genus existimo *der Wissenden*, cujus formulam habet *Wigulejus Hundius circa finem des Bayrischen Stammbooks*. licet *Meibomius* vocis comparandæ causa ad Westphalicos referat: apud quos dicebantur *Wissend*, qui secreti judicii scientiâ essent imbuti. *als des fryen hemlichen gerichtss vvisfende vnd echt recht Fryschaffen*. & in inscriptionib. lit. *diesen brieff solt nieman lesen oder hœren dann ein Fryschaffen*. Item illa formula: *das vor uch als der fryen hemlichen gericht unvvisfende nicht zuvermelden ist &c.* Atque hæc hætenus paucissima ex plurimis. Justum enim volumen imple-ret accuratior consignatio eorum, quæ ad Westphalica judicia pertinent. à quâ neminem detertere potest *Freheri* libellus de his judiciis, in quo paucissima attigit.

IV.

THEODORICUS OSTROGOTHUS, ITALIÆ REX.

Meruit tantus vir, cujus dispersa pleraque haud perinde ad memoriam valent, diligentius narrari posteris. Quare, unde repeti singula debeant, servato temporum

porum rerumque ordine, consignare decrevi : operæ facturus abunde pretium, si ad illustrandam ejus ævi, quo vixit, historiam, aliquid adjumenti hic libellus attulerit.

Græci Theuderichum, Latini Theodoricum vocant: Juniores, Veronensem cognominarunt, vel ob illustrem apud Veronam de Odoacro victoriam; vel quod in ea urbe, Hadrian. Valef. rer. Franc. l. 4. præcipuo à se cultu operibusque adornata, regiam habuisset. Plures viderunt ea tempora Theodoricos, regali nomine sceproque fulgentes. In quibus Westgothorum unus in Gallia, Theodoricus major, *Sidonio Apollinari* laudatus Lib. 1. ep. 2. In not. ad Cassiod. lib. 1. ep. 23. (malè enim *Guil. Fornerius* & alii, nostro Theodorico, quem non vidit *Sidonius*, illam descriptionem aptant) alter Ostrogothorum, & subinde Italiæ Rex, *Ennodii* panegyrico celebratus, omnium animos in se verterunt. Ille nobilitatam præclaris facinoribus vitam, inter victoriam de Attila in campis Catalaunicis, profudit: hujus operibus postrema, sæculi à nato Christo quinti, cum magna parte sexti, occupatur. A. C. 451.

Paternum illi genus longa cognatione regiæ Amalorum stirpi annexum: unde, Ostrogothici regni insigne, cognomen vulgo addunt, Amalum vocitantes. Ex ea familia Avus ejus Wandalarius terna prole mascula celebratur. Walamir, Theodemir, Widemir, concordia & Jornand. de reb. Get. c. 48. & 52. cap. 55. virtute ad præcipuum gloriæ enisi, Hunnorum dominatu, post Attilæ mortem, profligato, Romanorum amicitia opes gentis recrearunt. Horum fratrum Theodemirem seu Dietmadum, plerique *Jornandem* secuti, Theodorici patrem faciunt. Sed *Malchus* apud *Photium*, & *Anonymus Excerptorum auctor*, ab *Henrico Valesio* cum *Ammiano Marcellino* editus, Walamiro genitum perhibent. Nec alio pertinet illud in *Chronico Marcellini*: *Theodoricus cognomento Valamer*. Ex quo corruptum est alterum illud *Reginonis*: *Theodoricus cognomento Walager*. Materna origo impar. De Erelieva enim concubina susceptum, *Jornandes* scribit: cap. 52. quam alii Trileuam, Liliam; *Anonymus Valesii* de Gothico nomine in baptismo Eusebiam dictam, nominant.

Nati-

In panegyri-
co. Nativitas ejus incidit in annum Christianum quadringentesimum quinquagesimum quintum, si octavum ætatis egit, cum à patre Leoni Imperatori Constantinopolitano obfles pacis daretur, sicut *Jornandes* auctor est. Multum profuit ei hæc educatio ad ea, quæ gesturus erat. Quare *Ennodius* Ticinensis Episcopus, *Educavit te*, inquit, *in gremio civilitatis Græcia, præfaga venturi, quem ita ingressum vita limen erudit, ut dum adhuc de puero haberet hilaritatem, mox eum sequeretur securitas de tutore.* Et de indole ad gravitatem imperii exsplendescente addit: *adhuc in cano flore degebas adolescentia, nec virtutum messem lacteus ante experimentum culmus attulerat: adhuc blanda erat imago pubescentis, nec tingens faciem lanugo vestiebat, quando avi purpura & flosculus, superveniens imperii promittebat sollicitis de gratia commutatione terrorem.*

Jornand.
c. 35.
A. C. 472. Remissus ab hoc obsidatu domum, octodecim annorum adolescens, cum reperisset patrem à bello Suevico regressum, impatiens otii, comparata sibi delectorum clientium manu ad sex millia armatorum, ingens virtutis documentum edidit. Inscio enim patre, trajecto Danubio, in Sarmatarum Regem Balvi, victoria de Romano Duce Camundo parta elatum, improvisus irruit, amplissimaque de interfecto spolia ad parentem reportat. Urbem quoque Singidonum Sarmatis ereptam, in suam ditionem redigit. Hinc commilitio patris æstimatus, in Illyrico & Thessalia rem gerit. Occasio belli, infirmatum, tot factionibus & rebellionibus Principum, Romanum Imperium; ac injuriis opportunum. accessit inopia rerum necessariorum, quam armis libentius quam industriâ pacis quærebant militares animi, non sufficientibus multitudi-
ni, quas à Romanis acceperunt, terris. Eventus belli is fuit, ut, præter uberem prædam, agris & oppidis augerentur Gothi. Atque id ultimum patri Theodorici operum mortalium fuisse, *Jornandes* seu *Jordanus*, ex quo ista attulimus, testatur.

cap. 56.
cap. 57. Cujus, quæ sequitur narratio, non satis distincta est. Latatum Zenonem Imp. successione Theodorici in locum

cum patris, evocasse eum ad se, & in primoribus habuisse, nemini ad fidem difficile videri potest. sed intervallum illud, cum sequitur, *post aliquod tempus*, consulem factum, expleri debet. Præstabunt hanc operam Evagrius, & Anonymus Valesii, cum Ennodio. Nam & Ille lib. 3. c. 17. perduelles, illum, Marsum, Leontium, Pamprepium opera Theodorici compressos refert: & iste, reductum p. 478. ab exilio, hujus viri opera Zenonem affirmat. Ponam ipsa verba in se plerisque præterita: Zeno confortans Isau- A. C. 477. ros intra provinciam, deinde misit ad civitatem Novam, in qua erat Theodoricus Dux Gothorum, filius Walameris, & eum in solatium sibi adversus Basiliscum objectans militem, post biennium (non integrum) veniens, obsidens civitatem Constantinopolim. Sed quia Senatus & populus Zenonem metuentes, ne quid mali pateretur civitas, relicto Basilisco, se illi omnes dederunt aperta civitate, Basiliscus fugiens ad Ecclesiam intra baptisterium cum uxore, & filiis ingreditur. Credo nec Ennodium satis intellectum, de hac re indubie loquentem in illis: *pulsa est* In panegy- extemplo principalis urbe reverentia, & in vacuam possessionem rico, nullo ascitus sanguine tyrannus (Basiliscus intelligitur) accessit. Et subinde: In ipsis congressionis tuae foribus cessit invasor, cum profugo per te sceptrum redderetur, de salute dubitanti. Cumque hoc meritum amplius extulisset, de præmio accepti consulatus illa subjicit: Sed parvus in exigendis præmiis, quasi sufficiens ad vicissitudinem operum tuorum, fasces accepisti. non quo tibi accederet genius de curuli, sed ut de re prærium palmata mereretur. Nondum satis. Palmatam & fasces consulares, nominatim indicant sequentia: Ille annus habuit consulem, qui rempublicam non tam sollicitudine quam opinione tueretur.

Sed adhuc differt consulatum orta de integro discordia inter Theodoricum & Zenonem Augustum, si Marcel-
 lino Comiti credimus. Consulibus enim Severino & Tro-
 cundo, qui annus præcessit designationem Consulis Theo-
 doricus, ita ponit: Theodoricus, cognomento Walamer (Wala- A. C. 482.
 meris filius) utramque Macedoniam & Thessaliam depopulatus est,
 Larissam quoque Metropolim depraedatus. Insequente anno, A. C. 481.
 qui

qui Anicium Faustum solum habet Consulem, sequitur apud Marcellinum : Idem Theodoricus Rex Gothorum Zenonis Augusti munificentia pene pacatus , Magisterque presentis militia factus , Consul quoque designatus , credidit sibi ripensis Dacia partem , Mœsiaeque inferioris , cum suis satellitibus pro tempore tenuit.

Dereb. Ger.
cap. 57.

Apud Iornandem honores cumulantur : Et post aliquod tempus (cujus acta haecenus supplevimus) ad ampliandum bonorem ejus, in arma sibi eum filium adoptavit , de sui que stipendii triumphum in urbe donavit , factusque est Consul ordinarius , quod summum bonum , primumque in mundo decus edicitur , nec tantum hoc , sed etiam equestrem statuam ad samam tanti viri ante regiam palatii collocavit. In Annalibus brevius , sed ut explicet consulatus honorem : Theodoricus vero Zenonis Augusti pellectus humanitate Constantinopolim venit , ubi magister militia presentis effectus , Consulis ordinarii triumphum ex publico dono peregit. Describit consulatum , conatu ornandæ orationis , triumphus comparatione , quam explicare praesertim

De regnor.
succell. cap.
104.

A. C. 484.

Var. 6. 1.
adde Pithœi
advers. 1.
Henr. Valef.
ad Ammian.
p. 7.

Cassiodorus potest. Idem qui morem per arma adoptandi , optime declarat. Magister militia presentis apud Marcellinum , aut magister militum praesens (ita enim legerem apud Jordanum, pro presentis) sive Praesentalis, dicebatur , qui in procinctu sive comitatu Principis agebat , & praesentalibus numeris praerat , cum alii aliis in locis Magistri armorum essent constituti. Eodem ergo honore Zeno Theodoricum affecerit , quo postea Justinianus Vitalianum apud Iornandem , quem ad se evocatum magistrum militum praesentem , & Consulem ordinarium fecit. Addunt Procopium & Anonymus Valefii , etiam Patriciatus honorem Theodorico datum. Quod vocabulum Constantinus Maximus , ab antiquo significato , ad novum & insignem honorem transtulit. Habuit autem collegam in consulatu Theodoricus , Fl. Venantium Decium , occidentis consulem.

De succell.
regn. c. 110.
lib. 1. Goth.
v. Zosim. 2.
Cassiod. 4. 2.
& lib. 8. ep. 9.
10. 11.
Henr. Valef.
ad Marcell.
p. 321.
A. C. 487.

Ab hoc tempore , Jordanes eum Constantinopoli detinet , usque ad expeditionem Italicam. Quod fieri nullo modo potest ; tum per alias rationes , tum ob testimonium Marcellini , qui Boethii consulatu ita scribit : Theodoricus Rex Gothorum , Zenonis Augusti nunquam beneficiis satia-

106,

ius, magna suorum manu usque ad regiam civitatem Melentia-
dam oppidum, infestus accessit, plurimique loci igne crematis,
ad Novensem Mæsia civitatem, unde advenerat, remeavit. Hoc
esse illud tempus oportet, quo Zeno Imperator, consilio
quàm armis Theodoricum amovere maluit, Italiamque
ei Odoacro infestam ostentavit. De qua re Procopius: Lib. 1. Goth.

Ζήνων δὲ βασιλεὺς τὰ παρόντα εὖ τίθειν ἐπιστάμενος, θεωδεύων
παρήγει ἐς Ἰταλίαν πορεύσας, καὶ Ὀδοάκρῳ ἐς χεῖρας ἰδόντι τὴν ἐπι-
ρίαν ἐπικερτήσιον αὐτῷ τε καὶ γότθοις ποιεῖσθαι. αἰμενον γὰρ εἰ εἶναι,
ἀλλὰς τε καὶ ἐπ' ἀξίωμα βαλὼν ἤκουσι, τύραννον βιασαμένῳ τε καὶ
Ἰταλιωτῶν ἄρχειν ἀπάντων, ἢ βασιλεὶ διαμαχομένῳ ἐς τόσον κιν-
δύνε εἶναι. Hugo Grotius Latine sic convertit: At Zeno Im-

perator; gnatus rebus uti, ut dabant tempora, Theuderico hortat-
or est, ut in Italiam iret, Odoacroque dejecto, sibi ipse ac Gothis
pararet Occidentis regnum: Quippe fasius homini in senatum alle-
cto Roma atque Italis imperare. invasore pulso, quam arma in
Imperatorem cum periculo experiri. Jornandes petitam à Theo-
dorico hanc conditionem refert: suavioriamque ad Zeno-
nem eo nomine adornat. Anonymus Valesii ita: Zeno itaque
recompensans beneficiis Theodericum, quem fecit Patricium & Con-
sulem, donans ei multum, & mittens ad Italiam, pactuatus est,
ut si victus fuisset Odoachar, pro merito laborum suorum loco ejus,
dum advenires tantum, præreignaret. De reb. Got. c. 57.

Ab hac pactione pendet jus Imperii Italici, quod
Theodoricus tenuit. Agitur ea disceptatio post hæc
tempora inter legatos Gothorum, & Belisarium Justinia-
ni Ducem, apud Procopium. Illi inquiunt: Non vi Romanis Lib. 2. Goth.
Italiam eripuerunt Gothi. Odoacer eam Imperatoris cum eade rap-
tam vi tenebat: cum alter Imperator Orientem obtinens Zeno,
ulcisci interfectum, Italiam servitio eximere quærens, sed virium,
quas Odoacro opponeret, non satius apud se reperiens, Theuderichum
Principem nostrum, qui ipsi tum Zenoni obsidium minabatur, per-
movit, ut inimicitiam recentem condonaret memoria dignitatum à
se acceptarum (& Patricius quippe & Consul Romanus fuerat)
de Odoacri autem in Augustulum scelere pœnas sumeret, Italiam-
que ipse & Gothi tenerent in posterum, ut qui optimo jure. Con-
tradicit Belisarius in hanc sententiam: Misit Theudericum O-

doacro bellaturum Zeno, non ut is Italia imperium vindicaret (infeffor enim infeffori ad Imperatorem quid interest?) sed ut sub Imperatoris legibus libertate Italia uteretur. At ille re adversum Odoacrum bene gesta, cetera contra facit, vero domino terram recusans reddere. Mibi vero qui vi rapit, & qui retinet alienum, in a quo sunt. Priorem sententiam alii Gothorum legati ad Francos apud Agathiam repetunt: Theuderichum non nolentibus Romanis, sed Zenonis Imperatoris concessu venisse in Italiam, neque eam Romanis abstulisse, qui pridem eam amiserant, sed, depulso Odoacro invasore peregrino, belli jure quævisse, quacunque ille possederat.

lib. 1.

Hæc postrema imbellius audiuntur. Neque enim, qui latroni rem alienam eripit, sibi eam invito domino retinere potest. Posset forte juvari ratio ista, si diceretur: pactionem illam, quâ Zeno Theoderico imperium Italiæ concessit, fundari jure belli, adjudicante cuique, quod sui sanguinis periculo quæsit. Verum & sic reditur ad pactionis formulam, unde judicium unice faciendum est. Quandoquidem autem non extat illa ὑποθήκη

Lib. 3. c. 27.

ὑπόθεσις, sive instrumentum pactionis Zenonis, quod Evagrius appellat, conjectura utendum est: quæ nos eo ducit, ut credamus, fiduciarium regnum pactione Zenonis

Aventin. l. 2.
prope fin.

concessum Theodorico, non proprium; aut si de restituendo nihil dictum est, ut vicarius Imperatoris esset Theodoricus. An nomine & insignibus regni? Non credo. Id enim peculiari legatione per Faustum Nigrum à Zenone postea petiit: sed cognito Zenonis sine, non expectato Anastasii consensu, regium nomen præcepit, sicut ex veterum monumentis Hadrianus Valesius colligit.

Anon. Val.
Rer. Franc.lib. 5. p. 244.
& 245.Lib. 1. Goth.
voc. Θεωδερ.

Hinc illud Procopii: ἢν δὲ ὁ Θεωδερικὸς λέγων μὲν τύραννον, ἐργάζετο δὲ βασιλεὺς ἀληθινός. quod descripsit Suidas: Erat quidem Theuderichus verbo invasor, re autem ipsa rex verus. Intelligit autem virtutem & facultatem, non jus regnandi. Aimoinus temporum rerumque seriem confundit: & præsertim evocatum aliquoties in aulam Theodericum, eo quod regnum affectare diceretur, insidiasque ei à Zenone stru-

Lib. 1. c. 10.
hist. Franc.

ctas, loco non suo narrat. Et de insidiis quidem illis, ante

ante

ante expeditionem Italicam ponendis, jam olim variatam rei actæ memoriam, *Evagrius* fatetur. Juniores securius in hac re versantur; apparebitque satis ex illis, quæ dicta sunt, & quæ dicentur, quid desideretur in verbis illis *Onuphrii Panvini*: Fuit autem Theodericus Ostrogothorum rex, gente *Amala* ortus, *Zenonis* Imperatoris amicus, à quo ad liberandam Italiam à tyrannide *Odovaci* missus, eum *Ravenna* occidit, Italiaque imperio, consentiente *Anastasio*, potitus est.

Comment.
in lib. 3. Fast.
a. Chr. 493.

Sed nobis ad expeditionem Theoderici regis redeundum est. Ad quam suscipiendam non metus tantum insidiarum *Zenonis*, sed *Friderici* etiam propinqui, *Felethei* regis filii instigatio, aliquid potuit. *Procopius* ita eam signat: Theodericus sequentibus se Gothis Italiam perit. imposuerant curribus mulieres puerosque, & quantum ferri poterat suppellectilis. Ad Ionium mare ut venerant, destituti ad transvehendum navibus, oram obeuntes ad *Taulantios* finitimasque gentes pervenerunt. Apud *Jornandem*: recto itinere per *Sirmas* ascendit, vicinas *Pannonia*. Annum *Marcellinus* ponit à Christo nato CDLXXXVIII. tempus hibernum *Ennodius* in panegyrico designat. Quod tempus de apparatu belli accipiendum putant. Festinant enim nimis in *Marcellini Chronico* etiam sequentibus annis attributa, ad rei exitum. Quippe & proximus annus, retundendis *Bulgaris* & *Gepidis*, expeditionem Italicam morantibus, convenire videtur. Rem enim adversus *Bulgaros* gestam (nam de *Gepidis* nulla dubitatio relinquitur) ante Italiam intratam, vel illa *Ennodii*, cui utriusque victoriæ descriptionem præcipue debemus, clausula ostendit, *Bulgarico bello subjecta: Cursim multa transcendo, ne pigrioris stili vitio serius advenias, ne Romana fax curia diu in umbra coacta tardius elucescat.* Hinc apparet, errare *Pencerum*, qui in *Chronico Carionis* primam *Bulgarorum* mentionem fieri putat, in historia *Constantini Pogonati* circa annum Christi 680. Nam in his ipsis Theoderici temporibus iterum *Bulgari* memorabuntur. *Sigonius* *Gepidarum* regem *Transillam* (alii *Traffstilam*, vel *Trapstilam*) *Bulgarorum*, *Busam* vocat.

Lib. 1. Goth.
hist.
add. Ennod.
panegy.

cap. 57.

A. C. 488.

A. C. 489.
Sigon. de occ.
cid. Imper.
lib. 15.
In panegy.

Lib. 4.

De imp. oc-
cid. lib. 15.
p. 260.

O ;

Post

- Post hanc victoriam suscepta est expeditio Theoderici, de qua cœpimus dicere, anno sequenti Fausto ac Longino Consulibus. Qui cum Odoacro erant, in occursum cum se tulissent, praliis aliquot, suo cum Duce Ravenna sese & aliis circum locis, qua munita maxime, includere, notante Procopio. Ad quem fere modum Jornandes: Inde Venetiarum fines ingressus (Theodoricus) ad pontem Sontium nuncupatum castra metatus est. Quumque ibi ad reficienda corpora hominum jumentorumque aliquanto tempore resedisset: Odoacer armatum contra eum direxit exercitum. Quem ille, ad campos Veronenses occurrens, magna strage delevit, castrisque solutis, fines Italia cum potiore audacia intrat; transactoque Pado amne ad Ravennam regiam urbem castra componit, tertio fere milliario ab urbe, loco, qui vocatur Pineta. Verum tres diversas pugnas clarius signat Anonymus Valesi: Occurrit venienti Odoachar ad fluvium Sontium, & ibi pugnans cum eodem, victus fugit. At vero Odoacer abiit in Veronam, & fixit fossatum in campo minore Veronense V. Kal. Octobris. Itaque persecutus est eum Theodoricus, & pugna facta ceciderunt populi ab utraque parte. tamen superatus Odoachar fugit Ravennam pridie Kal. Octobris. Subinde: Fausto & Longino. his Coss. Odoachar rex exiit de Cremona, & ambulavit Mediolanum. Tunc venerunt Wisigotha in adiutorium Theoderici, & facta est pugna super fluvium Adduam, & ceciderunt populi ab utraque parte. & occisus est Pterius Comes Domesticorum III. Idus Augusti, & fugit Odoachar Ravennam, & mox subsecutus est eum Patricius Theodericus veniens, & fixit fossatum, obsidens Odoacrem clausum per triennium Ravenna. Duo priora prœlia Ennodius celebrat: & in Veronensi, magnificas vestes Theoderici in aciem ituri, tum orationem ad matrem & sororem describit. Tempus ita distinguit Cassiodorus, ut duo prœlia in consulatum Proбини & Eusebii; tertium, in consulatum Fausti Junii conferat. Priore quidem anno annotans: His Coss. felicissimus atque fortissimus D. N. Rex Theodericus intravit Italiam, cui Odoacer ad Isontium pugnam parans victus cum tota gente fugatus est. Eodem anno repetito conflictu Verona vincitur Odoacer. In sequente: Hoc cos. ad Ducam fluvium (Aduam debuit dicere) Odoacrem
- D. N.

D. N. Theodericus Rex tertio certamine superavit, qui Ravennam fugiens obsidetur inclusus. Sigonius autem tria ista praelia in annum posteriorem confert, & diligenter describit. Atque in hoc ipsum tempus etiam Gundobaldi Burgundionum regis in Liguriam Æmiliamque incursionem, magnamque vim hominum in captivitatem abductorum convenire putat: dum Odoacer in bellum Gothicum versus, nudum patefecisse latus videbatur. Raptim autem direptis rebus prædisque actis, recessisse hostem ait, ut primum audisset Theodericum Italiam ingressum esse. *Hadrianus Valesius* eodem quidem anno id accidisse memorat, sed post illas victorias, de quibus dictum est, Gundobaldo Theoderici conclusionem Ticinensem, in occasionem invadendæ Liguriæ rapiente.

De occid. Theod. per. lib. 13. A. C. 490.

Theodericus enim relicto Addua fluvio, cum Mediolanum expugnasset, multi in fidem ejus se dedere properarunt, etiam Italici milites, qui duce Tufa ab Odoacro defecerant. Venit & Ticinensis Episcopus Epiphanius Mediolanum ad victorem, illoque celebri est ab eo testimonio laudatus: *Ecce hominem, cujus totus Oriens (Sigonius legisse videtur orbis) similem non habet: quem vidisse præmium est; cum quo habitare securitas. Fortissimo muro civitas Ticinensis incolumi isto vallatur: quos oppugnantem nulla vis possit obruere, quos nequaquam Balearis funda transcendat excursus. Si qua necessitas inter undas certaminum accesserit, tutum est apud istum, matrem familiasque deponere, & expeditam excursibus militare bellorum.* Vates fuit Theodericus, cum ista loqueretur: cum enim paulo post Tufa cum militibus Italici defecisset, percussus re inopinata Theodericus relicta Mediolanensi urbe, Ticini receptum habuit. De qua re ita *Ennodius*: *Interea perduelles animos dedititii exercitus mutationum incendit ambitio: quorum caput Tufa fuit, homo in perfugarum infamia notitia veteri pollutus, qui concepit mente ingenti, ut se desperatis partibus cum multitudine redderet. Quod cum Theodericus Rex principali sollicitudine cognovisset, continuo omnem illam, quam totus Oriens vix sustinuit, contraxit manum, atque ad Ticinensis civitatis se angustiam consulit.* *Valesius*

Ennod. in vita Epiphani.

In vita Epiphani.

Aut.

Anonymus ad hunc modum : Eo anno missus est Tusa magister militum à Theoderico contra Odoacrem Ravennam. Veniens Faventiam Tusa, obsedit Odoacrem, cum exercitu, cum quo directus fuerat, & exiit Odoachar de Ravenna, & venit Faventiam, & Tusa tradidit Odoacri Comitem Patricii Theoderici, & missi sunt in ferro, & adducti Ravennam. Atque hoc vult accidisse, ante prælium ad Adduam. Sed observabit, qui volet, non semel permutata in illo fragmento, ex disiectis velut membris temere congesto, tempora. In hac conclusione miram Epiphani Episcopi virtutem Ennodius celebrat; tum in captivis utrimque redimendis, tum in sublevandis necessitatibus obsessorum Gothorum.

In vita Epiphani.

De Imper.
Occ. lib. 15.
A. C. 491.

Pag. 480.

Quibus cum cæli tempestates patrocinari viderentur, Odoacer, omisso Ticino, Ravennam rediit: ubi à Theoderico mox est acerrima obsidione coercitus. Cujus initium Sigonius, vel anno, quem ante diximus, exeunti, vel postero ineunti, Olybrio Cos, putat convenire. Prodiit tamen cum omnibus copiis Odoacer in aciem: sed post infelix prælium, minoribus in posterum eruptionibus rem gessit. *Anonymus Valesii: Olybrio V. C. hoc consule exiit Odoachar rex de Ravenna nocte cum Herulis ingressus in Pineta, in fossato Patricii Theoderici, & ceciderunt ab utraque parte exercitus, & fugiens Levila magister militum Odoacris, occisus est in fluvio Vejente. & victus Odoacer fugit Ravennam, Idib. Julii. Plura hujus anni in summam confert Chronicon Cassiodori: Olybrius Jun. Cos. (Cuspinianus legit: Olybrius V. C. Cos.) Hoc consule Odoacer cum Erulis egressus Ravenna, nocturnis horis ad pontem Candidium à D. nostro rege Theoderico memorabili certamine superatur. Tunc etiam Vandali pace suppliciter postulata, à Sicilia solita depredatione cessarunt. Eodem anno Zeno occubuit, cui Anastasius in Orientali successit imperio. Comparavit huc locum Jordanis ex Annalibus, Cuspinianus; in quo quartum hoc cum Odovacro prælium dicitur. Obsidentes interim Gothi, ne desides ad unam urbem hæere viderentur, alia quidem oppida aliis modis ceperunt; at Cæsenam urbem, trecentis à Ravenna stadiis disjunctam, ipsamque Ravennam, nec vi, nec pacatione in ditionem redi-*

Proc. Goth.
lib. 1.

redigere potuerunt. Qua occasione naturalis situs firmitatem apud Ravennam studiosè *Procopius* describit. Continuat obsidio crebris eruptionibus certaminibusque anno insequente Augusto Rufinoque Coss. quem *Cuspinianus* sæculi quinti nonagesimum primum, *Sigonius* & alii 492. numerant. Atque hoc anno *Sigonius*, Theodericum, ait, domitis plerisque, in castra ad Palatiolum posita rediisse III. Kal. VIbris, familiamque (quam Ticini Epiphania commendatam reliquerat) huc traduxisse, ut potentior auctor esset præsens urgendæ obsidioni. Quæ *veteris Chronici auctor incertus* apud *Cuspinianum* in Albini consulatum refert. Hujus temporis illud prælium existimatur, quo Odoacer ultimo conatu, eruptionem ausus, Theodericum obvium in castra recedere coëgerit: donec matris hortatu, ac pæne convitio hostem instaurata pugna in urbem obsessam rejecerit. Sed obsessos inopia, obsessores tædium, hortante præsertim Episcopo Ravennate Johanne, ad pacem faciendam compulit. de qua *Procopius*: Cum jam tertium annum Gothi ac Theodorico traheretur obsidio, Gothi asfidere mœnibus sessi, Odoacri milites rerum, quibus vivitur penuria tentati, pacificante Ravenna Antistite, ita inter se comparant, ut pari iure Ravenna imperent, & Theodericus & Odoacer. mansit pactis aliquandiu fides, sed eventus is fuit, ut Odoacrum, insidiarum, ut quidem dicebatur, compertum, ad epulas vocatum, Theoderichus dolo occideret. *Jornandes* toto triennio variis eruptionibus inquietata ab Odoacro Theoderici ca-

A. C. 492

Sigon. de Imper. Occid.
lib. 15, ex *Ais*
moino &c.

lib. 1. Goth.

De reb. Get.

75.

ventus in Palatio manu sua Theodericus eum in Lauretum praveniente gladio interemit. Non debet hujus monumenti oratio exigi ad Grammaticam : cujus decretis passim injuriam facit. estque ejus generis, quod Hieronymus Bignonius in *prafatione ad Marculfi formulas* describit. *Anonymus Cuspiniani* : Albino V. C. Cos. regressus est Rex Theodericus ad Ravennam, & venit ad Fossatum Palatioli 4. Cal. Septembru. Hoc consule facta est pax inter Theodericum Regem & Odoacrum 3. Cal. Martias. Et ingressus est Ravennam Rex Theodericus tertio Nonas Martias, & occisus est Odoacer Rex à Theoderico in Palatio cum commilitonibus suis. *Chronicon Cassiodori* : Hoc Cos. (Albino) D. N. Rex Theodericus Ravennam ingressus, Odoacrem molientem sibi insidias interemit. At Marcellinus diversi temporis acta in consulatum Eusebii & Proбини cumulans, de exitu Odoacri sic subjicit : Porro ab eodem Theoderico perjurii illectus, interfectusque est. *Anonymus Valesii*, etiam exercitum Odoacri tum interfectum tradit istis verbis : Cujus exercitus in eodem die omnes interfecti sunt, quis ubi potuit reperire cum omni stirpe sua. Sicut *Cuspiniani Anonymus*, de commilitonibus Odoacri, memoraverat. Filii & propinquorum Odoacri cædem addunt alii. Quod factum nemo lævitiae absolvat.

in Chron.

Vid. Sigon.
de Occ. Imp.
lib. 15. fin. &
Hadr. Vales.
rer. Franc.
lib. 5.

Ennod. in
vit. Epiph.
A. C. 494.
* 495.

Ad victorem accurrerunt, qui Gothorum Ticini relictii fuerant : quæ res Rugis miseram urbem patefecit. hos postea immisso exercitu, Theodericus expulit ; cum & cætera, quæ Odoacri paruerant, tum Dalmatiam. Rhetiam, præmium victoriæ recepisset. nam de Sicilia diximus. Asterio & Præsidio Cos. Theodericus, triumpho de hostibus acto, gladium vagina recondidit, & ad ordinandum imperium tot calamitatibus & turbis undique quassatum, animum adjecit. Quod quidem, quæ ille dexteritate, quibus artibus effecerit, postea singulatim memorabimus.

Matrimoniis autem & affinitatibus, ut esset undique munitior, inter prima curarum fuit. Missa igitur legatione (verba Jordani refero) ad Lodoïn, Francorum Regem, filiam ejus Audesledam in matrimonio petiit. Quam ille
gratè

A. C. 495.
de reb. Get.
c. 31.

gratè libenterque concessit, suos filios Iblebertum, & Cheldepertum, & Thuidepertum credens hac societate cum gente Gothorum inito fœdere sociari. Antequam ergo de Audesteda sobolem haberet, naturales ex concubina; quas genuisset adhuc in Mœsia, filias habuit, unam nomine Theudicodo, & aliam Ostrogorho. Quas mox, ut in Italiam venit, regibus vicinis in conjugium copulavit, id est, unam Alarico Vesegorbarum, & aliam Sigismundo Burgundionum. Subinde Eutharicum, in Hispania agentem, ad se facit venire, eique Amalasuentham filiam suam in matrimonio jungit. Et ut ad plenum progeniem suam dilataret, Amalastredam germanam suam, matrem Theodati, qui postea rex fuit, Africa regi, Wandalorumque conjugem dirigit Trasemundo; filiamque ejus, neptem suam Amalabergam Thuringorum regi confociat Hermensfrido. Memorat ex parte & Procopius: Alarico minori, Visigothorum ea tempestate Principi, filiam suam virginem despondit Theudichusam: Nermensfrido vero Thuringorum Principi Amalobergam sororis suae Amalastrida filiam. Valesii Anonymus: Postea vero accepit uxorem de Franciis, nomine Angostledam. Nam uxorem habuit ante regnum, de qua susceperat filias, unam dedit nomine Arevagni, Alarico, regi Visigothorum in Gallia: & aliam filiam suam Theodegotham Sigismundo filio Gundebai regis. Item Amalastrida germana sua in matrimonium tradens regi Wandalorum Transimundo. Deinde sexto mense revertens Ravennam alia germana sua Herminisfrido regi Thuringorum: & sic sibi per circuitum placuit omnibus gentibus. Putat doctissimus Valesius, scribendum filiam germana suae. id enim alios de Amaloberga tradere. sed tam accurate non est scriptum hoc monumentum, quin plura hujus generis occurrant. Neptem suam vocat ipse Theodoricus, in epistola, qua Herminasfrido regi Thuringorum eam tradit. Ipsa Audosteda (quæ & Odelsteda, & Angosteda, & Anastede) non filia, sed soror Chlodovei, à Gregorio & Aimoino dicitur. Quod vero propius existimat Hadrianus Valesius ex epistola IV. lib. 3. Cassiodori. cui posset addi prima, ubi Alaricum & Ludovicum affinitate sibi conjunctos vocat: & lib. 2. epist. 41. sed infirmum hinc argumentum peti, in aperto est. Verum hæc matrimonia, quæ Jornandes

lib. 1. Goth.

p. 481. & seq.

apud Cassiodor. 41.

& alii conjungunt, diversis subinde temporibus convenire, satis constat.

Sicut autem plurimum favoris Theodorico conciliavit, venia ante actorum concessa, & relaxata legis severitas, qua ii, qui adversis partibus studuerant, magnam partem intestabiles redditi erant; auctoribus clementiæ Epiphanio Ticinensi, & Laurentio Mediolanensi, Episcopis: ita magnis laudibus celebrata est, solitudo Liguriæ suppleta missis ad Gundobadum Burgundionum regem legatis, illo ipso Epiphanio, & Victore Taurinensi Episcopo, qui captivos plerosque gratis, quosdā pecunia numerata receperunt. Quam historiam accurate commemorat *Ennodius in vita Epiphanii*, & ex eo *Sigonius*.

In hunc annum *Sigonius* refert celebrem Clodovei regis de Alemannis victoriam, victorisque ad Christianam religionem adjunctionem, & Theodorici de victoria gratulationem, per legatos transmissam, una cum citharædo, quem Rex Francorum desideraverat; describente *Cassiodoro*. Alii in quartum post hæc annum differunt. *Hadrianus Valesius* in A. C. 496. confert, & diligenter describit.

Subnatum est interea aliquid irarum in animo & aula Anastasii Imperatoris adversus Theodoricum: non alia, puto, de causa, quàm quod Theodoricus suis auspiciis omnia ordinare, regisque nomine & jure incunctanter uti videretur. Misit ergo legatos ad Anastasium, cum literis, *Cassiodoro* descriptis: unde satis intelligas, Theodoricum vim imperii in occidente sibi vindicare, sed Romanæ magnitudinis jampridem in duo quasi membra divisæ imaginem, modumque regendæ reipublicæ nihil à pristino discrepantem, ut causam amicitiae & pacis, & conjunctionis adornare. Cujus generis multa etiam in posterum usurpavit. Ut in consule Romano ab Imperatore Orientis fieri solito apparet. Quod & Gothi postea jactarunt apud *Procopium*: *ὡς καὶ οἱ τὸ ὑπάτων ἀξίωμα γότθοις ἐνεχόμενον πρὸς τὴν τῶν ἑσῶν βασιλείαν ἐκαστον κομίζεσθαι*. Permissu Gothorum Romanis quotannis consulatum dante Orientis Imperato-

A. C. 496

De Imp. Oc-
cid. lib. 16.

lib. 2. ep. 41
Rer. Franc.
lib. 6. pr.

A. C. 498.
lib. 1. var. 1.

lib. 1. Goth.
adde Cassio-
dor. 2. 1.

ratore accipere. Sed de his novi imperii artibus postea. Cæterum eventum legationis ad Anastasium missæ, solus narrat *Anonymus Valesii* his verbis : *Facta pace cum Anastasio Imperatore per Festum de præsumptione regni, & omnia ornamenta Palatii, quæ Odoachar Constantinopolin transmiserat, remittit.*

In annum sequentem Sigonius confert expeditionem Francorum in Burgundiones, in qua partes quoque aliquas Theodorico, ut & in præmiis victoriæ tribuendis *Procopius* accurata narratione assignat. *Hadrianus Valesius*, omissa mentione societatis Francorum cum Ostrogothis, in annum sæculi ultimum contribuit.

De Occ. Imp.
lib. 16.
A. C. 499.
lib. 1. Goth;
rer. Franc.
lib. 6.

Quo ingressus tandem urbem Romam Theodoricus, omni magnificentia, & proluxa civium voluntate excipitur. *Cassiodorus* : Hoc anno (intelligit Cos. Patricio & Hy-
patio) D. N. Rex Theodoricus Romam cunctorum votis expectatus advenit, & Senatum suum mira affabilitate tractans, Romana plebi donavit annonas. & quæ sequuntur. *Anonymus Valesii* : Post facta pace in urbe Ecclesiæ, ambulavit Rex Theodericus Romam, & occurrit B. Petro devotissimus, ac si Catholicus. Cum Papa Symmachus & cunctus Senatus vel pop. Rom. cum omni gaudio extra urbem occurrentes deinde veniens, ingressus urbem, venit ad Senatum, & ad Palmam populo allocutus, se omnia, Deo juvante, quod retro Principes Romani ordinaverunt, inviolabiliter servaturum promittit. Per tricennem triumphans populo ingressus palatium, exhibens Romanis ludos Circensium. Sequitur de liberalitate, postea memorandâ. Pro tricennem mallet *Henricus Valesius* decennem, quasi anticipata solennitate decennialium. Oratio, quam ad populum habuit, æri incisa, publice asservata est, eodem *Anonymo* memorante. Dum autem Romæ agit Theodoricus, Odoinum (aliis Odoindus est) Comitem ac civem suum sibi insidias molientem, capite plecti iussit in Palatio Sessorio. *Anonymus Valesii* : Liberium Præfectum pratorii, quem fecerat in initio regni sui, fecit Patricium, & dedit ei successorem in administratione præfecturæ. Itaque Theodorus filius Basilii, Odoin Comes ejus insidiabatur ei. Dum hac cognovisset, in Palatio, quod appellatum Sessorium, caput ejus amputari præcepit. Indidem

A. C. 500.

discimus, sexto mense Ravennam reversum esse Theodoricum.

A. C. 502.
603.

de reb. Got.
c. 52.

Post hæc Bulgari ex Thracia, quo anno priore penetraverant, in Pannoniam effusi Sirmium occuparunt. Ad quos debellandos à Theodorico Rege Pitzia (seu Petza) Comes missus est: ut antiquam sibi patriam armis assereret. Jornandes: Petzamin quoque suum Comitem inter primos electum ad obtinendam Sirmiensem dirigit civitatem. Quam ille expulso rege ejus (Gepidarum rege) Transarico, filio Trassile retenta ejus matre obtinuit. Indeque contra Sabinianum Illyricum magistrum militia, qui tunc cum Mundone paraverat confictum, ad civitatem Margoplano, quæ inter Danubium, Martianumque flumina adjacebat, cum duobus millibus peditum, equitibus quingentis, in Mundonis solatia veniens, Illyricianum exercitum demolivit. Nam hic Mundo Attilæ quondam origine, descendens, Gepidarum gentem fugiens, ultra Danubium in incultis locis, sine ullis terra cultoribus debacchatur. Et plerisque abactoribus, Scamarisque & latronibus undecunque collectis, turrim, quæ Herta dicitur, supra Danubii ripam positam, occupans, ibique agresti ritu pradans vicinos, regem se suis grassatoribus nuncupat. Hunc ergo pane desperatum, etiam de traditione sua deliberantem, Petza subveniens, è manibus Sabiniani eripuit, suoque Regi Theodorico cum gratiarum actione fecit subjectum. Celebrat hanc victoriam oratorio more Ennodius: sed oratione adeo corrupta, ut quid voluerit exprimere, sensum æstimantibus appareat; quid dixerit verbis, nullo contextu integro recolligi possit. *Chronicon Cassiodori* in consulatu Cethæi: Hoc Cos. virtute D. N. Regis Theodorici victis Bulgaribus Sirmium recepit Italia. Provinciam victam Colosseo Comici armis protegendam, jure componendam tradidit: sicut discere licet ex *Cassiodori Variis*, Sigonis etiam laudatis.

Lib. 3, ep. 23.
& 24. & lib.
4. ep. 13.
Sigon. de oc-
cid. Imper.
lib. 16.

In Alaricum generum Theodorici, Vesigothorum in Gallia regem, Clodoveus, obtentu Arrianæ hæreseos comprimendæ, sed revera cupiditate regni impulsus, arma movit. Quantum hic Theodoricus literis & nuntiis annixus sit impedire, quo minus ferro dijudicarentur, quæ arbi-

arbitrorum opera componi possent; apud *Cassiodorum* quatuor priores libri tertii epistole ad *Alaricum*, ad *Gundibadum*, ad *Luduinum* sive *Clodoveum*, ad *Herulorum* & *Thoringorum Reges*, demonstrant. Sed *Clodoveus* imbelliam *Alarici* pro incitamento habuit: quo victo, cum latius propagare imperium tenderet, excussa *Theodorico* cunctatio est. Misso igitur *Hibba* duce, illustrem de *Francis* victoriam retulit, finesque Imperii sui propagavit, missoque in *Galliam* *Gepidarum* exercitu, defendit. Memorat *Jornandes in Getici*, *Procopius in Gothicis*, & alii: quorum scripta concinnat *Sigonius*, & examinat insuper *Hadrianus Valesius in sexto rerum Francicarum*.

A. C. 506.

A. C. 507.

A. C. 508.

c. 58.

Lib. 1.

Lib. 16. de

Imp. Occid.

Hispaniam *Amalarico* *Alarici* filio per *Theudam* *Theodoricus* servabat: cujus opera (quamquam *Ibæ* aliqui tribuunt) etiam *Gisalaricum* res novantem devicit, atque, ne is victus, *Trasimundi* *Africæ* regis opibus defenderetur, gravi epistola perfecit. Et quia suis viribus *Hispaniam*, tutelæ vocabulo tenuit, inter *Vesigothos* *Hispaniæ* Reges, cum aliquando numerari videas.

Cassiod. var.

5. 43.

Hinc de rebus in republica, & adversus externos gestis non multa reperias, usque ad illud tempus, quod mutati in deterius principatus *Theodorico* initium tulit. cujus rei specimen in *Boëtio* dedit, singulari eorum temporum ornamento. Cœperat *Theodoricus*, ingenio dominationis armis quæsitæ, ad suspiciones pronior esse, & libertatem gravitatemque virorum illustrium, crimine rerum novarum à delatoribus infamatam, cupidius prædammare. Quid *Boëtio* *Aulici* & *sycophantæ* vitio dederint, ipse potissimum retulit libro 1. consolationis philosophiæ, quo tanquam cygneo cantu suam calamitatem levare aggressus est; unde verbo tenus descripsit *Sigonius*. Expleto igitur consulatus, quo invidiam & odia malorum meruerat, anno; accusatus; & in exilium missus est *Ticinum*. Secuta est arctior custodia, qua & *Symmachus*, *Boëtii* focer, conclusus est: ejusdem gravitatis & innocentiae vir; iisdemque artibus aulæ odium meritis. Occisus est uterque indicta causa. Quæ res non invidiam modo *Theodoricus*

Prof. 4.

A. C. 522.

523.

526.

Lib. 1. Goth.

dorico maximam, sed perniciem quodammodo attulit. Eodem enim anno, non sine manifestis divinæ vindictæ indicibus, extinctus est. Procopius ita memorat: Symmachus & Boëtius ejus gener, nobilissima stirpe orti Senatores & consulatum adepti erant: ambo sapientia studiis exerciti, ambo juris observantes, supra quam dici posset, erant: multis civium, multum & externis prompti solari inopiam, fama insignes, inde sibi acerbissimorum hominum invidiam peperere. His calumniam in illos appetitarum rerum novarum firmentibus fidem habens Theuderichus vitam utrique ademit, bona redegit in fiscum. Non multis diebus post cœnanti regi appositus à ministro est piscis magni caput: id Theudericho caput visum occisi nuper esse Symmachi, dentibusque in labrum inferius impressis, sævumque & horrendum intuens, minas ipsi intentare. Portentoso visu exterritus, ingentique percussus frigore, cursu cubiculum petiit: jussisque inferni sibi multum vestitus, quievit. Post id Elpidio medico te omni enuntiata, in Symmachum ac Boëtium, quod peccaverat, deslevit: pœnitentieque & doloris magnitudine non multo post obiit. Addit quidem: ἀδίκημα τὸ το πρῶτον καὶ τελευτῶν ἐς τὸς ὑπὸνδρος τὸς αὐτῷ δεχόμενος, ὅτι δὴ ὁ διψευρυσάμενος, ὡς περ εἶπεν, τὴν πειρὸν ἀνδρῶν γινώσκων ἦν. Quod Grotius vertit: Id illi injuria in subditos (sibi) primum ac postremum fuit, quod non adhibita, ut solebat, inquisitione de tantis viris statuerat. Plura ei tribuit Anonymus Valesii malefacta: confusa, ut solet, temporum ratione. Id monumentum, si excipias confusa, ut diximus, tempora, & orationis vitia, quæ sæculum tulit, ad veritatem historiæ satis insigne, cum in paucorum manibus versetur, hic describendum est: quatenus ad Boëtii casum pertinet. Posthac, inquit, cœpit adversus Romanos Rex subinde fremere inventa occasione. Cyprianus, qui tunc Referendarius erat, postea Comes Sacrarum & Magister, altius cupiditate insinuans de Albino Patricio, eo quod literas adversus regnum ejus Justino Imperatori misisset, quod factum dum revocatus negaret, tunc Boëtius Patricius, qui Magister officiorum erat, in conspectu Regis dixit: Falsa est insinuatio Cypriani, sed si Albinus fecit, & ego, & cunctus Senatus uno consilio fecimus. falsum est, Domine Rex. Tunc Cyprianus hesitans, non solum adversus Albinum, sed & ad-

& adversus Boëthium ejus defensorem, deducit falsos testes adversus Albinum. Sed Rex dolum Romanis tenebat, & querebat, quem admodum eos interficeret, plus credidit falsis testibus, quam Senatoribus. Tunc Albinus & Boëthius ducti in custodia ad baptisterium Ecclesiæ. Rex verò vocavit Eusebium, Præfectum urbis Ticini, & inaudito Boëtio protulit in eum sententiam. Qui mox in agro Calventiano, ubi in custodia habebatur, misit Rex, & fecit occidi. qui accepta chorda in fronte diutissime tortus, ita, ut oculi ejus creparent, sic sub tormenta ad ultimum cum fuisse occiditur. Rediens igitur ex Ravenna, tractans non ut Dei amicus, sed legi ejus inimicus, immemor factus omnis ejus beneficii & gratia, quam ei dederat, confidens in brachio suo. Et post aliqua: Sed dum hæc aguntur, Symmachus caput Senati, cujus Boëtius filiam habuit uxorem, deducitur Roma Ravennam. Metuens verò Rex, ne dolore generi aliquid adversus regnum ejus tractaret, objecto crimine jussit interfici. Mox de morte Theodorici ea subjiciuntur, quæ fortasse ex parte ad aliam historiam pertinent, & huc transumpta sunt. Cum enim de Joannis Episcopi morte, & mandato Arrianismi propagandi retulisset, addit: Sed qui non paritur fideles cultores suos ab alienigenis opprimi, mox intulit in eum sententiam Arrii auctoris religionis ejus. fluxum ventris incurrit, & dum intra triduo evacuatus fuisset, eodem die, quo se gaudebat Ecclesias invadere, simul regnum & animam amisit. Ergo, antequam exhalaret, nepotem suum Athalaricum in regnum constituit. se autem vivo fecit sibi monumentum ex lapide quadrato mira magnitudinis opus, & saxum ingentem, quem superponeret, inquisivit. Adjiciunt fabulam Gregorius, Aimoinus, & ex his Sigebertus. quod ejus animam quidam solitarius, apud Liparam manens insulam, viderit inter sanctissimum Papam Joannem & Symmachum ex consule deductam, in Vulcani demergi ollam, eo loco vicinam. Quæ ideo sic dicitur, quod inibi mare, tanquam æneum vas, ferveat ab igne. Potentiæ annos septem & triginta Procopius ei tribuit: sed Italici regni annos 38. alii, (in quibus Sigonius) Lib. v. alii 32. numerant: Baronius 33. plenos. ætatis 72. Sigonius annotavit. Quomodo convocatis primoribus Gothorum Athalaricum infantulum vix decennem (Procopius 8. annorum

facit) filium filie sue Amalasuentha, qui Eutarico patre orbatum erat, Regem constituerit, eiue in mandatu dederit, ut regem colerent, Senatum P. Q. Rom. amarent, Principemque Orientalem placatum semper & propitium haberent, consignatum reliquit Jornandes. Cui addi debent ipsius Athalarici epistolæ jam successione potiti, apud Cassiodorum, principio octavi libri usque ad epist. 8.

In reb. Get.
c. 39.

Quatenus ex omiſſis aliquid petendum est, Theodoricus etiam Alemannos armis sub suam ditionem redegit, sed annum ejus rei certum erui non posse, fatetur Sigonius, in anno hujus sæculi decimo quarto. Laudat testes, literas ad provinciales in Suevia: quæ in libro IV. Cassiodori epistola est 49. Agathias præcipuus auctor est: cujus locum H. Grotius Latine sic convertit: Alemanni, si Asinio Quadrato fides, viro Italo & Germanicarum rerum exacto scriptori, conrena sunt variis à nationibus collecti, id ipsum apud eos significante vocabulo. Hos quondam Theuderichus Gothorum Rex, cum omnem Italiam teneret, in obsequio habuerat sub tributi lege.

Lib. 1.

In laudes ejus, si ultima demas, consentiunt, ut vidimus, Scriptores. Procopio iudice, nemine eorum, qui imperium tenuerunt, inferior existimari debet: hostibus formidatus, suis desideratus. Inprimis autem illustis est commendatio, quæ apud Suidam legitur: Ita, inquit, Gothi & Itali præfuit, ut omnia ei adesse diceret, quæ homini ad imperandum genito conveniunt. Justitia enim studiosissimus fuit, legesque bono in usu servavit. A barbaris finitimis tutum præstitit imperium: prudentia & virtute, ut qui maxime, excelluit. Neque quicquam injuria subjectis vel ipse intulit, vel ab aliis inferri passus est. Quæ omnia vulgo gratiora fuerunt, quod post continentem malorum seriem, & perpetua bellorum civilium ac tyrannidis facinora, respirare sub ipso Italia, & longo post tempore ad quandam antiqui floris faciem redire videbatur. Sed hæc ex ipsa administratione reipublicæ, quam in hunc locum distulimus, rectius intelligi possunt.

Lib. 1. Goth.

roc. Suid.

In republica ordinanda, quam armis pepererat, militiæ summam sibi rationem habendam duxit. Et Romæ qui-

quidem, ut imago veteris status maneret, Palatinam militiam reliquerat: singulisque de illo numero, peramplo sane (nam & silentiarii & domestici, ac scholares connumerabantur) diaria (σύνταξιν ἐς ἡμέραν ἐκάστην) etiam ad liberos & posteros transitura constituerat. Testis Procopius in ἀνecdotos. Apud idonea autem provinciarum & limitum militem aluit: sicut ex Cassiodori Varii abunde liquet. Loca opportuna de integro munivit: cujus industriæ specimen in castello Verrucæ apparet, feris gentibus objecto. Ita sexaginta milites in Augustanis clausuris jugiter constituti adversus hostes excubabant. Retias munimina Italia, & Austria provinciae non dissimili studio armatis firmavit. Qui ne desides otio remitterent animos, exerceri eos & arma meditari voluit, sicut ex epistola libri I. quadragesima apud Cassiodorum animadvertere licet. Castra quoque & fabricas diligenter muniri præcepit. Nam quis cum, inquit, providentiam habuisse putet, si tunc cæperit fabricæ operam dare, aut penum condere, cum oporteat bella tractare? Et: Simili discrimine habetur, qui ignobili torpori relinquitur. Arma autem quam accurate fabrefacta & parata sint, ostendere possunt Formula de armorum factoribus. Disciplinam, verum militiæ robur & vinculum, severissime rexit Theodoricus: idque ut negotii sibi datum crederent, duces & rectores provinciarum monuit. Itinera militaria, innocua præstitit, providitque, ut milites sub omni moderatione transirent, illi, que cum provincialibus non rapiendi votum, sed commercii facultas esset. Egregium est illud ad Gepidas in Galliam destinatos: Ite moderati, tale sit iter vestrum, quale decet esse, qui laborant pro salute cunctorum. Et alterum ad Gothos ad occursum Principis evocatos: Illud necessario commonemus, ut venientium nullus provenire possit excessus, nec possessorum segetes aut prata vastetis. Quin & damnum à transeunte forte exercitu datum, pecunia pensavit. Utque facilius custodiri mensura morum posset, annonas militibus diligenter constituit: eaque de causa exercituales expensas ac triticum sæpe de Italia in provincias destinavit. Commodius enim, inquit, sub expensarum lege tenetur exercitus, quam si cuncta

Pag. 117. Ed.
Nic. Alem.
Cassiodor.
Var. 3. 48.

Id. 2. 5.

Id. 7. 4.

Id. 1. 17.

Id. 7. 27.

7. 18. & 19.

1. 11.

5. 10.

5. 10.

5. 26.

3. 8.

3. 5.

3. 41. & 42.

5. 13.

fuert vaslare permissus. Quapropter consequatur exercitus alimonia deputatam, ne qua pars praedictam possit sustinere violentiam. Emolumenta etiam solennia equitum peditumque, ut integro pondere & numero praestarentur, providit adversus fraudes Arcarii praefectorum. Donativa insuper annua constituit. Dimissis quoque à militia ea procedebant, levandæ inopiæ: nisi quis sua se ope sustentare idoneus esset.

Frustra autem armis adversus vim externam munias imperium, si intus confuso honesti discrimine, veluti domestico dissidio confisteretur. Singulari itaque studio Theodoricus justitiæ laudem sibi & Gothis vindicabat. Magnifica est oratio, qua Colosseum Pannoniæ Sirmienti rectorum impositum cohortatur: *Æquitati fave: innocentiam animi virtute defende. ut inter nationum consuetudinem perversam, Gothorum possis demonstrare justitiam: qui sic semper fuerant in laudis medio constituti, ut & Romanorum prudentiam caperent, & virtutem gentium possiderent. Et alibi: Quos duces eligimus, eis simul & aequitatis momenta jure delegamus. Quia non tantum armis, quantum judicii nos effici cupimus clariores. Id correctoribus & praesidibus provinciarum studiose commendatum. id ad provinciales, & defensores, & curiales perscriptum. Cumque permixti Romanis (ita enim & provinciales appellabantur, subditi ante Romanis) Gothi sive Barbari (quod nomen jam non convitii, sed discriminis fuisse, vel Editum Theodorici ostendat) passim viverent, utrosque æqualitate juris tanquam vinculo continere studuit. Testis epistola ad Correctorem provinciæ, cujus nomen varie ponunt codices, ubi & hæc legas: Si quod negotium Romano cum Gothis est, aut Gorbo emerferit aliquod cum Romanis, legum consideratione definies: nec permittimus indiscreto jure vivere, quos uno voto volumus vindicare. Censebis ergo in commune, quæ sunt amica justitia. Quia nescit personas respicere, qui meram cogitat aequitatem. Inprimis legenda est Formula comitiva Gothorum per singulas provincias, qua describitur, quomodo lites inter duos Gothos, inter Gothum & Romanum, inter duos Romanos, debebant cognosci ac terminari. Voluit autem in jure dicundo illud præcipue spectari, ut jus esset supra omnem*

1. 10.

5. 27.

5. 36.

3. 23.

5. 30.

✓ Hadrian.
Valef. rer.
Franc. lib. 6.
p. 289.

Cassiodor.
5. 13.

7. 3.

omnem injuriam positum, id est, ne humilitas sua cuiquam, potentiorum nato adversarium noceret. Hæc enim naturæ vox & lex est: hæc jurisdictionis anima. Aurea sunt, & in exemplum omnibus jus dicentibus commendanda verba, quibus adversus Fausti P. P. impotentiam insurgit: *Inter gloriosas Reipublica curas, quas perpeti cogitatione, Deo auxiliante, revolvimus, cordi nostro est, levamen humilium: ut contra potentiam superbiorum nostræ pietatis erigamus obstaculum, nec liceat quicquam apud nos audacia; cuius est propositi, superba calcare.* Eadem gravitate Joannem Consularem Campaniæ, adversus Præfecti prætorio potentiam & terrorem potenter munit, ac in tuitionem suam recipit. Judices & libenter, & idoneos, & quotiens res aut homines postularent, & varii generis, & extra ordinem dedit. Per se quoque sedulo jus dixit: atque, ne injuriis locus fieret, infirmitate aut culpa iudicum, ad suum comitatum & audientiam multa revocavit. Quæ ipsa res iudices, veluti comminatione proposita, officii admonuit; & calumniatores absterruit: innocentibus autem & oppressis ingenti præsidio fuit. Quod ne primo statim loco tentatum vilesceret, gradus quidam constituti erant: ut partes eligerent arbitros, de causa legibus cognituros, præsentem magistratu provinciali, antequam ad comitatum Principis veniretur, *ubi nec redemptio esset forte suspecta, nec invidiosa posset nocere calumnia.* Verum, hanc laudem Theodorici loquuntur tot rescripta variis causis definiendis, tanquam ex oraculo deprompta. *Palesii* etiam illud ejus iudicium celebrat, quod in causa Filii, quem mater primo agnoverat, postea in gratiam sponsi pro peregrino expulerat, tulerit. Cum enim rem, ut acta erat, didicisset, improbitatem matris tandem indicto juvenis matrimonio deprehendit ac detexit. Cujus generis sententiam Claudio Imperatori Romano *Suetonius* tribuit. *Æquitatis* in iudicando ita studiosus fuit; ut & occasiones ejus captaret diligenter, & rationes prudenter subduceret. Quod in illa sententia videas, qua confesso quidem puellæ raptum, sed metu tormentorum,

Q;

cum

Cassiodor.
3. 46.

5. 29.
1. 5.

cum in longo custodiæ situ, etiam defensorum patrocinia postulanti sæpius fuissent subtracta, adversariis gratia & ingenio florentibus, sex mensium exilium citra aliam poenam aut infamiam imponit. Ita plena est humanitatis oratio, qua in quæstione status Ocerum, qui pridem sub libertate militaverat, cæcum, à calumniis liberat. Et qua litium moras amputat.

Procop. 1. 2.
Goth.

4. 10.
lib. 6. & 7.

Præfat. ad
Edict.

Cum autem Theodorico esset propositum, rempublicam in eo statu relinquere, quo sub Imperatoribus erat, legum in judiciis maximam voluit auctoritatem esse. Unde Gothorum legati, etiam de his temporibus, ad Belisarium ita loquuntur. *Τὸς τε νόμους καὶ τὴν πολιτείαν διασωσάμεθα τῶν πάποτε βασιλευκότων ἑδνὸς ἥσσαν. Leges & statum reipublice conservavimus nullo Imperatorum minus.* Sed quod additur, caute accipiendum est: καὶ θευδερχο μὲν ἢ ἄλλοι στυγὴν διαδιζαμένῃ τὸ γότθων κράτος, νόμος τὸ παρῶν ἑδνέις, ἐκ ἐν γράμμασιν, ἐκ ἀγαθός ἐστι. Theoderici autem, aut alterius, qui in Gothorum principatum successerunt, neminis extat ulla, vel scripta, vel non scripta lex. At quot edictalia programmata & formulas, legum vim obtinentes apud Cassiodorum legas? Ipsum autem Edictum, quod Theoderici nomine præscribitur, insignem partem codicis Legum Antiquarum constituit, & Ostrogothici juris caput à P. Pirhaio merito celebratur. Certe dum miscebantur Romanis Gothi passim per provincias, multæ leges renovandæ, aliæ supplendæ, addendæque fuerunt: sicut ex ipsis Edicti verbis abunde intelligitur. Quid? quod nullius temporis ea disciplina est, quin eventus rerum, genius hominum novam subinde legislationem postulet. unde & præfatio Edicti, de contemptu & oblivione legum loquitur. Forte igitur de legibus ad statum urbis & Italiæ pertinentibus Gothi apud Procopium locuti fuerint. De Edicto autem ipso, & ad illud, pluribus alio loco, si Deo visum fuerit, differere constituimus.

Magistratus, meritorum habita ratione, sollicita cura elegit: sicut ex pluribus ad Senatum epistolis, quibus candidatos delectosve commendat, apparet. Prodidit testimo-

testimonium suæ voluntatis etiam in ipsis codicillis, quibus dignitates confert. *Ad ornatum*, inquit, *Palatii creditur pertinere, aptas dignitatibus personas eligere. quia de claritate servientium crescit fama dominorum. Tales enim provehere Principem decet, ut quoties procerem suum fuerit dignatus aspiciere, toties se cognoscat recta judicia habuisse.* In iudiciis legendis usum fori, eloquentiam & bonas artes spectavit, sicut Capuani exemplum demonstrat. Neque alia mens ei in Senatu supplendo. Nam quid dignius, inquit, si & senatorio vestiatur honore togata professio? ut in illa turba doctorum, audeat liberam proferre sententiam: nec frenetur imperitia terrore, quem hortantur ad vocem iura sacundia. Gloriosa est denique scientia literarum: quia, quod primum est in homine, mores purgat: quod secundum, verborum gratiam subministrat: ita utroque beneficio mirabiliter ornat, & tacitos & loquentes. Quae in re priscae consuetudinis observantiam ubique proficitur.

Literarum studiis etiam aliis occasionibus & favit eximie, & prudenter prospexit. Cujus consilii rationes ipsum Theodoricum optime audias explicantem in *mandatis Patris* datis, ut retineret Romæ, studiorum causa missos, neque nisi idoneo profectu auctos, aut se inconsulto discedere pateretur. Id quod eo est laude dignius, quo minus ipse literarum peritia valuit. Quam tyranni apud suos extinguunt, supprimuntve. Apud *Procopium* Gothi, reprehendentes institutum Amalasunthæ, Atalarichum more Romanorum procerum erudiri cupientis, Theuderichum tantis rebus gestis clarum, *litteras ne auditu quidem attigisse*, ajunt: sed ne voluisse quidem ullos Gothorum liberos in ludum itare literarium, quasi parum fortiter ferrum & arma contemtuuros, qui flagra timere consuevissent. Si in Gothis hoc secutus est, Romanos tamen à veteri disciplina deficere non tulit. Minime autem hic utar auctoritate *Anonymi*, quem *Valesius* edidit. Qui cum undique congregaret diversi generis fragmenta, quæ *Justino Thraci Imperatori* conveniebant, Theodorico Ostrogotho tribuit illis verbis: *Igitur Rex Theodoricus inlitteratus erat, & sic obruto sensu,*

sensu, ut in decem annos regni sui quatuor literas subscriptionis edicti sui discere nullatenus potuisset. De qua re laminam auream iussit interrasilem fieri, quatuor literas regis habentem, unde ut si subscribere voluisset, posita lamina super chartam per eam penna duceret, & subscriptio tantum ejus videretur. Quis non videt hæc Justino (vel decem annorum imperii argumento) convenire, à Theodorico aliena esse. de quo nec stupidum ingenium credi ullo modo potest. Justiniani autem consuetudinem illam accurate describit Procopius in *anecdosis*, & explicat in *Notis Alemannus*. Potius audiri debet idem Anonymus in illis de Theodorici sapientia: Hic dum inlitteratus esset, tanta sapientia fuit, ut aliqua, qua locutus est in vulgo, usque nunc pro sententia habeantur, unde nos non piget, aliqua de multis ejus posuisse. Dixit: aurum & demonem qui habet, non eum potest abscondere. (Quid, si quis utrumque?) Item: Romanus miser imitatur Gothum, & utilis Gothus imitatur Romanum. Non cepit acumen dicti, qui legendum censuit, vilis Gothus. Utilis hic opponitur misero; ex mente dicentis.

pag. 481.

Cassiodor.
1, 34.

1, 35.

11, 56

2, 12.

Annonæ curam sollicitissime rexit. Itaque constitutum est, ut ne frumentum exportaretur, nisi servata cuique regioni idonea copia. Commoniti ergo, qui curam litorum habebant, ut non ante quispiam peregrinas naves oneraret, ad aliena litora transiuras, quam expensæ publicæ ad optatam possent copiam pervenire. Sed & ut frumenta publica mature Romam adveherentur, prospectum. Hanc enim urbem præcipue annona abundare, summa ratio suaserat, quam explicat epistola Senatoris ad Ambrosium vices in præfectura prætorii suas agentem. Proxima Italiæ cura erat. Si enim desideris nostris, ait Rex Theodoricus, commercia peregrina famulantur, si prolato auro acquiritur externa devotio, quanto magis suis bonis abundare debet Italia, cum nulla in parendo probeatur sentire detrimenta? Hoc ea epistola scribit, qua larium extra Italiam asportari vetat.

Liberalitate eximia erga omnes ordines usus est. Donavit populo Romano & pauperibus annonas singulis annis centum viginti millia modios. verba sunt Anonymi Valesii. Mendicis, inquit

quit Procopius, qui circa Petri Apostoli edem se tenebant, tria Pag. 482.
 millia medimnium Theodoricus ἀνὰ πᾶν ἔτος in singulos annos de- in Arc. Hist.
 crevit. Mansit ista liberalitas usque ad Alexandri Forficu-
 læ in Italiam sub Justiniano adventum: qui ejusmodi so-
 latia paupertatis simul & semel sustulit. Principum prio-
 rum beneficia libenter confirmabat. Ita enim immunita-
 tes Massiliensibus firmatas orditur: Lubenti animo antiqua Cassiodor.
 circa vos beneficia custodimus, cum nova utilitatibus vestris prestare 4. 26.
 supiamus. Etiam non petita: ut & illa possitis accipere, qua
 vos non contigit postulasse. Ipsa enim est perfecta pietas, qua an-
 tequam flectatur precibus, novit considerare flagitatos. Et in o-
 mnes sparsa. Hoc sunt enim, inquit, regia dona, quod se- 3. 29.
 mina: sparsa in segetem coalescunt; in unum coacta depereunt.
 Et constanter: Liberalitatem nostram, inquit, firmam decet 3. 35.
 tenere constantiam: quia inconcussum debet esse Principis votum,
 nec pro studio malignorum convelli, quod nostra noscitur praeceptio-
 ne firmari.

Navium & nauticæ rei studium prolapsum summa
 cura restituit. Cum nostrum, inquit, animum frequens cu- s. 16.
 ra pulsaret, naves Italiam non habere, ubi tanta lignorum copia
 suffragatur, ut alibi quoque provinciis expetita transmittat, Deo
 nobis inspirante decrevimus, mille interim dromones fabricandos
 assignere, qui & frumenta publica possint conveyere, & adversis
 navibus, si necesse fuerit, obviare. Quæ res ut felicius suc- s. 18. & 19.
 cederet, remiges etiam ex domo regia, & ligna idonea & 20.
 etiam ex regalibus prædiis desumi jussit. Sepes in flu-
 viorum alveis piscandi causa factas recidi, & alveos re-
 purgari præcepit: ut inoffensus esset navigationibus cur-
 sus. Hinc etiam negotiationibus & mercaturæ multum
 adjumenti accessit: cum præsertim etiam terrestria itine-
 ra quàm maxime tuta præstarentur. Signat stilo, quo so-
 let, Anonymus Valesii: Negotiantes de diversis provinciis ad ipsum Pag. 483.
 concurrebant. Tanta enim disciplina fuit, ut si quis voluit in agro
 suo argentum vel aurum dimittere, ac si intra muros civitatis es-
 set, ita existimaretur. & hoc per totam Italiam augurium habe-
 bat, ut nulli civitati portas faceret, nec in civitate porta clauder-
 bantur: quis quod opus volebat, faciebat, qua hora volebat, ac si in
 die.

Cassiodor.

1, 19-

2, 31.

4, 47.

5, 5.

Atque, ut annuntiari singula cognoscique citius possent, cursum publicum non terra modo, equis; sed navibus etiam per fluvios, voluit procedere. Atque, ne publicis negotiis interveniret impedimentum, multam constituit, si quis cursu publico privatim abusus esset, aut parhippum plus centum libris onerasset. Jumentis denique & hominibus molestiam diminuit, commoda auxit.

Ædificandi studio & industria nemini cessit Theodoricus. quam virtutem modo magnificentiae propositis, modo liberalitatis regulis, modo prudentia muniendi infirma moderabatur. Longum fuerit, opera ejus publica referre, Romæ, in Italia, & per provincias extructa. Anonymus Valesii: *Ad restaurationem Palatii, seu vel reparationem mœnia civitatis singulis annis libras ducentas de arca vinaria dari precepit. Et subinde: Erat amator fabricarum, & restaurator civitatum. Hic aquaductum Ravenna restauravit, quem Princeps Trajanus fecerat, & post multa tempora aquam introduxit. Palatium usque ad perfectum fecit, quem non dedicavit. Portica circa Palatium perfecit. Item Verona Thermas, & palatium fecit, & à porta usque palatium porticum reddidit. Aquaductum, quod multa tempora destructum fuerat, renovavit, & aquam intro misit. Muros alios novos circum civitatem. Item Ticinum palatium, thermas, amphitheatrum, & alios muros civitatis fecit. Consilii sui de ornanda urbe rationem ipse explicat: Ea custodiri volumus maxime, quæ urbis faciem videntur ornare. Quis enim dubitet, fabricarum miracula hac provisione servata? & pendenti saxo formatas cameras regularum regimine custoditas? ut antiqui Principes merito nobis debeant suas laudes, quorum fabricis dedimus longissimam juventutem: ut pristina bonitate reluceant, quæ jam fuerant verustosa senectute fuscata. Et iterum: Digna est constructio civitatis, in qua se commendet cura regalis: quia laus est temporum, reparatio urbium vetustarum. In quibus & ornatus pacis acquiritur, & bellorum necessitas præcavetur. Igitur universos Gothos Romanosque hortatur, ut qui saxa habent in suis agris utilia, ad mœnia extruenda conferant. Marmora quoque ruinarum ad decorem urbis diligenter asservari & comportari curat.*

Quanta

Pag. 42.

Cassiodor.

1, 25.

2, 22.

2, 7.

Quanta cura Ravennam, eadem, & columnas devehijuberet? Quo studio Herculis basilicam Ravennæ construi fecit? Quantum est, quod in Aponum fontem impendit? Muri Arelatenses, Catanenses, Tridentini insignia hujus consilii monumenta sunt. Theatri vero Pompejani Romæ substructionem destinata de cubiculo regio pecunia juvit. Quare etiam Romana civitatis fabricas accurate discussit, si labor operis concordaret expensis, aut si qua pecunia resideret apud aliquem, qua non esset fabricis expensa, ut deputata rei redderetur eroganda. Provocati & viri insignes, data potestate ædificandi. Instituta insuper inquisitio in eos, qui aquam publicis usibus destinatam ad privata vertissent; æs, plumbum, aliave clanculum subduxissent. Aquilegi, qui ex Africa Romam venerat, præmia constituta. Non ommittenda est *Chronici Cassiodori* annotatio: *Sub Theodorici felici imperio, plurima renovantur urbes, munitissima castella conduntur, consurgunt admiranda palatia, magnæque ejus operibus antiqua miracula superantur.*

Agriculturæ ratio exsiccatis crebro paludibus, ad quod studium præmiis alliciebantur possessores, melior reddebatur.

Neque veterem Principum artem, voluptatibus plebem detinendi & dulcedine otii permulcendi omisit Theodoricus. Spectaculorum enim frequentia & splendore munerum cum pristinis temporibus certavit. Graviter tamen de isto more loquitur: *Expedi interdum desipere, ut populi possimus desiderata gaudia continere.* Modo etiam & disciplina rem totam coercitam vel *Formula Tribuni voluptatum* ostendat. Utriusque consilii rationes decore explicat ipse Rex: *Licet inter gloriosas reipublica curas, & regali sollicitudinum salutaris fructus, pars minima videatur, Principem de spectaculis loqui: tamen pro amore Reipublicæ Romanæ non pigeat, has quoque cogitationes intrare: quia undecunque præstare possumus, dignum nostris sensibus æstimamus: præsertim cum beatitudo sit temporum, lætitia populorum.* Postea comperisse se ait, seditiones turbulentas à quibusdam scelestissimis incitari, & causas lætitiæ publicæ ad furoris certamina prorupisse, quos sci-

1, 31.

1, 27. & 30.

2, 24. & 25.

si 6. & 7.

5, 31.

11, 7.

12, 2.

12, 10.

13, 16.

1, 19.

4, 32.

licet mox compescit; ut & rixas omnes & injurias theatrales. *Spectacula voluptatum*, inquit, *lætitiam volumus esse populorum: nec erigere debet motus irarum, quod ad remissionem animi constat inventum.* Unde & distinguuntur studiose, quæ loquacitati vulgi debeant in spectaculis condonari; & quæ judicio mereantur vindicari. Sicut enim *neminem à spectaculorum gaudio remove*, *ita seditionis semina radicitus volebat amputare.*

Exactionibus, tributis, vestigalibus, Rempubicam sustineri, nemo est, qui nesciat. Ergo pari diligentia & moderatione tractari res tam necessaria, eademque invidiæ exposita debet. Diligentiam Theodorici ostendunt *Edicta & Rescripta: ne dum domus quadam præpotentium & Senatorum suas non implebant per ordinem functiones, tenuiores alieno debito onerentur: ut reliquatori ablata prædia fiscus in idoneum, qui debitum ejus arario regio lueret, transferret: ut Siliquatici conductoris debitores & reliquatores, etiam presbyteri, judicio ad solutionem adigantur.* Possuntque accuratam hujus negotii tractandi curam amplius declarare *Epistola Senatorii ad universos judices provinciales*, ut monerent possessores de trina illatione tributi ordinarii suis temporibus facienda, cessante venalitate dilationum; *ad universos Cancellarios provinciarum*, ut tributa in tempore exigant, & *Arcaarii una cum rationibus reddant*; *ad Canonicarium*, de asse tributario, justo pondere & libra inferendo. Neque Gothos hac in re indulgentius habitos, testatur *Epistola Theodorici*, cujus principium est: *Fisci volumus legale custodiri compendium: quia nostra clementia rebus propriis videtur esse contenta. Et sicut nullum gravare cupimus, ita debita nobis perdere non debemus. Indigentiam juste fugimus, quæ suadet excessus: dum perniciofa res est, in imperante tenuitas.* Modus ubique laudandus est. Hujus modi illustria sunt specimina, vel cum nova tributa excogitari non passus est; vel cum fraudes & sævitiam exactorum coercuit; vel remisit, aut moderatus est tributa. Gravasianos ergo & Pontonates majori quàm Odovacris tempore intulerant, tributo onerari passus non est; magnifice præfatus: *Cum omnes reipublicæ nostræ æqualiter*

biliter desideremus augeri, crementa tamen fiscalium tributorum
 iustissimo sunt pensanda iudicio: quia servientium imminutio est
 huius illationis accessio, quantumque pars illa proficit, tantum se
 hac firmitate subducit. sed à nobis qui fisci utilitatem stabili volu-
 mus diuturnitate consistere, excludenda est dispendiosa semper enor-
 mitas. Imo, sicut hæc amplius explicantur in mandatis,
 quæ Advocato Fisci dantur, Sit interdum causa mala Fisci, 1, 22.
 ut bonus Princeps esse videatur. Majori quippe compendio perdi-
 mus, quam si nobis indebite victoria suffragetur. Et: Luctum
 cum invidia periculum est. Quanto melius, omnia moderata ge-
 rere, quæ nullus audeat accusare? Hinc ab illicitis exactio- 2, 26.
 nibus, gravi multa denuntiata exactoribus, negotiatores
 defenduntur. Alibi autem solícite recensentur fraudes, &
 iniqua lucra, quibus rem tributariam exacerbari consta- 3, 39.
 bat, gravissimaque remedia constituuntur. Remittendi
 ac minuendi tributa, nulla occasio dimittebatur. Con-
 ductores Apuli frumenta sibi inimicorum surreptionibus 1, 16.
 concremata questi, ne ad integram præstationem cogeren-
 tur, petebant. Quod nos, inquit Theodoricus, pro inge-
 nita humanitate considerandum esse iudicavimus: ut quorum non
 possumus accusare desidiâ, relevandum potius æstimemus fortunam
 in hac parte esse. Universis provincialibus in Gallia, bello
 damnum passis, humanissime rescribit: Vobis itaque hostili 3, 40.
 ferocitate vastatis, pro qualitate læsionis per indictionem quartam
 relaxatam agnoscite tributariam functionem (quia non gratula-
 mur exigere, quod tristis noscitur solutor offerre) ita tamen, ut
 de illis, quæ constat intacta, exercituales juventur expensæ. Ejus-
 dem moderationis & æquitatis specimen est in remissione
 Siliquatici, de qua ad Gemellum: Siliquatici præstationem, 4, 19.
 quam rebus omnibus nundinandis provida definivit Antiquitas, in
 frumentis, vino & oleo dari præsentis tempore non iubemus: ut
 hac remissio solutionis copiam possit præstare provincis, & respi-
 rent aliquatenus fessi præsentis salubritate decreti. Ita provin-
 cialibus Alpium Cottiarum assen publicum per tertiam 4, 36.
 indictionem relaxat, quia exercitus transiens more fluminis,
 eos dum irrigat, oppresserat. Ita Campani Vesuvii mortis
 incendio læsi, pro modo læsionis, tributis sublevantur.

4. 50.
In vita Epi-
phan.

Ita Liguria voce & deprecatione Epiphanii Ticinensis Episcopi immunitatem unius anni impetrat : describente uberiorius *Ennodio*.

1, 26.
2, 29.

Ut rebus Ecclesiæ data immunitas servaretur , ad alia tamen non extenderetur , providit. Ut prædiis & hominibus Ecclesiæ Mediolanensis , in Sicilia constitutis, tuitio præstaretur, Adilam Comitem monuit. Ravennatem & Mediolanensem Ecclesiam *privilegio negotiatoris immunis* donavit. Collata Ecclesiis veterum Principum pietate , confirmavit : ablata restituit. Non erat quidem Theodoricus orthodoxus religione , sed Arrianus *Hexa-cionita* , sicut eum vocat *Chronici Alexandrini auctor*. Id enim præstantissimum genus Arrianorum perhibetur : quibus Justinianus Imperator , cum ceteris templa auferret , reliquit.

2, 30.

lib. 2. Goth.

Gloriantur tamen Gothi apud *Procopium* , de his & infecutis temporibus : quod religionem Romanis illibatam servaverint ; quod Italorum nemo volens invitusve , Arianus factus sit ; Gothorum autem plures impune ad sententiam Romanorum in religione concesserint ; quod templa Romanorum summa carimonia coluerint , ita ut nemo , qui eo confugisset , à quoquam vim pateretur. Capere debemus vim , quæ corpori & vitæ infertur : non quasi hujus Ecclesiastici asyli ope indemnes prorsus fieri potuerint , qui facinus perpetrarant. Exemplum nobile est apud Senatorem in homicida : qui conscius facti sui intra Ecclesiæ septa refugiens , declinare se credidit præscriptam legibus ultionem. Hunc , inquit Theodoricus , *Valcania insula perpetua relegatione damnatus* : ut & sancto templo reverentiam habuisse videamur , nec vindictam criminosis evadat in

3, 47.

ad A. C. 498.

totum , qui innocenti non credidit esse parcendum. *Cuspinianus & Sigonius ex Joanne Zonara* , ut summæ æquitatis documentum erga Catholicos referunt , quod ministrum Catholicum præcipue sibi carum , cum vidisset ad Arrianos studio placendi aulico defecisse , sua manu interfecerit : quasi male fidem Principi servaturum , quam Christo violasset. Sed *Zonara* , hic Theodoricus est Dux Africæ. Unde illi ad nostrum traxerunt , errorem vel nominis , vel viri , puto , in *Zonara* suspicati. In controversia Symmachi

tom. 3. P. 45.

A. C. 598.

Papæ,

Papæ, quin bene de Ecclesia meritis sit Theodoricus, etiam illi negare nequeunt, qui nimium juris in Ecclesiasticos usurpasse contendunt. Idem dicas de Synodo insequentis temporis: qua *Pius & Sanctus* appellatur Rex. excusationem rei meditant *Baronio*, jungas licet *Nicolaum Alemannum*. Actum etiam in ea Synodo de lege regis Odoacris abroganda, qua inconsulto rege comitia perfici Pontificia vetabatur. Non ignorandum tamen est (inquit *Sigonius*) hanc *Symmachi* sanctionem observatam non esse: ac per multos post annos injussu Principis pro ratu ea comitia non fuisse (vid. *Epist. Athalarici* apud *Cassiodor.* 8, 15.) donec quies tandem ac iura à seditionibus civitate hoc jus ab Imperatore Constantino (Pogonato) ultro remissum est, *Benedicto Secundo* Ecclesiam obtinente. Quasi ab eo tempore nihil scilicet sibi negotii esse cum electione Romani Episcopi voluissent Principes. Sed de ea re alibi. Inter eximia Theodorici facta, etiam absolutio Cæsarii Arelatensis Episcopi temere accusati, & liberalitas in eum à *Sigonio* refertur. Qui & legationem Joannis Pontificis ad Justinum Imperatorem, pro Arianis mandatam, pro Catholicis peractam; indeque iram Theodorici in Joannem, carceremque & mortem ejus diligenter exequitur. Eandem historiam memorabiliter enarrat *Anonymus Valesii*: additque decretum Theodorici aliis indictum septimo Kal. Septembr. Indictione IV. Olybrio Cos. ut die Dominico adveniente *Arriani* basilicas catholicas invaderent. Inde causa & genus mortis, de quo ante nostram sententiam protulimus. Sepulcrales arcas nimis impenso pretio vendi, mos inceperat. Ne ergo vel humare vilius suos cogerentur homines, vel ad luctum iis adjiceretur iniquum facultatum dispendium, moderatus est Theodoricus pretium ejusmodi arcarum, quæ in Ravennati urbe ad recondenda funera distrahebantur. Judæis permittit ea, quæ Principum priorum divalia constituta indulserant. religionem enim, inquit, imperare non possumus: quia nemo cogitur, ut credat invitus. Ita veteres Synagogæ parietes reficere, minime autem aliquid ornatus adjicere, aut in ampliandis ædibus evagari sinit. Eum in sensum universis Judæis Genuæ consti-

A. C. 501.
aut 502.

In Not. ad
Procop. Arc.
Hist. pag. 13.
& 73.
De imp. oc-
cid. lib. 16.
A. C. 502.

ad A. C. 510.
ad A. C. 524.
& seq.
adde Baron.

p. 486.

Cassiodor.
3. 19.

2. 27.

4.33.

4.43.

637.

constitutis, privilegia, quæ Judaicis institutis legum provida decrevit antiquitas, annuit. Synagogam autem eorum Romæ tumultu succensam legibus vindicari in auctores seditionis, &, si quid adversus Judæos querelæ cuiquam esset, iudicio terminari jubet. Judæis etiam Mediolanensibus Synagogas adversus Ecclesiasticos tuetur, tricennali præscriptione munit, & memorabili causula eos ad exuendam superstitionem allicit: *Concedimus quidem, clementia consuetudine, qua rogastis; sed quid Judæe supplicans, temporalem quietem queris, qui eternam requiem invenire non possis?* Alium tumultum Ravennæ adversus Judæos ortum, & Theodoricum Judæis æquiores memorat *Anonymus Valesii* loco corrupto quidem, ut mos hujus fragmenti, sed non omittendo, cum rem aliis præteritam reprehendat: *Posthæc Theodorico Verona consistente propter metum gentium, facta est lis inter Christianos & Judæos Ravennæ. quare Judæi baptizatos nolentes, dum lividenti frequenter oblatam in aqua fluminis jactaverunt. Dehinc accensus est populus non reservantes neque Regi, neque Eutharico, aut Petro, qui tunc Episcopus erat; consurgentes ad Synagogas mox eas incenderunt. quod & in cena eadem similiter contigit. Mox Judæi currentes Veronem, ubi Rex erat, agente Trivunave (hunc Triguillam putat H. Valesius) præposito cubiculi. & ipse hæreticus favens Judæis insinuans Regi factum adversus Christianos, qui mox jussit propter præsumptionem incendii, ut omnis populus Romanus Ravennates Synagogas, quas incendio concremaverunt, data pecunia restaurarent: qui vero non habuisset unde dare, frustrati (fustatos legit Valesius) per publicum sub voce præconis ducerentur. Data præcepta ad Euthericum Cilligam, & Petrum Episcopum secundum hoc tenore præcepit: & ita adimpletum est. Ex eo enim invenit Diabolus locum, quemadmodum hominem bene rempublicam sine querela gubernantem subriperet.*

Cassiodor.

s. 1.

s. 2.

Artes, quibus honor & elegantia fastigii Principalis adornatur, satis calluit Theodoricus. Quanta comitate, quàm decoris verbis accipit munera Wandalorum regis, & remittit ei sua? Quàm liberaliter extollit succina sibi ab Hæstis donata? Quanta gravitate, cui tamen permixta ratio humanitatis inest, Trasimundi regis dona non accipit?

cipit? Evocatio autem honoraria, vel sponte Principis ^{p. 44.}
facta, vel petentibus indulta, exquisitæ gratiæ formulis
& regulis dispensatur, ut cultissimi temporis, & poli-
tissimæ aulæ genium (sistili mutatam indolem demseris)
referre videatur. Sed, quo tendebamus, pervenisse nos ^{p. 12.}
putamus. ^{7. 14. & 35.}

Unum superest, ut scripturæ hujus consuetudinem,
vel explicem indoctis, vel eruditis excusem. Quanquam
hoc posteriori labore supersederi posse rectius dixeris. Im-
periti rhapsodiam criminabuntur, descripta totiens alio-
rum scriptorum verba bene multa, sæpe parum Latina,
sæpe non barbara modo, sed vitiosa. Sed frustra apud
hos sermonem ordiar, si non intelligunt temporum genios,
historiæ fata & fontes, & eruendi ex caligine, quæ abdi-
ta sunt, prudentiam. Quanto illi rectius consulissent
posteritati, qui rudiorum sæculorum & librorum monu-
menta suis verbis consignarunt, suo stilo inverterunt, si
aliquando reliquissent nobis, etiam corruptas paginas,
etiam infantem eloquentiam? Multa inde didicisset eru-
ditus lector, quæ ex ornata & diserta oratione genuinis
substituta ne suspicari quidem fas est. Est, ubi ludere ac
pæne insanire dixeris, qui inepto vulgo centones farciunt.
Si tu tamen cum hoc genere velis comparare, vel Lipsii
gravissimum doctrinæ propositum in Politicis, vel Ber-
neggeri prudentissimum consilium in Tuba Pacis, facile
crediderim futurum, ut inter imperitos principatus tibi
decernatur. Ita hic quoque existimandi causa est, non
esse idem, duo cum faciunt idem. Est & rhapsodiæ hi-
storiciæ genus utilissimum: cujus si mihi dabunt speci-
men, quod quidem sit sani coloris, lubenter illos & li-
beraliter laudabo, quibus tam in proclivi est alienos la-
bores carpere. Sigonius in opere historico de imperio Occi- Lib. 16;
dentali primus, & hætenus unus fuit, qui Theodorici
nostri res scrutandas colligendasque sibi duceret.

An aliquid hic accesserit, cordati le-
ctoris esto judicium.

V.

HISTORIA
CAROLI MAGNI
IMPER. ROM.

PRÆFATIO.

CAROLI, qui rebus gestis Magni cognomen meruit, vitam & imperium tum ejus ævo, tum posterioribus seculis aliqui literis ad posteritatem propagare aggressi sunt. Sed in ista Scriptorum turba, plerique seu barbaræ ætatis vitio, quæ omnem sermonis elegantiam profligaverat, seu paucitate rerum & dispersis hinc illinc historiæ particulis, tanti Viri memoriæ vix satisfecerunt. Quapropter dum materiam publicæ disquisitioni instituendæ requiro, haud inconsulte me facturum speravi, si hæc ipsa maximi Imperatoris gesta suis eruta locis in unum conducerem, & quanto liceret studio consignarem. Etsi enim nec à me eruditum aliquid expectari poterit, nec ab hac ætate perfectum quicquam, juvabit nihilominus Principem illum penitus considerasse, qui magnitudine sua in id fastigii evehctus est, ut Imperatoris Romani nomen primus in sua gente consequeretur. Sane admirabilis fuit divini Numinis providentia, qua post fractas Orientis opes & concussum illic Imperii robur, ita majestas ejus apud externos est resuscitata, ut regnantibus Constantinopoli per summam socordiam Constantinis, Leo-

Leonibus, & impotentis denique animi foemina Irene, novus interim in Occidente splendor CAROLUS oriretur, qui acceptam à Patre Pipino gloriam non augetet modo per omnia virtutum experimenta, sed ad augustum illud, & quo in terris sublimius non reperitur honoris culmen etiam perduceret. Cæterum inter Scriptores, quibus velut instrumentis in hoc labore usus sum, primi EGINHARDUS, *Ganguinus*, *Acciaiolus*, *Cuspinianus* sese offerunt, breviter universam CAROLI vitam complexi, fidemque consensu merentes, tanto majorem ille, quanto tum vetustate nobilior, tum dignitate apud ipsum Imperatorem eminentior olim fuerat. Successit his *Adelmus Benedictinus*, cujus annales à Pipino ad CAROLUM MAGNUM continuati in Ludovico Pio, (sub hoc enim floruisse dicitur) exeunt, non omittendus præcipue hoc nomine, quod superstes ex æqualibus illius seculi fufius narrat, quamvis interea rude sermonis genus facile temporis infelicitati condones: adeo barbaries omnia corrumpat. Addidimus, quæcunque ex *Aventino*, *Sabellico* & *Sigonio* memoratu digna visa sunt. Nam *Pauli Æmilii*, viri ut ad priscam scribendi formam proxime accedentis, sic ceteris merito præferendi autoritate præcipue usi sumus. Tanta nimirum & cura & gravitate, nec minus erudito orationis filo Francorum memoriam Regum persequitur. Cum vero omnium, quos hætenus memoravimus industria præcipue circa CAROLUM bellis & rebus civilibus occupatum versetur, ne mutila esset

narratio, aut maxima piissimi Imperatoris in rem Christianam beneficia sileantur, pleraque ex *Baronio* religionem & res sacras concernentia mutati sumus, quantum equidem fidei diversæ partis scriptori præstare licuit, qui occasione insidiatus, maxima-minima in opinionum suarum adminicula trahere conatur. Cæterum & istis, quæ *Joannes Turpinus* fabulis equidem, quam incorruptæ rerum gestarum veritati similia prodidit, locum aliquem dedimus, non tam amœnitate quadam pascere studentes legentium animos, quam ut testaremur, magis magisque fortissimi Principis facta esse suspicienda, quippe quæ molitione ardua, numero infinita, successu egregia, vel indagari plenius nequiverit, vel sua (ita fieri amat) magnitudine supra certitudinem creverunt. Quæ ex *aliis Scriptoribus* admiscuimus; suo loco indicabuntur. Dignissimam ergo ampliori consideratione materiem, non mearum fiducia virium, sed ingenuæ exercitationis amore, fretusque lectoris æqui benevolentia nunc aggredior: nam (quod occupavi dicere) nec indolis alias meæ, ætatisve hujus captus tanto conatui sufficere posset.

I.

CAROLUS MAGNUS IMPERATOR

à Parentibus maximis omnique laude & honore præfulgentibus Ingelhemii, vico propter Moguntiam in Germania, in hanc orbis communis auram est prognatus. Fuisse eum *Germanum*, quamvis Gallos quosdam negasse non ignorem, consensus tamen Authorum, & imposita mensibus ac ventis Teutonico sono nomina, sed præcipue imperium ejus opera in Germanos derivatum
satis

fatis evincunt. Magis de loco, qui cunas dedit Carolo, inter Authores quaeritur. *Aventinus* enim Carlsburgi in Boiaria, (unde & oppido nomen) editum, magnaue ibidem reverentia arcem monstrari peregrinantibus adseverat. Cæteri fere, in eo, quem diximus, vico, genitum scribunt. hos ut sequamur inclinat animus. Satis interim manifestum est, adeo honoratam fuisse posteris summi herois memoriam, ut non una inter Germanos natio vindicare sibi natales ejus laboraverit. Parentem habuit *Pipinum*, invicti roboris virum, qui ubi officiis publicis ætatem idoneam egit, regii præfectus palatii à Francis ordinatus est. Ille usitato tum vocabulo *Major-domus* appellatus, in belli pacisque negotiis proximus Regi, & spectatæ inter suos autoritatis fuerat: qua dignitate *Pipinus* primum Senior, & *Carolus Martellus*, celebre illud Saracenorum fulmen, mox noster *Pipinus*, cum fratre *Carolomanno* aliquandiu (qui tamen non multo post solitariam vitam in monte *Soraacte* prope Romam amplexus est) continuatis in familia honoribus usi, & collecta jam ministerii diuturnitate potentia favorem omnium meruerant. Interea postremus è gente Merovingorum *Childericus* regno Francorum præerat, animum haudquaquam tanto fastigio parem gerens; sed corruptus otio atque sordidia præter regis nomen, & inanem Majestatis speciem nullius rei curam amplius habebat: Præfectus palatii consulare, agere omnia, negotia domi forisque conficere, subvenire, providere, leges & jura constituere solebat, quibus perspectis indignitate commoti optimates, tanti imperii corpus velut anima destitutum sensim collabi, in publico congressu regni summam *Pipino* deferunt, depositumque *Childericum* tonso capite in monasterium detrudunt, Pontificis, quo major cœptis reverentia esset, consensu accedente. *Pipinus* autem Rex hoc modo constitutus, ducta in matrimonium *Bertha*, omnibus mulieris sexus ornamentis illustri femina, (cujus pater *Heraclius Cæsar Constantinopolitanus*, *Phocam Mauriti* interfectorem, & hinc gravem Imperio Tyrannum pessun-

II.

III.

dedit) variam mox bellandi materiam habuit. Nam *Aistulphum* Langobardorum Regem insolentius erga Pontificem Stephanum se gerentem compescuit, & *Saxones* ferocem populum, novis molitionibus semper vires quærentem, duplici prælio ad *Vifurgim* profligavit; adhæc *Vaifarum*, Aquitaniæ ducem, contumaci superbia spernentem imperium suum domuit; de quo bello latius postea dicendum erit, tum quod defuncto parente CAROLUS istud excepit, tum quoniam militiae rudimenta in eo deposuit: novissime *Tassilonem* Bavariae regulum aggressurus videbatur, qui ubi nuncium de patris ægritudine accepit, ne salutato quidem Pipino cui in expeditione Aquitanica operam navabat, domum se proripuit, nec obscure rebus novis adjecit animum: sed interveniebat invictissimi Regis obitus, quo minus occulta ejus & factiosa consilia statim excuterentur. Tanti itaque parentes quum obtigissent CAROLO, vix potuit aliter nisi ad magnæ cultum fortunæ præparari. Jamprimum in puero divina quædam vis & natura maximo ingenio instructa elucebat, nec sanctius quicquam ducebant, quam innutritum cœlestibus præceptis, Eruditorum curæ committere. Quamobrem

IV.

& *Christiana religionis capitibus* accuratissime imbutus est, & opera *Petri Pisani* præstantis tum in re grammatica Viriartium liberalium fundamenta hausit, *Latina* nimirum & *Græcæ* linguæ cognitionem pro seculi conditione maximam adeptus est; ut efferret illam expeditissime, hanc sufficienter intelligeret. Cum vero singulari temporis felicitate Reges Britanniae legatum foederi pangendo ad CAROLUM destinassent *Albinum Alcoinum*, è gente Saxonica Anglum, & olim Bedæ, cujus in re sacra præclari labores extant, auditorem, captus eruditione hominis CAROLUS è legato hospitem, ex hospite præceptorem habuit: nec solum *quæ ministra est humana sapientia*, disciplinam ab eo perdidicit, sed totis viribus ad *Orationem exercendam* conversus naturalem facundiam ita roboravit studio, ut præter promptum ac profluens sermonis genus facile ævi sui eloquentissimus crederetur. *Arabice* loquutum

rum esse Aigolando Saracenorum Regulo *Turpinus* auctor est, nec id fide indignum : dum enim in expeditione Hispanica præcipuam belli molem in illum vertit, facile temporis tractu notitiam linguæ comparare potuit. Cæterum quo mentem attolleret altius, abduceretque à vano metu aut admiratione rerum, Albino doctore *cæli siderumque scientiam* præcipue excoluit, cujus difficultatem si qua feliciores cursus moraretur, arte computandi adjuvit. tantos autem progressus fecit, ut in tabulis ac codicillis, quos hoc fine sub lectuli cervicalibus circumferebat, motus eorum delineare, cœlique imagines exprimere tentaret, sed otium rei necessarium, & ætas CAROLI negotiorum multitudine implicata, ac sensim ingravescens laudabiles conatus destituit. *At eam philosophia partem, qua sibi aliisque probe imperare docet*, quo magistro aggressus fuerit, nullus quod sciam, memoriæ prodidit. Crediderim tamen, præter exemplum Patris Pipini & saluberrima monita, maximum in adolescente robur habuisse maturam rerum curam, quibus admotus, ipso usu omnium magistrorum præcepta superante arduum regendi munus animo complexus est. Non reticeri tamen debet præcipuum CAROLO ad solidiorem prudentiam momentum, *ante aliorum notitia*. Quotiens enim cœnabat, magis de animo quam ventre pascendo sollicitus, aliqua lectione epulas condivit. Prælegebantur ei antiquorum Regum gesta, quibus ut certissimis innixus documentis, totius vitæ scenam intuebatur. Fugiebat nunc præcipitia aliorum consilia infelici plerumque successu punita; nunc aliorum admirabatur virtutes, qui dignum moderatis actionibus exitum invenerunt. *Augustini* pariter summi Antistitis opera, & ex illis divinum, quod *de civitate Dei* est, monumentum in promptiores usus maxime seligebat, egregio prorsus consilio; quippe quo codice nihil gravius reperire licet, tanta cura instruit mortales, ut visa perspectaque vitæ civilis incertitudine, omnia consulta, dicta, facta, ad superam quæ DEI est, & in qua perpetua felicitas, civitatem dirigant. His atque talibus discipli-

V.

VI.

sciplinis dum mentem firmat CAROLUS, interim corpus laboribus exercere non destitit. Spectabatur more Francis recepto, nunc ferocientes equos domitare, nunc assuescere armis, sæpe venationibus indulgere. Cujus equidem exercitii adeo studiosus fuit, ut turbido etiam aëre per invios saltus & præruptos colles, & in media hyeme cum altæ nives terram premerent, adstringerentque gelu campos, feras investigaret: nec, quod rem saluberrimam & sanitati suæ perquam utilem duceret, in senectute à tanto ardore remisit, sed quoties otium à publicis negotiis habuit, istas temporis reliquias huic delectationi destinavit. Adhæc natandi peritissimus inter suos frequenter corporis sudores in præterlabente flumine abluebat, præcipue aquis genitali sua vi calidis delectatus: quamobrem in regia Aquisgrani extructa per extremum vitæ spatium non cum filiis modo & amicis, sed sæpe satellitum cohorte balneum ingressus est, evenitque interdum, ut centum vel amplius homines una lavarentur. Scilicet decorum fore ratus est, si in conspectu suorum, (quod *Curtius* in Alexandro prædicat) ostendisset, levi ac parabili cultu se esse contentum. In tantis igitur corporis ac animi ornamentis, nihil deesse CAROLO videbatur, nisi ut ingenium cordata institutione probe excultum in ipso rerum gerendarum molimine exhiberet. Huic curæ patris Pipini prudentia mox prospectum est. Bellum, ut prædiximus, in Aquitania, contra Vaisarium ducem provinciæ gerebat, cujus hæc traditur causa. Vaisarius sacerdotum opibus, quas Visigothorum mox Saracenica impietas abstraxerat, renascentibus jam & Pipini beneficio ad veteres dominos redeuntibus, iniquior erat, suæque potestati decedere arbitratum, quicquid templorum redditus augeret, in eos, Franco protegente, irruebat. Primum levibus præliis manus conferuerunt: postquam ab utraque parte efferveret impetus, fremente imprimis Pipino, majestatem suam apud rebellem insuper haberi, acrius bellum instauratur. CAROLUS à patre domo excitus in expeditionis consortium

VII.

tium assumitur, ut virtutis ostentandæ occasionem nancisceretur. Multa in eo bello egregiæ indolis experimenta dedit. Gergovia, Pictones, Bituriges ejus auxilio recepti, pugnaque commissa, cum præcipui diversæ factionis duces caderent, Vaisarius autem simulata pace mitteret Regi obsides, pacata aliquandiu Aquitania est. Pipinus extemplo in Cantabros profectus, opem illis adversus Saracenos, terrorem universæ Hispaniæ incutientes tulit, atque ita erexit eorum animos, ut indies de fortuna sua melius sperarent. Hos verò dum confirmat, Vaisarius neglectâ fide, quam obsidibus datis sanctius colere debuisset, in Franciæ, Burgundiæque confinia excursionem facit, & ingenti præda onustus latroni quam hosti similior domum redit. Rex habito Niverni conventu in Aquitaniam penetrat, muros urbium Ageni, Engolismæ destruit, quibus maxime fîsus perduellis trahere bellum cupiebat, aliquot oppidis sive vi sive deditione voluntaria potitur, inde exercitum ob acerrimam hyemis asperitatem in castra reducit, ac licet Tassilonis defectio, (cujus supra mentionem fecimus) animum in diversa abstraheret, decrevit tamen omnibus intermissis ad necem usque Vaisarium persequi. In hunc finem recollecto exercitu Aquitaniam rursus invadit, Tolosam, Cadurcos, Albios recipit; dumque circa urbem Sanctonicam moratur, Ramistanum Vaisarii patruum comprehensum recte suspendit, tum quod ille speculatus fortunam, nunc regiarum nunc Vaisarii partium esset; tum quod hoc exemplo metu cæteros percelli, & ex metu ad obedientiam reduci posse crederet. Nec consilium fortuna destituit. Erovicus ac cæteri perfectorum se ac sua Pipino permittunt, adeoque inclinatis rebus Vaisarius à domesticis gratiam victoris aucupantibus occiditur, sat efficaci documento, potestatem scelere partam plerumque non melius agi, quam acquiri; & perfidiam in auctores ejus recidere, siquando jusjurandum religione confirmatum servare domino nesciunt. Rex finita expeditione Sanctonas revertitur, ibique moratus aliquantum morbo corripitur, quo instante ne sibi deesset, primo Turones,

VIII.

IX.

T

mox

mox Parisios delatus , acrius laborare cœpit : aqua enim intercute membra ejus intumuerant. itaque imminente fatali hora , animam , unde acceperat , Deo reddidit. Princeps haud dubie illud fastigium sua virtute meritus , fortis etiam ac sapiens , qui denique benevolentia & auctoritate procerum populique amorem sibi conciliaverat. CAROLUS cum fratre Carolomanno , ubi primum fama mortis Pipini percrebuit , consensu nobilitatis regni habenas suscipiunt , & ut constaret , in quantum utriusvis se extenderet jurisdictio , certis limitibus imperium distinguunt. Carolus Noviomagi , Carolomannus Augustæ Sueffionum coronantur : illi Vestrìa , (quam corrupte Neustriam vocant) Aquitania cum cæteris Occidentalis Franciæ provinciis cesserunt ; huic transrhenanæditiones , Francia nimirum Orientalis , & ea , quam hodie Austriam dicunt , Germaniæ pars paruerat. Nondum omnia rite ordinata erant , cum (ut fit in novis imperiis) Hunoldus ex eadem feraci rebellionum Aquitania surgit , & allestis popularium animis dux regionis salutarur. Illa inter nobilissimas Franciæ pars Ligeri fluvio & Gebenna monte cingitur , qua Occidentem spectat , mari quod hinc Aquitanicum appellatur , alluitur , à meridie ubi Pyrenæis clauditur jugis Vasconiæ nomen obtinet , hanc Lupus quidam infederat , anteriorem Hunoldus , captis urbibus præcipuis , quæ jam antea per Pipinum mœnibus nudatæ erant , facile occupaverat. Carolus minime cessandum ratus , ne mora hostium vires incrementa fumerent , exercitum contrahit promptum expeditumque , simul à fratre Carolomanno auxilium petit. at ille , sive pacem suam alieno bello turbare nolens , sive potentiam fratris & indefessum animi robur timens , adhæc purpuratis ejus mentem solita vanitate instantibus , auxilium CAROLO denegat , & proprio tantum milite succinctum pergere in Aquitaniam sinit. Haud difficulter Regis ardor Hunoldum in fugam pepulit. Territus enim inopinato adventu ad Vasconiæ ducem Lupum se recepit , cumque eo consilia de regni societate ineunda communicat. Cedentem

X.

XI.

tem CAROLUS persequitur, dumque Sanctones, Piſtones, ac Engoliſmenſes ſuarum eſſe partium cognoscit, ad Vaſconiam uſque penetrat. Per legatos deinde Hunoldum à Lupo repeti jubet, *ni imperata protinus fierent, Vaſſonia parem cum cætera Aquitania ſortem imminere; proinde aut nunc deditionem, aut mox bellum parandum, nec aliam quam Hunoldus expertus eſt, expectandam eſſe fortunam.* Interea ad flumen Dornoviam caſtellum, cui Fronciaco nomen fecerat, extruit, oſtenſiſque tantum non illatis armis ſententiam hoſtium opperitur. At Lupus celeritate Regis & ſpe veniæ permotus præter Hunoldum ſe ac ſua quoque poteſtati ejus permittit, prudenti conſilio novam domino obedientiam ſpondens, quem, ſi vel maxime bonitate cauſæ adjutus fuiſſet, nec arte bellandi nec exercitus robore, ſuſtinere potuiſſet. Hunoldus CAROLO adductus in cuſtodiam traditur. Prodit tamen Paulus Æmilius & ex Sigeberto Baronius, cum ſimulata pœnitentia Romam tranſmiſſum, ut perpetuam ibi vitam ageret, poſtea verò actum perfidiæ ſtimulis ad Langobardos defeciſſe, ac tandem ſive ab iſſis Langobardis, quibus fallacia hominis perſpecta erat, ſive ab inſidiatoribus aliis lapidibus obrutum, ſclerum pœnas dediſſe. Interea vero dum Rex felici expeditione auſpicia Imperii firmat, Legati Pontificis Stephani ſuperveniunt, & exhibitis literis ſummopere rogant, *ut concilio Roma habendo ſuo & fratris Carolomanni nomine duodecim Episcopos è Gallia deſtinaret.* Magna tum Sedis Romanæ confulio & de ſumma dignitate concertatio erat exorta, Constantino aliquandiu faſtigium illud tenente. Hic frater Totonis ducis Nepeſini, nullis unquam ſacris initiatus, poſt Pauli primi obitum à Deſiderio Langobardorum Rege, pecunia, ambitu, poſtremo vi intentata obtruſus Romanis Pontifex fuerat: non jam obſcuris Langobardi machinis: morte enim Pipini ſolutus metu, ac filiorum deſpectam habens juventutem, quo res procederet tutior religionis nomine, per ſuarum Pontificem partium de totius Italiae dominio conſilia agitaverat. Sed vertente anno Romani ira & indignatione perciti, quaſi

XII.

T 2

vero

XIII.

vero eminentissimæ sedis reverentia aliena temeritate in tantum proculcanda esset, Constantino gradum abrogant, vitæque solitariae mancipato substituunt Stephanum tertium ejus nominis, virum (ut Platina quidem ait) eruditum & strenuum rebus agendis. Qui suscepta, muneris sui cura, concilium convocat, in quo dum præter Romanos Antistites Italix & circumjacentium regionum, nec non duodecim à Gallia, quos in gratiam Stephani Carolus submiserat, conveniunt, sancitum est, *ne quis postea ad Pontificatum maximum adspiraret, nisi cælestibus curis rite consecratus, per sacros ordines ad summum illum honorem ascendisset.* Adhæc omnia Constantini acta rescissa sunt, edicta ejus igne combusta, episcopi cæterique sacerdotum, quos ordinaverat dignitate sua privati, ac pristinos gradus recipere jussi sunt, usque dum certioribus pietatis & doctrinæ experimentis clari, honoribus istis digni judicarentur. Eodem in Concilio, Græcorum sententia erroris damnata est, qua Sanctorum imagines templis summovendas præceperant. Nam & tolerandas sacris in locis & veneratione quapiam colendas esse, Patres censuerunt. mox decreti forma, Cæsari Constantino Copronymo, qui res Orientis tum curabat, transmissa est. At CAROLUS subjugata Aquitania in Germaniam proficiscens, Vormatiæ conventum habuit: ubi permotus populi precibus sancivit, *ne Episcopi ac sacerdotes, si quando belli tempestas populum patriis laribus exciret, cogerentur cum cætera multitudine communibus periculis interesse: transigerent potius domi, pacis optatam vicem, gererentque animarum curam, quas necessitas pugnandi penatibus non abstraxisset.* Insequenti tempore Carolomannus repentino quidem, sed (ut videbatur) utili Reip. fato, abripitur: nam postquam auxilia fratri contra Hunoldum denegasset, nunquam plena inter eos gratia redierat, æmulatione ac odio sensim emergente. Adeo difficile est, & unius imperii corpus duobus animis committere, & concordiam retinere; præsertim si Carolomannum spectes, cujus ferociori ingenio abusi proceres, quocunque libuerat, juvenem trahentes, perpetuum

tuum cum fratre diffidium aluerunt. CAROLUS morte ejus audita, confestim in villam Carboniacum pervenit, & ab Episcopis, Sacerdotibus ac Comitibus Carolomanni, colloquio prius habito fraternæ ditionis habenas suscepit, jamque omnis Galliæ Rex salutatus, Vormatiam regreditur. Bertha Carolomanni uxor cum liberis ad Desiderium Regem Langobardorum se contulit, neque post mortem mariti CAROLO confisa, quem unicum viduati thori solatium habere poterat. Interim ille secundum in Vangionibus conventum cogit, & concedit sacerdotibus, *ut impofterum accusati criminis à populo, nisi idonei testes reos convincerent, jurejurando se purgantes, soli Deo innocentiam probarent, ac eodem teste uterentur.* Mox armata manu in Saxones movet. Ea gens religione profana, artium rudis, armis strenua, sed ferocissima inter Germanos, Thuringorum tum fines late vastaverat, brevi Franconibus ipsis timenda, nisi in tempore adhuc incursionibus istis obviam iretur. CAROLUS ut & impetus eorum retunderet, simulque insitam animis superstitionem deleteret, Saxoniam irrumpit, Eresburgum nobilem munitionibus locum expugnat, præterea igne ac ferro cuncta pervagatus præcipuum gentis Idolum Irminsulab Arminio forte clarissimo olim Germanici nominis vindice sic appellatum, cum cæteris Saxonum fanis exscindit. Nec absuit divini Numinis favor tanto studio religionem promoventi. Quippe intentus demolitioni, & per acerrimum solis fervorem, rivis ac fontibus, qui circa erant, cunctis aqua sua destitutis, totum exercitum siti laborantem habuit, qui tanto cruciatu afflictus, vere ludibrium fortunæ, hostisque spectaculo expositus, tantum ferociam ejus ingruentem expectavit: cum subito juxta vicinum castris montem, in cavo exsiccati torrentis tanta vis aquæ profluxit, ut facile maceratis corporibus subvenire, ac reficere languida membra omnes valerent. His ita compositis CAROLUS in Franciam revertitur, ac paulisper moratus in villa Theodonis Austrasiæ tum civitate, legatum Adriani Pontificis, (qui nuper Stephano

XIV.

XV.

successerat) præsto habuit, edoctusque ab eo, quanta perfidia Desiderius cum Pontifice ageret, vindicare hunc à Langobardi injuriis decrevit. Res ipsa hortari videtur, quoniam hoc bello Longobardorum opes & imperium cecidere, tantæ mutationis causas uberius exsequi. Desiderius morte Aistulphi beneficio Pontificis Stephani II. Rex Longobardorum creatus, assumpto etiam in regni consortium Adalgiso filio, dignam aliquandiu regia maiestate vitam transegit. Sed iniquior fortunæ Francorum, crescentemque veritus CAROLI potentiam, simul quod Pontificibus amiciorem eum videret, quos tamen aut penitus submotos, aut suarum esse partium, magnopere contendebat, insurgere paulatim, ac Pontificis ditionibus cæteræque Italiæ infestus esse cœpit. Multa primum occulte ac clandestinis insidiis agebantur, postmodum ubi fraus ejus, quam electione Pontificis Constantini paraverat, elusa esset, nec non Michael quidam, quem pari audacia & intentione in Sergii Ravennatium Archiepiscopi locum suffici curaverat, dignitate privatus, successorem justis sacerdotii comitiis designatum, Leonem accepisset, violentius sese commovit. Arridebat præterea occasio vel maxime bellum cupienti expetita. in tantum ferocioribus ingeniis speciosi prætextus animos & arma subministrant. CAROLUS ante quam isti motus exarserunt, matre Bertha procurante Luthergam Desiderii filiam in matrimonium legerat; at anno vix elapso permotus repugnantis animi stimulis, sive quod inhabilem ad generandum crederet, sive quod turpe sibi duceret, cum gente externa, cujus ut origo obscura, ita nomen fere everfionibus regnorum nobile esset, sanguinem miscere, aut ipsam affinitatem infidam Desiderii impotentiam suspicaretur, expulsæ maritali thoro, ac patri remissæ, Hildegarden illustrem feminam inter Germanos superinduxerat. Ingentem adversus CAROLUM iram Desiderius hoc facto concepit, indulgensque furori male pressam hactenus invidiam pariterque dominationis consilia tali modo exequi statuit. Ab Hadriano Pontifice Maximo,

XVI.

mo, quum ei sicut & Antecessoribus simulato sœdere aliquoties illuisset, precibus contendit, ut Carolomanni liberos, quos ipse cum matre Bertha, ceu prædiximus, à fuga in tutelam receperat, Galliæ Reges inungeret: morte parentis & ætatis conditione, quæ maxime opportuna injuriis esset, ab amplissima spe decidisse, agebat: CAROLUM celerrimæ temeritatis consilio præripuisse terras junioribus, in quas tamen parentum dignitas & natalium jura illos infererent: Simul delinisse procerum animos, ut omnium consensus unius obtegeret audaciam: *Cavendum ne primæ felicitatis impetus ad majores injurias Virum bellandi cupidum incitaret: Italiam sub diversis prætextibus iisdem ausis expositam: succurrendum denique parvulis, quorum exemplo, nisi prospiciatur, regnandi libidini velut fores aperirentur.* Hadrianus quoniam sciret Desiderium non misericordia profugorum ad hæc obtinenda adduci, sed quo res Francica unicum Sedis Romanæ certissimumque distraheretur præsidium, ac reddito vel pernegato pupillis regno, turbaretur, & CAROLUS conjunctissima amicitia hætenus Pontifices complectens alienior fieret; permoveri non potuit. Nec sefellit Desiderium, qui certus negatum iri quod postulaverat, vix expectato responso Exarchatum ingreditur, Comaclum, Faventiam, & Ferrariam occupat, in Ravennæ obsidione, quæ urbs strenue defensionem paraverat, aliquandiu moratur. Jactatum extemplo inter partes de conditionibus pacis fuerat: ac Longobardus *cuncta Romana ditioni restitutum se promiserat, modo Hadrianus omissa legatione præsentiam ipse suam tantis rebus commedaret.* At Pontifex perfidi hominis insidias veritus, quum & recuperari posse amissa ægre cerneret, nec vires in propinquo apparerent, legatum in Franciam mittere statuit, qui exposita CAROLO imminenti calamitate, auxilium ejus sollicitaret. Terrestræ iter, quo per Langobardiam & Alpium juga appropinquatur Allobrogibus, mox penitiori Galliæ, non infestum modo, sed Desiderii copiis omnino interclusum erat: itaque Petrus qui nomine Hadriani Regem salutare debuerat, mari Infero

Massi-

XVII.

XVIII.

Massiliam usque provectus, non segni cursu viam, quæ ad Theodonis villam ducebat, emensus est. CAROLUS ubi primum de insolentia Langobardi cognovit, legationem in Italiam direxit, qua denunciaretur Desiderio, abstineret à regione non tam Pontifici subjecta, quam ipsi Ecclesia consecrata, contentusque propria imperii gloria cederet alienis finibus, ne pacem turbaret Italia: nisi consentiret aequissima petitioni, Franco Regi tutelam sacra sedis incumbere. Ille interim non cessabat, sed præda è finibus Senogalliæ abacta, vastatisque incendio oppidis, jam Ælii, Urbini & Eugubii potitus erat: postquam verò à legatis mentem CAROLI percepit, imminens Spoletto nunciari iussit Hadriano, se voti exsolvendi gratia Romam venturum, facile intellexit Hadrianus vim subesse, cumque audiret ingens agmen eum sequi, ne inordinatam urbem subita irruptione terreret, portas omnes clausit, præsidia ex Romanis, Campanis, Tuscisque contracta, suo quæque loco disposuit, præterea opes & ornamenta templorum quæ extra urbem avaritiæ hostis obnoxia erant, moenibus inclusit. Tribus deinde Episcopis injungit, ut profecti ad Desiderium, ulteriori progressu ei interdicerent, nisi audiens esset dicto, carmen quoddam, dirissimis execrationibus refertum in caput ejus effunderent. Movit hominem, sive loci reverentia, sive horrendi carminis lex, & agro Romano quidem excessit: nondum tamen belli tempestas detonuit. Etenim Rex Francus comperto legationem irritam fuisse, ac sua lenitate roboratam hostium malitiam, ratus adesse tempus rei gerendæ, subjectas Italiæ oras novo fulmine perstrinxit. Præter Baronium Sigonius, accuratæ in hisce circumspeditionis vir, author est, CAROLUM antequam auxilia promoveret, conditionem proposuisse Desiderio, ut acceptis quatuordecim millibus solidorum Hadriano quietem indulgeret, ac restitueret ablata. nihil magis apud obstinatum hæc valere: opus erat vi contra eum, qui solis sceleribus flagitia sua defendi posse crediderat. Proinde in Allobrogibus conventu habito, coactoque de Concilii sententia exorcitu, quid agendum sit cunctos edocet:

cet:

XIX.

cet: eundum esse adversus gentem, quæ ab humili & sordida origine eo magnitudinis creverit, ut jam nimia felicitate laboret: postquam armata manu nobilissimam Italiæ partem infedisset, regnandi cupidine stimulatam, de totius dominio vindicando consilia agitare: ipsas Pontificis maximi terras, & primarium Ecclesiæ domicilium huic furori patere: quis non deletam animis eorum religionem censeret, quorum rapacitatem, nec divina majestatis reverentia moraretur: aut quis ullam regionem ab istius populi ferocia immunem crederet, cujus injurias nec sacra Deo loca esugerent: Satis enim constare quibus molitionibus Gallia quoque felicitatem tentaverint; Desiderium Regem infide gentis dum Carolomanni liberos in sceptrum adserere, dum Pontificem ab amicitia Francorum divellere laboraverit, non sibi modo ac regni sui fortuna struxisse insidias, sed inhiavisse Francorum opibus, ac libertatem illam, solo nomine terrarum orbi probatam impetuisse. Quamobrem strenue pergerent in illum hostem, quem celeriter obruisse victoria fuerit, tarde vincere discrimen: spem omnem non in fuga, sed fortibus lacertis ponerent: denique & illud fortune munus agnoscerent, quod in aliena terra suus hostis veniat ipsis debellandus. Excitatis hac ratione militum animis iter pronunciari jubet. Alpes à vadis Sabatiis (hæc Ligustico mari obiacent) exsurgentes per omnem Italiam, qua Galliæ, Vindeliciæ, Norico vicina est, ad Flavianicum usque sinum continuantur: inde varia sortiuntur nomina, prout situ suo oppidum aut celebrem locum contingunt. Ubi à sinistro latere Velaunos & extrema Allobrogum, à dextro Pedemontium & mox ipsam Lombardiam spectant, Cotticæ appellantur, in his mons Cinnisius insignis est; quem CAROLUS cum parte copiarum transcendit. Reliquus miles Duce Bernardo montem Jovis propius Septentrioni objacentem penetravit. Dejectis utrinque Desiderii præsidiis, quæ hostium incursioni opposita erant, circa Taurinum agrum sociant exercitus, unita virtute Longobardum excepturi. Ille cunctas regni vires ad Taurinorum & Prætoriam Augustam collegit, ut si forte CAROLUS perruptis Alpium faucibus in campos descendisset, illius impetus haud

U

dubie

XX.

dubie tanta manu coercere posset. At postquam cædem suorum inaudisset, perculsus subita calamitate, ac trepidans, relictis multa opulentia ditibus castris, Ticinum, urbem munitionibus tutam, confugit; CAROLUS fugientium terga insequutus, multos interfecit, & confestim obsidionem Ticini pariter ac Veronæ, quo filius Desiderii Adalgisus cum Bertha & liberis Carolomanni se receperat, meditatus est. Multos jam illa clades Pontifici reconciliaverat: Spoletani primum nobiles, qui in Francos ire etiam antea recusarunt, mox ad horum exemplum, Anconitani, Auximates, Firmani supplici habitu Romam profecti, veniam ab Hadriano exoravere: quidam seu moderatione Pontificis, seu sanctitate urbis (ut videbarur) capti domicilium ibidem fixerunt. Non multo post Veronæ deditio sequuta est. Adalgisus desperatis ac ferme perditis rebus, antequam veniret in potestatem victoris clam fugam præripuit, delatusque celerrima navigatione Constantinopolim, apud Imperatores Græcos in patriciatus, quem vocant, honore consenuit. Bertha se ac adolescentulos advenienti CAROLO dedit, quos levi castigatione verborum receptos in Franciam misit, ac summo deinceps honore coluit. Cæteræ urbes, non tam armis, quam nominis terrore superatæ. Circa Ticinum tota belli moles confedit: sex menses in obsidione jam consumpti erant, nondum certa spe expugnandæ urbis. Propterea, ne omne illud tempus inutili cunctatione tereretur, cupido Regem incessit Romam contendendi, ut debita veneratione divino cultui interesset, (festum enim resurrectionis Domini appropinquabat) simul confirmaret amicitiam cum Pontifice, ac de universa belli ratione consilia misceret. Hadrianus ubi de adventu CAROLI certior factus est, digna pompa culturus tantum Regem, selectos è nobilitate Romana ad tria millia homines cum patronis Scholarum ac pueris, olearum ramos ferentibus obviam ei misit. Adventantem ad ædes B. Petri excepit, statimque mutua salutatione ac reverentia perfunctus, Regem in templum

XXI.

XXII.

plum deduxit : ibi confirmata amicitia , fœdusque tacta Apostolorum ara renovatum est. Quatriduum deinde visens templis ac veneranda Sanctorum memoria consumpsit. Diem festum, quem à resurgentis Christi triumpho grex sacer celebrat, apud Pontificem egit ; sed rebus divinis rite peractis, Pontifex decentissimo apparatu per Oratorem suum beneficia Regum Francorum in Romanam sedem, meritis laudibus evehi, ac presenti CAROLO gratias agi curavit. Hinc Martelli ac Pipini pietas, benevolentissimus erga Pontifices affectus, fides ac fortitudo commemorata : CAROLUM ex quo id fastigii ascendisset, unde miseri omnes & egentes auxilii solatium expectarent, pari cum patre avoque gloria certasse. Permotum enim gementi Ecclesie precibus, transisse cum instructo exercitu Alpes, iter quod hostili ferocia sepeferat, ferro sibi patefecisse, compulisse in fugam hostes, oppida sive vi sive voluntaria deditione recuperasse : Restare unicam urbem, magis desperatione quam virtute Longobardi defensam, nec illam tamen diutius felicitatem victoris remoraturam. omni namque spe externa opû submota, & urgente civili dissensione, nihil superesse consilii, nisi ut facta deditione Regis gratiam mature experiat. Postridie quum edocuisset CAROLUM Hadrianus, quanta liberalitate olim Pipinus Sedi Romanæ assignavisset terras, quas ab hostium & præcipuæ Aistulphi infestationibus vindicasset : ille hanc donationem non modo ratam habuit, sed & amplissima parte auxit. Restituta primum, quæ Desiderius surripuerat, tum Exarchia Ravennatum, Ducatus Spoletanus, Beneventum in agro Neapolitano, & haud parvæ Longobardi ditiones adjectæ. Hanc communem Scriptorum opinionem neque probare neque refellere in animo est. Scio etiam quosdam memoriæ prodidisse, Corsicam, Sardiniam, Siciliam pari jure ad Pontificatum devolutas : nunquam verò mihi persuaserim, tantæ modestiæ ac ferme lentitudinis fuisse Pontifices, ut tam opulentas provincias negligerent : præsertim si avaritiam eorum spectes, qui ab omni ævo, unde spes aliqua majoris potentiæ affulgit, avidas manus statim exseruerunt : adhuc proba-

XXIII.

XXIV.

batissimi Authorum vel in dubio relinquunt stupendum hoc munus, vel plane silentio transmittunt: certe *Platina*, qui ex *Anastasio* sua hausit, tantum *Corficæ* meminit. in epistola vero *Hadriani* ad *Constantinum*, cujus partem *Sigonius* transcripsit, nondum reperio, cur per provincias istas, & castra, & civitates, *Sicilia* cum cæteris insulis sit intelligenda. Cæterum Pontifex beneficiis excultus à *CAROLO*, quanquam fortuna & majestate ejus nihil fere dignum retribuere posset, statuit nihilominus, qualiceret, occupare gratitudinis officium. Creavit itaque *Patricium Romanorum*, qui tituli honos augusto Imperatorum nomini velut præluderet: & convocato *CLIII* Episcoporum concilio, confirmavit ei jus legendi Pontifices, Episcopos, ac ceteros sacrorum ordines, addita lege, ne quis, nisi ab ipso probatus recipiat curam in se aut gradum aliquem sacerdotii. Id quamvis accerrime impugnet *Baronius*, tamen suæ religionis scriptores certatim adversos habet. *Gratianus* inter Canones Juris Pontificii retulit; *Sigonius* cum *Ganguino* affirmat: imo & *Platina*, dum in vitis *Nicolai I.* & *Hadriani III.* refert eas fraudes, quibus declinare ab humeris suis id Pontifices onus laboraverint, fuisse talem Imperatoribus potestatem non differtur: neque aut nimia quorundam lenitas Pontificum ambitionem & pervicaciam absolvit, nec Papale fulmen specie religionis gravissimas evomens minas ejus roboris erit, ut justissimam licentiam manibus Principum excutere possit. Vidi denique *Codicem Germanico* sermone conscriptum *Joannis Königsbovi*, (quem Sacerdotis munere apud *Argentineses* functum, sub *Venceslao Caroli IV.* filio Imperatore vixisse, non levis est conjectura, ad hunc enim & *Urbanum VI* Pontificem historiam pertexuit) convenientem prædictis sententiam foventis: sed & idem addit, *Hadrianum III* maxima vi annisum, ut hoc jus elideret, cujus vigorem tamen non defuisse per centum amplius annos Imperatores integrum conservare. Nobis non licet tor ambagibus continuum orationis filum interrompere; redimus nunc ad expeditionem *CAROLI*, & quid actum sit

sit obsidione Ticinensi exequimur. Rex postquam octo dies Romæ commoratus esset, Ticinum regreditur, quam Bernardus interim strenue oppugnaverat. Obstructi undique aditus magnam in urbe cum summa caritate inopiam fecerant; nisi dederetur, spem habuerat CAROLUS sedendo eam expugnandi: Veneti quoque, jam rum terra marique pollentes, sponte naves adverso Pado submiserant. Spectabant omnia ad Desiderii exitium: obsessi aut fame enecti, aut pestilentia afflicti, tandem mutua dissensione semet ipsos lacerabant. Igitur deditio- ne sequuta CAROLUS Desiderium in potestatem recipit, & increpitum, quod eam tempestatem perfidiosa animi pravitate excivisset, cum uxore Ansa & liberis Leodium Eburonum relegat, ipse per Mediolanensem Archiepiscopum, *corona ferrea*, (unde mos posteris Imperatoribus mansit) caput redimitur, & decoratus regni insignibus externæ dominationi finem imponit. Longobardi ab Alboino Imperii conditore in Desiderium tres & viginti reges habuere: hi ducentos per annos maximas res in Italia gesserunt, ut nisi more ingenii humani, quo plura habebant, eo ampliora affectassent, vix convelli tanta potentia sine convellentium insigni discrimine potuisset; at quoniam pietatem, fidem, & omnia honesta postposuere dominandi consiliis, & currentis seculi fata CAROLUM quasi ad orbem in nova imperia formandum excitârunt, una ruina omnis illa vis provoluta est. Ante tempus subactæ Langobardiæ Saxones metu levati in agros Hassorum excurrunt, & populationibus non contenti ædificia proscindunt, ac templis ignes subijciunt. Quædam manus prope *Fritzlarium* oppidum ausa consecratum S. Bonifacio sanum incendio perdere, cælesti vi perterrefacta, domum refugisse fertur. Cæteri *Eresburgum* validis conatibus adoriuntur. Primo egregie à Francis defensum est, cum deinde eruptionem tentassent, hostis simulata fuga in insidias protractos, non parva cæde multavit; sed pauciores nihil quicquam de virtute remis- rant, donec subinde attriti oppugnationis malis, ea lege

XXV.

XXVI.

castrum Saxonibus permiserunt, ut salvis rebus suis *Sigeburgum* concedere possent. Ibi sociatis viribus, (nam Franci praedio locum firmaverant) denuo hostium vim experiuntur. Felicius tamen defensio cessit, & Saxones constantia adversariorum, simul longæ obsidionis tædio permoti re infecta abierunt. Interim Rex ancipiti suorum fortuna perculsus confestim ex Italia Duriam venit, ac disposita isthic rerum sacrarum profanarumque serie, Saxoniam aggreditur. Prima congressione hostes pulsi in fugam se coniecerunt, Ostphali pœnitentes in fidem recepti, restitutum Eresburgum, quod Saxones mœnibus nudaverant. Levis tamen clades turbaverat exercitum, quippe milites, quibus cura quærendi pabuli incubuerat, effuse castris exeuntes non tam pabula quam prædas quærebant, utebantur plerique ornatu & sermone Germanico, ac ubi spolia legissent, militari licentia vagabundi castris rursus appropinquabant. jam tenebræ eripuerant lucem, & callidi hostes observata Francorum socordia, cæterum cultu & oratione non absimiles de industria manipulis illorum se immiscuere. Postquam hoc modo in castra delati sunt, ingentem tumultum concitant, & Francos partim sopore graves, partim subitaneo malo attonitos prosternunt, strictoque ferro per tentoria discurrentes, cædibus omnia complent. Non alias magis emicuit, quid necessitas pugnandi valeret: CAROLI milites omni fugiendi spe præcisa armati Saxonibus obviam eunt, & promptissime dimicando eum terrorem incutiunt, ut sensim castris excederent, ac beneficio noctis ad tutiora relaberentur. Quod cum Regi nunciatum fuisset, quanta potuit celeritate fugientes insequutus, haud modica clade multavit: questus etiam militare admissum esse flagitium ab iis, qui stationes servare debuerant, paucos ignominia notavit: cæteros severiori oratione sui muneris admonitos præsentem maculam fortitudine in posterum expiari iussit. His ita gestis in Franciam revertitur, exercitumque in hyberna distribuit. At vertente anno certior factus de novis quorundam Langobardorum molitionibus

XXVIII.

nibus immane novi ac resurrecturi in Italia belli extinxit initium. Siquidem Rorgaudus, quem Rex prostratis Langobardorum viribus, ne odio gentis expeditio suscepta videretur, ut Beneventanis Aragisum, Hildebrandum Spoletanis, sic Forojuliensibus Ducem dederat, præsertim impulsu Adelgisi apud Græcos Imperatores delitescens, Italiam veteri dominio restituere cogitaverat: & exercitu coacto publice denunciaverat, *qui rem Langobardicam salvam vellent, se sequerentur.* Nihilæque ac celeritas Francis profuit. Fortissimi militum in eas oras præmissi, cum rebellibus acie decreverunt. Rorgaudus inter occisorum cadavera exanimis repertus est, ac spiritum, quem supplicio debuerat, prælio reddidit. Rex felicissimi prælii gaudio refectus, Præfecturam Forojuliensem Henrico strenuo homini commendat, finitimis regionibus Stiria, Carinthiaque additis. Jam perfunctus credebatur frequentium bellorum incommodis, cum perfidia Saxonum aucta sunt. Namque vix pedem retulit, & illi iterata vice Eresburgo vim intentavere, multo acrius quam antea processit oblidio, ætis cuniculis subruere muros, & unita quasi ferocia, impetum in castellum facere constituerunt. Quum fervidissime oppugnationem urgerent, Præfectus loci eruptione repentina nil tale cogitantes adortus, magna strage affecit, ut solvendam obsidionem censerent. At prostrato Rorgaudo non distulit Rex in Saxoniam iter, statim conventum *Formatia* celebravit, ac ordinatis more recepto sacris & civilibus negotiis, (hæc enim Pipini temporibus consuetudo inoleverat, ut quoties annus rediret, semel ac iterum congressus indiceretur, & cum Rege optimates viderent, *ne quid Respubl. detrimenti caperet*, vigilarentque in Imperii commoda, seu bello seu pace opus esset, inprimis verò Sacrosanctæ religionis & divini cultus curam gererent,) agmen ultra Rhenum promovit. jam terribilis Westphaliæ imminebat, flammaque ac cædibus, qua patebat regio, infestus, ad Luppiæ fluminis fontes hostium copias opperiebatur: cum illi sordida veste, capillo barbaque promissis, & omni supplicantium habitu

XXIX.

ad

XXX.

ad misericordiam commovendam conquilito , CAROLUM deformes adeunt , ac petita delictorum venia , Regem suæ clementiæ admonitum , ita movent , ut exemplo præteriti furoris gratiam faceret : ergo jurisjurandi religione fidem rursus obstringunt ; multi quo obsequendi promittunt CAROLO se insinuarent , cælestis lavacri rore adpersi , cœtui Christianorum adsociantur. Insequenti tempore CAROLUS Paderbornam ad Concilium habendum omnem Saxonum gentem convocat. ibi de præsentium rerum statu & sua in illas regiones cura , quædam præfatus , id sibi maxime cordi esse ajebat , *ut qui uno imperio & cælo protegerentur , unum etiam cæli Dominum agnoscerent , nec agnoscerent tantum , sed & eandem illi fidem animo , eadem ore laudes offerrent. Cognovisse hætenus gentiles , quid Christianorum Deus posset. Hunc ante suos in acie stare , & omnes hostium conatus & machinas eludere : proinde coram Sanctissimo Numine genua flectant , recipiantque signum , quo in terris nullum illustrius Christi socios à reliqua impiorum multitudine fecernit. Saxonibus , et si diversa sentiebant , non fuit consultum intempestiva pertinacia victorem accendere : quamobrem nihil optatius sibi evenire respondent , ac rursus ne dilatio simulationem proderet , largissimis verbis obedientiam promittunt , simulque plurimi sacra baptismatis unda abluuntur. Vitekindus vero præcedentis belli dux & concitor , cæterum mente & manu strenuus , jam ante quid ageretur conjiciens , ad Sigefridum Danorum Regem profugit , novas patriæ turbas mox exciturus. Sed dum Rex moratur Paderbornæ , Saracenus quidam Ibnalarabas nomine , Cæsaraugustanorum in Hispania regulus , conquestus fortunas suas , & qua violentia à Saracenis patrio regno pulsus , exilioque damnatus sit , his ferme verbis in publico concilio animum exsolvit : *Tua virtute an infelicitate mea factum dicam , Rex potentissime , ut inter sordidas gentes , (quas & barbaros appellatis) famam tanti nominis excipiens , per longinquas terras ac vitæ pericula te convenire auderem ? Nam & mihi fortunis omnibus dejecto , homini sine pignore , sine lare , circumspicienda sunt undique auxilia , quibus ini-*
mici*

XXXI.

mici suo scelere tumidi, superesse adhuc juris & aequi vindices admoncantur. Virtutem vero Tuam ita suspexi, ut quanquam avus ac vitibus alienus, Tibi praecipue supplicare voluerim, in quo & malis perniciem & miseriis persugium esse certo credidi. Caterum inter Saracenos Hispaniam incolentes, ego non postremus, agro quem dignatio & fortuna sat amplum concesserant, contentus fui: non invasor aliena ditionis, sed amicus omnibus, & pacifice populo meo imperitans, otium validius quam curas dilexi: adhuc cum nostri interdum Gallia oras & imperium tentarent, mihi nunquam placuit, ejus libidinis participem existere. Sciebam enim Saracenos hoc nomine totius orbis odium meruisse, quod morem sua audacia gerentes, injustis imo nullis de causis quietem externorum lacerassent: inde timens, ne collecta aliquando, in Pyrenaei montibus nubes, sollicitata procella gravem Hispania imbrem daret, saepius adhortatus eram; de retinendis potius, quam proferendis finibus cogitarent; omnem molem magnitudine nimia collabi; difficile esse provincias obtinere, quam facere; viribus parari, retineri jure; majus autem dedecus esse, parca amittere, quam omnino non paravisse: quod si ultra progredi auderent, velut ad commune extinguendum incendium universa Europa incolae consurrecturos, quid Gallia possit, quas Italia vires habeat, qua fortitudine Germania celebretur, ostendebam; nec Hispanos suam deserturos causam, quippe tumidas inflatasque cervices nec dum adsuetae servitutis vinculis facile ab imposito resilire jugo: etiam sub exemplo, quanta clade Carolus Martellus hanc ferociam domuerit, quid damni Pipinus inflixerit, quo corporis & animi vigore Tu notus sis, docebam. Sed dum talia mentibus meorum ingero, pro gratia irritum & contumelias, pro benevolentia odium consequor, & quos optimo affectu servatos cupiebam, illi me sedibus avitis eji-
ciunt, inopem, extorrem & deformatum arumnis alienos dominos, quibus tantopere faverem, quatere jubent. Quid facerem, o heros, aut cujus auxilio protegerer? Peterem cursu Africam, & extrema Oceani litora? at quomodo per medios hostes, interque atrocissimas gentes, vita omnibus fortunis chariori consulerem? Effugerem in Europam? qui ex Reip. Christianae capitibus fidem habebis profugo Saraceno? hic enim ultimus infelicitatis veluti gradus est, quod nondum infelix aut indigens credor aliena opo.

XXXII.

XXXIII.

lere domo exturbatus sum , ideo quia sceleratus esse nolui. Nihilominus multi me hostem , plures proditorem nuncupabunt, lenissimi certe insignis flagitii reum dicent , & ad decipiendos hominum animos circumerrare. Præterea si vel maxime fidem invenirem, cur vobis prius oneri esse, quam usui cogerer, quo signo, quibusve obfidibus caverem de animi gratitudine ? Sic denique parum per se tanta innocentia nullibi patrocínio gauderet. Tuum vero candorem, celeberrime Regum, cujus clementia huc me adegit, obsecro ac testor, serva apud Te hominem, & captivum tene, qui per suorum perfidiam Tibi suspectus est. aut si magis è rei commodo ac certitudine erit, vel ipse proficiscere, vel armatam manum in Hispaniam ablega, qua idoneis viribus meam extorquebit felicitatem, tua autem potentia cumulum addet : demum videbis indicem verum esse, tuaque commotum justitia, eas terras in auxilii spem petiisse, quas ceteri in belli materiem & latrociniorum spolia exoptarent.

Age quaeso & regionem illam, (pudet dicere, sed veritas adfectum vincit) injustis eripe possessoribus; reprime effrenem licentiam, qua satis hæcenus orbi illudum est; contunde impetus quibus florentissima regna cesserunt; siste fluctus, qui amplissimas inundavere provincias, ego ubi placebit, præibo Tuis ad expeditionem iter, pandam omnes aditus, describam opera & situs urbium, explorabo hostium consilia, quorum temeritas ad primum adventus Tui nuncium, velut animalia quædam amisso aculeo, languescet. Jam dexteram illam expavescunt, cui Hunoldus nuper succubuit, Lupus se submisit: jam fracti Desiderii, quem paulo ante potentissimum Langobardorum Regem orbis loquebatur, fama ad eos pervenit: jam etiam, sed fera estimatione perpendunt, Pyrenæos montes nentiquam remorari, quem Alpium iuga, perpetua nive horrida admiserunt. nihil sc. tam alte natura constituit, quo virtus non possit eniti. Expeditum insuper est ac mobile agmen Tuum, illi præda graves: implicatos ergo spoliis terrarum orbis obtuncabis, eademque res Tuis militibus & causa victoria erit & fructus. Nec immensa gentis multitudo Te moveat: cum illic major turba hominum, hic virorum sit. Certe quoties nunc efferam Saracenorum vitam, & Majorum tuorum edita in eos fortitudinis exempla menti mea subjicio, toties existimo fata sic ordinasse, ut imperium quod ab annis quinquaginta secundo cursu in Hispania obtinuerat, magno

motu adfugeretur : nihil enim potest esse diuturnum , cui non subest ratio ; hac autem maxime deest , cum intra certos limites imperium non continetur. Quamobrem surge fortissime Imperator , quo propior Deorum factus & virtutibus hodie nemo vivit , & subverte molem , suo pondere titubantem. Pipinus parens Tuus dum Cantabros nuper ab insultu Saracenorum defendit , magnam gloriam meruit ; & ille quidem amicis succurrendum putavit : sua tempora illustrior laurus cinget , non enim socius tantum , sed & qui inimici videri poterant auxilium submittis , & hoc beneficio reges ex hostibus amicos tibi compatas. Tu de meo affectu nunquam dubita , domine : porro sic teneto : me quumprimum felici alite Hispania intraveris agros , ad vestras accessurum aras , & sancto honore culturum istud Numen . cujus vis ac virtus in Tuorum operum magnitudine se hactenus exseruit : protrito denique hoste , si ad patrios lares , & civium meorum tutelam petentem remisit , regionis tantummodo procuracionem mihi datam , jus vero & imperium penes Te esse arbitror. Hac oratione habita Saracenus concilio excessit. Tum proceres & amici Regis sententiam rogati bellum maturandum censent : quamvis enim de fide Saraceni nondum constet , eum tamen elabi non posse : justam præterea indignationem induere Francis hac arma : quippe qui aliquoties à barbara gente laceSSI patienter hucque tulerint insidias : nec dubitandum esse de instructissimo exercitu , promissime enim Christianos omnes in communi causa , paribusque premiis atque periculis contra religionis hostem vires suppeditaturos. CAROLUS exploratis suorum animis in Galliam proficiscitur , numerum militum recognoscit , novos in supplementum legit , & paucos dies externa opperiendo auxilia moratur. Sed perlato belli Saracenicum rumore , multi ex Britannia , Galliarum & Germaniæ regionibus , quæ pectora virtutis & gloriæ fervore succensa erant , ad Regem confluxere , primusque Rolandus Caroli ex sorore nepos , juvenis genere nobilis , manu fortis , ardorem animi vultu oculisque præferens , cum Patre Milone , & Comite Oliverio operam obtulit : Galdeboldus Frisiæ , Arastagnus Britanniae & Gaiferus Burdegalsium Reges celeriter adfuerunt ; præterea Engelerus Aquitanorum dux

XXXIV.

XXXV.

ac cæteri Principum, Comitumque, Anshelmus Palatii Comes, (quorum originem à Rolando quidam deducunt) Orlandus, Ogerius, Rainaldus, eximia fortitudine & bellicæ rei scientia illustres, non segnius iter emensis sunt. Nullum genus auxiliorum repudiatum fuit. Etiam Danicæ juventutis aliquot procures, studio armorum excitatos eo contendisse, interque belli duces receptos, *Paulus Æmilius* prodidit. Ergo postquam tot strenui homines convenissent, adunato agmine ultra Pyrenæos montes in Hispaniam descensum est, visumque Pampelonem obsidio tentare. Terror inde Saracenos invaserat, & ferocissimi spiritus paulo ante Christiano nomini illudentes, audito istius irruptionis nuncio, animos dejecerant. Sed celeritate Francorum simulque obsidionis angustiis comprehensi, quum præsentius remedium non succurreret, mora frangere hostium conatus statuerunt. Turres & machinas, quas Franci ad expugnationem maturandam produxerant, incendio corrumpere, ac variis artibus destruere ausi sunt: paucos tamen dies oppugnationem toleravere, Francis cæptum opus fervidissime urgentibus. Tandem unito impetu conscensi muri, urbs vi capta est. Hinc ingens clamor oritur, ac primum cædibus per omnia compita victores vagati ferrum in obvios stringunt, fugere dubitantes & consternatos trucidant; non querula vox surdas aures ferit, non misericordia aut deprecatio mortis, avidos sanguinis enses sustinet, miscentur sanguine lacrumæ, & congestis cadaveribus viæ reguntur. Dein ubi exfatiata libidine ira paulatim sedata est, CAROLUS prædæ inhiantes revocat, & Saracenos ea conditione in fidem & gratiam recipit, ut abjecta Mahumeticarum fraudium larva, Christi doctrinam sequerentur. Ac ne in posterum rebellionis materiem haberent, muros urbis funditus exscindit: quæ vindicta fabulæ locum fecit. siquidem CAROLUM per tres menses obsidionem traxisse scribit *Thurpinus*, frequens in ejusmodi figmentis; cum nulla deditionis spes appareret, precibus commendasse suam expeditionem Christo & Jacobo, quorum hortatu suscepisset; statim

statim evidenti miraculo collapsa moenia, urbemque munitionibus destitutam Francos intravisse. At postquam expugnata Pampelone Regem ultra Iberum venisse fama nunciaverat, Cæsaraugustani exemplo Pampelonensium territi, se ac sua CAROLO permiserunt. Ibi restituitur Ibnalarabas, finitimi vero Reges Abutaurus & Devissezus, qui eum domo exegisse insimulabantur, grandem pecuniæ summam pendere jussi sunt. Interim Aigolandus Rex ulterioris Hispaniæ, quantas potest è Saracenis copias contrahit succinctus quoque aliarum gentium viribus, Baleares, Arabes, Mauros ac cæteræ Africæ Barbariæque incolas in CAROLUM ducit. Jam ad Galliæ confinia processerat, cum CAROLUS armata manu in eum invehitur, & superatum prælio retrocedere in Navarram coëgit. tum quatuor millia Saracenorum cæsa sunt; non incruenta tamen Francis victoria fuit. Deinde factis induciis colloquium inter duos Reges habitum est: priorque Aigolandus, *quo te, inquit, animi astus, quo ferocia abducit, Carole, ut populum nullis injuriis tibi cognitum, nullo factionis aut belli titulo obnoxium, denique suis viventem legibus, contra natura jus, contra gentium præcepta in servitutem rapere coneris?* CAROLUS, se vero aliorum precibus, neutrquam suæ cupiditati obsequium, responderet: *sibi præterea eodem, qui DEI, hostes fore, illius maxime gloriam spectari: non enim ulterius Sanctissimo Numini placere, ut perfidorum turba vi & latrociniis Hispaniam premar, cæterum Saracenos antea hostiliter Galliarum provinciis insultasse, si alia deficerent, saltem injurias fuisse repellendas.* Post hos ultro citroque jactatos sermones convenit, ut sequenti die fortissimi ex utroque exercitu pares numero, pro Christi & Mahumetis gloria congrèderentur, & quo se inclinasset victoria, eorum religio sincera judicaretur. aliquot vicibus Christiani victores evaserunt. quibus visis Aigolandus ad CAROLUM rediit, jam Christianorum sacra se percepturum dictitans. Cibum tunc forte CAROLUS capiebat, & tredecim pauperes, quos de more semper in atriis alebat, male vestiti, debile corpus humi reclinabant. Aigolandus

XXXVI.

XXXVII.

qui essent inquisivit, & accepto responso esse populum & amicos DEI, qui sub numero Christi & Apostolorum pascerentur, resilit à proposito, verum Numinis cultum apud Christianos exulare criminatus, *cum meliori conditione Regis amici fruerentur, quam DEI.* Altero die centum millia Saracenorum in aciem eduxit, CAROLO copias suas contra illum promovente atroci prælio certatum est. Barbari à Francis undique circumfusi, ad internecionem ferme cæsi sunt. ipse Aigolandus & complures Hispaniæ

XXXVIII. reguli mortem obiere. Tum audito Saracenorum discrimine Gigas quidam Ferracutus in Hispaniam applicuisse fertur, homo immani corporis viriumque mole, truci præterea vultu & opinione fortitudinis cunctis metuendus. Hic viginti Turcarum millia in Francorum Regem armaverat; sed præcipuam in seipso spem habens, neque adfuturos crediderat, qui singulari certamine congredi auderent, & si lacefferetur, jam arma, jam perniciem Christianorum tumide ostentaverat. CAROLUS ad explorandam hostis ferociam selectissimæ virtutis Duces ablegat. at ille, singulos, quo ordine venerant, prorsus quasi non cum fortissimis viris, sed pueris res esset, brachiis exceptos in humerum sustulit, ovansque successu custodiæ mancipavit, cum nullus ad castra rediret, Rolandus supplex Avunculum rogavit, ut sibi facultatem concederet visendi Gigantis, servandique socios.

XXXIX. Ægre impetrata licentia est, quod Rex vel maxime saluti ejus metueret. Verum alacer juvenis prospere iter aggreditur, & postquam in conspectum hostis venit, ambo infestis telis concurrunt. Prior deinde Rolandus equum hostilem confodit, quod ne impune esset, Ferracutus equum illius vicissim ferit in capite & lethaliter fauciat. Hinc pedites certamen continuant, gladiisque in vanos ictus aliquoties delapsi, lapidibus demum se invicem excipiunt. Quum neuter ullo armorum genere moveretur, steterunt aliquandiu mutua admiratione defixi, mox habito de religione colloquio pugna recrudit. Dicebat Ferracutus, Eum haud dubie vero Numinis cultu & auxilio gaudere, à
cujus

ejus parte victoria steterit. Memor ergo Rolandus causæ quam defenderet, omni vi in Gigantem convertitur. Conseruere avidas manus, & coeuntium membrorum nexibus alligati, ad terram ambo devolvuntur: & quoniam sub premente Ferracuto juvenis ceciderat, adsiduo gemitu DEUM implorans, paulatim ab ejus complexibus sese expedit: postmodum ferro per umbilicum adæsto reclusit adhuc mori dubitantis vitalia, lectisque hostilibus spoliis sincere victorem se prodidit. Equidem plura transcribo quam credo: nam nec adfirmare sustineo, quæ Turpinus tot fabulis interpolare videtur; nec subducere, de quibus tam magnifice & effuse verba facit. Cæterum sæpius ita cogitavi apud animum meum, tanta heroum gesta etiam si ultra veritatem ab antiquis celebrata sint, nunc quoque reticere non debere. Quis nescit, omnia Rolandi facinora fabulosis Poëtarum carminibus efferrî? strenuum tamen Juvenem, nec tam cognatione quam genii sui magnitudine CAROLO acceptissimum fuisse, cordatissimi Scriptorum testantur: par cæterorum conditio est. Non itaque inconsulto me facturum spero, si reliqua è Turpini relatione, quæ utique magis probanda videntur, adjiciam, in tanto præsertim aliorum silentio, qui præter Vasconicam cladem, & paucissima gesta, nihil hujus expeditionis meminere. Rolandus gaudio turgens, socios, quos Ferracutus carceri abdidit, liberat, in his Ogerius, Rainaldus, & Oellus fuere: rediensque lætis suorum animis excipitur. Sed prostrato ut prædiximus Aigolando, Ebraim Sevilie, simul Alcumajor Cordubæ Reges, fulti præcipuarum Hispaniæ urbium auxiliis, (quas inter Granada ac Ubeda erant) decem Saracenorum millia CAROLO opposuere. Subito etiam Franci ordinavere aciem, utrumque agmen in tres ordines divisum fuit. jam pugnae initium fecerant, cum Saraceni incondito ac truci clamore sublato, larvis insuper ac cornibus terribiles, quæ in modum spectrorum speciem oris efferaverant, consternatos Christianorum equos in fugam egere. Sed CAROLUS consilio hostium cognito oculos equitum

lintheis

XL.

linteris velis obtegi, aures lana obturari jussit, ne ubi in praelium redeundum esset, visu & clamore insolito rursus turbarentur. Inde gravi certamine dies protractus est, non Saracenis minus pro dominatione, quam pro gloria Francis certantibus. Vexillum hostium plaustrum sublime conspiciebatur, eo stante nullus Saracenorum fugere tentabat. CAROLUS dum obvios quosque fundit, per mediam Barbarorum stragem ad vexillum delatus, perticam quâ sustentabatur, abscidit: ilico hostes effusi fugam adornantes octo millia suorum amiserunt. Rex Sevilie Ebraim interemptus fuit, Altumajor superstes cladi, postera luce in potestatem CAROLI concessit. Ex-

•
XLI.

turbatis hoc modo Saracenis fortissimi ducum quos ad illam expeditionem contendisse supra memoravimus, sedes in Hispania fecerunt. Idipsum *Laonicus Chalcocondylas*, qui res Turcarum in Europa gestas Græcis literis composuit, testatur: dum Orlandum, (*forte Rolandum*) Rhinaldum, Oliverium & alios Duces Palatinos editis plurimæ virtutis speciminibus summotisque Hispania Barbaris, Iberiam, Navarram, & Tarraconem occupasse, ac singulos partem sibi assignatam habitare prodidit. Venisse tum Carolum Compostellam, & celebrato præsulum conventu templo B. Jacobi, qui illis in locis sepultus fertur, primariam authoritatem inter omnia Hispaniæ templa tribuisse *Turpinus* vulgavit, nos auctori relinquimus. Victor omnium gentium locorumque quos

XLII.

adierat CAROLUS in Galliam redire properabat, cum subita mali vis atroci & funesto nuncio animum ejus concussit. Quippe Maririus atque Beligandus Saracenicæ Reges, à CAROLO per Gannalonem Ducem admoniti erant, ut quandoquidem res Saracenorum everti viderent, ad Christum converterentur, & recepto more tributum solverent. Illi in summa feritate versutissimi bene pollicentur, equos auro & argento graves, vina porro exquisitissimi saporis CAROLO transmittunt. Secreto deinde Gannalonem adeunt, propositaque ingenti pecuniæ vi sollicitant, ut exercitum Christianorum prodere sibi velit. Is tam

pro-

pretioso fulgure concussus animum in diversa abstractum non bene continuit. Tandem labens ac victus accepto munere operam Marsirio locat. Inde qui legatus venerat, proditor regressus, CAROLUM mendaciis adoritur, Marsirium promptissime tributum pendisse ait (simul jumenta pecunia & vino onerata tradit,) velle insuper Christianæ religionis capitibus imbui, & quamprimum Rex in Galliam contenderet, se illi præsto futurum. CAROLUS quod Gannalonem egregie functum officio putaret, exercitum per Pyrenæos montes educit, impulsuque proditoris Rolando & Oliverio præcipit, ut extremos ordines cum viginti millibus in Runcia valle (hanc à lateribus Pyrenæa juga ambiunt) servarent. Rescivit Marsirius quid in castris ageretur, ac sine mora cum immanibus copiis transitus cunctos sepsit. Sic haud modica pars exercitus omnium fortissimi, disciplina, manu, experientia bellorum principis, proditione ducis, perfidia hostis, iniquitate fortunæ circumventa est: montibusque & insidiis clausi infelices, cum ne pugnandi quidem egregie occasio in quantum voluerant, data esset, consumpti magis quam victi sunt. *Rolandus* cum promptissimis militum in mediam aciem investus fuit, nec incertus ultimam diem instare, antequam vita discederet, *Marsirium* sibi immolavit, dein siti & vulneribus confectus, animam inter ardentissimas preces efflavit. Præterea *Anshelmus*, palatii Comes, *Eginhardus* regie mensæ præfectus, multique clarissimi duces cecidere. *Eginhardus* à Vasconibus; alii *Ibnalaraba* authore tantam cladem factam esse scribunt. in ea incertitudine libentius *Paulum Amilium* sequor, qui ex antiquis annalibus Hispanos fuisse ostendit, non repugnaverim tamen, si quis Vasconum fraudem intervenisse dicat. CAROLUS cæde suorum comperta, incertissima mente perculsus hæsit, regressusque ad insidiarum locum cadavera tota valle disjecta reperit; sed ubi ad corpus Rolandi venit, summo dolore victus, & indignam illa indole mortem deplorans, tale monumentum bene merito erexit.

XLIII.

XLIV.

*Tu patriam repetis , sed in hoc nos orbe relinquis ,
Te tenet aula nitens , nos lacrymosa dies.
Sed qui lustra geris octo binos super annos ,
Ereptus terris justus ad astra redus.*

Multi dein volventes cadavera , amicum alii , pars cognatum reperiiebant , ita per omnem exercitum luctus atque mœror agitabatur. Ne tamen animi tristitia conficerentur , aut occasionem rei gerendæ otium corrumpere, Rex ira & indignatione plenos hostem aggredi jubet. Equidem complures non vindicatam fuisse istam cladem existimant , quoniam hostes levitate armorum adjuti statim effugerint , abditique præruptis montium convallibus , non quidem quæri potuerint , ut vincerentur. Ego haud difficilis in hanc sententiam concederem , nisi *manuscriptus codex* , quem in tabulario suo *Resp. Argentoratensis* servat , ac mihi videre contigit , me deterreret : ejus *Author Conradus* quidam non longe ab ætate CAROLI , si membranam ac cætera antiquitatis indicia spectes , remotus , carmine Germanico expeditionem Hispanicam descripsit , fane quod formam operis attinet , successu præter seculi genium felici ; & eo magis industrium fuisse credo , quo sublimius Rex noster postea Augustus Romanus Imperator se extulit : tantam enim imperii majestatem Germanici etiam sermonis flore & ornatu augeri publici splendoris intererat. Is igitur memoriæ reliquit , post Vasconicam stragem acriter cum Saracenis certatum fuisse , ac CAROLUM sua manu *Beligandum* obtruncasse. Quippe Franci , Bavari , Dani cum contemptu hostis nunquam justo prælio superioris in ferrum ruebant : Contra barbaræ gentes mori quam vinci præoptabant. Multo minori agmine Christiani pugnaverunt ; ne tamen illud perrumpi aut disijci posset , confertissime dimicando hostes lanceis transigunt , & immani cæde grassantur. CAROLUS ante suorum aciem consistens nunc gregarii militis officio fungebatur , nunc Imperatoriæ virtutis memor erat. nec Saraceni segnius contra ibant , aut cadebant inulti , donec prostrato *Beligando* & multis millib.

tru-

trucidatis effuse fugerunt. Sub hæc proditio *Gannalonis*, seu quia in rebus humanis nihil silentio satis premitur, seu potius iusta Numinis vindicta, sensim erupit. Illum comperto scelere vox & sanguis defecerant. quem intuens Rex, *scelestæ proditor*, ait, *si ipse fidem servare domino voluisses, nunquam avaritia ad innocentes animas hostium ferocia vendenda te instigasset: nunc quoniam insanabile Tuum ingenium est, docebis hodie humanum genus, sanctam credere, quæ à te violata est, fidem.* Ut igitur paulo ante animum inter Francorum *Saracenicamque rem ancipitem gessisti*, ita jam corpus passim distrahendum dabis. Exinde dislentum quatuor equis in diversum iter concitatus discerpi iussit. Adferit idem Scriptor, Gannalonem odio Rolandi, quem sæpe audiverat à CAROLO Regem debellatæ Hispaniæ datum iri, tantam calamitatem excivisse, ac potius seipsum ætate & meritis potiorẽ eo fastigio dignum iudicasse. Sed CAROLUS in Galliam reversus Rolandum Blavii honorificentissime tumultat, gladium Durendam, cujus mira præstantia Poëtis fabulandi materiem præbuit, tubamque æneam, quæ duo in omni virtutis ostentandæ occasione circumtuleraut, defuncto apposita scribit Turpinus. Ejus statua hodieque in inferiori Saxonia Bremæ conspicitur, documentum illustre hominis, cujus virtutem posteri probent, damnentque fortunam. Cæteri ducum Comitumque ad Burdegalam & Arelate, non sine meritissimo fortitudinis elogio sepulti sunt. Sic tum Hispaniensis expeditio finita est. Interim in Germania novi motus exsurgunt. Quippe Saxones malis suis animosiores redditi, per absentiam Francorum, ab oppido Duitia Coloniae objacente usque ad oram, qua Rhenus Mosellam recipit, ferro & igne omnia vastaverant: non ætatis non sexus discrimine habito, sacris etiam atque profanis neutiquam pepercerant. Rex audito tumultu confestim Francos & Alemannos præmittit, ut hostem licentia prædandi securum forte, opprimerent. Ergo jam fugientem ultra fluvium Adernam consequuti sat magna strage multaverunt, pauci incolumes domum relapsi sunt. Eo tempore *Hildebrandus Spoletanorum Dux*

XLVI.

officii præstandi causa cum ingentibus donis Regi adfuit quo clementer nec sine remuneratione dimisso, CAROLUS aſto Duriæ conventu ipſe in Saxones tendit, trajectoque Rheno ad Lippiam cum hoſte decernit, inde victor Weſtphalorum fines ingreſſus, iterum ſupplices in deditionem accepit. ibidem Oſtphali & Angarii ſolenni juramento fidem obſtrinxere. hyems deinceps Wormatiæ tranſacta eſt. Sed primo vere *Saxoniam* reviſens idola gentis & inter eos Crodonem deſtruxit: contra, ut religionis Chriſtianæ cultus ſenſim invaleſceret, Paderbornæ, Mindæ, Oſnabrugæ templa erexit, & Epiſcopatum fundamenta conſtituit: magna pariter Saxonum multitudo, ſalutifero baptiſmatis rore tinſta, Chriſtoque initiata eſt, licet aliqui ſimulatione tantorum ſacrorum divini Numinis iram magis in ſe irritaverint. Compoſita pro tempore Saxonia, CAROLUS voti exſolvendi gratia, (ut *Baronius in Annalibus* tradit) Romam profeſtus eſt, & poſtquam gratum tot victoriarum memoria animum DEO probaſſet, multa cum Pontifice de ſtatu Eccleſiæ collocutus, filios ſuos *Ludovicum & Pipinum*, hunc Italiæ illum Aquitaniz Reges, inungi curavit. Tum ſuo & Adriani nomine ad *Taſſilonem* Baviaræ regulum, quem jam ſub Pipino dubia in Francos mente fuiſſe prædiximus, legatos mittit, qui adhortarentur hominem de debita obedientia, & ab ulteriori tergiverſatione deterrent. Ille ſuis rebus conducere non ratus hac vice voluntatem Regis negligere, Wormatiam, qua Roma ſe tranſtulerat CAROLUS, venit, ac de poſito juramento duodecim obſides in fidei pignus tradidit. Simulata tamen obedientia fuit, velut poſtea referemus. Sedatis ubique motibus Rex cum omni exercitu apud Agrippinenſem Coloniam Rhenum trajecit, & ad Lippiæ caput, (nobile olim Tiberianis caſtris flumen) conſidens negotia regni expediit. Inter cætera *Sigefridi* Regis Danorum legati, quosque *Caganus & Jugurtus* Hunnorum Principes pacis cauſa ad ſe miſerant, auditi ſunt. Tranſacto conventu in Galliam profeſtus eſt, At *Vuekindus Saxo* ubi nullis verborum blanditiis extimulare

XLVII.

XLVIII.

lare Nortmannos contra CAROLUM posset, audito ejus discessu Saxoniam repetiit, ac vana spe inflatos popularium animos, rursus ut rebellarent, permovit. Interea Sorabi Sclavorum natio, terras inter Salam & Albim habitans, bello atque armis inclyta, fines Thuringorum ac Saxoniae, quæ contermini erant, populantur, urunt agros, vicos exscindunt. quod cum Regi nuntiatum esset, extemplo Geilonem, magistrum equitum, Adalgisum Camerarium, & Volradum palatii comitem obviam Sorabis mittit, datque mandata, ut quamprimum Saxones attingerint, illos quoque in societatem militiæ adlectos communi hosti opponerent. Non multum viæ processerant, cum Saxones quorum præsidium petebatur, duce Vitekindo à fide resiliisse inaudiverunt. Sumpto igitur, quod rei necessitas ac tempus efflagitaverat, consilio, Sorabos omittunt, omnem vim in toties perfidos conversuri. Hostilem terram intrantibus, Theodoricus cognatione CAROLO junctus, copias quas per ipsam Saxoniam dispositas habebat, adducit, ac de belli summa consilium suum aperit. Cognito nimirum ubi Saxones degerent, quidve animi aut virium haberent, unita virtute eos esse excipiendos. Mons est in illa regione, quem Gunthar incolæ nominant: ejus radices ab uno latere amnis præterfluebat, apud alterum castra hostes fixerant: quo comperto, placuit ducibus, Theodoricum in citeriore ripa, Geilonem transmissio fluvio propius montem confidere, tum si hostis admoveret copias, neuter sine altero pugnam capefferet. sic enim ubicunque lacefferet, facile circumfusum obteri posset. Nulla res magis quam regimen pluribus commissum ac ambitio exercitum perdit. Geilo quod metueret, ne prostrato hoste omnis victoriæ laus ad Theodoricum regis necessarium devolveretur, statuit inscio illo hostes aggredi. Ergo orta luce suos ad prælium cohortatus, à Saxonibus numero consilioque superioribus obruitur, copię ad internecionem cæduntur, ipse & Adalgisus, præterea quatuor Comites, & alii præcipuæ nobilitatis viri viginti admodum cadunt, pauci fuga in castra Theodorici deferuntur.

XLIX.

Y ;

tur.

L.

tur. Rex pro magnitudine cædis non mediocriter commotus sine mora in Saxoniam descendit, ac defectionis authores sociosque tradi sibi postulavit. Vitekindus jam ad Nortmannos redierat, semper erectior exilio, è cæteris quatuor mille & quingenti securi percussi, scelerum pœnas exsolvere. At sequenti anno postquam omnimodam Saxonum rebellionem fama vulgaverat, CAROLUS primo vere ingens agmen in eos promovit, nec multo post ad vicum, Thietmellen / quem olim ipsi, (ò mixturam fatorum mirabilem) deleto Varo ac tribus legionibus Romanis insignem fecerant, tam immani clade contundit, ut paucissimi ex innumera multitudine evaserint. Neque hæcenus stetit damnum. Paucis interjectis diebus, quum majori multitudine succincti, prælium committerent, in Westphaliæ finibus, ultra fluvium Asam, (à quo Osenbruga nomen accepit) non minori clade repressit. Ad satietatem Franci trucidati sunt, multi captivitatem letho antetulerunt, magnaue præda victoribus cessit. His duobus præliis ita attritos fuisse Saxones *Eginhardus* scriba CAROLI proficitur, ut ulterius neque Regem provocare, neque venienti resistere, nisi aliqua loci munitione defensi auderent. Post tantam victoriam, quæcunque Visurgim & Albim interjacent, Franci populationibus pervaserant, *Carolus junior Regis filius* ad Saxonum motus observandos in Vestphalia relictus, aliquot turmas hostium ceciderat: Sed Rex ipse Eresburgi, quo uxorem & liberos acciverat, omnibus momentis intentus in Orientalem Saxoniam penetrat, aperit limites, vastat agros, urit domos, fundit obvios, maximoque cum terrore hostium ad hyberna regreditur. In-

L I.

sequenti tempore, quod domitam illorum pertinaciam crederet, iterum injunxit ipsis, ut conventui Paderbornæ celebrando præsto essent. Sed homines tot facinorum sibi conscii dubitaverunt accedere, donec obsides à Rege acciperent, quibus saluti suæ caveretur. Ergo publica fide venire jussi, rebellionis pœnam deprecantur, amplexique Christianam religionem sacro baptismatis fonte, & inter

eos

eos *Vitekindus* lustrantur. Cujus memoratu dignam conversionem, non possum quin ex *Fabricio Saxonicarum rerum scriptore*, adjiciam. Dum CAROLUS Paderbornæ sive Attiniaci, (variat enim historia,) statum Sacræ Ecclesiæ disponit, ac pauperum curam agit, accidit, ut Vitekindus Francorum consilia exploraturus, pannosa veste sumpta, ne cultu proderetur, castris hostium se immisceret: festum forte Domino resurgenti sacrum celebrabatur, militesque sacerdotum ministerio communionem corporis & sanguinis Christi percipiebant: ibi Vitekindus vidit, antistitis manu omnibus venustissimum infantem porrigi, qui ad quorundam ora hilari & erecto, ad quorundam vero tristi vultu diverteret: agnitus igitur inter pauperes, & perductus ad CAROLUM, quid viderit refert: edoctusque tam mirandi spectaculi arcana statim salutifera baptismatis unda superstitionum sordibus deterfus est. Fides penes authorem sit. In memoriam hujus conversionis Vitekindum Mindæ templum extruxisse, & id à CAROLO multis redditibus auctum, urbemque Episcopatu ornatam fuisse *Baronius* tradit. Pacata in id tempus Saxonia CAROLUS novæ expeditioni animum intendit. Siquidem Britones ab Anglis & Saxonibus Britannia insula olim expulsi eum in Gallia sinum occupavere, qui Septentrionem occidentemque versus Oceano clauditur, ad meridiem Ligeri terminatur, qua vero Orientem spectat, reliquæ Galliæ adhæret: dein à Regibus Gallis domiti perpetuum vestigal in subjectionis pignus solvere coacti sunt. id quum hoc tempore detrectarent, Carolus Ardulfum regis mensæ præfectum illuc ablegat, qui perfidæ gentis contumacia celerrime repressa, duodecim obsides Regi Vormariam adduxit. Tum inquieti *Langobardorum* animi pacem Italiæ rursus turbabant. Quippe *Aragisus* Beneventanorum Dux aliquot Campaniæ oppida Romanæ ditionis invaserat, nec si fortuna faveret, cessaturus ab ista libidine videbatur. Quamobrem CAROLUS collecto exercitu Romam contendit, ac sociatis cum Pontifice Hadriano consiliis Beneventum accessurus erat. Sed Aragisus

LII.

meru

metu repentini adventus trepidans, Rumoldum majorem natu filium non sine amplissimis muneribus Romam ire jubet, ac rogare CAROLUM, ut parceret Beneventano ducati, se enim conditiones, quas proponeret, lubentissime accepturum. Regi minime visum fuit, moram belli Aragiso indulgere: verum retento Rumoldo infestus Capuam progreditur, Beneventanis obsidionem minitans. Langobardus quod urbem defendi posse desperaverat, Salernum maritimam civitatem ac munitionibus validiorem profugiens, secunda legatione animum regis tentat, eumque humilimis precibus obtestatur, ut alterum etiam filium, cui Grimoaldo nomen erat, obsidem agnosceret, se promptissime imperata facturum; modo conspectum maximi Regis vitare posset, miserum enim hominem cunctis ludibrio fore. CAROLUS magis utilitatem rei, quam pertinaciam Aragisi spectans annuit ejus precibus, servatoque minore filio Rumoldum patri remittit: mox Beneventani in verba Regis juravere, dederunt obsides, & grandem pecuniam, viginti sc. quinque millia aureorum nummum tributum loco pependerunt.

LIII.

Hanc oppressi Aragisi gloriam non CAROLO sed filio ejus Pipino *Paulus Æmilii* vendicat: nam ex quo Rex Italiæ coronatus esset, Mediolani consedisset, & intellecto Campaniæ discrimine hos motus ita sedasse scribit. nos magis consensui Authorum credimus, quippe & *Eginhardus & Annales Francorum* utique vetustissimi præsentem CAROLUM fuisse memorant. Mortuo deinde Aragiso Grimoaldus à Rege Dux substituitur, cujus fides evidenti documento non multo post adprobata est. Quippe Cæsar *Constantinus*, qui Constantinopoli agebat, circa illud tempus Nato suo CAROLI nostri filiam in matrimonium petierat, sed negata affinitate iniquior Francis, instinctu Adelgisi per Theodorum Siciliæ præfectum Beneventanos fines invaserat. ea contagio ne latius serperet, Grimoaldus junctis cum Hildebrando Spoletanorum duce viribus exercitum Græcorum in Calabria obvium sic afflixit, ut turpiter retrocedere cogeretur. Dum CAROLUS finito Langobardico tumultu Romæ moratur, paulatim belli

LIV.

Bojariis

Bojarii initia processere. Desiderius nuper Italiae Rex, quamvis corpore Leodii inclusus, tamen ubique adhuc nomine erat. Modo Adelgisus, modo Rotgaudus, jam etiam Aragisus fortunam Langobardorum, velut sub ipso florebat, restituere laborabant: postremum Lutberga filia Desiderii, Tassilonis uxor, perpetuis stimulis ad rumpenda foedera maritum incitabat; is quidem legatione Romam missa à Pontifice per literas contendit, ut sua, qua valeret autoritate, CAROLUM ad pacem firmandam permoveret: ille nullatenus abnuvit, sed unicum id sibi haecenus votum fuisse testatus, disserere legatos iussit, quæ conditionibus pacem factam cuperent: quum isti, sibi vero nihil amplius in mandatis esse dicerent, nisi ut hanc sententiam referant domino; Hadrianus ita commotus, quandoquidem, inquit, *Dux vester inutili cunctatione fallere potentissimum Regem constituit, tanquam perduellus erit persequendus: ego quod mei est officii, piorum cœtu tamdiu secludo, donec de fide ejus certo in CAROLUM constet.* Sic Legati dimissi sunt. At CAROLUS Vormatiam profectus, cunctos regni proceres cogit, & conquestus Tassilonis perfidiam fraudulentamque legationem, qua Romæ sibi ac Pontifici illulisset, quid factu opus censerent, interrogat: postquam communi sententia bellum decretum esset, Rex Bojariam undique cinxit. Ipse enim cum armata manu Augustam Vindellicorum processit, Pipinus per Vallem Tridentinam suos eduxit, Franci Orientales superato Danubio Bavarie appropinquarunt. Verum Tassilo in tantis rerum angustiis supplex CAROLUM accessit, & deprecatus contumaciae poenam, à Rege, sua natura clementissimo, veniam impetrat: datisque XII. obsidibus & filio Theodone ad Bavaros remittitur. Posteriori anno conventus Ingelheimi celebratus est, in quo præter ordinarios regni proceres Tassilo quoque comparuit; sed ubi ad tractanda negotia omnes confederunt, subditi Bojarie intromissi publice Tassilonem criminis Majestatis incusant, & obtemperantem uxoris Lutbergæ crebris instigationibus, ferocissimam Hunnorum gentem contra Francos excitasse convincunt; dixisse

LV.

præterea , *se unicum filium Theodonem obsidem dedisse* , *sed centum datis nullo pignore destitutum à persequendis bello* , cum posset , *Francis* . non dubitavere multi , quin capitis supplicio tot facinora luere deberet , & Rex iusta quidem ira in hominem excandescens , abstrahi ad mortem præcepit : postea tamen misericordia & cognatione permotus , (quippe è vetustissima Bavarorum principum familia originem traxisse CAROLUM *Aventinus* memoriæ prodidit ,) levatum ultimæ infamiæ metu , vitæ solitariæ ut & Filium Theodonem mancipavit : ducatum vero Bojariæ Pipino , vel (quod aliis placet) cuidam ex Hildegardis reginæ cognatis regendum tradit . Interea *Hunni* indigne ferentes , Bavaros non expectatis auxiliis suis fidem quam vim Francorum experiri maluisse , illata de finibus controversia , pars in Foro-Juliensem oram , prope Adriaticum sinum Histriæ annexam , pars in ipsam Bojariam excursions faciant : Bavaris verò ductu Francorum occurrentibus , semel in Bojaria , iterum ad Danubium ita excipiuntur , ut multis suorum prælio amissis , pluribus , qui flumen tranare tentaverant , vasto gurgite absorptis , domum refugerint . CAROLUS antequam de tota belli mole in Pannoniam transferenda consilium iniret , *Velatabos* , sive Vilzos primum domandos censuit . Hi in penitissima Germaniæ parte inter Viadrum Vistulamque fluvios sinum Codanum accolebant , efferi ac rapto vivere adsueta , tum Abotritos fœdere Francis junctos bello vexabant . Eam insolentiam Rex coerciturus , militem per Thuringorum Saxonumque confinia versus Septentrionem duxit , inde Albi ponte strato , castrisque in ulteriore ripa positis Vilzorum agros ferro & igne corruptit . Illi cum tantam vim sustinere non possent , cum omnibus copiis retrocesserunt : sed dedita Francis urbe Dragavinta , regulus quidam nobilitate gentis & autoritate præcipuus victori se permisit , oblatisque obsidibus jurejurando fidem adstrinxit . hujus exemplum cæteri secuti , in potestatem CAROLI concessere , & subeuntes servitutis jugum imperata strenue fecerunt . Circa hæc tempora , *sedem Bremensem* , (quæ postea Ar-

LVI.

ea Archiepiscopatu inclaruit) suasu Pontificis, liberalitate CAROLI erectam fuisse, *Baronius* auctor est, decemque parochias, quas vocant, eidem attributas; constitutum præterea, ut præter alios redditus, subditi decimas persolverent, bona verò sacris usibus destinata inviolata manerent, neque ulla ratione aut titulo profanis hominibus acquirerentur. Intra breve deinde spatium *belli Pannonici* exarsit incendium. Id quo facilius exequamur, de situ illius regionis & populis pauca dicenda sunt. Pannonia, sicut jam Augusti ævo describitur, inter Istrum & Dalmatiam, à Norico usque ad Mysiam Europæam porrecta fuit: limitibus ab occasu Cethio monte; qua Septentrionem & ortum spectat, Danubio; versus meridiem linea per Timavi Drinique confluentes ad Unæ fluminis fontes ducta terminatur. Incolæ, *Pannonii* ab antiquissimis temporibus ita vocati sunt, quoniam vestes mactatas è *pannis* more suo concisis atque confutis gestaverint: *Paones* etiam à quibusdam adpellantur. sed qui hoc nomine gaudent, ultra Æmum ad Rhodopen montem & maritimæ Macedoniæ oras habitavere. Genus hominum incultum, fortitudine ac experientia bellorum celebre, sæd diu Romani Imperii cursum morabatur. Cæterum terra blim non adeo frugum abundantia felix, hordeum tamen miliumque produxit, quæis incolæ & in cibum usi sunt, & potum ex iis confecere; vini vero aut olei rarus apud eos proventus docuit vitæ durissimam sortem tolerare, hyemisque acerrimum gelu ac æstatem juxta pati. *Dio Cassius*, qui se præfectum Pannoniæ fuisse memorat, ad iurgia & cædes promptissimos agnoscit. Post Romani Imperii inclinationem, cui Tiberius Augusti privignus Pannoniam subjecerat, Gothi è Scandinavia insula progressi eam tenuere: quos Hunni duce inprimis Attila expulerunt. & quamvis hos Longobardi aliquandiu pressissent, nihilominus cum successu temporis Avars istis commiscerentur, Pannoniam ad CAROLI usque tempora sibi vindicaverunt: inde *Hungaria* nomen non Pannoniam modo sed etiam amplissimas ultra Danubium terras involvit.

LVII.

LVIII.

Verum CAROLUS noster devicta, prout mox referemus, gente, haud modicam Pannoniæ partem, quæ à Bojaria secundo Danubio ad ostium Teiæ fluminis continuatur, *Austria* vocabulo insignivit, quod ab Oriente Bavariam contingeret, ac victoriis late Pannoniam emensus est. Nam præparatis quæcunque tanto bello necessaria videbantur; Theodoricum Comitem cum parte exercitus præcedere jubet, ac per ulteriorem Danubii ripam Pannonios petere: ipse Rex citeriorem legit, ac validissimas copias celerrime ad Anisum fluvium Bojariæ Pannoniæque veluti limitem promovet: commeatus quanti sufficerent, propitio flumine subvecti. Ne autem inconsulto inexoratoque cœlesti Numine quid ageretur, triduo supplicia ac vota Christianum exercitum tenere: dein implorato DEI Ter. Opt. Max. auxilio, & sacra communione percepta, bellum omnibus locis fremuit. Caumbergum firmissima arx expugnata, destructa castellorum munimenta, pulsa Hunnorum præsidia, excidio domus, incendio vici ac sylvæ, desolatione agri fœdati sunt. Quum hostes in latebras ac remotiora Pannoniæ fugerent, CAROLUS hac vice satis actum existimans, cum militibus Ratisbonam Bojariæ petiit: pariter Theodoricus Comes Frisios ac Saxones, cum quibus superiorem Pannoniam depopulatus erat, domum reduxit. Sed Regem humana ope invictum tunc fortuna aliquantum concussit. Quippe perniciofa lues equitatum ita corruperat, ut inter tot milia equorum vix decima pars illæsa manserit, cæteros fœda contagio extinxit. Neque Saxones in officio amplius continebantur. Hi Theodorici exercitum in Frisiam contendentem, circumventum insidiis ad internecionem ceciderant, mox quasi puderet datæ antea fidei unanimi defectione res novas moliti erant. Etiam Saraceni immemores superiorum calamitatum, Septimaniam ingressi, non paucos Francorum, præsidio limitum Gallicorum relictos trucidaverant. CAROLUS ubi præsentiora essent mala, ibi fortioribus remediis agendum ratus, Saxoniam intrat, CAROLO etiam filio partem copiarum tradit, cum

eum quibus superato propter Coloniam Rheno ex alia parte irrumperet. At Saxones, qui Regem expeditione Hunnorum detentum arbitrabantur, postquam præter opinionem res ceciderat, victorem submissis cervicibus excipiunt, & omnem fidem datis denuo obsidibus pollicentur. Contra Rex non ignarus, quam falso talia prætenderentur, sequenti ætate per hostilem agrum infestus vagatur, magnumque pondus iræ addidit desperata Saxonum contumacia: qui Vizinum Abotritorum Regem profecturum ad Francos, quibus fœdere junctus erat, in itinere more latronum jugulaverunt: hinc præter squalorem arborum, quo excisa ferme regio obsita fuit, præcipuæ nobilitatis viri cis Rhenum in colonias deducti omnibusque fortunis ac dignitate spoliati sunt: libertasque genti adempta, quam vita potiore duxerant, feroces spiritus paulatim molliovit. Dum Franci in Saxonia ultra Albim castra habent, Thudun quidam spectatæ inter Hunnos auctoritatis relicta sede propria accessit, & professus desiderium Christianæ religionis percipiendæ, tutelam Regis expetiit. Ante biennium quam hæc agerentur, grave vulnus Ecclesia Christiana accepit. Quippe Felix Urgellitanorum in Hispania Antistes, ab Elipando Toleti Episcopo per literas consultus, *utrum Christus Servator ac Dominus noster, quatenus humanam naturam excepta peccatorum labe nobiscum communem habet, verus an adoptivus DEI patris filius esset dicendus*: pessimo exemplo contra Sacri Codicis præcepta, & firmissimum antiquitatis consensum respondit, pro adoptivo habendum esse: neque hic error ab animo dubitante profectus est, sed eundem scriptis pertinacissime defendere tentavit. Igitur in conspectum Regis, qui Ratisbonæ tum sedebat, perductus congregato sacrorum ordinum concilio erroris horrendi convictus est. postea transmissus Romam coram Pontifice & sacerdotibus aliis publice opinioni suæ contradixit, constanti posthac mente religionis Christianæ consensum se amplexurum promittens. Sed non consistunt ibi mala unde cœperunt, præsertim in gravissimis fidei controversiis latius serpit con-

LIX.

tagio, nec cessat malus ille spiritus, sicut à mundi principio consuevit, humanum genus per varias calamitates exercere, ignaviâque & ambitione illorum, qui animarum curam agere deberent, ad dissidia Reip. Christianæ, & fœcundissimos errores de religione excitandos uti. Elipandus Toleti antistes jam plenis veluti venis istud virus conceperat, ac stolidâ pravitate ferox, reversum in Hispaniam Felicem eodem veneno rursus implevit: cum vero multos adversos haberet, qui eruditissimè ac piis dissertationibus refellere hominem aggredierentur, incitator subinde, ad Regem CAROLUM & quosdam Galliæ Antistites literas dedit, quibus animi sui ferociam satis declararet. Sed illi quidem contrariis argumentis tantam pertinaciam expugnare laboraverant: Rex autem acceptis codicillis sententiam Pontificis Adriani exquisivit, à quo cum damnatum diu execrabilem errorem cognovisset, solenne ac velut Christiani orbis *Concilium Francofurti*, qua Rhenus recepto Mœno turget, indicit. Conveniunt ibi Germaniæ, Britanniæ, Galliarum ac Italici Antistites, nomine Pontificis Theophylactus & Stephanus Episcopi, statimque perlectis Elipandi literis sententiam omnes dicere iussi, unanimi consensu pestilentissimum impii hominis commentum damnare, & opera Paulini, præcellentis in re Theologica Viri, liber confectus est, quo vana figmenta penitus discussa sunt. Scripta insuper Regis & Concilii nomine ad Elipandum cæterosque Hispaniæ sacerdotes admonitione, serio ipsis injunctum fuit, ut omissis delinquentis animi somniis, ad Ecclesiæ gremium redirent, paterentur sibi adhiberi medelam, qua vulnus inter Hispanos ac reliquas gentes qui Christo nomen dedere, rursus coiret. scirent Francofurti rite congregatos Ecclesiæ Patres communi consilio istum errorem reprobasse; non hic periclitari privatam cujusquam auctoritatem, sed Numinis supremi gloriam, quam & perpetuo suppressam cupiverit humani generis hostis, & hac ambitione in pectore mortalium fota jamjam obscuret: quapropter antequam sacris & piorum omni sodalitis prohiberentur, sententiam Christiana fidei convenientem agnoscerent, crederent Servatorem suum etiam

LX.

iam qua hominem, verum Dei Patris filium; ac denique istud pensarent, si quando Saracenica vis eos premeret, non amplius Christianarum provinciarum incolae sanguinem & vitam tanquam pro fratribus profusuros, sed ut putrida & à sano corpore rescissa membra suo exitio relicturos. Damnatæ Elipandi erroribus, quaestio de veneratione imaginum ventilata est, decretumque à Patribus, ut Constantinopoli habitum concilium, quod Græci *Septimam & Universalem Synodum* vocabant, omni auctoritate caderet, eoque loco æstimaretur, ac si nunquam celebratum fuisset; Sanctorum verò imagines, neque perforfringendæ neque adorandæ ad memoriam & ornatum in templis servarentur. Sic tunc rerum sacrarum tractatio processit. Postquam soluto conventu Francofurto discessum est, CAROLUS Saxoniam petiit. At filius Pipinus Italicum ac Bojarium militem in Pannoniam deduxit, & maximam Hunnorum manum, ultra fluvium Tizam (qui Tibiscus olim erat) fugavit, inde munitissima arx, quam patrio sermone *Rhingus* vocabant, extrema ingruente vi præda Langobardorum fuit. Novum muniti genus in interiore Pannonia Barbari excogitaverant: Crebri stipites truncique abietum, fagorum, quercuum in terram defixi orbem conficiebant, his intervallo vicenum pedum contrarii è regione jungebantur, spatium vero interjectum limo aut salicibus eductum integris cespitibus contegebatur. Ejuscemodi vallum utrinque intus & extra majorum salicum ramis obferi solebat, quibus interjunctæ populi ulmique virentes propagine farciebant locum senescentium. Præterea cum pullularunt & excrevere in altum, occultis nexibus ac veluti laqueis perpetuam sepem sustinent, frondem jucundissimam pecori ministrant, virgas cingendis agris, foco ligna præbent. Tam inexsuperabili loco angusta erat porta. Intra portas, aggeres, vici & villæ, quantum vox humana pertingeret, distabant, extra sepimentum prædia & ædificia ita disposita erant, ut in unoquoque signum datum in altero exaudiretur. Hunni omnium gentium latrones per annos trecentos his arcibus opes orbis abdiderant, ipsi interim intacti

LXL

LXII.

intacti tantarum rerum satietate famem paraverant, ut quo plura haberent, acrius quæ non haberent concupiscerent. Sed ubi Langobardi qui in exercitu Pipini merebant, Gallique post vehementissimam obsidionem arce potiti sunt, quicquid auri argenteve per tot secula congestum erat, una die militum avaritiæ cessit, privatae opes singulis pro dignitate distributæ, & fere major præda, quam quanta belli fama erat, fuit reventa. *Bonfinius* haud indiligens Hungaricarum rerum Scriptor hanc expeditionem non tantum auspiciis, verum etiam ductu CAROLI confectam esse, & regiam Hunnorum, quam *Sicambriam* prius, deinceps *Budam veterem* appellabant incolæ, Chabam possedisse memorat. Hic Francorum irruptione audita per legatos bellum primo gessit, & confusus urbis munitioni, facile intactum semet ac tutum fore speravit. At cum Hunni aliquot præliis inferiores, deditionem denique fecissent, anxius ipse ac trepidans, obsidionis fortunam subire coactus est. Et urbs quidem operibus validissime firmata commeatu & defensoribus egebat, neque placebat conditionibus eam victori permittere, quod haud dubie spes ac fortuna Hunnorum simul conciderent. Igitur in illis angustiis expectato prælio, ad usque Solis occasum pro salute urbis certatum, donec inclinatis Hunnorum viribus, scalas sensim admoveere Franci, urbemque terrore pariter ac sanguine completam invaserunt. Sed ubi furor paulatim defæviit, & clamor supplicibus verbis planctuque permixtus misericordiam victorum elicit, oppidanis vita servatur, munitis locis præsidia Francorum adhibentur, ad portas & fora & multa compita stationes disponuntur. Chaba Rex desperata arcis tutela, ne veniret in potestatem hostium vivus, à gladio suo impetruit. cum *Rhingu* solo æquata, &, velut prædiximus, opes direptæ sunt. Postera luce admoniti Hunni, ut aspernati Martem & Herculem, quos cæca gens Numina sibi finxerat, Christum Deum & unicum humani generis servatorem colerent, nihil quicquam de obstinatione animi remiserunt, exceptis paucis, quos inter Thudun

LXIII.

dum fuerat. Hic fidem CAROLO nuper promissam, Pipino præstitit, & sacri fontis beneficio Christiani orbis civibus adscriptus fuit. non diu tamen duravit Barbaro constantia, sed fallaci ingenio fœderis sanctitatem violans, interjecto tempore sceleris pœnas pendit. Subacta Pannonia Pipinus ad patrem revolat, tropæa & ingentem divitiarum apparatus secum ferens. CAROLUS quò mentis gratitudinem Deo testaretur, & auspicia Christianæ religionis apud Hunnos conderet, simul in victoriæ memoriam templum Budæ erectum B. Virginis Mariæ consecravit, idque lapis excisus adhuc indicat. Deinde per Engelbertum Abbatem magnam manubiarum partem Romam transmisit. Namque mortuo tum Adriano Pontifice, cujus obitum tanquam amicissimi hominis acerbe tulit Rex, Leo tertius successor claves S. Petri, (quas vocant) & vexillum Romanæ urbis, in subjectionis & observantiæ pignus CAROLO per legatum offerri curavit, obsecrans Regem, ut ex optimatum numero Romam destinaret, qui populum sacramento in verba ejus obstringeret. Id igitur muneris Engelberto impositum, qui statim cum donis eò contendit. Cæterum tot rerum prospere gestarum fama cunctos late populos in venerationem CAROLI adduxit. Hinc Zair Saracenus Regem eo tempore Aquisgrani degentem convenit, & Barcinonem in Hispanico limite sitam, cui ipse hætenus præerat, ejus potestati subjecit. Inde Abdellas Ibimangæ Mauritanorum Reguli filius cum ingentibus donis adfuit. Etiam Aza Olsensium Satrapes claves urbis Olsæ per legatum misit, pollicitans, se quamprimum occasio affulgeret, urbem ipsam Francis traditurum. Inter omnes Adelfonsus Galliciæ Asturiæque Rex eminuit. Hic enim à Saracenis hætenus pressus, nec modica regni sui parte spoliatus, opem CAROLI sollicitavit, ne cogeretur terras toties à barbarorum insultu vindicatas, illorum ferociæ cedere. Et Rex & causa auxilio digna videbatur. Prompte igitur magna Francorum manus submissa est, qua Adelfonsus erectus Saracenos fudit, fugavitque, Ulyssiponem caput

LXIV.

Lusitaniæ, Hispaniæ decus recepit, & victor hostium vires valde attrivit. Ludovicus autem CAROLI filius Aquitaniam petiit, Barcinonem à Zate, Oscam ab Aza recepit, simul Abdellam regia magnificentia cultum per Hispaniæ continentem patri remisit. Videres tamen quid inter calamitosam Christianorum innocentiam, & simulata barbarorum fœdera interfit. Adelfonsus ope Francorum Saracenico bello defunctus, è victoriarum manubiis dona per Oratores CAROLO obtulit, astisque pro celeritate subsidiorum immortalibus gratiis, perpetuam deinceps amicitiam cum ipso coluit. Sed postquam Ludovicus Hispaniam reliquerat, repente Saracenorum reguli fidem mutant, & absentia Regis in suæ dominationis incrementa usi, præcipuas urbes, quas Iberus & Pyrenæi montes cingunt, ad defectionem compellunt. Mauri quoque Ibimanga authore Baleares insulas deprædantur, nihil hostilis insolentiæ prætermittentes. CAROLUS intellecto facinore populationis injuriam in tempus ultionis distulit, supervacuam pugnam existimans, cum vicisci hostem sine magno suorum periculo posset. Dein post aliquot annos redintegrata expeditione Osca Francorum imperio rursus subjicitur: Barcinona biennio, (ut *Adelmus Benedictinus* scribit) obsessa expugnatur, Pampelonenses & Navarræi in fidem recipiuntur, Maurisque prædonibus ad Majoricam contusis, signa victoriæ in conspectum regis deferuntur. Dum vero Hispanici motus surgunt, grave interea negotium Saxones trans Albim habitantes CAROLO facessere. Quippe Viros juris scientes ad componendas per omnem Saxoniam controversias & cum illis Oratores in Daniam Rex ablegaverat, sperans hoc modo lites mortalium animos dirimentes Francica justitia finire, feritatemque Saxonum novitate incognitæ disciplinæ mitigari, & solita armis discerni, jure terminari posse. sed illi perfidiæ nati, homines jurisdictionibus agendoque pro tribunali ordine occupatos sævitiae suæ immolant, ac prorsus quasi scelere scelus expiaretur, revertentem è Dania Godeschalcum prio-

LXV.

priorum fato addunt, paucissimis in facinoris mercedem velut servatis. Hinc ferociore, Abodritos Francorum foedere nobiles denuo laceſſunt, quanquam brevi laſciviæ gaudio: interjeſtis enim diebus Thaſco Abodritorum Dux vindex ignominiae quatuor millia eorum cecidit, parvo quidem, (judicium eſt *Pauli Aemilii*) dictu numero, ſed ſecundum tot clades anniverſarias, cum jam triceſimum annum bellaretur, majori quam eorum res acciſæ pati poſſent. CAROLUS ex altera parte, qua Viſurgis Saxoniam interfluit, igne & ferro in terram ſævit, juris gentium ac publici violatores, nec juſtos amplius hoſtes omniſaria vi perſecutus. Sequenti tempore pleroſque obnoxios habuit, & filius Regis patrii nominis heres, tranquillo magis imperio, quam bellorum aſperitate demum in officio continuit. Interim alibi res Francorum tristi lætoque ſucceſſu miſcebantur. Siquidem *Geroltus* Reginae Hildegardis olim frater, quem Rex Bojariae cuſtodem datum ſtativa in Pannonia habere juſſerat, ab Hunnis rebellantibus occiſus eſt, quum ipſe quidem, Imperatoris ſtrenui more, incautius tamen ac ſine ſuorum præſidio obequitando aciem, animos pugnantibus ſubminiſtraret: & *Henricus* Forojulienſium Dux, poſt inſignes victorias atroceſque inſiſtens Hunnis clades propter Yarſaticam Liburniae civitatem oppidanorum fraude interceptus interiit. Contra Vido Britannici limitis præfeſtus, Rolandi fortiffimi ducis ſucceſſor, penetratis omnibus Britanniae gentibus, magna vi hominum, urbiumque potitus numero, ad Francos regreſſus eſt, arma ducum, qui jugum ceperant, inſcriptis ſingulorum nominibus offerens Regi. Incubabat adhuc Saxoniae CAROLUS, & habiturus conventum Lippiae caſtra ſigebat, cum è meridiana plaga, civilibus diſcordiis Romam ardere, nuncius attulerat. Nam *Leo Pontifex Maximus*, quod Hadriani, in cujus locum ſuſſeſtus erat, aſta permulta reſcinderet, ſolenni pompa ſanum B. Laurentii ingreſſurus, ab Hadriani amicis, qui liberalitate ejus creverant, per inſidias capitur, vulneribusque conſeſtus, ac totam oris ſpeciem cruore oblitus, ut quidam aurium, oculorumque uſu privatum eſ-

LXVI.

se scribant, in carcerem conjicitur: inde Albini cubicularij pietate noctu elapsus, auxilio Vinigisi Spoletanorum ducis, qui percepta injuria mox advolaverat, Spoleum deductus, jussu CAROLI in Germaniam vestus est. Rex à veniente & supplice omnem crudelitatis ordinem cognoscit, eique studium suum & in inimicos vindictam pollicitus, summo honore cultum post aliquot dies Episcopis quibusdam ac proceribus committit, qui tuto Romam perducerent, gravi edicto, ne quis eum violaret, Romanis proposito. CAROLUS sequenti anno, quem à Christi Redemptoris nativitate octingentesimum numerabant, delatus ad Gallicum mare, quod ab adverso litore Britanniam spectat, præsidia ibidem disponi, & præparari classem contra Nortmannos piratas, Oceani oras infestantes jussit. Tum rediens Ludovico filio rerum domesticarum finitimorumque curam tradit, ac habito Moguntiae conventu, Comitem itineris Pipinum in Italiam adsumit, opportuno jam tempore Romanorum controversias dijudicaturus. Dum Venetias obit, authores necis Henrici Foro-Julien-sium ducis, capitali supplicio extinxit: inde adita Ancona Pipinum in agros Beneventanorum dimisit, quod Grimoaldus dux haud dissimulanter officio decessisset. Sed ipse ubi Romam fausto omine pervenit, à Leone & Senatoribus urbis magnificentissime exceptus in templa deducitur, sacrisque & gratiis Divino Numini habitis per omnia compita populi acclamationibus celebratur: nam ex reliqua Italia, ex continentibus regionibus, propinquis pariter ac remotis, omnis ordinis, ætatis, conditionis homines ad famam venturi Romam CAROLI confluerant, visoque eminentissimo seculi sui Rege omnes corporis motus in lætitiâ effuderant. Post septem dies publico gaudio datos, Rex advocato Episcoporum concilio, de criminibus Pontifici intentatis cognoscendum esse docet, hunc enim non tolerando sacræ sedis contemptu à quibusdam violatum innocentiam suam testari velle: quamobrem accederent facinoris authores, dignam-

que

LXVII.

que excusationem pararent , ut aut justos defensio absol-
vat, aut reos meritum tollat supplicium. Illico perculsi
Leonis inimici , quædam magis in odium Pontificis ,
quam pro se attulerunt , & quoniam idonea probatio de-
ficeret , CAROLUS ad rogandas sententias descendit.
Ea res Papalis eminentiæ splendorem paulum ob-
fcurare visa est. proinde Episcopi , ambitionem Regiæ
majestatis auctoritati præferentes consurgunt , nec fas esse
ajunt , Pontificem à quoquam judicari. Rex sanctitatis
opinionem commotus , Leonem suggestum conscendere , &
nisi conscia delictorum mens prohiberet , DEO vindicem
oculum habenti , integritatem suam jurejurando probare
jubeat : neque segnius id fecit Pontifex , quam Rex lo-
cutus est , sed verbis ad gravitatem maxime compositis
*falsam accusatorum delationem ostendit , se nunquam vitæ aut
morum insania tantam calamitatem meruisse. Potius accusatores
furenti insania concitados , quum exprobratam antecessorum facino-
rum turpitudinem pati nequivissent , illis contumeliis innocentem
affecisse : si aliam , atque nunc exponeret , ob causam hoc malum
contigisset , optare sibi tam gravem divini Numinis vindictam , quam
sevas adversariorum manus sensisset.* In hanc sententiam ora-
tione habita adeo commovit circumstantes , ut quamvis
ipse reus ac judex sua sententia absolveretur , omnium
suffragio innocens esset , silentio præcipue inimicorum bo-
nitate causæ adprobante. Igitur Campulus & Paschalis ,
queis ducibus insidiæ processerunt , capitis quidem à Rege
damnantur , sed mox interveniente Pontificis deprecatione
exilio multati in Galliam relegantur , motibusque se-
datis Leo dignitati restituitur. Eo tempore CAROLUS
noster hæcenus Francorum , ac Langobardorum Rex , una-
nimi Romanorum applausu Imperator Augustus nuncupatus ,
& ministerio Pontificis corona redimitus est. Quoniam ve-
rò absolutæ postea bellorum tractationi pacis opera non in-
terrupto ordine subjiçiemus , haud indignum erit , Cæsarei
culminis honore , velut auspicio ad cætera nobis viam
successumque firmare , simul Reip. statum , mutati Imperii
*causas , ac derivatum in Germanos augustæ potestatis apicem ube-
rius*

LXVIII. rius exsequi. Cæterum CAROLUS Imperatorii nominis amplitudine insignis Roma abscessit, ac circumlaturus pacis suæ bona, Aquisgranum contendit. Ibi conventu Principum habito, per nova sacramenta omnes sibi obstrinxit, adhæc Oratores qui controversias dirimerent, jus dicerent, æquum administrarent, in Imperii sui provincias ablegavit. Misso etiam trans Albim exercitu rebelles Saxonum spiritus domuit, cædibusque & populatione agrorum ad obsequium redegit. Interim alibi cuncta novo fulgori cedebant; Siquidem *Grimoaldus* Beneventanorum Dux parum considerans, cui potentiam suam deberet, ingrata & malefana mente Italiæ felicitatem tentans aliquot urbes jam in partes suas illexerat. Ergo Pipinus, quod cum regno salutem & curam ejus sibi commissam probe intelligeret, Samnium instructo exercitu petit, cinctumque Beneventum acri obsidione fatigat; quamquam illi defensione strenue parata, nec minus eruptionibus tardam deditiois spem facerent. Feliciori utique eventu circa *Theate* res gesta est: hanc nequaquam pari constantia Rosellinus clarissimus Langobardorum tutatus erat. auctis etenim adventu Vinigisi Spoletanorum ducis Francorum copiis. æmulatione virtutis inter milites, oppugnantium fortitudini urbs cessit, quæ direpta atque incendio consumpta iram victorum explevit. Statim Ortona Francorum præsidium ejectis Græcis recepit, cujus exemplum Luceria sequuta est. Id oppidum Vinigisus custodire iussus, non multo post acri morbo laborare cœpit. Quo audito *Grimoaldus* celeriter advolat, urbem rectore destitutam, fervidiore impetu simul ac metu, ne Pipini auxilia subvenirent, expugnat, Vinigisum in potestatem suam redigit. Cui postquam nullis verborum lenociniis persuadere poterat, ut neglecta Francorum amicitia fluentem procumbentemque Langobardorum Remp. restituere anniteretur, ipse quid fecisset, reputans, non modo captum Vinigisum libertate donavit, verum etiam sponte in fidem & clientelam Pipini concessit. Magnam veniæ fiduciam Grimoaldo clementia conciliavit, qua captum Vini-

Vinigifum antea affecerat, leniter itaque habitus, & pactione annui tributi domum remissus est. Rosellinus in Austrasiam exulatum ivit. Ut sæpe omina hominum fortunam prænuntiare solent, sic illam quassatæ Italiæ tempestatem evidenti prodigio firmatam crediderim. Nam superiore anno quum Carolus Imperator Spoletum transiret, terra repente magno motu concussa est, Romæ B. Pauli Apostoli ædes graviter adflicta, tectumque ventorum turbine labefactatum cum trabibus decidit: in cætera Italia montes quosdam vasto sinu subsedisse, novos surrexisse tumulos, oppida quædam profundo hiatu hausta esse, quædam corruisse fama tulit. Ille fragor, per Gallias quoque ac Germaniam auditus, variis mutationibus suspensos postea mortalium animos habuerat. Per idem tempus *Joannes Venetorum Dux*, Christophorum quendam Græcum, in gratiam Nicephori Imperatoris Olivolensibus Antistitem præfecerat. Id quia Venetiarum tribunis displiceret, Joannem Patriarcham Gradensem rogaverunt, ne solemnibus ceremoniis Episcopum illum renunciaret. Igitur Joannes precibus morem gerens non modo jura & insignia Episcopatus homini denegavit, sed piorum insuper communioni interdixit. Quo facto Dux Venerus adeo ira exarsit, ut infesto agmine Gradum contendens, capta urbe Patriarcham è celsissima turre præcipitaret. Inde Altinæ conventus habitus, & Paulino Aquilegiensi Patriarcha præside *Fortunatus* mortuo Joanni successor datus est. Hic accito Obelerio Metamaucensi tribuno consilium in Franciam secedendi cepit, ut CAROLUM adversus Ducem incenderet, rebus Nicephori majore quam par esset studio addictum. Dux excepto consilio rursus classem Gradum promovit, ac Fortunatum & Obelerium inde excedere coëgit. Ii cum se Tarvisium contulissent, Obelerius à Venetis exulibus Dux declaratus est, Fortunatus in Franciam ut constituerat properavit. At posteriore anno accisis per Obelerium Veneti ducis viribus, Fortunatus exilio suo major, & insignibus à CAROLO beneficiis cultus ex Francia domum rediit. Etenim Imperator & suo

LXIX.

suo erga res sacras amore , & in Venetum odio instigatus concessit Fortunato , ut ipse , sacerdotes , coloni ac servi ejus per omnem Langobardiam , Histriam , Romaniolam , nemine turbante , quietam vitam transigerent , neque iniquis vectigalibus aut judicibus premerentur. Obelerius interim fugato Joanne coronam quæque alia Ducatus insignia sunt accepit , & consensu populi Beatum ac Valentinum fratrem honoris consortes sibi adscivit. Ista Venetorum ducum mutatio majoribus turbis velut præluferat , quas , cum & Imperatori nostro molestæ fuerint , postea memorabimus. Tum excisa Hunnorum nobilitate , & repressa sat idoneis claudibus gentis pertinacia , controversias de finibus motas , arbitrium Victorum terminavit. Magna Bojorum manus coloniis eam regionem occupavere , quæ *Austriæ* nomen sumpsit. Quidam fufis Avarum reliquiis ad Daciæ confinia inter Tibiscum & Savam , sedes extendere. Hunni variato paulatim sono , *Hungari* posteris dicti sunt ; Avarum nomen cum imperio intercidit. suspicatur autem *Cassianus* , eam olim primariam sedem Avarum fuisse , quæ Hungarica lingua *Avar* , Germanis *Altenburg* hodie vocatur. Cæterum Arnoni Salisburgensium Archiepiscopo rerum sacrarum cura in Pannoniam commendata est , ne prolatis imperii finibus gloria Christi marcesceret. Procurrente sic imperii cursu , post Hunnos Saxones denique veram & sine exceptione victoriam Francis concesserunt , quanquam omnia prius experti , more anguium , qui obtrito capite ultimam veneni vim cauda exserunt. Genti libertatis studio indomitæ *Godofredus* Danorum Rex animos augebat , verens , ne Franci nimia felicitate ac recenti dignatione tumentes , Daniam quoque in imperii complementum rapere conarentur. Igitur *Saxonum* rebellionem defensionis suæ moram & regno munimentum concedi ratus , eodem metu servitutem averfantes complet , hortaturque ut jugum recens excutiant prius , quam languescere imperu potentia hostium vetustate roboraretur. Nulla oratione apud volentes opus fuit. Qui trans Albim incolebant , statim à fide desciscunt , & *Vestphalos* etiam ad

ad societatem infelicium armorum perducunt. Cum poenitentiae spes non appareret, Imperator novo milite Saxoniam implet, datque filio CAROLO mandata, ut superato prope Noviomagum Rheno auxilia sibi adduceret, Ludovicum insuper ad sociandas vires celerrime Aquitania evocat. Equitatus ex Francis ferme collectus fuit. Peditatus maximam partem Abodriti Francorum socii, Francones & Bavari constituerunt. Ubi signa cecinere, hostes pedite superiores acriter pro vindicta certaverunt, & irruentem Francorum equitatum diu sustinentes, ancipitem fecere victoriam, donec indurata illorum virtute fessi, & à tergo circumfusi, praecipiti fuga castris, quae loco idoneo muniverant, illapsi sunt. Magno stetit haec Francis victoria: nec enim pauciores ex ipsis quam ex hostibus ceciderunt. confecto tamen praelio ac dissipatis Saxonum viribus, omnia sedata ac prona reperiabant. *Vestphali* nulla re magis, quam Christiana religione profitenda, expiare iram victorum poterant. igitur sacro fonte abluti pacem impetrarunt. Saxones trans Albim severior poena coërcuit, toties videlicet rebelles; & nunc ultimae defectionis concitores in Galliam migrare coacti sunt, ut & feritas populi clementioris caeli aura mitesceret, & exilium inter medios hostes omnem rebellandi materiam tolleret. Decem millia hominum istae coloniae patriis sedibus abstraxerunt, neque parva manus Romam traducta est, cui locus propè D. Petri fanum in habitationem concessus, postea *vici Saxonum* nomine inclaruit. Ne verò vasta solitudine Saxonia corrumperetur, *Abodriti* Francorum societate non semel haecenus celebratis, ob navatam strenuè operam vacua possessoribus terra cessit. Sic dispersa gente nemo sperabat amplius in illis oris bellum, & *Vestphali* nondum penitus repressi erant. Nimia fere Augusti clementia provocati jugum aliquoties excusserant, praesente & intente arma imperata facere prompti, mox abeunte ac reducente copias ad ingenium suum reversi. Ea pertinacia continuis cladibus quidem fracta, denique prudenti consilio expugnata est. Victis namque & amentiae veniam

LXX.

Bb

oran-

orantibus Magistratus publice dati, qui legum vigore & auctoritate judiciorum negotia publica privataque administrarent, nec ab his provocatio nisi ad Imperatorem ipsum esset: adhuc sanctius arcanumque selectissimorum hominum concilium institutum est, qui sine provocatione cunctos judicarent. Erant autem viri graves, spectataeque integritatis, selecti ad hoc officium, ut cæteris omnibus ignavis Vestphaliae oppida, vicos, conciliabula circumirent, mores, dicta ac facta hominum observarent, & quoscunque latrociniorum, neglectae fidei, violatae pacis, desertae religionis convicissent, sine mora supplicio traderent. Reos nulla dignitas aut intercessio apud Conscios, (ita vocabantur iudices) absolvebat, summi pariter ac infimi prius suspendio luisse delictum videbantur, quam de modo ac magnitudine ejus constabat. Id *Jus Vestphalicum* appellatum est, adeoque tanti arcani severitas, & improvisa criminum postulatio Vestphalos terruit, ut sequentibus temporibus faciliori negotio parerent. *Gothofredus* Danorum Rex, hac Saxonum fortuna perculsus, cum omnibus copiis & classe ingenti Cimbricam Chersonesum advectus, molitionibus Imperatoris intentus sedit. Illuc quum oratores, CAROLI perfugas repetitum venirent, facerentque mentionem ineundae pacis, ipse Rex Imperatorem colloquii causa salutare decrevit, ac perficisset etiam, nisi purpurati diversa suasissent, neutiquam tutum esse contendentes, ut Rex, unicus nunc emorientis per Germaniam libertatis vindex, alienae ac tantopere quidem suspectae fidei sese committeret. CAROLO enim Imperium orbis quaerenti nihil inhonestum fore, quod utile, atque si blandissimis verbis ad se Regem pellexisset, prius cupiditati suae, quam hospitii juribus obsequuturum. exemplis omnium seculorum doceri, nullam in ejusmodi Principum aulis fidem, nisi quatenus expedit, dictis promissisque praestari: aliis forte rebus pietatem coli posse, jus regnandi gratia servari non posse. Ita domi retento *Gothofredo* legati Imperatoris conditionum summam proponunt, & his legibus pacem cum eo san-

fanciunt, ut captivi utrinque redderentur, Dani suis instituti viverent, & cum Franci eodem pro amicis inimicisque haberent. Dum pacatur Saxonia, Danicæque procellæ turbo paulum sistitur, magni, ut vulgò jactabatur, miraculi fama aures & ora hominum impleverat. Beryti, quæ Phœniciae urbs est, Judæum quendam, in contemptum nostræ religionis, Christi crucifixi imaginem perfodisse prodiderunt: unde ubertim sanguis effluerit, cujus virtute multi mortales gravissimis morbis liberati, ardentissimæ religionis stimulos animis senserint. Sanguinis portio deinde nescio quo fato Mantuam translata, CAROLUM quoque ad primum rei nuncium in venerationem rapuit, ut confestim literis à Leone Pontifice contenderet, ne gravaretur tanti veritatem miraculi ad liquidum perducere, cognitamque sibi perscribere. Leo acceptis mandatis Mantuam profectus est, & re omni explorata literas ad CAROLUM dedit, quibus significabatur, se ubicunque terrarum Imperator esset, Dominica Natalitia cum eo velle celebrare. Quod simulatque CAROLUS rescivit, filium cognominem in adventum ejus præmisit, Rhemisque nobili Franciæ urbe perhumaniter exceptum Carisiacum primo, ubi festi solennia peracta sunt, mox Aquisgranum deduxit, ubi paulo ante magnificentissime extructam B. Virginis ædem, solennibus ceremoniis tum Pontifex inauguravit; qui per octo dies honorifice habitus, magnisque cultus donis per Bojariam domum recessit, comitibus ab Imperatore ipsi Ravennam usque adjunctis. *Paulus Æmilins* non inventum Mantuæ sanguinem, sed aliam & secretiorem causam suasisse hanc profectionem Leoni contendit, quod Vir prudens æmulatione inter duo maxima Imperia Orientis nempe & Occidentis, surrecturum aliquando dissidium velut è specula prospiciens, sua interesse existimaret, cito ad CAROLUM transire, deque imperio imminentibus turbis cum ipso deliberare. Quod sanè propius fidem videri potest. At illud siue miraculum siue commentum ut plus ferme superstitionis quam veræ religionis in mentibus hominum reliquerat, ita vi-

cissim ex alia orbis parte incrementa Christianæ religiōnis eluxerunt. Quippe *Caganus* Hunnorum regulus eo tempore exul CAROLUM accessit, ac supplici voce locum sibi inter Carnuntum & Sabariam, (oppida sunt Tejæ fluvio, qui Danubio undas suas committit, vicina,) inhabitandum dari postulavit, quoniam assiduis Sclavorum incursionibus vexatus patrias sedes amplius colere nequisset. Hunc Imperator, quod Christianorum sacra publice professus Theodori nomen recepisset, voti compotem in illas oras dimisit. Cui Theodoro repentina morte terris subducto, alius quidam *Caganus* succedens, easdem ab Imperatore terras in regnum obtinuit, simulque sacro fonte adpersus, divini cultus professionem Abraami nomine inchoavit. Sed cum frequentibus latrociniiis omnis illa regio premeretur, CAROLUS *Junior* patris jussu armatam manum in Bohemiam præcipuam Sclavorum sedem perduxit, vastatisque incendio agris ac penetratis limitibus pugnam cum Sclavis diu ancipite Marte subire coactus fuit. Siquidem *Beccho* eorum Dux, homo militaris & bellorum expeditionibus induratus inter confertissimos dimicans, nec minus militis gregarii munera quam ducis exsequens, ingenti terrore pariter ac cæde Francorum copias turbaverat, donec audacius densissimæ cohorti sese ingerens, ab hostibus undique circumfusus occisus est. Et sublato fortissimo Imperatore confestim Bohemica vis cessit, præliumque diremptum æqua ferme clade, nisi quod ex Francorum auxiliis plures, è Sclavis præcipua nobilitas ac procures juventutis ceciderunt. Sic uno conflictu bellum discussum, terra Hunnorum infestationibus liberata est. CAROLUS formata in obsequium gente, (quanquam sunt, qui ante finitam expeditionem revocatum esse scribant) triumphans ac plenus gloriæ ad patrem rediit. Quod mea fide non retulissem, id tutius alieni Scriptoris testimonio præsentibus adjici posse spero. Memorat autem *Aventinus*, gigantem quendam è pago Sueviæ oriundum in agmine CAROLI militasse, qui obvios quosque hostium velut fœnum demetens sæpe tanquam

quam aviculas cuspidē fixos in humerum sustulerit, cumque domum reversus à popularibus interrogaretur, quomodo res cessissent; indignabundus dixisse fertur, inutilem tantum apparatus fuisse, se enim non raro septem vel octo ranunculas miserrime vociferantes huc illuc vario ludibrio circumgestasse. Sic composito Sclavorum tumultu Imperator filios suos Theodonis villam convocat. Eò cum CAROLUS Junior è Boëmania, ab Hispanico limite Ludovicus, ab Italia Pipinus advenisset, de summis & Imperii tutelam concernentibus negotiis disceptatum est, erexitque *ultima voluntatis monumentum* Augustus, ne si quando in initia sua resolutus esset, foëdo certamine manus consererent filii, & redditam terris pacem discordia aut regnandi libidine turbarent. Id vero iudicium, ceu inter amicos fieri amat, per Eginhardum Leoni Pontifici maximo transmisit, ut sua manu subscriberet, ejus summam postea referemus. Paulo ante Obelerius ac Beatus fratres Veneti duces, cum Paulo Jadertinorum Comite, ac Donato Episcopo Imperatori præsto fuerunt, ingentia dona ferentes: dein impetrato colloquio nihil magis *Francica rei profuturum*, docuerunt, ac si *Dalmatia in amicitiam reciperetur*, qua gliscente inter duos Christiani orbis Imperatores invidia, pejori Francorum conditione ad Nicephorum devolveretur. Namque ubi eam occupasset, simul Hadriatici maris dominium pro amisso reputandum esse, videndumque insuper, ne derelicta Venetorum causa socii omnes labascerent, ac Resp. aliquid detrimenti caperet. Facile CAROLUM & Italici regni possessio omnibus omnino viribus tenenda, & præsens Venetiarum status, antea per Fortunatum Gradi Antistitem satis sibi commendatus, & simultas cum Nicephoro movit, ut Dalmatas in foëdus reciperet, ac Obelerio ferret opem. Per idem tempus Sclavi & Sorabi Albis accolæ, assueti sub Ducibus suis vivere, Francorum imperium detestabant, sed congressi acie & amisso duce Miledostio leges acceperunt: duo castella prope Salam Albimque ædificata terrorem genti incusserunt, ne his velut claustris septi iterum rebellarent. Et quoniam tunc Caganus decesserat,

Bb 3

Hun-

Hunnia in formam provinciæ Francorum redacta, leges & Magistratus à CAROLO accepit, & in aliquot annos reges habere desiit. Sed dum ea geruntur, *Saraceni* partim Africa, partim Hispania egredientes, Corsicam insulam & litora Italiæ infesta latrociniis reddiderunt, quæ res exemplo Pipinum excivit, ut consueto more Italici regni tutelam susciperet. Ergo missa in mare Tyrrhenum classe adeo repentino adventu Saracenos terruit, ut non expectato quidem navali prælio celerrime domum refugerint. Solus *Audomarus* Genuensium Comes, dum fortunam inconsultius sequitur; in insidias deductus navi prætoria intercepta, trucidatus est. Postero anno quum solita audacia adjacentes Italiæ insulas vexarent, Burchardus stabuli Comes maximi nominis dux in illos immisus est. Et Sardi quidem egregie pugnando ac tribus millibus Barbarorum occisis, hostes à semet removerant, qui mox Corsicam repetentes, à Burchardo navali pugna excipiuntur, ubi tanta Francorum virtus fuit, ut conjunctis arctissime navibus nullam Saracenorum paterentur elabi: sed continuo ardore dimicantes in summas angustias hostes perduxere, qui postquam vincendi spes nulla, salutis modica superesset, præcipiti fuga & amissis tredecim navibus salutem quæsliverunt. Hic annus non modo Saracenorum clade, sed & *Aaronis* Persarum Regis è remotissimis oris ad CAROLUM legatione, ac crebra Lunæ solisque defectione insignis fuit. Visæ etiam terribiles in cælo acies bellorum imminenti-
LXXIII. um Veneti Danicque prænuntiæ fuerunt. Fervente interim tumultu, *Eardulfus* Nordanumbrorum Rex, imperio & patria pulsus ad Imperatorem, dum adhuc Noviomagi moraretur, venit, & exposita adventus sui causa, Romam proficiscitur, ut Leonis quoque misericordiam eliceret, succinctusque benevolentia maximorum in Rep. Christiana capitum, armata manu aut certe vi nolentibus intentata in regnum restitueretur. Præter innatam CAROLO clementiam movit eum & exempli, & communis regum omnium causa, quam negli-

gligere periculosum fuisset, cum in unius regis exitio cæterorum salus vertatur, ac nisi sequatur ultio, subditi aliorum libidine excitati, ubique Principibus suis insidias struere tentent. Quamobrem Roma regressum Eardulfum per legatos domum reduci imperavit, eique negotio honoris gratia, & magis non prohibente CAROLO quam jubente, Leonis orator adjunctus est; quod factum immodicis Pontificiarum partium admiratoribus speciem præbuit, quasi Imperator, seposita Leonis auctoritate non sustinuisset, Eardulfum rursus in regio throno collocare: cum tamen Pontifex neque ab ullo tantam potestatem acceperit, neque sine CAROLI viribus tale quid moliri potuerit. Ante annum quam hæc agerentur, Salisburgi conventus indictus est, cui Arno Salisburgensis Archiepiscopus, cæterique Bojariæ & vicinarum regionum Antistites ac Sacerdotes interfuerunt, qui collatis sententiis decrevere, ut bona sacris usibus destinata, in quatuor portiones postea dividerentur, quarum una Episcopis; altera sacrificulis cederet, quo diligentium animarum curam gererent; tertia, pauperibus erogaretur, præsertim si vitio corporis aut morbo debilitati, nullo laboris genere mercedem in vitam tolerandam acquirere possent; quarta denique in conservationem templorum aut instauracionem servaretur. Interjecto deinde tempore Aquisgrani de S. Spiritus processione disputatio mota est, quam Joannes quidam monachus Hierosolymitanus primum in lucem protulerat: ejus componendæ gratia Bernardus Episcopus Vormatiensis, & Corbeiensis monasterii Abbas Pontificem convenerunt. agitatum in eodem concilio de statu Reip. Christiana & conversatione eorum, qui solitaria pietate Deo servire perhibentur; neque tamen aliquid certi definitum fuit; sive difficultas sive magnitudo rei coeptæ obstabat. Brevi dein LXXIV. temporis intervallo tempestas Veneta erupit. Quippe Nicephorus Imperator Græcorum ubi Joannem ac Mauricium Venetiæ duces ab Obelerio in exilium pulsos, Dalmatiamque & Venetias intestinis motibus ardere comperit, Nicetam Patricium cum classe ad oras Adriatici maris

able-

ablegavit, ut factionibus sedatis exules ducatu restitueret. Cujus adventu Dalmatæ perculsi non expectata vi, à Francorum fœdere ad Græcos redeunt. Veneti recepto Niceta, Duces, quos ille restituere jussus erat, domum se revocatu negarunt, ac Beatum Ducem Obelerii fratrem Constantinopolim miserunt, qui consilii sui Nicephoro rationem redderet, simul excusationem, quod non recepissent, afferret. Pipinus his auditis statim pro regia dignitate arma paravit, Nicetæ obviam iturus, pactis tamen in annum sequentem induciis quievit magis, quam resiliit à proposito: Nicetas Constantinopolim reversus est. Postquam verò induciæ exiissent, Paulus Cephallenæ præfectus loco Nicetæ in bellum submissus, maximam classem Hadriatico sinu invexit, & appellens Venetias, mox succedente hyeme Comaculum insulam Venetorum finibus objacentem invasit. Ibi satis constat summo esse prælio decertatum, ab utra vero parte victoria steterit, parum in expedito est, *Venetis scriptoribus* hoc decus ad Paulum, *Francis* ad Pipinum trahentibus. Non improba forte conjectura erit, si quis magna utrinque strage pugnatum credat, detrimento tamen Francorum minore. Græci certe confertis viribus pacem optantes animum quoque Pipini pronum reperissent, nisi Obelerius totum impediisset negotium, qui hinc ab utrisque offensam sibi contraxit. Igitur sequenti anno majoribus animis bellum repetitur, cujus historia adeo varie à scriptoribus commemoratur, ut neque in causa, neque in eventu consentiant. *Sabellicus & alii* omnem culpam Venetorum fuisse contendunt. Nicephorus enim ex quo Græci imperii habenas suscepisset, legatis ad CAROLUM missis in has ferme condiciones pacem cum eo fecerat: ut ambo Imperatores Augusti, Orientis alter, alter Occidentis dicerentur; circa Italiam istud observaretur, ut hinc à Neapoli, illinc à Siphonto, quicquid ulterioris Italiæ in mare procurrat, cum suis è regione insulis, à Græco; reliquum à Franco Imperatore jura peteret. Medius veluti limes & cardo inter duo imperia, Venetiæ utriusque majestatem conservarent.

Neutri

Neutri se addicerent , suis uterentur legibus , Cæsarum essent amici , & sive pax sive bellum ingrueret , neutrius censerentur. Hunc æquissimarum legum tenorem negligentes Veneti , proniores Nicephori partibus fuisse visi sunt , ac tantum non pro hostibus Francos habere. Propterea quum Pipinus Dalmatiam sibi vindicaret , Veneti aperte resistere ausi , à Nicephoro Imperatore naves aliquot in suppetias contra Pipinum impetrârunt , qua insolentia ille exacerbatus vindicare se ab injuriis voluisse traditur. *Adelmus Benedictinus & Franci* causas edisserentes , Pipinum perfidia Venetorum ducum impulsam terra marique Venetias invalisse scribunt , eaque bello subacta , ad vastanda Dalmatiæ litora processisse , verum Paulo Cephallenia præfecto classem contra ducente domum re infecta reversum esse. Sin Venetos audimus , Pipinus jussu patris hoc bellum adornavit , ut Obelerium & Valentinum duces reduceret , quos Beatus frater Constantinopoli rediens tanquam Francis amicos urbe-ducatuque depulerat. Cæterum ut apparatus belli , sic exitus fuit memorabilis. Pipinus præcipuas Venetorum urbes , Brundulum , Palæstinam , Albioniam occupat , & Methamaucum quæ ducum regia erat , ab optimatibus desertam diruit , & quoniam ferro in homines non poterat , in ædificia igne grassatur. Dein ubi belli summam circa Rivoaltum constitisse , & omnes Venetorum copias ad eum locum retinendum coactas inaudivisset , milites suos trajici illuc jussit. Majoribus navigiis quia exercitum advehi non posse , periti regionum edocebant , proximis annibus lintres Pipinus eduxit , quæ ob paucitatem rates è trabibus compositas addidit , atque in modum propugnaculi viris armisque repletas adversus hostem dimisit. Sed classe in altum provecta , post aliquot dies æstus maris , qui maxime remigium adjuverat , decessit , & rates brevibus stagnis impeditæ neque propelli neque retrahi potuerunt. Sic destitutos Francos Veneti lintribus , quæ abundabant , adorti , omnes aut occisione deleverunt , aut tenuerunt captivos : plures etenim confisos tenui aqua , & pedibus vadum tentantes , quoad

LXXV.

litus fuga pateret, limus impedit, ut hærentes & gravati corpora, nullam salutis nisi in victorum clementia spem haberent. Pipinus qui Metamauci felicem rei eventum opperiebatur, ubi tantam suorum cladem accepit, moestus Ravennam repetiit, postea ab omni fortunæ insultu liber: eodem quippe anno Mediolani vitæ hujus misérias cum æterna felicitate commutavit. *Huldricus Mutius* homo Germanus, cujus fidem clarissimi nominis Vir *Theodorus Gravvinkelius* magni æstimat, in opere de *libertate Veneta* conscripto, paulum variat in iis, quæ circa hoc bellum acciderunt. Ait nempe, Pipinum vacuos primo habitatoribus agros & oppida Venetorum in potestatem suam rede- gisse, mox præparata classe urbem ipsam à lateribus undique cinctam, obsidione tentasse, atque ut facilius ea potiretur, mare quod continentem & Venetias interjacet, ponte stravisse. Sed Venetorum subditi derelictis patriis sedibus intra mœnia urbis sese receperant, neque minori- bus animis toleraverant obsidionis mala, & quoniam non modo instructam habebant classem, verum etiam nauticæ artis peritissimi erant, Pipinum sæ longa mora eluserant: jamque structus à Francis pons urbem fere contigerat, cum illi invento ignis marini totam molem paucis horis corru- perunt, quæ media nocte conflagens, magnam militum manum, stationes forte servantem, simul absumpsit. In- de navali prælio certatum esse, ac Pipinum una atque al- tera navi amissa retrocedere coactum *Mutius* memorat.

LXXVI. CAROLUS nunciata Pipini morte haud secus quam pat erat, motus, omnes deinde cogitationes ad pacem trans- tulit. Ne tamen indecore aut cum Majestatis detrimento pacisceretur, neve Francici nominis terror, qui omnia longe lateque impleverat, subsideret, oblatam sibi occa- sionem avidè arripuit. Quum enim Francos reparare na- ves, expectare alios è Germania milites, & maxima quæ- que moliri Venetis nunciatum esset, ipsi etiam de liberta- te sua & pace solliciti, Legato Pontificis, qui velut con- ciliator partium, animos primò eorum tentabat, expo- nunt: *sibi verò gratissimam pacem fore, modo libertatem inte-*
gram

gram, & qua maxime opes urbis auferentur mercaturam cum Graecis ad Propontidem Pontumque conservarent; suis præterea ducibus, non Reip. hanc mori belli culpam incumbere, quos nefaria in patriam consilia inivisse vel ea fide adstrueretur, quod voluntario exilio seipsos multassent. Sic excusationem ferentibus Venetis, omnemque invidiam in Duces suos rejicientibus Imperator æquior factus, pacis fœdera his conditionibus perscribi jussit: ut libertate salva uterentur, commercia in Oriente libera haberent, & quod antea quoque observabatur, inter utrumque Imperatorem mediis essent. Hæc CAROLI moderatio ingens Venetis gaudium creavit, statimque & Urbs & Respubl. novam quasi faciem inducere orsa est. Cœperat enim Beatus Dux post Rivoaltensem victoriam ampliores sedes meditari, & quod Metamaucum excisum videret, complures Insulas, ut quæque Rivoalto proximæ erant, pontibus inter se jungere decreverat. sic enim singulas parvas quidem, sed universas magnificentissimæ urbis speciem præbituras, eam ceu hodie est, magnitudinem & dignitatem urbis, animo concipiens, speraverat. In medio operis molimine vita decedens, Angelo Patriciaco successoris incepta perficienda reliquit. Ille Olivolam Episcopo, Rivoaltum Duci sedem & publico concilio destinans, connexas inter se insulas uno *Venetiarum* nomine appellavit. Hæc prima amplissimæ Reip. incrementa fuisse feruntur, quæ *Sigonii* testimonio terminis à Grado ad Caput aggeris angustissimis tum continebatur. Interjecta brevissimi temporis mora Nicephori quoque legatis nomine Imperatoris sui flagitantibus pax data est, cumque gedeutibus domum Oratores CAROLI ad firmandam eam profecti sunt; & quia Obelerius in Galliis hætenus exul perfidiæ à suis pariter & Franco accusaretur, spoliatum honore ducis, atque ut Nicephoro, cujus *Spatharius* erat, adduceretur, legatis commissum esse, *Authores aliquot* prodiderunt. A quibus diversam *Græsvinkelius* in libertate *Veneta* sententiam fovet, cum verisimile non sit Obelerium à CAROLO MAGNO ob perfidiam male habitum, quem omnes pæne Scriptores patriæ suæ aut saltem Joan-

LXXVII.

ni Mauritioque Venetorum pridem ducibus infestum ad CAROLUM confugisse bellique Veneris inferendi acerrimum fuisse impulsorem confitentur, quidam etiam naturalem CAROLI filiam in matrimonio habuisse tradunt. Finem verò vitæ Veneriis Obelerio contigisse idem *Gravynckelius* probat. Restitutus etenim quanquam ægre CAROLI autoritate ducatur, à populo cujus maxime odio laborabat, paulo post immaniter interemptus est, atque discerptus, sat claro iterum exemplo, *invisa imperia neminem diu retinere posse*. Dum hoc modo Italia & ad Orientem res disponuntur, non interim quies eadem Septentrionis plagam tenuit. Quis speraret post Saxones aliquod in illis locis bellum? Atqui non leviter Daniam se concussit, & fuit in *Gothofredo*, quod post Witekindum timeretur. Quippe Rex priscis suæ stirpis authoribus & jam longa successione ferox, Imperium Daniæ in eminens fastigium perduxerat, & militem bellorum exercitiis ad insignem redegerat disciplinam. Gerebatque se ita hactenus adversus Francos, ut neque eos bello lacefferet, & si lacefferetur, superesse sibi vim ac voluntatem resistendi declararet. Saxonibus & aliis à Francis desciscientibus erat apud eum perfugium, totumque ex male dissimulato agebat æmulum, nec non superbiebat eo tutior, quod à tergo invictus, in fronte peninsulam incolebat, ac fines suos quæ Francorum incursionibus patebant, fossa, agger, ac vallo habebat munitos. Denique otium regno suo periculosum ratus augere illud, & pacem superioribus annis factam rumpere statuit. Quid enim Germania ad CAROLUM, aut cur ejus dominio tantopere inhiaret? Cur non Gallia sua aut Italia curam gerens, relinqueret intactam aliarum gentium libertatem? an quia plerique populorum sub regibus vivunt, pauci verò exosculantur libertatem, illis quoque sua libertas exitio erit? non quidem ideo se talia profari, quod regnorum conditionem deteriore agnosceret, sibi quoque id fastigium à diu immortalibus tributum, quo quippe inter deos hominesque nihil pulchrius existeret: sed immoderatam CAROLI libidinem animo suo nondum capere, qui solo libertatis Saxonum nomine offensus, eos

per

per triginta quatuor annos continua bellorum serie fatigaverit, ut multi quidem animam prius quam libertatem amiserint, ceteri vero intolerabilibus malis adflicti triste servitutis onus subire coacti sint: neque sic penitus expugnatam illorum constantiam, potius terram ac cælum ipsum fata infelici gentis accelerasse: abstractam enim patriis sedibus inter infestissimos hostes collocatam esse, & velut pecora pastores trājiciunt, ita hinc illinc ad libidinem Francorum translatam: præterea ære illo qui ad suam naturam ingenia & corpora format, miseros privatos, subiectosque molliori cælo, qui & animi fortitudinem extingueret, & languidiora redderet corpora. se vindicem libertatis Germanica tantam amplius insolentiam pati nequivisse, alias namque sibi expectandum, quod in vicinia modo bellum conflagraverit. sibi iusto titulo Germaniæ imperium, sibi coronam deberi, cum & origine Germanum semet, ac dominantibus nuper Saxonibus socium perpetuo professus sit, cogitandum denique CAROLO, ipsum Italia ac Romanorum, non Germaniæ Imperatorem fuisse creatum. distribuat igitur Italis suis jura, ac legibus libera nationi incognitis turbare Germaniam desinat. Hæc & similia tumide jactans, primo impetu Abodritos aggressus est, atque excitis in societatem militiæ Sclavis live (ut Franci vocant) Vilzis, maximo terrore omnia complevit. Aliquot Sclavorum castella expugnaverit, & fugato Thraſicone, captoque per insidias Godelaibo præcipuis Abodritorum ducibus, tributariam sibi majorem provinciæ partem fecerat, ac quoniam frequentibus præliis promissimos militum amisisset, in oppugnatione cujusdam oppidi desiderasset etiam Reginholtum fratris sui filium, regredi paulisper, nondum tamen exsatiata libidine visus erat. Tam hostili insultu postquam premi socios Imperator cognovisset, CAROLUM filium ad Albim, cum valida Francorum Saxonumque manu procedere jussit. Urebat maxime generosum animum, Gothofredi superbia, qui brevi se Aquisgranii futurum, & ejecto CAROLO cujus vanum in Germanos imperium esset, occupaturum sedem illam simulque fastigium Germanici regni minabatur. At filius Augusti facto per Albim ponte, Livones primum & Smeldingos invasit, qui ultra Saxo-

LXXIX.

niam longæ lateque habitantes ad Gothofredum defectio-
nem paraverant, vastatisque illorum agris in Saxoniam
est regressus. Igitur Gothofredus tam propinquo hoste
retrocedens, *Rericum* ad Oceani litora celebrem mercatu
nundinarumque frequentia & vestigialium magnitudine
urbem funditus destruit, ac translatis inde negotiatori-
bus cum universa classe portum, quem *Liesthor* incolæ
vocabant, appellit. Ibi per aliquot dies moratus, re-
gnum qua Saxoniam respiciebat, velut prædiximus, mu-
nimentis ita vallaverat, ut Oceani latera utrinque per-
tingerent, retraxeratque emporium multarum gentium
conventu nobile. Una omnino porta aditum præstabat,
per quam equites & carri rebus advehendis necessarij e-
mitteri pariter ac recipi possent. Ne tamen omnis moti
belli culpa sive invidia in ipsum redundaret, posteriori
anno per negotiatores CAROLO exponi curat, *se im-
merito apud Eum in odio esse, cum Abodritis bellum fecerit, non
proferendorum finium, sed vindicanda injuria gratia; illos pri-
mum rupisse fœdus, sibi que necessitatem defendenda salutis fuisse
impositam.* Poposcit insuper ut congregato procerum in
confinio utriusque regni conventu res gestæ ad liquidum
producerentur, & peccata hætenus utiliter emendarentur.
Non abnuuit Imperator, quod ipsa per se honestas suade-
bat, & confestim selectissimos suorum ad Albim præmit-
tit, qui adventantes è Dania primores exciperent. Ja-
ctatum ibi inter conditiones à Francis fuerat, ut *Gotho-
fredus Abodritis erepta restitueret, redderet obsides, remitteret
stipendium, Vilzios pro hostibus ac persugis reciperet: ne item so-
cios Imperatoris lacefferet amplius, aut dedititios subtraheret Im-
perio: ita facile discordiam sanari, & in amicitia Francorum eum
esse posse.* Contra Dani, se verò ad bellum compulsos respon-
dent, *Abodritos sive Venedos jure belli stipendiarios esse, victores
libera uti in victos potestate, decere Principem tutelam suam ex-
petentibus dare, denique fœdera Francorum sibi præsidio & orna-
mento non detrimento esse debere.* In hanc sententiam ultro
cirroque jactatis sermonibus, quum neutra pars excidere
speratis sustinisset commodis, re infecta discessum est.

Intex-

Interjecto tempore Thraſico, cujus filium Gothofredus obſidem habebat, ulturus acceptam antea cladem & ſuccinctus auxilio Saxonum, Vilzorum agros populatur, potitusque ingenti præda domum quidem regreditur; ſed ſubmiſſis iterum à Saxonibus copiis erectior, præcipuam Smeldingorum urbem obſidet, qua capta adeo terrorem nominis ſui auxit, ut civitates quæ defecerant, ubique victor reciperet. Mox, ut fortuna non diu ſervat fidem, in oppido Rerico, cui temere ſe crediderat, ab inſidiatoribus per Gothofredum ſubornatis trucidatus eſt. Sed Imperator poſtquam tentata modo pax non ſucceſſit, fortiori adminiculo reprimendam eſſe Gothofredi audaciam putavit. Colleſta igitur è Galliæ atque Germaniæ oris ſat magna hominum manu caſtrum trans Albim ædificare, & in eo præſidium Francorum diſponere ſtatuit. Delectus eſt huic operi moliendo Egbertus comes, qui armis ac cæteris rebus neceſſariis inſtructas copias in Danici regni conſinia perduxit, cumque attigiffet locum, patrio vocabulo Eipfeld appellatum, contemplatus urbis ſitum & naturam, idonea ipſi viſa eſt, quæ munitionibus probe firmata Danorum cervicibus imponeretur, & indomitam adhuc gentem quali freno contineret. ſtatimque operi manus fuit admota. Dani quod in his regionibus parum proſpere pugnarent, alibi fortunam tentare, & inhærentem Daniæ Francum extorquere decreverunt. Quamobrem ducentarum navium classiſ, propitio mari in Friſiam ſubveſta, ſecuram & nil tale metuentem ſubita irruptione terruit. Incolæ tribus præliis fuſi proſtigatique imperata facere, ac tributum loco centum argenti libras pendere coacti ſunt. Et ut Francis negotium ubique facelleretur, Vilzi hoſtium inſenſiſſimi arcem *Hochburgum* ad Albim exſtructam, ab Odone Imperatoris legato hætenus deſenſam, expugnârunt. Imperator ubi Danis quidem auctoribus factam Eriſiorum cladem, Gothofredum tamen è Dania non reſceſſiſſe comperiſſet, ſtatuit ipſe decernere: quippe quæ per duces ſuos acta erant, non omnia probabat, & quia victoria aliquoties adverſis interpolata erat, aliquibus

bus fortunam, multis curam abfuisse rebatur. Igitur Luppianum versus se conferens, copias quæ nondum convenerant, expectavit: illis autem congregatis ad Alaram quanta potuit celeritate pertendit, vires cum Gothofredo jamjam adventante conferturus. Neque ille minus pro imperii sui gloria certare cupiens, promiscuas loquebatur cædes, & magnam victoriæ spem concipiebat. Sed in medio bellorum apparatu felici nuntio imperatoris castra personuerunt. Siquidem Danus dum se ad iter accinxit, domestico facinore oppressus, satellitis manu cecidit, vir acer belloque strenuus, aliquando fortuna, semper animo magnus, iniquis præterea, & regnorum fines non jure sed libidine dominandi metiri solitus. cujus mors multum Imperatori lucrifecit: tanta enim lues invaserat boum armenta, ut quos ad necessarios usus Francici exercitus habebant, ad unum omnes interirent, idque malum per omnes Imperatoris provincias tum grassatum erat, & metus occupaverat hominum animos, ne si expeditio in Daniam continuanda esset, inopia milites urgerentur, & corruptus tetra contagione aer, majori detrimento ipsum agmen multaret. Hyemis deinde asperitas, & rigens gelu tellus inter ambos exercitus inducias promovebat, donec Hemmingus successor Gothofredi prima veris temperie pacem cum Imperatore interventu decem procerum ab utraque parte selectorum fecit, & solemni juramento firmavit. Quo tempore devastati etiam Livones, & castellum *Hochburg* nuper à Vilzis destructum, Francorum opera restauratum est. Et quoniam superioribus annis Oceanum Belgicum per Nortmannos piratas infestum reddi Imperator acceperat, ipse hoc anno omnem eam oram præsens lustravit, præsidiaque & classem, ut quisque desiderabat locus, disposuit, turrim magnifici operis ad Bononiam maritimam urbem restituit, unde nocturnus ignis navium cursus dirigentibus præluceret. Gaudium postea transiens Aquisgranum contendebat, ubi in itinere legatos *Hemmingi* obvios habuit, pacificum Regis sui animum muneribus declarantes. Gratus hic Imperatori asse-

LXXX.

affectus fuit, igitur & arctiorem amicitiam initurus cum Rege videbatur, nisi hunc invida fata terris mox eripuissent. Quo mortuo, ut assiduum inter pares est discordiæ malum, *Sigefridus* Gothofredi nepos, simul *Amilo*, nepos & ipse *Herioldi* Daniæ olim Regis, ad regnum adspirantes, cum uter regnare deberet, non conveniret, infestis animis concurrunt, tantoque ardore pugnatum est, ut ambos æmulos ferrum absumeret; cecidisse tum decem millia nongentos quadraginta homines prodidere. Tamen *Amilonis* factio adepta victoriam *Harioldo* & *Ragenfrido* fratribus ejus summam regni committunt. Hi recepto fratre *Hemmingo*, (qui forsan præcedenti bello à Francis captus fuit,) pacem & amicitiam cum Imperatore pepigerunt, sedecim Danis primoribus illi conciliandæ submissis. Vix anno potentiam exercuerant, & repente Gothofredi filii cum multis Danorum proceribus, qui relicta patria jam dudum apud Sueones exulabant, sat magnas copias contrahunt, & confluentibus ad se velut orientem solem popularium turmis, facili negotio victos prælio *Harioldum* & *Ragenfridum* fratres regio throno dejiciunt, ipsique imperio potiuntur. Sic Dania ab externis bellis velut in viscera sua arma convertit, neque CAROLO visum fuit, auxilium alterutri ferendo civilibus turbis se immiscere, præsertim quum *Saraceni* *Maurique* piratæ iterum maris Inferi ac Italiæ tranquillitatem turbarent. Illi Sardiniae Corsicæque opibus direptis, jam præda turgentes iterum Hispaniam repetierant, cum *Irmingarius*, Comes Emporitanus, dispositis ad Baleares insulas copiis, octo naves eorum interceptit, & quingentos Sardorum servitute oppressos recuperavit. Quam cladem vindicaturi piratæ, nova classe Nicæam Provinciæ ac Centumcellam Italiæ adoriuntur, spoliant, incendunt, nec satiati duarum urbium excidio, Sardiniam rursus cursu petunt, non sacris neque profanis temperaturi. at Sardi hostes aliquoties victos lætis animis aggressi, magna cæde castigant, ut illi conscensis tumultuarie navibus magno dedecore ab insula refugerint. Tum vero bella

LXXXI.

Dd

ubi

ubique sepulta, pax revocata est: nihilque voto concipi, nihil felicitate consummari poterat, quod non CAROLUS Romanorum Imperator Augustus, pacatis late provinciis Europæo orbi repræsentavit. Sane imperii Francici gloria per continuos quadraginta quatuor annos in tantum aucta est, ut illud pene duplo majus reddiderit CAROLUS, quam à Patre Pipino acceperat. Antea enim ea tantum Galliæ pars, quæ intra Rhenum & Ligerim, Oceanumque ac Balearicum mare jacet, & portio Germaniæ inter Saxoniam & Danubium posita, Rhe-noque ac Sala, (hic Thuringos à Sorabis dividit) fluminibus clausa, præterea Alemanni, Bojarii-que Francorum regno accensebantur. Quæ CAROLUS multas & magnas provincias adjecit. In Galliis scil. Aquitaniam & Vasconiam. Hinc Pyrenæi montis jugum & fertilissimos Hispaniæ agros usque ad Iberum, qui in extremis Navarrorum profluens, receptis minoribus fluviiis turgidior, secundo cursu sub urbis Dertosæ mænia in Balearicum mare devehitur. Postea Italiam totam, ab Augusta Prætoria in Calabriam Inferiorem, ubi Græcorum confinia fuere. Tum Saxoniam duplo latiore, quam erat reliqua Germania Francis olim subiecta. Pannoniam similiter utramque & oppositam in altera Danubii ripa Hungariam, Istriam quoque Liburniam ac Dalmatiam, exceptis maritimis, quæ ex fœdere Constantinopolitano Imperatori cedebant. Denique nationes barbaras inter Rhenum ac Vistulam, Danubiumque & Oceanum positas, ut lingua fere similes, ita moribus & habitu dissimiles, quas inter præcipui Velabi, vel Sclavi, Sorabi, Abotriti atque Bohemi, quæis tributum à Francis imperatum est. Quamobrem in ipso victoriarum flore, nondum quidem consummata, sed matura jam & per terrarum orbem se exerente ejus gloria, CÆSARIS ac IMPERATORIS ROMANI nomen & honorem CAROLUS ille meruit. Torpebat oppressus Imperatorum sive ignavia, sive immoderata dominatione Oriens, jacebatque velut exhaustus aliarum gentium rapinis: jam

Bul-

LXXXII.

Bulgari Thracæque partem imperii vellicabant; jam Saraceni & infames regnorum everfionibus Turcæ, subinde pulcerrimi corporis membrum decerpebant. Imperii ipsius habenæ ut plurimum à talibus tractabantur, qui vel neglecto, vel fecius culto divino Numine impii, turbis ac diffenfionibus domesticis invifi, in ambiendo vel adminiftrando principatu crudeles, aliquando nomine Imperatores, ætate pueri, moribus inculti, artium regnandi rudes, vel focordia tanto fastigio indigni fuerunt, aut qui capaces ejus putarentur, nifi imperaffent. Denique ad id ludibrium res devolvebatur, ut confumta mafcula prole mulier neque sexu neque prudentia ad Remp. gerendam facta, imperium teneret. Hæc *Irene* nomine, primum quafi cum *Constantino* parvulo adhuc filio imperaret, omne negotium fola expediebat: dein expletis decem potentiaë annis, ubi *Constantinus* fe eludi, ac matrem pro arbitrio in imperio verfari cerneret, opera legionum conftanter ipfi adhærentium, quanquam reluctantepro viribus femina, imperium adfequitur: fed & ipfe licentia regni mutatus, fufpicionibus plus jufto indulget, & proceres quosdam velut affectatæ tyrannidis reos oculis multans, maximum odium fibi conflat, inde victus à *Bulgaris* prælio, etiam in contemptum labitur. Quod perfpiciens *Irene* calliditatis & impotentiaë mulieris grande fpecimen edidit, & quafi non filio fed fibi deberetur imperium, corruptis auro proceribus, *Constantinum* infidiis excepit, captumque & privatum luminibus principatu dejecit, eoque fatis concedente fectura aliquandiu poteflatem exercuit. Itaque *Romani* à quadringentis & pluribus annis capite fuo deftituti, nec jam *Romanum*, (cui tamen urbi nomen & potentiam omnes debebant,) fed *Græcum* habentes Imperatorem, cum primus *Constantinus* à rerum fuffeffu *Magnus* fedem & fplendorem Imperii mutaffet, & fuccedentes ordine Imperatores vel partito inter fe honore alius Occidenti, Orienti alius præfideret, vel antiquo Majeflatis nomine infuper habito, ubivis *Conftantinopolitani Cæfares* & *Græci*

LXXXIII.

vocarentur; rei indignitate commoti, quasi vero Romānæ Majestatis auspicia peregrinis vobabulis essent obscuranda, aut ille Imperator, quem ipsi olim ad urbis Romæ dignitatem, & hoc nomine ad Imperii Romani tutelam, primum regnare passi sunt, & hætenus creaverunt, in alienis ac longe distitis oris, ubi vix auxilium ejus impetrari posset, habitare deberet; aut denique, quod à primis tantæ potestatis initiis nunquam accidisset, vanissimi ingenii feminæ imperium esset committendum; anno qui à Christi Redemptoris triumpho, felici Reip. ordine post octingentesimum primus numerabatur, Carolus Francorum & Longobardorum Regem, in cujus verba jam ante juraverant, ob causam Pontificis cognoscendam Romam ingressum, & tunc forte Numinis sanctissimi aris adstantem, unanimi suffragio applausuque solemniter Romanorum Imperatorem ac Cæsarem renunciant, simulque Pontificis manu corona & insignibus Imperii decorant. Hinc mos inolevit, ut Imperatores Occidentis ab Romanis Pontificibus acciperent Coronas; & Leo quidem III. coronatum ita Imperatorem Carolum, (verba sunt *Adelmi Benedictini*, illius temporis coævi) *antiquorum more principum adoravit*, memor quantum illi deberet Patrono ac Domino: sed successores ejus vice versa Cæsares ad pedum suorum oscula detraxerunt. Tum verò videres, in quantam lætitiā longe lateq; Christianus orbis effunderetur. Populus Rom. recenti Domino suo his vocibus adplaudebit: CAROLO AUGUSTO, à DEO CORONATO, MAGNO & PACIFICO IMPERATORI ROMANORUM VITA & VICTORIA. Statuæ ejus ante aram D. Petri collocatæ, ad easq; præeuntes capite nudo genua submittebant. Hic enim Imperatorum imaginibus honor olim deferabatur. Ipse Augustus una cum Pipino filio, abacum argenteam & diversa ex auro purissimo vasa ad usum abaci templo Vaticano obtulit: Lateranensi vero crucem eximiam, ex hyacinthorum gemmis conflatam, quam Leo in supplicationibus præferri, CAROLO obsequutus instituit. Cum
deinde

deinde templa circumiret, effusæ in publicum virgines matronæque ac pueri contineri non poterant, quo minus propius adire, salutare, contingere conarentur, certatim ruebat, crescebatque semper turba. Numus procul sparsus in vulgus, & tandem multitudo divisa in areas, ædesque sacras, ubi in conspectum se oculis omnium daturus erat, ac sui adpellandi dextræque contingendæ facturum copiam. Tunc ab omnibus repetita ejus in Ecclesiam & Christianum orbem beneficia, laudata pietas, commendata liberalitas, prædicata fortitudo, potentia, justitia, clementia, & in uno homine virtutum summa celebrata est. Cæterum misere falluntur, qui maximum hoc fastigium potestate Pontificis in CAROLUM translatum arbitrantur. Id primum scimus atque agnoscimus omnes, in solius DEI non Pontificis manibus situm esse, transferre regna. Jam vero certum est, neminem tribuere alii posse, cujus potestatem ipse non habuit. Nisi igitur demonstrent Pontificiæ sedis admiratores an adulatores dicam, jus Rom. Imperii penes Pontificem fuisse, vel certe habuisse illum à DEO aut legitimo magistratu mandatum, nunquam nobis fidem facient, à Pontifice Romano datum esse CAROLO imperium. Et Leonem III. tantam tunc habuisse potestatem quomodo probent? Hoc satis in confesso est, & consentientibus verbis Scriptores loquuntur, ipsum Leonem inimicorum acerbitate pressum, vulneribus & æumnis deformatum, inopem extorremque confugisse ad CAROLUM, ut aliena ope, dignitati suæ, restitueretur: propterea qui beneficio CAROLI omnes fortunas suas annumeravit, cur major fuit eo, per quem tantam eminentiam recepit? aut cur potestatem largiri potest illis, quæ ipse suam debet. Frustra insuper desudant, quando sacri officii auctoritate Pontifici licere regnis atque imperiis spoliare Reges atque Imperatores, eaque ad alios ab aliis transferre contendunt, nam si vel maxime in Christianæ Ecclesiæ membra curam aut potestatem talem habuisset, (qualem

LXXXIV;

D d 3

nun-

nunquam habuisse neque nobis nunc exequendum est, & segregata DEI immortalis clementia à Pontificiis for-
 dibus Ecclesia purior pridem agnoyit,) quis dependere
 ab illa civile in omnia regimen certis innixus argumen-
 tis docebit? Sane Christus unicus ille & verus & sum-
 mus, & post quem in terris nullus fuit Pontifex hanc
 doctrinam suo exemplo non approbavit; ille magistratui
 suo, ille Imperatori obediens, etiam more subditorum
 vestigal persolvere non dubitavit. Ante Phocam autem
 exitio Imperii, & Bonifacium III. malo Ecclesiæ natos
 Tyrannos, quis nescit Antistites sacros Imperatoribus ad-
 huc paruisse, licet vergente in deteriora mundi senectute
 ista jam elanguerit obedientia. Si exemplis opus es-
 set, facillime ostenderemus, tam arrogantes homines
 gravissimè suam contumaciam, immisiss à DEO pœnis
 luisse. Monstrum illud & excrementum naturæ Hilde-
 brandus, Henricum IV. Imperio dejecturus, cum auda-
 cissima impietate, Rodolphum Sueviæ Ducem ad sum-
 mam potestatem evehere conaretur, in se pariter ac il-
 lum justissimi Numinis vindictam excivit. Ac Rodolphus
 quidem prælio occisus est, ea manu qua fidem Impera-
 tori juraverat, amissa; Hildebrandus Roma ejectus in
 exilio diem obiit. Et quid verbis opus est? legant isti
 papalium aurium adsentatores doctores suos, suæ reli-
 gionis viros, *Dualliosque & Barclatos* evolvant, ac deinde
 quid Pontifici juris in civilibus superfit, severa æstima-
 tione pensent. Equidem si Pontificum mentem & arca-
 na in hoc negotio spectemus, deprehendemus scilicet,
 eos excusso Græcorum Imperatorum iugo libentius Fran-
 cos Angusteo apice exornatos adspexisse, ut mox quasi
 beneficium ipsi dedissent, horum quoque effugerent im-
 perium, ac soluto omnis obedientiæ vinculo liberrimo jure
 uterentur. Neque corona manu Leonis Carolo imposita
 facit, ut Imperator potestatem suam Pontifici debeat: quip-
 pe coronatio non tribuit imperium, sed tributū & ad-
 signati signum est. Adhæc Pontifex non sua autoritate,
 sed populi Romani jussu atque decreto corona CAROLUM
 redimi-

LXXXV.

redimivit. Ministerio igitur Papæ, consensu Romanorum Imperator declaratus est. Et quod primo loco dicendum fuerat, Romani exemplo à prioribus repetito Imperatorem sibi fecerunt. Videlicet ex quo unius principatus in urbe crevit, ac Cæsares diuturnitate temporis seu fato potius firmarunt potentiam, semper à Senatu populoque Rom. lecti sunt. Quamvis etiam milites, (qui plerunque contemplati frequentiam suam à disciplina desciscunt, & quod cogere se putant posse, rogare non sistent,) aliquando illud jus ereptum irent Senatus, & è suo corpore, aut certe arbitrio suo Imperatorem designarent; nunquam tamen Pontificis Maximi aliquæ in electione partes fuere. Qua fronte igitur Papa sibi arrogavit eam potestatem, quam Senatus modo usurpavit? Huc accedit, quod CAROLUS Italiam jure belli possidens, iustissime titulo Rom. Imperatoris frui posset, ac deberet. Cur enim Constantinopolitani Cæsares nomen Romanorum sibi vindicarent, qui jam pridem Italiæ dominio exciderant. Majestatem autem Imperii noluit obfuscare Deus Ter Opt. Max. quamobrem partæ jam à CAROLO potentiæ hoc velut pondus addidit. Denique consensu Imperatorum Orientis, atque legationibus ultrò citroque missis, satis declaratum est, non vana Pontificis voluntate, sed suffragio Irenes & Nicephori Imperium Romanum sive Occidentis CAROLO firmatum esse, id quod & antea monuimus, & postea exequemur. Licebit hac occasione veritatem prædictionis Danieliticæ admirari, qui stupendi illius Nabuchodonosori oblatus somnii arcana evoluturus, prænunciaverat fore, ut pedes illius imaginis, cujus magnitudine ac diversa membrorum natura quatuor summa regna adumbrabantur, ferro & luto commiscerentur. Illos videlicet pedes, qui Romanorum Imperium denotabant, segnitia Græcorum Principum ac feritate gentium externarum valde hætenus infirmatos & vere luteos fuisse satis constat: postquam autem CAROLUS Imperator Augustus salutatus est, subito Christianæ provincie

vinciæ barbarorum insultibus pressæ respiraverunt, & pedes quæis imperium nitebatur, suum recipere vigorem, ut ex luteis ferrei denuo facti sint, & hac vicissitudine divini spiritus Calor in Daniele certius adparuerit. Ab eo igitur tempore Francos Imperio & Roma prorsus potitos *Zonaras* etiam agnoscit. Quo nomine fortunæ mutationes, ac dubios rerum humanarum casus mirari quis satis queat? quis non diversa præsentibus contrariaque expectatis aut speret, aut timeat? Justiniani illius legum & imperii vindicis, temporibus Franci Italiam invaserant, & hostili impetu per istas regiones erant grassati. Postea ubi Leo Isaurus suscepit imperii fasces, Gregorius II. Papa ab Imperatore tanquam impio defecit, pacemque cum Francis pepigit. Tunc Irene & Constantino imperantibus Leo Pontifex Romam quoque Francos admisit, sic ut cum Italia urbem ipsam sibi vindicaret.

LXXXVI. Quis tum fuerit orbis status, qui gentium concursus, quæ vota videndi aut literis compellandi **CAROLUM**, in illo Romani Imperii novo flore ac magnitudine, legationibus undique imminentibus mox declaratum est. Prima certe Irene, quamvis, ceu videbatur, non tam de amicitia **CAROLI** quam de Imperio suo sollicita, legatos foederis pangendi gratia ad eum misit. Quibus benigne auditis Jesseum Ambianensem Antistitem & Helmogaudum Comitem Francum adjunxit, ut una Constantinopolim profecti amicitiam confirmarent. Sed commorantibus illic Oratoribus Francis novo motu urbs & imperium Orientis concrepuit. Nam impotenter hactenus usam principali fastigio Irenen, Nicephorus optatum quorundam fraude imperio deturbavit, demoramque è gubernaculis in Lesbum insulam relegavit, ubi adpositis custodibus tam arcte habuit miseram, ut mærore contabesceret, actis potentiae annis **xxiii**. Causam tantæ mutationis præcipuam fuisse aliqui contendunt, quod Nicephorus inter **CAROLUM** & Irenen de nuptiis agi, atque uniendis per hocce connubium imperiis consilia misceri comperisset, credens finem suæ potestati futurum,

fi

si Romanus Imperator ultra Italiam & mare Græcum conjugem affectaret. Quamobrem crebris quoque sermonibus Græcum versiculum usurpabat, *φράζον φίλον ἔχει, καίτοις ἐκ ἑστί*, quo CAROLUM quidem pro amico, neutiquam pro vicino sibi placere declarabat. Ne tamen omnem amicitiam respuere videretur, posteriore anno legatos in Germaniam misit, qui cum CAROLO tunc forte ad Salam amnem castra habente fœdus erigerent, idque in has condiciones percussum est; ut alter Occidentis alter Orientis Augusti fratresque essent, & adpellarentur: prout supra, cum de bello Veneto ageremus, exposuimus. Octo dein interpositis annis, sedato nempe belli Veneti turbine pax renovata est, Arsaphio Spathario ex parte Nicephori, Hattone Basileensi Episcopo & Hugone Franco Comite ex parte CAROLI eam conciliantibus. Non multo post Nicephorus, damnum à Crunno Bulgarorum rege illatum vindicaturus in tabernaculo suo perimitur. Crunus direptis stipendiis à Nicephoro submissis exercitui, occupataque Sardica, multa millia hominum occiderat, sed quum Cæsaris iram vereretur graviolem, nulla ratione aut legibus eum ad pacem flectere valuit. Tunc à precibus ad vim conversus, Imperatorem vastationibus agrorum & victoriis aliquot securum, nocturna invasione prosternit, copias ejus occidione cædit, deprædatur castra, & trucidati Imperatoris caput ligno figi, & exponi ostentui curat. Igitur Michael Curopalates Nicephoro, cujus sororem in matrimonio habebat, susceptus Oratores CAROLI honorificentissimè suscepit atque dimisit. Simul cum illis Michaelem Episcopum, Arsaphium nec non Theognustum Prothospatharios, (quos vocant,) ad Augustum Francorum contendere jussit, pacemque à Nicephoro cœptam stabilire. Grata Carolo legatio fuit, præcipue cum se Michaelis literis Imperatorem & Græco vocabulo βασιλῆα salutari cerneret. Neque verò Michael diu Orientem rexit, quin itidem cum Crunno infeliciter confligens, ac fugatus vitam solitariam principalibus curis

LXXXVII

præposuit, & locum in imperio Leoni, viro prudenti, rebusque gerendis strenuo fecit: qui uno ante CAROLI mortem anno sœdus etiam redintegavit. Et hanc quidem cum Græcis Imperatoribus amicitiam facile admisit CAROLUS, & constantissime retinuit. Cæterum longe remotiores oras gestorum suorum fama impleverat, & ex intimo Orientis recessu Aaron Persarum Rex in venerationem adductus est. Quod hac ferme occasione contigit. Ultimo octavi seculi Christiani anno Augustus totius terrarum orbis pacem animo complexus, Zachariam Sacerdotem Hierosolyma ablegavit, ut è Patriarcha, (quem vocant) illius loci Reip. Christianæ statum, & Christianorum illic degentium fortunam cognosceret. Cum eo Lanfredum & Sigismundum nobiles Francos, nec non Isaacum gente religioneque Hebræum, Persicæ linguæ peritum ire iussit, ut speculati prius Africam Aaronem Persiæ Regem suo nomine salutarent. Et Zacharias quidem Sacerdos cum monachis aliquot octingentesimo anno redux, tolerabilem Christianorum conditionem visus est declarare, allatis muneribus quibusdam piis magis quam magnificis, clavibus videl. sacrosancti sepulcri ac Calvarii montis vexillo: simul nuntiabat affore mox legatos Persarum Regis, & munera etiam ex Africa. Neque sefellit opinio. Circa ipsum illud tempus, quo Imperator Augustus summi fastigii honore cumulatus est, duo delegati ab Aarone venerunt, alter Persarum nobilissimus, Saracenus alter, limiti Ægypti præfectus; hique studio & officiis Regis sui erga Imperatorem expositis, varia dona, opes ac delicias Persicæ gentis attulerunt, simias, cercopithæcos, pardum, opobalsamum, & odoramenta alia externa: inprimis elephantem qui adhuc in via esset, ac per Isaacum Hebræum adveheretur, nomine Aaronis CAROLO commendarunt: cujus videndi cupidine tactus, ad Liguriam naves fabricari præcepit, quæis Judæus cum stupendo animali reciperetur. Ergo sequenti anno ad Pisanum portum expositus Elephas vix oculos satiare Fran-

Francorum poterat : adeo res incognita & magnitudo feræ , & solertia inter brutorum naturam maximè emicans , eos affecerat. E legatis solus Isaacus reverterat , Sigismundo Lanfredoque sive longinqui torridique cæli insolentia , sive nunquam fido inter nostros Hebræosque collegio , defunctis. Illius Elephanti , cui *Abulabaz* nomen fecerant , spectaculo per annos octo fruebatur Carolus , donec eum in Saxonia , forte rigidioris cæli inclementia amisit. Eodem tempore , velut æmulatione excitatus *Abrahamus* Barbariæ Africanæ Rex oratores ac munera , leonem Marmaricum , ursum Numidicum , Tyrium muricem , peculiare Ægypti Africaeque opes , ad Imperatorem destinavit. ea legatio , quod speculandi potius quam amicitiae causa venisse videretur , quamquam non sine muneribus & benigno responso , statim dimissa est. Sexennium deinde à Persarum salutatione abierat , cum Aaron cœptam amicitiam per Abdellam firmavit , & CAROLO pretiosissima dona Aquisgranum adduci iussit. Erat autem candelabrum ex orichalco , haud modicæ magnitudinis , tentorium byssinum , pallia serica , cum aromatibus ac balsamo : in omnibus eminebat horologium ex orichalco artificiosè structum. Duodecim globuli inerant , quorum singulis ad præterlabentis horæ terminum in subjectam campanulam excidentibus , temporis ratio signabatur. Equites quoque pari numero exornabant opus , qui ad quamque horam singuli ex fenestra prodibant , & in horarium regressi finem horæ nunciabant. Omni honore Oratores culti , ac discedentibus Aquisgrano adjuncti sunt è præcipuis Francorum viri , qui Imperatoris nomine Aaroni munera perferrent. Equi Asturcani & Hispanici multi lento gradu incedentes , item Frisia vestimenta , albedine sua nitentia , canesque venatici , quorum odora vis adeo feris infesta est , ut dentes prius moribundi in corporibus ferarum , quam ipsas relinquant , in donum Persico Regi legebantur. Quæ ubi ille accepit , delectatus generositate equorum , tamque jucundo canum

Spectaculo , maxime felicem CAROLUM cum Ger-
 manis prædicavit , qui hujusmodi venationibus ac
 exercitiis vires durarent , inque eam corporum atque a-
 nimi magnitudinem excreverent , ut merito terrarum
 imperium possiderent. Igitur quo animum Christianis
 cupientissimum declararet , Palæstinam singularibus olim
 DEI operibus honoratam regionem , neque tunc sive anti-
 quæ celebritatis veneratione , sive Christianæ gentis se-
 dibus minus illustrem , cui tum jura dabat , CAROLI
 imperio subjecit ; sed quia remotior erat , quam ut CA-
 ROLUS præsidibus eam suis tuto regendam commit-
 teret , ipse quidem præfectum provinciæ dedit , verum
 omnes redditus , emolumenta , fructus , per Quæstorem
 ad Imperatoris usum transmitti voluit. Hinc sæpius le-
 gati ac Monachi ultro citroque commeabant , & incolæ,
 velut in ipso Ecclesiæ gremio sederent , molliter habiti
 sunt. Ea res fabulis postmodum elata est. Quidam e-
 nim Scriptores Imperatorem trajecisse æquor , & armata
 manu Palæstinam recuperasse tradunt : certiores nihil ta-
 le habent , sed quicquid Imperatori juris obtigit , Aaro-
 nis munificentia tribuunt. Id Eginhardi testimonio con-
 stat , Aaronem omnes sui temporis Reges amicitia CAR-
 ROLI posthabuisse , quemadmodum & Adelfonsus Ga-
 lœciæ Rex , (cui auxilia contra barbaros submissa supe-
 rius exposuimus) tanto honore eum coluit , ut non ali-
 ter quam *proprium* ejus adpellari vellet. Scotorum vero
 Reges in literis tanquam *dominum* compellabant , seque
servos ejus ac *subditos* profitebantur. In gestis Anglorum
 quæ *incerto Authore* circumferuntur , reperio literas , quis
 fœdus inter Carolum nostrum & Offam Angliæ Mercio-
 rum Regem confirmatur , simulque Anglis religionis gra-
 tia proficiscentibus liber ac immunis à vestigalibus com-
 meatus per omnes Francorum provincias conceditur , cæ-
 teris autem negotiatoribus , ut tuto ac nemine prohiben-
 te rebus suis incumbere , mercaturamque exercere pos-
 sint. Tali modo apud exteros majestate propagata , ni-
 hil eorum domi , quæcunque ad exornandam imperii maje-

LXXXVII.

majestatem faciebant, neglexit. Præcipue in publica opera magnos sumtus fecit. Aquisgrani templum magnificentissimum in honorem B. Virginis Mariæ ædificavit, ad cujus structuram, cum aliunde habere non posset, columnas & marmora Roma atque Ravenna advehi præcepit; sic instauratam cancellis ac januis è solido ære fabrefactis illustravit, auroque argento & luminaribus ornatissimam reddidit. Hanc Leo Pontifex, dum erat in Germania, consuetis ceremoniis inauguravit. Budæ etiam, quod ante indicavimus, ad memoriam devictæ gentis Hunnorum ædem sacram erexit. Prope Moguntiam ubi Rhenus quingentos passus latus est, flumen ligneo ponte stravit, cui extruendo decem anni cesserunt: neque tamen aliquod tanti laboris emolumentum consecutus est, quum uno, qui obitum ejus præcedebat, anno subito igne totus conflagraverit: quanquam pro ligneo ponte lapideum substituere cogitabat, nisi mors consilia interrupisset. Molitus est etiam duo regalis magnificentiæ palatia, unum Ingelhemii, unde originem suam traxit, alterum Noviomagi, qua Vahaldis præterlabitur: sed ea penitus perfecta non sunt. Præcipue tamen ædes sacras, ubicunque vetustate collapsas compertit, per Episcopos & Abbatès, ad quorum curam pertinebant, restaurari jussit, usus legatorum opera, qui rem strenue urgerent. Bello Pannonico maximæ molis opus aggressus est. Persuasus enim à quibusdam est, *hominum labore effici posse, ut à Danubio in Rhenum navigaretur*, si inter Rhedonesium & Alemannum fluvios Nariscorum fossa duceretur; terram uligine palustri madentem facile daturam aquas, quæ utrique flumini committerentur. Nam Rhedonesius Bambergæ Mœno, & hic Rheno Moguntiaci miscetur: Alemannus autem in Danubium devolvitur. Igitur CAROLI jussu maximus Francorum, Bojorum, Suevorumque numerus cogitur, qui fossam trecentos pedes latam, duo millia passuum longam pararent. Totum autumnii tempus tam præclaro conatu absumptum est. sed fortuna non favit labori, cælumque

Ee ;

ipsum

ipsum prodigiis iram naturæ ostendit. Immensi frumentorum acervi, memorante *Aventino*, & omnis generis granorum reperti in campis, quæ si pecus gustasset, protinus concidebat, si homines usui suo præparare vellent, farina sub manibus evanescebat. Noctibus auditæ sunt voces mugientium & lascivientium, confusi circa superiorem fossam strepitus. Accedebant imbres, in loco per se palustri; ideo quicquid terræ interdiu egerebatur, noctu humo relabente subsidebat. Sic vana fuit omnis industria, prorsus quasi DEUS testatum cuperet, fines quos ipse terris ac fluminibus posuisset, nullis mortalium viribus transferri aut mutari posse. Italiam majestatis Imperatoriæ sedem maxime excoluit, ejusque amplitudinem Pipino filio dum viveret, commendavit. Cujus rei illustre exemplum Florentiæ dedit. Hanc celeberrimam olim Etruriæ urbem, iniquitate temporum desertam ac civibus orbatam, cum postremò Italiam invisit, restituit, & variis modis ad majora incrementa produxit. **LXXXIX** Tam splendidum imperii corpus, ne velut soluta compage diffunderet, firmissimo legum vinculo continere statuit. Ante omnia quæ religionem & res sacras concernebant, egregie disposuit. Sacra volumina h. e. universum Veteris ac Novi Testamenti codicem, librariorum inscitia, segnitie lectorum, imperitia interpretum, incuria seculorum depravatos ad amussim & veritatis fontem correxit. Extare decretum ejus publicum *Goldastus* ex *Aventino* meminit: neque permisit in divinis lectionibus, durante sacro ministerio, inconditos solécismos & barbarismos obstrepere. id opus Albino mandatum est, atque editionis hujus exemplar *Baronius* ad manus se habuisse testatur. Ad sectanda divini Spiritus oracula, Christi que Servatoris unici placita, universos sine discrimine coëgit. Memoriam Sanctorum, qui pro incorrupto DEI honore exquisitos cruciatus sustinuerunt, & à crudelissimis Christianæ fidei persecutoribus extincti sunt, summa industria colligi, & ex antiquis Eccle-

Ecclesiæ Patribus recenferi jussit, quò in publicis cultus divini festivitatribus prælegerentur. Legendi canendique ut peritissimus erat, sic carmina & cantiones sacras, quæ DEUM placari nobis credimus, opera *Pauli Warnefridi* edidit: quod institutum hodieque in templis viget. Bello Beneventano, quum Romæ inter Gallos & Romanos disceptatio oborta esset, utri accuratiore sono cantilenas sacras modularentur, ipse Romanis palmam tribuit, ac peritissimos artis secum in Galliam avexit. Festos solennesque dies, sive Christi nativitas, sive resurgentis triumphus, sive cœlestis ad Patrem reditus, sive Sanctissimi Spiritus in Legatis suis divino igne repletis efficacia celebraretur, summa reverentia coluit: neque minus Joannis Christi præcursoris, Divorumque Petri ac Pauli, & quos olim Christiano cœtui colligendo DEUS viros sanctos destinavit, memoriam veneratus est. Exoptanti aliquando duodecim *Augustinos* atque *Hieronymos*, præceptor *Alcinius* respondit: Tu vero, Rex, una vice tot habere desideras, quorum tamen Divina Majestas centum annis vix duobus usa est. Sacerdotibus serio injunxit, ut diligenter literis operam darent, pure ac emendate scriberent, & publice in templo munere erudiendi plebem fungerentur; itemque avaritiam, gulam, cauponas, negotia profana, mulierum commercia vitarent, aut neglectis hisce, sacerdotio cederent, tribuve moverentur. Controversias ab Episcopis semel dijudicatas non permisit retractari. De cætero novas leges parcissime tulit. CLXVIII. capita sive regulas ad formandam in justum ordinem disciplinam sacram, è conciliis Patrum jussit adornari, admonuitque Episcopos, ut ne latum unguem à decretis istis recederent, sed quantum in viribus esset, studiosè illa conservarent. Mandavit etiam per literas Pipino filio Italiæ Regi, sacerdotes ab oneribus variis, quæ sub Longobardorum regno premebantur, immunes præstaret; eorum exemplum *Sigonius lib. quarto historiarum* recitat. Plures ducatus, præfecturas, sacerdotia nulli commisit, etiam

etiam alios sibi beneficiis devinciendos esse distitans. In Episcoporum Senatum haud temere quempiam adscivit, nisi prius probitatem ac eruditionem ejus explorasset. Incognitos aut quos antea non probatos haberet, ad tantum munus non extulit, luxuriæ, avaritiæ, ambitioni deditos removit, neque voti sui compotes fecit. Hildegardi Reginae pro sacrificulo suo intercedenti, idoneo, respondit, etsi pauperi destinavi: Imperatorem mentiri, aut fallere neutiquam decet: nec immortalis DEO obrudendus est talis Episcopus, cujus vitam, mores, & tantone oneri par sit, ignoramus. Episcopum Moguntinum, quod crucem auream, distinctam gemmis gestaret, severissima oratione coercuit: eidem avaritiam, & superbiam pro concione exprobravit, indignabundus & clamitans, En, ait, pastores nostros crucem Christi professos, qui spreta cura, & pascendarum ovium solitudine, ostentatione, opibus, luxu, Imperatorem opulentissimum lacestant. Quendam pridie feriarum D. Martini designatum Episcopum, quod is auctus tanta dignitate amicis cœnam exhibuisset, ac, uti sit, mero se nimium onerans, somno deinde oppressus, noctu divinis rebus non interfuisset, rursus sacerdotio movit: negligentem & intolerabilem fore ratus, qui vel primo die Numinis iram effugere non posset. Alium itidem accepta dignitate gestientem, & ab humo in equum sine suppedaneo, uno impetu insilientem revocavit, vales, inquit, ut video, viribus, & eques es haud contemnendus: tuam operam in bellis, ubi virtus enitescat, præstabis, proinde ignobili & corpore minus valido gregem Christi pascendum relinque. Patrum conventus de corrigendo Ecclesiæ statu quinque locis instituit, Rhemis, Moguntiaci, Cabiloni, Arelate, Turoni. His cætera oppida contributa, & unum quodque juris potiundi gratia finitimum sibi conventum petere jussum est. Ita solutos sacerdotum mores ad frugem antiquitatisque æmulationem reduci posse speraverat. Sancivit porro, ut in primaria cujusque regionis urbe, quam *Metropolim* Græ-

XC.

Græca voce dicunt, pontifex, & prætor ter quotannis, Aprili nimirum, Octobri, ac Januario jus dicerent, responsa redderent, & primum pauperes, viduas, pupillos, dato his prudentissimo patrono, diligentissime audirent, reconciliarent inimicos. Lites in diem ne differrent vertunt, neve calumniis locum facerent. Opulentos quidem ac locupletes, Antistites, Præfectos, si forte animos concordia jungere nollent, ad se delegarent. Huic judicium labori certos sumtus definivit, quotidie Pontifici quadraginta panes, gallinas tres, porcellum unum, ova quindecim, in potum modios tres, equis totidem avenarum modios: Prætori panes triginta, modios duos, cætera tantundem statuit. Vetustissimæ Francorum legi *Salicæ* capita quædam addidit, alia correxit. *Lex autem Salica, prædia salica, Clientes salici*, dicebantur, quæ ad aulam spectabant. hinc *Salicus codex*, qui nobis hodieque *Salbuch* est, emanavit, ubi regię impensæ, vestigalia, & prædiorum redditus describebantur. Igitur de monetis, mensura, ponderibus, ut per omnes Romani Imperii oras ad æqualitatem redigerentur, sanxit, easque constitutiones legi *Salicæ* addidit. Nationum omnium quas imperio suo regebat, jura quæ lucem nondum viderant perscribi ac lilleris mandari, curavit. Barbara & antiquissima carmina, quæ priorum Regum res gestæ celebrabantur, jussu suo in unum conductâ, memoria comprehendit. Disciplinam militarem severius exercuit. Militibus, qui strenue rem gesserant præmia constituit, negligentes notavit ignominia, ut & laborem debito honore pensaret, & ostenderet, se non minus quam hostem metui debere. Frementè Saxonico bello, cum duo gregarii milites, facta testudine munitissimæ urbis aggeres perrupissent, ac confregissent portas, pro concione ambos laudavit, ac præfecturam ipsis inter Rhenum Alpesque concessit. In eadem expeditione tyrones duos, licet vulgo conceptos, fortiter in medios hostes investos, cubiculariorum suorum numero adscivit. Duorum regulorum filii adolescentes, jussi stationes noctu servare, quod vino largius æquo indulse-

rant, somno gravi opprimuntur: CAROLUS ut consuetudo ejus ferebat, evigilat, ac media nocte, cum paucis circuit castra, exploraturus num omnia decenti ordine gerantur. Ubi somno sepultos offendit, præterit quidem, & ad tabernaculum redit. Postridie tamen advocato concilio sciscitatur, quidnam illi commoverissent, qui Principem & caput Francorum manibus hostium exposuissent. Isti, cum primum sententiam rogati essent, immemores hesternæ culpæ suomet voto sese condemnant, ac hominem capitali pœna afficiendum censent. Ergo Imperator graviter increpitos ignominiaque notatos exauctorat, cæterum incolumes dimittit. Milites datis nominibus sacramento adacti in ejus verba juraverunt, se illi secundum DEUM devotissimos fore, neque pro ejus ac Reip. salute mortem recusaturos. Facientibus iter nihil præter ligna, herbam, aquam licuit auferre, nemini pulum aut ovem aut tale quid rapere tutum fuit, tanta modestia transire agros coëgit, ut non modo manus, sed ne vestigium quidem cuiquam pacato nocuisse deprehenderetur. Ebrietatem audaciæ ac securitatis præcipue ministrum summo studio prohibuit; si quem vino superatum offendisset, postea per omne tempus aquam potare compulit. In eos, qui absque missione signa atque militiam deseruissent, capitali pœna animadvertit. Munia bellica detrectantes prædiis, villis, agris, donisque militaribus privavit, & ad alios illa transtulit. Qui verò morbo aut senectute à malitia liberabantur, certam æris summam penderunt; hunc enim censum accuratissime exegit, quem Germanicis vocabulis *Heerschuld* & *Heerbann* ab exercitu, vulgus *Raifgeld* ab expeditione nuncupavit. Censum (*Rünigensteuer* & *Fahnlehen* vocant) quinque denariis constantem modius frumenti quotannis exæquabat. Et ut salubrem magis quàm ambiciosum Principem scires, ne templis quidem onera atque æs militare, cum his veluti nervis Resp. servetur, condonavit. Descriptis autem omnium imperti, præfectorum, præsidum, populorum, familiarum, & in censum relatas habebat opes; is verò

agros,

agros, prata, villas, molas, vestigalia, redditus similes, item jumenta, pecudes, mancipia, supellectilem continebat, hinc quantum singulae urbes numero militum quantum pecunia valerent, clare elucebat, neque viritim, sed pro habitu pecuniarum cuique arma, ferramenta, aes imperabatur, sic ut onera fere à pauperibus ad dites reclinarentur. Quo facto Servium Tullium æquasse mihi videtur, qui primus, tam salutaris exempli auctor, maximum emolumentum generi humano præstitit, ut pro patrimonii, dignitatis, ætatis, artium officiorumque discrimine, quisque tributum in bonum publicum conferret. Sanxit & alia quæ ornamento pacis, splendori ac ordini per imperium inservirent. Mendicis vagantibus quicquam tribui vetuit, alendos esse unicuique regioni inopes suos distitans: sanos quidem ac validos labore victum querere, ac desiderio sufficere manus iussit: Porro opes sacris usibus destinatas in locupletioribus templis in tres partes distinxit, duas egenis, tertiam sacerdotibus permisit. In ædibus tenuioribus donaria æqua lance inter pauperes ac sacerdotes partitus est. Nundinas diebus festis ademit, ne quos veneranda antiquitas honori divino destinasset, pessima immutatione hominum commercio cederent. Ebrietatem & detestandum illum morem, quo dum aliorum salutem bibendo colere putamus, nostram perdimus, ut militibus, ita cujuscunque ordinis, conditionis, sexus hominibus severissime interdixit, vitiorum matrem penitus extirpare adlaborans. Fures, homicidas & hujusmodi crimina committentes, si ad asylum, templumve fuga delapsi forent, repeti aut vi extorqueri voluit. Quod si quis Sacerdotum, Antistitum, sive Præfe-
ctorum reddere illos recusabant, de satisfactione damni caveret, ac juramento confirmaret, si quispiam aufugisset, id sua opera factum non esse. Edixit insuper nescio pietate an prudentia majore, ut quando fames, pestilentia, clades sævirent in homines, aut inclemens scædoque torpore corruptus aer premeret terras, non expectatis decretis suis subditi statim ad clementissimi Numinis auxilium confugerent.

XCI.

rent, ejusque misericordiam supplicibus elicerent votis. Præsertim si victus inopia & fame urgerentur, quisque pro virili alimoniam suis procuraret, ac diligenter caveretur, ne intolerando pretio annona veniret, aut extra imperii limites distraheretur. Ipse jus summo studio dixit, sæpius mane dum indueretur; tanti apud eum temporis jactura erat: simul ministris aulae, quicquid eo diè expediendum foret, injunxit. Uno per omnes septimanas die præsens causas dijudicavit; non tamen promiscuè eas cognoscebat, neque aliàs ad ipsum provocabatur, nisi cum populus injusta judicum ordinariorum sententia se gravatum putaret, aut res judicio eorum major existeret: prout declaratur constitutione illa, quam *Lipsius* in librum secundum præceptorum civilium retulit. Devictis Langobardis non defuerunt, qui CAROLO suaderent, ut omne nomen Langobardorum in Italia extirparet, fecissetque fortassis ultro, ad subtrahendam novorum motuum materiem, nisi invidiam Italarum veritus fuisset. Erant namque Italicæ genti longa consuetudine adeo innexi, ut indiscrete propemodum viverent, præsertim in his urbibus, quæ sub ipsius gentis imperio per annos 200. & amplius fuerant. Igitur administrandarum rerum facultate adempta, nihil acerbius in eos statuit, ac tantum leges novas ad edicta Langobardorum, quas præsens usus desiderate videbatur, adjunxit. Menses totius anni & ventorum plerosque patriis, h. e. Germanicis vocabulis insignivit, cum antea non amplius quam quatuor ventorum nomina Germanico sono frequentarentur. Et Januarium quidem *Wintermonat* / Martium *Yengmonat* / Aprilem *Ostermonat* / Novembrem *Herbstmonat* / Decembrem *Heiligmonat* vocavit: cætera apud *Eginbardum* reperies, nec operæ pretium fuerit, singula huc transferre. Tentavit etiam Grammaticam artem patrio sermone introducere, nec tamen perfecit. Quoniam qualis in imperio ac regnis, regendaque per orbem terrarum pace belloque Rep. fuerit CAROLUS, exposui; nunc familiarem ejus vitam, qui-

XCII.

quibusque moribus atque fortuna domi & inter suos egerit, paucis perstringam. *Matrem* Bertham, quam filii pietate ac reverentia semper coluit, post memorabilem Saxonum cædem ad Asam flumen, amisit, ac regio more ad S. Dionysii propter Parisios, mariti ejus tumulo inferendam misit. *Sororem* quoque Gislam summo honore prosecutus est: hæc à primis juventæ annis vita solitaria DEO servire desideravit, & in eo vitæ genere mortem obiit. *Fratri* Carolomanni fata superius executi sumus. Duxisse primam uxorem, Gallienam Gallastriæ Toletani Regis filiam *Cuspinianus* scribit, ceteri de Luitberga Langobarda pronuntiant. Hanc Desiderii Regis filiam non diu in matrimonio habuit, sed anno verrente, velut prædiximus, repudiatam patri remisit, permittente magis quam approbante matre Berthā, quæ præcipua connubii conciliatrix ægre disrumpi adfinitatem videbat. *Baronius* celebris occasionum captator, Imperatorem tum temporis à Pontifice Stephano deterritum fuisse sub interdictione sacrorum scribit, ne cum tam fœda gente sanguinem misceret: id cum, quod sciam, nullus scriptorum moneat, nos homini sua relinquimus. Mox Hildegardem è gente Suevorum nobilissimam feminam & omnibus muliebris sexus dotibus præcellentem in matrimonium accepit. hæc sex liberorum parentem fecit: è quibus Carolus & Pipinus hic Italiæ, ille Germaniæ & citerioris Galliæ Reges, in flore ætatis, vivente patre absumpti sunt; Ludovicus Aquitaniæ Rex regnorum & imperii hæres extitit; filiæ tres, Rotdrudis, Bertha, Gisla innuptæ vitam transegerunt, quamquam illam majorem natu Constantino Græcorum Imperatori desponsatam fuisse ferant, sive mater Irene, sive mors Rotdrudis mox infecuta connubium distraxerit. Defuncta Hildegardi paulo ante obitum Berthæ matris, Frastradam Rodolphi Comitis Francorum filiam uxorem habuit, è qua duas suscepit filias Thedradam & Hildrudim: sed ea quoque satis concedente, Luitgardim Alemanam sibi sociavit, cujus tamen matrimonii possessio ster-

rilis fuit. Cum Leonem Papam reduci Romam imperaret, rursus conjugebatur, & paulò post decoratus imperii insignibus Irenes Orientis Imperatricis nuptias per legatos expetivit, sperans utriusque imperii opes connubio copulari isto posse. Irene satis ad id propensa fuit, sed Aëtius spado tanti negotium momenti dissipavit, & Nicephorus ad gubernacula productus, Irenen cito potentia dejecit, velut supra narravimus. *Concubinas* deinde legitimo matrimonio superinduxit, quarum una Rothaidem filiam, Mathalgardis Rothildim, Gersvinda Saxonici generis, Adeldrudim, Regina Drogonem & Hugonem filios, Adelvinda Theodoricum, Himmeltrudis Pipinum gibbo deformem ipsi procreaverunt. In hisce Carolus, quod & *Baronius* recte judicat, minor se ipso inventus est, quod matrimonii castitatem fœdo concubinarum amplexu maculaverit. *Nepotes* è Pipino Italorum Rege vidit, quos inter filius Bernhardus Patrem in Regno excepit, cæteræ neptes cum filiabus CAROLI pari honore & cura educatæ sunt. *Filios* quumprimum ætas idonea sufficeret, liberalibus studiis admove-ri, dein more Francorum equis, armis, venationibus exerceri: *filias* lanificio adfuescere, colo & fuso, ne per otium torperent, operam impendere, & ad omnem honestatem erudiri voluit. *Liberorum* tantam in educatione curam habuit, ut cum domi requiesceret, nunquam absentibus illis cœnaret, nunquam sine illis iter faceret. Adequitabant ipsi filii, filiæ verò pone sequebantur, quarum extremum agmen è satellitum numero delecti claudabant. Illud summopere mirandum fuit, quod cum venustissimæ formæ natas haberet, & paterno amore eas prosequeretur, nullam unquam marito elocaverit, & contubernio earum carere se non posse constanter affirmaverit. Quamobrem domesticis infortuniis maculatus altò silentio pressit dolorem, ac si nulla probri suspicio unquam extitisset. Duabus maximè *conjuratibus* impetratus, feliciter ultus authores, evasit. Una Germanorum fuit, qui Hatrado Comite præcipuo seductore in caput ejus scelestas consilia agitaverant, sed detestis insidiis com-

pre-

XCIII.

prehensi, partim oculis privati, omnes in exilium missi sunt, neque quisquam illorum capite pœnas dedit, exceptis tribus, qui ne comprehenderentur, strictis gladiis se defensori, ab immissis trucidati sunt. Altera majore periculo constitit. Dimisso enim à Pannonicis tumultibus milite, & soluto Ratisbonæ conventu, qui refellendis Elipandi erroribus institutus est, CAROLUS cum paucis regni negotia expediebat, magis mulierculæ implebant aulam, Frastradæ reginæ officia præstantes. Id animadvertens Pipinus quem nothum CAROLI ex Himmeltrudi diximus, de patre tollendo, immutandaque regni forma cum Francis quibusdam artes & consilia communicat. Igitur nocte, quæ meditatam facinus proximè antecedeat, in templo conveniunt conjurati, specie pietatis ac religionis nefaria consilia agentes. Forte fortuna sacerdos Langobardus delitescens in templo omnia excepit, nec moratus diu, intempesta nocte ad CAROLUM venit, omnemque conjurationis seriem aperuit. Statim conscii sceleris conduntur in carceres, Pipinus in cœnobium detruditur. Dum judicium exercetur, & quæstiones habentur de conjuratis, CAROLUS ad Pipinum nostrum delegavit, qui exquirent ab eo, quam pœna conjurantes dignos censeret. Tunc Pipinus hortum, steriles herbas evellens, repurgabat, & intellecta adventus legatorum causa, si Rex, inquit, hoc institutum meum sectatus fuisset, non ego miser ulterius ingrata lucis hujus usura fruerer. Cum legati verborum summam non percipientes, ulteriori interrogatione eum fatigarent, nil verbis opus esse respondit, irent modo & Regi hæc renunciarent. Reversis conqueruntur de Pipini superbia, quasi contemneret Regis imperium, vix tria verba respondisse, quæ quidem animi sensa non explicuissent. Intellexit CAROLUS responsi vim, & conjuratos partim capite multavit, partim in crucem egit: unum in altissimo monte arcem unde longe lateque prospici posset habentem, in cacumine ejus montis suspendi jussit. Causa conjurationum Frastradæ reginæ crudelitas fere-

ferebatur, quæ virum sua natura clementem ad asperiora aliquando impelleret. Illam crudelitatem non esse ferendam conscii facinorum tumida jactatione inter se mussabant, & ob unius feminæ impotentiam virum seculo suo majorem tollere decreverunt. Index ad ampliore dignitatem promotus præmia fidei suæ accepit.

XCIV. His atque aliis rerum humanarum miseriis jactatus CAROLUS magis atque magis oculos suos ad beatissimam illam æternitatem sustulit, ac subinde suprema fata præmeditans disponere res suas, & regnorum curam inter filios distribuere decrevit. Octavo ante, quam decederet, anno ultimæ voluntatis *testamentum* fecit, hoc ordine ut Galliæ pars cum Hispania, Vasconia & Narbonensis provincia, Tarantasia & Cottiaë Alpes Ludovico obvenirent; Pipino Langobardia, Italia cum adjacentibus à septentrione Germanicis regionibus atque Bojaria cederent; cæteram Germaniam, Galliam Lugdunensem, Celticam, itemque Saxones, Suevos, Belgas, CAROLUS major natu possideret. Dati tamen cuique fratrum in alterius ditione agri & urbes, quo facilius alius alii auxilio esse posset, ac si quem mors, nullis relictis liberis rapuisset, fratres majori concordia hæreditatem adirent. Hoc consilio, ut si forte Pipinus terris eriperetur, quicquid Lycum Padumque interjacet, simul læva Italiæ, Hadriaticus sinus ac ducatus Spoletanus CAROLI fierent, quæ verò supra Lycum Pipini fuissent, nec non dextram Italiæ ac Insulas Tyrrhenas Ludovicus obtineret. Si Carolus decederet Ludovicus Galliam Celticam, Pipinus Germanias acciperet. Si Ludovicus diem obiret, Pipinus Galliam Narbonensem, Hispaniam usque ad Iberum, (nam ibi Francorum imperium finiebatur,) Carolus Aquitaniam & Vasconiam sibi vindicaret. Si contingeret, ut fratrum alicui mortuo liberi superessent, illi cum patruorum consensu patri in regno succederent. Hortatus est adhæc filios suos, ut suo exemplo moniti Ecclesiæ patrociniū pro viribus susceperent, foverent ejus alumnos, removerent hostes; Sorores nubere cupientes

tes pro dignitate generis viro illustri collocarent, solitariam vero amplectentibus vitam necessaria laute subministrarent. Ipse denique quamdiu vitam protraheret, summam in omnia regna potestatem sibi reservavit. De cætero figmentum est in cerebro *Baronii* natum, quum propugnare audet, Imperatorem de rebus Imperii Rom. nihil sanxisse, quod eam quidem successionem potestati Pontificis reservatam vellet. Ineptum esset multis talia exsequi, quandoquidem & *Ithegannus* cujus verbis testamentum CAROLI recitat *Baronius*, alto silentio ea involvit, & verò *Eginhardus* cum cæteris certatim reclamationat, prout mox Ludovici exemplo monebimus. Illud forte non omiserim affirmare, prudentissimum Imperatorem gravissimis inductum rationibus, ut inter fratrum tres illo adhuc tempore neminem ad Imperium extolleret. Omnem thesaurum & res quæ moveri possent, per unam & viginti metropoles quas vocant, dividi voluit. Eæ fuerunt Roma, Ravenna, Mediolanum, Forum Julii, Gradus, Colonia, Moguntiacum, Salisburgum, Rothomagus, Treviri, Montium, Lugdunum, Rhemi, Senones, Arelatum, Vienna, Tarantasia, Ebrodunum, Burdegala, Turones, Bituriges; quod legatum solennibus literis confirmatum, statimque à Ludovico post mortem patris præstitum est. Auream præterea mensam, & tres argenteas, quarum una Romam, altera Constantinopolim, tertia orbem terrarum pulcerrimo artificio cælatum habebat, vendi ac pecuniam pauperibus erogari jussit, ut quem vivum clementissimum patrem experti essent, ejusdem beneficia post obitum quoque agnoscerent. Septem deinde interpositis annis, quum Carolum & Pipinum filios præmatura morte sibi præreptos, & se parum integra ætate, nec rebus agendis amplius idonea esse, cerneret, Ludovicum filium, spectantibus atque consentientibus regni proceribus, consortem imperii laborumque socium ac Comitem renunciavit, jamque intuens illum, accede, inquit, Ludovice fili, & coronam capiti tuo, non tam dignitatis ornamento, quam regnorum ac Reip. Christianæ

XCV.

XCVI.

*praesidio latus impone, ac mecum una Imperium auspiciis posthac consiliis moderare. Deum illum omnipotentem metue, dilige, praeceptis ejus obsequere; tutare Ecclesiam & ab impiis erroribus immunem praesta; sorores & necessarios omni amicitia & officiorum genere cole; Doctores sacros & animarum curatores summa animi observantia venerare; cum subditis Tuis veluti liberis age; quorum consiliis uteris, fac pios illos fideles, prudentes, & avaritia inimicos habeas; temere verò aut inconsulte neminem ministrorum exauctora, aut abs te remove. Sic dimisso in Aquitaniam Ludovico acquiescebat paulatim CAROLUS, satisque jam domi, satis foris sibi videbatur fortunatus, nisi quod exhaustum immensa laborum, negotiorum, onerum mole corpus, coelestem requiem & amplexus Creatoris sui desideraret. Cujus quidem voti compos, satiatus terrena gloria, nec minus adversis probatus, anno post communicatum filio Augustæ dignitatis apicem factus est. Versabatur tum Aquisgrani, sæpe venationibus, quas valetudini suæ accommodatissimas ducebat, indulgens, cum media hyeme valida febris torpentem primo afflixit. Id morbi genus sentiens, ut in febribus solebat, ab omni cibo abstinuit, ratus hoc remedio vim ejus depelli aut certe minui posse. Verum accedente lateris dolore, quam *pleuresin* Græci vocant, illoque inediam adhuc retinente, nec aliter quam rarissimo potu sustentante corpus, septimo postquam decubisset die, quum annum ætatis LXXII. attigisset, regnaret XLVI. Romani Imperium orbis administraret XIII. percepta prius sacra communione, in sua resolutus initia, animam cælo, terræ corpus reddidit. Mors ejus evidentissimis ostentis præcognita est. Nam pons, quem ad Moguntiam Rheno commiserat, tribus horis, velut prædiximus, conflagravit; & cum aliquando in via esset, fax ignea medio aëre volitans tanto impetu latus ejus strinxit, ut cingulum ab ense dissolveret. Palatium Aquense vexatum terræmotu fuit. Templum etiam augustissimum, quod Aquisgrani perfecerat, fulmine quassatum, & nominis inscriptio, qua PRINCEPS CAROLUS denotabatur, sic adusta est, ut literæ, quæ PRIN-*

PRINCEPS referebatur, penitus delebantur. Solis tandem & Lunæ fulgor, sex ante mortem ejus diebus atro colore immutatus fertur. Defunctus igitur est Princeps animo maximus, corporis vigore acerrimus, secundis non elatus, nec adversis fractus, prorsus utrique fortunæ par, laborum patientissimus, inprimis bellicæ militiæ, non otio castrorum adfuetus, tantis denique adornatus virtutibus, quantas vel natura mortalis recipit, vel industria perficit. Religionem Christianam, qua ab infantia imbutus erat, ardentissima pietate excoluit, eo usque per assiduam ejus meditationem evehit, ut ipse præceptor Albinus, & alii sanctissimæ disciplinæ doctores in gravissimis fidei momentis consilium atque judicium ejus expetiverint. id quod vel ex literis, quas *Baronius* Annalibus inseruit, ad CAROLUM ab Albino, à CAROLO ad Albinum missis, evidenter apparet. Verbi divini dulcedinem, efficaciam, solatia impigre sectabatur, mane & vesperi sæpe nocturnis horis templum ingrediens, curabatque ut cuncta, qua par erat honestate gererentur, ædituos creberrime commonens, ne quid indecens aut sordidum inferri sacris ædibus, sive in illis servari permetterent. Sacrorum vasorum ex auro & argento, & vestimentorum sacerdotalium ingentem suppeditavit copiam. Eruditione in liberalibus studiis prout ipse pollebat insigni, sic doctores artium & disciplinarum summo honore affecit; Scholas etiam, Academias, Collegia ubique excitavit. Ferunt illo tempore viros duos cum Britannicis mercatoribus ex Hibernia in Galliam delatos, quum alii suas merces proponerent, magna voce exclamasse, *se sapientiam venalem habere*: Verba à multis excepta passim ludibrio aut admiratione hominum circumferebantur. Tandem perlato in regiam rumore CAROLUS accersitos eos de venali merce adpellat, rursusque professos sapientiam, qua mercede venditam vellent, interrogat, & postquam victu & vestitu docentium vendi illam expositum esset, CAROLUS unum Parisios, alterum Papiam collocavit,

XCVII.

cura negotii Albino commissa, qui incrementa harum Scholarum debita opera promoveret. Devictis Saxonibus Osnabrugæ Collegium instituit, speciatim edicens, ut in eo Græci Latinique Scriptores explicarentur. Neque verò industria ejus ibi substitit, unde cœpit, sed institutas semel Academies omni studio fovit: cujus rei memorabile & dignum magno Principe exemplum habemus. Accidit enim aliquando, ut facturus periculum de puerorum profectibus, quos Parisiis Clementi Scoto commiserat, orationes, carmina, panegyricos, scripta alia exhiberi sibi juberet. Ubi tenuiores præter spem profecisse, Nobiles verò gaudiis corporis deditos, cultum animi neglexisse deprehendit, illis ad dexteram segregatis, *vos quidem macti virtute, inquit, estote, filii pi-
entissimi, qui nostro Imperio gnaviter defuncti estis; vestra e-
runt sacerdotia locupletissima, & Pontificatus maximi. Ego
vos in Aulam adscisco, ex vobis Senatores cooptabo, vos in Cu-
riam Patrum, & album Prætorum adlegam. Deinde ad
Nobilium liberos versus, quos à læva collocarat, vultu
præferens iram animi, vos, ait, comatuli ac delicatuli,
freti opibus & splendore parentum, nostram Majestatem spreveritis,
vitia, otium, luxuriam & inertiam literis virtutibusque præ-
tulistis. Jubeo & DEUM Immortalem testor, nihil penitus com-
modi, honoris, ne obolum quidem ab Imperatore vestro, cujus
jussa adspernati estis, expectabitis. Faxo ut omnibus mortali-
bus ludibrio vivatis, & in vos exempla edam, nisi resipueritis,
& negligentiam expiaveritis futura diligentia. Illustravit illam
ætatem rarus quidem, tamen aliquis doctorum virorum
proventus. Paulinus Patriarcha Aquilegiensis in re sacra ce-
leberrimus, Concilio Francofurtensi præcipue claresce-
bat. Alcuinus item præceptor CAROLI nostri inter prima
eruditionis sidera numerabatur. Paulus autem Diaconus in
percenfendis superiorum seculorum gestis occupatus fuit.
Hunc everso Langobardorum Principatu in Galliam ave-
ctum CAROLUS multo amore profecutus, libertate e-
tiam donavit. Sed deinceps intentum novis molitioni-
bus, atque de Regis Desiderii fuga consilia agitantem in
Dio-*

Diomedæas insulas seposuit. ibi Paulus exilium aliquot annos tolerans, postea rogatu Adalpergæ Beneventanæ, (hæc Desiderii filia fuit) Eutropii historiæ aliquot libros adjecit, ac Cæsarum Romanorum vitas à Juliano ad Justiniani tempora pertexuit. Reconciliatum extremo senectutis spatio Imperatori fuisse, carmina ultro citroque missa satis ostendunt. Inter Gallos *Isnardus* quidam ad imitationem Eusebii Sanctorum æta brevi stylo consignasse traditur. Talis circa religionem & præcipuum ejus fulcrum eruditionem conservandam **CAROLUS** fuerat, cui proposito cæteri mores, & vita omni virtutum experimento clara egregie respondebat. Homines peregrinos ut arcta amicitia, principali liberalitate, & numero fere gravi aulæ suæ fovebat, sic ipse vestitu patrio h. e. Francico utebatur. Lineis primo indumentis totum corpus tegebat: deinde tibialibus ac tunica involutus, quæ limbo serico ambiebat, fasciis crura, & pedes calciamenti constringebat, & ex pellibus murinis confecto thorace humeros ac pectus hyeme muniebat. Sago Veneto amictus & gladio semper accinctus erat, cujus capulus ac balthæus vel auro fulgebat, vel nitebat argento; habebat & ensẽ gemmis distinctum, quo tamen non nisi in præcipuis solennitatibus, vel si quando exterarum gentium oratores adessent, conspiciendus erat. Peregrina verò vestimenta neque unquam sibi adplicabat, & acerrime oderat, semel tantum Romæ, petente id Adriano Pontifice, & iterum Leone successore ejus supplicante, longam tunicam & chlamydem sumebat, atque calcæis Romano more formatis incedebat. In solennibus ac festis diebus, vestem auro textam, & calciamenta gemmata, & sagum fibula aurea adstrictum gestabat, diademate quoque ex auro & gemmis conflato ornabatur: cæteris autem diebus habitu non multum à privato abhorrente dignoscebatur. Cum Germani Francique Gallorum saga virgata imitarentur, & in eo habitu coram CAROLO comparerent, indignabundus, *hem*, inquit, *Germani mei, Francique Gentium domitores, mali ominis res*

XCVIII.

est, quod in habitum illorum, qui imperio vestro subiecti sunt, transeatis. Vos Gallorum vestes, illi animam vestrum vobis auferent. Quid laceri isti panni, ne medium quidem corpus regentes, non aestum, non frigus arcentes, vos juvant? statimque edicto, ne posthac Germaniæ importarentur inhibuit. Dotibus etiam, quæ vulgus inprimis ad maiestatis venerationem inducunt, nequaquam caruit. Corpore fuit amplo atque robusto, statura eminenti, quæ tamen iustam non excederet, nam septem pedum suorum menuram explevisse, ex Eginhardo constat. Apice capitis rotundo, oculis grandibus ac vegetis, naso paululum mediocritatem excedente, canicie pulcra, facie læta ac hilari spectabatur; unde auctoritatem stanti ac sedenti maximam formæ amplitudo conciliabat. Quanquam cervix obesa & venter projectior videretur, tamen hæc cæterorum membrorum celabat æqualitas; incessus firmus, totaque corporis habitudo virilis erat. Voce quidem clara utebatur, sed quæ minus corporis formæ conveniret, valetudine prospera, præter, quod antequam decederet, quatuor annis crebro febribus maceraretur, ad extremum uno etiam pede claudicaret, & tunc quidem plura suo arbitrato, quam medicorum consilio faciebat, quorum operam pene exosam habuerat, cum assas carnes, quæis adsuetus erat, ipsi interdixissent, & elixis vesci suassissent. Cibo nunquam diu abstinere poterat, sæpius adversa valetudini suæ jejunia querens. Convivabatur rarissime, nec nisi solennibus ac feriatis diebus, simulque adfidente magno hominum numero. Cœnam quotidianam quaternis ferculis præbebat, præter carnes ferinas, quas venatores verubus admotas tostasque mensæ inferebant: hoc enim esculento mirum quantum delectabatur. Vini quoque natura parcissimus erat, nec amplius ter bibere super cœnam solebat. somnum, (nihil enim omiserim) noctu sæpe interruptit; cum membra sopori dedisset, è cxx. satellitibus semper quadrageni in vicem succedentes, corpus ejus custodiebant. Æstate tribus aut quatuor horis pomeridianis dormivit. Noctu, quoties

ties aliquid occurrebat, in pugillares sub lectulo positos coniecit, ut memoriæ consulere. Pauperes atque egenos, maxima cura, opibus, liberalitate adjuvit. Nec tantum in patriis regnis aut imperio penuriam illorum sublevabat, sed ubicunque per Syriam, Ægyptum, Africam, Hierosolymas, Alexandriam, Carthaginem, Christianos emendicata stipe vitam tolerare audiverat, liberalissima manu pecuniam submisit. Ob hanc maxime causam Regum exterorum amicitiam expetens, quod Christiani sub imperiis illic mitius tractarentur. Igitur domi suis exopratus, foris amandus, exteris metuentus, cunctis venerandus vivebat, denique illum fortunæ adscendit gradum, ut præter splendidissimorum natalium decus, excellentissimasque victorias, & Augustæ dignitatis culmen, extentumque vitæ spatium, cognomen MAGNI consensu gentium reportaret. Quo sicut à primis retro seculis eminentissimos quosque viros notatos fuisse scimus, ita CAROLUM gestorum suorum magnitudine istos omnes æquasse liquido deprehendimus. Mortis autem ejus fides quum primum gentibus facta est, velut unanimi mœrore ac planctibus omnes provinciæ personabant. Subditi & inopes Imperatorem & patrem patriæ benignissimum, devicti justissimum victorem, cæteri fortissimum virum, totus orbis virtutum exemplar luxit. Sed quoniam recepta cælo anima, atque in terris vigente magni nominis umbra, solæ corporis reliquiæ justis honoribus demerendæ superessent, illæ in templo magnificentissimo, quod ipse Aquisgrani suis auspiciis extruxerat, sua præsentia toties illustraverat, ac devota pietate sanctius atque augustius fecerat, solennibus ceremoniis conditæ sunt. Corpus exquisitis odoribus perlitum, accinctum ense aureo, & erecto capite in sedem reclinatum est, sceptro quoque ac scuto & cæteris fortunæ insignibus adjectis. Super tumulum arcus erectus, quem auro undique induxerant, cum imagine CAROLI, & hac inscriptione:

SUB HOC CONDITORIO SITUM EST
COR-

CORPUS CAROLI MAGNI ATQUE ORTHODOXI IMPERATORIS, QUI REGNUM FRANCORUM NOBILITER AMPLIAVIT, ET PER ANNOS XLVI. FELICITER REXIT. Epitaphium ab *Aigobardo* quodam consarcinatum, satis rude & sola Authoris sui voluntate laudandum, ne vel minima quis desideraret, quæ CAROLI nostri gloriam propagare videntur, ex Baro- nio adscribere libuit.

*Aurea cœlorum postquam de virgine prolis
Sumpserunt apta Tibi mundi pro crimine membra,
Jam decimus quartus post centies octo volabat,
Annus multivagi, meruit quo fervida seculi,
Ætherei Carolus, Francorum gloria gentis,
Æquora transire, & placidum comprehendere portum.
Qui deciesque quater per sex feliciter annos
Sceptra tenens regni, & regnorum rex regna rejun- gens,
Febru migravit quinto atq; ex orbe Calendas.
Septuaginta senex vita qui terminat annos,
Quapropter flagito precibus si flecteris ullis,
Quique hujus relegis versus, epigrammata, lector,
Astriferam Caroli teneat dic spiritus arcem.*

In numerum Sanctorum à Paschali Papa relatus est, superstitione cum seculo subinde aucta: cæterum honor ejus ac memoria, tum alias, tum quoties Romano- Germanici Imperii initia recordamur, sanctè celebratur.

Nota quadam in CAROLI MAGNI historiam.

Fuerat animus plura, quæ vel in contextu historiæ explicatione non potuerunt proponi, vel aliqua declaratione videntur indigere, in has notas conjicere: sed brevitate temporis & festinatione Typographi impeditus, præter pauca hæc nihil subjeci.

Ad caput I.] Inter majores CAROLI, ut primus ferè CAROLUS MARTELLUS gestorum magnitudine illustravit familiam: ita plerique Scriptores non altius

altius illustrissimæ stirpis initia, quam ab ipso repetunt. *Aventinus* è vetustissimis *Bavariæ* principibus originem **CAROLI** nostri deducit, hac serie, ut ab *Uulone*, [qui frater *Theodonis*, magni *Bojorum* reguli, & à rege *Francorum* *Theodorico*, interioris *Germaniæ* præfectus contra *Danorum* incursiones constitutus fuerat,] *Hugobertum* genitum pronuntiet, cujus porro filium *Aspertum*, ex *Pluthylde* filia *Lotharii* regis *Francorum* *Arnulphum* procreasse, hinc *Angisum*, ac deinde *Pipinum*, ab hoc *Carolo Martello* descendisse contendit, nihil tamen certi affirmare sustinet. *Andreas Ratisponensis*, ab *Arnulpho*, (quem abdicata rerum civilium cura *Metensium* Episcopum fuisse scribit) *Carolinam stirpem* demum orditur, & successionis tabulam hoc ordine comprehendit.

Arnulphus *Metensium* Episcopus,

Angisus.

Pipinus dictus Grossus, Major
domus apud Francos.

CAROLUS MARTELLUS major domus.


Caroloman-	PIPINUS	Gripho.
nus	major domus,	
& mox Rex Franciæ.		

CAROLUS MAGNUS, primum Carolomannus.
REX FRANCIAE, postea ROM.
IMPERATOR.

Ad Caput XLV. de *ROLANDO*.] Hic est ille *Rolandus*, *Caroli* ex *sorore* nepos, cui hodierni *Comites Palatini* originem suam transcribunt. Ejus ut ensis *Durenda*, ac tuba, ita corpus quoque ac magnitudo, miris *Poëtarum* carminibus incluta fuit. Et colossi quidem illi, non *Bremæ* tantum, sed *Brandeburgi* quoque ac in celebrioribus *Saxoniae* urbibus aliis, (vid. *Camer. cent.*

1. c. 82. *horar. subciv.*) erecti immensam magnitudinem præferunt, quæ an tanta in *Rolando* fuerit merito dubitatur. Vide *Hubertum Thomam Leodium* lib. 1, Annal. *Friederic. II.*

Ad caput LI.] Vitekindi stemma ex *Alberto Stadenfi* tale est.



De Regibus Gallix à familia Vitekindi descendantibus ita *Abbas Stadenfis* ad annum DCCC LXXXVI. scribit. *Utho*, (aliis *Otho*) vir militaris ac strenuus, à principibus Gallix Rex creatur in palatio Compendii. Hic patrem habuit, ex equestri ordine *Robertum*, avum vero Vitekindum, (hic nepos Vitekindi nostri fuit) ex Germania profugum. Hæc *Abbas*. Cætera

tera vide in *appendice genealogico Reineccii*, qui spectata industria hæc omnia evoluit.

Ad caput LXXX. de Castello Hochburg] *Hamburgum* denominari, jactaque tum initia Episcopatus & urbis declarat *Albertus Stadenfis* ad annum DCCGX. vid. & M. *Adami Hist. Eccles.*

Cap. xc. *Legi Salica capita quedam addidit.*] Pauca sunt & partim obscura, quæ Scriptores de emendatione legis Salicæ per Carolum instituta habent. Nobis in tanta brevitate non est consultum plura vel evolvere, vel addere. Tantum de nomine legis Salicæ, ejus auctore, & quo tempore primum lata sit, aliqua ex *Camer. hor. subcissiv. part. 3. c. 64.* subjiciemus. *Salica legis nomen*, inquit, non deduco à *Sala nobili quidem flumine*, scaturiente de monte *Pinifero Voislandia*, interfecante *Thuringiam*, quod tandem ab *Albi* absorbetur, sicut multorum opinio est: sed de *Sala Francica*, qui fluvius oritur prope *Haspergicam Sylvam*, non ita pridem ob latrocinia insamem, ad confinia comitatus *Hennebergici*, longoque tractu, versus partem Septentrionalem *Franconia* illam, qua à sexto & postremo circulo vel cantone *Nobilitatis Francica*, *Ræna* & *Werda* vocatur, cursum suum absolvit, & prope oppidum *Gemundam Rheno* commiscetur. Hoc *ἔτυμον* verius esse multis rationibus comprobari posset: inter quas non postrema sunt, quod *Conradus II. Imperator Salicus* cognomen hoc ab his *Salis Franci* traxit; vetulie n. originem ad *Francos* veteres: tum quod loca, ubi domicilia auctores hujus legis habuerunt, vetera sua nomina pleraque retineant, & in hodiernum diem ibi arces nobilium sunt. Ex quibus præ cæteris celebres sunt, arx condominorum *Salzburgum*, ubi regiam suam *Faramundus I. Rex Francorum* habuisse, & *Francoberga* anterior, vel superior, ubi sepultus esse dicitur, &c. Et mox. *Natales Salicæ legis* fluxere jussu *Faramundi I. Regis Francorum*, ope, industria, & consilio quatuor regni procerum, *Wisogasti*, *Losogasti*, & *Husogasti*, & *Soiogasti*. Qui *Gasti* Germanico nomine à sapientia & scientia rerum atque ingenii perspicacia dicti fuere, quasi *Catones*, excellenti spiritus viri, singulis forte ordinibus ab ipso *Faramundo* delecti, ut in commune toti *Fran-*

corum Reip. salubriter consulerent, &c. Iterum: Ad tempus quod attinet, Leges hæ Salica lata sunt, postquam Faramundus primus Rex constituisse regiam quandam gubernationem apud Francos, circa annum Christi ccccxxi. qui incidet in tempora Imperatoris Theodosii Junioris, licet aliqui in Honorii tempus gubernationis illius initium referant, & Bonifacii I. hujus nominis Pontificis Romani. Hactenus Camerarius.

Cap. xcii. Mox Hildegarden in matrimonium accepit.]

Sunt mira & fabulæ omnino simillima, quæ de Hildegardis hujus fortuna, exilio, & refarcito cum Carolo conjugii fœdere, antiquorum monasteriorum annales referunt. Tradunt nimirum, fuisse Carolo à concubina Pipini fratrem Talandum, cui Rex in bellum contra Saxones abiens Hildegardin conjugem commendavit, ut interim curam illius & simul regni ageret. Ille vero correptus libidinis æstu illicitum reginæ concubitum expetiit; quæ ab insaniente homine non semel interpellata, dolo circumventum carceri inclusit quidem, sed sub adventum Caroli regis rursus emisit. Qui scelus scelere cumulaturus, Hildegardin apud maritum graviter desert, quasi ipsa neglectis pudicitia sinibus sui corporis copiam desiderasset. Carolus ira ardentissime correptus, ne audita quidem conjuge oculos ipsi erui jubet. Sed Hildegardis divina ope servata Romam profugit, & concessam sibi à DEO medicam artem strenue exercuit. Fit interim ut Talandus justo Numinis judicio visu privatus, cum nulla medicorum industria restituere oculos valeret, Romam denique cum fratre contenderet. Ibi quum felicitatem Hildegardis in medendo cognovisset, ab incognita tum sibi auxilium petit. Illa remedium offert, sed hac lege, ut prius Talandus omnia, quæ unquam patrasset, scelera sacerdoti confiteretur. Ille exonerato animo visum recipit: at regina per sacerdotem de sua innocentia Carolum interim certiores facit, & causa cognita summo cum honore priori conjugio restituitur; Talandus in exilium pellitur. Cæterum inter Authores nullus est, qui verbo hujus rei meminerit, & si unquam tale

tales quid contigit, id potius ad Lurbergam priorem Caroli conjugem, quam aliqui Hermegardim vocant, referendum esset, quæ repudiata quidem à Carolo, nunquam tamen in matrimonium recepta fuit.

Eodem cap. *Quamobrem domesticis infortuniis maculatus alto silentio pressit dolorem, ac si nullius probri suspicio unquam existeret.* Nescio an Eginhardus, (nam ex eo hæc transcripsimus) respiciat ad furtivum amorem suum, cum filia Caroli, de quo multa quoque hinc inde leguntur, & ne quid desit, nos quoque paucissimis perstringemus. Eginhardus scriba Caroli, Immæ filiæ ejus amore flagrasse perhibetur. Igitur quum aliquando confecta cœna diutius in gynæceo moraretur, & vesanum amorem colloquendo atque amplexibus fallere conaretur, accidit, ut interim altæ nives aream, per quam ipsi cubiculum repetendum erat, contegerent. Hærebant amantes suspensi, & ne vestigia Eginhardi mane deprehenderentur, filia Imperatoris excogitata fraude amorem suum tergo exceptum in anteriores ædes deponit, ac deinde per eadem vestigia gynæceum repetit. Ea nocte, ut sæpe solebat, Imperator de thoro surgit, & applicitus fenestræ, omnem rei gestæ seriem deprehendit. Igitur postero die consiliarios vocat, & exposito facto, nulla tamen personarum mentione habita, quid meriti essent ejusmodi homines, rogat. Illi delinquentes hoc modo, morte dignos censent. Sed Carolus filia & Eginhardo adscitis, & commonefactis hesterni delicti, primum sententiæ rigorem denunciat, deinde increpitos, quod tanto facinore Majestatem suam læserint, ita se penam pariter ac veniam temperaturum docet, ut neque Imperatoriam severitatem prorsus negligat, neque paternam masuetudinem exuat: quibus dictis, ambos matrimonii fœdere junxit, prædiaque ac vicos aliquot in dotem ac vitæ sustentationem genero concessit. Hanc donationem Ludovicus Pius Imp. postea auxisse, & ab Eginhardo hodieque Comites Erbacenses originem suam trahere communiter traditur. Utcumque sit, nihil sane

certi commemorare licet, nec pauci doctiorum inveniuntur, qui fabularum loco hæc omnia æstimant.

Cap. xcix. Aurea cœlorum.) *Cluverus* Epitomator recitat aliud ex Chronico quodam Belgico.

O spes adflictis, timor hostibus, hostia victis,

Regula virtutis, juris via, forma salutis,

Carole servorum pia suscipe vota tuorum.



VI.

RUDOLPHUS I.

IMPERATOR

GERMANIÆ INSTAURATOR.

PRÆFATIO PRÆSIDIS.

PAUCA verba hæc, ut à me huic libello accederent, non opus erat, nisi æquitas ipsa iussisset rem in Academia nostra ita geri, ne quicquam de laboris sui gloria Nobilissimus & Elegantissimus auctor perderet. Qui post egregia ingenii & doctrinæ documenta pridem edita, suo-
pte auspicio & marte in meditationem hujus argumenti cum incidisset, non bonæ tantum electionis, sed scriptionis quoque non infacundæ nomine feliciter profecisse visus est: ita ut præter testimonium eorum, quibus studia sua approbavit, nihil desiderari posset. Quamquam ne hac quidem opus fuisset hedera vino per se vendibili, nisi & consuetudo nostra & notitia Academiæ publica,

blica, candoris hoc officium jam olim nobis commendatum fecisset. Neque enim intervenire calamus noster solet alienis curis, sed præclarorum ingeniorum indelibatos potius fructus Reipublicæ gratulari. Faxit DEUS, ut Gambsiorum antiquæ & nunc florentes gloriæ, novis deinceps incrementis cumulentur semper ac amplificentur; & Joh. Sebastianus noster gentilia & domestica decora, non invidente sed applaudente Dn. Parente, perpetuet superetque. Vale Lector Benivole, & in eadem mecum vota conspira. Scrib. Argent. 1672.

DUbito, num operæ pretium facturus sim, si Rudolphi, Principis ante quatuor annorum sæcula celeberrimi, res pace belloque feliciter gestas perscribam. Quamvis enim optimè mereatur ipsa rerum magnitudo & copia, præterea illustres fortissimi Imperatoris virtutes, ut ad memoriam posteritatis referantur; quia tamen multi ea jam perfecerunt, de quibus pauca memorare in animo fuit; cum veterem tum vulgatam rem repetere, non magni pretii aut utilitatis fore arbitrabar. Cum insuper quorundam scriptorum vanitate historiæ hujus veritatem corruptam, & optimi Imperatoris inclytæ generis famæ, laudi atque æternæ gloriæ non parum derogatum videri possit. Per arduum vero erit aliquid certius adferre, quam quod hucusque per longissimam annorum seriem, in tanta scriptorum turba obtinuit vel prævaluit. Utcunque sit, licebit tamen Rudolphi vitam atque res gestas ex vastis Eruditorum virorum operibus eruere, & in hac qualicunque dissertatione breviter exhibere. Auctores vero, unde excerptimus, hic singillatim enumerare, nihil attinet. Nisi quod ultro intelligitur, ex *Scriptoribus Historia Germanica*, quos eruditi in certa quasi corpora redegerunt, non præteritos esse annos, qui huc congruebant, ipsosque scriptores videri fidemini-

nimirum toties digniores, quoties ad sua tempora & proxime ad illorum vitam, quorum res gestas persequuntur, accedunt. Sunt alii, qui continentibus suis operibus tam insignem temporis periodum inferuere, ut *Sigonius*, *Nauclerus*, *Lehmannus*, & *MSC.* quædam Chronica. Tum, qui *Imperatores* memoraverunt; aut *Austriaca* tradiderunt, ut *Gerhardus de Roo*, *Cuspinianus*, *Lazius*, & præsertim *Speculum Honoris Austriaci Fuggerianum*, gravi auctoris iudicio, utinam & stylo seu dialecto, editum. Hos ubi consentiunt adhibuimus, ubi in diversa abeunt comparavimus, pro virili veritatem & rerum gestarum fidem indagantes. Pauca hæc præfari duximus necessarium: nunc pergamus,

I. si benevoli lectoris veniam sperare possumus. De Augustissima Gentis Hapsburgicæ origine diversas apud scriptores deprehendi sententias, quando novam partim & nobilem, partim antiquam & minus claram eam faciunt. Multi enim ad Noam usque humani generis restauratorem, initium ejus per seriem quandam certissimam referre, ut putant, conantur. Quidam à Julio Cæsare & Nerone Imperatoribus, quidam etiam è Scipionum Gente, vel Perleonum, eam repetendam tradunt. Plerique tamen à Francorum Regibus hanc Domum ortam propagatamque esse sibi persuadent. Sed hæc nimia audacia, aut inepta adulatione evenisse, in promptu est. An igitur ex Suevorum aut Helvetiorum progenie, cui paucissimi favent, deduci debeat, in medio relinquo, benè confidens, me extra reprehensionem fore, si notabili scriptorum varietate de universi Generis elogiis tantum proposita, Familiam brevissimis attigero. Quis primus Comitum Hapsburgensis cognomen, cur, aut unde traxerit, in ambiguo est. De Wernero Pio dicitur, eum primum hoc nomen in publicis nobilitasse monumentis, licet ignarus, credo, quantum nominis majestatem assumpserit, quantum immortalitatis decus sibi comparaverit. Sunt qui ab arce à Rabotho, Werneri tamen fratris sumptu, extructa, & Hapsburgum, sive ab accipitre, sive habendo dicta, nomen accepisse asserunt. Nonnulli putant, Avensburgum, avendi

II.

avendi quasi oppidum, quod postea Abesburgum dictum, proprio nomine signatum fuisse. Cæterum Familiam illustrarunt, Alberti, Rudolphi, Ottones, Werner, pietate, prudentia, fortitudine, rerumque gestarum magnitudine perpetuo memorabiles. Albertus, Rudolphi Cæsaris Genitor, quod consiliis pollebat prudentissimis, nomen sapientis tulit, adeo belli studiis clarus, ut superiorem tum temporis neminem, paucos æquales haberet. Ab Episcopo & Argentoratensibus præfectus electus adversus Comites Pfurteneses, magnum fortitudinis exemplum reliquit, hostibus duobus præliis victis, civitati omnes sumptus restituit. Postea sub auspiciis Friderici Cæsaris in Syriam profectus, diem obiit supremum. Maximum Comitem habuisses Albertum qui fidem in pactis, ardorem in religione, amorem erga patriam, fortitudinem in præliis ostentabat, nisi majorem generasset. Rudolphus enim Habsburgicæ gloriæ Atlas tam animo quam virtutibus tantum parentem honestissima contentione superare nitebatur, imò superavit. Natus autem est Limburgi, calendis Maji anno supra millesimum ducentesimo decimo octavo, quo tempore Otto Imperator, hoc nomine quartus, in fugam elapsus, & Berchtoldus Zaringensium ultimus Ducum à vita subreptus est. Gaudebat hoc ipso puero magnus Genitor, quem Divina Providentia ad alta fastigia destinavit. E fonte lustrico à Friderico Cæsare susceptus, dulcissimum Rudolphi, id est Rathulsi nomen accepit, non sine omine, futurum hunc aliquando esse Eum, qui consilio & prudentiâ rem Germaniæ afflictam esset restitutus. Infantiam imprimis pueritiamque habuit laudabilem, quippe Alberto parenti præcipua in cunabulis de Filio custodia erat, cui virtutum fundamenta, Numinisque venerationem adeo insinuavit, ut ignoraret, natura an præceptis hæc consecutus sit. Sed hæc pueritiæ erant rudimenta, quam quidem in aliorum educatione maternæ plerumque corrumpunt blanditiæ, quod in hoc Principe secus evenit. Accessit enim Genetricis quoque generosus spiritus, quo non foeminas modo, sed

III.

IV.

V.

VI.

etiam Viros, anteibat. Igitur innatus vigor, animique magnitudo in flore juventutis jam talem pollicebantur, quem postea exhibuerunt, cujus præclaræ indolis argumenta ætatem longè prævenerant. Jamque exactis primæ pueritiæ annis in aulam Friderici Imperatoris, arcta propinquitate conjuncti, missus, gravitatem auctoritatemque ita tutatus est, ut inter æquales ingenii præstantia, morum dexteritate, honorum moderatione, omnes excelleret. Cumque vix arma ferre posset per ætatem, quoties Cæsarem conveniebat, toties reliqui Proceres in regia confidentes, surgebant, nescio qua reverentia moti, eum honorificè excipientes. Versabatur eodem tempore in aula Imperatoris quidam superstitiosis divinationibus præditus; præ aliis hic erga Rudolphum benè adfectus, ejus favorem ac gratiam magno studio emerebatur. Cæsari ergo percontanti, cur huic neque aliis in aula ministris tantum exhiberet honorem, dixisse fertur, se cognitum habere, Rudolphum post Cæsarem imperaturum. Multiplici hinc doloris vel indignationis causa commotus Fridericus, & quid potissimum timeret, incertus, sermo, inquit, tuus nescio quod ingens malum præ se fert, sed cave, si quid Tui tibi Cæsaris reverentiæ est, num quod & scire expeto, & quærere decet, futurus est Imperator Rudolphus? Ille vera divinasse indicat, brevi nimirum fore, ut extincta Cæsaris posteritate, in Imperio rerum sit potiturus. Hic certe qualiscunque fuerit, non ex incertis Astrologorum hariolationibus, sed, quod nobilius vaticinandi genus est, ex ipsa virtutis natura, & singulari erga hunc principem reverentia augurabatur. At Rudolphus cognita Cæsaris ira, haud secus quam par erat motus, statuit ab aula recedere: rediisse tamen eum in aulam constat, cum Fridericus Imperator literas, quas immunitatis vocant, postea daret; in his enim Rudolphus inter Comites primus nomen subscripsit, titulum nobilis Comitis de Habsburg sibi attribuens. Cæterum, non poterat quiescere in hoc Principe generosus animus, & ingens gloriæ cupido:

VII.

Ad

Ad rem ergo militarem, quo naturâ propensus ferebatur, animum adiecit, annos omnino sedecim habens. Igitur sub Friderico hoc Imperatore, cui non minus quam parenti se debere confitebatur, prima militiæ deposuit rudimenta, in Sicilia, mox in Italia imminente bello: quo perfecto nuptiis ejus cum Isabella, & conventui ad Moguntiam indicto interfuit. Profectus deinde cum eo Marpurgum, ubi gloriosum Elisabethæ, Andree Regis Hungariæ Filiæ, corpus in numerum Sanctorum relatum est, Præterea in bello contra Fridericum Austriæ Ducem suscepto, insigne fortitudinis specimen eum dedisse constat. Postea vero cum Lombardiam aggrederetur Imperator, & magno cum exercitu Italiam invaderet, num secum sumpserit Comitem, dum nullum apud scriptores extat vestigium, nec affirmare nec inficias ire audeo. Militaverat hætenus sub Imperatoriis auspiciis: postmodum suo ductu cum gereret bellum, quantam rei militaris haberet peritiam, in bello quod contra Hugonem Tieffensteinium ex vicinia Baronem gerendum erat, apparuit. Laceratus fuerat ab eo injuria verborum acerba, quam ulcisci ingenii magnitudini conveniebat. Prius igitur arcem satis munitam, obsidione cingere, deinde oppugnare voluit; verum Tieffensteinus sua militumque fortitudine fretus, arcem summa ope defendere nitebatur. Quare Rudolphus viribus addens consilium, pecunia hostes sollicitavit, ut deserta arce quasi congressuri in campum descenderent: quo impetrato, arcem à suis destitutam intrat, Tieffensteinio valde reluctante, obtruncato. Non contentus hac victoria Rudolphus, dum arma fervent, Rudolpho patruo Lauffenbergæ Domino, quod tutoris officium non rite expleret, sed regiones partim venderet, partim alienaret, bellum inferre decrevit. Populabundi prius magis quam justî more belli villas ei complures devastavit: inde cum atrox exardesceret bellum, maluit Lauffenbergius animum nepotis placare, quam martis discrimen experiri, & locis quibusdam Rudolpho concessis,

VIII.

IX.

cum eo in gratiam rediit. Felici rerum successu invitatus Rudolphus, hortante loci propinquitate, Hartmannum Comitem Kùburgensem consanguineum armis provocavit. Contendebant de hæreditate materna Rudolphus & Hartmannus, illi data certa pecuniæ summa, qua tamen non contentus, ingentem insuper regionis partem postulavit, missis, qui denunciarent, ni detur regio, bellum adesse. Quod cum recusaret Hartmannus, Rudolphus ira accensus, statim in Comitatum Aquensem movit, quo subacto, Vitodurum, Kùburgum & Marburgum petit. Hartmannus quamvis ultima parti, antequam regionem dederet, sibi proposuisset, sententia mox mutatâ, melius pacem facere, quam victoris arbitrium subire autumavit. Post damna itaque utrinque data & accepta, ita paciscuntur consanguinei, ut Hartmannus pecuniam solveret, & regiones Rudolpho permitteret.

X.

Cum vero tam conservandæ quam augendæ laudis atque gloriæ occasionem, ubicunque locorum esset, perscrutatus, nullum sua virtute dignum in Germania reperiret bellum, ab Ottocaro in Curia præfectum receptus, aulicis cunctis præfertur. Erat scilicet Bohemiæ Regis Aula, virtutis theatrum & seminarium fortissimorum Ducum, à quibus num honore magis an amore cultus sit, ambigitur. Ea tempestate nunciatur Ottocaro defectio Prussorum, qua comperta, copias contra hostes educit; bellum exorsis atrox intercedit dimicatio, nec incruenta de Prussis victoria. Fusi enim fugatique obsides dare, Urbem condere, se suæque omnia Regi permittere cogebantur. Rudolphum summam rei tenuisse in hoc bello accepimus: Ottocarus quippe incertus, quem toti præficeret equitatu, solo Rudolphi nomine hostium vires frangi & reprimi posse, ratus, illi supremum militiæ officium desert. Nec vana erat de virtute hujus nobilissimi ducis opinio, qui unico prælio hostium iniquitatem ultus est. Compositis in Prussia rebus, Bela Hungariæ Rex contra pacta Scythiam invadit; Ottocarus extemplo contractis copiis Belæ

Belæ de possessione Stiriaë contendenti supervenit, injustis conatibus resistit, hostium magno numero cæso, delectoque. Rudolphum eidem bello simili felicitate interfuisse testantur scriptores, quo finito ab Ottocaro dignitatem equestris ordinis accepit, & donum magnificentissimum. Dum hæc ita geruntur apud Bohemiaë Regem, Imperator Richardus è vita excessit. Imperium itaque absque capite esse perpendens Rudolphus, urgente necessitate ab aula summa gloria, majori tamen omnium desiderio revertitur in Germaniam. Facile crediderim, tanti Ducis discessum incredibili dolore affectisse Ottocarum, quem nunquam dimisisset, si virtus præmiis compensari aut muneribus adæquari posset; qui nunquam recessisset, nisi charitate patriæ ductus, opem ferre properasset. Perventum erat in interiorem Alsatiæ regionem, omnium rerum copia fertilissimam, in qua bellum conflatur inter Argentoratenses & Præsullem dioceseos Waltherum à Geroldsegg. Causa illius hæc traditur, quod Argentoratensibus jura quædam subducere, leges violare, privilegia infringere, illosque tributis gravare agitaverit. Argentoratenses cum motuum horum compositio traheretur, facta ex Urbe eruptione, montem Haldenbergam depopulantur, & fossam circumjectam terra aliaque materia explent, ne Episcopus haberet, unde ex insidiis Argentinæ damnum inferre posset. Ille graviter hac re perculsus, sub omnium bonorum jactura Ecclesiasticos gravissima execratione obstrictos jussit omnes urbe egredi, ut sacris incolæ privarentur. Interim contractis militibus, Argentoratum quam potuit celerrime obsidere cogitat. In auxilio ejus erant Episcopus Trevirensis, Abbas Sangallensis, Comes Thiersteinius & Rudolphus Habsburgicus. Sed Argentinenses cum Conrado Friburgico, Henrico Neuburgico, & aliis sociis, non castris positis, non expectato hostium exercitu, raptam ex agris vicisque prædam portantes, in urbem redierunt. Ecclesiastici vero majori clade quam commodo bellum geri animadvertentes,

XI.

XII.

res, motus hos, pactis inter Præsulem & Argentinenses induciis, componere tentarunt. Ast Præsul collecto intra hoc tempus milite, agnatisque qui antea ei opem præstiterant, conjunctis, totis viribus, bellum finitis induciis repetit. Diu cum parte exercitus circa urbis moenia hærens, neque frumentum, neque vinum, quorum copia alia loca abundabant, inveni permisit. Non minor Argenteratensium etiam belli adparatus erat, qui & accersitis auxiliis, & Duce indigentes, Rudolphum à Præsule offensus, constituunt. Ad hanc clatissimi ducis præsentiam, effusa magna multitudo obviam procedit; in hunc quasi de cælo demissum universa Civitas oculos convertit, non aliter quam si ipsam victoriam intuerentur. Igitur sub resonantium campanarum strepitu, & gratulantium Civium applausu in urbem remeant, & in area ad ædem Beatæ Virginis Deiparæ, (quæ nostris *der Fronhoff* audit) jurejurando fidem mutuam socii confirmant. Rudolphus hostem ad pugnam provocaturus, cum deletis terras, agros, vicosque Episcopi invadit, depopulatur, ac igne consumit, ablata hominum pecudumque optima præda. Quo irritatus Præsul, Argenteratensium quoque, quas extra urbem habebant, res captas direptasque militibus distribuit, loca quædam arte ademit, inde Molsheimium profectus. Per hoc tempus ex certamine factionum, quæ pluribus populis magis exitio quam bella externa, vel ultima mala fuerunt, eruntque, in oppido Colmaria orto, acerrima animorum durabat disjunctio, cujus altera pars Episcopi suscepit patrocinium, altera ei reluctante. Hujus caput dicitur fuisse Rössellmannus, loci cujusdam præfectus; Is expulsus ab Episcopi adiutoribus, Rudolphum adit, exponens quam facilis fieret hujus urbis occupatio, absque ulla vi, solo adhibito consilio. Rudolphus data occasione mirifice lætus Rössellmanni calido consilio approbato, qui se suosque vacuo includens dolio, noctu in civitatem reclusis portis à consociis intro-mittitur. Igitur ut constitutum erat, accenso stramine per totam urbem dato signo, Rudolphus propius cum exercitu

XIII.

citu venit, & occupatis munimentis, oppressit factionum capita, oppidoque satis valido imposito præsidio, Mülhusium, deinde Keyfersbergam contendit, oppida ut in ea regione & tum temporis clara, quæ ditioni ejus omnia permittebant, firmataque fide reversus est. Appropinquabat autem amœnissimum veris tempus, quo copia pugnandi utrimque facta, Præfulem tertio equo vehementem, quippe duo vulneribus confossi erant, memorabili ad Hausbergam vicit prælio, & pavidum in fugam elapsum insegurus, consequi non potuit. Sunt quidam authores, sexaginta nobili stemmate natos, cum Comite Tieffensteinio & Hermanno Gerolseggio Præfulis fratre, fortissimisque Ducibus egregia morte defunctos, peditum equitumque innumeram turbam cæsam, septuaginta insuper sex nobilium in urbem restibus, quibus Argentoratenses comprehendere volebant, deductos esse, non plus uno Cives amisisse. Sive tanta sive minor victoria fuit, ingens tamen & nescio an major ab iis res gesta habeatur; quippe pro sua & omnium posterorum libertate pugnarunt, quæ clarissima victoria in perpetuum eos nobilitabit. Episcopus turpi fuga mortis periculo evitato, fera poenitentia ductus, non multo post ex animi ægritudine à vita excessit. Adeo destinata, fortuna omni ferocia potentior, salubriter discusfit, dum Imperium quod mente complexus erat, non obtinuit, sed & quod habuit, amisit. Num huic prælio Rudolphus quoque interfuerit, aut præfuerit, auctores multum discrepant: Nolo tamen hæc ad fortissimi comitis insignis famæ non modicum incrementum aptissima, refellere aut affirmare. Inter hæc Tigurini duces spectatæ virtutis & disciplinæ militaris peritum, quo ingruente bello uterentur, postularunt: oblatum ab iis honorificum munus Udalricus Regensbergicus, Dynasta potens & fastuosus, temere aspernatus, dixit, non quidem indigere civibus, eorum tamen defensionem suscepturum, si dominium ejus agnoscere vellent, sin conditio minus placeret, scirent, ut pisces nassis includantur, ita Tigurinos à se captum iri. Illis superba responsione vehementer

XIV.

XV.

ter offensis, perniciosæ hujus arrogantiae vindicandæ maturata obvenit occasio. Rudolphus enim tanquam illustre sidus componendis tantis fluctibus tempestivus adfulsit, quem militiæ præfectum denominant. Perichitatur ille rursus virtutem, fortunamque nunquam indulgendo sibi fatigatam, tanto majori animo, quod ad oppugnandum Regensbergicum, hostem hæcenus infensissimum, justam haberet causam. Is nuntio de electo novo Duce percepto, ita terrefactus est, ut Nidovios, Toggenburgicos, Homburgicos, Ringensbergicos & alios plures non modo agnatos, sed amicos adjungeret. Tigurini licet viribus longe inferiores, nihilominus instructa acie elato hosti occurrunt. Commisso prælio, Rudolphus magnam de hoste reportavit victoriam, qui necessitate adactus, arcem Regensbergam, aliaque suæ ditionis loca vendidit, pretiumque ex iis militi stipendio numeravit. Laudare eam, lætarique Tigurini, omnia subigenda tam ob patriam quam ob justam iram infestis signis pervenere eo, unde assiduas incursiones in agrum suum hostis moliebatur. Rudolphus obsessa arce Utenberga, præalta & munita, sed expugnandi pariter, ac cogendi ad deditionem spe amissa, in locis propter propinquitatem notis, sedatis armis, consilio dimicavit. Regensbergicus ex hac solebat indies equitare cum duodecim equis albis, secum habens albos quoque canes, ipse & servi æquè albat. Hoste pro more egresso, Rudolphus eodem equitum & canum, albo itidem colore, trepidè ad arcem pervenit, persequentibus acerrime Tigurinibus: Custodes, suos redire credentes, portam aperiunt, sed una etiam irruerunt persecutores. Tum victa oppidanorum vis, dejectisque propugnatoribus, occupantur muri: Arx etiam quæ inexpugnabilis videbatur, inter tumultum capta est & eversa. Inde Glazenbergam simili astu captam direptamque, profectus, reliquis castellis brevi post aut vi aut deditione in potestatem redactis. Regensbergicus hoc modo omni jam ditione privatus, ab omnibus jam desertus, ad hostem magno fortunæ ludibrio confugere, annuamque pensionem à clementissimo victore implorare necesse

necesse habuit. Adeo maxima quæque in lubrico sunt, & audaciſſimas hominum ſpes, quilibet ex improviſo caſus eludere poteſt. Rudolphus vero haud dubie omni bellica laude dignus, virtutis tale documentum Tigurinis probavit, ut gloriarentur nunquam optata exitum deſeruiſſe, quamdiu Rudolphi opera utebantur. Dum hæc geruntur apud Tigurinos nova belli ſemina ſparguntur, quæ magna animi conſtantia ſuperanda prius erant, quam amplum honoris templum conſcenderet. Episcopus enim Henricus Baſileenſis, Neoburgo & Briſaco hoſtili impetu occupato, Stelliferiſque ex urbe ejeſtis, Hartenbergam arcem paulo ante extructam, Blodeſhemium, oppidum, Otmarſenam, Rhinfeldam & Klingenam, loca dittoni Habſpurgicæ ſubjecta, non expreſſa belli cauſa adortus, crudeliter in ea graſſatus eſt. Accedit, quod imperioſa Baſileenſis plebs, credo furoris inſania magis quam injuriarum ultione, ſelectiſſimos equites, tam propinqua cognatione ſtirpi Habſpurgicæ adnexos, quam Rudolpho in paucis chariſſimos, finito certamine equeſtri, erga uxores civium nimio amore incenſos, obtruncaverit, trucidaverit, & quod dictu horrendum, humi poſtratos, pedibus tamdiu conculcaverit, donec miſerabili morte deſungerentur. Inſtigabat ad vindictam Rudolphum, perpetrati ſcleris magnitudo & atrocium injuriarum multitudo: Sed in ipſo belli apparatu diſtriſto Berchtoldus Abbas Sangallenſis moram injecit. Itaque dilata in proximum ſacmoris ultione, cum Abbate ad Hugonem Wirtembergicum proſectus, ei contra Montfortios opem tulit; inde cum rediſſet, cogitatum bellum ab utraque parte ſtrenuè paratur. Episcopus cum Udalrico Ferratano ſœdere in decennium percuſſo, ab Argentoratenum Præſule auxilia accerſit. Rudolphus interim monaſterium Grandisvallis exurit, arce Tieffenſteina deſtructa, relicto Neoburgo, Baſilæe ſuburbium incendio vaſtavit, Episcopo in Secconium tantum ſaviente. Comes ex hibernis exercitum movens, urbem ipſam aditurus,

XVI.

XVII.

Kk

per-

percepit Abbatem, antea amicum nunc hostem, magno copiarum numero suas laceffere regiones. Quare consilia agitari cœpta, utrumne ultra suscipiendum esset bellum, an deferendum, si pax certa & honesta, victoria sperata longè tutior meliorque, haberi posset. Ipse Rudolphus non aliud tempus magis postulasse pacem censebat, vires enim distrahere, inconsultum esse, neque facile præstare vel conducere cum duobus habere dissidium, nisi cum altero quis in gratiam redeat: Plura etiam se merita ab Abbate accepisse, illum à se pauca, constebatur. Et si hoc non esset, scire omnes, belli eventum incertum esse, & sæpius animosius sumi quam geri. Facile ratio tam salubris consilii accepta est. Itaque paciscitur cum Abbate, sed exemplo inter pauca magnanimitatis specimina memorando: Modico quippe præsidio hostem præsentem adit, alloquitur, mitigat, tantâ prudentia, ut operam copiasque ipsi sponte polliceretur. Quibus auctus de novo in agrum Basileensem arma intulit. Aderant ibi & Tigurinorum auxilia valida & opportune missa. Quo autem felicius, quandocunque vellet, Rhenum transire posset, perspicaci ingenio singularem prorsus modum navium fabricandarum excogitavit: solutiles illæ erant, modo plicari, explicari rursus, ac curru vehi accommodatæ; his ex improvviso hoste frequenter oppresso, igne ferroque agrum illius perdidit, ut solitudinem faceret: quicquid usui serviebat corruptit, sterile ac nudum solum relicturus. Cæterum non ipse modo obibat urbem, jugum adhuc recusantem, sed milites quoque ipsius pleraque invaserant. Aliquando obequitantem conspexit Hugo Mariscalcus urbis consul: itaque ad insequendum eum parva manu venit, ignorans, qua insidiarum fraude circumiretur. Siquidem Rudolphus suis mandavit, ut ruentibus in se supervenirent, ac magna clade prosternerent. Mariscalcus cupidine captus, hostem invadere satagens, ab insidiatoribus comprehensus, & occisus est. Rudolphus ne quid inexpertum omitteret, cum diffi-

XVIII.

difficilis hujus urbis occupatio videretur, donis Episcopi amicos corruptit, ut facta defectione ad eum transfugerent. Episcopus quod omnia indies arctiora fierent, territus, inducias ab eo in quatuordecim annos petit & obtinuit. Dum vero sic Rudolphus obsessos urget, Cæsaris ac Imperatoris nomen sortitus est. Hic vero interrumpendæ sunt res Rudolphi; & quomodo hoc factum sit, ut dignitas hæc Comiti non Regi deferretur, qui status rerum, quæ consilia Principum, Civitatum vires, Nobilium potentia, quique animorum motus tum fuerint, breviter exponendum. Res vero ipsa postulat, ut à malorum in Imperio maximorum auctoribus, Gregorio, Honorio, Innocentio, Hadriano, egregiis Pontificibus auspicemur. Hi enim astutissimi, ad minuendam Imperii Romano-Germanici Majestatem intenti, fraudulentas artes, nefanda scelera adhibuerunt, per quæ dissidiis & internecivis odiis inter Imperatores ac Principes concitatis, eò penetrarunt, ut octodecim tandem per annos vastum Imperium absque capite fuerit. Fridericus quippe, cum injusto anathematis fulmine excommunicatus, ab amicis desertus, fortunaque destitutus corruebat Imperii Majestate decessisset: Conradus ejus filius in hoc perturbato statu superstes, imperii cura feliciter suscepta feliciorum quidem ominabatur progressum. Sed vicit mox Pontificum astutia, autoritate religionis fulta atque armata, Conradusque insidiis Manfredi circumventus, periit. Misera erat ista tempestate rerum facies, quod contra Leges & Imperii jura exteris Regibus summum fastigium deferretur. Henricus enim Thuringus, Wilhelmus Hollandus, Richardus vero & Alphonsus exteri, artibus Pontificum electi, legitimo non tantum nomine, sed justo quoque titulo carebant. Cum itaque magis arma, quam leges eo tempore dominarentur, Principes jura Imperatoris ad se pertrahebant: Civitates inito primum communi fœdere Principum consilia reprimere libertatemque obtinere quærebant, postea tamen pariter & Principes in societatem adducentes. Nobilium im-

XX.

primis etiam magna libido fuit , qui ex arbitrio cuncta composuerunt , invaserunt , ac diripuerunt. Sed nullus erat , qui afflictam Rempublicam sublevare , concussam stabilire , neglectam , imo fere amissam respicere modo cogitabat. Hac igitur miseranda tempestate , quæ nunquam satis deplorari , nunquam satis curari potuit , acerrimi hætenus hostes ipsi Pontifices commoti , crescentibus indies malis remedium adhibere intendebant. Nam Gregorius decimus Electoribus Francofurti comitia celebrantibus , denuntiavit , ut Imperatorem eligerent , non tam qui Ecclesiæ provideret , quam qui collapsam ferè Rempublicam restitueret ; si minus , se de consensu Cardinalium Romani Imperii ultimo exitio præventurum. Electores habitis Comitibus nuntium de repentina Richardi morte accipiunt ; Itaque Comes Tirolensis Meinhardus , Princeps famæ celebritate conspicuus , tres totius Germaniæ Athletas , Bernhardum Carinthiæ Ducem ; Albertum Gorithiæ Comitem ; & Rudolphum Habsburgicum Principibus imperii honorificè commendavit. Cæterum ambitioso conatu Ottocarus Bohemus , empto Ottonis Brandenburgici suffragio , & nonnullis aliis quoque inter Ordines pecunia corruptis , imperium affectabat. Ad discordiam ergo re denuò inclinante , vicit Rudolphi fatum , cuius virtutis experimenta , morumque documenta , gravi sermone Wernerus Moguntinus deprædicaverat. Omnium itaque consensu potestas denominandi quem vellet Imperatorem , Ludovico Palatino traditur : Ille diu multumque reluctatus , ad ultimum Electorum fretus unanimi conspiratione , Rudolphum ad Cæsaream dignitatem provexit. Crederes hujus futuræ Majestatis tot victoriarum gloriam quasi prænuntiam fuisse , adeo , ut nihil ei deesse imperatorium , quam imperium videretur. Subito hinc Henricus Pappenheimius Imperii Ensiser castra Rudolphi ad Basileam posita intrat , & Imperatorem eum salutat. Altera die Burgravius Noribergensis gratulabundus eandem augustissimam dignitatem , Principum

pum diplomate ac decreto electionis confirmatam, annuntiat. Somnio similis res Rudolpho videbatur, vixque initio fidem habens, mox divinam inde providentiam conjectans, & gratias agere, & Electorum voluntatem approbare voluit. Fama, ut solet, non castris tantum, sed tota quoque urbe discurrit, aliorum studio, aliorum eminente indignatione. Itaque à præsenti multitudine inter faustas acclamationes Imperator consalutatus, exemplo cum Præsule pacem initurus, captivos pristinae restituit libertati, missis qui nuntiarent, se Cæsarem, injurias oblivisci illatas, & cuncta, si supplex venerit, ignoscere. Præsul hac re attonitus, erectis in cælum manibus, exclamavit: O æterne Christe firma Solium Tuum, ne hic Te Comes deturbet; certissime enim credo, fortunam, quoties de cælo delabitur, toties hunc Comitem superfundere. Cumque bellum inferre non posset, ad gratulandum Rudolpho, etiam reconciliandum legati, his pacis conditionibus revertuntur: ut Henricus Præsul oppido Neoburgo derelicto, nongentarum argenti librarum, vulgo marcas vocant, summam solveret, in carcere detentos dimitteret, ejectosque ex urbe reduceret. Præsul subita mutatione quam maximè perturbatus, eousque doluit, ut ex mœrore vitæ periculum contraheret. Inter hæc Legati undique Basileam confluerant, precantes, ut felix ille, felices omnes sub Imperio ejus viverent. Miserat Argentina quoque statim ab initio Legatos, qui Civitatem Rudolpho honorificentissime commendarunt. Cæsar legationem benignè acceptam non solum dimisit, sed ipsam Urbem confestim petiit. Offerebantur ei Argentinæ dona, vinum generosissimum, frumentum, & jugera, & pretiosissimæ gemmæ: Nec ipse tantummodo, sed Conjux quoque splendidis onusta muneribus, magno numero navium Rhenum transit, ut una cum Cæsare coronaretur. Iter hinc Moguntiam pronuntiavit: eò cum perventum esset, regalibus ornatur, quæ tot prædecessores ingenti pecunia obtinere nequiverunt. Francofurtum vero cum Conjuge, liberisque, inde Aquisgranum contem-

XXI.

XXII.

dentem comitantur Principes, Nobiles, multique Argentiniensium, in quorum omnium illustri conventu Rudolpho & Annæ uxori Diadema imperii solenni ritu imponitur. Cumque iusjurandum à Principibus exigeret, nonnulli absentiam reliquorum, alii sceptri defectum causari, recusarunt. Ille arrepto Crucis Signo, *hoc, inquit, inimicos, hoc Imperii Majestatem violaturos, pedibus meis subjiciam.* Adeo hæc verba animos Principum penetrarunt, ut crucem exosculati, sub Sacramenti religione auxilia contra rebelles hostiumque vires pollicerentur. Nocte autem, diem inaugurationis subsecuta, ferè simile in cælo apparuisse crucis signum fertur, primùm candidæ, postea in ruborem sanguinis transformatæ, tanto ignis fulgore, ut omnes qui intuerentur, vel in admirationem ducti, vel tacita religione territi fuerint; unde cælum ipsum, quæ hic acta fuerunt, confirmare videbatur. Rudolphus Aquisgrani ita moratus, Principibus convivio adhibitis, arctissimum sædus per matrimonia Filiarum sanxit, memorabili fato, quo tot potentissimorum Principum vires una dies conjunxit. Cum jam Aquisgrano discederet, percepit Gregorium decimum Pontificem Laufannam pervenisse, quo iter instituens, confirmatur à Pontifice ea lege, ut intra anni spatium Romam ad insignia Imperii accipienda adiret. Promisit insuper ducenta aureorum nummum millia expeditionem in Palæstinam suscepturo.

XXIII. Rudolphus ad restaurandam Rempublicam intendens, contundere superbos, coercere latrocinia, subigere rebelles, auctoritatem suam firmare, imperioque splendorem reducere in animum induxit. Nil tamen sine consilio Principum facere volebat: Quippe Nonbergam indictis comitiis omnes eo vocavit, & convenerunt, præter Otocarum Regem Bohemiæ & Henricum Ducem Baviariæ, qui postea Herbipolim citati sunt. Principes constituta die rursus congregati, expectarunt eorum adventum, cumque iterum comparere refragarentur, Cæsar in aliud tempus rejecta inobedientiæ pœna, Friderici Zollerensis consanguinei, Burggravii Noribergensis, titulo adjecit digni-

dignitatem hæreditariam. Aliis deinde Augustæ Vindelicorum celebratis Comitibus, ex Austria, vicinisque locis legati de sævitia & crudelitate Bohemæ Regis questum venere, qui sacris profanisque violatis, domi etiam foeminarum virginumque corporibus vim inferret. Jamque toties vocati Ottocarus & Henricus, ad perferenda mandata legatos miserunt. Erat inter illos Bernhardus Seccoviensis Præsul, omnium astutissimus, & ad fallendum egregie compositus: alter vero Henricus Oettingensis, melioris notæ habebatur. Cum admissi essent, in illustri Principum coròna Bohemus nihil aliud egit, quam ut Cæsaris electionem omnibus modis improbaret: Bavarus vero ut inobedientiæ causam non minori facundia quam prudentia exponeret. Igitur Seccoviensis Præsul è vestigio in Bohemiam reversus, indicat Regi, Germanorum Principum iram ex habita oratione gravissimam. Ottocarus irridens hæc, immodicus æstimator sui, Imperatoris, Principumque Germaniæ potentiam ludibrio habere cœpit. Has ob causas Cæsar, Electores, Principes, durante Comitiorum tempore, legant ad eum Burggravium Noribergensem & Henricum Basileensem antistitem, hac denuntiatione, ut Austriam, Stiriam, Carinthiam, Carniolam, omnesque ditiones malis artibus occupatas, sub fide imperio redderet. Legati Ottocaro mandata exposuerunt; ille ferox, temere viribus suis fretus, in hunc modum responderet. *Rudolphus antea famulus, meoque imperio obnoxius, nunc, ut dicitis, Imperator, indignus, cui tot Reges obsequantur, à Rege Bohemiæ etiam obsequium petere non abhorruit: Sed video quod severus maximè & superbus fiat, ex humili vilique erectus, cum tamen nihil tam instabile, tam fluxum sit, quam potentia non sua vi nixa. Nunquam igitur Ottocarum Regem, Rudolpho obediturum significetis; sin hoc responso ladi se iudicaverit, belli fortunam experiri posse, se tamen, ut pacem præferat, ei consulere.* Legati nondum soluto conventu Cæsari referunt, quàm Bohemus infestum adhuc animum habeat, quæ contumeliosa verba emittat. Hac re Principes concitati bellum Ottocaro inferendum decernunt, & Bavarum, quem

XXIV.

XXV.

quem in suas partes attraxit. Sed Germania prius pacanda erat, quam bellum in exterarum regiones proferendum, ne dum hostem procul quæreret, domi majore jactura aleretur. Wirtenbergicus enim Comes Eberhardus senior, homo sublato admodum supercilii, qui se solius DEI amicum, totius vero mundi hostem profitebatur, Marchione Badense, compluribus Sueviæ Comitibus adjunctis, per Alsatiam, Sueviam, Franconiam Orientalem imperii ditiones, multa suæ potestati subjecit. Cæsar itaque à Genero Ludovico Palatino adjutus, pace domitis data, Ergovia, Brisgovia, Turgovia quoque recepta, Bavarum Bohemicis subsidiis nixum, aggreditur, ac primo prælio quosdam fudit, quosdam cepit, cæteris fuga elapsis. Henricus exigua quidem clade adfectus, cum fratre tamen in gratiam redire, & veniam à Rudolpho petere coactus est. Sed novissima hæc victoria instrumentum sequentis erat.

XXVI.

Quippe Ottocarus Rex Bohemiæ, cujus frequens supra mentio occurrit, per annos jam viginti duos Austria positus, imperium Rudolphi non solum detestavit, sed & contra omnium Gentium jura Legatos violavit, quibusdam ad portam suspensis. Hac indigna suorum nece commotus Cæsar bellum in Austriam transjecit. Communitur tum suis tum Germanorum copiis robore & numero validissimis, secum habens Moguntinum & Coloniensem Archi-Episcopos, Ratisponensem, Herbipolensem, Pataviensem Episcopos, Ludovicum Comitem Palatinum Rheni, Henricum, Ottonem Bavaros, & multos Nobiles de Rheno, Franconia & Suevia. Miserat quoque XXIII. Equitum levis armaturæ Ladislaus Hungariæ Rex, ob erepta à Bohemò loca sibi subiecta. Ottocarus convocatis Austriæ ac Stiria Nobilibus novum ab illis jusjurandum exegit, filios obsoles petiit. Cumque nil minus quam multitudo militum ipsi deesset, quos à Bohemia, Saxonia, Silesia, Pomerania, Polonia, Thuringia, Moravia, bellicosissimarum gentium genetricibus, coegerat, Hercyniam Sylvam, qua in interiora Bohemiæ iter patet, firmo præsidio occupari jussit. Cæsar perscrutatus hostium con-

consilia, Danubium transiit, ibique Belsum oppidum, Lynciumque recepit. Inde Viennam belli caput urgebat obsidio; Spe enim brevi capiendæ Urbis inductus, ipsis portis inhæret. Tenebant autem Urbem numerosa Bohemorum præsidia, quæ hætenus deditionem morabantur. Nam prævalentibus his, cives, quamvis Rudolpho optime cuperent, nihil ausi sunt: interim pugnae locus & prælii dies expectabatur, cum hostis exercitum in conspectum dare non conaretur, incolis urbis ni dederent se; omnia populaturum, minatur. Illi satis attoniti, urbem quidem defendere proposuerunt, sed penuriâ commæatum aliquot dierum inducias pacti, ut nisi intra eos auxilium Ottocarus mitteret, sese Cæsari permitterent; postquam nihil inde præsidii mittebatur, ad præstitutam diem, cum per quinque septimanas obsessi essent, in fidem se urbemque dederunt. Exemplum hoc aliæ quoque urbes imitantur. Hætenus Danubius duo immensa agmina separabat, sed utrimque deficiente commæatu, metu futuræ seditionis pacis auctores inveniuntur, dicentes satius esse, pacem facere quam sanguine suo campos implere. Itaque Bruno Episcopus Olomucensis, ab Ottocaro ad Rudolphum ut tentaret, quod suaserat, missus, his conditionibus eam impetravit; si Austria, Stiria, Carinthia, Carniola & quæ ad imperium spectant, relictis, Moraviæ, Bohemiæque in feudum accepturus esset: si præterea Imperatori jurisjurandi vinculo sese astringere, Ladislao sua restituere, & captivos dimittere vellet. Annuens Rex, unum rogavit, ut secretò intra tentorium paucis coram arbitris debito erga Cæsarem defungeretur officio. Sed, ut opinor, dignus erat, cujus superbia eluderetur. Itaque eo ad genua Imperatoris provoluto, pensile tentorium in quatuor partes dissolutum, decidit. Ottocarus hoc modo retibus irretitus, dissimulata, quam ceperat, indignatione, scenæ inserviens, duarum maximarum Gentium ludibrio atque contemptui exponitur. At quanto atrocius superinducta mulier Künegundis redeuntem excipit? It, ait perditissima, *qui Bohemiæ Regnorum Regnum,*

XXVII.

qui pulcherrimas ditissimasque provincias, neque Domino, neque victori, sed servo, imo hosti, nulla vi, nullaque necessitate coactus, subiecisti, oculis ne intuear? Quorsum Moravi, Silesii, Saxonum, populares suis exciti sedibus, scilicet, ut Te, antea Regem, jam servum ante Rudolphi pedes procumbentem, in egregio triumpho conspicerent. Me quidem felicem predicabam tanto Regi nuptam, nisi me ex Regina servam, ex Imperatrice captivam fecisses. Certe quicumque velit, patiatur hanc injuriam, ego haudquaquam pati possum. Crede ergo si armorum strepitus amplius audire non cogitas, conjugem per socordiam Viri amissa bello repetituram. Ille ad ultimum poenitentia victus, cum saniora amicorum consilia admittere nollet, muliebri consilium plerumque deterius, & assentationem cæterorum amicorum perniciosam, perpetuum regni malum, comprobavit, non sine nominis dedecore fracta pace; turpius datam fidem fallere, fœdusque rumpere, & bellum restaurare conatur.

XXVIII.

Collectis ergo ex Pomerania, Saxonia, Moravia, Bavaria fortissimis undique copiis in Marchiæ campo castra metatur. Cæsar Viennæ tum erat, cum ei nuntiaretur Ottocari defectio, quam adeo ægrè tulit, ut diceret, scio Divinum Numen rupti fœderis & Sacramenti perfidiam ultione persecuturum, quare non moriar, antequam DEI hominumque deceptorem victoria præmium faciam. Igitur castris ad Laam oppidum in campo Niderspurgico positis, quo majore animo capefferent bellum, universas vires in conspectum dedit. Erat quidem ingens multitudo, majorem tamen quam pro numero speciem gerens: Quippe Ladislaus Hungariæ Rex à Cæsare in filium adoptatus, viginti millia Chumanorum armaverat, gentem bello acerrimam, Stiriorum mille & centum aderant. Ex Germania multa millia, robur virorum, missa. Jamque acies ab eo prudentissimè ordinabatur, signa distribuebantur, promptissimi quique in fronte collocabantur: Nondum vero ad manus pervenerat, cum pauci Hungarorum ad Ottocari castra progressi, pro more ex hostibus comprehensis secum ducerent. Cæsar quoque ut majorem victoriæ spem suis faceret, quam plurimis militari dignitate insignitis, egregia oratione milites adloquebatur. *Habetis, Commilitones, materiam*

teriam virtutis gloriaque vestra maximam hostem, qui perjurio suo & homines maligne decepit, & Divinum Numen sibi iratum reddidit. Hinc pœna & clades certissima, quod nunquam talia scelerata inulta fuerunt. Hic dies Germaniam dulcissimum patria solum, finitimasque regiones de savissima Ottocari tyrannide aut liberabit, aut Tyrannum omnium spectaculo in triumphum deducet. Vobis enim & universo terrarum orbi non ignota est hæc perfidia, ambitio, & quod faceri necessum est, scelestum facinus. Ergo justissima causa subest publicam defendentibus tranquillitatem, securitatem & sanguinis germanici gloriam. Nomina modo gentium non extimescat, cum neque ad belli discrimen, neque victoria præmium pertineat, qui Moravi, quive Bohemi adpellentur. Plures hic dimicare, illic plures conspici. & imbelles esse omnes, à scæmina missos, credite. Vos contra intueamini cujus ductu auspiciisque tot terras, ingentia spei incitamenta, post tergum reliquistis. Dimicandum est fortiter, sub signo Regis Romani, contra Regem Bobemia paucitatem nostram contemnentem: Sape enim contemptus hostis cruentum edidit certamen. Experiamur itaque magnam animorum constantiam, quicquid deinde fors tulerit: consequemur tamen honesta morte omnibus optanda egregiam victoriam aut pugnam. Quid multis? mea vestrorumque omnium, aut vincere, aut mori, unica hodie fortuna erit. Ottocarus vero breviter in hunc modum suos adhortatus est. Magnitudinem belli, quod, suscepimus, dum intuemini milites, non dubito, quin existimetis difficilem fore hanc victoriam: & videri talis posset, si magnum belli nomen vos terreret. Sed vestram virtutem fortunamque diu satis expertus, animum quem hæcenus habuistis, eundem mox in vincendis hostibus prodituros vos confido. Inferimus enim bellum, eoque fortius pugnemus, quo major spes nostra, quam arcens est. Omnium autem animos accendit dolor, injuria, indignitas, ante biennium nobis illata, quam hodie fortitudo vestra & ulcisci & punire debet. Me quæso imitemini, sive ignavia sive fortitudinis exemplum dedero. Videtis ipsi paucorum tantum hominum arma esse, hic vobis vincendum aut moriendum est. Opulenta laborum præmia erunt regiones dirissima, quas superbissimus Rex suas omnes sui que arbitrii fecit. Hac fortibus viris dico, ideo quocunque confeto oculos, generosissimarum gentium robora, tam

XXIX.

XXX.

ob patriam, tum ob iustam iram pugnatura, afficio. Cæterum sive anxio de instanti prælio, sive terrefacto de præterita vita male transacta, in somno observata Ottocaro species, quæ visa est repræsentare multa cornua suo capiti imposita, uno vero ictu rursus evulsa; aliis alia per quietem videntibus. Forsitan erant minæ vel iræ cælestes, quibus eum divinatio animi præfagientis dehortari voluit. Jamque pugnae initium factum erat, cum fortiter Austriaci, Stiriique in cornu hostium, quod ipse Rex tuebatur, invehebantur. Diu anceps stetit prælium, cum nulli neque ignavo, neque timido cessare liceret: donec Pfannenbergicus lethali vulnere accepto aciem defereret. Tum demum Stirii pavore perculsi, languidius pugnabant. Cæsar ignorans quidem causam remissæ pugnae, DEI opem imploravit, mutua deinde adhortatione firmati acrius in hostes erumpunt. Bohemi metu hinc dissipati, impetum sustinere non poterant; Henricus quoque Marchio territis timorem incussit, mandans, ut se exclamante hostes fugere, omnes altissima qua possent voce clamorem ederent, *fugiant*. Milota ulturus Regem, quod fratrem injuste carceri inclusum necasset, primus turbaverat fuga ordines. Jam vero non sensim cedere, sed qua cuique ad fugam via, erumpere. Ottocarum duo fratres, regiae necis avidissimi, Merenbergeri adpellantur, tertium enim suspendi curaverat, fortiter pugnantem adorti, equo dejiciunt, Regemque à se prostratum vociferantur. Tum vero multum sanguinis fusum est: quippe amisso Rege nec volebant salvi esse, nec poterant, aliis ignotos saltus, aliis diversos calles petentibus. Ferunt, Hungarorum ferociam tantam fuisse, ut fugientes tamdiu persequerentur, donec omnes vel interfecti vel capti sunt. Tanta strages eo die facta, ut quatuordecim millia hostium interficerentur, præter vulneratos, aut captos. In exercitu Rudolphi non quidem multi sed fortissimi cæsi sunt: Centum enim Tigurini, omnes sicut pugnantes procubuerant, adverso corpore vulneribus acceptis, egregia mor-

morte defungebantur. Acre certamen nobilitavit quoque ab altera parte Cæsaris vitæ periculum, dum Herbotus Fullensteinius ingentis staturæ Polonus, è Regis Bohemiæ pecunia ditatus, magno audacique aliquo facinore in castra penetraret, Cæsarem occisurus; ejus celeritate præoccupatus, prius gladio interimitur. Ab altera vero Ottocari mors, qua Rudolpho nuntiata, corpus demortui, octodecim vulneribus confossum, regio insuper ornatu spoliatum, & quod in illo fastigio indignum, prope à calonibus nudatum, ad Bohemos patrio regioque more sepeliendum Cæsar misit; posthæc regicidis tantum à conspectu ejus recedentibus, quantum se ab ejus ira putabant absuturos. Dies hic, quo Ottocarus cecidit, inter infausa regni habita, ob mortem Johannis Bohemiæ Regis in prælio Britannico eodem die interfecti. Rudolphus tam memorabili victoria lætus, qua Ottocarus temerè illati belli pœnas luit, Ladislaum, habita ei gratulatione, cum copiis à se dimisit. Ipsi trajecto Teya in Moraviam progresso nuntius adfertur de Ottone Brandenburgico, defuncti Regis Bohemiæ avunculo, quomodo regni gazam occupaverit, & bellum refecerit. Quæ etsi falsa nuntiata fuissent, apud victorem tamen pro veris habebantur. Ideo Præsul Olomucensis Cæsarem adiens, satis superque Bohemos funere amisisse, Brandenburgicum pacatum esse, & Wenceslaum parente orbatum pacem petere exposuit. Cæsar confirmavit eam, ut quemadmodum se vincere, ita victoria uti scire testaretur, Guthâ eximie pulchritudinis filia Wenceslao in matrimonium, & Rudolpho Filio, Agnere Wenceslai Sorore mutuo datis. Eligitur & Brandenburgicus, qui tutorio nomine regnum pupilli administret. Compositis in Bohemia rebus, ut à tergo tuta relinqueret, Stiriae, Carinthiae, Carniolæque datis præfectis, Vienneam redit. Per triduum in hac urbe, ut moris victoribus erat, constitit Cæsar, donec ordinatis quæ ad victoriæ gloriam & pacis necessitatem videbantur, adversus Henricum Bavarum, in militia Ottocari socium,

XXXI.

XXXII.

bellum transferret , qui cum Cæsaris adventum opperiri noller , obviam eundo simul & deprecando , cum eo reconciliatus est. Interjecto tempore Heduorum quoque Princeps , quem Admiraldum adpellant , suo imperio Burgundiam subactus Imperatori rebellavit. Itaque ad opprimendum eum copias educit , strenueque facto itinere improvisus hosti supervenit ; cujus cognito adventu Admiraldus adunatum exercitum opposuit , mox commisso prælio , suisque amissis , ipse supplex ad Cæsarem sua natura clementissimum fugiens , veniam quam petit , impetravit. Paucos deinde post dies seditiosorum in Alsatia conjuratio indicio militis , ei deferitur , ad quam componendam impigre processit , interfectis motuum auctoribus , reliquos in fidem accepit. Rudolphus ad Principum Comitum Noribergam atque Francofurtum profectus , solutis iis , Richenlteinam , Schoneggium , aliasque prædonum arces expugnat , victis gravissima quæque supplicia sentientibus. Facta inter Constantienses & Proceres statim concordia , Tiguros , Schaffhusiosque altercantes sedavit. Ingressus deinde Brisgoviam , Eggonis Friburgensis defectioni data impunitate , Argentoratum pervenit. Oppenheimium hinc iter faciens , diutius ibi subsistere ut res componeret , legatosque dimitteret , coactus est. Post discessum ab Alsatia Cæsaris , Eberhardus Wirtenbergicus defecit : quare Rudolphus motus , habito quantum poterat delectu , omnibus rebellem spoliavit , quæ auferri non poterant , incendit. Eberhardus tantæ multitudini longe impar , Stutgardiam se recepit , urbem situ & munitione tutam , quæ ipsa hostem ferocem fecit. Cæsar enim ad mœnia cum exercitu accedens , admotis arietibus , dum felicius defendi quàm oppugnari sentit , diversa agitabat , & tam discedere irritum , quam morari pudebat. Igitur pluribus adpositis machinis , excidio urbem , ni fieret deditio , ad terrorem cæteris incutiendum , dare constituit. Medio tempore Moguntinus magna Eberhardi audacia , majoreque pernicie bellum trahi expendens , Cæsarem

farem adiit, exposita temeritatis & pertinaciæ illius causa, Eberhardum victum se fateri indicat. - Cæsar quàm lenta urbium expugnatio esset, ponderans, pace nullo pretio facta, ut sibi eo firmitus obstringeret, dissidium inter eum & Eslingenses composuit. Verum mox oblitus clementiæ Rudolphi, Comitem de Achelen, Comitemque de Teck, Sueviæ Civitatum propugnatores hostiliter aggrediebatur, neque viribus diffusus, neque iram Cæsaris veritus. Illi igitur agros, villas, prædia urenti supervenit Cæsar, castrisque positis, postera die in aciem progressurus, precibus quorundam Procerum motus, deprecantibus pacem ita dedit, si jurejurando Eberhardus confirmaret, ne quæ ex anteaestis dissensio oriretur, belli oblivionem fore. His peractis in interiora Germaniæ iter pronuntiari jussit, ibique multa prædonum latibula recepit, quibus brevi temporis spatio octoginta solo æquatis, alios ultimo supplicio, alios ex prædonibus mitiori pœna affecit. Destructis his restitutaque toti Germaniæ securitate, ad inferiora Rheni loca secessit. Morantem ibi rumor per totam fere Alemanniam de Friderici Imperatoris novissimo adventu dispersus, revocavit in Sueviam. Multi quippe non mortuum sed amissum fuisse existimarunt, nec adeo mirum, cum & statura & lineamentorum qualitas, & membrorum junctura Friderico ac huic, Tilocelup ei nomen erat, peræque similis, vox quoque pariter gracilis affabilisque, non Principum animos tantum, sed nobiles quoque urbes ad se pellexit; sive revera hoc crediderint, sive novandis rebus occasionem arripuerint. Hic ad conventum Novesii habitum Cæsarem venire jussit, ut ditionum suarum jus ab eo acciperet. Quo offensus maxime Rudolphus ad opprimendum audacissimum æmulum iter instituens, Wezlariam pervenit, inde fugientem sectatus, Nussiæque captum, cognita fraude, nec non magicarum artium convictum igne cremavit. Rudolphus Colmariam repetens, obseffos propter defectionem in potestatem redegit, & IV. M. librarum argenti multavit, Walthero urbis Scultreto tumultus authore ab officio remoto. Reversus in Sueviam,

Comi-

XXXIII.

- Comitem Burgundiæ , quem semel vicerat , jam iterum rebellem subegit , triumphavitque de eo , arce Prurentrato Præfuli Basileensi data , quinque Waldecensibus funditus excidio datis , Moretum etiam ac Paternacum expugnavit. Haëtenus urbs Berna imperium Rudolphi aspernata erat, eò iter emensus, non ipse se solum ea expeditione impedivit, sed militum quoque ingentem numerum amisit ; donec ejus Filius Rudolphus cum parte exercitus in urbem facta irruptione , Bernenses ad pacem commoveret. Tanta in Cæsare virtus fuit , ut non tot victoriis fatigatus , non tot periculis victus , ætate gravis ad postremum in Burgundiam contendens , inceptum primum bellum conficeret. Phiretrarum enim Princeps Theobaldus cum Petro Basileensi Præsule acie congressus , Basileenses insigni clade affecit , qui auxilium Rudolphi implorantes opem acceperunt non ob hoc solum , sed quod Reginaldus & Otto Burgundiæ Comites , ambo fratres , Comitatus jura à Gallorum Rege , non Romanorum Imperatore agnoscerent. Igitur præter ingentem peditum numerum , sex equitum millia sibi comparaverat , primo die Montisbelgardi castello oppidoque capto , toti Burgundiæ imminens , ad Vefontionem castra metatur , vicino monte , unde hostes conspici poterant , occupato. Rupertus vero Burgundiæ Dux cum Theobaldo Ferretano prope amnem Aualbim exercitum collocavit. Celebris ille erat , cujus fons è summo montis cacumine Läber excurrens , à meridie versus septentrionem vergit , circumflexus mox mediam interfluit Vefontionem , & apud Dolam faciem insulæ præbet , inde diffusus , aliarumque aquarum copia auctus , tandem in Ararim amnem , cui vulgo Saone nomen est , cadit. Rudolphus eodem loco aliquot dies militi quietem dederat , cum Philippus Pulcher Galliæ Rex Legatos mitteret , qui nisi discederet , cum exercitu venturum , minabatur. Cui Cæsar nuntiari jussit , *oppreturum se ejus adventum , ut videat non commode saltandi neque restis ducenda causa se huc pervenisse , sed plura requiri , si velit , tot gentium victori leges præscribere.* Ne vero otium ferendis
- rumo-

rumoribus natum aleret, è castris exercitum ducit, belli discrimen aditurus. Nondum vero ad arma respervenerat, cum Helvetiorum mille quingenti itineribus nocturnis castra Ferretani irruerent, caperent, & praeda locupletari, ad suos reverterentur. Magna hinc trepidatio animos tam militum quam Ducis occupaverat, qui auxiliis indigens, & loco, ubi pugnaret, insperato consilio bellum delevit. Chalonius enim Comes, trepidante universa Burgundia, ad pacem à Cæsare petendam missus, obtinuit, si captivis Basileensium omnibus absque prælio redditis, imperata facerent, suoque beneficio ditiones reciperent. Ita dum publicam & privatam ex bellis cladem Cæsar præcogitaverat, absque populationibus, absque stupris cædibusque toti Burgundiæ pace restaurata, omnia ad illius obsequium reducuntur. Hac igitur & Thuringia, aliisque locis pacatis, ætate jamjam confectus, successorem denominare sibi proposuit; ideo Francofurtum, deinde Argentoratum profectus: sed talia meditantem, mors prævenit. De qua priusquam dicam, cum juventutis annos, & in iis honores, dignitates, postea initia, successus, eventusque bellorum exposuerim, quibus perpetuus victor, *victoriosi* nomen ubique meruerat: nunc ea quæ ad civilia ejus studia, virtutes, moresque pertinent, non alienum erit pertractare. Rudolphus bello clarissimus, pacis XXXVI. tamen semper amantior, illud nunquam nisi necessarium suscepit, hanc vero candide imo religiose servavit, ut nunquam ipsi magis defuerit ars, qua imperium regeret, quàm qua hostes superaret. Comititia enim conventusque tum omnium Ordinum, tum quorundam Procerum frequentes habuit, in quibus vel de rebus ante actis propositum, vel de præsentibus deliberatum, vel de futuris consultatum fuit. Noribergæ primo regni anno instituta Curia universalis, decrevit, ut omnia mandata, edicta, privilegia, pacta dotalia, contractus & hujus generis varia scripta, in theutonica lingua, non, ut antea, in Romana conciperentur. Institutum hoc laudabile, quantopere Reipublicæ inservierit commodo facile æstimare est, dum multi linguæ

M m

latine

latinæ rudes egregiè superioribus temporibus decepti erant. Ab initio quidem magnæ difficultatis & laboris etiam doctissimis Viris, donec in verborum copiam elegantiamque penetrarent, hanc rem fuisse, deinceps vero ea industria excultam ferunt, ut peregrinam vocem contextui scriptionis immiscere summo dedecori haberetur. Ad hæc Würtzburgensia, Augustana, Francofortensia celebravit Comitia, neque in longum tempus protracta, neque intempestiva, sed nunquam non universo Imperio salutaria. Splendidissima omnium fuerunt Augustana decimo sexto imperii anno habita, propterea quod Albertum & Rudolphum, excellentis ingenii filios, illum Austriæ, hunc Sueviæ Ducem proclamaverit. Wormatiæ deinde alia, Herbipoli alia, alia Erfordiæ indixit, ut partim homagium reciperet, partim pontificis postulata componeret, partim de suspectis prædonum arcibus deijciendis agitare. Ad ultimum Francofurtum Principes convocavit, electurus Successorem Filium Albertum, Principem raræ prudentiæ & magnæ fortitudinis. Denegabant vero Augustam dignitatem Alberto Principes, præ se ferentes, tantas non suppeditare Imperio opes, quantas duo Cæsares ad tuendum summum hoc fastigium postularent, cum ob res afflictas vix unius dignitatem Respublica sustentare possit.

XXXVII. Italiæ Regnum nunquam invisit, partim quod Germaniæ rebus formandis perpetuo retraheretur, partim quod cruenta & lubrica Cæsarum decessorum vestigia ei ob oculos versarentur. Sciscitantibus enim cur Romam proficisci recusaret, elegantem retulisse apologum, dicunt: Leonem scilicet animantium Regem omnes aliquando feras ad certam diem accersisse, cumque præsto essent, regiam Leonis ingredientiæ vulpes callida comitari noluit, animadvertens, neminem redire; vestigia, dixit, me terrent, ne si ingrederer, nunquam reverti possem. Non tamen Rempublicam in Italia neglexit; dicere enim solebar, multos Alemannorum Reges Italiam consumsisse, se Romam nullatenus proficisci, *Imperatorem Regemque se esse, nec minus pro utilitate Reipublicæ facturum se considerare, quam si Roma fuisset*

coronatus. Misit itaque Vicarium in Italiam, ad retinendas in officio Civitates, Rudolphum Hoheneckium, Præsulis Salisburgensis Cancellarium, qui summa prudentia, clementiam Cæsaris deprædicans, illas ita sibi adstrinxit, ut in fide manentibus, jura quædam libertatemque concesserit, quo in Germaniam reverso, à Pontifice Honorio Pinzivalla Fliscus Genuensis eligitur Vicarius, quem Cæsar, ne novis molitionibus ansam præberet, licet hoc jus minime ei competeret, confirmavit. Pinzivalla administratis severe & imperiose admodum rebus, elusus, ad Cæsarem venit, bellicque necessaria, pecuniam, commeatus, arma petiit. Accessit etiam eodem tempore Tusculanus Præsul, indicans loca à Gallis & Hispanis erepta vindicanda, & ab Ecclesiasticis quartam bonorum partem Pontifici ad bellum Turcicum præstandam esse. Verum Cæsar & omnes Principes renuere, aded ut Præsul perpetuus obloquutor in magnum vitæ periculum inciderit. Jactavit quidem Bzovius alique, libertatem Italiæ partim venditam, partim donatam à Rudolpho Imperatore; Sed nec probari hastenus potuit, in quantum illi præsumunt; & si quid tempori datum esset, in terminis tamen nequaquam abdicati juris Imperialis, non debet atrocibus censuris vexari, sed potius eo modulo taxari, quem ostendit *Conringius de Finibus Imperii cap. 20. & seqq.* Cæterum in Germaniæ salutem multa ab eo prudenter & salubriter inventa sunt, dum leges quasdam retractavit, quasdam ex integro sanxit; privilegiis Urbium antiquis confirmatis nova addidit. Argentoratensibus enim privilegium fori dedit, omniaque decessorum confirmavit. Eslingam, Reutlingam, Heilbronnæ ad Nicrum pagos mœnibus cingi permisit, & Civitatibus Imperii, ne injuriis perpetuo opportuna essent, annumeravit. Pessimos emendavit mores, jus sæpius ipse magna diligentia lenitateque dixit, confidentibus demum facinus pœnas irrogavit. Equestria indies habuit exercitia tanta frequentia, ut undique huc confluerent Nobiles, & exercitatissimi continuo armorum usu redderentur. Virtutis præcipuè gloria insignis, quæ cum ab aliis superari non posset, quasi omnium virtutum

XXXVIII.

XXXIX.

Gentis suæ hereditatem relicurus, nullam omisit. Enimvero ne quis liberalitatis suæ expertus esset, omnibus vel de se, vel de bono publico bene meritis, frequenter eam exhibuit; sed in amicos liberalissimus, quibus honores & dignitates amplissimas contulit. Erat illi Henricus Confessarius, Ordinis Franciscani, Vir religiosus, sed tenuioris sortis, à pistore natus; hunc in Præsulem Basileensem evectum, mox ad Archi-Episcopatum Moguntinensem promovit. Accidit aliquando Argentorati, ut Mercatorem varietate fortunæ ad magnam redactum egestatem inviseret, quærereturque ex eo, num se socium mercaturæ habere vellet, annuente eo, dixit, centum tibi solvam argenti marcas, ut centum addas: dimidiam vero pecuniæ partem Argentinæ in haleribus, alteram in emendo Coloniae vino colloca, illis in hanc, hoc in illam urbem deducto. Cumque brevi temporis intercapedine haleces Coloniae, Argentinæ vinum deficeret, iis venalibus expositis, magnum exinde quæstum fecit. Qui cum pari munificentia in alios esset, non hunc modo mercatorem, sed immensa locorum spatia sua liberalitate implevit, variis casibus intercessit, fortunæ occursum, Omnium itaque amorem fidemque sibi conciliavit, quia in omnes liberalis erat. De cætero justitiæ observantissimus, injuriarum amicis illatarum strenuus ultor, prædonumque subactor erat. Militaris disciplinæ supplicia ita mitigare assuetus, ut neque multum militibus remitteret, nec ipsi de amore illorum multum decederet. Justam necessarii juris remedii causam in bellis inferendis semper expectavit, cujus auspicio qui non ducuntur, latrocinia potius quam bella gerunt. Dicenti quandoque cuidam, se in spem pretii Ottocarum Bohemiæ Regem necaturum, *etsi ille noster hostis est*, inquit, *nunquam tamen justitiæ terminos transgressurus sum*. Inde factum ut rigidus justitiæ custos per totam Germaniam audiret. Pietas tamen inter omnia eminebat, vix etiam illis imitabilis, quorum cura ad sacra tantum ordinata est. Eam sane à Parentibus quasi innatam ita continuavit, ut ipse religiosissimus & filios tales relinqueret. Quotidie definitis horis æternum Numen præsi-

XL.

XLI.

precibus invocavit, nec prætermisit, etiam si ardua negotia intervenirent. In acie effigiem Christi Salvatoris cruci adfixam præferri jussit, & quoties integrum ipsi fuit cum hoste decertare, toties Veneris diem, sanctissimæ crucis cultui dicatam, expectavit. Semper ante prælium DEO preces, semper post victoriam grates reddidit, altaribus, templis, monasteriis vel de novo conditis, vel restauratis. Sacerdoti cuidam panem orbicularem ægroto, ut hodie adhuc moris est apud Romano-Catholicos, deferenti occurrens, equo defiliit, me, inquit, vehi, & te Salvatorem meum portantem pedibus incedere indecorum vel impium esset: Nudato igitur capite Cæsar insidentem equo Sacerdotem subsequitur, remeantique eum dono dedit. Sed & clementiæ civilitatisque, *virtutum Austriacis Principibus propriarum*, multa & magna extant monumenta. Supplicibus enim parcere, hostes servare, cunctis ignoscere gloriosum duxerat. Atque etiam ab amicis admonitus, quod nimis in clementiam propenderet, memorabilem illam meritoque laudato Principe dignam vocem edidit: *Imitem me fuisse pœnituit, mitem & placabilem nunquam.* A sagittario quodam artis imperito sauciatus, dextram illi amputandam suadentibus non auscultavit, sed incolumem dimisit, præfatus, provide agere debuit, priusquam me læsisset, sed quid nunc exinde consequar emolumenti? Ne enumerem quos & quot diversarum partium incolumitate vel venia donatos, pristinam dignitatem recipere passus est: Neque cæde quidem alicujus unquam lætatus, sed justis etiam suppliciis ingemuit. Procerum uxores, filias virginesque plures ad convivia vocatas, præsentibus Viris & Parentibus comiter ac amanter habuit, ita, ut nemini cuiquam ulla tamen suspicandi causa superesset. Verum cum nulla re Principes propius ad DEUM accedant, quam clementia, ideo virtutum ornamentis excellens, hac præcique omnes vicit. Cæterum prudentia, solertia, dexteritas & fortitudo, quanta in eo fuerit, Germania satis restabatur, quæ solo ejus ductu consiliisque ab ultimo interitu liberata est. Hinc amico-

XLII.

XLIII.

rum: prudentiumque consilia facile audivit & admisit, contra, assentationes gravius contempsit. Quare adulatores lupis comparavit, qui ut blanditiis suis asinos vorant, ita illi verborum lenociniis Principes in perniciem trahunt. Prudentiam optimi Cæsaris inde conjicies, quod cum mercator quidam Noribergæ hospiti ducentas argenti libras, ut sibi restitueret, daret, quas deinde se accepisse pernegabat; Mercator de injuria conquestus apud Cæsarem, interrogatur ab eo, num ipsi constet de loco, in quo argenti summam custodierit hospes, dixit, eum conjecisse in loculum, formam etiam describens. Contigit vero, ut gratulantibus pro more Imperatori hospes quoque interesset, quem benigne allocutus, *pileum*, inquit, *politum habes, si placet, permutemus*. Arrisit hospes, eumque magno gaudio lubensque dedit. Cæsar adhæc quasi publicis negotiis occupatus, secedit, misso ad hospitis mulierem fidissimo cum mitra amico, qui mariti nomine loculum peteret; mulier conspecto pileo, quo tanquam tessera ille utebatur, dedit, quod voluit. Loculo jam exhibito, Cæsar ex mercatore quæsit, num hic esset, affirmanti hospitem adhibebat: Hic, refert, de te queritur, tuamque perfidiam accusat: respondet hospes, nunquam sibi cum eo rem fuisse: sed audacissime cuncta neganti Cæsar loculum ante oculos ponit, ad cujus aspectum animus & lingua defecerat. Cæsar igitur data mercatori pecunia, hospitem infamem graviter multavit. Præterea sæpe profitebatur, imperare melius esse, quam imperium ampliare: unde sibi symbolum etiam elegit: REGNI PRUDENTIA

XLIV. CUSTOS. Sicut autem Austriaci Nominis hic conditor fuit, ita humanitatis Majestatisque ejus auctorem quilibet recte vocaverit. Namque præter Principes Christianæ fidei addictos, Persæ, Mosci, Turcæ amicitiam fœdusque ab eo expetiverunt, quorum Legati in vultu Cæsaris sæpe defixerant oculos, credo, quia magnitudinem corporis animique æstimantes, singulare auctoritatis specimen observabant. Gravitati huic perpetuo tamen adjunxit humanitatem; quippe pariter charus ac venerandus

duſ eſſe, imo in omnium amorem ſeſe quali inſinuare cogitabat. Poſſet hoc videri Regum arcanum, hominem ſe, non ſemper Regem oſtendere. Igitur domi foriſque etiam tenuiſſimos non ſaſtidire, miſcere colloquia, audire vel reſpondere omnibus, incorrupto Cæſaris honore. Et, cum frequens aliquando ad aulam concurſus eſſet, ſatellites, ut ſacere ſolent, humiliiores quosdam ſubmovere; quo conſpecto Cæſar exclamavit, *concedite homines ad me venite, non enim Imperator ſum, ut arca quadam includar.* Hinc populares tanto Cæſari ſubefſe glorioſum & jucundum ducebant. Abſtinentia vero & frugalitate aut æquavit omnium gloriam aut exceſſit. Quippe in bello Bohemico cum magnum humoris deſiderium eſſet, ita reprimebat ſitim, ut offerentibus aquam hydra reddita, reſponſum daret, nec ſolus bibere ſuſtineo, nec tam exiguum omnibus dividere poſſum; *ego non mihi ſed toti exercitui ſitio.* Simile fere exemplum dedit in bello Burgundico, ubi deficientibus ad vitam neceſſariis, evulſa ex agris rapa comedit, idem imitantibus eunſtis militibus. Erat itaque ad reſ ſerias conſiliaque ſtrenuus, ſed dictis quoque jocisque, quando animum remittebat, perſacetus. Oratores duo, alter quidem barba cana & capillis nigris, alter vero capillis canis & barba nigra conſpicuus, ad eum miſſi erant. Horum diſſimilem formam contemplatus ille, negotium, dixit, abſolvam, audita à vobis diverſitatis cauſa. Poſtridie admiſſi, primus expoſuit, quod ori ſatiſfaciens, caput neglexerit, alter quod barba nondum eam ætatem quam capilli ſortita eſſet, vicesimo quarto anno juveni ſibi enata. Cæſar ſubridens, legationem re conſecta, dimiſit. Naſum autem cum haberet aquilinum, dicaculum quendam hominem in declivi ſemita de via non cedentem, interrogavit, cur non diſcederet, præterire, inquit, non poſſum, nam Cæſaris naſus viam implet: Naſum ergo torquebo meum, amice, abi, ne te impediat. Abſolvimus ea, quæ de ordinanda Republica pacis tempore exco-
gitavit, geſſitque: Nunc interiorem quoque ac familiar-
em ejus vitam breviter perſpiciamus. Habuit autem duas
uxores,

XLV.

XLVI.

uxores, Annam scilicet de Hohenberg in Suevia, electæ formæ, summæ pudicitæ, & magnæ prudentiæ foeminam, ex qua filios suscepit Albertum, Rudolphum, Hartmannum Rheno submersum, Fridericum & Rudolphum II. Tulinæ in Austria sepultos, & Carolum in pueritia mortuum. Septem ei fuerunt filiæ, Euphemia Tulinæ virgo vestalis, Gutha Wenceslao Bohemo, Mechtildis Ludovico Palatino, Agnes Alberto Saxonico, Hedwigis Ottoni Brandenburgico, Anna Ottoni Bavaro & Clementia Carolo Siciliae Hungariæque Regi in matrimonium collocatæ, multos nobilesque Principes progenerunt. Tantæ sobolis magna Genitrix gravi morbo Vienne implicita, ibidem fato decessit. Cumque vivæ omnia officia præstitisset, defunctæ quoque honores maximos tribuit. Corpus enim Basileæ deportatum illustri hoc monumento conditur,

D. O. M. S.

ANNÆ AUGUSTÆ.

BUCHARDI COMITIS HOHENBERGENSIS
FILIÆ.

RUDOLPHI I. IMPER. AUG. COM. HABSP.
CONJUGI.

ET FOECUNDISSIMÆ PARENTI AUSTRIÆ
PRINCIP. SERENISS.

ALBERTI I. IMPERATORIS MATRI

UNA CUM CAROLO FILIO

ANNO DOMINI M CC LXXX.

XIX. MARTII HIC SEPULTÆ

S. P. Q. B.

QUUM SANCTAM HANC ÆDEM NITORI
SUO PRISTINO RESTITUENDAM
CURARET, HONORIS

ERGO.

CIRCITER CCC. XV. D. POST EXEQUIAS.

H. M. L. P.

Post

XLVII.

Post hanc Agnetem in matrimonium accepit, Ottonis Burgundiæ Comitis Filiam, vix dum nubilem, quæ cum flore ætatis & venustate formæ inter reliqua insignis, thalamo infœcunda esset, post obitum Cæsaris in Burgundiam rediit. Filios autem Filiasque omnes tam moribus quam literis informari curavit: Præcipuè tamen de Alberto magnam curam habuisse legitur, adjunctis illi spectatæ fidei, & probitatis & prudentiæ Viris, qui cæream ætatem flecterent ac ceu regulæ moderarentur. Ingenia enim artesque vel maxime fovit & magnis præmiis donavit. Sed & castitatis continentięque amans fuit. Cum Agnetem uxorem ejus aliquo tempore Fridericus Comes Leinings Spirensis Antistes, honoris & reverentiæ ergo è curru regio levaret, eximia illius venustate captus, osculo eam excepit: quod illa indigne ferens, Cæsari conqueritur, qui sine mora Præfuli perferri jussit, ut alio ad osculandum electo pacali, hoc sibi relinqueret. Cæterum præter egregias ingenii dotes, animique artes, corporis quoque decora species eum adornavit: statura quippe eminenti & excelsa fuit, colore per omnes ætatis gradus magis pulchro quam venusto; corpus habuit amplum, membra robusta, capite prædictus parvo: Capillis traditur modicis & rufis, hinc rufus dictus, supercilia lata, nasum & à summo eminentiorem & ab imo deductiorem accepit. Cultu vero corporis haud multum à privato abhorrens, in virtute potius quam vestium magnificentia Principis majestatem sitam esse gerebat. Ottocarum enim veste auro, purpura, gemmisque distincta indutum, suaque castra intrantem, toga ipse vestitus grisea derisit, quod Germanorum Cæsarisque gloria non in vestium ornatu, sed in experientia rei militaris consisteret. Exspatiatus orto sole, cum subito horrore corpus rigere cœpisset, carbonibus in pistoris domo ardentibus accessit. Varia ibi confabulantem (tanquam unus ex Rudolphi mercenariis tam vulgari cultu contentus erat) uxor pistoris indignata verbis, vase aqua pleno infuso prunis turpissime maculavit. Unde fumo, carbone, & vapore perfusus domo excessit. Comes adhuc, in castris

Nn

vestes

XLVIII.

vestes reparavit, ut exemplum quod imitarentur militibus relinqueret. His itaque vitæ morumque institutis effecit, ut non in acie solum clarissimus Dux, sed in pace quoque laudatissimus Princeps haberetur. Alias quantum constat, periculosas & diuturnas valetudines aliquot tantum expertus est, dum immoderatis voluptatibus contemptis, cibo potuque parce utebatur. Præcipue Argentorati gravi morbo conflictatus, cum etiam ad salutis recuperandæ desperationem redactus esset, testamentum conscripsit, sepultura Spiræ sibi destinata. Ingens sollicitudo & pene jam luctus in urbe erat, quare omnes unâ per diem & noctem in sacris ædibus DEUM pro incolumi Cæsaris vita ardentissimis adorabant precibus, adeo ut intra mensis spatium animus & corpus vigorem recuperaverint: Postea omnibus fanis magnificis muneribus expletis, secessit. Jamque imminentis fati vim sentiens, omnium virtutum splendore clarus, sed ex febrili horrore fatigatis partim, partim senio confectis membris deficientibus, Argentoratum concessit. Ibi Senatus Civibusque quasi nunquam rediturus, valedixit, habitis gratiis quod in obsequio constantes, in officiis prompti devorique fuissent. Memoria enim proditum est, pecuniâ indigenti Argentoratenses subvenisse, Rudolphum etiam eorum promptam voluntatem agnovisse & deprædicasse, cum aliquoties inclyto Reipublicæ Senatui interesset. Per octiduum in hac urbe moratus, Spiram festinanter profectus, manantibus lachrymis ut diutius subsisteret enixè ab Argentoratensibus rogatur, sed Spiram ad Reges majoresque visendos contendens, pro se suaque incolumitate eos precari iussit. Tanta autem mox morbi vis erat, ut in oppido Germersheimio peractis sacris vita decederet, anno millesimo ducentesimo nonagesimo primo, decimo octavo Calend. Maji, ætatis septuagesimo tertio, imperiique decimo octavo. Corpus Spiram delatum, imperialibus conditoriis honestissime sepultum est. Quocunque autem nuntius de ejus morte penetraverat, omnia ploratu, lamentisque & planctibus personabant, Quippe optimum ac fortissimum

XLIX.

Per octiduum in hac urbe moratus, Spiram festinanter profectus, manantibus lachrymis ut diutius subsisteret enixè ab Argentoratensibus rogatur, sed Spiram ad Reges majoresque visendos contendens, pro se suaque incolumitate eos precari iussit. Tanta autem mox morbi vis erat, ut in oppido Germersheimio peractis sacris vita decederet, anno millesimo ducentesimo nonagesimo primo, decimo octavo Calend. Maji, ætatis septuagesimo tertio, imperiique decimo octavo. Corpus Spiram delatum, imperialibus conditoriis honestissime sepultum est. Quocunque autem nuntius de ejus morte penetraverat, omnia ploratu, lamentisque & planctibus personabant, Quippe optimum ac fortissimum

munum pariter & iustissimum ac mitissimum victorem luctu ac mœrore communi prosequiebantur. Illum certe honorem nulla delebit ætas, quod Argentoratenses supremum officium in magna Principum, Comitum, Nobilium frequentia, regio prorsus more, ac si Argentinae defunctus esset, persolverint. Ad hæc, quoniam eo tempore consensu amplissimi Ordinis Senatorii actum decretumque fuit, ut Regibus tam Urbi, quam adjectis locis beneficia exhibentibus, ad æternam memoriam Imago cum equo triumphali in Summo Templo, *quod ultimum miraculum mundi adpellant*, construeretur: Rudolphus Habsburgicus, ut videre licet, ibidem equo insidens lapideo, aurea corona capiti imposita, & sceptro maxime conspicuus est; supra, arcus hæret, cui aureis Literis inscriptum; RUDOLPHUS DE HABSPURG REX ROM. Neque silentio præteriri debet Epitaphium Spiræ in silice quodam superposito sculptum, satis rude quidem, sed temporis vetustati condonandum:

ANNO DOMINI MCC XCI. pridie Cal.

Obiit RUDOLPHUS de HABSP.

ROMANORUM REX.

Sed vivit, qui cecidit, in sua Augusta posteritate soboleque celeberrimus. Floruit usque adhuc Germania & Romanum Imperium sub Cæsaribus ex stirpe Ejus in miraculum gentium prodeuntibus. DEUS conserveat AUGUSTAM DOMUM AUSRIACAM ad immortalitatis gloriam, & venturi Sæculi felicitatem, qui à primis Ejus initiis in hunc usque diem mirifice Regna, quotquot sub umbra Aquilæ Austriacæ temperarentur, clementissime protexit.

VII.

LEGISLATOR GERMANICUS.

Pudentiæ civilis magnum est nomen, & ingens apud eos omnes gloria, quibus cura Rerumpublicarum est commissa: quippe cum sola doceat, quid fugiendum

Aristot. 3.
Pol. 1. & 6.

Pro A. Clu-
tio.

6. Ethic. 8.

quidve appetendum publice sit, quomodo Respublica non tam primo constitui, quam constituta administrari & conservari possit ac debeat. Cum vero Respublica sit ordo imperantium atque parentium, qui per leges in civitatem introducit, omnis ratio constituendi & conservandi eam posita erit, cum in proba & conveniente ingenio populi legum latione, tum accurata secundum eas administratione. Hinc enim illæ veterum sententiæ: *Animam civitatis esse leges: salutem civitatis in legibus sicam esse. Mens, inquit Cicero, & animus & consilium & sententia civitatis posita est in legibus. Ut corpora nostra sine mente, sic civitas sine lege, suis partibus ut nervis, ac sanguine & membris uti non potest. Illæ vero cum ex prudentia Nomothetica, quæ pars prudentiæ civilis est, profluant, facile patet, quo loco ea sit habenda, & quantum intersit Reipubl. eam partem quæ circa ~~nomotheticas~~ versatur, rite esse constitutam.*

Aristoteles certe non dubitavit eam Architectonicam appellare, quod scilicet ad modum Architecti, Nomothetice, quid in civitate faciendum præcipere soleat. Dum enim omnes suorum civium actiones habet ante oculos, easque ad regulam justi vel injusti examinat, quo per jura legesque justitia in civitatem introducatur, in quo propria ejus natura consistit, instar mentis toti corpori præest, singulasque ejus partes ad propositum finem dirigit.

Sed cum ratio ferendarum LL. adeoque ipsius Legislatoris pro diversitate Rerumpubl. alia atque alia sit, neque nobis per instituti rationem liceat in naturam Nomothetices inquirere, quatenus vel in genere docet quid justum & quomodo illud Reipubl. inferendum, vel seorsum, qualia jura legesq; huic aut illi civitati ferendæ, age consideremus hac vice *Legislatorem Germanicum*, quantum ætas ingeniique vires permittent, quo constet (1) penes quem potestas LL. ferendarum in Germania sit. (2) quidnam voce LL. ferendarum veniat intelligendum. (3) quænam sint discrimina sive diversa genera LL. Germanicarum (4) quo modo & qua formula LL. fiant, denique (5) in quo virtus & prudentia Legislatoris Germanici potis-

potissimum consistat. Hisce enim probe expositis, quæcunque de Nomothesia Imp. Rom. German. dici queunt, ad ea commodè referri posse putamus.

C A P U T I.

Penes quem sit in Germania Legum ferendarum potestas.

QUamvis ad singula hujus quæstionis momenta intelligenda forte non inutile esset, repetere ab antiquissimis temporibus, quis modus ferendi LL. in Germania obtinuerit, quomodo tractu temporis immutatus, tandem in eum in quo nunc est statum pervenerit; attamen cum isthæc tractatio non sit propria hujus loci, extetque ea de re eximius labor *Nobiliss. Conringii, olim Præceptoris & Fauctoris plurimum honorandi, de Origine juris German.* satius erit cupidum lectorem eo remittere. Nulla ergo mentio hic fiet Legislatorum antiquorum Germaniæ, cum constet veteres secundum receptos mores potius & consuetudines, quam scriptas LL. vixisse, nec ante Sec. à nato Christo quintum ab istis recessisse. Quanquam ne tum quidem ab omnibus ejusmodi quid est factum, sed ab iis, qui cultissimas Imperii Romani provincias victores incoluere, assumptis hostium quos devicerant moribus, cum victo populo in unum quasi corpus coalescentes.

*Conring. cit.
lib. C, 2.*

Neque magis nobis propositum est, ad ea tempora LL. in Germania ferendarum, qualis hodie est rationem exigere, ex quo primum Imperatoria dignitas in Francorum Regibus confirmari cœpit. Sicuti enim cæteræ res humanæ, ita quoque magna imperia nil adeo certi habent, quod non crebris mutationum casibus obnoxium sit, ut ex ea quæ ante aliquot secula rerum facies fuit, ad nostra tempora concludere velle, prorsus sit statum vitæ humanæ ignorare. Quin quo clariora mutaræ alicujus rei in Republ. argumenta adsunt, eo minor antiquitatis debet esse autoritas. Cui prorsus simile quid in hoc casu occur-

rit. Cum enim Caroli M. regia olim in Imperio fuerit potestas, secundum ea quæ *Magnific. Dn. Prasfes, Præceptor & Hospes plurimum venerandus*, habet in *Comment. Cesar. Germanic.* non dubium est, quin major quoque fuerit circa LL. ferendas ac hodiernorum Imperatorum est, qui non summum & absolutum sed multis modis limitatum habent Imperium, uti infra probabitur.

Multo minus consilium est à Principibus Romanis Legislatoris Germanici jura repetere. Merito enim repudiandus illorum error, qui sicuti omnia Imperii Germanici jura, ita quoque hanc LL. ferendi facultatem, fluere ex sæculo Justiniano statuunt, quasi illud unica norma esse debeat, ad quam publicæ Imperii res veniant exigendæ. Dubium enim nullum est, quin non tantum hac ratione diversæ Rerumpublicarum formæ confundantur, sed & periculosæ sint eorum sententiæ, qui eandem quam veteres Romanorum Imperatores potestatem habuere, hodiernis adscribunt, aut justum esse dicunt, ut ad Romanas illas antiquas LL. nostra Respubl. conformetur. Neque enim ullus Ordinum possit esse eo loco quo nunc est, si eadem hodie conditione in Imperio esse deberent, qua olim sub Constantino vel Justiniano Romani fuere. quod profecto motibus excitandis nimium quantum valeret. Sicut sentit nobiscum *Dn. Conring. præfat. ad Tacit. de Mor. Germ.*

Sed inde potius placet ordiri *Legislatoris Germanici* considerationem, ex quo Leges Imper. Germanici latæ in comitiis & formulis perscriptæ, non in nube aut per hario-laciones interpretum, sed in illustri positæ monumento ab omnibus inspicere ac cognosci potuere. Quod ut fiat sic progredimur.

Constat inter omnes arduam juxta ac periculosam esse quæstionem; *Qualis Imperii nostri sit status, an simplex, hoc est Monarchicus vel Aristocraticus, an vero mixtus ex utroque?* de qua tam diversæ extant Dd. sententiæ, ut fere nescias cui adhærendum. Alii enim pro pure monarchico contendunt, omniaque Imperatori attribuant, Proceribus nihil præter

Arnif. Re-
lect. Polit. C.
6. §. 5, D. 2.

præter obsequendi gloriam relinquendo ; alii vero dum priores refutare conantur , plane in contraria currunt, atque Principibus omnia adjudicant ; tertii demum aliquam mixtionem admittunt. Nobis, relictis aliorum opinio-
bus, (quid enim veri vel falsi habeant forte infra patebit,) eo diligentius erit perpendenda hæc quæstio , cum alias non possit decidi , penes quem sit LL. ferendarum in Im-
perio nostro facultas, nisi cognito , quæ forma Reipubl. in eo obtineat.

Fundamentale & indubium hic est axioma politicum:
*Formam Imperii accidentalem , assumendam ex subiecto existentia
Majestatis, seu summa potestatis ; hunc in modum : Ubicunque sum-
ma potestas vel Majestas cum suis partibus sive juribus est penes unum,
ibi est Monarchia. Et vice versa : ubi summa potestas & jura Impe-
rii non sunt penes unum, ibi non est Monarchia. Iterum: Ubi jura
Majestatis partim sunt penes unum, partim penes plures, ibi est mixtus
status, ac mixtus ex Monarchia & Aristocratia. Atqui vero in
Imperio nostro Germanico , jura Majestatis ita se habent.
indubie ergo mixtus erit ejus status. Dum enim Electo-
res mox inaugurando Imperatori in Capitulatione præscri-
bunt, quibus conditionibus in eum transferant imperium,
quas Majestatis partes ei attribuant pleno jure , quas ve-
ro sibi Statibusque reservatas velint, in Statuum pariter &
Cæsaris moderamine relictas , clare patet , quantum po-
testatis per hanc conventionem Imperatori decedit , tan-
tum Statibus accedere , eosque de iis rebus, quarum mo-
deratio in solum Cæsarem non transivit , conjunctim cum Cæsare
statuere , & sic divisam Majestatem adeptos, una cum Cæsare Ari-
stocratically dominari. verba sunt Dn. Lampadii magni olim viri,*
Tr. de Repub. Rom. Germ.

p. 3. C. 2. §.

11. 12.

Quare quæcunque in capitulatione omnibus Ordini-
bus tribuuntur , de illis Imperator solus nihil , sed adhi-
bito demum consensu Statuum, decernere potest : uti de
bello & pace , de fœderibus , de exilio & morte civium,
de contributionibus, deque LL. Imperii rogandis vel ab-
rogandis. *Carpzov. de L. Regia. Tob. Paurmeister, de Jurud. C. 13. S. 8. §.*
Imp. Rom. quod postremum, utpote de quo hic nobis agere
con-

10. 11. &c.

L. 2. C. 2.

§. 74.

Dn. Cellar.
Polit. I, 2, c.
§. 5. 31. 24.
40.

constitutum, ex sequentibus, ut spero, fiet clarissimum, ubi primum admonuero, cum LL. aliæ sint *universales*, quarum vis & obligatio ad omnes Reipubl. partes sese extendit; aliæ vero *particulares*, quæ non nisi partem aliquam Reipubl. obligant, cujusmodi sunt quælibet provinciales & statuta municipalia; aliæ denique *singulares*, quæ certas tantum personas respiciunt, privilegiaque dicuntur; forte rectius & melioris doctrinæ ergo nos facturos, si secundum hæc tria LL. genera, rationem eas ferendi consideremus. Atque sic ferendarum LL. in Germania potestas erit (1) penes Imperatorem & Ordines simul, quantum ad universales Imperii Leges (2) penes Cæsarem solum, quantum ad privilegia & LL. singulares (3) penes Ordines singulos, ratione LL. provincialium in illorum ditionibus.

Ergo quod prius membrum attinet: *Imperatorem non nisi consensu Electorum, Principum ac reliquorum Ordinum Imperii Leges ferre universales*; id primo satis evincitur ex LL. Imperii & Recessuum formulis. Sic enim legitur in fine præfationis Aureæ Caroli IV. Bullæ sive de electione Romani Imperatoris latæ constitutionis, quæ inter alias publicas Imperii LL. tempore non minus quam dignitate facile prima est: *Affidentibus nobis omnibus Principibus, Electoribus Ecclesiasticis & Secularibus, ac aliorum Principum, Comitum, Baronum, Procerum, Nobilium ac Civitatum multitudine numerosa. Quæ verba arguunt non sola Cæsaris auctoritate, sed Ordinum Imperii quoque consensu eam fuisse latam, quos in unum omnes conventuros fuisse vero non est simile, si absque eorum voluntate & præsentia ejusmodi lex cui salus Imperii innititur feliciter expediri potuisset.*

Apertius illud adhuc colligitur ex Imperii Recessibus, uti: *In Handhabung des Landfriedens zu Worms/ Anno 1495. auffgerichtet/ in pr. legitur, darumb mit zeitigtigem Rath und Willen/ der Ehrwürdigen/ Hochgebornen &c. Ständen des H. Reichs/ & in fin. und wir bekennen/ daß solche obgeschriebene Ordnung &c. mit unserm*

ferm Rath und Verwilligung fürgenommen / auffgerichtet und gemacht worden ist. In der R. Königl. May. und des H. R. Stände Ordnung des Regiments zu Augspurg Anno 1500. auffgerichtet / in pr. hæc habentur, mit einmütigem / zeitigem Rath und Willen auch zugeben und annemen der Ehrwürdigen &c. In der Erklärung des Landfriedens zu Augspurg Anno 1500. auffgerichtet in pr. mit derselbigen zeitigen Rath und hoher Vorbetrachtung / Verwilligung und annemen. Item in der Ordnung des Regiments zu Wormbs Anno 1521. So haben wir mit einmütigem Rath und Willen / auch zugeben und annemen der Stände alhie versamlet / beschlossen &c. in pr. & sine. In Constitut. Norimberg. de anno 1524. dicit Carolus V. Status Imperii non tantum cum suo Vicario Ferdinando Archiduce confedisse & deliberasse, sed & conclusisse; in fin. præfat. *Instrum. Pac. Germ. Suedica artic. 11X. vers. Gaudeant. hæc habentur, Gaudeant. (Status Imperii) sine contradictione jure suffragii in omnibus deliberationibus super negotiis Imperii, præsertim ubi LL. ferenda vel interpretanda, &c. & paulo post; Nihil horum aut quicquam simile posthac unquam fiat vel admittatur, nisi de comitatu liberoque omnium Imperii Statuum suffragio & consensu &c. Quælia plura occurrunt in aliis Imperii constitutionibus etiam novissimis de anno 1613. 1641. & 1654. quæ hic cumulare non est necesse.*

Deinde hunc Ordinum consensum manifestè probant omnes Imperatorum Capitulationes. Videtur quidem non omnino idem nobiscum statuere *Joh. Sleidanus*, tantum Electorum consensum requirens, nulla reliquorum Imperii Procerum mentione facta, in enumeratione articulorum Capitulat. Caroli V. At contrarium probant expressa verba Capitulat. Caroli V. §. 2. verb. Und wo noth. quæ hic adduxisse sufficiat, nam in reliquis eadem reperiuntur: Und wo noth dieselben (nempe LL. Imperii) mit Rath unser und des H. R. Churfürsten / Fürsten und andern Ständen bessern &c. & §. antepen. verb. des R. Ordnung so künfftig durch uns / mit ihrer der Churfürsten

l. i. Com.
ment. de
statu Relig.

sten auch anderer Stände beß H. R. Rath möchten auffgerichtet werden. Quamvis vero in laudata *Caroli V. Capitulat.* quædam enumerentur Imperii negoria, quæ solo Electorum adhibito consensu Imperator expedire queat, in recentioribus tamen & inprimis novissima Potentiss. nostri Cæsaris Leopoldi *Capitulat.* quædam aliquibus articulis addita reperiuntur, unde quæ in vetustioribus simpliciter de Electorum consensu dicuntur, quodammodo ad reliquos Imperii Principes extendi debere non obscure colligitur. Sic in *Capitul. Caroli V. art. 7.* dicitur, Cæsarem cum exteris inire fœdera non posse nisi de consensu Electorum, nulla reliquorum Statuum facta mentione. In *Capitul. verò Cæs. Leopoldi art. 10.* ad hoc requiritur der Ehurfürsten / Fürsten und Stände bewilligung/ Electorum solo consensu tum tantum sufficiente, da publica salus & utilitas eine mehrere beschleunigung erfoderte &c. Eandem interpretationem recipiunt, quæ de bello exteris inferendo in *Caroli V. Capit. art. XI.* & novissima *Leopoldi art. XIII.* habentur. In vestigalibus concedendis *art. IV. Carolina Capitulat.* solus requiritur Electorum consensus; in novissimæ vero *art. 21.* eorum insuper assensu opus esse dicitur, quorum aliqua ratione id fieri vel non fieri interest. In alienatione bonorum Imperii, pro exigente rerum necessitate ab Imperatore facienda, Electoralis Collegii videtur assensus sufficere, secundum *Carol. Capitulat. art. 9.* cum tamen longe aliud proximorum temporum praxis ostenderit, dum, ut quoad omnes effectus juris valida esset, translatio ditionum Imperii, nupero Instrumento Pacis in Gallum facta, necessum fuit, ut *de consensu, consilio & voluntate Electorum, Principum & Statuum Imperii fuerit facta*, sicuti habent verba Instrumenti Pacis German. Gall. §. *quo magis.* Et præter Cæsaris & Statuum Imperii ratihabitionem, cavit sibi Gallus, ut in proximis quoque Comitibus ex abundanti ratæ sint supradictarum ditionum juriumque abalienationes. *ibid. §. Conventum est insuper.*

Ex quo & illud aliquo modo elucere potest, quod licet Electores hoc jure præ cæteris Principibus gaudeant,
ut

ut singulares pro salute & incolumitate Imperii possint celebrare conventus, ibique *πρὸς βουλὰς* quandam de rebus Imperii instituere, sicut iis concessum in A. B. & in omnibus confirmatum Capitulationibus legitur: non tamen permissum ut in illis decident, quæ proprie ad comitia pertinent, neque illorum juris sunt. Non enim alia, inquit *Carpzovius*, ipsis concessa videtur potestas, quam quæ cum Reipubl. commoda & salute Imperii conjuncta est: quippe Reipubl. quam maxime interest, ut Ordinibus jura & immunitates salvæ sint. Unde nec crebri Electorum conventus adeo utiles esse Imperio nostro sorte nonnemini videri possent, cum inde fieret, ut vel nulla vel rariora comitia publica indicerentur.

C. 12.

De L. Regia.
C. 1. §. 16.
§. 15.

Tertio nostra sententia confirmatur ratione & statu ipsius Reipublicæ, quem cum supra mixtum ex Monarchia & Aristocratia dixerimus, mixta vero Respublica fit, ubi partim penes unum, partim penes plures sunt jura Majestatis, fieri aliter nequit, quin LL. Imperii universalium ferendarum facultas, tanquam inter jura Majestatis præcipuum, in Germania sit penes Cæsarem & Ordines Imperii simul. Scilicet mixtio hæc ita comparata est, ut in quibus superest solius Cæsaris potestas, ibi regale Imperii genus, ubi vero commune Statuum cum Cæsare Imperium, Aristocratiam liceat agnoscere, prout rectissime judicat *Dn. Lampad. tr. de Republ. Rom. Germ.* quodque eundo per omnia jura Majestatis facile possit ostendi, si id esset hujus loci, neque jam tum præstitisset quem modo laudavi *Dn. Lampadius.*

par. 1. sub
fin.

d. tr. p. 3. C.
12. & seqq.

Neque huic, quod divisa inter Cæsarem & Status Imperii sint jura Majestatis, est obstaculo, quod à nonnullis solet afferri: Majestatem esse indivisibilem, adeoque nec jura Majestatis dividi posse. Hoc enim verum est, inquit *Lampadius*, in subiecto adequato essentie nempe Republica, non subiecto existentia communi, ita scilicet ut licet tota Respublica nullum à se Majestatis jus abdicare queat, absque summæ potestatis imminutione, nihil tamen obsit ut in una eademque Republ. majestas esse possit

d. tr. p. 3. C.
14. §. ult.

p. 1. §. 60.

l. 1. c. 3. §. 17.

possit in disparatis subjectis , & vel penes unum vel plures, pro partibus tam divisis , quam indivisis , integra nihilominus Majestate toti Reipubl. ut subjecto adæquato inhærente. vid. *Lampad. d. tr.* Apposite ad hanc rem loquitur Grotius de l. B. & Pac. *Summum Imperium* , quamquam unum quoddam sit ac per se indivisum , fieri tamen potest , ut aut per partes subjectivas aut potentiales dividatur ; tum nimirum , si aut expresse instituantur partitio , aut si quid populus Regi imperet per modum manentis præcepti , aut si quid sit additum , quo intelligatur regem cogi aut puniri posse.

L. 6.

Ultimum denique assertionis nostræ argumentum petimus ab autoritate cum Actorum publicorum , tum præstantissimorum Scriptorum juris publici. Acta publica plena sunt talium : quorsum enim tot querelæ cum aliorum tum inprimis Evangelicorum Principum , tam multa esse facta citra illorum consensum ? Sane ipsum nomen Protestantium inde est ortum , quod Saxon. & Brandenburg. Electores , una cum Luneburg. Ducibus , aliisque orthodoxæ religioni addictis Statibus , decreto Spirensi , anni 1529. se opposuissent , utpote quod iis nolentibus & contra placita superioris conventus Spiræ anno 1526. habiti , à Ferdinando Rege Romanorum & Pontificiis factum erat. *Sleidan. Comm. de Statu Relig.* Mauritius Saxo inter gravamina Imperii Cæsareis Legatis in Passaviensi conventu anno 1552. exhibita hoc ut præcipuum ponit : *Principum Electorum* (imo & reliquorum Imperii Statuum) *autoritatem imminui* , multa que fieri non consultiis ipsis , eorumque in Comitiiis sententias sere postponi. Et paulo post ; à paucis quibusdam fuisse conscriptas LL. quæ evulgata sint , non sine multorum dispendio ; rem igitur ipsam postulare , ut LL. illæ proximo in conventu recognoscantur. *Sleidanus d. l.* Quod quoque impetratum & insertum Pacificat. *Passaviensi* , teste eodem *Sleidano* : donec tandem in comitiis Augustanis an. 1555. diu ab omnibus flagitata pax religionis feliciter confecta est , qua simul irrita facta omnia edicta , decreta & constitutiones , quæ in favorem Catholicorum & Protestan-

tium

tium injuriam à Cæsare antea publicata , quatenus isti conventioni contraria videri possent. Verba desß R. M. zu Augspurg de ann. 1555. sic habent. §. Und soll alles das in hievorigen Reichs-Abschieden / oder sonst begriffen und verjehen / so diesem Friedstand in allem seinem Begriff / Articulen und Puncten zu wider seyn oder verstanden werden möchte / demselbigen nichts be- nehmen / derogiren noch abbrechen / auch dagegen kei- ne declaration , oder etwas anders / so denselbigen ver- hindern oder verändern möcht / nicht gegeben / erlangt noch angenommen / oder ob es schon gegeben / erlangt o- der angenommen würde / dannoch von Unwürden und Unträfften seyn / und darauf weder in noch ausser Reich- tens nicht gehandelt / oder gesprochen werden. Et ne quis similibus exemplis nostrum seculum carere putet , inter gravamina Evangelicorum Cæsari in Comitiiis Ra- tisbonens. Anno 1613. exhibita & hoc inveniet , daß man der Evangelischen Stände vota nicht mit in die relation bringen / noch sonsten etwas gelten lassen wol- te &c. addita in seq. §. comminatione , daß sie biß un- leidliche procediren länger nicht gedulden können / auch jetzt nochmals einmal für alles dawider zum kräftigsten protestiret / und dagegen sich alle Nothdurfft vorbehal- ten haben wollen. Reichehandlung Goldast in gravamin. Evangelic. §. imgleichen. Et Elector Saxou. cum Cæsar Ferdinand. II. anno 1629. in favorem Pontificiæ religio- nis publicaret edictum restitutionis bonorum Ecclesiasti- corum , quæ post transactionem Passaviensem Status Ev- angelici sibi acquisiverant , prudenter Imperatori , una cum Electore Brandenburg. ante oculos posuit , referen- dam tantam rem esse ad generalia Imperii comitia. Et quoni- am de Pace Religionis controversia esset , eam aliter quam ex o- mnium Ordinum consensu definiri aut explicari non posse.

Confirmant modo dicta , quod propter defectum consensus aut absentiam Ordinum sæpe non potuerit fie- ri Lex Imperii. Ita enim legimus R. zu Regenspurg de anno 1546. §. Dieweil verb. daß wir (nemlich die Kays- serliche Majestät) aus Mangel der abwesenden Chur-

P. 1046

Brachel.Hist.
nost. temp.
l. 3. p. 200.
edit. Amster.

Fürsten und Ständen in obberührten unsern und des Reichs obliegen und Sachen (welche zu beständiger ihrer Vergleichung persönliche Gegenwart der R. Stände erfordert.) mit Nutz und Frucht ferner nicht fortsfahren und handeln haben mögen. Reichs-Abschied zu Augsp. de anno 1535. J. wiewohl auch die Nothdurfft erfordert / daß nunmehr die Rung. Ordnung in würckliche Vollziehung gebracht werde / so haben wir doch sonderlich / daß etlicher fürnehmer Glieder des H. R. Räte und Botschaften mit gnugsamer instruction nicht gefaßt gewesen / dimal darzu nicht kommen können. Reichs Abschied zu Speir de anno 1600. J. Ob nun wol verb. so hat man doch von deswegen zu keiner endlichen Erledigung und Verabschiedung damals kommen können / daß etliche Abgesandte mit Schwachheit behaft / theils verstorben / und also das Werk nicht beharret werden mögen. Reichs Abschied zu Augspurg anni 1532. J. als auch ferner. verb. welches doch in Betrachtung daß etliche Churfürsten / Fürsten darwider protestiret / verblieben; & paulo post: Nach dem nun auff diesem Reichstag/ etliche Churfürsten / Fürsten und Stände wider gemeldte constitution öffentlich protestiret / wollen wir mit den protestirenden Ständen handeln / dieselben in gute Vergleichung stellen/ und die constitution im Reich publiciren. Scilicet quod iis non consentientibus promulgatam constitutionem omni vi & efficacia carituram prudentissimus Imperator minime ignoraret.

Neque ab hisce abeunt Doctores I. publici. Sic enim Paurmeister: *de Jurisdic. Imp. Rom.* Certum est causam efficientem decretorum comitialium, non unicam & absolutam esse Cæsaris voluntatem, sed ejusdem & Ordinum in idem placitum consensum. Arniseus l. 2. *Relect. Polit.* Legem Imperator non condit sine consensu & consilio Statuum Imperii. Linnew in opere *Juris publici*: Leges Imperii universales non ab Imperatore solo, sed ab omnibus Imperii Statibus feruntur. Lampadius *tr. de Rep. Rom. Germ.* Privilegiorum concessio à Cæsarea solum Majestate pendet

l. 1. C. 2. §. 52.

C. 6. §. 5. §. 79.

l. 1. c. 10. §. 32.

l. 3. c. 14. §. 64

pendet. Universalium vero LL. dispar est ratio. *Carp. C. 3. S. 2. §. 3. xovius de L. Regis.* In Imperio Romano legem universalem condit Imperator cum assensu & consilio Statuum. *Bertramus de Comitibus Imperii.* Generatim verum esse puto quod Imperator in Comitibus absque scitu statuum ab soluta autoritate regulariter nihil sanciat. Qualia loca apud melioris sententiæ fautores passim occurrunt. Memb. ult. S. fin.

Quæ profecto omnia evidentissime probant necessitatem consensus Ordinum Imperii, in ferenda lege aliqua universali, neque eum esse nudum consilium, quale dat amicus amico, aut consiliarius domino, quod sequi vel insuper habere licet; verum tale consilium, quod certo respectu necessitatem inducit. *Limn. ad Capitul. Caroli V.* Nec enim Imperator noster illud dictum Persarum Regis, citatum *Grotio de I. B. & P.* imitari posset: *Ne videretur tantummodo meo usus consilio, vos contraxi.* P. 136. l. 1. C. 3. §. 16. Caterum mementote, parendum vobis magis esse quam suadendum. Nihilominus tamen inveniuntur, qui Ordines Imperii, in LL. ferendis haud alio loco esse volunt, quam quo apud alios Reges in publicis consultationibus sunt consiliarii. Quam inique vero ac indigne talia de iis pronuncientur, præclare ostendit *Magnif. Dn. Praeses differt. de Voto Imperator.* cujus verba hic adduxisse operæ erit pretium. Quando Rex, inquit, aut quocunque nomine est, qui summam ferendarum LL. potestatem habet, consiliarios de ferenda lege consulit, aut consilium eorum, sive suasoriam hujus aut illius legis audit accipitque & in legislatione sequitur: id primo facit libere, nulla necessitate ut ita faciat adstrictus; deinde non ut socios ferenda legis adsciscit (neque enim cum de jure suo loquitur, dicet, se cum consiliariis suis ita edicere, jubere, vetare,) sed actu prævio, judicium suum de ferenda lege, ipsorum quoque prudentia informas: tum deinde demum, cessante jam opera consultoris, ipse alio ac novo actu legem fert. Quæ adeo diversa sunt & esse debent, ut tum quoque confundi nisi ab indoctis nequeant, quando legislator ipsa verba consultoris & formulam, in ferenda lege retinuit. At quando in Imperio leges sunt ferenda, Imperator Ordinum non consilium tantum adhi-

P. 136

adhibet libere, sed consensu eorum & sociata ope ita indiget, ut Imperator & Ordines unius causa efficientis rationem & vim habeant, qua efficientia nullis consiliariis cum Regibus suis communis est aut esse potest. Sine consiliariis ergo Legislator *novæ* *Lex* LL. ferre potest, sine Ordinibus Imperator legem ferre non potest.

Quibus ita expositis puto satis esse stabilitam nostram assertionem, Legum Imperii universalium ferendarum potestatem esse penes Cæsarem & Ordines simul: neque esse obscurum, quid respondendum sit iis, qui contrariam fovēt sententiam. Primo enim nimis audacter illos sentire credimus, qui nescio qua rerum externarum specie decepti, pure Monarchicum statum in Imperio obtinere statuunt, omnemque adeo hodierno Imperatori Majestatem & potestatem summam in Imperio transcribunt. Sicut enim Cæsari, qua nostri Imperii augustissimum caput est, denegare Majestatem sine sacrilegio nemo potest, utpote cujus fastigium longe sit supra reliquorum in orbe principum & Regum dignitatem, *Carpzov. de L. Regia*, indeque ante mortalium omnes primus, à solo Deo secundus dici non sine ratione possit; ita non minus labi eos graviter certum est, qui summam & absolutam potestatem Cæsari deferentes, nullam prorsus Imperii & Majestatis communionem Celsissimi Imperii Principibus ac Statibus concedunt. A quibus diversum statuere, docent nos LL. Imperii nostri fundamentales & imprimis Cæsareæ Capitulationis tenor, de qua *Magnif. Dn. Praeses* pronunciat in *dissert. de Voto Imp. quod major aut certior lex de potestate Imperatoris & forma Imperii esse non possit*, quam illa qua cujusque Imperatoris jurejurando sacretur. Illa quippe multis modis summam & absolutam limitat Imperatorum potestatem. *Carpzov. de L. Regia. Limn. prolegom. ad Capitulat. Caesar.* Ad cujus observationem, Imperii candidatus antequam per coronationem ad Imperium promoveatur, prævio juramento se obstringere tenetur, juxta clausulam singulis Capitulationibus annexam, *in-*
massen wir dann mit einem leiblichen Eyde zu GOTT
und

C. 13, S. 6.

p. 10.

C. 13 & passim.
 Sect. 2, §. 4.

und dem heiligen Evangelio geschworen 2c. *Carpzov. de C. 1. §. 9. & 10. L. Regia.*

Neque hic mihi quis objiciat, jurare in certa capita & alios Reges Principesque, antequam capiant regni habenas, quos nihilominus regiam & absolutam in suos potestatem habere constet, quale Regis Gallorum juramentum refert *Bodinus*: *Juro ego per Deum immortalem, ac promitto me juxta regnaturum, judicium, aequitatem ac misericordiam facturum.* Cujusmodi plura videri possunt apud *Carpzov. de L. Regia.* At vero pro responsione notari debet; non ita crasse judicandum de promissis & juramentis Regum; ut posito juramento, statim etiam imminutio summæ potestatis inferatur, sed omnino hic inspicendam formulam & objectum talis promissionis, quæ si sit de iis, ad quæ Reges omnes etiam si nihil promiserint, divino & naturali jure tenentur, qualia continet allatum Regis Gallorum jusjurandum, non definit summum esse imperium, *Grotius de I. B. & P.* Sin vero talia Rex subditis suis promittat, quæ ad facultatem aliquam imperandi pertinent, quemadmodum faciunt, qui per modum manentis præcepti per Leges fundamentales formam gubernandi & certos suæ potestati limites præscribi patiuntur; hi sane summam potestatem seu integram habere Majestatem dici non possunt. Eorum quippe actus LL. judicio subsunt. summa autem & absoluta potestas illa demum est, cuius actus alterius juri non subsunt, ita ut alterius voluntatis humana arbitrio irriti possint reddi, teste *Grotio de I. B. & P.* Quanto minus vero ille summam & integram habere potestatem, poterit dici, qui præterquam quod certis conditionibus in se delatum acceperit imperium, nunquam jura Majestatis solus habuit, sed cum pluribus ex Lege fundamentali ea communia habere tenetur? Nam jura Majestatis, summæ potestatis sunt partes essentielles, quarum una decedente totum manere amplius integrum nequit, *Vid. Dn. Cellar. Polit.*

Frustra sunt, qui absolutam hanc potestatem asserere

Pp

Impe-

Imperatori satagunt, vi *Legis Regia* nunquam revocatæ
 l. 2. c. 7. §. 31. aut revocabilis. *Expediant enim mihi* (respondit *Magnificus*
 P. 9. *Dn. Praeses laudata differt. de Vor. Imp.*) *sine pudore & flagitio*
rogo, qui tam horribiliter sapiunt, qua auctoritate instructi,
homines privati L. Regiam in eam Rempublicam inducunt, ubi
prima & summa Lex dicat, nullum esse Legi Regiae locum. Un-
 de recte eam nunquam in Germania usu fuisse receptam
 S. 1. §. 7. affirmat *Limneus Prolegom. ad Capitul. Cas.* Si tamen quis
 inde sumere argumentum velit, quod Capitulatio Cæ-
 sareæ etiam vocetur Lex Regia, is quantum erret facile
 deprehender, collatis inter se Lege Regia Romanorum, &
 Cæsareæ capitulatione. Illa enim absolutam Principi &
 liberam dabat potestatem. omneque removebat juris vel
 facti impedimentum, quo Imperatoris actus possent in
 irritum cadere, sicuti tum ex *Ulpiani* verbis, tum ex
 l. 1. f. de con- *Dione Cassio & fragmentis ab Onuphrio Comment. in fast.*
 stit. Princ. *temp. Vesp.* relatis, clarum est. Capitulatio vero Cæsa-
 rum Germanicorum prorsus cum absoluta potestate pu-
 gnat, & simul cum ea stare nequit, per ea, quæ jam
 supra sunt dicta, omnesque actus nulli sunt, quibus
 capitulationis limites transgreditur Cæsar. *Limn. prole-*
 S. 10. §. 5. *gom. ad Capitul. Casar.* imo si audimus *Reinking. de Regim.*
 l. 1. Cl. 2. *Secul. Roman. Imper.* solio deponi potest, si *fundamentales Im-*
 §. 119. *perii Leges violet, & datam fidem negligat.* Quæ profecto
 cum veteri Romanorum Regia Lege plane non conve-
 niunt.

Non magis illos hoc juvabit, quod omnes & singuli
 Imperii Ordines Imperatori fidelitatis & subjectionis iuramentum
 prestare, suarumque actionum rationem reddere teneantur. Prin-
 cipio enim de omnibus Imperii Proceribus collective
 sumtis hoc simpliciter verum est, de singulis autem con-
 cedimus, quatenus ex conventionione & Lege publica mu-
 tuo obligati id facere astringuntur. *Limn. l. P.* Deinde
 l. 1. c. 10. §. 49. hoc de iis est accipiendum, quæ debentur Imperatori,
 non proprio, sed totius Imperii nomine, quatenus scili-
 cet Imperium aliqua suo nomine per Imperatorem expe-
 diri vult; secundum formulam homagii, dem *Römis*
schen

schen Keyser und dem Reich treu / hold und gehorsam zu seyn. *Carpzov. de Lege Regia. Reinking. de Regim. Secul. C. 13. §. 6. §. 42.*
Rom. Imp. Unde quoque Status Imperii passim dicuntur, l. 1. Cl. 2. C. 2. §. 39.
 Unsere und des Reichs Unterthanen. R. U. anno 1521. in princ. & paulo post, darauff befehlen wir &c. bey den Eiden und Pflichten / die ihr uns von des Reichs wegen insonderheit gethan. *Limn. & Reinking. cit. loc.*

Neque majoris momenti illud est, quod Imperator nullius teneatur imperio, adeoque absoluto fruatur imperio. Ambigue enim dicitur, Imperatorem nullius imperio teneri, cum quoad illas majestatis partes quidem, quæ per LL. fundamentales pleno jure in illum transierunt, independenti prorsus potestate sit, iisq; ut absolutæ potestatis Princeps fruatur. *Lamp. de Republ. Rom. Germ. Quantum vero ad reliqua majestatis jura, p. 1. §. 62. & quæ cum pluribus ei sunt communia, simpliciter sum- P. 3. C. 2. §. 116.*
 mus dici nequit, ex constantissima veteris ac junioris Philosophiæ veritate: Nullum enim majestatis jus in alios transferri potest, majestate penes transferentem interim integra manente. *Dn. Cellar. in Polit. Præterea si ab Imperatore ad Imperium potest appellari, ut prolixè probat l. 2. c. 9. §. 107.*
Limneus in I. P. si rationem tenetur reddere coram Comite Palatino Rheni; si LL. Imperii fundamentalibus, A. B. C. §. Art. 38.
 omnibus imperii Recessibus tenetur, (*Capitular. Leopoldi*;) qua ratione absolutus dici poterit?

Sed inquirunt, quid ergo sibi vult formula illa, quod ex plenitudine potestatis Cæsar quædam in comitiis decernere dicatur phrasi illa pervulgari, von Römischer Kayserlicher Macht und Vollkommenheit. Non paucos, fateor, hujus formulæ sinistra explicatio induxit, ut aliter ac debebant de Legislatoria in Imperio nostro potestate sentirent; & imprimis multum sibi ea placent, qui Cæsarum potestatem, eam quæ hodie est, ex formula Justinianeâ definire volunt. Verum enimvero, quod per eam plenitudinem potestatis, hic non possit intelligi summa & plena potestas seu Majestas, inde clarum est, quod in rebus comitialibus ea non apud solum Cæsarem sit, sed conjunctim penes Cæsarem &

Status, sicuti jam sæpius dictum. Quapropter quando clausula, de plenitudine potestatis LL. Imperii subiecta est, idem erit ac si dixisset Cæsar de potestate sua, nec ejus vis porrigenda erit ultra partem potestatis, quam in rebus ad comitia pertinentibus Cæsar habet. Et ideo potius adjecta existimari debet, ut ejus magis atque magis declaretur voluntas, & animi deliberatio, eodem prorsus effectu, ac si dixisset, se id facere ex certa scientia. vid. *Lampad. dict. 17. Linnaeus cit. loc.* Atque hanc hujus vocabuli veram esse interpretationem, ex hoc quoque probatur, quod si forte olim Imperatores hac formula voluerint abuti, nunquam non à Statibus graviter sit contradictum, ut R. Absch. zu Speyer anno 1544. in fin. Und wir Churfürsten &c. bekennen mit diesem Abschied / daß alle obgeschriebene Puncten (außerhalb so die Kayserliche Majestät aus Kayserlicher Macht und Vollkommenheit gesetzt) mit unserm wissen &c. R. A. zu Wormbs anno 1545. in fin. ibi, die außerhalb berührtes Articuls vom Colloquio meldent / so Röm. Kayserliche Majestät unser allergnädigster Herr / für sich selbst geordnet / und wir die Stände der alten Religion verwandt / nicht darin willigen : quod vero additur, und doch Ihrer Majestät darinn nicht Maß noch Ordnung geben können / utut placendi studio ab iis prolaturum possit dici, nec ullam verba ejusmodi curialia obligationem inducant, nobis hic sufficere debet, quod aperte testentur, se ea quæ pro se Imperator constituit, partem decreti vel recessus non agnoscere; quo simul omnis vis obligationis illi detracta est, ut quocunque modo ille articulus violetur, nullus poenæ aut executionis sit locus.

Paurmeist.
de jurisdikt.
Rom. Imp.
I, 2, C, 2, §. 84.

Inane quoque est illorum effugium, qui ut omnis Reipublicæ mixtæ fundamenta evertant, inter ipsum statum seu formam Reipublicæ & modum administrandi distinguunt, & illum quidem monarchicum esse posse, quamvis administratio sit mixta contendunt, exempli gratia, quando dicimus Imperatorem jura quædam maje-

majestatis cum Ordinibus communia habere, id ad Statum ipsum Reipublicæ negant pertinere, sed ad modum administrandi restringunt. Verum optima & Aristotelica distinctione nimium abutuntur, neque vim vocum perspectam habent. Jura Majestatis omnia, ad statum Imperii pertinere, minime autem ad modum administrandi, in confesso est. Neque modus administrandi facere potest, aut facit mixtum statum; unde nec mixtura accurate loquendo in modo administrandi querenda. Deinde ubicunque ad ferendam legem, & alia summi imperii jura exercenda, unus aliquis necessitate finis, sine exceptione & in eandem vim agendi, in eodem actionis ordine integrandam, sociare sibi alios, sive aliis sociari, tenetur, ibi talis actio non ex modo gubernandi statum, sed ex statu ipso profluit, atque adeo, ex tali actione de forma sive statu Reipublica judicandum est, non autem de modo gubernandi, cui neque necessitas talis, neque talis efficientia tribui potest; utor iterum verbis Magnifici Dn. Prasidis dissert. de Voto Imper.

Illi vero quid aliud volunt quam falli, qui sub titulo consuetudinis & praxeos, unum alterumve factum exosculantur, ex quo absolutam Cæsaris potestatem deduci posse sibi persuadent? interrogandi ejusmodi homines, an & quando & quomodo praxis aliquid à formula fundamentalium Legum diversum introduxerit? cumque *νομοδότης* allegare non possint priori contrariam & adversam, præscriptionem ex silentio probent necesse est. Id quod est *τῶν ἀδυνάτων*; adeo quavis occasione iis, quæ contra formulam status cœperunt fieri, cordate, diserte, nonnunquam etiam vehementer contradicendum est.

Verum, qui Imperatori non absolutam, sed certis modis in Capitulatione limitatam tribuunt potestatem, non tamen eo ipso omnem illi denegant Majestatem, ut cum Bodino meram Aristocratiam in Germania obti- 1. 2. de Rep.
nere statuant: quippe cum illa demum Respublica mere 6.
Aristocratica sit, ubi jura majestatis omnia penes Optimates sunt indivisim. Quod in Imperio nostro non conspicitur. Ex quo Bodinum aut ignorasse miscenda Reipu-
blica

blica rationem, aut Imperii nostri Scutum calumniose traduxisse
 p.3. c.3. §.14. *se perspectum est, inquit Lampad. tr. de Republ. Rom. Germ.*
 Certe non loquuntur isti homines ea qua par reverentia
 de nostro Imperatore, ipsique imperio, quod merito
 sacrosanctum esse debet, haud levem inferunt injuriam.
 c.13. §.9. *Carpzov. de L. Regia.* Sed forte nimis multa de hisce,
 dicenda tamen quædam fuere, ne nobis obstare possent.

Haftenus ergo de primo membro, quatenus potestas Legum universalium Imperii ferendarum Cæsari & Statibus est Communis. Sequitur alterum, scilicet quodnam solius Cæsaris circa Leges ferendas ius sit, & ubinam in nostra Republica, Monarchicum regimen liceat observare. Quod autem supra diximus, ea jura Majestatis, in quorum communionem Electores & Status Imperii per Capitulationem, & LL. fundamentales non concesserunt, pleno jure in Cæsarem transiisse, propriaque illius facta esse, id denuo hic ut fundamentum repetimus. Et cum probatum sit, in Legibus universalibus Imperii condendis solius Cæsaris potestatem haud agnosci, sed Ordinum quoque consensum ad id requiri, facile pater, quantum quantum in ferendis Legibus solius Cæsaris est arbitrium, id omne in juribus singularibus, sive privilegiis subsistere. Dicuntur ea in actis Imperii *Kaiserliche Hoheit und reservaten / K. U. zu Regensburg an. 1576. §. Dadurch dann. K. Absch. zu Speir an. 1570. §. Also dann auch.*

Sunt autem ejusmodi privilegia in genere, quæ vel causæ & rei certæ, vel certæ tantum personæ conceduntur. Etenim in omni Republica nonnulla ita constituuntur, ut omnes subditos semper obligent; & illa proprie Leges appellantur: Nonnulla vero ita, ut favoris gratia unum & item alterum, à communi Jure excludant, & sic à Lege excipiant; quod proprie privilegium est. Quamvis vero in omni bene constituta Republica, regulariter ita se res habere soleat, ut penes quem ferendarum & abrogandarum Legum est potestas.

pe-

penes illum quoque sit privilegiorum concedendorum & exceptionum à Lege jus, tamen per Germaniam fere semper obtinuit, ut penes Cæsarem & Ordines Legum universalium ferendarum, penes solum vero Imperatorem dandorum privilegiorum fuerit facultas.

Considerari ea solet prout vel ad personas vel ad res pertinet. Ad personas præcipue spectat. (1) Jus constituendi quid circa dignitates personarum, seu conferendi dignitates graduales, quod soli Cæsari tribuit *Limn. in I. P. & Lampadius sæpe laudato tractatu, cujus* 1.2. c.9. §. 17.
 verba sunt: *Regis, Archiducis, Ducis, Marchionis, Landgra-* p.3. c.13. §.5.
fii, Comitis, Baronis, Nobilium, Doctorum, Comitum Pala- & 6.
sinorum, Magistrorum, Tabellionum & id genus similibus, hæ
inquam dignitates ad unum à solo Cæsare oriuntur. Nec cui-
quam in Imperio, ne comitiis quidem de dignitatibus ejusmodi,
jure majestatis, seu superioritatis statuendi Jus. Vid. Aruma,
de I. P. Non tamen hæc ita simpliciter sunt accipien- Vol. 5. dis-
 da, ut, in quoscunque velit, dignitates, præsertim curs. 2. p.119.
 majores, possit conferre Imperator, sed omnino intelli- & seqq.
 gendum, si ratio & utilitas Imperii id permittat. Ita
 Electorum numerum augere, aut in numerum Ordinum
 recipere quem velit, Legibus fundamentalibus Impe-
 rii præpeditus, nequit, sed in hisce Statuum consen-
 sum tenetur adhibere, sicuti constat ex Rec. Imp. no-
 vissimo an. 1654. §. fin. Unde rectissime questus est
 Mauritius Saxon. Elector. in conventu Passaviensi, admi-
 sceri publicis in comitiis nomine provinciarum Cæsaris quosdam in
 Principum Ordinumque cæterum, & occultis hoc agi consiliis, ut ad-
 aucto numero illi vincant, notante *Sleidano comment. de Sta-*
tu rehg. Eodem modo nullum ex Ordinibus poterit Cæ- l. 24.
 sar absolutum reddere, quippe quem eo ipso jurisdictio-
 ni Imperii subducere necesse foret, cum tamen juramen-
 to Cæsareo contineatur, ne diminuat Imperium, ejus-
 que dignitatem. Unde recte *Lampadius de Regibus &* d. tr. p.3. c.11.
 cæteris dicta, non de potestate Regia absolute imperan- §. 7.
 di, sed dignitate externa esse intelligenda ait. Quos
 enim ab antiquis Imperatoribus creatos unquam Reges
 legi-

legimus, ita Regio nomine usus fuisse apparet, ut simul Imperatoris, & Imperii in se jura agnoscerent, sicuti de primis Daniæ & Bohemiæ Regibus testatur *On, Conring. de finib. Imp. Germ.*

(2) Jus legitimandi liberos naturales, cujus illustre exemplum est apud *Goldast. tom. 3. Constitut. Imper.* (3) Jus famæ restituendæ & honorum; circa quod tamen monet *Arnise.* consensum Statuum requiri, argumento *X. A. zu Speir an. 1525. S. und ist derhalben. & X. A. zu Speir an. 1526. S. und wievol.* quando Imperator Ferdinandus seditiosos rusticos honori & famæ restituit. (4) Jus dandi veniam ætatis, cujus elegantia exempla adducit *Linn. in l. P.* (5) Jus de sessione Statuum cognoscendi. *Carpzov. de L. Reg. Lampad. de Rep. Roman. Germ.* quæ Statibus ut plurimum, excepta Electorali Saxonica, Brandenburgica & Palatina domo, ut & Ducum Brunsvic. & Luneburg. familia, in comitiis est altercationum materia. Verum & hic quoque non omnino Statuum arbitrium excludi debere, forte posset colligi ex *Rec. Imp. zu Nusspurg an. 1500. tit. wie die Irrung der Session. verb. und alsdann solche Schrift und Antwort unsern Churfürsten zuschicken/ ihren Rath darüber hören &c.* Et fere hodie istæ controversiæ, ad comitia ipsa sunt tractæ, cumque ipsi Principes, alique Ordines de jure sessionis contententes, præjudicium aliquod pro se facile possint allegare, hinc adeo nulli ferme sententiis Cæsareis hoc definiendis, solent parere. (6) Jus investituræ & collationis Feudorum Principalium & illorum quæ *Hahnlehen* appellantur. *A. B. tit. 5. Constit. Caroli V. vom Regiment zu Wormbs anno 1621. S. und behal- ten uns.*

Jura vero singularia quæ ad res spectant præcipua fere sunt hæc: Jus nundinarum solennium seu privilegiatarum; Jus stapulæ; Jus dandi civitatem; fundandi Academias, dandique Academicis facultatem creandi Doctores, & Magistros, (quod tamen proprie ad perso-

l. 2. c. 9. §. 128.

nas pertinet) Linn. de l. P. Lampad. tr. de Rep. Rom. Germ.

Jus

Jus indulgendi moratorias inducias, vulgo *Unstandß*, *p. 3. c. 12. §. 2.*
Brieffe / quas cum singulis debitoribus, tum collegiis & c. 14. §. 2.
 & urbibus integris concedere potest Imperator. *R. Absch.*
zu Augspurg an. 1548. tit. von verdorbenen Rauffleuten.
 Quales inducias, Principes quoque Imperii dare que-
 unt, quæ tamen non ulterius vim suam extendunt, quam
 in suis territoriis, & debitoribus tantum contra eos cre-
 ditores securitatem præbent, qui iisdem principibus sub-
 sunt. *Limn. de I. P.* Cæterum non nisi exigente summa *l. 4. c. 5. §. 120.*
 Reipublicæ necessitate tales inducias debitoribus conce-
 dendas esse, data fides & promissorum religio suadet.
 Etenim nisi fides servetur, societatis Civilis perire vincu-
 lum, & universam corruiere Rempublicam necesse est.
 Quare pro rei magnitudine optime Imperio nostro con-
 sultum videtur, quod non unius arbitrio, sed in pu-
 blicis comitiis communi Ordinum consensu lex de solu-
 tione debitorum lata sit. *R. A. zu Regenspurg an. 1654. §.*
nachdem auch in dem Friedensschluß.

Huc amplius pertinet jus concedendi exteris Princi-
 pibus licentiam, militem in Imperio conscribendi; *Carpzov. c. 13 §. 9. §. 12.*
de L. Reg. Jus dandi immunitatem à vestigalibus; *Lampad. P. 3. c. 14. §. 3.*
d. 17. quod tamen ita per Capitulationem restrictum, ne
 Electorum vestigalia deteriora fiant. Ex quo vero non
 sequitur liberam esse Cæsari facultatem derogandi reli-
 quorum Principum vestigalibus, quippe cum etiam illis
 per Capitulationem cautum sit universali illa promissione
 de Principum aliorumque juribus non imminuendis.
 vergeret enim in summum Principum detrimentum. O-
 lim quidem, cum vestigalia potissima adhuc in patri-
 monio Imperii essent, potuit hoc fieri, non vero hodie
 postquam in privatam possessionem Ordinum Imperii con-
 cesserunt. Et hæc fere sunt in quibus potissimum Legis-
 latoria solius Cæsaris potestas eminet; quamvis caute
 hic versandum, ne potestatem Cæsari in hisce compe-
 tentem nimium extendamus. Nam si absolute in talibus
 velit aliquid statuere, poterit utique & Legibus publicis
 Imperii omniumque Ordinum juribus derogare. Unde

forte haud incommode quis distingueret inter privilegia, quod alia nihil derogent juribus Principum & Imperii, alia vero permultum. Quæ prioris ordinis, illa in arbitrio Cæsaris esse nullum est dubium; quæ vero sunt posterioris, non absque limitatione accipienda. Nam uti jam monitum, capitulatione cavetur, Cæsarem jura Ordinum universique Imperii illibata conservaturum, consequens ergo est, non esse in arbitrio Imperatoris quicquam juribus Ordinum & universi Imperii detrahere, *Capitul. Invidiæ. Cæs. Leopoldi §. 3.* Cum quibus conveniunt quæ modo sunt dicta, quod in nonnullis Cæsarium potestas jam tum sit limitata, & quod *Limn. in I. P.* exemplis declarat, Cæsarem singulares Leges indistincte non posse ferre & dare privilegia, aut si dederit, confirmatione alia nonnunquam opus esse.

Non adjicimus reliqua quæ hoc loco tractari solent, cum apud *Limn. Aruma.* aliosque fuisse legi possint: sed pergimus ad tertium primi capituli membrum, scilicet *quænam sit singulorum Ordinum potestas circa Leges ferendas in suis ditionibus.* Magnam autem esse potentiam, libertatem, & ampla jura Ordinum Germanici Imperii in confesso est, considerarique possunt, quatenus respiciunt vel administrationem totius Imperii, vel personas & res propriarum ditionum. Posteriora hæc veniunt hodie nomine superioritatis, aut juris territorii: vulgo *der Landesfürstlichen / oder Landes Obrigkeit / Carpzov. de L. Reg. Limn. I. P.* Quo vero tempore Principes istud jus territorii in se transtulerint, & qua ratione, an privilegiis Imperatorum, aut usu longævo obtentum, an vero territorio annexum beneficiario jure habeant, aut quia immediate subsint Imperio, penitus inquirere non est nostrum; uti nec quousque illud extendatur, aut extendi debeat, an regium sit vel ei simile. Interim tamen fatendum est, si asserere velimus Principes in suis territoriis exercere quosdam actus, ex quibus summa quædam & Regia potestas colligi possit, eam vel cum *Dn. Lampadio tr. de Rep. Rom. Germ.* derivandam esse ex libera suffragandi in

U. S. 12. n. 4.
1. 4. c. 2. n. 132.

P. 3. c. 3. §. 3.
16. & 20.

in comitiis publicis auctoritate, ita ut earum rerum quæ in comitiis peraguntur supremam atque adeo majestaticam habeant in his ditionibus jurisdictionem; vel cum *Carpzov. de L. Reg.* deducendam ex iis juribus quæ domi c. 1. §. 12. n. 11. quisque habet, principibusque sunt concessa ab Imperio & Imperatore, ita ut in eorum exercitio à Cæsare impediri nequeant; qualia sunt quæ ad condenda statuta, collectas imponendas, fœdera, constitutionem magistratuum & similia pertinent. Atque hoc modo vulgatum illud axioma: *Principem tantum posse in suo territorio, quantum Cæsar in universo Imperio*, commode potest restringi vel ad ea quæ principibus concessa sunt; vel quatenus principes comitiorum participes ea quæ in comitiis quoad totum Imperium statuuntur in suis ditionibus independenti potestate administrant. Nam quæ solius sunt Cæsaris, in universo Imperio ac proinde in singulis ditionibus, in iis Principes à Cæsarea majestate dependent. Vid. *Lampad. d. 1.*

Apprime vero hic cavendum, ne externo nominis sono der Landesfürstlichen Obrigkeit decepti civitatibus Imperialibus eandem competere superioritatem negemus, eo quod hæc appellatio potestati & juri civitatum haud convenire videatur. Licet enim hoc forte verum esse possit, ex sententia eorum, qui distinguunt inter Landesfürstliche Obrigkeit / und hohe Obrigkeit / *Webner. pract. obs. verb. Landesfürstliche Obrigkeit* / tamen quare hanc superioritatem illis denegemus, cum de reliquis Imperii juribus non minus participant atque reliqui Status immediate subiecti Imperio? Vid. *Lampad. d. tr. Carpzov. p. 3. c. 14 §. 25. de L. Reg. c. 1. §. 12. §. 24.* Quamvis non omnes civitates Imperiales æque participant illam superioritatem, sed aliæ magis aliæ minus, ita ut vix liceat in universum idem de omnibus pronuntiare. *Andrea Knichii* tamen opinionem in *Felitatione Apologetica* non moramur, qui territorialem hanc potestatem civitatibus subtrahere voluit. Vid. *Linu. I. P. l. 7. c. 1. §. 30.* ubi jura hæc civitatum satis propugnat.

Cum vero plurima sint, quæ jure superioritatis

l. i. cl. s. c. 4.
& c. 6. n. 9.
& seqq.

Principes & Status in suis ditionibus exercere possunt, uti videre est apud *Reinking. de regim. Sec. Imp. Rom.* ad nostram tractationem maxime spectat Juris statuendi & Legum ferendarum potestas : quæ comode potest considerari prout vel circa sacra vel circa profana versatur. Constitutio juris in profanis jure sublimis territorii Ordinibus Imperii competens, maximè eminet, in condendis statutis, & consuetudine introducenda, quo referri etiam potest facultas edicta publicandi, German. *Öffentliche mandata und edicta anshlagen und abgehen lassen.* Statuta hæc & consuetudines in iis provinciis in quibus conditæ sunt tanta pollent auctoritate, ut etiam contra jus commune valeant. *Dn. Hahn. observ. theor. pract. ad parat. Wesenb. de LL. num. 3. ad verba decreta*, & secundum eas in decitione causarum, inter subditos ejusdem provinciae, Camera Imperialis pronunciare debeat, sicut probat juramentum quod Assessores Camerae Imperialis, antequam in hunc ordinem recipiantur, præstare tenentur, *nach redlichen / erbaren / und Ländischen Ordnungen / statuten und Gewonheiten / der Fürstenthumen / Herrschafften / und Gericht / die vor sie bracht werden gleich zu richten / und keine Sache sich dargegen bewegen lassen.* O. C. p. 1. tit.

l. i. obs. 36. n.
14.

l. 4. c. 2. s. 23.

§ 7. *Gailius pract. obs.* quod tamen intelligendum omnino est de ejusmodi statutis, quæ non sunt de reservatis Imperii, aut de illis quæ per clausulam irritatoriam, jam ante improbata, *Kayserl. constitution zu Speir an. 1529.* §. Darmit auch. *Dn. Hahn. d. l. Limn. l. P.* Idem sentiendum est de consuetudinibus, quod careant omnibus effectibus, quando vel expressa Lege sunt abrogatæ, uti videre est in Reformation guter Policey anno 1548. tit. *von Handwercks Eöhnen / verb. wollen wir solche beschwerliche Gebräuche oder Gewonheiten hiermit aufgeshebet / oder vernichtet haben.* vel adjunctam habent clausulam, non obstante quacunque consuetudine, ut in *clement. statutum de Elect. & R. Absch. zu Augspurg §. und nachdem etwan / ubi consuetudines Ordinationi Politicæ contrariæ simpliciter omnes declarantur nullæ.*

An vero talia statuta etiam sine Imperatoris confirmatione valeant, non una omnium est sententia. *Bersius de pact. illustr. fam.* affirmat, eam, utut forte necessaria non sit, utilem tamen esse, propterea addendam, quando ait: *Status vero atque Ordines Imperii cum proprio jure & hereditario ab Imperio sibi concessa jurisdictionem exercere caperint, & ideo ipsorum Leges, si justæ sint & rationi convenientes, sua vi subsistant, neque necessario confirmatione Casarea indigent, tamen (vitandi ergo disputationes & dubitationes quæ de iis moveri solent) eam ad firmitatem & corroboracionem eorum, & indubitabilem in superioribus & extraneis tribunalibus auctoritatem multum operari existimo, atque ideo minime negligenda.* Hac tamen potestate condendi jura provincialia ita plerumque utuntur principes, ut in conventibus provincialibus den *Landtågen* adhibitis in consilium Statibus den *Landstånden* conficiantur. Vid. *Limn.* l. 4. c. 2. §. 255. l. P.

Quod si vero de consuetudine introducenda sermo sit, Principis expresso & positivo consensu non est opus, ex natura ipsius consuetudinis, quippe quæ ex rebus factisque nata, sensim hominibus innotescit, cunctis illius principium ignorantibus: adeoque sufficit si Princeps eam toleret & non impediat, quo ipso consensus ejus elicitur non modo permissivus sed & approbativus: *Dn. Hahn. obs. theor. pract. ad parat. Wesemb. tit. de LL. n. 9. verb. non contradicat.* Huic vero Legum lationi cum annexa sit justitiæ secundum Leges administratio, competet quoque Statibus facultas dicasteria provincialia, *Hoffgerichs* et/ atque *Scabinatus*, *Schöpfenstule*/ erigendi; Magistratus, Judices, Scabinos constituendi, edictaque varia prout ratio provinciæ postulat promulgandi, quibus si non pareatur, possunt delinquentibus imponere multas & pœnas, de quibus late differit *Reinking. de reg. sec. Imp. Rom.* l. 1. cl. 5. c. 40. n. 97.

Porro ad Legislatariam Principum in profanis potestatem referri possunt consuetudines illæ & pacta illustrium familiarum, quæ circa matrimonia, successiones

- & hæreditates , crebro in Imperio nostro occurrere solent. Recte enim ejusmodi publicæ conventiones vim
 c. 3. p. 52. Legis obtinere dicuntur à *Betsf. d. 17.* Quas inter maximi præ aliis sunt momenti quæ futura successione in ditiones Principum disponunt. Uti sunt (1) Jus primogenituræ ex Jure Francorum descendens , & contra jus Longobardicum à quibusdam familiis introductum , ut nimirum primogenitus in feudo solus succedat , & reliquis omnibus ejusdem familiæ exclusis , annexo dignitatis titulo solus fruatur. Quale jus in familia Aultriaca obtinet , item in Celsiss. Ducum Brunsvic. & Luneb. Dominorum meorum clementiss. familia , aliisque adductis à
 1. 4. c. 8. n. 113. *Limn. in l. P.* In domo Hasslo-Cassellana & Darmstadiensi illud est confirmatum per *instrum. pac. Germ. Sued. §. 17. v. firmum quoque.* Vid. latius de hoc jure *Betsf. de pact. illustr. fam.* (2) Confraternitates Principum de futura successione , quarum effectus est , ut altera stirpe extincta , ad alteram hæreditario quasi jure devolvatur Principatus. *Carpz. de L. Reg. Germanis* dicuntur *Erbverbrüderungen* aut *Erbvereinigungen* / quorum posterius tamen latius patet , nec solum denotat pacta successoria , sed quaslibet alias pactiones , quæ hæredem sequuntur , &
 1. 4. c. 2. §. 126. perpetuo nexu inter familias sunt contractæ. *Limn. l. P.* Inter confraternitates istas hodie est illustris , quæ est inter domum Saxonicam & Hassiæ Langravios , de qua *pron. 169. & seqq. lixe Limn. cit. loco.*

An autem ejusmodi conventiones licite à Principibus ineantur , quæsitum novimus , cum , sicuti notum est , ditiones suas in feudum ab Imperatore & Imperio accipiant ; at in feudis quoad successionem nulla Vasalli Ordinatio locum habet. Plura hic quidem pro responsione
 1. F. 2. §. 1. solent afferri , ut videre licet apud *Limn. in l. P. & Carpz. 1. 4. c. 2. §. 134. c. 6. §. 7. n. 21.* *de L. Reg.* Tutius alii putant dicere , ut hæ Principum confraternitates & pacta successoria subsistant , ab Imperatore confirmari debere. Sicuti etiam in der *Erbverbrüderung der Häusser Hessen und Sachsen* anno 1373. facta , Caroli IV. accessisse confirmationem videmus , cuius

jus formulam refert *Limn. cit. loc.* Imo cum hodie de feudis Imperii apertis libera disponendi potestas Imperatori non competat, *art. 30. cap. Cæs. Leopoldi*, recte facient Principes de futura successione invicem paciscentes, si præter confirmationem Cæsaris, etiam reliquorum Imperii Statuum approbationem requirant, quam cautionem affert *Carpz. de L. Reg.* Atque hætenus de Legislatione c. 6, 5, 7, 8, An. Statuum Imperii circa profana.

Constitutio juris circa sacra jure superioritatis territorialis competens, Principibus & Statibus Imperii acquisita est, postquam suspenso, per Pacificationem religiosam, & quod eam confirmat nuperum pacis instrumentum, jurisdictionis Ecclesiasticæ exercitio, institutio divini cultus & omnis in universum sacrorum curatio in Ordinum potestatem concessit. R. A. zu Augsp. an. 1555. §. Darmit auch verb. So soll die Geistliche jurisdiction wider der Augspurgischen confession religion, Glauben / bestellung der ministerien / Kirchengebrauch / Ordnung und ceremonien / so sie auffgerichtet oder auffrichten mögen / bis zu endlicher vergleichung der religion nicht exerciret / gebrauchet und geübet werden / sondern derselben religion, Glauben / Kirchengebrauch / Ordnung und cerimonien / und bestellung der ministerien ihr gang gelassen &c. *Instrum. pac. Germ. Sued. art. 5. §. quantum deinde & §. Jus diocesenum.* ubi notanter additur Statibus immediatis, comprehensa immediata Nobilitate Imperii, & Civitatibus liberis. *ibid. §. x. & xi.*

Cæterum quamvis jam ex eo tempore quo in pacem religiosam Cæsar & Status convenerunt, liberum instituendi cultus divini arbitrium permissum fuerit Imperii Statibus, tamen in initio & per ipsam illam pacificationem id restrictum fuit ad solam religionis Pontificiæ doctrinam & formulam Augustanæ confessionis. R. A. zu Augspurg an. 1555. §. doch sollen alle andere so obgemelten beiden Religionen nicht anhängig in diesem Frieden nicht gemeinet / sondern gänzlich ausgeschlossen seyn. Quæ res movit controversiam iis qui reformatam quam appellanc

§. 164.

lant religionem amplexantur, hisce quidem contendentibus sese pertinere ad eos qui Augustanam confessionem profitentur, pontificiis vero & multis aliis confessioni Augustanæ addictis id ipsum negantibus, donec tandem instrumento nupero pacis hæc lis decisa, & recepta inter partes religiosas est & illa quæ reformatum cultum sequitur. art. 7. Ubi inter alia bene notandum, quomodo jus reformandi se habere debeat inter Protestantes & Reformatos, si princeps vel alius territorii Dominus ad alterius partis sacra transiret.

Quousque vero se extendat hæc Principum in sacris aliquid constituendi potestas, totis est doctorum Virorum voluminibus disputatum & perquisitum. Ac Pontificii quidem Doctores omnia summis potestatibus, ut notum est, adempta volunt, nisi quod Gallia cordatius in hoc negotio sentire, & affectatam Pontificibus licentiam non parum in multis detrectare visa est. Ubi & ipse Clerus non sine lucta in his disputationibus versatur & anxietate, sicut colligere licet ex doctissimi Viri, si liceret recta via incedere, *Petri de Marca commentario de concordia sacerdotii & imperii*. Apud Reformatos itidem cordatius agere instituerat *Nicolaus Vedelius*, edito libello *de Episcopatu Constantinensi M.* ubi quæstiones proposuit de jure Majestatis circa sacra. Oppugnavit autem eum jussu publico *Guilielmus Apollonius* libro cui index est: *Jus Majestatis circa sacra*. Imparis doctrinæ & ingenii adversarium non fuisset forte difficile refutare, si supervixisset Vedelius. At nostræ religioni addicti verentur de iis quicquam adimere potestati civili, quæ divinæ literæ concedunt. Summam diligenter collegit magnus ille *Gerhardus* in loco *de Magistratu Politico* & alibi. Poterunt ergo Principes & Status Imperii, quæ ad externos ceremoniarum ritus pertinent ordinare, de personis & bonis sacris Leges ferre, Consistoria & scholas instituere, synodos congregare, & in universum de omnibus disponere, de quibus nihil quidem divina & naturali Lege præceptum, aliquid tamen constitui, necessitas Reipublicæ & decori ratio exigit.

CAPUT

CAPUT II.

Quid nomine Legum ferendarum in Germania veniat.

Superiori capite probatum est, potestatem legum universalium ferendarum in Imperio nostro Germanico penes Cæsarem & Status esse simul. Ex quo firmiter inferri potest, non modo novæ alicujus Legis ferendæ jus, sed in universum omnia illa ad Cæsarem & conjunctos Status pertinere, quæ nomothetica facultate continentur, & in quibus officium Legislatoris & potestas alias debet locum habere.

Exerit autem suum officium Legislator: *primo* in nova lege ferenda; qua de re dictum supra. *Secundo*: Quando lata legi aliquid est addendum. Cum enim illa sit Legum natura & conditio, ut non possint ita scribi, quo omnes casus qui quandoque incidere possunt comprehendantur, interdum tamen nova quædam in Republica emergens necessitas suadet, ut de aliqua re in hac vel illa Lege expressis verbis sit cautum; munus Legislatoris postulat, ut addendo quod deerat conditæ à se Legi, subveniat Reipubl. hoc forsitan Legis defectu graviter laboranti. Et hoc est, quod in capitulatione quivis Imperator vi juramenti promittit, er wolle des H. Reichs Ordnung und Geseze mit Rath und consens des Röm. Reichs Chur-Fürsten und anderer Stände / wie das des Reichs Gelegenheit zu jeder Zeit erfordern wird / bessern. art. 2. capitul. Cas. Leopoldi. Quod ipsum hisce casibus semper fuisse observatum praxis comitiorum & formulæ Recessuum Imperii clare probant. Kayserl. Cammergerichts Ordnung zu Augspurg anno 1555. in proœm. verb. Auch was solcher Ordnung bestmals gemangelt hinzu zu setzen etc. R. A. zu Augspurg anno 1566. §. Alldenn im fernern verb. und nechst im 48. Raths gehaltenen Reichstag erkläret / gemehret / und bekräftet.

Rr

N. Absch.

R. Absch. zu Regenspurg de anno 1524. J. Was und so viel man/ &c.

16. A. 17.

Tertio conspicuum est officium Legislatoris in *Lege renovanda*. Etenim est Legibus quoque, ut *Gellius* inquit, suum senium, & solent sensim à primo robore primaq; sua constitutione abscedere, ad quam nisi revocentur, senio eas expirare necesse est. Unde ne in desuetudinem abeuntibus bonis LL. ingens aliquod damnum Respubl. patiatur, novis sanctionibus à Legislatore muniri & in usum revocari debent. *Forstn. in not. ad Tacit.* Hujus tamen, utpote quod non minus ac novam Legem ferre ad Reipubl. summam pertinet, ne quid absque scitu Imperii Statuum fiat, itidem est in Cæsarea Capitulatione cautum. *Capitul. Cæs. Leopoldi art. 2. verb. erneuern.* Idem renovatarum passim constitutionum Imperii exempla clare docent. ut Kayserliche Cammergerichts Ordnung zu Augspurg anno 1555. in proëm. verb. und folgendes auff elid'en Reich städgen dieselbe Ordnung verneuert. it. verb. daß diese Ordnung wiederum von neuem also zu publiciren / wir uns mit ihnen / und sie sich hinwiederum mit uns vereiniget und verglichen. *Add. R. Absch. zu Speyr anno 1570. J. damit dann. Erklärung des Landsfriedens zu Augspurg anno 1528. J. Als weiland verb. mit Rath der &c. wiederumb erneuret &c.* Et ne ad antiqua magis tempora quam nostra in probandis Statuum imperii juribus respicere videamur, ecce novissimum Imperii recessum in comitiis Ratisbonensibus anno 1654. factum, in quo summa cura repetitum renovatumque Instrumentum pacis Osnabrugense; non ita multo quidem ante conditum ut illius potuerit oblivio obrepere, sed ne in posterum tamen quicquam ejus vigori & sinceritati decedat. *d. Rec. I. J. Sehen demnach &c.*

Est *quarto* Legislatoris, *Legem à se conditam explicare*, & si forte verba illius obscuriora fuerint, quam ut sensus qui menti Legislatoris videatur conveniens, facile inde erui possit, sua decisione declarare. Nemo enim de sententia Legis rectius quam qui eam condidit judicare potest.

Vid.

Vid. Dn. Cellar. polit. Quo sensu Imperator Justinianus ait L. f. C. de LL. Si Leges condere soli Imperatori concessum est, & Leges interpretari solo dignum esse imperio oportet; rationem paulo post subiiciens. Quis Legum anigmata solvere & omnibus aperire idoneus esse videbitur nisi is cui soli Legislatorem esse concessum est? Ubi tamen apprime notandum, nos minime hic de doctrinali illa, quam vocant, legum interpretatione, quæ in applicatione scripti juris ad singulares casus qui incidunt consistit, & Icti propria est, sed de authentica Legum interpretatione quæ solius Majestatis est, loqui; quæ, si lex forte obscura & ambigua est, ita eam explicat, ut declaratio illa novæ legis vim obtineat. Hahn. obs. theor. pract. ad parat. Weseemb. de LL. n. 8. verb. vel jurisdictione magistratus. Et hanc demum Legum explicationem in nostro Imperio dicimus Statibus una cum Cæsare competere. Quod ipsum voluit Sereniss. Saxoniae Elector, quando Cæsari Ferdinando II. restitutionem bonorum Ecclesiasticorum, post transactionem Passaviensem à Protestantibus in suarum Ecclesiarum usum conversorum, per edictum flagitanti respondit; quoniam de pace religionis controversia esset, eam aliter quam ex omnium Ordinum consensu definiri aut explicari non posse. Unde quoque supra in instrumento pacis, cautum Germaniae Proceribus Statibusque, ut gaudeant jure suffragii in omnibus deliberationibus super negotiis Imperii, præsertim ubi Leges ferendæ aut interpretandæ. art. 8. §. gaudeant. Cujus assertionis quam plurima etiam in antiquioribus Recessibus Imperii documenta occurrunt: uti in der Ordnung des Landfriedens zu Worms an. 1521. tit. Ob jemand des Friedbrechers &c. verb. derselbe Artikel auff gehaltenen Reichstage zu Freyburg weiter declariret und geteuschet. R. Absch. zu Speyr / anno 1557. §. Ferner / qui locus huc totus pertinet. Lectu digna quoque sunt quæ in gravaminibus Evangelicorum, anno 1613. in comitiis Ratisbonens. Imperatori exhibitis, apud Goldastum in den Politischen Reichshändeln / habentur, verb. zu geschweigen wie die Reichs-Constitutiones mit ganz nach-

Brachel. loci
supra cit.

P. 1055.

theiligen præjudiciis declariret / welches doch niemand als der Kayserl. Majestät und den sämtlichen Ständen des Reichs zustehet / und gebühren thut.

Denique locus est officio & potestati Legislatoris in tollenda seu abroganda lege. Ejusdem enim est tollere Legem cujus est ponendi potestas. Et quantumvis Legislator hoc semper habeat votum in lege aliqua ferenda, ut in perpetuum valeat ac servetur, imò maximè expediat Reipublicæ ut leges sint immotæ ac semper eadem, nihilo tamen minus contingere potest, ut autoritas aliqujus legis stare amplius in Republ. nequeat & omnino sit abroganda, dum illam forte *aut usus coarguit, aut status aliquis Reipublicæ inutilem fecit*, ut ait Lucius Valerius, ap. Livium. In nostra Republica facultas universalem legem abrogandi, ut omnis in universum legislatoria potestas, est penes Imperatorem & Status. Ex quo etiam fundamento plurimi Ordinum contradixerunt decreto comitiorum Spirensium Anno 1529. quod nimirum expresse factum sit, contra superiorum comitiorum placita & decretum; *quod sicuti de communi omnium Ordinum voluntate factum sit, ita quoque pariter nisi assentiantur omnes, rescindi non posset nec irritum fieri.* Sleidan. *comment. de stat. relig.* De cujus sententiæ veritate potest nobis testimonium perhibere sæpe jam allegatum procemium *Ord. Cam.* in fin. verb. Dargegen sollen &c. quo omnes abrogantur leges & Ordinationes quæ isti constitutioni contrariæ videri queant, idque omnino cum Statuum Imperii voluntate, quorum consensu hæc constitutio facta erat. *Vid. annotat. Linn. ad Capitul. Caroli V. art. 2. verb. bessern.*

Sicuti autem Autorem alicujus legis totam posse legem tollere diximus, ita etiam circa personam aut factum singulare recte vinculum ejus tollit, manente de cetero lege. Potest enim fieri, ut ratio legis particulariter cesset, in facto de quo agitur, & tum quoad illud lex poterit solvi, stante interim ratione legis universali, quæ ad sustinendam legis efficaciam & auctoritatem sufficit. *Grot. de I. B. & P.* Atque hæc proprie est quam

• hodie

hodie dispensationem vocant, sive exceptionem à lege, specialiter alicui personæ indultam, de qua cum jam supra in materia de privilegiis aliquo modo actum fuerit, plura hic addere non est opus. Et tantum quoque de secundo capite, ubi quod conjunctis Statibus sub nomine legum ferendarum circa universales Imperii leges competere juris diximus, singulis quoque Statibus in suis territoriis, quoad statuta & leges provinciales recte attribui posse putamus.

CAPUT III.

De Discrimine Legum Germanicarum.

Hic statim in initio sese nobis offert nobilis illa legum distinctio, quod aliæ sint *fundamentales*, aliæ *non fundamentales*. Dicitur autem accurate loquendo lex fundamentalis quæ ad status descriptionem pertinet, sive qua status alicujus Reipubl. definitur. *Dn. Cellarius* l. 2. c. 3. §. 27. in *Poit.* legem fundamentalem describit, *qua modum imperandi Imperantibus definit sive determinat*. Cum quo videntur convenire quidam Scriptores l. publici, leges fundamentales nostri Imperii eo æstimantes, quod Principem in gubernatione Reipubl. constringant, & arctas illi gubernandi leges ponant. *Carpzov. de L. Regia.*

c. 1. §. 3. n. 2.

Aliter enim vix occurri potest Principibus, si forsitan metuendum, ne ea quam habent potestate abutantur. Hinc enim factum ut, sicut plerique populi ad conservationem suorum regnorum certas posuerunt leges fundamentales, ita etiam Proceres Germaniæ leges scripserint, quarum utilitas, secundum *Linnaum*, in eo conspicua est, quod iis Imperium nostrum ceu fundamentis innitatur, per eas consistat, floreat, vigeat.

I. P. l. 1. c. II.
n. 1.

Inter has vero leges fundamentales facile primas sibi vendicat Aurea Bulla Caroli IV. utpote *sub qua Imperium constitutum, & super qua ut firmissima pester etiamnum*

majestas & pax Romani Imperii tuto quiescit, juxta Carpzov. de
 C. 1. S. 2. §. 11. L. Regia. Magnum enim in Republ. momentum est, &
 & S. 3. n. 3. ad ejus conservationem plurimum facit, si recte se ha-
 beat Principis electio, & probis legibus prudenter fue-
 rit circumscripta: quippe neglecta maximis turbis & in-
 testinis civium dissidiis occasionem præbeat necesse est.
 Cujus rei nullibi evidentius exemplum quam domi in
 nostra Republ. reperiemus, modo ad vetustiora secula
 recurrere velimus. Ex illo enim tempore, quo in Ger-
 mania cessante hæreditaria successione, quæ in Impera-
 torum familiis olim obtinebat, Principes Imperii per
 liberam electionem Imperatorem sibi constituere cœpe-
 runt, uti ætate Henrici IV. primum factum ex historiis
 illius ævi videmus, nunquam fere à civilibus bellis &
 Th, 20. motibus Germania potuit esse immunis. Dn. Conring.
disput. de Elector. Factum enim in feroci & bellicosa
 gente, ut dum nulla publica lege restricta esset liberri-
 ma illa, quem sibi quisque Regem vellet, eligendi pote-
 stas, nunquam inter se suffragia convenirent, quin
 semper factionibus res ageretur, interdum etiam ut
 quisque opibus & potentia præ aliis valebat, ita sibi
 ipsi hoc fastigium arrogaret. Et sic electi sæpe sunt eo-
 dem tempore plures, qui inter se commissi totam Ger-
 maniam tantum non pessum dederunt. Cui incommodo
 quanquam aliquod fuerit remedium allatum, quando
 non amplius omnes Principes sed eorum nomine Se-
 ptem viri cœperunt eligere Imperatorem, non tamen
 impediri potuit, quin & hi ambitione & mutuis inter se
 simultatibus acti in eligendo Imperatore non tam Imperii
 salutem quam privatos affectus sequerentur. Ideoque
 Procem. A. B. Carolus IV. Imperator ut futuris divisionum & dissensionum
 periculis inter Electores occurreret, anno 1356. Norinbergæ
 in comitiis constitutionem de electione Regis, Procerum
 Imperii & Ordinum consensu fecit, qua singulis Electo-
 ribus in electione Regis officia distribuit, certumque ele-
 ctioni modum, tempus & locum præscripsit. Auream au-
 tem Bullam quare dici voluerit, vid. Limn. I. P.

J. 1. c. 11. §. 4.

Ut

Ut vero hujus constitutionis, quæ multum facit ad salutem & tranquillitatem Imperii, semper maneat vigor & inviolata auctoritas, Imperatores fide jurata ad ejus observantiam per Capitulationem adstringuntur. *Capitul. Inviſiſſ. Caſ. Leopoldi art. 2.* Et licet temere haud aliquid eorum quæ hac lege præcipiuntur mutandum ſit, attamen ſi forte aliud Reipubl. utilitas poſtulet, mutari quidem poterit, ita tamen ut Ordinum Imperii conſenſus accedat. Ut enim eorum voluntate pro ſalute Imperii facta eſt hæc lex, ita poterit eorundem conſenſu diſſolvi, ſi id ſuadeat Reipubl. ſalus, quæ ſuprema lex eſt. *Vid. Limn. l. P.* Videmus tamen in multis capitulis tacito ſaltem Electorum & Ordinum Imperii conſenſu per contrariam obſervantiam & conſuetudinem à ſanctione A. B. hætenus fuiſſe reſeſſum, bene an ſecus, dijudicare non eſt noſtrum. Exempla ejus rei congeſſit *Carpzov. de L. Regia.*

c. 3. S. 3. §. 2.
& ſeqq.

Secundo loco inter fundamentales Imperii noſtri leges refertur Capitulatio Cæſarea; quam proprie fundamentalem appellat *Carpzov. de L. Regia.* Et recte quidem; Pertinet enim omnino ad deſcriptionem ſtatus, nec major aut certior lex de poteſtate Imperatoris & forma Imperii eſſe poteſt, quam illa qua cujuſque Imperatoris juramento ſacratur. uti de illa pronunciare *Magnif. Dn. Præſid. diſſert. de vot. Imp.* ſupra diximus. Eſt vero Capitulatio formula ad ſignifi- niſtrandi Imperii ab Electoribus eligendo Cæſari totius Imperii nomine præſcripta, quam vi juris jurandi ſervare tenetur. *Vid. Limn. proleg. ad Capitul.*

S. 1. §. 35.

De origine ejus varii varie ſentiunt. optima illorum ſententia videtur, qui ad illa tempora ejus initium referunt, quo Electitium factum eſt Imperium noſtrum Germanicum, & per liberam Procerum electionem creari Imperatores cœperunt. *Carpzov. de L. Regia. Arumæ. tom. 4. diſcurs. l. P. diſc. 4.* Quam electionem ſtatim extincta Carolina ſtirpe temporibus Conradi I. invaluiſſe quidam ſentiunt, quod tamen ſimpliciter non eſt verum, cum ſemper aliqua manſerit in Imperio hæreditariæ ſucceſſionis ima-

c. 1. §. 8. §. 40.

imago, ita ut si idoneus Imperii hæres parente mortuo superfuerit, illum in electione Imperatoris præterire nefas habitum sit, usque ad tempora Henrici IV. quibus mixta hæc quasi ex hereditaria successione & libera electione constituendi Regem ratio prorsus sublata, & libera electio cœpit locum habere. Unde *Otto Frising.* electionem

l. 2. c. 1.

Th. 13. & ult.

Friderici I. describens in vita ejus ait. *Apicem fuisse Romani Imperii Imperatores non per sanguinis propaginem descendere, sed Procerum voluntatem creari. vid. Dn. Conring. disput. de Elector.* Etiamli vero antea quam ita libere eligi Reges cœperunt, fuisse illos quibusdam astrictos legibus ex antiquorum temporum monumentis probari possit, *Carpzov. & Arumæ. ad. ll.* verumtamen tum temporis maxime cœpisse Imperatoriam potestatem circumscribi & constringi, quando nullum illis amplius ad dignitatem Imperatoriam jus fuit, quam quod Procerum suffragiis illis tributum est, nemo forsitan poterit negare. Quo etiam

l. 4. c. 10.

videtur inclinare *Lehman. in Chron. Spir.* de hac re ita loquens. *Bei Aufrichtung Teutschen freyen Reichs ist die Verordnung eingeführet und in beständige stetige Übung von einer Zeit zur andern behalten / daß ein jeder erwählter König der Teutschen zu Anfang seiner Regierung leiblich geschworen / einem jeden Stande seine gebührende Ehre / Recht und Freyheit hand zu haben / nach welchem Exempel in folgenden Zeiten die capitulationes und Verträge der Käyser mit den Chur-Fürsten des R. auffgerichtet seyn.* Unde patet illum ante Electorum constitutionem Capitulationis initium non collocare.

Illud quidem caret omni controversia, jus Imperatori præscribendi Capitulationem semper penes illos fuisse, penes quos ipsa Regum electio fuit; Unde sequitur, cum olim in Germania penes omnes Principes imo etiam civitates, sicut probat *Lehman. Chron. Spir.* fuerit jus eligendi Imperatorem, etiam ab omnibus Leges illi fuisse præscriptas, ad quarum normam acceptum Imperium administrare deberet. Postea vero translato in paucos & tandem in Septem Viros jure eligendi Imperatorem, primo post

l. 5. c. 17.

post tempora quidem Friderici II. consuetudine, dein publica Lege per A. B. Caroli IV. Vid. *Conring. disputat. de Ducibus*: simul etiam hi soli prorsus exclusis reliquis Principibus cœperunt Cæsari Leges præscribere, quasi appendicem juris eligendi hoc sibi vindicantes. *Limn. proleg. ad capitul.* Fuisse initio pauciores capitulatione Cæsarea comprehensos articulos, non absurde credunt. quinquam in formulam redactæ Capitulationes ap. veteres non reperiuntur. Verum tractu temporis magis magisque eorum numerus est adauctus; quod potissimum factum suspicatur *Arumau*, durante interregno quod per electionem discordem Alphonso Regis Hispaniæ & Richardi Regis Angliæ in Germania natum, & summo Reipubl. malo per plures annos duravit. Tum enim, inquit, *Electores captata occasione nonnullas potestatis Regiæ particulas, ut & successu temporis plures in quibus se abusu nimia dominationis prægavari existimant, Reipubl. à qua potestas Regia fluxerat, reddiderunt.* Demum post tempora Maximiliani I. cœperunt in majus crescere capitulationes Cæsariæ, Electoribus dominationis excessum, quem metuebant, strictiori formula coercere volentibus: quam deliberationem statim in ipsa electione Caroli V. ab ipsis habitam fuisse probat *Arumau d. l.*

Th. 49.

2. 4. 5. 6.

Tom. 4. disc.
curf. l. 2.
disc. 4.

Atque hujus rei veritatem evidenter ostendit, non tantum satis magnus articulorum numerus, quem Caroli V. capitulatio nobis exhibet, sed etiam sequentium Imperatorum. Ut plurimum enim electo novo Imperatore, aliis atque aliis articulis adjectis augmentum recepit, donec in illam, qua hodie est, magnitudinem excrevit. Verum enim vero, cum multa Cæsariæ capitulationi inferi viderentur, à quibus non omnino reliquorum Statuum arbitrium excludi oporteret, aliqui etiam libertati & juribus Statuum timerent, si capitulatio Cæsarea, utpote prima & fundamentalis Imperii lex, quæ formam ipsam regiminis, adeoque omnium Statuum utilitatem spectat, iis inconsultis conficeretur, quos de summa Reipubl. participare formula nostri Status jubet:

Ideo conventum est in nupero Instrument. pac. Germ. Sued. ut in proximis comitiis de certa constantique Cæsarea capitulatione concipienda communi Statuum consensu ageretur. *artic. 8. §. gaudeant. verb. habeantur.* Cum vero in comitiis an. 1652. Ratisbonæ habitis ea res ob temporis brevitatem & negotiorum multitudinem expediri non potuerit, expresse tamen cautum in proximis de eo actum iri. *X. Absch. zu Regensburg an. 1654. §. Wann aber bey erstgemeldter.*

Tertio Legibus fundamentalibus annumerandum censemus, quod communi Cæsaris & Ordinum consensu an. 1648. Monasterii & Osnabrugæ factum est pacis publicæ instrumentum; idque eo libentius, quod *artic. ejus 17. §. pro majori.* dicatur, illud ut perpetuam legem & pragmaticam Imperii sanctionem, instar aliarum Legum & constitutionum fundamentalium valiturum. Et quod secundum tenorem dicti Instrum. pac. insertum sit novissimo Recessui Imper. Ratisbon. anno 1654. eo fine, **Daß alle dasjenige was darinn / und in allen denen Puncten und Articuln enthalten &c. vor ein gegebenes fundamental Gesetz des H. Reichs und immerwährender Richtschnur und ewige norma judicandi stät fest und unverbrüchlich gehalten &c. §. Sehen demnach.**

Si ergo quæretur, an Legis fundamentalis appellatio huic pacis constitutioni proprie conveniat, utique illud affirmandum erit. Præterquam enim, quod supra illam unice fundata sit pax Imperii publica, religiosa & profana, magna hujus sanctionis pars in eo est occupata, ut Statibus Imperii Aristocratica jura, quæ supra explicavimus, facta testata sint; quod nisi fiat, statum Reip. confundi, & fundamentis everfis, quibus Civium libertas nititur, universam Rempubl. corruiere necesse foret. Unde non sine causa inter alias Imperii Leges, ad quas servandas per capitulationem astringitur Cæsar, peculiaris mentio fit hujus constitutionis, *Capitul. Imperat. Leopoldi artic. 7. verb. sonderlich aber obgemeldten Münster, und Osnabrugischen Friedensschluß.*

Inter

Inter Leges fundamentales numerat quoque *Limn. in l. l. c. II. 23*
 I. P. pacem religiosam Augustæ an. 1555. inter Cæsarem
 & Ordines initam, uti & alteram illam pacis constitu-
 tionem quam profanam vocant, den profan und Land-
 frieden / à Maximiliano I. an. 1495. WORMATIÆ Proce-
 rum & Ordinum Imperii consensu constitutam, & à se-
 quentibus Imperatoribus sæpius confirmatam.

Porro ad cognoscendas diversas legum Germanica-
 rum species facit illa legum distinctio, cujus jam supra
 facta est mentio, qua dividuntur in universales, particu-
 lares & singulares. Universales sunt in nostra Republ.
 præter Leges fundamentales jam recensitas, omnes Imperii
 Recessus & pragmaticæ sanctiones. Particulares, quæ-
 libet Leges provinciales & Statuta municipalia, Lands/
 Gerichts / Städte Ordnung / reformation, Stattrecht/
 Lehenrecht / & similia. Singulares denique sunt privi-
 legia; de quibus omnibus cum separatim in superiori-
 bus fuerit actum, plura hic de iis addere non est opus.

Adjiciamus nonnulla adhuc de consuetudine seu
 jure non scripto. Est vero illud quod ex usu & moribus
 resultat. *arg. l. 32. & 33. ff. de LL. & t. t. C. qua sit long.*
consuet. Quemadmodum autem omnis Respubl. habet
 aliquod jus moribus & consuetudine introductum, ita
 quoque Germania nostra peculiare quasdam habet con-
 suetudines, quæ non minus ac scriptæ Leges in judiciis
 observantur. Ubi tamen maximopere notanda frequens
 illa consuetudinis distinctio in universalem & particula-
 rem, sine qua nihil certi de Germaniæ consuetudinibus
 dici potest. Quod enim de Legibus Germaniæ supra di-
 ctum est, eas eodem modo distingui, idem de consue-
 tudinibus tenendum. Universales in vernacula nostra vo-
 camus eine allgemeine durchgehende gewohnheit / allge-
 meine Gebruch und Herkommen; quales plurimæ in u-
 su judicii Cameralis occurrunt, ex. gr. promissionem fa-
 ctam bey Fürstlichen Ehren und Treuen juramento æqui-
 pollere, notissima Germaniæ consuetudine receptum te-
 statur *Minsing.* Idem ait, ex communi Germaniæ consue- cent. l. obf. 7.

cent 6. obf.

40.

l. 2. obf 125.

n. 1. & 2.

l. 1. obf. 36.

tudine in civilibus negotiis triginta dies pro mense computari. Sic uniones prolium ubique in Germania receptas & in Camera confirmatas dicit *Gailius* : & talia passim à laudatis Autoribus annotantur. Vid. imprimis *Gailius*. Particulares vero sive locales consuetudines sunt, quas dicimus *Landliche oder localische Gewonheit* / de quibus aliquid notatum est, ubi de Nomothesia singulorum Statuum in suis provinciis egimus.

cit. l.

Utriusque sane generis, magna per Germaniam auctoritas est. Unde & *Gailius* inquit, consuetudines & Statuta rationi atque naturali juri plane non repugnantia in judiciis accurate attendenda & observanda esse, adeo ut judex contra consuetudinem vel Statuta judicans litem suam, perinde faciat ac si contra jus commune pronunciasset. Hoc tamen discrimine observato, ut secundum generalem Germaniæ consuetudinem, omnibus & ex æquo jus sit reddendum; particulares vero non habeant locum nisi inter eos, qui ejusdem sunt provinciæ. Ut autem secundum loci alicujus consuetudinem, judex sententiam ferre possit, omnino erit probanda; quæ, utpote per actus qui facti sunt inducta, facti esse judicatur, *capit. 1. de constitut. in sexto*. Facta enim non præsumuntur, sed allegari & probari debent. *Dn. Hahn. obs. theor. pract. ad parat. Wesemb. de LL. n. 9. verb. probari convenit*. Exceptio tamen est in generali & notoria consuetudine forte totius Germaniæ aut Ducatus, quam allegasse sufficit.

Magis ad propositam materiam facit quæstio, cujus in Germania, circa consuetudinem vel introducendam vel abrogandam sit summa potestas. Facilis expeditu hæc res videtur, siquidem eam ad naturam & officium Legislatoris examinare velimus. Et primo quidem quantum attinet ad consuetudinem Imperii universalem, cum illa propter suam generalitatem recte dicatur jus commune non scriptum, talem sane nec expressa confirmatione in Rempublicam quisquam introducere, nec introductam repudiare, nisi Legislator potest, cui alias universalem

Legem

Legem in Republ. ferendi aut tollendi è Republ. jus est. Cum vero supra probatum sit, illa quæ pertinent ad legislatariam facultatem, una cum Cæsare Ordinibus Imperii esse communia, nihil obstat quin omnem quoque his conjunctis attribuamus potestatem, quæ in consuetudinem Legislatori esse potest. At cum ex regula civilis prudentiæ, generalis & inveteratæ consuetudinis magna in Republ. auctoritas esse debeat, ita ut ipse *Aristot.* 3. Polit. 16. majorem illi vim quam scriptis Legibus tribuat, & licet non statim illius ratio appareat; tolerandam tamen dicat *Nicol. Bets. de pact. illustr. famil.* ideo quoque hujusmodi generalis consuetudinis abrogatæ, rariora in nostro Imperio exempla forte invenias. Particulares vero sive locales cum merito cedant communi Reipub. commodo, & minori turbarum ac periculorum metu tolli è Republ. possint, publica Lege Ordinum Imperii consensu sæpius abrogatæ inveniuntur. O. C. zu Augspurg de anno 1500. tit. die Succession der Töchter und Enckelen/juncto Rec. Imp. Aug. ejusdem an. in fin. §. Und wir Churfürsten. In reformation guter Policey an. 1548. tit. Von Handwercks Söhnen. Quæ breviter de consuetudinibus, deque Germanicarum Legum discrimine dicta sufficiant.

CAPUT IV.

De modo ferendarum LL. Imperii.

Sequitur in Legislatore nostro Germanico quartum caput, modus scilicet Legum Imperii ferendarum. Cum autem ex supradictis manifestum sit, in mixto Reipubl. nostræ Statu Legislatariam potestatem esse penes Cæsarem & Ordines simul; de iis vero in quibus commune Statibus cum Cæsare est Imperium, omnino Ordinum communi voluntate, id est in comitiis, quæ omnes Ordines repræsentant, statui debeat; sequitur Legem Imperii universalem aliter quam in comitiis ferri non

posse. Quod ipsum clare exprimit clausula pacificationis Pragensis an. 1635. inter Ferdinandum II. & Electorem Sax. initæ, verb. Daß ausser einem gemeinen Reichs- oder zum wenigsten deputationis-Tage dergleichen das ganze Reich betreffende hohe Schule nicht zumachen. Comitia describit *Paurmeisl. Principum & Optimatum Imperii conventum Reipubl. causa.* Germanis dicuntur Reichstäge/ Versammlungstage des Reichs. add. *Limn. l. P.* Sunt autem vel universalia vel particularia.

de Jurisd. R.
Imp. l. 2. c. 2.
§ 2.
l. 9. c. 1. §. 12.

art 17. capit.
tul. Czf. Leo-
poldi.

Limn. l. P.
l. 9. c. 1. §. 17.

p. 3. c. 1. §. 2.

l. 1. c. 1. à pr.
usquæ § 130.
l. 2. c. 2. §. 31.

Universalia convocat Cæsar adhibito necessario Electorum consensu (interdum enim etiam omnium Ordinum R. A. zu Augsp. in Erklärung des Landfriedens in princ. verb. mit Verwilligung der Stände / so daselbst bey uns versamlet waren &c. einen andern gemeinen Reichstag fürgenommen und bestimmet) literis ad singulos Ordines missis, definito, suo pene arbitrato, die & loco non tamen extra fines Imperii. *Lampad. de Rep. R. Germ.* Convocati hoc modo Imperii Status aut ipsi aut per legatos comparent. Legati postquam convenerunt, sua nomina apud Electorem Moguntinum profitentur, editis mandatis & literis fidei, quas vulgo credentiales vocant. Dein statim die Cæsarem solenni pompa in curiam comitantur, ubi ultro citroque gratiis actis Cæsar per Secretarium transactionis materiam proponit. Quo facto, & communicata propositione, Ordines & Legati reducto Cæsare, in sua quisque diversoria deliberatum discedunt: sicuti hæc breviter *Lampadius d. tr. dictog.* l. copiose vero tradunt alii Scriptores l. P. Vid. *Limn. l. P. Paurmeisl. de Jurisd. Imp. Rom.* Omnia vero accurate congestit *Arumau* integro tractatu de Comitibus.

Sic facta propositione, postea ad consultandum certa die præstituta, ad mandatum Cancellariæ Electoris Mogunt. à Vice - Mareschallo Pappenheimio vocati Ordines ad suffragia ferenda conveniunt, divisi in tres classes Electorum, Principum, & Civitatum Imperialium. Electores, qui primam classem sive Senatum constituunt, vulgo der Churfürsten Rath/ postquam de ordine in consul-

sultatione observando, & quis ex articulis propositis in ea prior esse debeat, primo inter se, & dein cum reliquis Statibus convenerunt, (nam interdum discedi ab illo ordine usu venit, quo singula negotia in propositione Cæsar collocaverat. *Limn. d. l. n. 152. Arumæ. d. tr. 6. 7. §. 61.*) ad ipsam deliberationem hoc modo procedunt; Moguntinus Elector per Cancellarium rem deliberandam proponit, & vota suorum Coelectorum secundum Ordinem in A. B. præscriptum exquirat, singulis viritim suffragia ferentibus, eo pro concluso valente, quo major pars inclinavit. *Vid. Arumæ d. tr. 6. 7. §. 78. Bertram. de Comit. membr. ult. §. 69. Limn. l. P.*

tit. 4.

l. 9. c. 1. n. 199.

Secundam Ordinum classem seu collegium constituunt Principes, der Fürsten Rath: qui in duo scamna divisi, vel Ecclesiastici sunt vel seculares, illi primum die Geistliche Band/hi vero alterum die Weltliche Band/occupant, præter Austriacos & Burgundiæ Duces, quibus honoris gratia in scamno Ecclesiastico est locus concessus, sessione inter utrumque una cum directorio hujus collegii per vices alternante. Vota in hoc Senatu Vice-Mareschallus Pappenheimius colligit; quæ non sunt uniusmodi: Principes enim Ecclesiastici & Politici viritim suffragia ferunt. At Prælati omnes duo tantum vota habent, unum Suevici, alterum Rhenani. Comites item & Barones conjuncti non nisi duobus suffragiis gaudent, unum Suevorum dicitur, alterum Wetteravicorum. Omnino vero hic, ut in Electorum Senatu, majoribus votis erit standum. *Bertram. de Comit. exceptis causis religionem & fidem Christianam spectantibus: cui addunt causas contributionum & collectarum, nonnullasque alias. Limn. l. P. Huc pertinent protestationes Evangelicorum Statuum, quæ habentur inter gravamina an. 1613. in comitiis Ratisbon. Cæsari oblata ap. Goldast. in Reichshandlungen. De Senatu Principum plura legi possunt apud Arumæ. de Comit. Bertram. de Comit. Limn. l. P. l. 9. cap. 1. §. 141.*

membr. ult.
§. 73.l. 9. c. 1. n. 181.
& 182.P. 1045.
c. 7. §. 87.
membr. 30.
§. 38. & 39.
& membr.
ult. §. 70.

Tertia Statuum classis est Civitatum Imperialium

der Frey- und Reichsstände Rath; quarum unaquæque in sua curia sententiam dicit, & pariter ut Comites in duo latera Rhenanum & Suevicum, vulgo die Rheinische und Schwäbische Banck / dividuntur. *Lampad. de Rep. R. Germ. p. 3. c. 3. §. 11.* Directorium hoc in Senatu competit civitati in qua habentur comitia; prævalente hic quoque, ut in reliquis collegiis, votorum pluralitate. Quomodo colligantur, *1. 7. c. 124. vid. apud Lehman. Chron. Spir. Arumæ. d. t. §. 125. Limn. d. l. §. 145.*

Postquam igitur singulæ classes in aliquo negotio concluderunt, tota res ad tria curiata suffragia jam deducta, relatione & correlatione inter easdem tres hasce curias incipit agitari. Et primo quidem Electores statim ac in certam aliquam sententiam inter se invicem descenderunt, solent eandem per Cancellarium Moguntinum secundæ curiæ Ordinibus, Directoribus Senatus Principum in commune Buleuterium ad se vocatis, aperire. Quibus si instituta suffragiorum correlatione, curiatorum scilicet, idem placere deprehendatur, confecta inter illos quidem res est; Sin minus, in conclave suum se recipiunt de tota re ulterius consultaturi. Habita deliberatione iterum convenitur in curia, & Principes quod denuo per majora inter illos est conclusum, per Directorem Electorali collegio referunt. Qui duo Senatus sive inter se suffragiis conveniant sive discrepent, neutra parte à lata sententia discedere cupiente, *moris est,* *2. 7. c. 7. §. 351.* inquit *Arumæus*, per Secretarium Moguntini civitatum missos ad utrumque Senatum vocari, quibus indicat Cancellarius Moguntini, Electores & Principes in unam vel diversas sententias super hoc vel illo negotio concessisse, quæ publice recitari debeant; audire se nunc paratos, quæ in ipsorum curia de hac re fuerit lata sententia. Cui morem gerentes, per Directorii Syndicum quid sibi videatur aperiant, & vel Electoribus, vel Principibus accedunt, vel ab utrisque in aliam abeunt sententiam. Hæc omnia formulis comprehensa leguntur apud *Arumæ. de Comit. Limn. c. 7. §. 351. de l. P. l. 9. c. 1. n. 166. Bertram, de Comit. membr. ult. §. 71.*

Ubi

Ubi communiter quæri solet, quantum autoritatis, vel convenientibus inter se vel dissentientibus superiori-
bus binis collegiis, liberarum Civitatum Imperii suffragio
sit tribuendum? qua de re non verentur quidam iudicio
parum æquo Civitates prægravare. inter quos ita *Arumæ*
d. tr. Ex quibus videre est, Civitatum relationem hodie non suffra- c. 7. §. 46
gii sed consilii loco haberi: non enim prius ad Electorum & Princi-
pum Senatum, re- & correlationem vocantur, quam si ab ipsis
conclusum sit; qui si in votis conveniant, civitatum unicum vo-
tum duplex Electorum & Principum convellere non potest; at si
inter Electorum collegium & Principum Senatum discrepantia sit,
hanc suffragio suo civitatum missi tollere, & accessione sua ad hanc
vel istam partem, votorum pluralitatem constituere non possunt,
sed utriusque Senatus votum discordans Cæsari referri moris est;
quæ etiam *Paurmeisteri de Jurisd. R. Imp.* sententia est. Ve- l. 2. c. 2. §. 49.
rum utrumque nimis esse liberis Imperii Civitatibus ini-
quum, patet ex iis quæ disputat *Lampad. d. tr.* Quæro, in- p. 1. c. 2. §. 11.
quit, si destituuntur jure dicenda sententia, quare vocantur ad
comitia? num ut tantum in medium consulant? atqui hæc con-
silia aut obstringunt Ordines necessitate sequendi, aut non obstrin-
gunt. Utique decernendi potestate pollent, quia in rebus Imperii
seu jurisdictionis consilii nulla est obligatio. Si non obstringunt,
cur civitates decretis Imperii, quibus nihil ab ipsis roboris accessit,
subscribunt, quasi sua auctoritate quoque constitutis.

Agitata est ea disputatio etiam superiori seculo, ubi
jus Civitatum Imperialium egregia deductione declaratum
est, à *Ludovico Gremio & Hieronymo Jumbach / JCris*, Ar-
gentoratenſi, & *Francofurtenſi* Consiliariis: repetita hoc
seculo editione. Videndus etiam *Coschmannus respons. 29.*
vol. 3. n. 523. & seqq. *Besoldus de statu Reip. subaltern. c. 5.*
n. 9. *Lindenspur de success. & mutat. Imper. cap. 30.* Firma-
tum autem imprimis est votum decisivum Civitatum jure
novissimo, *Instrumento pacis art. 8. §. tam in universalibus,*
& confirmatione *Instrumenti pacis*, in novissimis Comitibus
& Capitulatione Cæsarea. In dictis quidem Comitibus et-
iam ad singularia descensum est, & petita à civitatibus
admissio ad simultaneam re- & correlationem; ut votum

istud Instrum. Pacis firmatum, non verbo & charta, sed vere & effective decisivum esset. Ubi duo superiora Collegia Electorum & Principum testabantur, se Imperialium Civitatum voto decisivo, Instrum. Pacis firmato, nihil derogatum cupere, quin per omnia Cæsareæ propositionis capita, & aliunde emergentes materias id requirent, atque si id cum Electorum Principum & Statuum votis consentiret, nomine trium Imperii curiarum, conceptum decretum ad Cæsar. Majest. referrent; Si vero discordaret, eaque disparitas sententiarum per ulteriorem cum Civitatibus susceptam tractationem ad concordiam redigi non posset, nihilo tamen minus illa omnia, quæ ab uno alterove collegio allata sunt in re- & correlationibus, infecto decreto, communi scriptura Cæsareæ Majest. exhiberent, ut ipsa, quid apud unum alterumve Statum componi ac effici queat, experiatur. Qua occasione præsertim etiam quæsitum est, de modo cum Civitatibus super hac materia disceptandi: & quod non conveniat cæterorum in hac re Statuum sententiam ipsis pro decreto obtrudere. Illud certe apud omnes dubio caruit, quin optimo jure voti decisivi pleno effectu Civitates gaudere deberent; quanquam de modo rei non una omnium sententia fuit. In cujus rei causas inquirere, non est privatae solertiæ.

Sed, ut in viam redeamus, Cæsar, rogatu Statuum anniti solet, ut ad concordiam dissona suffragia redigantur; eligens nonnunquam omnium Ordinum paucos, qui concilient de quibus conveniri non potuit, Statibus vel eligendi personas, vel nonnunquam totius negotii decernendi potestatem Cæsari permittentibus. *R. A. in Augsp. anno*
P. S. C. 8. S. 12. 1548. J. Auffs solche unsere &c. Add. Lampad. de Rep. R. Germ.
 Et siquidem ita in unam sententiam conveniant omnia tria collegia, id quod inter eos decretum est, tanquam Ordinum commune consultum Cæsari per deputatos den *Auffs* refertur; cui si idem quoque placeat, confecta res est, sin minus, tamdiu replicando, duplicando &c. inter se, adductis hinc inde pro opinione sua argumentis idoneis, à
 Cæsare

Cæsare & Ordinibus disceptatur, donec vel hi in illius, vel ille in horum sententiam sponte concedat. Ac quod ita in commune placuerit, decreti comitalis & universalis Legis in Imperio vigorem habet: uti hæc fere tradit *Paurmeister. de Jurisd. R. Imp.* Quod ipsum quo modo ^{l. 2. c. 2. §. 10.} postea concipiatur, signetur, à Statibus subscribatur, & tandem publicetur, prolixè exponit *Aruma. de Com. & Lehman. in Chron. Spir. l. 7. c. 124. von Beschlüssen und Abschieden eines Reichs-Tages.* ^{c. 2. §. 26.}

Quod si vero, pergit *Paurmeisterus*, inter Cæsarem & Ordines vel majorem eorum partem res coire non potest, nihil actum judicatur, sed res in libera ac spontanea conventionè posita est, ita ut nec Imperator ex plenitudine potestatis nec Ordines invito illo quicquam statuere possint. Quam sententiam ut verissimam suo calculo confirmat *Lampad. de Rep. R. Germanica.* Namque ^{P. 3. c. 2. §. 7.} ut comitiale decretum fiat, eorum consensus accedat oportet, inter quos ius comitiorum divisum est. *Paurmeister. de Jurisd. R. Imp.* Atque hoc est quod Cæsarem & ^{l. 2. c. 2. §. 20. P. 3. c. 27.} Status hinc inde conveniendo inter se de rebus comitalibus statuere debere vult *Lampad. d. tr. vel ut clarius Bertram de Comit. Imp. membr. ult. §. f.* Generaliter verum esse ^{P. 3. c. 2. §. 13. & c. 11. §. 16.} puto, quod Imperator in comitiis absque scitu Statuum absoluta auctoritate regulariter nihil sanciat, sed si quid statuatur, id non nisi in vim contractus, inter Imperatorem & Ordines initii, valere, quod etiam probat clausula Recessibus Imperii apponi solita, haben wir uns nachfolgender Ordnung vereinigt / verglichen / und deshalb mit und gegen einander in contractswiese verpflichtet und versprochen. R. A. zu Augsburg Anno 1500. circa fin. Unde quod in comitiis decernitur, non vocatur des Kayfers Abschied / verum des Reichs-Abschied / vel des Kayfers und gemeiner Stände Abscheid. R. A. zu Worms Anno 1564. *J. demnach wir. Add. Carpzov. de L. Reg. Limn. l. P.* ^{C. 10. §. 2. §. 23 l. 1. c. 10. §. 23. & l. 2. c. 1. §. 174.}

Probato igitur hoc, non aliam in constitutionibus Imperii faciendis esse Imperatoris potestatem, quam qualem in conventionibus alterutrius contrahentium arbitrium est; id vero ita sit temperatum, ut alter alternum invi-

tum, obligare non possit, sed utriusque requiratur consensus; simul apparet quid iis tribuendum sit constitutionibus, si quæ vel omnibus Ordinibus vel maxima earum parte contradicente promulgarentur. Itaque pacificationi Pragenſi Anno 1635. initæ hæc apposita est clausula. Und wann dieser Frieden-Schluß von den andern Geistlichen und Weltlichen Thur-Fürsten und Ständen / oder doch dem mehrentheile gleichfalls beliebet / und bekräftiget / soll er als eine gemeine Reichsbemilligung gelten &c. quæ ipsa tamen pactio ideo, quod plerorumque Statuum consensu destituta permansit, pro publica Imperii Lege à nemine unquam fuit agnita, & expresse in nupera pacis constitutione infirmata, art. 17. *S. contra hanc. Vid. Lamp. d. rr. Paurmeister. de Jurid. Imp. R. Hæc de generalibus comitiis.*

p. 3. c. 8. §. 14.
l. 2. c. 2. §. 20.

De Comitibus Particularibus Deputatorum, Visitationum Camerae, Electorum, Circulorum, non est cur aliis dicta repetamus, nisi quod hic unum id forte adiiciendum fuerit: omne quod à Deputatis unanimi consensu sic constituitur & transigitur, eundem cum communibus totius Imperii decretis valorem obtinere. R. A. zu Regensburg an. 1524. *S. Was und noch so viel aber diesem verb. und an statt allgemeiner Stände des Reichs beschließlich zu erörtern &c. Bertram. de Comit.*

§. 12.

CAPUT V.

Virtus & Prudentia Legislatoris Germanici.

FRIDERICUS I. optimus quondam Germanorum Imperator, sic aliquando Roncaliis in Comitibus Principes Imperii est allocutus: *Si jus nostrum sive vestrum in scriptum redigatur, in ejus constitutione considerandum est, ut sit honestum, justum, possibile. necessarium, utile, loco temporisque conveniens. Ideoque tam nobis quam vobis, dum jus condimus, cautum providendum est. Quia cum Leges instituta fuerint, non iter*

ap. Radevic.
in vit. Frider.
l. 1. c. 2.

erit liberum judicare de iis, sed oportebit judicare secundum ipsas. Quo an quisquam hisce temporibus melius instruere ad prudentiam & virtutem queat Legislatorem Germanicum, merito possit dubitari. Quid enim legibus in aliqua Republ. deesse putes, si pietatem & justitiam conservent, honesta jubeant, sint utiles Reipubl. civibus apud externos honori, pacis æque ac belli temporibus prospicientes? Neque frustra Legislatori nostro Germanico hæc dici videntur, si penitus paulo ipsas Germanicarum legum formulas inspicere velimus.

Pietas utique Legislatoris Germanici conspicua est in iis, quæ plurimis Recessibus Imperii de religione constituta imprimis vero de conciliis pie aliquoties decreta sunt: R. A. zu Nürnberg / an. 1524. S. Als auch viel. R. A. zu Speir an. 1529. S. Und anfänglich. R. A. zu Regenspurg an. 1541. S. Als wir nun / & passim. Quæ tamen quod minus feliciter perfecta sint, nemo, ut nunc sunt mores, mirari debet. Pontificiis enim Hildelbrandina illa doctrina de vicariatu Papæ hactenus ita est impressa, ut nec putent sibi licere citra consensum Pontificis nobiscum unum in cœtum coire, nec sibi fas esse quicquam ab eo quod Romanus Pontifex jam decrevit, vel adhuc decreturus est, desciscere. Possent fortasse Conciliorum loco haberi colloquia, quorum aliqua superiori seculo Cæsaris & Statuum consensu instituta sunt, R. A. zu Regenspurg an. 1541. S. Dieweil aber. R. A. zu Regenspurg. an. 1557. S. Es haben auf solches alles / verum & hic etiam contrarius expectationi eventus respondit.

Et quæ tandem lex clarius de eximia nostri Legislatoris pietate testimonium nobis perhibere potest, quam pacis illa constitutio quam religiosam vocant, facta in comitiis August. an. 1555. Per illam enim non tantum Evangelicæ & Orthodoxæ religionis exercitium in Germania permissum, verum etiam Reipubl. non minus quam animarum quieti est consultum, ne illa animarum carnificina, quam Sancti Patres Inquisitores alibi in miseros homines cum maximo æternæ salutis dispendio exercent,

introduci posset. Omnino enim à religione coactio abesse debet, & nihil est absurdius quam fidem in anima quæ Spiritus est cogere velle. *Et quis mihi imponat necessitatem.* inquit, *Lactant. divin. institut. vel credendi quod nolum, vel quod velim non credendi.* Nihil tam voluntarium quam religio, in qua si animus aversus jam sublata, jam nulla est. Quantum vero ad Reip. salutem pax hæc religionis faciat, verbis Phil. Camerarii exprimit *Carpz. de L. Reg. Hujus salutaris, in-* quiens, *sanctionis beneficio videmus conjuges in religione quidem dissentire, parentes & liberos diversa sacra sequi, fratres & sorores in una interdum domo in plurimis doctrina celestis capitibus discrepantes fovere sententias; in Politicis tamen & domesticis rebus concordare vivere.* Taceo quod assidua bella & contentiones, quæ antea sub religionis prætextu impune movebantur, hac optima lege magnam partem sopita sint.

Capit. Cxf.
Leopoldi
art. 2.

Sicut vero magnum pietatis indicium esse diximus, quod hæc lex sic lata, ita non minus pia dicenda erit illa cura qua eam confirmatam & renovatam videmus. Quod quidem in omnibus sequentium temporum Capitulationibus, plurimis Imperii recessibus, ut *R. A. zu Regens-
spurg an. 1613. §. Und darmit solches alles.* & nominatim quoque nupero pacis instrumento egregie factum apparet. Quo ipso etiam facile concidunt illorum nugæ, qui ideo pacificationem hanc irritam esse contenderunt, quod Imperatori & Statibus Pontificiæ religioni addictis per vim sit extorta. Quo jure enim obtentu coactionis, tot vicibus tantaque verborum religione decretam infringent?

C. 3. §. 1. seqq. *Carpzov. de L. Reg.*

Pax Imperii profana, qua maxime continetur civium concordia, adeoque Reipubl. salus, licet non parum confirmetur per pacificationem religiosam, nihilo tamen minus peculiari Lege hanc quoque juvare, ad suam curam pertinere noster Legislator duxit. Cum enim in bellicosa natione, qualis est Germanica, frequentissimæ olim lites essent, quas non jure sed armis finire moris erat, unde crebra certamina, duella, & ex privatis contentionibus non raro civilia bella oriebantur; adde quod latrociniiis

niis quæ in laude etiam veteres Germani posuerunt, omnia infesta reddiebantur; Maximilianus I. Imperator non aliud, quo paci Reipubl. consuleret, inveniens remedium, legem de publica pace an. 1495. in comitiis Wormatiens. consensu Procerum Imperii tulit, proscriptionis & banni Imperialis in illum pœna constituta, qui armata manu eam violaret. Vid. *Der Königl. Land-Friede zu Wormbs an. 1495.* Quæ constitutio in diversis postea comitiis & imperii conventibus sub incudem est revocata, sicut videre est apud *Carpzov. de L. Reg.*

c. 1. S. 4. f. 8.

Omnium vero harum de publica pace constitutum vere dici meretur auctarium nuperrima illa pacis constitutio an. 1648. Monasterii & Osnabrugæ inter Cæsarem & Ordines inita, qua demum collapsa penitus per tricennale illud & fatale Germaniæ bellum pax restituta est Imperio, & ne quid posthac turbarum enascatur, quam optime cautum. *Instr. pac. Germ. Sued.*

art. 17. §. Qui
vero huic.

Ut propterea merito patriæ nostræ gratulemur, quod per hanc pacem sublata ex Procerum animis dissidentia, quam antea religionis dissidium alebat, concordia tam inter Caput & Membra, quam Membra Imperii inter se sit restabilita. Utinam modo sinceram illam & perpetuam, internecinum illud Germaniæ dissidium Religionis posthac esse permittat, nec in singulorum animis hostile in contrariæ religionis partes odium, sed cura integri Reip. corporis regnet, cujus partes non nisi uno vinculo unoque spiritu possunt esse salvæ.

Conting.
præf. ad Po-
lit. Arist.

Cum vero omnis bene constituta Respubl. non ad pacis solum sed ad belli quoque tempora debeat esse accommodata, prudentis etiam Legislatoris est in pace de bello cogitare, quæque ad illud recte administrandum faciunt, bonis Legibus describere. Cui officio non defuisse Germanicum Legislatorem cum insertæ sparsim aliis Imperii Recessibus, tum de re militari peculiariter latæ leges ostendunt, quibus quæ ad mores, disciplinam & stipendia militum pertinent, optime definiuntur Vid. *Der Röm. Kayserl. Majest. und des H. Reichs Reuter, Bestallung. it.*

Von

Von Bestallung des Feldes / erneuret Reuter-Recht/ und der Teutschen Knechte articul &c. post Rec. I. Spirensen an, 1570. Quas leges in usum hodie revocari maxime esset ex usu Reipubl. utpote in qua propter civilium bellorum tumultus, corruptissima disciplina militaris, imo nulla potius est. Huc quoque pertinent generosa consilia in variis comitiis superioris ævi contra Turcam, perpetuum Christiani nominis hostem, à Cæsare & Statibus capta: modo semper sincere res ista fuisset tractata, nec in alios usus contra Turcam destinati sumptus, conversi.

Perspicitur amplius virtus nostri Legislatoris in iis legibus, quibus decorum & honestatem morum in animos suorum civium introducere conatur. Cujusmodi sunt omnes illæ constitutiones, quæ sub nomine *Der Policey, Ordnung / Reformation guter Policey / Erklärung und Bestättigung der Policey, Ordnung in corpore Reccessuum Imperii* occurrunt.

Esse quoque justitiam ex iis, quam suis legibus intendit Germanicus Legislator, nemini ambigere licet. Quid enim aliud sibi volunt Ordinationes Camerae Imperialis toties explicatae, emendatae ac suppletæ, quam ut justitia ubique in Imperio vigeat, & singulis ex æquo administraretur? Cui ut nihil prorsus deesset, nec quisquam jus sibi negatum merito conqueri posset, de certo Assessorum numero in judicio Camerae Imperialis ab utriusque religionis Statibus nominando, in instrumento pacis denuo est conventum. *art. 5. §. 20. & seqq.* iis quæ circa punctum justitiæ tum expediri non potuerunt ad proxima comitia reiectis, ex quibus postea in Conventu Ratisbonensi an. 1654. aliqua decisa fuerunt. d. Rec. I. §. *Als dann nechst diesem.*

In omnibus vero quæ in salutem Reipubl. agit Germanicus Legislator, honorem nationis & Reipubl. ipsius sibi maxime propositum esse, variis in laudem Germanorum, de illorum virtute, libertate, sinceritate, & potentia legibus suis interjectis sententiis aperte testatur. Vti in der Ordnung des Land-Friedens zu Wormbs an. 1521. sic

fit mentio Der alten Teutschen Erbarkeit / und löblicher ehrlicher Gebräuche. In Rec. I. Spirens. an. 1570. §. Wann nun/legitur, wie die Freyheit des Teutschen Kriegs-Volcks auf unser löblicher Vorfahren alte Teutsche Ritterliche Tapffer- und Redlichkeit zu richten seyn möchte. Quo etiam pertinet, quod Præsidentem Judicii Camerae non alium præter Germanum constituturum se publica Imperii lege Cæsar promittat, N. A. zu Augspurg an. 1548. §. Und nach dem uns; & in judicium aulicum ex honestioribus familiis Germanos legere vi capitulationis teneatur. *Vid. Capitul. Caroli V. art. 13. Capitul. Caf. Leopoldi art. 41.*

Denique omnium maxime prudentiam nostri Legislatoris & virtutem commendat, quod libertati & statui Reipubl. convenientes ferat Leges. Quæ cura in eo potissimum consistit, ut nihil de iis quæ ad universum Imperium spectant absque scitu & consensu Procerum Imperii statuatur, nec quicquam sub publicæ Legis speciosa jussione, avitis Satuum juribus & superioritati decedat. Idque esse præcipuum Legislatoris nostri studium, ex parte in superioribus tradita ostendunt, & in omnibus Imperii constitutionibus tam præclare eminet, elucetque, ut vel hinc optime discatur Status Imperii & regula prudentiæ in Republ. nostra regenda, à qua non minus hi qui præsumunt illi, oculos deflectere nunquam debent, quam qui scribere aliquid de nostra Republ. aut judicare satagunt. Quamvis optandum esset, exquisitius & enarratius comitiorum historiam scriptam extare, unde occasiones, causæ & rationes totius Germanicæ legislationis melius perspicere, & plurimum lucis cognitioni nostræ Reipubl. accedere posset.

Longe autem optabilius votum & ad Germaniæ salutem unice necessarium habendum est, si quæ olim recte constituta in usum revocentur, & præsertim ea quæ Statum Imperii propius tangunt perpetua observantia custodiantur. Quæ cura magnam sui officii partem noster expediet Legislator, consulatque Germanici Imperii paci, incolumitati atque salutis. Quod ut ratum Deus esse ve-

lit, devota submissione eum venerantes, huic quoque dissertationi finem imponimus; freti ea spe, quæ in difficili materia à nobis sunt errata, ætati & ingenio condonatum iri.



VIII.

DISQUISITIO HISTORICO-
PHILOLOGICADE LINGUA CEL-
TICASIVE
GERMANICA.

Benevole Lectori

JOH. HENRICUS BOECLERUS
S. P. D.

Qui has paginas è cathedra solenni Academi-
ca, Commilitonibus examinandas proponit,
rarissimæ indolis felicitate inde à tenera pueritia
eluxit. Annos enim natus non amplius septem
sanctæ linguæ notitiam, Præceptore usus Reveren-
do & doctissimo Sene, Avo suo, eo usque sibi
comparaverat, ut textus Biblicos interpretari, &
rationes vocum Grammaticas reddere potuerit. In
quo studii genere tam strenuos postea fecit progres-
sus, ut præcipuos quosque nostræ civitatis viros,
in admirationem & amorem sui pertraxerit. No-
tamus adhuc quotidie ea virtutis & industriæ docu-
menta, quæ ad eruditionis maturæ fructum, præ-
matur-

maturo licet tempore, magna contentione festinare videntur. Huc referenda etiam est dissertatio ista, de vernacula nostra: cujus amorem non ineleganti carmine subinde haftenus professus est. Argumentum hoc si quis velit ingredi, ætate, litteris, judicioque opus habet. Sed non carpi tamen debet adolescentiæ studium, mature sibi nobilem materiam eligentis, ad quam subinde respiciat, maturiorisque profectus in posterum referat complementum. Eapropter non mutavi, quæ scripsit ornatissimus adolescens, proprioque, quod ajunt, Marte elaboravit. Quamvis enim in quibusdam aliter sentiam, nonnulla autem aliter tractari debuisse non diffitear, in historia insuper linguæ nec partite omnia, nec ad textum rei temporumque accommodate aut plene posita esse ultro monendum arbitrer: Satiùs tamen visum est, ab interpolando manum abstinere, & ætati non veniam modo, sed laudem tribuere: Cujus tam pulcri flores, non nisi præclaros mox nobis pollicentur fructus. Præclara ingenia aluntur imitatione & perfectione sui operis: multoque fortior est ad audendum stimulus, quo, ut se ipsi vincant, homines impelluntur. Neque morem meum deferere animus est. Integra malo & simplicia, quæ publice proponuntur. Vel meas ergo, vel studiosorum dissertationes constitui afferre: Interpolati labores, nec exercentibus gloriosi, & mihi molesti sunt. Hæc præfanda duxi, ne vel præstantissimus Adolescens de præmio periclitaretur industriæ, vel ego censuram sustinerem negligentiae. DEum veneror, ut ingenium ad magna natum foveat ac sospitet,

patriæque & venerando Parenti proprium jubeat esse ac diuturnum hoc gaudium !

Σὺν Θιᾷ.

Subjicio, Lector benevolentissime, omnium oculis brevem de Celebratissimâ Vernaculâ nostrâ Disquisitionem; non ignarus, quosdam fore, qui insignis audacia me arguant. Equidem, si amplissima intricataque materiei rudis nec satis accurata tractatio, temeritatis testis est, nihil præter patrii sermonis amorem & tenues ingenii vires oppono. Erant autem, ut ingenuè confitear, ante hac ex variis, præcipuè autem recentioribus scriptoribus in subsidium memoria à me excerpta adversaria, qua jam Academico exercitio aptata & certis limitibus conclusa Dnn. Præceptoribus ac Commilitonibus dijudicanda offero; spe bonâ fretus, haut injucundum fore, quod novum; nec maturi Cætonis censurâ notaturos, qui à juvene collecta meminerint. Caterum, hac præfatus, implorato Divini Numinis auxilio rem aggredior, de Lingua TEUTONICÆ I. Antiquitate, 2. Corruptione, 3. Restitutione, 4. Elegantia ac Majestate ex adversariis meis, ut dixi, nonnulla repetiturus.

§. 1.

UT autem ab ovo, quod ajunt, ordiar; ex sacris profanisque scriptoribus constat, Linguam Celticam ex confusione universalis idiomatis (Cujus tempus vide disquirentes *Salian. Annal. Eccles. Tom. 1. an M. 1931. Petau. Doctrin. temp. IX. 14.*) provenire. Eousque enim sermone hoc usæ gentis antiquitas se protendit, quod probare in proclivi est. Nam quia pars Asiæ trans Tigrim, quam post eluvionem aquarum Noa-

Noachidæ incoluerunt, Epochâ 100. annorum multum adauctæ familiæ non ultrâ capax erat, Noes Oraculo divino monitus totum terrarum Orbem filiis suis distribuit: Ita quidem, ut Schemo omnem Orientem cum dimidio septentrionis in Orientem conuerso; Chamo Meridiem, Japheto Occidentem cum alterâ septentrionis parte assignauerit. *vid Ph. Cluv. l. 1. c. 4. Ant. Germ.* Antequam autem in datas oras à mutuo conspectu dispalescerent, audax & pruritu aucupandæ gloriolæ abrepta iuventus coctis lateribus collectoque bitumine urbem, summæque altitudinis turrim fortitudinis & prudentiæ suæ monumentum, vel si qua denuð esset futura, inundationis perfugium excitare ausa est. Procedente opere, contemtor Numinis animus ad cælum perducere fastigium speravit. Unde Græcis fabulandi occasio, Gigantes cælum occupare aggressos. Cæterum, superbis mortalium conatibus divina obstitit manus. Repente una qua hætenus usi fuerant lingua aut in 70. ut Hebræi, aut 72. ut alii ex diversis codd. conjiciunt (nisi potius planè cum aliis in medio relinquendum sit, de quibus omnibus copiosissime disserit *vir summus Joh. Buxtorff. Dissertat. de lingua Hebr. confus.*) dialectos divisa est. Edificantes, dum nemo alterius verba percipiebat, relicta urbe nova destinatas sedes petierunt. Tunc omne quantum sub variis nominibus, Illyrici, Germaniæ, Galliæ, Hispaniæ & Britannicarum Insularum ad Hyperboreum usque mare, qua id Lappiam & Norvagian perfundit & ad Oceanum Atlanticum protenditur, quanquam terrarum spatiis vastissimum, tamen quia omnium remotissimum, unus solus sortitus est Aschenazes, omnium Pater Conditorque CELTARUM. uti refert magnus ille Polyhistor *Ph. Cluverius l. 1. c. 4. Germ. Ant.* Unde hodieque Judæi Germanos אשכנזים adpellant. Quanquam *Francisc. Irenic. l. 2. Exeg. Germ. c. 1. ex Be-rose Chaldaeo* Tuisconem quendam, postdiluvianum Noachi ex Araxa Uxore filium, Germanorum ac Sarmatarum parentem, quem alii ipsum Aschenazem putant, citet.

§. 2.

Positis his, linguæ antiquitas cujuslibet oculos ferit. Sermone enim illos usos fuisse nemo inficias ibit. Et Celticam hanc linguam originem cepisse jam inde à primævæ illius, quæ unica tunc fuit in terris, apud Babylo-nicæ urbis structuram, confusione, cui tandem in tam immensa terræ juxta ac gentis Celticæ vastitate, temporumque quibus duravit, longinquitate, dubitare liceat? Dicimus cum supra laudato Cluverio. Nostra enim inscitia non tollit rei veritatem. Multa namque in Germanica lingua esse vocabula, de quorum originatione nobis non constat, facile largimur. Insuper hanc nostram Teutonicam tam priscae antiquitatis esse, testari mihi videtur ipsum nomen. Nam juxta plerorumque scriptorum sententiam τὸ *Teutsch* ab antiquissimo isto *TEUT*, qui communis omniumque primus universalum gentium Deus, (ut *Cluverius l. 1. Germania Ant. c. 9.* differt) Celtarum autem sigillatim primævus parens putabatur, originem suam traxisse, pronum est. Quo concessio, omnibus liquet nostram Teutonicam antiquissimam esse; qui contra nititur, probet primos Aschkenacidas aliam usurpasse linguam.

§. 3.

Sicut autem Teutones à Deorum principe *TEUT* id nominis sibi delegerunt, quasi cum Vossio, populum Dei dixeris, sic reliqua quibus insigniti claruerunt (si authoribus fides habetur) præcipuè à fortitudine ad terrorem injiciendum hostibus desumpta esse videmus, nobis hac occasione obiter etiam perstringenda. *CELTAS* enim *Melch. Goldastus* à *Cheld* vel *Heild* / *Gorop. Becanus* à *felt*! *felt*! (quasi *abgefehlt*!) voce juxta illum in præliis Celtarum solemni; *Lazius* à *Wellen* / *Stwellen* / ob fluctuantis multitudinis virtutem, *Phil. Cluverius l. 1. c. 9. A. G.* ab *Aschenaze*, qui *Celta* vocatus fuerit, alii à *gelten* dictos ajunt. *CIMBROS* alii à *κίμβρος* tenebrosus, quod, utpote septentrionales remotiores à sole sint: alii à *tempen* / *bie temper* / alii à *fumber* / ob molestiam finitimis per la-

troci-

trocinia illatam, derivari putant. Quamvis id nomen falso tribui omnibus Germanis ostenderit *Phil. Cluv. l. 1. Germ. Ant. c. 3.* De hac gente vid. etiam *Wolf. Laz. l. 3. de Gent. Migr. & Francisc. Irenic. l. 1. c. 39. Exeg. Germ.* GERMANOS alii ab Hermanno vel Arminio, alii à Thogarma, alii à Gomer, alii quasi Garmann / Gerechtmann / vel Guersmann / pro Kriegsmann juxta sensum vocis Guerre in Gallico, Belgico, Anglico, & Italico idiomate, alii, qui Germaniæ nomen peregrinum judicant à fraternitate appellatos asserunt. Ego vero cum *Vossio l. 1. c. 37. de 1b. Gent.* ex superius citata dictione guerra vel werren / quod est contendere, pugnare, ut mehren defendere, & Mann q. hominem dicas militarem, conflatum arbitror. Vide etiam *Becmann. Orig. Bernegg. Quest. VII. Miscell. ad Tac.* sed revertamur ad rem.

S. 4.

Constat ergo vernaculam nostram seu Celticam, seu Cimbricam, seu Teutonicam, seu Germanicam ab universali distractione idiomatum promanare. Equidem nefandum duxerim, Hebraicam cum nonnullis serioris originis arguere. Sicut autem hujus primævæ filia, ita Græcæ soror, nostra adpellari potest; nec id solum ob originem & æqualem antiquitatem, sed ob magnam insuper inter ipsas convenientiam, quæ unde provenerit, magnum sententiarum divortium est, quas præmissis plurimis exemplis accurate conciliat *Magnus noster Berneggerus, Polyhistor Trebocensis Clarissimus, Quest. XI. Miscellan. ad Tac.* dum in genere hoc certum esse dicit, ex migrationibus gentium illam quoque linguarum commixtionem ortam, attestante etiam *Ovid. l. 3. Trist. Eleg. 9.* Vide prolixè hac de re disputantem *W. Lazium de Gent. Mig. l. 2. & Bibliandr. de rat. Comm. omnium Ling.* qui ex *Trithemio* confirmat magnam imprimis inter Græcam & nostram extare consonantiam, quod & Druidæ præsci in Gallia pontifices Græco sermone maxime in sacris usi fuerint, suffragante *Cesare in Comm.* confer. *Franc. Iren. l. 2. c. 30. Ex Germ.*

S. 5. Nec

S. 5.

Nec parum lucis Antiquitati, de qua adhuc solliciti sumus, affert usus literarum, quem teste *Olae Magno l. i. c. 36.* ab antiquissimo tempore, cum essent Gigantes in terris septentrionalibus longe ante inventas Latinas, & antequam Carmenta ex Græcia ad ostia Tiberis & Romanum solum cum Evandro perveniret, expulsisque Aboriginibus gentem illam rudem ac plane sylvestrem literas & mores doceret, Aquilonaria regna habuerunt. Verum *Job. Ger. Vossius l. i. c. 9. de arte Gramm.* cum hoc majore gentis suæ quam veritatis amore scripsisse veretur, cum Latini annis ante C. N. prope M C C. literas suas habuerint. Utut sit, Literarum secreta viros pariter ac fœminas ignorasse, juxta Tacitum, inter alios *Consultiss. Dn. D. Mich. Bætzner in Comment. super l. Tac. de Mor. German. f. 125.* non omnino de omnibus in universum Germanis intelligendum censet: *Literas enim, scribit, illos habuisse rationibus & argumentis quibusdam probari citra magnam difficultatem possit forsitan, cum haud dubie tanta potentissimorum populorum multitudo sine literarum, quibus ipsorum lingua scriberetur, subsidio quam maxime necessario neque gubernari, neque societatis civilis recta norma ullo modo conservari potuisset: ac licet non solum plebeia multitudini, sed etiam superiorum ordinum hominibus, Nobilibus, Comitibus, Principibus, literarum cognitio non admodum frequens fuerit, nihilominus tamen fieri non potuit quin sacerdotes & ij qui publicarum actionum consignandarum curam gerebant, certo aliquo literarum vel characterum genere uterentur. Ejusmodi vero characteres Græci Majusculi non minima ex parte similes fuisse, vel inde conjicere possumus, quod Gothi quoque veteres, qui in lingua, moribus & vivendi legibus ad Germanos quam proxime accedebant, literarum characteres à Græcis non prorsus alienos habuerint, quemadmodum id ex antiquioribus eorum inscriptionibus deprehendi ferunt.* Hucusque D. Beut. confer, si placet, supra laudati *Olai Magni l. i. capp. De Obeliscis sepulchral. & erectis Ostrogoth. Vestrogoth. Saxi.* vide etiam notas *Clarissimi Berneggeri, Quæst. 99. Miscell. ad Tac.* Testantur insuper de literarum cognitione apud Germanos *R u n æ* antiquissimorum Danorum, quo

quo nōmine characteres & eorum peritos indigitabant. Habuerunt autem tales Runas vel characteres priscitus sedecim, ut ex *Olai Wormii eruditissimo Tractatu de liter. Run. c. 15.* videre est, hoc ordine & nominibus, (figuris enim in chalcographio destituimur) *Fee, Vr, Duß, Oys, Reidr, Kaun, Hagl, Naud, Iu, Aar, Sol, Tyr, Biarkan, Langr, Madr, Ir.* Has diviserunt in *Raddarstafr*, hoc est vocales, quasi *die Xedbuchstaben* / & *Sambliodendr*, Consonantes, quasi *smpt.lautsender*. Et has iterum in *Half-raddar* semivocales, quasi *Halbreder* & *Dumba* mutas *die Stummen*. De quibus prolixè differit citatus Author. Cui adde *Steph. Joh. Stephanij politicissimas notas in Pref. Saxonis Grammatici*. Nec sanè video quomodo apud Celtas veteres, Bardis, Druidæ, Wittodii, Graviones aliique quibus publicarum rerum cura commissa fuit, suo quivis munere, sine literarum usu, fungi potuerint, ut vel ided illis deneganda non sit hujus mysterii scientia. Videsis de Bardis & Druidis *Henric. Vales. Annot. in Ann. Marcell. l. 15. Irenic. l. 2.* Ex *Germ. Cesar. l. 6. de bell. Gall.* Bardos describit etiam *Lucanus lib. 1.* De *Wittod. Gravion.* vide *Goldast. pref. Animadvers. in Paran.* Ubi non abs re explosione quàm fide digniores censet, qui Carolum M. constituunt scripturæ Teutonicæ Dædalum, cum ille nihilo magis fuerit, quam Alexander M. Grajæ, Romanæ Jul. Cæsar, quos æmulatus est. Habentur enim, ut ipse asserit, monumenta Teutonica M. annos præter propter æquantia, quale est *Wilerami, Orfridi Wissenburg. & alia.* De literis Geticis consule etiam *Bibliandr. de rar. comm. omnium ling. & lit. p. 17.* Ubi *Vulphilam* (aliis *Gulphilas* est) earum inventorem affirmat, quod *Gerard. Joh. Vossio l. 1. de art. Gram. c. 9.* ex eo profectum videtur, quod antequam ille Biblia in Gothicam transtulisset linguam, paucis ex ea gente literæ essent cognitæ, ac propterea nec habere illas nationibus aliis crederentur. Satis ergo reor comprobatum, literis non caruisse priscos Teutonas, quin potius ut testimonium antiquitatis adduci possint,

§ 6.

Sicut autem vernacula nostra nulli alio sub sole calentum, nisi uni linguæ sacræ vetustatis prærogativam concedit: Sic nec puritatis ac elegantiae, si in ἀρχῇ & florescente vigore eam consideres. Cum lingua enim Germanica, imò & aliis, comparatum est, uti cum homine. Habuit sermo Teutonicus ætatem crescentem; habuit decreascentem; tribus vicibus floruit, tribus emarcuit; liceat enim mihi ita dividere rem, cum altior negotii, utpote in intimis historiarum visceribus abstrusi, indagatio facile nostrum captum excedat. Primò namque ab ipsa Celtarum origine superius deducta in primitivo flore lingua permansit, usque dum Majores nostri planè Romano jugo subiciebantur. Cum enim par atque idem Germanis quod Romanis quondam, nitidandæ studium fuerit, attestante *Goldasto*, colligere possis, illos sermonem suum ab omni exrerorum colluvie immunem conservasse. Postquam autem victricibus Romanorum armis superati, nunquam sine allophylis vixissent, cum labescente potentia, ipsa quoque idiomatis puritas labascere cœpit, usque ad Caroli M. tempora, qui in ea reparanda & magis dilatanda egregiam navavit operam, ut infra cum ad Restitutionem perventum fuerit, paulò fufius monebitur. Et hæc erat prima corruptio. Altera graviorque in densissimis Papatus tenebris irrupit. Cum enim legendi & scribendi facultas per nunquam satis execrandam Clericorum ignaviam tam rara ales facta fuisset, ut Monachi paulò ultra limites Alphabeticos progressi, non proletariam eruditionem sibi apparatus putaverint, quis de barbarie in vernacula dubitare vellet? Quippe omnis propè eruditio ab orbe erat profligata, totisque annis quadringentis delituit crudeli multata exilio, uti inquit *Gerard. Johann. Voss. in præfat. Latinobarb.* Interim pro vernaculis passim substituta Latina, præsertim in rebus Ecclesiasticis, ubi Latini labii abusus Papali auspicio plurimum se gentibus obtrusit. Cui consuetudini debentur non tantum fundio-

num

num Ecclesiasticarum, & quicquid ad eas spectat, Græco-Latinæ denominationes, sed & complures aliæ, quæ, cum nostratium dispendio, πολιτῶν ἀδεπταί, vix communi assensu abrogari possunt. Hinc *Franc. Irænic. l. 1. Exeg. Germ. c. 10.* ex Alberto dicit magnam etiam rationem fuisse Religionem Christianam quæ tunc novis vocabulis & Locis Germaniam imbuerit. Duravit autem ista ruditas & irreverentia linguæ patriæ, usque in sextumdecimum salutis reparatæ seculum. Hinc Megalander noster *Lutherus* conqueritur alicubi, non parum negotii sibi sæpè vel unicam dictionem Germanicam facessitasse, dum & interdum aliquot hebdomadas indagando insumserit. Quanquam autem ab eo tempore non ponitendo cultu restaurata fuerit, hac nostra tamen ætate cum variis variorum populorum molitionibus, fatalis & ominosa linguarum confusio Germaniam, turpem & mirandum in modum iterum penetravit, quæ tertia & deterrima Corruptio indies magis magisque succrevit, aded ut ille Cynicus merito Germanos in Germania quærere potuisset. Tanta videlicet multorum fuit stultitia, ut peregrina putamina suis nucleis prætulerint. Nec autem solummodo è communi sæce homunciones, sed & quis meliore luto finxit præcordia Titan passi sunt se abripi consuetudine tali: adeo ut ne Principum quidem aulæ atq; curiæ ab ista exoticarum vocum aspergine immunes permanerint: Sicut ex monumentis publicè editis non procul repeti ejus rei memoria potest. Ita nonnulli (ut cum Excellentiss. Dn. Præsidente loquar in *Annot. polit. in Lac. An. l. 1. c. 7.*) verbosissimis ambagibus, aut, quod pene dicere piget, admirabili confusione variarum linguarum & mixto-barbaris scriptationibus stylo aulico auctoritatem quasi verunt & gravitatem, tam infelici id quidem successu, ut nulla res unquam magis debilitavit eam, qua hic spectatur, gravitatem. Accedebat huic pesti immensus ille periodorum tractus, quarum una sæpè, intercapidine plurimorum versuum concludebatur, à nemine, quamvis linguæ perito, absque fastidio perlecta, aut satis intellecta, & sic, quod inter insignia linguæ nostræ

habebamus, elegantem sc. periodorum ductum, tetro abusu inquinamentum atque dedecus fecerunt. Imò eò corruptionis res rediit cum nostra vernacula, ut *Cl. Berneggerus* meritò in hæc verba alicubi eruperit: *Dicas in sentinam durare nostram linguam, ad quam reliquarum sordes torrente promiscuo deferantur. Jam à Latinis, jam à Gallis, Hispanis etiam atque Italis mutamur, quod domi nascitur elegantius.* Et profectò, majores nostri si revocare gradum superasque evadere ad auras possent, nepotes suos in exterarum gentium, quas ipsi vel hospitio dedignati fuissent, cultu & verbis ad mimicam gravitatem compositos, pro spuris magis quam genuinis filiis agnoscerent. Exemplar ejusmodi Centonis Gallico-Italico-Hispanico-Latino-Germanici in prosa & ligata vide in *C. G. ab Hille T. V.*

5. 7.

Triplicem hanc linguæ patriæ Corruptionem sequitur triplex juxta partitionem nostram diversorum temporum Restitutio. In prima elucebat Caroli M. studium, quippe qui non tantum summa diligentia antiquissima conquisivit carmina, quibus veterum Regum acta & bella canebantur, sed &, teste *Eginharto in vita ejus*, Grammaticam patrii sermonis inchoavit, quam tamen crebris bellorum incursionibus retardatus & morte præventus imperfectam reliquit. *Bibliand. de rat. com. ling. p. 18.* Otfridus autem quidam Monachus Wissenburgensis sub Ludovico Pio ipsius Caroli filio illa consecutus, multum scripsit in lingua nostra Germanica, quæ regularis institutionis mirandam sonare videntur gravitatem, sicut confirmat modò citatus *Autor.* Porro supra decantatus Carolus etiam Mensibus & Ventis Germanica nomina imposuit, quæ adhuc in usu cottidiano retinemus, cum ante id tempus apud Francos partim Latinis, partim barbaris nominibus appellarentur. Exaravit etiam ipse plusculos versus, ut in Latina & Græca, sic in vernacula quoque, quos tempestati nostræ farum, invidit. Erat enim Poëta insignis ævo suo, teste *M. H. Goldast. Not. in Columb. p. 97.* Prodit

dit insuper *Bibliander* ex Abbate Spanheimensi (*Trithemio*) illum propria plura excogitasse alphabeta, quibus per latissimum regnum securè uteretur in arcanis cum singulis præfatis &c. Hunc sesquiquarto abhinc circiter seculo strenuè æmulatus est Rudolfus I. qui, referente *Cl. Berneggero ex Ph. Camerario*, Comitia habuit Norimbergæ anno 1272. ubi omnium Ordinum imperii unanimi consensu decretum est, ut deinceps in Cancellariis & Contractibus Germanicum idioma reciperetur, abrogatis etiam latinis characteribus è stylo Germanico. Quanquam autem post hæc etiam felicissimo & omnibus seculis memorabili invento Typographiæ, cujus Johann. Mentelin Civis Argentinenfis Ann. Ch. 1440. primus author celebratur (ut cumque Joh. Gutenberg. Moguntia furto quodam ejus rei gloriam in se transmittere conatus fuerit, unde à plerisque, etiam Wimpfelingo, quem Bibliander ejus rei certissimum authorem putat, pro Mentelino nominatur) ut reliquis studiis ita cumprimis vernaculæ multum emolumenti & culturæ accedere debuisset, tamen sub invidiosa Papalis domini caligine abstrusum non digno admodum resplenduit usu, donec lucis Evangelicæ radiis (cui ipsum veluti phosphorus præcurrebat) orbis illustrabatur. Tunc enim Deus tria potissimum hæc organa adhibuit, vivam sc. Lutheri vocem, Chalcographiam, & linguam Germanicam, duobus prioribus eleganter reolendam. Nam sicut instante Reformationis tempore, ut res felicius cederet, in reparanda Hebraica Capnionem, Forsterum &c. Græca & Latina Phil. Melanchthonem, Erasmus Roterod. Joachimum Camerarium &c. Sic in restauranda nostra vernacula, veluti præcipuo instrumento, B. Lutherum, inter alios usurpare voluit, cui maximo adminiculo Chalcographia exstitit, quod & confirmat *Excellent. D.D. Dannhau. præfat. in Antichristosoph.* Scriptis enim suis præter Res ~~diversas~~ purissimum idioma Teutonicum etiam spirantibus, quamplurimum ad Restitutionem linguæ patriæ contulit. Usui a. & emolumento maximo huic rei cumprimis fuit SS*i* Codicis versio, sæpissimè excusa, quam

passim patresfamilias coëmtam gnaviter (quod antea papatus verbat) perlegerunt, exin hausta optimarum rerum & verborum copia, paulatim veterem cum vita sermonem correcturi. Quæ res postmodum profundiores in juventute radices egit, per scholas Germanicas ferè in singulis oppidis & pagis à B. Luthero institutas & Ludimoderatoribus literatura vernacula præstantibus adornatas. Nec etiã defueret ea ætate & jam antea, in aulis Principum & Curii R. Imperii, qui nativum vernaculæ decus studiosè colerent, sicut ex scriptis & Monumentis publicis, item Recessibus Imperii (qui, omnes gravissimum & nobilissimum monumentum patrii sermonis prædicari merentur) abundè liquet. Quamvis autem discussa etiam hac secunda obfuscatione, lingua, de qua disquirimus, pristinae gravitati ac elegantia reddita fuerit, attamen hoc XVII. a C.N. seculo in tertium & lethale prorsus recidit deliquium, cui proximis annis D E U S pro immenso suo erga patriam nostram amore iterum mederi voluit, excitatis in Teutonici sermonis studium Viris passim egregiis, & reducto in aulas genuini purique & gravis labii amore. Quem libenter exosculemur, ut omen melioris ævi, si qua pacis spes præsentior affulgeret. In hoc genere autem studii, Carpophorum generosum & laudabile propositum valdè commendari debet. De cetero haud dubiè & auspiciū & exemplum studii ejus præcipuè ab aulis repetendum, ubi non defunt jam, neque defuturi sunt, qui linguam patriam seriò colunt. Nam in scripturæ modo, si mercenariorum scribarum ineptiæ abrogentur, qui plerumque multis & mirandis pleonasmis chartas pro pane lucrando afferciunt, non nimis tricandum est; sicut nec vocabula processus forensis, & ejus generis alia, sine consensu publico & ita de plano abrogari, & aliis quibusdam novè fictis, in quibus authores ipsi adhuc dissentiant, commutari, usuique publico obtrudi possunt. Interim spes vel maximè insignis est, de re tota subinde excolenda, cum nec genius seculi ab hac cura alienus videatur, si tantum modus adsit, & privata, quam sibi quisque sumit, auctoritas modestiæ memor maneat.

S.9. His

§. 9.

His itaque breviter perstrictis potius, quàm pertractatis, cum nec in limine ultra excerpta quid pollicitus sim, & accuratior latiorque harum rerum deductio uberiores ingenii vires & plus temporis spatiique sibi postularer, luberet equidem ab Elegantia vernaculam etiam commendare, ni id jam pridem à præcellentibus ingeniis factum scirem. quocirca malo ipsorum verbis uti, eò fortè plus valituris, quo à fide dignioribus auctoribus promanarunt. Sic enim Gorop. Becanus in *Hermathena*. Profecto non vides quid ad laudes lingue nostre ulterius addi possit. Lucidissima est lingua nostra nullaue Orationis ambiguitate impedita, eadem rursus omnium brevissima, eadem copiosissima, quæ de parte lucis est origo, eadem lenissima minimaque organorum molestia proferenda, eadem hominem maximè idoneum reddit ad quamvis aliam & addiscendam & benè modulandam. num quid aliud desideratur adhuc ad summam lingue perfectionem? Equidem libenter & obvis manibus herbam ei porrigam, qui me docebit usquam gentium linguam ejusmodi inveniri, quæ pluribus unà dotibus sit ornata. Contra mihi concedi rogo, quod optimo jure postularem, ut pari ratione tantisper mihi liceat sermoni nostro vernaculo palmam & primas asserere, dum quis hæc omnia simul in una eademque lingua monstraverit. Hucusque Becanus. Apponam etiam verba Webneri, quæ Clar. I. G. Schottelius citat Panegyrico 2. Lingua Germanica, inquentis, dignitas atque ornamentum universo jam orbe innotuit. Pauci enim abhinc annis ita crevit, adeoque decorata est, ut nullius rei atque additamenti egeat. Adducit & verba Georg. Henischii. Hæc igitur Germanica nostra lingua tanta excellit antiquitate, ut originem ab ipsa Babylonis turre ducat, tanta puritate, ut sola virgo illibata dicenda sit, tanta copia, ut copiam in brevitate, & brevitem in copia nulla ferè dicendi vis nullaue copia pro dignitate satis laudare atque extollere possit. Vide egregium elogium ejusdem nostræ vernaculæ, Viri Clariss. Thomæ Lansii in Orat. contra Galiam. Plura recensere supersedeo, cum res ipsa loquatur. Etenim si abundantiam vocabulorum in lingua quam collaudes, in nostra præsto est, aded ut nec Græ-

cæ,

cæ, quæ verborum locupletissima judicatur, palmam relinquat. Et cum in aliis una vox ex radicum penuria complura sæpè significata sustineat, nostra singulis rebus singula, & quidem ad rei denotandæ naturam accommodata nomina largiri potest. Quod postremum singulare etiam Todiscæ linguæ decus est, proprietas scil. eloquentiorum emphasin dictionum sono realiter repræsentans, & in brutorum vocibus, horrida tempestate, fluctuante Oceano aut aliis passim designandis cuilibet sponte obvia. Non autem hic de modo pronunciandi tantum disquirimus, sed potius de ipsa naturali literarum conjunctione, quæ istis viribus pollet, quamvis non negemus apud veteres præcipuè, modernosque partim adhuc Germanos asperam ac maximè virilem vocum protrusionem accessisse, qua de causa sermo ipsorum apud externos barbarus audiebat, trux, inconditus, & qui Musis apud se locum non faciat. Ut in *Tacito* aliisque passim occurrit. *vid. Franc. Irenic. c. 2. Ex. German. c. 30.* Deinde, si regularitatem, ut barbarè loquar, consideres, Germanicam linguam legibus Grammaticis & Rhetoricis parere, neque cedere quidem eloquio Romano, ratione & ipsis rebus deprehendet, quem non pigebit operam in ea re sumere, annuente *Theod. Bibliandro de rat. comm. ling. p. 17.* Quod si enim quæras discrimina orationis subtilis, temperatæ, gravis, illustris, brevis, copiosæ; omnes denique eloquentiæ varietates, artes, figuras, quidquid ulla tibi lingua, quam eloquentiæ monumenta celebrant, suppeditare potest, spondere audemus Germanicam in omnia suffecturam. Nisi quod hac occasione, proprium & singularem, nec imitandum ulli linguæ characterem majestatis Hebraismo reservamus. Tertiò, si componendi facultatem in ulla lingua admirari gestis, ad nostram te convertas. Hic enim tanta compositionum commoditas, ut non satis edere possem,

Si mihi sint centum linguæ, sint oraque centum.
Ibi reperiuntur vocabula è duobus, tribus, & pluribus aliis composita, tam eleganti quidem structura, ut ne
Græcis

Græcis hac in parte cedamus, Latinos longè antevertamus, quippe qui plurimis ambagibus vix exprimunt, quod nos unica tali dictione, quin & sæpè *μυαλινάτερον* designare solemus; sicut hanc rem prolixè & doctè pertractavit supra laudatus *Schottel. paneg. 6.* Tandem si elegantiam Poëseos in linguis deprædices, scias & nostram habere, etsi non ad limam Romanorum Grajorumve fabrefactam, quidquid Itali occinant; de quibus *Irenic. l. 2. Ex. Germ. c. 30.* hæc scribit. Si verò Itali dicant aptiorem linguam eorum carminibus, sicuti Guarinus Veronensis, Franciscus Petrar-cha & alii qui privatis Italorum linguis carmina struxerunt, sciant & ante 1000. annos in nostro sermone id actum. Ovidius enim Getico idiomate librum Augusti laudis capacem scripsit, ut *l. 4. de Ponto*:

—————*Et scripsi Getico sermone libellum,
Structaque sunt nostris barbara verba modis.*

Quantum verò ipsam Germanicæ linguæ Poësin quoad materiam & formam attinet, cum specialioris fori sit, à nobis qui in genere de Celtica lingua adversaria quædam tradere proposuimus, velut in transcurso, citatam fuisse sufficiet. Et licet vetustior poësis vernacula rudis ac incondita videri possit, habet tamen nescio quem ingenuæ simplicitatis candorem, plurimumque delectat eos, qui animum harmoniæ gravioris genii attemperatum habent. Quanquam in hoc quoque genere, purissimi & venustissimi carminis vena, annitente præsertim Martino Opitio, ad invidiam usque profecerit Germania. Vide de veterum Poësi *Olai Worm. Tractat. de liter. Runic. circa finem.* & de *Scalda & Edda Island. Steph. Joh. Stephan. not. in Sax. Gramm. §. 10.*

Atque hæc fuerunt quæ de vasta amplissimaque materia ex spatiosis voluminibus in angustos pagellarum aliquot cancellos transmittere tentavi; Pauca equidem, nec publicam forè lucem merentia, ni æquanimiras Lectoris spem Auctoris solaretur. Interea

Sit πάνγλωττε Deus tibi linguis gloria cunctis

Quis resonant unda, tartara, terra, polus!

Yy

DIS.

IX.
DISSERTATIO
DE LINGUA NOVI
TESTAMENTI ORI-
GINALI.

I.

Quali charactere dicendi sive idiomate Sanctissima Novi Testamenti oracula & historiae à Divino Spiritu mortalibus traditae sint, non inutili disquisitione, inter doctos, praesertim recentioris aevi, agitatum est: dummodo omnis contendendi & altercandi intemperantia absit; quae viros eruditionem & gravitatem asseverantes parum videtur decere.

2. Etenim quid in meditandis divinis Scripturis possit altior orationis Biblicae aestimatio, nec, ut ostendamus, opus est; & ex iis, quae dicuntur, quodammodo poterit colligi: sed requirit hoc negotium non minus pietatis, ut arbitror, quam eruditionis, multumque dissidet à cordato Christianae mentis iudicio, contentiosa critici acuminis curiositas.

3. Itaque nobis constitutum est, hac vice, breviter & *ὡς ἐν τύπῳ* (nam uberiores explicationem aliis temporibus reservamus) delineare viam, quae in hac quaestione nec ab eruditione ac modestia sit aliena, & ad pios sanctioris litteraturae usus directo itinere ducat.

4. Fuerunt autem & adhuc sunt inter doctos, qui cum attentius considerassent dictionem ac stylum N. T. iudicarunt: *esse quidem Graecis verbis omnia concepta, sed indolem & genuinum idioma totius contextus orientalibus linguis, adeoque matri orientalium Hebrae potius quam Graece congruere.* Hinc ut excitarent eruditam intelligendi ac observandi diligen-

ligentiam apud omnes, aliqui peculiari nomine *Hellenisticam*; aliqui *Ebraeo-Græcam* vocavere.

5. De quibus appellationibus non tam splendide equidem sentimus, ut nihil in iis desiderari posse credamus: sed nec tam morosa ^{aperte} eas vellicamus, ut, cum de re & sensu, quem prædiximus, constet, propter vocabuli quoddam incommodum totum negotium repudiare aspernarique fas & jus existimemus: non immemores, multas & magnas res in omni doctrinæ genere rotundioribus quam verioribus titulis, & minus quam optabile erat congruentibus vocabulis (cum præcise omnia signare, ne possibile quidem sit) expediri.

6. Ad rem ipsam, & doctorum de ea sententiam quod attinet, adeo non videtur rejicienda, ut potius Philologiæ Sacræ & graviori Theologiæ valde consentanea existimari possit. Primo enim negari non potest: *DEUM* ter *OPT. MAX.* admirabilem (minimeque fortuitam) loquendi cum hominibus, in utroque S. voluntatis suæ & religionis instrumento, servasse consonantiam congruentiamque. Unde factum est, ut cum verba essent alterius lingue in N. T. ratio loquendi eadem animadverteretur: aut, si clarius dicendum est, ut *Character V. T.* non quasi interpretatione liberæ expressum, sed retentis formulis totaque indole representatus agnosci posset.

7. Cujus providentiæ causas licet caute & parce deceat investigare, egregie tamen existimandi sunt philosophari, qui ad certitudinem fidei, gravitatem facilitatemque informandi, tum ad arcanum conjungenda cum Judæis gentilitatis mysterium, illam harmoniam referunt. Quæris, cur tot veteris T. oracula repetita in Novo, tot loca harmonice explanata, tot allusione notata; & quidem ita, ut non rerum magis quam dictionis extaret tum hic, tum in cetero contextu, convenientia? Responderi potest: ne domestici (Judæi) possent aspernari novitatem; aut peregrini (gentiles) suspectare diversitatem: aut curiosi desiderare conformitatem; aut simplices allegare obscuritatem.

8. Secundo: usus ipse & experientia locupletissimum præbent testimonium, neque facilius, neque gravius

ad ipsum N. T. nucleum perveniri, quam ea resolvendi interpretandique ratione quæ V. T. stylo Novi Fæderis libros metitur, expendit, evolvit. Ut proinde dubitandum non sit, optimam esse dictionis æstimationem, quæ toti argumento rebusque accommodatissima deprehenditur, cum præferim, ex altera parte, nisi hoc adhibeatur iudicium, non videatur exhaustiri posse ὑποθέσις ἰσαγγελικὴς profunditas.

9. Namque Tertio, ex ipsa divinissimarum rerum, humanisque nec mentibus comprehensarum nec linguis pronunciatarum (ita enim omnino de Evangelio & S. Scripturis, respectu humanorum operum scriptorumque loquendum est) indole novus quidam orationis character sua sponte exhibetur: atque ut φιλοσοφία ἰσαγγελικὴ N. T. cum nullo monumento, præterquam cum Vet. Testamenti sapientia conferri potest; ita dictio, quæ rerum genium mira exprimenti arte gravitateque sequitur, non alia, quam ejus Stili comparatione designabitur, quo talia primum, & quidem cum respectu ad N. T. secuturum, adeoque cum tacita exempli conformitate Divinus Spiritus consignavit.

10. Hæc & similia pie, ut arbitror, utiliterque non cogitari modo & differi, sed in scrutandis exponendisque S. literis adhiberi queunt. Quanquam, ut à severis censoribus clarius & amplius nos vindicemus (Quarto loco) jure nostro tenemus urgemusque istam ὑπόθεσις: Quodcunque orationis genus ex Universa Gracitate (quantum ejus ad nos pervenit) nihil habet simile, quoad indolem geniumque loquendi, & contextus; illam ὑπόθεσις peculiari nomine, & à ceteris diverso, insignire licet.

11. Atqui talem esse N. T. dictionem tantisper obtinemus, donec idem dictionis Character nobis alibi ostendatur. Id quod nunquam præstabitur. Nam ad hanc formam nemo scripsit, nisi qui ex Sacris consuetudinem loquendi mutuatus est. Sicut alibi forte fusius demonstrabitur.

12. Inquis: Desur sane peculiare nomen, sed ita ut Grata mapeat, non Hellenistica, aut Ebraeo-Græca. Annotabuntur

buntur paulo post compluria, quæ responsionis vicem in parte subire, in parte evidentiam explicare poterunt. Interim breviter observamus & reponimus: 1. *Per neutram appellationem tolli omnem Gracitatem: sed tantum eam, quæ in Græcis Scriptoribus, Græcæque nationis usu reperiatur: cum qua nimirum sine periculo confusionis & ἀπαιδεωσίας dictio N. T. comparari nequeat.* Nam de cetero & Hellenistica & Ebraeo-Græca vocabulum communicat aliquid cum Gracitate, licet usitatam, ejus indolem non agnoscat.

13. 2. Quantum seorsim attinet ad has appellationes, sive potius ad sententiam doctorum, quæ in iis latet. niti eam tali fundamento sciendum est: *Quacunque lingua, Græcis licet verbis constans, majorem tamen cum Hebræo idiomate Veteris T. convenientiam habet, quam cum omni cetera Gracitate: illi character differentia, quam vocant, specifica merito cum mentione & respectu illius Hebraismi imponitur.*

14. Atqui hoc est τὸ ἐν ἀρχῇ λαμβάνειν, dicent alii. Nam assumptum prorsus negatur; & probari nequit. Ego, cum probationis abunde jam in mundo esse, egregii doctorum virorum labores testentur, & vero non tam meditationis eruditæ ἀκριβειᾶ attendant, quam suis quibusdam rationibus gloriantur, qui huic assertioni contradicunt, satis habebō, nunc ostendisse, quam diligenter aliud aut nihil agant pleraque, quæ magno conatu & fere non necessario, à nonnullis ad invidiam ejus disputantur.

15. Quid mihi videatur in hac quæstione vero proximum, sub finem hujus dissertatiunculæ prometur. Nunc tantum ea remove animus est, quæ cum aliena sint à re proposita, non explicant sed involvunt disputationem, adeoque disceptationem in altercationem convertunt. Quæ in parte brevitati & moderationi vel ideo studebimus, quia cujusquam disputationes κατὰ πόδα sequi, nec instituto nec otio meo commodum est. Cum præsertim intricentur sæpius argumenta quam explicantur: cum ad personas dirigitur disquisitio, quæ rerum esse debet.

16. Ac primo omnium quidem, satis mirari non

possum, quod existimare quisquam potuit, eam doctorum de stilo N. T. sententiam, de qua prædiximus, ad humilitatem & contemptum stili sacri pertinere: *Quasi nimirum simplex ille stilus, ubi nulla sunt verborum ampulla, istos censores offenderet. Haud novum est, inquit nonnemo, stilum Sp. S. tanquam humilem à filiis hujus sæculi fastidiri.*

17. Atqui certissimum est, adeo nihil tale, quemquam eorum, qui Hellenisticam linguam tuentur, sensisse aut sentire, ut potius hac ipsa Sententia e diametro opposita sit iis, qui stilum N. T. vellicare, & humiliter de eo, quam decebat, judicare ausi sunt. cum quorum opinione nihil nobis unquam negotii fuit, nihil erit. Ex professo, inquam, ad majestatem dictionis Sacrae N. T. pertinet hac sententia, cui contentus stili sacri & fastidium tribuitur.

18. Quin imo sicut de stilo V. T. prorsus accedo gravissimæ eruditionis viro *Guilielmo Budeo*, & aliis, qui incomparabilem majestatem orationis iis libris tribuunt: ita N. Testamenti characterem tum ob alias causas, tum ob hanc ipsam cum idiomate Veteris Testamenti participationem, singulari quadam dignitate gravitateque eminere judico: qua ipso argumento suo secunda & pregnans nihil habeat in Scriptis & operibus hominum simile.

19. Nam quod ad simplicitatem scribendi attinet, quam DEUS omnibus patere voluit: plerique ne vocabulum quidem *Simplicitatis* recte capiunt in hoc argumento. Sane non *gracilitatis*, *tenuitatis*, *humilitatis* nota indigitatur à doctis & sanctis viris, cum simplicitatem S. Stili commendant, sed *conspicua Sinceritas*, *nativa minimeque affectata vis*, *admirabilis denique*, & quam nulla artis lenocinia attingunt, *competentia* intelligitur: quæ nec caret nec superbit suis ornamentis.

20. Quam *ὡς ἔστιν* ut minus periti talium amplius æstiment, qualicunque eos indicio, è profanorum Auctorum *ἡρώδης* perito admonebo. *Julii Caesaris dictio*, nec Tulliano flumine exundat; nec Liviana ubertate exsplendescit; nec Sallustiana severitate emicat; nec in morem Taciti novitate magnifica auctoritatem quærit: sed

sed simplicitate quadam sua censeri amat; tantum tamen abest, ut propterea ullo ex prædictis minor dicendus sit Cæsar orationis laude, ut pro comperto habeam, non minoris operis ingenique esse, ad ejus imitationem conformare stilum, quam æquare Livium, & ceteros, quos nominavimus. Addantur omnino quæ Dionysius de simplicitate Characteris Lysiaci tradit, quam maximis eloquentiæ speciminibus æquat, multosque imitandi conatu potius quam successu id expertos esse tradit. Ita nimirum patebit, inter eloquentiæ opera poni, τὰ κοινὰ καὶ ἐν μέσῳ κείμενα ὀνόματα: item τὴν σύνθεσιν τὸν ἰδιώτην μιμημένην: quæque plura ibi à doctissimæ observationis magistro annotantur. Id quod, citra aliam & ulteriorem accommodationem ad stilum Biblicum, ideo annotavi, ut simplicitatis character geniusque ante omnia rectius innotesceret: neque judicandi methodus, ex negligentiore vocis æstimatione, vitium caperet: aut cum ex S. Patribus nonnulli, ἐντελὴ καὶ ἰδιωτικὰ ῥήματα nominant, statim vilitas quædam intelligeretur.

22. Alias illa ipsa Simplicitas N. T. non caret miraculo, nec parum auget venerationem ejus majestatis, quam commendamus. Sane noluit Deus ter Opt. Max. à Simpliciorum intellectione abesse dictionem Novi Testamenti, ideoque quadam facilitate ad caprum eorum admovit: sed illam facilitatem cum tanta dignitate Sapiëntiaque conjunxit, ut & summa ingenii subtilitas, & maxima doctrinæ copia, satis superque quod discat, quod expendat, quod miretur, hic invenire queat, &, si pietatis devotionisque auspicio progrediatur, invenire soleat.

22. Non mirum est, si hæc Politianus aliquis, profanis litteris doctissimus, non capit. Nam ad judicandum penitus dictionem Biblicam, opus est rerum Biblicarum diligentiore meditatione intellectuque, quo destitutus aliam quercum excutere jubendus est. Quam assertionem si quis inopinabilem existimat & παρὰ δόξαν, rursus convincitur communi omnium, etiam profanorum, studiorum tractatione. Quis mihi eloquentiam Scriptoris

accu-

accurate penetrabit (nam vulgi consuetudinem hic non attendimus) nisi qui & Sapientiam penetraverit? Sicut ex diverso, ut Sapientia & profunditas argumenti penetraretur, exigendum ad vim argumenti est pondus dictionis. Mutua enim hæc sunt, & ἀδιαίρετος ὑπάλλαλα. Sugerendum hoc erat iis, qui de Hebræo V. T. idiomate, tam secure & fastidiose pronunciant, profanæque Græcitati in tantum posthabent, ut facile judicari possit, cujus scholæ subsellia triverint.

23. Jam quod ad *Puritatem* linguæ attinet, duobus modis plerosque impingere video: primo dum eos qui Hellenisticæ linguæ favent, eo ipso quod negant mere Græcam esse, *impuritatis* adeoque convitii notam N. Testamenti inurere credunt: deinde quod alienissimum de *puritate linguæ* iudicium ferunt. Quæ, immane quantum, saniori philologiæ repugnant.

24. Quid enim? De *puritate linguæ* utiq; iudicandum est post speciem linguæ, ut ita dicam, constitutam. Nonne igitur diversissimæ quæstiones sunt, de *puritate Græcæ linguæ*, & de *puritate Hellenisticæ*? Quis Hellenisticam linguam i. e. N. T. puram esse negavit? Nam illam quorundam sententiam, quæ in hoc stilo multa desideravit, serio averfamur.

25. Frustra hic objicias: Si è Græca & Hebræa coaluit, quomodo pura est? præterquam enim quod crasse philosopharetur, qui ea, quæ ex pluribus in certam & determinatam speciem coaluere, propterea statim impura vocaverit; etiam illud nemo recte & accurate ita diceret: è Græca & Hebræa coaluisse. Quare libenter fassi sumus, vocem Ebræo-Græcæ linguæ non usque quaque idoneam rei exprimendæ. Ecce: Quid movit viros doctos, ut linguam N. Test. alio, quam Græcæ, nomine dicerent? ἰδίωμα V. Testamenti nimirum quod in novo inveniebant. Hinc differentiam, ut philosophi vocant, specificam sumunt. Atqui ἰδίωμα V. Testamenti utiq; purum est. Quidni ergo pura sit lingua N. T. quæ illud ἰδίωμα retinet? Quam triviale fuerit, hic de materia litterarum & syllabarum & vocum arguari? ex quibus ἰδίωμα non iudicatur: sicut mox subjiciemus.

26. Itaque nihil opus erat, ut quisquam hic laborem sumeret, congerendi voculas & formulas à Græcis Scriptoribus ad asserendam linguæ Græcæ N.T. puritatem adversus Hellenistici idiomatis fautores. Partim enim cum larvis luctatur, qui ita disputat (nam ista opinio, pro qua hætenus aliquid diximus, nullam impuritatem N.T. tribuit) partim non probat illud alterum, quod intendit, scilicet: linguam N.T. non esse aliam, quam communem Græcam.

27. Non est quæstio: an phrasæ & verba, quæ in N. T. occurrunt, è perreptis Scriptorum profanorum monumentis possint erui? sed: an tota dictionis indoles, faciesque stili, totumque orationis corpus conveniat cum ea Græcitate, quæ in profanis Scriptoribus occurrit. Nam ex hoc principio judicandum est de idiomate. Quod si illud alterum sequeremur, Potero tibi eadem facilitate omnes Hebraismos (loquor enim ex tua hypothesi) in Græcâ aliisque linguâ ostendere. neque tamen cuiquam licebit inferre, propterea idioma Hebraicum idem esse cum Græco.

28. Sed & illud non debuit negligi: longe diversam esse utendi rationem, cum locutione eadem hæc lingua utitur ordinarie & consueto more suo; illa extra ordinem, ut sic dicam, & raro, nec sine figura aut ἀνωμαλία. Nam ibi domestica est jureque communitatis gaudet formula: hic adventitia, aut certè nova sive quæsitæ: ibi de idiomate aliquid restari potest: hic de quodam idiomatis accidente sive τὸ πᾶθος τινός. ibi ad corpus; hic ad cultum corporis pertinet. Quid respondeat ad hæc nonnemo, malo lectione ipsius libelli, quam mea commemoratione aut discussione, qua non opus esse videtur, cognosci.

29. Consideratu dignum est; quid in una eademque lingua circa diversos loquendi characteres soleat accidere. Constat inter doctos, Tacitum singulari prorsus stili usum esse: ita ut, tum ratione vocum, peculiari Lexico quodammodo interpretandus sit, & ratione contextus formæque à ceteris omnibus diversus æstimari debeat. Interim ex his ipsis quæ Tacito propria & videntur & sunt, aliqua ad ejus similitudinem usurpata reperies in Sallustio, in Plinio,

in *Seneca*, in ipso *Cicerone* ac *Livio*. verum quia hi rarius, & cum accommodatione ad suum characterem ista adhibent; ille autem perpetua consuetudine & in ipsa indole cursuque sui sermonis; nemo hactenus inventus est, qui posset dicere, stilum Taciti eundem esse cum stilo Sallustii, & ceterorum. Ergo si non licet tali ratiocinandi formula uti de diversis in unius linguæ idiomate characteribus (qui & ipsi à Rhetoricis aliquando specialiter *idiomata* dicuntur) quanto minus licebit, in *diversarum linguarum* idiomate comparando dicam an confundendo? Utique, quam diu pars altera diversitatem linguæ Hellenisticæ & Græcæ urserit (etiāsi decisio totius rei in dubio manserit) tamdiu infirma erit collectio illa, cujus supra mentionem fecimus.

30. Ne dicam de multis animadversionibus, quæ circa comparationem istam similium vocum phrasiumque, regeri à quovis, qui curam sibi eam sumserit, facile possent. Interim omnino, non ex una aut altera vocula aut phrasi, sed ex stilo, totaque forma dictionis, ut antea diximus, de idiomate judicari debet: longeque est aliud, quærere, *an hoc vocabulum sit Græcum, Latinum &c.* & *an ipsum idioma sit Latinum Græcumque*. Equidem ex Latinissimis, ut ita loquar, vocabulis potest efformari oratio, cujus idioma non sit Latinum.

31. Hæc & talia, si quis probe observet, sole meridiano clarius apparebit, abluere à vero quæstionis statu, quæ in contrarium differuntur. Ita quod de *gentilium intellectu* disputatur, à verè philosophantibus utique non aliter accipi debuit, quam ex mente Auctorum, qua neglecta, captaverit occasionem contradicendi, non invenerit, quisquis verba huc & operam admolitur.

32. Dixerunt aliqui: *stilum N.T. ita comparatum esse, ut non nisi à perito stili Veteris Testamenti adeoque nec ab Homero aliove Græco posset intelligi*. Quis hic dubitare potest, de quo intellectu sermo sit? Nimirum, *an verborum litteralem sensum & nudos obviosque conceptus*, Græcorum quivis posset intelligere, nunquam quærebat: sed ipsa indoles quæ-

stionis,

stionis, quæ de idiomate linguæ formata est, monstrabat, id disputari; an Græcus aliquis, quæ talis, idioma Novi Testamenti, erudito intellectu, ex principiis ad arbitrandum lingua alicujus idioma pertinentibus, possit beneficio solius communis Græcæ linguæ intelligere & accurate cognoscere? Utique ad eruditos & ad artem pertinent omnes etiam quæstionis circumstantiæ: adeoque ea artis eruditionisque principia hic præsupponuntur, sine quibus de conditione genioque linguæ nequit iudicium ferri.

33. Quid itaque ad rhombum, si quis objiciat: Atqui Paulus e. g. debuit intelligi ab omnibus Græcis, ad quos missus & locutus est, & omnino intelligebatur? Quam multa hic concurrunt, quæ prorsus aliena sunt? Sane si omnes, qui intellexeret quid Paulus diceret scriberetve, de dictionis & descriptionis charactere potuerunt judicare: frustra, vel in hac vel in alia lingua institutioni & doctrinæ aliquid tribuimus, supplebitque sola natura Theologi & interpretis divæ.

34. Cum tamen, si per omnia exempla eamus, plurimum ista differant. Vel illud mihi attende, quod non semel Cicero inter notas optimi Oratoris ponit: Si, non sapientibus tantum & peritis, sed populo etiam & multitudini placeat, si populus eum cum voluptate & admiratione audiat. Obsecro unde & qua de causa? an quia populus artem perorandi, & orationem exornandi intelligat, possitque de cultu instructuque oratorio sententiam ferre? Nequaquam; sed, ut ipse diligenter explicat: Intelligit quidem populus, quid dicatur (nam ad hanc formam oratio bona conformari debet) intelligit, valide, perspicue, jucunde hæc dici, sed quid efficiat illam vim, illam perspicuitatem, & cetera, quid sit quod moveat, quod delectet, id est, ipsam indolem geniumque orationis oratoria penitorem prorsus ignorat. Quoniam alterum natura est, quam vulgus sequitur; alterum artis, quæ vulgus caret. quod iterum magnus talium rerum iudex & magister observat.

29. Quod si Paulus esset locutus lingua citra omnem controversiam Græcæ, charactere tamen Græcismi ad no-

viratē quandam e. g. sicut in Thucydidis stilo videmus, instructo conformatoque : an propterea quilibet, qui eum audivit & intellexit, potuit de isto charactere iudicium ferre ? Imò si Apostolorum quispiam usus esset charactere, e. g. Lyfiaco, id est omnium facillimo & verbis ἰδιωτικοῖς, simplicissimaque verborum compositione constante : an, sicut omnes intelligere potuissent τὰ λεγόμενα, ita omnes potuissent aestimare τὸν τῆς λέξεως χαρακτήρα ? Nullo modo. Nam de generibus dicendi & idiomatibus rectè iudicare, paucis inter eruditos contigit. Quomodo igitur grande istud αἴτημα consistit : Qui Pauli sermonem intellexit, etiam sermonis characterem cognitum habuit ? cum ne in communi quidem Græca aliave lingua tale argumentum procedat.

36. Ponit Pfochenius in diatriba de Græca lingue N. T. puritate hanc hypothēsē : Carmina Horatii, Virgilii &c. singulis fere paginis varios Hellenismos habent ; sed tamen multi Romani, Græcarum litterarum prorsus ignari poemata illa ad unguem calluerunt. Cur ? haud dubie quia cum Græcismi essent, latine tamen enuntiabantur. Applicemus, hæc ad nostram quæstionem : Ergo etiam Græci intelligere stylum Apostolorum potuerunt, quia etiamsi character Hebraeus esset potius, tamen Græce enuntiabatur.

37. Hactenus ex hypothēsi & adhibito distinctionis paulo ante expositæ temperamento loquimur. Nam si illud Pfochenianum, ad unguem calluisse, ad intellectum cum erudita κρίσει conjunctum referatur, videat ipse, quid respondeat viris doctis, qui magno consensu tradidere : ad accuratam carminum Latinitatisque notitiam requiri, ut sciatur, quid ex Græco aut aliunde sit transsumtum consuetudine, expressum imitatione, arte deflexum : & quæ talia plura nemo ignoravit sine jactura Latine eruditionis.

38. Quod autem posro infert : Latina carmina, etiamsi multos habeant Hellenismos, tamen propterea non dici Latinitica (qua voce absque omni fundamento applicationis ad vocem Hellenisticæ, adeoque incassum hic utitur) aut Græco-Latina, Latino-Græca : ejus rei satis clara est ratio, sed à nostro instituto penitus diversa.

39. Re-

39. Repetimus inprimis, quod jam ante innuimus: *Defensionem vocabuli, Hellenistica lingua, à nobis non suscipi, sed tantum sententiam quorundam doctorum circa rem ipsam à frustraneis aliorum & irritis objectionibus vindicari.* Inter quas etiam hæc ipsa videtur esse. Quis enim non videt, illos *Gracismos* plerosque in linguam Latinam universim & communiter translatos jureque civitatis Latine donatos esse? At de Hebraismo V.T. in communem linguam Græcam translato, nemo cogitabit, ne dum affirmabit. Sed & illud supra ostendimus: *Hellenistica lingua fautoribus, non esse sermonem de Hebraismo quibudam in N. T. occurrentibus* (sicut modo sermo erat de Græcismis in Latino usurpatis) *sed de idioma toto indoleque dictionis: eam sc. Hebrææ V. Testamenti, quam Græca communi potius congruere statuunt.* Jam vero nemo erit, opinor, qui Horatii aut Virgilii stilum potius Græco quam Latino idiomati convenire autumat.

40. Quod porro adfertur; *potius Apostolorum stilum in N. T. & in V. Septuaginta interpretum appellari debere: partim admonitione nulla indigebat, partim quæstionis scopum non attingit.* Sane *stilum Novi Testamenti* (ita enim plenius vocatur, nec sine nota differentiae, quoad ceteram Græcitatem; sicut *stilus Veteris Testamenti* à cetero Hebraismo distinctius indigitatur) item *stilum Evangelistarum & Apostolorum*; ut & *LXX. interpretum*, à multis jam sæculis viri docti absque ullo monitore dixerunt: Sed, qui Hellenisticum aut Ebræo-Græcum voluere, sicut prædictam appellationem nec impugnant nec tollunt, ita differentiam ex ingenio linguæ, non è diversitate Auctorum quæfivere. An enim sufficit, si dicas; *hic est Character Thucydideus*; nisi intelligatur interior ratio & τὸ χαρακτῆρὸς dictionis ipsius, ob quod Thucydidea, & ab aliis diversa existimatur.

41. Restat non leve, ut videtur, præjudicium, quo Hellenistici idiomatis patroni premi existimantur: *antiquitatis & tot doctissimorum in Veteri Græca Latinaque Ecclesia Theologorum silentium circa hanc quæstionem.* Verum hic responderi dupliciter potest. primo quidem, *Multos inter*

Patres, Hebrae lingua ac litteratura expertes fuisse, adeoque de conformitate stili N. T. cum V. judicare non potuisse, satis constat. deinde, licet de novo nomine imponendo lingua N. T. non disputaverint, tamen multa è Scriptis multorum vel judicia vel vestigia notari possunt, quibus sententia de Hellenistico idiomate, fulciri & explicari amplius queat. cujus rei declarationem non subterfugimus, si occasio & tempus tulerit.

42. Haftenus ita egimus: ut sententiam eorum, qui Hellenisticam linguam aut Ebraeo - Græcam statuunt in N. T. ejusque sententiæ institutum, rationes, scopum, quantum assequi ex ipsorum scriptis potuimus, expone-remus: quæque aliena ei vel affinguntur, vel extra quæstionis limites objiciuntur, repelleremus. Videtur enim minime ferendus in rep. litteraria ille mos, quo doctorum Virorum sententiæ quæcunque alienis interpretationibus onerantur, aut adjectionibus è præjudicio alterius fluentibus interpolantur, aut censuris intempestivis immoderatisque vexantur. Unde non potest non augeri triste & fatale litteris malum, contentionis studium.

43. Quod si mihi nunc breviter sit indicandum, quid sentirem de re tota ipse: ante omnia precabor veniam libertatis, cum neminis injuria conjunctæ; deinde simpliciter & perspicue in sequentes assertiones negotium conferam. I. Extra dubium mihi videri, stilum N. T. à cetera Gracitate tota humanorum operum diversum esse. II. Si quæras, qua ratione potissimum? Dicam κατὰ τὸν χαρακτῆρα τῆς λέξεως, qui ad idioma V. T. (quod citra controversiam singulare est, & exemplo caret) proximè accedit. Nam de singulis verbis & formulis non esse hic sermonem, supra ostensum est. Argumenti loco amplius considerandum hic proponimus: quod Novum Testamentum in nullam omnino linguam, tam facile & quasi de verbo ad verbum transferri potest sicut in Hebraam: adeo quidem, ut cum duplex alias interpreti labor oriatur, quomodo nimirum, & mentem Scriptoris, quem interpretatur, exprimat; & linguam, qua interpretatur, non violet aut negligat; hic posteriori illa sollicitudine vix opus videatur, Hebraeo idiomate sponte & statim cum stilo Novi Testamenti conspirante. III. Porro licet ponatur,

tur, DEUM Ter. Opt. Max. cum sanctis hominibus suis inspiraret prodenda orbi oracula & monumenta, non commutasse omnem Lingua rationem, quam in Scriptore Ministro repperat (atque hinc nata fuerit quædam in communi charactere Scriptionis differentia) tamen nullo modo credibile videtur, ejus dictionis, quæ Scriptori erat familiaris, usurpationem in tantum ipsi relictam, ut à DEO inspirante, etiam in ἡσὺς λέξις non dirigetur, & ad institutum divinum, velut instrumentum temperaretur. Atque hinc nata fuerit Scriptorum N. T. tum inter se ratione communis characteris, tum ad idioma V. T. conformitas: quam pro luculento divinæ providentiæ pignore amplecti licet, ni fallor. IV. Quæ omnia licet sint magni momenti, adeoque minime intelligenda, tamen fortasse nulla necessitas cogit, plane novam lingua speciem invitæ & inassuetis sæculi auribus obstrudere; melius fortè capturis, si Gracismum Biblicum aut aliud tale nomen audirent. V. Quoniam autem qui Hellenisticam aut Ebræo-Græcam Linguam tuentur, nihil aliud quam ea quæ diximus in animo videntur habere, certè in Scriptis suis plurimum inculcare & illustrare, id Philologia Sacra principium: propter solam nominis novitatem, quo signantius expressivæque stili Biblici Græci formam volebant commendare, odio aut reprehensione vel idèò digni non videntur, quia nisi in tractatione subtilium studiorum innocentia propositi & utilitas scopi attendatur, lata multis contentionibus porta aperietur. Quin imò prodierunt ex ea sententia hætenus ea philologiæ Sacræ subfidia, quæ favore & laude dignissima moderate sentientibus videri possint.

44. Sed hæc amplius expendenda doctioribus relinquimus: à quibus prompto & grato animo tam hic quam alibi meliora doceri cupimus. Nobis sufficit ex occasione ad restaurandum apud studiosam juventutem Philologiæ utilioris amorem, pauca quædam altiori meditatione indigentia delibare. cum præsertim speremus, Exc. & perquam Reverendum Dn. D. Dorscheum, SS. Theol. Prof. &c. curas suas in articulum, De Scriptura Sacra (ubi de hac etiam quæstione accurate & graviter agi scimus) prima quaque occasione publicaturum esse.

Appendix.

Quid statuendum de solæcismis & barbarismis, qui N. Testamento à nonnullis tribuuntur?

1.

Non est nobis consilium, plenius hanc quæstionem & pressius hac vice tractare: sed tangenda vel ideo fuit, quia cum superioribus aliquo modo cohæret. non quidem sicut nonnullos video existimasse, quod illi, qui de Hellenistica aut Ebræo-Græca lingua pronuntiant, etiam huius opinionis, quæ barbarismos & solæcismos N. Test. tribuit, auctores & assertores haberi debeant (potest enim ex eorum scriptis contrarium cuivis innotescere) sed quod videri possit, sponte sequi: *stilus N. T. utitur vocibus & formulis ex oriente petitis, adeoque resp. Græca lingua peregrinis; Ergo barbarismus in ipsa peregrinitate idiomatis residet. &c.*

2. Quæ ratio argumentandi etiamsi in communem aliarum linguarum *κείσιν* sine ulla exceptione valeret (quod nemo τῶν ἀκρίβως φιλολογούντων affirmabit) non posset in stilo N. T. adversus Hellenistas militare, qui de singularissimo, ut sic dicam, exemplo stili, singularique Dei consilio ad singulares usus destinato sentiunt. ubi ipsa effectus novitas & *ἰδιοπρέπεια* videtur cautiorem & profundiorē *κείσιν* postulare. Quanquam & alia sunt, quæ hic responderi possent, si instituti ratio nos pateretur eam disputationem ingredi.

3. Igitur omissa longiori disceptatione (nisi quod è superioribus quædam in hanc quæstionem penetrant) breviter, & cum venia aliter sentientium, nostram sententiam proponimus in hanc formulam. *Primo omnium, libenter credimus, quosdam doctorum virorum, cum in eam loquendi formulam occasione quadam aut ratione speciali inciderunt, ut stilum N. T. habere barbarismos ac solæcismos dicerent,*
initio-

mitiora & meliora sensisse, quam alii existimant, qui impietatis & cujusdam erga divinas scripturas irreverentia propterea eos accusarunt.

4. II. Verum, ni fallor, potuerunt tot omnis ævi exemplis admoneri, ut cautius in hac quæstione agerent, neque sinisteriora in se judicia aliorum ipsi provocarent.

5. III. Neque enim profecto *vel solida eruditionis gravitate subnixæ est, vel utilitatis ac adificationis quidquam habet*, quæ solœcismos ac barbarismos tribuit N. T. sententia.

6. IV. Si enim huc decurritur, ut dicamus, *barbarum aliquando vocari quicquid non est Græcæ consuetudinis*: non opus habebat sane doctorum quisquam, ut arbitror, tantæ contentionis molimine istud doceri; sed nec eorum causam hoc juvare potest, qui barbarismis solœcismos conjungunt, in quæstione: *An N. T. barbarismus & solœcismus scateat?* An enim ut barbarum, ita statim solœcum erit, quod non est Græcum? Solœcismum aliquando pro barbarismo dici scio: sed hic discernuntur ipsa quæstionis propositæ formula, quanquam in probationibus postea valde ἀνατρεχόμενος agitur, dum & separantur pro lubitu & confunduntur. id quod omnino monendum erat.

7. V. Plerique non satis aperte & diserte hic agunt. Si enim propter quædam vocabula non Græca, barbarismi tribuuntur N. T. eadem opera omnes, etiam purissimos scriptores Græcos Latinosque barbarismis repleveris. Cum tamen omnino multæ sint causæ, ob quas ista ab eruditis Auctoribus sine ulla barbarismi nota usurpantur. quod rectius in & sub exemplis ostenditur disputaturque. Illud obiter addo: *valde iuxta & optimis rationibus defendi, quæ N. T. peregrina adhibet vocabula.* Sicut, si de tota conformitate cum stilo peregrino sermo est, utique omnium Grammaticorum supercilium spernere potest gravissima illa ratio, qua peregrinum domestico juri sociari cœpit in

ditione, ne quid usquam peregrinum maneret in doctrina. qua de re jam ante innuimus.

8. VI. Jam de solæcismis, etiamsi ad nauseam usque ingeminetur illud Senecæ; *Grammaticum non erubescere solæcismum, si sciens, erubescere, si nesciens faciat*: non video quid tandem aliud inde eliciatur, quam quod res ipsa & doctæ antiquitatis judicia ultro clamant, nimirum solæcismum non esse, qui à sciente & bona cum ratione ponitur; esse, qui per ignorantiam aut minus probabilem causam. citra artis rationisque convenientiam ponitur. Itaque ergo si jam recte & proprie loquendum est, non solæcismis, sed figuris ista annumerant cum Fabio doctissimi quique: aut si *solæcismi* vox in talibus retinetur, *impropria* incipit esse significatio, dum nomen quidemradest idem, descriptio autem rei mutatur. Nimirum secum ipsi pugnant, qui pro asserendis *solæcismis* talia asserunt: quibus potius ostenditur, *non esse vere solæcismos, quos pro talibus venditant.*

9. VII. Nam, quantum ad *verum, proprium, usitatum, & quasi civilem significatum* attinet *Barbarismi & solæcismi*, utique vitii, *ignorantia, ruditatis*, non artis aut rationis nomina esse, tam veterum quam recentiorum contestatissima asseveratione traditur. *Prima barbarismi & solæcismi FOEDITAS absit*, inquit *Fabius*, cum præceptionem super ista re auspicatur. idem qui tam constanter postea ut de peccatis, de vitiis loquitur, quam diligenter consilium scribentis & artem & schemata ab errore, lapsu, ruditate, distinguit. Etiam *Suida* descriptio, *κακῶν* cum primis mentionem infert. ne de ceteris nunc dicamus.

10. VIII. Quo respectu non mirum est, si Vir serius aliquis miretur, quo consilio, in *proponendis questionibus*, ubi perspicuitas & significandi, ut ita dicam, civilitas ante omnia attendi debet & requiri potest; & apud *juveniutis aures*, quæ à congenita cavillandi curiositate ad eruditam sapiendi simplicitatem traducendæ sunt; & in *ea materia argumentoque*, ubi omnis eruditio profanitas videri

ri

ri potest, nisi piæ cujusdam reverentiæ cautione adgubernetur; & post gravissimorum virorum rectiora ac simpliciora, ipsoque usu rei Theologica approbata judicia (possum enim citra invidiam ita loqui, spero) & in nullam vel eruditionis vel *πράξης* theologicæ usum commodumque (nam quæ finguntur hic, non capere me, prorsus fateor) cuiquam pertendere lubido sit: Novum Testamentum solocismis & barbarismis scatere.

11. IX. Advocatur tamen in subsidium, Patrum auctoritas & præsertim Hieronymi; de quo ante ceteros dicendum est. Equidem ejus viri eruditionem & eloquentiam pridem didici venerari: sed audeo dicere, non legisse Hieronymum, qui non animadvertit, eum fiducia eruditionis sapius in periculosas assertiones provehi: atque in hoc ipso argumento, passum Doctissimum Patrem aliquid humani esse, non primus ego, sed cum magnis viris, imò cum ratione ipsa fidenter existimo. Igitur hunc judicem declinare controvertentes suo quodam jure possunt. Decepit tanti Viri auctoritas Erasmus, ut eadem de stilo Apostolico judicia ferret: sed opposuerunt se ejus opinationi masculæ & juste eximii Theologi: sicut notius est, quam ut hic ostendi debeat. Clariora fient hæc omnia, si singula exempla, de quibus secius libuit judicare summis istis Viris, attendantur: ad quæ non deerit solida & idonea responsio.

12. X. Reliqui Patres plerique loquuntur partim ex hypothesi calumniola gentilium sophistarum, quos redarguere in hac quæstione non semper opus aut commodum erat: partim eloquentiæ biblicæ simplicitatem (à qua ad vitia barbarismi & solocismi nemo argumentari debet) profanorum sapientum pompæ, *ἐπιστήσεων*, arti, lenociniis opponunt: partim à stili indole, in qua multa profani desiderabant, ad ipsam rerum diviniissimarum majestatem provocant, eaque occasione, *ὡς τὸ δαλιόν τῇ ὑποβολῇ*, argumento vindicatum adauctumque cupiunt, quicquid stilo splendoris detrahare videntur. Hæc & similia in ipsa locorum consideratione & collatione facile se prodent attento lectori: cum alioqui nihil facilius sit, quam ex

flumine eloquentiæ Theologorum priscorum, rivulos, non quo porrigi debebant, derivare, sed quo temere emissi prorumperent, præcipitare aut confundere. Ingenue, simpliciter, caute hic versandum est: alias tenebris & labyrinthis omnia plena erunt; & quidvis ex quovis colligetur.

13. XI. De concursu operationis Sp. S. ad scripturas *ὑποκινῶντες*, multa extra quæstionem hic disputantur. Nam sive dicas, *Modum scribendi seu producendi scripturas tantum esse à Sp. S. non item verba scriptura & linguam ipsam*; nihil efficies: probandum enim tibi erit, *Spiritum S. in sanctissimo inspirationis opere linguam & verba, quæ exempli gratia in scriptore ministro invenit, non direxisse & ad corpus totius contextus direxisse*: probandum erit, *Sp. Sancti providentiam ab hoc scriptura toti orbi prodenda negotio in tantum absuisse, ut pateretur defectum scriptoris (quanquam is quoque satis prævidenter fingitur) fieri defectum operis, in quo nihil erat scriptoris ministri sed dictantis magistri. ad cujus auctoritatem in solidum omnia referuntur. Sive dicas, Sp. S. habuisse graves causas admittendi in scriptoribus barbarismos & solæcismos: item, non minus potuisse eum efficacem esse in rudi sermone, quam in docto: rursum nihil agis. Nam illud prius sumitur, non probatur. Habuisse Sp. S. graves causas, simplicitatem nativam & gravem, præ ornatu & magnificentia eloquentia adhibendi, id vero & credo & scio: habuisse autem graves causas, τὸ βαρ-
βαρίζειν & σολαικίζειν, hoc est quod eadem facilitate & meliori jure possum rejicere, quam asseritur, nisi quis credat Apostolos non potuisse aliter intelligi ab hominibus, quam si solæcismos & barbarismos idiotarum (de quibus ipsis tamen adeo nondum hic constat, ut forte alios facilius solæcismos, quam illos, de quibus disputas, inventurus sis) imitarentur. Ut taceam, frustra disputari, quid potuerit fieri, ubi quæritur determinatio judicii in eo quod factum est. Atque hoc ipsum etiam ad alterius hypotheseos refutationem sufficere potest.*

14. XII. Tollenda est etiam cavillandi occasio ex *Eloquentiæ elogio. Hæc sive cum tribuitur Apostolis à Patribus,*

tribus, fateor mihi hactenus non liquere, quomodo convenient ista: eloquentem esse, & tamen *βαρβαρίζειν καὶ συλοκίζειν* (nam ob rhetorica quædam schemata eloquentem dici, qui interim Grammaticæ imperitus sit, novum, ut arbitror, & inauditum esset) sive cum denegatur Apostolis, sermo est de profanæ eloquentiæ apparatu, aut de disciplina artis oratoriæ, quatenus ab humana inventione & informatione dependet, cui opponitur hic sacræ eloquentiæ simplicitas & divinæ inspirationis gratia, quæ defectum humanæ disciplinæ supplet. Sane quomodo Paulinum istud cum se *ἰδιώτην τῷ λόγῳ* vocat, explicari debeat, nec in tanta studii Theologici luce curiositate indiget, nec ad solæcismos & barbarismos evincendos unquam valebit. vide *supra quasi. præced. 20.*

15. Atque hæc brevissime hic designanda putavi: citra omne partium studium; quod in omni studiorum genere Viris gravibus improbatum, vel ideo hic locum non debet invenire, quia remota contradicendi cupiditate & cavillandi pruritu, retenta autem loquendi scribendique simplicitate, & tanquam publico disciplinæ sapore, nihil erit de quo pugnent, qui in tantum dissidere volunt videri. Valde autem optandum foret, eam ab unoquoque in tractandis litteris & modestiam & prudentiam adhiberi, quæ gliscentem seculi intemperantiam & fatalia litteratorum jurgia, aut sufflaminet mansuetioris philosophiæ exemplo, aut coarguat, præsertim in iis rebus, quæ ad sanctissima divini verbi oracula pertinent: ubi non simpliciter peccat, qui non simpliciter, id est sobrie & reverenter philosophatur.

X.

IN MVSAS HERODOTI,

Proæmium.

sive

HERCULES MUSAGETES.

Aaa 3

Favete,

FAvete, quicumque Musas colere didicistis. **HERCULES** **MUSAGETES** in Museo Academiae Argentoratensis, **NOVEM** inducet **MUSAS**, vetera quidem locuturas, sed ad usum praesentis saeculi, cui Musae, ex instaurata Pace publica, magnum faustumque nomen ominantur.

Quis ipse sit, quas asciverit Comites, ut in re prisca, & famae temporumque ingenio varie agitata, citra ambages fabularum, ante omnia constituit edissertare. Ex quo in terris Reipublicae nomen communis utilitas peperit, mandatam à Deo Opt. Max. ait, Musis quidem, disciplinam civilis vitae, Sibi autem, Musarum ipsarum custodiam. Hujus muneris, vere sancti ac divini, praecipuam semper apud homines verae religionis peritos Deoque deditos aestimationem & reverentiam fuisse. Eos autem, qui superstitionis amore studioque, supremi Numinis veritatem cultumque vitare aggressi sunt, cum rei nobilitatem ac vim coelestem negare non possent, portentis vocabulorum usos nova fecisse Numina, *Musas & Herculem Musagetem*, quasi comitem ducemque Musarum. hinc in templis, tanquam sub tutela fortissimi Numinis, mansuetissimas Deas consecratas esse: *quia mutui opibus & premiis juvari ornatique deberent: Musarum quies, defensione Herculis; & virtus Herculis, voce Musarum.* Sed in ipso mendacio apparere indicia veri, de quibus recte orator dixerit: *quatum artium sive animi affectionum magnis hominibus ingeneratus ardor fuerat, earum etiam consecrata existere ad posteros monumenta voluerunt.* Frustra quaeri, an Musae Telluris & Coeli, an vero Jovis & Memoriae, sive Mentis, filiae sint: cum satis constet non genealogias Deorum ex poetarum fabulis, sed antiquitatem & praestantiam inventorum munerumque, quibus Deo auctore, mens humana civilem vitam composuit, ex rerum natura & rectae rationis consecutione indagari. Frustra de numero disputari, quo alii liberalius impleverunt Museum, alii parcius: prout artium ac sapientiae vel summam libuit complecti, vel partem signare, vel varietatem distinguere. Frustra tibias & psal-

Eumen. pro
rest. schol.

Arnob. III.

& psalteria Musarum pingi, ubi consensus concentusque veritatis ac scientiæ, & suavitas congruentium inter se disciplinarum spectatur. Simplicissime & verissime Ciceronem interpretari Musas, de Humanitate atque Doctrina. Ipsum nomen argumento esse: sive quis velit cum Græcis ab inquisitione sapientiæ appellare, aut ad mysteria scientiæ referre; sive ab Hebræo vocabulo, artem seu disciplinam notante, malueris deducere; sive etiam alludendo, quasi conjunctas & ἑμῶν ἔσας laudari, fas esse videatur: ipsa se scilicet veri ratio prodit ostendatque in origine, cultu, cognatione doctrinarum, nam varietatem numero intelligi, pluresque nominari Musas, eruditi aiunt, διότι πολὺ τὸ ποικίλον ἔχουσιν τὰ μαθηματικά καὶ παιδείματά, καὶ πρὸς πᾶσας χρῆσιν ἰκανόν, quia artes ac disciplina multam habent varietatem & in omnes vita usus porrectam.

Diodor. 4.
Suid. & Eustath.
Etymolog.
M.
Vossius
Th. Gent.
I. 13.
Plutarch.
περὶ φιλοσ.

Hæc præfatus Hercules Musagetes, non esse existimat, quod quis ambigere pergat: Macarisne filia, sive potius in aula ejus, Megaclonis ancillulæ fuerint, quove tandem loco ortuve emerferint amplius Musæ? Regum cura & favore dignas nemo negaverit, sive sobolem virtutis regiæ, sive ministras utilitatum regiarum consideraverit. Atque sicut in ejusmodi philosophiam, multa inferunt curiosi, quæ ex historia contendunt, aut assimilent; ita antiquitas, uti antea dicebatur, major est, quam ut à poetis potuerit indagari; & exempli perpetuitas constantior, quam ut loco aut tempore certo definiri debeat. Ne vero ullus relinquatur Grammaticorum solitudini locus, Musas, non incerti aut fabulosi patris sobolem, sed celeberrimo Herodoto, ante viginti & amplius sæcula genitas, educatas à Tempore, ornatas à Fama, neque jam Jovis poetici, sed Dei vere optimi, vere maximi cura, ad finem rerum superesse, humanisque commodis servire jussas, Hercules noster producit.

Clem. Alex.
in protrept.
Arnobius
adv. gent.
IV.

Itane, inquiet aliquis, Herodotum auctorem profitebuntur Musæ, quas commendatis? Atqui magnifica per se, & satis amabilia Musarum nomina, denuo talis invidia vocabuli laborabunt. HERODOTUS scilicet est, cujus

Strabo 17.
Geogr.

cujus historiam ut mendacem *Harpocration* toto libello infamavit : Herodotus est , cuius *κακὸν δεικνύει* , sive maligni vitium animi , *Plutarchus* itidem toto commentario reprehendit : Herodotus est , cui non obscura *Photii Patriarchæ* *κρίσις* fabularum & digressionum studium , à proposito ac virtute historiæ valde alienum , objectat. Nec deest vir magnus , qui in Herodoto , poetæ institutum fabularum dulcedine oblectantis , quam historici incorruptam fidem profitentis officium mavult agnoscere. Ita nimirum consulto consilio , è fabulis accitum , Musarum nomen impositum operi fuerit , ut ipsa inscriptione & prodantur mendacia & excusentur , id quod non dabitavit affingere severioribus antiquorum censuris , *Ludovicus Vives*.

Hic HERCULE Musageta , sive Musarum defensor , opus : ne vel Herodotus infamasse suam sobolem , si ita pergimus loqui ; vel Musæ decepisse suum hospitem & alumnum videantur ; si alia figura eandem veritatem placet ornare. quis enim nescit illud veteris Poetæ ?

Λυβελ. i.
πρῶτ. α.

Ἡρόδοτος ὁ Μῆσας ὑπεδέξατο· τῷ δ' ἄρ' ἐκάσθη
Ἀντὶ φιλοξενίης βίβλον ἔδωκε μίην·

Herodotus Musas excepit : Musa libellum

Quaque unum , munus reddidit hospitii.

Essent profecto in promptu Herculi nostro non pauca , quibus innocentiam Herodoti & Musarum lubenter meritoque tueretur , si dignus vindice nodus incidisset. Speciosis illis adversariorum nominibus , poterat opponere omnis ingenii ac doctrinæ Principes , quorum testimonio , priscis & junioribus sæculis , *Herodotus* habetur PATER HISTORIÆ : id est , qui primus ad condendam historiam attulisset idoneas artes , eloquentiam , dispositionem , prudentiam , fidem. Non ignorat Hercules , neminem historicorum non alicubi deceptum esse , si ve cum auditis , si ve cum lectis acquiesceret. De cetero probè intelligit , Herodotum singularis artificii contextu id egisse : ut præcipui occasione argumenti , nihil pateretur desiderari de tota antiquitatis memoria , sine qua ma-
teries

teries suscepti operis ad accuratam & politicam, ut sic loquar, notitiam sui ac usum, proficere non poterat. Tali consilio *Polybium* postea aliosque ex alto conduxisse, quæcunque longinqua etiam consecutione, suis quodque vinculis, ad notabilem aliquam necessitudinem pertinerent. Meminit etiam, candidissimum quemque, multa historicis concedenda putavisse, ad evitandum narrandi tædium: cum totum ejusmodi opus, non ad actum rei, pugnamque præsentem, sed ad memoriam posteritatis & ingenii famam (sicut *Thucydidis* sententiam *Fabius* interpretatur) componi consueverit. Hæc atque talia *Hercules* expromere paratus erat, nisi in oculis essent, quæ doctissimi viri *Jochimus Camerarius*, *Henricus Stephanus*, *Gerardus Joannes Vossius* aliique pro *Herodoto* & *Musis* responderunt. Dictum sapienti sat est. nam reciprocare ferram cum indoctis, aut ad bonam mentem revocare eos, qui, cum nunquam *Herodotum* legerint, præter cæteros tamen convitiantur, nec *Hercule*, nec *Musis* dignum est. Si quid tamen, in re præsentis, observationem eruditam, & declarationem *Musæi* operis (ut nunc *Lucretii* verbo utamur) postulabit, pro se deinceps ipsæ loquentur

Μῦσαι δ' ἐννέα πᾶσαι ἀμειβόμεναι ὀπί καλῇ.

Pulcra voce novem alternantes carmina Musæ.

Quibus jam nunc *Hercules* dicendi partes tradit. nam ut pro se quoque aliquid adiiciat, injuriam sæculi existimat. cum nemo tam alienus à *Musis* atque ab humanitate ipsa videatur, qui nesciat, *HERCULIS MUSAGETÆ* vocabulo, citra omnem superstitionem, significari præsertim institutum & officium, honestas artes, doctrinas, studia, favore, gratia, opibus, præsidio tuendi ornandique, quod *Deus immortalis Principibus* & *Rerump. moderatoribus* commendavit. Itaque non minus *Argentorati*, quam in *Græcia* olim, aut *Romæ*, *Hercules Musagetes* *Musas* defendit: potestque jure optimo illud *Heracleti Ephesii* suo domicilio præscribere:

INTROITE, NAM ETHIC DII SUNT.

Bbb

CLIO.

CLIO.

Κλειώ μαντοσύνης μῦσα καὶ ἱστορίας.

Lex & in-
scriptio
Musci.

CLIO, ante quam repetat, quæ libro primo Herodotus composuit, ex officio se facturam arbitratur, si in oculis omnium esse jubeat legem, qua Museum hoc universum MEMORIAE ET DIVINATIONI consecratur. *Memoria* scientiam actorum; *Divinatio*, prudentiam agendorum commendat. Eo sine stat Historiæ scriptio & lectio.

Consilium
& institutum
Musarum He-
rodoti.

Nunc ordine expendenda proponit, quæ sequuntur. Consilium scribendæ historiæ, plenum gravitate & prudentia in Herodoto suo, agnoscit. Inciderat ætas ejus in tempora, factorum, rerumque gestarum magnitudine singulariter memoranda: Persis, qui tum summa imperii in Asia potiebantur, totis viribus fastigii sui majestatem & terrorem Europæ intentantibus; Græcis vero, libertatem suam ea virtute successuque propugnantibus; unde majorum rerum haud obscura in posterum omina peterentur. Horum temporum operumque momenta intellexisse, primum liberalis Musæ munus habuit Herodotus: proximum, scribendi voluntas, accessit. Quam, dum in molitionem negotii propius aptat animus tam suavi genio imbutus, rogavit Musas, ut consilium sibi suggererent operis, quod & argumenti amplitudinem, contextu originum, causarum, annorum, assequeretur; & eadem opera, quidquid res tantas ex omni antiquitate nationum populorumque illustrare posset complecteretur. Respondit abunde voto feliciter concepto, Musarum humanitas. cumque ornamenta sua & præsidia certatim scripturo destinassent, talem CLIO futuri operis formulam cœpit canere: HERODOTUS RERUM GRÆCARUM ET ASIATICARUM PRIMUS HISTORIAM CONDIDIT. cui, singulari Musarum munere permissum est, ut principia rerum, per utilem prudentiam, alius repeteret; digressiones interponeret liberalius, per opportunam congruentiam; fabulas antiquitatis, sine mendacio, referret.

Nollet

Nollet Clio, excidisse doctissimo viro tristem de De raptu fe-
 Herodoti principio sententiam, ut suspicaretur, *confidam* minarum.
ab eo esse illam veterem Asiaticorum de raptu Europa & Medea
querelam. cur enim, pro Asiaticis illum colorem juris
 comminisceretur? & quæ in eo *κακόνδεα*, sive maligni-
 tas animadverti potest? huc enim sub auctoritate *Plutarchi*
 mox refertur illa suspicio. Quomodo autem fingit, qui a-
 liis tradita, ita refert, ut nec alleveret nec refellat; quin-
 imo ostendat, se, relictis in medio talibus, à comper-
 tis, initium primarum offensionum repetere? Quod ad rem
 ipsam attinet, an mera sit fabula, quam Poëtae fabulam
 fecerunt, de raptu Jus, Europæ, Medæ (nam de He-
 lena vix dubitatur) vel *Lactantius* aliquis respondeat. cu-
 jus sententia, sicut eruditorum consensu probatur, ita per
 ea, quæ Persis Phœnicibusque tradita Herodotus memo-
 rat, confirmari potest. De serie & consecutione ipsa pri-
 marum inter Asiaticos & Græcos offensionum, ut in re an-
 tiqua, prudenter suspendit judicium Herodotus. Et quo-
 niam veteres novarum inimicitiarum causas conquirenti-
 bus, parum plerumque auctoritatis tribuitur (licet inter-
 rim negari nequeat, è parvis initiis, & unius hominis
 delicto, raptuque feminarum, subnasci posse dissidia, in
 feralium bellorum flammæ, quamvis longa interjecta
 mora, tandem eruptura) igitur Clio, præteritis ceteris,
 hoc tantum in transitu examinandum nobis commendat,
 an recte se habeant, quæ præsidia juris sui faciunt Asia-
 tici: *Esse quidem facinus indignum, rapere feminas; raptas au-*
tem vindicare, aut repetere, non nisi stultos solere; cum pruden-
tibus facile appareat, voluisse rapi, quæ raptæ non essent, si alia ip-
sis mens fuisset? Respondet enim apud *Dictyn Cretensem*, fa-
 cunde & speciose *Ulysses*. cujus argumentis vix comparave-
 ris, quæ *Aeneas*, legatis Græcorum reponit.

Lib. 2. ubi ad
 orat Aen.
 vid. not.
 Merceri.

Ceterum Clio utramque hujus libri paginam dedit
 CROESO & CYRO; quorum in illo regnum Lydo-
 rum desit; in hoc, Persarum, incepit; in utroque man-
 sura inter Asiaticos & Europæos inimicitia coaluit. Reli-
 qua inserta sunt, & suo loco subjicienda.

Clio inducit.

LYDORVM
IMPERIVM
EVERSVM.
Reinecc.
tom. 3. syn-
tagm.
Petav. Doctr.
Temp. X. 13.

3. offic. 9.

Rex ult.
Crœsus.

Lydorum regnum antiquissimum, quibus ante Heraclidas paruerit, incertum est. Ad Heraclidarum ultimum Candaulem, *Eusebius* numerat DV. annos. Candaules, otio & ignavia emollitus, cum ne matrimonio quidem regendo par esset, sua sibi stultitia ex amico adulterum & insidiatorem comparavit. Fuit is Gyges, qui primus in familiam Mermandarum, imperium Heraclidis scelere & mox superstitione ademtum intulit, sicut prolixè & facundè *Herodotus* narrat. Alii, historiæ adjiciunt fabulam, de anulo Gygis, quam ex *Platone*, refert *Cicero*. sed anulus ille significet nobis occultas scelerum vias, & omen inscriptum gerat, jure amittendi in Græco, post brevem fati circulum, imperii, quod injuria tritavi Gygis partum erat. Ut se habent mores Principum, ita proveniunt fata populorum, serius ocyus; semper tamen notabiliter.

Crœsum præsertim, veluti longo spectaculo suæ fortunæ vices in scena exhibentem Clio sistit. Vir erat ingenio eximius, sapiens, moderatus, doctrinæ & virtutis amator, consiliis quoque prudentium auscultare doctus; nisi fortunæ, quam suis moribus regere debebat, se totum permisisset. Hinc morum tempora illi diversa: egregium vita famæque in adversis; felicitate degeneraverat. Statim ab initio, inferre bella Græcis finitimis, ampliare fines imperii, avidius quam justius concupiuit. hinc causæ armorum variè quæsitæ, & quotiens nullæ reperirentur, levissima quæque obtentui sumta. Ab Ephæsiis, Jones, Aeoles, Doreas aggressus; cum tributarios jam fecisset, qui Asiam incolebant, Græcos, insulas eorum subigere concupivit: nisi opportuno & extemporali commento, vel Bias Prienæus, vel Pittacus Mitylenæus impetum ejus attinuisset. Sic quoque, late dominatus, quicquid est terrarum intra Halyn amnem, imperio comprehendit. Magnus & felix esset poterat, nisi majora, quam capiebat, cœpisset spirare. Cyrus enim jam tum Astyage depulso, res Persarum, virtute & fortuna, non modicè amplificabat. Has tam vicinas prope se convalesce-

re opes

re opes ægre ferens Crœsus, prius quam ad invictum robur proficerent, intercedere fatis statuit: decorum quoque ratus ad famam fore, si affinis Astyagis casum, in auctorem vindicaret. Quam ille cogitationem semel conceptam, cum acrius in dies rapuisset, Deos sibi hominesque magnæ spei suffragatores & adiutores paraturus, multo curiosoque apparatu legationum atque munerum, qualis non alibi legitur, circum oracula mittit: sociosque adsciscit fœdere, Ægyptios, Babylonios, Lacedæmonios. Sed oraculorum quidem, solitas ambages pro se interpretatus, non expectatis sociorum opibus, saniorisque consilii, quod Sandanis præsertim in tempore suggesserat, impatiens, Syriam invadit, Cyroque, cui fata imperium terrarum decreverant, impingitur. Tum vero apparuit, non tam viribus, quam consilio bella geri, faciliusque suscipi ea, quam administrari. Aequis manibus primo prælio abscefferant: cum Crœsus spargit exercitum, atque velut in alto otio, de tempore resumendi belli sociosque advocandi, consilia agit. Quam stultitiam sui hostis, Cyrus in sapientiam vertens, subito imparatum aggressus est, Sardibusque capto regnum ademit. pæne & vitam ademisset. quam captivo jam perdendo servavit philosophia Solonis: qua victor monitus fortunæ vices revereri, liberatum in cohortem amicorum recepit; hominisque tum fidi, tum adversis eruditi, prudentia sæpe in magnis rebus usus est. Sic Lydorum superba & luxuriosa potentia, virtuti & paupertati Persarum succubuit: prorsus quasi nefas esset, libertatem retinere, qui turpitudine morum vitiis pridem servire cœperant. Conati sunt rebellionem vindicare, quod per ignaviam amiserant. Sed nihil aliud effecerunt, quam ut servituti adjicerent dedecus, unamque sibi incolumitatis spem in eo relinquerent, si, viri quondam in feminas, non jam sponte, sed ex præcepto victoris, consilioque ipsius Crœsi, degenerarent. Verum istius fortunæ meditationem amplius suppedirat Clio, in elogio Lydorum, quo priorem libri partem finit.

In lacinia fatorum Cræsi, extet etiam memoria, filiorum ejus: quorum alter in venatione periit: alter cum infans esset antea, patris periculo in vocem erupit. Id quod ex *Herodoto* amplius commentantur *Valerius Maximus* (I, 7. ext. 4. V, 4. ext. 6.) & *Aul. Gellius* V. 9.

Arion.

Ceterum historiæ Lydorum & Cræsi, Clio, per occasionem intexuit, res valde memorabiles, sed in hoc transcurso non nisi nominandas. Talia sunt:

Arionis Delphino vecti fabula, sive historia. navis enim, Delphini tutelam habens, signari putatur: sicut & Neptuni filium dixisse Ariona videntur Poëtae, quod in mare desilire ausus non periit, sed ab aliis nautis exceptus est. vide *Gerard. Voss. Theol. Gentil.* I, 15. ubi Auctores reliqui laudantur.

Solonis cum
Cræso Collo-
quium.

Solonis cum Cræso colloquium celebratissimum, de vera felicitate eorum, qui virtutis perfecta perfecto munere fundi, prosperitatem vite non improspere obitu claudunt. *Herodoto* conjungi debent præsertim *Plutarchus* in *Solone*, *Lucianus* in *Charronte*, *Auson.* in *sept. sap.* *Cicero* *Tusc.* I, 47. *Val. Maxim.* VII, 2. ext. 2. alii que *Meursio* annotati in *Solone* cap. 26. Qui stricte meminere, infiniti sunt. De felicitate humana interim grave judicium *Pausania* in *Arcadicis* obiter commendamus.

Attica & La-
conica.

Origines Attica & Spartana. illustrandæ præsertim ex *Pausania*, *Strabone*, *Dionysio Halicarnassico* (qui principio operis quædam huc spectantia tradit) *Thucydide* libr. I, ceteris Græcorum monumentis.

Pisistrati
tyrannis.

Pisistrati tyrannus. caractere chronologico nobilis (de quo *Petav. Doctrin. Temp. Paralipom.*) & actu occupationis, & vicibus fortunæ, quibus vel amissa, vel recuperata, vel finita est. qua in re succinit iis, quæ *Clio* edit, *Terpsichore*: declarantque historiam *Justinus* II, 8. & annotati editione *Berneggeriana* Auctores.

Transitus
fluminis,

Consilium transeundi flumen Halyn. quale *Thaleti* adscribunt Græci. nam *Herodotus* ipse graviorem conjecturam sequitur. interim conferri meretur illud inventum, cum *Nitocris* opere in *Euphrate*, & *Cyri* consilio circa *Gynden*,

Gynden, quod infra *Clio* memorat: & cum iis, quæ habent de transeundis fluminibus *Vegetius* III. 7. & ad eum locum *Stevvechius*: *Frontinus* item III, 7.

Contentio Spartiatarum & Argiuorum de Thyreatum finibus, Certamen de cuius in *Latonicis* etiam *Pausanias* meminit. Hæc fere *Croæ-* finibus.
so & *Lydorum* rebus inserta sunt.

Nunc *CYRUS* sequitur, Persici imperii conditor. PERSARVM
De cuius rebus jam olim discrepuisse scriptores; neque IMPERIVM
defuisse, qui laudes potius *Cyri* & *Persarum*, quam hi- CONST.
storiam traderent, *Herodotus*, veriora secuturus, monet. TVTVM.
Post hunc *Ctesias* præcipue nominandus est. quibus pauca
adjeceris ex *Beroso*. Horum de fontibus ceterorum pro-
fluxere rivuli. *Xenophon* autem potius mores ritusque
Persarum sibi observatos, cum imagine boni principatus,
quam historiam *Cyri*, cuius nomine præscribit suum opus,
condere instituit. Legas licet *Petav. Doctrin. Temp. IX, 13.*
& seqq. ii. 29.

In *Cyro* omnia fuerunt eximia, & divina quadam *Cyrus*.
forte singularia: Nativitas, Expositio, Conservatio, In-
doles, Agnitio, altera Conservatio, Regnum. quæ sua-
vissime *Clio* refert, omissis, quæ in fabulas corrupta e-
rant. Quod jure occupaverit imperium *Astyagis*, & à *Me-*
dis ad *Persas* transtulerit, dici nequit. defecit enim ipse
ab avo eodemque Domino, & *Persis* deficiendi auctor fuit.
neque injuria ipsi olim illata, post secutam reconciliatio-
nem, idoneus in arma titulus fuit. sed *Astyagis* sceleribus
& flagitiis vindicandis, subditorum perfidia i. e. res ma-
la ad bonum finem, divinitus accommodata est. utrum-
que enim Deo solenne est: scelera sceleribus punire, & ex
malis hominum moribus, bona fatalis dispositionis elice-
re. Manent de cetero elogia, & in vera religione, verio-
ra demum animadvertuntur, quibus apud *Herodotum* *Cy-*
ro δὴν τὴν γενομένην divina & fatali sorte genito, acclama-
tur:

ΣΕ ΓΑΡ ΘΕΟΙ ΕΠΟΡΕΩΣΙ.

DEUS TE RESPICIT.

Hinc

Hinc perpetua, & velut ad consummandum summum imperium, properata felicitas. Post Lydos subactos, Jones atque Aeoles, recusatam olim amicitiam ferro ambientes, frustra se interponentibus Lacedæmoniis, per Mazarem atque Harpagum domiti sunt. Idem fortunæ impetus Phocenses, Teios, Caras, Caunios, Lycios, Cnidios sub ditionem Persarum coëgit. Neque segnius in Asia interiore Cyrus Babylonem cum omni circa regione suo ductu devicerat: confluentibusque tot prosperis, rerum domini & habebantur Persæ & erant; cum belli adversus Scythas Asianos sive Massagetas suscepti exitus, Cyrum sua fortuna insolentius elatum, sædo casu evertit. A femina quippe victus, & si *Diodoro* credimus, in crucem actus, certe insigni contumelia post mortem affectus, armorum temeritatem magno exemplo posteritati in hunc diem dissuadet. Ridet enim Clio eos, qui malunt *Xenophonti*, alium Cyri finem commento credere. puduit Persas & Persarum fautores, muliebrem de tanto Rege victoriam, exitumque splendore vitæ indignissimum fateri. sed providentia cœlestis ægre fert, sua miracula, in utraque fortuna, dissimulari, aut fabulis interpolari. Stat tamen regnum casu Cyri inconcussum, & per successores usque ad Alexandri M. opes, orbis terrarum caput celebratur. cujus felicitatis magnam partem, consilio Cræsi, de quo *Herodorus*, Persæ debent.

lib. 2.

v. Schubert
2. de scrup.
Chronol. 19.

Persarum
mores.

Inter mores Persarum (ponemus enim hoc primum de infertis subtextisque historiæ partibus) imperio condendo nihil æque idoneum fuit ac frugalitas vitæ, & laborum patientia. accesserunt postea instituta varia, & (si excipimus quædam, ut inter Echnicos, barbara) meruerunt exemplum dare, vel vivendi civibus, vel regnandi Principibus, apud alias gentes; sicut apparere potest, morum de gente in gentem progressum & necessitudinem inquirere volentibus. sed de his quidem *Muse Herodoti* ubique loquuntur: quas excipiunt *Xenophonti* commentarii, ut prædiximus. è Latinis *Curtius* nominandus est, neque silentio præteriri debent *Briffonii* elegantissima volumina, de Regio Persarum Principatu.

Longe

Longe alii *Babyloniorum mores*. quos *Assyrtiarum* *Babylonio-*
rum mores,
& Babylonis
admiranda,
 opum felicitas jam luxu & ignavia corruperat. Adde He-
 rodoto, *Curt. V, 1. & copiosos commentarios editionis Freins-*
hemiana. ubi etiam de Urbe Babylonis & operibus Regiis:
 sicut & in annotatis ad *Justin. I, 2.*

Scytharum sive Massagetarum mores sane incultos absur- *Scytharum*
 dosque memorat Herodotus. *morum tamen justitia, & mores opes-*
 virtute militari, invictaque libertate mirifice extolluntur *que.*
 apud *Justinum II, 2. & 3.* ubi etiam dominatio eorum in
 Asia & Medis, quam Clio refert, attingitur. Præter ad-
 scriptos *editione Berneggeriana* Auctores, juniorum multi, re-
 perunt vetera elogia: *Scythas, simplicitate & justitia invictos,*
quotiens lacefferentur, omnibus gentibus terrori fuisse.

Occasione imperii à Cyro Medis adempti, *res Medorum* *Medorum*
 perstringuntur: qui à Nino olim subacti *Assyrtiis servie-* *Regnum.*
 runt usque ad Sardanapalum. Tum duce Arbace, excus-
 so jugo, an deinceps libertate usi sint, quod *Herodotus*
 hic affirmat; an, juxta alios, sub Regibus vixerint, am-
 bigitur. *Reineccius* ita conciliat, ut putet Reges, qui *in syntag.*
 Deiocem præcesserunt, potestate circumcisa neque vere *histor.*
 regia usos esse, donec Deioces vim imperii intenderit.
 Satrapæ ergo & præfecti forte civitatibus Medicis, usque
 ad Deiocem præfuerint: quos reges appellari, non adeo
 novum est. Neque una omnibus lex videtur tribuenda.
 Quippe *Strabo* auctor est, Medos montanos regnum fortif- *Geog. II,*
 simo electione, quæ juxta libertatem est, detulisse. post
 Deiocem (qui & *Arfaes* est) *Phraortes* filius, finitimis per-
 domitis, ceteram quoque *Asiam* *Medorum* imperio
 adjecit.

Deiocis regnum, originem refert, qualem Heroicis re- *Deiocis*
 gnis aut temporibus tribuunt *Aristoteles, Polybius, Cicero,* *artes & vici-*
 alique. *Justitiæ fruendæ causâ à Medis ad id fastigii* *tutes regis,*
 provectus, certum imperium vimque regiam constituere
 coepit: cujus hæc fere specimina Clio proponit: *Regiam*
 amplitudine, ornatu & munimento nobilem: Arcem sci-
 licet, urbemque arci appositam loco opportuno; sedem
 imperii, & castellum regis securitatis: *Custodiam corporis,*
 & la-

& satellitum militare robur, ex omni Media, delecto-
rum: *Speciem Majestatis*, per ministeria, internuntios, le-
ges, magnifice adornatam, quo pertinent etiam *explo-
ratores*, κατάσκοποι & κατήκοι per universum imperium
dispositi, quorum opera, tanquam deus aliquis, omnia
audire, omnia cernere, ubique adesse, videretur. Maxi-
me autem & regium & divinum putabatur: quod ex pene-
trali majestatis sua, raro ipse conspectus, jus diceret assidue, lites
terminaret justissime, oracula dimitteret in omnes terras expeditissi-
me, neque, qui usquam erant nocentes, vel ignoraret vel ab-
solveret.

Confilia
Sapientum.

Jonica & Aeolica, quæ hic altius repetuntur, ite-
rum ex *Pausania* & *Strabone* lucem capient: ut & reliqua,
quæ de Græcis populis tanguntur. De cetero laudat *He-
rodotus* duo eximia confilia Jonibus vel ad formandam sui
status disciplinam, vel ad conservandum, translata sede,
Jonicum nomen, suggesta. Nam *Thales* quidem suaserat:
curiam communem, nominis Jonici caput, in medio Jonia consti-
tuit oportere, unde communes Jonum opes, civitatibus singulis sua
confilia conferentibus, fortius felicisque regerentur. quale etiam
consilium Achæorum corpori olim, hodie autem Belgis
placuisse videmus. *Bias* autem, ad recuperandam liber-
tatem, unicam ostendit viam, si communi classe *Sardiniam*
petentes omnium Jonum unam constituerent civitatem; loco & sa-
ma, reparandis rebus abunde pares futuri. Huic consilio non
potest comparari *Phocensium* molitio: quam nec ratione,
nec constantia, satis nixam, eventus, qualis optabatur,
sequi non potuit. Melius *Teii* res cessit. *Cnidii* isthmum
perfodere, insulamque facere conati, ut ingruenti Per-
sarum imperio se subtraherent, suis incommodis didice-
runt: naturam rerum terris aquisque suam formam lo-
cumque dedisse, quibus mutandis vix prudenter aut fe-
liciter humana molimina intercedunt. *Lyciorum* barbara
pereundi, seque ac sua perdendi libido nullam invenit
excusationem, tali rerum statu, quo servitus utilis habe-
tur, quibus necessaria est.

Causa Pa-
ctyæ prodi-
toris.

Causa *Pactyæ* proditoris, quem Cumæi Persis reposcen-
tibus

DISSERT. IN BUCOL. VIRGIL. QUARTUM, 387
tibus noluerunt reddere, disputandi *de jure supplicum*, oc-
casionem præbet.

De Venere Urania copiose disserunt *Voss. Th. Gent. II,*
21. & 84. Seldenus de Dis Syrii syntagm. II, 2. & 4.

Atque hæc Clio hætenus breviter repetita studiosæ
juventuti proposuit, & contextum præsertim historiæ de-
monstravit. Ceteris Musis, sua cuique lex & forma re-
petitionis, libera varietate placebit.



XI.

IN BUCOLICON
VIRGILII QUARTVM
DISSERTATIO.

SCRIPTUM esse hoc carmen celebrandæ nativitati Salo-
nini, Asinii Pollionis filii, à captis virtute paterna
Salonis Dalmatiæ urbe nomen adepti, non *Servio* tan-
tum interpreti, sed ipsis Poëtæ verbis accredi par est. Si-
cut & alterum illud dubio caret: Augusti imperium sive
sæculum Augusteum exquisito quodam laudum genere præ-
dicari. Sed id explicatione quadam opus habet. Nam
& mos carminis bucolici ex instituto certe Maronis, hoc
fert, ut figura & involucro pastoralis Musæ, illustrium
virorum, quos Poëta sibi colendos conciliandosque de-
sumserat, laudes celebrentur: & inventi hujus, quod
imitator Theocriti à Theocrito non accepit sed ad ejus
poësin adjunxit, non est unum & simplex artificium. Ita
Daphnis in secunda Ecloga, fratrem Poëtæ signaverit. In
prima, Cæsaris Augusti beneficium sub imagine ἀποδωρῆς
prædicatur:

*Es rus concessum dum largo in Principe laudat,
Calum pro terris rustica Musa dedit.*

Sidon, Apoll.

In *quarto* autem *bucolico*, nativitas Salonini, schema & *ὑπόθεσις*, dilaudandæ felicitati temporum, arte & ingenio poëtae assumitur, miraue dexteritate adornatur.

Poët, 3. 98.

Minus artis, & apud catas aures Cæsaris, gratiæ habuisset carmen, si absque integumento novi ac beati sæculi auctorem fecisset Cæsarem. Quærenda ergo fuit occasio, quæ inventi nobilitati suffragaretur. Per modum vaticinii rem gerendam sibi existimavit: non quidem tanquam Sileno canente, naturæ & fati perito, quod *Julius Cæsar Scaliger* acute excogitavit: Sed ut ex oraculis vel Sibyllinis, vel Poëtarum ore inde ab antiquo proditis, quantum ad novi & fortunati sæculi rationem. nam quod ad *ὑπόθεσιν* nativitatis Salonini spectat, Parcarum decreta, nascentibus fata designantium, in subsidium advocantur. Multum hinc auctoritatis carmini; & suavitatis. Mirifice enim animi capiuntur, accommodatione fortis divinitus traditæ ad res præsentis aut mox venturas. Quin & ipsius Poëtae gloria non parum inde augebatur, quod Octavianum Cæsarem tantum animadvertit futurum, quantus fuit, cum solus Rempublicam postea tenuit, & fortunatioris sæculi luce illustravit. Nondum ut de Principe hæc dicebantur, quæ tamen non nisi Principi destinata erant.

Inter delicatiores quippe & ex recondita sapientia petitas laudes Principum est, si Deus ipsis temporum felicitatem gratificari, aut ipsorum opera procurare dicatur; Si novi & melioris ævi auctores ipsi ferantur. eodem enim ista redeunt. Sed hæc inventio opus habet scientia doctrinæ periodicæ; & prudentia judicandi articulos & momenta fatalia publici status. Antiquissima est philosophia de successione & circuitu ætatum: ut aureæ argentea, huic ænea, isti ferrea successerit, indeque per easdem vices eodem reditum sit. *Διαδοχὴ ἢ ἀνακύκλωσις*, successio & revolutio ætatum, sive *ἡ τῶν μεταβολῶν ἀνακύκλωσις*, conversionum seu mutationum in orbem reversio, conjungi hic debent. Atque hæc doctrina apud *Platonem* & alios variis modis implicita est, velut ad auctoritatem rei *Polyb. 6. hist.* arcanae & secretæ, *ἀρχὴ ἐλγῶν ἐφικτὴ*, sermone, quem pauci

pauci capiant. Inprimis autem opportunum hoc cecidit illis, qui à cælestium rerum vi, & siderum motu, omnia quæ sunt hominum & temporum suspendere instituunt. Ita ἀποκατάστασις & nova periodus, expleto magno anno tribui cum ratione videbatur: dum ostenderent, quantum conversionibus major ille, quem ferunt, perficeretur annus, qui quinque stellas (errantes) lunam etiam ac solem, locis suis originibusque restituit, qui mille quadringentorum & sexaginta annis annorum circuitu terminatur. *Alii ad historiam maluerunt referre, & initia rerum hominumque cum progressionibus infecutarum ætatum comparabant. Neque tamen inoffenso pede hunc campum poterant decurrere, qui primævas antiquitates ignorabant, aut levi auditu acceperant. Itaque civilior visa est illa philosophandi ratio, quæ relicta ratiocinatione temporis obscura & ex causis longinquis suspensa, omnibus populis & civitatibus hunc morum fatorumque orbem assignavit: intra quem virtute & præclaris factis prosperam sibi fortunam pararent; inde degeneri vivendi ratione felicitate sua exciderent, ac interdum quidem plane interirent, interdum autem instaurarent vitam fortunamque. Circa tempora, quæ Poëtæ in oculis sunt, Romana respublica vitiis & vitiorum pœnis agitata ruinam quodam modo extimuit: Augusti autem virtute & prudentia instaurari cœpit ac convalescere. Ecce quam tempestivum fuit, de aureo sæculo, sive de instauratione rerum, carmen ordiri? Cum deinde sub Cæsaribus rursus orbem morum fatorumque res Romana explevisset, à fine Domitiani novum sæculum auspicari, inter artes oratorias fuit. Unde Nervæ initia *primo beatissimi sæculi ortu* signanter honestat Tacitus.

Jul. Firmic.
præf. in lib. 1.

Agric. 3. 1.

Si quis malit eorum sententiam sequi, qui omnem ethnicorum philosophiam secretiorem, & theologiam pleramque, ab Hebræis, & S. literarum detortis corruptisque tradendo aut sublegendo monumentis repeti existimant; non inepte atumabit, hanc quoque doctrinam de successione & diversitate sæculorum, inde non sine erroribus equidem, derivatam esse. Nam quin Ovidius, ea quæ lib. 1. peram.

cataclysmum antecesserunt, periodo quatuor ætatum undecunque accepta, concludere voluerit, vix dubitationi relinquitur locus. In ἀποκαταστάσις autem tradenda, multa transsumpta autumaveris, ex Prophetarum doctrinis de regno novo, de rege novo, de renovatione deniq; multiplici Novi Fœderis. Et hoc sensisse videntur, qui etiam huic quartæ Eclogæ Virgilianæ præscripserunt: *Seculi novi interpretatio: &: de interpretatione novi sæculi.* cum præsertim plerique crederent Sibyllino carmine niti hanc eclogam, & Sibyllam Prophetis consona de temporibus, quæ dixi, Novi Fœderis tradidisse. Sed de hac re paulo post videbimus.

Interea pars artificii est, quod Poëta, etiam quæ de Salonino, & de Pollione patre dicuntur, ad laudem sæculi & temporis refert, id est ad Augusti fata & jura in Republica. Felicitatis temporum pignus & omen erat, quod inter victorias Patris sæculo & Reipublicæ rem bene gerentis nascitur filius, quasi eorundem factorum consors futurus; quasi Principis & Reipublicæ magnitudini convenientia fata habiturus. Statim enim totum carmen novo felicitque sæculo describendo incumbit, indeque ad typum genechliaci servandum spei ac voti originem ac formulas concinnat. At inquis: quî potuit Pollioni tribuere, quæ Augusti auspiciis magis conveniunt, si hoc consilio, quo diximus, scriptum est hoc carmen? Quam est enim ἀεζνυμένων, quod dicitur:

*Te duce, si qua manent scelervis vestigia nostri,
Irrita perpetua solvent formidine terras.*

Non tam viro hoc datur, quàm magistratui. intererat enim οἰκονομίας, novo sæculo, sive felicitati temporum, aliquod initium designari. Id in consulatum Pollionis rerum gestarum successu, & nativitate filii faustum, apte confertur. Præcesserat enim:

*Teque adeo decus hoc ævi, te consule mibit
Pollio, & incipient magni procedere menses.*

Temporis gloria, primum & præcipuum nomen est: illa autem ad Augustum debuit pertinere, ex consilio Poëtæ.
licet

licet omen ejus rei, ut formæ & invento carminis servi-
retur, ad Saloninum partim, partim ad Pollionem desse-
stat. Pollione duce, propter amplissimi magistratus no-
tam *χρονικὴν*, felicitatem sæculi processuram ait: Saloni-
num autem *decus ævi*, propter auspiciatum nativitatis tem-
pus, demonstrat. De puero enim potius ceperim, *decus ævi*,
quàm de pulcherrima ætate, cujus fidem à nativita-
tis fausto omine repeti pars inventi Poëtici erat. Quare
& consentaneo initio profectu, Felicitas temporum cum
pueri ætate progreditur: ut poetæ ingenio cursus & spa-
tium daretur, consummandi tam exquisiti commenti.
Suavissima enim sunt, ad amplificandum & expoliendum,
primo ut ad cunas pueri;

*At tibi prima puer, & quæ sequuntur: tum de puero
in disciplinam misso;*

At simul heroum laudes, &c.

denique de virili maturitate:

Hinc ubi jam firmata virum te fecerit ætas &c.

Spectatorem se tantæ felicitatis publicæ, per singulos quasi
gradus, subinde & laudatorem fieri optat. Ubi mira sen-
tentiarum magnificentia, quæque Augusto quàm Salonino
magis videatur convenire:

Aggredere ò magnos (aderit jam tempus) honores.

Cara dehinc soboles, magnum Jovis incrementum.

Nam & Principatum Augusti canere ac prævidere poeta
voluit; & *divum genus* eum alibi vocat & *magnum Jovis in-
crementum* (absint nugæ Grammatici tanquam de vulgari
& humili vocabulo) summa gravitate verbi sensusque
majestate enuntiavit. Verùm ut cœpimus dicere, dum
ut Augusti temporibus natus factusque Saloninus celebra-
tur, ejus ipsius in laudem omnia redeunt in solidum: &
τὸ μὲν de Salonino ita concipitur, ut *ἀλλήγορίαν* de Augu-
sto, citra incommodum rerum verborumque sustinere ac
exprimere possit.

Non autem illi tantum versus grandiloqui sunt in
hac ecloga, quos hoc nomine *Scaliger* censet, sed tollit o-
mnino hoc carmen vocem altius, & ad indolem argumen-
ti.

6. Æn. 792.
Serv.

4. Poet. 23.

ti. Ne tamen prorsus deperderet *χαρμήναις βυκολικόν*, interiorē illam philosophiam de novo felicique sæculo, imagine ruris & sylvarum agrestisque & pastoralis vitæ (non inulitato scilicet aureæ ætatis symbolo) perfignat; sui-que instituti rationem ab initio carminis exponit:

Sicelides Musa paulo maiora canamus.

Non omnes arbuta juvant, humilesque myrica.

Huc enim pastorum curas, studia, laudes, etiam cum alia intelligi vellent, Bucolici poetæ detrāhere consueverunt. Nunc autem remoto illo agresti velo, consuli gratulandum est. Induemus itaque hoc carmen novo habitu, ut nec pastorale omnino desinat videri, & dignitati tamen materiæ sylvestribus symbolis signatæ quodam modo adæquetur. Hoc illud est:

Si canimus sylvas, sylva sint consule digna.

Nam quæ de sylvarum & callium provincia Coss. demandata hic *Scallger* & alii differunt, à Poetæ nostri ingenio, frigidas allusiones & longe petitas plurimum aspernantis, longius absunt. id quod rectissime *Turnebus* quoque iudicavit. cuius paraphrasis probissimi generis est: *Si canimus bucolica cantusque pastoritios, tale tamen sit carmen, quod dignum sit maiestate consulis, eo scilicet artificii & scripturæ genere, quod ostendimus.*

Sicut autem Ethnici veteres, Augusti laudes in hac ecloga non cunctanter sibi reperire visi sunt: ita Christiani permulti tam splendidos titulos & exquisita præconia uni Christo deberi & destinari, præcupide crediderunt. Impulit eos in hanc sententiam versus quartus;

Ultima Cumæi venit iam carminis ætas.

tum hausta animis de Sibyllarum oraculis opinio. Quam fidenter propugnat apud *Eusebium* *Constantinus Imperator*. Sive ipse est *Eusebius* ejus orationis architectus. Is ergo nobis nunc sit instar omnium.

Subjecit *Eusebius* *τῶν ἐκβίβλων ἰχθυομεσιχῆ* sive *quatuor libri de vita Constantini orationem Constantini τῷ τῶν ἀγίων συλλόγῳ* sive *ad Ecclesiam*, scriptam: cuius pars consumitur divinitate Christi adstruenda, etiam extraneorum testimoniis.

In

In his Sibyllæ Erythrææ ἀκροσυχῆς affertur illa : Ἰσθὺς χρεῖσθ' Cap. 18.
 θεοῦ ὕδρ' αὐτὰρ σαυρὶς. Extat libro οὐτανο χρησμῶν σιβυλλιακῶν,
 qui vulgo circumferuntur. Fatetur Constantinus, jam tum Cap. 19.
 infamata fuisse illa carmina, tanquam nuper conficta:
 auctoritatem tamen eorum testimonio Ciceronis tueri cona- 2. de div. 56.
 tur, qui illam ἀκροσυχῆς laudaverit. Sed egregie falli-
 tur, sicut in annotationibus suis ad Eusebium nuper editum
 doctissimus Henricus Valesius jam ostendit. Quid? quod in-
 terpretem acrostichidis illius, de qua Cicero loquitur, iti-
 dem fraudis & imposturæ accessit. Etenim illa quidem,
 quæ Constantinus & Patrum quidam laudarunt oracula Si-
 byllina, supposititia esse, & indigna fide, abunde de-
 monstravit Joannes Opsopæus dissertatione editioni Parisiensi
 χρησμῶν præmissa, & notis. Addi possunt, quæ Clarissimi Cap. 1.
 Lambecii cura liberaliter exhibentur in Prodrumi Histor. Liter.
 lib. 1. cap. 4. Actum egerit, qui vel verbum velic addere.

Hinc ad Christi adventum progressus, novam διαδοχὴν,
 successionem populi Christiani emeruisse ait : περὶ ἧς οἱ μα-
 λῶν τὸν ἰσοχρότον τῶν κατὰ τὴν Ἰταλίαν ποιητῶν, de qua prius
 loqui præstantissimum Latinorum Poëtarum :

Jam nova progenies calo demittitur alto.

Quod Græce exprimitur:

ἴθην ἴπτα νῶν πανδύς ἀνδρῶν ἱερᾶνθη.

Infra propius ad verba Poëtæ ποταία γέννα dicitur. Ut in
 primo Sibyllinorum de instauratione mundi post diluvium:

ἴθ' ἀκοίτις βίότοις νῦν ἀνέτρε γενέθλη. Quæ Sebastianus Casta-
 lio ex Poëta vertit: Hinc nova progenies.

ἔ' πάλιν ἐν ἑτέρῳ τινὶ τῶν βυκολικῶν τόπων.

Σικελίδες μοῦσαι μεγάλην φάτιν ὑμνήσωμαι.

Et rursum in alio Bucolicorum loco:

Sicelides Musæ paulo majora canamus.

Quomodo in alio loco, cum ex eadem ecloga hæc pe-
 tantur? Prosequitur autem : τί τότε φανερώτερον; προσίδουσι
 γάρ.

ἴλυνθι κυμαῖν μαντεύμαθ' εἰς τέλ' ὁμῆν.

Ultima Cumæi venit jam carminis ætas.

κυμαῖας αἰνετλέμωνθ' δηλαδὴ τὴν σιβύλλαν. Cumanaam scilicet
 Sibyl-

Sibyllam innuens. At enim Erythræam ante laudaverat. Sed quid vult sibi tandem hic versus? Non id quod Constantinus vult, qui ad supposititia Sibyllina respicit. Ergo ex Sibyllinis libris, sive fatalibus, qui perierunt, proditum videri potest oraculum aliquod, ut alio tempore de mutationibus & calamitatibus Romanis, ita tunc de instauratione aliqua magna & instauratore, sive regio, sive divino. Sicut vel *Ciceronis* locus, de quo ante, ostendat. Aut *Servio* credendum fuerit de prædicto à Sibylla sæculo Apollinis. Eam prædictionem Virgilius sententiis extulerit sæculo ἡγεμονικῷ sive aureo describendo usitatis. Nam

Virgil. Le.
tion. cap. 7.

quod *Albericus Gentilis* putat, non dubitandum, quin *Virgilius* consecrerit versus plures hic de *Sibyllinis versibus*, non possumus

avide amplecti, qui Σιβυλλικὰ penitus ignoremus. Quid? si *Probi* explicatio proba est, qui *Cumæum Carmen* pro *Hesiodo* accipit. *Hesiodus* enim *Cumæus* est, *Ascræ* *Bœotiae* in adolescentia translatus. ἡτίσθ' ἡμεῖς. ἡτίσθ' δὲ

Suid. v.
ἡτίσθ'.

v. κύμν.

2. Georg. 176.

κομιθεὶς ὑπὸ τῷ πατρὶ. δὲ καὶ μητρὶ πυκνῶς ἐν ἀσπρῇ τῆς βοιωτίας. *Suida* his verbis congruit *Stephani*, de *Urbibus*, testimonium. Eadem igitur ratione & sensu hic *Cumæum car-*

in ἔργois.

in comparat.
al. scrip.

men, Poëta dixerit, quo alibi *Ascræum*. Neque enim *Ascræus* magis est, quam *Cumæus*, *Hesiodus*: apud quem doctrinam de successione ætatum accurate descriptam habemus. unde & *Virgilius* aliqua in hanc eclogam erudita imitatione transtulit, sicut jam annotavit *Fulvius Ursinus*. De cætero non inerudita est μετάφρασις in Græco versu, cum dicit oraculi *Cumæi* sortem ἵς τέλθ' ad finem venisse. *Ultima* atas *Cumai carminis*, non est illa aurea, quam hæc Ecloga celebrat, sed quæ antecessit, & instaurationem rerum attulit seu portendit.

Sed pergit Constantinus: καὶ ἐκ ἡρώδης τέτοισι. ἀλλὰ περὶ τῶν προεχόμενων, ὡς τῆς χρείας τὴν αὐτὴ μαρτυρίαν ἐπιποθέσας, τί λόγων αὐθις;

ἔτος δὲ αἰώνων ἱερὸς σίχθ' ἄρτυται ἡμῖν.

ἢ καὶ παρδίνθ' αὐθις, ὄρουσ' ἱερὰν βασιλῆα.

Neque satū habuit hac dixisse, sed ulterius progressus protius quasi res testimonio ejus indigeret, quid amplius adfert?

Magnus

Magnus ab integro seclorum nascitur ordo :

Jam redit & Virgo, redeunt Saturnia regna.

Annotat ad hæc verba doctissimus *Henricus Valesius*: In carmine tamen *Virgili* hoc non dicitur. (quod *Virgo* scilicet adducat ἱερὸν βασιλῆα) verum *Constantinus*, ut opinari licet, versus *Virgili* paululum immutaverat, & *Saturni* nomen consulto expunxerat, ut argumento suo serviret. Parum tamen *Constantinus* memor fuit, si hoc voluit, ejus quod mox dicit: Poëtam, non ignarum mysterii de Christo, veritate occultata, verbis ad usitatum ethnicorum religionem pertinentibus usum esse. An de *Sibyllinis*, qualia circumferebantur, vel *Constantinus* vel *Christianorum* alius, qui *Virgilianos* versus Græce interpretatus est, aliquid in animo habuit? quanquam in iis, quæ habemus, non alia supersunt huc spectantia, quam illa apud *Laetantium*:

ἦξί κ' μακάρων ἱέλων πόλιν ἰθαλαπάξαι,

Καὶ κέν τις θεῶν βασιλεὺς τιμὸς ἐπ' ἰδίων. κτλ.

Et præsertim libro tertio *Sibyllinorum*:

κ' τότε δὴ διὸς ἱερὸν πύμψι βασιλῆα.

ubi, interposito versu, sequitur:

ἔστι δὲ τις φυλὴ βασιλῆος, ἥς γένος ἔσται

Ἀπείρου, κ' τὸ το χρόνους περιτελλομένοις

ἄρξει.

• Quibus addenda sunt, quæ sine secundi leguntur:

- - - τότε δὴ βασιλεία μέλει

Ἀθανάτε βασιλῆος ἐπ' ἀνθρώποις φανῆται.

Nam versus secundus *Acrostichidis* ad extremum judicium pertinet:

ἦξί δ' ἱερὸν βασιλεὺς αἰῶσιν ὁ μέλλων,

Jam, redit & Virgo. Quærit *Constantinus* sive *Eusebius*:

τίς ἐν ἁρ' παρδένος ἡ ἱερὰ νύμφη: quamnam est illa *Virgo* quæ redit? Si vocem redeundi considerasset, non tam facile subjecisset de virgine *Deipara*. Quærenda est virgo, quæ abscesserat. ea est *Altræa*, seu *Justitia* ex *Theologia Ethnicorum* de ætatibus. Fidelem igitur paraphrasten egit *Calpurnius Siculus*, dum hunc locum imitatur:

*Aurea secuta cum pace renascitur aetas,
Et redit ad terras tandem squalore situque
Alma Theinus posito, juvenemque beata sequuntur
Secula.*

Sequentes quoque in Ecloga versus regi, quem inferuerat, Christo convenire putat Constantinus, quos ita interpretatur:

τὸν δὲ νῦνσι πῶ τεχθὲν ἡ φαισφόρε μήτηρ,
Ἄλλ' ἢ σιδερέϊνῃ χρυσῇν γενεὴν ἐπάσαντα.
προσκύνει.

τῷδε γὰρ ἄρχοντι, μινεικία πάντα βρόττα,
καὶ σαναχαί τε καὶ κυνάζοντα αἰλιτρῶν. *sive ut corrigi Valesius:*
ἄλγεα τε σαναχαί τε καὶ κυνάζοντα αἰλιτρῶν.

At propiorem habuisset interpretem Virgilii, ipsum Virgilium, qui Augustum disertis verbis hac gloria maectat:

Æn. 6, 791.

*Hic vir, hic est, tibi quem promitti sapius audis,
Augustus Caesar, divum genus: aurea condet
Secula qui rursus Latio, regnata per arva
Saturnio quondam.*

Parum autem cum Theologia poetæ convenerit, puto, quod illud, *save Lucina*, προσκύνει, reddit. Tunc jam regnat Apollo, plane omisit. *sive* alienum ab interpretatione, quam animo conceperat, existimans hoc hemistichium: *sive* obscuritatem sensus non evolvens. quæ profecto maxima est: nisi in sæculo Apollinis acquiescere velis, nam quæ de Augusto, tanquam habitu & nomine Apollinis celebrato hic excogitantur, multis modis repudiari possunt. *Turnebi* autem explicatio an cum accuratissima Poetæ Latinitate satis possit convenire, viderint, quibus probatur.

In illis quæ sequuntur, verbis quidem religionis ethnicæ ad sacra pertinentibus, itidem Christum designari *Constantinus* existimat. & talem interpretationem assert:

c. 20.

ἀνέβηται ἀφ' ὁράσας τοῦ βίοντος, καὶ ἀφ' ὁρίσας
ἥρωας σὺν ἐκείνῳ πολλὰς, ἡδὲ καὶ αὐτὸς.

à v. 15.

Ἡλιαδὴ τοὺς δίκαιους. *Heroas*, *justos* interpretatur, *sive* *pios*.
Quali haberet in animo illa Sibyllina, aut τινὲς ὁρῶντα:
ἐννοεῖται

εὐσεβέων ἀνδρῶν ἱερὸν γένος ἴσεται αὖτις,
Βασιῶσι δὲ νόμῳ προσκείμενοι ὑψίστοις. κτλ.

Aut: υἱοὶ δ' αὖ μέγαλοι θεῷ περὶ νῶν ἅπαντες
ἰσχυρίας ζήσονται εὐφροσύνῳ ἐπὶ τέτοις
οἷς δάσσει κλισίῃς ὁ Διαιοκρίτης το μόναρχος. κτλ.

lib. 3. Sibyll.

Versum 17. in duos diffudit (quamquam priorem ad 16. referre possis, cujus sensum cum 17. conjunxit) tres sequentes in duos contraxit:

πατείδι καὶ μακάριστιν ἱερομένοις φανέται
πατροδότῳ ἀρετῇ κυβερνῶν ἡνία κόσμῳ
σοὶ δ' ἄεθ' παῖ, πρώτισα φύξ δωρήματα γαῖα,
Κριθὴν ἰδὲ κύπερον ὅμῃ κολοκάσσι ἀκαίδω.

Quomodo κριθὴν & κύπερον pro hedera & baccare posuerit, non facile dixeris.

Vigesimo primo & sequenti versu respicere putat Poëtam ad immanitatem temporum, & leones τὸς τῆς βασιλικῆς αὐλῆς δυνάστας viros in aula Principali præpotentes interpretatur; quos fidelibus Christi minime terrori fuisse, ait. Tribus versibus duos illos ita expressit:

σοὶ δὲ πάσι θαλεροὶ ματοὶ καὶ ἀβειδυῖαι,
αὐτέμαλοι γλυκὺ νῶμα συνικτιλύνσι γάλακτος.
ἰδὲ θέμις θαρσεῖν βλοσυρὸς ἀγέλας λόντας.

Primum versum corrigit Valesius: σοὶ δ' αἰγῶν θαλεροῖς ματοῖς καὶ ἀβειδυῖαι. Facile fuit ex *Esaiæ* prophetia ad No- cap. II, v. 6. & 7.
vi fœderis felicitatem istud schema referre: unde & Si-
byllinorum auctor desumpsit illa:

ἐν δὲ λύκοι τε καὶ ἄνθρωποι ἐν ἔρεσιν αἰμῶνι ἔδονται
χρίστον, παρδάλεις τ' εἰσὶν αἶμα βοτκήσονται,
ἄρκοι σὺν μίχοις νομάδες αὐλοδότηνται,
Σαρκοβόρος τε λέων ἄχρον φάγεται ἐν πάντῃ ὡς βῆς. κτλ.

lib. 3.

Quæ apud Lactantium haud paulo aliter leguntur.

Versus XXIII. XXIV. XXV. de floribus cunabulorum Christi novellæ genti oblati, & extincto Serpente diabolo, ejusque venenæ omne genus, & efflorescente Christianorum multitudine, tamquam ἀμάμῳ interpretatur; atque hanc versionem adducit:

φύσσει δ' ἐν ὕδασι τὰ σπέρματα, ἄνθρα αὐτά.

Ddd 3

• ἄλλω

ἄλλυται ἰσθόλῃ φύσις ἔρπυτῷ, ἄλλυται ποίη
λοῖγιϑ. ἀσσύριον θάλλει κατὰ τέμπῃ ἄμωμον.

Tertium versum (non sine vitio quidem) in *Fuketiano* codice ita legi *Valesius* testatur:

ἀσσύριον τ' ὀνείλαι, θάλλει δὲ κατὰ τέμπῃ ἄμωμον.

Quasi Constantinus male construxerit versum Virgilii :

Occidet Assyrium. vulgo nasceretur amomum.

Sed hæc sententia stare non potest ; si Constantinus *amomum* (Christianos) ideo *Assyrium* vocari credidit, quod mox ex textu iterum affirmat *Valesius*, quia ab Assyriis ortum sit principium fidei : propter Abrahamum credentium patrem, qui Assyrius fuit.

Versu XXVI. & XXVII. ita exhibentur :

Ἀντίκα δ' ἡρώων ἀρεταῖς, πατρός τε μεγίστη
ἔργ' ὑπερνησέεισι κικασμένα πάντα, μαθήσει.

Hic *Heroas* iterum pro *priis* accipit, ut supra : *laudes heroum*, τὰ τῶν δικαίων ἀνδρῶν ἔργα. *Facta & virtutes parentis* (ita enim repetit) de constitutione & conservatione mundi, & Ecclesiæ legibus moribusque. Inde *versu* XXVIII.

πρῶτον μὲν, ἀνθρείκων ξανθῶν, ἥγονο ἀλώει,

putat designari illum profectum, quo homines inter bonos malosque medii paulatim virtute divinæ legis, ad maiora traducuntur. Unde & *incultis sentibus pendens una*, *versu* XXIX.

ἔν δ' ἐνδρόσσι βῆτοισι παρῖοςϑ ἡλδανὲς ὅτρυν,

comparatur cum ἀθέσμων βία live injusta & depravata hominum consuetudine, quæ nullos ejuscemodi mitiores fructus antea cerni sinebat. Sicut XXX. versu *querens dura*, ad τὴν ἡλιθιότητα τῶν τότε ἀνθρώπων καὶ τὸ κατεσκευημένον ἦδϑ stuporem hominum ejus temporis ac duritiam mentis referuntur. Quamquam & altera additur ἀλληγοία, quasi iis, qui Dei causa labores pertulerunt, suaves fructus καρτείας γλυκύς τις καρπὸς promittantur. Sed hæc schemata sunt & specimina aureæ ætatis usitata : sicut collatis aliis Poëtis Græcis Latinisque declarat *Fulvius Ursinus*. Ut non opus sit cum *Lactantio*, ex Sibyllinorum architectis, multo haud dubie junioribus, Poetæ nostri sententias excessere. Inse-

Insequentes *Sex versu à XXXI*, quasi vitandi periculi causa, per ambages, ad Christi bellum in toto orbe adversus ἀντικείμενην πονηρὰν δύναμιν sive oppositam dæmonum aciem gerendum, Poetam adhibuisse putat. χαλεπήει, inquit, τὸν σωτήρα ὁρμῶντα ἐπὶ τὸν τρωικὸν πόλεμον, τὴν δὲ τρώαν, τὴν οἰκημένην πᾶσαν. Versio illa est:

παῦρα δ' ὅμως ἔχῃ προτέρως πειλείπεται ἄτης.
 πύλον ἐπαίξαι πέρι τ' ὅσα τέχῃσι κλείσαι,
 ῥῆξαι τ' ἐλιπόδων ἐλκυσμασι ἴεσον ἀρέρης.
 Ἄλλ' ἔπειτ' ἔσαι τίφης, καὶ θεσσαλὶς ἀργῶ,
 Ἄνδρ' ὅσιν ἠράσσει ἀγασσάμενη πολέμῳ δὲ
 τρώων καὶ δασιῶν περήτῃαι αὐδὶς ἀχιλλεύς.

Ceterum Poeta per gradus voluit ætatem auream adolefcere, neque statim & semel felicitatem consummari: ut nimirum, cum ætate pueri, gradus quoque sæculi beati procederent. Eum enim colorem poeticum assumferat. Quare mox, quicquid à perfectione abesse facit felicitatem, abolefcet, & cum virili ætate pueri, omnia erunt matura, perfecta, plena, id est, nulla priscae fraudis vestigia suberunt, nullus in navigando, in arando, in quærendo denique & parcendo labor ponetur. Sequitur enim: *Hinc ubi jam firmata virum te fecerit ætas*, cum reliquis. Hæc est simplex & vera explicatio: cujus συναρξίαν plerique interpretes, dum particulis *Serviana* expositionis attendunt, non satis complexi sunt. Erudita esset, sed quæ in hac festinatione diffundi nequit, comparatio interioris philosophiæ de ἀποκαταστάσει parto, quæ non tam excipit orbem ætatum impletum, quam suo loco intervenit. Sicut *Hesiodus*, artifex præcipuus hujus doctrinæ, æneam inter & ferream ætatem Heroas in ἥρωας interjicit, & suo quodam cursu ad metam deducit: sed hæc paucis dici non possunt. 155. 66.

Constantinus autem versum XXXVII,

Ἄλλ' ὅτ' ἂν ἠγορήης ὤρη καὶ καρπὸς ἱππῶν,

de Christo ita interpretatur: ἐπειδὴν ἀνδραθεὶς τὰ πειρήματα τὸν βίον τῶν ἀνθρώπων εἰζέβην ἐξέλη, τὴν τιξύμεναισαν γῆν ὥρην καλικοσμήσῃ. postquam virilem ætatem ingressus cuncta quæ

humana-

humanam vitam infestant mala sustuleris, & universum orbem tentatum patis legibus composueris. ut H. Valesius vertit. Inde versus XXII. sequentes Græce descriptos brevissima annotatione subiecta prosequitur, quæ fere ad L. LI. LII. tantum pertinet: κόσμος κηάνηθε θεσ, φησι, & τῶν σοιχείων ἀπάντων χάριν. Affice, inquit, mundi immensi omniumque elementorum latitiam. Non omittenda est μεταφρασις Græca.

ὃς ἔσσι αὐτοῖσιν ἀληθολάτοισιν (ἀλάδῃ)
 εὐομένων ἄμυδ' ἰσ γαίης ἀπο πόντι μέτρῳ

Corruptum priorem versum, emendat doctissimus Valesius: ὃς ὅσῃ ναύτησιν. ultimum versus verbum prioribus codicibus abest, & hic suppletur. sic quoque magna licentia, ut plura in hac μεταφρασί.

Ἄνδρες ἀσπαρίθε & ἀνίρῳθε. ἔδ' ἂν ἀκμήν
 ἑτρελῆς δρεπάνοιο ποδησέμεν ἄμπελον ὄμμα.

Legendum αὖτ' ἂν ἀσπ. sub. γαίᾳ. sicut notavit jam Valesius. Diffudit quadragesimum versum in duos.

ὃ δ' ἰεὺ δέουτο βροτὸς πόκον. αὐτόμαθε δὲ
 ἀρνείδ' τυεῖσι παρὰ τρέφει λιβάδισσιν,
 Σάνδουκ' πορφυρέῳ λάχνην ῥυτίεσαν ἀμέλειαν.

Sensum in his secutus, quatuor versus tribus conclusit, non infeliciter, puto. πάρα πρόφει emendat Valesius.

Ἄλλ' ἄγε τιμῆν σκηπτρον βασιλίδ' ἀρχῆς,
 Λεξιερῆς ἀπὸ πατρὸς ἱερεμέταο δέδεξο.

Omisit XLVI. & XLVII. versus:

Talia facta suis dixerunt currite fufis
 Concordes stabili fatorum numine Parca.

In quibus tamen pars inventionis Poeticæ, ut ante dictum est, consistit. Scilicet haud ita facile videbatur, invertere sensum Poetæ & ad institutum aliud trahere. Sicut & duo, qui positi sunt, versus, XLVIII. & XLIX. nimia libertate ad consilium interpretis flectuntur, quasi dixisset Poeta: Sed age, sceptrum venerabile regni à dextra manu Patris altitonantis accipe. Quinquagesimum & duos sequentes ita effert:

Κόσμον κηάνηθε θεσ ἑνπηκτα θίμεθλα.
 χαρμωσύνῳ γαίης τε & ἑσπερὸς ἡδὲ θαλάσσης,

Γηθε-

Γηθόσμων τ' αἰὼν⊕ ἀπειρεσίη, λάσιον κῆρ.

Difficilior ceteris hic eclogæ locus, non incaute est ab interprete tractatus. Hoc enim saltem recte animadvertit: non de malis præteriti temporis, sed de bonis adventantis beati sæculi sermonem esse. Imo plus puro eum, quod ad summam rei attinet, cordis habuisse omnibus Virgilii interpretibus, qui vel dubitant, vel tergiversantur, vel nihil explicant. Dicam citra ambages, verissimam fortasse sententiam. Illud *nutare*, quod interpretes torfit & nutare fecit, neque tristitiæ, ut *Servius*; neque lætitiæ, ut alii crediderunt, actionem notat: Sed pars est περιφράσεως τῆ κόσμου. Sensus est: aspice mundum (addita periphrasi quam dixi, *convexo pondere nutantem*) & terras, & maria & cælum; & omnia: aspice, inquam, mundum (semel totum exprimit) & partes mundi (in quas oratorie res dividitur) terras, maria, cælum; aspice, ut omnia (ita colligit dispertita) venturo sæculo lætentur. Nihil certius. τὸ *nutare* ad descriptionem, non ad actionem aliquam mundi pertinet. Ratio Latinitatis alibi explicabitur. neque enim nunc licet nobis esse verbosis. Ubi etiam apparebit, an illa ἑνσημία διμῆλα possint locum habere.

Sequuntur *versus* Eclogæ VII. à LIII. numerandi, quinque Græcis comprehensi, ita ut LVI. pæne totus, LVII. totus omittantur in Græca interpretatione:

ἔιδέ με γηραλέον ζῶντά τ' ἔχε νῆδυμ⊕ ἰχθὺς,
Σὴν ἀριτὴν κελαδεῖν ἐφ' ὅσον δύναιμι γε παρῆν.
ἐκ ἂν με τεπλήξεν ὁ θρησκῶν δῖ⊕ αἰοιδός.
δυ λίν⊕· ἢ πᾶν αὐτός, ὃν ἀρκαδίη τέκετο χθών.
ἀλλ' ἢ δ' αὖτις ὁ πᾶν ἀνδέξεται εἴνεκα νίκης.

Locum hunc mutata interpunctione ita restituit doctiss.
Valesius.

Γηθόσμων τ' αἰὼν⊕ ἀπειρεσίη, λάσιον κῆρ
ἔιδέ με γηραλέον, ζῶντά τ' ἔχε νῆδυμ⊕ ἰχθὺς.
Σὴν ἀριτὴν κελαδεῖν. κτλ.

Cum autem Poëta optet, & vitam sibi produci, & ingenii vigorem continuari, quantum dicendis factis Salonini,

Ecc

live

sive ejus, quem ἀλληγορία spectat, sufficere potest; interpres invertit quodammodo: ut facta dicere possit ejus, in quantum vires adsuerint. Quanquam sententia eodem redit, quia νῦν δὲ ἰχὺς præcessit. nisi quod Virgiliana periphrasis sensu plus pollet. In sequentibus etiam, omissa αἰτιολογία & figuris ceteris concisus agit: Non Orpheus, non Linus, non ipse Pan contenderit mecum de victoria. Placet in his, quod crescere credidit orationem in Pane. Grammatico enim secus visum annotanti: Redit ad numina rustica: nam satis excefferat dicendo Linum Poëtam, & Orpheum theologum. Quis enim non videt, Pana Orpheo & Lino majorem esse? Unde: Pan Deus, &c. Plus est sine dubio, Pana vincere, præsertim Arcadia judice, quam Orpheo aut Linum. Et quid sibi vult, cum dicit, excedi, Orpheo theologum, nominando? an indictus aliis Eclogis Orpheus? Verum, his ac talibus non licet nunc immorari.

Scriv.

cap. 21.

de auspicio
regio.

lib. 1. Sibyll.

Ceterum illa de ortu alicujus hominis dici non potuisse, quod nec tellus aratrum, nec vitis salcem desideratura sit, porro Constantini oratio infert. ἡ γάρ τοι φύσις θέλει εἶναι προσάξιός διακονέειν, ἢ ἀνθρώπινος κελεύσεως ἰργάτις. Jam latitissia omnium elementorum, inquit, Dei certe adventum, non hominis alicujus natales notat. Sed hæc ex ante dictis explicari facile possunt, & alibi uberius sunt declarata. Longius etiam petitum est, quod votum, quo vitam sibi produci optat Poëta, ut argumentum divini cultus in adorando, qui natus est, arripitur. Non meminit Constantinus, cum ista de natura divinis non humanis jussionibus parente scriberet, Sibyllæ suæ, quæ hominum genus ante Titanas illa ipsa temporis nota describit:

Ταῖν δ' αὖ καρποῖς παραλλάσαι εὐτομάτοισι,
 εὐομένη πολλοῖσιν ὑπερσάχυσσα γενέσθην.

Votum Sibylla optantis solui necessitate vaticinandi & è terra in cælum rapi usque ad beatissimum Servatoris adventum, quomodo Constantinus cum Virgiliano comparare potuerit, non factis liquet. Neque enim verba ipsa posuit. Ex iis autem, quæ supersunt & hoc nomine præscribuntur, fragmentis apparet: Vatem hoc schemate sua oracula interstinguere, aut

aut ordiri, ut de necessitate vaticinandi impositā testetur, queratur etiam. Neque dubitem, ultimum Servatoris adventum ad iudicium, eam intellexisse; si loca, quæ dixi, cum hoc voto, quod Constantinus affert, sedulo conferamus.

Ultimos versus quatuor ita videmus exhiberi:

ἄρχω μιδιδῶν ὄν τὴν μητίεα κεδνὴν
γνῶεῖζεν. ἥ γάρ σε εἶπεν πολλοὺς λυκάβαντας.
Σοὶ δὲ γονεῖς ἡ πάμπαν ἱσημέριοι ἐχέλασαν.
ἡ δ' ἦλ' αὖ λυγρῶν, ἡ δ' ἔγνωε δαῖτα θάλασσας.

Corrupta sunt hæc. In msc. erat: ἄρχω μιδιδῶν ὡς ἂν εἶπον.
Unde doctissimus *Valesius* probe emendat:

ἄρχω μιδιδῶσαν ὄν τὴν μητίεα κεδνὴν
γνῶεῖζεν.

Duos postremos versus, Græcum interpretem non recte accepisse, in aperto, nec mirum est. An Constantinus ipse Virgilium hic satis intellexerit, disputat *Valesius*, & primo negat, deinde asseverat, ex subjectis verbis, quibus in Poeta ignorantiam divinæ Christi generationis excusat, neque ut humano more hæc dici potuisse, ostendit. Erravit interpretis errorem partim communem cum pluribus: Parentes puero non arrisisse, neque cubili ipsum potissimum neque mensa. Sed quomodo ista cum reliquo carmine possent stare? Dixit Poeta duobus ultimis versibus:

Incipe parve puer, qui non risere parentes,

Nec deus hunc mensa, dea nec dignata cubili est.

Crucem hic fixit Grammaticis. *Quintiliani* auctoritatem in lib. 9. instit. lectione merito maximi hic faciendam esse, *Politianus* monet. cui tamen, Parentes vocandi casu accipienti assentire nequeo. *Scaligeri* ad *Catullum* de his versibus annotatio, à *Taubmanno* reperita, & *Jo. Lud. de la Cerda*, concinna esset, & per omnia congrueret; si ridere parentes, satis civiliter, pro ridere ad parentes, in Poeta purissimæ venustatis studio exaudiretur. Cetera de deo deaque i. e. Genio & Junone pro diversitate sexus, recte se habent, *Servianoque* commento de *Vulcano* longe præferri debent. Staret autem hæc sententia, etiam si cum *Bembo*, quem

Ecc 2

Erythræus

Ind. v. Qui
n, r,

pfit, sicut *Βίον σοφῶν τῷ κατὰ διδασκαλίαν τελειώδυντῳ*. & apud *Suidam*, *περὶ βίου φιλοσόφου*, rectius forte de vita *Philosophi*, quàm cum *Porto*, de vita *Philosophica*, reddideris. Quamquam & alterum genus loquendi apud *Philonem* occurrit: *περὶ βίου θεωρητικῷ, ἢ ἱκτιῶν ἀρετῶν*. Unde & *Scholias* *Photii*, *περὶ βίου πολιτικοῦ* reddidit: de vita *politica*. *Eusebio* hic libellus, ὁ *πολιτικὸς*, exprimitur. Quod autem duplex illud loquendi genus, quantum ad rem ipsam attinet, eodem recidat, ex ipso *Philone* discimus, cum à principio libelli proficitur: se *βίον πολιτικὸν* scripturum, postquam tria illa vitæ genera, *βίον τὸν ἐκ διδασκαλίας, τὸν αὐτομαθῆ, & τὸν ἀσκητικὸν*, totidem Patriarcharum nominibus, *Abrahami*, *Isaaci*, *Jacobi*, ut ipse putabat, significata, ante meditatus esset. Hic erat nimirum liber, de tribus virtutibus, ut *Hieronymus in Scriptoribus Ecclesiasticis*, sive, ut *Eusebius* exprimit, *περὶ τῶν τριῶν ἀρετῶν, ὡς σὺν ἄλλαις ἀνθρώπων μαυσίς*. Sed & ipse *Philo* sæpius tres virtutes vocat, *φύσιν, μάθησιν, ἀσκήσιν*.

Consilium scriptoris est, non quemvis civem, & civilia officia omnis generis describere; sed virum administrationi reipublicæ adhibitum, tractandisque rebus civilibus natum aptumque. de exemplo *Josephi* interpretari: quales sunt, qui magistratus & imperia gerunt, negotiis pacis bellicque præponuntur; ut & consiliarii, præfecti, administri. In quo genere hominum, etiam alias virtutis politicæ nomen eximie usurpari solet.

Genus scripturæ duplici ratione conficitur: primo enim historiam à *Mose* acceptam *ἀνθρογραφεῖα*, ornari & amplificari videmus; deinde post *ἐκτὴν διήγησιν, ἀλληγορεῖα*, alias ad significationes transferri. In utroque genere multos *Philo* imitatores habuit, *Fl. Josephum* in primis. Qui non tantum in historia illo modo scribenda æmulum se adhibuit, ita tamen, ut *Philonem* hac parte præstare putemus: sed opus quoque allegoricum, *θεωρίαν* *Joseph. pro-*
ἁλὲν φιλοσόφου, sive meditatus est animo; sive, ne inferior hoc genere videretur, tantum promisit. In hoc fortasse non improbandus, quod historiam & allegoriam, se-

Cod. 105,

in schol.

maig.

Phot. l. c.

orſum tradendas exiſtimavit. Ceterum, quod ad allegoriam attinet, arbitrat^{ur} Photius, Philonis exemplo morem allegoriarum in Eccleſiam introductum eſſe: operâ præcipue, ut Andreas Schottius putat, Origenis & Cyrilli Alexandrini, in Græcis; inter Latinos, Ambroſii. Magnum hujus inſtituti abuſum omnes norunt: acciditque & Philoni, ut τὰ πλεῖστα πρὸς ἀλλυγορίαν τῷ γράμματι (an? παρά-ματι) ἐκβιάζόμενα, pleraque ad aliam ſignificationem à litera, deſorta, aut vi quadam deflexa videantur. Quanquam non pauci ultra audaciam Philonis proveſti ſint: cujus interim facundiam nemo æquavit. Ἀλλυγορέμενα porrò Philonis, accipe, τροπολογύμενα. Nam ἀλλυγορίαν, quæ ad Chriſtum & Eccleſiam pertinet, fruſtra à Judæo expectes. Et ἀναγωγικὰ hinc exulare, vel index libri oſtenderit.

1. Gen. 37.
2. Gen. 39.
3. Gen. 40.
& 41.
4. Gen. 41.
& 42. uſque
ad finem
voluminis.

Partes libri facit quatuor Philo. Prima finitur venditione Joſephi alterâ, in Ægypto factâ: Secunda, in carcere Ægyptiacum deſinit: tertiam, abſolvit dignitas ſecundâ à Rege gradus. Atque harum partium ſingulæ, ſervant rationem, quam diximus; ut hiftoriæ expolitæ ſuccedant τροπολογύμενα. At quarta pars, hiftoriam tantum & Joſephi reliqua, etiam ſuprema, complectitur. Ut ſuſpicari aliquis poſſit, deſectum opus. Cum de ſuo propoſito in ceteris prædixerit: ἐπὶ δὲ πρόκειται, μετὰ τὴν πρῶτην ἀπόδοσιν, καὶ τὴν προπικωτέραν ἐξετάζειν, λιγνίον δ' ἔχει καὶ πλεονάζει. Certe non deſuiſſe ei materiam, alia ejus ſcripta docent: in quibus occurrunt τροπολογύμενα ad hanc partem hiftoriæ Joſephi pertinentia. Neſcio enim, an ſecretiore aliqua cauſſa Judæus motus videri poſſit, ut hiftoria contentus eſſet.

I.

In partis primæ hiftoria, odium fratrum ex amore Patris in Joſephum, conceptum; & circa ſomnia ſimplici ac innocentem propoſito patefacta oſenſum; Patrisque partim correptione adverſus Joſephum, partim diſſimulatione ſententiæ de re ipſa; tum ſegregatione turbæ fraternæ coercitum exponitur. Mox, ut exarſerit in partidii conatum, cum miſſus à patre adventaret Joſephus; ut deſti-

destitutione in fovea, & subinde venditione, quam Ruben fratrum maximus, postquam rescivit, egregia oratione castigat, desævierit; ostenditur. Sequitur lamentatio Patris, commento necis à bestia illatae decepti, gravissimis sententiis expressa: tum nova venditio in Ægypto, qua in domum Eunuchi cujusdam regii, ἀρχιμαγέστρου seu culinæ præfecti, sic translatus Josephus. Nihil in his absurdum, aut Mosaicæ narrationi adversum: sicut in Josepho videmus: qui somnium prius, quod Josephus narravit, ἀρχιμαγ. 2, 2. à fratribus dissimulanter transmissum; posterius à Patre applaudente & quasi magna lubentia expositum, refert. inde decretum de occidendo Josepho, premature iam tum factum; tum clandestinam fratrum abitionem, & hinc exortam patris sollicitudinem, pro lubitu fingit. Rubelus quoque apud ipsum ligat Josephum, & sensim in puteum demittit: cui longe rectius Philo salutationem amicam; sicut ceteris, hostilem in despoliando atque destituendo fratre operam tribuit. Quamquam in Fl. Josepho multo plura κριτικώτερον reprehendit Sallianus in annalibus Ecclesiasticis Vet. Test. ad ann. mundi 2103. 2304. 2306.

In τροπολογία ab initio statim præmissa erat ποιμνική, sive ἀρπαστῆς, seu προαγωγή τῷ ἐπιτροπεύσωνι & τῆς πόλεως, rudimentum tradatur republicam. ποιμνική γάρ, μελέτη καὶ προγυμνάσιον βασιλείας τῷ μέλλοντι ἡμερωτάτης τῶν ἀνθρώπων ἐπιστάλῃν ἀγέλης, καθάπερ καὶ τοῖς πολεμικοῖς ταῖς φύσεϊ, τὰ κύνυσια. Pastoralis enim ars meditatio & praeexercitamen est imperii, ei, qui mansuetissimo hominum gregi praefuturus est: sicut iu, quos ad bellum naturalis impetus rapit, consuetudo venandi. Quam sententiam, hic quoque positam, alibi uberius exequitur.

Lib. 1. de vita Mos. pag. edit. Paris. 611.

Ex nomine Josephi, quod augmentum aut additionem domini interpretatur, repetit τὴν κατὰ δῆμον πολιτείαν, sive societatem civilem rationem. eo, quod mundus lege natura satius tueatur; quod autem ad societatem civilem leges adjiciant, illud ἐκ προδότης μέγας habendum, & ex avaritia, ac dissidentia hominum inter se reperendum esse. Posset forte scribendi genus, & perpetua figuras veterum sequendi consuetudo, ultero defendi. Sed id non agimus. Civilem vitam sociali jure

& or-

& ordine distinctam inter ea esse scimus, quæ primævo jure naturæ constituta, ipsisque hominum mentibus inscripta sunt: duraturo inter homines pulcerrimo imperandi & parendi ordine; & discrimine operarum, munerum, ministeriorum, in commune, ut perfecta societas exigit, conferendorum, etiam si humana natura viribus integra, sanctitate incorrupta mansisset. Et, quod *Philo* dicit, lege naturæ fugienda & expetenda, agenda & vitanda determinari, ita verum est, ut meminerimus, quotiens brevibus præceptis, sicut in Decalogo, jus naturæ concluditur, magnam tamen inesse summam. Itaque leges civiles, cum ea, quæ jure naturæ haud dubie continentur, sanciunt, non tam additamenta nova sunt juris naturæ, quam interpretationes ejus & explanationes. Esse autem in iis, quæ civitas sibi quæque constituit, quædam longius recedentia à ratione naturali, legis tamen nomen ex utilitate quadam, cui destinantur, adepta: facile concedimus *Philoni*. τὰ δόξαντα συμφέρειν κοινῇ τοῖς ὁμογενέσιν ὁμίλοις, ταῦτα νόμους ὑποστήμνουν.

Unde etiam, quæ est rerum humanarum imbecillitas, quædam leges iniquæ varias apud gentes notantur. Ut illa Macedonum, quam describit *Curtius*; de propinquis fontium damnandis: ut illa *xii*. Tabul. de corpore debitoris in partes secando apud *Quintilianum*, & *Gellium*. *Bodinus* adfert exemplum legis vestitiaræ iniquæ, sub *Carolo IX.* in Gallia latæ. Nam indicem legum injustarum in jure civili Romano, imperite & incaute, ex mente Canonistarum consignare sibi visus est *Contzenius*. Meliori jure demonstratur ipsis Canonistis, ex confessione & testimonio Pontificiorum scriptorum, quod in jure Canonico reperiantur legi divinæ & naturali contraria, absurda, sibi invicem adversa, apud *Magnum Theologum Joh. Gerhardum*.

Vestis varia Josephi, ad varietatem negotiorum & consiliorum in vita civili, sive ad varias civilis prudentiæ rationes, accommodatur à *Philone*. Ποικίλον γὰρ πολιτείαν, & πολύτροπον, μυρίας ὁσας ἐνδεχομένην μεταβολὰς, πρὸς ἅποις, πράγματι, αἰτίαις, προξένων ἰδιότητι, καὶ τῶν διαφοραῖς.

Illud

6. II. 2.

instit. orat.

3. 2.

Noct. Att.

20. 4.

de rep. 1. 6.

cap. 6.

Polit. lib. 5.

c. 3. §. 4.

Confess.

Cathol. lib.

1. part. 2.

c. 14.

Illud προῆρον ἰδιότης, *Latinus interpres*, ad sequestrorum proprietates retulit. nescio an bene. locus enim est obscurus, si modo sanus, quantum ad hoc membrum. De cetero suavissime eam varietatem *Philo* illustrat, exemplis sollennibus gubernatorum, & medici. Tractari solet hic locus, quotiens prudentiæ civilis alte constituta, & multis obsepta Lipf. 4.
difficultatibus ratio, de qua plerique præterpropter occu- Polit. 1.
pati parum somniant, declaratur.

Venditio Josephi transfertur ad servitutem eorum, qui in vita civili eminere videntur. Quam rem alii aliunde arcessunt; *Philo* ab ingenio vulgi, cujus judicio fere stant honores civiles. Vulgi oculis, auribus, animis serviendum est; non modo, si ambiciose petuntur aut geruntur honores, sed si constant animo recta & modesta consilia. Incidunt etiam mutationes in civitatibus, morumque pro temporibus varietates: ad quas animum attendat, seque componat vir civilis oportet. Quod ad iteratam venditionem *Philo* transtulit. Non equidem id dicitur, quod multitudinis judicium, sæpe nimium à vero discrepans, sequendum ubique sit: sed ut temperanter habeatur multitudo, natura ejus noscenda, in oculis habenda, arte tractanda est. Et hoc est, quod apud *Ciceronem* dicitur: *Vulgi opinio mutari vix potest, ad eamque omnia dirigunt, & qui judicant, & qui existimant.* Suaviter hoc argumentum *Grosius* exhibet in *Sophompanea*: Topic. 19.
Act. 1.

- - - Inter ea, qua regis
Parenda jussis, fulgor est, qualem exigit
Persona vita: qui micans oculos tenet
Animosque plebi: utor hoc ego, non fruor.
Quanto stuebat vita liberior mihi,
Cum corde vacuo sequeretur investu puer
Ab Abrahami pecore demissum gregem? &c.

Quomodo autem vulgi voluntatibus non serviendum sit, postea docebit *Philo*.

Fabula de fera, quæ Josephum voraverit, ad insidiantem viris in dignitate civili constitutis immanem beluam, *αυτοδοξία* sive ambitionem refertur. Feram dicit: ut

Serm. 161.

Orat. 2. de
rep. ord.

Evagrius apud Stobaeum, demonem, in illo: χαλεπὸν διαφεύγειν τὸν τῆς κινεδοξίας δαίμονα. Sallustius, hoc loquendi genere avaritiam designat: Avaritia bellua fera, immanis, intoleranda est: & quæ sequuntur.

II.

1. Polit. 1.
Explicat.
ad Pol. Arist.

ἀρχαιολ. 2, 3

In secunda parte occurrit in servitio Putiphrae demandata Josepho ἡ ἐπὶ τοῖς ὁμοδύλοις ἀρχὴ, καὶ συμπάσης τῆς οἰκίας ἐπιμέλεια, in conservos imperium, & totius domus curatio. Et licet ante Philo, pastorem artem ad rudimenta principatus relata voluit: ita hic futuro reipublicæ administratori, præfecturam domus, rudimenti causa obvenisse demonstrat: artisque domesticæ cum civili, domus denique cum civitate convenientiam asseverat. Platonica scilicet hæc sunt: τὸν αὐτὸν οἰκονομικὸν τε εἶναι καὶ πολιτικόν, sicut ex Platonis Politico noscas licet. Videtur refutare Aristoteles. sed potest iniri ratio concordia: ad quam, viam præit Joachimus Camerarius. Sequuntur mulieris adulteræ illecebræ, invidiæ juvenis gravissima oratione (quæ Fl. Josepho in occasionem æmulandæ eloquentiæ placuit) repudiata. inde calumnia in infontem structa, & carcer. Colligit subinde Philo χαρακτηριστικὰ πολιτικῶν, quos hactenus sua γνωμοτυπία complexus erat, ποιμενικὸν, οἰκονομικὸν, κατεργαστικόν. quibus nunc adjungit τὸν ἐγκρατικόν: magnificaque commendatione Temperantia defungitur: non privatim modo utilissimæ, sed reipublicæ quoque ingentia commoda asferentis, εὐσεβεῖαν, εἰρήνην, καὶ τελείων κτῆσιν ἀγαθῶν καὶ ἀπολαύσεων. Cum ex diverso intemperantia & illiciti amores ac muliebres illecebræ, omnia seditionibus, bello, calamitatibus miscuerint, magnamque Græci ac barbarici generis partem exhausterint.

Quæst. in
Gen. 98.

Eunuchum Josephi Eunuchum, eundemque ἀρχιμαίετρον coquorum præfectum putans (quod etiam Theodoro, τῷ 1, Josepho, aliisque placet; quamquam vox Hebrææ rectius procures aulicos notet; (ne opus sit quærere, quomodo Eunuchus uxorem habuerit) vulgi naturam, probantis quidem verbo, quæ recta sunt, diversa autem facientis; famamque potius & opinionem, quam conscientiam spectantis.

stantis, declarat hac similitudine; & in longius producit. Unde & amorem Eunuchi in uxorem, vulgo comparat, libidinem animi in omnibus non rationem sequenti. Mox & coqui officium, ventri servientis, ad vulgus accommodat: cui futuræ utilitatis nulla cura, omne in præsentis voluptates studium. eaque occasione virum civilem medico à coqui propositis multum diverso comparat. Medicus enim commodis ægroti consulit, non libidini: ita leges, quique secundum leges rempubl. administrant, magistratus, senatores, judices in commune profutura meditati, retinent cives ab stultitia, & falsis voluptatibus, neque præsens gaudium cum mox futuro malo concedunt. Demagogicum autem est, si quis agro, qui curari se fortiter passus, exemplo convalescere possit, tibi gratia præsentis aut portionis, longinquum & forsan insanabilem morbum efficiat, sicut apud Livium tribunis exprobrat Appius. Ceterum Philonis Politicum accedit libido populi, tanquam impudica mulier, eique persuadere cupit, ut libertate contumaci relicta, desideriis ejus obsequi, & perversam gratiam gratificari discat. Ille autem elegantissima gravitate, se libertatis memorem esse, & fore profitetur: in gerendo magistratu, non favoris alieni, sed suæ conscientiæ ac fidei, sine fuce & fallacia, rationem habere: hinc non periculo, non timore ullo dimoveri posse. In judicio, inquit, nil diviti propter potentiam, nil pauperi propter misericordiam, addam. non hominum sed causarum totus ero. In senatu, in iis quæ ad rem publicam pertinent, non nisi meo utar consilio, vel cum periculo offensionis. In concione etiam, non arroganti quidem insanaque, sed sobria libertate utar. Parentes castigant, medici urunt secantque, dum animi aut corporis saluti consultum cupiunt. Ego, ex quo totius civitatis commoda suscepi curanda, nulla spe metuque ad prodendas officii partes me adigi patiar. Verum ista viribus oratoriis exequitur Philo uberrimè: eventumque viro tam cordato eundem ostendit, qui Josephi continentiam exceperit, odium atque inimicitias. Habemus ergo & illam viri civilis virtutem, *qua liberum, constan-*

Sallust. orat.
1, de rep. ord.

lib. 5. cap. 9.

rem, utilitatum publicarum providum ac tenacem significat animum.

III.

In tertia parte historiæ ostendit Philo, quanta fuerit virtus Josephi, quæ & sociis captivitatis solatio, & præfecto custodiæ (quod genus hominum fere immitis animi esse consuevit) miraculo esset. *Ambrosius* ex Philone ista fere hausit: *Invenit Josephus hujusmodi gratiam, ut qui fuerat clausus in carcere, ipse potius carceris claustra servaret, cederet munere clavicularius, inclusos omnes in potestatem ejus committeret. Itaque Joseph non solum carcerem non sentiebat, sed etiam alios carceris levabat arumna. Efficiens nimirum, suis præceptis, & multo magis exemplo, ut de carcere redigeretur σωτηριασμεριον, sive domus disciplinæ, ut Philo vocat. Subinde somnia ἀρχινομήου & ἀρχισιτοποιῶν longe feliciter exprimit, quàm Fl. Josephus, cujus πετεργίας, & à sacris fontibus discrepantiam, Salianus notavit: Sicut & in Pharaonis somniis. Ad quæ memorabili sententia Philo transit; quando ait, ἀρχινομήου oblitum esse conjectoris sui: ἴσως μὲν, ἰσίδαν πᾶς ἀχάρις & ἀμνήμων ἰσὶν ἡμερητίων ἴσως δὲ & κατὰ πρόνοιαν Θεοῦ βουλῇ δένει τὰς ἐνπραγίας τῶν πραγμάτων μὴ δὲ ἀνθρώπου γενέσθαι μᾶλλον ἢ δι' αὐτοῦ. Nihil pote dici gravius. Consilium, quod Josephus Pharaoni dedit post interpretationem somni, Flavio Josepho negligentius traditum, ambitiosius Philo exequitur: quintam partem frugum per annos fertiles oppidatim vicatimque reponendam illis locis, ubi natæ sunt, in usum hominum illic colentium; neque excutientias purgandasque fruges, sed in aristis cum calamo asservandas quatuor de causis: primo ne excussæ citius capiant vitium; deinde, ut singulis annis renove-
tur per novam trituram pristinae copiae memoria; tertio, ne modus frumentorum cognoscatur, ac sollicitudo futuri subeat; denique, ut aristæ paleæque & purgamenta frugum jumentis quoque pabulum præbeant. Atque hanc curam demandandam esse viro sapientia præcellenti, & ad omnes probato, qui sine invidia & adversis rumoribus omnia conficiat, operamque det, etiam apud inquirentes caus-*

lib. de Jose-
pho c. 5.

Eleganter
exprimit
Grotius So-
phompan.
act. 1. chor.
ἀρχαῖα.
2.3.

causam novi instituti, ne quid multitudini de futura fame suboleat. Quæ postrema de dissimulanda fame præter Scripturæ S. mentem, & veri similitudinem, quasi ad declarandam sapientiam præfecti annonæ, Philo excogitavit, & Josephus secutus est. Adde ex fontibus Hebræis, plures sub Principe præfecto annonæ, *σιτομέτραι* sive *σιτοδύται* dispensatores. De cetero videbis, *Salianum*, qui explanatione accuratiori consilio Patriarchæ multum gloriatur, non parum *Philoni* debere. Veteres Theologi ad duo fere capita referunt. *Gregorius Nazianzenus* de Josepho: *ἰκύνθη γὰρ ἡ δὲ καὶ συναγαγὴν καὶ σιτοδοτεῖσθαι καλῶς.* Ut eventus factumque respondeat consilio scilicet, *Gen. 41. v. 47. & 48. & 56.* *Ambrosius* de utroque: Quid primum mirer? Ingentem, quo in ipsum veritatis descendit cubile; an consilium, quo tam gravi atque diuturna prospexit necessitati? an vigilantiam, atque justitiam? quarum altera, imposito sibi tanto munere congregavit tam multiplices commعات; altera equalitatem per omnes servavit. Dispensando videlicet. Aequalis laus, τὴν ἀδύνατον σιτολογεῖσθαι, & τὴν δικαίως σιτομετρεῖσθαι. Dignitatem, qua Josephus à Pharaone ornatus est, bene expressit Philo: *Ἰδοὺ δὲ καὶ παραλαμβάνει τὴν ἐπιμέλειαν τῆς ἑμῆς οἰκίας, καὶ τὴν Αἰγύπτου πάσης ἐπιτροπὴν.* plane ad παραλληλισμὸν *Mosis* & *Davidis*. Minus accurate *Eusebius* in *Chron.* *ἔτερον (Φαραὼ) κατέστη τὸν Ἰωσήφ κύριον αἰγύπτου πάσης τῆς βασιλείας αὐτοῦ.* Apud *Suidam*: *ἀρχὸν τῆς Αἰγύπτου κατέστατο.* *Artapanus* apud *Eusebium* διοικητὴν τῆς ὅλης χώρας factum ait. Adjicitur à *Philone* ἐξέχουσι dignitatis Josephi: tum insignia, *σφραγὶς βασιλική*, ἰσὺς ἰσθῆς (Josephus *πορφύραν* vocat) *κύκλον χρυσοῦς περιέχων*, quem Josephus omittit. Inde currum à regio secundum Philo memorat, & præconis vocem, qua significata sit *χρηστία* sive creatio novi magistratus. Prætermissa altera illa voce, incertum an Ægyptia, de qua tot interpretum sententiæ. Josephus, nihil præterquam curru circumvectum, ait. Nomen Josepho inditum *Saphnath pahanea* (*Sophompaneas*) Philo lingua Ægyptia ἀπὸ τῆς δρισοκρινῆς sive à somniorum interpretatione deductum existimat. Consonat παραφράσις ritu *Theodoretus*: τῶν ἀπὸ τῶν ὀνείρων

tom. 1. orat.
15. p. 237.

lib. 2. offic.
16.

Gen. 4. v. 40.
& 41.
Gen. 45. v. 8.
Pf. 104. v. 21.
Præp. Evang.
lib. 9. c. 23.

rectius.
βύσσον.

In Genes.
q. 102.

Sixin. Ama-
inaAntibarb.
Bibl. lib. 2.
pag. 274.
tom. 1. p. 17.

ἱερωνυμὸν αὐτὸν κέκληκεν, ὡς τὸς ἐνείρους διασαφίσαντα. *Septuaginta*, efferunt *φονδομανήχον*. *Josephus*: καὶ προσηγόρευσε αὐτὸν, *φονδομανήχον*, ἀπιδὼν αὐτῇ πρὸς τὸ παρόδοξον τῆς συνήσεως. σημαίνει γὰρ τὸ ὄνομα κρυπτῶν ἱερτῆν. Nec *Rabbinicae glossæ* multum abeunt. Sed *Hieronymus* putat ipsos in hac voce interpretanda respicere *Hebræam* originem: verius autem *Ægyptium* vocabulum notare *Salvatorem mundi*. Quod quale sit, apud ignaros linguæ obsoletæ dijudicari nequit. Ex *Josepho*, quem describit, corrigendum puto *Zonara τοδομανήχον*. *Theodoretus*, τὸς ὁ sequi solitus *φομιδὲμ φαμένη* legit. Matrimonium sequitur cum *Aseneth*, Sacerdotis *Heliopolitani* filia, ut *Philo*, *Josephus*, & qui eos sequuntur, putant: forte rectius, *Præsidu Heliopolitani*: ut *Onkelos* habet. Clauditur hæc pars historiæ gravissima *ἐπιεικὲς* de fatis piorum, & mira fortunæ commutatione, quæ ex servo dominum; ex commentariensis vicario, Regis vicarium; ex despectissimo honoratissimum, nec opinato fecit. Facta hæc sunt, quæ fieri posse nemo putaret, & fient sæpius, DEO volente, ubi insitos animo virtutis igniculos nobilis occasio in flammam egerit.

In *τροπολογία* hujus partis, hunc locum, *ὅτι ὁ πολιτικός πάντως ἐνερκερτικός ἐστιν*, quod *vir civilis omnino somniorum sit interpres*, mirifice tractando illustrat. id est, naturam & rationem *prudentiæ civilis*, pulcherrima sub imagine exequitur. Sicut autem multum differunt conjectores illi vani & fallaces, qui nocturna visa & credulitatem hominum quæstui habent (cujus generis ludibria supersunt in *Artemidori*, *Astrampsychi*, *Achmetis ἐνερκερτικοῖς*) ab interpretatione somniorum, qua *Josephus* usus est: ita viro vere prudente ac civilium rerum perito, multum interest circulator & speculationibus quibusdam suis deditus somniator, qui nec sibi somnum, nec aliis tenebras discutere potest. Nimirum somnium, cujus conjector est *vir civilis*, vita humana est. ὁ δὲ ἐνερκερτικός, ὁ τῶν ἀνθρώπων ἐστὶ βίος. videntur agere, non agunt: captant fugientia,prehendunt avolantia: in tempore, tempus quæritur. in corpore, forma

forma præterit; sanitas infirmatur; vires expugnantur; sensus corrumpuntur. Magnæ opes unius sæpe diei spoliū fiunt. honores summi ignominia mutantur. maximorum regum imperia perlevi momento evertuntur. Dionysius, Cræsus, & quid singulos numeramus? totæ nationes, populi, civitates, insulæ, quæqua patet orbis, fortunæ vertenti ludibrio fuere. *Omniū potentia sæculi somnium non veritas est.* sic inquit & explicat Ambrosius. Diverſa & contraria expectatis, hinc damna sperantibus, inde com-^{de Joseph.}_{c. 6.}moda metuentibus obveniunt. *δενὴ δ' ἀσάφεια καὶ πολὺ σκότος κατακλύθει τῶν πραγμάτων. ὡς δ' ἐν βαθεῖ ὕπνῳ πλαζόμεθα, μηδὲν ἐμπιπείδῃν ἀκριβείᾳ λογισμοῦ δυνατόμεσι, μηδ' ἐυλόγως καὶ παρίως ἐπιδράξασθαι τινος. σκιαὶ γὰρ ὅμοια καὶ φάσμασι.* Inter hæc confusa & abstrusa, vir civilis, somniantium de die erroribus medetur, eorumve, qui vigilare sibi videntur, somnia interpretatur prudentia, cui vis eloquentiæ adjungitur. Duo enim ejus officia designantur: διακρίνειν εἰκόσι σοφασμοῖς καὶ ἐυλόγοις πιθανότησι περὶ ἑκάστου διδάσκειν. *discriminare singula sollertibus conjecturis, & oratione ad persuadendum accommodata docere:* hoc honestum, illud turpe est; hoc bonum, illud malum; justum hoc, illud injustum; & sic in reliquis: id prudens, forte, pium, sanctum, utile, conducibile; illa his contraria sunt. Hoc alienum: ne concupisce. illud tuum: ne abutere. Es in re lauta? impartire, eges? ne invidere divitibus. Honoribus, ne offer; in humilitate, ne desponde animum. in successu rerum, alteram sortem metue: in offensionibus crebris, spera & bono animo esto. Cælestia sibi constant, perpetuoque vigore, quasi vigilant: terrestria hæc, instabiles inter vices, ubi excitaveris, in somnum relabi videas, effusaque caligine, insomniis agitari. Egregium prudentiæ specimen, hæc viri civilis oratio. Qui quia in dignitate constitutus & magistratu hic spectatur, *ἐπὶ τὸ δυνάμειον τῶν βασιλικῶν ἀρμάτων ἀναβαίνειν λέγεται, eum a regio secundum inscendere, συμβολικῶς dicitur.* Sublimem eum vehunt, fama populi, & successuum auctoritas. Insigne anuli, pignus fidei, inter populum rerum dominum, & virum civilem

civilem mutuæ, haud obscure significat. *Torque*, vel spectatur vir civilis, vel trahitur. Ibi, honor; hic, onus; ibi ornamentum in prosperis, hic vinculum in adversis intelligitur. His aliam τροπολογίαν subjicit Philo, de intellectu principe, & procuratoribus tribus circa cibos, potus, cupedias occupatis; inventum scilicet, τῶν τροπικώτερον τὸν τόπον ἀχειβύτων, eorum, qui magis figurate hunc locum exequuntur, id est, ut arbitramur, πειριεργαζομένων.

IV.

Y. Gen. 47.
26.

Q. in Gen.
103.

Quartam historiæ partem incipit Philo ab itinere seu πειρηγίᾳ Josephi per Ægyptum, ut nosceret & nosceretur: ejusque in omnes officia & humanitatem, tum τὰς πειρὰς τῶν ὁρίων τε καὶ τῶν ἄλλων ὁμιλίαν ἀλέκτους ἐξαιρετικούς χάριτας, incredibilem vultus & moris in omni convictu γοργίαν deprædicat. In ἐπτασίᾳ τῆς ἰουδαίας sequitur quintæ partis frugum collectio. an ut tributum ordinarium id frumenti pendebatur? non puto. inusitatum enim aliquid, non in asserendo tantum, sed in congregando, nec sola fertilitate æstimandum, videmus describi. Famem longe lateque per nationes & populos grassantem, ad συνόχην Scripturæ S. exigit Philo. Fratres inde frumenti emendi causa advectos cognitosque, ignoratus ipse Josephus, suspicionem onerat instantius, quam dum discutere laborant, in anteaكتورum memoriam redeunt, Deumque suo in fratrem, quem ignorantes nunc adoraverant, facinori iratum exhorrescunt. Sed Josephus, utut exundante animo caritate mollitus, fratris tamen uterini fata accuratius inquisiturus, severiorem personam iterum assumit: neque purgatos sibi esse fratres, respondet, nisi minimum natu fratrem, quem domi apud patrem relictum dixerant, secum adducerent. Cujus rei causa obses futurus, Simeon vinculis constringitur. Cur hic potissimum, fratrum ætate secundus, non autem natu maximus? Respondet Theodoretus: quia Rubelum natu maximum, fratrum facinori summa ope adversantem, non juverat Simeon. Philo conjectura fortius usus, hunc nefariæ in Josephum conspirationis auctorem & extimulatorem fuisse, eo colligit, quod vix admitti

admitti potuisse tantum scelus videatur, si cum fratre natu maximo, proximus ipse, ut annis sic auctoritate, meliora potius suadere, quam deterioribus facem subicere voluisset. Quem locum, ut multa Philonis alia, erudita imitatione expressit *Isidorus Pelusiota*, qui & ipse τῶν τῶν *Epist. III.* *πραγμάτων ἐκίνησεν κατὰ Ἰωσήφ δραματουρησάμενον κορυφαίωτατον* 115.
 putat Simeonem, & ita prosequitur: εἰ γὰρ ἐφράξατο μετὰ τῷ πρεσβυτέρῳ, τῷ γνάμνῳ ἀρίστῳ εἰσηγησαμένῳ, ἵσως ἂν καὶ τῷ ἐπιβουλῇ ἀνέτρεψεν. ἐκείνου μὲν γὰρ πρῶτος ἦν, δεύτερος ὡς καὶ ἡλικίας, τῶν δ' ἄλλων πρεσβύτερος. καὶ εἰκὸς ἦν, καὶ τοὺς ἄλλους ἢ σοφιδένας ἢ δυσωπεδένας τῷ τῶν πρεσβυτέρων γνάμνῳ, σβέσσει τῷ ἐπιβουλῇ, καὶ μάστιγα καὶ τῷ τῆς ἀρετῆς ἀγανακτῶντος ἐπὶ τοῖς γνωμένοις, καὶ αὐτῷ τῷ πράγματι ἐχούσῃ πολλὴν ῥοπὴν πρὸς τὰ μὴ πραχθῆναι, ἐπεὶ τοῖνυν ἐδὲ ῥῆξαι φωνὴν ὥσπερ τὸ δικαίου ἐβόησεν, ἐκέλευσεν αὐτὸν δεῖναι. Ceteri remissi domum, & frumentum (additis itineri necessariis cibariis) & pecuniam retulerunt. Cumque unus in via aperto sacco reperisset argentum, territi sunt omnes, & quod *Philo* interpretationis causa adjicit, insidias rati, festinato cursu iter peregerunt. Rediit ad patrem, & narrationem de captivitate Simeonis, ac profectio Benjaminis, patris maiorem, qui ex Aristot. sibi videbatur quasi membratim perire (μὲν γὰρ τέκνα γυναικῶν) s. Eth. 10.
 Rubeli & Judæ fide jubentium de reditu Benjaminis orationes, in compendium cogit *Philo*, quasi idem in tempus congruentia. quæ historia sacra intervallo temporis, & repetita consultatione distinguit. Quod & *El. Iosephus* serva- ἀρχαιολ.
 vit, qui de cetero *Judæ* ad patrem orationem, longe vehem- 2, 3.
 entiore exhibet, quam reverentia patri debita permit-
 tit, aut res postulat. ἥδε quoque *Judæ* tribuit, incau-
 tius & citra probabilem causam vocans τολμηρὸν τῷ φύσει
 ἄνδρα, indeque παρρησίαν acriorem deducens. Rectius fe-
 cisset, si *Philonem* secutus esset presso pede, qui postea Ju- P. 553.
 dam χαρακτηρίζει. τολμητὴν μετ' αἰδῆς καὶ θαρράδος, παρρησίαν
 τῷ αὐτῷ ἀναισχυρίας ἐπιβληθέντα. Id enim ex Moisaicis
 verbis facilius colligas, quam impudentiæ cujusdam no-
 tam. Attensum Jacobi bona ἐξηγήσει honestavit *Philo*: ὡς
 τῆς ἐμῆς βουλήσεως ἐπιπραίεσθαι τὰ τῆς ἀνάγκης εἶναι, ἐκτίαν, ἵσως

ὃ ἴσως ἡ εὐσείς οἰκοδομῇ τι εὐχρίτων, ὃ μήπω ταῖς διαβολαῖς ἡ-
 μῶν παραφαίνεν ἀξιοῖ. ἡ εὐσείς hoc loco, providentiam, &
 factorum ordinem notat. Dona Præsidi Ægypti ferenda
 adduntur, tribus, ut *Philo* autumat, causis: ad parandam
 τῷ ἡγεμόνι ejusdemque σιτάρχου gratiam; ad libertatem
 detenti fratris eo facilius procurandam; ad extinguendam,
 veluti de exploratoribus, motam suspicionem. In preca-
 tionibus patris, quibus abeuntes prosecutus est, Scriptu-
 ram S. κατὰ πόδα sequitur, nisi quod pro gratia præsidis,
 incolarum benevolentiam exprimit: ἵνα ἐυάρεστοι τοῖς ἐγχο-
 ροῖς ξενιτεύοντες ᾖτε. Altera ergo vice in Ægyptum rever-
 sos lubenter conspiciatus fratres *Josephus*, dispensatorem
 suum convivium apparare jubet, & introducere fratres
 ἀλῶν καὶ τραπέζης μεδέξοντες, quod genus loquendi etiam po-
 stea hospitalis mensæ sacra notat. Salem, *Homero* etiam
 Διών dictum, præter alia, quæ *Plutarchus* disquirat, hospitii
 in primis sanctimonia consecravit. Hæc dum geruntur,
 invitati hospites apud dispensatorem excusant, pecunias
 in fassis repertas: easque retulisse, ostendunt. Illum
 autem respondisse ait *Fl. Josephus*: μηδετιοῦν ἰδέναι sibi de hac
 re nihil constare. Non bene, sicut nec *Vulgaris* interpret (cum
 reddit: pecuniam quam dedisti mihi probatam ego habeo) dili-
 gentiam *Mosis* attingit, apud quem est, citra dubitatio-
 nem de veritate sermonis: pecunia vestra pervenit ad me.
Philo, prætermissa hac sermonis parte, reliqua facunde
 interpretatur: ἰδέτε ἀσεβείας εἶναι ἡμῶν, ὡς τὰς τῷ Θεῷ χάριτας
 συκοφαντοῦν, ὅς ἴλιως ἔην. θησαυρὸς γὰρ ἐν τοῖς ὑμῖν τοῖς ἡμετέροις ἡμετέροις
 ἀγρίοις, ὃ μόνον τροφᾶς, ἀλλὰ καὶ πλουτοῦ ἐξ ἐτοίμου διδούς. In
 convivio ordinem discumbendi secundum ætatem hospi-
 tum servari *Josephus* voluit. *Fl. Josephus*: κατὰ κλίνας ἡ-
 τως ὡς καὶ ὁ Θεὸς τῷ πατρὶ. At *Philo* φειδύρας, sedendi voca-
 bulum arripiens, nondum fuisse usitatum censet, ut homi-
 nes κατὰ κλίνας uterentur ἐν ταῖς συμποτικαῖς συνουσίαις. mi-
 rumque fuisse visum Hebræis, ait, quod Ægyptii morem
 eundem circa discrimina ætatum observarent, quem ipsi,
 rursus, Præsidis unius id ingenio tribuisse, qui non secus
 in minoribus hisce rebus, quam in majoris momenti ne-
 gotiis

Sympos. 6.
 10.

gotiis *λυταξίαι* amaret & coleret. Addit de frugalitate convivii ad tempus potius, quam luxum accommodati; & comitare potius quam apparatu constantis. Revertentibus ex Ægypto habitum animi tribuit, lætitia & spe exultantis: ob comitatem prolixam Præsidis, omniaque supra votum gesta; ob integratum numerum turbæ fraternæ; ob crimen depulsum; ob paratam etiam in posterum frumentationem. Scilicet ut conspectior esset *ἐπίτασις* si-
ve motus & periculum ex inopinato superveniens: quando Josephus explorare penitus cupiens, quomodo erga Benjaminem animati essent fratres, crimine scyphi furto Theodoret.
Q. in Gen.
106. subducti eos perculit, ac dispensatorem ammisit. In ejus criminatione, appellatur scyphus, *ᾧ πίνειν ἰδοὺ εἶχεν αὐτὸς*, ex quo ipse solebat bibere Josephus: aut, ut mox loquitur, *ἐν ᾧ προσέβριε προὔπινεν ὑμῖν*, ex quo vobis propinabat. Fl. Josephus: *ᾧ πίνων ἐχαύει*, ex quo libenter bibebat. Sed plus difficultatis habent verba sequentia Sacri Codicis, *Philoni & Iosepho prætermilla*, quæ ei reddiderunt: *οἰωνισμῷ οἰωνίζεσθαι ἐν αὐτῷ*, augurio auguratur in eo. quod Theodoretus putat ad figuram augendæ rei pertinere. Præstat autem Hebræos Q. in Gen.
105. fontes adire, ubi Simeon de Muis ex mente R. Bechai vertit: *nonne hic est calix, in quo bibit Dominus meus? & ipse augurando auguratus est de eo.* q. d. Herus meus divinavit, vos esse, qui furto abstulistis calicem: vel pro eximia divinandi, qua pollet, scientia (quod potius acceperim) vel consultis auguribus, ut *Rabbinorum* aliqui censent. Ex multis interpretationibus, minus periculosa hæc videtur. Quæ porro de superstitione auguriorum & hariolationum dubitantur, multum minuentur, si cogitemus, non Hebræum, sed Ægyptium esse, qui loquitur: tum, Hebræam vocem non tam auguriorum ritus, quam explorandi diligentiam notare. Sententiam, quam contra se ipsi dixerunt, oblata inquisitionis conditione, fratres Josephi, procurator ejusdem duplici ratione mitigat. Cum enim ad capitis supplicium obtulissent eum, in cujus sacco repertus esset scyphus, ille in servitutem tantum deposcit: reliquos autem, qui servituti se obtulerant omnes, unius ob no-

xam, si deprehenderetur, indemnes jubet esse. Quin autem perturbatorum ille sermo fuerit, dubitari nequit. Philo tamen veluti deliberatæ legis (ὅς δ' ἂν ἔχων ἄλλω τὸ ἔκ-
 τωμα τῶν ἀδελφῶν, ἐπισκέτω) causas solícite reddit: pri-
 mo, quia magnum in avaritia & alieni cupiditate facinus;
 deinde, quia bene meritis nocere velle, impium; deni-
 que quia demissum ab illustribus majoribus genus factis
 turpibus fœdare, in præcipuis probris habendum. In tran-
 situ hic notanda est *ἡρίσις* temeraria *Saliani* (ad an. 2328.)
Fl. Iosephum carpentis, quod Benjaminem reductum, in car-
 cerem contrusum dicat. At bonus censor Latinam interpre-
 tationem inspexit, non Græca scriptoris verba, quæ nihil
 aliud dicunt, quam Iosephum vidisse τὸν μὲν ἐν φυλακῇ, τοὺς
 δὲ πινδύμοις σχήμασι, Benjaminem quidem vinctum adduci, reli-
 quos autem lugentium habitu aflare. Orationem Judæ, ἐλά-
 δεσπον ἱγνίας καὶ συντοῦ παύσεως demonstrantis, Philo egre-
 gia S. historię *ἡρασιῶσι* expressit, & perorationem aptis-
 simam addidit. *Fl. Iosephus* autem, quam posuit orationem,
 ea *Saliano* & *DelRio* frigida videtur. Nos nominatim, excu-
 sari non posse putamus, quod per totam orationem, sup-
 plicium mortis, nec pro Beniamine, sed pro omnibus fra-
 tribus deprecatur. quem metum bis jam demserat historia.
 Absurde igitur quodammodo auditur illud: *ira moderan-
 dum, ne dediti ad servitutem ultro occidantur.* Unde subfri-
 gide inducitur alterum σχῆμα: nisi pater, amisso Iosepho,
 quam esset miserum orbari filius, nobis demonstrasset, non tantope-
 re de salute nostra laborarem. Plane autem *σοφικὸν* videtur,
 quod in fine orationis positum est: se commorituros fratri,
 supplicio, nisi vitam impetrent ei & libertatem. id enim satius
 esse, quam si mœrore supplicii fraterni violentas ipsi sibi manus affe-
 rant. Ad agnitionem & latissimam catastrophē memora-
 bili transitu pervenit Philo, repetitis, quotquot Iosephus
 adhibuerat hætenus artibus, ut cognosceret, quo animo
 in Benjaminem fratrem uterinum essent reliqui, & an ma-
 ternum genus domestica invidia conflictaretur. In agni-
 tione ipsa, cum Iosephus propius accedere fratres iussit,
 non ea est causa, quam Philo affert: *ἵνα μὴδ' ἐν τύχῃς ἱτα-
 νοῦται*

καὶ οὐαὶ τις ἄλλος θυμῷ, sed familiaritas in amplexum mox invitaturi. Non enim adeo submissa voce hæc gesta esse, indicio est, quod flentem audivere Ægyptii. Orationem Josepho fratres alloquenti iterum meliorem *Philo*, quam *Fl. Iosephus* tribuit: neuter tamen majestatem Sanctissimi Codicis assecutus est. Minus atrocem interim, quam *Salianus* voluit, meretur censuram *Flavius*: nisi quis disputandi occasionem quærat in describenda divini numinis occupatione, optimum eventum ex pessimo facto elicientis. Finem agnitionis coronat *Philo*, virtutum Josephi laudatione, inducens fratres mirantes τὸ ἀμνησίκαιον, *placabilitatem animi*, & injuriarum oblivionem; τὸ φιλοίκειον, *cari- tatem in suos*; τὴν σύνεσιν, *prudentiam*, τὴν ὑπερβάλλουσαν μὲτ' αἰδοῦς καρτίαν, *singularem & mixtissimam pudore patientiam*. cujus argumenta afferebantur, quod injurias suorum, & calamitates suas nec in carcere, nec in dignatione, ad quam evehctus erat, ulla ex causa detexit. Laudandus est iterum imitator hujus loci *Isidorus Pelusiota*: ὃ τῆς (ἀρετῆς) Ep. IV, 78. καὶ ἐν ἀνάγκῃ ἐμπιστοῦσθαι διηγῆσθαι τὰ κατ' ἑαυτὸν, καὶ ἐν εὐδαιμονίᾳ τὴν ἀλήθειαν εἰπεῖν, ἵνα μὴ δόξῃ σέβανον σωφροσύνης ἑαυτῇ περὶδεῖναι. ubi præsertim etiam illecebras adulteræ, silentio deinde transmissas spectat. *Philo* autem pergit in virtutibus Josephi commemorare ἰσότητα *aquabilis animi moderationem*; σεξρότητα *in tractandis negotiis industriam*; τὸ ἀνέπιφαντον καὶ ἀτραγώδην, *quietam & a fastu ac ostentationis pompa remotam agendi consuetudinem*. Quæ læti insperato rei exitu & tot beneficiis fratres, inter gratulationes, demirabantur. Gaudium Regis & aulæ, ob nuntium de familia Josephi agnita, jucunde signat *Philo*, tantum fuisse inquiens, ἔπιπ' ἐνφύρῳσιν ἢ πιδίῳς, καὶ ἡ λιμὸς εἰς ἐνδμίαν μετίβαλε, *tantum si agri proventu exuberassent, famesque copia mutata esset*. Prolixæ voluntatis mandata & promissa, quibus Rex deducendæ in Ægyptum familiæ Josephi usus erat, festinantius attingit *Philo*, & subinde, præter Scripturæ S. mentem, puto, fingit metum Jacobi, de superstitionibus Ægyptiis, & periculo corruptionis Josepho filio, ætate florenti, proposito: ut rationem inveniret ejus, quod

Gen. 46. 3.

dixit DEus Jacobo : *ne time descendere in Ægyptum*. Ex quibus verbis , ut obortas in animo Patriarchæ varias curas , non absurde collegeris ; ita illuc potius te deduxerit ratio , ut credas Jacobum anxium fuisse de termino demigrationis ; qui Palæstinam sibi posterisque non Ægyptum promissam sciret. Jacobus in Ægyptum advectus , quomodo à Josepho filio , ipsoque Rege exceptus sit , quemque ad habitandum locum acceperit , paucissimis , velut in transcurso perstringit *Philo*. Ut & sequentia ; de quibus nihil aliud , quam *fidem & abstinentiam* Josephi prædicat ; qui cumularum opum tot occasionibus incorruptus , nihil in suam domum , omnia autem in ærarium regium intulerit , contentus liberalitate Regis sui. Tum paternam ejus benevolentiam ac providentiam , in sublevanda non Ægypti modo , sed reliquarum etiam terrarum fame , dilaudat : cujus pars in eo constituitur , quod septimo famis anno frumentum ad sementem diviserit. At in Scriptura sacra ardua explicatu pars describitur : de pecoribus & possessionibus agrisque Ægypti in Regiam ditionem reductis ; postquam pecunia ad emendum frumentum defecerat : tum , de tributo , quo quinta pars proventuum annuorum Regi vindicabatur. *Theodoretus* putat , *reddita esse pecora agrosque possessoribus* , vi hujus instituti de quintis partibus proventuum. *Ambrosius* : quomodo *servus* (Josephus) qui totam terram acquisivit , & universum populum Ægyptiorum in servitutem redegit ? Non ut conditionem servitii ignobilis irrogaret , sed ut tributum constitueret. Præter possessionem tamen sacerdotalem , quam à tributu immunem reservavit , ut apud Ægyptios quoque inviolabilis haberetur religio sacerdotalis. In qua immunitate sacerdotum præcipuam dubitationem tollit ipsa Scriptura , quæ non à Josephi benignitate in hoc profanarum religionum genus , sed à privilegio Regio , adeoque pristini moris necessitate rem arcessit. Unde *Theodoretus* de more Ægyptiorum : τοῦτον οἱ δυσσεβεῖς τῆς ἡμετέρας θείας ἀντιλήμω σέβας. nisi quis vocem Hebræam non de sacerdotibus , sed de præsidibus , & ministris Regiis velit accipere. Ceterum , quin agri Ægyptii ab hoc facto non fuerint possessorum

Q. in Gen.

107.

hb. 2. ep. 7.

v. Diodor.
Sicul. lib.
1. p. 66.

fessorum proprii, sed ad usumfructum à Rege concessi,
 etiam illud dubitationem eximit, quod pristinas sedes mu-
 tare jussi sunt incolæ. quæ demigratio de mutata con-
 ditione eos admonuit. Ex illa autem migratione, assi-
 gnatisque novis limitibus, sumta sunt, arbitror, illa Ar-
 rapani apud Eusebium: πρότερον ἀτάκτως τῶν αἰγυπτίων γεωμε-
 ρούντων, διὰ τὸ τὴν χώραν ἀδιαίρετον εἶναι, καὶ τῶν ἐλασσόνων
 ὑπὸ τῶν κρείσσονων ἀδικημάτων, τῶν τε πρώτων τὴν τε γῆν διελθεῖν καὶ
 ἕως διασημῆνασαι, καὶ τὴν πολλὴν χειρονομήσαν γεωργήσιμον ἀπο-
 τελέσαι. καὶ τινὰς τῶν ἀργῶν τοῖς ἱερεῦσιν ἀποκληρῶσαι. τῶν τε
 δὲ καὶ μέτρα ὑπεῖν. κτλ. Cum Ægyptii antea absque ordine agrum
 colerent possiderentque, eo quod regio parum distincta in partes es-
 set, & humiliores à potentioribus premerentur, hunc (Josephum)
 primum & terram divisisse, & limites designasse, atque in multis
 locis ab incultu & squalore ad culturam transfuisse: tum quadam
 arva sacerdotibus sorte attribuisse. Hunc & mensuras reperisse. &
 quæ sequuntur. Quin Ægyptiis Geometriæ inventio tribui-
 tur, ἐκ παλαιῶν ἔτι καὶ τῶν διῶν, ut est apud Iamblichum de vit. p. 119.
 Pythag. lib. 1. cap. 29. & Proclum in secundo ad Euclidem. Geo-
 metria, inquam, ἐκ τῆς τῶν χωρίων ἀναμείψεως λαβῶσα τὴν
 γέωσιν. Adduntur causæ limitum confusorum, ex Nili
 incrementis. Sed origo non sine ratione ad Josephi histo- lib. 1. p. 66.
 riam cum Artapano refertur potest. Diodorus Siculus terram Æ-
 gypti universam tribus partibus divisam fuisse refert; qua-
 rum una Regi, eis προσόδους, altera Sacerdotibus; tertia mili-
 tibus cedat. In quibus aliqua veræ antiquitatis vestigia
 agnoscas. Sed redeundum est ad Philonem, qui, post mor-
 tem Jacobi, fratres oratione Josephi egregia, de fida &
 sincera gratia certiores redditos commemorat: ipsumque
 Josephum mortuum laudatione brevi (ad finem enim
 omnia festinant) prosequitur; repetitis nominatim vir-
 tutibus, prudentia, quam perpetua in rebus inæqualibus & in-
 constantibus æqualitas, tum rerum dissociabilium contemperatio a-
 bunde ostendit; solertia & sagacitate, quam suada singularis, bo-
 nusque in re mala animus & sermo comitabatur; dignitate forma.
 quibus ille tum ingenii dotibus, tum animi artibus, ut in
 servitute liber, in calamitate felix, in honoribus summis
 carus

Gen. 47. 21.
 v. Fl. Joseph.
 2. 4. Pizp.
 Ev. lib. 9.
 c. 23.

A. E. ad an.
m. 2799.

§. 9. & seq.

Lib. II. ep.
49.

Lib. IV. ep.
78.

v. σάραπις.

Lud. Viv.

ad Augustin.

de C. D. 18.5.

Isidor. Pelus
IV, 78.

carus & venerandus esset omnibus, effecerat. Non est autem dubitandum, quin virtutes Josephi non singillatim modo expressas, sed facunde dilaudatas Philonis hic liber exhibuerit. ut non injuria mirari queas, quomodo à Saliano accusetur; quod omiserit continentiam, placabilitatem, pietatem in DEVM, caritatem in fratres, moderationem animi ac demissionem, patientiam, nam de prophetiae dono & similitudine cum Christo, non mirum est, si Judæus non satis perspicax fuit. quamquam prophetam satis signant illa. ὅς ἐχει πνεῦμα θεοῦ ἐν ἑαυτῷ. Et: εἰ γὰρ ἄνευ θεοῦ ταῦτα μοι ὑποδείξασθαι δοκεῖς. Laudationi Philonis adde Isidori Pelusiote Epistolas insignes: quarum una, quod omni virtute ornatus fuerit Josephus (ποία δ' ἀρετῇ ἐκ ἐσέφθη;) decurrens summatim τὰ τοῦ βίου, ostendit: altera, ὅπως ἡ ἀρετὴ ἀρχικόν ὄσι γρῆμα, καὶ ὁ ταύτης ἀσκητὴς ὡς δουλείαν ἀειπέσῃ, exemplo vitæ Josephi elegantissime demonstrat. Nam Ambrosii liber de Iosepho ἀλληγορίαν, & typum Christi unice spectat.

Historiam tanti viri in fabulam vertere, qui originis suæ contemptores & ignari, aure parum fida antiquitatis memorias hauserunt. Hinc Sarapidis aut Serapidis Dei Ægyptii vocabulo, bovis symbolo culti, Iosephum signari apud Suidam, & alios, traditur: & interpretatione diligenti ostenditur à Gerardo Ioanne Vossio, Theolog. Gentil. lib. 1. cap. 29. Nam Σάραπιν, περσικὸν χιτῶνα μεσόλιον apud Herodotum ad variam Iosephi tunicam comparare nolim.

Verum hæc hæcenus de Philonis Iosepho attigimus, μάλα χαίροντες τοῖς ἀπὸ τοῦ Ἰωσήφ διηγήμασιν. Longe equidem impari calamo (quid enim aliud quam signa quædam & notas attulimus?) sed devoto æternum tantis virtutum miraculis animo. Reges, Prophetas, Sacerdotes, expressis accuratissime figuris non parce sacra nobis pagina exhibet. Administri Regis, & curarum Regiarum adjutoris, incomparabile exemplum Iosephus proponitur, cuius historiam amare, meditari, ediscere, non nisi optimorum est: intelligere ac penitus introspicere, felicitum.

Ἀποκάλυψον τοὺς δεδαλμους μου. Κύριε, καὶ κατανοήσω
τὰ θαυμάσια ἐν τῷ νόμῳ σου.

XIII. IN

XIII.

AGESILAUS.

I.

AGESILAUM Regem consideraturus, primo expendam quomodo ad Regiam dignitatem pervenerit: *demde*, quomodo istud fastigium virtutibus condignis bellicæ ac pacis artibus ornaverit: *denique* quæ illum virtutis merces exceperit partim in vita, partim apud posteros.

2. De his antequam ordine aggrediar dicere, exponendum mihi est, *quales sint Spartani Reges, quidque à cæteris Regibus differant.* Nam Reges Spartanorum, ut diversum ab aliarum gentium Regibus nomen habuerunt, nominati *Ἀρχαγέτραι*, ita permulta alia quasi propria & peculiaria circa eos observata sunt. Quæ omnia prolixè perscribere tum modus scripturæ non patitur, tum quia alii hæc talia passim tradidere. Itaque de his; in quantum promisi, & modus scripturæ requirit; quam verissime potero, paucis absolvam.

3. Qui itaque rem penitus perpendet, inveniet Reges Lacedæmoniorum in multis differre ab aliarum gentium Regibus. Quippe quod *primò* notari debet, ad regnum, nonnisi certa conditione admittebantur. Regnum enim iis usque adeo proprium & quasi peculiare erat, ut genuini & veri prorsus Heraclidæ ad illud admitterentur. Unde si quis adulterina familia aut matre alienigena prognatus erat, non idoneus ad illud capeffendum existimatus est. Aliàs si tantum essent ab alterutra parte ejus prosapiæ, vel si spuria progeniei, non admittebantur, sed admissi potius removebantur. Lacedæmonii *e iam* externam corporis speciem in Rege eligendo considerabant. In primis autem observabant, *ne Rex esset Claudus.* Hujus rei rationem habebant Lacedæmonii, Oraculum de vitan-

do Rege Claudio : nam Claudum Regem exitio ipsi futurum , prædictum erat. Deinde proceritas in Rege requirebatur , haud dubiè quia illa regiam personam decoram redderet. Ob quam causam Archidamus , parva uxore ducta , pecunia multatus est.

4. Constat , Lacedæmoniorum Reges aliorum potestati subiectos fuisse. Licebat enim Ephoris Regem in vincula conjicere : ut ait *Thucyd. lib. 1.* Etiam *Corn. Nepos* ostendit Ephoros potestatem habuisse rerum maximarum , inquit : *Themistocles ad Ephoros Lacedæmoniorum accessit , penes quos summum imperium erat.* uti videre licet in *Themistocle 7, 2.* Deinde Reges singulis mensibus oportebat Ephoris sacramentum præstare , quo jurabant regnum se secundum leges administraturos. Vicissim autem Ephori juramento promittebant Regibus , se regnum iis hoc facientibus conservaturos. Tum ad omnium legum obedientiam educabantur , & quamvis aliis modis multa iis indulgerentur , tamen minor illis delinquendi potestas erat , quam cæteris Lacedæmoniis. Denique circa potestatem Regiam ea peculiariter Lacedæmonii observabant , quæ Reipublicæ ipsorum inprimis erant consentanea. Spartanorum enim Reges nec *παύσασις* seu plenam & liberrimam omnium rerum potestatem , nec quidvis faciendi arbitrium habebant. Potestas autem hæc fuit alia quidem domi . alia verò militiæ : hîc liberior & amplior , ibi angustior & in arctum quasi redacta. Ulteriusque potestatis officia peculiariora multis verbis *Nicolaus Cragius de Republ. Lacedam.* persequitur. Et hoc est etiam , quod *Cornelius Nepos 17, 2.* dicit : *Lacedæmoniorum Reges nomine magis tales fuisse quam imperio.*

5. Hanc autem potestatis Regiæ restrictionem & diminutionem usum magnum habuisse , cum multi alii , tum *Xenophon in Agesilao* testatur , ita scribens : neque civitatem unquam Regibus invidisse quod aliis anteponanur , eorumque imperium everisse : neque Reges plura , quam quibus conditionibus regnum adepti sunt , concupivisse. Itaque neque ullus alius unquam Principatus neque in populari , neque in paucorum ,
neq;

neque in tyrannico, neque in Regio dominatu firmior omnino inconcussusque perduravit, hoc vero solum imperium perpetuum permanet. Atque hæc sunt illa quæ hic notare visum mihi est, antequam ad rem ipsam me accingam.

CAPUT I.

Quomodo ad Regiam dignitatem pervenerit Agesilaus.

I. **A**gesilaus vir fortissimus, maximique consilii, ut ob Patriam ita ob generis claritudinem summis laudibus offerri meretur. Fuit enim Lacedæmone natus, urbe in Græcia imprimis florente. Hunc etiam ex bonis Parentibus bonum nasci natura voluit. Quippe Agesilai majores Heraclidatum stirpe orti tam nobiles, tam præclari illustresque fuisse, ut pro mortalibus gloria æterni facti sint. Hac autem familia non privata, sed Regia Agesilaus facile Princeps fuit. Siquidem adhuc juvenis summa & verissima laude afficiebatur.

2. Ostenso itaque genere Agesilai *jus successionis* declarabo. Hoc autem penes unum ex pluribus Regis defuncti liberis fuit. hoc enim regno maxime expedit. unde *Iustinus lib. 21. c. 1. num. 2.* inquit: *Firmius futurum esse Regnum, si penes unum remansisset, quam si portionibus inter filios divideretur.* Reliqui vero cujuscunque gradus cum civibus aliis pari jure vivebant. Quod ita interpretandum est, ut liberi primo loco fuerint, inter illos autem qui maximus natus, regni proximus, cæteri pro ætatis ratione primas in successione tenuerint. Quum autem liberi deficerent, fratres defuncti erant proximi, & quum hi quoque deessent, tum qui sanguine propior & successione ad regnum admittebatur. Hoc innuere voluit *Cornelius Nepos in Agesilao*, quum inquit: *primus in eo regno habebatur, qui maximus natus esset, ex liberis ejus qui regnans decessisset. Sin is virilem sexum non reliquisset, tum deligebatur qui proximus esset propinquitate.* Atque hunc successionis ordinem

Hh h 2

nihil

nihil impediēbat ætas ; sive puberes sive impuberes , sive etiam posthumi relicti fuissent , regni jure non excluderentur , quamvis ad legitimam eorum ætatem administratio esset penes tutores. Quod ita intelligendum est tam de nepotibus quam de filiis , ut apparet ex successione illa vicaria quæ per stirpes fit , vocaturque à recentioribus Jurisconsultis *representatio*. Quod exemplis multis illustrari posset , nisi properandum esset.

3. Atque adeo stabile hoc jus succedendi erat , ut etiam penes filios manserit , licet capitis supplicio affectis patribus , ut non obscure innuunt Archidami & Agesipolis exempla , de quibus *Pausanias* copiose egit.

4. His itaque bene cognitis , facile erit respondere ad hanc quæstionem , *An Agesilaus Leotychidi jure sit prælatum* ? Erat enim Agesilaus Agidis frater ; Leotychides vero filius Agidis. Mortuo igitur Rege Agide , ut Agesilaus ita Leotychides regnum affectabant. Facillimè itaque quis divinare poterit , quod Leotychides Agesilao jure successionis præferendus fuisset , siquidem filius Agidis erat.

5. Nihil autem impedit quod Agis Leotychidem vivens filium suum esse negabat : id enim mali genii impulsu ei in mentem venit. Pœnituitque Agis postea ejus , quod dixerat.

6. Neque refert quod Agesilaus à civitate Rex sit declaratus , ideo quod genere & virtute minus affinis esset reprehensioni aut criminationi quam Leotychides. Nam Lyfander homo factiosus & his temporibus potens Agesilao suffragabatur , hancque ob causam eum Regem civitas creavit , quod præclare demonstrat *Cornelius Nepos* , 17. 1. 5. ubi agit cur Agesilaus Leotychidi sit prælatum , inquiens : *Nam Lyfandro suffragante , homine (ut ostendimus supra) factioso , & his temporibus potente , Agesilaus antelatus est.*

7. Prætereo nunc Agesilaum claudum fuisse , ob quam causam nemo ad regnum admittebatur , ut supra declaratum fuit. Quod tamen Lyfander etiam aliter interpretatus est. Quicquid autem sit , si quis altius scrutaretur rerumpublicarum fata , divinæque providentiæ circa
circa

circa imperia curam , non dubitare poterit , bona quadam Reipubl. Spartanæ fortuna Agesilaum Regem factum : ad-
eo videtur illis temporibus non utilis modo sed necessarius
vir fuisse.

CAPUT II.

*De virtutibus Agesilai, quibusque pace
& bello Rempubl. meritis affecerit.*

1. **D**E virtutibus Agesilai acturo mihi non repetenda
arbitror , quæ toties alibi traduntur , vel de
fortitudinis laudibus & rationibus , quæ bello tuerur
patriam , vel de prudentiæ inventis ac dexteritate qua pa-
cis tempora ornantur : quippe utraque laude præcelluisse
Agesilaum , ex tota ejus historia satis constat. Potius i-
gitur & instituto meo convenientius fuerit , si præclara
ejus facta breviter percurramus eo ipso ordine , quem
Neporis narratio suppeditat : ita fiet ut virtutes factorum
magistræ & administræ veluti subtexantur & immiscean-
tur.

2. Occurrit ergo statim *expeditionis felicissima* in Asi-
am consilium & administratio. in qua explananda primò
considerandum venit, *ipsum consilium transferendi in hostilem
terram belli*. Postquam enim fama exierat, quod Artaxerxes
compararet classem pedestresq; exercitus quos in Græciam
mitteret , Agesilaus pollicitus est , si daretur ipsi exerci-
tus , se in Asiam trajecturum ; existimans satius esse in
Asia quàm in Græcia bellare : quamquam permulti eum
admirabantur , quod eligeret potius occurendo quam su-
stinendo hosti repugnare ; docuit tamen satius esse sum-
ptibus Regis quam Græcorum bellare. Quantum autem
interfit , utrum transferas bellum in hostilem terram ,
nec ne , periculo atque negotiis comperit victor terrarum
populus. Quis enim dubitat , quin si Romani Saguntinis
obsessis fidem eorum implorantibus impigre opem tulif-
sent , eos totum in Hispaniam bellum averfuros fuisse ,
Hhh 3 quod

quod cunctando cum summa clade in Italiam acceperunt. Tum experti enim sunt Romani, sibi foris quam domi feliciora, potentioraque arma esse. Siquidem quam diu in Italia Duces Romanorum cum Annibale pugnarunt, semper subacti sunt. Quum autem imitari cœperunt Annibalem, & Italiz suæ clades in Africam vindicare, tunc hostis fugit & cessit, præmiumque victoriæ Africa fuit.

3. Labet hoc aliorum exemplis illustrare. Ericus enim Rex Suecorum quum ab Haldano Herald Danorum Regis fratre in regno suo ad extrema redigeretur, Daniam invasit, quumque Heraldum tribus præliis vicisset, quartoque eum occidisset: Haldanum ad sua defendenda redire coëgit. Sic Agathocles Syracusarum tyrannus, quum victores Pœni Syracusas obsidione cinxissent, ille autem se neque viribus parem, neque ad obsidionem ferendam instructum videret, mira prorsus audacia, ut quibus in solo urbis suæ par non erat, eorum urbi bellum inferret, & qui sua tueri non poterat, impugnaret aliena; victusque victoribus insultaret; bellum in Africam transtulit. Quumque ibi hostium multa millia trucidasset, ab Carthaginiensibus, jam non tributariæ tantum urbes, verum etiam socii Reges, amicitiarum jura non fide, sed successu ponderantes, defecere. Agathocles igitur, tradito Archagatho filio exercitu, in Siciliam recurrens, Siciliæ urbibus, postquam illæ acceperant res ejus in Africa gestas, recuperatis, Pœnos à Sicilia pepulit, totiusque insulæ imperium occupavit. His cognitis, videmus Agesilaum Lacedæmoniis bene & utiliter suasisse hostem in sua terra debellandum esse.

4. Non autem sufficit, prius quam incipias consulere tantum, sed etiam ubi consulueris maturè facto opus est: utrumque enim per se indigens, alterum alterius auxilio eget. Unde etiam gravissimus ille philosophus *Aristoteles* dicebat: *celeriter deliberata peragenda sunt, deliberandum autem tarde.* Qua ratione etiam *Velleius M. Agrippam*, quod consultis facta conjunxerit, *κατακλιπίζει*.

5. Celeritatem autem in Duce quantivis pretii esse, satis

satis indicat *Curium*. 5, 5, 3. *nullam virtutem Regis Alexandri magis quam celeritatem laudaverim*. Pompeii celeritatem commendat *Florus* 3. 6. ubi de bello Piratico loquens, inquit: *quid prius in hac mirere victoria? Velocitatem, quod quadragesimo die paria est? an felicitatem, quod ne una quidem navis amissa est? an vero perpetuitatem, quod amplius pirata non fuerunt.*

6. Sic etiam prudentissimus Rex Agesilaus, postquam consilium dedisset transferendi in hostilem terram belli, accepissetque potestatem, hoc consilium ita celeriter ad effectum perduxit, ut prius in Asiam cum copiis pervenerit, quam Regii Satrapæ eum scirent profectum.

7. Ut vero Julius Cæsar charactere heroico designatur ob expeditam cogitandi agendique celeritatem: Sic etiam in Agesilai ingenio cœleste aliquid agnoscere quis potest. Julii quidem Cæsaris tanta ubique fuit industria atque conatus, ut quicquid sibi præstituisset, ut plurimum celeritate effectum daret: Agesilai vero celeritas non modo opinionem humanam ante eventum, sed & post eventum fidem antevenit.

8. Si quis itaque putat hunc vigorem celeritatemque heroicam Agesilai conjunctam esse cum impetu quodam, qui speciem audaciæ & temeritatis præferre videtur, non sine causa ita sentiet. quod etiam non parum difficultatis habet. Sed hunc impetum sæpe pendere ab altioribus causis, non debet negari: Hic enim potius de ingente fiducia sui, & majoribus, quam quos animus minor capit, motibus, quos vigor ille acriores, fortuna efficaciores tutioresque facit, cogitandum est. Certumque etiam est, non esse omnia heroum facta ad communem regulam exigenda.

9. Nunc consideranda est Agesilai *magnanimitas & fides* in servandis induciis. Postquam enim ille celeriter in Asiam transgressus, terminos regni Asiatici vastare tentasset, Tissaphernes Agesilaum ad liberandas Asiæ civitates, quæ Græcorum essent, adventasse percipiens, inducias ab Agesilao petivit, & promisit ei si illas impetraret, se daturum

rum operam, ut Lacedæmoniis cum Rege conveniret. Tum Agesilaus ad tres menses usque pacta jurejurando sancivit: Tissaphernes vero contra juravit fœdera sese sine dolo & bona fide ad definitum ab utrisque tempus observaturum, Cæterum Tissaphernes pro facienda pace ingentem exercitum à Rege accersivit, præter eum quem prius habebat. Atque ita multitudine fretus & animis ingentibus elatus bellum Agesilao indixit, nisi ex Asia abiret. Contra ea Agesilaus in fœderibus persistit, & injuriam hanc contempsit, adeoque magnum honorem consecutus est. Hoc enim modo Tissaphernem perjurum ostendens, omnibus invisum reddidit, gratias quoque Tissapherni egit, dum peierando Deos immortales sibi ipsi hostes reddidisset, Græcis autem socios effecisset.

10. Agesilaus etiam sanctissimè colendo fidem specimen quoddam pietatis & probitatis exhibuit. Siquidem spernens istam fraudem, qua usus est Tissaphernes violando fidem, conscientiam quietam habere maluit. Hujus pietatis efficaciam singularem fuisse, ex *Xenophontis Agesilao* discimus: siquidem illa effecit, ut Græci & Barbari si quid ipse vellet, audacter convenirent.

11. Cum itaque honos & utilitas exigat, ut fidem nulla fraude frangamus, quaeritur *num perfido sit servanda fides?* Fides etiam perfidis præstanda est, inquit *Ambros. 2. de Offic.* quod haud dubie etiam ad hostes perfidos porrigendum est, cujus illustre exemplum habemus in Agesilao, de quo modo dictum. Nam Barbarorum mos est perfidia perfidiam ulcisci qui mos auferendus est, & cogitandum potius, perjuris Deos hominesque infestos esse.

12. Quanquam duobus modis fieri potest, ut quis à perfidia vacet, nec tamen id faciat quod promissum est, *defectu sc. conditionis & per compensationem.* Quod compensationem attinet, alibi de illa prolixè tractatur, & hujus argumenti non est. Hic vero tantummodo disquiritur; *an Agesilaus obligatus fuerit, post defectum conditionis fidem præstare Tissapherni?* nam in contractu eorum quasi expressa fuit hæc conditio, *hoc ita faciam, si tu etiam facis, quæ promissisti.*

Respon.

Respondetur, quamvis eventus hic ostendit, hanc obligationem nullam fuisse, quia remota fuit conditio illa: tamen generosus Agefilai animus hoc loco indicatur, quod steterit foederibus etiam post aliquid injuriæ acceptum.

13. Sequitur *Ἀνομαλία* belli prudentissimo consilio ab Agefilao usurpata. Nam cum Tissaphernes putaret hostem, ob fraudem contra se iratum, in Cariam impetum facturum: tum quod ipsius plurima essent domicilia in ea regione, quæ & his temporibus ditissima censebatur; Agefilaus ideo in Phrygiam se convertit, eamque regionem prius depopulatus est, quam Tissaphernes usquam se moveret. Simile Strategema habemus in T. Didio, qui paucitati suorum diffidens, cum in adventum earum legionum, quas expectabat, traheret bellum, & occurrere eis hostem comperisset, concione advocata aptari jussit milites ad pugnam, ac de industria negligentius custodiri captivos: ex quibus pauci, qui profugerent, nuntiaverunt suis pugnam imminere. At illi, ne suspicione prælii deducerent vires, omiserunt occurrere eis, quibus insidiabantur: legiones tutissime, nullo excipiente, ad Didium pervenerunt. ut testatur *Frontin. stratag. l. 1. c. 8. exemp. 5.* & talia plura exempla passim inveniuntur. Ex his videmus Principem fraudem exercere posse erga hostes, si sc. illa sit sine scelere, & cum modo atque, ut testatur *Lipsius Polit. 5, 7.* Sic etiam Agefilaus Tissaphernem consilio vicit, cum se Sardes iturum dixisset: Tissaphernes Agefilaum propter superiorem fallaciam falsum pronunciare suspicans, Cariam defendit. At Agefilaus non mentitus est, sed quemadmodum prædixerat, statim Sardeis contendit, ibidemque magna præda potitus est. Idem indicat 17, 3, 4. inquiens: *Huic (Agefilao) cum tempus esset visum copias extrahere ex hibernaculis; vidit, si, quo esset iter facturum, palam pronunciasset, hostes non credituros, aliasque regiones occupaturos, nec dubitatueros aliud esse facturum ac pronunciasset. Itaque cum ille Sardis se iturum dixisset, Tissaphernes eandem Cariam defendendam putavit.*

14. Agefilaus etiam disciplinam militarem in exercendis & ornandis militibus diligenter observavit. Nam artifices civitatis in quam contraxerat exercitum suum, arma militaria con-

ficiebant : gymnasia tum temporis omnia , virorum sese exercitum , plena erant : cum exercitum exerceret , præmia proposuit illis , qui optime exercitati ad munera sibi accommodata viderentur. & hoc modo milites suos bonos reddidit. Hoc ita sese habere ex *Cornelio Nepote* probari potest. 17, 3, 2. & 3. Magna præda militibus locupletatis Ephesum hyematum exercitum reduxit , atque ibi officinis armorum institutis , magna industria bellum paravit : & quo studiosius armarentur insigniusque ornarentur , præmia proposuit quibus donarentur , quorum egregia in ea re fuisset industria. Fecit idem in exercitationum generibus , ut qui cæteris præstitissent , eos magnis afficeret muneribus. His igitur rebus effecit , ut *ornatissimum & exercitatissimum* haberet exercitum.

15. Hæc talia exercitia in unoquoque exercitu requiri ex proprio Scriptore militari *Fl. Vegetio* discere possumus. Nam sine disciplina quid est dilectus ? ille , saltem qui possint esse boni milites , invenit ; hæc , facit tales & servat. Unde *Vegetius* l. 3. c. 26. inter regulas belli generales ponit : *Paucos viros fortes natura procreat , bona institutione plures reddit industria.* Sic etiam Alexander , præmiis propositis suos excitavit , ne scilicet desides otio dimitterent animos. ut apud *Curtium* 5, 2. hoc prolixius describitur. His addi potest illustre exemplum *Iphicratis Atheniensis* , qui tantum consilio valuit , ut multa in re militari partim nova attulerit , partim meliora fecerit. Siquidem mutando illorum arma milites expeditiores reddidit. Imo tanta tamque præclara fuit hujus viri militaris industria in exercendis militibus , ut de eo *Cornel. Nepos* literis prodat , quod apud Corinthum tanta severitate exercitui præfuerit , ut nullæ unquam in Græcia neque exercitatiores copiae , neque magis dicto audientes fuerint duci : in eamque consuetudinem adduxerit , ut , cum prælii signum ab imperatore esset datum , sine Ducis opera sic ordinate consisterent , ut singuli à peritissimo imperatore dispositi viderentur.

16. Nec solertiam Agesilai in deligendis ad prælium locis hic silentio prætereundam esse existimo. Nam quod *Vegetius* lib. 3. cap. 9. monet , quod considerandus sit locus utrum inimicis , an tibi videatur accommodus : Agesilaus probe consider-

sideravit , itaque cum hostis equitatu , ipse autem pedite gauderet , loca elegit angusta & peditibus apta , ut illi locus sæpe amplius profuerit quam virtus. Hinc etiam *Cornel. Nepos* inquit : *Laco cum videret hostes equitatu superare , nunquam in campo sui fecit potestatem , & his locis manum conferuit quibus plus pedestres copiae valerent. Populit ergo quotiescunque congressus est , multo majores adversariorum copias , & sic in Asia versatus est , ut omnium opinione victor duceretur.*

17. Ab hac illustri expeditione Asiatica ad aliam militiam cum Agefilao transit *Nepos* : sed ita ut in hoc transitu præcipue miretur civilitatem & modestiam ejus. Etiam si enim victor esset & maximam haberet fiduciam regni Persarum potius , tamen maluit obedire magistratui , & quidem absenti. Causa cur dicto magistratus obediens fuerit ex superius dictis sumi potest. Nam Reges Spartanorum tenebantur Ephoris obedientiam præstare , idque ob juramentum , quo promittebant , Regnum se secundum leges administraturos : videmus itaque Agefilao Regem modestissimum huc respexisse. Unde *Corn. Nepos* hoc magnifice exprimit his verbis : *Agefilao cum victori exercitui præesset , opulentissimo regno præposuit bonam existimationem , multoque gloriosius duxit , si institutis Patriæ paruisset , quam si bello Asiam superasset.*

18. Hac occasione tractare licet de virtute boni civis quatenus civis est , cum primis in libera Republ. videlicet quod debeat presentem Reipub. statum amare. h. e. vitam , mores & omnes suas actiones accommodet legibus , & institutis suæ civitatis. In cujus laudis societatem cum Agefilao veniunt Miltiades , Iphicrates , alii que apud *Nepotem*. Illustrationis causa potest huc referri Pausaniæ incivilitas sive insolentia , per notas descripta Nepoti. Quomodo non mores Patrios solum , sed etiam cultum , vestitum mutaverit , apparatu Regio usus sit , veste Medica : satellites Medos & Ægyptios habuerit : epulatus sit more Persarum luxuriosius , quam qui aderant perpeti possent : aditum petentibus conveniendi non dederit : superbe responderit , & crudeliter imperaverit : Spartam redire noluerit : Golonas , qui locus in agro Troade est , se contulerit : ibique consilia cum Patriæ , tum sibi inimica cepit.

19. Sequitur ergo ipsa *expeditio adversus Athenienses & Bæotios*. ubi rursus Agesilaus laudandus est ob *celeritatem itineris*. Nam cum Hellespontum copias trajecisset, per easdem gentes iter fecit, per quas Rex Persarum cum innumerabili exercitu: quodque iter Tissapherni fuit annuum, hoc minus triginta diebus Agesilaus confecit. Et tanta celeritate usus, dum interim etiam hostes sibi obstitentes gravi prælio superasset; miraculo fuit. Hanc celeritatem Agesilai amplius commendare haud opus erit, tum quia alii illam perscribere; tum quia superius Agesilaus ob eandem virtutem, jam laudatus est.

20. Agesilai celeritatem excipit *felicitas ingentis duplicisque prælii*. Nam quum Athenienses & Bæotii eorumque socii negotium Agesilao præbituri essent, quo minus Lacedæmonii succurreret, eos Agesilaus apud Coroneam gravi prælio cecidit. Hoc præter *Xenophontem & Plutarch.* qui hanc rem cum circumstantiis narrant, breviter complexus est *Corn. Nepos* inquiens: *cum haud longe abesset (Agesilaus) à Peloponneso, obfistere ei conati sunt Athenienses & Bæotii, ceterique eorum socii, apud Coroneam: quos omnes gravi prælio vicit.*

21. Atheniensium & Bæotiorum ruina convolvit Corinthum. Ibi enim Agesilaus eadem felicitate usus, hostes suos cecidit fugavitque. Ex his itaque duobus præliis, Agesilaum, felicitatem Duce bono dignam habuisse, satis constat. Poterant plura hac de re adferri, sed pergendum est ad alia.

22. Sequitur Agesilai *Clementia & benignitas*. Quo igitur verius est rebus secundis etiam egregios Duces insolescere: eo magis Agesilaus laudandus est ob clementiam & benignitatem, qua usus est in victoria. Nam quamvis Agesilaus parta victoria vulneratus esset, tamen cum ipsi nuntiaretur, hostium fere octoginta cum primis in templum Minervæ, (quod non longe aberat à Coronea, ut testatur *Plutarchus in Agesilao*) confugisse, non fuit immemor Deorum Numinis, sed & ut eos quo vellent, abire sinerent, imperavit, & ne injuria afficerentur cavit. *Cornel. Nepos* verbis ad elogium compositis hæc exprimit: *Hujus victoria vel maxima fuit laus, quod cum plerique ex fuga se in templum Minerva*

CON-

conjecissent, quarereturq; ab eo quid his fieri vellet: etsi aliquot vulnera acceperat copralio, & iratus videbatur omnibus, qui adversus arma tulerant, tamen antetulit ira religionem, & eos vetuit violari. Sic etiam in altero bello clementiæ & benignitatis nominibus laudari potest: Nam adversariis intra mœnia compulsi, exulibus Corinthiis impellentibus eum ut urbem oppugnaret, non temere assensus est: Sed bona fide negavit id suæ virtuti convenire, nec voluit urbem oppugnare, cum diceret civitates Græciæ subigi & in servitutem redigi non oportere, sed castigari & ad officium redigi. Videndus est ipse Cornelius Nepos cap. 5. ubi propositi rationem reddens Agestilaus, si, inquit, eos extinguere voluerimus, qui nobiscum adversus Barbaros steterunt, nosmet ipsi nos expugnaverimus, illis quiescentibus, quo facto sine negotio, cum voluerint, nos oppriment. Potest hac occasione tractari quæstio de locis sacris & religiosis ab injuria hostili exceptis. qualis est hoc loco religio templi. Aliàs vastatorum templorum exempla multa inveniuntur; & Cato in oratione apud Sallustium referens quæ victis solent accidere, ponit, & Fana spoliari. Imo Judæis non permisit tantum sed & præcepit Deus Ter. Opt. Max. gentium simulacra abolere, ut legi potest Deut. 7, 5. Quin potius hæc facietis eis (gentibus) aras eorum subvertite, & confringite statuas, lucosq; succidite, & sculptilia comburite. Sed nimirum satis sciebant Hebræi, nihil boni in illis simulacris latere, sed impietatis profundissimæ instrumenta ea esse. Cæterum si quo in simulachro numen aliquod inesse credatur, id violari aut corrumpi nefas ab iis qui in ea persuasione conveniunt. Hinc etiam laude effertur Agestilaus, quod iræ religionem antetulit, & eos qui ex fuga se in templum Minervæ conjecissent, propter loci sanctitatem violari vetuerit: Neque hoc solum in Græcia fecit, ut templa Deorum sancta haberet: sed (ita pertexit Cornelius Nepos) etiam apud Barbaros summa religione omnia simulacra, arasq; conservavit. Itaque predicabat, mirari se, non sacrilegorum numero haberi, qui supplicibus eorum nocuissent: aut non gravioribus pœnis affici, qui religionem minuerent, quam qui fana spoliarent.

23. Post hæc Cornel. Nepos carptim agit & ex omni

historia Agesilai nobilissima quæque excerptit. Quale est primo *singulare specimen fortitudinis*, quæ defendit Patriam. Nam cum Epaminondas putaret Spartam muris carentem desertam esse à civibus, militibus in plures partes distributis, per omnes partes civitatis uno tempore impressionem fecit. Sed Agesilaus Epaminondæ consilio à transfugis cognito, via compendiaria Spartam cum suis copiis occurrit, & Epaminondam antevertit, & per vim urbe expulit. Unde à Cornelio Nepote magna laude afficitur, dicente: *Cum Epaminondas Spartam oppugnaret, essetque sine muris oppidum, talem se imperatorem præbuit, (Agesilaus) ut eo tempore omnibus apparuerit, nisi ille fuisset, Spartam futuram non fuisse.* Possent hîc illustrationis ergo exempla Cœclitis, Camilli, Mutij Scævola & aliorum adduci, nisi ad alia instituto nostro convenientiora nobis properandum esset.

24. Secundo, inventum Agesilai callidum seu celeriter repertum consilium considerandum est, quod salutis fuit Lacedæmoniiis. Nam cum quidam adolescentuli hostium adventu perterriti, ad Thebanos transfugere vellent, & collem quendam Dianæ Orthiæ sacrum non longe à Pitana occupassent; itaque in eos statim vellent Lacedæmonii impetum atque impressionem facere, Agesilaus ne quid rerum novarum molirentur, veritus, iussit eos quiescere; & quum perniciosissimum fore videret, si animadversum esset quenquam ad hostes transfugere conari, ad eos accedens, laudavit partim eorum consilium, quod eum locum occupassent, & se id quoque fieri debere, animadvertisse; adiunxitque, partim eos secus intellexisse quæ præcepisset & mandasset. Nam non in hunc locum iussisse eos convenire, neque omnes in eundem locum, sed alios illuc, alio loco demonstrato, alios in aliam regionem urbis. *Sic adolescentulos simulata laudatione recuperavit, & adiunctis de suis comitibus, locum tutum reliquit.* Namque illi aucto numero eorum qui expertes erant consilii, commovere se non sunt ausi, eoque libentius quod latere arbitrabantur, quæ cogitarent. ut Corn. Nepos indicat. Ex iis autem qui coitionem fecerant ad quindecim comprehensos noctu Agesilaus necavit. Huic celeriter reperto consilio proprie

præ comparari potest exemplum Tullii Hostilii. Nam cum ipsi Fidenate bello Albani mitterentur in auxilium ex fœdere, vidissetque eos inclinare ad hostem, tollit suorum animos, quasi ipse mandasset, & sic spem fecit suis, hostibus autem metum incussit; ruptore fœderis postea punito.

25. Tertio *liberalitas* Agesilai, qua patriam juvit, considerata occurrit. Nam cum præcipue Lacedæmonii indigerent pecunia, ille omnibus, qui à Rege defecerant, præsidio fuit: à quibus magna pecunia donatus, patriam sublevavit. Et *Xenophon in Agesilao* tradit, quod Autophradates qui Ariobarzanem socium Lacedæmoniorum in Asso circumsidebat, Agesilaum veritus aufugerit: & Cetus cum Segestum obsideret, quæ etiam tunc Ariobarzanis erat, obsidione soluta discesserit. Similiter Agesilaus cum ex Ægypto reverteretur, donatus à Rege Nectanabe ducentis viginti talentis, ea muneri populo suo dedit.

26. Succedit *modestia in Cultu*. Princeps enim Aristotelem Regi Alexandro M. scribentem audiat: πολὺ κάλλιον ἢ βασιλικώτερον, τὴν ψυχὴν ἔχειν εὐγνώμονουσαν, ἢ τὴν ἐξ τῆ σωματικῆ ὀρεγνύμεναισαν: multo pulchrius magisque regium, animum præferre cultum & compositum, quam corporis vestem. Agesilaum etiam hac virtute præditum fuisse inde constat, quod superatis feliciter multis præliis, fortuna usus valde prospera, nihil tamen de victu & cultu domum reversus immutavit, sicut præclare hoc indicat *Corn. Nepos* 17, 7. Eandem laudem habuit *Julius Agricola*, quem *Tacit.* 40. 4. ita describit: *Cultu modicus, sermone facilis; adeo ut plerique quibus magnos viros per ambitionem æstimare mos est, viso aspectoque Agricola, quærent famam, pauci interpretarentur.*

27. Huic modestiæ Agesilai confinis fuit frugalitas & parcimonia in victu & cura corporis. Nam testante *Nepote*, *Agesilaus* nihil de victu unquam mutavit. Domo eadem fuit contentus, qua *Eurysthenes*, progenitor majorum suorum fuerat usus: quam qui intrarat, nullum signum libidinis, nullum luxuria videre poterat: contra, plurima patientiæ atque abstinentiæ. Sic enim erat instructa, ut nulla in re differret à cuiusvis inopis atque privati. Hinc postquam ille in Ægyptum Thaco subsidio ivisset, celeriter munerata

nera ei cujuscunque generis sunt allata : Agesilaus vero præter vitulina , & hujusmodi genera obsonii , quæ præfens tempus desiderabat , nihil accepit , unguenta , coronas , secundamque mensam servis dispersit , cæteraque referri jussit. Huic Agesilai exemplo comparandum est proprie illud Carini Imperatoris , qui bellum Persis intulit &c. uti videre licet in *Lipfii politic. lib. 2. c. 15. n. 22. in notis.*

CAPUT III.

1. **V**irtutem Agesilai qualis pace belloque fuerit hætenus vidimus : nunc *quem ejus fructum exceperit* , breviter restat exponendum. Virtus enim multum contulit ad ipsius laudem. Siquidem Agesilaus in expeditione Asiatica maximam gloriam & auctoritatem adeptus est , idque ob virtutem. Simili modo in expeditione adversus Athenienses & Bæotios , maximum decus nactus est. Videmus autem omnes eos , qui nominis immortalitatem quæsierunt , non aliam quam virtutis viam judicasse convenientiorem aut feliciorem. Taceo nunc alias utilitates quæ virtutem sequuntur , præsertim si consideramus virtutem Principis ; nam si Princeps ea careat , tunc nulla firmitas status Reipublicæ esse , neque ipse amplius Princeps nominari potest , cum præcipua boni Principis laude destituatur.

2. Consecutus autem est Agesilaus tantis virtutibus , *Primo quidem amorem suorum* : quod pulcherrimum viro Principi est. Estque hic amor nihil aliud , quam *benevolentia subditorum in Regem ejusque statum.* in qua præcipuum regni robur est & pondus. Melius enim beneficiis imperium custoditur , quam armis. Imo bonus Princeps nihil magis optat , quam ut suos benevolentia regere possit. Sicuti è contra Tyrannus omnes vi regere mavult , & putat se eo munitiorem esse , quo illi quibus imperitat , nequiores sunt : unde fit ut sub eo quam quisque pessime fecit , tam maxime tutus sit. Longe aliter sensit Agesilaus noster : qui , quo quis melior erat , hoc jugi patientiorem esse putabat. unde etiam constat Agesilaum tantam benevolentiam consecutum fuisse , tam apud Græcos quam apud Barbaros , ut omnes , si ipse vellet , sese cum eo conjungerent.

3. *Secundo*

3. *Secundo, bonorem & admirationem* tum apud suos tum apud externos, qui honor proprie oritur ex virtute, & nihil aliud est quam *impressa subditis, sive & exteris, opinio reverens de rege ejusque statu.* Hæc regnum maxime firmat, ut ex *Curtio* discimus, qui dicit: *Majestatem Imperii, salutis esse tutelam.* Ubi enim illa majestas locum nullum habere potest, imperium ruat necesse est. Agestilaus autem ut ob virtutes eximie laudatur, ita etiam ob acquisitam sibi optimis facinoribus auctoritatem, non minus magno elogio efferendus est, Nam qui virtutem ejus noverant, non poterant eum satis admirari. Forte quis dicat, non posse Agestilaum laudari à majestate, quia naturam maleficam nactus sit in corpore; exiguus enim & claudus altero pede erat: quæ res etiam nonnullam attulit deformitatem, ut etiam ignoti faciem ejus, cum intuerentur, contempserint. Sed hæc non faciunt, quo minus in magnam admirationem veniat Agestilaus. Nam quamvis majestas Principis per externa etiam juvari potest, tamen proprie & præcipue à virtute est, imò hæc illam plerunque gignit.

4. *Tertiò, divitias & magnas opes.* In quocunque autem regno colitur virtus, illud floret & divitias magnas consequitur. Sicuti usu venit Romanis: quorum republ. labore atque justitia crevit, ab illis reges magni bello domiti; & nationes feræ, populique ingentes vi subacti sunt. Hoc modo Agestilaus Rempublicam suam, maximis muneribus à Regibus, & dynastis civitatibusque acceptis, juvit. Et apud *Xenophontem* legimus: Postquam Agestilaus cognovisset Regem Ægyptiorum Regi Persarum bellum illaturum esse, & magnum peditatum, magnumque equitatum habere, & pecunia abundare, libenter audivit cum ab eo accersitus esset, præsertim qui belli imperium sibi promitteret. Hæc satis innuunt verum esse, quod *virtus omnia in se habeat, & omnia adsint bona, quem penes est virtus*; ut apud *Plaut. Amph. act. 2. Scen. 2. v. 21.* egregiè dicitur. Hic etiam intelligere est, opes non per malas artes, sed per virtutem parari debere. Nam in quo regno spernitur virtus, & crescit pecunia & imperii cupido, in illo fortuna sævit & omnia miscet. Nam

hæc cupido quasi materies omnium malorum est. Quod hoc verum sit, populus Romanus periculo atque negotiis comperit. Nam postquam apud illum divitiarum honori esse cœpissent, & eas gloria, imperium, potentia secuta essent, & hebescere virtus, paupertas probro haberi, innocentia pro malevolentia duci cœpisset, fortuna cum moribus mutata est.

5. Sed illa, de quibus hæctenus dixi, viventi Agesilao contigerunt; longe autem major est & illustrior gloria, qua virtus Agesilai apud posteros usque ad hoc tempus colitur. Siquidem Xenophon Agesilaum testatur pro dignitate difficulter laudari posse, quum inquit: οἷδ' αὖ μὲν ὅτι τῷ Ἀγησίλαῳ ἀρετῆς πλὴν καὶ δόξης, ἐπεὶ ῥά διον ἄξιον ἱππέων γράψαι, ὅμως δ' ἐγχειρητίον, ἐπεὶ δὲ καλῶς ἔχει, εἰ ὅτι τελῶς ἀνὴρ ἀγαθὸς ἐγένετο, διὰ τούτων ἐδὲ μείζων αὖ τυχεῖται ἱππείων. Quamquam nescius certe non sum Agesilai tum virtutem, tum gloriam, non facile scribendo laudari pro dignitate posse, nihil tamen minus id mihi muneris aggrediendum existimavi. Non enim recte se res habeat, si quoniam ad summum vir probus fuerit, eo non nisi summis eum laudibus prosequi liceat. Et alibi dicit: ἔτα δὲ τελῶς ὁ ἀνὴρ τῇ πατρίδι ὠφελίμῳ ὧν διεγένετο, ὥς καὶ τελευτήσας ἦδη ἐπὶ μεγαλείῳ ὠφελῶν τὴν πόλιν εἰς τὴν αἰδίον εὐκλειαν καταγάγετο. Is adeo perfecte semper utilis Patria fuit, ut etiam postea quam e vita migravit, plurimum adhuc rempublicam juvans, ad illud æternum domicilium diverterit. Imò, tanquam ideam virtutum proponit hunc virum, dum inquit: εἰ δὲ καλὸν ἔνθημα ἀνθρώποις εἶναι καὶ κανὼν πρὸς τὸ ἀγαθὸν ἐργάζεσθαι, καλὸν αὖ μοι δοκεῖ εἶναι ἢ Ἀγησίλαῳ ἀρετὴ παράδειγμα γινώσκει τοῖς ἀνδραγαθίαν ἀσκήσιν βουλομένοις. τίς γὰρ αὖ ἢ διοσιβῆ μινύμενον, ἀνέστι, γίνετο; ἢ δίκαιον, ἀδικῶ σωφρονα, ὑβριστῆς; ἢ ἐγκρατῆς, ἀκρατής; καὶ γὰρ δὴ ἔχ' ἔτι πρὸς τὰ ἄλλα βασιλεύειν, ὥς ἐπὶ τῷ ἑαυτοῦ ἀρχεῖν ἐμγαλλίνετο; ἐδ' ἐπὶ τῷ πρὸς τοὺς πολέμους, ἀλλ' ἐπὶ τῷ πρὸς πᾶσαν ἀρετὴν ἡγεῖσθαι τοῖς πολίταις. Quod si trutina & norma pro invento utili mortalibus haberi debent, ad efficiunda praeclara opera; etiam mihi egregium exemplum Agesilai virtus esse videtur, iis qui fortitudinem exercere volunt. Nam quis impius fiat, si religiosum imitetur? quis injustus, si justum? quis peculans, si modestum? quis intemperans, si temperantem? Agesilaus enim non tam

eo quod aliorum Rex esset, quam quod imperare sibi posset, gloriabatur: neque tam quod adversus hostes, quam quod ad omnem virtutem civibus suis dux esset. Similia passim apud scriptores alios utriusque linguæ reperiuntur: quorum alii militarem ejus gloriam, alii civiles artes, alii summa in publicum merita, sublimi inter illustres viros loco exemploque proponunt ac deprædicant: tanto consensu concentuque id quidem, ut nulla tam negligens ætas, tam surda fuerit hæcenus aut futura sit posteritas, quæ non gloriam Agesilai æstimo suo ac veneratione prosequatur.

6. Hæcenus pertractavi, quomodo Agesilaus ad Regiam dignitatem pervenerit: deinde quomodo istud fastigium virtutibus condignis bellicæ ac pacis artibus ornaverit: denique quæ illum virtutis merces exceperit, partim in hac vita, partim apud posteros. Et hæc sunt ea quæ pro ingenii modulo publico examini subicere volui. Nunc hoc scriptum voto finio, ut Agesilai animum imitentur, quicunque publica gubernant, i. e. ut misereantur fortunam communis Patriæ, quæ jam pridem suis ipsa viribus oppugnatur & expugnatur, cogitentque illa multitudo, si concordia adesset, Germaniæ supplicium Turcas, vel alios hostes Christianorum, dare potuisse.



XIV.

EPAMINONDAS.

Ἐπαμεινώνδας.

EPAMINONDAM tibi proponimus, benevole Lector, virum pace bonum, bello fortem, ita ut incertum sit, vir melior an Dux fuerit (*Iustinus l. 6. c. 8. v. 4.*) CIVEM cui quod à fortuna negatum erat, virtus donavit: qui pauper à majoribus relictus optime educatus ad summa pervenit imperia; quem rei familiaris inopia non ad mala faci-

facinora, sed ad præclaræ virtutis famam accendit: sc. corpus non voluptatibus explevit, sed animo servire docuit: animum vero, qui rector humani generis, imperare iussit, ut ita frueretur anima, non vitam sicut peregrinans indoctus incultusque transiret, sed benefaciendo Reip. pace belloque clarus fieret, *Sallust. Cat. proem.*

Occasio suscepti operis.

Modus tractandi.

Objectionis præoccupatio.

Partes tractationis.

2. In hujus viri gestis quum versaremur, hortatu Domini *Prasidis*, non alienum videbatur, addere lectioni meditationem, & utrique scriptionem; atque ea quæ *Cornelius Nepos* de vita Epaminondæ posteritati tradidit, paullo fusius exsequi. Qua in parte contenti erimus qualicunque explanatione; ea enim verborum festivitate aut rerum dignitate, qua par esset, tantum virum describere, nec vires quæ longè sunt inferiores, aut ingenii imbecillitas permittit, nec ætas immatura tantis rebus sufficit.

3. Nec obstat, quod videntur hæ partes jam à nonnullis commilitonibus præoccupatæ: quorum alius *Themistoclem*, alius *Agésilauum*, ne de cæteris nunc dicam, considerandum suscepit; quid enim supererit, inquis, de virtutibus artibusque illustrium virorum, quod in eorum vitam non cadat? Opponimus hic primo exemplum ipsius *Cornelii Nepotis*, qui non omisit plures similibus artibus viros exponere, adeoque quamvis jam satis rationis sit in ipso auctore, tamen quum ratio quemlibet magnum Authorem faciat (sicut *Vellejus* de alia re l. 2. c. 32. v. 6. loquitur) addimus secundo tractandi diversitatem: juvat enim exercitii gratia, quæ re ipsa conveniunt, diversa ratione proponere; cui accedunt denique multa peculiaria, quæ vita Epaminondæ, sicut est à *Cornel. Nep.* exposita, in plerisque habet: ne dicam nunc de aliis, quibus institutum hoc nostrum firmatur, quia sc. variis artibus illustres viri ad Imperii dignitates perveniunt, Remp. gubernant, quæ ut in singulis sunt diversæ, ita omnes non immerito observare licet.

4. Sequemur autem in nostra tractatione *Nepotis* historiam quasi κατὰ πρόφα, cujus hanc dispositionem fecit, ut diceret primo de genere, deinde quibus disciplinis & à quibus sit eruditus: tum de moribus ingeniique facultatibus, & si qua alia digna memo-

memoria erant : postremo de rebus gestis , quæ plurimis omnium anteponuntur virtutibus.

P A R S I.

DE GENERE EPAM.

1. **Q**uod igitur felix faustumque DEUS ter optimus esse velit, accedimus ad ipsam tractationem, initium facientes à Genere Epaminondæ, quod brevissimè exequitur Nepos, annotans honestatem ejus & paupertatem (c. I. v. I. c. 2. v. 1.) Fuit enim honesto genere, patre sc. Polymno, seu ut Æliano placuit (var. hist. l. II. c. 9.) Polymnide natus, sed pauper à majoribus relictus : cujus rei testimonium est, quod & parcissimè cibum sumserit, tenuiter vixerit (Plutarch. in lib. de doctr. princ.) & vestium splendore caruerit (Plutarch. in Pelop.) Unam enim solum habebat vestem Epaminondas, sordidam, quam si misisset ad fullonem, ipse se domi continere ob indigentiam alterius cogeatur, memorante Æliano l. 5. c. 5.) his accedit, quod supellectile tenui usus fuerit, sicut Iul. Front. in stratag. refert, & quod tradente Iustino (6, 8, 6.) sumtus funeri defuerint.

Genus Epam. describitur. Honestas & Paupertas annotatur.

2. His tenuibus initiis tamen ad summa imperia pervenit Noster, ut merito cui dubium videri possit; *Vtrum Paupertas plus profit an obstat ad magna nitentibus?* videtur sane posterius affirmare Poëta (Horat. l. 2. Sat. 5.) dicens:

Quæstio an Paupertas plus profit an obstat ad magna nitentibus?

Et genus & virtus nisi cum re vilior alga est.

Verum enim vero quantum à veritatis semita abeant, qui ita sentiunt, facile ex seqq. apparebit. Quamvis enim se tueantur illo quod Iuvenalis canit Sat. 3.

Haud facile emergunt, quorum virtutibus obstat

Res angusta domi ---

Tamen rarum hoc est, & potius ipsorum hominum culpa. nam virtus qua sola quis inter illustres viros eminet, nemini præclusa est, omnibus patet, nec quenquam dedignatur, qui se modo illa dignum judicaverit. (Seneca Consol. ad Polyb. 6, 36.) hæc est quæ omnia cætera bona in se continet. Quod

Kkk 3

tamen

tamen ita extendendum est, ut non negetur illud alterum, facilius ad dignitates pervenire, qui præter virtutem opibus sunt instructi, & sæpe claros viros inopiâ rei familiaris latuisse (*Plutarch. in lib. an ben. l. v.*)

3. Ut propterea & illi errent, qui paupertatem non obesse, sed prodesse judicant. Videntur hujus erroris patrocinium suscepisse olim *Stoici*, qui sicut in plerisque, ita præcipuè hic humanas actiones strictius judicabant, ita ut non restringerent ad hujus vitæ imperfectionem, sed quod perfectissimo Deo cernitur id ab homine requirebant (*vid. Horn. Etb. 1, 8, 12.*) qua in re ulterius progrediuntur, quam humanæ vitæ conditio permittit. homines enim sine externis fortunæ bonis nec vivere, nec benè beateque vitam agere possunt; paupertas ergo ad magna nitentibus prodesse dici nequit, nisi improprie & *καταχρηστικῶς* loqui velimus, sc. paupertate viros bonos ad præclarè gerenda sæpe tanquam stimulis uti.

4. Verum enim vero tutius nobiscum agere videntur, qui mediam ingrediuntur viam, adeoque paupertatem nec obesse nec prodesse simpliciter judicant ad magna nitentibus: periculosum enim est, id quod virtus sibi proprium vendicat, in fortunæ bonis collocare: ne nunc addam pauperes paupertate sua ut ad bona ita ad mala facinora abuti posse. Exemplum ejus rei suppeditat *Sallustius in Cat.* Catilinam enim & cæteros sceleratos inopia rei familiaris ad maxima & inaudita flagitia accendit. Sed satis de his: pergitur ad *Educationem & institutionem*, cui plurimum tribuendum est.

P A R S II.

DE EDUCATIONE ET Institutione Epamin.

Sequitur Edu. I.
cario, ejusque
partes.

DIximus in prioribus de genere Epaminondæ, sequitur nunc ut *Educationem* ejus investigemus: quod facillimè fiet, si attenderimus, primo quibus in rebus Epaminondas

nondas sit institutus, dein à quibus Magistris. pertinent autem ea quæ didicit Epaminondas, partim ad animi curam, partim ad corporis elegantiam & agilitatem. quidni enim actiones hominum ita distinguere liceret, quum ipse homo vel anima fruatur, vel corpus excolat. notante Sallust. Cat. in præm.

2. Ad exteriora illa pertinet Musicæ disciplina qua ci-
tharizare, cantare ad chordarum sonum, carmina cantare tibiis, saltare dactylus est: quibus postea accessit studium palaestra, cursus, lucta, cum similibus.

externæ & corporis disciplinae explicatur.

Verum priusquam ad singula pedem promoveamus, præcipiendum præmonendumve videtur, si forsan quis hæc Exercitia viro principe aut ad alta destinato indigna judicet; ei, inquam, præcipiendum est, primo quidem alia ab aliis recipi, nec iisdem morum institutis homines uti (1, 51, 1.) dein quum non eadem omnibus sint honesta atque turpia, non licere alienos mores ad suos referre, sed omnia majorum institutis judicari (Nepos in præfat.) ne nunc addam, quod hæc Exercitia non à viris, sed à pueris, quorum ætas ad graviora & seria nondum sufficit, plerumque addiscantur.

Quæstio an hæc Exercitia viro principe digna sint? solvitur.

3. Verum ut res clarius fiat, de singulis ordine aliquid dicemus, initium facientes à Musica; ubi primo non ignorandum est, quid veteres Philosophi senserint de Musica; dein quem ei usum tribuerint in Rep. Hic, quantum ex Aristotele liquet, reperimus Musicam didicisse veteres ut Disciplinam quandam liberalem atque honestam. Natura enim quia non solum in negotio, verum etiam in otio laudabiliter versari posse quærit, merito in musicis erudiuntur Juvenes, utpote quorum animus nondum ad graviora & seria aptus, Musicæ jucunditate indies ad altiora firmatur, ut tandem cum felici quadam voluptate utilitas asseratur Reipubl. quemadmodum ait Plato l. 7. de leg. Is enim qui in eo vita instituto est educatus, perspicacissimè persentit, quæ vel desiderantur vel non rectè sunt effecta, atque optimo judicio res non rectè factas condemnat, præclare vero constitutas commendat, & iis delectatur, atque animo complectitur, ut hoc pacto educatus in bonum virum evadat. Hæc Plato.

Veterum de Musica sententia proponitur.

4. Cujus verba cum grano salis accipienda sunt, quatenus

Ufus.

nus scilicet Musica *primo* quidem affectus mutat, quod ostendit cantus Olympi apud Platonem; *dein* iracundos reprimat, ac mente motos corrigit, cujus illustre exemplum habemus in sacris (vid. *Piccarti Comment. in Aristot. pol. l. 8.*) Regis Saulis, qui furore correptus ludente Davide cithara, desinebat insanire; *tandem* quoque quia Musica docet rectè latari, amare cum oportet aut odisse, & in omnibus affectibus modum servare, qui sc. ad virtutem pertinent; nihil est quod prohibeat, quo minus Musica dicatur formare mores hominum. *denique* huc omnis summa redit, ut auditis in Musica variis variorum morum simulachris, sc. amoris, odii, fortitudinis, temperantiæ, contrariorumque vitiorum; accedente honesta disciplina, & probis philosophorum præceptis, (non enim hæc excluduntur) affectus illi moderatè usurpentur: quod præclare ostendit *Aristoteles* (8. *polit. 5.*) Superest ut attingamus breviter, quod Musica conferat etiam ad vitam beatam: quum enim Musica delectet & voluptate afficiat audientes, non negandum erit, eandem conducere ad vitam beatam, utpote quæ honestate & voluptate constat (*idem ibid.*)

Abusus.

5. Diximus quem usum attribuerint philosophi Musicæ; nunc breviter monebimus de *abuso*. Rarissime enim, imò, si verum fateri volumus, nunquam laudantur à gravioribus Politicis, qui inhærent talibus studiis (vid. *Piccart. l. c.*) Exemplum sit Nero; huic quid aliud quam contemptum peperit nimius Musicæ amor? (vid. *Suet. in vit. c. 20.*) hic quum bonus Citharædus quam bonus Imperator haberi mallet, effecit; ut populus latari videretur per injuriam publici flagitii, sicut loquitur Tacitus 16. A. 4. Considerare potius debent hi tales, quod Trebellius Pollio monet, aliud in Imperatore, aliud in bono Cive, aliud in Musico flagitari. & Pedonis illud:

Non eadem vulgusque decent & culmina rerum.

Saltatio distinguatur.

6. Absolvimus quid sentiendum sit de Musica; pergitur nunc ad *Saltationem*, quam Musicæ conjunxit Epaminondas. ubi tenendum, quid saltationis nomine intelligatur, & quem usum habeat. Veteres enim ut varios habebant saltationis fines, ita variè distinguebant; sicut apparet

ex

ex Platonis lib. 7. de legibus & Mercurial. l. 2. de re gymnast. 3. Nos quia res facit ad institutum, distinctè agemus, saltationis genus ambiguum à non ambiguo separantes. Est enim genus quoddam saltationis, quo Bacchus & ejus socii utuntur, homine sobrio indignum. de hoc Cicero intelligi vult, quando dicit (in orat. pro Planc.) neminem saltare sobrium, nisi forè insaniat, & in solitudine, nec in convivio honesto aut moderato. quam saltationem & nos h. l. rejicimus. Melior erat alia, quam Plato commendat l. 7. de legib. *ὑμνασίαν* nomine, scilicet decentior motus honestis animis, pulchrisque corporibus dignus, quo generosi juvenes se exercebant vel in rebus bellicis & violentis laboribus; ita ut repræsentarent conflictus & prælia, quo scil. modo olim Lacones à Pyrrhicho edocti saltabant, ut imitarentur corporum flexus, quibus tela plagæque evitabantur; declinando, cedendo, in altum exiliendo, humi se demittendo: contrarios item gestus, quibus videlicet adversus alios aliquid infertur, sagittando, jaculando, ictus inferendo & quæ sunt similia (sicut eleganter saltationem hanc Pyrrhichicam describit Plato l. 6.) vel etiam quum saltando exercebantur rebus letis & secundis, quæ saltatio appellabatur *ὑπνική* s. *pacifica*.

ejusdem due species proponuntur.

7. Atque talis saltationis *Usus* commendatur à Veteribus. nam quia animus hominum minimè potest esse vacuus, tales in Republica commendabantur exercitationes, quæ præterquam quod loca otiosis & perniciosis cogitationibus nimium patentia supplere possunt, efficiunt etiam corpus ipsum ad labores sustinendos confirmatius & exercitatus. vid. Jacobi Regis Angl. *Discip. Græc.* 3. Quanti Plato pyrrhichicam saltationem fecerit, ostendit, quum in Republica sua Magistros haberi voluit, qui viros simul ac mulieres edocerent Pyrrhichas, arbitratus enim est, (quod dicit Hieron. Mercurial. 2. c. 3.) hac una non parum adjumenti accessurum ad adipiscendam militarem perisiam. hinc etiam Quintil. 1. Inst. orat. 2. testatur, hanc exercitationem Lacedæmoniis ad bella utilem fuisse. De sequioris ætatis saltationibus nihil attinet hoc loco dicere: quippe quum hic saltationes non aliter attendamus, quam quatenus exercitationi juveniliū annorum viriumque serviunt: quatenus autem sunt instrumenta lætitiæ, alterius *πραγματίας* desiderant.

Usus declaratur.

Gymnastico-
rum Exerci-
tiorum pro-
ponitur Sco-
pus & Utili-
tas.

8. Diximus hætenus paulo fufius de disciplinis quibus se exercuit Epaminondas in teneriori ætate, nunc eodem instituto absolvemus illas, quibus operam dedit, postquam Ephebus factus est: ubi veterum institutum notandum est de *Gymnasticis exercitiis*, (qualia sunt Lucta, pugilatus, saltus, discus, jaculatus, & cursus) de quibus singulis eorumque agendorum ratione, dicere & repetere, quæ clarissimè proposita sunt ab *Hieron. Mercuriali*, superfedemus. Sufficiat hoc loco indicasse quædam de *Scopo & Vsu harum exercitationum*, quem deducimus ex ipso Authore, ubi *Corn. Nepos* Epaminondæ institutum commendat, quia non quæ ad *Arbletarum*, sed quæ ad *belli usum pertinebant, sectatus est*, adeoque exercitium hoc gymasticum non ad jucunditatem solum, sed utilitatem direxit, nec palæstræ, sed Reipubl. usibus accommodavit. Veteres enim præter alios animi corporisve usus inprimis id spectabant, qua ratione belli peritiam acquirerent, corpusque exercitatum redderent, nec solum propter agilitatem corporis, quod plerique hodie faciunt: sed potius ut honesti & generosi animi discant in otio, quod proficiat in bello: multum enim hoc ad animi magnitudinem proficit. id quod apparuit exemplo Thebanorum, qui hortatu Epaminondæ, cum Lacedæmoniis in Gymnasis luctantes fecerunt, ut Lacedæmonios quos facilè percellebant, contemnere discerent, & tanquam fortiores fiduciaque pleni bellum inferrent. *Polyen. l. 2. Stratag.*

Digressio,
qua Exerci-
tiorum cor-
poris explica-
tur 1. Dele-
ctus.

9. Egredienda hic est propositi operis formæ, & breviter dicendum, quod veterum aliorumque magnorum viro-
rum judicium sit, de corporis exercitiis: quibus honestior as-
suescere solet Juventus. ubi primo certum exercitiorum Dele-
ctum facimus. Nam, quod ex *Platonis l. 7. de Legibus* apparet, Ve-
teres universos corporis motus ita distribuerunt, ut alii decentioribus par-
tibus corporis honestum dignumque aliquid repræsentarent, alii ad vile
quidpiam imitandum deducerent. hinc *Iacobus Rex Angliæ in Sôpp
Casu. l. 3.* scribit: Nihil in Principe majorem laudem & commen-
dationem habet, quam corporis exercitatio, in hujusmodi nimirum ludis
jocisque quibus corporis vires adaugentur, sanitas conservatur. Sunt e-
nim certamina quædam rigida nimis & violenta, quæ non ad
confirmanda sed debilitanda potius hominum membra sunt
accom-

accommodata, quæ hic parum attenduntur. Ex his apparet non omnis generis exercitia commendari, sed ea quæ præter jucunditatem admixtam habent utilitatem, adeoque cum summo bono totiusque vitæ proposito consentiunt, qualia scilicet modo in Epaminonda commendavimus.

10. Huc accedit *Secundo loco, Scopus & Consilium* harum ^{1. Scopus & Consilium.} exercitationum. Quum enim omnes actiones nostræ certum finem propositum habeant, non immerito veteres etiam in ludicris serium aliquid & utile proponebant. Verumenimverò ut penitus intelligatur, omissis secundariis, qui accedunt finibus, dicemus hic tantum de duobus illis primariis, quorum meminit doctissimus *Mercurialis. 1. de re gymn. 13.* Vera enim gymnastica id curat, ut homines exercitationum moderatarum ope & sanitatem acquirant tueanturque; & bonum habitum adipiscantur. præterquam enim quod corporis exercitia voluptatem præ se ferunt, animumque à seriis negotiis vacantem recreant; secundum tritum illud,

*Interpone tuis interdum gaudia curis,
Ut possis animo quemvis sufferre laborem.*

plurimum etiam ad sanitatem conferunt, eam conservant, amissam recuperant: sicut id præclare ostendit *Mercur. lib. 5.*

11. Verumenimverò frustra *Plato* tantopere commendasset in Republica sua corporis exercitia, nisi publica accederet utilitas, & dum unicuique multum proderet, Reipubl. maxime conducere. decrevit hic in *l. 7. de leg. publicos habendos esse magistros, qui gymnasticam pueros puellasque & virgines edocerent.* rationem annectit, quia ad assequendam militarem peritiam nil melius *palestrica & saltatoria gymnastica* partibus invenitur. quibus addi possunt, quæ habet *idem l. 3. de rep.* Eadem ex ratione rejecit *Aristoteles* eas exercitationes, quæ corpora Juvenum deformant: æstimavit enim acutus Philosophus prorsumque Reipublicæ deditus, mitioribus laboribus & mansuetis potius *exercitationibus* juvenes robustos & in bellicis negotiis veri fortes reddendos esse. cui assentit ex Latinis *Vegetius*; qui quantopere conferret *Gymnastica militiæ*, in libris suis *de re militari* abunde declaravit.

hinc *Trajanus* certamina varia spectavit & moderatus est (*Plin. paneg. c. 13.*) & *Rex Theodoricus* (*apud Cassiod. lib. 1. Epist. 40.*) inquit, *Ars bellandi si non praluditur, cum necessaria fuerit, non habetur: & animos subito ad arma non erigunt, nisi qui se ad ipsa idoneos premissa exercitatione confidunt.* Non ignoravit hoc *Seneca* *Epist. 18.* ubi monet, *quem in ipsa re trepidare nolueris, ante rem exerceas oportet.* Apparet ergò *Gymnasticam* apud græcas & latinas nationes in pretio habitam fuisse, quod *Vegetius* testatur *lib. 3. præf.* nec *Athenienses* solum habuisse *τακτικὸς* & armorum exercitiis operam dedisse. *vid. Lips. l. 5. de re mil. Rom. dial. 14.*

3. Tempus.

12. Superest ut dicamus aliquid de tempore horum exercitiorum: ubi antequam ulterius progrediamur, pauca repetenda sunt, quæ de tempore exercitiorum monuit *Mercurial. 4. 11.* Veteres enim ad exercitia eligebant tempus serenum atque lucidum; fugiebant verò nubilum & crassum; ita ut sese exerceant magis æstate quam hieme, potius diebus serenis quam nebulosis: & quæ sunt alia hujus observationis similia. Verùm quum hæc uniuscujusque conditioni & vitæ instituto accommodanda sint, relinquimus: id tantum hoc loco monentes, quia à natura generati sumus non ad ludum & otium, sed ad severitatem potius & ad quæcunque studia graviora & majora; ne nimium tribuamus his exercitationibus, sed tantum sicut somno & cæteris quietibus utamur tum, quum gravioribus seriisque rebus satisfecerimus. quod *Jacobus Rex Angl.* filio suo commendat. variis enim exercitationum generibus laudatis, tandem hanc cautionem addit, *id semper religiose observandum esse, ut nullum officii faciendi tempus prætermittatur, & ita hæc exercitia usurpentur, quod ait Arist. 10. Ethic. ut promptius & paratius ad officium faciendum accedatur, nec ad otium & Reipubl. detrimentum.* Hæc hætenus in genere de corporum exercitiis proponere placuit: nunc ad propositum redeo.

Studia Epaminondæ philosophiæ vocabulo explicantur.

13. Expōitis hætenus exterioribus disciplinis, quibus corpus exerceat, accedimus nunc ad cæteras quibus animum excoluit Epaminondas. Complectitur eas *Nepos (c. 2. v. 2.) Philosophiæ* vocabulo, hinc *Iustinus 6, 8, 9.* ait, *Epaminondæ literarum studium & philosophiæ doctrinam tantam fuisse, ut mirabile videretur, unde tam insignis militia scientia homini inter literas nato. &*

Plu-

Plutarch. in Pelopida dicit, audienda philosophia clarum evasisse Epaminondas; quo vocabulo omnes philosophiæ partes comprehendebant veteres. Epaminondas enim & disciplinis theoreticis operam dedit, & moralem philosophiam ad vitæ institutum accommodavit; ita tamen ut inprimis operam daret studio *Politices & Eloquentiæ*. prioris sufficiens testimonium est, quod *Nepos* meminit (c. 3. v. 3.) cum in circulum venisset Epaminondas, in quo aut de *REPUBLICA* disputaretur, aut de *PHILOSOPHIA* sermo haberetur, nunquam inde prius discessit, quam ad finem sermo esset deductus. Eloquentiam verò testatur c. 5. v. 1. his verbis: fuit & *DISERTVS*, ut nemo Thebanus ei par esset *ELOQVENTIA*, neque minus concinnus in brevitate respondendi, quam perpetua oratione ornatus.

14. Ac de *Politices* quidem studio non opus est, ut hic seorsim dicatur; tam enim arctè eo tempore cum studio Eloquentiæ cohærebat, ut omnis institutio Eloquentiæ referretur ad argumenta civilia & rerum usum. nec sane (si verum amamus) aliter se res habet: hinc *Rhetores* seu, ut appellabantur alias, *Sophistæ*, variis de rebus olim declamantes, inprimis se exercebant in panegyricis, ubi dominabatur Eloquentia; & talibus orationibus, quæ ad usum communis vitæ institutæ rerumque actum accommodatæ erant. vid. *Cresollii Theatr. Rhet.* 3, 6. & seq. *Sueton. lib. de illust. Rhet. cap. 1.* hinc etiam istæ in circulis habitæ dissertationes, quarum meminit (c. 3. v. 3.) pleræque talibus argumentis erant destinatæ, ubi partim disertorum hominum ubertas elegantiaque se prodere, & simul ingenium de rebus pragmaticis accuratè judicandis ostentari posset. Breviter id tantum hic addimus, plerosque omnes viros civiles Eloquentiæ sedulam dedisse operam. *Iulius Cæsar* ut ipse Eloquentia præstantissimorum gloriam æquavit, ita *Octavianum Augustum* ad erudiendam liberalibus disciplinis singularem indolem juvenis *Apolloniam* misit. (Vell. 2, 94, 4.) Eodem modo *Antoninus Pius* Eloquentiæ studio se dedit, referente *Capitolino* in ejus vita. videbant enim viri prudentes usum ejus latè patere, tam in audiendis lectionibus, quam in consiliis aut publicis alloquiis. confer *Lipsium* in not. ad lib. 1. pol. cap. 10. v. 17.

Explicatis studiis & disciplinis variis quibus animum imbuunt Epam. sequitur à quibus didicent.

15. Vidimus hucusque quid didicerit Epaminondas,

LII 3

sed

sed non minus considerari dignum est, à quibus didicerit. varios enim variatum artium habuit magistros, & quicumque in aliqua disciplina excellebat, cum cæteris anteferebat: Citharizare & cantare doctus est à Dionysio, cantare tibiis ab Olympiodoro, saltare à Calliphrone: ac philosophia præceptorem habuit Lysim Tarentinum. Fuere hi, sicut dictum est, præstantissimi & cujusque artis excellentissimi viri. minimè enim fugerat Epaminondam plurimum interesse à præstantissimis cujusque disciplinæ vitis erudiri; utpote quod non tantum ad virtutem, sed etiam ad prudentiam plurimum confert. quum enim sint optimi illi quibuscum ita versamur & consuescimus, sit ut pro exemplo hos nobis proponamus, & optimè morati reddamur. quod eleganter ostendit Theophr. in proœm. Charact. Sed non minus etiam confert ad prudentiam, quod de se ipse Cicero fatetur (Lal. cap. 1.) Ego, inquit, à patre ita eram deductus ad Scævolam sum: à virili toga, ut quoad possem & liceret, à senis latere nunquam discederem. itaque multa ab eo prudenter disputata, multa etiam breviter & commode dicta memoria mandabam, fierique studebam ejus prudentia doctior (adde Comment. Nep. p. 45.) Non incommodè forsan huc referri potest illud Philippi, qui (supplem. ad Curt. 1, 2, 4,) non perinde Diis habebat gratias, quod Alexander natus esset, quam quod Aristotele floreante nasci illum contigisset, sciebat enim Vir magnus, si Alexander hoc Doctore uteretur, ingens præsidium comparaturum ad res gerendas, nec successioni fore imparem.

Ratio & modus stud. breviter indicatur.

16. Nisi properaremus, veniret etiam in argumentum sermonis nostri ipsa disciplina studiique ratio & industria, cui æquè ac educationi plurimumtribuendum est, non enim frustra annotavit Nepos 3, 3. quod studiosus fueris audiendi, dein quod non obiter sed excellenter voluerit bonis disciplinis imbui. tristis enim ac severum senem non prius à se dimisit, quam doctrinam tanto antecesserat condiscipulos, ut facile intelligi posset, pari modo omnes in cæteris artibus superaturum, Nepos 2, 2. quippe & in priori illo proposito satis declaravit, quod plurimum vivæ vocis efficaciam tribueret, & altero illo perseverantiæ consilio exemplum omnibus qui civilia attingere volunt, dedit: nihil in his studiis, quorum fructus ad patriæ salutem pertinet, debere leviter & perfunctoriè tractari, sed omnia strenuè & efficaciter in hoc negotio

gotio gerenda, nec ad scholam seu umbram, sed ad lucem vitamque publicam dirigenda esse. (confer locum *Dion. l. 45. p. 307.*) hac enim ratione non tantum facillimè discitur, quod ait noster (*c. 3. §. 3.*) sed etiam fructus inde capitur. hoc nimirum est, quod Cicero dicit *lib. de fin. cap. 1.* apud *Lips. 1. pol. 10. non paranda nobis solum sed fruenda sapientia est.* sic olim veteres facere præclara quam facienda discere præoptabant, nec ad vitæ disciplinam undecim virtutum vocabula referebant, sed exquisitam morum intelligentiam, civitatisque juvandæ tot artes, quot actuum humanorum varietates sunt.

17. Quoniam huc pervenimus, dicendum aliquid est breviter de *semidoctis politicis*, qui, ut eleganter describit *Tacitus A. 15, 14. doctrina oretenus exerciti animum bonis artibus non induerunt;* nec vitæ sed ostentationi, si qua sciunt, didicerunt. *Seneca Epist. 106. apud Lips. 1, 10, 17.* Hi à republica vitam procul habentes plus profunt, quam si in rerum actu versantur, utpote quorum studia adversus fortuita nec sufficiunt, nec Reipublicæ proba consilia suppeditant; quia non cum Augusto disciplinas *ἱπποκράτους καὶ ἰσχυρῶς* perdidicerunt (*apud Dion. l. 6.*) longè ergò illis sunt studia, quibus obiter tincti sunt, præsertim quum vir civiliter peritus non tantum Rempublicam feliciter gubernare, sed etiam oppressam vindicare & in adversis tueri debeat: quod ut feliciter fiat, requiruntur hic eximiæ ingenii animique artes; quibus *ἀκριβῶς* omnia intelligere, de instantibus cum *Themistocle* verissimè judicare & de futuris callidissimè conjicere oportet, qui tot tantarumque rerum molem sustinere vult. quod quantum laboris, studii & perfectionis postulet, non opus est, nec vires ingenii permittunt, ut hic pluribus declaremus. vide *Casel. in propolis. c. 18. & seq. Lips. 1. Pol. c. 8. seq.* Apparet ergò studia leviter tractata parum aut nihil prodesse ad reipubl salutem.

18. Verum hoc parum esset, nisi accederet illud alterum, quod plus nocent interdum Reipubl. dum scilicet oretenus exerciti tantum sententiis aliorum contradicunt (*Tac. hist. 1, 29.*) & consilii quamvis egregii quod non ipsi asserunt, inimici (*idem hist. 1, 26.*) adversus peritos pervicaces. quia enim rerum causas consiliaque non intelligunt, sit ut hac ratione nec ipsi dicant, quid faciendum sit in dubiis rebus, nec aliis permittant, sed

Semidocti politici describuntur.

sed sua pertinacia & imprudentia Rempubl. in summum delictum adducant. nihilominus tamen ipsa imprudentia hos sæpe stimulat ad arrogantiam : scilicet hi sibi ipsi placent, & volunt videri plus sapere quam cæteri. certè *VIDER I non esse*. videtur enim in iis egregia externorum morum disciplina (*Cas. in prop. c. 2.*) videntur eloquentes (*ibid. c. 3.*) si externa humanitas probitatis, aut loquacitas eloquentiæ, aut versutia prudentiæ nomen meretur : sed videntur, ut loquitur *Caselius*, tales plebi, scil. quia plus aliquantulum in iis salis inest, quam in aliquo de ipso vulgo ; nec tamen sunt : minimam speciem politici præferunt, *satis in iis loquentia, sapientia parum est, magisque vultum quam ingenium bonum habent.* (*Sallust. Catil. c. 10.*) possis ad nonnullos eorum χαρακτήρα Megaronidi formatum apud *Plaut.* in *Trinum.* trahere :

Nihil est profecto stultius neque stolidius,

Neque mendaciloquius, neque argutum magis

Neque confidentiloquius, neque perjurius,

Quam urbani assidui cives, quos scurras vocant.

Clarum est ex his, quam longè absint à vero politico scenici illi & adumbrati politici ; quum in iis nec vera probitas, sine qua tamen nemo bonus civis esse potest, (quod rectè ostendit *Lipsius* ab initio sui operis & *Iob. Casel. in propol. c. 8. 11. 12.*) nec solida prudentia, quæ tamen, ut *Plato* ait apud *Lips.* 1, 7, 2. *μόνον ἡγέταις τῶ ὁρῶνς πράττειν*, sola præit ad rectè faciendum. Concludimus ergò ex *Iob. Casel. propol. c. 24.* bona multaque doctrina opus esse, tum viam vitæ civilis ingredientibus tum multum etiam progressis, & in ipsis fluctibus negotiorum versantibus.

P A R S III.

DE MORIBUS INGENIIQUE Facultatibus.

Mores Epaminondæ commentantur, & primo Modestia.

1. **A**bsolvimus in priori parte de educatione Epaminondæ, ex quo quasi fonte elegantes proveniunt mores, de quibus porro expediendum est. Satis quidem in hac parte *Nepos* copiosus est, & ex cæteris primo ei tribuit *MODESTIAM* i. e. civili-

civilitatem seu illam moderationem, quæ civi conigit qua civis est. Quamvis enim Epaminondas variis corporis animique dotibus cæteros superabat, tamen propterea se non efferebat, sed, quod Nepos in Attico commendat (25, 3, 1.) ita se gerebat, ut communis infimis, par principibus videretur. Sciebat enim Epaminondas hanc virtutem, ut in omni reipubl. statu, ita inprimis, ubi populus prævalet, commendari, & primum esse inter insolita successuum aut honorum non dediscere æquum jus & civem, nec rebus secundis inolescere: fortuna enim, quæ cuncta mortalium regit, insolentia irritatur, & quo quis major est, eo fortunæ casibus propior, nam, (liceat in Jæci applicare illud Senec. Oedip. à princip.)

*Ve alta ventos semper excipiunt juga,
Imperia sic excelsa fortune objacent.*

imo,

Sequitur superbos ultor à tergo Deus.

Senec. Herc. fur. v. 384.

2. Ergo cum Tito (apud Tacitum 5. Hist. c. 1. & Sueton. vit. c. 8.) comitate & alloquiis militum officia (addo & Civium) provocet. confer quæ ad Sueton. locum annotavit Clariss. Dn. Berneg. in Spec. bon. princ. ne metu ad dominationem, aut studiis popularium ad ambitum videatur uti, sed demereri quidem ea beneficiis, retinere autem communitate, principibus & vulgo ex æquo placere, placendi ambitum & artes procul habere. Has laudes congerit non tantum Plinius (paneg. c. 2.) in Trajanum, qui eo magis etiam eminebat atque excellebat, quod se unum ex civibus putaret: nec minus hominem se quam hominibus præesse meminerat: verum etiam Nepos de Timoleonte fertur 10. 4. 2. nihil unquam neque insolens neque gloriosum ex ore ejus exisse. Quid dicam de Agricola? apud Tac. 40, 4. quid de aliis viris magnis? qui non familiaritate superbiam, aut vestitu novitatem (1, 8, 4. 7, 7, 3.) sed aditu hilaritatem, voce suavitatem, omni tandem actione comitatem præferabant. Nepos 1, 13, 28. 15, 1. adde quæ refert de Philippo Alexandri patre Plutarch. in Apoph. Casarum.

3. Modestiam Epaminondæ excipit Prudentia, quæ in Secundo eo consistit, ut quis sibi & Reipubl. possit rectè consulere, Prudentia.

M m m

quem-

quemadmodum *Aristoteles* 6. *Eth.* c. 5. & *Plato Alcib.* 2. loquuntur, hæc est vera illa rerum domina, cui cuncta quæ sunt, famulantur, (*Menander apud Stob. serm.* 3.) hæc urbes regit, cives gubernat, ut pie beateque vitam transigant; hæc paco belloque prima est, nec fortunæ subiecta. hinc verissimum illud *Plauti in Trin.* 2, 2, 83.

Sapiens pol ipse sibi fingit fortunam.

& *Cornel. Nep.* 25, 19, 1. sui cuique mores conciliant fortunam, adde *cap.* 11. & *Sallust. in orat.* 2. de republ. Verumenimvero sicut ipse prudentiæ usus in variis negotiis conspicitur, & plurima comprehendit, (quod ex *Iob. Casel. prop.* supra ostendimus) ita Epaminondæ nostri prudentia eluxit præcipue in præclara illa circa leges Reipubl. accommodandas ratione, c. 7. ubi legem quam Reipubl. conservandæ causâ latam vidisset, noluit ad perniciem civitatis conferre. Dein apparuit etiam circa quietem in civili tumultu c. 10. ubi præclarum sane ejus judicium, quo omnem civilem victoriam funestam judicat. Cætera quæ huc referri possunt, addantur ex *Attici vita* c. 6. & *Lips.* 6. pol. 6. ubi ex professo tractavit hanc Quæstionem: *An & quatenus se vir civilis miscere debeat bellis civilibus?*

tertio gravitas.

4. Adtribuimus Epaminondæ antea modestiam & humanitatem erga infimos, sequitur nunc gravitas, quæ, ne ex nimia humanitate fiat contemptus, cavet. quod *Vitellio* accidit apud *Suet.* c. 7. mixta enim hæc cum humanitate producit novam quasi sobolem, *Authoritatem*, quæ in prosperis ornamentum, in adversis levamentum, in subitis pro consilio, in difficilibus pro telo est. Apparuit hoc in nostro, vivente enim Epaminondæ Thebani semper aliis præfuerunt 15, 10, 4. & cum eo imperium esse desiit. Verumenimvero ipsi Epaminondæ dubium est, an plus gloriæ & exultationis, an vero plus utilitatis attulerit? id certè constat, eximia oris morumque gravitate non tantum à judicio capitis discessisse salvum, 15, 8, 5. verum etiam suis pariter atque hostibus (15, 9, 1.) fuisse venerandum, adeo ut foris domi, pace bello, visu audituque illustris & efficax haberetur Epaminondas. Hæc est illa gravitas, quam *Attico* tribuit etiam *Nepos* (25, 15, 1.) ubi virtutum quasi quidam nexus conspicitur, non enim sine comi-

comitate severitas, aut gravitas sine facilitate est; sed severitatem comitas, facilitatem gravitas tuetur.

5. Hæc de gravitate morum: commendat *quarto loco* Nepos in Epaminonda, quod TEMPORIBUS SAPIENTER USUS fuerit. quod in parte prudentiæ merito ponitur: sed videbatur tamen seorsim memorandum, ut intelligeretur peculiaris illa vis *incedens*, quæ quasi comes est, & amica prudentiæ. quippe utrumque laudabile est, & de præsentibus accuratè judicare, & cum quadam arte & dexteritate temporibus consilia & actiones applicare. Operæ pretium sane esset paullo altius hic repetere, quæ de vi temporis circa momenta negotiorum civilium dicuntur, nisi materiæ sublimitas vetare videretur. plurimi namque laboris artisque est, occasionem insidiis, tempora obsequio captare. commendavit hanc artem in Attico Cornel. Nep. variis in locis vide Comment. Nep. p. 20. Quanta dexteritate Epaminondas inservierit temporibus, satis vel inde constat, quod, quum videret inter certamina potentiæ & civilia bella ambiguo fortunæ lusu res geri, ita ut ad motum fortunæ quivis se moveret, ejusque arbitrio quiesceret, maluit se domi tenere, quam civilibus fluctibus committere, 15, 10, 3.

quarto. Temporalia prudentia.

6. Temporariam prudentiam sequitur LAUS MILITARIS. Epaminondas enim sicut bonum virum decet, ut pace ita re militari floruit; rebus secundis jura, adversis libertatem defendit. Includit eam Nepos duobus quasi membris, vocans peritum belli, fortem manu. peritiam rei militaris primo ei adsignat, quam non tantum auditu vel lectu, sed, quod primum, longo usu imbibit Epaminondas; quippe satis ei constabat, plurimum detrimenti afferre Imperatorum Impudentiam inscientiamque (15, 7. 4. & 7. 1.) quum è contra rebus adversis & dubiis sola scientia atque usus militum subsidio sit, cujus rei veritatem comperit Caesar. (l. 2. comm. de bell. g. c. 20. l. 6. ibid. c. 34. & lib. 7. c. 80.) Dux bello peritissimus. Accedit huic secundo, Fortitudo, virtus verè bellica. quippe ut rebus pacatis Justitia republ. gubernat, ita belli tempore fortitudo patriam, libertatem, parentesque armis tegit. comperit hoc est in pugna non tantum Leuctrica, qua vivis adhuc suis parentibus fortiter Lacedæmonios superavit (Plutarch. Apoph. Cæsar.

quinto. Laus Militaris.

& in vit. Coriol.) sed etiam apud Mantineam (c. 9.) quam Thebani cum Lacedæmoniis commiserant. quorum hostium impetum solus ita sustinuit, ut quum omnes in eum inciderent, solus tamen resistere minimè dubitaret, & quum vitam cum victoria reportare non posset, maluit vincere Bæotios, quam vivere sine victoria. his adde si lubet, quæ habet *Plutarch. in Apoph. l. c.* Eximia fortitudinis exempla *Valerio Maximo l. 3. c. 2.* & aliis collecta nil attinet huc exscribere.

Sexto, Animi
Magnitudo.

7. Possit videri pars laudis militaris illa MAGNITUDO ANIMI, de qua adjungit (3, 1.) nisi latius per omnem vitam pateret. Ea enim est vera animi Magnitudo, qua vir bonus se ita gerit, ut videatur in eo omnium optimarum & honestarum rerum quasi concursus, & propterea ab optimis omnibus laudatur. (*Horn. in comment. ad hanc virt.*) quæ ut eo magis appareat in Epaminonda, per singula ibimus, & occasione styli Corneliani de magnanimitatis ratione & natura quædam breviter dicemus. Nam omnium confessione satis constat, Epaminondam ita se pace, bello, publicè privatimque gessisse, ut à nullo non laudaretur. & quo quis illustrior, eo magis Epaminondam laudibus efferebat. nec gloriæ cupidus fuit, nec pecuniæ (*Iust. in 6, 8, 7.*) Honores enim, laudes & opes semper ita accepit, prout patriæ Reique publicæ utilitas postularet, non ut sibi sed civibus prodesset. Exemplum adfert *Nepos (15, 4. 3.)* ubi ita se gerebat Epaminondas, ut videretur, quod ait *Ælianus l. 5. c. 5. μεγαλοπρεπὲς τὸ δίδόναι καὶ λαβεῖν.* adde *l. 11. c. 9. & Plutarch. apoph. Casim.* In periculis aliisque fortunæ casibus id spectavit, ne, quod plerumque evenire solet, rebus secundis efferretur, nec adversis frangeretur. Apparuit hoc ex illis, quæ in Judicio, cum accusaretur, quod Imperium diutius retinuisset (*Plutarch. in Pelop. & παραγγελ. πολιτ.*) dixit: satis enim habuit liberalisse patriam. Publicæ utilitatis causâ morte multari gavisus est, & magno animo subiisset legis pœnam, nisi hujus viri magnanimitas cæteris timorem injecisset, *Ælian. var. hist. l. 13. c. 42.* Sic non minori constantia & fortitudine, ferrum, quod ex hastili in corpore remanserat, audita victoria extraxit: 15, 9. 3. In cæteris negotiis ita se gerebat, ut videretur cum ami-

cis

cis fide (15, 3, 4.) cum ingratis civibus gratia; (15, 7, 1.) cum singulis virtute (15, 2, 2.) contendere quasi & certare. Dignitati apud Principes, modestiæ apud cives serviebat; in jocis urbanitati, in omni vita veritati operam dabat; non laude immeritos, convitiis neminem afficiebat, semperque id spectabat, *ut auctor ejus actorque esset, quod in Republ. optimum erat*, 15, 4, 1.

8. Sed pergamus cum Nepote ad virtutes ceteras, inter quas attribuit ei singularem VERITATIS Amorem: quo Epaminondas quæ diceret ageret, non simulata sed vera esse voluit. egregius generosi animi bonoque publico nati character! quantum enim hi tales Reipubl. profint, facile inde intelligi potest, quia summa ope nituntur bonæ artis famam quærere, & nomen suum immortalitati consecrare; quod dum exoptant, virtuti quæ sola clara & æterna, imperia constituit, conservat, auget; operam dant, non cavillationibus illis Politicis, quibus omnis veritas maculatur. Licet interim multi ex talibus *πλοκαῖς ἔ παλιολογίαις* omnem politici laudem æstimare audeant; non recordantes: tales in dictis factisque fallacias suam ambitioni debere originem, quæ (apud Sallust, Catil. c. 10.) multos mortales falsos fieri subegit, aliud clausum in pectore, aliud in lingua promtum habere, amicitias inimicitiasque non ex re, sed ex commodo æstimare, magisque vultum quam ingenium bonum habere. His dolis atque fallaciis, quia bonæ artes desunt, ambitiosi solent expetere gloriam & imperium, nec quidquam pensi habere, si modo quod expetunt, consequantur; quo facto Reip. vires labefactantur, & civitas paucorum civium egregia virtute sustentata multorum vitiis opprimitur.

Septimo, veritatis amor.

9. CONTINENTIÆ & ABSTINENTIÆ clarum testimonium est, quod Nepos meminit 4, 1. cui addenda sunt, quæ habentur 3, 4. quæque Plutarch. refert in Arato de justitia & integritate Epaminondæ. posset hic, si velimus latum historiz campum ingredi, exemplis res declarari: verum enim vero quia modus habendus est, ex multis pauca, ex infinitis unum atque alterum proferemus. Inter cæteros Græcorum hac virtute celebris erat *Aristides*, qui propterea cognomentum *Iusti* tulit (3, 1, 2. 3, 3, 2.) Ex Romanis *Fabicii*, qui re familiari paupe-

octavo, Continentiæ & abstinentiæ.

res rexere gravissima bella, gloria locupletes (*Ammian. Marc. 14. & 24. adde Florum lib. 1. cap. 18. v. 21. & à Camerte notatos Autores*) imo ipsi Romani ab initio imperii gaudebant hac virtute priusquam sc. profunda imperii pecuniæque cupido animos eorum invaserat; ubi adhuc omnis eorum cura in cultu animi & commodis Reipubl. erat. aded ut hinc verissimè colligere liceat, quod *Sallust. in Cat. & Val. Max. 4. 3. 1.* innuunt: Boni animi temporisve notam esse, si abstinentia & continentia in Reipubl. civium animis insidet, quum è contra ubi divitiæ honori esse incipiunt, easque gloria potentia & Imperium sequitur, hebescere virtus plerumque & Reipubl. fatum appetere soleat, (*Sallust. Cat. c. 12.*)

nono, Mansuetudo.

10. MANSUETUDO à Nepote *Clementia & Patientia* nominibus hic laudatur 3. 2. sc. Epaminondas non tantum clementer se erga omnes gessit, sed etiam si injuriis aut calumniis affectus est ab aliis, moderatè & patienter tulit. Lucem his adfert, quod Nepos refert, c. 7. *quum enim propter invidiam cives cum exercitui praficere nolissent, duxque esset delectus belli imperitus, cujus errore eo esset deducta res militum, ut omnes de salute pertimescerent, quod locorum angustiis clausi ab hostibus obsidebantur: desiderari cæpta est Epaminonda diligentia: à quo cum peterent opem, nullam adhibuit memoriam contumelia, & exercitum obsidione liberatum domum reduxit incolumem.* Insigne in his exemplum dedit omnibus qui civilia attingere volunt; inprimis plebe valida: cujus imprudenti ira (*Lips. 4. pol. 5.*) & immodestia, clarorum virorum animi virtus etsi non opprimitur tamen imminuitur (*Nep. in Eum. 5. 1.*) ne patria irascantur, sed injurias à civibus illatas ita ferant, ut plus patriæ, quam ira tribuant.

decimo, Taciturnitas.

11. Tandem attribuit Nepos Epaminondæ TACITURNITATEM in celandis commissis (3, 2.) *qua interdum non minus prodest vito civili, quam disertè dicere; imo plus etiam. hinc non tantum Romanorum laudatur curia, quod silentii salubritate undique munita & vallata fuerit (apud Val. Max. 2. 2, 1. & Liv. 42, 14, 1.) Sed Persarum etiam in celandis Regum arcanis mira commendatur fides à Curtio (4, 6, 5.) non enim metus non spes elicit vocem, qua prodantur occulta, vetus disciplina Regum silentium vitæ periculo sanxerat: nec immerito. Veteres enim nunquam*

quam latuit, taciturnitatem optimum ac tutissimum rerum administrandarum vinculum esse, nec ab eo rem magnam sustineri posse, cui tacere grave est. Quippe ea quæ omnium salutem spectant, tacite geri oportet, & silentio charitas patriæ judicanda est; sine fide amor in patriam nullus est; non taciturnitas in publicis rebus fide, non fides amore caret, sed amor cum fide, fides non sine silentio Rempubl. conservat, defendit, auget.

12. Superest, ut breviter exequamur de HUMANITA-
TE erga amicos & Cives (3, 4.) fide ad alios sublevandos sæpe sic usus est, ut possit judicari, omni ei cum amico fuisse communia; & quæ sequuntur. In quibus singularis Epaminondæ apparet Humanitas, constans fide & officiis non tantum erga amicos, quæ amicitia magis quam humanitatis nomen meretur; sed inprimis erga cives tam notos quam ignotos, quibus fecit quod gratum fuit, ita tamen, ut se aliter erga æquales, aliter erga inferiores gereret. Eadem sanè ratione, ut Pomponius Atticus consuetudine amicos (25, 4, 1.) superiores gratia (25, 4, 2.) æquales moribus; (25, 5, 3.) inferiores ope; (25, 9, 4.) omnes fide & officiis ita sibi devinxit, ut inde omnium favorem, plurimorum familiaritatem, nullius invidiam consequeretur. Nisi arctior descriptionis modus prohiberet, altius repetenda essent, quæ Cicero (in lib. de off. & Lel.) de fide & officiis *ἠρακλινώτατον* philosophatur. verum quia res ipsa profunda est, & latior, quam ut à nobis qui ætate ingeniique viribus impares sumus, in tanta operis angustia explicari possit, aliis considerandam relinquimus. Atque hæc sunt præcipua de moribus Epaminondæ ingeniique facultatibus, ut Noster supra loquebatur. quippe Ingenii magnitudinem & promptitudinem facilè ex moribus intelliget, qui consideraverit, mores ingenio omnem suam & originem & formam quodammodo debere. Nam de Ingenii ejusmodi eximii conditione jam alibi & ab aliis, occasione talium Exercitiorum, dictum est.

undecimo,
Humanitas.

PARS IV. DE REBUS GESTIS.

I. IN rebus ab Epaminonda gestis occurrunt primo maxima Legationes
1. cum prudentiæ laude obita Legationes, quarum Nepos me-
minit ab Epami-
nonda obita.

minit c. 6. quibus ita functus est, ut hostibus plurimum detrimenti, civibus maximam utilitatem adferret, nec minus Eloquentia quam Leuctrica pugna hostium opes concuteret. (6, 4.) ut clarissimè inde appareat, quantum valeat Legatorum Prudentia ad res præclare gerendas: hi sæpe Eloquentia totam Rempubl. conservant, & quod alii vi impetrare nequeunt, oratione persuadent. Tales Atheniensium fuere *Carneades & Crisolaus*, qui missi Romam pacem impetrarunt, & dicendi gravitate senatum Romanum ita moverunt, ut diceret: ἱπποφάν Ἀθηναίων πρὸς εὐνοίας, ἢ τὰς πείσοντας, ἀλλὰ καὶ τὸς καταπολέμους ἡμᾶς δρᾶσαι ὅσα θέλωσι. apud *Ælian.* 3. 7. quanta Prudentia *Ismenias*, sine dedecore adorans Persarum Regem, res gesserit *Ælian.* l. 1. c. 21. & *Frider. de Marselaer.* Leg. l. 2. commemorat, quippe & negotio suo & gratia Regis, simul patriis & Persicis moribus obsecutus est, consiliiq; dexteritate omnium qua petierat, compos factus est, inusitatisque auctus donis discessit. Eadem gravitate *Conon* apud *Nepotem* (in vit. 3, 2.) res gessit. Quid de Romanorum Constantia? quum *Popilius Lanæ* circumscriberet Regem virgula, juberetque prius responsum reddere quam egrederetur finito arena circulo; effecit hac constantia, ut obediretur imperio Rexque se dederet (*Vell.* 1, 10, 2.) possemus allatis exemplis alia addere (ex *Platarch.* in vit. *Sull.* *Frider. de Marselaer* l. cit. *Polybii excerptis leg.* *Cassiodor.* Var. lib. 1. & *Liv.* 42, 39.) nisi cætera Epaminondæ gesta me prope-rare cogerent.

Cætera præ-clare gesta summatim indicantur.

2. Non minus commodum Respubl. in pugna Leuctrica accepit, qua superavit Lacedæmonios, quos ante hunc Imperatorem nemo Bæotiorum ausus fuit aspicere in acie. quod eo clarius apparet, quia magno tum fuerunt in periculo Bæotii, resque eorum eo deductæ erant, ut nisi illi seculo contigisset Epaminondas, ultimum diem habituræ fuissent Thebæ. Lacedæmonii enim tam terribiles, propter multas, quas intulerunt Thebanis clades, facti fuerunt, ut nemo eos aspicere in acie aut primum impetum sustinere potuerit. ab hac ruina & interitu per pugnam Leuctricam Thebanos retraxit Epaminondas; ingenti in Rempubl. imo in omnem Græciam merito! nec enim solum Thebanos vindicavit Epaminondas, sed hostium opes ita concussit, ut in Leuctris superati, quum de Mantinea bellum

bellum suscepissent, acieq; contendissent, funditus conciderent, Graciaq; principatum amitterent Lacedamonii. testante Diodor. l. 15. p. 47. & alii.

3. Insignia facta! praeclare gesta! & procul dubio omnium maxima, nisi majus & illustrius esset, quo Nepos vitam Epaminondæ claudit (15, 10, 4.) Thebas & ante Epam. natum, & post ejus interitum, perpetuo alieno paruisse imperio, cum eo, quamdiu ille praesuerit Reipubl. caput fuisse totius Gracia. adde quæ habet Lambinus ex Diodori l. 15. ad hunc locum. & Just. l. 6. c. 8. ex quo intelligi potest, unum hominem pluri quam civitati fuisse. his assentit etiam Polybius l. 6. dicens. καὶ γὰρ συνυξίσθη, καὶ συνέκμασε, καὶ συγκατελύθη τὰ θηβαίων ἔργα τῷ τε Εὔραμινώνδῃ καὶ τῷ Πάλοπιδι βίῃ παραπλῆως ἢ ὅν ἐ τὴν πολιτείαν αἰτίαι, ἀλλὰ τὸς ἀνδρας ἡγήτορας τῆς τότε γινομένης περὶ τὴν θηβαίαν πόλιν ἐπειρατείας. Ex quibus clarissime apparet, viros illustres non casu, sed divino quodam munere Rebusp. contingere, ut eorum humeris ad salutis publicæ gloriæque fastigium Populi gentesque attollantur. Ita de Romana Republ. fatetur Sallust. Cat. 53. Cujus magnitudinem paucorum civium egregia virtus parabat. & de Augusto Vellejus (2, 36, 1.) qui in Reipubl. decus natus, omnibus omnium gentium viris magnitudine sua induxit caliginem, non sine fati cura consilioque. nimirum

————— Sunt maxima cordi
Regna Deo, donatque aliquid plus ille tyrannis
Consilii, quam privata sit mente repositum.

Sicut Apollon. presb. excid. Hier. lib. 1. loquitur.

4. Hæc breviter pro ingenii tenuitate à me dicta sint de Conclusio. Epaminondæ vita. Tuum erit, benevole Lector, ea quæ minus accuratè dicta sunt, in meliorem partem accipere; quæ errata, corrigere; & tironem tua benevolentia ad altiora animare. Tibi, ô æternum Numen, sit laus, honor & gloria in secula seculorum!

XV.

R O M A
S U B

SEPTEM REGIBUS.

R E P E T I T A

EX LIVIO ET DIONYSIO
HALICARNASSENSI,
potissimum.*Lectori Benevolo*JO. HENRICUS BŒCLERUS,
S. P. D.

CUM Nobilissimus Juvenis, qui has paginas examini commilitonum exponit, mecum de argumento exercitationis Academicæ sermones conferret, suasi, ut Livianam Regum Romanorum historiam, à cujus lectione recens erat, cum Dionysii Halicarnassensis libris, eodem pertinentibus, diligenter & eruditè compararet. Ita enim futurum videbatur, ut, quomodo breviter & in summam dicta, *ἡξεοδίκως* amplificarentur; quæ esset item interior Regionum consiliorum operumque ratio & explanatio; quæ Græca Latinis jungendi facultas & solertia; promte objiceretur animo, in rem præsentem deducto. In re tanti momenti, favorem meretur, vel voluisse. Quanquam enim intra destinatas semitas haud usquequaque processum sit, nolui tamen interpolare alienam scripturam: ratus, etiam conatibus hisce ab æquitare benigni lectoris, si non laudem, certe veniam exorari posse. Accedet, puto, & laus: si verum est, quod Sapientes sciunt, in bonis artibus & nobilioribus literis tractandis, etiam voluntatem, in qua omnis successus profectusque omen & pignus constituitur, laudari debere. Vale Lector Benevole. Scr. Argentorati 5. Febr. 1666.

Com-

Comparare plerumque solent Historiam speculo, in quo liceat imaginem vitæ humanæ contemplari. Sed historiarum idem accidere videmus, ex diversis scribentium artibus & consiliis, quod solet speculis; quorum quædam rem interdum majorem exhibent; nonnulla minorem faciunt, aliqua nativam speciem distorquent. Ut autem sciatur, cui fides sit habenda, cui deneganda, utilissima est Historicorum de eadem materia differentium, & interdum stylo, judicio, fide discrepantium collatio. Quæ si ritè instituatur, utilitati lectoris hæc in parte non potest non consulere; præsertim si cognitis feriorum Historicorum narrationibus, inspiciantur etiam nugatores, cum examine dubiorum. Sic enim lectoris solertis industria verum à falso, sincerum à fucato, facile discernere poterit. Sumantur in manus, quæ de rebus Romanorum in Historiam retulerunt iste Græcus & iste Romanus, & alius neutrarum partium homo, haud dubiè inveniet, pro suo quemque capto remeandem coloribus nil minus quam iisdem pinxisse. In talibus ergo monumentis optimum erit, instituere interiorum viroque civili dignam collationem: inde apparebit, quid huic demendum, alteri addendum. ut enim semper eadem referant, quos diversa, more hominibus usitato, trahit affectio, insipienter sapit, qui sperat. Neque tamen interim Historia sua laude defraudanda, ut alibi demonstratur. De rebus autem populi Romani, multorum Historicorum stilo signatis, illud tempus, quod sub septem Regibus per annos CCXLIV. egit, tot habuit labores, consilia, casus; ut ad constituendam P. R. dignitatem VIRTUS & FORTUNA contendisse videantur. Quare cum sicut cætera, ita præcipuè præclara septem Regum gesta operæ pretium sit cognoscere, mihi consilium jam pridem fuit in hoc genere scriptionis experiri vires ingenii, & eò libentius, quo promptior erat animus morem gerere Magnifico Dn. Præsidi, cui hanc ex rebus Romanis periodum nobis commendare placuit. Accedebat quod materia sit iis artibus ac disciplinis digna, quarum gloriam semper adamavimus. Ut autem hoc nostrum institutum fructu omni non careat, dedimus operam, ut comparatione instituta non consensum modo Historicorum, in argu-

mento, sed etiam artes varias, cum memorabilibus materiis, breviter persequeremur. Fretus igitur benevolentia & auctoritate optimorum Mæcenatum, quibus me meaque studia libens ac merito dicavi, consecravi; de ROMA, quatenus sub septem Regibus esse cœpit & crevit, pro ingenii modulo exponere conabor, quæ à Livio præsertim libro primo, Dionysio Halicarnassensi libris quatuor prioribus tradita sunt.

ROMULUS.

Imprimis autem nunc consideranda erunt, FORTITUDO Romuli, Numæ RELIGIO, MAGNANIMITAS Tullii, BONITAS Anci, Lucumi SAGACITAS, Servii POPULARITAS, IMPIETAS demum Tarquinii. Ut autem rectè possimus, quæ ad ROMULUM primum URBIS Romæ Regem pertinent, judicare; ante omnia aliquid de ORIGINE hujus Herois, deque Educatione & indole erit præmittendum.

O R I G O.

Cum Æneas exciso Ilio in Italiam pervectus, accepta in matrimonium Latini Regis filia, de ejus nomine Lavinium urbem condidisset, successorem reliquit Ascanium filium; qui Lavinio relicto, longam Albam condidit.

Post multos deinde urbis hujus Reges, ad postremum Numitor & Amulius regno potiti sunt. Sed Amulius ingenio præditus violento, Numitorem ætate priorem, cui jus & ordo nascendi & natura ipsa regnum attribuit, oppressit. Sicut autem plerumque armis justiciam ambitiosi ac feroces metiuntur, præsertim ubi de summa rerum agitur (justior enim illis est, qui maximè viribus pollet) ita plus apud Amulium vis potuit, quam jus, voluntas Patris, aut verecundia ætatis. Pulso fratre addit sceleri scelus, stirpem fratris virilem interimendo. *Halicarnassensis* adjicit locum facinoris admissi, filium, ajens, Numitoris primum nomine Ægestum pubescentem venandi animo egressum, trucidatum esse; subornatis falsis,

Lib. 1. p. 62.
editione Sylburgii,

sis rumoribus, necatum à latronibus; Sed in tempus parens cum populo conficta esse senserat. Verum jam consultius ratus sævientī fortunæ animum submittere, ne validiorem fratrem irritaret, qui tum filiam ejus Iliam, sive ut alii malunt Rheam sive Sylviam nomine, sed cognomine Iliam, in perpetuam virginitatem, ut spem partus adimeret, demersit: addita injuriæ specie honoris, ut non damnata, sed sacerdos electa videretur. Invisos enim aut suspectos specie honoris remove, dominantibus inter artes est. Sed vi compressa Vestalis geminum partum edidit, Marte incertæ stirpis Patre nuncupato, seu ita rata, seu quia DEUS auctor culpæ honestior erat. Numen sive Martem se puellæ hac specie obtulisse, *Dionysius* pro fabula habet, referens aliorum opinionem, qui in Editione Sylburgii p. 62. ipsum Amulium insidiantem potius, quàm libidini servientem stupri auctorem nominant, cunctis faciei notis, quantum fieri poterat, obscuratis, Cui calculum adjicit *Plutarchus*, p. m. 19. *deceptam, inquit, ferunt ab Amulio, qui armatus eam stupraverat.*

Quo cognito, Amulius multiplicato metu proventu duorum pueros exponi jubet, & puellam vinculis oneravit ex quorum injuria decessit. *Livius* ita: *nec dii nec homines aut ipsam aut stirpem à crudelitate tyranni vindicabant.* Sed non desunt, ex veterum Commentariis, qui conjectam in occultum carcerem eumque perpetuum, tradunt; indeque post Amulii mortem fuisse liberatam. Ipse *Dionysius*, quo liberum esset lectori eligere alterutrum, rem in medio relinquit. Sed fortuna origini Romanæ mirabiliter prospiciens, pueros lupæ alendos obtulit. Utrum autem vera lupa fratrum horum nutrix fuerit, dissentiunt scriptores. *Cicero* in *L. Catilinam Orat.* III. c. 19. p. m. 462. *Dionysius* lib. 1. *Livius* diversam opinionem refert, inquit: sunt qui *Laurentiam* vulgato corpore lupam inter pastores vocatam putent, inde locum fabula datum. *Lupas* enim Latini præter notam significationem etiam vocabant eas, quæ corpus vulgabant. *Plutarcho* in *vita Rom.* p. m. 19. astipulantur *Nicol.* *Damasc.* *Excerpta* apud *Valesium.* verba hæc sunt: *Pueri nati ex Iliā, cura ac sollicitudine materni avi, qui eos omni ope servatos voluit, traditi Faustulo alendi sunt.* Non defuisse interim initiis rei Romanæ singularem Divini Numinis curam, ipsa geminorum origo, non una ratione demonstrat.

EDUCATIO.

Plutarchus in
vita Romuli
p. m. 10.

Livius. c. 10.

Lib. 1. Ann.
c. 2. §. 5.

Justinus 1.
43. c. 2.

ITa geniti, ita ^{ἐν τῷ μαιχραῖς} conservati pueri, in prima etiam ætate corporis præstantia indolem egregiam ostenderunt; acres ambo & fortes atque ad objecta pericula magnanimi, planeque intrepidi: Romulus tamen præcellentior consilio & Civili Prudentia habebatur, *præterea factus magnificus, factorum ostentator haud minor erat.* Exinde vicinis statim, quibuscum haberet negotium, magnam de se opinionem præbuit: In sermonibus & studiis liberalibus frequentes ambo, ab otio & inertia, ut refordida, absistentes. Sunt enim in pueritiæ quoque annis quedam omina crescentium vitiorum aut futuræ virtutis, moliente jam natura aptum unicuique indoli fundamentum. Ita in his duobus Studium venandi haud obscurum indicium ingenii minimè servilis erat: cum amor venationis semper inter studia Procerum Regumque sit habitus, teste *Xenophonte lib. 8.* sicut ex adverso apud *Tacitum*, Regem Vonomem raro venatu, segni equorum cura à majorum institutis propterea diversum Patrii judicabant, regnoque exuebant.

Adultis inter pastores, de virtute quotidiana certamina & vires & pernicitatem auxere. Igitur cum latrones à rapina pecorum industriè frequenterque submoverent, Remus ab iisdem latronibus captus, veluti ipse esset, quod in aliis prohibebat, Regi offertur, crimini datur, quasi greges Numitoris infestare solitus esset. A Rege Numitori ulciscendus traditur. Sed Numitor adolescentia Juvenis permotus, & in suspicionem expositi Nepotis adductus, cum cum nunc lineamentorum filiae similitudo, nunc ætas expositionis temporibus congruens anxium tenerent; tandem repente Faustus cum Romulo supervenit: à quo cognita origine puerorum, facta conspiratione, & adolescentes in ultionem maternæ necis, & Numitor in vindictam erepti regni armantur. ita iusto DEI iudicio, qui scelera Tyrannorum nunquam impunita finit, Amulius obtruncatur.

Hac occasione Romulus cum fratre singularis in avum pietatis exemplum dabat, quod non modo non detrectavit periculum vitæ subire pro avo, sed & interfecto Amulio Tyranno

ranno, regnum reddere, quam ipse invadere maluit: credens illum amplissimum, qui sua virtute in altiore locum pervenit, non qui per alterius incommodum & calamitatem, ut Cicero loquitur, ascendit.

MODUS AUT JUS PERVENIENDI AD REGNUM.

CÆterum indoles fratrum ad gloriam & summum honorem adedò strenuè nitebatur, ut meritò inter illos numerari possint, qui dare aliis regna sciunt, ferre Regem nesciunt. Quapropter avo Albana re permessa, illos cupido cepit, in iis locis, ubi expositi erant, urbis condendæ. *Halicarnassensis* hujus consilii heroici auctorem nominat ipsum Numitorem avum, cum non modo periculosum fuisset, sed & parum piè fecissent, si nepotes privato ausu tale quid meditati fuissent. eundem Numitorem pecuniam, arma, frumenta, jumenta suppeditasse, idem *Historicus* annotat, addens rationem, quæ ad has cogitationes avum impulisset, scil. *ὅς μὴ δι' ὑποψίας αὐτὸς ἔχῃ*. ut liber à suspitione esset. Haud rarò enim Regibus ea subit cogitatio, ab iisdem, qui ipsos extulerant, periculum sibi imminere, imò speciem servitutis esse credunt, aliorum beneficio regnum possidere.

Intervenit autem his cogitationibus avitum malum, nimia regnandi cupido, atque inde fœdum certamen coortum à principio satis miti. explicat hoc *Dionysius* plenius: suum quemque, inquit, multitudo divisa ducem gloriosè prædibat, atque ut idoneum imperio efferebat. Ipsi quoque non jam concordēs fratres sibi quisque principatū affectabant, quod tamen ambitionis malum latebat, donec locus urbi designandus erat. Et quia gemini erant, uter auspicaretur & regeret, adhibere placuit (Ethnico more) auguria. Remus montem Aventium, Romulus Palatinum occupavit. Prior ille sex vultures, hic postea sed duodecim vidit. Sic victor augurio, civitatem excitat plenus spei. Ita Florus tradit. *Dionysius* paulò aliter, de Romulo præsertim loquitur; præ nimia, inquit, festinatione & invidia, prius quam ullum vidisset vulturem, signum fratri nuntiari jussit, ut veniret,

p. m. 72.

Livius l. 1. c.

6. & 7.

p. m. 72.

lib. 1. c. 1. p.

m. 730

se priorem vidisse faustos alites (avus enim ejus fore coloniam dicebat, cui priori meliores oblatis fuissent alites) At deprehensa Romuli fraude, cui duplex numerus quidem, sed postea se ostenderat, Remus indignabundus regnum petiit. Tandem utrumque, Regem sua multitudo consalutaverat, tempore illi praecepto, hi numero avium, verba
 Lib. 1. c. 6. *Livii sunt, regnum trahentes.*

Inde cum altercatione congressi certamine irarum ad eandem vertuntur: ibi in turba ictus Remus cecidit. Aded verum est, perversam dominandi libidinem etiam naturæ vincula dissolvere: cum sit affectus hic judicio Taciti, reliquis omnibus
 Loco citato. *flagrantior. Sive enim in pugna, quod Dionysio placet; sive jussu Romuli aliena manu, aut fraterna, quæ fama Livio vulgarior; Remus interiit, factum hoc purgari nullis prætextibus potest: cum multum ex calliditate Romuli isthæc consilia habuisse, manifestum sit; quod ex Nepotibus ejus Cicero ingenue fassus est, dum dicit: Omisit Romulus & pietatem, & humanitatem, ut id, quod utile videbatur, neque erat, assequi posset, muri causam, speciem honestatis neque probabilem, neque satis idoneam opponens, Quo nomine etiam à Lucano notatur his versiculis:*

*Nulla fides regni sociis, omnisque potestas
 Impatiens consortis erit, nec gentibus ullis
 Credite, nec longe fatorum exempla petantur,
 Fraterno primi maduerunt sanguine muri.*

Fratre itaque sublato, Romulus nil prius, nil antiquius ducebat, quam ut eam multitudinis partem, quæ Remo adhæserat, sibi conciliaret. Hoc sine avi monitu prudenter de Re-
 p. m. 78, 79. *publ. ordinanda, de variis regiminis formis, commodis & incommotis coram populo disseruit: jubens dicere per suffragium; num uni rectori, an paucis parere malint. Ipsam orationem memoratu sane dignam exhibet Dionysius. Tandem omnium suffragio Rex declaratus hominum voluntati Deorum auspicia adjunxit, fulgurisque sinistri captandi ritum, postea solennem, primus instituit.*

RES GESTÆ PACE.

QUoniam verò ad potentiam omnia Romuli consilia studiisque spectabant, videndum, quibus artibus Imperium, quod

quod à parvis initiis ad summa crevit, constituerit, muniverit atque firmaverit. Imprimis autem prudentiam suam ostenderat in loco condendæ urbi designando. Elegit autem locum illum, ut *Livius* loquitur, ubi *expositus, ubiq; educatus erat*; non tantum quoad memoriam (natale enim solum summe diligi notat hic *Gruter.* citante *Freinsb.*) sed maxime ob loci opportunitatem, quæ multū ad civitatis felicitatem conferre potest, præsertim si vel usus vel natura talem genuerit, vel ars construxerit, vel prudentia accommodaverit. Magnum enim Civitatis est munimentum, magnum augmentum, si limitibus arcifiniis muniatur, si describatur situ facili ad comēandum, ad agendum, ad comunicandum, quæ ubertati & copiis destinantur; si spatiis minime angustis contineatur. Hæc omnia Romulum, qua erat sagacitate, in animo habuisse, diligenterq; observasse, dum prima urbis Romæ fundamenta jacere voluit, intelligent illi, quibus per otium & tempus concessum est consulere *Dionysium Halicarnassensem lib. 2. de Antiq. Rom.* ubi de situ urbis Romæ prudenter differit. Singulare quoque civilis sapientiæ specimen noster edidit, dum mature perspiciebat, sine copia virorum ac hominum multitudine, non modo, ut militent, sed ut civitatis vario usui destinantur, parum feliciter Imperium constitui; beneq; intelligebat, id si ampliori quodam paratu fiat, felicitatis civilis partem esse optimam, quæque reliquas ferè constituat & firmet. Cum locis excolendis nullum subsidium sit potentius, quàm plurium & opera & ingenium. Ut ergo abundaret civibus nova urbs, ac undique congregaret hominum multitudinem, usus est artibus ac inventis ejus generis, quæ probari partim, partim in reprehendendis poni, nonnullæ veluti per artificiosum excusationis genus in dubium vocari soleant. Hujus generis specimen offert se in *Asylo*, à Romulo instituto, quia exemplo & consilio veterum condentium urbes hoc inventum non carebat, Græcorum præsertim, qui obscuram atque humilem conciendo ad se multitudinem, natam è terra sibi prolem, mentiebantur. Cæterum *Asyla* ita institui posse, ut templa misericordiæ, non receptacula scelerum sint, nemo ignorat. Quemadmodum tamen crebro in abusum trahi soleat ista res hodiernum, notius est

p. m. 77, 78.

Livius c. 8.

Dionys. p. 88.

O o o

quam

Grot. de I. B.
& P. l. 2. c. 21.
S. 5. sq. & Ba-
con. in Hist.
Henr. VII.

quam ut ostendi debeat, Et vi quidem expulsos aut inimicorum odia fugientes recipere ac tueri, manifestam laudem, neque invidendam incrementi occasionem habet, sicut multis primum id ad cœptam magnitudinem roboris fuit. Sed nec pericula defunt, cum sæpe quidem receptaculum habuere in aliena civitate, qui poenas domi metuentes, aliò se conferunt, vitandi iudicii ergo, liberius & excusatius, si nemo reposcit aut incusat; non æque tuto, quotiens jus suum persequentibus, non ob stare, ad civitatis cujusque justitiam pertinere creditur.

l. 1. c. 2.

P. 94. 95.
Tacitus l. 3.
c. 24.

Inter consilia non modo licita, sed & laude digna ponendum, *Legum subsidium*, quibus frequentia civium ordinaretur. Ita operam dedit constituendis præsertim matrimoniis, ne impuro callidoque coelibatui, qui numerum civium maxime impedit, locus esset. Quam ejus curam *Livius* notat his verbis: *Videbat multitudinem nulla re, præterquam legibus in populi unius corpus coalescere posse.* Imprimis laudat ejus bene deliberatas rationes in hoc negotio *Dionysius*, cujus iudicio nulla Resp. rectè se habere potest, nisi societas nuptialis bene colatur. Quare hæc omnium legislatorum in informanda civitate occupatorum perpetua cura esse debet. Non male hæc Romuli instituta quæ circa liberorum educationem referuntur, idem Historicus posteritati commendare aliquot paginis voluit.

Sed festinandum ad tertium genus, quod inter dubias augendæ multitudinis artes autores referunt. *Raptum* scilicet *mulierum*, merito dubium inventum vocant scriptores, cum jure quidem in penuria mulierum finitimarum connubia petierit, sed injustè negatas, parum pio conatu abstulerit. de hoc tamen facinore infra, ubi de causis belli agendum erit, aptior erit disputandi locus.

Neque interim potentiam novæ Civitati solus præstitisset hominum numerus, nisi accessisset & varietas & distinctio, juxta munia & operas civilis vitæ. Modus namq; ut omnium rerum, ita multitudinis spectari debet: tum ne inhabilis ad regendum sit illa moles, tum ne unum genus hominum numis abundet, alterum deficiat. Ad monstri enim naturam accedunt corpora, in quibus membrorum habitus abnormi inæqualitate ibi exuberat, hic delinquit. Studiosè ergo Romulum

lum eò spectasse, ut distinctam tum aliarum artium, tum imprimis opificiorum culturam suis commendaret, testatur Dionysius: *Sellularias, inquit, ac sordidas & turpium cupiditatum incitatrices artes ut corporibus atque animis tractantium noxias, servus & exteris exercendas tradidit, duo tantum ingenuis studia relinquendo, rei militaris ac rustica: & licet parum commodum erat, quod homines iidem & militare & agros colere debeant* (Dionysii verba hæc sunt: τοῖς αὐτοῖς τὸν τε πολέμικόν καὶ τὸν γεωργικὸν ἐτάξε βίον, iisdem tam bellica quam rustica injunxit munia) ut hoc fieret necessitas exegit, non melioris disciplinæ ignoratio effecit, cum præsentior rerum in majus profectarum usus maturè id correxerit.

P. 92.

P. 92.

Verum ad rationem corporis nondum sufficere, si & copia & modus & varietas membrorum adsit, nisi disponantur suo quodque loco & connectantur ordine & apte vinciantur, eundem Heroem non latere poterat, cum ad felicitatem plurimum interesse crederet, collectæ multitudinis ordinem & dispositionem. Eum in finem religionis curam tam sanctam esse voluit, ut enim abundet civitas civibus DEI primo munus est, non eo tantum nomine, quatenus alias nationes magis, alias minus sæcundas pro diverso locorum cœlique habitu esse voluit, sed etiam ex singularibus causis, occultisque, ob quas crescere aut diminui fataliter solent populorum vires. Et, ut explicatius dicam, haud ignorare poterat, Dei potentissimo nutu, civitates ab infimo ad summa proficere, Dei robore valere rerum fastigia, Dei consilio ab uno ad alium moles Imperiorum transferri.

Nec minus novæ urbi Romuli industria in disponendo & ordinando Imperio profuit, qua universam multitudinem in tres diviserat partes, singulis singulos duces præficiendo; harum unamquamque rursus in decem partitus, totidem eis duces præposuit. Quarum partium majores *Tribus*, minores *Curias* appellavit. Has Græci *φράγες* sive *λόχες*: illas *φυλαῖς* sive *τεῖτῦς* dicebant; sicut tribuum præfectos *φυλάρχους* & *τεῖτάρχους* iidem nominabant; quos Romani *tribunos*: alteros, curiis præpositos *φραγείδάρχους* & *λοχαγούς*; quos Romani *curiones* appellabant. Curiae rursus in *Decurias* ab eo distributæ, & cuique Decuriæ suus præfuit rector, *Decurio* dictus. In quibus

p. 82.

omnibus summam reip. civiumque æqualitatem paci æque ac bello idoneam eum observasse & procurasse ipse *Dionysius* censeat.

Inter prudentissima quoque hujus Herois consilia alia, non ultimo loco collocandum inventum illud laudabile, quo jus *Patrocinii* ad mutuam inter patricios atque plebejos obligationem introduxit; quod institutum non immerito *Dionysius*, ut utilissimum reip. vinculum commendavit: ideo non contentus, illud, sicut à Romulo ordinatum, enarrasse, una cum utilitate juris istius, sed primam quoque ejus originem, finem & formam denique partite ac diligenter exequitur. Sed cum ab aliis collecta sint peculiaribus opusculis, quæ hic dici possent, ad ea lectorem remittimus. Inter quos *Martinius Magerus* vetera & recentia, diligentia non minore quam copia executus est.

Pergimus ad consilium illud, quo *honores atque dignitates* ad subditorum salutem distribuit. cum enim in tantum crevisset, ut virium haud poeniteret, centum creavit senatores, sive quia is numerus satis erat, sive quia soli centum erant, qui creari Patres possent, exemplo ab Atheniensium Republ. sumpto, ubi illustribus familiis ortos, opibusq; præpollentes, penes quos fuit civitatis regîmen, Patricios vocatos fuisse constat. Inter calumnias refert *Dionysius*, quod Patricios ideo dictos quidam volunt, quia soli illi poterant Patres ostendere, cum reliqua fugitivorum turba fuisset; rationibus quibus innituntur diligenter refutatis. Quando igitur quæritur apud *Jacobum Draconem*, qui de Patriciis memorabilem scripsit Commentarium: An Patriciatus hodiernus sit juris gentium, an Civilis; 1. Frustra dicitur hodiernos Patricios surrogari Romanis veteribus Patriciis, sive primo generi Patriciorum. Surrogatio enim ne per ambages quidem & multa postulata ostendi potest. 2. Jus Civile de Patriciis, quod ab Henrico Aucupe dicitur constitutum, neque superest, neque hodie locum tenet. Imò in aliquibus locis consuetudine potius, quam scripto jure constat Patriciorum civium dignitas: potestque non absurdè dici, moribus gentium ita comparatum esse, ut Senatores in Civitatibus, eorumque liberi aliqua dignitate præ cæteris civibus eminent.

Am-

Lib. 3. c. 2.
sub finem,

Amplificandis opibus & firmandæ potentiaë causa, contrahere *fœdera*, Regibus inter artes est. Unionis arctioris fœdus fuit, quo Romulus Sabinos, eorumque Regem Tatium adscivit, de quo genere confociationis non una est omnium sententia, Claudius apud Tacitum nomen Romuli celebraturus dicit: *Conditor noster Romulus, tantum sapientia valuit, ut plerisque populos eodem die hostes, deinde cives habuerit.* De Sabinis dicit *Grosius*: *non amisisse jura sed communicasse cum Romanis.* Accepit Titum Tatium Sabinorum Regem in Regni societatem Romulus, quando scil. interventu mulierum uterque populus non pacem modo, sed & civitatem unam ex duabus fecerunt, Regnum confociarunt, Imperium omne contulerunt Romanis. Quæ verba *Livii* satis ostendunt, Sabinos ita accessisse Romanis, ut una esset Civitas, Romana scil. Sabinis in communionem juris Romani ascitis, quod amplius *Dionysius* exponit, & Imperio Duumvirali ad tempus instituto, manente nomine Regio. Quin imò non per ambages historicus ostendit rem ipsam, & vera jura Sabinorum in civitatem Romanam cessisse, inania quædam simulacra, de nomine Sabinorum usurpata esse. Ita geminata urbe, ut Sabinis tamen aliquid daretur, *Quirites* à Curibus appellati. *Geminata* urbs est, accessione alterius populi amplificata, non enim duo jam populi sed unus erat, additis Sabinis auctus. Expirante ergo Duumviratu temporario morte Tatii, non creatus est ex numero Sabinorum alius collega (sicut fieri debuisset, si mansura societas Imperii etiam in una civitate instituta esset) sed ab unius nutu omnia pendebant. Certum igitur, hac confociatione civitatem Sabinorum, factam esse partem Civitatis Romanæ i. e. non mansisse civitatem, quicquid simulacri causa obtenderetur.

Lib. 2. Ann.
24. 7.

Lib. 2. c. 9. §.
9. de l. P. B.

Lib. .

Lib. 2.

Livius Lib. 1.
c. 13.

RES GESTÆ BELLO.

CUM Romulus vitam humanam sic comparatam esse didicisset, ut nunquā plena securitas contingeret, in incertos metus, partim à Divina providentia, quæ sola Reges variis periculis expositos tutari posset, partim ab innoxia cautione sibi præsidium petendum esse prudenter censuit, quod ad se

lib. 1. c. 19.

cap. 8.

Lib. 4. Pol.

c. 7.

Lips. Pol. 1.

3. c. 3. §. 11.

aut regnum tuendum utiliter adhiberet. Milite autem & armis hoc fieri magis notum est, quam ut hic ostendi debeat. Viros autem militares ab officio & usu partitus est in custodes ac satellites, milites ordinarios ac perpetuos. *Livius* testimoniū de his Romuli custodibus clarum est, *trecentos*, ait, *armatos ad custodiam corporis, quos Celeres appellavit, non in bello solum sed etiam in pace habuit.* Idem auctor *venerabilem insignibus Imperii Romulum se fecisse* ait, & *cum cetero habitu augustiorem*, tum maxime lictoribus duodecim sumptis. Custodum & satellitum quantus in Regio fastigio usus sit, *Lipsius* explicat. An autem numerus lictorum ab aviū numero à Romulo visarum, an ex more Hetruscorum, unde & apparitores & sella curulis & toga prætexta sumpta, mutatus sit, aliis disputandum relinquimus. Nobis persuasissimum hoc est, inter prudentiæ accuratioris inventa meritò referendum, quod imperium suum Romulus insignibus à lictoribus portatis ostentare, atque figurare voluerit. His enim tanquam symbolis vel profundior Majestatis natura, vel dignitas sanctitasque quodammodo declaratur, ac hominum venerationi commendatur. Hinc tot augustissima Regni symbola omnis ætas usurpavit, quæ vulgus ut instrumenta scenæ intuetur, Prudentes ut mysteria Imperii venerantur.

Videndum jam, qua in ipsis bellis noster Romulus sit usus prudentia. Cum autem in omnibus bellis *causa* sit spectanda, quæ velut caput Bonæ spei est, ante omnia inquirendum, quæ & quales illæ non à parte hostium solum, contra quos se defendere coactus erat, sed & ipsius Romuli fuerint. Manifestum autem ob *raptum virginum* finitimos prima movisse arma, exindeque reliquis hostibus occasionem ad infestandos Romanos datam esse. Cum autem hic locus de raptu virginum salebris non careat, diligentius inquirendum erit. *Augustinus* quidem ita de hoc facto judicavit, ut Romanis ob negata matrimonia justam belli causam tribuisse visus sit. Et Poëta jus in oculis habuit, cum scripsit:

*Externis dantur connubia gentibus, at que
Romano vellet nubere nulla fuit.*

Verum *Augustinus* comparatè agere ad fraudem obtentu spectaculi & pacis velatam videtur: tum dubitanter: *aliquo enim*

FOR-

FORTASSE, inquiens, *jure belli injustè negatai justè victor auferret.* Sed Albericus Gentili figuræ, non dubitationi hanc voculam deputat, & causam pro Romanis disceptat in libello de ar-
 mis Rom. Ita que aliqui hoc bellum in necessario susceptis numerant. Sane constabat hic de illorum, qui matrimonium negabant, hostili consilio & conspiratione, ad excidium novæ civitatis spectante: cum potius tanquam vicinis humanitatem deberent. Additæ sunt verborum contumeliæ: quæ importunitas justum Romanis dolorem excitavit. Verum ut populus virorum ad hunc modum destituatur matrimoniis, neque in vicinia impetrare ea possit, per longinquas autem & transmarinas peregrinationes neque tempus neque facultatem habeat quærendi, non existimamus facile posse contingere. Si tamen aliunde nulla copia, & qui primum rogati sunt, abundant mulierum innuptarum multitudine, dubium non est, quin auctoritate publica induci possit idoneus numerus, ad talia matrimonia optanda, & ultro volentibus nubere adjungi: nec supererit causa querelæ negati matrimonii, ubi hoc fit.

l. 2. p. 113.

Verum Romanorum Legatio, qua connubia ambiebant finitimorum, *nusquam benigne audita: adeo simul omnes spernebant Romanos in medio crescentes metuebantque.* Quod nec Sallustium
 latuit, cum dicit: *Invidia ex opulentia orta est.* Idèd diligenter distinguendæ causæ belli justificæ à suasoriis. Licet cum justificis suasoriæ, quæ sub ratione utilitatis veniunt, haud raro concurrant. Quod perspicuum est in raptarum virginum parentibus: licet enim raptarum animos placarent blanditiæ virorû, factum purgantium cupiditate atque amore, quæ maximè ad muliebre ingenium efficaces preces erant; tamen indignabundi Sabini congregabantur undique, & legationes ad alios concitandos mittebant. Titi Tatii Sabinorum Regis nomen eo tempore maximum erat: qui lente agere visus ceteris, pro ardore iraque perentium: Soli ergo Cæninenses non expectatis Crustuminiarum atque Antemnatiarum subsidiiis in agrum Romanum impetum fecere. Verumenimverò levi certamine à Romulo victi, edosti sunt: vanam sine viribus esse iram; spolia insuper opima de Rege obtruncato in prælio reportata, ac Feretrio Jovi ipsius Romuli manibus dicata. Ceterum

Liv. l. 1. c. 9.
in Catil. c. 6.Livius l. 1.
c. 10.

lib. 1, c. 10. *terum hæc Romuli fortuna adeò rari decoris fuit, tam gloriosa, ut ipse Historicus fateatur, bina postea tantum per tot annos, tot bella, opima parca fuisse spolia. Clades contra hostium non modo gravis sed & maximè fœda, cum impetus illorum, iudicio Historici, imprudentiæ potius quam fortitudinis speciem haberet, nec attendebant miseri homines impatientiæ errores peiores esse tarditatis deliquiis, cum Seneca Tragico monente,*

in Aga-
menon. act. 1.
v. 23.

— — — *sape sanavit mora*

Quod ratio nequit.

lib. 1, c. 1.

de I. P. B. 1.
c. 22. §. 5.
& 1, 2, c. 1. §.
17.

l. 1. c. 11.

p. m. 16. 122.

in Vita Rom.
p. m. 281

Inde contra Crustumino bellum translaturum, ubi *mixtus etiam, quod jam alienis cladibus animi ceciderant, certaminis fuit.* Proxima enim quæque victoria instrumentum sequentis plerumque esse solet; observante *Iustino*. Fidenates quoque ex insidiis à Romanis impetiti & multiplici terrore perculsi graves ambitionis suæ pœnas dabant, cum bellum occuparent facere Romanis ideo, quia vicinas illorum opes nimis convalescere videbant. quam injusta autem bellandi causa sit, quam metus ex vicinorum potentia suppeditat, *Grotius* graviter demonstravit.

Nec meliorem sunt experti fortunam Vejentes, Antemnates, ut & Sabini, quibus cum bellum fuit maximum, graviusque certandum, ideo quod nihil per iram aut cupiditatem, qua plerique antea, agebant. Ipse Historicus horum prudentiam non potuit non laudare: *bellum, inquit, non prius ostendunt quam intulerunt. Consilio additus dolus, quo Tarpejam virginem ita corrumpere, ut non dubitaret, spe auri pacto promissi armatos in arcem accipere; ne autem aliquid proditori usquam fidum esset, accepti obrutam armis necavere.* De ipso facto disputat

Albericus Gentilis in utramque partem de *Armis Romanis*.

Ipse virgo quidem prodicionis mercedem morte merito luebat, cum plerumque cum Antigono apud Plutarchum soleant Reges prodentes amare, odisse, cum prodiderint. Eo enim in tales animo sunt illi, qui eorum operam requirunt, ut veneno & felle quarundam maleficarum bestiarum qui opus habent: operam eorum dum ex usu est amplectentes, scelus ubi voto potiti sunt execrantes. Cum sine culpa virginem ad id impellere aut sollicitare non potuerint, quod in perniciem

ciem patriæ ipsius tendebat : semper enim qui alteri peccandi causam dat, peccat & ipse. præsertim cum illorum opera requiritur, quorum facto perfidia inest.

Grotius de I.
P. B. l. 3. c. 1.
§. 21. seq.

Quomodo tandem & quibus conditionibus hoc bellum (dum laceris comis mulieres intervenirent, suæque miseratione consilia pacis injicerent,) finitum atque compositum sit, colligi potest ex iis, quæ supra dicta sunt de fœdere cum Sabinis pacto. Hæc domi militiæque immortalia Romulus edidit opera, ut orbis Imperii fundamenta jaceret, qui incerta tandem morte extinctus interiit.

FORMA IMPERII.

Quando jam de Forma Imperii sub Romulo quæritur, & an potestatem vere Regiam habuerit hic Heros? nihil est, quod sinat nos ea de re dubitare, si monumenta de rebus Romanis nobis relicta penitus introspeciamus. Primo enim in universa historia Romuli nihil est, quod nos citra figuras & ambages doceat Jura Imperii divisa fuisse inter Romulum & Patres, quos ipse creavit. Deinde argumenta fortissima sunt pro absoluto Imperio: Læges tulit suo nomine solus, Senatores solus constituit & destituit, hostes pacis conditionibus & placavit & fœdera inivit solus. Quantum ejus jus fuerit circa sacra Dionysius explicat. plebi, inquit, tria commisit Romulus, Magistratus creare, leges sancire, de bello, si Rex permisset decernere, non tamen absolutam in his populo esse potestatem voluit. addam Testimonium Taciti, qui non dubitat Romulo tale assignare Imperium, ubi nulli mixturæ locus erat, nobis, inquit, Romulus ut libitum, imperitaverat. Mixtura igitur, si qua fuit, postea locum eam invenisse, dicendum erit.

p. 124. 125. &c.

lib. 3. Anna.
c. 26.

NUMA POMPILIUS.

ORIGO.

Successit Romulo Numa Pompilius, filius Pomponis Pompilii, ex quatuor fratribus minimus, Plutarchus simpliciter In vita ejus vocat Pomponii Viri illustis prolem. De nativitate hujus P. m. 61.

P p p

EX-

- p. m. 568.** *Excerpta Peiresciana* hæc referunt : Hunc rerum Sabinorum peritissimi, eodem die natum esse ajunt, qua Roma condita est. *Plutarchus* addit ipsum diem nativitatis : divino, inquit, casu eadem genitus die, qua Romulus condiderat Romam, id est, undecimo Kalendas Majas. Cæterum idem scriptor memorat, tantam fuisse Numæ apud omnes gloriam, ut Tatius Sabinorum Rex unicam ei filiam Tatiā nuptum daret. Vir, ut in illa quisquam ætate, verba *Livii* sunt, esse poterat, omnis divini atque humani juris consultissimus, justitia præterea atque religionis laude inclitus; & sicut Regio genere natus erat, ita Regia præditus forma, disciplinis se dederat non inutilium literarum, à quibus aliàs Principi maximè cavendum esse, *Lipsius* monet, sed quibus in virtutum studio erudiretur, & sic naturam ad omnes virtutes temperaret. Hinc *Temperato fuisse instructum animo*, *Plutarchus* refert, ejusque sapientiam adedò admirati sunt Romani, ut non dubitaverint ad Deum monita illam referre; fabulati identidem ad eum ventitasse *Ægeriam* Nympham eumque regiam docuisse prudentiam. Haud melior illorum opinio, qui auctorem doctrinæ ejus falso Samium Pythagoram edidère. Licet enim hoc Samio Pythagora alium antiquiorem vixisse, cum *Vossio* credamus, illud tamen quod Numma cum tali sit versatus unquam, nescio quomodo probari possit, cum in nulla, (verba sunt *Dionysii*) vel Romana vel Græca reperiatur quicquam Historia.
- In vita ejus**
p. m. 61.
- lib. 1. Pol. c. ult.**
- In Vita illius**
p. m. 62.
- In Historic. Græc. p. m. 409.**

MODUS PERVENIENDI AD R E G N U M.

ANtequam pergamus, nonnihil cum *Livio* & *Dionysio* sublegendum erit, ut memorabilem, quam de interregno hoc tempore factò annotarunt, historiam delibemus. Postquam enim Romulus finem vitæ violenter an fato impleverat, varii fuere animorum habitus, in communem tamen quendam libertatis sensum congruere videbantur, dum aliqui finem Regii Imperii, quidam initium resumendæ libertatis atque novæ spei occasionem advenisse credebant. Inprimis autem Patres, morte Principis, nulla relicta prole, summæ rei arbitrium, certamine

tamine regni ac cupidine animos illorum versante, ad se devolutum esse rati sunt. Tandem delata ad magistratus administratione interregnum factum: Et licet in variis voluntatibus, Regem tamen omnes volebant, libertatis dulcedine nondum experta: *natura enim multitudinis libertatem, qua media est, nec spernere modicè, nec unquam habere scit*, notante Livio. Ipsi-
 lib. 24. c. 25.
 us interregni formam & modum gubernandi legere potest qui
 l. 1. c. 16.
 vult apud Livium, Dionysium & Plutarchum, qui diligenter om-
 p. m. 119.
 nia describunt. Mox autem pudor interregni subire cœ-
 In vita ejus
 pit, plebe fremente, multiplicatam servitutem, centum pro
 p. m. 61.
 uno dominos factos, quibus dispar ingenium nec voluntas in
 omnibus eadem. Aded verum illud Ciceronis: *In multitudine est
 pro domo
 varietas & crebra tanquam tempestatum sic sententiarum commutatio.*
 sua ad Ponti-
 Tandem patres haud ignorantes plebem non nisi Regem ab
 fices p. m.
 368. c. 4.
 ipsis creatum passuram, *offerendum ultro sunt rati* (verba Livii
 lib. 1. c. 17.
 sunt,) *quod amissuri erant.* Hæc Patrum modestia plebi aded
 codem loco.
 grata fuit, ut ne victi beneficio viderentur, id modo vellent,
 notante eodem historico, ut Senatus decerneret, qui Romæ
 regnaret. Mox alii de creando Rege fluctus & motus animos
 civium inquietaverunt, dum non de viro tantum certatum,
 sed & utra gens Principem daret contentiosè deliberatum.
 Quoniam autem nemo magnopere eminebat in novo populo,
 Numa denique è Sabina gente Rex declaratus est. Missi ad
 eum legati, qui Senatus ac Populi Imperium offerentium de-
 sideria exponerent: cum ille, malle se privatum vivere respon-
 deret, singulari sua modestia Patrum atque civium animos ita
 sibi conciliavit, ut neminem illi præferre ausi sint. Meritis
 itaque prius quam potestate Princeps, ætate providus, usu
 peritus, actu strenuus, pronum ad Imperii authoritatem sibi
 iter stravit.

RES GESTÆ.

Licentiam bellorum sub Romulo gestorum multa discipli-
 nae publicæ vulnera, multas lases attulisse non dubitan-
 dum, cum militis victoris animus tanquam debitum perpetuæ
 licentiæ præmium affectet, & victi trucem cladis memo-

riam vix aliter quam dedignatione parendi solentur. Hinc heroico opus erat spiritu, qui nullam occasionem emendandæ disciplinæ omitteret, quique fortem animum genio seculi rudi opponeret, malarum artium latebras scrutaretur, diligentia, & labore inquireret. Præcipuè autem ejus diligentia in finibus Imperii Romani tum publicis tum privatis terminandis muniendisve occupata erat. Ut enim regnum suum certis complecteretur finibus, atque ita Romanum agrum à vicinarum urbium prædiis distingueret, bella assiduè cum finitimis, nec raro de finibus aut occasione contiguorum finium sub Romulo mota hortabantur. Eam ob causam Deos Terminales excogitavit, eisque Ethnico more sacra fieri jussit. Ipsorum sacrorum ritus *Dionysius* fusè describit. Ut eandem curam in limitibus agrorum privatorum discernendis adhiberet, unumquemque hortatus est, ut suas possessiones circumscriberet, positus in extremo lapidibus. Et ne sua cuique cupiditas possessionum limes esset, legem tulit, ut caput ejus, qui aliena vel vi vel dolo prædia appeteret, Deo terminali devoveretur, promissa etiam impunitate, si quis talem tanquam sacrilegum interfecurus esset: aded sedulo cavebat, ne ipse neve alii aliena haberent, sed quilibet propriis contentus esset. Exemplum omni posteritati commendandum.

lib. 2. p. 133.
134.

Pertinet ad Tutelam Imperii amicitia externorum, ut omnibus constat: idcirco fœderibus jungendis & societatibus contrahendis Numa fuit studiosissimus. *Omniun animos*, inquit Livius, *finitimorum societate ac fœderibus junxit*: quin perpetuo justitiæ & pietatis studio effecerat, ut amicitia ejus ultro ambiretur, cunctaque venerantium officia vicinæ illum gentes verterent. Notante eodem Historico; *populi finitimi, qui ante, castra, non urbem positam in medio ad sollicitandam omnium pacem crediderant, in eam verecundiam adducti sunt, ut civitatem violari nefas ducerent*. Et *Dionysio* teste, vicinæ gentes Romanos aded non habebant suspectos, ut si quod inter ipsos existeret bellum, non alium quam Numam dirimendis inimicitiis suis arbitrum querendum existimarent. Fructus exinde petitus, erat certissima regni nuper instituti quies, quam & conservare, fovere & retinere princeps pacis artibus instructissimus semper

lib. 1. c. 19.

lib. 1. c. 21.

lib. 2. p. m.
135.

per studebat. Agitato enim tam continuatis moribus Imperio, maximè interregni tempore, quiete opus erat, qua reficeretur, ipsaque reipubl. dispositio, quam Romulus vi & armis adornavit, coalesceret. Non ignoravit optimus Princeps, armis regna parari, pace autem firmari, neque ullius status disciplinam casibus bellorum tuto committi; cum econtra pacis soboles sit, proventus omnis generis rerum atque studiorum. Nec sine ratione pacis studium inter maxima hujus Regis opera retulit *Livius*: *Tutela*, inquit, *per omne regni tempus*, haud lib. 1. c. 21.
minor pacis quam regni.

Prudentiam & artem imperandi sicut alias semper, ita in legibus ferendis eximiè Numa ostendit, cum eas suo statui & Imperio nuper condito, solerter accommodaret. *Urbem*, ait lib. 1. c. 19.
Livius, *novam, conditam vi & armis, jure legibusque ac moribus de integro condere paravit.* Profunde ratiocinatus præterea, quid rei, quid temporibus, quid humanitati in utramque partem deberetur. Imprimis verò sacra Regni & Regiæ utilitatis mysteria suis legibus moderatus est, & si quid à Romulo prætermisum animadvertit, de suo addidit, reliquas consuetudines velut optimo ab auctore introductas sapienter retinens. Quas constitutiones de castimonia, de ceteremoniis cæteroque Deorum cultu promulgavit, quas diis aras assignavit, prolixè annotat *Dionysius*. Nec male ratiocinatus est noster Rex, quod cre- Lib. 2. p. m. 124.
didit rem ad multitudinem imperitam & illis seculis rudem coërcendam, efficacissimam esse Deorum metum. An autem exemplo Græcorum, præsertim Minois Cretensis & Lycurgi Lacedæmonii commentus sit, sibi cum Dea Egeria congressus nocturnos esse de sacris à Diis acceptis, instituendis, suo loco relinquimus. Illud dubitatione caret: Sine religione nullam civitatem stare posse. Nec immeritò *Plato* sapientissimus ille Philosophus, religionem propugnaculum potestatis ac legum & honestæ disciplinæ vinculum vocavit; & monitu *Aristotelis*, inter curas publicas prima esse debet de rebus divinis. Ea quippe, quæ imperantes subditis & hi vicissim illis debent, non alia ratione aut sanctiora fiunt, aut promptius obtineri possunt, quam si & imperantes & obsequentes Numinis potestatem supremam esse agnoscant.

Cæterum memorabilis & digna, ut de ea aliquid diceretur, erat illa lex, qua sanxit, ut si quis transferre aut tollere lapides ausus fuisset terminales, caput ejus Deo terminali devoveretur, interfectori ipsius, (verba *Dionysii* sunt) tanquam sacrilegi, impunitate promissa. An enim hujusmodi lex jus dare possit interficiendi? an solam impunitatem privato nimirum? non ineptè quæritur. Nobis certum est, si legislator summa potestate præditus ad vindicanda facinora uti voluerit manibus interfectoris, vel jubendo eadem, vel, quod jussioni proximum est, tanquam sua vice, & ex usu Reip. factam agnoscendo, justam reddi actionem. Alia verò est quæstio, si voluntas legislatoris disertis verbis non expressa, aut dubia est.

CONSTITUTIO MAGISTRATUUM ET JUDICIORUM.

A Legum & religionis sanctitate ad judiciorum æquitatem ipsa res deduxit Regem, qui de præsidiiis pacis cogitationem susceperat. Omnis enim bonarum legum vigor sanctissima judiciorum auctoritate consummatur, quæ nunquam stabit, nisi boni moris disciplina animos subditorum præparet, formetque. Hinc prudentissime noster à bonis moribus principium in tuendis, ornandisque judiciis repetiit, dum ea pietate, testante *Livio*, omnium pectora imbuerat, ut fides ac jusjurandum propulso legum ac pœnarum metu civitatem regerent. Et quo magis omnium studiis commendaret justitiam, Themis & Nemesis, quæ à Græcis *ἐπίμναι* appellantur, divinis honoribus coli jussit, præsertim fidem in contractibus atque constantiam observari mandavit. Quo fine primus omnium, teste Historico, Fidei publicæ templum sacrauit.

lib. 1. c. 21.

Addendum aliquid de officiis, dignitatibus ac ministeriis, cum sine magnis ministrorum præsidiiis justitiæ nomen atque pax, certa ejus soboles, vix obtineri queat. Divisit autem universam regionem in Pagos, præposito unicuique, qui eum obiret, atque inspectaret magistro, quique tam bene quam male cultos agros in tabulis descriptos crebro ad Regem

Dionysius
lib. 2. p. 135.

gem

gem deferret. Consilio sane prudentissimo : cum plurimum Principis inter sit , Omnia scire , licet non omnia exsequatur ; prorsus ut in curanda re familiari nisi paterfamilias rationum domesticarum minima , maxima , provisu , & examine ad se trahat , & à se rursus expediat , nequaquam domus bene ordinata videtur. Ita in Imperio administrando , Numa providè eo consilia direxit , ut administrationis ratio diligentissimè sibi redderetur.

Ad dignitates non male referri credimus officium Pontificis Maximi , instituti ultima in sacris ordinibus , quarum octo fuisse *Dionysius* memorat , classè. Quanta autem illius fuerit auctoritas in litibus sacris inter privatos pariter & Magistratus sacrorum judicandis , *Dionysius* fusè docet. Huc pertinet etiam Fecialium institutio , quorum munus , officia , solennitatesque diligenti cura *Livius* cum *Dionysio* annotavit. lib. 2. p. 132.

His tam præclare , tam prudenter ordinatis , ita ferocem populum mitigavit , ut tota civitas in cultum quasi Deorum , *Livio* testante , versa videretur. Et quod certissimum tranquillæ Reip. indicium est , proprio exemplo magis quam inventione Legum , subditos suos formare studuit. Deprehendens homines in Regis veluti unici exempli mores formari , proinde nihil lege ulla in alios sanxit , cuius non ipse primus in se documenta daret , & ita rectè suos facere , faciendo docuit. Cum semper obsequium erga Principes & æmulandi ardor plus possit quam formido ex legibus. Idcirco vere à facundissimo Scriptore dictum est : *Vitam Principis esse censuram eamque perpetuam , nobilibusque ingeniis non tam imperio opus esse quam exemplo.* Plinius in Paneg. ad Trajan. Lib. 1. c. 31. Hinc ejus memoria apud posteros tam grata fuit , ut sub Tullio quoque , teste *Livio* , Cives ejus Imperium requisiverint. Obiit autem diem anno imperii XLIII. Ætatis LXXX. ; liberos relinquens , ut plerique volunt auctores , mares quatuor & unam fœminam. Cn. Gellius solam filiam reliquisse scribit : l. 2. p. m. 135. de quibus videndus *Dionysius*.

TULLUS HOSTILIUS. O R I G O.

Ex-

EXcepit Numam Tullus Hostilius, vir industrius belloque clarus. Avus ei vir genere nobilis & opibus pollens nomine Hostilius, cujus in infima arce clara adversus Sabinos pugna fuerat. Avia filia Herfcilii nobilitate ut & virtute in eo potissimum insignis, quod amicitia inter parentes & maritos in bello Sabino conciliata laudem tulerit. Horum unico ex filio & nobili matrona prognatus Tullus Hostilius. Locum nativitatis ei Halicarnassensis designat Medulliam, oppidum ab Albanis conditum, à Romulo autem deditione acceptum. Vir armorum quam conviviorum apparatus studiofior, & cui maximæ opes erant instrumenta bellorum. Hinc proximo Regi non solum dissimilem, sed ferociorem etiam Romulo fuisse, dicit *Livius*. Excerpta *Peiresciana* à magnitudine animi eundem hunc Tullum commendant & peritia militari. verba hæc sunt: *Tullus Hostilius in bello adversus hostem fortissimus habebatur, sed Deos idem magnopere contemnebat, donec saviente per urbem peste ipse quoque morbo implicitus erat. Livius paulo clarius: Spiritus, inquit, adeo illi feroces, ut nihil minus Regium ratus esset quam sacris dedere animum. Adeo interdum militaris ferocia aliena esse solet à rebus divinis.*

lib. 3. ab initio.

cap. 22. p. 568.

Lib. 1. c. 31.

MODUS PERVENIENDI AD REGNUM.

Quoniam quærendus erat Princeps, qui experientia belli esset venerabilis (nam miles non facile æstimat, nisi militarem virum,) & hostibus in rebellionem pronis formidabilis, huic regnum in honorem militaris virtutis ultro datum est.

RES GESTÆ.

Cæterum quam utilis sit novum Imperium inchoantibus clementiæ ac beneficentiæ fama, non unius seculi Historia docet, & scriptores ubique ostendunt. Quapropter & noster Tullus Hostilius à facto longè magnificentissimo Imperium suum auspicari voluit, ut universam operariam & egenam plebeculam sibi devinceret, inque sui venerationem pertrahere.

traheret. Factum ipsum Dionysius enarrat : *Superiores*, inquit, lib. 3. p. 117.
Reges agrum habuerant magnum & uberem à Romulo jure belli partum,
cum Tullus permisit dividi viritim inter Romanos inopes, professus patri-
monium sibi sufficere in sumptus domesticos. Quæ Grotius habet de de I. P. B. l. 2.
 non alienandis bonis, quorum fructus ad Regiæ dignitatis o- c. 6. §. 11.
 nera sustentanda sunt destinati, hic locum non habent. Cum
 Dionysius notet, agrum fuisse non publicum, sed propriam Re-
 gum sortem, ac possessionem, in quam plenum habebant Im-
 perium.

Alterum consilium, quo inter initia Imperii ad stabilien-
 dum Regnum usus, non minus prudentiæ habebat : dum ni-
 mirum promotis mœnibus Cælium collem urbi adjunxit, con- Livius c. 30.
 cesso ædificandi spatio iis, quibus domicilium deesset, & quo
 frequentius nova urbis pars habitaretur, eam sedem Regiæ ce-
 pit, ibique deinde habitavit. Præcipuum enim loci alicujus
 decus ipsa Principis sedes : cujus magnificus ornatus haud ra-
 rō ad mystéria Reip. pertinet. Habet enim locus quoque
 aliquid ad potentiam momenti.

Porro in Republ. ordinanda summam militiæ rationem
 sibi habendam esse duxit : salubriora credens militiæ quam Livius lib. 2.
 domi juvenum corpora esse. Videndum itaque, quæ in bello c. 387.
 memoratu digna gesserit. Perspicuum autem est, in omni bel-
 lo causas diligenter considerandas esse, quarum aliæ justificæ,
 aliæ suasoriæ : illas cum Polybio vocant, *προφάσεις*, idē quia
 palam proferri solent, *Livius* nominat Titulum ; has autem *αι-*
τίαι, quia sub ratione utilitatis arma Principib. suadere solent.
 Sunt (& fuere,) ut *Grotius* notat, qui neutro causarum genere de I. B. p.
 feruntur in bella, periculorum, ut ait *Tacitus*, propter ipsa avidi: lib. 2. c. 22.
 alii causas, quasi justificas afferunt, sed quæ expensæ ad injusti §. 2. 4.
 rationem meritō referuntur. Nec rarō accidit, ut belli causa
 quidem justa subsit, sed vitium actionis accedat ex animo a-
 gentis, sive quod adest affectus planē illicitus, ut gaudium ac-
 quiescentis in malo alieno ; sive, quod aliud quiddam non illi-
 citum per se, magis & principalius animum moveat, quam jus
 ipsum, puta honoris studium aut utilitas aliqua, sive privata,
 sive publica, quæ ex bello ipso seorsim à causa sua justifica
 considerato expectatur.

lib. 1. c. 22.

lib. 1. c. 23.

lib. 1. Ann. c.
9. §. 3.

lib. 3. p. 149.

Dionys. p.
144.

Huc non immerito referri posse bellum Tulli cum Albanis gestum censemus, secuti iudicium *Livii* fatentis, causam justificam Tullo in hoc bello non defuisse, quoniam prædas invicem egisse, idem *Historicus* memorat, utrimque etiam legati & ferè sub idem tempus ad res repetendas missi sunt. *Cupidinem* tamen bellandi accuratè notat & arguit, cum scribit: *Tullus senescere civitatem otio ratus, undique materiam excitandi belli querebat, tum indole animi, tum spe victoria ferocior. Quo spectant etiam, quæ in specie de bello Albano idem Livius habet, dum dicit, bellum utrimque summa ope paratum, inter parentes, natosque Trojanam utramque prolem, civili simillimum: Quale per bonas artes, iudicio Taciti, neque haberi neque parari potest.*

Ferox autem Tullus præcipuè morte Regis Albani Cluili, infesto exercitu in agrum Albanum præteritis hostium castris pergit, ut à stativis Metium Suffetium in locum Cluilii electum exciret. Qui Tullum interpellavit, iis adhibitis rationibus, quæ bellis vitandis aptæ censentur: petens primum colloquium; tunc enim utile ad arma concurrere, cum locum apud adversarios iustitia non potest invenire. Nec Tullo hoc remedium displicuit, cui apud *Dionysium* (in alia quidem causa) hæc tribuuntur verba: *quæ verbis componi nequeunt, ea armis decernuntur.* Hinc apud eundem *Historicum*, saluberrimi consilii idem Tullus auctor fuisse legitur, scil. ut omnium factorum dictorumve & venia & oblivio in perpetuum sanciretur: *Missa fiant omnes criminationes, inquit Historicus, tam privata quam publica, nec ulla superiorum malorum supersit memoria.* Quæ tam generoso consilio impedimento fuerint, idem *Historicus* diligenter notat.

Excogitatum ergò aliud remedium, quo utri utris imperent, sine magna clade, sine multo sanguine utriusque populi decerni posset. *Florus* eleganter explicat, cum dicit: *misso in compendium bello, Horatii, Curiatiique tergeminiis hinc atque inde fratribus utriusque populi fata commissa sunt. Anceps & pulchra contentio, exituque ipso mirabilis. Tribus quippe illinc vulneratis, hinc duobus occisis, qui supererat Horatius, ut distraberet hostem, simulavit fugam, singulosque prout sequi poterant, adortus exsuperavit. Quo jure autem in unum aut paucos transferatur, quod est omnium*

omnium, non sine ratione dubitatur. Qui putant nihil interesse, unius paucorumve, an multorum opera civitas utatur, ubi de summa belli agitur, nihil dicunt; cum omnino temere in paucorum manus tantum jus resignetur, neque tantam vim, quantam speciem habet, quod vulgo fertur: de parsimonia sanguinis, & mittendis in compendium belli calamitatibus. Quis enim non videt, satius esse, vel multorum interitu & calamitatibus redimi libertatem civitatis, quæ talibus duellis simul & semel perdi potest, sicut non injuste conquesti sunt Albani: inique tribus, fortunam publicam commissam fuisse: cum ex diverso post plures etiam clades reparari fortuna queat? Temperari ergo solent ejusmodi historiarum, in quibus non est nulla suspecta, vel quod ad mores temporum magis quam ad certam juris rationem referantur pugnae, vel quod deposcunt certamen potius, quam jubentur pugnatore.

vide Bodin.
de Rep. l. 4.
c. 1.

Grotius de I.
P. B. l. 2. c.
10. §. 10.

Verum sicut omne magnum exemplum habet aliquid iniquitatis, ita hic (rarum alias decus) unius manu parta victoria mox parricidio foedata. Victor enim sororem spolia circa se sponsi quidem, sed hostis flentem videns, immaturum virginis amorem ferro ultus est. Quomodo & qua ratione ob hoc facinus Horatius in judicium raptus sit, infra, ubi de forma Imperii agendum erit, amplius explicabimus.

Tacitus l. 14.
Ann. c. 44.
§. 7.

Jam revertendum ad Albanos ex foederis conditionibus Romanis subiectos, quorum dictator Romanorum ab initio Imperium agnovit, non tamen diu in fide perstitit, corruptus vanitate ingenii, vulgique invidia, objectantis, male tribus militibus fortunam publicam commissam: & quoniam recta consilia haud bene evenerant, pravis reconciliare animos popularium, quærens in pace bellum, sicut antea pacem in bello quæsit, cœpit, concitando alios populos suis per speciem societatis proditione reservata. *Florus* notaturus hujus Metii fraudulenta consilia, ita loquitur. *Fidenati bello missi in auxilium ex foedere, medii inter duos expectavere fortunam. Livius* ita; *consilium erat scil. Albanu, qua fortuna rem daret, eo inclinare vires.*

Lib. 1. c. 3.

Lib. 1. c. 27.

Verumenimvero sicut omnia consilia callida & audacia pri-

Liviusl. 35.
c. 32.
lib. 1. c. 27.

lib. 1. c. 3.
lib. 3. de I. P.
B. c. 1. f. 14.

ibidem.

ma specie læta sunt, tractatu dura, eventu tristia : ita in hoc negotio accidit ; hætenus Metio prosperum scelus virtus erat , at in ipsa pugna *non plus animi erat quam fidei*, notante Livio. Nec manere, nec transire apertè ausus, sensim ad montes succedit, fluctuans animo. Quæ historici verba, haud obscurè cœpti consilii difficultatem in tractando produnt. Quis enim alius animo fluctuat, quam ille, qui malorum sibi conscius consiliorum ? Et quod majus erat, ipsa Metii astutia à Tullo Rege callidè elusa. Cessat enim omnis simulatio esse simulatio, ubi apparet simulandi propositum. Et licet miraculo primo erat Romanis, qui proximi steterant, ut nudari latera sua sociorum digressu senserunt, Tullus tamen in re trepida consilium captat quasi in arena, suos in prælium redire jubens, nec opus esse trepitatione, cum suo jussu Albanus exercitus circumduceretur. Nec improspere suos persuasione non vera solatus est : dum enim animos tollit, quasi ipse mandasset, *spes, ait Florus, inde nostris, metus hostibus, frausque ipsa proditorum irrita fuit*. Num rectè Grotius, qui alias in disquirenda doli ac mendacii natura incomparabilem quandam industriam adhibuit, Tulli Hostilii persuasionem salubre mendacium vocitet, aliis disquirendum relinquimus. Non esse pro dolo & mendacio habendam tam utilem publicè ac privatim aut certè innoxiam veritatis dissimulationem, plerique volunt, qui negotia civilia tractant, sententiæ suæ explicationem ad ea & eos porrigentes, ubi ab ultima domini eminentis ratione quærendum sit auxilium ; neque concedendum, ut hoc remedium non strenuum magis quam subsidarium ad alia producat, quam necesse est. Addit Grotius : neque læsio judicii in hoc genere magna est, quia ferme momentanea, pauloque post aperitur veritas. An autem dominium eminens ad subditorum intellectum, qui nunquam cogi potest, extendi possit, non frustra quæritur ?

Cæterum Metius Suffetius fœderis ruptor religatus inter duos currus, & pernicibus distractus equis, insigne documentum dedit, ne alius auderet, quæ jure gentium sancta sunt, violare. Alba ipsa diruta, cum prius omnes opes urbis ipsamque populum Romam transferri Tullus jussisset, nec jus so-

lum

lum in Romanos transfusum, ita, ut una fieret resp. quod Grotius vult, sed omnia jura amissa esse ab Albanis, apparet ex verbis Livii: *Roma, iniquentis, crescit Alba ruinis, duplicatur civium numerus, Principes Albanorum in Patres, ut ea quoque pars reip. cresceret, Tullus legit, & ut omnium ordinum viribus aliquid ex novo populo adjiceretur, equitum decem turmas ex Albanis legit, legiones & veteres eodem supplemento explevit, & novas scripsit.* Omnis autem argumenti instar in eo est, quod Albani jam ante sub Imperio Romanorum erant ex pactione duelli, ut cujuscunque populi Cives eo certamine vicissent, is alteri populo cum bona pace imperitaret, quod Livius & uberius Dionysius exequitur. Et licet oratorum more Florus dulcia unionis & communionis vocabula in animo haberet, non potuit non verum admiscere. *Albam ipsam, quamvis parentem amulam tamen diruit, cum prius omnes opes urbis, ipsumque populum Romanam transfulisset, prorsus ut consanguinea civitas non periisse, sed in corpus suum rediisse rursus videretur.* Ejusdem generis delinimenta sunt, quæ Romanus Consul apud Appianum de utilitate Albanis quæsitâ dislerit.

lib. 2. de l. P.

B. c. 9. §. 9.

lib. 1. c. 30.

lib. 1. c. 24.

lib. 3.

lib. 1. c. 3.

lib. 1. c. 20.

lib. 2. de Ar-
mis Roma-
norum p. m.

131.

Dionysius

p. 133.

lib. 1. c. 30.

Bellum Albanum excepit Sabinum, ubi ex Livio constat: *Principium quæsitum injuriis utrimque factis.* Melior tamen Romanorum causa, si Alberico Gentili credendum. quod enim Sabini ad Feronæ Fanum mercatu frequenti negotiatores Romanos comprehenderunt, non poterant se satis excusare, licet obtenderent, suos prius in lucum confugisse, ac Romæ retentos: cum hæc res ante bis quadraginta annos transacta, longissima præscriptione inniteretur. Locus autem, ubi Romani capti, præstare omnes tutos jure gentium debuit, quod per summam libertatem congregari mortales necesse sit, negotiatores præsertim, quibus passim securitas & privilegia sunt contributa. Verum haud dubiè interior belli causa latebat in consilio occultiori, æmulatione scilicet potentix. hinc Livius ait: *Fiducia virium Tullus Sabinis bellum inducit, genti ea tempestate secundum Etruscos viris armisque opulentissima.* Ipsi Sabini, ita Livius in eodem capite, non parum memores suarum virium partem Romæ ab Tatius locatam, externa auxilia conducebant. Quotiens & ubi aperto Marte aut insidiis, velitatione vel prælio pugnatum sit,

non est nostri instituti referre. Unum adjicimus, pugnam ad sylvam Maleculam adedò fuisse atrocem, ut nec fuga Sabinorum sine magna cæde explicari potuerit.

Et quoniam in annotandis belli Sabini præliis nunc sumus, non omittendum esset memorabile prodigium, quod devictis Sabinis acciderat, de quo tamen *Livius* consulendus; ubi & reliqua, quæ gloriose gessit Tullus, diligenter annotantur. Nos istis omnibus recensendis occupari nolumus. Cæterum bellicosus Rex, ita artibus militaribus delectabatur, ut nulla ab armis quies sub illo civibus daretur, donec ipse postquam in urbe pestilentia laboratum est, longinquo morbo implicaretur, quo spiritus feroces simul cum corpore fracti, ante obitum sacris animum dedere monebant. Regnavit autem magna belli gloria annos duos & triginta.

FORMA IMPERII.

Formam Imperii sub hoc Rege eandem, quæ sub Romulo fuit, obtinuisse, nihil est, quod nos dubitare sinat, si acta illius diligenter introspeciamus. Nec contrarium inducit exemplum, quod *Livius* refert de Horatio, qui perduellionis reus ob occisam sororem, provocavit à Rege ad populum; quod & *Senecam*, ut adduceret auctoritatem *Ciceronis* contra statum Imperii absoluti, movisse videtur. Verum *Livius*, se ipsum satis explicat: cum enim lex horrendi carminis cujus ibi mentio fit, à duumviris secundum legem creatis, provocationem permetteret, nec tamen exprimeret, ad quem provocandum esset, Rex Tullus auctor fuit Horatio, ut ad populum provocaret, sperans fore; ut ab illo propter recens meritum liberaretur. Quod autem Hostilius Horatium non absolverit, *Dionysius* hanc reddit rationem; quia scil. Rex manifesti parricidii reum vereretur impunitum dimittere.

Idem fere ad locum *Ciceronis* responderi potest, ex conniventia Regum, licet non omnium, potius esse factum, ut provocare liceret, vel fuisse provocatum à duumviris à Rege datis. Suberat interior ratio, quæ Regem monebat, ut supplicium hoc, tanquam rem odiosam, ab aliis irrogari permetteret; & ita facti

facti invidia, si qua expectanda, in alios derivaretur. *Livius* ita: lib. 1. c. 26.
Rex ne ipse tam tristis ingratusque ad vulgus iudicii ac secundum iudicium supplicii auctor esset, consilium populi advocavit.

ANCUS MARCIUS. ORIGO.

Tullum Hostilium in Regno secutus est Ancus Marcius, Numæ ex filia nepos. Hujus patrem apud Veteres quoque ignotum fuisse ex *Seneca* verbis constat: de Servii Matre, di- Ep. 108.
 centis, dubitatur, Anci Pater nullus, Numæ Nepos dicitur. Num ignobilitas, num aliquid aliud in causa fuerit, ut tanti Regis parens à Scriptoribus silentio transiretur, parum constat. *Livius*, cujus singularis est planè diligentia in describendis & designandis hominum naturis (subinde enim elogia ingeniorum decenter utiliterque inserit, ut lectorem per quosdam quasi characteres ad recondita & præcipua omnium in republ. actuum invitaret) huic Anco medium tribuit ingenium, *Medium*, inquit, *erat in Anco ingenium*; verum sensu paulo alio, quam *Tacitus*, qui *Galbæ* indolem notaturus iisdem utitur verbis: *Ipsi medium ingenium erat*, h. e. potius gnarus erat, quid vitaret, quam quid sectaretur, magis extra vitia, sic se explicat *Tacitus*, quam cum virtutibus. Noster autem Rex animum habebat temperatum, belli pacisque artibus probè munitum, quod non obscurè indicat *Livius*, *medium*, inquiens, *erat ingenium* lib. 1. c. 32.
 & *Numa & Romuli memor*, h. e. non bello minus quam pace eminebat, quod solis Heroibus proprium, qui armorum gloriam pacis artibus ritè conjungere sciunt. Hinc ut noster medium virtutis tramitem rectè decurreret, prudenter ab initio pacem tentavit, tentatam, deprehendens tempora Tullo esse aptiora quam Numæ, contempsit. Prudenter, inquam, & ad usum Reipubl. si enim fuisset *Romulo* vel *Tullo Hostilio* similis in omnibus, non ad id magnitudinis pervenisset resp. Romana, quo pervenit. Nam qui toti bellicosi sunt, solida fundamenta Imperii nunquam jaciunt. Sin cum *Numa* coluisset pacem solam, illa ipsa civitas consenuisset, accessio alieni insuper Imperii futura.

lib. 1. histor.
c. 49.

MO.

MODUS PERVENIENDI AD REGNUM.

Quoniam spes erat in avi mores atque instituta Ancum abiturum, omnium consensu regnum ei delatum est: nec sine ratione. cum Majorum nobilitas non parum ad famam & dignitatem addere possit, ubi Princeps quæritur. Imò à nobili familia ipsum decus publicum non potest non augeri. Hinc ex præclaro quoque stemmate Ancum, quantum ad Patrem, ortum esse, non inepta est conjectura.

RES GESTÆ.

Cæterum Ancus non modo ante experimentum Imperii capax visus, sed & in ipsa administratione probavit, se avitæ gloriæ memorem; dum regno suo nil magis necessarium credebat, quam pacem, ratus, felicitatem majorem Cives habere concordēs quam bellantes, in populo præsertim tam feroci. Verum ut voto frueretur suo, consequi haud potuit: dum enim pacis atque togæ consilia meditabatur, improvisa hostium incursione laecessitus est, & ita coactus quædam *re tractare*, ut in reliquis quies esset. Non possumus nobis temperare, quin hic repetamus, quæ *Franc. Bacon. de Henrici Septimi Regis Ang.* fortuna haud dispari annotat: *Rex, inquit, fiducia plenus, imperium suum in futurum nihil aliud nisi ludum fore, & regni tantummodo fruitionem sine molestiis pro cædō sibi persuaferat. Verum Rex in fortune suæ supputatione & judicio suo, magnopere falsus est, cum per multos annos variis fluctibus & tempestatibus agitatus erat.*

Bella non nisi necessaria hunc Ancum gessisse tum ex iis constat, quæ supra dicta sunt de singulari amore pacis, tum ex sequentibus *Livii* verbis: *A Latinis, inquit, res repetita ac bellum indictum.* Sciverat optimus Rex, ut bellum etiam jure gentium justum esset, non sufficere, ut inter summas utrinque potestates geratur, sed necesse esse, ut & publicè decretum sit, & quidem ita decretum, ut ejus rei significatio ab altera partium alteri facta sit. Licet enim jus naturæ non præcipiat talem interpellationem fieri, honestè tamen & laudabiliter jure gen-

Tacit. l. 1.

Ann. 1.

p. m. 34.

gentium excogitata est; quod & Cicero intellexit, scribens: lib. 1. c. 34.
*Nullum bellum esse justum (Gentium jure) nisi quod aut rebus repeti-
 tu geratur, aut denunciatur sit & indictum.*

Formulae indictionis non modo apud Livium in hujus Re-
 gis actis, sed & apud alios occurrunt. Quæ loca & alia de bel-
 li promulgatione agentia accurate distinguenda sunt, ut intel-
 ligatur, quæ jure naturæ debentur, quæve non. sed honesta
 tamen sunt, quæ jure gentium requiruntur ad effectus illius
 juris proprios, & quæ præterea ex peculiaribus populorum
 quorundam institutis veniunt. A more & institutis certorum
 populorum sunt Caduceus apud Græcos, sagmina & hasta sangui- l. 1. c. 36.
 nea apud Æquicolas primum, & horum exemplo apud Roma-
 nos, ubi primum nostrum Ancum hunc morem instituisse Li-
 vius refert. Huc pertinet renunciatio amicitiae, hastæ missio
 & alia id genus, quæ Livius diligenter notavit, præsertim au-
 tem Dionysius in Anci rebus gestis. Causam cur gentes denun- de I. P. B. l.
 ciationem talem excogitare voluerint, accuratè explicat Gro- 3. c. 3. §. 9.
 tius.

Sicut autem hæud rarè eventus belli velut æquus judex
 unde jus staret, docuit, ita & hic monstrabat, quod Ancus nec
 temerè nec injuste exercitum conscripserat. Profectus cum
 exercitu Politorium urbem Latinorum vi cepit, securusq; morem Livius c. 33.
 Regum priorum, qui rem Romanam auxerant, hostibus in civitatem ac-
 cipiendus, multitudinem omnem Romam traduxit, & cum circa Pala-
 tium sedem veteres Romani, Sabini Capitolium, Calium montem Albani
 implevissent; Aventinum montem multitudini nova dedit. Et hoc Re-
 gum Romanorum consilium, quo victos permiscebant victori-
 bus, Seneca vocat Providentiam salubrem; neque exitio Lace- Lib. 2. de ira
 dæmoniis aliud fuit & Atheniensibus, quam quod victos pro c. 34.
 alienigenis arcebant. Jure autem an injuria idem hic Rex Fi-
 denatibus, Latinis, Etruscis, Sabinis præsertim arma intule-
 rint, idè quod à fœdere mortuis Romulo, Numa, Tullo dis-
 cesserint; fatemur cum Grotio, rectè judicari non posse, cum lib. 2. c. 16. §.
 fœderum factorum formulæ apud nullum Historicum extant. 16.
 Tellenis Ficanaque captis earumque civibus Romam transla-
 tis, Politorium armis repetitum excidio datum est: ne hostium
 semper, ut inquit Livius, receptaculum esset. Quam inhumanum

aliàs sit, nisi causa utilitatis magna & certa suadeat victori, *servire* in res inanimatas ædificia præsertim, nemo ignorat. Hinc oppidum Capſam contra jus belli incensum fuisse, scribit *Salustius*; licet locus erat Romanis aditu difficilis, genus hominum mobile, infidum, ante neque beneficio neque metu coercitum; tamen id facinus contra jus belli admissum esse, citatus *Historicus* notat. Quibus in casibus urbes & res hostium sine injuria victor perdere possit, rursus graviter explicat *Grætius*.

Hæc in bello memorabilia de hoc Rege extant. Cæterum ejusdem Regis beneficia tempore pacis in populum Romanum collata *Florus* posteritati commendaturus, nostrum Ancum vocat *Ædificatorem*, h. e. valdè studiosum & peritum in ædificiis extruendis exornandisque, eodem sensu, quo *Tacitus*, Germanicum vocat *Preliatorem*. Videns enim Rex noster urbem Romam non satis pro dignitate munitam atque ornatam, eam maximè excolere studuit. Quapropter mœnia muro amplexus est, & interfluentem urbi Tiberim, ut *Florus* loquitur, pontis commisit, aliamque in ipso mari fluminisque confinio coloniam posuit. Quandoquidem urbis firmitas adversus casus fortuitos, abstulit tumultuandi turbandique occasiones, quæ in magnis urbibus avidè arripiuntur; aut facilè accidunt. Nec prætereundum, quod *Florus* observat, jam tum præſagisse animo futurum, ut totius mundi opes & comesasus illo veluti maritimo urbis hospitio reciperentur.

Porro ad urbis decus pertinebat etiam honestas civium: cum magni interſit, sinceros atque incorruptos habere cives. inde gravi consilio carcerem media urbe foro imminuentem ad terrorem incrementis audacia adificavit. In tanta enim multitudine, discrimine rectè an perperam facti confuso clandestina facinora aliter coerceri vix poterant. Repurganda ergò illa fæx populi erat. Et his institutis urbs non crevit modo incolis, sed etiam ager finesque & Imperium usque ad mare prolatum. Tantum enim profici solet, si Regia Mæjestas, & armis decorata & bonis legibus armata est, summamq; rationem habet, quæ pro religione facit. Quod nec Ethnici, licet à vera religione alieni, non viderunt; & de *Anco Livio* non reticuit.

Cæ-

Caterum nec ejus prudentia deerravit in hoc, quod bel- lib. 1. c. 36.
licis operibus ut & aliis negotiis prudenter adhibuit idoneos
ministros, inter quos eminebat Tarquinius Priscus, vir mo-
destus ac laboriosus, proinde in familiaris amicitiae jura addu-
ctus, ut publicis pariter ac privatis consiliis denique interesset.
Summatim Ancus *fortuna famaque & egregiis ministris cuncta pa-*
travit : annos quatuor & viginti Imperii clavum tenens, cuilibet
superiorum Regum belli pacisque & artibus & gloria par.

TARQUINIUS PRISCUS.

ORIGO.

Pergendum, qua ceptum est via, ad quintum Romanorum
Regem Tarquinium Priscum, origine quidem peregrinum,
sed qui Romanas artes sub Anco probe didicerat. Patrem ha- Dionysius
buit Demaratum Corinthium ex Bacchiadarum genere, mer- p. 184.
catorem, qui ob seditiones domo profugus Tarquiniis sedem
rerum ac fortunarum suarum collocaverat, ductaque ibi uxore
duos genuerat filios. Hic noster fratre mortuo Civis Roma-
nus factus, pro Lucumonis nomine Lucii commune nomen
accepit, Tarquini nomen gentilitium ab urbe in qua natus,
assumens: Solenne enim erat, Romanorum cuique præter com-
mune nomen esse alterum, scil. gentilitium & à paterna stirpe
acceptum, ut hoc loco *Dionysius* testatur. Liberaliter Græcis p. 185.
atque Etruscis disciplinis institutus Regis Marcii familiares
ita sibi devinxerat, ut inter patricios facile relatus atque in
curiam lectus sit. Præterea ipse quoque *fortunam benigno*, ut
Livius loquitur, *alloquio, comitate invitandi, beneficiisque, quos poterat*, lib. 1. c. 34.
sibi conciliando adjuvabat. Nam & pecuniam erogabat liberali-
ter, cum opibus abunde polleret, & si à quopiam rogatus fue-
rat, omnem gratiam atque auctoritatem suam libentissime
commodabat, accepta ab aliis beneficia exaggerabat, offensas
verò aut statim dissimulabat, aut extenuando leviter ferebat;
ita optimam ejus indolem commendant Excerpta *Peiresiana*. p. m. 521.
Et cum omnia quæ ad summam auctoritatem viam stornunt,
impigre præstaret, tandem etiam tutor liberis Regis testamen-
to datus erat. Maxime tamen animum ad summa natum au-

Liv. 1. 34.

gebat ducta in matrimonium Tanaquil, summo nata loco, & qua haud facile iis, in quibus nata erat, humiliora sineret ea, quae innupisset.

MODUS PERVENIENDI AD R E G N U M.

Liv. 1. 1. c. 35.

lib. 1. c. 35.

p. m. 371.

Igitur post excessum Anci, cum prope puberem aetatem ejus filii essent, metuens Tarquinius, ne tandem ipsi ad Imperium vocarentur, id indefesso studio egit, ut ante justam eorum aetatem de creando Rege comitia haberentur. In his postquam orationem ad conciliandos plebis animos compositam habuisset, regnum ei ingenti multitudinis consensu oblatum est, cum plurimis beneficiis jam pridem sibi civium animos demeruisset. Hac electione atrocem injuriam, & à populo Romano & ab ipso Prisco liberis Anci factam, Livius dicere videtur, cum scribit: *petiisse regnum ambitiose*. Idem pronunciare volunt, quae habet Dio Coccejanus in excerptis Peirescianis: suspicandi ansam praebeuit plerisque Tarquinius, quod dolo ingenio & pro fortuna atque opibus mutabili praeditus esset. An jure praeterierit Anci liberos populus, dubitari potest. Tarquinii certe ambitum nemo purgaverit: Si quidem accepti quomodocunque imperii rationem reddere homines didicissent.

R E S G E S T A E.

Liv. 1. 1. c. 35.

ET quoniam Tarquinius domi militiaeque sub haud paucis ritus didicerat, non poterat non spes esse felicissimi Imperii: quandoquidem naturam & conditionem populi rerumque popularium accurate callere, & natas exinde vivendi & similia administrandi rationes usurpare ac dispensare, semper inter artes imperandi est habitum iis, qui notitiam civilis prudentiae ad usum & tractationem reip. accommodare studuerunt. Quo pertinent etiam instituta regno cuique propria, quorum in administratione semper habenda est ratio; ne quaedam virtutes genti ignotae vitiorum loco censeantur, & ut noxia, si ab ingenio eorum, quibus imperatur, sint alienae, postponantur. Vo-

nones

nones Parthorum Imperio pulsus est, quia Romanas Principum virtutes ad Imperium contulerat: ipse diversus à majorum institutis irridebatur, *prompti aditus, obvia comitas, ignota Parthis virtutes, nova vitia, & quia ipsorum moribus aliena, perinde odium pravis & honestis.* Tacitus l. 2. Ann. c. 2. §. 6.

Ante omnia senatum auxit Patribus centum adjectis; *Senatus, inquit Florus, majestatem numero ampliavit. Livius: centum in Patres legit qui deinde minorum gentium sunt appellati, factio baud dubia regu, cujus beneficio in curiam venerat.* Sufficiebat quidem prior numerus Reip. sed non Principi, qui non nesciebat, se esse transmarinæ originis, priores senatores aliorum beneficio in curiam adscitos, tantoque se, absentem imprimis ab urbe & in bello occupatum, adversus insidias maximè filiorum Anci futurum securiorem, si verè suos, suaque auctoritate ad eam dignitatem evectos tantoque magis sibi obstrictos in senatu haberet. Nec alio consilio Augustum magistratum numerum ampliasse legimus. Quicunque enim servitio promptus erat, opibus & honoribus extollebatur, ut *novis ex rebus aucti, iura & presentia, quam vetera & periculosa mallent.* lib. 1. c. 5. lib. 1. c. 35. Tacit. lib. 2. annal. c. 2.

Circo idem designavit domi locum, in quo deinde solennes annui ludi facti & magni aut Romani dicti, qui equis & pugilibus commissis ederentur; instituto satis utili Principibus, Civibus, toti denique Reip. Videatur *Lips.* l. 4. Pol. c. 8.

Intet hæc bellum exarsit Latinum, oppidum Appiolorum vi captum; secutum longe gravius cum Sabinis, aded repente, ut post dubiam primo victoriam haud pares futuri fuerint Romani, nisi Sabinis in castra copias imprudenter contrahentibus, datum fuisset Romanis spatium ad bellem de integro restaurandum. Quo factum est, ut equestrem manum Tarquinius augeret, ratus hanc maxime suis deesse viribus, eaque instructus Sabinos compelleret, ut perditis rebus pacem peterent, quam & obtinere. Melior enim semper tutiorque certa pax, quam sperata victoria; quicquid alii dicant, qui imprudentiæ Romanos in hoc arcessendos esse censent: cum tamen ipsis etiam, qui victoriam in manibus habent, pax, si prudenter sibi prospicere volunt, nunquam abnuenda sit, neque oporteat sapientem spe incerta fallacique fructum præ- Liv. l. 1. c. 36.

Baudius de Induciis bel-
li Belgici. l.
lib. 1. p. m.
32.
In Orat. pro
Marco Mar-
cello.
Lib. 1. c. 37.
de l. B. P. l.
1. c. 3. §. 12.

sentium commodorum repudiare, nec sinere lubricam occasio-
nem è manibus elabi. Victoria enim in ambiguo, pax in ar-
bitrio deliberantium sita est. Nec frustra exclamat Cicero,
Incertus est exitus, & anceps fortuna belli.

Tum & Collatini Romanis sese dedidere: formulam de-
ditionis exhibet Livius, & ex eo Grotius. Et licet sine conditio-
nibus victori Romano se permetterent, neque difertim vitam
salvam paciscerentur Collatini, salva tamen iis manere debuit,
non jure quidem stricto, quo victori omnia in victos licent,
sed æquitatis ratione, quæ vult iis etiam parci, qui sine con-
ditionibus se victori dedunt, aut supplices fiunt. Quicquid
excipiant sævioris ingenii homines adversus hæc æquitatis
atque juris naturalis præcepta.

Deinde Etrusci domiti: à quibus Priscus omnia majorum
magistratuum & Ducum ornamenta accepit, quibus externa spe-
cies dignitatis Imperii eminet & conservatur: cum externis
illis, cultu & pompa vulgus imprimis capiatur, ut supra in vi-
ta Romuli dictum. Hinc fasces & secures, quæ majoribus à li-
ctoribus præferebantur. Erant autem Bacilli aliquot teretes,
ex ulmo præcipue aut betula loro colligati in modum fascis.
His secundum nonnullos etiam Romulus usus; sed Eusebius
Tullum Hostilium primum Romanorum Regum, fasces ha-
buisse asserit. Inde quoque Phaleræ, hastæ, purpura, coronæ, a-
liaque præmia, quibus eximia quæque militaris virtus orna-
batur. His ita feliciter gestis Priscus insidiis liberorum Anci
circumventus interiit in ipsa Regia, anno ferme imperii duo-
de quadragesimo.

Dionys. lib. 3.
p. m. 195. 196.
vide Dissert.
de Insignib.
Principatus.

SERVIVS TULLIVS.

ORIGO.

NON recedemus à nostro instituto in hoc quoque Rege, li-
cet quædam quæ sunt alterius annotationis, prætereun-
da sint. Fuisse traditur Servius Tullius servilis conditionis:
Matre enim capta, quod plerique volunt, genitus est; recepto
inter gentes tum more, ut non capti modo, sed & eorum po-
tenti servirent. Verum supra istam fortunam ingenium Ser-
vio

vio ac virtus fuit ; & utriusque magnitudinem Tarquinio Prisco, in cujus familia à matre, ancilla Regia, educatus erat, ita jam tum à prima ætate approbavit, ut inter Patricios primoreceptus, deinde Regiæ Filix matrimonio dignus habitus fuerit.

MODUS PERVENIENDI AD R E G N U M.

TAndem socero Rege scelere Marciorum fratrum interempto, ad Romanæ gentis sceptrum vocatus, auctoritate primo Patrum, deinde etiam post Vejentinum bellum rarâ felicitate confectum, publicis etiam suffragiis Rex nominatus est. Quanto autem vilior fuit ei fors nascendi, tanto virtutis tam excelsæ claritudo magis celebrata est, cum longè difficilior sit, ex humillimis & ab omni fortunæ præsidio destitutis initiis, quam magnis clarisque ad magna assurgere.

De cætero, quamvis Regi nostro ab initio non satis perspectum erat, an facta gesta que ejus, præsertim in adipiscendis regni fascibus, laus apud posteros sequeretur, quando apud *Dionysium* Romani ei objectant; *primum eum contra mores & ritus patrios Imperium acceperisse, non ex consensu Senatû Populique, sed favore solius plebis delinita largitionibus*: nec falsum id crimen fuisse *Dionysius* subjiciat: dicendum tamen hic quod Titus optimus Imperator dicere solebat, licet non satis intelligeret; *Principatum fato dari*. Cum in tota hujus Servii vita actuque singularis providentiæ divinæ permixta vis inesset, quæ illam gloriæ & principatus cupiditatem, qua à bono fortè honestoque elabebatur, meliori eventu erexit. referas huc etiam, lambentis flammæ prodigium. huc quoque spectant verba *Flori lib. 1. c. 6. ob eximiam indolem uxor Tanaquil liberaliter educaverat, & clarum fore, visa circa caput flamma promiserat.*

l. 9. p. m. 242.

*Suetonius
Vita Titii
c. 9.*

*Livius lib. 1.
c. 39.*

R E S G E S T Æ.

AD potentiam plurimum interesse collectæ multitudinis ordinem & dispositionem civilem, omnes intelligunt, qui in-

lib. 1. c. 43.

l. 4. p. m. 21.

vid. Bonb. de
reg. Rem.

interiorem Reipubl. notitiam habent : cum ad rationem corporis nondum sufficiat, si & multitudo & modus, & varietas hominum adsit, nisi disponantur suo quodque loco, & connectantur ordine & aptè distribuuntur. Ejus autem beneficii Romanis auctor Servius Tullius fuit, cum censum instituit, id est, *populum per discrimina patrimonii, dignitatis, aetatis, artium, officiorum descripsit, retulit in censum, digessit in classes, curiis atq; collegiis distribuit.* Quam rem non immeritò *saluberrimam magno futuro* Imperio Livius prædicat : *Dionysius* autem quasi in tabella exhibet. Rudis alioquin & indigesta, quantumvis magni populi moles in argumentum potentiae nunquam valuisset.

Imprimis autem, quæ adversum interfectores soceri ausus exsecutusque est, pietatis titulum habere poterant, quando actis in exilium filiis Anci, pietate in socerum & necessitudine Reipubl. se fecisse, in oratione ad Populum gloriabatur. Nec immeritò : cum ea res ad exemplum pertineret, ne quisquam impunè jactaret, Romanum Regem à se interfectum : quod non hodiè solum, sed & olim grande nefas erat ; mansitque etiam in posterum inter Leges artesque regnandi, ne aliquod exemplum inultæ in Principem conjurationis exstaret. Cum enim summum Imperium non possit non multorum odiis patere, securitas regentium variis ut muniretur prærogativis necesse erat.

lib. 4. p. m.

223.

Suberat autem cupido dominandi, quæ pulchris in vulgus vocabulis sua consilia venditabat. Exinde etiam fluebat, quod actiones omnes eo converteret, ut populo placeret, cujus partes contra Patres enixè, licet tandem cum exitio, amplecteretur. Largiendo, succurrendo, inquit *Dionysius*, maximam semper plebis gratiam retulit ; nec alia certior aut usitator emergendi & ad dignitatem regiam assurgendi tunc ratio erat, quam per populi humeros, qui studio adversandi, premendique optimates omnia venalia & prona illi ostentaverat. Ita unius ordinis viribus Senatus auctoritas diminuta. Ipse quoque adversum Patres tandem valebat, libertate populi mirum in modum aucta. In quo tamen imprudenter cum fecisse *Dionysius* judicat, ut *Regiam*, inquit, *dignitatem populo redderet gratiorem, summæ auctoritati multum ademerat.* Idem

P. m. 128.

Idem Rex præcipuus ex reliquis *juris civilis Romani* auctor celebratur: factis legibus de injuriis, commerciis, contractibus, aliisque, quæ materiam litibus dabant. Maximè autem pacifici & prudentissimi animi specimen edidit in hoc, quod Latinæ gentis civitates in concilium coëgerit, ne intestinis bellis & dissidiis debilitatæ à finitimis barbaris subjugarentur. Emulus in hoc, laudante *Dionysio*, Amphictyoni filii Hellenis; qui afflictiſſimam universæ Græciæ libertatem libidini & rapinis barbarorum expositam & penè, ut *Dionysius* existimat, exhaustam, laudabili invento quasi ex orco revocavit. Hujus Herois prudens consilium summâ noster Servius administratione, ut suum quoque nomen posteritati præclaro facinore commendaret, feliciter imitatus est, quando inclytum Dianæ Romæ fanum à civitatibus Latinis ejus instinctu factum, ut omnium confessione caput rerum Roma esset, de quo toties armis certatum fuerat, ibique quotannis convenirent, & si qua offensa populis incideret, ex aliorum populorum arbitrio inter ista Deorum sacra conciliarentur. Exinde quoque sibi laudandum Servium ed magis *Dionysius* putabat, quo præclarior & rectius hoc instituto æternam sibi famam conservare voluerit. Quid enim gloriosius *quam ingenii non virium opibus* laudem quærere. Nec publicis magis auxiliis Servius quam privatis, munire opes sui Imperii studuit; & ne qualis Anci liberis animus adversus Tarquinium fuerat, talis adversus se Tarquinii liberis esset, duas filias Juvenibus regiis Lucio atque Arunti Tarquiniis jungit; consilio sanè optimo & ab altioribus & publicis rationibus repetito. ut enim Principatus variis occasionibus & adminiculis partus servaretur, opus erat *subsidiis ac munimentis*, ut *Tacitus* loquitur, propriæ domus suæ. nec enim Principatus in unius tantum persona ac ætate recumbere solet, sed in liberis ac amicis, quos non armis neque thesauris, sed bona voluntate, imprimis conjunctione sanguinis parari constat. neque enim indecora Regibus ars est, vinculis amorum colligare discordia capita, & reip. consensioni privatas conjunctiones innectere. Eodem consilio Agrippam tribunitia potestate, ut & matrimonio filiæ Augustus ornavit. Verum consilia hominum etiam prudentissimorum non posse semper vel præ-

P. M. 230.

Livius lib. 1.
c. 45.Sallustius Ca-
til. c. 1.lib. 1. Ann.
c. 3.

Livius l. 1. c.
42.

videre vel pręcavere ea, quibus providendis pręcavendisque destinantur, nec Historici judicium fugiebat, qui subjicit: *nec tamen fati necessitatem humani consilii rupit, quin invidia regni etiam inter domesticos infida omnia atque infesta faceret.*

Factus enim Tarquinii alterius, ut & uxoris animus satiari non poterat, nisi socerum & patrem à Regia sede parricidiali scelere deiceret. Dicis; annon hoc facile Servius provido prudentiæ oculo perspicere potuisset, si perpenlis Tarquinii vitiis moribusque cautè judicasset? sed quis est ille, qui aliquid expeditæ rationis in negotio, cujus eventus provisu difficilis, demonstrare potest? scil. hic ad fatum cum Livio, sed sensu non ethnico deducimur, ubi consilia humana deficiunt: quæ sæpè prosperiora essent, si maturius de fato cogitarent.

Nunc ad eadem Servii veniendum, quam nefariam fuisse, atque parricidalem nemo non videt. Data erat illi fides publica à populo, Patribus, ab ipso denique Tarquinio, non solum de incolumitate tuenda, sed & obsequio præstando, & ut sacrosanctus & inviolabilis esset regię dignitatis pignore cavebatur. Acquiescebat populus in eo rerum statu, quem Servius prudenter ordinaverat, sed ritè ordinata scelesto consilio Tarquinius instinctu conjugis, à qua initium turbandi ortum est, vel ut Livius loquitur, à qua omne malum, subvertit. Ita nefandum parricidium ab eo commissum, qui gener erat, Rex ab eo dejectus, qui nec potestatem hujus rei, nec mandatum acceperat, vel si accepisset nulla honestatis ratione vel titulo exsequi debuisset. Periit autem Servius anno Imperii quadragesimo quarto.

Lib. 1. c. 46.

FORMA IMPERII.

Quid de forma Reip. sub hoc Rege sentiendum sit, quando alii mixtam fuisse volunt, alii eandem nominant, quæ sub prioribus regibus fuit, paucis videbimus. Dionysius satis peritus in hoc negotio arbiter, dimidiam partem à Regio jure ipsum Regem detraxisse & populo concessisse, breviter & pragmaticè judicat: Tullius, inquit, Servius, in constituenda Rep. non eo tantum ad plebem fovendam, visus est proclivior, quod Senatus ac patri-

p. 223.

p. 224.

ciotum

ciorum potentiam moderatus est, verum etiam quod de Regia potestate detraxit dimidium; & alio in loco: penes populum arbitrium fuit creandi magistratus tam domi quam militiae, leges tam confirmandi quam abrogandi, bellum pacemve decernendi. Ut tribus verbis offeram, aucta erat populi libertas, quæ nihil aliud hic significat, quam monarchiæ & democratiæ conjunctionem, Regis populique Imperium. Sed ubi Patrum atque optimatum potestas, qui populi placita ut auctoritatem obtinerent, confirmare debebant? Fortè mixta erat Resp. ex tribus formis, quod multi volunt. Verum talem unquam datam fuisse temp. quæ ex unius & optimatum & populi imperio constabat, videtur negandum cum viris eruditis. Cum in hac mixtura, populi potestate augescente, *Patrum potestas* nil nisi simulacrum hoc tempore esset. Hinc odia Patrum in Servium Regem, qui populi partes tuebatur, coorta sunt. huc pertinent etiam verba *Grosii*: *vi populi aucta, speciem tantum veterem patrum auctoritas retinuit, cum in incertum comitiorum eventum Patres auctores fieri ceperunt, ut Livius & Dionysius notant. Et ne auctoritatem prorsus amitterent, in scelerata Tarquinii consilia consentiebant, quod Dionysius clarè indicat, Tarquinius Superbus, inquit, in senatu plurimum habebat fiducia. Idem Historicus; molestè ferebant Patricii Servii administrationem, videntes diminui Senatus potentiam. Taciti de hoc regno iudicium hic quoque haud omittendum. precipuus, inquit, Servius Tullius sanctorum legum fuit, quibus etiam Reges obtemperarent.*

lib. 1. de l. P.
B. c. 3. §. 20.
p. m. 65. fin.

p. m. 240.

p. m. 216.

lib. 3. Ann. c.
26. §. 5.

TARQUINIUS SUPERBUS.

ORIGO.

Postremus omnium Regum fuit Tarquinius, cui *Florus* Superbi cognomen ex moribus datum esse refert. Prisci Tarquinii Regis filius nepos ne fuerit, parum liquet. Filium fuisse *Livius* credit, *Dionysius* contra sobolem fuisse non propriam, variis & non contemnendis rationibus astruere conatur: improprie ostendit temporis supputationem minus congruere illis, qui filium vocare volunt. Ingenium erat ei in omnia sive immanitatis sive turpitudinis flagitia pronum, adeoque polluen-

lib. 1. c. 7.

lib. 1. c. 46.

Dionys. al.
leg. loc.

lib. 1. c. 49.

lib. 1. c. 7.

p. m. 575.

dæ perdendæque reip. natum; cuius notas unicum *Superbi* vocabulum designare videtur; cum superbiâ Principem pravis tyrannidis artibus armatum, auctores rectè describere soleant. Hinc *Livius*: *Superbo cognomen facta indidere, quia socerum gener sepultura prohibuit.* Apud *Florum*, ejus *superbia crudelitate* gravior vocatur. *Aditu quoque difficilis atq. affatu*, ut loquuntur *Excerpta Petresciana*. Et talis ingenii character, meritò Servio ipsius socero & reliquis suspectus esse debebat, cum exinde plerumque prodeant insana libido, avaritia, ambitio, præsertim sævitia, in quam omnes ceteræ labe in Tarquinio Superbo desinebant. Et sicut malum malo aptissimum, ita Tarquinius moribus dispares (qualis frater ejus, juvenis ingenio miti,) ferre ac pati nequiverat. Proinde etiam altera filia Servii, Tullia nomine, feròx, tota in Tarquinium versa effecit, ut sperneret sororem, & nihil neque ad cupiditatem neque ad audaciam meditari omisit, ut conjungerentur, fratre & sorore per scelus sublatis.

MODUS PERVENIENDI AD REGNUM.

Livius lib. 1.
c. 47.

lib. 1. c. 48.

Hinc initium turbandi non modo in Regia familia, sed in ipso quoque regno ortum, cum jam à scelere ad aliud scelus uxor spectare non dubitaret: Ipse Tarquinius regnum habere quam sperare malebat. *Vt maturior veniret libertas*, ultimumque regnum esset, quod scelere partum. Quanta enim crudelitate Servium è curia elatum in inferiorem partem per gradus dejecerit; quanta immanitate semianimem Regio comitatu domum se recipientem interfici jussit, *Historicus* satis exponit. Simul etiam notat illam impietatem Tulliz filiz ipsius Regis, quam per patris corpus carpentum egisse, partemque sanguinis ac cædis paternæ cruento vehiculo contaminatam ad Penates suos tulisse, perhibet.

RES GESTÆ.

Livius l. 1. c.
48.

Quando vidimus, quam sceleratis usus sit Tarquinius consiliis, ut soceri regnum invaderet, circa primordia statim de exitu divinare licebit, cum mala regni principia similis pro-

propediem exitus sequi soleat. Neque tamen militaris virtus ac gloria foris ei defuerat, quando bellum cum Volscis feliciter gestum, pacem cum Æquis factam, & cum Thuscis fœdus renovatum esse, *Livius* cum *Dionysio* testatur. Gabios etiam, lib. 1. c. 49. sed fraude superavit: Sextum quippe filium transfugam simulare jussit, velut à paterni imperii superbia sibi ac crudelitate metuentem. Habent ei fidem Gabini, & militaribus statim copiis contra Romanos imprudenter imponunt, ignari transfugia esse debere suspecta. Sextus, filius Tarquinii, summam potentiam ita nactus devincire sibi plebem & tollere è medio procures, quosdam in exilium agere, alios bonis spoliare festinavit, ut orba (*Livius* ita judicat) auxilio consilioque res Gabina patri Regi Romano sine ulla dimicatione in manus traderetur. Dolum mentiti transfugii in Sexto Tarquinio improbum fuisse merito cum *Grotio* censemus. qui enim ab externis sive amicis sive lib. 3. de I. P. inimicis in alterius populi fidem se dat, quin tacite se obliget, B c. 24. §. 2. ne quid faciat adversus eum statum, in quo præsidium petit, dubitari non debet. Quapropter nec illi rectè judicant, qui Justinus l. 2. Zopyri factum à reprehensione remotum volunt, cum fides c. 10. ejus in Regem suum tanta esse non possit, ut perfidiam in eos, ad quos confugerat, excusaret.

Deinde ad negotia urbana animum convertens, inclementer plebem exercuit, fabrorum fossorumque ministeriis; nam foros in circo, cloacamque maximam, qua totius urbis purgamenta reciperentur, fieri curavit. Maximè autem plebis animos irritavit in eo opere, quod Jovi sacrum fieri volebat. Livius lib. 1. c. 56.

Nec cædibus in Senatum abstinuit, quos ita ad exiguum numerum reduxit, quo minore ab aliis in pretio haberentur, plus sibi accresceret reverentiæ. Enervatur enim senatus auctoritas, dum ad paucos redigitur, non minus quam si in magnum numerum extenditur, cum in utroque Senatorii ordinis dignitas tuto stare nequeat. Præterea morum actionumque non aliam habebat regulam, quam infinitam dominationem: hanc unam sibi insatiabiliter parandam vindicandamque censuit: quare sub Superbo Tarquinio Principe regnandi tam avido, ut invisa libertas ita periculosa erat adulatio. Exinde Turnum, qui dicendi libertate apud Latinos auctoritatem si-

bi paraverat, callido & inani juris titulo, vel ut rectius dicam, artificioso calumniæ genere è medio tollere properavit. Quin pro mysterio & compendio civilis scientiæ erat, ut neglecta juris honestique regula, maleficia sua aut fraudulentas artes, exemplorum & eventuum nominibus vel instrueret vel excusaret. Quod etiam Historicus innuere videtur, dum scribit:

Livius lib. 1.
c. 51. 52.

Socorum gener sepultura prohibuit, Romulum quoque insepultum perissequi deditans.

Cæterum in tam atroci tempestate Junium Brutum prudentissimè vitam egisse ex eo constat, quod cum maximos quosq; & sapientissimos & libertatem laudantes non nisi ultima supplicia manerent, stultitiam simulaverit, ut omnia importuna jactatione libertatis, quæ multis causa interitus fuit, commodioribus sese servaret temporibus. Sicuti enim inter æquales simulare, debilis est ingenii, ita temerarii est, simulare cum majoribus nolle. Errores utcumque etiam leves in integra adhuc rep. negligere malum est; at pejus omnibus in corrupta se opponere vitiis, cum non semper urgendæ sint difficultates: præsertim ubi ferendis auxiliis impares sumus, consultius est tacere, quam intempestivè tentando violentiam accelerare.

Livius lib. 1.
c. 57. 58.

Accessit ad tot infanda scelera tandem filii Sexti scèdissima libido, qua Lucretiæ conjugis Collatini pertinax pudicitia violata est. Matriona quidem contumeliæ impatiens sese ferro interemit, sed quantum incomparabili castimoniz studio gloriæ promeruit, tantum spontanea & ignava morte amisit. Nam neque concessa est *autochepia* quanquam tantopere Stoicis laudata, nec quicquam in ea est generosum. Peccat namque & in se & in Deum, qui vitam sibi à Deo pro magno beneficio concessam tam vili æstimat, ut suo potius quam alieno scelere mori velit. Quæ *Augustinus* habet de *Civitate Dei*, ubi de morte Lucretiæ eleganter disserit, hic addere nimis longum esset.

lib. 1, c. 19.

Quomodo Brutus, cui ad regnum expugnandum omnia nunc opportuna erant, corpus Lucretiæ in forum detulerit, & Tarquinio ejusque filiis accusatis, populo monstraverit occasionem, ut Imperium Regium Tarquinio expulso abrogaret,

Diony-

Dionysius rursus pluribus recenset : additis tempore , loco & die , quibus Tarquinius sceleratissimus cum conjuge ac liberis exulare jussus est. Ut ita exitus Tarquinium consecutus fuerit , qualis imperio funesto congruebat , ignominiosus scil. & deformis.

Cæterum hoc damnati Principis exemplum dignum esset , quod excuteretur amplius ; & simul ostenderetur , quo jure contra illum à populo Romano pronunciatum fuerit. Videtur Tarquinium tueri sanctitas principalis fastigii , quæ subditis semper inviolabilis esse debet , & licet ea Principes abuti videantur , obsequium tamen iis deferendum esse , eruditi fere semper statuerunt ; imò etiam divinis , naturæ & gentium legibus adversa quædam præscribant , non tamen idè statim iis vis opponenda & destituendi , neque tamen etiam patendum , si conscientiam lædi credamus. *Ferenda* , inquit *Tacitus* , *Regum ingenia*. & alibi ; *bonos Imperatores voto experendos* , *qualescunque tolerandos*. ita ut mali semper exempli visum sit , *qualiscunque Principis cede manus subditorum cruentari*.

Verum in examinando jure populi Romani , nulla firmior ratio dari potest , quam hostilis in remp. Superbi animus , quem Historici passim notare videntur : cum nunquam tolerandus sit ille , qui omnium hostis est , atque ea evertere contendit , in quibus constat , incolumitatem omnium versari. Talis enim Princeps esse desiit , nec dignus est , ut Regis nomine salutetur : subditis quidem patientia semper commendata esse debet , non tamen ea , qua evertitur resp. sed qua conservatur. Neque hoc jus subditis reservatum in tali casu , in eos tantum Principes , qui adstricto certis legibus Imperio utuntur , sed & qui plenissimam potestatem , qualem Tarquinium vi & injuria sibi parasse constat , obtinent : par enim eorum est ratio , cum nec sub his nec istis resp. certæ ruinæ periculo everti debeat. Tarquinium igitur Romani jure expulere , ut eum , qui scelere & invaserat Imperium , & dum tenuit , propè totum evertit. Regnavit ille annos quinque & viginti. Quæ bella postea contra Romanos eorumque novam libertatem moverit , *Livius* & *Dionysius* libris sequentibus fusè docent.

XVI.
DISSERTATIO
De
ANNONA
Sub Imperatoribus Romanis.

DE Annonæ administratione, sub Imperatoribus Romanis, ad colloquium congressumque Academicum, consignare aliqua fert animus. Nec morabimur diu in nomine, quo omnis fructus annuus, sive proventus significatur. *Annona* enim, copiam anni notabat: & si adjectivum ab initio fuit, quod nonnulli eruditotum suspicantur, refertur ad *copiam*, quæ vox postea subaudiri cæpit, donec, ut in multis factum, fulcro oblivioni tradito, *annona* per se subsisteret. Hinc *annona amicorum*, apud Horatium; *annona veneni*, apud Iuvenalem, nihil aliud quam *copiam ejus rei* indicat. Nugæ sunt apud Ipsi-
dorum: *Annona tractum est à tempore, quo Romani veteres ad cibos advocabantur, sicut Martialis:*

Imperat excelsos frangere nona toros.

A Nonis deducit vocem Suidas; quod eo die mensis *annona* distribueretur. quam rationem non aspernantur Torrentius ad Suetonium & Adolphus Occo in Numis aliquoties. Sed Lipsius in *Fledin* ridet. Usus autem obtinuit, ut de omni alimentorum & victus genere, & imprimis quasi propter excellentiam quandam, de frumento & re frumentaria, *Annona* acciperetur. Græci quoque posteriores usurparunt vocem. In Procopii ἀννιδότας ἀννιδότας restituit Nicolaus Alemannus, ubi σικκὰ corruptè legebatur. Apud Suidam reperies: ἀννιδόν μετακομίδην ἢ δὲ λέξις φαμαϊκὴ. *Annonarum vectura. est autem vox Romana.* In Basilicis ἀννιδότας, scribuntur. *Annona* autem (refero verba Salmasii) numero singulari cum dicitur, frumentum significat, & vinum & oleum & carnem & caput, & alias ejusmodi cellarienses species. vid. tit. Cod. Theodos. de erogatione militaris *annona*. *Annona* verò multitudinis numero enunciata panes tantum significant. Quæ annotatio id dicit, quod

lib. 1 ep. 12.
Sat. 9. v. 100.
lib. 20. c. 2.

Not. p. 99.
100.

ad Lamprid.
Alex. Sev. p.
226.

quod sæpe fit, non id, quod semper. In illo ipso utique *titulo*
Cod. Theod. l. 10. & 29. annona non solos panes notant. Et in
Codice Justiniano *annonas* itidem explicat *Cujacius*, panem, vi-
 num, oleum, liquamen, lavidum, & cetera, quibus vitam toleramus. *Paratit. ad*
 Nec reprehendus videtur *Lipsius*, qui in *Militia Romana*, *annonas* *Cod. de an-*
 pro toto stipendio militum, *ἀνὴρ ἐξελικῶν*, non solis pani-
 bus utique constante, accipi interdum, docet. Non potest *nonis & cap.*
 fieri, quin subinde in hac dissertatione attingamus ea, quæ *administ.*
 quocunque modo ad annonam pertinent; præcipuè tamen ad *lib. 5. dial. 15.*
 rem frumentariam, quæ dicentur, volumus referri.

Omni cœtui, qui in civilem societatem coit, propositum
 est, atque ad eò esse debet; ut singuli non tantum vivant, sed
 beneficio hujus conjunctionis bene vivant ac feliciter, quod
 sine copia rerum necessariarum fieri nequit. Annona inter
 ea est, sine quibus ne vivi quidem potest. Hinc vel toti civi-
 tati, vel qui ejus regendæ onus susceperit, inter præcipua cura-
 rum naturaliter est, ut res omnibus & singulis tam necessaria
 non tantum in promptu sit, sed ita dispensetur, suppleatur, de-
 nique administretur, sicut modus, ordo, ratio utendi fruen-
 dique sociali vitæ conveniens postulat. Et quanquam vul-
 gus alias vix communis salutis cura præ rerum privatarum
 studio, tangitur: annonæ tamen in republica & necessitatem
 agnoscit, & parabilem copiam expetit, atque ad eò ab iis, qui
 publica moderantur, exigit. *Vulgo una ex republica annonæ cura,*
 inquit *Tacitus*. Annona salva, ceteras fere rationes servandæ
 tuendæque aut ornandæ reipublicæ negligit: exprobrante
 Atheniensibus *Demosthene*, in quarta contra *Philippum*: *εἰ τοῖσιν τὸ*
τῶν ἀνίων πλῆθος ὁρῶντες, καὶ τὴν ἐπιμελίαν τὴν κατὰ τὴν ἀγορὴν τούτοις
κεκίληθε, ὥς ἐν ᾧ δὲν δεινῇ τῆς πόλεως ἔσσης, ὅτε προσηκότως, ἔτ'
ὁρῶς τὸ πᾶν γὰρ κείναι. Quando igitur rerum venalium copiam &
 annonæ in foro ubertatem intuentes, ita acquiescitis animo, ut nihil de
 civitatis discrimine cogitandum existimetis, neque recte, neque ut par est,
 de re tota judicatis. Igitur Principes Romani, non modo, ut
 inter laudes boni regiminis, sed ut inter præsidia securitatis
 pacisque, annonæ curam sibi suscipiendam censuerunt. Hanc
 curam, inquit *Tiberius*. *sustinet Princeps: hac omissa funditus tempu-*

4. H. 38. 15.
A. 36.

Tac. 3. A.

T t t

blicam 34. 18.

blicam trahet. Et inter munera, quæ Principes Romani sæculo præstare consueverant, Symmachus, affluentiam annonæ ponit.

Cum enim agriculturæ studium, invalescente luxu ac desidia, omitteretur per Italiam, ingenuisque & honestis cultoribus, catenata servorum turba succederet, externis magis, quàm domesticis præfidiis annona Romana nitebatur, subveſto aliunde frumento. Quæ res periculis obnoxia fuit, vel ob tempestates, vel ob alia annonæ maturius aut copiosius comparandæ obstacula. Tanti imperii tam florentibus temporibus ista labe fuit, quod Italia externæ op̄is indigebat, quod vita populi Romani per incerta maris & tempeſtatum quotidieolvebatur, quod provinciarum copia & dominis & servis & agris subveniebant: intentius ista considerante Tiberio apud Tacitum. At hercule olim ex Italia regionibus longinquas in provincias commearum portabant, nec postea infecunditate laborabatur: sed Africam potius & Ægyptum exercebant, navibusq; & casibus vita populi Romani permixta est, sicut iterum Tacitus testatur. Periculo autem famis, facile ad seditionem vulgus consternatur. Quo metu Pompejo, de consilio Ciceronis, annona demandata cura, non minus addidit gloriæ, quàm pulsus ambitus campo, exactus hostis mari, Oriens triumphus Occidensque lustratus, prædicante Plinio. Sed Augusto perfecti operis debetur gloria. Is cum nomine Principis cuncta sub imperium accepisset, ut omnis boni exempli, ita hujus in republica provisionis annonariæ solertissimus auctor fuit. Non simplex illi ejus curæ consilium, vel ad instrumenta vitæ civilis, vel ad blandimenta novi status, quod non præteritum arcanorum Principali-um scrutatori unico, & proditori laudatissimo.

Ad hoc exemplum, optimus quisque Principum serio, ceteri veluti tradito more, tanquàm aliquod boni imperii specimen edituri, gaudebant conformari. Annona certe Augusti & Augustorum, inter solemnities, quibus laudes Principum Romanorum in numis consecrabantur, elogia speciose eminet. Possis fortasse, hanc curam vere Principalem etiam titulo *Annonæ Augustæ* dedicare, quanquam exemplum hæcenus non reperi; sed ad similitudinem ejus formulæ, qua SPES AUGUSTA apud Guilielmum Brassicanum in numis Hadriani, PIETAS AUGUSTA apud Occonem, QUIES AUGUSTA apud Goltzium dicitur in numis. Et

ANGU-

Appian. 1. B.
C. vid. Lips.
Elect. 1. 15.
Not. ad Vel.
leij. 2. 9+.

3. A. 54.

12. A. 43.

Panegy. 79.
adde Cassio.
dor 6. 18.

Tac. 1. A. 2.

pag. 29.
In Tit. V. C.
830. p. 164.

*Augustam pacem dixerat Ovidius, & post eum Vellejus. Cere-
 ANNONA AVG. aut AVGG. ita dicebatur, ut Virtus Augusti, Feli-
 citas Aug. Aequitas Aug. Liberalitas Aug. Securitas Aug. Ubertas Aug.
 Providentia Aug. Moneta Aug. Salus Aug. Iustitia Aug. Indulgentia Aug.
 Clementia Aug. Concordia Aug. f. Augg. Ceres Aug. quæ cum An-
 nona Aug. congruens, interdum conjungebatur. Talis est,
 numus Neronis: ANNONA AVG. CERES S. C. apud Oeconem.
 sicut in alio Nervæ numo Annona & Ceres sese mutuo aspiciunt.
 Annona potrò figura tanquam Deæ, cornu copiæ plerumque si-
 nistra, dextra spicas, easque vario gestu, papavere etiam inter-
 mixto, tenebat: additis diversis tanquam insignibus, modio
 frumenti, canistro, panario, nave, scapha, ancora, gubernacu-
 lo, tessera frumentaria, ad formam τῆ Ϛ. Quæ & similia, tum
 Providentiam Principum in comparanda colligendaque annona,
 tum Felicitatem eorundem in conservanda & cumulanda, deni-
 que Liberalitatem in dispensanda, celebrare voluerunt. Quin
 ipsa illa laudum Principalium nomina, Providentia, Fortuna, Bo-
 nus Eventus, Liberalitas, Fides Augg. symbolis & figuris ad anno-
 nam pertinentibus signabantur: modo ad totum Imperii tem-
 pus, modo ad certos & fertiles felicesque annos, nunc ad Con-
 sulatus honorem, nunc ad Optimi Principis cognomen accom-
 modandis. In Augustarum quoque ornamenta, ut alia Princi-
 palis meriti Dearumque variarum insignia, ita Cereis & Anno-
 na habitus ac beneficia cessere.*

Curæ autem vere Principalis primordia ab Augusto, ut
 diximus, repetenda sunt. Quæ enim ante Principum tempo-
 ra constituta ac provisa sunt, nunc non attingimus. Augustum
 ergò, ut curam annonæ, extra ordinem susciperet, flagitatio
 populi adegit anno V. C. DCC XXXII. Causa inopiæ, pestis:
 quæ agriculturæ intercessit. Extra ordinem, dixi, exemplo Pom-
 peji, quod in ore habebat populus. *ἐπιμελητὴν τῆ σίτης* curato-
 rem frumenti historicus vocat. Sicut postea Tiberius curam ad-
 ministrationis annonæ, quæ arctior inciderat, ut Suetonius; sive ma-
 ximam difficultatem annonæ & rei frumentaria inopiam, Ostia atque in
 urbe mandato vitrici moderatus est, ut Vellejus memorat. Ubi fru-
 stra puto Lipsium dubitare, an abdicanti Augusto successerit in
 præfectura Tiberius. Extra ordinem uterque curam Annonæ

V. C. 816. p.
122.
V. C. 849. p.
189.

Dio Cassius
lib. 5. p. princ.
Tib. 2.

2. 94.
Nect. 1. 2.

1. 8.

lib. 54. pr.

c. 37.

ad b. c.

γ. Panciroll.
in XIV re-
gion, V. R.

Dio Cass. lib.
54.

gessit: deponendam scilicet, ut primum ea convalesceret. Non possumus ergo probare eum in *Electis* scribentem, abdicante *Augusto*, praefectum *Annona* fuisse *Tiberium*. Quod praesertim cum eo, quod eadem pagina sequitur, parum convenit: *Successit, ut opinor, Augusto C. Turranius*. Sicut & cetera non satis distingui videntur. *Augustum*, & hujus jussu *Tiberium*, *Annonæ* extra ordinem praefuisse, nullam idoneam dubitandi causam repereris. Et *Augustus* quidem eodem anno instituit, ut duo ex pratorii viris, ante quinquennium circiter illo honore persunctis, singulis annis legerentur, *πρὸς τὴν τῆ σίτου διανομὴν*, teste *Dione Cassio*: ad curam frumenti populo dividendi, dixeris cum *Suetonio*, qui inter nova officia id excogitatum ab *Augusto* refert. *Casaubono*, qui hanc curam sustinebat, alio nomine videtur dictus *Minutia* curator. Sed nec inscriptio lapidis, quam adfert, id probat; nec aliæ inscriptiones (vide *opus inscript. Gruter. p. CLXXIII. 1.* ubi *CVRATOR DE MINVCIA. & CCCCVIII. 1.* ubi *CVR. MIN. & CCCLXXXI. 1.* ubi *CVR. AQVAR. ET MINIC. & plenius 3. CVRATOR AQVAVM ET MINICIAE*) hoc potius quam curam in aliis quoque regionibus urbis circa ædificia & eorum usum demandari solitam ostendunt. adeo ut ne satis quidem constare possit, an quicquam de frumento (certe non solo) ad curatorem *Minucia* pertinuerit. Quod enim in nona urbis regione duplex *Minutia* (alii *Mimitiam* scripserunt) altera *vetus*, altera *frumentaria* dicitur, de ratione hujus appellationis nihil certi habemus: nisi quod in ea frumentum venditum fuisse nonnullis videtur. Nam locum *Apuleji Lipsio* laudatum ex libro de mundo libenter ita legerem: *alius ad Minutiam frumentariam venit. pro frumentarium*. Vide, an hoc velint, quæ antecedunt & sequuntur.

Sed ad *Augustum* redeundum est, qui anno V. C. 736. duobus *Lentulis* Consulibus instituit, ut qui magistratum gererent singuli singulos ex pratorii viris, triennio ante illo honore persunctis, nominarent, de quibus quatuor sorte ducti annonam suo quique loco & ordine distribuerent. *ἵνα ἐπὶ τῇ τῆ σίτου διαδόσει προβέλλωνται καὶ οἱ ἐν ταῖς ἀρχαῖς αἰεὶ ὄντες ἕνα ἕκαστος ἐκ ταῖς πρὸ τειῶν ἐτῶν ἱσχυροτάτων, καὶ ἐξ αὐτῶν τέσσαρες οἱ λαχόντες σιτοδοτῶσι ἐκ διαδοχῆς*. His binos lectores, & servos publicos, & scribas, & librarios, accensos praesensque, ex *Frontino Lipsius* tribuit. Nondum Praefectum *annonæ*, pro-

proprio nomine sic dictum habemus. Primum ab Augusto constitutum C. Turranium, ^{1. A. 7.} ^{14. A. 36} cuius Tacitus mentionem facit, Lipsius putat, argumento non satis firmo ex alio Taciti loco, ubi de alio Turranio agi certum est; sicut & vocem *primum* non ad officium (*rei frumentaria Praefectum*) sed ad ordinem, quo vocantur à Principe amici, pertinere, ipse in *Nota ad illum locum* agnoscit, & in aliis *notis ad Seneca librum de brevitate vitae*. Id verum est, non alium ante illum ab initio Principatus Tiberiani memoratum Turranium, qui id muneris jam extremo Principatu Augusti gesserat, uspiam nominari. Quod autem anno V. C. 732. *Praefectus frumenti populo Romano dividendi* constitutus sit, frustra & temere ex *Dionis libro supra laudato*, & *Suetonii Augusto*, (unde solita incuria locus plane à proposito alienus affertur) ^{c. 34.} ^{c. 52.} Julius Caesar Bulengerus probare conatus est. Ab Augusto interim *praefecturam Annonae* primum institutam, tanquam magistratum non temporarium, sed in Republica mansurum, ex ^{De Imper. Rom. lib. 5. cap. 12. & lib. 6. c. 2.} priori Taciti loco satis constat: licet de nomine primi praefecti nihil certi habeamus. Id quoque non ambigitur: praefectum annonae, cum binis illis, & postea quaternis, dividendo frumento constitutis, confundi non debere. Addo: CVRATORES ANNONAE in lapidibus antiquis, non eosdem videri cum praefecto Annonae, sicut Lipsius autumat: sed constituta plenius Annonae cura, distinctos locis, laboribus, gradibus accessisse. Hinc *curatorem annonae civilis*, *curatorem annonae plebi praestare*, & quae alia sunt discrimina, praesertim in municipiis loco praef. Ann. *curatorem annonae* in antiquitate legas. ^{Elect. 1. 18.} ^{Inscript. Grut.}

Proxima est praefecti annonae descriptio apud Senecam: quod orbis terrarum (ex nota Romanorum *μεγαληνοεία*) rationes administret; quod frumenti publici rationes norit; quod multa frumenti millia illi committantur; quod cum ventre humano illi negotium sit; quod curet, ut incorruptum à fraude advehentium & negligentia frumentum transfundatur in horrea, ne concepto humore vitietur & concalescat, ut ad mensuram pondusque respondeat. Et nota, quod de pluribus, quibus erat mandata frumenti cura, temporibus Caligulae mentionem faciat, sive Praefectum Urbis & Praef. Praet. de quibus subinde, intelligens, sive alios curatores. Desiderat etiam ad hoc munus homines frugalitatis exactae, & laboriosa opera. ^{De brev. vi. 12. & 19.} ^{VI. 18.}

De Imper.
Rom. vi. 20.
lib. 10. ep. 36.
& 48. add. Ju-
ven. not. p.
281.
De consol.
phil. lib. 5.
prol. 4.
Pancg. 29.

Cassiodorus in formula præfecti annonæ, & munus ejus, circa pistores præfertim ac panes, itemque suarios amplius declarat, & dignitatem ejus à carpento Præfecti Urbis, à tribunali & jurisdictione, etiam in provincias mandata dimittentem, magnifice describit. Plura ex Cassiodoro aliisque collegit Bulengerus. Apud Symmachum, Viri Clarissimi honore signatur præfectus annonæ. Quomodo ergo ejusdem sæculi scriptorem Boëtium his conciliamus, ita scribentem: Si quis quondam populi curasset annonam, magnus habebatur: nunc ea præfectura quid abiectius? Quis ferat tam valide suo sæculo contradicentem, nisi figuram & propositum oratoris spectemus? cui in animo existimem fuisse gloriam illam Magni Pompeji, singularis exempli, Plinio dilaudatam, ut ante diximus. cum illa si conferas præfecturam annonæ, vilescit ut ut splendidus, quem & Seneca honorificum ministerium dixit, ordinarius honos objectu extraordinarii splendoris.

lib. 10. ep.
36.

1, 12.

lib. 72.

cap. 29.

Cum præfertim & Præfectus urbis, & Præfectus Prætorii Annonæ curam itidem gesserint. Hinc Symmachus Præfectus urbi Imperatorem Theodosium orat, (ex officio scilicet) ut annonariæ rei difficultates expediat: & de olei penuria loquens, *cujus rei, inquit, V. C. Præf. annonæ, partium suarum diligens executor, Prætoriana amplissima Præfectura, ut ipse asserit, dudum fecit indicium, missis de more Brevibus, quæ angustias patefacerent conditorum. Ita sub Commodio Imperatore Cleander Præf. Præt. rei annonariæ arbitria sibi insolentius trahens, occasionem rerum novandarum inde machinabatur, apud Herodianum: Præfecto annonæ Papirio Dionysio per alia consilia inopiam intendente, ut Xiphilinus ex Dione refert. Et Philippus Arabs præfectura prætorii abusus est ad imperium Gordiano eripiendum, cum naves frumentarias avertisset, militesque in ea deduxisset loca, in quibus annonari non posset: teste Capitolino in Gordiano. In Notitia Imperii sub dispositione Viri Illustris Præfecti Urbis ponitur etiam Præfectus Annonæ: & postea Rationales vinorum, Tribunus fori suarii, Curator Horreorum Galbanorum. Et sub dispositione Viri Illustris Præfecti Prætorio Italiæ numeratur Præfectus Annonæ Africa; sicut sub dispositione Præfecti Prætorio Orientis erat Præfectus Annonæ Alexandria. Ille Carthagini, hic Alexandria sedem habebat, & officium: cujus in Codice utroque sit mentio. Quod mirum non est,*

cum

cum & in municipiis ac civitatibus, curatores annonæ, Sitorum & Elæones habuerint *officium apparitorum*, de quo *Pancirollus*, De Magistr. munic. c. 12.

Quamquam autem *Præfectus Annonæ* in urbe sub dispositione Præfecti urbis esset, ut dictum est, separatas tamen habuit apparitiones, quas cum alis commisceri vetuerunt *Imperatores*, lib. 12. C. 1. 59.

Apparitores Præfecti annonæ, *annonarios*; Præfecti urbis, *urbanicianos* in Codice Theodosiano dici, annotat *Cujacius*. In *inscriptione antiqua* memoratur PRÆFECTVS ANNONÆ VRBIS SACRÆ CVM JURE GLADII. In basi statuæ, inter titulos *Symmachii* legitur: PRÆFECTO ANNONÆ VRBIS ROMÆ. Sed quid est *Allectus Annonæ*? sicut *C. Valerius* appellatur in veteri lapide. Nemo hoc explicavit. quamquam *Bulengerus* multa de *Allectu* & *Allectura* collegerit. An, ut *Allecti* alias sunt susceptores in suscipiendis vestigalibus occupati, & in rationibus perscribendis, ita *Allectus Annonæ* rationes annonarias confecerit, aut ad annonæ curam ab ordinariis annonæ curatoribus, sive annonæ præfecto extra ordinem allectus fuerit? Prius magis placeret; nisi eruditioribus aliter videatur. Nam, quod *Lælius*, rationem appellationis ex alio genere *allectorum* (de quibus agit *lib. 9. cap. 1.*) repetere instituit, ejus rei non æque apparet causa & similitudo. Titulares enim illi, ut vocitatur, honores ad commoda & jura ex vero honore alias venientia manifesto pertinebant. Quod huc obscurius traxeris. Quid? quod *inscriptio* non *allectum annonæ* tantum nominat, sed addit *Leg. 111. Italic.* Quæ res magis sententiam meam confirmat: operæ & officii, ut in susceptoribus, quibus ob *allecturam fideliter administratam* gratiam relatam legimus, non compendii tantum & tituli, hanc appellationem esse.

Quæ res nos monet, ut de *Officio* (id est, officialibus ac ministris) *Præfecti annonæ* aliquid annotemus. Et de *lictoribus, accensis, scribis, præconibus* quidem eo minus dubitare possumus, quanto certius est, ut supra vidimus, etiam iis, qui frumento distribuendo ab Augusto destinati erant, hæc ministeria non defuisse; &, jurisdictionem præfecto annonæ demandatam, absq; his explicari non potuisse. De cetero, ut vocabulorum & ministeriorum facta est accessio, non video rationem, quæ vetet credere, officium præfecti annonæ ita instructum ordinatum-

Op. Grut. p. ccccxviii. 4.
P. CCCLXX.
3.
p. CCCC
LXXIX. 6.
De Imper.
Rom. VI. 45.

De republ.
Rom. lib. 2.
cap. ult. pag.
ato.

l. ult. §. Ti-
tius, D. de
pign. act. De
magist. mu-
nicip. c. 12.

In Capitol.
Marc. An-
ton. p. 83. &
Lamprid, A-
lex. Sev. p.
208. adde
Bulenger, de
Imp. Rom.
v. 64. ad Spar-
tian, Hadr. p.
28. 29. 30.
Elect. 1. 8.
Grut. op.
DCXXXI. 8.

ccccxxvi. 5.
cxxviii. 2.
DCXXI. 6.

lib. 2. reipub.
Rom. c. ult.
lib. 10. ep. 31.

lib. 9. ep. 47.

describit Bu-
lenger. de
Imp. Rom.
V. 44

tumq; fuisse, ut apud alios non superiores modo, sed æquales & inferiores magistratus in *Notitia Imperii* videmus. *Centurionum* ex officio *annonæ* mentio fit in *Digestis Scævola*: non quasi is præfuerit toti officio *annonæ*, quod videtur velle *Pancirollus*, sed apparitoribus quibusdam. Haud dubie enim in officio primus fuit, qui *Princeps officii* dicebatur. *Unaqueq; enim officia suos habuerunt Principes*, qui primores & priores & capita officii dicebantur. — Unus tamen erat, qui proprie *Princeps officii* dicebatur, tam in *Palatinis* officiis quàm in officiis *præsidum* & *rectorum provinciarum*, inquit *Salmasius*. Nec *Cornicularium* abfuisse putem, & *Adjutorem*, *Commentariensem*, *Ab actis*, *Numerarios*, *Subadjuvas*, *Epistolares*, *Referendarios*, *Cohortales*, de quibus *Pancirollus* (in *Not. Imp. utr. pag. 28. & seqq.*) *Bulengerus* & *Salmasius* ad *Historiam Augustam* passim, disquirunt. *Frumentarios* autem (sive ita dictos, quod *frumenti publici prosecutionem curarent*, sive potius quod *annonæ militaris exactioni præessent*, ut censet *Salmasius* in *prolixa de his dissertatione*) *præfecturæ Prætorianæ* paruisse, non est dubitandum. Fuerunt alii *frumentarii mensores*, de quibus *Lipsius*. *MENSOR FRUMENTI*, in veteri inscriptione, Et *Frumentarii mercatores*. In *Gruteriano* opere: *MERCATORES FRUMENTARI ET OLEARI AFRARI præfecto Annonæ* tabulam marmoream posuerunt. In eodem ex auctoritate *Imp.* loco per curatorem publicorum operum designato templum extruxerunt *NEGOTIATORES FRUMENTARI*. Et *NEGOTIATORI FRUMENTARIO* monumentum positum. De quorum opera subinde intelligetur.

Wolffg. Lazius sub *Præfecto annonæ* ponit, *Notarios Annonæ*, *Opinatores*, *Tesserarios*, *Dardanos*. *Symmachus* *Notarii* meminit, cui *Imperator* mandasset in *Africa* *frumentarios commeatu*. Et *Opinatores* quidem *Lazius* explicat, tanquam *opinandæ annonæ intentos*. Alii rectius *Opinatore* scribunt, cujus mentio est apud *Symmachum*, ubi *Juretus* annotat locum *Augustini* ex *epist. 219.* & addit: *eo nomine significabatur exactor militaris annonæ, ut in constitutione Arcadii & Honorii in l. 11. de erogat. milit. ann. C.* *Opinio* autem aliquando sumitur de *censu* vel *astimatione*, ut in *l. ult. de præd. & omnib. reb. Navic. C.* ubi *agri opinio dicitur*. Inde igitur eo saculo dicti *opinatores*, quia *opinarentur*, id est, *astimarent*, *quantis species adarandæ forent*. Ad *Trebellii Pollionis* *triginta tyrannos* *Salmasius* ita de his disse-

disserit: *Opinatores milites erant, qui ad annonam in provincias mittebantur.* Glossa: *opinator, ὁ τῶν σχολίων ἀνὴρ ἀπαλῆς.* eorum Pag. 300.
mentio in codice. male magnus Cujacius opinatores inde dictos opinatur, quod opinionem, id est, censum agri exigent, imo opinatores, quod probarent spectarentque annonam, quam exigendam habebant. nam opinator idem, quod probator & aestimator. Glossa veteres: opinator, aestimator. vel qui conducit aliquid, trutinat & appendit. hac officium opinatoris quale esset in exigenda militari annona plane ostendunt. Tesserarios Lazius interpretatur, qui tesseram militibus dividebant, hoc est, annonam gratuito datam. Qua de re etiam Marcellus Donatus ad Tacitum aliquid annotavit. Sed nondum lib. 5. Hist. 25
est in expedito illa interpretatio. Dardani sive Dardanarii, inquit amplius Lazius, sub Praefecto annonae erant, ejusque audiebant dicto. Noli de officio Praefecti annonae accipere. quis enim hoc dixerit de genere hominum inviso, aliquando urbe excluso, rursusque admisso? nisi quod coercitio eorum ad praefectum annonae spectasse intelligitur. Qua de re postea.

Vere ad Officium Praefecti annonae pertinet, qui in monumento antiquo memoratur, ADJUTOR PRAEFECTI ANNONAE. Quos & *Adjuvas* dictos, *Salmasius ad Trebellium Pollionem* Grut. op. DCXXII, 3.
notat. Unde Subadjuva, quasi subadjutores. de quibus Bellergerus. Inter officia Domus Augustae, refertur ACTOR à FRUMENTO Domitiae Aug. apud Gruterum. Et in militari annona A RAT. MIL. FRU. LEG. XXX. Fiscii quoque frumentarii fit mentio: ubi Tabularius & Susceptoribus locus, de quibus pag. 336. delimp. Rom. VI. 49. p. DXCIII. 1. DXVIII. 11. DXCII. 1.
Henricus Valesius, Susceptores, inquit, annonam militarem à provincialibus exactam susceptamque in horrea inferebant, & pro illationis modo securitates, id est, apochas accipiebant. ut est in l. 16. Cod. Theodof. de Susceptoribus. Hi etiam Annonam erogabant Actuarius & optionibus juxta breves seu pittacia autentica, quae actuarii semper parata habebant, in quibus, quo die & quantum esset erogatum, scribebatur. nec antequam pittacia hac accepissent, Susceptores annonam ex horreis proferebant. Hi breves postea ad sacra scrinia mittebantur, lege 11. & 14. Cod. Theodof. de erogatione militari annona. Hujus loci sunt susceptores specierum annonariarum, & susceptores Canonis sive annonae populi R. Fuerunt enim multa alia susceptorum genera. Adde Lazium sine libri secundi. v. Buleng de actorib. III. 25. ad Marcell. 17 p 144.

U u u

Sed

- Sed Præfectus annonæ longius incepto nos abduxerit. Spectanda enim nunc est Augusti & Augustorum cura in comparanda & colligenda annona. Sicilia, Sardinia, Africa, Ægyptus, frumentariæ provinciæ erant, unde Romanis annonæ copia inuenta. De Sicilia & Sardinia *Juretus ad Symmachum* testimonia collegit, *Bulengero* descripta, qui & de ceteris annotat. De Africa testimonio est, quod fiducia frumentariæ provinciæ rebus novis studuerunt, & *Clodius Marcer*, jussu *Galbæ* occisus, & *Gildo Comes* & *Magister* utriusque militiæ per Africam, qui classes frumentarias retentavit. Unde post rei damnationem (*Symmachii* verba sunt) adjecta est pro alimentis populi Rom. supplicatio. In metu enim erant, ne obesset com meatibus annonariis mediæ temporis mora, & perturbatio plebis oriretur. Quare Judicibus provincialibus demandata cura, ne onusta navigia apud portus morari permitterent. Quid mihi
- lib. 9. ep. 39. de Imp. R. VI, 3. & VI, 15. Suet & Plut. Galb. l. 4. ep. 4. lib. 4. ep. 54. lib. 10. ep. 31. & 48. lib. 4. ep. 75. lib. 3. ep. 55. in vit. c. 17.
- (inquit iterum *Symmachus*) *insufurras frugis Africana* tennes com meatus? Absit ut præsens annus imitetur fortunam superiorum. Intercludet, ut spero, providentia tristes casuum vias, sacris (Imperatoris) auribus edocendis, & castigatione Judicum, quos alimentaria spectat invectionio: Nec spem dies obstruit. nam mare adhuc justis cursibus patet, & nondum in hyemem præcipitat autumnus. De Judicibus stimulantibus etiam alibi agit. Et de Africa iterum: Quid enim spei reliquum sit, cum provinciis Africanis nec ad victum tenuem frugum tritura responderit, & suppleta ex aliis terris semina vicinus annus expectet? Jure igitur ad æternorum Principum providentiam Provincialium sollicitudo confugit. In supplementum Africani com meatus è Macedonia petitum frumentum idem Scriptor docet: Hinc (ex prædio ad Tiberim) libens video, quid frugis æterna urbi in dies accedat, quid Romanis horreis Macedonicus adducat com meatus. Nam pane cessante Africa fames in limine erat, quam clementissimus, & ad salutem publicam genitus Imperator prævenit ingestis alieni soli copiis. Neminem in errorem ducat *Lampridius*, quando de *Commodo* scribit: Classsem Africanam instituit, qua subsidio esset, si forte *Alexandrina* frumenta cessassent. Diu enim ante tempora Augustorum Africanum frumentum subvenisse Romanis, & *Lipsius* ostendit, & *Casaubonus* ad illum *Lampridii* locum monet. Igitur novaverit aliquid tantum *Commodus* in

in illa subvectione. *Ægyptum* Augustus in provincia formam reddidit, ut feraciorem habilioremque annona urtica redderet, fossas omnes, in quas Nilus exafluat, oblitatas longa vetustate, militari opere deterfit, memorante Suetonio: atque vetitis, nisi permisso in Aug. 18. ingredi senatoribus, aut equitibus Rom. illustribus seposuit *Ægyptum*; ne fame urgeret Italiam, quicquid eam provinciam, claustraque terra ac maris, quamvis levi prasidio adversum ingentes exercitus infedisset. ut est apud Tacitum. Qui etiam regimen ejus equiti Rom. 1. Hist. 11. traditum refert: Ita visum expedire, provinciam aditu difficilem, annona secundam, superstitione ac lascivia discordem & mobilem, insci- am legum, ignaram magistratuum domi retinere. Classen quoque Elect. 1. 2. Alexandrinam ab Augusto institutam Lipsius putat. Unde Sueton. Ner. non incallide Nero de retinendo Imperio jam desperans, de- 47. liberavit, an *Ægypti* praefecturam concedi sibi oraret. Claudius Suet. Claud. postea nihil non excogitavit ad invehendos etiam in tempore hiberno 18. commeatus. nam & negotiatoribus certa lucra proposuit suscepto in se damno (nota imaginem ejus contractus, qui juniore ævo assecurationis nomine frequentari coepit) si cui quid per tempestates accidisset: & naves mercatura causa fabricantibus magna commoda constituit. Cumque annonæ curam sollicitissime semper ageret, Id. c. 20. etiam portum Ostia extruxit, circumducto dextra sinistraque brachio, & ad introitum profundo jam solo mole objecta. quam quo stabilius fundaret, navem ante demersit, qua magnus obeliscus ex *Ægypto* fuerat advectus, congestisque pilis superposuit altissimam turrin in exemplum Alexandrina Phari. ut ad nocturnos ignes cursum navigia dirigerent. Hic est ille dilaudatus Urbis aeternae & sacrae portus, quem Poëta signat:

Tandem intras positas inclusa per aquora moles,
Tyrrhenamque pharon, porrectaque brachia rursus,
Quae pelago currunt medio, longeque relinquunt
Italiam.

Juvenal. sat.
1. 12. v. 75.
&c.

Ubi vetus Scholiastes: Portum Augusti dicit, sive Trajani: quia Trajanus portum Augusti restauravit in melius (unde illud, rursus) & interius tutiorem, sui nominis fecit. Portum Augusti dici certum est: quamquam Juretus mallet rescribere portum Augustum, ad Symmach. lib. 3. epist. 55. quia non ab Augusto, sed à Claudio est extructus. Sed illum facile ab incepto deterrere debuit, consuetudo similis locutio. P. 130.

lib. 19. c. 21.

nis, qua non *Augustum* modo, quod rarius occurrit, sed *Augusti* dicitur, quicquid est Imperatorium, aut Imperatorem aliquem auctorem habet. *Ammiani Marcellini* locus clarus & consensu codicum indubius est, ubi Tertullus urbi Præfectus seditionibus plebis famem metuentis agitur innocens: *Nec enim per eum steterat, quo minus tempore congruo alimenta navibus reberentur, quas maris casus asperiores solitis, ventorumque procella restantium delatas in proximos sinus introire portum Augusti discriminum magnitudine perterrebant, moxque divini arbitrio numinis, quod auxit ab incunabulis Romam, perpetuamque fore respondit, dum Tertullus apud Ostia in ede sacrificat Castorum, tranquillitas mare molivit: mutatoque in austrum placido vento, velificatione plena portum naves ingressæ, frumentum horrea referferunt. Apud hunc Ostiensem portum tum alia, tum mensorum frumentariorum, & Caudicariorum, id est nautarum, qui frumentum majoribus navibus allatum, caudicariis sive minoribus navigiis Tiberi subveherent, ministeria, corpusque e. g. mensorum, corpus caudicariorum Portuensium noscitantur. Extat insignis inscriptio vetus de certamine utriusque corporis per præfectum annonæ Vincentium Celsum composito, unde illa hic legi volumus:*

nam. rexit. annonariam. potestatem. urbu. eterna. ea. aqutate. ut. inter. omnes. qui. ad. eum. animo. litigantis. intrassent. parentem. se. plerumque. magis. his. quam. judicem. prabuisse. tunc. etiam. factum. est. ut. mensores. nos. portuenses. quibus. vetus. fuit. cum. caudicariis. diuturnumque. certamen. vori. compotes. abiremus. ut. utrumque. corpus. & beneficio. se. & victoria. gratuletur. affectum. Corpus quoque Saccariorum portus Roma describitur in Cod. Theod.

Pag. Grut. ep.
CCCCCLXII.

3.

de Imp.
Rom. VI, 6.
Suet. Ner. 45.

Cap. 98.

Ad hanc ergo subvehendæ annonæ curam classes illæ pertinent, de quibus plura *Bulengerus* annotavit. Adeo ut ægre tulerint Romani, si de illarum classium navibus aliqua alios ad usum adhiberetur, sicut *Neroni* ingens conflata est invidia, cum in publica fame *Alexandrina* navis nunciaretur, pulverem luctatoribus aulicis advexisse. Nisi quod præter frumentum (quo præcipue onerabantur) etiam accessio aliqua, ut hodie fieri solet, mercium peregrinarum facta est, id quod vel ex *Suetonii Augusti* colligas. *Navicularii* etiam, qui delegatas species

cies annonarias transferebant, de plena securitate legibus prospectum *codex Theodosianus* docet tit. de *Naviculariis & quatuor sequentibus*: ubi & invicem eorum opera ita obligatur, ut subve- AdddeBuleng. VI. 7.
ctio annonaria nullum sentire detrimentum posset.

Colligebatur autem frumentum in *Horrea publica*, quæ non tantum Romæ varia erant, ut ostendit *Lipsius*, sed etiam in Portu Ostiensi, & in provinciis passim, de quibus *Bulengerus*. Atque ita rursus curatorum, præfectorum, ministro- Elect. 1. 2. delimp. Rom. VI. 5.
rum numerus & nomina. Horrea hic accipimus, ubi frum-
menta reponuntur. alias enim latius patet usus vocabuli,

quod Glossæ *συνθήκη* reddunt, de quo genere nobilis locus est in *Alexandro Severo Lampridii*, ubi frustra putamus Historici fi- cap. 39.

dem à *Salmasio* in dubium vocari, si attendas vocem, in omni- pag. 214.
bus regionibus. Fuerunt itaque antea *horrea publica* in Urbe,

sed non in omnibus urbis regionibus. ut bene explicat *Casaubonus*.

Atque ita in horreis repositæ species annonariæ, Con- In Not. p. 168.
dita vocabantur, aut *condita horreorum*, de quibus *Casaubonus* &

Salmasius ad Spartianum videndi. condita scilicet ad civilem & pag. 21.

militarem annonam. unde *condita militaria* sæpius legas. *Spartianus* in *Hadriano*: Laborabat, ut *condita militaria* diligenter agnosceret. pag. 26.

Quod idem est ac illud apud *Lampridium* in *Alexandro Severo*: cap. 11.
Annonam militum diligenter inspexit. Nominatim ea designatur

apud *Capitolinum* in *Gordianis*: *Mistheis tanta in Republica dispositio* cap. 15.

fuit, ut nulla esset unquam civitas limitanea potior, quæ non posset cap. 28.
exercitum populi Rom. ac Principem ferre, quæ totius anni in aceto,

frumento, & larido, atque hordeo & paleis condita non haberes:

minores vero urbes, alia triginta dierum, alia quadraginta, nonnulla

duorum mensium, quæ minimum, quindecim dierum. Et mox: cap. 29.

Mistheus tantum, quantum diximus, habuerat conditorum, ut va-

cillare dispositio Romana non posset.

Frumentum & annona, quæ colligebatur & condeba-

tur, partim ex decimis, partim ex tributis & collationibus,

sive pensitationibus aliis, partim ex emtione, ad destinatum

modum numerumque conficiebatur. De decumis, emtione,

vestigali annonæ *Bulengerus* videndus. Et de negotiatoribus

frumentariis jam dictum est. apud *Cassiodorum* Theodericus De Imp. Rom. IX. 9.

Rex de more veteri negotiatoribus Apuliæ sive Calabriæ, per 2. 26.

quos

quos frumenta publicè comparabantur, quosque suis titulis necessarios
 Elect. 1, 8. *judicat, egregie prospectum voluit. Adde Lipsium.*

In his rebus quantum operæ studiique posuerint Imperatores, crebris Historicorum monumentis edocemur. M.
 In vit. c. 11. *Antoninus, inquit Capitolinus, omni frumentaria rei consuluit. Et: De alimentis publicis multa prudenter invenit. Ubi Casaubonus mallet addere privatisque: ut magis congruerent, quæ ex oratione Marci l. 8. D. de transact. demonstrat. Sed audax fuerit hæc additio. Illud de negligentia Historici conquerendum est, quod ignorare nos voluit, quæ essent illa prudenter reperta. Idem de Pertinace: Annona consultissime providit. De*
 cap. 7.
 cap. 21. & 22. *Alexandro Severo Lampridius: Commeatus populi Romani sic adjuvit, ut cum frumenta Heliogabalus evertisset, vicem de propria pecunia loco suo reponeret. Negotiatoribus ut Romam volentes concurrerent, maximam immunitatem dedit. Oleum, quod Severus populo dederat, quodque Heliogabalus imminuerat, turpissimis hominibus præfecturam annonæ tribuendo, restituit. Commeatus est, ut recte Casaubonus, κατὰ πλῆθος, & de investo classibus frumento capi debet. Oleum ad distributionem pertinet. ubi de hoc loco Lipsius. Aureliani singularis in hoc genere dispositio fuit, quam*
 In vit. c. 47. *ex epistola ejus ad Flavium Arabianum Præfectum Annonæ apud Vopiscum licet cognoscere: Inter cetera, quibus Diis faventibus Romanam rempublicam juvimus, nihil mihi est magnificentius, quam quod additamento uncia omne annonarum urbicarum genus juvi: quod ut esset perpetuum, navicularios Niliacos apud Ægyptum novos, & Roma amnicos posui: Tiberinas extruxi ripas: vadum alvei tumientis effodi. Diis & Perennitati vota constitui, almam Cererem consecravi. Nunc tuum est officium, Arabiane jucundissime, elaborare, ne meæ dispositiones in irritum veniant. Imperator Probus accepto imperio in prima sua ad Præfect. Præt. epistola militaris annonæ curam commendavit: Te quaeso, annonam & commeatus & quicquid necessarium est, ubique militi pares. Ammianus Marcellinus horreorum in Gallia meminit, ubi condi posset annonæ, à Britannia sueta transferri. Cujus transvectionem quomodo instauraverit, & ab incurSIONibus hostium tutam reddiderit Julianus, ipse commemorat in epistola ad Athenienses; & Zosimus.*

Vopisc. Prob.
10.

libi 18, c. 2,

p. 414. Edit.
Petay, lib. 3,

Veni-

Veniendum est ad dispensationem annonæ Imperatoriæ. Quæ partim ad *largitiones*, partim ad *necessitates* pertinet. Et largitiones quidem atq; frumentationes gratuitas egregie executus est *Lipsius in Electu*. Ceterum largitiones annonariæ ab initio eo pertinent, ut dulcedine otii, cujus hæc non minima pars erat, live amore imperii singularis Cæsarei ac novi status animi hominum imbuerentur. Postea æmulatione Principum circa artes & laudes popularitatis, studioque munificentiae & magnificentiae, & consuetudo frumentandi, & annonæ varietas, & canonis modus continuari atque augeri cœpit. Majori periculo Reipublicæ, quam commodo. Quod *Augustus* mature providerat, sed omittere non ausus erat. *Agriculturæ* neglectus, plebis ignavia & procacitas, id est, materia seditionum perpetua, haud dubie ita alebatur. Ecce specimen in *Vopisci Aureliano*, qui non contentus priorum Principum liberalitatem imitari, statuerat & vinum gratuitum cap. 48. populo Rom. dare, ut quemadmodum oleum & carnes & porcina gratuita præberentur, sic etiam vinum daretur: quod ut perpetuum esset, dispositionem ejus historicus refert. Sed multi dicunt, *Aurelianus* ne id faceret præventum; alii à *Præfecto prætorii* sui prohibitum, qui dixisse fertur: Si & vinum populo Rom. damus, superest, ut & pullos & anseres demus. Bene ratiocinatus est simul *Præfectus prætorio*, & prodigam largitionem arguit. Ita nimirum solet fieri, ut multa, quæ ab initio erant consilii, & temporis, postea specie ordinariæ prudentiæ blandiantur: ingenti fragilitatis humanæ, etiam in summis imperiis, sapientissimosque apud viros documento. Plus hæc prodigientia moribus Romanis nocuit, quam ulla unquam liberalitas casibus temporum profuit. Vano igitur nomine à nonnullis quasi liberalitas in egenos celebratur. Non tam sublevavit ea res egenos, quam fecit. Longe alia cautione dispensandum est, quod pauperibus destinatur. Cum præsertim à nonnullis Principibus facinora tyrannidis tali simula- cro liberalitatis redimerentur, teste *Plinio*.

Paneg. 28.

Panem cœpisse distribui, cum antea frumentum tesseriis adhibitis erogaretur, tempore *Trajani*, existimavit *Lipsius*.

Not. ad Vo.
pisc.

pag. 173.

num pag. 174.

num ejus moris initium refert. De nomine etiam (dicebantur enim panes gradiles) contra Lipsium & alios disputans, quod gradibus & in gradibus distribuerentur, sic vocatos esse audias vulgo jacitari. & verum quidem hoc est, sed ubi gradus illi? quidam in singulis regionibus urbis gradus erectos fuisse, ubi hac divisio. alii ad pistrina, quae in singulis regionibus erant, gradus illos ponunt. sed quis erexit? quis posuit? ad quam rem vero erecti? non enim ab omni aeo Roma hac panis distributio celebrata est. cui res igitur serviebant prius? sed quam multos oportet gradus fuisse, aut quam capacem locum, in quo erecti, tenenda tanta multitudini, quae quotidie ad panes accipiendo conveniebat? Ostendit subinde prolixè in iisdem gradibus acceptos panes, in quibus olim congiaria, aera, missilia, tesserae omne genus mittebantur, id est, in gradibus amphitheatri & Circi, ubi & ratio ordinis prompta in distinctis gradibus. nisi quod Constantinopoli in fori gradibus, quos describit postea, ista distributio fieret. Qua re multum profici videtur ad intelligendas leges Codicis Theodos. de annonis civicis & pane gradili.

pag. 376.

Quatenus aliis satis pertractata nil attinet repetere, non tempero tamen mihi quin requiram, quidnam sibi velint pueri & puella novorum hominum, quos Divi Fratres ob conjunctionem Lucillae & Veri, sive potius fraternam in imperio, frumentaria perceptioni adscribi praeceperunt, apud Capitolinum? In cap. 70. Plin. Paneg. 78. genuorum puerorum numerum à Trajano conquisitum novimus, qui participes essent hujus largitionis. Sed novorum hominum pueros quomodo explicamus, nisi hoc tanquam stipendium, nec tanquam pauperibus, sed liberalitate honorifica obligandis hominibus, erogatum credamus? Casaubonus Not. pag. 63. novos homines interpretatur, qui nuper ex lege Pii cives facti erant, tanquam novos cives dixeris: & qui pro Christianis accipere novos homines, refutat. Salmasius his rejectis, pueros & puellas novorum nominum reformat. Primus, inquit, Trajanus pueros & puellas alimentarias constituerat, quibus liberalitatis incrementum adjecit Hadrianus. Pius etiam in honorem Faustina novas puellas ascribi fecit, quas Faustinianas appellavit. Nunc M. Antoninus & Verus ob conjunctionem & participationem imperii novorum nominum pueros & puellas ascribi praecipunt, cum enim darent nomina sua, qui ascribendi erant

in M. Anton.

cap. 70.

Plin. Paneg.

78.

Not. pag. 63.

a Not. p. 82.

erant huic frumentaria perceptioni, pueri puellaeque ideo novorum nominum dicuntur, quod praeter illos & illas, quarum nomina non habebantur ascripta, quasq. jam instituerant priores Imperatores, novi isti Marci & Veri jussu ascribebantur. Plausibilis prima specie commendatio, & fortasse vera. Sed si novorum nominum, sicut de Faustianis Capitolinus (ita enim vere novorum nominum dicerentur) cur non expressisset illa nomina? Altero enim significato nominis, frigebit sententia. Unum quærendum est, an alimentaria ista compendia semper ad solos egenos & pauperculos pertinuerint? Quod si mutavit, & ambitiose ad alios translatus est; novi homines non tam absurde hic legentur.

In Ant. Pico
c. 2.

Necessitates in dispensanda annona vocavimus, quicquid non est meræ largitionis. Itaque huc pertinent stipendia, salaria, præmia virtutis & operæ, quæ annona constant: tum parabilis rerum ad annonam spectantium copia. Id enim imprimis studebant Principes, ne annona carius veniret, aut plebem fatigaret. Praeter annonas civicas gratuitas, (quæ ab Aureliano institutæ, sub Heraclio Imperatore sublatæ sunt) etiam panis è fisco, & vina fiscalia, pretio comparabantur, ut docet ex l. f. C. Theod. de pane gradili & ex Vopisco, Salmasius. Et cum arctior annona incidisset, leviori pretio annona publice venit, ut postea dicitur: admixta scilicet & interposita emtioni liberalitate Principum. Juliani institutum hoc nomine reprehendit Ammianus Marcellinus, quod popularitatis amore vilitati studebat rerum venalium, quæ nonnunquam secum quàm convenit ordinata, inopiam gignere solet & famem. Sed ipse quidem Julianus in Misopogone extremo rem exponit, & laude dignam exhibet: Quando querelis populi, in magna rerum necessarii copia, caritatem tamen, & iniquitatem pretii incusantis commotum se, frumenta domestica vili pretio vendidisse ait, ceterosque, ut idem facerent, constituto rebus venalibus pretio, adigere voluisse. quamquam divites legem gravati foris frumentum venderent aliis, neque civibus gratificari cuperent, quod Julianus suo exemplo edictoque demonstraverat. Id esset nihil aliud, quam τὸ τῆς ἀγορῆς εἶναι τιμὴν πλεονεξίαν, avaritiam feropellere. Atque in hunc modum

Not. ad Vopisc. p. 408.

lib. 22 c. 32.

Pag. 108 &c.
edit. Petav.

Tom. 2. edit. etiam laudator Juliani Libanius factum illud extollit : Julianum, Paris. orat. 10. cum divites pretia rerum per avaritiam auxissent, convocatis agricolis, P. 306. opificibus, cauponibus, agoranomis persuadere voluisse, ut equitati animum accommodarent, legemque de pretio frumenti sanxisse, eamque suo exemplo, prolato scilicet in forum frumento, pretio legis vendendo, firmasse; obnitentibus tamen Senatoribus, & suum frumentum occul-

2. A. 37.

lib. 3 hist.

Eccl. cap. 17.

tantibus. Pretium, quod constituerat, fuit, ut XV. modii aureo venirent. Laudatur certe ob simile factum Tiberius apud Tacitum: Savitiam annona incusante plebe, statuit frumento pretium, quod emptor penderet, binosque nummos se additurum negotiatoribus in singulos modios. Verum tamen esse iudicium Ammiani, possumus ex Socrate discere, qui popularitatis studio Julianum ultra quam oportebat fieri, minuisse rerum pretia ostendit: non considerantem, quid tempori conveniret, & quod multitudo militum provincialibus molesta, copias civitatum absumeret. hinc factum esse, ut caupones & negotiatores, metu legis Julianæ, foro abstinerent, rerumque inopia, cui obviam ibatur, ultro eveniret. Legendus est omnino locus memorabilis prudentiæ. Sicut enim laudari merentur leges & instituta, quæ cupidinem lucri foro arcent, & pretia rebus, præsertim ad victum necessariis, moderata decernunt: ita ratiocinatores boni temporum, & futurorum eventuum, quid obtineri possit, aut non possit, callidi provisores esse debent, qui rem annonariam tractant. Id quàm arduum sit, omnis ævi experientia comprobatur.

cap. 14.

not. pag. 99.

& 100.

Lampr. in vit.

cap. 22.

Casaubonus cum loco Ammiani comparavit exemplum Commodi apud Lampridium. nam & Commodus, inopia Romæ exortâ, quamquam fruges non deessent, occisis vastatoribus annona saculum aureum Commodianum nomine assimilans, vilitatem proposuit, ex qua majorem penuriam fecit. Ostendit, inquam, ad hunc locum Casaubonus, non semper satis esse remedii, in proposita sive legibus edicta vilitate rerum: quapropter consuleius fecisse Alexandrum Severum, de quo Historicus: Cum vilitatem populus Romanus ab eo peteret, interrogavit per curionem, quam speciem caram putarent. illi continuo exclamaverunt, carnem bubulam atque porcinam. Tunc ille, non quidem vilitatem proposuit (sive, non tulit legem de pretio minore, aut non minuit pretium lege) sed iussit, ne quis summatam (scropham) occideret; ne quis lacten-

lactentem (sive lactantem , ut tum etiam dicebant porcellum minutum pro lactentem , docente *Salmasio*) ne *quis vaccam* , ne *quis damalionem* : tantumque intra biennium vel prope annum , porcina carnis fuit , & bubula , ut cum fuisset octominutalis libra (id est , octo minutis argenteis venisset , ut *Salmasius* , aut æreis , ut *Casaubonus* putat) ad duos unumque (sive unum) utriusque carnis libra redigeretur .

Stipendii militaris tum æstimatio facienda est potissimum ex annona , tum pars intelligenda de annona .

Quia enim incredibilis annonæ vilitas Romæ & per Italiam fuit , stipendii modus non debet videri malignus aut restrictus ; cum decima diurni stipendii parte omnia necessaria in cauponis & itinere redimi aliquando potuisse constet . Et severiore quidem disciplina militari adhuc valente , frumentum militibus publice dabatur , tum alias ob causas , tum quod esset pane militari levius , & ad portandum habilis . Successit postea panis : in quo etiam ratio levitatis inventa , quantum ad *buccellatum* attinet , qui in *Glossis* αἰσῖ & λαγρός panis levis . De frumento militari videndus omnino doctissimus *Scheelius* ad castra *Potybiana* . Virtutis autem causa , modo annona tantum , modo & cetera pars stipendii , multiplicabatur quibusdam . Ceterum de modo stipendii etiam annonarii . extat locus incomparabilis in *Claudio Trebellio Pollione* : ubi describitur tribuno quidem datum , sed par ducum salariis , salarium . Legendus est *Jacobus Guerberius* de officiis domus *Augustæ* lib. 2. cap. 12 .

Procop. Vandal. lib. 1. cap. 7.

cap. 14. & 15.

Memorabilis est de genio militum defraudato in annona apud *Procopium* in *Vandalicis* narratio : quam *Grotius* Latine ita convertit : Panem , quo pascuntur milites , bis in furnum mitti necesse est , atque ita percoqui , diu ut duret , non autem brevi diffuat . inde autem fit , ut ponderi multum decedat . ideoque solet militibus in distribuendo pane castrensi quarta parte minus , quàm alias , ponderis attribui . *Buccellatum* ita describitur . *Johannes* igitur (*Præfectus prætorio*) id studens , quomodo & ligni minus insumeret , & minores mercedes daret pistoribus , & pondus servaret , crudum adhuc panem in balnea publica , quibus *Achilli* nomen est , inferens , in eam partem , sub qua ignis ardet , imponi , & ubi mediocriter coctus putabatur , in culeos inditum inferri navibus jufferat . ubi jam Metho-

Vandal. lib. 1.

nam classis venerat, dissoluti panes in farinam redierant, nec eam integram, sed situ corruptam, idque ipsum odore restantem. Hac in milites eodem quo iusti panes pretio, mensuris, quas medimnos & chænicas (chænix diurnæ alimonæ mensura est; medimnus Atticus, sex modiorum Romanorum est; modium autem octo chænicas constituunt) vocant, dividebantur. Hu male pasti milites flagranti æstate, squallentibus in locis in morbos incidebant, minimoque tempore 500. interiere: latiusque sparsisset se malum, ni intercessisset Belsarius panem imperans distribui, quo ejus regionis homines utebantur.

Notabile genus stellionatus hic occurrit, sive Stellaturæ. Stellaturam enim dici etiam id genus imposturæ, quod occasione erogandæ militaris annonæ fit, libenter credam *Salmasio*, & locis Scriptorum: sed non semper eam vocis significationem esse, vel lex *vicefima octava Cod. Theodof. de erogatione militaris annonæ*, & *duodecima Cod. Justin. lib. 12.* ostendit. ubi emolumenti liciti, quod tribuni stillatura (seu stellaturæ) nomine consequuntur, mentio fit. *Wolfgangus Lazius* annotat, Stellaturam fuisse nomen militaris annonæ, aut symboli annonarii stella signati. *Alciatus ad d. l. Codicis*, & in *Parergis*, habuisse milites id commodum, ut minore pretio sibi annona ipsa imputaretur (quam scilicet alias adærari posset) & hanc stellaturam dictam, existimat. Cujus sententiam *Gregorius Tholosanus*, & alii, sequuntur. Nonnulli stellaturam pro annonis septem dierum aut earum pretiis accipiunt. ad quam sententiam more suo in *Tacit. 1. A.* nugas magnas agit, cum annotat *Ludovicus Aurelianus*: *Stellaturas appellat (lex scilicet) ut puto, à septem stellis seu planetis, qui in hebdomada per septem dies habent sua nomina & imperia. Quod fluxit à dicacitate militum.* Sed pudet referre digna pluribus *Anticyris deliria*, quibus scatet liber iste monstrificus. Alii pretia vacationum & munerum hoc vocabulo intellecta volunt. Id interim constat, sicut *Cujacius* & *Casaubonus* jam notarunt: Imperatores dicta lege stellaturam non improbasse, sed ut annonæ hoc nomine in emolumentum tribunorum cedentis adæratio, pretium in foro usitatum non excederet, præcepisse.

Cere-

Ceterum annonæ militari multis modis fraudem factam olim, diligentissimæ legisationes Imperatorum declarant in utroque Codice. Hinc erogatoris fides jurejurando pigneratur: hinc actuarii, quibus alias negotiari cum militibus concessum erat, & optiones, si quid amplius acceperant, quàm pittacia designabant, aut numeris militum datum erat, severe coerciti: hinc tribuni & præpositi providere jussi, ne vitiatæ corruptæque species in pagis horreisque militibus dividendæ remanerent: hinc rectorum officiorumque militarium & provincialium sollicitudo adstricta, ne ulla in parte accipiendæ exigendæque annonæ, injuria militibus, aut sociis civibusque, annonam conferentibus fieret. Abrogatis enim oneribus sub prætextu annonæ exigi consuetis, cœnatica ventita sunt: ut recordarentur milites, commoda sua, quæ in annonarum perceptione adipiscuntur, extrinsecus detrimentis provincialium non esse cumulanda. Atque ubi species erogabantur, ne pecunia exigeretur; rursus, ubi ærariæ annonæ constitutæ erant, ne species exigerentur; denique ne adæratæ annonæ ante tempus exigerentur, cautum est. Labores quoque convehendæ annonæ inter milites & provinciales distributi, mutuo levamento fuerunt. Sed & fisci compendia, ex delinquentium, & negligentium erroribus, artificiose quæsitæ, partem hujus legisationis faciunt; elegantissimæ sane, & ex qua sola fere rationem accuratorem condendæ dispensandæque militaris annonæ licet condiscere. Unde singulas facti species in istis legibus designatas, qui velit accurate describere, satis habebit, post *Cuiacium* & *Perezium*, quod agat.

In transitu, locum *Suetonii* è *Galba* licebit considerare: magnæ severitatis exemplum, in re parvula (id enim est Historici judicium) continentem. *Galba militi, qui per expeditionem annona arctissima residuum cibarium, tritici modium centum denarius vendidisse arguebatur, vetuit, simulatque indigere cibo capisset, à quoquam opem ferri, & is fame extabuit.* Dubitat ex hoc loco *vir doctus*, an militibus licuerit frumentum sive partem annonæ suæ vendere. Vel enim hunc sensum esse loci, quod non licuerit vendere: vel hoc reprehendi, quod miles

cap. 7.

R.H.S. dissert.

ad castra Po-

lyb. cap. 7.

Xxx 3

Galbæ

Galbæ de frumento suo tam immani pretio modium vendiderit. Si non licuit vendere, in expeditionibus non licuerit. nam in provinciis & stativis licuisse, multa sunt, quæ probare videntur. Revera autem hunc colorem severitatis Galbianæ putem esse: quod miles avaritiæ majorem, quàm necessitudinis & periculi, ex caritate annonæ (cujus causa parce omnibus & singulis præbenda erat annonæ, ut non nisi defraudando genium suum alter alteri posset opem ferre) rationem habuisset. Ita puniebatur inopia, qui alienæ opis spe, tam periculoso tempore, suam annonam lucro argentario jam prorsus inutili permutaverat.

Dissert. ad Tac.
cit. lib. 12.
dissert. 3.

Vocant nos provisiones Imperatoriæ ad *remedia difficilia & arcta annonæ*. Optimum hic quoque est Philosophi, ut in plerisque aliis, consilium: præservare potius civitatem, ne remediis opus habeat, quam laboranti remedia conquirere. Cum præsertim in diligenti collectione & custodia annonæ, fertilioribus in annis, certum quasi adversus inopiam & famem præsidium paratum videatur. Quæ res effecit, ut inexcusabilem errorem pronuntiet *Scipio Amiratius*, si quid in hoc genere ab iis, qui annonæ curam gerere debent, negligatur: id est, vel minus, quàm par erat, ad casus inopiæ reponatur; vel plus, quàm abesse poterat provisu futuri, exportari sinatur. Sed res est, ut sunt humana, facilior dictu, quàm factu. unicus est modus, qui certiora præsidia pollicetur: si civitas, aut Princeps, tantum annonæ publice colligat asservetque, quantum omnibus alendis civibus, si opus sit, sufficiat. Sed ubi aut quando hoc fieri potuit, factumve est? Exemplum incomparabile proditum est Josephi in Ægypto administratione, sacris Annalibus memorata. Romani Imperatores Romæ, & in civitatibus majoribus; in provinciis autem, pro militibus & ministeriis publicis potissimum, id providerunt: ita tamen, ut exempli annonæ Romanæ imaginem apud socios vellent extare, in quantum per magistratum avaritiam & fraudes fieri poterat. De cetero singulis civibus, ubique fere gentium, in comparanda dispensandaque annonæ magna libertas concedenda est. Neque omnia apud negligentes, & in diem vivere assuetos, satis præ-

præcaveri possunt. Ne de sterilitate plurium annorum aliisque casibus improvisis dicam. Agriculturæ maximam habendam eslerationem, notius est, quàm ut dici debeat: præsertim illis in locis, ubi rustici ad inertiam proclives non amplius de exercenda terra solliciti sunt, quàm ut necessaria in annum annona suppetat: reliqui quæstus, mediocri industria plus ultra parabilis, prorsus incuriosi. Quæ desideria variis artibus & illecebris emendari, & ad laboris studium transferri potest.

Augustus magna quondam sterilitate ac difficili remedio venalitiarum & lanistarum familias, peregrinosque omnes, exceptis medicis & præceptoribus, partemque servitorum, urbe expulit. Suetonius & vit. Aug. 42. Dio auctores. Factum hoc sæpius Romæ: & de suis temporibus queritur Ambrosius, quod proxime Roma factum erat, ejectos esse urbe amplissima, qui jam plurimam illic artem transegerant, stentes cum filiis abiisse, quibus velut civibus amoliendum exilium deplorarent, interruptas complurium necessitudines, diremtas affinitates. Probat hoc remedium Ammiratus: improbat Grotius auctoritate Ambrosii graviter hac de re, loco, quo dixi, differentis. L. B. 2. 7. 19. Qui probant, ea potissimum ratione ducuntur, quod non teneatur quisquam ad communicationem & commercium ejus rei, cujus ipse indiget. Quamquam ratiocinatio necessitatis, pro ingenio hominum non eodem modo fieri solet. Magna etiam inter peregrinos occurrit differentia. Aliqui videntur recepti in perpetuam communionem urbis; nisi delicto jus manendi imminuerint, aut exilium sibi consciverint. Hos expellere, durum fuerit. Sunt alii, qui magno numero, mendicandi causa, urbem aliquam implent, tempore arctioris annonæ. Ex iis, ut qui ætate, aut calamitate corporis sibi plane consulere ipsi nequeunt, quantum fieri potest, alantur, humanum est: qui laboribus, non nimis, sufficiunt, opere faciendo alimoniam mereri, æquum est: qui prorsus valent, & mendicandi consuetudine potius quàm necessitate ducuntur, etiam urbe ablegari, haud iniquum est. Potest incidere, ut tanta multitudo mendicorum se infundat, ut res periculo non careat maximo, facinorosis illi turbæ passim admixtis; ut morborum lues exinde urbem infestare in-

re incipiat, aut civibus exitium minitetur. Quis non videt summam rationem, quæ turba concurrentium undique varii generis hominum levare urbem oneri imparem jubet, pronecessitate esse? Duo interim semper sunt probe tenenda: primo, quod beneficentiæ in pauperes legem Christiana religio animose & eo usque interpretatur, quo ethnicorum prudentia non ascendit; deinde, quod omnia prius tentanda, quàm peregrini tempore famis expellendi sunt. Laudat *Ambrosius* Præfectum urbis, qui locupletioribus persuasit, ut collato auro cogerentur frumenta. Ita nec abundantiam urbis minuit, & peregrinis alimoniam subministravit. Argentoratum inter eas urbes est, quæ in publica vastitate, & fame maxima non modo omnis circa viciniae, sed regionum longius positatum, per bella hujus sæculi tantum oneris sustinuit, tantum peregrinorum pavit, tam prudenter beneficentiæ suæ rationes dispensavit, ut in æternis ejus elogiis merito is titulus consecrari debeat. Arduæ ejus temporis consultationes: & dignæ, quæ in annales eant, exemplo unico futuræ, quid possit Christiana prudentia, magnitudine animi & misericordiâ sedulo adjuta.

Vid. Magni
Theol. Doct.
Schmidii p.
m. Homil. de
Eleemos. &
præfat.

2. A. 87.

Tiberius, ut ad Imperatores revertamur, sævitiae annonæ opitulaturus, apud *Tacitum*, partem pretii supplevit liberalitate, ut antedictum est. Etenim pretium tali rerum statu, & aliis modis artibusque temperari solebat. Crebra gaudiis popularibus materies: etiam à *Proco* interdu aliiſque magistratibus subministrata. *L. Mæſio* *municipes*. & *incola*. ob *merita*. ejus. quod. *annonæ*. *caræ*. *frument*. *denario*. *modium*. *prestitit*.

p. CCCCXXX
IV. 1.

tabulam marmoream posuerunt, in opere *Gruteriano*.
Domitianus remedium annonæ quæſivit festinantius quàm consultius: rei cauſſis non satis perſpectis. Ad summam enim ubertatem vini, frumenti verò inopiam, existimans nimio vinearum studio negligi arva, edixit ne quis in Italia novellaret, utque in provinciis vineæ succiderentur, relicta, ubi plurimum, dimidia parte.

Domit. 7.

Ita *Suetonius*. Tulerat eodem tempore legem, de non faciendis eunuchis, hominibus parcens, τὴν δὲ γλῶττιν ἀποχρῖζον, terram vero castrans, ut joco vetere dictum est apud *Philostatum*.

Vit. Apollon.
Tyan. l. 6. c. 17.

Et quia res hæc temere decreta erat, non perseveravit exequi: non

non permisit enim tantum rogantibus Asiaticis, sed præcepit vineas colere, referente *Philostrato in vita Scopeliani Sophista*. Unde etiam discas, curam annonæ obtentui fuisse, ceterum vini usum suspectum Domitiano fuisse, ne vulgatus mobiles populorum animos ad seditiones & turbas incenderet. Reperias tamen de cetero loca & tempora, ubi nimium vinearum studium agriculturæ obesse queat, ut legibus temperari debeat.

M. Antoninus Italicis civitatibus famis tempore frumentum exurbe donavit. Tectis Capitolinus. Sub Commodio annonam vastasse, qui tum rempublicam gerebant, frustra que remedium ex vilitate proposita quæsitum, jam ante dictum est. Potentius remedium ex pœna, id est, eade ac proscriptione eorum, qui omnia vastabant, Lampridius refert. Hoc est enim genus hominum, quod pœnis quidem nunquam satis coercitum, & vetari plerasque apud civitates & retineri solet. Dardanarios vocant Paulus & Ulpianus Jureconsulti: qui annonam incendebant, excandefaciebant, flagellabant, vexabant, ut veteres loquuntur. Describit hos, & ad vendendum frumentum, moderata tamen pretii quantitate, compellit Rex Athalaricus apud Cassiodorum. Cohortationibus gravibus ejusmodi *στροχαπίας* emendavit aliquando Basilus, teste Gregorio Nazianzeno, & Ambrosius summa contentione eos ad officium reducere conatus est in Officiis; ubi & inventa profligat, quibus facinus suum prætexunt *οἱ καλαπραγματῆδες τῆς ἐνδείας*, famem quasi negotiantes sive questui habentes, ut est apud Gregorium; *ἡ δεξπιδούτης τὸ ὑστέρημα τῶν δευμένων, ἀλλ' ἐπιδείκνους καὶ αὐξοῦντες τὸ πένθος*, interprete Nicea; non levantes inopiam egentium, sed ultro augentes, varieque suum lucrum ex alieno incommodo captantes: superstitione autem injecta exterruit Aspendios olim frumentarios Apollonius Tyaneus apud Philostratum. Plerumque interim tam infamis avaritia non nisi malo domatur. Cum autem in magna coemendi libetate, & obviis rerum honestarum titulis, quibus suam quisque avaritiam præscribit, non adeo promptum sit decernere, qui dardanariorum invidioso nomine infamari debeant: optimum fuerit, in annonæ caritate, mandare singulis annona abundantibus, ut

in Pi. Anton.
cap. 11.

In Commod.
c. 14.

lib. 9. ep. 5.
In laud. Basil.
orat. 20. tom.
1. edit. Paris.
pag. 341.
Lib. 3. c. 6.

In comment.
P. 772.

lib. 1. cap. 11.
& 12.

Y y y

mode-

moderato & tolerabili pretio vendant; & aspernantes, eoque ipso suum crimen prodentes multa cogere. Ita enim spon-
 gias humentes recte exprimi dixeris. Non iniquum hoc esse
 exemolis & rationibus probat *Natalis Comes sine libri vicesimi Hi-*
storiarum sui temporis. Atque hæc quidem inter ejusdem civi-
 tatis cives, & uni imperio parentes homines facilius fieri pos-
 sunt. Sed ubi vicina circum loca alia ditione tenentur, ægre
 res expeditur. Licet id cernere in *annona caritate extrema, &*
qua majorem tota Europâ nunquam fuisse constabat, anno 1315. Tum
 enim in multis Brabantiae locis granaria erant plena, sed ad loca
 maritima, ubi major erat carissima, portabantur. sicut ex *Divao &*
Hocsemio memorat *Haraeus.*

Tom. I. p. 305.

Hinc demensum cuique suum in diem attribui, non
 veteris tantum solertia est, sed recentioris etiam consuetudi-
 nis. Anno 1591. (referente *Haraeo*) in Italia, & maxime Ro-
 ma, eousque fames panisque inopia creverat, ut Judæi, meretrici-
 bus, exteris multis, & mutilibus ejectis, sedecim uncia panis in sin-
 gula capita distribuerentur, tandem octo tantum. Quod antequam
 jussu Pontificis promulgaretur, ablata sunt populo arma: non enim
 illud citra tumultum fieri posse putabatur. De eodem anno, eadem-
 que calamitate, paulo aliter *Thuanus*, novendecim uncias panis,
 dein cum classis in Siciliam frumento advehendo missa nondum
 compareret, tantum decem dietim in singula capita admettendo distri-
 butas esse. Addit: In Veneta ditione prudentia Senatus prospectum,
 ut quamquam in summa annona angustia plebs sublevata fuerit. Sed
 & anno superioris sæculi sexagesimo nono Senatus Venetus
 (referam verba *Natalis Comitum*) ad omnia remedia diligentissime con-
 fugit, ut qui semper optime de plebe mereri studuit; jubet artifices or-
 dinarios panis conficiendi facere pro viribus: dat frumenta ex horreis
 publicis: quæ, quoniam non apparebant, tanta penuria posse facere fa-
 ctis, addita est tertia pars venalis panis miliacea. divenditus est panis
 nauticus alioquin in usus classium reservatus: promissa publice per pra-
 conem ingentia præmia frumentum ab exteris regionibus in urbem impor-
 tantibus. nullum genus humanitatis, charitatis; misericordia præter-
 missum est à Patribus, pauperibus quoquo modo sublevandis. Concessa
 est facultas cuique conficiendi panis venalis. Sed quid non excogi-
 tat avaritia? cum farinæ publicæ certum moderatumque pre-
 tium

Lib. 100.
P. 129.Lib. 20.
hist. extr.

rium esset statutum, præfetti rei farinariæ amicis tantum quibusdam suis vendebant, ut postea pane carius divendito fierent lucri participes. Sed & divites alii, occultato frumento, panem confectum, quasi Lonico advectum (cum tamen in ponte Rivi Alti adhuc calens à forno exponeretur) magno pretio vendebant. Insignis quoque & providentiæ in convehendo undique frumento, & humanitatis ac beneficentiæ in pascendis advenis, peregrinisque concurrentibus in urbem, exemplum de Florentinis narrat *Leonardus Aretinus*. ubi & inter multa tenuioribus indulta, lex lata est: *ne quis, nisi certa forma de are alieno conveniri posset. Satus enim premi caritate ipsa multitudinem existimavit civitas.* Hist. Florent. lib. 7. pag. 147.

Interdum in partem subsidii, quando prudentia & industria togata, cujus hoc proprium munus est, non potest, quo vult, pertingere, fortioribus consiliis & manu defendendis locus est. Ita Veneti, cum sæculo post natum Christum tertio decimo, Ducis locum tenente Laurentio Theupolo, frustra finitimas civitates, per memoriam acceptorum beneficiorum, & communis humanitatis genium obtestati essent, ut frumentatione concessa, penuriæ urbis subvenirent: indignitate rei commoti legem tulerunt: ut omnes, qui intra *Fanaticum sinum & Padis fluminis ostia* negotiandi causa ultro citroque navigarent, *vestigal Republicæ penderent; ad quod persolvendum, & ad mercem ipsam aestimandam Venetias accederent.* Quæ lex, ut stare, armis adversum obluctantes tuenda fuit. Auctor *Petrus Justinianus*. Hist. Venet. lib. 3.

De legibus ad leniendam incipientem aut prævisam annonæ caritatem latis ferendisque, quibus colligendæ dispensandæque annonæ rationes describi, luxuriæ omni obex poni, convivia prohiberi solent possuntque, nolumus sermonem ordiri. In ipsa fame, ingeniosa plerumque est necessitas: sicut ostendunt, quæ attulimus. Summam exhibent etiam *Capitula Caroli & Ludovici Imperatorum duobus titulis libri primi*. Prior lex est: *De hoc si evenerit fames, clades, pestilentia, & inequalitas aeris, vel alia qualiscunque tribulatio, ut non expectetur editum nostrum, sed statim deprecetur Dei misericordia. Et in presenti anno de famis inopia, ut suos quisque adjuvet, prout potest,*

Tit. 13.

& suam annonam non nimis cave vendat; & ne foris imperium nostrum vendatur aliquid alimonia. Altera lex hanc provisionem continet: Consideravimus itaque, quia per plurima loca fames valida esse videtur, ut omnes Episcopi, Abbates, Abbatissæ, Optimates, & Comites, seu Domestici, & cuncti fideles, qui beneficia, regalia, tam de rebus ecclesiasticis, quàm quæ & de reliquis habere videntur, unusquisque suo beneficio suam familiam nutrire faciat, & de sua proprietate propriam familiam nutriet. Et si Deo donante super se & super familia sua, aut in beneficio, aut in alode annonam habuerit, & venum dare voluerit, non carius vendat, nisi modium de avena denar. II. modium de hordeo contra denar. III. modium unum de figele (secale, figala, Gloss. Roggo) contra denar. IIII. modium unum de frumento parato contra denarios VI. Et ipse modius sit, quem omnibus habere constitutum est: & unusquisque habeat aquam mensuram, & aequales modios. Sæpe conjunguntur cum nominibus memoratis Domestici: qui villis fiscalibus & fundis dominicis præfuisse, & omnes redditus curasse videntur: notante Bignonio. Præcesserat autem hanc legem alia, de emptione tempore messis, causa cupiditatis & turpis lucri, prohibita.

ad form.

Marc. lib. 2. p.

ad 12. A Tacit.
cap. 43.

Ceterum remedia levandæ annonæ, & inopiæ supplendæ, cum cura annotarunt ad Tacitum, & Amiratium longa dissertatione, quam supra laudavi; & qui non consiliator modo prudens rebus arctis, sed industrius auxiliator præfuit, Vir omnigena laude Principi ac civibus suis diu salutaris CHRISTOPHORUS FORSTNERUS Cancellarius Montisbeliardensis. cujus vere Tacito dignæ Nota, gravitate judicii, experientia observationis, libertate prudenti, & singulari quodam genio disciplinæ civilis, longe lateque præcellunt.

cap. 26.

Ut autem optimis Principibus, & procurasse & sublevasse annonam, inter præcipua curarum fuit: ita Caligula tyrannico facinore nonnunquam præclusis horreis populo famem indixit, apud Sueton.

Corollarii loco examinanda hæc

adjicimus:

Legis Regiæ nomen sero, res sub Augusto cæpit. Lex Augusta non recte diceretur. Dio lib. 53. non de privilegio

vilegio tantum Augusto, quod nonnulli vocant, seu soluta legibus civilibus potestate, sed de ἀντοκρατορία sive potestate ἀντοκρατορικῇ, omnia jura majestatis complexa, agit. Legis Regia formula de Imperio Vespasiani, genuina est. Ea opus fuit, finita Caesarum domo. Mentio Caligulae & Neronis, qui ut tyranni occiderant, cur non facta sit, non obscurum est. Galba, Othonis, Vitellii rebellionem incertum & vagum fuit imperium. Id ἀναρχίας tempus. Instaurato ergo imperio Casareo Monarchico, formulam legis regia concipi, summa ratio fuit, ut dictum est. Qui putant primos Caesares, inde ab Augusto, non habuisse jus regium, sive omnia jura majestatis, ut vocant, illi nihil in antiqua Historia intelligunt; & simulacra ac inania rerum à vero jure nequeunt discernere, id est, sunt τῆς πολιτικῆς πραγματείας ἄπειροι. Capitulatio Casarea hodie κατὰ χρησικαῶς vocatur Lex Regia. Legem Regiam Romanorum nec abrogatam esse, neque abrogari potuisse, & adhuc obtinere, qui dicunt, partim nihil ad id, quod volunt, dicunt; partim omnis historia & politices aut ignoracionem aut dissimulationem produnt.



XVII.

DE

LEGIONE ROMANA.

Videbitur superflua forte adjectio, cum Romanae vocabulum, Legioni adjicimus: etenim & res & vox Romana est, non alterius gentis, nisi quod juniores Scriptores, qui vetera militiæ vo-

câbula, novissimis bellis accomodare aggressi sunt, *Hermannus Hugo, Hugo Grotius, Daniel Heinsius, Famianus Strada*, majores exercitus partes (vulgari vocabulo *regiments*) Legiones haud rarò nominant.

CAPUT. I.

De Vocabulo.

*V*arro lib. IV. de L.L. in militaribus vocabulis: *Legio*, inquit, quod leguntur milites in delectu. Unde *Isidorus* lib. 9. c. 3. *Legio* ab electu vocata, quasi lecta. Sine delectu enim manus armata non convalescit. *Joh. Saruber.* lib. 6. c. 2. de nug. cur. Quâ in re Romanorum incomparabilis fuit diligentia.

Græci frequentius τάγμα dixere, quæ vox tamen valde generalis est. quod faterur *Lexicon Græco-Lat. vetus*: Τάγμα, *Legio, agmen, globus, factio.* *Onomasticon Latino-græc. vetus*: *Legio, φάλαγξ, τάγμα, περάταξις.* rudiore minervâ. nam *phalanx* propriè Macedonum est, sicut *caterva* Gallorum, *Legio* Romanorum, notante *Isidoro* loco dicto.

Livio & diminutivum *legiuncula* placuit de reliquiis accis-
sarum legionum loquenti.

Legionarius miles, Legionariæ cohortes passim occurrunt.

Nicolaus Machiavellus de arte militari lib. 2. de *Legione* ita loquitur: Omnes populos in constituendis exercitibus, aut militia sua, ordinis aliquam rationem habuisse, atque ejus præcipuum quoddam membrum constituisse: quod licet nominatenus alii aliter mutaverint, parum tamen, quoad numerum inter se discrepasse, compertum est. Siquidem omnes istud ex sex vel octo hominum millibus composuerunt. Hoc membrum Romanis vocabatur *Legio*, à Græcis *Phalanx*, à Gallis *Caterva*, ab Helvetiis, qui quidem soli hoc ævo ex antiqua militia umbram quandam retinent. vocatur *Regimentum*, quod nobis aciem significat, licet singuli illud postea in turmas atque agmina subdiviserint, & ex arbitrio ordinaverint. Hæc ille partem ex *Veget. II. 2.* non imperite: licet in quibusdam παχυλότερον.

CAP. II.

De Numero militum in legione.

Habet hic locus tricas non modicas : quæ extricari penitus ne in hunc usque diem potuere. Sicut enim, varium esse numero, pro diversis temporibus, dubio caret : ita, quando & quomodo singulæ mutationes acciderint, haud æquè in expedito est. Apud *Suidam* legas indefinitè. Λεγεὼν, παρὰ Ῥωμαίοις, ἑξακχιλίοι στρατιῶται. Legio, apud Romanos, sex millia militum. Ut *Isidorus* I, c. Legio, sex millium armatorum est. Rotundum numerum hic affectari videmus. *Hesychius* accuratius numerare voluit : Λεγεὼν πλῆθος στρατευμάτων ἢ τέγματις ἑξακχιλιῶδων ἑξακοσίων ἑξήκοντα ἑξ. Legio est multitudo armatorum sex millium sexcentorum sexaginta sex. Sed neque sic id exprimitur, quod simpliciter & semper verum est.

Romulus, ut ab initio ordiamur, Legionem tribus millibus armatorum constituerat, teste *Plutarcho* : conditâ urbe, Romulus juventutem in ordines militares descripsit. ἕκαστον δὲ σύστημα, πεζῶν τριχίλιον ἢ τριακοσίαν ἱππέων, ἐκλήθη δὲ λεγεών, τῷ λογάδῳ ἑνὶ ἑκατὸντα ἑξήκοντα ἑξ. Erant autem singuli ordines peditum trium millium, equitum trecentorum. MMM. CCC. Quia autem electi erant ex omnibus bellicosiores, Legio dicta, quæ postrema ἐκ παραλλήλων cum superioribus jungenda sunt. *Livius* tacuit Legionis primam constitutionem, de centuriis tribus equitum tantum mentione facta, post consociatum cum Tatio regnum. quo tempore *Plutarchus* duplicatas Legiones ait, ut una constaret peditum senis millibus, equitibus sexcentis. De Legionem primum 3000. constante consentit *Varro* : Milites, quod trium millium primò legio fiebat, ac singulis tribus Tatiensium, Ramnensium, Lucerum, millia singula mittebant. Sed quod deduplicato numero *Plutarchus* addit, *Henrico Savilio*, quantum ad illam ætatem, grande & absurdum videtur. Putat igitur, *Plutarchum*, sui potius quàm *Romulei* ævi consuetudinem in oculis habuisse. Neque *Lipsius*, qui tueri *Plutarchum* velleret, potuit hunc scrupulum tollere.

Quomodo ad 4000. numerum pervenerit Legio, ignorare se dicit, nisi quod de *Tullo* militiæ artifice conjicit, tanquam

in Romul. p.
24. Edit. Wachel.

Liv. 1, 154

in Rom. p. 30.

L. 4. de L. L. v. Milites.

de Milit. Roman. p. 349. Edit. Amsterod.

de Mil. Rom. l. 2. dial. 5.

quam numeri aucti auctore. Savilius in conjectura sua amplius profecit, allato Dionysii Halicarnassensis testimonio, qui de Servio Tullio ait : Τέτραρχον ἐποίησε τὴν πόλιν εἶναι, τρίφυλον ἴσαν, τίως. - Καὶ ἐκ ἑκὶ κατὰ τὰς τρεῖς φυλάς τὰς γενικὰς στρατιωτικάς, ὡς πρότερον, ἀλλὰ κατὰ τὰς τέσσαρας τὰς τοπικάς, ἐποίητο. Apud Dionys. Halic. lib. IV. p. 372. Scriptæ sunt decem Legiones ἀτάγματα στρατιωτικά, ἐξ ἀνδρῶν τετραρχιῶν ἕκασον, unaquæque 4000. αἰματοῦτον constans.

Ad quinque millium numerum veniendum est à 4000. Hæc Polybiana Legio vocari solet, eo quod Polybii ævo potissimum usitata fuerit. Polybius enim lib. 2. p. 112. πεντάκις μὲν χιλίους ἔχει διακοσίους πεζούς, ἑπτὰ δὲ τριακοσίους ἔχον ἕκασον στρατόπεδον. Unaquæque Legio quinque mille ducentos pedites, trecentos equites habet. Libro sequente, paulo distinctius. Τὸ δὲ στρατόπεδον, πεζοὺς μὲν λαμβάνει περὶ τετραρχιῶν ἑπτὰ δὲ διακοσίους. Ἐπὶ δὲ τις ὁλοκληρώσει προσείναι χρεῖα, τὸς μὲν πεζοὺς ἐν ἑκάστῳ στρατόπεδῳ ποιοῦσι πενταρχίους, τοὺς δ' ἑπτὰ τριακοσίους. Legio pedites habebat circiter 4000, equites verò ducentos, si verò usus postulaverit, pedites in unaquaque Legione legunt 5000, equites autem sexcentos. quæ exponuntur lib. VI. Livius lib. VIII. c. 8. de bello Latinorum: Scribebantur quatuor fere Legiones quinque millibus pedum, equitibus in singulas Legiones trecentis.

Jam ad sex millia progrediendum est. Sex millium & ducentorum hominum primus C. Marius conscripsit Legionem, cum antea quatuor millium fuisset, unde etiam appellabatur quadrata, inquit Festus Pauli Diaconi. Servius ad Æn. VII. Legio habebat sex millia virorum. Vegetius l. 2. c. 2. Romani Legiones habent, in quibus singulis (ita lege) sena millia militare consueverunt. Quod de quadrata Legione Festus dixerat, ex Polybio lucem capit: quatuor millibus constitisse Legionem quasi ordinario numero: nisi usus ampliorem & extraordinarium numerum postularer. tum enim ad 5000. ventum. Id possit forte Lipsio responderi, inclementius in Festum invehentil. d. Ceterum exempla 6000. in Legione Mariana & infecuto ævo habemus apud eundem Lipsium & Savilius.

Apparet hinc, Suidam antea rotundum numerum, Hestichium accuratorem spectasse. Atque hic numerus permanet per

in sex mil.
p. 478. Petr.
Dan.

per Imperatorum tempora. Igitur huc respiciunt fere interpretes antiqui & juniores, cum illud Sanctissimi Servatoris dictum de duodecim Legionibus militiæ cælestis seu Angelorum explicare conantur. quamvis ad id, quod dicere vult Christus, intelligendum, non opus est definitione certi numeri, sed sufficit hoc sensu accipere: Si vim vi repellere animus fuisset, facile pro duodecim imbellibus sectatoribus & discipulis, quorum unus jam in proditorem desciverat, à Patre meo potuissimè impetrare duodecim Legiones militiæ cælestis seu Angelorum, quorum quanta sit virtus adversus hostes, neminem latere sinunt divinis consignata testimoniis miracula. Uti autem voluit vocabulo Latino Judæis sanè notissimo, & numerosis militiæ partibus exprimendis per celebritatem eximiam aptissimo. Πολυπραγμονεῖν vero τὰς ἀγγελικὰς τάξεις καὶ τὰς τῶν ἀγγέλων καὶ στρατιῶν ἐξαλλὰγας, nec loci nec consilii est. qualia cum se intelligere jactat *Pseudo Ignatius*, eo ipso suppositi modestissimo & piissimo Martyri alieni partus convincitur.

Math. 26. 52.

Epist. ad
Trallianes.

Illud quoque aliquam nonnunquam parit difficultatem, cum Legiones nominantur quidem, sed non sunt plenæ, i. e. vel bello diminutæ, vel dimissis alio cohortibus quibusdam. Ita fieri potuit, ut Interpretes Ciceronis septem Legiones cum XV. millibus compararent. Ita apud *Vellejum* l. 2, c. 112. *Semiplena Legio* & c. 80. *duodecim semiplena legiones* memorantur.

CAP. III.

De partibus Legionis.

Legio habet sexaginta centurias, manipulos triginta, cohortes duodecim, & turmas ducentas: inquit *Isidorus* l. 9. c. 3. *Servius* p. 662. ad XI. AEn. secundum antiquum morem in legione erant triginta signiferi: Legio autem habebat septem cohortes, sexaginta centurias, licet in his rebus accessio temporis, Ducum varietas semper mutaverit militia disciplinam. *Vegetius* lib. II. c. 6. Sciendum est autem, in una legione decem cohortes esse debere. Prima habet pedites 1005. equites loricatorum 132. & appellatur cohors milliaria. Secunda cohors ha-

bet pedites 555. equites 66. Tertia similiter. Ut & quarta. & ceteræ omnes. His decem cohortibus (ita addit) Legio plena fundatur, quæ habet pedites 6000, equites 726. Minor itaque numerus in una legione esse non debet. Major autem interdum esse consuevit, si non tantum unam cohortem, sed etiam alias milliarias iussa fuerit suscipere. Hæc Vegetius.

Celeberrima hæc Legionis in decem cohortes divisio apud Polybium, præcipuum scilicet Romanæ militiæ annotatorem, non reperitur, quod miratur Savilius. Cincius apud Gellium itidem: In legione, inquit, sunt centuria sexaginta, manipuli triginta, cohortes decem.

l. XVI. c. 4

Huic divisioni legionis in cohortes celeberrimæ (quid enim frequentius, quàm numero cohortium ipsas Legiones & totius exercitus multitudinem signari?) objicit se Vir Summus Claudius Salmasius, & in opere posthumo de re militari Romanorum, cap. 2. contendit, Decem cohortes neque in Polybiana, nec in Casariana Legione locum invenire. Digna est, quæ legatur dissertatio. Cui tamen præclare respondit doctissimus & longiori vita dignissimus Hermannus Schelius in dissert. ad castra Polybiana cap. XV. de cohortibus Legionis antiquæ.

Cohortis ipsius partes sunt centuria. Unius scilicet cohortis, sex centuria seu tres manipuli, duas centurias hastatorum, duas Principum, duas triariorum intellige. quam distributionem ejusque usum notabiliter explicat Schelius cap. cit. Salmasius quidem existimat, ex quo cohortes prima milliaria factæ sunt, ceteras cohortes quinque tantum centurias habuisse. Sed refellit eum Schelius ex cohortis Hyginianæ pedaturis, ubi quamvis cohortes primæ duplum numerum, ceteræ tamen omnes sex centurias habent.

Not. in Hygin. p. 19.

de re milit.
Rom. c. 2.
p. 15.
V. σηματα.

Liceat in transitu disquirere id, quod Salmasius tradit: apud Polybium σηματα & στήλας semper idem notare, & manipulum idem esse, quod cohortem. Nescio an ex Suida sumserit, qui ait: σηματα, στήλας, τάγμα, ταλόν ἑστ. Sed ne putemus hæc simpliciter accipi debere, sequentia faciunt, ubi σηματα Romanorum σήρα Signs explicantur. στήλας autem idem significare, quod latine cohors significat, Salmasius dixerat paullo ante & explicaverat. Polybius equidem, cum genera

genera militum in decem partes dividi dixisset, addit: καὶ τὸ μὲν μέρος ἑκάστον ἐκάλεσαν καὶ τάγμα, καὶ σπείραν, καὶ σημαίαν. non quasi hæc prorsus unum idemque significarent. Repugnat tota sequens descriptio, quæ non semel ad absurdum deduceretur. Τάγμα quidem & τάξις generaliter sæpe significare, & modo pro Legione, modo pro cohorte, modo pro signo sive duabus centuriis, accipi, dubio caret. Sed hic quoque Suidas lucem præfert: & olim quidem latius significasse vocabulum, postea τάξιν, καὶ viros notare, & qui antiquitus ταξίαρχος vocaretur, ἐκατοντάρχην vocari cœpisse: σημαίας ἢ τάγμαλ' duos esse præfectos seu Centuriones Polybius dicit. σπείρας autem duas esse centurias nec dicet, nec dicere, si sibi consentanea vellet edere, potuit. Sed hæc ἰδὲ παρέργον.

CAP. IV.

*De diversis generibus militum
in Legione.*

CUM milites jam conscripti & sacramento rogati erant, ceterum convocabatur Legio certo die locoque. Tum tribuni minimos natu & pauperrimos legebant in Velites (γροσφομάχοι Græcè appellabantur) proximos his, τὸς ἱφίξῃς τέτοις, εἰς τὸς ἀσάτους καλουμένους in Hastatos, uti vocant: τὸς δ' ἀκραιολάτους ταῖς ἡλικίαις εἰς τὸς Πρίγκιπας, florentissimos autem ætatibus in Principes. τὸς δὲ πρεσβυτάτους εἰς τὸς τριαρίους; natu verò majores in Triarios. Ita Polybius qui & numerum addit: Triarios quidem, lib. 6. p. 468. in quavis Legione invariato numero 600. principes 1200, hastatos totidem: Velites ut expleatur numerus 4000. quod si Legio pluribus quàm quatuor millibus constet, ceterorum quidem numerum pro portione augeri. Triariis exceptis. Ad-datur Livius lib. VIII. c. 8. Suidas descripsit ita: Πρίγκιπες ἔτα VOC. πρίγκ. καλῶσι ἰωμαῖοι ἡλικίας. τὸς γὰρ νεώτερος καὶ πινυχροτέρους, γροσφομάχους καλῶσι ἔτα τὸς πρίγκιπας. τὸς δὲ πρεσβύτες, τριαρίους. καὶ τὸς ἀσάτους καλουμένους, οἱ εἰσι πρότεροι τῶν περιγίπων, καὶ αὐταὶ μὲν ὁρομασίαι. Locus hic est confusus: ut omnes vident. Nam ante, ἔτα τὸς πρίγκιπας debebat poni ἀσάτους καλῶ. κατὰ.

Z z z 2

ætatis

ætatis est : velites, hastati, principes, triarii. Et velites quidem Marius sustulit ex Romana legione, omnesque graves armatos fecit. quando igitur post ea tempora levium cohortium mentio fit, non velites Legionis, sed auxilia intelligi debent, in quibus solis levis armatura locum aliquem retinuit, legionaria omni militia ad gravem armaturam translata. docente amplius *Schelio*. Condicio quoque omnium horum generum, quæ antea discrepabat, tum æquata, & in Tacticis quædam mutata sunt.

Not. in Hyg.
P. 15.

De re milit.
Rom. cap. 1.

Magnam rem postulat iterum *Salmasius*, quam sibi vult concedi: in militia Cæsarum sive post commutatam à Mario militiam, nomina *Hastatorum*, *Principum*, *Triariorum* abolita & desita fuisse. Unde hoc probatur? Unus eris *Varro*, inquit *Salmasius*, pro centum testibus. Is in lib. IV. de L. L. ubi explicat illa vocabula antiquæ militiæ, *Hastatos*, *Principes* & *Triarios*, discrete significat desita esse & à more, qui tunc obtinebat, aliena. *Hastati*, inquit, dicti, quod primi pugnabant hastis. Pugnabant, dixit, non pugnant. Etli possis opponere ex eodem lib. IV. *Varroni*: *Præsidium* est dictum, quia extra castra præsidebant in loco aliquo, quo tutior regio esset. præsidebant, inquit, ergo tempore quo scripsit, idem non fiebat. quod nemo concesserit. Jam ipse Cæsar de Bell. Civ. lib. 3. c. 53. Centurionem ab octavis ordinibus ad primipilum traducit. & cap. 64. Omnes cohortis prima centuriones interfectos refert, præter principem priorem. quæ nec dici nec intelligi possunt citra respectum ejus discriminis, quod tractamus. *Vegetius* in primis adeundus lib. II. c. 15. & 16. Qui etiam c. 7. ad præsentem (sui temporis) *matriculas* provocat. Parum quidem præclare *Salmasius* de *Vegetio* sentit, eumque confusorum passim temporum & negotiorum, summæque negligentiae accusat. Sed nec desunt, qui aliter sentiant, nec univèrse talia & in omnibus locis possunt admitti. Notandum præterea quod *Vegetius* pauciora ex commentariis *Catonis*, plura ex *Principum*, *Augusti*, *Traiani* & *Hadriani*, tum *Frontini* libris descripserit. Etiam illud *Salmasio* obverti potest, quod *Inscriptiones*, quas ipse citat in cap. VI. ejusdem operis, pertinent utique ad Cæsarum tempora. In iis autem fit mentio *Hastatorum*. Nondum igitur desita fuerint hæc nomina ævo *Varronis*, aut statim post *Marium*.

CAP. V.

pag. 66. & 67.

De equitibus Legionis.

A pud *Julium Cæsarem* equitatus non semel legionibus opponitur, & seorsum nominatur. Sed & sub Regibus & libera Republica unaquæque Legio suos habuit equites. trecentos nimirum, ut *Polybius* annotat, & *Livius* loco ante laudato. Hos trecentos equites dividebant in ἵλας seu ἑλας, turmas decem, singulis triginta equos continentibus. Legio autem *Vegetij*, de qua supra, habebat 660. equites: ubi primæ cohorti quatuor turmæ: reliquis singulis duæ attribuebantur. Unde quia equites cohorti inserti innexique erant, talis cohors equitata, *Hygino*, & aliis dicitur.

Neque tamen ita res in vado est. Nam si conferantur inter se, quæ *Polybius* lib. 1. lib. 3. lib. 6. cum quæ *Livius* diversis in locis habet: non satis consonare videbuntur. cum primo quidem trecentorum equitum legionariorum numerum valde antiquum & à Romuli temporibus usitatum statuunt, & tamen Polybianò ævo ducentos tantum equites assignent in unam, etiam numerosiore, legionem. Quâ de re uberrima est disputatio *Salmasii* capitibus duobus postremis operis posthumi de militia Rom.

Illud ex prima constitutione rei militaris Romanæ satis apparet: omne robur militiæ, Romanis, in peditibus fuisse: cui eques vix pro portione decupla responderet. Causa ab initio, quod difficilior parabantur & instruebantur equites. Ita *Cyrus*, teste *Xenophonte*, totum eduxit exercitum Medici militis, antequam ei primum fuit, equitatum, id est, alteram virium partem comparare. Vide omnino lib. IV. παιδείας. Sed ratio & tempus multa mutavit, etiam apud Romanos. Ita cum adversus hostes equitatu validos eundem fuit, equitum quoque numerus exauebatur. Imo sub Constantinopolitanis Imperatoribus militia equestris numero præstabat peditatui.

Ceterum equites, ut à Legione, ita etiam à cohorte denominabantur. In Inscriptione antiqua, opere *Gruteriano* pag. DLXXIV, §. Peditibus & equitibus, qui militant in cohorte II. Alpionum & in VIII. voluntariorum civium Romanorum, qui peregrina conditionis probati erant, civitas & jus connubii data sunt. In alia

pag. DLX.

inſcr. 4.

p. DXLVIII.

inſcr. 2.

inſcriptione *Eques cohortis X. pratoriae* memoratur. *Item eques R. legionis XXII.* Quando additur, *Eques Romanus*, non modo munus militandi equo, ſed dignitas etiam ſeu ordo equeſtris notatur. Multi enim merebant equo, qui non erant ex ordine equeſtri Romano.

Cap. 9. & 20.

de re mil.

Roman.

Not. in Hyg.

p. 67.

Et *Salmasius* quidem, exiſtimat. ſingulis Legionibus trecentos equites Rom. ut in veteri Rep. Rom. ita *Caeſarum* temporibus adiunctos & ab auxiliis diſtinctos fuiſſe. Sed doctiſſimus *Schelius* oſtendit I. veterem quidem Rep. Alas fuiſſe ſocios Latini nominis tam pedites quam equites, & hac ſignificatione pedites equitesque alarios, item cohortes alarias à Legionariis diſtingui conſueviſſe. II. Ubi autem Socii Civitate donati aequae ac Romani legiones dedere, alariorum quidem peditem nomen ab illis ad auxiliares & externos tranſiſſe, at equitum alariorum illis manſiſſe, ſed cum externis commune: nam legionibus in Italia aut in provinciis ſcriptum, alas equitum adiunctas eſſe. Italici, Provincialis, aut etiam externi ſanguinis, non verò Romani aut equeſtris. neque enim equeſtrem ordinem cum civitate vulgatum eſſe, neque equites Romanos ſufficere potuiſſe tot legionibus, quibus tum gerebatur Reſp. Inde jam rariorem, ſi modo ullum equitatum Rom. praefertim diminuto vehementer bellis civilibus equitum numero. III. Sub primis Imperatoribus alas iterum & alarios equites diſtinctos eſſe à pratorianis, ſingularibus, & cohortibus equeſtribus. Alariorum autem peditem extenuata memoria, cum cohortes appellarentur, alarum vocabulum equites ſibi proprium vindicaſſe, non quidem legionarium aut Romanum, ſed tamen honeſtiſſimos provincialium & qui in vicem legionarii addebantur ſere legionibus. Probat hæc ex locis Taciti, tum ex ſilentio Scriptorum de juſto Legionis equitatu. IV. Illos equites Romanos in ſingularibus aut pratorianis, aut ſi forte in aliis militantes ſtatim ad praefecturas admotos eſſe. Licuerit hæc repetiſſe ex *Schelio*, qui primus omnium, ut plura alia, ita hæc ad antiquæ militiæ veram hiftoriam exegit.

CAP. VI.

De Ordinatione Legionis in acie, ſive de acie Legionis.

Legionem conſtituiſſe ex haſtatis, principibus & triariis, ante dictum eſt. In acie igitur, haſtati primo loco, proximo prin-

principes, post hos triarii collocabantur. Sicuti *Livius lib. VIII. cap. 8.* diligenter describit. idque vel ex proverbio, *rem ad triarios rediisse*, apparet. *Vegetius quidem lib. I. cap. 20 & lib. II. c. 8. lib. III. c. 12. & 13.* Principes primo loco, hastatos secundo, tertio triarios ponit. Loquitur scilicet de temporibus minus antiquis, id est Cæsarum Romanorum. Quare *Salma-* dere mñ.
Rom. c. 3.
fius, non solum, inquit, ordinatione sive ordinandi modo distabat Legio Scipionis à Cæsaris Legione, sed etiam ipsius ordinationis, ut ita dicam, ordine, & ordinandorum in acie locatione. Ordinatio est ratio, qua in acie ordinanda disponitur Legio per maiora aut minora corpora, qua totidem sunt veluti partes ac membra totius ordinationis. Sequitur deinde: quod Legio Polybiana per manipulos, Cæsariana per cohortes ordinabatur. 2. Olim intervalla erant inter ordines: in Cæsariana confertæ cohortes. 3. Capite sequenti tractat de ordinationis ordine, ostenditque in veteri quidem legione, antesignanos fuisse hastatos & principes, postsignanos, Triarios: in nova autem, Triarii ad primas cohortes sive ad principia & principales milites translatis, pedites fuisse antesignanos levis armaturæ milites, qui pugnam ordiebantur. Sicut antepilani olim erant hastati & principes, eo, quod ante Pilanos i. e. triarios pugnarent. quod postea mutatum sit. Sed in Not. ad
Hygin. p. 40.
doctissimus *Schellius* ostendit: antesignanos, Cæsari non minus quam *Livio* esse prima signa, primam aciem, primum agmen militum gravis armaturæ; Dividi enim aciem *εἰς δύο τάξεις*, *προμάχους καὶ βοηθούς*, in Antesignanos & postsignanos; aciem & subsidium. Videnda est omnino tota ejus disputatio. Ad eundem etiam *Modestus* de vocabulis ad rem militarem pertinentibus. Inprimis *Virgilij* locus non est obliviscendus, qui de acie Legionis diligenter conceptus est *Georgicarum* II. v. 279. & 280.

*Et saepe ingenti bello cum longa cohortes
Explicuit legio, & campo stetit agmen apertum.*

Longam vocat legionem à longa fronte, per primam, mediam, ultimam aciem, & cornua explicata. Scholiastæ antiqui & novi hic muti sunt. Neque *Lipsius*, cum hunc locum laudat, aliud, quam de intervallis notat, vid. *Veget. lib. II. c. 15.*

de Mil. Rom.
lib. 4. dial. 1.

CAP.

CAP. VII.

De Auxiliis Legionis.

de L.L. lib. 4.

Auxilium, inquit Varro in militaribus, appellatur ab auxilus, cum accesserant, qui adjumento essent, alienigenæ. Festus: Auxiliares dicuntur in bello socij Romanorum exterarum nationum, dicti ex Græco vocabulo αὐξήσις, quod nos dicimus rerum crescentium auxilium. Græcis interdum dicuntur ξενικὴ δύναμις, ξενικὰ τέχνη, peregrinæ seu externæ copiæ, externa munimenta. De his

de mil. Rom. p. 324. &c.

clarius & melius Lipsio, Savilius exposuit, hac summa: Antiquum auxiliorum usum sub Regibus: Liberæ Reip. temporibus per aliquot sæcula solos Latinos atque Hernicos suppeditasse auxilia gravium armatorum; leves enim ex aliis nationibus admissos: ascitos bello Marisco Latinos & Italos in jus civitatis, non auxilium nomine amplius militasse, legionariæ militiæ prærogativa auctos: Augustum aliosque inde Imperatores, provincialibus quoque in legionariam militiam ascitis, auxilia revocasse, sed ex sociis externisque, nullo nationum discrimine. Hinc est quod in Tacito habemus Auxiliarios è Trans-Rhenani, Galli, Britannis, Numidis, Lusitanis, Batavis, Thracibus &c. Excessere modum insequentes Imperatores, id est, externos, & ut ipsi vocabant, barbaros armis & armorum disciplina adversus Rom. Imperium, quod ab exteris tandem dilaceratum est, instruxerunt. Adducitur præsertim locus Vegetij è lib. II. c. 2. Ante bellum ergo Maricum, ordinarie socii ex fœdere tantundem peditum, cum equitum duplo armabant. Vocabanturque cohortes peditum, Alæ equitum. Extra ordinem aliter factum, exemplis docet Savilius, qui tandem summam putat: Legionem Imperialem ejusq; auxilia constitisse 12000. hominum, seu 6000. peditum Legionariorum, & 600. equitum; 4800. auxilium peditum, 600. equitum auxiliar. adducto loco Vegetij è Libro III. c. 1. Hyginus interdum auxilia, supplementorum vocabulo indicat. Levem armaturam legionariis ferè opponi supra notatum est. Inde Græci solos legionarios ὁπλίτας, auxiliares cohortes levis armaturæ ψιλὰς appellabant. Apud Suidam legas: ψιλὰς τάξις ἐστὶν ἀγυνομένη, ἥτις προβάλλεται ἔμπροσθεν τῇ στρατιᾷ, τῶν θυμῶν

γυμνῶν ἔ' ἀόπλων. αὐξίλια δὲ οἱ ρωμαῖοι τὰ τοιαῦτα τέλη προσαγορεύουσι. τὸ τῆς βοηθείας ὄξυ ἔ' περὶ τὰς χρεῖας ἐκίνηλον ἔ'τω προσαγορεύουσι. *Mox*: φίλοι, οἱ μὴ καθωπλισμένοι. ἐν καιρῷ δὲ τῆς μάχης τῷ περὶ λόγῳ, ἢ λίθῳ, ἢ ξύλῳ, ἢ ἄλλῳ τινὶ ὀργάνῳ χράμενοι. ἢ τοξόται, παρὰ τὸ σκευὴ φίλῃ χρῆσθαι. *Diversa per farraginem, ut sæpius, hic componit Lexicographus: ex quibus illud tantum huc pertinet, quod de σκευὴ φίλῃ dicit. Unde & Hesychius, exempli causa σφινδονισὰς καὶ τοξότας habet funditores & sagittarios. Levis armatura intelligitur, non inermes homines, nisi per tropum comparationis causa, ita dicuntur. Ὀπλίτας idem Suidas accuratius explicat. Ὀπλίται λέγονται οἱ βαρυάτη ὀπλῶν κερημεῖνοι κατὰ τὸν μακεδονικὸν τρόπον. φίλοι δὲ, οἱ καφστάτη κέρηλαι. οἱ δὲ πελάσαι μέσῃ πως κέρηλαι σκευῇ. Videatur omnino Arcerim ad AEliani *Tactica* p. 104. & seqq.*

CAP. VIII.

De castris Legionis.

QUoniam Consul Romanus ordinariè duabus legionibus rem gerebat, hicque exercitus erat; hinc factum est, ut *Lipsius, Savilius* & alii de castris duarum legionum, quæ & *simplicia* appellantur, sermonem & typos formarent: *duplicita* castra, ad quatuor legiones accommodarent. Reperiuntur tamen & castra unius Legionis. Apud *Cæsarem* memorabilia sunt exempla. Neque dubium est, quin ex duarum legionum castris, & unius Legionis castra possint intelligi: cum satis constet, Romanos in castrorum metatione maxime unam rationem & quasi perpetuam probasse. *E Cæsare* repetenda est historia unius legionis, cui Cicero præerat, in castris suis oppugnatae *lib. V. de B. G. c. 38. & seqq.* Eodem libro *Crassus, Fabius, L. Roscius* unius legionis castra habuerunt, ut & castra *Labieni* (*c. 56. & 57.*) huc pertinent. *Lib. VI. (c. 32.) Q. Tullius Cicero* Legioni XIV. castrisque præficitur, oppugnaturque. *c. 37. & seqq.* *Virgilius* etiam legionis unius castra ad morem sui sæculi adornavit, *Aeneid. IX. v. 174. & seqq.* ubi interpretes non minus muti sunt, quam supra ubi acies Legionis in *Georgicis* est descripta.

Aaaa

Cete-

Ceterum de forma & ordine castrorum crucem fixit eruditus locus Tacit. l. *Annal.* c. 61. ubi Germanicus Cæsar ad locum cladis Varianæ delatus, tribus legionibus, sextum postcladis annum iusta persolvit. Verba Taciti sunt (c. 61.) *Prima Vari castra lato ambitu & dimensis principiis trium legionum manus ostentabant.* Ad quæ Lipsius: quo argumento ex principiis colligebatur manus trium legionum? Quia quoties plures legiones unis castris, principia sua cuique legioni descripta, in quibus aquila & signa. Ita, Principia majora. In *Analectis* ad lib. V. de Mil. Rom. Dial. 7. ita interpretatur: Cum principia dimensi essent, repperunt tribus legionibus de Mil. Rom. locum. Savilius quoque existimat: Ex mensura principiorum inveniri posse numerum legionum: extenso scilicet in latitudinem spatio principiorum. Quæ toto cælo, inquit doctissimus Schellius, & à mente Taciti & à more Romanorum distant. Quis enim legit unquam, tot in castris Romanis principia fuisse, quot legiones, aut cum tres sub uno Cos. legiones, tunc metationem latiore & divisa per vias principia? Inaudita hac & absurda sunt. Jam hoc quoque parum probabile est, dimensum principia Germanicum. quid demum dimetiretur? an ut sciret, cum quot legionibus Varius cecidisset? at nemo hoc illa ætate ignorabat. an ut locum ubi retendissent, inveniret? at illum ipsum adhuc castra ostentabant. Hac enim Taciti mens est: ostentasse etiam tunc expugnata ante sex annos, & disiecta Vari castra Romana compositionis modum & rationem, & præcipue lato castrorum ambitu, id est, circa vallum undique & in principiis ex disciplina Romana dimensis, sedem legionum. Per omnem enim castrorum ambitum cohortes Legionaria, & ad principia duæ cohortes primæ tendebant; tertia in præsentura cum tres legiones essent, docente Hygino. Quæ paraphrasis Schellij, nulla causa est, cur repudietur.

Ceterum præter typos castrorum apud prædictos Scriptores & Xylandri Polybium German. Herm. Hugon. Walhauf. Videantur schemata Schellij Hygino & castris Polybianis adjuncta.

CAP. IX.

De armis & telis Legionis.

NE hic verbosus simus, facile nobis persuadet accuratissimus Schellius: qui in *dissertationibus* suis ad castra Polybiana & Hygini, caput XIV. totum conscripsit de telis Legionum, & Salmasio,

masio, *χελόες* seu *hastas velitares*, *ύσσος*, *pila*, *δόρυ*, *hastas* longiores, longe aliter, quam hactenus eruditi omnes acceperant, interpretanti ea responder, quæ detrectari nequeunt. Arma hæc ipsa diligenter & propemodum curiose describit *Polybius lib. VI. ex Vegetianis præsertim Institutionibus*, & *Stenechianis* ad eas curis illustrandus. Progredimur igitur potius ad

CAP. X.

*De Comparatione veteris & novæ
militiæ in legione.*

QUANTUM in ipsa Romana militia mutaverit tempus, partim ex ante dictis, partim ex Scriptorum, quos laudavimus, disputationibus abunde potest perspicui.

Quædam tamen omni ævo retenta & ad nos propagata, non est dubium. Talia quædam sunt in acie præsertim ordinanda, & in castris metandis. Ita intervalla & spatia, consistentibus in acie militibus antiquitus usurpata, eundem usum præstare, quem olim præstabant, *Machiavellus lib. II. de arte militandi*, uberius ostendit. Imo vix repereris hodie cujus non aliqua meditata aut specimina in veteribus agnoscas: licet nomina discrepent. *Crucis*, *stellæ*, *aliarumque formarum* nomina audias, quæ postea ad rhombos, ad cuneos & similia Tacticorum schemata facile reducas. Gravis quoque & levis armaturæ discrimen, & conjunctio, omnis ævi usibus accommodata est. In stataria quoque, & mobili pugnandi ratione, res una observatur olim & hodie. Plura tamen circa rem mutata videas. Nihil dicam de dilectu, de exercitatione & disciplina militum: quæ omnia apud antiquos meliora, & Reipublicæ bello tutandæ utiliora. Inventus quoque pulvis pyrius, & scloporum tubi ac fistulæ totam quodammodo rationem militandi in Europa commutarunt. Accedamus propius ad Legionis rationes. in qua olim equites peditibus immixti, & ad suos quisque pedites relati erant. Nova militia equestrem militiam à pedestri, quantum ad constitutionem exercitus attinet, plane separavit. Aliæ & seorsim constituendæ sunt Legiones equestres, aliæ Legiones pedestres. Et superiore quidem sæculo plerumque Legiones

Lib. IX. c. 19.

Kriegs-Kunst
zu Pferd. c. 1.

equitum & peditum majore & ad antiquum modum pæne accedente numero militum describebantur. Quo magis inde ad nostra tempora acceditur, numerum imminutum esse videmus. Vidit nostra ætas, parvas legiones, & pro harum modo, cohortes, centuriasque. retento tamen præfectorum & officiorum, quos vocant, numero, qui in majoribus fuit. Quæ res multum ad victoriam habere momenti visa est. Hic enim longe magis dici potuit, quod *Livius* de Romana numerosiore militia legionaria dixit: *acies distinctior, ex pluribus partibus constans: facili partienti, quacunq; opus est, facili jungenti.* Gladios sæpissime mutavit usque in hunc diem, nova militia: nisi quod illi, qui cæsim punctimque ferire possunt, diu placuerunt. illis autem, qui acinace gaudent, vix hoc persuaseris. novissimus tamen usus docuit; acinaci, gladios longiores, quibus punctim hodie utuntur, tuto opponi posse. Ut caput galea, pectus & tergum laminis ferreis muniatur, in pedestri & equestri militia omni ævo placuit. & ubi obsoleverat, revocatum est hoc armorum genus. Ita Carolum IX. Sueciæ Regem, populares historiæ celebrant instauratorem hujus disciplinæ, valde ad victoriam efficacis in ea natione, quæ semper animis abundabat, nec minus fortiter, sed majore interdum incommodo, corpore improtecto pugnat. Pila, proprium Romani militis peditis telum, ab usu novæ militiæ plane recesserunt. apud plures nationes etiam scuta & clypei. Hastarum veterem formam non agnosco in nova militia; quæ tamen amat hastatos. quorum duo sunt genera valde celebria, *lanceæ*, & illud hastarum genus, quod *piques* vocant. Et lanceariorum quidem equestris militia (*Lanzirer*) duobus ab hoc proximis sæculis magni æstimabatur. postea omiſsa ac neglecta est. Qua de re insignis & longa est querela *Walbaufi*. Et sane, ut Lanceariorum opera ad multas insignes victorias viam apertam, aciesque hostiles dissipatas esse, historiæ nos docent: ita vera & unica causa defuisti hujus militiæ, est difficultas. Nisi enim exercitati valde fuerint hi milites, non efficient, quod dixi. Exercitatio autem illa artem desiderat; neque ex tempore proficit. ipse quoque apparatus equitum armorumque accuratior requiritur.

Quare

Quare Nobiles fere cum suis domesticis hanc militiam explebant. De pedestri genere hastatorum (qui extra ordinem, accelerandi itineris causa, nonnunquam equo vehuntur.) Pontus Heuterus ita annotat: Militarem quoq; disciplinam Maximilianus (Imperator I.) novis inventis restituit atque excoluit, phalangemque Macedonicam ex hastatis peditibus coactam, Romanamq; legionem, nonnullis mutatis, referentem, ac ferme inter Germanos, pedestrem militiam obsolescentem magno succedentium Principum (ut eventus docuit) commodo ac bono in veterem ordinem redegit. Hastas pedestres ad justam longitudinem revocavit, atque ut sine ferro, XVII. cum ferrea cuspide ad minus XVIII. haberent in longitudine pedes, atq; è fraxino arbore fierent, voluit. Equestres verò lanceas, sine ferro, XII. cum eo, XIII. ad minus pedes esse iussit: Germanosque pedites adeo harum usu exercuit, ut necdum hodie ulla natio, eo armorum genere iis comparari possit. Etenim ante Caesaris Maximiliani tempus Germani peditum nullus erat exteris usus: sed urgente bello, Principes ac Respublicae pedite oppidis & agris exiit utebantur, qui exigua aut aliquando nulla mercede militabant, confectoque bello, positis armis domum redibant. Quod de comparatione phalangis Macedonicæ dixit, melius quadrat, quam hastata legionis militia. vid. *Æliani Tacit. cap. 14.* Cuirassarii sive Corazzii equites non carent, cum quibus comparentur in vetere sub Imp. militia cataphracta. Hi an præferendi sint Lanceariis seu Hastatis equestribus (de nobilis illius militiæ genere loquimur) disputarunt duo magna experientia militari præditi Scriptores, *Georgius Basta, & Jo. Jac. Walhausius.* ille Corazzios præfert: hic Lancearios.

- - - Nec nostrum est tantas componere lites.

Novum genus militum est, quod vulgo (Drageons) Dragonios vocant. Apud Curtium sane *Dimache* ita describuntur: *Graviora arma portantes in equis; ubi res poscit, desiliunt & pedestris acies est.* In militia M. Alexandri sc. In Romanis ordinarium militum genus hoc non habemus. Sed aliâ, nec una ratione, pedites equitibus immixtos (de quibus videndus elegantissimus & eruditissimus *Commentarius Hermannus Hugonis de militia equestri antiqua & nova lib. IV. c. 6.*) tum extra ordinem festinandi agminis aut alia causa, pedites equis impositos, & si usus posceret, vel utrovis modo, vel è pedibus militaturos.

Aaaa ;

CAP.

CAP. XI.

De Officiis & Ministeriis in
Legione.

PER farraginem hujus generis nomina annotabimus. *Hermannus Hugo* in militia equestri distinxit Magistratus supremos, medios, & infimos. lib. V. c. 2. 3. 4. Tribuni Legionis & cohortium erant, de quibus *Lipsius* & *Savilius*. quorum etiam *Tribunus turma* legitur, quem pro præfecto sumi, *Herman. Hugo* putat. *Laticlavij* & *Angusticlavij* nominantur Tribuni apud Historicos & in Inscriptionibus vet. Adde *Jul. Caf. Bulengerum* de Imperio Rom. lib. 5. c. 4. Apud *Gruter*. p. 580. Inscriptione 3. memoratur *Tribunus Laticlavius præf. Leg. XIII.* Legatus Leg. p. VII. num. 3. Centuriones ubique obvii. *Seviri Equitum*, honorato gradu, apud Historicum. In opere *Gruteriano* p. 454. Inscript. 4. legitur *Sevir equitum Romanorum legionis III.* pag. 412. Inscript. 2. *Sevir turm.* 2. *Equit. R.* p. 436. Inscr. 7. *Sevir turma V. eq. Rom. Trib. Laticl. Leg. I.* adi. pag. 1093. inscr. 7. *Tribunus antesignanorum* p. 517. n. 3. *Sevir. turm. V. Eq. Rom. trib. mil. leg. III.* Aug. IIIIIV... *turmis ducendū* p. 348. n. 1. *Aquilifer leg. III. Ital.* pag. 651. inscr. 3. *Signifer, Leg. III. Gem.* p. 80. inscr. 4. *Signifer cohortis III. vrb.* pag. 530. inscr. 4. *Signifer in centuria nominatur* p. 1109. inscr. 10. *Præfectus Leg. X.* pag. 194. inscr. 2. *Præf. Castr. Leg. VI. Viêtric.* p. 1110. inscr. 11. *Præf. cohortis* p. 349. inscr. 3. *Præf. levis armaturæ* p. 370. inscr. 1. Ita *Præfectus equitum, fabrum, &c.* *Optio centurionis* p. 46. inscr. 10. *Optio Leg. II.* Ita p. 542. inscr. 8. *Optio cohortis* p. 80. inscr. 59. *Optio signiferi Leg. XIII. Gem.* p. 80. inscr. 4. *Tribuni optio in centuria* p. 551. n. 3. *Optio Tessararius cohortis II. pr.* p. 445. n. 10. *Armorum custos Leg. XIV.* p. 568. num. 11. *Buccinator Leg. V. Alaude* pag. 559. n. 7. *Campidoctor cohortis* p. 565. n. 5. *Doctor cohortis* p. 80. n. 2. *Collega Centurionis* p. 54. n. 6. *Cornicen* p. 571. n. 8. *Cornicularius Leg. XIII.* p. 17. n. 9. *Tribuni* pag. 269. n. 5. *Curator Ala* pag. 444. n. 1. *Curator veteranorum Leg. IV.* pag. 557. n. 3. *Decurio Ala, Balistariorum, &c.* *Dux emeritus ex cohorte XIII.* pag. 539. n. 4. *Evocatorum* varias appellationes in iisdem Inscriptionibus invenias, *Exsignifer, Leg. III. Ital.* p. 1159. num. 15.

Fecia-

Fecialis Leg. pro. pr. 1107. n. 4. Imaginifer Legionis XIII. Gem. p. 562. n. 1. Ilv. Leg. X. p. 345. n. 10. Librarius Legionis p. 80. n. 8. Magister Eq. Al. 1. p. 542. n. 7. Ita Magister equitum & peditum, utriusque militiae. Medicus cohortis, addito numero. Ordines duxit, ordinem accepit in Leg. Pilus prior p. 571. n. 3. Primipilus legionis p. 747. n. 1. Procurator centurionis p. 541. n. 6. Praetor & notarius p. 626. n. 8. Quaestorius p. 546. n. 6. Scholarum curator p. 170. n. 3. Scriba subcornicularius p. 1108. n. 4. Scriba veteranus, Scriba armamentarius &c. Speculator Legionis p. 169. n. 7. Strator, Suboptio, Tesserarius &c. Quæ officia & ministeria Imperatorum temporibus magis magisque multiplicata fuerunt, & hic exempli tantum causa attinguntur, explicata partim à Scriptoribus militiae Romanae, partim à Julio Caf. Bulergero, & Henrico Valesio in notis pereruditis ad Marcellinum, Pancirolo ad notitiam Imperii, aliisque sparsim.

Quot Legiones ab Augusto ad tuendum Imperium dispositæ, quot ab aliis Imperatoribus adjectæ, vide partim apud Commentatores Taciti ad libr. IV. Annal. c. 5. & Lipsium in admiranda magnitud. Romana lib. 1. partim apud Jul. Caf. Bulergerum de Imper. Rom. lib. III. c. 5. & Pancirol. ad Notit. Imp. Orient. c. 35. ubi & marmor Capitolinum exhibetur.



XVIII.

DISSERTATIO HISTORICO-POLITICA

DE

FACTIONUM IN
REPUBL. ROMANA CAUSIS.

• *Cum illud semper mihi cura fuisset, humanissime Lector, ut illos potissimum auctores familiares mihi redderem, qui, unde mihi meaque Reip. quod imiter, capiam, inde fœdum inceptu, fœdum exitu, quod*

quod vitæ, plurimum conferrent: ex latinis quidem T. Livio potiorē neminem duxi. Cujus historiam, Romana facile principem, cū penitus inspexissem, utramque mihi, decadis præsertim prioris, paginam fecisse videbantur certamina illa & factiones Optimatum & plebis in Rep. Romana. Neque verò insequentia tempora hac labe vacua fuerunt: Sed anniversarium hoc & fatale erat victoris populi malum, ut foris bellum feliciter, domi certamina & contentiones infeliciter exerceret. Inde occasio mihi nata, dissertationem quandam de hac peste conscribendi, Dnn. quæ commilitonum censura, Academica exercitationis gratiâ, subjiciendi. Quamvis vero tenuitas mea, rudisque tractatio ab incepto me detinere conabatur, facile tamen à benevolo Lectore veniam me impetraturum sperabam, præsertim cum primitias has esse studiorum meorum confessus fuero, meque & moneri & doceri paratum esse vel à quolibet. Et debebant quidem proponi, 1. Causæ horum certaminum, 2. proposita, consilia, destinata utriusque partis. 3. Effectus, eventus, exitus talium certaminum. 4. remedia. Sed quia materia ubertas in ordinem angusti temporis, quo nunc includor, se redigi non patitur, hac vice Causas Factionum in Rep. Rom. breviter attingam.

§. I.

Secundam hanc populi Romani ætatem, & quasi adolescentiam fuisse, cum tantis sese fatigarent contentionibus Optimates & plebs, ideoque quandam adhuc ex pastoribus feritatem, quiddam spirasse indomiti, tradit Flor. l. 1. c. 22. Verum haud difficulter, quod harum seditionum causam, agrestes novi populi mores, nec satis adhuc subactos & mites facit, per eas, quæ florentissimis temporibus accidere, nec pauciores istis, & asperiores multò (de quib, hic ipse aliq;) refutatur,
ut

ut rectissime ad hunc locum annotat *Chriss. Freinsheimius*. Quoniam verò *Livius*, proprius hac in re Doctor, optime eas & perspexisse, & dijudicasse videtur, meritò illum præ cæteris hic audiendum existimo, adhibitis tamen & aliorum testimoniis. Sed ut distinctè de his differam, duplices eas facio, *remotas & propinquas*. quarum definitiones, quoniam non incommode huc transferri possunt, vid. apud *Lips. lib. 6. pol. c. 2. n. 4.* Inter remotas pono 1. *factum*. 2. *Reip. formam, non optima harmonia mixtam*. 3. *Ætatem, & mores supplex*.

§. 2. Quis autem negabit fatum, hic primo esse spectandum, præsertim cum Gentiles etiam agnoverint? Hanc enim *Deorum iram* vocabant prudentiores. Qui ineptius loquebantur, *invidiam Deorum* accusabant, cum interim satis constare posset, Deum per factiones istas, civitatum mores punire & castigare. De qua re nunc nihil addemus.

§. 3. Alteram à fato causam dixi *Reip. formam non optima harmonia mixtam*. Satis jam constat, ejectionis Romæ Regib, omnia ad Patres rediisse, attestante etiam *Livio statim ab initio lib. II. Libertatis*, inquit, *originem inde magis, quia annuum imperium consulare factum est, quam quod diminutum quicquam sit ex regia potestate, numeres. Omnia jura, omnia insignia primi Coss. habuere*. Sed nec immeritò, quippe eorum ope & auxilio profligari erant reges, & constituta libertas. Postquam verò *Valerius Cos.* qui in expellendis quoque tyrannis fuerat occupatus, in suspicionem affectati regni venisse se animadvertit, ne eundem cum *Tarquiniis* rebus suis exitum daret. subito popularis factus est, submissisque fascibus in concionem ascendit. *Gratum id multitudini spectaculum fuit, submissa sibi esse imperii insignia, confessionemque factam populi, quam Cos. majestatem vimque majorem esse, ait, nosse* 11,7. Postea contentionibus plebis, *Valerii Publicolæ* sive inconsultam sive blandè assimulatam humanitatem paulatim amplius interpretantis, impugnata Aristocratia, non nisi magnis seditionibus, & communicata plebi magistratuum dignitate, in mixturam cum Democratia coaluit: In qua tamen temperatione, modo hæc, modo illa pars prævaluit, sicut ait *Dn. Praeses in Annot. 1. cap. 1. lib. 1. Annal. Tacit.* Itaque haud frustra vociferatus est *C. Claudius*

apud Liv. III. 65. Ita demum liberam civitatem fore, ita equatus leges, si sua quisque iura ordo, suam maiestatem teneat.

§. 4. Aetatem tertio & mores *Συμμετρίως* egregiâ quadam paraphrasi describit Sallust. Cat. 6. Romani, inquit, domi militiaeque intenti, festinare, parare, aliis alium hortari, hostibus obviam ire, libertatem, patriam, parentesque armis regere, post, ubi pericula virtute propulerant, sociis atque amicis auxilia porrabant. Et paulò post. Ea tempestate (principio libertatis) capere se quisque magis magisque extollere, ingeniumque in promptu habere. Nec mirum! nam ut Seneca in Hippolyto,

Ingenia melius recta se in laudes ferunt,

Si nobilem animum vegeta libertas alit.

Cum itaque prima adversus externos arma pro libertate corripuissent Romani, mox pro finibus, deinde pro sociis, tum gloria & imperio, laceissentibus assidue usquequaque finitimis, factum inde est, ut plurimum vitam in castris, & armorum strepitu degerent, maximamque gloriam putarent, inter primos in acie conspici, devictisque hostibus insultare. Quòd si verò domum aliquando rediretur, eadem alios hos animos gloriæ cupido vexabat, & quietem ipsis insolitam & quasi tædiösam magnoperè aspernabantur, ergò, dum foris otium fuit, ne omnia simul languescerent, domi contentiones ferebant, & gloriam, quam apud hostes non possent, per discordias civiles quærebant.

§. 5. Hactenus de causis remotis, nunc ad propinquas progredior: & I. ad eas, quæ ad Optimates pertinent. Occurrunt autem tres; *Ambitio, Superbia, Crudelitas.*

§. 6. De ambitione prius, quippe proprium Oligarchicorum sive Optimatum hoc vitium; Qui, ut Theophrastus in *an-reis suis* characteribus habet, Homeri versuum solum hunc tenent,

Οὐκ ἀγασθὲν πολυνοεῖν, εἰς κείων ἔσθω. Α

aliorum omnium nihil sciunt; quique sermonibus his utuntur; Oportet in unum coacti deliberemus, & turba hac forensi nos liberemus, aditumque illi ad magistratus præcludamus. Hinc est, quod non solum apud Romanos, verùm alias etiam quam plurimas gentes ab ambitione ingentia certamina

na

na & seditiones extiterunt. Sit exemplo Corcyraea seditio & ex ea universa Græcia commota, qua tempestate varii generis detestanda facinora fuerunt perpetrata. Extat locus *Thucydidis historia tertia*, quem *generosiss. Enenckelius* ita reddidit: Quorum omnium causa fuit potentatus ab avaritia & ambitione amulatio, unde & in certamina magnâ alacritate descenderunt. Nam qui rerum in civitatibus potiebantur, speciosum utriq; pra se titulum ferentes, libertatem hi multitudinis exequanda, illi moderatum Optimatum sobriumque imperium, Remp. cuius se agere curam simulabant, in medio posuerunt. Sed ut ad Romanos, à quibus parumper digressi sumus, redeamus: eorum concordia, si rem altius confideraveris, vel præcipue nobilium ambitionem obstitisse deprehendes; qui omnes eò curas intendebant, ut imperium & honores penes se solos essent, plebemque ab omni Reipubl. munere arcerent: sicut nobilis hac de re locus est apud *Liv. lib. IV. sub init.* cum tribuni rogationem promulgarent, ut populo potestas esset, seu de plebe seu de patribus vellet, Coss. faciendi: quo Optimates ipsi testantur, milles se morituros potius, quam ut tantum dedecoris admitti patiantur. Quæ Decemvirorum ambitio fuerit, magistratum contra leges retinere cupientium, dicat idem noster, *lib. III. 35.* Postquam comitia decemviris creandis in trinum nundinum indicta sunt, tanta exarsit ambitio, ut primores quoque civitatis (metu credo, ne tanti possessio imperii vacuo ab se relicto loco haud satis dignis pateret) premerent homines, honorem summa ope ab se impugnatum, ab ea plebe, cum qua contenderent, suppliciter petentes &c. quæ illorum ambitio & impotentia in ingentem seditionem exarsit, nec aliter, nisi abrogato decemviratu, componi potuit. Quanta postea vi & quam varii generis callidis consiliis majestatem suam tueri conabantur Optimates, cum tribuni adversus ambitionem illorum. & opes undiquaque validissimas, nec frustra metuendas, inter alias (de agris puta & pecuniis) hanc etiam legem promulgassent, ne tribunorum militum comitia fierent, Coss. que utique alter ex plebe fieret? *Cuncta ingentia*, inquit *Historicus lib. VI. 35.* quæ siue certamine maximo obtineri non possent. Omnium igitur simul rerum, quarum immodica cupido inter mortales est, agri, pecunia, honorum discrimine proposito conterriti patres cum trepidassent, publicis privatisq;

consiliis nullo remedio alio, præter expertam multis jam ante certaminibus intercessionem, invento, collegas adversus tribunicias rogationes comparaverunt. Satis scilicet callebant, hîc si victi fuerint, nihil fermè restare, quo meliori jure præ ceteris honores ambire possent. Sed nec hoc solum cavebant Patres, ne eadem plebi cum illis ad honores jura paterent, verùm si qui in eam qualicunque modo translati fuerant, fremebant, sicut locuples testis est *Liv. IV. 54.* ubi. cum quæstores ex plebejis creatos narrasset, ita inquit: *Patres non pro communicatis, sed pro amissis honoribus fremere, negare, si ea ita sint, liberos tollendos esse, qui pulsi majorum loco, cernentesq; alios in possessione dignitatis suæ, Satis Flaminesq; nusquam aliò, quam ad sacrificandum pro populo, sine imperio ac potestatibus relinquuntur.* Imò nec hîc subsistentes, ultra progrediebantur, stimulante ambitione. Namque, ubi tempus premendi plebem, recuperandique jura advenisse putabant, quæ antea concesserant, eripiebant: Tunc enim adedò submissos non infimorum solum, sed Principum etiam plebis animos faciebant, ut non modo ad tribunatum militum inter patricios petendum, quod tanta vi, ut liceret, tetenderunt, sed ne ad plebejos quidem magistratus capeffendos petendosque, ulli viro acri experientique, animus esset, possessionemque honoris usurpati modò è plebe per paucos annos, recuperasse in perpetuum patres viderentur. Hinc igitur videmus, haud immerito *Sallustium Cat. 10.* hanc nobilium ambitionem quotidie magis magisque crescentem inter primas corruptæ Reip. causas posuisse, eamque, quasi materiam omnium malorum accusasse. Verumenimverò frustra de hac apud eos quereris, quibus semel est persuasum, rem esse pulcherrimam

Λὺν ἀρετῶν, καὶ ὑπερόχον ἔμμεναι ἄλλων.

§. 7. De ambitione satis: ad *Superbiam* accedo, quæ crudelitate gravior est bonis, teste *Floro lib. 1, 7, 4.* sed quid miramur hinc manasse seditiones, cum liberis Rebuspublicis superbia potentium ab omni ævo gravis visa fuerit? Testetur id suo exemplo Alcibiades apud *Thucyd. lib. VI.* Ὅσα αὖ ἐν τῇ πόλει χορηγίας, ἢ ἄλλω τῷ λαμπρύνουσαι, τοῖς μὲν ἄστοις φθονεῖται εὐσεῖ, πρὸς δὲ τὰς ξένους, καὶ αὐτὴ ἰσχύς φαίνεται. Rursum *ibid.* οἷδα δὲ τὰς πόλεις καὶ ὅσοι ἐν τινὶ λαμπρότητι πρόσχορον ἐν τῇ κατ' αὐτὰς βίῳ λυπη-

γὰρ

πῶς ὄντας; τοῖς ὁμοίοις μὲν μάλιστα. ἐπεὶ δὲ καὶ τοῖς ἄλλοις ἐνέοντα.
 Hoc potius mirum videtur, quod Optimates, cum Tarquini-
 os tam graves superbiae, aliorumque facinorum poenas dedisse
 constaret, sibi hac in re non aliquatenus temperaverint, mo-
 destioriq; gradu inceserint. Nunc verò sub aliquibus exemplis
 audiamus, quomodo hæc illorum arrogantia Reip. statū com-
 moverit, quantasque turbas excitaverit. *Livy*, statim ubi pri-
 mam sub libertate seditionem describit, *lib. II. cap. 23. & seqq.*
 in crudelitatem maximè, sed & superbiam Patrum causam
 esse conjectam affirmat. Plebs etenim, inquit, cum vigente
 discordia ab hoste quoque Urbs circumveniretur, exultare
 gaudio, ultores *superbia Patrum* adesse dicere Deos. Sub Decem-
 viratu certamina, quis non ex Decemvirorum superbiâ con-
 flata esse credat? Hi namq; *cotidie*, scribit idem *III, 36. coibant*
remotiis arbitriis: inde impotentibus *insuffici consiliis*, quæ secreto ab aliis
coquebant, jam haud dissimulando superbiam, rari aditus, colloquentib.
difficiles, ad idus *Majas* rem perduxere. Idus tum *Maja* solennes ineu-
 ndus magistratibus erant. Initio igitur magistratus primum honoris diem
 denunciatione ingentis terroris insignem fecere. Nam cum ita priores De-
 cemviri servassent, ut unus fasces haberet, & hoc insigne regum in or-
 bem, suam cuiusque vicem per omnes iret, subito omnes cum duodenis fa-
 scibus prodire. centum viginti lictores forum impleverant, & fascibus
 secures illigatas præferebant. nec attinuisse demi securim, cum sine pro-
 vocatione creati essent, interpretabantur. Decem regum species erat:
 multiplicatūq; terror non infimū solum, sed primoribus Patrum, rati
 cadis causam ac principium quæri, ut si quis memorem libertatis vocem
 aut in senatu, aut in populo movisset, statim virga securesq; etiam ad cate-
 rorum metum expedirentur. Huic igitur impotentiae & superbiae
 non nisi magna animorum concitatione obviam iri potuit.
 Quot enim dies ea tempestate verbis & contentionibus tere-
 bantur? quàm infestæ habitæ in foro orationes tyrannidem
 ipsis exprobant? quàm exacerbatae contra eos in curia dictæ
 sententiæ? quam varia & à Patribus & à Plebe subministrata
 consilia de abroganda Decem horum Tarquiniorum (Superbos
 verè appellaveris,) potestate? Quæ certè contentiones, si diu-
 turniores fuissent; finem imperio Romano imposituræ vide-
 bantur. Petant aliquando cum patribus connubium, quod

Decemvirorum legibus prohibitum erat, tribuni, quantum inde exoriturum certamen, quantâ vi restituros Patres, quos contra eos ex illorum ordine concitatuos armatuosque Viros sint, cognoscent: Ita ut non immerito prodeat Canulejus aliquis & hanc illorum superbiam ita ad plebem criminetur; *Quantopere vos, Quirites, contemnerent Patres, quam indignos ducerent, qui una secum urbe intra eadem mania viveretis, saepe equidem & ante videor animadvertisse, nunc tamen maximè, quod adeo atroces in hac rogationes nostras coorti sunt: quibus quid aliud quam admonemus cives nos illorum esse; & si non easdem opes habere, eandem tamen patriam incolere? postea: Hoc ipsum, ne connubium Patribus cum plebe esset, non Decemviri tulerant pauci his annis pessimo exemplo, cum summa injuria plebis? An esse ulla major aut insignior contumelia potest, quam partem civitatis velut contaminatam, indignam connubio haberi? quid est aliud quam exilium intra eadem mania, quam relegationem pati? ne affinitatibus ne propinquitatibus immisceamur: & quæ ibi plura in hunc modum leguntur. Plebs igitur his commota verbis, spiritus sumit, nec certaminibus & contentionibus, priusquam Patrum superbiam rogatione Tribunorum victam esse vidisset, desistit. Perpetua autem, & acris inter Nobilitatem & plebem extitere certamina, quòd illi humilitatem hujus contemnerent, hæc autem contumaciter superbiam illorum impugnaret: Id quod etiam memorabilis illa de C. Flavio historia apud Liv. IX, 46. & Val. Max. II. 5. 2. indicat.*

§. 8. Restat crudelitas, quæ verissimo Ciceronis judicio (3. Offic.) maximè hominum naturæ est inimica; ideoque facile, cum quid de iis crudelius statuitur, exacerbantur accendunturque. Hæc, ut jam antea dixi, primæ seditionis primaria fax & origo fuit. Affirmat id Florus lib. I, 23. 1. his verbis: *Prima discordia ob impotentiam sœnatorum: quibus in terga quoque serviliter favientibus, in Sacrum montem plebs armata secessit. Et Livius II, 23. Civitas secum ipsa discors inter Patres plebemque flagrabat odio, maximè propter nexos ob as alienum. Freniebat se foris pro libertate & imperio dimicantes, domi à civibus (Optimates intellige) captos & oppressos esse, tutioremque in bello, quam in pace, inter hostes, quam inter cives libertatem esse. Rursus quantopere certabatur, cum crudeli & audaci facinore Genutius tribunus plebis domi*

mi suæ à Patribus occideretur, adeò ut plebs nihil sibi aliud agendum ac cogitandum palam profiteretur, quam quomodo crudelitati Patrum esset resistendum? Quæ, cum Appius milites, quòd odio ducis vinci voluissent, virgis cæsos securi percuteret, inter Patres & plebem contentio excitit? Hæc ipsi, inter alia, propter hoc judicium diem dicente; Illis majestatis suæ vindicem defendentibus. Ad Decemviros eamus (juvat enim eos ut Ambitionis, Superbiæ, & Crudelitatis exemplar proponere) qui, ut ait Liv. III, 36. *in humiliores libidinosè crudeliterq; consulebant, hominum non causerum toti erant, ut apud quos gratia vim aequi haberet, judicia domi constabant, pronunciabant in foro: si quis collegam appellasset, ab eo, ad quem venerat, ita discedebat, ut pœniteret non prioris decreto fuisse.* Quarum hinc verò irarum, jurgiorum, contentionum, certaminum, seditionum causæ fuerint, partim jam supra dictum est, partim copiosius ex Livio peri possunt. Exstat, si ultra progrediemur, iterum apud Eundem VI, 34. crudelitatis Patrum in plebem, & hinc enati certaminis exemplum: *Quanto magis, inquit, prosperis eo anno bellis tranquilla omnia foris erant, tantò in urbe vis Patrum in dies miserieque plebis crescebant, cum eo ipso, quod necesse erat solvi, facultas solvendi impediretur. Itaq; cum jam ex re nihil dari posset, fama & corpore judicati atq; addicti creditoribus satisfaciebant, pœnâq; in vicem fidei cesserat.* Et primò quidem leges Patribus adversæ promulgabantur, contra quas renitente admodum Nobilitate, Tribuni magis magisque urgebant inceptum. Rogabant etiam Patres: *An placeret sanore circumventam Plebem, ni potius, quam sortem creditum solvât, corpus in nervum ac supplicia dare? & gregatim cotidie de foro addictos duci? & repleti vindictis nobiles domos? & ubicunque Patricius habitet, ibi carcerem privatum esse? Nec finis his contentionibus, priusquam in leges ab Optimatibus concessum fuerat, quæri potuit. Neque verò factis tantum, sed & verbis plebis animum irritaverant; unde postea discordiarum semina.* Nota est Posthumii apud Liv. IV, 49. & seqq. malum suis militibus minitantis vox: Quæ, quantum domi certamen, in castra perlata seditionem excitavit! Ipse militum tribunus (fecerat verò omnia acerbis quæstionibus, crudelibusque suppliciis asperiora) lapidibus coopertus est. Sed
brevis-

brevitatis habenda nunc est ratio, & à tribus his publicæ Romanorum concordie turbamentis, & velut scopulis, quibus Patres illidebantur, ultra progrediendum.

§. 9. Ante omnia vero, si id, quod res est, fateare, *plebem, illiusq, turbulentos Tribunos, multò plures & graviores lacerandæ dissidiis Reip. anfas præbuisse* dices. Taceo nunc Patricios Romanos quia interdum irâ & studio partium flagrabant, hoc ipsum quærentes; Illos potius, qui horum causas procul habent, testes adducam. Eminent primùm memorabilis Q. Fratri apud Cicer. VI. de legib. ita differentis sententia: *Mibi quidem tribunicia potestas pestifera videtur, quippe quæ in seditione, & ad seditionem nata sit, cuius primum ortum, si recordari volumus, inter arma civium, & occupatis & obsessis Urbis locis procreatam videmus. Patribus omnem honorem eripuit, omnia infima summis paria fecit, turbavit, miscuit.* Florus rotundè sanè III, 13. 1. *Seditionum, omnium causas Tribunicia potestas excitavit; quæ specie quidem plebis tuende, cuius in auxilium comparata est, re autem dominationem sibi acquirens, studium populi ac favorem agrarius, frumentarius, judiciarius legibus aucupabatur.* Quid de tribunis prudentissimus Dio? *ἵτα γὰρ, inquit lib. XL, ἐμειράζον, ὅθ' ὕψις ὕδεν ἰποῖεν, ἀλλ' ἐπ' ἀλλήλους παρώρμιον, πολλὰ μὲν δ' ἀπανώμενοι, πολλὰ δ' ἔτι πλείω μαχόμενοι.* Neque moderati sanique quicquam agebant, sed tumultuabantur invicem turbabantq, tum largitionibus multa, tum pleraque certaminibus gerentes ac cadibus. Quid, quem hæcenus toties laudavimus, Livius? mansuetum malum, & per aliorum quietem malorum exoriens, plebem & plebicolas appellat III, 16. Ultimum hoc, sed gravissimi Scriptoris, habeto. *Ex tribunicia potestate omnes discordias esse accensas.* Sallust. in orat. Philipp. cont. Lepid.

§. 10. His itaque præmissis disquirendum nobis videtur, quænam igitur ex plebis parte præcipuæ causæ fuerint, tanta certamina procreantes. Quarum tres annotavimus; *Mobilitatem, Lasciviam, Intemperantiam sive Licentiam.* De quibus ordine.

§. 11. Mobili esse ingenio vulgus, quis fere scriptorum est, qui non conqueratur? Sufficiat ex innumeris unus Corn. Nepotis in Timoth. c. 2. n. §. locus. *Populus acer, suspicax, mobilis, adversarius, invidus etiam potentia.* Præ aliis verò pop. Rom. vitium

tium hoc innatum fuisse author est *Herodian*. *Locus extat lib. VII, 7.* quem elegantissimus *Politianus* ita reddidit; ubi simul in causam hujus labis inquit author. *Nam etsi ubiq; vulgus semper ad res novas levissimum, tamen Romana plebs imprimis, qua ex magna variaque, etiam peregrinorum multitudine constat, longè cateris mobilior est.* Facile igitur lubricus hic plebis animus ad novandas res impelli potuit, præsertim cum nunquam authores & Duces defuerint, qui omnem ferè suam operam in id impenderunt, ut seditiosis suis concionibus nunc detinerent plebem, nunc concitarent. Quoties enim legimus Tribunos istos comitia turbasse, pro Tribunis militum applaudente populo Coss. postulasse: rursus nunc hoc, nunc illud, prout inconstans quædam animum cupido incessebat, à Patrib. maximo certamine efflagitasse. Ita ut optimo jure *Quintius Cos.* in plebis mobilitatem invecus esse videatur. *Proh Deorum fidem! quid vobis vultis? Tribunos plebis concupistis; concordia causa concessimus. Decemviros desiderastis: creati passi sumus. Decemvirorum vos perterritum est, coëgimus abire magistratu, manente in eosdem privatos ira vestra, mori atque exulare, nobilissimos Viros honoratissimosq; passi sumus: Tribunos plebis iterum creare voluistis, creastis. Cos. facere vestrarum partium, etsi Patribus videbamus iniquum, Patricium quoque magistratum plebis donum fieri vidimus. Auxilium tribunitium, provocationem ad populum, jura plebis injuncta Patribus: sub titulo aquandarum legum nostra jura oppressa tulimus & serimus. Quis finis erit discordiarum, ecquando unam urbem habere, ecquando communem banc esse patriam licebit?* *Liv. III, 57.* Hæc sanè pleraque à flexibili multitudinis animo promanabant, quo à se, utut libuit, formato turbarum signiferi Tribuni modo ad resistendum, modo ad oppugnandum Patres utebantur: Cui malo non nisi contentionibus, remedio in præsentī aspero quidem, sed salutari tamen, subveniri potuit. Quid? quod nisi tantopere in coërcendis vagis populi animis laborassent patres, quis crederet, unquam Reipublicæ Romanæ gratum & exoptabile concordiae lumen effulgere potuisse?

§. 12. Negotium populo Romano melius, quam otium committi sapienter dixit *Appius Claudius*. Negotium namq; (ut explicat *Valerius Max. lib. VII, c. 2.*) nomine horridum, civitatis

C c c c

nostra

nostra mores in suo statu continuit, blanda appellationis quies plurimis vitiis resperfit. Nec eleganter minus, quam verè Sallust. Cat. 10. Qui labores, pericula, dubias atq; asperas res facile toleraverant, iis otium, divitia, opranda aliis, oneri miseriaque fuere. Quae enim res alia furores civiles peperit, quam nimia felicitas? inquit Florus III, 12. Scilicet otium & cæterarum rerum abundantia, lascivos reddebat plebis animos; unde & certamina magno studio quaesivere. Insigne hujus rei exemplum Liv. II, c. 32. suppeditat; Ubi cum urbem hoste & fame afflictam, imminentibus postea malis defunctam, omnibusque prosperis rebus affluentem narrasset; hæc verba subnectit: Ex copia otioq; lascivire rursus animi: & pristina mala postquam foris deerant, domi quarere, tribuni plebem agitare suo veneno, agraria lege; in resistentes incitare Patres, nec in universos modo, sed in singulos. Certe, quam plurimos urbanos motus lascivas & secundis rebus vulgi tribunorumque conciones excitasse satis constat: Nonne Canuleij in curia proloquentis, se, nisi suas leges tanquam victoris Patres accipi sinant, delectum impediturum, oratio ex hoc fonte promanavit? itemque C. Terentilli Arfæ Tribuni, per aliquot dies superbiam Patrum ad plebem criminantis: Quam effrenem petulantiam non nisi contentionibus reprimere & retundere Optimates potuerunt. Hinc etiam videmus rectissime monuisse Appium Claudium; non statim pronis auribus esse recipienda, de quibus in seditionibus populus conqueratur: Non enim miserius, inquit apud Liv. lib. II, 29. sed licentia tantum conciri turbarum, & lascivire magis plebem, quam scire. Neque verò Romanis tantum otium lasciviam, lascivia certamina peperit: Aliis etiam gentibus hæc exitio fuerunt. Respiciamus ex. gr. Heracliensium Remp. apud Justin. XVI, 4. Maximè verò bellicosus: Unde Alcibiades Atheniensibus suis bellum Siciliense suadens, ita orationem suam concludit apud Thucyd. lib. VI. locum adscribam ex interpretatione illustris Enenckelii. Universè autem ego ita censeo, civitatem negotiis assuetam, si in otium convertatur, quam proximam existere: eosq; homines quam turpissimè degere, qui presentibus institutis legibusque, licet fortè pejoribus, Rempublicam sine certaminibus administrant.

S. 13. Superest, ut de Intemperantia sive licentia plebis aliquid

liquid proferamus: negari enim non potest ab hac vel plurimas in foro Romano disceptationes originem suam traxisse. Quirites enim exutis regno tyrannis nihil magis, quam libertatem sibi tuendam esse existimabant; vulgus eam licentiâ metiebatur: Itaque Imperatores suos lapidibus obruere, hostem vincere nolle, imò vinci velle, Cos. fasces frangere, clarissimos Principes voluntati suæ adversantes exilio mulctare, & quæ his sunt affinia, stolidi plebs libertatem putabat; quæ sapientes licentiæ notâ infamant. Porro, si quid ab Senatu Tribuni petierant, specie juris adæquandæ libertatis cum Patribus, illisque rogatio minus ex animi sententia processisset; circumstare quotidie forum multitudo licentiâ accensa, Coss. imperia detrectare, fremere, Patrum superbiam falsò criminari, nec prius clamoribus & contentionibus desistere, quam se non sine fructu ad certamina ruisse cerneret. Neque verò, etiam si rogationes suas acceptas esse vidisset, præsentibus contenta fuit: mox namque, ubi occasionem majora postulandi oblatam sibi cognoverat, eâdem intemperantiâ utebatur. Non est, ut longè quæsitâ exempla protraham, illustria tam de intemperanter dictis, quam factis in promptu sunt, & videri possunt quasi in compendio, quæ *Florinus* l. 22. tradit. Apud nostrum, l. 24. quæ plebis licentiâ? Premebantur ab hoste Romani, tum alius alium confirmare ne nomina darent, cum omnibus potius, quam solos morituros: Patres militarent, Patres arma caperent, ut penes eosdem pericula belli, penes quos præmia essent. Inflammatis his vocibus singulis, contentiones inter Patres & plebem quotidie magis crescere, & more ignis latius vagari, donec scissâ tandem Rep. plebs in Sacrum montem secessit, quæ non nisi facundâ Menenij Agrippæ oratione sedata reduci potuit. Ut alia nunc taceam, quæ Tribunorum, cum abrogato Decemviris magistratu plebejis respirandi facultas daretur, intemperantia fuit? quam crudeliter in eos animadverberunt? Modò exilii causâ solum vertere jusserunt, modò bona illorum publicaverunt, modò in vincula deduxerunt; quid? ita se gesserunt, ut Patrum nonnulli sibi ipsis (metu credo, ne familiæ suæ macula inureretur) ante dictam à Tribunis diem

mortem consciverint. *Ingens inde, inquit historicus III, 59. mensu incefferat Patres, vultusque jam iidem Tribunorum erant, qui Decemvirorum fuerant, quum M. Duellius Tribunus plebi inhibito salubriter modo nimia potestatis: Et libertatis, inquit, & poenarum ex inimicis satis est: itaque hoc anno nec diem dici cuiquam, nec in vincula duci quemquam sum passurus. Nam neque vetera peccata repeti jam oblitterata placet, quum nova expiata sint decemvirorum supplicii: & nihil admissum iri, quod vim tribuniciam desideret, spondet perpetua Coss. amborum in libertate vestra tuenda cura. Sanè nemo obviam iturus tantæ licentiæ videbatur, nisi prius satietas poenarum Tribunos cepisset. Perspicimus itaque hic, verissimè Bodinum in methodo historica plebem *χαεαλνέξαι*; ubi eâ nihil stultius, nihil intemperantius, & cum in bonos exarserit, nihil furiosius esse asseverat. Fateor quidem, facinorosa multa perpetrasse Decemviros, sed quæ moderatiorem tamen Tribunorum poenam requirerent. Grande exemplum, quod indicavimus. Ecce rursum, lib. IV. ab init. nostri scriptoris, insigniter ebullientem Tribunorum, duas unâ vice adversas Patribus leges promulgare conantium, intemperantiam? Quibus cum Patres pro viribus resisterent, atque tum forte ob appropinquantem Urbi hostem ad nomina danda populum hortarentur, prodire ausus est Canulejus, vociferans; Nunquam eos se vivo delectum habituros, antequam ea, quæ promulgata ab se collegisque essent, plebs scivisset: Cui verissimè responderunt Coss. Certum habere, majores quoque, si divinassent, concedendo omnia non mitiorem in se plebem, sed asperiores alia ex actis iniquiora postulando, cum prima impetrasset, futuram: primo quamlibet dimicationem subituros fuisse potius, quam eas leges sibi imponi paterentur, quia tum concessum sit de Tribunis, iterum concessum esse. Finem non fieri posse. in eâdem civitate Tribunos plebi & Patres esse: aut hunc ordinem, aut illum magistratum tollendum esse, potiusque sero, quam nunquam obviam eundum audacie temeritatique: illine ut impune primo discordias ferentes concitent finitima bella. deinde adversus ea quæ concitaverint, armari civitatem, defendique prohibeant? & cum hostes tantum non accerserint, exercitus conscribi adversus hostes non patiantur? Sed quid hic miror plebem, cum tamen adversus ipsos Tribunos eadem intemperantiâ & licentiâ grassati fuerint: A. Virginio & Q. Pom-*

Pomponio diem dicebant, denisque millibus æris gravis condemnabant, quia gratificantes Patribus, rogationibus tribunitiis intercessissent. Quod ægre ferens inclutus ille Heros M. Furius Camillus palam sceleris plebem arguebat; quæ jam in suos versa non intelligeret se pravo judicio de Tribunis intercessionem sustulisse: intercessione sublatâ tribunitiam potestatem evertisse. Nam quod illi sperarent, effrenatam licentiâ ejus magistratus Patres laturos, falli eos; si tribunicia vis tribunicio auxilio repelli nequeat, aliud telum Patres inventuros esse. Omnia verò hujus popularis licentiæ exempla recensere nimis longum foret. Interim verissimum maneat: Vix ullam in foro Romano inter Patres & plebem extitisse contentionem, cui non hæc immixta, sive potius præcipua causa fuerit.

§. 14. Hæc igitur sunt præcipua civilium certaminum validissimas Romanorum opes concutientium semina. Ubi tamen observandum, *unius discordia diversas interdum fuisse causas.* Ita e. g. quis negabit, primam concitationem præcipuè ab crudelitate Patrum, plebem ob æs alienum in vincula ducentium, descendisse? Nihilominus tamen concurrebant & alia, utpote ex parte plebis licentia & lascivia, quæ inflammatos jam animos magis instigarunt. Difficile itaque fuerit, hujus aut illius certaminis ubique propriam aut unicam proferre causam.

§. 15. Sed antequam scriptioni nostræ finem imponamus, lubet præcipuos quosdam oligarchicos spiritus, nobilesque factiosos, ut & tribunicios sive democraticos concitatores in transitu attingere, ut appareat, quibus Roma infelix civium suorum erga se invicem dissidia debeat.

§. 16. Jam quidem palam est, superbam illam & crudelem Appiurum progeniem ex nobilibus agmen duxisse. Notissimum enim est (utur verbis Suetonii Tib. 2.) Claudios (sive Appios) omnes, duntaxat P. Clodio, qui ob expellendum urbe Ciceronem plebejo homini, atque etiam natu minori in adoptionem se dedit, Optimates, assertoresque unicos dignitatis ac potentia Patriciorum semper fuisse, atque adversus plebem adeo violentos ac contumaces, ut ne capiti quidem quinquam rem ad populum mutare vestem aut deprecari susti-

nuerit: nonnulli in altercatione & jurgio tribunos pulsaverint. Possemus per seriem ostendere, quinam ex hac familia Viri oligarchico fastu civitatis concordiam turbaverint, si concisæ scripturæ modus pateretur. Conatur quidem Appius Claudius Crassus crimen, suæ familiæ semper intentatum, honestâ specie prætexere in illa concione apud Liv. VI, 40. qua duo semper crimina familiæ suæ objecta esse dicit: *Claudia genti jam inde ab initio nil antiquius in Rep. patrum majestate fuisse, semper plebi commodis adversatos esse, quorum magis neque negare se, neque inficias ire fatetur; posterius magno studio retundere satagit.* Sed quæso, Appi, quomodo hæc cum figuratis facundiæ tuæ schematibus congruunt, quæ Sempronius apud Liv. IX, 34. de gente tua Quiritibus prodit, occasione desumpta, quod Appius Claudius Censor malè dissimulato oligarchico suo studio, circumactis decem & octo mensibus, quod *Familia lege finitum censuræ spatium temporis erat, nulla vi compelli, ut abdicaret se magistratu, potuit.* Ubi ita inquit: *Hæc est ea familia, Quirites, cujus vi atque injuriis compulsi extorres patria Sacrum montem cepistis; hæc, adversus quam tribunicium auxilium comparastis: hæc, propter quam duo exercitus Aventinum insedistis: hæc, quæ fœnebres leges; hæc quæ agrarias semper impugnavit: hæc connubia Patrum & plebis interrupit: hæc plebi ad curules magistratus iter obsepsit: hoc est nomen multò, quam Tarquiniolorum infestius vestræ libertati.* Dices fortasse, eum odio gentis, quæ flagellum quoddam lascivientis plebis, & obex popularis licentiæ fuerit, ita in eam debacchatum esse. Esto, affectibus suis longius abreptum hæc dixisse. Sed idem ille Livius, cui vos nec beneficio, nec injuria cogniti estis II, 56. familiam vestram jam tum *superbissimam & crudelissimam à libertatis amatoribus & vindicibus creditam esse contendit.* Quid? nonne insequentibus quoque temporibus in Tiberio ab Augusto in dominationis successionem adoptato, veterem & insitam *Claudia familie superbiam, à qua paterno & materno sanguine demissus erat, Romani formidabant?* Tacit. I. Annal. c. 4.

§. 17. Iret nunc in theatrum M. Coriolanus hostis tribunicia potestatis; tunc Cæso Quintius, quo duce sæpe pulsi foro tribuni, fugataq; plebs est. Nec Posthumius Regillensis, & quem

quem ipsum nomen accusat, L. Manlius Imperiosus, aliaque libertati plebejæ gravia nomina taceri deberent. Ab his postea eundum esset ad tribunicios spiritus; in quorum catalogo Sicinii, Genutii, Volerones, Terentilli, Virginii, Icili, Licinii, Duellii, Canuleji, Metilii, cæterique, immodico libertatis studio ad seditionem usque turbulenti homines, describendi essent.

§. 18. Verum, quia id temporis injuriâ, ut ab initio monui, fieri non potest, hic subsisto. Tuum erit, benevole Lector, ut quicquid hic congestum vides, eâ, quâ par est, humanitate suscipias. Annitar, si DEUS vitam & otium concesserit, ut instructius hæc expoliantur. Tu interim, ô æterne DEUS, conatibus nostris annue.



XIX.

SCIPIO POLYBII

EX

FRAGMENTO PEIRESCIANO.

P R Æ F A T I O.

CUM in familiari colloquio ex Viro amplissimo, DN. JOHAN. HENRICO BOECLERO, *in illustri Argentorato Professore publico celebratissimo, h. t. Rectore Magnifico, magno Patrono, Fautore ac Præceptore meo summe venerando*, sæpe intellexissem, quanta esset Polybii Historici præstantia & gravitas, non potui non incendi cupiditate noscendi, quæ extarent de tanti operis reliquiis. Et ostendit mihi ille quidem liberali manu, non tantum magno Casaubono edita; sed etiam Peiresciano auspicio, operâ doctissimi Henrici Valesii publi-

publicata fragmenta; in quibus me rapuit inprimis Scipionis hoc elogium, quod nunc profertur: Latine quidem magna ex parte ab illo ipso, quem nominavi Præceptorem, conversum: postquam is, occasione versionis Valestianæ de variis interpretandi rationibus, sermonem & exemplum orsus est; à me autem quibusdam annotationibus ad hunc Academicum disserendi morem accommodatum. Si quid erudito Lectori in his probabitur, Præceptori meo deberi volo. si quid nec erudite, nec accurate positum deprehendetur, meæ ætati ut condonetur, quanta possum ope rogo. Græca quo minus adscriberem, summa compendii & festinationis ratio imperavit.

SCIPIO POLYBII

ex Libr. 31. nov. vers.

CUM verò ipsa narrationis series & tempora me constituerint apud hanc familiam (*Æmilios intelligit*) promissa superiore libro, in gratiam eorum qui aliquam cupiditatem habent cognoscendæ historiæ, nunc implere constitui. Ostensurum enim me receperam, unde & quo modo in tantum profecerit, ac expectatione celerius Romæ cœperit exsplendescere Scipionis gloria: tum etiam qua ratione Polybius in consuetudinem amicitiae ejus tam familiariter se insinuaverit, ut non Italiam modo Græciamque fama eorum pervagaretur, sed longinquas apud gentes quoque summa animorum studiorumque conjunctio celebraretur. Et quemadmodum quidem principio alter alteri conciliari cœperit atque commendari, ex commodato librorum usu, secutaque de illis collocutione, ante demonstravimus. Procedente autem consuetudine, cum, qui evocati Romam erant Achæi, per oppida Italiæ distribuerentur, Fabius & Scipio, Lucii filii, Prætorem adeuntes, ut Scipio Romæ maneret, perfecerunt. Quo facto, aucta in majus familiari consuetudine, forte fortuna evenit,

venit, quod dicam. Progressi enim una omnes quondam domo Fabii, hic quidem ad forum, in alteram autem partem cum Scipione Polybius, deflexerunt. Inter ambulandum Publius voce ad placidam lenitatem composita, quid verò ita, Polybi, inquit, duo cibum una capimus fratres, tu vero continenter differis, omnesque interrogationes & responsiones ad illum vertis, me autem præteris? nisi quod satis hinc apparet, eandem te de me sententiam fovere, in qua & alios esse cives intelligo. Lenem enim me lentumque, ut audio, plerique existimant, multumque à Romanis studiis diversum: eo quod foro operam dare non solem. cum familiam, unde ortus sum, tali patrono minime, longe autem alio indigere viro dicant. Quæ res non minimum mihi dolorem affert. Polybius miratus adolescentem, in hanc orationem ingressum (neque enim plus annis octodecim habebat) ne per Deos, inquit, Scipio, ista vel fare, vel in animum omnino admitte. Neque enim vel contemptu vel neglectu tui ego ista facio (multum id quidem abest) sed, quia major natus est frater, ideo & ab illo ordior, & ad illum finio, quæ in argumentum sermonis atque consultationis veniunt: illum denique spectro, quod eadem te sentire cum illo existimem. In eo autem admiratione dignissimus mihi videris, quod probro ducis, illis, qui ex hac familia originem ducunt, iusto remissiorem haberi. Magnæ enim indolis specimen hinc licet capere. Et ego sane lubens me tibi dediderim, atque ad dicenda faciendaque, quæ majoribus tuis digna sunt, adiutor extiterim. Nam quod ad studia attinet, in quibus magnam vos animi contentionem video adhibere, non deerunt, qui & tibi & fratri promte navabunt operam. Hujus enim generis magnam animadverto ex Græcia huc confluere copiam. In iis vero, quæ te nunc sollicitum habent, & de quibus sermonem orsus es, nemo quisquam, me aptius, puto, studia & labores suos tecum sociaverit. Loquentis adhuc Polybii dextram avide amplexus Scipio, utraq; manu prendit, ac, videam vero, inquit, illum diem, cum relictis rebus omnibus, me curare, & contubernio æstimare in animum induces! Eo certe principio statim & familia me & majoribus meis dignum arbitrabor. At Polybius, sicut perspecto adolescentis studio

D d d

& ar-

& ardore lætabatur, ita cum familiæ excellentiam & opulentiam virorum reputaret, diverse animo afficiebatur. Ceterum, postquam ita inter eos convenisset, nunquam à latere Polybii discessit adolescens, cunctaque ejus consuetudine leviora habuit. Atque ex eo tempore, cum inter ipsa negotia continenter documenta sui alter alteri dedissent, accepissentque, ad paternam plane necessitudinem & unicum cognationis affectum coaluerunt. Primum ex honesto certamen, temperantiæ gloriam concupivit; si hac laude omnes post se æquales relinqueret. Ingens & arduum id decus, neque non insidiis hoc temporis expositum, inter corruptos ac in deteriora lapsos plerorumque mores: dum alii in puerorum, alii in fœminarum amores effusi, quidam acroamatis & computationibus dediti, Græcorum in hoc genere studia à bello Persico strenue æmulabantur. Ea certe in id genus rebus juventutis luxuria incesserat, ut non paucis adolescentulum, quem amassent, talento emtum constet. Inprimis autem per hæc tempora vulgo hæc studia conspiciebantur: cum, quod everso Macedonum Imperio, haud dubie summa rerum penes Romanos esse videretur; tum quod opibus copiisque variis ex Macedonia Romam translatis, apud privatos pariter & publicè felicitas seculi præfulgeret. At Scipio diversam vitæ rationem secutus, cum omnibus cupiditatibus resisteret, æqualiterque & constanter mores suos per omnia regeret, annis prioribus circiter quinque modestiæ ac temperantiæ laudem apud omnes insignem sibi comparavit. Post quæ, pullo interjecto spatio, quanta in pecuniis tractandis animi magnitudine & integritate alios præcelleret, ostendere concupivit. Qam ad rem tum genitoris disciplina convictuque pulchre incitabatur; tum præclaros à natura ad honestum imperus acceperat. Sed nec pauca evenerunt, quæ ad tale studium ultro ei adjumento essent. Hæres enim mox magnarum opum relictus à Patris adoptivi matre, eademque patris naturalis Lucii sorore, uxore autem Avi per adoptionem, Scipionis cognomento Magni, quæ diem suum obierat, primum hoc sui animi experimentum dare constituit. Consueverat autem Æmilia (id enim nomen mulieri erat) amplo paratu in solennibus matronarum pompis

pis uti, quippe quæ cum Scipione tum maximè florente ætatem egisset. Præterquam enim quod eximiè culta, pileto ornato procedebat, canistra etiam & pocula cum cetero sacrali apparatu, ex argento, est cum ex auro, in celebriores conventus eam sequebantur. nec disconveniebat ancillarum servorumque numerosior comitatus. Quo ille cultu universo, statim à funere Æmiliæ, matrem donavit. Ea jam pridem divortio digressa à Lucio, vitam parum pro splendore generis tolerans, cum hætenus egressus solenniores vitasset, forte tum sacrificio publico & celebri, cum Æmiliæ instrumento, mulionibus, bigis, carpento processit. Attonitæ ergo tali spectaculo matronæ, Scipionis bonitatem, animique magnitudinem laudibus ferebant, manibusque in cælum sublatis bene ei precabantur. Præclarum hoc, nec immerito, ubivis sane videatur: nisi quod Romæ eo admirabilius apparet, quo minus quisquam cuiquam de suis aliquid sponte donat. Ab hoc famæ, quæ ex virtute confurgit, primordio, ad multum gloriæ processit: scæminis præsertim loquacius & effusius sua studia promentibus. Subinde Scipionis Magni filiabus, patris adoptivi sororibus, dimidium dotis debebat exsolvere. Pater enim, filiarum utrique XL. talenta destinaverat: cujus summæ partem dimidiam maritis earum mater statim numeravit, alteram partem moriens in ære alieno reliquit; quod à Scipione Patris sororibus persolvendum erat. Cum autem jure Romano debitas mulieribus dotis nomine pecunias annua, bima, trima die pernumerari oporteret (nam supellectilem & instrumentum domesticum decimum intra mensem præstari mos est) Scipio statim mensario præcepit, ut sororum utrique XXV. talenta mensibus decem proximis repræsentarentur. Accedentibus ergo Tiberio Graccho, & Scipione Nasica, maritis scæminarum, quas dixi, ad mensarium, & si quid Scipio de pecuniis mandasset, interrogantibus, ille, ut acciperent, monuit, atque utrique viginti & quinque talenta de scriptura adnumeravit. Illi errare eum autumantes, non totam sibi pecuniæ summam in præsens deberi per leges, sed tertiam tantummodo partem, aiebant. Cum iterum asseveraret mensarius, non aliter sibi à Scipione mandatum, vix fidem adhiben-

res juvenem ipsum adire instituerunt, cuius de errore jam suspicabantur, nec injuria. Neque enim Romæ quisquam, non dicam L. talenta, nisi intra triennium, sed ne unum quidem talentum ante præstitutam diem numeraverit. Tantum unusquisque diligentiae, in summis; lucri, in tempore ponit. Cum venissent ad Scipionem, & super mandatis mensario datis requisivissent,isque de omni pecunia sororibus numeranda se præcepisse ostenderet, falli eum de argento dixerunt, cuius curatio & usus multo adhuc tempore ipsi secundum leges relinqueretur. Scipio, nihil sibi horum ignotum præfatus, cum alienis quidem ex forma legum, cum propinquis autem & amicis, quanta fieri potest, simplicitate & gravitate agendum respondit: atque universam à mensario pecuniæ summam eos accipere iussit. Quibus illi auditis, magnitudinem animi in Scipione admirati, suam autem minutam industriam, quanquam nemini de cetero Romanorum concederent, contemnentes, taciti domum regressi sunt. Mortuus post biennium pater naturalis Lucius, ipsum cum fratre Fabio reliquerat bonorum heredes. nam filiorum ceteros partim in adoptionem dederat aliis, partim quos domi in spem generis alebat, fato amiserat: neque adeo præter duos, quos dixi, quibus sua relinqueret, habebat. Scipio autem, perspicuens fratrem Fabium re familiari minus lauta esse, tota hæreditate, cuius summa sexaginta amplius talentorum erat, cessit, ut vel hac demum ratione sibi eum adæquaret. Cum hoc factum laudibus omnes ferrent, ipse luculentius etiam aliud sui animi specimen edere coepit. Volebat frater gladiatores in honorem patris præbere, sed magnitudini impensarum succumbebat. Scipio itaque dimidiam partem de suo contulit: cum ad XXX. talentorum summam, si quis splendidius facere spectacula velit, ea res ascendat. Hujus quoque facti famâ latè proditâ, cum mater decessisset, tantum abest, ut recipere, quæ tam liberali manu in eam, sicut ante demonstratum est, contulerat, in animum induceret; ut sororibus suis & illa, & omnem reliquam matris substantiam, unde lex nihil sane illis addicebat, tribueret. Translato igitur denuo ad sorores Æmiliæ instrumento apparatuque, pompis solennibus destinato, renovari coepit iterum gloria

gloria magni & suorum studiosi animi in Scipione. Atque his quidem ab ineunte ætate studiis Scipio ad modestiæ & virtutis laudem contendit. cujus rei causa sexaginta circiter talentis infumtis, neque enim minus de suo est largitus, haud dubiam consecutus est bonitatis & elegantiae famam. id quod non tam magnitudine pecuniarum, quam opportune largiendo, & gratiam dextrè collocando confecit. Temperantiæ autem fructu potitus est, nullo quidem sumtu facto, sed dum multis se variisque voluptatibus abstinuit. unde & hoc ei lucri accessit, ut corpore sano & habitiore uteretur per omnem vitam, largaque adeo solidarum voluptatum præmia, quod præmaturis abstinuisset, perciperet. Supererat vel præcipua, tum in omni Republica, tum imprimis Romæ, fortitudinis laus: ad quam comparandam multâ prorsus industriâ & exercitatione opus esse judicavit. Huic igitur studio ejus, eximium quoddam adjumentum fortuna subministravit. Erat inter Macedonicorum Regum instituta, fortiter venari, locisque per Macedoniam opportunis cogi solebant feræ. Quæ loca & alias, & toto belli tempore diligenter ac intacta asservabantur; omnique adeo ferarum genere plena erant. Confecto autem bello, cum Lucius reputaret, præclaram esse, & juvenili oblationi convenientem venandi exercitationem, venatores Regios Scipioni totamque negotii venatorii potestatem tradidit. Qua ille accepta, regnum sibi videbatur consecutus: totumque illud tempus, quo exercitus post victoriam in Macedonia substrit, huic studio impendebat. Cum enim hujus rei maxima ei facultas suppetere, vigorque ætatis, & naturæ propensio accederet, instar generosi canis, constanti ardore venationibus inhiabat. Quare & Romam pervectus, ascito hujus studii æmulo ac socio Polybio, quantum reliqui juvenes judicis & salutationibus dabant, assidue forum terentes, favoremque multitudinis hoc pacto aucupantes; tantum Scipio venationi intentus, cum semper aliquid splendidum ac memoratu dignum factitaret, alios gloria longe anteivit. Illi enim laudem consequi, nisi civium aliquem læderent, non poterant. cum aliter mos judiciorum non soleat ferre. Hic vero, nemine prorsus offenso, fortitudinis gloria apud omnes ce-

lebratus, famam superare factis certabat. Igitur brevi tempore tantum æquales anteivit, quantum Romanorum nemo, quod memoria proditum sit: quamvis viam insisteret ad gloriam, plane ab aliorum proposito omnium diversant, si mores ac instituta Romanorum spectemus. Verboſius autem haſtenus, quæ ad ſtudia Scipio ab ineunte ætate animum adjunxerit, executus ſum, quod & ſenioribus voluptati, & junioribus uſui futuram crederem hanc commemorationem. Inprimis conſilium mihi fuit, fidem iis, quæ inſequentibus libris de Scipione dicentur, præſtruere; ne dubitandi cauſa ſuperſit cognituris deinde res ejus, propter admirabiles eventus; neve fortunæ tribuendi, quæ ratione & conſilio geſta ſunt, ob ignorantiam cauſarum, quibus ſingula acciderunt. niſi quod oppido pauca ad fortunam & caſum referre fas eſt. Atque iſtis quidem, per modum digreſſionis ab re propoſita, commemoratis, nunc ad ordinem ſuſcepti operis revertor.

ANNOTATA.

Scipio Polybii inſcribitur hoc elogium. Polybius enim ſtilo ſignandam ſibi paulo diligentius Scipionis conſuetudinem judicavit: cujus non minima laus ad ipſum rediret, exemplo in omne ævum nobili convictionis ac diſciplinæ, qua indoles excellens adoleſcentis ex viri præclari ſermonibus, moribus, contubernio, ad omnis ſapientia & virtutis gloriam latiffimo proſectu exuberavit. Ut hoc quoque delicato ſenſu, Scipio Polybii, & Polybius Scipionis, laudari mereatur. Velleji (lib. 1. c. 13.) locus notus eſt: Scipio tam elegans liberalium ſtudioſorum omniſque doctrinæ & auctor & admirator fuit, ut Polybium Panætiumque, præcellentes ingenio viros, domi militiæque ſecum habuerit. neque enim quiſquam hoc Scipione elegantius intervalla negotiorum otio diſpunxit: ſemperque aut belli aut pacis ſerviit artibus: ſemper inter arma ac ſtudia verſatus, aut corpus periculis aut animum diſciplinis exercuit. Quam diſſimiles ſunt, ac degeneres ab indole & propoſito Scipionis, qui nobilitatem generis, ignorantia & contemptu omnis doctrine marſcunt: literiſque in ipſo regno ſuo convitiis more barbaro faciunt! Quid aliud Scipio rediviſus, quam pro eximia eruditione ſua, inter otii medita-

menta,

menta, novam sed veram fabulam, titulo ab Euripide jam celebrato scriberet?

Qui evocati Romam erant Achæi) Mille erant amplius Achæi, qui victo Perseo Romam evocati sunt anno Olympiadis CLIII. primo vel secundo. V. C. 586. vel 587. ad dicendam causam, quod Romanus parum favissent in bello. Erat causa eorum miserabilis; nullo enim Romanorum odio, sed amore patriæ id consilij ceperant, sicut potes intelligere ex Eclog. Polyb. 74. cumque totiens legationibus missis peteretur, ut causa eorum cognosceretur, neque iniquum peti Senatus Romanus videret, factum tamen est ut vel alius consilijs res impediretur (vid. Eclog. Polyb. 105. 122.) vel astu parum laudabili subverteretur vel pertinacia traheretur. Eclog. Polyb. 137. In his eximia fors fuit Polybii nostri, quod ceteris per Italiam distributis, ipse Roma remansit, quod hoc loco narrat: & domi præ ceteris desideratus est. quod Eclog. 122. memorat: & post 17. custodia talis annum, in quos factum non absumserat (trecenti circiter supersuerunt) reditum ea qua valebat apud Romanos gratia impetravit. vid. Plutarch. in Cat. & Pausan. Achaic. Ipse autem Roma mansit, & in 26. annum post dimissas Achaëorum reliquias supervixit. Caterum in hac re artes minime Romanas agnoscere licet.

Eo quod operam foro dare non soleam.) Inter studia Nobilitatis Romana id erat. Describit graviter Fab. Quintil. de causis corrupt. eloq. cap. 34. Modus tamen laudari meretur. de quo Suetonius in Tito (cap. 4.) Foro operam dedit honestam magis quam assiduam. Inprimis in accusando: ubi Cicero audiendus 2. de offic. 14. Atq; de hoc genere potissimum exaudienda videntur verba Polybii: ὅτι καίτοις ἐν ἀρχαῖς λέγειν.

Lenem enim me lentumque, ut audio, plerique existimant) Διάλ. in hanc, siue opinionem aut iudicium vulgi, Diodorus quoque Siculus in Excerptis Peirescianis, verbis Polybium, ut sepe, imitantibus refert: καίτοις ἐν ἀρχαῖς πρὸς τὴν φιλοσοφίας ἀψαύει, ἐὰν παρὰ τοῖς πολλοῖς ὡς καθὲρ αὐτὴν ψυχὴν, καὶ τὴν βάρυν τῆς δικίας ἐκ ἀξιώσεως διὰ δόξης, & προσέτης. Quanquam ab initio antequam Philosophiam attingeret, segniore plerisque ingenio esse videbatur, nec idoneus, qui tantæ dignitatem familiæ, successionem ad se delatam, sustineret atque tueretur. Adde Suidam, voce Διάλ. is: quam Polybio familiarem agnoscit demonstratque.

Nam

Nam quod ad studia attinet -- non deerunt, qui & tibi & fratri navabunt operam.) *Videtur hic in alios transferre Polybius curam docendi Scipionis.* At Diodorus in Excerptis, Polybium ei in Philosophia Praeceptorem dat: ἔδωκεν ἑαυτὸν πρὸς τὴν ἐν φιλοσοφίᾳ λόγους, λαβὼν ἐπιστάτην πολύβιον τὸν Μεγαλοπολίτην τὸν τὰς ἰσοείας συντάτταμενον. Et Suidas καθηγησάμενον Σκιπίωνος Λαερτικῶν vocat. Scilicet, quae ad literas pertinerent, & variam eruditionem, alius Magister delegavit Polybius: at prudentiam, artesque belli & pacis ipse sibi tractandas sumpsit. In his enim toto animo conversus, usque multiplici eruditus, nunquam ad aliena aut vniusa obhaesit. sicut tam efficaciae doctrinae specimen, scripta ejus passim demonstrant. Imo hac ipsa Polybii narratio, non aliud finit nos iustificari, cum se & Scipionem ἐπ' αὐτῶν τῶν πραγμάτων πείραν αὐτῶν διδόντας ἀλλήλοις prae-dicat, ne quis, cum Sebastiano Maccio, vilitatem nescio cuius pedagogi somnare instituat. Annum aetatis 18. agebat tum Scipio, literis iam probe eruditus, cum Philosophis se Gracis daret, & Polybium ad rerum publice privatimque praeclare gerendarum disciplinam expropteret.

Inter corruptos ac in deteriora lapsos plerorumque mores (Locus eximius de luxu Romano, & educationis vitio. Diligenter autem describit Polybium, Diodorus. Polybius, quam difficile fuerit hoc tempore continentia laudem adipisci, ostendit, διὰ τὴν ἐπὶ τὸ χεῖρον ὁρμὴν τῶν πλείστων. οἱ μὲν γὰρ εἰς ἐρωμένους τῶν νέων, εἰ δ' εἰς ἱταίρους ἐξεκέχυντο πολλοὶ δὲ εἰς ἀκρεάματα καὶ πότες, καὶ τὴν ἐν τούτοις πολυτέλειαν, ταχέως ἤρπακότες ἐν τῷ περσικῷ πολέμῳ τὴν τῶν ἑλλήνων εἰς τούτο τὸ μέρθ' εὐχέρειαν. Diodorus ita exequitur: πολλὰ γὰρ τις ὁρμὴ πρὸς τὰς ἀναίδην ἡδονὰς. καὶ τὴν ὑπερβολὴν τῆς ἀκολασίας τοῖς τότε νέοις ἐντεπλάκει. οἱ μὲν γὰρ εἰς ἐρωμένους, οἱ δὲ εἰς ἱταίρους, εἰ δ' εἰς ἀκρεάματα παντοδαπά, καὶ πότες καὶ καθόλου τὴν ἐπὶ τούτοις πολυτέλειαν ἐξεκέχυντο. ἐν γὰρ τῷ περσικῷ πολέμῳ χρόνον πλείονα διαλείψαντες, ταχέως ἐζήλωσαν τῶν ἑλλήνων τὴν περὶ τούτο τὸ μέρθ' εὐχέρειαν, ἀλλὰ καὶ καὶ χρημάτων εὐπορηκότες, καὶ χρηστὴν ἀξιοχρεῶν τὸν πλοῦτον ἐχούσας τὰς πρὸς τὰς ἡδονὰς δαπάναις. Quae posteriora etiam ex Polybio sumpta sunt. Et quantum ad intemperantiam juvenum, quae incidetis eorum animis, exemplum in Polybio praecesserat: καὶ τυλικαὺς τις ἐντεπλάκει περὶ τὰ τοιαῦτα τῶν ἔργων ἀκρατία τοῖς νέοις, ὥστε πολλὰς μὲν ἐρωμένους ἡγορεῖσθαι τάλαντα. Quibus verbis subiectam, non sine ratione censet doctissimus Henricus Vallesius, sententiam Catonis, quam

ex

ex 91. Polybii libro Athenæus refert libr. 6. Querebatur enim, Romam inferri peregrinas delicias; ita ut vas fassamentorum Ponticorum trecentis drachmis quidam emant; *μειζόνια δ' ὠμωρρα ὑπερβαλλόντες ἀγρῶν λιμῆς*. pueros autem speciosos majore, quam agri solent venire, pretio.

Annis prioribus circiter quinque modestiæ ac temperantiæ laudem apud omnes insignem sibi comparavit] *Græca ita habent: πλὴν ὁ γὰρ Σκιπίων ἐρμήσας ἐπὶ τὴν ἐναντίαν ἀγωγὴν τῷ βίῳ καὶ πάσαις ταῖς ἐπιθυμίαις ἀντιπατάμενος, καὶ πᾶν τὸ ἴδιον ἐμολογούμενον καὶ σύμφωνον ἑαυτὸν κατασκευάσας κατὰ τὸν βίον, ἐν ᾧ πέντε τοῖς πρώτοις ἔστι πάνδημον ἐποικήσας κατὰ τὴν ἐπ' αὐτὸ ἀξία καὶ σαφροσύνην δόξαν.* Apparet postrema corrupta esse. illud enim ἐπ' αὐτὸ ἀξία, nihili est. Non dubico quin ex Diodoro legendum sit ἐπ' εὐλαξία. quod & doctissimo viro Henrico Valesio melius videtur, quàm ἐπ' αὐλαξία, sicut ab initio hanc vocem excogitaverat. Compara totum locum Diodori: *ἔτι ὁ Σκιπίων ἐρμήσας ἐπὶ τὴν ἐναντίαν ἀγωγὴν τῷ βίῳ, καὶ πάσαις ταῖς τῆς φύσεως ἐπιθυμίαις, ὥσπερ ἰσὶ θνητοῖς ἀντιπατάμενος, ἐπ' ἧς ὁ λοιπὸς πέντε ἔστι πεποιησάσας πάνδημον, καὶ συγχορημίων τὴν ἐπ' αὐλαξία σαφροσύνην.* Quinquennium illud Cl. Henricus Valesius interpretatur à tyrocinio & summa virili ioga, usque ad annum ætatis vicesimum, id est, τὴν ἐφηβείαν. Polybius, primos quinque annos vocat. possit videri repetendum eorum initium à consuetudine cum Polybio ætiorre, quando decimum octavum ætatu annum agebat Scipio. Sed res ipsa priores τῆς ἐφηβείας annos annumerari postulat. Ex his autem pubertatis annis, de toto vita proposito, spes metusque peti consuevisse, monstrat Valesius ex Coeliana Tullii & loco Polybii nostri (lib. 6.) quem etiam Suidas descripsit voce ἐφηβή: *ἡ δὲ ἐφηβεία κατὰ τὴν ἑρμηνείαν βίῳ καὶ ὕγιγι.*

Quanta in pecuniis tractandis animi magnitudine & integritate alios præcelleret] *Lubet hic comparare Polybii & Diodori sententias. Polybius loco, qui Latine exhibetur: μετὰ δὲ ταῦτα κατὰ τὸ συνεχὲς ὤρμησεν ἐπὶ τὸ περὶ τὰ χρήματα μεγαλοφυχία, καὶ καθαρῶς τῇ διανοίᾳ τῶν ἄλλων. Diodorus: ὤρμησεν ἐπὶ τὴν μεγαλοφυχίαν, καὶ τῇ περὶ τὰ χρήματα ἐλθούσῃ διανοίᾳ τῶν ἄλλων.* Pauca immutavit in Polybianis, imitatione erudita, & qua sapientiam auctoris æmularetur. Inprimis enim exquisitè Polybius μεγαλοφυχίαν & καθαρῶς τῇ περὶ τὰ χρήματα συνεκτικῶς conjunxit. nec defuit Diodoro elegantia

Eccc

singu-

singularis ratio, cum ελευθεριότητα περὶ τὰ χρημᾶτα appellares, & μεγαλοψυχίας voce, qua neuter aptiorem invenit, interpretaretur: ἵσταν ἔν η̄ μεγαλοψυχία οἶον κόσμον ἴς εἶναι τῶν ἀρετῶν, ut ex Aristotele id repetamus. 4. Etb. 3. Et, quanquam alia virtus sit, qua pecunias tractat: sine magnitudine tamen animi nemo prestat, quod Scipio, in ulla pecuniarum opumve ratione. Sequitur in Polybio: πρὸς δὲ τὸ τοῦ μέτρου καλὴν μὲν ὑποδοχὴν εἶχε τὴν μετὰ τῷ κατὰ φύσιν πατρὸς συμβίωσιν, καλὰς δ' ἐκ φύσεως ὁρμὰς αὐτὸς ἐπὶ τῷ μέτρῳ. Πολλὰ δὲ αὐτῷ καὶ ταυτόμαλον συνήρνησε πρὸς τὴν ἐπιβολὴν. Quæ Diodorus flosculis quibusdam oratoris, ut alia alias, aspergere conatur in hunc modum: πρὸς δὲ τὸ τοῦ μέτρου τῆς ἀρετῆς, εἶχε μὲν καὶ τὸ ἡθὺς τὴ κατὰ φύσιν πατρὸς Ἀμιλίου, πρὸς μίμησιν καλλιζον ἀρχιτύπον. καὶ καθόλου τὴν μετ' ἐκείνου συμβίωσιν πεποιημένῃ, προερχομένην ἢ τὴν τῶν προτέρων, καὶ προὔπεσσαν. ἐκ ὧν δὲ αὐτῷ συνήρνησε καὶ ταυτόμαλον, παρὰ φύσιν ὁρμὰς τῷ λαῷ πεισθέντι αὐτῷ γενέσθαι ἀρισταρχίαν. Et ad hoc quidem virtutis genus optimum habuit patris Æmilii exemplum, quippe dum ejus consuetudine familiariter per omnia utitur, præceptam quasi & expressam habebat præcipuarum rerum disciplinam. Sed nec fortuna distulit occasiones suppeditare, quibus alienus ab amore habendi animus viri, fama promulgaretur.

Præterquam enim quod exim. cult.] Locus notabilis de paratu illustrium seminarum in pompis solenniibus. Quem Suidas παυκουλὶς ἰνστιχίς ita descripsit, voce ἀπὴν. Χωρεῖς γὰρ τὸ περὶ τὸ σῶμα καὶ τὴν ἀπὴν κόσμος καὶ τὰ κινὰ καὶ τὰ παύσια, καὶ τὰλλα τὰ πρὸς θυσιᾶν ἀργυρὰ πάντα καὶ χρυσὰ συνῆχολούθει κατὰ τὰς ἐπιταγὰς ἐξόδους, Ἀμιλία τῇ τῷ Σκιπίωνι γαμειῇ. Addit Polybius μοχλὸν ζυγόν (junctum vehiculum Livius lib. 34. c. 1. vocat. illas bigas, & τὰς ὀρεωκόμους. Diodorus contentus est, verbo designasse, περικοπὴν κόσμου. ubi in margine quidem annotatur: MS. προκοπὴν. Sed Polybius quoque τῆς Ἀμιλίας περικοπὴν καὶ χορηγίαν dixerat, occurratque exemplum hujus significationis apud Suidam, præter Polybii locum hunc quem describit, & per ὑπαρξιν explicat, etiam alius voce περικοπὴ. ὁ δὲ προηγ. πόντος εὐσελον τὴν ἀκολούθειαν καὶ τὴν περικοπὴν τῆς ἐκδημίας. ubi non dubitandum quin περικοπὴ τῆς ἐκδημίας sit numerosior comitatus, cui modus positus memoratur. De carpentis matronarum vel ex Livio constat: ubi Cato, voluisse eas carpentis, festis profestisque diebus per urbem vectari (34. 1.) ostendit:

stendit: quod etiam obtinuerunt. Atque huc etiam Mulæ carrucæ pertinent, & οἱ ὀρωκμοὶ i. e. ἐπιμαλταὶ τῶν ἡμιόνων. καὶ in apparatusu sacrificiali, apud Pollucem, & alios habes. Unde τὰ κατὰ ἐκ χρυσῶ περιποιημένα, ἐφ' ὧν τὰς ἀπαρχὰς πάντων ἐτίθενται: & αἱ παρθένοι καυηφόροι, & τὸ καυηφορεῖν apud Scriptores obvia.

Pater enim filiarum utrique XL. talenta destinaverat] *Adscribenda & hic doctissimi Henrici Valesii animadversio. μ' τάλαντα. Legendum esse apparet πνυτήκοντα, quod verba sequentia prorsus evincunt. Error ex notis numeralibus est: quippe 1' quod 50. significat, in mss. libris fere ut μ exprimi solet. quinquaginta autem talenta duodecies sestertium efficiunt more Romano: quam pecuniam dotis nomine Scipionis filiabus datam esse scribit Polybius. Ex quo apparet, errare eos, qui decies sestertium legitimam ac certam inter Senatores Romanos dotem fuisse existimant.*

Cum autem jure Romano debitas mulieribus dotis nomine pecunias, annua, bima, trima die pernumerari oporteret] *Causa tota hæc est: Pater utriq; filia quinquaginta talenta dotis nomine spononderat se daturum. Ex ejus igitur voluntate, mater utriq; genero dimidium summa præsentis pecunia numeraverat: dimidium moriens in ære alieno reliquerat: quod Scipio, adita mulieris hereditate, exsolvere ipsis debebat: Sed ex jure Romano, ut quidem Historicus ais, non nisi annua, bima, trima die. Ille autem totam summam intra decimum mensem proximum representavit. Quod hoc jus Romanum? Henrici Valesii hæc est annotatio: Hujus Legis alibi, quod sciam mentio nulla extat. Idem autem valuisse existimo, & si extraneus dotem promississet, ut annua, bima, trima die solvenda esset, nisi nominatim aliud convenisset. poterat enim ex pacto dies prorogari l. 19. D. de pact. dot. quod si nulla conditio apposita fuisset, annua, bima, trima die numerabatur ex Lege XII. tabularum, ut opinor. At supellex intra decem menses à contracto matrimonio præstari debebat ex iisdem Legibus, teste Polybio. cujus Legis ratio hæc videtur fuisse, quod ob necessarios familiæ usus supellestilis præstatio differri non debuit. ex his intelligendus est locus Deillii apud Senecam in suasoriis, qui, cum Athenienses tempus ab Antonio peterent ad pecuniam conferendam, quæ ipsis im-*

perata erat dotis nomine, neque impetrarent, dixit: Et tamen scito illos tibi annua, bima, trima die debere. *Ita scilicet correxerat locum suavor.* 1. Cujacius Observat. lib. 7. c. 20. quod & Cl. Gronovius in sua editione secutus est. Formula ipsius explicationem adscribam ex literis Nobilissimi & Amplissimi Viri D. D. Rebhannii Jureconsulti, sui Collegii Senioris, Codicis & Feudal, Placit. Professoris celeberrimi, Patroni venerandi, ad Magnificum & Amplissimum Præsidem hujus dissertationis *datu*: Annua bima, trima, quadrima die quid promittere, in jure est formula vulgaris & adjectio, quæ in omnibus negotiis, ubi quis ad quid præstandum obligatur, locum habet. e. g. in ultimis voluntatibus, ut in l. 3. §. 13. ff. de Statu lib. testator Stichum liberum esse jubet, si annua, bima, trima die denos aureos hæredi dederit. Item in l. 19. ff. de legat. 1. ibi, quas pecunias legavi, quibus dies appositus non est, annua, bima, trima die hæres meus dare damnas esto. add. l. 50. ff. d. 1. & locus in primis elegans est in l. 49. §. 1. ff. eod. de legat. 1. Nihilque aliud significabat, quàm majoris summæ partialem solutionem (diem enim hic annum significare etiam ex l. 19. ff. de pact. dotal. ibi, quinto anno, & passim apparet & notum est) zu gewissen fristen, terminen zahlen. confer l. 14. ff. de cond. & demonst. Unde semper æquæ exsolvendorum portiones intelliguntur l. 3. pr. ff. de ann. legat. Ita usurpatur formula hæc in stipulationibus l. 8. §. 3. ff. de pign. act. in Empt. vend. l. 6. §. 1. ff. de contrah. empt. Inprimis vero in dote promissa exsolvenda, eademque soluto matrimonio restituenda. vid. l. 1. §. 2. ff. de dote prælegat. ubi notandum, quod dos nisi simpliciter & pure stipuletur (quo casu statim & in solidum exigi poterat) annua demum die h. e. lapso anno debebatur & exigi poterat; interdum etiam bima, trima, quadrima die, prout contrahentes in casus hos convenerant, ut videre est ex l. 19. ff. de pact. dot. inprimis vero l. un. C. de rei uxor. act. Cujus ratio differentię consistit in diversitate actionum, ubi enim stipulatio intercesserat pura, dabatur condictio certi ex stipulatu, quæ stricti juris: altero vero casu dabatur actio rei uxoriæ, quæ bonæ fidei, & beneficium competentię. quod condictio certi excludebat, bono mariti admittebat. Inprimis

mis autem notandum hanc adjectionem tum locum habuisse, ubi res, quæ pondere, numero & mensura constabant, h. e. fungibiles, in promissionem fuere deductæ: non autem ubi species sive corpora l. 30. ff. de Leg. 1. & l. un. §. 7. C. de R. V. act. conf. Ulpian. in fragm. Tit. 6. §. 5. *Hactenus quem laudavi, Præceptor meus venerandus Dn. D. REBHAN. Memorabilis interim habendus est hic Polybii locus de præstanda dote, ex antiquo jure Romano: quem ceu indubitabilem descripsit Diodorus; & Senecæ locus ante productus haud parum confirmat.*

Tiberio Graccho & Scip. Nas.] Plutarchus in Gracchis ita laudat Polybium Auctorem: καὶ Πολύβιος μὲν τὴν Σκιπίωνος ἀρετὰν ἰσχυρῶς, τὸς δίκαιος ὅστις ἐν πάντων προκείμεναις τὸν τιβερίον, δὲ τὴν κορνηλίαν, ὡς ὑπὸ τοῦ πατρὸς ἀνέκδοτον καὶ ἀνέγγυον ἀποληψέσθαι. Et Polybius post mortem Scipionis Africani, propinquos, ait, ipsius prætulisse omnibus Tiberium, & Corneliam ei dedisse, tanquam quæ à Patre nulli collocata aut desponsa esset. *Ubi dixerit hoc Polybius, quæri potest. Hic certe Polybii locus, inquit Henr. Valesius, manifesto arguit, utramque à Patre saltem desponsam esse. Ait enim hic Polybius Africanum L. talenta utrique filix dotis nomine promississe. Pergit Valesius: Itaque de Plutarcho quid dicam non habeo. Nisi forte utrumq; simul verum est, & à patre desponsam Tiberio Corneliam esse, & post obitum patris à propinquis rursus eidem desponsam de novo, quasi antea desponsa non fuisset, vel potius ratam esse habitam Patris Sponsionem, atque ita tollitur omnis difficultas. Tollitur in re difficultas; si ita dicamus: non tollitur in verbis Plutarchi: ubi τὸ ὡς ὑπὸ τοῦ πατρὸς ἀνέκδοτον καὶ ἀνέγγυον ἀποληψέσθαι, quomodo ad similitudinem potius, quam ad veritatem, sive asseverationem referri debeat, non finit nos ignorare Livius lib. 38. cap. 57. Huic Graccho minorem ex duabus filiis (nam major P. Cornelio Nasicæ haud dubiè à Patre collocata erat) nuptam fuisse convenit. Illud parum constat, utrum post mortem Patris & desponsa sit, & nupsit.*

Utrique viginti talenta de scriptura adnumeravit] In Græco est: ποιεῖν τὴν διαγραφὴν. Quod Valesius reddit: è mensa numerare, auctoritate Harpocratonis & Suidæ: ubi τὸ διαγράφειν per τὸ, διὰ λεγέσθαι ἀριθμῶν exponitur. Recte quod ad rem atti-

net, neque aliud scriptura hic notat, quam Scripturam mensæ. Romanis enim pecunias apud mensarios collocatas habebant. Notus est Commici locus (Phorm. act. 5. sc. 7. v. 29. & 30.) illud mihi Argentum jube rescribi Phormio,

P. Quod ne ego perscripsi porro illis quibus debeo? Perscriptiones (qua voce utitur Cicero Epist. ad Attic. 4. ult.) vel plerumque id notant, ut pecunia qua antea alij debebatur, nomen mutet, & ut nova Creditori debita, perscribatur: vel opponuntur tantum presenti & numerata pecunia.

Unde lex nihil sane illis addicebat] *Ad Legem Voconiam respicit Historicus, de qua eximia pleraque annotavit Antonius Augustinus Archiepiscopus Tarraconensis in erudito commentatio, de SCtis & LL. Add. not. Henr. Valesii ad h. l.*

Erat inter Macedonicorum Regum instituta] *In Polybio erat: τὸν ἐν μακεδονίᾳ βασιλικὸν. Sed ex Diodoro, qui hinc descripsit, corrigendum est, βασιλικόν.*

Tantum Scipio venationi intentus] *Itaque Henr. Valesii ad Scipionem nostrum indubie refert illa Polybii, quæ Suidas in voce διαλυσίς describit: διὰ γὰρ τὴν ὑπερβάλλουσαν ἐπὶ τούτῳ τὸ μίρον ἰπποδυσμίαν, ἣν ὑπερ αὐτῆς διαλυσίς, ὡς εἰδὲν προύργαστον ποιεῖν κατὰ τὸν βίον τὸ κυρεῖσθαι. Quod enim nimia in hanc rem cupiditate ferretur, opinio de eo erat, nihil eum in vita, venationi præpositurum. Sed Scipio non ad inanem voluptatem, sed ad laborem & bellandi studium venationem retulit, more antiquorum Herorum. Unde & Oppianus Poëta, venatorem suum, velut ad Martios labores armat ornatque.*

Corollarii loco.

Q. I. An legem Oppiam apud Livium (lib. 34. 1. &c.) potentius suaserit retinendam Cato, aut abrogandam disputavit Valerius tribunus plebis? Respondens stabit à partibus Valerii.

Q. II. An Aedilibus sumptuariam legem exerceri postulanti-
bus, Tiberius bonis argumentis contraxerit, apud Tacitum 3. A. 53. & 54? Omnino probanda videtur ejus oratio.

Q. III. De lege Voconia, cujus paulo ante mentio facta est, libet amplecti Augustini sententiam 3. C. D. 21. judicantis: Inter secun-

secundum & postremum bellum Carthaginense, lata est etiam illa lex Voconia; ne quis hæredem fœminam faceret, nec unicam filiam. Qua lege quid iniquius dici aut cogitari possit, ignoro.

Q. IV. Nobilis est digressio Polybii de proditoribus lib. 17. in excerptis Peirescianis: ubi ostendit, 1. qui proditores immerito vocentur. 2. qui verè proditores sint. 3. quæ eos Nemesis consequatur. Immerito qui vocentur proditores, his Exemplis ostendit. Possè enim fieri, ut aliqui rebus adhuc florentibus, auctor sit ineunda cum Rege aut Republica societas; neque proditor tamen haberi debeat. Sicut nec illum hoc crimine notari fas esse, ait, qui necessitate temporum adductus, cives suos ab instituta cum alio societate avocet, & ad nova fœdera traducat. Ita Aristanetum Achaos ab Philippi societate ad Romanorum amicitiam felicissimo cum successu traduxisset. Demosthenem igitur invidiâ proditorum immerito onerare magnos totius Græciæ viros, Cercidam & Hieronymum, & Eucampidam in Arcadia; Messenæ, Iphiadu filios, Nequem & Trasyllochum; Argu, Myrtum & Teledamum & Mnasiæ; in Thessalia, Daochum & Cineam; apud Bœotos, Theogitonem & Timolaum: non aliam ob causam, quam quod Philippi Macedonis societatem erant amplexi: cum tamen Arcades præsertim ac Messenæ, Philippo, cuius ope à dominio Spartanorum liberati erant, non parum deberent; longeq, aliud Atheniensium urbi, quam suis Civitatibus existimarent expedire. Demosthenem igitur, cum semel hauisset animo sententiam, universos oportere Græcos Atheniensium civitatem spectare, quosunque videbat sui ipsos rebus consilium capere, proditorum crimine infamasse. Denique consilia ejus & nimiam adversus Philippum contentionem, Atheni pene exitio fuisse, cum alii civitatibus multum illi viri, quos diximus, profuissent. Ardua questio, sed tueri lubet Polybii sententiam contra Demosthenem.

Q. V. Polybius in fragmentis libri 8. Theopompum valde reprehendit tanquam de Philippo Macedone nimia & falsa locutum. Quamquam autem Theopompi magna judicia vulgo male audiant (vide etiam Photii Biblioth. Cod. 276.) ea tamen, qua de Philippo eum scripsisset Polybius memorat, satis videntur defendi posse.

Q. VI. Dubitari potest, quid velut sibi Senatus Romanus, quando Ætolæ conditione latâ, δίδωται τὴν ἰσχυροτέραν πρὸς τὰς πόλιν τῶν κατὰ ἄκρας, ut permitterent se ac sua omnia in fidem ac potestatem

Roma-

Romanorum, definire, cum rogaretur, noluit, ἐπὶ τίσι δὲ δίδουαι τὴν ἐπιτροπὴν, quarum rerum arbitrium permitti intelligeretur? Putem nihil aliud Romanos, quam hoc voluisse significare, sine exceptione dedicationem intelligi. Polyb. Excerpt. Legat XV.

Q. VII. Idem scilicet significabat etiam Romanis, in fidem populi R. se permittere, σφας αὐτὸς ἐρχεῖσθαι εἰς τὴν Ρωμαίων πίσιν. δύναι αὐτὸν εἰς τὴν πίσιν. Quod apud Polybium Excerpt. Legat. 13. ita explicatur: παρὲ δὲ Ρωμαίοις ἰσοδυναμεῖ τὸ, τὸ ὡς τὴν πίσιν αὐτὸν ἐρχεῖσθαι καὶ τὸ, τὴν ἐπιτροπὴν δύναι παρὲ αὐτῶ τῷ κερτῶνι. Adde Liv. 36, 28. Ubi cum Phœneas legatus Ætolorum distingueret; non in servitutem sed in fidem tuam nos tradimus: non admittitur distinctio, & in fidem traditi, explicantur, dediti. Videndum ergo an satis bene consentiant Grotio tradita de I. B. 1, 3. 21. & 3, 20. 50. Id animadvertere quidem licet, Scriptores interdum subtiliter loqui, & distinguere, ut aliud sit: in fidem & potestatem venire; &, in fide & amicitia esse. Quod apud Cæsarem, & alibi observes.

Q. VIII. An Romanorum Consuetudo, rebus secundis, moderatos se præbentium; adversis autem, pacem ex. gr. à Persæo oblata respicientium, probabilis sit? apud Polyb. Excerpt. legat. 59. Sententiam Polybii sequi lubet, qui probat, addita hac ἐπιστάσει. εἰ δὲ καὶ δυνάτῳ ἢ ἐνίοις καί ποῖς ἰσχυρῶς ἂν τις ἐπαπορήσειν. An verò quibusdam temporibus satis id locum habere queat, non immerito aliquis subdubitaverit.



XX.

ULPII CRINITI
NERVÆ TRAJANI,
ET FLAVII CLAUDII VITÆ
COMPARATÆ.

PRO.

P R O O E M I U M.

Quoties Trajani facta & imperium considero, toties posteritatis sortem lugere soleo, quod cum leviora multa ex prima ætate ad nos transmississet historia, tanti Principis gesta per partes tantum ostenderit. Itaque dissertationem publice habendam scripturus, nullum mihi nobilius argumentum fore credidi, quam si viri hujus patriæ suæ vere patris, vitam moresque sparsim traditos colligerem, & velut in unum contracta specie oculis animisque legentium subjicerem. Ad quod me primo institutum impulit, admirabilis Oratoris nostri Plinii, non minori gravitate, quam prudentia dictus ille Trajano panegyricus; in quo eximias Optimi Principis virtutes digna oratione persecutus est: nec sane abnuo plurimum illum mihi & certe tantum, quantum alii omnes, in hoc opere adjumenti attulisse; quippe qui totum nobis civilem Trajanum (pauciora enim sunt quæ de militari dicit) multa sapientia & variis acuminibus proposuerit; ut qui non ex tam nobili scripto moderatum & civilem principem agnoscere velit, plane cæcutire eum necesse sit. Verum sicut plurimam ille mihi operam, ita tamen non omnem præstitit. accessere huic *Entropius, Xiphilinus, Zosimus, Constantinus in excerptis, Victor, Eusebius.* admisimus etiam quædam ficta ex *Damasceno & Gotfrido Viterbiensi*; præcipuorum historicorum autoritate muniti, qui rebus gravibus antiquitatis fabulas nonnunquam intermiscere non absurdum putarunt. Sic condendæ historiæ materia congesta, unum adhuc supererat, extruendi modus: hujus rei ut exemplum quoque mihi caperem, *Plutarchum* se-

cutus, post cognitam ejus tractandi rationem, politicæ magis commentationi quam historicæ narrationi similem, illud etiam experimento didici, nihil satis grate sine comparatione dici. Quare tantum præceptorem imitatus, alteram quoque partem disputationi meæ addere constitui. Peragranti autem mihi historiæ Romanæ monumenta, bis publicus status maxime corruptus visus est; Domitiani semel temporibus, quem inde Trajanus; iterum Galieni, quem Claudius mox correxit. Præter ceteras itaque virtutes, quas uterq; communes habuerunt, illud quoque non inter minima numerandum putavi, quod ambo nutantem Remp. firmavere. His ego rationibus motus, cum Claudium potissimum elegissem, quantum per mutilas historias licuit, cum Trajano nostro contuli, & quibus illi similis quibus dissimilis fuerit, breviter explicavi. Adjuvare me in hoc studio *Trebellius Pollio & Zosimus*, qui pauca quædam de hoc tam memorabili Imperatore, quem Senatus *patrem, amicum, bonum Senatorem, & vere Principem* judicaverat, dixere. Gravis, fateor, materia & longe meo ingenio major: ea tamen ipsa difficultate fretus, minus dubitavi hanc potissimum mihi exarandam sumere, quoniam dubitare non debui, facilem me veniam apud æquos judices esse impetraturum. Lectoris itaque benevolentia fretus, aggredior nunc argumentum ipsum, Trajanique virtutes & imperium persequor, mox de Claudio etiam dicturus.

CAP. I.

ULPIUS CRINITUS TRAJANUS, è medio-
cri quidem familia, nullisq; majorum imaginibus insigni, paucorum vero hominum in Remp. meritis adeo clara, ut nulli Romæ secunda esse queat, aut haberi, ortum suum traxit. Pater ejus Trajanus, vir insignis, fortibus factis,

ut

ut primus ex gente sua Consul P. R. renunciaretur, meruit. ex hoc noster prognatus, patriam indignam pæne tantis virtutibus nactus est. Non enim Italia, nec Roma; sed Hispania, sed Tudertinum, ignobile, nisi Trajanum genuisset tantum futurum Imperatorem, & aluit & educavit. Vulgo autem tum nobilior juvenus in Græciam sapientiæ amore pertracta certatim proficiscebantur; sed plerumque inde reversi lingua prompti, actu erant vecordes: plurimi enim in ea terra optima præcipiebant, pessima faciebant. Noluit itaq; Trajanus literis primos annos tribuere, sed quod alii legendo scribendoq; illud ipse tempus dedit militiæ præparamentis. quare ab in-eunte jam ætate antiquitatis decora sibi proponens, eorum exemplum, eorum acta strenuus imitator sequitur: corpus animumque statim ad Remp. capeffendam instruit, labore exercet vires, venationibus, equitando, pugnando, nihil eorum quæcunque olim profutura erant omittit. Inde cum primum anni permisisse in militiam abiit; ubi ita se strenuum & obsequentem præbuit, ut teneris adhuc annis legionem ducendam acceperit, quam quidem dignitatem non ut ceteri gessit, quia non ut cæteri consecutus est. Jam enim usu pæne invaluerat, ut sicut cæteræ res, ita & honores venales essent. Habebat Senator filium delicate educatum? commendabat eum Duci aut Legato; nonnunquam contubernio æstimandum dabat, nec ut disceret ab illo militum animos noscere. regere exercitus, bella administrare, verum ne haberetur duriuscule, sed omni periculo eximeretur. sic ubi semestre tempus castra vidit filius, auro argentoque Ducis corrumpebant animum, ut licet in immerentem, omnia tamen dignitatis munia conferret. Primus his honoris gradus concedebatur legionis imperium. hoc assecuti totos se in luxum vertebant; invisebant subinde parentes, liberos, conjuges, in castris negligenter versabantur, somno vinoque quotidie onerabantur, nec quidquam tam scelestum, tam turpe erat, quo non maculabantur. Longe vero aliter Trajanus noster: is honores quos virtute meruerat, fortibus factis indies auxit, vereque ostendit virtutem sæpe anteire ætati. quippe adolescens adhuc suam dignitatem adeptus non juveniliter tamen eam aut negligenter administravit: sed jam

3. tum scilicet magna præmeditans Ducem, omnia viri firmitate perlustravit, ne Legatis Dux, consiliariis Imperatores servire quondam cogeretur. Ipse igitur sua industria omnia inquirere, noscere provincias, noscere exercitus, discere militum animos, comprimere seditiosos, laudare fortes, stimulum ignavis addere. Nec ingenia sic modo hominum scrutabatur, sed accuratissima quoque cura investigabat regionum situs opportunitatesque locorum, ne subito deprehensus trepidare cogeretur, qua quidem industria id effecit, ut nusquam inde per tot bella, tot prælia insidiæ eum premerent. Videtur hac in re princeps noster Philopœmenem secutus, qui (ut Livius eum laudat) *noscendo regionum situs eo pervenit, ut nulla ei nova in tali re cogitatio esset.* Quare credere ferme cogor, invictam virtutem esse, & ubi ad robur quoddam pervenit, nulla invidia superari. Princeps certe noster tot tantisque meritis munitus, cum Romam, claris tum viris infestam, rediisset, non modo non in periculo fuit, sed Prætoria insuper dignitate ornatus est. quo ipse munere fungens, cum Cœlio Taciano equite Romano Adriani tutelam in se recepit: inde ordine progressus ad consulatus quoque fastigium ascendit: ex quo (ut conjicere licet) Hispaniam provinciam sortitus, cum grave in Germania bellum oriretur, nec quisquam ad id corpore animoque satis valeret, ipse potissimum electus, ferme totum bellum fama confecit. licet enim & plurimum terroris miles imperio assuetus, Ducisque virtute instigatus, attulerit, acrius tamen hostes Imperatoris nomen, quam ullam militum vim expavere. Hanc ego expeditionem quoties considero, vix satis digne mirari possum, nec adhuc mihi constat, majorem tum moderationis, an fortitudinis laudem sit adeptus, Danubius intercedebat duobus castris, utrasque ripas gelu conjunxerat, adeo ut transire cum toto exercitu posset: certa fuerat victoria: pavebant hostes, fugituri, si Romanos in sua regione conspexissent: sed petebant pacem, detestabantque pugnam. Itaque Trajanus licet gloriose vincere potuisset, maluit tamen pœnitentes benigne servare, paceque data sine prælio inde abcessit. Quare occiso jam Domitiano, successor in ejus locum lectus Nerva, cum contemni senectutem suam

4.

suam & orbitatem ab seditiosis militibus vidisset, nullum digniorem imperio quam Trajanum existimans, in Capitolium ascendit, atque ibi clara voce, in conspectu (ut rebatur) summi DEI: *Quod felix faustumq; sit*, inquit, *Senatui P. R. mihiq; ipsi M. ULPIMUM CRINITUM TRAJANUM NERVAM, ad-
opto.* Postero inde die Senatui commendavit eumque Cæsarem appellari voluit. Hac certe adoptione nihil Reip. fecit utilius, Multum sane P. R. præstiterat, cum Tyrannicum dominandi morem sua moderatione lenivit, nihilque absq; primoribus egit; multum, quod patribus promissit, nullum senatorem suo jussu iri occisum, plus quod jurejurando confirmavit; nihil denique grandius, nihilque laudabilius quam quod dicta factis approbavit. Omnia tamen ea tum magna tum Augusto & Cæsare digna, ad hanc adoptionem collata vilescunt, quæ vere salutaris deficienti Romano Imperio fuit. Sub Trajani enim, ut gravissimus scriptor *Florus* loquitur, civili moderatoque regimine, *imperium quod inertia Cæsarum per ducentos ferme annos, quasi consenuit, atq; decoxit; iterum movit lacertos, & præter spem omnium senectus Romanæ majestatis, quasi reddita juventute reviruit.* Quare cupide illo à senatu cooptato atque in Cæsarem numerum asserto, literas ad eum, cum Agrippinæ forte in Galliis, quæ Colonia hodie dicitur, esset, Nerva dedit, in quibus ita scriptum accepimus:

Teli Nerva tuis lacrymas ulciscere nostras.

quod ipse ut filium decuit, summa fide atque pietate postea exsecutus est. Signum imperii prænuncium hoc referunt. In somnis visus ei vir fuit grandis natu, purpura atque corona ornatus: (senatus eo tempore ita pingebatur) hunc anulo sigillum primo in sinistram, mox dextram juguli partem impressisse; annuentibus scil. diis, brevi ejus fore imperium, cui nunc sigillum commisissent. Licet enim multos inveniri haud ignorem, qui somnia, quæcunque illa sint, pro nihilo spernant: ego tamen non penitus à Curtio meo abierim, qui divini quiddam animo inesse, sæpe futura eum præsagire, imminetiumque rerum species per somnum ostendere judicat. Trajanus certe somnium habuit, quod vere ei imperium portendit, multaque hic alia cumulare possem exempla, si lex hi-

6. storiæ, & institutum meum ferret. Nunc priusquam seorsim digeramus optimi Principis gesta, de ejus virtutibus pauca prius explananda. Fuit autem Trajanus vir pace belloque optimus, nulla unquam vi, nulla potentia corruptus, præcipuum moderationis & fortitudinis exemplum, cui nec civilitas unquam auctoritatem, nec severitas amorem demisit; quas ille virtutes ita semper inter se miscuit, ut lætissima omnibus temperies existeret: nec enim severitatem unquam nisi coactus adhibuit, civilitatem ita moderatus est, ne principis hinc corrumperetur auctoritas. Agebat cum amicis quasi privatus, invitabat ad cœnam, provocabat ipse sermones, audiebatque dicentes: cum civibus reliquis ut parens inter liberos versabatur moderate & pie: lætabantur mutuo aspectu, ipsaque assiduitate Principem magis mirabantur. Præter doctes enim animi, quas plerumque vulgus negligit, corpore & habitu ipso maxime erat venerabilis. firma eum statura atque erecta, promissa cæsaries, senectutisque insignibus decorata ornabant, decens erat incessus, gravis & civilis pariter vultus dispositio: quibus ille virtutibus, ut pariter charus suis atque venerandus esset, effecerat. Hæc ei apud suos veneratio, major tamen apud hostes auctoritas erat, quippe cujus nomen tantum auditum pro clade fuerit. Quare Decebalus superioribus victoriis superbus, ubi Trajano Imperatore bellum geri animadvertit, tanto timore perterritus est, ut statim omissis ferocioribus consiliis, pacem peteret: Germani quoque (de quibus supra diximus) Romanos jam spernentes, Trajani prudentia fracti, omnem salutis spem in hostis clementia collocarunt. Tanta scil. fortitudinis ejus fama fuit, ut nemo nisi desperata venia configere cum eo ausus sit. Omnia itaq; impetu quodam pertransiens, Romanum orbem, quem priores tueri satis putarunt, ad Indiam usque amplificavit. Tres expeditiones ductu suo confecit, duas in Dacos, tertiam in Armenios, quas nunc ordine persequemur: Labente enim per inertiam Cæsarum populi Romani virtute, qua totum ferme orbem terrarum sola subjugaverant, provinciis, præcipue autem ferocioribus istis, crudaque adhuc cervice jugum subeuntibus neglectui esse, & reverentiam penitus amittere cœperant.

Domi-

Domitianus quidem vana divinitatis imaginatione insolens, spernit hostes, & minaci vultu, curruq; sublimi vestus, quasi statim ante prælium triumphaturus, nihil præter muliebre[m] molliem & timidum animum ad bellum attulit. Quare non modo nihil movit hostes, sed insuper spem ipsorum auxit; quippe qui scirent non cum Romanis sed Domitiano sibi pugnandum esse, nullamque gentem exuta virtute invictam manere. nec fefellit ipsos opinio; victi enim Romani nescio an de cæsis forsan civibus suis & indigna P. R. pace facta triumpharunt. Superbiebant hac de causa ubique populi Romanæ ditioni subiecti, non diutius quam expediret in fide mansuri. Daci paraverant opes, quæ populo gentium Domino pares essent; & jam tantæ erant, ut timeri à Romanis possent. Id vero Trajanus maxime indignum ratus, ne latius malum serperet, accelerat rem, bellumque Decebalo, qui potentior quam socius P. R. esse cœperat, infert. Nec Decebalus quidem ad id subsidia sibi belli concessit ut Trajano regnante deficeret, armisque sub illo libertatem suam tueretur; sed expectare volebat mollem, ignavum simillimumque Domitiano Principem, ut cum eo potissimum pugnaret, quem virtute longe antecelleret. Quare tum deprecatus Trajanum est, ut averteret inde bellum, Decebalumque & Burros socios pace bona sine sanguine frui pateretur. Sed non meruit pervicax nominis Romani hostis veniam; dimicare atque experiri virtutem suam iussus cui tantopere consideret; facile inde apparituum, quantum Romanus Daco præster. His in castra relatis, præcisa omni veniæ spe, ferro decernere hostis statuit, in quo prælio longè superior evasit Trajanus, nisi quod plurima ei vulnera hostes virtutem ab desperatione mutuantes inflixerunt; adeo ut panni deficerent, quibus faucii obligarentur. Erat autem Trajanus humanissimus civilissimusq; princeps, nec in pace modo hanc laudem, sed & in bello sectabatur; nunc cum lacera suorum corpora, & honestas plagas, nec fasciculos ægris sufficientes vidisset, nec vesti pepercit suæ, quin, ne quidquam vulneratis deesset, discinderet. quo facto adeo ille sibi omnium animos devinxit; ut inde Ducem milites per aspera & invia ferme loca sine murmure,
fine

7.

8.

sine querela sequerentur. Nulli enim, cum ubique persequeretur Decebalum, seditiosa aut ferox tantum vox excidit, donec tandem ad regiam Dacorum perveniens, parteque jam capta, ægre supplicii pacem dedit. Præcipua in hac oppugnatione Lucii opera fuit, qui ab altera parte adortus hostes, magna strage edita, cum primus transcendisset muros, maxime Decebalum terruit, ut primos suos pilatos ad Trajanum mitteret, qui veniam erroris poscerent, promitterentque, Decebalum quicquid imperasset victor, obedienter facturum. Potuisset quidem Trajanus, cujus jam clementia apud omnes erat celebrata; sine tristi crudelitatis nota hujus Regis supplicio ceteros deterrire. non tamen pœnitentem quenquam perdere ausus, castella diruere quæ in aliena terra molitus esset, machinas, artifices, transfugas tradere, eisdemq; hostes atque amicos quos P. R. habere jussit. Has Decebalus condiciones invitus quidem sed fortunæ vi coactus accipit; & ad victorem deductus, ut supplicem decuit, prostratus ad pedes eum veneratus est. Sic prospere confectis rebus non tamen gloriatus fortuna sua Trajanus, nec superbior factus ad senatum confirmandæ pacis causa legatos mittere jubet: tantum scilicet minime sibi arrogandum existimans, ut bella pacemque P. R. suo arbitrio tractaret. His ubi senatus datus est, junctis manibus, depositisque armis servorum more patres deprecati sunt; inde receptis iisdem in leges quas Trajanus præscripserat confirmata pax est. Hostibus sic fractis atque pro amicis receptis in victorem grata conversa civitas, meritum virtute triumphum unanimi consensu non rogata detulit. triumphavit itaque de Decebalo Trajanus, mox cum eodem de victoria certaturus. Malus enim diuturnitatis custos metus est, nunquam in fidē servientes continuit diu; ubi occasionem nactus est vincula rupit. Decebalum quoque hunc pacis, ut ipsi videbatur, acerbitas, ut aliis necessaria severitas ad rebellionem concitavit: ubi enim primum reparavit vires suas, mortem servituti præferens, pacem aliquo modo duriusculam ne belli quidem metu frangere dubitavit: castella alienis regionibus imposuit, Jazygum terram, populos semper Romanis fidos, qui nunquam Dacorum partibus adhæserant, oppugnavit,

vit, partemque eorum cepit, arma quoque ceteraque belli subsidia contra fœdus paravit. Quare iterum Decebalus ab senatu hoste judicato, ipse hanc expeditionem sibi conficiendam sumpsit. Et Decebalus quidem, si aperto Marte certandum foret, multum se inferiorem ex superiori clade didicerat: parum itaque nunc virtuti suæ fîsus ad clandestina se consilia latruncolorum more contulit, bellumque quod impie suscepit, magis impie gessit. Percussiores ipse in principem transfugarum specie tectos immisit, satis gnarus, in hoc uno viro omnem verti victoriam: hunc si sustulisset, ceteros velut corpus truncum dempto capite huc illuc, sine spiritu, sine nomine errantes, facile suam futuros prædam. nec multum abfuisset, quin optimum principem per insidias pessimus hostis sustulisset; nisi unus ex licariis, ut nihil magnum satis recte agitur, tristicia credo vultus, & fronte magnarum cogitationum manifesta suspensus, tormentorum dolore, impium facinus prodidisset. Hoc scelere Decebalus detecto, nihil sibi amplius pudori ducit, fraudibus fraudes cumulat. Longinum simulatione colloquii deceptum ad se pertraxit, quæsitque ex circumvento; quid consilii Trajano, quæ belli ratio futura esset, quomodo se aggredi aut quid facere statuisset. Erat autem Longinus vir constantis animi, vitam citius, quam fidem perditurus: quare nullo nec metu nec spe permoveri potuit, ut arcana enuntiaret, omnia miro silentio texit. Iratus hinc Decebalus, in carcerem condi captivum jussit, literasque ad Imperatorem dedit, ut hac mercede recepta, fœdus secum feriret. sed maxime laborandum Trajano erat, ne perfidiæ præmium pacem se habere Daci arbitrarentur. Ad hunc itaque modum respondit, ut intelligerent hostes, non se quidem tanti viri salutem negligere, quippe qui gregarium etiam magni æstimer; non ita tamen restitutum eum velle, ut quid aut se aut P. R. indignum committeret. His litteris acceptis cum internecinum sibi bellum denuntiari Decebalus videret, omni id ratione profligandum ratus, fortem diu sese præstitit. Longinus quoque audita responsione principis, ultimam fidem morte firmare volens, hausit imperterritus venenum. Trajanus vero Legati sui cæde, & perfidia hostis irritatus, ponte

stravit Danubium; opus scilicet vere angustum molitus, quo ostendit, quantum consilium atque animi constantia valerent quantaque facilitate res natura impeditas expedirent. Flumen in angustum primo cogitur iter, latius inde panditur & eo majori vi atque mole, quo ex angustiore loco se diffundit, rapit undas. Ibi Danubium ponte conjunxit Trajanus; onus immensi laboris viginti ferebant pilæ; & licet divina ope vix expleri posse profunditas aquæ videretur; omnia tamen pertinacia militum Ducisque crebra adhortatio vicit: fabricatus pons est, transportavit in hostium terram Trajanus exercitum; inde caute magis quam propere bellum gessit. Licet enim vir esset maximis virtutibus præditus & antiquis plane Heroibus comparandus, nunquam tamen felicitati fortitudinique suæ confusus rem temere fortunæ commisit, sed omnia bella ratione maxime administravit: in hoc potissimum ducis ipse & militis officium præstitit; hujus virtutem an prudentiam magis mirer nescio. Dacos enim, præterquam quod fortitudine erant celebres populi, perpetuum quoque cum Romanis bellum disciplinam servare docuerat: cum his igitur tam doctis tam strenuis hostibus pugnabat Trajanus; consilio erat opus ut vinceret callidos; fortitudine, ut suorum animos accenderet. licet enim & plurimum Ducis verba apud milites valeant; parum tamen illum posse jam dudum compertum habeo, qui verbis magnificus, rerum militarium expers est. Quare Trajanus Ducis facinoribus milites instigandos ratus, se aspicere, suum imitari exemplum jubet. quo tantum ipse præstitit, ut non temere major in alio bello gregariorum etiam virtus fuerit. pugnabant læti, gratulantes sibi de vulneribus, cicatricesque suas ut decora corporis ut gemmas ostentantes invicem atque jactantes: amica inde & victoriam spondens æmulatio existerat; quolibet sua munera suaque gesta primis annumerari cupiente; nec tuta jam pæne Imperatoria virtus erat; ad hanc quoque ascendere, hanc exæquare contendebant: & vicit quidem longe Dux milites suos, princeps cives: annitebantur tamen, sperabant; nec periculo propterea cuiquam fuit, majores res quam sua condicio caperet, gessisse: laudabat ipse virtutem & vividos spiritus at-

rolle-

tollebat, ut bonorum præmiis mali quoque & ignavi allicerentur. Huic igitur Duci his militibus tam diu obstitisse Decebalum quis non miretur? Ægre enim & post multa demum pericula, prodente Dione, victus est; qua ipsa ille pertinacia gloriam victoris auxit: quippe apparuit inde quas gentes quosque viros Trajanus debellasset. Decebalus ipse quandiu spes supererat regium animum retinet; ubi vero omnem regionem, ipsam denique arcem suam captam cognovit, timens ne victoris ludibrium fieret, voluntaria morte imminenti se malo subtrahit: sed nec ab mortuo ira abstinuit, decus caput foedifragi Romamque delatum est. Occiso ita Rege, captaque regia, Dacia arbitrio se victoris permisit, provincia facta, coloniaque custos fidei feroci populo imposita est. Thesauri inde atque regiae vestes repertæ, quas Decebalus per captivos partim in Sagetia flumine partim in sylvarum latebris atque montium condiderat; indeque ministros arcani, ne erumperet res, trucidari iussit. Particeps hujus consilii omniumque celandorum gnarus Bicilis Decebali familiaris fuit; hic quo lenior sibi captivitas esset, pretiosissima quæque victori hosti prodidit. Inde reverso in urbem Trajano, cum Syriam quoque suis auspiciis à Palma devictam accepisset, plurimi in eum honores collati: inter alios in statua vir erat laurea ornatus, sinistra telum, dextra puerum victoriæ insignia porrigentem, tenens; cujus adhuc effigiem numismata passim referunt. Non multo inde post Armeniis bellum intulit, majestatem P. R. violasse prætexens, quod à Parthis non Romanis regem accepissent: revera autem ob gloriæ cupiditatem susceptum Dio autumat. nec erraverit forsitan qui ex utraque hac causa bellum natum dicat. Indignum enim populo gentium Domino visum Parthos sibi prælatos, facile conjicere quilibet potest. nec negare omnino licet, eum Trajanum honorem quoque aliquo modo petiisse: maximos n. viros honoris cupidissimos fuisse, nemo est qui dubitet. Sic Alexander orbis domitor superbæ paruit; invictusque armis Cæsar hujus vim non sustinuit. Trajanus noster licet non plane fregerit, moderatus tamen cupiditates suas, nec unquam propterea aut se aut P. R. indignum quid commisit; neque Armeniis bellum intulisset; nisi

13.

Romanos ab illis sperni vidisset. Quare plus apud omnes auctoritatis habuit, & hostes ideo magis eum veriti sunt, quia facile perspexerunt; semper invictum Trajanum esse, nec vi aut armis, nec voluptatibus frangi; quæ plus plerumque magnis Ducibus, quam ulli militum impetus nocuere. Principes hinc Armeniæ, quos Satrapas vocare solent, obviam ei venientes equum, homines submissa cervice venerari edoctum, atque digna tanto Principe dona attulerunt. Quibus ille acceptis sine prælio Sattalam Elegiamque venit: bonos ibi præmiis, pœnis malos affecit. Henichorum præcipue in honore habuit; Parthamasiramque, qui nomen Rom. spreverat, punivit; captaque Armenia quemque pro meritis aut laudavit aut vituperavit. Ob has res gestas undique nomina conquirens senatus, quibus tantum Principem ornarent, & *Optimi*, & *Parthici*, Nisibi Parthisque captis, invenerunt. Duo hæc cognomina Xiphilini vestigia secutus in hunc locum collocavi: ceterum, vero propius est mox ab initio principatus *Optimi* cognomen accepisse; quippe cujus jam Plinius in paneg. suo meminerit, qui *se nondum de biennio loqui* ipse testatur. utcumque sit, certe his duobus titulis omnes boni Principis virtutes, omne imperium patres complexi sunt. Quid enim est quod non in se hæc nomina contineant? Pacem spectas? omnes eas artes *Optimi* cognomen in se habet. bellicas laudes Parthicum indicat: licet enim Parthorum tantum regio hoc illi cognomen paraverit, ob virtutes tamen magis quam victoriam inditum ei fuisse certum est. *Optimi* vero qui ad bellum proprie traxerit, propterea quod bellum gerens adeptus est; valde profecto ille meo quidem iudicio errat: non enim tam continuæ victoriæ & res præclare gestæ, quam civilis moderatio hujus viri admirationem adeo auxerunt, dum perpetuis imperiis assuetus nunquam tamen superbior factus est: & confirmat id ipsum Panegyrista, cum, *quid tam civile tam senatorium*, inquit, *quam illud additum à nobis OPTIMI cognomen*. clarius adhuc Dio, cum *Optimi* magis quam *Parthici* cognomine gloriatum scribit; utpote *ex quo natura ejus moresque suavissimi magis quam arma cognoscerentur*. ex quibus satis patet, pacis hic non belli artes Senatum spectavisse. Hæc tanti Ducis æstiva fuerunt

runt nullo periculo, nulla clade funesta. inde in hyberna legiones deduxit, ubi maximo terræ motu conflictatus est, de quo deinde dicemus. Ineunte vere Trajanus statim in hostilem terram ingreditur, satis scil. gnarus minus decere fortem Imperatorem æstiva brevia, longa hyberna. Circa Tigrim, hic enim fluvius transeundus Trajano erat, regio est; infrequens lignis navibusque comparandis materia: itaque Trajanus Annibalem secutus, naves, quas Nisibi ædificari jussit, plaustris transvexit, fluviumque cum toto exercitu transgressus est. In hujus maxime fluminis transitu videre Trajani constantiam licet, qui nullo periculo, nulla hostium vi deterritus transportavit exercitum. In altera ripæ parte oppositæ copiæ vetabant Romanos transire; quas Trajanus navium copia abundans partim vi partim consilio abegit. Terribilis Barbaris species videbatur, tanta navium militumque manus, hujus potissimum Ducis consiliis adjuta, quæ plus in eo bello quam ullum militum robur perfecere. Cum enim prohiberi suos ab opposito præsidio Trajanus vidisset, exercitum, quo plurimum valebat, ita partitus est, ut pars quasi trajecturæ hinc inde vagarentur, pars pugnando sustinerent hostes, reliquæ prioribus statim admoventur: maxime tamen libero campo quasi ad ostentandam navium multitudinem comparato territi hostes loco cesserunt, apertum post se Trajano flumen relinquentes. Transisse victoria fuit. inde lætum auspiciis captans hostes aggreditur, Adiabensemque omnem in suam potestatem redegit, cui regioni Gaugamela mox & Arbēlam addidit, vicos viles maxime tamen Darii clade nobilitatos. Inde Babylonem usq; nullo prohibente hoste processit; interno malo consumptis Parthis, ne tum quidem externi hostis metu seditione finita. Quare factum ut nemo Parthus Romano capienti urbes regionesque obstiterit, sed impune omnes terras provinciasque ceperit. Ex Justino satis constat Babylonæ muros non vulgari modo conditos, nec in illorum ædificatione calcem aut arenam Semiramidem adhibuisse, sed hujus materiæ vice, bitumen, quod ibi passim ex terra exæstuat, interstratum. Hæc Epitomatoris narratio: Dio vero lacum bituminis fuisse refert, illumque calcis usum præbuisse,

16.

tum quoque ostium ejus à Trajano visum, idque plane pestiferum esse, quod si longius extenderetur, plane inhabitabilem eam regionem facturum; nunc in se revolutum velut in cisterna concludi, ac in sua quasi sede contineri. Addit ibi auctor consimilem se huic in Asia vidisse, periculumque in avibus fecisse, an ferre odorem possent, verum adeo fuisse pestilentem, ut statim interirent, solis castratis hominibus nihil nocere; quæ vero causa sit, se nescire sponte profitetur. Sed ne interromparur vinculum historię, in expeditione nunc Trajani pergemus. Jam Tigrim transierat, jam Babylonem vincendo pervenerat; unicum impedimentum Euphrates erat. hunc itaque trajecturus, Tigri conjungere primo voluit: sed cum majorem isto cognovisset, timens ne innavigabile flumen redderet, destitit incepto; Messanamque Tigris Insulam (Attambalus ibi imperabat) cepit; Cresiphontemque ingressus Imperator & Parthicus iterum nominatus fuit. Inde rubrum quoque mare transire statuit, nulloque obsistente hoste, omnibus ab tergo populis devictis, ad Oceanum usque venit. ibi vero cupido eum cepit in Indiam trajiciendi: vox etiam ejus refertur, cum in eam terram navigare quendam vidisset, *si juvenis essem in Indiam trajicerem*: ut ego arbitror, vel rerum memorabilium cupiditate, vel gloria adductus, ne minor videretur Alexandro, cui se jam quoque comparare audebat, idque sæpius profitebatur. Licet enim non in Indiam venerit; soli tamen Daci ferocissimi barbarorum populi vel toti Orienti haud injuste comparari possunt. Quare coronatis litteris, senatus, acceptis numerum devictarum gentium non inveniens, decrevit ut tot triumphos, tot festos dies, quotquot vellet, ageret. *Sed difficilius est (Flori sententia utor) provinciam obtinere quam facere.* Hoc quam vere quam prudenter dictum sit, satis suo exemplo hic noster expertus est. quippe in Indiam illi proficiscenti Alexandroque in æde ubi ultimum diem obiit parentanti, nuntiatur, victas ubique gentes nec dum imperio assuetas maximo tumultu rebellionem parare, præsidia passim trucidare, servitutem exuere, jugumque Romanum spernere. Nec contemnebat ullos hostes Trajanus, ut qui sciret quanta sæpe inde bella, quantæ clades acceptæ fuerint: itaque ori-

enti

enti malo, antequam vires nancisceretur, occurrendum ratus, duos Legatos ad compefcendos tumultus Maximum Luciumque dimittit, quibus longe diverfa sub iisdem auspiciis militantibus fortuna fuit: fed adverfam Legato, fecundam Duci adfcribemus. victus enim occifusque Maximus nescio negligentia fua, an fortuna fic de industria quali admonente abfentem Imperatorem, ut fragilitatis humanæ femper memor, nunquam superbiret: & certe utile eft hominibus, *fi fecunda adverfis*, iterum Flori verba funt, *quafi radiantur*. nimis quam facile viciffitudinis rerum humanarum in proſperis nos capit oblivio, & perpetua felicitate fruentes, nil niſi divinum ſapimus, id quod plurimis, præcipue autem Alexandri Juliique Cæſaris patet exemplis. Hæc itaque Maximi fortuna fuit, melior Lucii fors eſt. Ille multis præclare geſtis Niſibim recepit, Edeffamque expugnatam incendio, ut ceteros terreret, perdidit: Seleucia inde ab Alexandro & Ericio Claro capta, Romanoque dolori immolata eſt. Jam Trajanus ipſe advenerat, ut nomine ſuo pavorem hoſtium augeret, nec fugiebat ipſum, quantum Partho ferociæ, quam leves animi ineſſent, quacunque aura huc illuc verti, ſemperque ſocietates ſuis utilitatibus metiri. itaque ne hi quoque fidem frangerent, arte agendum, regemque iis, qui Romanis dignitatem ſuam deberet, dandum ratus, Cteſiphontem urbem ingreditur, frequentique non Parthorum minus quam Romanorum concilio coaſto in cathedram aſcendit, atque ibi clara voce cum multa de rebus ab ſe geſtis, & procul dubio de beneficiis ſuis populiſque Rom. in Parthos collaris diſſeruiſſet; *Quod felix fauſtumque ſit*, inquit, P. R. Partho, *mibique ipſi, Parthiaynaſpatem ego vobis Regem deſigno*; inde diademate impoſito imperare Parthis juſſit. Hinc Arabiam petens Agarenos aggreditur: urbs ea parva & exilis nec ulla rerum copia valida eſt, terra, in qua poſita, pleraque deſerta: & tum ipſa oppidanis agri cælique ſui durties ſaluti fuit; quippe ſervidiſſimo anni tempore lignis, aqua, & omni caloris levamine oppugnatores deſtituebantur. Decuſſa quidem muri pars erat; ſed irrumpere conantes equites male multati redierunt. Quare Trajanus illos pertinacia vincere tentans, qua ſæpe magiſtra maximas res geſſit, ipſe ordines

18.

19.

dines ducit regia prius veste, ut quis esset lateret hostem, deposita. Sed quid tantum virum satis occultaret? ipsa dignitas oris longe lateque Principem ostentavit; tunc Barbari quoque auctoritate vultus commoti, cum ex eo Trajanum cognovissent, omnia in eum tela miserunt, cuncta spe freti hunc si sustulissent, perpetua se inde libertate fruituros. accessit quoque circumfessis ex casu auxilium: ingens tempestas cum fulgure ac frequenti tonitru coorta, summovit Romanos; tum cœnantibus ingens vis muscarum multam molestiâ creaverere. Contra homines dimicare fortitudo, contra fata bellum gerere furor est: nunc cum Trajanus invitis superis se pugnare vidisset, obsidionem solvit. minime scil. turpe sibi existimans, *satis cedere*. Non multo post in morbum incidit, quo ingravescente, licet denuo in Mesopotamiam ducere exercitum statuisset, hujus tamen violentia coactus novam belli aleam subire non sustinuit. Hæc bella, hæc victoriæ fuerunt, à Principe nostro non auspiciis sed ductu, non manu minus quam consiliis confectæ, quibus etiam meruit, ut post mortem suam triumpharet, sicut Dio tradit, in Divi Adriani successoris vita. Debit quidem populus Rom. plurimum in eo bello & militum virtuti & Ducis prudentiæ; maximas tamen res disciplina perfecit, quam si in militia demseris, omne consilium omne robur evanescet. Quapropter Princeps noster maxima laude mihi dignus, nec profecto inter minima operum illud numerandum videtur, quod militum licentiam inhibuit & correxit. Nihil enim magis tum turbatum, nihil laxius erat quam militare regimen; & jam milites consueverant Imperatores dare, imo quod majus est, cogere; eo denique temeritatis processerant, ut (quod Nervæ acciderat) poscere bonos ad necem, contra negantem ferociter agere, vim etiam minitari auderent. Ælianus & prætoriani quidam milites principes hujus mali erant. hos itaque Trajanus puniturus ad se vocavit, quasi eorum opera in bello usus, quos omnes variis postea criminibus oneratos passim trucidavit: militumque disciplinam, quæ superioris ætatis negligentia pæne omnis collapsa fuerat, quasi de novo instituit. Et est illud præcipue memorabile in nostro Principe, quod in quaque

20.

quaque re optimos sibi sequendos sumpsit, ut enim supra in noscendis locis Philopœmenem imitatum ostendimus, qui facile in hac laude primas meruit, ita nunc in militari disciplina severissimum ejus præcipue ubi hostis aderat, exactorem Julium Cæsarem præceptorem habuit: sic & postea dicemus, quomodo Augusti in civilitatis moderationisq; laude æmulus aut victor extiterit. Sed nunc ad militarem disciplinam redimus; in cujus exordio omnes Imperatores admonendi sunt, ut curam hanc curæ habeant, discantque tandem meliores, & hunc ipsum Trajanum nostrum sequi; qui jam optimus ab senatu dictus, ab alio tamen discere minime sibi turpe putavit; meliorisque (sic enim moderatus Princeps alios dicebat) exemplum suo actu exprimere. Quid enim traditur de Julio Cæsare, quod non idem de nostro verum sit? Habet de suo Suetonius, quod iter faciens milites se observare jusserit, ut subinde subtrahendo fatigaret serius sequentes; quod ubi hostis in propinquo esset nec itineris nec prælii tempus denunciarit, sed paratos semper atque intentos esse jusserit; sæpissime sine causa id fecerit, præcipue, pluviiis & festis diebus. nonne vero eadem de nostro Xiphilin. *cum milites in via instituisse* scribit? non præceptis credo (parum ea apud militares viros possunt) exercitia & actus quærunt. Ergo nunc circumstiteret; nunc discurrere in cornu; nunc militari gradu, nunc tardius progredi jussit; aut vibrare tela, aut pugnam committere, vel alacri discursu campos metiri, & si quæ sunt similia, jussit? imo & in hoc Cæsarem suum imitatus videtur; quod ut ipse hostium numerum auxit, ita hic rumores, ut paratiores haberet milites, mentitus est. Sed ne severum tantum putes, eundem civilissimum scias, nec tamen hac in parte Cæsaris indulgentiam secutus est; qui lasciviendi nonnunquam licentiam militibus dedit: Valeriorum sibi potius & Poplicolarum facta proposuit. Ad horum ipse exemplum commilitonum, sic enim vocabat, tentoria perlustravit; invisens ægros, iisque solatium atque opem ferens, adeo ut deficientibus quondam pannis, vestes, de qua re supra jam diximus, discinderet. Severitatem vero maxime mitigabat, quod adhortator ipse & particeps laboris aderat: inibat præ-

Hhhh

lia,

212

22.

lia, componebat arma, Imperatoris denique exemplo milites docebat, quæ ipsos vita deceat. videres Principem generis humani inter medias militum catervas quietem capere; nullo accersito silentio, nulla culcitra somnum invitante, egebat cum militibus, sitim laboremque cum illis patiebatur, ubi castra movenda erant, primus in agmine conspiciebatur, pedibus iter faciens. Has ob virtutes quantam omnium venerationem atque amorem sit consecutus, vel ex eo satis apparet, quod per tot dura bella nullus unquam miles seditiosè egit, imo tanta eorum præcipue in Dacico virtus fuit, ut eques quidam incisa salutis spe prælium repetens post multas hostium strages non inultus tandem ceciderit. In bello vero quantæ celeritatis atque felicitatis fuerit, vix satis digne explicari potest. brevi tempore maxima confecit itinera, adeo ut in Germania bellum gerens, Parthos terrere posset. Hinc & Panyrista noster *rapiisse legiones* dicit; vix vocabula inveniens quibus tantam velocitatem exprimere posset. Fortuna præterea semper prospera usus est. excipio tamen hic Antiochiam Agarenosque, ubi à fatis magis quam hominibus afflictus videtur, experiri scil. volentibus, an ut secunda, ita & adversa ferre posset. Antiochiæ autem hybernabat Trajanus, cum subito terra mugire, inde conquassari cœpit: nutabant primo ædificia, nutabant templa mox ruitura: cum ad Trajanum vir venit humana tum specie tum statura augustior, qui eum, postquam dignus imperio atque contra omnia mala invictus visus est, per fenestram ex urbe duxit. Cæterum hanc cladem non Antiochia tantum, sed omnis ferme orbis terrarum sensit. Agente enim tum ibi Principe generis humani, omnium populorum legationes, vel qui lites habuerant, in ea urbe convenerunt, nonnullos etiam lucri spes, nonnullos ludorum deliciæ eo pertraxerunt. His partim mutilatis, partim terrore affectis domum redeuntibus, ita ad omnes ista strages pertinuit, ut non Antiochia, sed Romanus orbis terræ motu afflictus videretur. Maximum tamen malum concussa civitas experta est. pars occisi, pars vulnerati, omnes parte aliqua calamitatis erant affecti. Narrat inter alia *Xiphil.* memorabile illud: sedata tempestate virum audacter ruinas urbis

bis transcendisse, auditaque vivæ mulieris voce filium & seipsam proprio lacte sustentantis, perfossa ruina utrumque servasse; postea alium quoque vivum repertum puerum mortuæ matris mammæ sugentem. Memorant præterea historici, aquas nunquam antea visas fluxisse, & solitos iis alveos exsiccatos fuisse. Hic terræmotus Antiochiæ factus est, cum ibi forte Trajanus moraretur. Agarenorū vero urbem obsidens ne caperet, fatorum rursus vis obstitit, nulla enim mortali credo opera victus cessisset, nisi divinis monitis deterritus parendum sibi existimasset. Clades quoque duæ sub ejus imperio à Judæis acceptæ, tumultuantes enim Andrea Duce, magnum Romanorum Græcorumque numerum concidunt, & corporibus illudunt, humanaque carne vescuntur: vivos etiam quosdam feris objiciunt; alios ferris medios discidunt: tanta denique crudelitate in omnes sæviunt, ut in prælio & ex captivis ducenta viginti millia perierint. Iterum Artemione Duce, Cyprum Ægyptumque transgressi ad ducenta quadraginta millia concidunt. Sed vana sine viribus est ira, nec temere suscipiendum bellum, cui finiendo par non sis; fortiter id indixisse parum est, nisi & fortiter perfeceris. Judæi quoque ingenti prælio moverunt Romanis bellum, à Lucio vero devicti, graves hostibus pœnas dederunt. Atque hæc illa sunt, quæ Trajanus manu & auspiciis confecit, quibus etiam meruit, ut ab nonnullis Alexandro æquaretur. Is quidem licet gentes nationesque quam plurimas sub suum imperium brevi tempore redeget, aliorum tamen domitor sibi ipsi serviit. noster vero, quo plura quotidie caperet, eo magis animum coercendum ratus, affectus semper in potestate habuit, neque unquam victoria elatus aut superbe aut avare subditis imperavit. Talis ergo in bello Trajanus fuit, vir maximis quibusque comparandus, pace vero longe & seipsum & alios vicit; foris enim ut diligentissimus extitit, ita domi lenitatem maxime civilitatemque exercuit. quas mox infra virtutes, ubi ægram Rempub. ab eo sanatam explicaverimus, persequemur. Jam enim inde ab Tiberio depravatis publicis moribus, nemo amplius honesta & turpia discernebat. Totus quidem in eo

24.

25.

veritatem homines revocarent: verum immanissima Domitianus bellua omnia rursus confudit, adeoque sub eo Principe omnis generis vitia invaluerant, ut Nerva optimus civilissimusque Princeps, ob senectutem tamen contra inveterata mala parum firmam, sine publici status correctione regnare coactus fuerit. Sed, ut ego arbitror, industria id factorum factum est, ut eo citius ad Trajanum res deveniret, qui satis corrigere priorum principum indurata scelera valeret, qui que ea reverentia efficeret, quæ nullus aliorum terrore potuisset. Hic igitur ubi ad gubernacula venit, imperium quod alii tyrannicum habuere, civile & amabile, reddito senatui populoque pristinae potestatis jure, præstitit. Satis scilicet gnarus non Rempubl. propter Trajanum sed Trajanum propter Rempubl. natum, sæpeque *sanimo sed puro & simplice Tiberii illud simulatoris repetens*, *bonum & salutarem principem senatui servire debere & universis civibus & plerumque etiam singulis*. Primo potentia collegam Nervam patrem habuit: hic nova adoptione securus, cum omnia filio se debere intelligeret, vivus statim cum illo partiri honores non dubitavit; consors tribunitiae potestatis fit, secundum consulatum accipit, cum omnibus ornamentis principalibus: Cæsar dicitur, Imperator dicitur, Germanicus dicitur, nec cupiens nec affectans, malebat enim privatus esse, nec suscepisset certe imperium nisi omnia, quæcunque non tueretur, ruitura vidisset. Ad imperium igitur ratione maloque publico motus cum pervenisset, quædam pessimi exempli priorum principum avaritia invec-
 26. correxit, quædam aliquo modo lenivit. Delatores omnium primum ut publ. pestem & perniciem generis humani omniumque infestæ dominationis scelerum & ministros & auctores urbe expulit, horum sanguine gaudio civium & ultioni tot innocentium capitum litaturus. Supplicium autem eorum tale fuit: retorto collo cum execratione bonorum per frequens theatrum ad mare ducti sunt, sequebatur eos populus, omnis ætas, publicorum latronum interitu oculos pasturi, ibi in laceras naves omni remigio destitutas impositi, ventis Deoq; ultori scelerum puniendi dati sunt. Quare cum portu statim egressa vaga hinc inde navigia maris ludibriis exposita
 jacta-

jaſtari; laborare quædam tempeſtate. quædã ad durius ſuppli-
ciũ ſervantia reos quoquo velint avehere omnes vidiffent, im-
modica lætitia & affectus populi non diutius continebantur;
quin ſtatim apud illud ipſum mare gratias principi agerent, di-
verſitatemq; temporum mirarentur; quod qui amici modo Im-
peratorum audiſſent, nunc tanquam ſceleſtiſſimi hominum
tempeſtatibus omnibus traderentur. Hæc quidem res præ-
ſentem ſecuritatem ſpondebat: verum & bonum principem
in futurum providere decet. itaque noſter, quoniam facile vi-
debat, in civitate felicitatis malis cooperta, plures Domitia-
nos quam Trajanos futuros, ne & mali impoſterum peccandi
materiam haberent, legem majeſtatis vere avaritiæ inſtrumen-
tum omniumque ſclerum complementum ſuſtulit. Nil enim
antea tam vile, tam exiguum erat, quod non ex hac lege capi-
tale fieret, ſi modo delator adeſſet, adeo ut imaginem princi-
pis (venia ſit verbo) in latrinam intuliſſe, aut ſtatuam ejus
vendidiſſe fraudi miſeris hominibus fuerit. Haſ itaque in-
eptias ſi removeret ab judiciis, non ſperabat futuros, qui eas
omnium odio reducere auderent; verum quo ſtabilior ea res
eſſet, patris iterum firmavit legem, qua ſanxit, ne ſervo lice-
ret dominum accuſare. Fuit id quidem antiquum, & jam pri-
ſcis temporibus notum ſtatutum, ne ſervili odio facile crederet-
ur: verum Tiberius novas artes, nova quotidie dominationis
flagitia excogitans illud quoq; reperit, ut ſervi Dominos accu-
ſaturi manu miſſi, priſtinos heros ad iudicium poſtularent,
Verum is non in perniciem Reipubl. ingenioſior quam noſter
pro ſalute fuit; neque enim priſtinum tantum morem reſti-
tuit, ſed & novæ cavit fraudi, ne & poſt vindicationem ira
ſervorum in dominos valeret. Hæc plane iniqua tollebat
Trajanus, duriora ad æquitatis formulam redigebat. nimis illi
videbatur aſperum, *ſanctiſſimas neceſſitudines velut intercedente vi-
geſima ſeindi*, patremque & filium alienos fieri. Nerva quidem
primum cognationis gradum jam exemerat: Trajanus vero
parum id eſſe exiſtimans, ſecundum quoque abſtulit; condi-
tionemque Nervæ remiſit, ſi modo in patris poſteſtatem filius
eſſet reductus: addidit hiſ etiam illud, ut parva & exilis he-
reditas hoc onere liberaretur. Quare factum, ut jam nemo

Hhhh ;

vige-

vigesimam afferens ingemuerit ; gratulabantur sibi potius, o-
 ptabantque debere, quoniam magnarum opum argumentum
 hoc onus esse cœpit. Præterea cum nihil utilius fore videret,
 quam si quæ ubique gererentur, cito Romæ pernosci possent,
 publicos cursores instituit, quod munus saluberrime à nostro
 usurpatum, posterius principes, ut sæpe fieri solet, in insolentiae
 & avaritiae satellitium verterunt. Atque hæc pleraque Tra-
 jani instituta fuerunt, quæ ut firmitus servarentur, non dubi-
 tavit, quoties Romæ esset, medios inter belli terrores ipse
 judiciis præsidere ; disceptantiumque orationes audire, com-
 pescere turbulentos, in malos animadvertere miti poena, o-
 mniaque iudicis munia obire. Erat autem in audiendo pa-
 tientissimus & humanissimus, in dicendis sententiis clementis-
 simus, non turbulentior cuiquam vox aut immodestius ver-
 bum nocuit ; compescuit tumentes populos, æmulas civita-
 tes ratione conciliavit. Discant ergo, ex his nostri principes,
 non decere se voluptatibus, aut inter feminarum greges simi-
 li mollitie Sardanapali more tempus consumere, imperii debe-
 re curas agere ; propterea natos, propterea in tanto fastigio col-
 locatos esse, ut quasi ab alta turri latius Reipubl. prospicerent.
 Turpe enim profecto imperantibus, omnia per præfectos aut
 consiliarios gerere, quibus fide sæpe sua utilitas charior. *Equum*
quidem, fateor (secundum Marci sententiam) est, ut princeps mul-
torum optimorumq; amicorum consiliū sequatur, quam multi boniq; ami-
ci unius principis voluntatem : detestor tamen Claudios illos, qui-
 bus non amor, non odium, nisi indita & iussa. eligere principem
 decet ex omnibus sententiis optimam, addere quæ è republ.
 videbuntur ; & ubi rem probe consultaverit, mature perfice-
 re. Trajanus noster præcipuis rebus administrandis ipse præ-
 fuit, maxima bella ductu confecit, domi in senatum venit,
 magistratus suscepit, rogavit sententias ; omnia consulis mu-
 nia peregit. Annonæ quoque maximam curam habuit, novo
 etiam pistorum collegio reperto firmatoque ; mare mercato-
 ribus clausum aperuit, fecitque tantam rerum vilitatem, ut
 omnia ubique nasci viderentur ; frumenti cum maxime ut
 magna copia esset prospexit, coëmit ex fisco, quicquid ubi-
 que gentium superfluum ager tulit ; idq; omne Romam con-
 vectum

vestum est, ut inopibus velut à terrarum matre necessaria quæque subministrari possent. Senatus itaque cum videret, quam bene Trajani humeris federet imperium, semper eum in officiis, semper consulem simul & principem esse cupiebat: ipse vero parcissime eum honorem recepit. Intra viginti enim ferme annos quibus imperabat, sex tantum consulatus gessit; quatuor apud Plinium legimus, quintum vero & sextum suscepisse talis prodit inscriptio, à Cl. Boxhornio Histor. Aug. Editore sub fine part. 3. prodita.

Anconæ.

IMP. CÆSARI. DIVI. NERVÆ. F.
 NERVÆ. TRAJANO. Optimo. Aug.
 Germanic. Dacico. Pont. Max. Tr. Pot.
 XVIII. Imp. VIII. Cos. VI. P. P. provi-
 dentissimo. Principi. Senatus. P. Q. R.
 quod. accessum. Italiæ. hoc. etiam. ad-
 dito. ex pecunia. sua. portu. tutiorem.
 navigantibus. reddiderit.

Utrumque autem quando susceperit, aut quid in eo gesserit certo non constat: de primo supra dictum, alterum à Patre accepit Germaniæ præsidens, tertium & quartum cum Romam revocatus à bello rediisset, in quib. plurima moderationis suæ specimina edidit, quæ nunc cum ceteris ejus virtutibus jungemus. Non autem is ut Augustus, quem præceptorem ab Trajano habitum diximus, iniquis cædibus & proscriptionibus satiatus, clementiæ civilitatisque studium affectavit: nec sine discrimine omnibus pepercit, ut nec omnes promiscue damnavit: mitis quædam erat severitas & non dissoluta clementia. animadvertit in malos, bonos vere honore affecit, sanabilia etiam ingenia à deploratis distinxit, illa servavit, hæc ut putrida membra à corpore Reipubl. abrupit, metu contagii: neminem vero (Constantinus in excerptis auctor est) morte multavit; semper promissi sui & jurisjurandi memor; *neminem suo jussu iri occisum*. Quare cum sæpius insidiis peteretur, non dubitavit reis ignoscere, aut leviori eos poena afficere: parenti publico nihil inconvenien-
 tius

30. ruius ratur, quam sanguinem subditorum effundere; per vi-
 ginti autem ferme annos quibus imperabat, unicus tantum
 senator & hic inscio Trajano damnatus est. Quanta præter-
 ea clementia poenitentes foverit, Lufius Quietus Maurus satis
 ostendit. Is Maurorum alæ præfectus, licet turpiter se & ne-
 quiter gerens ignominiose dimissus esset; quoniam tamen in
 Dacico primo bello, cum Maurorum iterum auxiliis res Ro-
 mana egeret, ipse spontaneus miles multa egregia gesserat;
 non dubitavit eum virtutis præmiis, id est, plurimis honori-
 bus ornare; quibus ægram superiori ignominia mentem adeo
 accendit, ut posteriori Dacico bello multa præclariora ederet:
 donec tandem in Oriente eo virtutis procederet, ut præto-
 riam quoque & consularem potestatem mereretur. Sed nunc
 ad civilia Trajani facta progredimur; quæ ut non describen-
 da, ita delineanda suscepimus. Omnibus itaque se æqualem
 præstitit, nullus tumor animo, nulla superbia menti inerat:
 senatu principem minorem putavit; nihil nisi eorum consen-
 su gessit: rationem expensarum reddidit, & cum in Dacos ire
 velleret, ad senatum prius retulit, ut bellum contra Decebalum
 juberent; tum demum hoste judicato, sædisfragos adortus su-
 peravit; victisque pacem ita concessit, si à senatu impetras-
 sent. Legibus quoque, quas alii quasi superiores spreverant,
 in comitiis se subjecit; candidatusque consulatus ægre post
 multas Senatus preces factus, juravit in verba consulibus so-
 lennia, principibus ignota, ut *si sciens sefellisset caput domumque
 suam Diis perderent.* inde deposito honore denuo juramento
 confirmavit, se *nihil contra leges fecisse.* In consulatu vero ipso
 quam moderate quam civiliter sese formavit? Non fastidio
 ille laboris primo statim die aut mense proposito edicto digni-
 tatem abdicavit, sed per totum annum, ut unus ex senatoribus
 gessit; interfuit senatui; sententias dicere jussit: imprimis ut
 31. pristinam sibi libertatem resumerent, nec servituri non ne-
 cessariæ succumberent, ultro precatus est. Has igitur ob vir-
 tutes, ob hæc facta maximos sane honores novosque titulos
 merebatur: verum paucissimos ipse recepit. Obstitit privatis
 gratiarum actionibus; honores, quos majores sua conditione
 putabat, recusavit: non templa sibi statui, non flamine coli,
 nec

nec aureas nec argenteas statuas poni; nihil denique divini, quodque humanam sortem excederet, sibi consecrari dedicari-
 ve passus est. Quo magis vero fugiebat honores, eo plures, ut plerumque fieri solet, consecutus videtur; longe enim honestiores, æneæ illi suæ privatisque simillimæ statuæ, quam Domitiano aureæ mediæque inter Deos collocatæ erant, imo & hoc ipsum redditæ libertatis signum videbatur, inter privatas æqualis materiæ principis imaginem videre. Hoc sc. ad Augusti exemplum fecisse arbitrandus est, de quo Suet. *Templa quamvis sciret etiam Proconsulibus decerni solere: in nulla tamen provincia nisi communi suo Romaque nomine recepit: nam in urbe quidem pertinacissime abstinuit hoc honore. Atq; etiam argenteas statuas olim sibi positas conflagavit omnes: exque iis aureas Cortinas Apollini Palatino dedicavit.* Hoc de Octavio suo laudat Sueton, qui honoribus impletus, cum quantum sæpe noceret superbia, suo exemplo didicisset, iis potuit abstinere: sed quanto majore laude Trajanus dignus est, qui nunquam vitia secutus, virtuti statim sese dedit? Solebant autem alii Principes vel Reges cultu majestatem sibi parare, suspici se ita & à vulgo sanctius observari credentes, si insignibus imperii ipsos se venerabiles effecissent; noster vero modice & senatorie agens maximam admirationem apud omnes meruit: videres Principem pop. Rom. id est, orbis terrarum, à bellis revocatum in patriam, ut magnum aliquem Ducem à victoria redeuntem, pedibus incedere, tarde & moderate ut multitudo circumstantium patiebatur; videres circumseptum non militum satellitumque turba, sed patrum equitumque flore; senatum osculo excipere, equitum præcipuos sine monitore, nomine compellare; clientes benigne accipere, & quasdam familiaritatis notas intermiscere; Palatium denique non ut regiam sedem, sed ædes publicas ingredi; habitum vel consulis vel senatoris cujusdam: adeo enim nulla principali pompa in publico versans erat ornatus, ut non facile nisi gravitate oris cognosceretur. Hac continentia effectum, ut, quod alii principum ambitione consumserunt, hic noster liberalitati magnificentiæque dederit. Multa per Italiam proficiscens civitatibus donavit, plurimas immunitates concessit, collationes remisit, militibus

donativum, congiarium civibus divisit. Erat tum longe alia facies cum publicus parens suis civibus, quam cum impius olim dominus gementibus subditis ad leniendas injurias aliquid raptarum pecuniarum distribuebat. fiducia & innocentia lætus princeps dabat; accipiebant illi cum gratulatione & votis. Non infantia cuiquam sua, non absentia, aut corporis valetudo nocebat, incidi omnes in publicas & annonas tabulas, nec preces eorum sustinens expectare, jussit; ceteris, quibus conditio sua præstituto die adesse negasset, accipere, quando commodum esset, monitis, minus scilicet bono liberalique principe dignum existimans: beneficentiam suam certo tempori alligare; debere quin etiam intercedere casibus, & fortunæ occurrere, necessitatemque benignitate levare. Maximam ergo hinc laudem, non minorem tamen spectaculis largiter exhibitis meruit; quæ adeo benigne præbuit, ut omnes antecessores suos, sicut ceteris in plerisque ita & hac in laude superasse, nemo sit qui dubitet. Maximos quidem olim sumptus Domitianus, maximos Nero histrio simul & princeps in ludis edendis fecerant, omnes tamen ii & molles & effeminati pro natura dominantium fuerunt: noster autem vel maximam inde gloriam adeptus videtur, quod nihil e-nerve, nihil fluxum in ejus theatro visum est. Gladiatores dedit post primum Dacicum bellum, spectaculum ad pulcra vulnera & honestam mortem incitans. In his quamvis omnia P. R. magnitudine digna videbantur, maximo tamen gaudio cives pios afficiebat principis aspectus; qui non, ut aliorum superbia fecerat, cavea inclusus suis ludis præfedit; sed medius inter senatores copiam sui omnibus præbens, nihil ad populi lætitiæ augendam prætermisit: admonuit ultro ut peterent ab sese quicquid placeret, nec petita illis denegavit; gavisus scilicet totiesque materiem novæ laudis præberi sibi existimans; quoties benefaciendi occasionem accepisset. Altero inde Dacico bello prospere confecto spectacula centum viginti tres dies fecit: feræ & mansuetae bestiae sæpe mille, sæpe decem millia cecidere; gladiatorum quoque quinq; millium paria uno tempore dimicarunt: nihil deniq; virilis exercitii erat quod

quod omittebatur. Post hæc, plurima & maxima ædificia publice extruxit; in quibus celeritatem an amplitudinem magis mirer nescio: porticus populari delectationi, cultui Deorum ædificavit delubra, quæ opera ea velocitate sunt absoluta, ut non arte facta, sed quodam munere Deorum sua templa juvantium ab rudi materia in ædificia conversa viderentur: portus quoque fieri curavit, vias munivit, paludes Pontinas lapidibus stravit, & publicis ædificiis circumsepsit; pontes etiam quam magnificentissimos struxit; inter quos primas facile obtinere potest ille Danubio impositus, de quo supra jam diximus. Inter urbana vero opera maxime Circum ab eo positum mirari soleo: quem etsi ita ædificasset, ut populo Romano dignus esset; omnibus tamen illud præfero, quod primus ipse Senatorum & Principum in Circo æquavit locum. Habuit Cæsar suggestum, retinuit Augustus; ceteri, excepto uno aut altero, quasi cavea inclusi, præ nimia superbia, aspici quoque ab suis hominibus contra majestatem putarunt: Nerva quidem maximæ civilitatis vir fuit, verum breve imperium & turbatus Reipubl. status facile eum ab his averterunt: Trajano primum post sedatum domesticum malum, exterisque devictos, fortuna non invidit, ut his quoque magnificentiæ monumentis gloriam suam augeret. Omnibus itaque perfectis, quasi complementum ceterorum operum columnam maximam collocavit, tum ut ibi sepeliretur, tum ut ædificia ab eo facta circa forum, *quod vel* (ut recte Cassiodorus judicat) *sub assiduitate videre miraculum est*, ostenderet, columna autem in loco montoso posita est & tam alte in terram defossa, ut vix dimidium emineat, cetera omnis pars sub terra conditur. Ita totam urbem exornavit Trajanus, nec erga singulos minus beneficus fuit; bonos in maximo semper honore habuit; longe scilicet ab dominantium ambitione alienus, *demptum* (Curtii verba sunt) *sua gloriæ existimantium, quidquid cedit aliene.* potius Livianum senem, qui *latus ad suam gloriam alios ascendere videbat*, secutus est. Quare & Sossio & Palmæ & Celso non dubitavit statuas ponere. fidelisque Quæstoris diligentiam in senatu allegare, tertium denique consulatum privato dare, quem ipse recusasset; satis superque

honorum in Principatu se accepisse, nec necesse habere dignitatem per se maximam consulatibus augere existimans. Plinium quoque, qui Panegyricum suum solennis gratiarum actionis loco Trajano dixit, post praefecturam statim aërii, consulem designavit; aliosque multos maximo honore affecit: donavit illis quam plurima, nunc elegantissima praedia, nunc pretiosam suppellectilem, aut alium Principalis pompæ ornatum. Ita enim ab omni luxu atque superbia procul erat remotus, ut cum venderet multa supervacua, priorum olim avaritia conquisita, plura tamen donaret: circumferebatur ingens tabula rerum venalium, in qua dies, leges, conditiones inscribebantur; licebantur cives, emebant, utebantur; nihil inter privatum & principem intererat: quam laudem ut in omnibus rebus, sic praecipue in frugalitatis studio sectabatur. Aedes non ultra magni alicujus Consulis aut Imperatoris modum, habitus senatorius erat; in publicum enim quam magnificus, tam parvus in privatis fuit. Sic paupertate magistra effectum, ut nihil quicquam ad se raperet aut contumeliis facile crederet: nullam unquam vim testamentis intulit, neque ut parum gratum aut sui officii inmemorem damnavit eum, qui non principem scripserat heredem. accusare licuit fisco, imo vincere, paruit princeps civium judiciis; & sua quæque dominis reddidit: nihil magis optans, quam sanguinem quoque impie occisis refundere. Suram vero Trajani amicitia validum, cum invidia fortunæ ejus, quotidie apud principem ut parricidam & impias insidias sacro capiti struentem amici calumniarentur, ipse gnarus aulicorum perfidiæ, calumnias aded sprexit, ut ad Suram veniens, ultro dimissis corporis custodiibus, medicum accusati, ad se vocatum curare oculos jusserit, mentoque raso locus apud illum cænaverit. sic detecta fraude, cum postero die solito more calumniatores rediissent, *Suram si me occidere voluisset certe heri fecisset*, illis respondit. quo audito, cum intelligere Trajanum, quid ageretur, sensissent, impio incepto destiterunt. Quantum autem tribuerit huic homini non vivo solum sed jam mortuo, vix satis digno explicari potest; non enim contentus publica sepultura affecisse, statuem etiam posuit variisque honoribus ornavit. Discere hoc

exem-

exemplo licet, quanta fide atque facilitate amicitias coluerit, quas exulantes ille reduxit in aulam; nunquam ambitio, nunquam avaritia ad suorum sanguinem optimum principem impulit; invitavit ad cœnam; visitavit ægros; & quod majus est, solemnes dies cum illis aliaque pietatis officia celebravit: candidatos vero consulatus osculo excepit: quæ res Senatui, præter alia quæ eo die Principi acclamata sunt, hanc quoque vocem expressit: TANTO MAJOR TANTO AUGUSTIOR. Vera & huic tantum principi conveniens acclamatio; qui quo magis ab culmine suo atque alta illa (ut ita dicam) specula descendit, eo magis ascendisse visus est. *Nam cui nihil ad augendum fastigium (ut recte Panegyrista noster inquit) superest, hic uno modo crescere potest, si se ipsum submittat secundum magnitudinis suæ.* Sed properandum est, ne justæ disputationis paginas nostra excedat oratio. Ad studia litterarum nunc devenio, quæ nulla in eo fuisse jam supra diximus: verum eo mirabilior, quod nunquam humanioribus litteris imbutus, Philosophorum præcepta actu ipso expressit, quibus ut sapientiæ doctoribus summos semper honores habuit; laudabant & ipsi ejus acta, eumque boni viri titulum tueri posse, dicebant non qui recta scit, sed qui recta agit. Quare ne pauperibus subsidia ad liberales artes deessent, publicis sumptibus Bibliothecas extruxit, ut acciperent ex iis, unde res pulcras penitus perdiscerent, sibiq; & Reipubl. prodesse possent. Fecerunt forsan talia & mali principes: verum si rem penitus introspexeris, omnia simulatione plena reperies. noster autem vel maxima laude ideo mihi dignus videtur. quod nihil fucatum, nihil subdolum ejus vel dictis, vel factis inerat; sed simplex quædam & sine fraude mala veritas elucebat. Ergo facile Trajano creditum est, nec unquam verba principis à mente dissentire Patres metuebant: omnes libere loquebantur, & superiores non tam principes, quam impios dominos subinde execrabantur; de suo vero imperatore idem publice quod privatim, idem intra ædium parietes quod in foro loquebantur. Sic erga cives suos se Trajanus exhibuit, nec iniquior erga provincias fuit. Ægyptus cum fame laboraret, languidius exundante Nilo; non longius ab auxilio quam à prin-

37.

38.

principe aberat. igitur ubi ventosa gens & populum gentium victorem ab se ali semper gloriata, inopiam suam invira tunc & vix propriis calamitatibus credens, fateri coacta est, paratas statim copias offendit; quæ quasi creditæ quondam aliis, nunc sibi redderentur. vidit ergo tum superba natio se non populo Romano necessariam, sed pop. Rom. sibi utilem esse; vereque de urbe Roma respectu orbis terrarum dici, quod senex Menenius apud Liv. de Senatu respectu civitatis effatus est: Illam, sicut ventrem, in medio positam digerere velut sanguinem, & in venas dispersiri, suisque membris vitam communicare, sine illa salvum & inconcussum orbem terrarum non futurum; varia bella. varias clades. si caput tanto corpori demeretur, orituras. Verum enim vero ut nihil in terris & hac vitæ contagione perfectum datur, ita & maximis vitiis commaculatum principem nostrum fuisse inficias ire non possumus. fuere autem ea amor puerorum & ebrietas. Multos exoletos aliosque deperisse certum est; imprimis autem (nam hos historici produnt *Xiphilius & Constantinus in excerptis*) Pyladem histrionem & Arbandum Ægbari regis filium, insigni forma excellentique statura juvenem, quem tantum apud principem nostrum valuisse legimus, ut parenti suo facile iratum & bellum contra eum parantem placaverit. Vini vero cupiditatem quod attinet; huic vitio, licet minime excusandus, eo tamen aliquo modo prospexisse *Victori* videtur: quod mandavit suis: *ne largius se cœnante imperata quisquam faceret.* Inter narrandum jam mihi occurrit elegantissimus ille locus, quo Julianus, in aurea illa de Cæsaribus Romanis fabula, false Trajani vitia perstringit: cum in concilium Deorum venientem, ita Silenum dixisse fingit. *Hoc tempore maxime summa cura, & diligentia adhibenda Domino Jovi est, ut ei servetur Ganymedes, vel, si Cuno magis interpreti, quam Carolo Cantoclaro credimus; ut Ganymedes pocula conservet.* qua diversa explicatione tum amores ejus tum vinolentia notantur. Egregia hætenus Trajani facinora & turpia vitia narravimus: nunc tristitia quoque, quæ ejus imperium habuit, sumus dicturi. Ea autem hæc ferme sunt. Uno terræmotu quatuor Asiæ, Elea, Pitane, Myrina, Cyme, duæ Græciæ Opuntiorum Oritorumque urbes subversæ. Iterum alio tres Gala-

39.

Galatiæ civitates dirutæ. *Orosius* septem, quatuor illas Asiaticas & tres Galatiæ urbes simul collapsas scribit; sed rectius haud dubie *Eusebius*, teste *Scaligero*, qui imprudentiam *Orosii* hac in re notat. Romæ quoq; sub ejus imperio aurea Neronis domus incendio conflagravit; & Pantheum fulmine concrematum. Omnibus tamen his terrius, omnibus truculentius, quod tam atrociter Christianos homines persecutus est. Sub ejus imperio Simon Episcopus Hierosolymitanus centum viginti annos natus, quem ipsa ætas ab omni supplicio vindicaret, post multos cruciatus, flagellationes, & verbera, tandem cruci affixus Christum Salvatorem suum, ut vita semper sic morte secutus est. Ignatius quoq; Antiochenæ Ecclesiæ præpositus cum Romam perduceretur ob Christianam religionem, bestiis esca datus est. Ubi quanta divini viri fortitudo fuerit, ipsius Epistola qua petit ab Romanis, ne se martyrum laude indignum judicarent, testatur. Alexandrum quoque, quem nonnulli sub *Adriani*, *Viterbiensis* rectius (ut ego arbitror) sub *Traiani* imperio interfectum, *Evaristum*q; truculenta morte percussisse scribit, cum *Eusebii Epitomator Haymon* obiisse tradat. Utcunque sit, certe maxima fuit persecutio, in qua multa millia ceciderunt: nullis tamen Diaboli artibus Evangelii doctrina sublata est, plures semper remanebant; neque occulte Christum suum coluere, sed gratulantes sibi ad supplicia corpus ultro obulere. Qua constantia (ut *Constantinus* in excerptis ex Antiocheno tradit) permotus *Trajanus*, cum ad occidendos Christianos non sufficere præfectorum manus videret, vetuit quemquam hujus criminis aut accusari aut puniri. ad quam elementiam eum primum movisse existimamus *Plinium Panegyristam* nostrum, qui tum *Bithyniæ* præpositus de Christianorum religione ad *Trajanum* scripsit, simulq; consuluit, quid imposterum sibi faciendum esset; nihil enim eos homines contra mandatum Cæsaris peccare, præterquam quod Ethnicorum Diis nulla sacra faciant, & antelucanos hymnos cantent, quibus Christum suum ut Deum venerentur: præterea severe disciplinam regere, homicidia, furta, adulteria, scorta apud eos illicita, quieteque agere. Quibus epistolis perlectis statim novum animum, novumque consilium sumpsit, ita *Plinio*

41.

nio suo respondens: *Non inquirendum hoc genus esse, sed oblatos puniendos.* Magna moderatio viri, quæ nec in media persecutione latere potest. Hispani certe, qui Christianos sese jactitant, longe sunt Ethnico hoc inferiores; non enim delatos modo puniunt, sed & non accusatos à latebris suis protrahunt: quæ etiam res memorabilem istam vocem viro præcipuo *Ludovico Vivi Hispano cum in c. 52. l. XVIII. Augustini de Civ. Dei* notas scriberet, expressit. **UTINAM MODERATIONEM HANC SEQUEREMUR HODIE CHRISTIANI.** Hæc igitur sunt quæ de vita moribusque Trajani dicenda putavi: superest ut luctuosissimam nunc ejus totique orbi terrarum funestam mortem persequar. Aqua intercute laboravit, cujus morbi causas varias produnt: alii quotannis ex inferioribus Trajani partibus multum sanguinis profluxisse, tradunt: eo vero anno sisti primo cæptum morbi materiam præbuisse: alii apoplexia correptum autumarunt; ipse venenum sibi datum putavit. Mortuus est Selinunte decimo nono imperii anno, quod oppidum inde Trajaniano nomini posteritas consecravit, ut Trajanopolis vocaretur. Post mortem inter Divos relatus, ossa aurea urna condita in urbe, quod nemini ante Trajanum contigit, sita sunt: ejusque memoriæ tributum, ut non aliter suo tempore Eutropius (vixit is *Valente* Imperatore annos post Trajanum plus CCXL) principibus acclamatum scribat, quam **FELICIOR AUGUSTO, MELIOR TRAJANO.** Habebunt hic viri Principes atque Magnates unde virtutis sibi incitamentum sumant; dum vident, nunquam posteros bonorum laudes reticere; vivere atque spirare in eorum animis salutare Reges; hosque mirari, hos suspicere solere, quos publico bono regnasse sciunt. Sperabunt ergo eadem sibi posse contingere, & certe sperent, de posterorum pietate ne dubitent, quæ nunquam defraudavit bonos principes, si modo, quod ego omnium Imperatoriarum virtutum fundamentum complementumque judico, quodque de se dixisse Trajanum cum amici ut nimis civilem increparent, *Eutropius* scribit, **TALES IMPERATORES SINT PRIVATIS, QUALES SIBI PRIVATI OPTARENT.** Lacinia nunc loco addere liceat, quæ Damascenus de Gregorio Pontifice fabulo-

42.

bulose scripsit. Hunc, cum sacrificans per forum Trajani irer, ardentissimis precibus Deum orare cœpisse, ut data venia, solutaque pœnis anima Trajanum ad se recipere, æternæque vitæ participem facere vellet; mox divinitus talem accepisse responsum. *Preces tuas audiui, & veniam Trajano do, tu vero deinceps pro impio hostiam mihi ne offeras. Vuerbiensis rem totam additis aliis fabulis, inficetis quibusdam & incultis versibus inclusit; quos licet non adeo memoratu dignos sciam, cum tamen, quæcunque de Trajano disperse extant, colligere constitutum sit, facilem me huic rei veniam apud æquos judices impetraturum spero. Versus autem ii tales sunt.*

Traiano jam defuncto post tempora multa,

Gregorio Papa, Romana potentia functa,

Trajani Regis gesta vetusta legit.

Pralia gesturus pergebat ab urbe monarchus,

Pontis apud Tiberim properans dum transit arcus.

Obvia stat vidua, mota querela sonat.

Hæu (ait illa) meum rediens ulciscere natum,

Nam morior, dum sic video cervice necatum,

Hoc scelus imperium vindicet, ecce caput.

Cæsar ait: pugnabo prius, curabo redire:

Illæ refert; si non redeas quo vindice fiet?

Quam laudem Deus hic te meruisse sciet?

Rex satis iratus jubet ut vindicta feratur;

Post abiit, sed non rediit, quia Marte necatur;

Unde virum laudem plus meruisse patet.

Hoc pietatis opus dum Gregorio memoratur

Ingemuit, pro morte viri multum lacrimatus,

Orat ut alma Dei dextera parcat ei.

Dum jacet in precibus, stans angelus increpat illum;

Scis quia non habuit baptismatis ille sigillum?

Quomodo tu lacrimis dona neganda petis?

K k k k

st

*Ast homo tu paucis opus expetis hoc pietatis,
 Quo semel indulto non amplius ista petatis,
 Trajanus requiem, te rogitante, capit.
 Excessit praesul, sed non permansit inultum,
 Angelico pulsu femur ejus tempore multo
 Claudicat, & pœna corpore signa tenet.*

Habes hic, benevole Lector, quidquid Trajanus omnium, Juliani sententia, clementissimus Princeps bello paceque præclare gessit; tu quæ parum à me concinne tibi dicta, vel plane omissa videbuntur, tuo judicio addes vel corriges; facile mihi interea veniam daturus, si in tali viro describendo juvenis hallucinor, *qualem* (ut cum Aurelio Victore loquar) *vix ægreque exprimere valuerunt summorum virorum miranda ingenia.*

VITA

FLAVII CLAUDII CUM AD-
JUNCTA COMPARATIONE TRAJANI.

ATque Trajani quidem vitam exposui, paullo illam fusius, quam mihi describere in animo fuit: Claudii vero cum comparationis, &, ut ita dicam, politicæ commentationis causa addatur, quæ ad hoc tantum institutum facient, afferemus. Sunt autem duo Reipublicæ tempora; itaque & clarorum virorum, præcipue bene imperantium, duplices artes esse debent, quibus bellum pacemque commode tractare sciant: quas ut tranquillæ facilius, ita turbidæ res magnificentius multo ostentant. vere hic materia, vere virtutis exercendæ latissimus campus panditur. Quare Principum horum gesta considerans, magis eos mirari multoque ceteris anteponere soleo, quia turbatum publicum statum Arenæ & sapienter correxerunt. Quod ut Trajanus fecerit, jam supra diximus. Claudius vero plane sicut ille, seditiosos
 è me-

è medio sustulit, Remp. bonis legibus firmavit, easque summa diligentia custodivit. Gallienum primo prodigiosum non principem sed Dominum, non Regem sed tyrannum, licet minime ambitiosus, publicæ tamen utilitatis causa, alienum auctorem secutus, ab imperio depulit. Aureolum vero hostem ab Senatu judicatum eo usque persecutus est, donec apud pontem, quem postea Aureoli dixere, cum adeptus iudicio militum interemit; sæpe scil. animo repetens; quod primo principatus die ab cuncto senatu sibi mandatum esset, **CLAUDI AUGUSTE, TUNOS AB AUREOLO VINDICA.** Hic stimulus maxime nostrum ad persequendum acriter tyrannum accendit, non enim pater ut dubiis rebus subveniret, ut seniles lacrimas ulcisceretur mandavit: Respubl. veluti stans ante Claudium egit cum illo, ut sic Princeps esset, si libertatis vindex, si pristini status restitutor existeret, hoc ille sibi exequendum ratus non Romam modo à tyrannide armis vindicavit, sed & ejus vitia legibus correxit. quare factum ut plus illi pax, quam bellum; plus occisus Aureolus, quam vivus laboris attulerit. Sanxit autem constitutiones plurimas & optimas, quas utinam nobis non invidisset, præter unam aut alteram, temporum iniquitas, utilissimas haud dubie res tanti viri scripta suppeditassent. Incidit autem in ea tempora Princeps noster, ubi maxime virtutibus bellicis indigeret Respubl. ut enim supra Domitiani mollietates & femina digni mores, ita nunc Gallieni luxuria adeo terrorem illum Romani nominis sustulit, ut omnes in eos ferrum acuerint. externi & interni hostes lacerabant Rempubl. nec Æmilianus jam aut seditio- si pauculi milites, nec Daci turbaverant publicum statum. barbari Gothi, & hirsuti Scythæ, aliæq; multæ gentes, vix antea in Romana terra visæ trecentis viginti millibus armatis, & duobus, sive ut Zosimus tradit, sex millibus navium, vacuum in Italiam irruerunt, vastantes eam atque diripientes, tyranni regiaeque feminae (pudor) sed tenebant exercitus. Tetricus Gallias, Tetricus Hispanias, hoc est quid aliud, quam Reipubl. habebat vires. Zenobia sagittarios possidebat. arma militaria Gallieni & sævitia, & prodigalitas, &

bellacivilia fregere, nihil integrum, nihil non corruptum in Romana Rep. inveniebatur. In his tamen tantis angustiis positus viros ipso aspectu terribiles, sicut & alios hostes, fortitudine, autoritate, consilio, fortuna vicit, quæ qualia in Trajano fuerint, jam supra dictum; ad Claudium nunc devenio, in quo, ut vere Trebellius judicat, Trajani virtus erat. Ingentis hic ad pericula animi, fortis in conflictu dexteræ fuit, & pertinacia in labore, roburque quoddam induratum conspiciebatur. Qualis illa responsio? quam Aurelio pacem roganti dedit: *Hæc petenda à Gallieno fuerant, qui consentire moribus tuis poterat, aut timere.* Digna Principe vox non consentire malis posse; contendere veluti cum voluptatibus, contendere cum affectibus suis; cernere alios deliciis frui, avaritia conquirere quæ per luxuriam effundant, exquisitis delectari coenis, malis libidinibus teneri: ipsumque eadem concupiscere, impune eadem facere posse, certare tamen secum, omnesque cupiditates magnanimitate superare. Maximi sane animi indicium hoc dictum, nisi majoris forsan illud: *Neque posse timere,* videre certa pericula, nunc bella, nunc insidias, videre civiles contra se armari manus, & jam pæne jugulo imminere gladium, nondum tamen timere, persequi tyrannos, profligare hostes, fortiter contra omnia fortunæ mala perstare. Hæc unde ei audacia venerit quæris? unico tibi verbo rem magnam expediam; *innocentia* erat, qua eo pervenit, ut jam malis consentire non posset. hæc veluti magistra, hæc parens tantæ fortitudinis fuit. scivit scil. Claudius; quo acrius reip. hostes persequeretur, eo acrius bonos cum defensuros. malorum enim odio bonorum amicitiam profite-mur. Tali ergo principis nostri animo, egregie corporis vires responderunt: Sæpe enim equis aut mulis dentes labefactavit, semel etiam juveni cuidam iratus omnes uno ictu excussit: semper in militia operis fuit patientissimus, ut qui nunquam per tot bella laboris pertæsus legatur. Autoritate vero non minus apud hostes quam suos valuit: Aureolum certe Claudii imperatoris nomen tantum auditum ita ter-ruit, ut ferox ipse, & magni exercitus dux, non dubita-verit, nec dum expertis viribus, Oratores ad eum mittere, qui

qui fœdus sibi veniamque impetrarent. Suis vero quam carus pariter & venerandus fuerit, judicia senatus & aliorum principum testantur: quorum aliquot exempla nunc referemus. Valerianus in quadam ad Zosimionem epistola ita scribit. *Claudium Illyricana gentis virum, tribunum Martia quinta legioni fortissima dedimus; virum devotissimum quibusque ac fortissimum veterum præferendum: salarium quoque ei ex fisco decernit, quod quotannis ei pendere præfectum Syriæ jubet.* Decius vero tribunum Claudium *Optimum juvenem, fortissimum militem, constantissimum civem* appellat, quibus ille titulis omnes mihi boni viri numeros absolvere videtur. Imbellem quis mihi virtutem dicat? potentium sæpe arma terruit. non optimi cujusque carnifex Domitianus, aut ebrius semper & crudelis Gallienus contra eam insurgere ausi sunt, Trajano ille, hic Claudio, viris veterum quibusque præferendis, summos semper honores habuerunt. Quare Gallienus, cum propter luxuriam sibi irasci optimum ducem comperisset, ad Venustum scribit, &, ut quacunque sibi ratione Claudium placaret, precatur, dona se ei misisse addit, parentemque & amicum nominat, tum quoque invidens alienæ virtuti imperator, cum eam maxime ornaret. Senatus vero quanta cum veneratione eum amaverit, acclamationes nos docent, cum nimio affectu victi temperare sibi non potuerunt; quin amorem licet non sine invidia principis publicis his vocibus testarentur. **CLAUDI DUX FORTISSIME HABEAS VIRTUTIBUS TUIS, DEVOTIONI TUÆ. CLAUDIO STATUAM OMNES DICAMUS; CLAUDIUM CONSULEM OMNES CUPIMUS. QUI AMAT REMP. SIC AGIT; QUI AMAT PRINCIPES, SIC AGIT. ANTIQUI CONSULES SIC EGERUNT. FELICEM TE, CLAUDI, JUDICIO PRINCIPUM, FELICEM TE VIRTUTIBUS TUIS, CONSULEM TE, TE PRÆFECTUM. VIVAS VALERIE; AMERIS A PRINCIPE.** Hæc autem ut sibi acclamarentur, non manu magis forti quam prudentia meruit; vero scilicet heroici spiritus temperamento: quo efficitur, ut nec fortitudo in audaciam, nec cautio in timiditatem degeneret. Consilium maxime fuit,

quo Gothorum tantas copias parva manu devicit : diligentia, qua naufragia priorum Principum collegit; qua omnes exitus ita obsepsit, ut vix Gothicæ cladis ex tanta multitudine nuncius ad suos domum penetraverit: nunquam temerarius ipse rem facile fortunæ commisit; gloriosius ratus, consilio quam prælio hostes vincere: hoc enim & rudem & barbarum sæpe præstare, illud non nisi viri sapientis esse. raro itaque acie pugnavit; ubi tamen necessitas aderat, non timuit pro Rep. pericula subire. Quare secuta, ut solet, virtutem fortuna, Claudio ejusque legatis, sicut & Trajano, propitia semper adfuit, nunquam enim per tot bella inter tot rerum discrimina aut ipse aut ejus milites cæsi sunt: nisi quod rebus secundis negligentiores semel facti, dum prædis avertendis studuerunt, duo millia à paucis fugientibus barbaris interfecti sunt: quæ tamen ignominia virtute Imperatoris mox deleta est; capti enim rebelles Romam ad poenam missi sunt. Alias semper (hac excepta, si ita appellari potest, clade) fortuna Romanis partibus favit. Imprimis nobilis est Gothica victoria, quam dignam putavimus, ut Claudium ipsum de ea ad Brocchum amicum suum scribentem in medium proferremus; ejus autem epistola talis est. *Delevimus trecenta viginti millia Gothorum, duo millia navium merimus. Tecta sunt flumina scutis: spathis & lanceolis omnia litora operiuntur. Campi ossibus latent tecti: nullum iter purum est; ingens carrago deserta est. Tantum mulierum cepimus, ut binas & ternas mulieres victor sibi miles possit adjungere.* Ob has igitur virtutes, has victorias non tantum Trajanum, quantum Claudium à suis amatum honoratumque fuisse. Trebellius judicat: & sane speciose id defendi potest. Ille enim Adriani judicio post mortem triumphavit, huic à P.R. publicis sumptibus in Capitolio ante Jovis Optimi Max. templum statua aurea decem pedum posita: huic omni censente senatu è simili materia clypeus in Curia suspensus: huic denique totius generis humani suffragiis columna cum palmata statua superfixa librarum argenti quingentarum in rostris collocata. Neque adulationem hanc aut servitutem quis mihi dixerit; brevis simulatio est, nec modum tenere scit, ultra hominis ætatem non durat, solus amor

& post

& post obitum fidus manet. jam vero quanta ea sunt quæ red-
didit optimo Principi senatus? una statua, aut clypeus, aut
columna digna scil. tantis virtutibus pretia fuerunt. nonne
P. R. hos illi honores vel pro reparato tantum imperio, vel
pro servata majestate sua debuit? ego certe non dubito quin
durante adhuc rep. eadem, agens eadem fuisset consecutus.
magna enim merita, magna præmia poscunt. Multa sunt
quæ dixi; plura adhuc quæ restant, ut enim bello fortissimus,
sic pace moderatissimus exstitit, sagique gloriam togæ laudi-
bus vicit. Ante omnia, quæ & supra maxime in Trajano
laudavimus, clementiam civilitatemque studiose coluit, nec
justitiæ interim immemor. quas ego tres virtutes in primo
statim rogati principis limine merito conjunxi, ut quæ solæ
felix imperium, felicem principem efficere queant. Quid e-
nim salvum, quid æquum nisi clementia magistra admini-
strari potest? aut quid tandem stabile putamus, nisi cum illa
commisceatur justitia, unicum rerum publicarum vinculum,
quo contineri plerumque pulcherrimus imperii ille contextus
solet? Recte itaque noster utramque virtutem alteram altera
ut ita dicam temperavit; ne legum rigor severi & tristis, aut
nimia lenitas indulgentiæ ei maculam aspergeret, quæ ty-
rannide plerumque est perniciosior. Stultis namque, aut
errore lapsis, vel quorum de correctione nondum desperaba-
tur, quasi negligeret, indulgit; magisque invenisse bonos
videri volebat quam fecisse; ut dum probos simularet, pro-
bos efficeret. Fures vero judices palam aperteque damnavit.
Utrumque prudenter; servari illos decuit ac sanari, hos pu-
niri, homines enim sumus, omnes peccamus; humanum igitur
est veniam errori dare; mederi que vitiis: quod si tollas
in imperio, quando gladii finis erit? qui licet multos quo-
tidie rapiat, plures semper rapiendos relinquet, adeo, ut
puniendorum te citius, quam peccantium numerus deficiat?
supplicia enim sæpius repetita vilescunt, & sicut quanto plu-
res ramos defecas, tanto plures repullulant; ita delinquenti-
um cohors sub ense crescit. Verum diligens hic, ne nimium
extrahatur lenitas, adhibenda cura: medicos imitari decet;
qui quamdiu salutis spes est, fomenta adhibent; ubi vero im-
medica-

6.

7.

medicabile vulnus apparet, tum demum, ne longius serpat malum, ut rescindatur summopere suadent. Deinde peccantium quoque discrimen habendum, neque eadem poena afficiendi, qui in privatos aut unum tantum caput, & qui in Rempubl. delinquant. illos tractari mitius, hos severius decet, & ut omnes salvi sint, in exemplum tamen magis quam ultionem, unus cædendus est. Quare & noster fures iudices publicos hostes, & qui humanæ societatis vincula solve- re conarentur, publice damnavit. nullus hic clementiæ locus est, neque miserationem merentur, qui nullius unquam boni viri miserti sunt, qui suam conscientiam, omnium bona, & sanguinem, justitiam, patriam denique ipsam auro venalem habuerunt. nihil enim inter injustum iudicem & proditorem interesse existimo, quam quod hic uno veluti ictu, ille aulaticum Rempub. uterque tamen subvertant. Nunc alio me vocat numerosa Principis gloria, quasi satis jam de ejus clementia dixissem, qui nunquam sustinuit in cadavera licet pessimorum hominum sævire; qui devictum occisumque Aureolum aperte patriam oppugnantem non dubitavit honeste sepelire, pontemque, ubi ultimum diem obiit, ejus memoriæ consecrare. Verum materiæ amplitudo de hac mihi re silentium injungit, ad alia nunc & moderationem Claudii, haud immerito cum Trajani comparandam, transire cogor. Solebant autem alii Principes vel tyranni, ut ipsi eminerent, meliores suppressere, bonos otio abstrusos sepultosque à Reipubl. curis amovere; malos vero in lucem protrahere ostendere, ut horum ex comparatione Princeps aestimaretur. Noster vero Trajani exemplo, sua conscientia & factis fretus, gaudebat non cum vitiis sed virtutibus suorum civium certare, & sua quemque in laude vincere: magnis ergo viris nunquam ob res præclare gestas invidit, neminem suis laudibus aut Cæsar aut privatus defraudavit. Aurelium fortissimum ducem præcipue mirabatur, quod facile epistola, qua eum ad bellum Gothicum consiciendum adhortatus est, testatur. Nihil unquam contra Senatus auctoritatem fecit, sed ut bonum civem & Principem decuit, eo se minorem putavit, quotiens hostem aggredi statuisset, ad patres reculit, ut

ut bellum contra hunc aut illum juberet: neque Aureolum tyrannum judicavit, nisi missis prius ad senatum litteris, ad populum edictis. Victis vero nunquam insultavit: neque post res præclare gestas honores aut rapuit aut superbe efflagitavit; petiit à senatu priscorum Consulum more, ut meritis suis vicem redderent; neque unquam majora sua conditione dedicari sibi permisit. quare factum, quod etiam Trajano contigit, ut post mortem maxime honores creverint, tumque demum optimus princeps coli cœperit, ubi obstare & intercedere suorum affectibus amplius non posset: sic quominus gloriam petebat, eo majorem ipse consecutus est, nullo tempore perituram, quæ scilicet est in judiciis hominum; hunc columnen, hunc salutem Romanæ rei fuisse dicentium. In cetero autem cultu popularem fuisse, facile nobis tum militaris ille & severus animus Claudiani corporis habitator, tum ipsius oris majestas persuadet: illi enim longo sibi satellitum agmine & familiæ ferme natione auctoritatem quærere conantur, quorum plerumque mollissima facies & feminei oculi, artes denique his omnibus deteriores reverentiam penitus destruxerunt. Trajani vero, & Claudii, dignitatem illam oris, & majestatem corporis muliebri pompa scdare dedignantur: atque illius quidem gravitatem jam supra ostendimus: hunc vero non minus plenus vultus, statura erecta, oculi denique ardentes decorabant, facile virum principem, facile heroem ostentantes; quæ tamen corporis ornamenta multum animi magnitudine & innocentia vicit. Cum primis autem in eo memorabile est, quod nunquam in amicos obliquus fuerit, sed, sicut Trajanus, extulerit, soverit. Solebant alii Principes, (quod adhuc in Turcico imperio usu receptum est,) proximos suos, ne seditionis materia in regno relinqueretur, occidere: forsàn apum morem secuti, quæ, ne in factiones agmen transeat, ubi optimum Regem bello probarent, ceteros internecant. Sed miseros mortalium, quorum salus aliorum sanguine paranda est! ne credant Primorum cæde effectum iri, ut sine minore ipsi periculo regnare possint; imo tanto minus tutos sese futuros sciant, quo magis alios de sorte sua sollicitos præstabant. Securitas enim mutua se-

curitate paciscenda est. Melius multo noster amicis in munimentum corporis usus est. honoravit princeps amicos, sic & amici principem: amavit illos; magis hi illum: parum enim gratus mihi videtur Principis amicus, nisi qui ut pub. bonum tantisque quotidie muneribus onerantem omnes obligantemque magis amat. Sic itaque Claudius Trajani virtutes æquavit; vitia vero effugit; lasciviam illius castimonia; ebrietatem continentia rependit. Præclaræ utique principis virtutes; quas utinam Trajanus quoque habuisset, nihil gentili ad perfectam boni Imperatoris laudem defuisse putarem; verum duo illa vitia, amor puerorum & vini cupiditas cetera decora labefactarunt, quibus si princeps est correptus, impossibile pene dixerim, quin ejus mala ad reipubl. quoque detrimentum pertineant. quid enim flagrans aut cupidus animus exolero suo facile denegabit? aut quomodo ebrius; Imperator Reipubl. curas ager? excuset sane Trajanum *Xiphilinus*, quasi, licet his vitiis deditus, nihil tamen turpiter aut nequiter fecerit. ego vero contra reor, amatorem victam circumferre mentem; teneri (venia sit verbo) à seorto, ut, quocunque velit, circumagi possit. Sed quid verbis opus est ubi res ipsa loquitur? Arbandi satis ad probandum exemplum: justum tum, ut arbitror, bellum contra patrem ejus suscepit Trajanus; cur ergo invictum, quæso, ensen cinædi preces inhibuere? non turpe hoc, non contra Rempubl. est? verum hæc eo à me scripta sunt, ut cognitis vitiorum malis, ex comparatione virtutum bona æstimarentur; quantum scilicet purus & sobrius, & qualis Claudius fuit princeps Reip. prodesse possit, qui suis semper affectibus imperare. & animum in potestate habere sciat. His ille ingenii dotibus, his animi artibus instructus, ultimo demum vitæ tempore ad imperium venit. & hoc in ambobus nostris Principibus miserabile est, quod primum ætatis suæ florem, licet semper tacitis votis ad imperium expetiti, in privata tamen vita consumere coacti fuerint, cum Domitianus, & alia monstra magis quam Imperatores, in Rempublicam suis mox vitiis perdendam juvenes irruperint. Claudii vero cumprimis fortem lugere soleo, quod optimus Princeps, qui (Trebellii Pollio-

Pollionis verba sunt) si diutius in hac esset commoratus Republica, Scipiones bonos, & Camillos, omnesque illos veteres, suis virtutibus, suis consiliis, sua prudentia reddidisset; jam exacto pæne ætatis spatio duobus tantum annis imperium tenuerit. Verum hoc utcunq; sit, illud me juvat aspicere, quod hi Imperatores, licet per brevissimum tempus ad gubernacula sederint, omni tamen posteritati præclaris constitutionibus & virtutis monumentis profuerint. Quare nunc te Trajane & te Claudii, non annos vestros, sed virtutes; non ætatem sed merita metiens, minime dubito FELICES appellare. FELICES VOS, FELICEM REMP. FELIX TRAJANE OPTIME Princeps, FELICIOR CLAUDI: qui cum optimus fueris, multos à tua familia optimos extituros Imperatores per oraculum scivisti. FELICES VOS judicio Senatus. FELICES VOS consensu posteritatis. FELICES VOS virtutibus vestris. Vobis similes nostra ætas Principes videat: vigeat antiqua virtus, vigeat innocentia!



AXIOMATA QUÆDAM EX MATERIA
DISPUTATIONIS EXCERPTA.

- 1 Hispanorum virtus plurimum pace belloque Romanæ rei profuit. Cap. 1. Trajan.
- 2 Græci, gens lingua magis quam armis strenua. Ibid. Liv.
- 3 Meditamenta magnorum Ducum, venari, equitare, pugnare. Ibid.
- 4 Paupertate magistra stant severi mores, opibus dilabuntur. 2.
- 5 Virtute honores parandi, egregiis factis augendi. Ibid.
- 6 Virtus sæpe antecurrit annos. Ibid.
- 7 Non magis boni Imperatoris est novisse militum animos, quam regionum latebras perscrutari. 3.
- 8 Invidiæ molem virtutis robur superat. Ibid.
- 9 Laudabile & reipubl. plerumque utile est, per omnes di-

- gnitatis gradus ad summum honoris fastigium ascendere. Ibid.
- 10 Fama plurima in bellis profligat. Ibid.
- 11 Plus boni Imperatoris consilium quam militum vis valet. Ibid.
- 12 Æqua pax victoriæ præponenda. 4.
- 13 Principum domus ab orbitate vindicanda, si natura negavit filium, dabit electio. Ibid.
- 14 Inter omnia Nervæ facta Trajani adoptio longe fuit maximum & reip. utilissimum. Ibid.
- 15 Signis sæpe quibusdam aut somniis fata futura prænuntiant. 5.
- 16 Magni animi eum esse oportet, quem non potentia corrumpat. Ibid.
- 17 *Virtutes velut temperamento quodam inter se miscenda sunt.* Ibid. Victor.
- 18 In civilitatis studio maxime adhibenda ratio, ut teneatur mediocritas, quæ est inter nimium & parum. Ibid.
- 19 Nimia civilitatis affectatio contemptum parit. Ibid.
- 20 Vulgus plerumque animi & ingenii vires negligit, corporis majestatem attollens atque suspiciens. Ibid.
- 21 Magnis virtutibus insigne robur addit ipsius vultus gravitas. Ibid.
- 22 Duo bono Imperatori necessaria sunt: suorum amor & reverentia. Ibid.
- 23 Bonorum Imperatorum etiam nomen terret. 6.
- 24 Plerisque heroibus impetus quidam in perficiendis rebus est. Ibid.
- 25 Non minus boni Imperatoris est, ductu quam auspiciis bella conficere. Ibid.
- 26 Sola virtute auctoritas & paratur, & retinetur. Ibid.
- 27 Timidissimus quisque ante pericula est ferocissimus. Ibid.
- 28 Victoriæ virtus parat, sine illa nemo felix. 7.
- 29 Inertia dissolvuntur imperia, quæ longa industria collegit. Ibid.
- 30 Barbaris plerisque fide utilitas carior est. Ibid.

31 Suspi-

31. Suspica monarchia semper in potentiores obliqua est.
Ibid.
32. Desperatio saepe in virtutem vertitur. Id. Just.
33. Ducis civitas militum obstringit fidem. 8.
34. Pœnitenti hosti parcendum. Ibid.
35. Unius aliquando hostis supplicio cæteri sunt deterrendi.
Ibid.
36. Magni animi vir prosperis rebus effertur nescit. Ibid.
37. P. R. plerasque gentes armis devicit, æquitate subegit.
Ibid.
38. *Malus diuturnitatis custos metus est.* 9. Cic.
39. Durum & superbum imperium rebellionis sæpe causa fuit. Ibid.
40. Fortibus viris libertas vita est carior. Ibid.
41. Maxima bella Principi conficienda, minora Legatis relinquenda. 20.
42. Ubi aperto Marte res non procedit, insidiis pugnatur.
Ibid.
43. Sicariis uti, indigna militari viro res est. Ibid.
44. Bellum impie susceptum, impie plerumque geritur. Ibid.
45. *princeps Reip. suæ vitalis veluti spiritus est, quem omnes trahunt.*
Ibid. Senec.
46. Nihil magnum satis teste agitur. Ibid.
47. Scelera plerumque homines ad nova flagitia impellunt.
Ibid.
49. Virum vere constantem nec metus, nec spes movet. Ibid.
50. Perfidi non tanquam hostes, sed ut latrones bonis persequendi sunt. Ibid.
51. Res natura impeditas expedit consilium & constantia.
Ibid.
52. Optimi quique Duces caute quam propere, consiliis quam impetu bella maluerunt conficere. Ibid.
53. Pauci heroum temeritatis notam effugerunt. 11.
54. Duo à bono Imperatore maxime requiruntur, consilium promptum & exequendi robur. Ibid.
55. Duces non orationis modo splendore, sed & forti exemplo milites accendere decet. Ibid.

- 56 Cicatrices decora corporis & fortitudinis testimonia sunt. Ibid.
- 57 Boni honorandi, ut mali ad virtutem accendantur. Ibid.
- 58 Hostis pertinacia victoris gloriam augeat. Ibid.
- 59 In mortuos quoque nonnunquam quædam victori licent. Ibid.
- 60 Omnia victori cedunt. 12.
- 61 Romani non ingrati in magnos Duces fuerunt. Ibid.
- 62 Aliæ plerumque bellorum causæ, alii prætextus sunt. Ibid.
- 63 Magnis viris familiare malum gloriæ cupido est. Ibid.
- 64 Plerosque Duces quos *nulla mali vincit species, perdunt nimia bona & voluptates immodica.* Ibid. Liv.
- 65 Maximi quique duces equis cumprimis delectati sunt. Ibid.
- 66 Boni Principis est plus pacis quam belli artibus gloriari. 13.
- 67 Militares viri superbi plerumque & feroces, raro civiles artes sciunt. Ibid.
- 68 Boni Ducis non est diu in hybernis morari. 14.
- 69 Viribus robur addit consilium. Ibid.
- 70 *Primi in omnibus præliis oculi vincuntur.* Ibid. Tacit.
- 71 Civile odium grave plerumque est. 15.
- 72 Antequam in bello progrediamur, ut ab tergo omnia tuta sint providendum est. 16.
- 73 Gloriæ cupido ubi semel animos hominum incescit, sine modo paratur. Ibid.
- 74 *Facile est quædam vincere quam tueri.* 17. Curt.
- 75 Nuper subacti hostes rigida cervice subeunt jugum. Ibid.
- 76 *Nihil rursus in hoste despiciatur, quem si speraveris valentiores negligentia efficies.* Ibid. Curt.
- 77 Orienti malo occurrendum est. Ibid.
- 78 In prosperis nimis quam citò fortis humanæ nos capit oblivio. Ibid.
- 79 Prodest imbecillitati humanæ, secundæ interdum fortunæ seriem adversis distinguere. Ibid.

- 80 Parthi temporarii, feroces, crudeles sunt, quocunque
pendentes animos fortuna fert, sequuntur. 18.
- 81 Pertinacia sæpe magistra, quæ invicta ante visa sunt vin-
cuntur. 19.
- 82 Reges in prælium ituri prudenter insignia deponunt.
Ibid.
- 83 Ubi infausta omina præcesserunt, temere pugnandum
non est. Ibid.
- 84 Omnia bella duabus maxime rebus geruntur, *manu &*
consiliis. Ibid.
- 85 Sine disciplina militari nihil agitur, omne robur, omne
consilium evanescit. Ibid.
- 86 In quaque re optimus deligendus Dux est. 20.
- 87 Antiquum & cum generis humani damno conjunctum
malum est, nolle ab aliis discere. 21.
- 88 Moderatus animus nunquam superbe se super ceteros
effert. Ibid.
- 89 Non culta oratione, sed virili exercitio militaris animus
eruditur. Ibid.
- 90 Principis exemplum maximum disciplinæ momentum
est. 22.
- 91 Bonus Imperator immiscere se militum exercitationi-
bus potest incorrupto Ducis honore. Ibid.
- 91 Celeritas non minima belli virtus est. Ibid.
- 92 Viri vere fortis est neque secundis efferrî, neque adversis
à gradu dejici.
- 94 Cæsis corporibus illudere barbarum est. 24.
- 95 Sine viribus præparatis bellum nequaquam suscipien-
dum. Ibid.
- 96 Trajanus Alexandrum bellica laude si non vicit certe
æquavit. Ibid.
- 97 Plerumque qui aliis dominantur sibi serviunt. Ibid.
- 98 Minimum decet libere, cui multum licet. Ibid. Sen. in Troad.
- 99 Felicitas sæpe reges ad superbum avarumque imperium
impellit. Ibid.
- 100 Rarissima virtus est, si quis pace belloque bonus sit.
Ibid.

- 101 Seneſtus in principe facile contemnitur. 25.
102 Plus reverentia quam terror valet, Ibid.
103 Qui imperium ſuum rigoris reſpectu minuunt, tempore
plerumque & ſecuritate augent. Ibid.
104 Semper id reges cogitare decet non populos urbeſque
propter ipſos conditas, ſed eorum dignitatem tuen-
dæ reipubl. inventam eſſe. Ibid.
105 Reip. ſæpe utile eſt magnis magiſtratibus non unum
præſeſſe. Ibid.
106 Bene imperaturi ſignum eſt, recuſare imperium. Ibid.
107 Ad ſuſcipiendum imperium maxime bonos inſtigat pu-
blica calamitas. Ibid.
108 Delatores ſceleſtorum imperiorum miniſtri ſunt, nun-
quam boni iis utuntur, 26.
109 Plebis affectus ſemper immodicus eſt, aut timet nimium,
aut nimium lætatur, Ibid.
110 Boni Principis eſt, diu poſt ſe Reipubl. prodeſſe. Ibid.
111 Non peccata modo, ſed omnis peccatorum materia præ-
cidenda eſt. Ibid.
112 Lex olim majeſtatis omnium flagitiorum & principalis
avaritiæ inſtrumentum complementumque fuit. Ibid.
113 Recte olim factum, quod ſervili odio in indiciis non
fuerit creditum. 27.
114 Maxime laborandum viro Principi eſt, ne gravatim ci-
ves onera ferant. Ibid.
115 Saluberrima magnis imperiis res, cito pernoſcere poſſe
quidquid ubique geratur, Ibid.
116 Res publico bono inventas malitia ſæpe in perniciem
vertit. Ibid.
117 Non inter minima Principis munia numerandum judi-
ciis præſidere. Ibid.
118 Judicis boni eſt patienter audire, clementer ſententiam
dicere. Ibid.
119 Nihil Principe tam indignum eſt, quàm voluptati in-
dulgere. 28.
120 Deus ideo in tantum faſtigium principes collocavit, ut
latius proſpicerent quæ utilia quæ pernicioſa futu-
ra ſint, Ibid.

- 121 Apud Præfectos auro sæpe fides venalis est. Ibid.
- 122 *Quid fieri debeat cum multis tracta, quid fieri velis cum paucis, aut ipse potius tecum.* Veget. Ibid.
- 123 Ab initio consulto, & ubi consulueris mature facto opus est.
- 124 Maxime annonæ curam princeps habeat. Ibid.
- 125 Non vera clementia est cæde & proscriptionibus lassata crudelitas. 29.
- 126 *Nec promiscuam habere ac vulgarem clementiam oportet, nec absisam.* Senec. Ibid.
- 127 Raro hanc legem Princeps injungere sibi aut potest aut debet, neminem occidere. Ibid.
- 128 A vitiis ad virtutes transeuntes ut boni præmiis ornan- di sunt, ibid.
- 129 Virtutis præmium honor est. Ibid.
- 130 Princeps legum impertis est subjectus. 30.
- 131 *Adiuescat Imperator cum imperio calculum ponere.* Plin. ibid.
- 132 Principis est amplissimos honores repudiare, civiles reci- pere. 31.
- 133 Plerumque qui minime quærent honores maxime con- sequuntur, Ibid.
- 134 Proprio quam alieno sapere plerumque damno malu- mus. Ibid.
- 135 Prudens, quem alienum malum doctiorem fecit, Ibid.
- 136 Gloriosum viro Principi est non multa pompa, sed o- culorum acie & majestate vultus cognosci. 32.
- 137 Boni Principis signum est domi civibus, foris milite esse circumseptum. ibid.
- 138 Quod mali luxuriæ, boni dant liberalitati. Ibid.
- 139 Principi maxime laborandum, ne quis liberalitatis sue expers sit. Ibid.
- 140 Maximum liberalitatis decus ipsa dandi promptitudo.
- 141 Spectacula exhibere concessum, modo nihil in iis fluxum nihil enerve videatur. 33.
- 142 In aliis rebus severum quodammodo principem non recuso, spectaculis vero præsidens comis sit & bene- ficus, ibid.

M m m m

143.

- 143 Gaudent boni quoties liberalitatis ipsis exercendæ occasione data est. *ibid.*
- 144 Digna Principe vox est, *urbem se marmoream reliquisse quam lateritiam acceperit.* 34.
- 145 Superbi Principis est aspectum etiam sui civibus invadere. *ibid.*
- 146 Dominantes magis sæpe Præfectorum ingentes victoriæ angunt, quam clades. 35.
- 147 Boni Principis est non contundere vividos spiritus, sed fovere & attollere. *Ibid.*
- 148 Luxus & superbia muliebria vitia sunt, procul ab iis abesse & virum & Principem decet. *Ibid.*
- 149 Princeps de suo civibus donet, in publica pecunia tenax sit. *Ibid.*
- 150 Princeps pauca in ornanda domo consumat, magnificus sit in publicum. 36.
- 151 Paupertas plurimarum virtutum, præcipue innocentiae magistra est. *ibid.*
- 152 In procurandis fisci utilitatibus minime Principem decet esse severum. *ibid.*
- 153 *Fortuna comes invidia.* *Ibid.* Vell,
- 154 Aulici plerique ad calumniandum maxime parati; ubi materia data est vix satis apertum os, vix lingua prompta videtur. *Ibid.*
- 155 Pauca credere, cavere in omnibus regium est. *ibid.*
- 156 Præcipuum principis opus est amicos parare. *Ibid.*
- 157 In amicum quandoque se Princeps ex Imperatore per familiaritatis officia submittat. *Ibid.*
- 158 *Princeps nulla magis se crescere potest, quam si seipsum submittat securus magnitudinis suæ.* *ibid.* Plin.
- 159 Sapiens non scientia sed rerum actu censetur. 37.
- 160 Maxima boni Principis laus est artes liberales omni ratione juvare. *ibid.*
- 161 Prima principis virtus est nil fraudis causa simulare. *ibid.*
- 162 De bono principe eadem homines secreto loquuntur quæ palam. *ibid.* Seneca.
- 163 Princeps terrenus veluti Deus est, prospicere semper debet, ne quis egeat. 38.

- 164 Egyptiorum ventosa & insolens est natio. *ibid.*
 165 Civitas imperii sedes, subditorum veluti mater & tranquillitatis status est conservatrix. *ibid.*
 166 Nihil perfectum in terris datur, omnis virtus vitii est commixta. *ibid.*
 167 Nihil truculentius à Trajano factum quam persecutio in Christianos. 40.
 168 Qui in religione variant nequaquam gladio sunt sed rationibus convincendi. *ibid.*
 169 Virtuti non magis [quam] soli latere contingit, emicat semper, semper lucet. *ibid.*
 170 Aequi moderatique principis bona malaque ad rempubl. pertinent. 41.
 171 Bonorum mors vita saepe clarior, ubi anima natura cessit, ipsa se virtus magis magnè extollit. *ibid.* Sallust.
 172 Posterius suum cuique decus rependunt. *ibid.*
 173 Tales Imperatores se privatis præstent, quales si privati essent ipsi optarent. *ibid.*
 174 Fabulæ interdum delectationis gratia in historiis habent locum. 42.
 175 Trajani res gestæ ita amplæ magnificæque fuerunt, ut vix exprimere valuerint summorum virorum miranda ingenia. *ibid.*
 176 Trajanus clementissimus, Juliani sententia, princeps fuit. *ibid.*

Excerpta ex Claudij comparatione.

- 177 Bonum civem duplici scientia decet esse instructum, qua bello paceque rempubl. juvet. r.
 178 Res asperæ fulgorem quendam virtutibus addunt. *ibid.*
 179. Tria sunt quæ turbatam rempubl. tranquillam efficere queunt: seditiosorum supplicium, optimarum legum rogatio, sancitarumque conservatio. *ibid.*
 180 Tyranni aliquando jure occidi possunt. *ibid.*
 181 Seditio et turbarum auctores gladio tolluntur, eorum vero vitia legibus corriguntur. *ibid.*

- 182 Omnem principem & libertatis vindicem & optimi stātus reparatorem esse decet. *ibid.*
- 183 Præcipuæ in rege contemptus causæ ignavia & luxuria. 2.
- 184 Nulla res æque republ. corrumpit ac contemptus principis. *ibid.*
- 185 Vanis & inanibus magis sæpe miles, quam iustis formidinis causis movetur. *ibid.* Curt.
- 186 Quatuor potissimum rebus hostes vincuntur, fortitudine, autoritate, consilio, fortuna. *ibid.*
- 187 Fortis viri est non timere in adversis, acris in conflictu dexteræ, constantis in labore roboris esse. *ibid.*
188. Omnes cupiditates magnanimitate superantur. *ibid.*
- 189 Innocentiæ studio eo pervenit princeps, ut malis consentire nequeat. *ibid.*
- 190 Virtus ubi ad robur quoddam pervenit, inexpugnabile munimentum est. *ibid.*
- 191 Alienas sæpe virtutes tyranni ornant, quas ipsi oderunt. *ibid.*
- 192 Plerisque affectibus cogendi quædam vis inest. *ibid.*
- 193 Prudentia heroici spiritus temperamentum est. 4.
- 194 Providentia cum fortitudine juncta efficit, ut nec hæc in audaciam præceps ruat, nec illa in timiditatem degeneret. *ibid.*
- 195 Nihil temere fortunæ committendum, Ducem respicere magis quam prospicere decet. *ibid.*
- 196 Non gloriosum minus Duci est consilio, quam gladio vincere hostes. *ibid.*
- 197 Armis sæpe barbari vicerunt, consilio non nisi sapientes. *ibid.*
- 198 Pro republ. pericula subire nemo prudens vir dubitat. *ibid.*
- 199 Fortuna virtutis plerumque comes est. *ibid.*
- 200 Res secundæ negligentiam sæpe pariunt. *ibid.*
- 201 Post magnas viatorias præda sæpe inter milites virtutis causa utiliter distribuebatur. *ibid.*
- 202 Simulatio nullum modum tenet, citoque detegitur. 5.
- 203 Amor vel ad perpetuitatem fidelis est. *ibid.*

- 204 Virtuti nullum dignum præmium est, nisi factorum conscientia. *ibid.*
- 205 Singularis virtus. singulare præmium poscit. *ibid.*
- 206 Clementia, civilitas, justitia primæ principalis fastigii virtutes sunt. 6.
- 207 Justitia unicum reip. vinculum est, qua mali coërcentur, sicut boni defenduntur. *ibid.*
- 208 *Malo principem sub quo nihil, quam sub quo omnia liceant. ibid.*
Xiphil.
- 209 Optimum correctionis genus est correctionem dissimulare. *ibid.*
- 210 Nullam errori veniam concedere ferum & inhumanum est. *ibid.*
- 211 Tyrannis nunquam occidendi materia deest. *ibid.*
- 212 Supplicia multitudine ipsa vilescunt. *ibid.*
- 213 Crebris suppliciis plerumque scelera crescunt. *ibid.*
- 214 Clementia desperatæ indolis homines tegere non debet. 7.
- 214 Qui in rempubl. peccant severius tractentur, ceteri habeantur mitius. *ibid.*
- 216 Nullum supplicium ultionis sed exempli causa fiat. *ibid.*
- 217 Justitiam qui violat reipubl. nexum solvisse videtur. *ib.*
- 218 Judicia qui vendere, nihil non auro venale habere audent. *ibid.*
- 219 Injustus judex & reipubl. proditor eadem ferme pœna afficiendi sunt. *ibid.*
- 220 Tyrannis familiare dominationis illud arcanum; eminentia capita refecare. 8.
- 221 Bonum principem juvat cum virtute, non vitiis suorum civium cernere. *ibid.*
- 222 Principis animus procul ab omni invidia sit remotus. *ib.*
- 223 Non minus fortis est consulere victis, quam feroces vincere. *ibid.*
- 224 Honores nec rapiendi, nec superbe efflagitandi sunt. *ib.*
- 225 Vera gloria non in statuis sed hominum judiciis consistit. *ibid.*

- 226 Mortalem se & hominum officia fungi Princeps sciat,
procul ab suo cultu divina removeat. *ibid.*
- 227 Graves & militares viri corpus muliebri pompa foedare
dedignantur. 9.
- 228 Molles & ignavi Principes, corporis plerumque ornatu
majestatem sibi parare conantur. *ibid.*
- 229 Natura venerabile plerumque aliquid corpori heroum
indidit. *ibid.*
- 230 Corporis gravitatem animi magnitudine superare vere
regium est. *ibid.*
- 231 Tyrannicum & impietate plenum est sub publ. securita-
tis prætextu proximos suos occidere. *ibid.*
- 232 Misera conditio eorum quibus, ne ipsi pereant, multi
perdendi sunt. *ibid.*
- 233 Illis cumprimis timendum qui timentur. *ibid.*
- 234 Præclare illi suæ securitati consulunt, qui civibus in
munimentum corporis utuntur. *ibid.*
- 235 Amicus Principis magis etiam imperatorem suum amare
debet, quam imperator amicos. *ibid.*
- 236 Amore flagrans aut vino oneratus animus reipubl. con-
sulere nescit. 10.
- 237 Amatoris mens victa est, totus ab alterius arbitrio pen-
det. *ibid.*
- 238 Vitia ideo sunt explicanda, ut turpitudine reliquos deter-
reat, & ex contentione virtutis decus appareat. *ibid.*
- 239 Omnis princeps sibi cumprimis imperare & animum in
potestate habere discat. *ibid.*
- 240 Vera felicitas virtute paratur. 11.

COROLLARIUM, id est, enodatio textus Aristot.
qui extat l. 2. pol. ab initio.

ΕΠΕΙ δὲ προαίρεται διαρῆσαι περὶ τῆς κοινῆς τῆς πολιτικῆς, ἢ
κατ'ἑστὴν πᾶσιν τοῖς δυναμένοις ἔχει ὅτι μάλιστα κατ' ἐνέργειαν, δὲ
καὶ τὰς ἄλλας ἐπισκίψας πολιτείας, αἷς τε γράνται τινεὶ τῶν πόλεων
τῶν ἐνομοθετῶν λεγομένων. καὶ εἰ τινεὶ ἔταρσι τυγχάνωσιν ὑπὸ τινῶν ἐρη-
μίαι, καὶ δεῦσαι καλῶς ἔχειν, ἢ τὸ ὁρῶντες ἔχον ὁρῶν, καὶ τὸ χρήσιμον.

ἔτι

ἵτι δὲ τὸ ζητεῖν ἢ παρ' αὐτὰς ἕτερον, μὴ δοκῇ πάντας εἶναι σοφίζεσθαι βυλομένους, ἀλλὰ διὰ τὸ μὴ καλῶς ἔχειν ταύτας τὰς νῦν ὑπάρχουσας, διὰ τῆτο ταύτῃ δοκῶμεν ἐπιβαλέσθαι τὴν μέθοδον.

QUONIAM constituimus explicare de communitate civili, quæ omnium sit optima iis, qui quam maxime ex sententia vivere possint: alias quoque Resp. spectare oportet, & quibus civitates quædam, quæ bene temperatæ dicuntur, utuntur. & si quæ aliæ sint. à quibus explicatæ, hoc est, descriptæ (philosophis) & bene se habere videntur: cum ut, & quod rectum & quod utile, perspiciatur: tum etiam, ut quærere aliquid ab iis diversum, ne videatur prorsus esse ostentare se volentium: sed quia illæ, quæ nunc sint, non recte se habeant, propterea hanc rem suscepisse videamur.

ARISTOTELES omnis ille scientiæ perscrutator subtilissimus, cum in primo Politicor. libro societatis initia, familiam nimir. & vicum penitus jam pertractasset, in altero ad vere civilem prudentiâ progressus, elegantissima sane methodo præcipuas ejus temporis resp. critice sibi examinandas proposuit; ut, quicquid in quaq; re optimum, quicquid utilissimum futurum sit, perspecto, omnia in suum opus conferret. quod institutum ipsius auctoris exordium prolixius explicat; ubi de omni scriptoris politici officio, quem finem is sibi propositum habere, & quomodo eum adsequi debeat, prudenter disseruit. qua de re, quantum nobis ipse Philosophus materiæ suppeditabit, dicere nunc est animus.

Ante omnia autem, qui de civitatibus scribere cupiunt, id primum spectare decet, ne sine certo scopo aut fine errantes, temere statim præcipiant: sed ab initio sibi proponant optimam ex omnibus rempubl. condere. Quæ præstantia omnis consistit 1. in honestate, ut bonis legibus & constitutionibus munita sit civitas, sine quibus nulla societas durare potest. hoc unicum illud est vinculum, quo continentur maxima imperia. 2. consistit etiam in utilitate; quibus duobus omnis politicæ prudentiæ scopus absolvitur, ut recte scilicet cuncta, & publico ex bono gerantur. Cum autem omne civilis scientiæ fundamentum ex circumstantiis pendeat, diligenti-

gentissima cautione urendum est, ne omnia, semper, omnibus conducere credamus, sed nostræ reip. nostro cœrui, nostro tempori aptemus. Aliud libertati prodest, prodest aliud dominationi. Oriens regnari vult: talis maxima occidentis pars est, ut nec totam libertatem pati possit, nec totam servitutem: recte quædam bello constituuntur, quæ pace tolli aut necessitas, aut communis suadet utilitas. Atque hic duplex ille politici viri finis est; ex quo nascitur tertius, quem vulgo ex Aristot. *αὐτάρκειαν* sive sufficientiam vocant. quo termino, ut publ. commodum ab omnibus promoveatur, & ex eo pro cujusque indigentia, æque dispensetur, volunt: ad optimam enim rempubl. requiritur, ut omnes ex voto vivere possint. Atque hætenus satis de fine. de ratione nunc, quomodo eum consequamur, dicturi sumus. Media autem tria sunt, Collectio, applicatio, inventio. De singulis Philosophus tractat. cum enim de fine antea dixisset; scripturum nimirum *se de cõmunitate civili, quæ omnium sit optima iis, qui quam maxime ex sententia vivere possint*, pergit inde, & ad hoc institutum adipsendum alias quoq; resp. inquit, *spectare oportet, & quibus civitates quedam, quæ bene temperatæ dicuntur, utuntur, & si quæ alia sint, ab aliquibus explicata, hoc est, descriptæ (Philosophis) & bene se habere videntur: cum ut & quod rectum, & quod utile perspiciatur: tum etiam, ut querere aliquid ab his diversum videamur*. Tres itaque bene formandæ reipublicæ modi; inter quos primum locum obtinet collectio. Exemplaris ea & veluti historica est; cum varias respubl. nobis ob oculos ponimus, ut nostram ex his feliciter constituamus. Hic verò maxime diligentia adhibenda, ne promiscue omnes in exemplum accipiamus, sed quæ bene temperatæ dicuntur, id est, quæ & ratione præstantiæ, & ratione utilitatis sunt insignes. Ut autem tales inveniamus, secundo subsidiis erit opus, usu nimirum & litteris. Licet enim multæ civitates egregie ab initio constitutæ videantur, postea tamen experientia sæpe compertum est, acute multa ingenium humanum excogitasse, quæ in actu ipso minime succedunt. quanquam nec Philosophorum præcepta prorsus negligamus, scientes, & his in tali studio relinqui locum: omnia tamen non minus usu quam ratione

tione censenda judicamus. quod nisi fiat, Platonica magis Idea quam vera *πολιτεία* existet. His paratis ita subsidiis, iudicium tertio erit addendum, non temere quæcunque in re-
cte constitutis imperiis reperiuntur, in nostram civitatem transferenda, sed dilectus prius habendus est. Cum enim, licet in bonis rebus publicis, multa tamen vitiosa reperiuntur, ea tantum imitari oportet, quæ bene se habere, & ad nostrum statum accommodata videntur: id est, eligenda sunt idonea, confutanda ab nostro scopo aliena.

Exemplarem hætenus & præparatoriam veluti viam, quatenus Philosophi verba concessere, absolvimus: sequitur nunc altera, ut scilicet rectè collecta, bene deinde applicentur. Quæ applicatio 1. habet collationem, qua utilia & honesta cum utilioribus & honestioribus contenduntur, nec modo quid bonum, sed quid inter bona & alias rebus publ. seorsim & ad nostram conjunctim sit optimum, quæritur. 2. habet etiam translationem, parum enim profecto plurima collegisse, optima invenisse prodest, nisi & ea, quæ utiliter collatio dispexit, in nostrum veluti agrum & systema perfectæ reipubl. transferantur.

Ex his nascitur tertius ille & ultimus modus, inventio novorum ad civiles utilitates præsidiorum. Imitatio ea est, cum ex aliis constitutionibus ad novas faciendas occasionem sumimus; & versatur 1. in meditatione, commentatione & concoctione earum rerum, quæ multa industria collegit, selegit, comparavit, applicavit. Deinde in excogitatione & solertia, hic apex, hoc fastigium civilis sapientiæ: quod primo cernitur in acri illa rerum provisione; quando subtili meditatione eo pervenimus, ut de futuris velut de præsentibus dicentes, quasi vaticinari videamur: deinde in extemporalis ista consulendi facultate, cum nullo periculo deprehensi ex quaque re consilium capere scimus.

Atque hætenus quidem explanavimus quæ proxime ex auctoris verbis manant: restat ut de eo quoque dicamus, quod obiter insinuat Philosophus. simul enim hic informat iudicium, qua cautione sit utendum judicatu de optima forma reipubl. Debere enim 1. liberum esse ab omni famæ præ-

N u n n

judicio,

judicio, non ideo civitatem bene dicere formatam, quia omnes dicunt, sed quia plurimum & robore & honestate valet. Quare & ipse Aristoteles, ubi de optima societate scribere constituit, non dubitavit celeberrimas sibi communitates proponere, quid recti quidque vitii singulae habeant, ediffere-re. Debere 2. nec opinioni suae indulgere scriptorem, quae interdum longe possit esse ab ipso usu remota.

Sed & omnem politicam sophisticationem ab eo abesse vult: quando scilicet quorundam libido est, aliorum tantum sententiis contradicere, omnia damnare, semperque illud repetere, non recte hoc non ordine factum est: qua autem ratione fieri debuerit nusquam ostendunt. Longe aliter hac in re versatur Philosophus. hic ubi cuique reipubl. sua vitia ostendisset, statim quid melius constitui potuerit addit; quod facile ii observabunt qui huic auctori perlegendam suam operam impendunt. Ego disputationi meae nunc finem impono, Deoque omnis prudentiae fonti gratias ago, qui me, ut in caeteris omnibus, ita & in hoc scribendi genere benigne adiutum voluit.



XXI.

SYLLOGE MISCELLA-
NEORUM.

I.

Nullo fundamento nititur quod Hieronymus lib. 13. Comment. in Isaiam ad caput 47. autumat MAGOS de quibus Matth. 2. *ex artu scientia Domini stellam viddisse*: itemque quod alibi à demonibus ea de re edoctos fuisse credibile putat.

2. Nomen *לֵּילָא* Ciun apud prophetam Amos 5, 26. videtur LUNAM, divino cultu affectam, notare.

3. Sed cur Lxx. interpretes & B. Lucas in sermone S.

Ste-

Stephani *Act.* 7, 43. *Παραν* ex *Ciun* fecere? Anceps est conjectura, de qua videbimus in ipsa disquisitione.

4. Moloch gentilium numen seu Ammonitarum Deus, ut in Sacris dicitur, præcipuè Solem significare videtur.

5. Lippius in *Physiologia Stoica* meliorem Stoicis mentem tribuit, de fato, quam habebant.

6. Ex prædictionibus quorundam Astrologorum, eventum prænunciatum sortitis, e. g. Theagenis apud *Sueton.* Aug. 94. Thrasylli apud *Tac.* 6. A. 21. Ascleptarionis apud *Suet.* Domit. 15. & similibus, nihil de certitudine artis colligi potest.

7. Sententia eorum, qui ex *Psal.* 28. 9. statuunt de fulmine partum Cervæ promovente, & faciliorem reddente, videtur juvari per locum *Job.* 39, 1. 2. 3.

8. Tertulliani sententia, qua censet (lib. de jejun. contra *Psychicos* c. 5.) *Carnes non tributas hominibus ad esum, sed indulgas humana incontinentia*, erronea est.

9. Quid sentiendum sit de communi opinione, cum dicitur, Septentrionales gentes, parandis imperiis aptiores esse, quam conservandis?

10. Figmentum est quod traditur de Pyrrho rege, eum *Spleneticos* impresso leniter dextro pede restituisse.

11. Nugis accensenda sunt non Philosophiæ, Artemidori *δυσφορετικὰ* cum similibus.

12. Quæ vulgo circumfertur narratio de Margaretha Hermannii Comititis Hennebergensis uxore, tot liberos uno partu enixa, quot dies annus habet, gravibus argumentis impugnari potest, quoad fidem historicam.

13. Formulæ divinitatis, quibus nec Christiani Imperatores abstinuerunt, metaphorice & ita tolerari accipique possunt, ut cultura excedens hominum dignitatem supremo numini fervetur.

14. Johannis Baptistæ cibus *Matth.* 3, 4. *ἀνείδας* voce appellatus, sine dubio de locustis, non de plantis aliisve rebus capi debet. Frustra ergo *ἰσυνείδας* vel *ἀκρίμους* vel *ἀχράδας* substituere satagunt.

15. Machiavelli & eorum opinio qui causas prodigio-

rum referunt ad spiritus quosdam, qui in aëre sint, & humanis casibus afficiantur, erronea est.

16. Commentum est, quod Scriptores novi orbis tradunt, de fonte in insula Bojuca, cujus aquæ potæ, senes faciant rejuvenescere.

17. Quis primus sit autor Cuniculorum militarium pulvere pyrio instruendorum & incendendorum ambigitur vulgo, dum alii *Franciscum Georgium Senensem*, alii *Petrum Navarrum Cantabrum* nominant. Sed revera ille hunc docuit artem, cujus primum specimen Navarrus edidit, prope Neapolin in arce Luculliana.

18. *Consecratio Constantini Magni*, cujus in veteri numismate imago & inscriptio habetur, non est accipienda de divinitate à mortalibus collata; sed ut symbolum beatæ immortalitatis, a Deo donatæ.

19. *Philippus Claverius* in German. antiq. lib. 1. cap. 19. falso existimavit, Germanos veteres unum, verum, æternum DEum in Trinitate, coluisse sub Solis, Lunæ arque Ignis nominibus.

20. Fabulæ Poëticæ multum fidei historicæ in se continent.

21. Futura contingencia nec angeli sine revelatione scire possunt.

22. Gigantes fuisse, frustra dubitatur: quamvis historia eorum multis fabulis sit contaminata.

23. Quid significet nomen *Saphenat-Paneab*, Josepho à Pharaone tributum, Gen. 41,35. hodie propter intermortuam linguæ Ægyptiæ notitiam certo nequit definiri.

24. Quæ *Philo* lib. 1. vit. Mos. habet de magnitudine & pondere *vva Cananaa*, hyperbolica videntur.

25. Non viderur aspernanda *Laonici Chalcocondyla* sententia qua lib. 5. *hisl. Turc.* statuit *bombardas plurimum quidem impetui habere sed minus virtutis.*

XXII.

EXCERPTA
CURTIANA.

Ad usum disputationis publica, his paginis consignavi, excerpta quadam Curtiana, prout ex singulis libris se potissimum offerebant. Dilectissimus mihi est, & semper erit ille scriptor: itaque ne nunc quidem ab eo volui discedere. Tractatio simplicissima, imo nulla est. excerptare enim res per se memorabiles constitui, non autem explanare recondita. memor sum virium mearum, & instituti, cui illa simplicitas sufficit. Omnis mihi spes est in lectorum, & auditorum, quos ad hoc exercitium invitamus, equitate. Rudimenta sunt studiorum, nec ultra datur nunc progredi. Vale, quisquis es, Lector Benevole, & mihi fave.

EXCERPTORUM CURTIANORUM.

I.

*Consilium & Oratio Charidemi, in qua
Darii & Alexandri exercitus iudicio
militari inter se comparantur.*

Satis elegans à Curtio nobis describitur oratio, in qua Charidemus comparisonem instituit inter exercitum Darii & Alexandri; iudiciumque suum accurata & probabili demonstratione rationum explanat. An autem Historico liceat, orationes, digressiones, aliaque talia, proprie ad historiam non pertinentia inserere; alii satis copiose scripserunt; inter quos etiam *vir longè Doctiss. Gerard. Joh. Vossius in tractatu de arte historica* consulendus est.

Et quia formam deliberationis habet hæc pars historiæ, non erraverimus, si ante omnia personam Consiliarii, illiusque officium consideremus. Fuit Charidemo *Fides* eximia in Regem Hospitem ac Patronum: Fuit *tempestiva consilij maturitas*, in ipso rerum articulo, cum adhuc regredi liceret, adhibita: Fuit *prudencia & peritia rei militarij*; de qua tota oratio testatur: Fuit impavida, utinam non nimia, *Libertas*. Reliquis enim amicis & purpuratis solita vanitate spem regis instantibus, ille percontanti magna cum libertate, suæ sortis & regiæ superbiæ oblitus, veritatem confessus est; maluitque potius cum rege; quàm cum ipsius fortuna loqui: ideoque consuluit quæ optima, non quæ suavissima visa sunt. Itaque ab initio statim *errorem* regis Darii notat: dum Darius omnem spem *in multitudine militum*, non in virtute reposuerat: cum tamen vis belli non metienda sit splendore apparatusum & numero militum, sed exercitatione & usu bellandi. Ac si probè consideramus multitudinem, reperiemus eam per se non vires habere, sed pondus; & esse sæpius impedimentum majus, quàm auxilium. Hinc est, quod Charidemus Alexandri exercitum nec turba nec sarcinis prægravem, infinitæ & inconditæ Persarum multitudini longe anteponebat.

Altera comparatio est virtutis & disciplina militaris. Nam Persarum exercitus muliebriter propemodum cultus, luxur; magis, quam decoris armis conspicuus fuit; omnia purpura auroque nitebant, fulgebantque armis & opulentia: ut prædam verius, quàm arma viderentur gestare. Quid enim pro-

sunt

sunt arma auro argentoque exornata, quæ nitentia ante deformantur vulneribus? Neque etiam hostem terret vanus aspectus, & auri fulgor atque argenti: quod neque tegit, neque vulnerat; sicut apud *Tacitum* prudenter monetur. Contra Alexander torvum & incultum, sed habile & expeditum agmen duxit. Præcipue autem, sola & vera militis bona, peritia militum, expertus bello animus, strenua manus, parendi scientia & modestia, in Alexandri exercitu supererant. Forma aciei, phalangis Macedonicæ robur & speciem præferebat: de qua commentarij in *Curtium* consulendi. Scientia belli & exercitatio disciplina per præcipuas operis militaris partes, nobiliter memorantur: Ad nutum monentis intenti (Macedones) sequi signa, servare ordines didicere. Quod imperatur omnes exaudiunt. obfistere, circumire, discurrere in cornu, mutare pugnam, non duces magis, quam milites callent. Accedit laborum tolerantia & duritia victus, & magistra disciplina paupertas: absque studio prædæ, & avaritia. Notas & argumenta hujus laudis illa ponit: fatigatus humus cubile est; cibus, quem occupant, satiat: tempora somni arctiora quam noctis sunt. In Persarum exercitu neque exercitatio belli, neque tractatio armorum, neque tolerandi constantia erat.

Neque minimum momentum in iusta militum armatura est. Alexandri exercitus perarmatus instructusque fuit: in Darii copiis, multi arma inutilia, itemque hastas ligneas gerebant. Hinc ironica Charidemi interrogatio: *Thessali equites & Acarnanes Ætolique, invicta bello manus, fundis credo, & hastis igne duratis repellentur?*

Denique *Gentis & nationis indoles* in comparatione virium & conjectura eventus, non omitti debet. Si Orientales, cum Orientalibus bellarent; apud similes nationes, exercitus Darii fuisset terribilis. At Europæi Asiaticis bello plurimum præstant. Hinc iterum prudenter Charidemus Dario suadet, ut adversus Græcos, Græcorum auxilia conducatur.

Ob hæc præclarum Charidemi consilium, & rationes consilii probe deliberatas statuimus. Id quod ipse Darius agnovit; quanquam sero, & cum jam supplicio affecisset eum, cui præcipuam mercedem debebat.

Dices: corrupti ipse consilium suum, nimia verborum liber-

libertate; neque satis considerato Regis ingenio. Ego, in disquisitione ipsa, malim omnem culpam in Darium ipsum conferre.

II.

Causa belli Persici, quas Alexander præ se tulit, exprimuntur.

LIB. IV. CAP. I.

Victus acie Darius Legatos ad Alexandrum cum literis misit, orantes, ut captivos dimitteret, bellumque componeret. Ad has literas Darii superbè scriptas, in quibus videlicet magnitudinem suam ostendat, magis postulat, quàm petit; & ad hostem contemptim loquitur: Alexander ita respondit, ut causas justitiamque armorum & belli præcipue demonstraret. Conjungemus causas *Curtio* relatas, cum iis quas *Arrianus* habet. *Prima* sit, bellum à Persis ante hac tempora Græcia illatum. *Secunda*, auxilia, *Philippi* hostibus lata. *Tertia*, arma in *Thraciam* sumpta, quæ *Macedonibus* parebat. *Quarta*, *Darij* litteræ ad *Græcos*, quibus ad defectionem sollicitabantur. *Quinta*, *Philippi* cades, *Persarum* votis & consiliis comparata. *Sexta*, percussores, in *Alexandrum* emi. Hinc concludebat Alexander, defensivum esse suum bellum, non offensivum, ut hodie loquuntur.

Darius contra favorem defensionis ad se volebat trahere: Ruptum, inquebat, fœdus Græcorum cum Persis à *Philippo*, nec restauratum ab *Alexandro*. hinc se inductum, ut imperium à majoribus traditum armis tueretur. Utrius causa melior? Forfitan, accurate loquendo, utraque causa suo laborat vicio: sed *Alexandri* favorabilior est.

III.

Judicium Curtii, de Dario circa negotium insidiarum, à Besso & Nabarzane structarum.

LIB.

LIB. V. CAP. 9. & seq.

IN historia nefariæ proditiōis & insidiarum, quas in caput Darii Bessus & Nabarzanes compararunt, Curtius aliquoties videtur Darium negligentia & imprudentia accusare; quod nimirum cum compertum scelus posset vitare, noluerit tamen vitare.

Et sanè palam est, scivisse Darium scelus parricidarum. Hinc Curtius supra quoque monuit, cum Darius bellum restauraret, Bessum suspectum fuisse. Verba historici sunt: *sed Bessus suspecta perfidia haud sanè aequo animo in secundo se continens gradu regem terrebat. Nam cum regnum affectaret, proditio, qua sola id assequi poterat, timebatur.* Jam, cum Darius suos ad resumenda strenuè arma exhortaretur, ausus erat Nabarzanes consilium dare, quod non poterat, nisi à proditore proficisci. Quo etiam irritatus Darius, *pestimum*, inquit, *manicipium, reperisti optatum tibi tempus, quo parricidium aperires?* Statim etiam ab exercitu secesserant Bessus ac Nabarzanes. Et licet poenitentiam secessionis postea simularent, tamen Patron, Græcorum militum Dux, mox Dario revelavit consilium proditiōis, adjunctâ prece, ut sibi à parricidis caveret. Quod consilium cum Artabazus etiam confirmasset, & Darium, ut in Græcorum castra se conferret, monuisset, potuit utique (vult Curtius dicere) & debuit Darius periculum denunciatum vitare. Atque hic stoicæ philosophiæ specimen animosè adhibet, & Darium immutabili lege fati cæcatum noluisse bonis consiliis auscultare, putat. Iterum deinde, *destinatum sorti sua, & jam nullius salubris consilii patientem*, Darium vocat.

Hæc ferme contra Darium Curtius disputat. Sed si quis fortunam regis propius introspeciat, fortasse nulla animi excecatio hic locum habebit: & potius sentiendum erit, Darium non potuisse periculum denunciatum evitare. Cum autem non posse dicimus, palam est intelligi id, quod bonis & prudentiæ consentaneis rationibus fieri potest. Primo enim cur se in Græcorum castra contulisset? Græcorum erant quatuor millia. Bessi autem ac Nabarzanes copiæ justum exercitum explebant. Inter tam paucos ergo à tam multis nihil sibi tutum fore, satis providebat. Deinde si Græcis adeoque pere-

grinis corpus suum commisisset, non modo parricidis speciosum sceleris titulum præbuisset, sed etiam ceterorum Persarum animos à se alienasset. Unde prudenter ait: *nunquam se à popularibus suis recessurum. Difficilius sibi esse damnare quàm decipi, quicquid fors tulisset, inter suos perpeti malle quàm transfugam fieri.* Tertio ne Persis quidem facultas aut constantia fuit regem tuendi. Bessus enim & Nabarzanes habebant robur exercitus, adversus quod ceteri parum valuissent. Itaque nec ausi sunt adversus parricidas justam indignationem exercere, cum à Bactrianis sollicitarentur, ut desererent regem. Itaque propter hæc ipsa ne Dario quidem copia fuit ulescendi sceleris: cum auctores ejus, neque comprehendi, neque puniri possent.

Rectius itaque fortè aliquis dixerit; Darium in tali rerum suarum statu deprehensum esse, ut quanquam detectum & denunciatum scelus parricidarum vitare non posset, sed consilium, cui se imparem videbat, cogeretur fato permittere.

IV.

Causa Philotæ.

LIB. VI. CAP. 7 & seq.

Conspiraciones & insidias in caput Alexandri comparatas, diligentissima expositione pertractat *Curcius*. Ejus criminis particeps destinabatur Philotas, ex intimis Amicorum, & inter Ducum præcipuos.

Crimen intentabatur Philotæ duplex: *primo*, Culpa silentii; *deinde* ipsa conspiratio, & ultimum facinus hominis seditiosi, ex confessione tormentis expressa. Utraque causa ad *crimen majestatis*, quod vocant, pertinet.

Culpa silentii dupliciter tractatur: quatenus negligentiae supinae & securitatis, cum periculo Regis conjunctæ, nomen est; tum deinde, quatenus societatem facinoris, sive communicationem sceleris & criminis majestatis notat. Prius illud Philotas pro se adducit, & rationibus quibusdam ostendit: confessus sane, *silentii tamen, non facti ullius culpam.* Neque abnuit primum Rex, distinguere peccatum: *contemptum magis, quàm*

*quàm celatum indicium sibi videri dicens. Sed amici & consilia-
rii Regis longe aliter judicabant; non dubitantes, quin conjura-
tionis indicium suppressurus non fuisset, nisi auctor & particeps.*

*Hinc nova & præcipua hujus causæ quæstio: An Philotas
argumento silentii, læsæ majestatis per conjurationem reus, adeoque tor-
mentis subjiciendus sit? Consilium Alexandri, utrumq; affirmat,
omnesque, quæstionem de Philota, ut participes sceleris indicare coge-
retur, habendam esse decernunt.*

*Prius consilii placitum, formula & specie judicii peragi-
tur. Accusatur Philotas in concione, tanquam reus læsæ ma-
jestatis. 1. exaggerata & interpretationibus accensa silentii
culpa. 2. conjecturis de voluntate facinoris, ex antea factæ vitæ
verbis factisque. 3. argumentis de facultate res novas moli-
endi, regnumque afflandi. Ad quæ singula respondet Phi-
lotas graviter & probabiliter. Exitus hujus judicii, damna-
tione Philotæ, & supplicio lapidationis, quam vocant, decre-
to, continetur.*

*Sed ante executionem supplicii, alterum illud quoque,
quod ante in consilio sanctiore decretum erat, suscipitur.
Torquetur Philotas, acerbissime & crudelissime. Exprimitur
confessio facinoris; & in concione publicatur. Sic Philotas,
cum ceteris eodem crimine damnatis, saxi obruuntur.*

*Exercitii causa, statuam, circa hanc Philotæ causam,
tum in cognoscendo, tum in sententia ferenda, multa vitio-
gesta esse; præsertim quod ad tormenta attinet.*

V.

*Pœna & ultio in Branchidas ab Alexan-
dro crudeliter exercita.*

LIB. VII. CAP. 5.

BRanchidæ, Milesia proles in Persarum ditionem olim
transiverunt, cum in gratiam Xerxis templum Didyme-
on violassent. Horum posteros Alexander ob delicta majo-
rum, internecione delevit, urbemque ipsorum dirui jussit.
De qua severitate Historicus: *Hæc si in ipsos proditorum auctores*

Oooo 2

exco-

excogitata essent, justa ultio esse, non crudelitas videretur; nunc culpam majorum posteris luere, qui ne viderant quidem Miletum, adeo Xerxi non potuerant prodere. Judicium illud Curtii, nos omni modo defendendum existimamus. Possunt conferri quæ disputat Grotius lib. II. de Jure Belli, cap. 21. §. 12. & seq. Itemque annotata Cl. Freinsheimii ad locum Curtii nostri prædictum. Observaverant alias etiam gentiles, sacrilegiorum scelera etiam in posteris vindicari, divina ultione.

VI.

Cliti cades injusta.

LIB. VIII. CAP. I. & 2.

Refert hoc quoque exemplum *Curtius* inter Alexandri à pristina virtute degeneris probra & flagitia. Decreverunt quidem Macedones, magis per adulationem, quam vero judicio, *jure interfectum Clitum*. Sed injuria jus fieri nequit, apud recte judicantes. Peccaverat sane Clitus 1. quod alieno tempore, regi ebrio non dubitavit obloqui. 2. Quod, contra regulas stili & obsequii aulici, summam gloriæ ob res gestas, regibus invidendam esse autumavit. 3. Quod res Philippi rebus Alexandri, invidiosissima comparatione præferre ausus est. 4. Quod Parmenionem defendit. 5. Quod aperto & pleno jurgio regem adortus est. 6. Quod in his omnibus libertatem amici, in licentiam vertit. 7. Et licentiæ pervicaciam, pravamque animi contentionem adjunxit. 8. Adeoque fatum suum irritavit & provocavit. Hæc peccata sunt Cliti; quæ puniri justè potuissent. Sed Quæstio est, de pœna capitali, & quidem de supplicio extemporali, indicta causa, ipsius regis manibus inflicto. Id quod nullo modo defendi potest. Historicus duo notat, *turpitudinem facti & injuriam*. Ad prius membrum pertinet, cum *detestabile carnifici ministerium, regem occupavisse*, ait. *Injuria* notatur, quia 1. pœna delicto longe major fuit. *Verborum licentiam, qua vino poterat imputari, nefanda cede ultus est*. 2. argumenta veniæ & clementiæ prorsus non posthabita modo, sed rejecta sunt.

sunt. *Egregius bello vir erat Clitus, & nisi erubesceret sateri, servator Alexandri.* Accesserunt merita fratrum, & officium matris: quæ omnia regem monere debuerunt, ut immodicam libertatem à scelere & maleficio distingueret; neque verborum temere effusorum tam atrocem pœnam exigeret. Atque, ne quod dubium super sit, non Historici modo voce & iudicio, sed sua ipse sententia condemnatur Alexander, tanquam crudelis interfector amici, & viri præclare meriti.

VII.

*Alexandri militia navalis non aque
prospera ac terrestris.*

LIB. IX. CAP. 9.

CEperat Alexandrum ingens cupido visendi Oceanum & superandi terminos, qui expeditioni Liberi Patris assignantur; Verum immòdica cupientem deseruit paulatim pristina felicitas.

DEus enim Indum fluvium terminum illi, quem non transiret, statuerat.

Ceterum itineris maritimi ab ipso instituti historiam, & præsertim maris Indici navigationem Nearchus & Onesicritus mandata, præter veteres, (è quibus *Curtius & Arrianus* hic nominandi sunt,) describit diligenter *Thomas Ryius* in Historia Navali antiqua lib. 2. cap. 44. & seq.

Hac occasione æstus marini apud Curtium memorabilis mentio extat. De cujus causis & rationibus, vide post multos alios disputantem Gerard. Joan. Vossium Physiologiæ Christianæ lib. 2. cap. 69. & adde notata Patritio Junio in epistolam Clementis ad Corinthios priorem.

Scilicet dum historicus memorat quanta in posterum animo agitaverit Alexander, recordamur ejus fati, quod ingentibus molitionibus proprium esse consuevit. Omen scilicet fuit vicinæ mortis, quæ tot consilia & tot longas spes abrumperet. Idem Julio Cæsari accidit postea: qui, quo majora indies, & quo plura destinabat, eo citius fatum rancis

rebus finem daturum, imminebat. Exemplo humanæ fragilitatis: cujus assidua meditatio consiliis humanis modum statuere debebat.

VIII.

Mors Alexandri.

LIB. X. CAP. 5.

PRæmatura omnino & acerba videbatur Regis Alexandri mors, qui in ipso flore juventutis fortunæque rebus humanis ereptus est; intempestiva quoque, dum in tanto impetu cursuque rerum, imo in ipsa consiliorum gravissimorum destinatione versabatur. Verum præmatura aut intempestiva non est divini Nominis ordinatio. Neque etiam plane intempestivum est Curtii nostri de regis morte iudicium, etiam si consideremus, quantum mortales hac de re loqui expedit: *Expectare cum fata, inquit, dum Oriente perdomito, aditoque Oceano, quicquid mortalitas cupiebat, impletet.* Ceterum memorabilia sunt, tum mortem antecedentia, tum consequentia.

In priori genere, mortis causa expendenda est. Quippe Antipater injuriæ sibi illatæ ultor, regem non tutum modò ab omni externa vi, sed invictum etiam, intestino facinore, & ut plerique credidere, per filios veneno interceptit.

De prædictione Chaldæorum vatum, qui regem Babylonem petentem, ne ingrederetur, monuerunt, haud frustra quaeritur, an ex siderum motibus & statis temporum vicibus hæc talia ostendere; an vero ex familiaritate aliqua cum Dæmone prædicere potuerint?

Memoratu digna utique, dum quæ mortem præcessere consideramus 1. *Valedictio*, quâ, admissis militibus, totum exercitum ad ultimum, jam voce deficiente, per salutavit; 2. *Amicorum consolatio* & de futuris discordiis & bellis intestinis vaticinium. 3. *Translatio anuli* in manum Perdiccæ, quod solenne alias signum. si testamento probatum confirmatumque est, constituti & relictæ successoris fuit; sicut infra, propterea Perdiccas successor destinatus arguitur. De hoc more pluribus gentibus recepto, videndus est tractatus singularis *Job. Kirchmanni de anul. cap. 22.*

In

In iis, quæ mortem consecuta sunt, est 1. ingens mor-
ror, qui non modo Macedonum, sed devictarum quoque gen-
tium animos incessit, aded etiam ut, secundum Nostrum, nec
victi à victoribus in communi dolore potuerint discerni. 2. Ambitio-
nis certamen, dum de regno & successione disceptatum, &
quandoque in discordias & turbas itum est: donec tandem,
cum quilibet videret, non aliter quam discordiis & sangui-
ne totius imperii molem teneri posse, regnum in partes divi-
sum fuit.

IX.

*Elogium Alexandri sive judicium Histo-
rici de Rege.*

LIB. X. CAP. 5.

Quoties magni alicujus mors (inquit apud Marcum Senecā Li-
vius,) ab historicis narrata est, toties fere totius consummatio
vita & quasi funebri laudatio redditur. Id ipsum Curtius noster
non omisit, qui Alexandri virtutes solidas ab indole animi
profectas expendit: & vitia vel fortunæ, qua plerumque ani-
mi hominum corrumpuntur, vel ætatis fuisse ostendit; & qua-
si clausulæ loco illam quæstionem disceptat de fortuna & vir-
tute Alexandri, cujus gravissima hæc est *exineis*. Fatendum
tamen est, quum plurimum virtuti debuerit, plus tamen debuisse fortuna;
quam solus omnium mortalium in potestate habuit. Quoties illum à
morte revocavit? quoties temere in pericula vextum perpetua felicitate
protexit? Vita quæq; finem eundem illi, quem gloria statuit. Adjici-
endæ præter cetera duæ integræ orationes de virtute & for-
tuna Regis Alexandri, à Plutarcho diligenter pertractatæ, quæ
verba Authoris nostri amplius illustrare queunt.

Nos pro sententia Curtii stamus, & fatemur, quamvis
videantur contendere virtus & fortuna, tamen Regem plus
fortunæ debuisse.

Certamina civilia de successione.

LIB. X. CAP. 6. & seq.

SUblato deinde, non virtute hostium, sed ut jam diximus, infidiis suorum & fraude civili, Alexandro, partim discordiæ, partim bella civilia, prout Alexander ipse vaticinatus est, insecuta sunt. Primum enim æqualitas amicorum, deinde æmulatio virtutis in tam ambigua & ancipiti consultatione eos in mutuam perniciem armavit, dum Rex moriens nullum constituit heredem & successorem, sed amicis percontantibus, *Ei relinquere se regnum, respondit, qui esset optimus. Itaq; huic tanto regi ducique successor quærebatur, inquit Historicus, sed major moles erat, quam ut unus eam subire posset.* Variantibus deinde in consultatione sententiis, Perdiccas, cui jam præclusa voce anulum tradiderat Rex, Roxanes partum, inquit, expectandum esse, quæ jam per sex menses prægnans esset, ut si puerum peperisset, is successor constitueretur, & quidam destinarentur, qui imperium donec adoleverit, administrarent. Sed hoc consilio dato suspectus fuit Perdiccas, quasi sub hoc prætextu tutelæ regnum occupare cuperet, quia autoritate & potentiâ prævalebat. Nearchus suavit, filio regis è Barsine nato, diadema dandum, melius esse ratus, ut is ad successionem vocaretur qui jam præsens esset, quam nasciturus expectaretur. Ptolomæi hæc sententia fuit, neutri horum tradendum esse regnum, tanquam soboli ex captiva procreatæ; sed per Optimates potius regis nomine & auspiciis administrandum esse. Aristonus probabiliorē tueri sententiam conatur, & pignore traditi anuli Perdiccæ regnum relictum esse dicit, ideoque illi, quem rex moriens ex turba amicorum delegisset, parendum esse. At cum Perdiccam tantæ molis statim subeundæ verecundia cepisset, Meleager hac cunctatione pro occasione factionis arrepta, spretoq; Perdiccæ imperio, principia & causas tumultus ex direptione thesaurorum regionum quæsit. Hic enim cum in medium processisset, Aridæum Alexandri fratrem successorem substituendum

dum esse, clamitavit. Et quamvis hæc sententia apud Principes Meleagrum infestum invifumque reddidit, adnitente tamen militari vulgo defensus rexque salutat^{us} Aridæus fuit.

Sed Perdiccas prævaluit, oppresso Meleagro, punitisque ministris ejus & satellitibus. Videns deinde Aridæus hanc rem exitum non habituram, neque totius imperii onus à se sustineri posse, regno quod sine discordiis, cædibus, & Macedonum sanguine teneri non posset, se abdicavit. Hoc cum fecisset, & consilium principum virorum ad firmandum rerum præsentium statum convocasset, tandem decretum est, ut quoniam tantam molem unus subire non posset, imperium divideretur. Hac ergo divisione, quam DEus oraculo Prophetarum patefecit, nobisque ordinem & imperiorum vicissitudinem aperuit, multa regna, multique ex præfectis reges facti sunt.

Subjungit tandem eleganter Noster, quod hac occasione non omittendum est, judicium suum de non admodum justa & splendida horum regnorum origine. *Quippe, inquit, paulo ante regia ministri, specie imperij alieni procurandi, singuli ingentia regna invaserant.*



XXIII.

NOMIMA ΤΩΝ

ΑΙΓΥΠΤΙΩΝ.

Sive

LEGES ÆGYPTIORUM.

I.

Cum in scrutandis rebus veterum & illustrandis multi operam posuerint, mirum videri mihi solet de
Pppp legi-

legibus Ægyptiorum conscripsisse neminem: in quibus partim tanta vis inest boni, tanta sapientia, ut non abs re sit ipsis imputasse, quod ad eam senectutem regnum hoc pervenit. Ideoque Græci, etiamsi rebus omnibus abundare videbantur, quæ consequi ingenio, aut usu homines, aut industria valent, harum tamen cognitionem legum summo studio appetiverunt. Constat enim, nominatissimum quemque, ut Platonem, Pythagoram, & Solonem, & Eudoxum, ac Lycurgum, perpluresque alios, certatim in Ægyptum commeasse: non tam visendis regiarum substructionum insanis molibus, aut Nili receptaculis, aut simulacro Memnonis, ut perhibent, sonabili; quam ut percognitis loci legibus ac disciplinis, decerperent inde, quod ad instituendas domi bonas leges, & salubria consilia, & judicia gravia cum maxime valeret. Sed ea res ut olim vehementer multis profuit; sic hodieque confert plurimum, si quis ad rempubl. natus & imbutus, illas leges velut à busto suo diligenter eruat, suumque in usum callidè vertat. Id quemadmodum possit confieri, demonstrare paucis aggrediar: non quia huic provinciæ me parem æstimem, sed periclitaturus vires ingenii, & quoniam intelligo, studiorum fructum adhuc promi viridem ac dulcem oportere, dum conari decorum est, & si qua sit offensum titubatumque, pro indole atque ætate accipitur. Ne verò negotium istuc vulgimore magis transigatur, quam iudicio, petenda primum est ex alto doctrina legum universa, cujus ignoratio multis rebus obducit tenebras: tum de Ægyptiorum scitis singillatim explicandum, extremo de scitorum horum inventoribus.

Ut igitur inde proficiscar unde legum omnium stirps & origo ducitur, constat profectò, totum hoc aspectabile mundi corpus ratione & voluntate præpotentis DEI gubernari. Voluntas autem illa ac ratio, quæ regit, ordinat, sustentat omnia, quæ cuncta ad parendum vel compellit, vel obligat, prout cujusque fert natura. Ea est, quam legem cum doctissimis vocamus. Nam & Cicero ex mente Stoicorum, & Hierocles Pythagoræ sectator, qui ad hujus loci veritatem admirabilia scripserunt, legis eam nomine pererudite signant. Ut vero

vero lex omnis, quæ tenenda est, publicatur necessario: sic illam quoque suam DEUS notam fecit homini vel hoc ipso, quod rationem tribuit ac intelligentiam. Quibus enim data est ratio, iisdem concessa est etiam recta ratio: quare & lex, quæ nihil jam est aliud, quam ratio sapientis, ex mente humanis tracta, vim obtinens honesta imperantem prohibentemque contraria. Quæ cum præcepta, homini vel in se considerato, utque participes est rationis, vel ut civilem colit societatem, subjiciat: illo fere modo lex naturæ, hoc fas gentium appellatur. Atque hæc est illa lex, nobiscum nata, sancta, constans, immortalis, quam tulit ipse DEUS, & in omnium primum animis, dehinc in Sina monte ministro Moyse promulgavit. Neque enim, quæ lex moralis nuncupatur, aliud est, quam juris hujus ob infirmitatem hominum iterata promulgatio. Continet enim, excepta Sabbati sanctione, principia naturæ, ex quibus principis jura nostra descendunt, & ad quæ vicissim referenda sunt. Hac igitur consecutione rerum, à principe illa, sempiterna ac cœlesti, lex naturæ; ab naturali hominum instituta fluunt.

1. s. ff. de fl.
Hierocl in
Pyth. Aur. v.
1. p. 19. & 22.
vid. Cic. de
LL. 1. 1.
tot. Deia
vent 2. 21.
Lactant. 6. 8.

Solent autem primordia civilium legum à prudentioribus ita demonstrari. Primum ex superioribus conficiunt, hominem ad justiciam colendam esse natum, quæ virtus in societate tuenda, tribuendoque quod suum est cuique vertitur. Sed quoniam tanta corruptela est sinistræ consuetudinis, ut lex illa, quæ in nobis est reposita, præumbretur ferme vitiorum exortu, proque justitia incedant vis, dolus, cupiditas opam, honorumque contentio, quibus conjunctio humana dirimitur: idcirco, ajunt, opus fuit juris æquabili descriptione, certa que disciplina vere beateque vivendi. Repertæ ergo civitatum leges, quæ & refrenarent impotentiam, & cœrum mortalium societate juris devincerent. Sunt autem leges illæ non uniusmodi. Quarundam enim descriptione (ut è plurimis divisionem eam assumamus, quæ princeps omnium habetur) omnis reipubl. moderatio, jusque sacrorum omne & magistratuum continetur: quædam de privatorum decernunt rebus, personis, actionibus. Sed Romanis variæ temporum inclinationes varia rogationum genera attulerunt. Nam

Cic. de LL. 1.
10. & c. La
stant. de ira
D. 14. 15.
Et in Ne
phyth.

Cic. Off. 1.
12.

v.l. ff. de
O. l.

Hopper. Sen.
du, p. 13.

V. Sen. ep.

94.

Arist. Eth.
10, 9.

& consulta Senatus, & plebiscita ac jussa populi, & edicta magistratuum, & responsa prudentum, & placita Principum experti sunt. Omnis vero lex duabus constat ex rebus, quarum altera præceptio, altera sanctio rite dicitur. Altera quid fieri mandet Legislator, quidve declinari, monstrat: altera præmia morigeris, prævaricantibus supplicia proponit. Quæ sane pars ab illa distrahi nullo pacto potest. Nam etsi honestum propter se decet expeti, & ambiguae laudis videntur cives, quos pretium aliquod metusve tribunalium in officio retinet: tamen quoniam non in Rep. Platonis, neque heroica quadam ætate degimus, nec tales uspiam occurrunt cives, quales Seres, Nebusæos, Evileos describit vetus historia; necesse erit, partim præmiis tardos ad virtutem animos exfuscitari, partim animadversionibus, tam illis, quas *vouthorias* Græci, quam quas *τιμωρίας* vocant, & maxime quas *πασιδύματα*. Exposui breviter, à qua fonte leges ducerentur, quæ causa ipsarum, quæ distinctio, tum quibus ex partibus essent conflatæ: deinceps quales esse debeant, & quid in eis circumspiciendum sit, expediam.

Est igitur in omni lege considerandum maxime, an sit honesta, an in publicum utilis. Nam ut de honestate prius differatur, quicquid repugnat vel naturæ rationi, vel cœlestibus oraculis (repugnat autem omne inhonestum) illo nec debet quisquam, nec potest astringi. Manet enim firma radicataque naturæ numinisque sanctio, contra quam si quis contenderit quippiam, aut statuerit, ipse se fugiet, ac naturam hominis aspernabitur: & quamvis judices evaserit, sentiet ultrices Diras, quæ terrebunt ipsum non ardentibus tædis, ut in scenis Orestem, sed conscientiae surdis ictibus & imagine facinorum. Nec vero tam angustis finibus honestum describimus, ut quicquid inde vel minima ex parte abit, ad vitium illico deflestat. Nam & quæ sic divinitus præcepta sunt, ut nullam habeant mentionem loci nec temporis, ea tempore licet locoque definire: & quæ natura nobis libera permisit, coangustari vel interdici communium utilitatum gratia possunt, ut in libertate testamentorum cernere est. Quod enim vit

V. Grot. l. B.

1, 2, 1.

ma-

magna nōminis celebritate, dominium huc quoque trahit in res (ut ipsi placet) natura communes, sed quas privatas reddant populorum jura, in eo cum veteribus Sophis imponi sibi passus est. ut alii cordate monuerunt.

Complectimur autem honesto etiam justum, cujus ambitu virtutes reliquæ coercentur. Et si quæ proprie Justitia vocatur, & in jure posita est æqualiter distribuendo, potissimū huc pertinet. Nam hujus fruendæ ergo quæsitæ leges sunt, eademque constituendarum ipsarum fuit causa, quæ Regum. Ideoque Plato, quem secutus est M. Tullius, justam esse legem hæcenus voluit, ut quæcunque extra jus æquitatemque vagaretur, ne nomen quidem legis attingeret. Quanquam temperari hæc oportet Aristotelis monito. Nam, *quales, inquit, sunt resp. tales esse leges necessum est, bonas aut pravas, justas aut injustas. Quin etiam illud liquet, ad resp. statum accommodandas leges esse. Ex quo efficitur, ad incorruptæ resp. formam compositas, itidem justas; in vitiosa vero latas, necessario injustas esse.* Possunt autem variis modis à justitiæ regula & præscriptione leges aberrare. Aut enim sæviunt in innocentes, ut illæ Cæsarum in Christianos, quas Domitius de officio Procos. collegit; aut aliorum inhi-
aut possessionibus, ut ista Clodii Tribuni pl. de spolianda Cypro. Sed tenendum cumprimis est, iniquas etiam existere, cum aut in poenis irrogandis extra modum prodeunt, aut in præterita referuntur, aut in singulas rogantur personas. Quæ non sine usu fuerit paullo amplius examinasse.

Ut coercitionum retineat modum Legislatores, non satis semper est, si una ex parte naturam vitiorum, ex altera poenarum discrimina (quæ studiosè indagavit Callistratus) momento suo ponderans, efficiat æquationem. Sit ista res egregia, sicut est: at vero sæpe fit tempore, ut imbecillitati hominum sit remittendus juris rigor, & Græcorum ἀνευθεόδικτοι. Etenim (ut signate loquitur Historicus) *si flagitia & facinora sine modo sunt, supplicii ac remedii principis moderatio temperat.* Legimus Pompeji sanctiones ideo notari, quod graviores fuissent remedii, quam delicta erant. Papiam quoque Pop-
pæam Romanorum, & istam apud Tacitum de servis, & Cumanam illam apud Philosophum de cædibus, hoc nomine in-

PPPP 3

cusant.

V. Cl.
Strauch. de
Imp. mar. 5.
1. &c.

in Minoc. de
LL. 2. 5.

Pol. 3. 7. 6.

V. Laetane
3. 11.
Vellei. 2. 45.
4. cum N.
Cl. Bæchl.

1. 18. ff. de
poenis.

Tac. A. 3. 50.
2.

Id. A. 3. 28. 2.

A. 31. 42.
&c.

Arist. pol.
2. 6.

cusant. Draconis vero sanguinantes leges, quæ in proverbii consuetudinem venerunt, in neminem fuisse dicuntur acerbiores, quam in ipsum. Siquidem apud Æginam populus, præclusis injectu vestium animæ spiramentis, fertur cum confecisse: atque ita *quæ sibi quique timebat, unius in miseri exitum conversa tulerunt.* Ejus vero leges tacito illiteratoque consensu

V. Tac. A. 3.
31.3. &c.

Hist. Eccl. 7.
12. f.

Atheniensium abrogatæ sunt. Itaque Tiberius, cum rebus in omnem partem volutatis, reperiret offensionis plenum atque irritum, asperioribus edictis robustiora vitia aggredi, moderatione maluit uti, quam hoc assequi, palam ut heret, quibus flagitiis esset impar. Illud non prætermiserim, vehementiores à quibusdam principibus ascriptas legi, poenas, non quas representarent, sed faciendi metus causa. Tradit hoc de Theodosio Sozomenus, quod mihi neutiquam placet. Nihil enim ea re valentius ad vim auctoritatemque legum prosternendam, quibus nunquam decernet vir prudens, quod exequi metuat. Ac mihi videor satis ostendisse, quo pacto sinisteritas in legibus ferendis prohibenda sit.

Proximum est, ut doceam, eas non nisi in futurum, & in omnes ferri. Nam primum, quæ morem hunc permittat patria, leges in facta constitui, & quæ, dum licita erant, patrata sunt, pro illicitis puniri aut rescindi? Quocirca lex illa Henrici II. Gallorum Regis, honestissima quidem, quæ nuptias clandestinas, ac citra consensum parentum celebratas improbabat, *ambitiosa* dicta fuit. Quippe Momorantii eausa, cujus filius Franciscus, ex Halviniorû domo, insciente ipso vel refragante, virginem deperibat, adjectum ei erat; *ut quando legi DEI consentanea esset, in præteritum quoq; valeret, modo copula non intervenisset: cum alioqui cetera constitutiones, quæ à principibus sunt, tantum dent formam futuro negotiû: quæ sunt verba viri doctrina vitæq; dignitate nobilis & clari, I. A. Thuani.* Incidunt tamen quandoque causæ, cum de præterito cavere liceat, ut ex Rom. jure sumus eruditi. Jam de singulis personis, seu veteri verbo, privis, concipi leges quod injustum diximus, id vero dubitari non potest: cum legis hæc vis sit, scitum esse & jussum in omnes. Superiori itaque ætate, cum in Mariam Scotam Majestatis legem Anglorum faceret Regina, reclamatum è vesti-

H. l. 19. p. 591.
l. 22. ff. de LL.
l. 7. C. cod.
Nov. 19. &
129. c. 4.
V. l. 8. ff. de
LL.

gio est à Scota, illud quidem non injuria: *esse injustam, in se composito excogitatam, carere exemplo, denique ea se haudquaquam obligari.* Unde facile scitu est, quam ob rem Decemvirorum tabulis sublata fuerint privilegia, & à doctissimis explosa. Nostri tamen moribus eorum usus invaluit. Sed ea nimirum hodie privilegiorum fere nomine notamus, quæ præter jus commune certa jura & immunitates ad certas conferunt personas. Visum enim æquitati congruens, ob grandia in rem publicam merita, necessitatemque juxta ac salutem publicam talia indulgeri. Quæ singulari deinde sollertia Germanorum Imperatores, ad minuendas Antistitum opes & & minime ferendam potentiam contulere, dum civitatibus illa cumularunt. Verum de his uberius hoc loco præcipi nil potest, cum haud sciam, an magnæ molis volumen impleant. De justitia legum satis fere dictum est.

Alteram considerationis partem fecimus utilitatem publicam. Nam quæcunque leges communibus obstant bonis, cum à fine civitatis longe dissideant, non magis dignæ videntur legum appellatione, quam præcepta medicorum dici merent, si quæ pro salutaribus mortifera conscripserint. Utilitas autem publica interim natura æstimatur, interim tempore ac rerum statu. Sæpe quid obtineri possit, plerumque vero quid majori parti & in summam prosit, expendendum est. Curandumque ante omnia, ut ne emolumenta rerum fallacibus judiciis videntes, aliquid utile putemus, quod cum honestate pugnet. Tum enim, quod utile videtur, reapse tale non est: quandoquidem pœnæ subsunt, non dico legum, quæ sæpenumero perrumpuntur, sed ipsius turpitudinis, quæ multo tristissimæ sunt. Quibus rebus perspicitur, excerpendas esse legum numero, quotquot causa apiscendi illicitos honores aut pellenendi claros viros per vim feruntur, ut aliquando Romæ factitarum. Excerptandæ, quas lueri studium & hiatus præmiorum extorquet, ut illius apud Poëtam, qui *fixit leges pretto atque refixit.* Sed illæ etiam proscribendæ C. Gracchi, qui licas ipse se projecisse in forum prædibat, quibus digladiarentur inter se cives. Sic enim leges suas agrarias & frumentarias nominabat. Quibus adjunge, si placet, judiciarias

Camden. H.
Part 3. P. 450.
V. Cic. de H.
3. 19. & Or.
pro domo.
V. C. I. A. 1. 4.
6.
Jac. Gothof.
ad Reg.
Jur. 62. 141.
162.

Tac. A. 3.
27. 2.

Virg. Æn. 6.
Cic. de LL.
3. 9.

Id. l. cit.

Bacon. Hist.
Hen. VII. p.

2.

Thuan. H.
41. p. 460.

Bacon. l. c.

p. 336.

Tac. H. l. 78.
1.

V. Bacon. l.

c. p. 336. & p.

242.

arias ac tabulas novas, quarum auctores Chreocopidæ usurpantur: quæ leges omnes, cum speciem æquitatis præ se magnam ferrent, redierunt in perniciem, & resp. in exitium suum merces fuit. Postremum huc adde, quæcunque sive ab odio manarunt, ut illæ Cœlii, qui vexaturus adversarios, obfuit etiam reipublicæ: sive inelcandæ plebis caussa sunt propositæ, quo via securius tyrannidi muniretur, sicut illæ Richardi apud scriptorem Anglicum.

Ac de ejusmodi quidem legibus uti perfacile est judicium, sic aliud genus se ostendit, in quo cum Academicis addubires magis quam decernas. Multas enim unius hominis gratiæ Legislatores tribuunt, quo modo studio in Jo. Monlucium Carolus IX. Gallorum, itemque Henricus VII. Anglorum Princeps in Cancellarium suum, leges perrogarunt. Nonnullas ostentui magis ferunt, quam mansuras, quales illæ Cæsar. Othonis, quas dedit Africæ & Cappadociæ. Quin etiam ad vim principatus intendendam, fisci que rationes, & varios juris titulos callidissime flectunt, ut Henricus ille, de quo teci modo mentionem. Hujuscemodi igitur leges quo sint numero habendæ, haud perinde promptum est existimare. Si præsertim forma imperii, quod *παρβασις* dicimus, in quo cum omnium utilitate paullo arctius est unius salus implicata, a ceteris gradibus principatus non perite satis discernatur. Hætenus ergo de utilitate legum, cujus quasi complementum est, si commode sobrieque, id est, clarissima brevitate, perfectissimo ordine, diligentissima circumspectione sint perscriptæ, si nec paucæ nimis sint, nec sine modo, & sibi ipsæ fuerint consentientes. Ex quibus rebus quanta efflorescat utilitas, haud paullo melius suum cuique judicium, quam mea distabit oratio. Ac de legibus universe pro re satis multa diximus, quæ cetero sermoni non præmunita temere esse, mox subinde apparebit.

Sequitur ut de Ægyptiorum legibus dicendum sit, de quibus hoc præfari non est alienum, multo secus animo videndam harum indolem, quam aliarum: utpote in quibus hoc est singulare, quod magnam partem appropinquare videntur ad exemplum selectissimæ reipubl. qualem fere Plato quon-

quondam, & Aristoteles, & M. Tullius effinxerunt. Ut in eas cadant merito, quæ de legibus Henrici sui censuit Baconus, æris vir ingenii, & in prudentia legum explicanda singularis industriæ, quam etiam gloriæ sibi assignat: *Leges ejus*, inquit, *si Hist. Henr. p. 125.* quis attentius eas introspeciat, ex profunda prudentia ortas inveniet, neq; vulgaris esse naturæ, non occasione aliqua præstata stimulante latas, sed vere ex providentia futuri, ut status ejus regni indices fieret magni florens & beatus. Nimirum id est, quod sapientissimi toties monent, omni laude cumulatam Legumlatorem, dum statum reipubl. figit ac fundat, optimæ civitatis imaginem penitus mente concipere, atque ad illud instar, quoad ejus fieri potest, leges suas debere conformare. Qui si satis præcultus sit rectis studiis, si in rerum ac negotiorum vim idonea subtilitate penetret, quid frugiferum decorumque sit, ex quo quæque gignantur & conferantur, penitus pervideat, nec quod ante pedes modo est, sed quæ ventura trahantur, tanquam inspectis rerum fibris præsciscat, & consulat in longitudinem, non poterit non expromere ejusmodi leges, quæ perpetuæ salutis sint, & quibus firmis dilabi reipubl. non possit.

Ad hunc ergo modum Ægyptiorum concinnatæ leges sunt, ut vel hoc argumento patet, quod regno rempubl. constituerunt. Fuit enim illa regibus administrata usque adeo, donec sub imperium ditionemque Romanorum cecidit. Sed primum suis usa est Regibus, quorum vetustissimos fama hominum beneficiorum memor in Heroum ordinem ascripsit. Mox Persarum eam dominatus comprehendit: inde Alexandri, qui Persidis imperium armis occupavit. Eo defuncto rerum potiti sunt Lagidæ quos decem Strabo numerat, juncta, Cleopatra, quam Cæsar exsulem in sceptris reposuit. Ad extremum Octavius, Actiaco prælio victor, in provinciæ formulam redegit, quæ ex illo cœpit administrari à Rom. Equitibus. Sed quare regnum potius instituerit Legislator, quam aut plurium regimen, aut ex omnibus generibus modicè confusum; quod illi videlicet præoptant, qui de reipubl. optima scripserunt; exquirendum arbitror. Atq; istam quidem ex omnibus delectam reipubl. formam nemo ambigit, laudari citius, quam evenire, vel si evenit, haud diuturnam esse posse. Re-

Geogr. 17.

V. Arist. pol. 2. 4.

stat proinde, ut singulis inter se collatis, dicendus sit præstantissimus principatus, quippe qui nec dissensione consultantium, nec certamine potentium in discrimen vocat rempubl, nec facile mutationes recipit: ac partim sua vi, vigore, efficacia in omnia longeque valet, partim consiliis celerius & auspiciis cuncta expedit, ut multi fuisse docuerunt. Ad quæ

V. Arist. pol.
7.7. Barcl.
1c. an. 2.

sicut haud dubie respexit Legislator, ita longius cogitatione progressum, verisimile est. Omnino gentes omnes, ut habitu, sic ingeniis inter se differunt. Estque proprius cuique regioni spiritus, qui nascentibus hominibus patriæ habitum cupiditatesque statim ingenerat. Itaque populorum alii vividi ac fortes, sui que potentes, quemvis gravantur dominatum: quidam in libertatem cum ceteris nati, serviunt tamen, ad quosdam scilicet affectus ac vivendi pæne normam sua indole adacti. Jam Ægyptios si spectes, turbidos consiliis, ingenio mobiles, proclives ad molliem, liberratis nec capaces reperias, neque avidos. Testimonio est Herodotus, qui nullo temporis momento carere Regibus potuisse scribit, cumque post exitum Sethonis libertas ipsos respexisset, ea projecta duodecim ex templo Reges prodidisse: totidem partibus Ægypto divisa. Ad hoc igitur cum primis intendisse animum Legislatorem, cum reges popularibus imponeret, omni ratione sentiendum est.

V Tac. H. 1.
11. 1.
Eut. c. 147.

Sed quoniam regno (ut nihil in humanis omni labe est exemtum) sua adhærescunt vitia, veluti quod Reges fortuna dulci sæpe ebrii, à modestia declinant ad licentiam, & omnia in omnes exercere, id demum esse putant imperio uti: idcirco Legislator (qui quidem Bocchoris fuisse creditur) conversurus ad salutem istuc malum, salubre reperit temperamentum, sanxitque leges, quibus etiam Reges obtemperarent. Ponit earum summas *Diodorus*, auctor diligens, & antiquitatis plurimæ peritus, quem in præsentî scripto locupletissimum sæpe testem citabimus. Ait primum: ad ministeria ipsorum nullus adhibebatur servus, neque empsius, neque verna, sed nobilissimorum tantum sacerdotum filij, quorum ætas vixenos solus anfractus redditus, convertisset, quique præter ceteros præclare essent educati. Quæ lex hanc sententiam, ni fallor, continet, ut ipsas scelerum radices tollat, & ad virtutem civilem patenti via

Biblioth. L. 1.
P. 63.

Reges

Reges perducatur. Quisquis enim facultatem principi versandi cum hominibus profligatis & contaminatis præripit, qui foeda vel instillent ejus auribus, vel jussi perficiant, quid reliquum ei facit ad malitiam? Sunt autem capita legis duo. Nam servos primum amovet à Regis latere, quorum ingenium vix melius quàm è fabulis perdiscimus. Aulam ingressi nihil turpe ducunt, ac novandis rebus, quam gerendis aptiores, omnia miscent, & postquam clarissimum quemque depresserunt, in ipsos dominos affectant imperium, quos sæpe velut Elephantem parvus Æthiops circumagunt. Deinde Regi circumdat juvenes, qui tenera ætate in domus regnatricis adyta vocati, atque ad partem curarum assumpti, Regi quondam rei publicæ forent præsidio. Nec vero hos è sæce populi vult eligi, sed sacerdotum familia, quorum inter Ægyptios ob sanctitatem muneris rerumque scientiam præcipua fuit dignitas; nimirum ad splendorem principalis majestatis atque decus. Eisdemque virtutum ornamentis vult politos, quo Regis aures oculique adversus indecora dicta factaque essent communiti, mensque à flagitiis jubendis pudoris vi reflecteretur. Nam quod optime Diodorus addit: *nullus princeps ad nimium improbitatis procedit, nisi præsto sint facinorum satellites.*

De Tiberio testatur Tacitus, incolumi matre & Germanico Drusoque, si non probum, saltem subdolum fuisse fingendis virtutibus, & occultum: *postremo in scelera simul ac dedecora prorupisse, postquam remoto pudore & metu, suo tantum ingenio utebatur.*

Pergit deinde Diodorus, atque ait: *primo diluculo expurgatum decebat Regem missas hinc illincq; litteras inspicere.* Comendatur Regi perbene hac lege cura reipubl. quæ negotiorum civilium assidua recordatione, gravissima meditatione, promptissima executione definitur. Sed ea nulla erit, nisi de statu rerum, non ex relatu modo præsentium amicorum, sed imprimis ex epistolis magistratuum in provinciis agentium, cœderatorum, lociorum, oratorum, ducum & similium, subinde cognoscat. Cum enim nihil perpetuo consistat statu, quin ut facies cœli & maris, ita rerum atque fortunæ tempestatibus frequenter commutetur; ex his quidem talibus certa reipubl. formanda est noticia. Quocirca recte Legislator ea

tanti putavit esse, ut ante omnia tractari vellent, ac matutino tempore, quo maxime ad magnas cogitationes patet animus. Ut otio sim abusus, si fructum hujus legis prudentiamque, quæ tantopere per se ipsa lucet, verbis institutam efferre.

Perlectis litteris ad divinum cultum princeps vocabatur.

Plin. Pan. pr.

Diod. l. c.

V. Athen.
Dipnol. 9,
27.

V. Cl. Boeckl.
de Reg. c. 4.

I. t. p. 8r.
V. Synesi. de
Prov. h. 1.

Diod. l. p.
64.

Gnarum scilicet Legislatori, quamlibet pagano, *nihil rite nihilq, providenter homines sine Dei immortalis ope, consilio, honore auspiciari.* Agnoscebat, hoc fundamentum rerum ubi negligitur, retro sublapso cuncta referri, & parvas quoque res magnis motibus agi. Decebat autem Regem *ablutum, & insignibus regni splendidaq, trabea decoratum sacra facere.* Ubi lautum quidem esse quod oportuit, ex prisca superstitione repetendum autumo. Credebant enim antiquitus, aspersione profluentis castum corpus & purum à crimine præstari. Quam opinionem scite perstringit Ovidius in II. Fastorum. Ut autem ornatu regio sacris princeps intreresset, forsitan eo repertum, quo regum arctissima cum DEO colligatio propius ostentaretur, sanctitasque muneris sacro habitu, in loco itidem sacro ac majestatis pleno, veluti promulgaretur. Neque enim ut instrumenta modo scenæ spectanda sunt insignia Regum, sed altiori ratione vulgoque minus intellecta, ad vim auspicio- rum referenda sunt, quam Ægyptiis haud incognitâ fuisse prorsus, vel ex eo par est intelligi, quod nonnusquam Diodorus notat: *Ægyptii suos reges non secus ac indigetes adorant, quippe & à Providentia datos rerum arbitros, & cum ab ipsis uberrima ad homines beneficia redundent, animos eorum decerptos ex mente divina colligunt.* Est autem inter hæc imperii pignora apud Ægyptios celebre cumprimis sceptrum, quod hippopotamo ciconiaque narratur insignitum. His enim figuris primas Regis virtutes, justitiam ac in suos pietatem, colendas admonebant.

Tali igitur habitu cum ad sacra Rex venisset, sacerdos maximus, frequentia populi circumfusus, solennem recitabat precum formulam: *sanitatem dii cum ceteris bonis quibuscunque regi largirentur, jus aequitatemq, subjectis conservanti.* Quibus rebus completis, ex ordine decantandæ Regis erant virtutes, & execranda peccata, quæ in se per ignorantiam admisisset, quorum culpam condignis cum suppliciis in scelerum architectos Antistes

tistes conferebat. Hæc idcirco Diodorus instituta putat, *simul ut ad merum numinis vitamq; superis placitam impelleretur princeps, simul ut captus magis laudum illecebris, quo nihil virtus impensius amat, quam admonitionis acrimonia perterritus, innocentiam vita gauderet amplexari.* Quam rationem eo probabiliorē judico, quia cunctis mortalibus, quibus honestatis inest scintilla, moderata laudatio addit ardorem, ut quales sermonibus prædicantur, tales re ipsa velint apparere. Et hoc fortasse spectavit, cum Panegyricos adinveniret veterum prudentia, quibus utique secreta vis ac paucis animadversa subest, cohortandi laudum specie, & amores excitandi virtutis, cujus ipsam formam divina quadam arte repræsentant. Ceterum hunc Ægyptiorum sacerdotum morem illis ante oculos statuimus, quos vitia principum objurgare muneris religio jubet, ut inter abruptam contumaciam ac deforme obsequium iter pergant medium, & quoties in monendo libertate est opus, prudenter moderentur. Sed ad reliqua proficiscendum est.

Occurrunt enim leges aliæ, quibus cetera diei tempora Legislator dispertivit. Una regum studia, proxima victum, postrema judicia determinat. De priori Diodorus ita ponit: *Jubebatur dein sacerdos, penes quem sacri erant commentarii, quadam consulta eminentissimorum virorum ac facta prælegere: simul causam interferens, ut princeps pulcherrimorum rationes consiliorum animo contemplatus, secundum ea cunctas res administraret.* Nimirum non bonos modo voluit, sed eruditos etiam Reges dare Legislator. Hæc namque eruditio est vere principalis, replicare memorias temporum, & quibus artibus domi militiæque partum sit, vel auctum imperium, scitari, denique omnis exempli documenta in illustri posita monumento intueri, indeque sibi suæq; reipubl. capere, ex usu quod sit. Usque adeo operis oculis bona sua computant, qui amœnitate potius narrationis eam rem, quam efficacia & fructu doctrinæ ponderant. Historiam ad solam contemplationem legere, puerilis est & otiosa voluptas: quæ autem à viris priscis graviter statuta, deliberata, gesta sunt; meditata evigilataque habere, mascula ac digna Heroë scientia est. Sed hunc locum alii satis exprefferunt.

Venio nunc ad Regum victum, quo *simplici parabilique co-*

Q999 ;

V. Lips. pol.
1. 9.
Claudian. de
IV. Hon.
Conf. v. 396.
&c.

Diod. l. c.

gebantur uti, vitulorumq; atq; anserum carnibus vesci, certumq; vini demensum capere, quod neq; oneri esset ventri, nec lumini mentis officeret. Sicut superior lex ad eum officii fontem pertinuit, quem prudentiam appellamus, inferior ad justitiam se refert; sic præsens hæc ad temperantiam redundat ac modestiam: in qua præcipienda Bocchoris omnino, non Legumlatoris, ut loquitur Diodorus, sed boni Medici vicem adimplevit. Non adeo clam ipsum erat, qui genio obsequerentur, & in voluptatibus occuparent animum, præterquam quod valetudinem affligerent suam, regni curam plerumque exuere, publicamq; stationem deferere, & si vel maxime tueantur, corrumpere plura, quam emendare consiliis. Quippe ubi animus semel se cupiditate devinxit mala, necesse est consilia consequi consimilia: sive Deus, osor luxuriæ, suum ipsis numen subtrahit, ut verum dispicere nequeant, sive cum corpore simul per voluptates deflorescit animus. Præclare Sallustius: Quibus bis die ventrem onerare, nullam noctem sine scorto quiescere mos est, ii ubi animum, quem dominari decebat, servitio oppressere, nequaquam eo postea bebeti atque claudo pro exercitio uti volunt, nam imprudentia pleraq; & se præcipitant.

Or. 1. ad
Cæf.

Diod. l. c.

Ultimam esse legem diximus de judiciis. Neque enim Regibus judicare licebat, aut punire quenquam, contra quam sacratæ leges flagitarent. Usu persæpe venit, ut pectora judicantium obfideant affectus, pessimum humani animi venenum, ut propter invidiam adimant diviti, aut propter misericordiam addant pauperi. Sed hoc etiam non pessimis aut offirmatis ad peccatum potest obtingere. Illud detestandum, cum mali principes, & servili ingenio jus regium exercere sueti, forum indicunt. Tum enim virtus, nobilitas, opes, pro scelere. Subjiciuntur testes, majestatis intenditur singulare & unicum crimen eorum, qui crimine vacant. Leges prout gratiosus vel invisus reus incidit, infirmæ aut validæ. Hujusmodi judicia lex Ægyptiorum prudentissime tollit, ac modum jus dicenti præfinit: ut perspicuum sit, has omnes leges, si superstitiona dēmpseris, & honestas extitisse, & inprimis salutarēs. Diodorus certe pronuntiare non veretur, dum illæ valuerunt, subjugatas peregrinas nationes, excultas & copiis firmatas urbes, reges autem, quoniam cedendo ipsis fortunatos sese judicabant,

L. 1. p. 65.

cabant, vimque suæ majestatis augeri inde, non diminui credebant, tam magno habitos honore, ut vix majori possint numina; nec tanti fuisse liberorum cuique vel uxorum, quam illorum incolumitatem.

Posteaquam leges enarravimus, quibus temperata fuit regum potestas, non incongruens videtur pauca promere de tributis, quæ regibus præstari solita dicuntur. Germanicus Cæsar in illa celebri profectioe, quam per varias provincias intenderat, Ægyptum etiam ingressus, Thebas denique pervenit, ubi structis in molibus (illis duobus videlicet obeliscis, de quibus explicatè Diodorus) legit *indicta quondam gentibus tributa, pondus argenti & auri, numerum armorum equorumq; & dona templi, ebur atque odores, quasq; copias frumenti & omnium utensilium quaque natio penderet.* Hæc ibi Germanicum didicisse, Corn. Tacitus auctor est. Cum quibus conjungenda reor, quæ separatim de argento ac frumento sese offerunt. Annotavit enim in oratione quadam Cicero, Auletæ tempestate quotannis cccc clo clo Io. talenta ad Regem rediisse, sicut est apud Strabonem. Veruntamen Diodorus, qui se eodem Prolemæo rege testatur Ægyptum peragrasse, canonem non ultra lccc clo. progressum asseverat. Jam de frumento, quintam frugum partem pensitatam Regibus accepimus. Id adeo Saphnath Pahanneach (sic enim in Ægypto transnominatus est Josephus) Pharaonis nomine primus constituit, scriptaque lege confirmavit. Cujus æquitas ex eo debet intelligi, quod Pharaon, cum agros Ægyptiorum ad se jure transtulisset, restituere maluit, & quandam partem proventuum capere, quam expilator civium videri. Næ illiusmodi magna regum penuria est. Plures, qui civium bonis pro suis utantur, atque interim prætexant illud Panegyristæ: *cujus est quicquid est omnium, tantum ipse, quantum omnes habet.* Cogitasse debebant, non ad privatas explendas libidines, sed commune commodum jus illud regie potestatis restringi. Ac de legibus quidem ad Reges pertinentibus plus satis, ut opinor, disputatum est.

Age nunc ad reliquum corpus civitatis aggrediamur, ejusque constitutionem paucis evolvamur. In libris de Rep. Pol. Aristotelis sex esse genera hominum docetur, sine quibus nulla se

l. 1. p. 33.

Conf. Strab.

17.

A. 2. 60. 5.

Geog. l. 17.

Gen. 47. 26.

Joseph. A. I.

2.

Plin. Paneg.

V. Grot. l. B.

l. 1. 6.

b. c. 10.

la se tenere civitas possit: agricultores, opifices, milites, institutores, magistratus, sacerdotes. Verum philosophus, cum in suam rempubl. nonnisi cives asciscat spectata virtute & generosa indole, ex illis generibus tres duntaxat optimæ civitatis partes legit, magistratus, sacerdotes, milites. Ceteros, qui labore quæstuve districti, nec curis vacent publicis, & ad virtutem non aspirent, à civium classe segregat. Quæ si momenti alicujus instar habent, vel ex eo satis apparet atque extat, quam prope ad effigiem laudatissimæ reipubl. Ægyptus accesserit. Confirmat enim Aristoteles ipse, discrimen hoc generum à Sesostris legibus introductum. Idque hoc magis adducor ut credam, quod Herodotus ostendit, Ægyptus reliquis ignobiliores habitos opifices, nec militibus fas fuisse, illorum artibus contaminari. De agricolis autem Philonem testem facimus, qui laudata rusticatione, Ægyptiis improperat, quod insolentia inflati fastidirent plebejorum in colendo victu studium. De ceteris hominum generibus, nihil est, quod laboremus.

l. c.

2, 165. &c.
add. Cune.
de Rep. Heb.
1, 4. & 5.
De Agricult.
tura.
V. Herodot.

2, 47.
Diod. 1, p.
67.

Strab. 17.
Gen. 47.
22, & 26.

l. l. p. 66.

Nunc regionis & agrorum divisionem exequamur, quam attingunt sacrae litteræ. Tradunt enim, cum septennis famæ urgeret Ægyptum, populum seque & agros suos, ut accepto frumento vitam toleraret, Pharaoni mancipasse, ceterum quæ pars erat sacerdotum, ejus immutatam possessionem permanisse. Scriptor ille Siculus hunc ad modum rem commemorat. Tripertitam dicit regionem, ac primam partem vendicasse sibi sacerdotes, causamque ponit in dignitate hujus ordinis atque meritis, tum in necessitate sumptus ad procuranda sacrificia, administratosque sustentandos. Secundam portionem ascribit Regibus, unde suppetere velletigalia, ad varios pacis ac bellorum usus. Partem ultimam militibus tribuit, quos Calasiries & Hermorybies vocabant Ægyptii: adjicitque rationis loco, quod eis male se committat respubl. quibus pretiosi in patria, quod armis defenserent, nihil esset quicquam; utque in ea rerum affluentia darent operam soboli, terramque strenuis propugnatoribus complerent, factum existimat. Unusquisque vero militum, ut aliunde constat, C. cubitorum immunem agum liberumque arabat.

Herodot. 2,
166. &c.

Nec

Nec vero eisdem perpetuo fruebantur agris, sed mutabant vi-
ces, forsitan ut juris æquabilis ratio hoc magis teneretur.
Cum hac agrorum assignatione componi debet illa, quam
perfectissimæ civitati Peripateticorum princeps commodat, à
qua sane non nimis abludit. Ne id quidem ignorari oportet: optimis Legislatoribus nihil perinde fuisse curæ, ac pro-
vidam agrorum distributionem. Hæc à principio neglecta,
vel non caute satis legibus descripta, permulta parit incom-
moda, nec unquam sine maximis deinde moribus & injuriis
agitatur, quod Romanarum callidos rerum minime fugit.
Quare miraculo debet esse Moysis prudentia, qui præcepta a-
grorum partitione, legem composuit, *ne quis venditione aut ullo
contractu plenum dominium fundi sui transferret in alium.* Ex quo
fiebat, ut nec tenuiores opprimi possent à divitioribus, nec
studio novarum artium ab agrorum cultura cives divelli:
quem locum erudite perpolivit elegantissimo vir ingenio, P.
Cunæus. Sed nos ad ea, quæ restant, pergamus.

De sacris igitur atque sacerdotibus pauca libare, itemq;
de magistratibus, ad postremumque de jure privato, rerum
nos ordo juber. Primi hominum (quod ait Lucianus) Ægy-
ptii deos sunt commenti, delubraque excitarunt, & sacra-
runt lucos, solennesque cœtus celebrarunt. Sed inter initia
nulla deûm effigie vacuæ sedes, donec gliscente superstitione
in animalium speciem cœpti sunt assimilari. Præcipui ho-
rum Osiris atque Isis, quos putant esse Solem atque Lunam.
Veteres enim cum formosissima hæc sidera mirabundi circum-
spicerent, eorumque vi cuncta sentirent augescere ac foveri,
quod opibus ipsorum aperte juvarentur, deorum numero du-
xerunt. Hæc primordia superstitionum, ut luculente docet
(a) Judæorum litteratissimus Maimonides. Alii (b) memo-
rant; sicut Persæ, suatore Zoroastre, duo statuerunt principia
boni ac mali, hujus Arimanium, illius Oromasden: sic Osiri-
dem bonorum fuisse principium, malorum Typhonem, u-
triusque temperamentum Isidem. Translulerunt autem re-
rum harum nomina à regum suorum vetustissimis, Osiride,
quem Misraimum putat (c) Vossius, Chamî fil. Noachî nep. ac
Iside, quæ dicitur illius & soror & conjux, Inter ceteros deos

Arist. pol. 7.
10.

V. Liv. 2. 41.
Cic. off. 2.

Der. p. Hebr.
1, 2. & 3.

De Syria
Dea.

Diod. l. 1. p.
10.

Plut. de Os.
& Is.

L. Pignor.
Epist. Sym-
bol. 23 de
mens. Is. c. 1.
(a) De idol. c.
1. § 1. & c.
Sext. Empir.
8. 2.

(b) G. I. Voss.
Theol. gent.
1, 5 & 2, 4.
Cont. Synes.
de Prov.
c. 1b. 27. &
28.

Rrr

maxi-

d) V. Tac. H. maxime fama celebravit (d) Serapin, quem Josephum hario-
 4, 83 & 84. latur esse (e) Vossius, quod modius ejus capiti, signum anno-
 e) Th. G. 1. næ, superstitar. Præterea belluas etiam in concilio deorum
 29. vani homines collocarunt, quam vecordiam false ridet Apol-
 f) Vit. Apoll. lonius Tyaneus apud (f) Philostratum. (g) Caussas ejus cul-
 6, 9. tus annumerant varias, quarum principem arbitror utilita-
 g) Diod. p. tem, quam ex illis bestiis capiebant. Attribuerunt autem
 77. & c. l. 1. potissimum inter animantes locum (h) Api atque Mnevi bo-
 Cic. de N. D. vibus, quorum alterum Memphitæ, alterum Heliopolitani a-
 1. luerunt. Sed quid ego bruta narro? res surdas sensuque ca-
 Plut. de Os. rentes, (i) cœpe & allium, deorum numero inseruerunt: (k)
 & If. Nilum etiam (quem sacra pagina Nachal Misraim, & cogno-
 Strabo G. 17. mento proprio Schischor appellat) ob annum inundationis
 h) Herodot. beneficium; postremo monstra quoque, e quibus ille (l)
 2, 153. 3, 74. poëtæ dictus *latrator Anubis*, penetrati sacraverunt: ut obscæ-
 Strabo. 17. na numina in præsentia mittam.
 Geogr. Diod. l. 1. p. 19.
 Plin. H. N. 8. 46.

Voss. Th. 3, 74. (i) Juven. Sat. 14. Plin. 19, 6. (k) Phil. de Vit.
 Mos. 3. Voss. l. c. 2, 74. (l) Virg. Æn. 8. p. 77, l. 2.

Intelligendum est autem, non omnibus Ægyptiis eadem
 culta, sed (m) propria sua numina, nec raro contraria (cujus-
 modi lupus & ovis, crocodilus & ichneumon, ibis & anguis)
 quamlibet Ægypti partem habuisse. Cujus discrepantiæ ra-
 tio longe quærenda non est. Succurrit ultro Diodorus, ac
 (m) Euseb. præp. Ev. 2. propriorum, inquit, ætate, cum plebs subinde conspiraret, principum u-
 Philostr. v. nus prudentia excellens, complures in partes regionem tribuebat: in sin-
 A. 5, 15. gulis vero cujusdam bestie cultum sancivit, aut cibo quoque interdixit,
 Joseph. 2. ut in diversa studia scissum vulgus, in ruinam conjurare principis nequi-
 adv. Ap. ret. Quæ sane constitutio quam sit proposito nefaria, effectu
 Mela. 9. perniciofa, consilio improvida, satis commode Lipsius expla-
 Elian. H. A. nat. Atque utinam non alio sibi loco idem discreparet, quod-
 10, 24. que Machiavellus affirmare timuit, fructuosum putaret esse, si
 add supra inter se dissentirent finitima oppida aut provincia. Annectit quidem
 cit. ista verba: sed leviter, & hoc uno bono, ne in te conspirent. Quasi
 pol 4, 2, 11. N. verò in ejusdem manu sit flammam rectis injicere, & injectæ
 pol 6, 3, 11. modum statuere, vel bonus princeps malis artibus ad se fir-
 Princ c. 10. mandum egeat. Sed de numinibus Ægyptiorum abunde di-
 V. Diod. l. 1. ctum reor. Subjungendum nunc erat de cetero sacrorum
 p. 81. & c. cultu
 Herodot. 2, 85 & c.
 Plin. 11, 37.
 Cic. Tus. q. 1.
 Herodot. 2, 119, 2, 35.

cultu ac cærimoniis, de ritu immolandi, de jure manium, de Philost. v.
jure asylorum, de feriis, de ludis gymnics, rebusque similibus: Ap. 5. 9.
verum hæc præterire gravissimæ nos causæ subigunt. Ac pu- Herodot. 1.
det profecto, in his religionum monstris diutius morari, quæ Joseph. A. I.
cum naturæ legem in mentibus nostris perlinatam, nec mi- 2. 3.
nus publicam utilitatem varie oppugnent, in nonnullis vero Herod. 2. 91.
manifesto pudoris ac modestiæ clausulas perfringant, consen- Strabo 17.
titur facile, esse foeda, sinistra, detestabilia, & à gravissimis o-
mnis ævi viris merito damnata ac repudiata.

Cohæret autem cum superiori parte tractatio de sacerdo-
tibus, quorum omne munus positum erat in duabus rebus, in Joseph. adv.
suppliciis deorum, studioq; sapientiæ. De priori nihil adde- Ap. 2.
re consilium est. Sapientiam ideo (ut mea fert sententia) com-
mendarunt sacerdotibus, sive uti venerationem muneri con-
ciliarent, seu quoniam, ut ex illorum mente loquar, nullos il-
la deceret magis, quam eos, qui veluti consilarii deorum &
internuntii, res occultas mortalibus panderent, fatorumq; ar-
cana resignarent. Hinc sapientiæ pars habebatur haud postre-
ma, divinatio. Nam aut consultis animantium extis, aut so-
rmo per templa capto, omina colligebant, aut aliis objecta vi- Diod. l. 1. p.
sa aperiebant. Haruspicinam quoque ignotam ipsis non fuisse 49. & 66.
puto: de quibus rebus quid Christiani sentiant, apertum o- Tac. H. 4.
mnibus. Inprimis verò siderali scientiæ & geometriæ se de- 3. 1.
debant, notitiamque fovebant litterarum, quas illi sacras vo- V. Tac. A. II.
cant, quasq; *ignorabiles* dicit Apulejus, resque gestas meni- Ioseph. adv.
mentis annalium studiosissime mandabant, posteritatiq; pro- Ap. 1. Diod.
pagabant. Quam ob causam prudentia ceteris omnibus ante- p. 66. l. 1.
ire credebantur, proximumque à rege honoris locum obtine-
bant, eidemque vice Senatorum assidebant. Immunes item
erant cunctorum onerum. Et quod vel maxime eorum am- Ioseph. l. c.
plitudinem auxit, constitutum habebant, ut quisquis sacer-
dotium iniret, se gente sacerdotali natum, ab ultima stirpe,
testibus non paucis subnixus, demonstraret. Quam rogatio-
nem commendat maxime cognatio, quæ inter legem Judai-
corum sacerdotum & ipsam intercedit. Sed hæc delibaturum
me, non tractaturum ostenderam.

Deinceps, ut erat propositum, de magistratibus viden-

Diod. l. i. p.
85.
27. Geogr.

dum est. Hi præfetti fere, & judices. Præfecturas instituit Amasis, vir catus & perspicax: idque eo modo, quem Strabo designat. Principio enim in præfecturas, ait, distincta regio fuit, quas vocæ appellat: Thebaica in decem, Delta in totidem, intermedia in sexdecim. Rursum hæ præfecturae divise in toparchias: toparchia in partes alias, quarum minima erant arva. Nunc causam hujus diligentiae subjicit: opus, inquit, fuit tam scrupulosa divisione, quod Nilus auctus priorem locorum formam identidem deleteret, limitesq; erueret, & confunderet vestigia, denique velut iniquus arbiter, his adderet, illis detraberet. Ac propterea geometriam ab Ægyptiis repertam credunt, ut à Phœnicibus ob mercimonia Logisticam. Necessitas itaque, si cum Strabone stamus, præfectorum multitudini causam dedit. Quanquam nihil sit absurdi, dicere, Legislatorem usu callidum id insimul spectasse, ne nimium potentiae præfectis accresceret. De Alexandro certe tale quid Historicus con-

Arrian. H. 3.

signat: Imperium, ait, Ægypti Alexander victor in plures præfides partitus est, admiratus tum naturam regionis, tum firmitatem, neq; adeo in-
tū ratus, unius potestati totius Ægypti administrationē permiscere. Id quod Romani ab Alexandro didicisse videntur, ut cum cura haberent Ægyptum, neq; Senatorii, sed equestri ordinis præsidem imposerent. De his Nomarchis lex egregia circumfertur, eodem Amasi (ut ajunt)

Herodot. 2.
177.

Diod. p. 69.

sanctore. Cogebantur illā cives cuncti quotannis apud ipsos profiteri, quod vitæ genus, & quomodo colerent. Sin autem hoc intermisisset quispiam, aut non bonæ rei homo fuisset inventus, capitaliter in eum advertebatur. O rem dignam, quam omnis resp. sibi imitetur. Nam profecto, nisi singulis civibus officium ac verecundia sua constiterit, partarum rerum æquatus coelo cumulus sedem stabilem non habebit, Sapiens igitur vel hoc uno mihi Solon, quod istam legem Athenas intulit. Hinc more accepto Censores sibi Roma creavit, quos sæculo nostro vehementer suadet Lipsius. Atque ex his aliquatenus de Nomarcharum officio potest numeroque cognos-

Diod. d. l.

Pol. 4, 11.

117. &c.

V. Arnisi pol.

Diod. l. i. p.

61.

sci. Jam de Judicibus hæc fere accepimus. Ex urbe Solis, Thebisque ac Memphi deni judices cooptabantur. Hi triginta viri congressi in unum, ex ordine suo optimum quendam judiciorum præsidem renuntiarent, cujus in locum urbs alium supponebat. Stipendia rex sufficiebat, Prætori quidem

dem paullo amplius. Huic suspensum à collo gestare signum veritatis, omen erat. Qua re quid aliud quam officii hominem admonebant, ut immotus adversus impetus affectuum aut largitiones, ex veritate cuncta disceperet. Meretur sane hic locus eorum commentariis ascribi, qui de officio iudicis præceperunt.

Ingens jam nobis expositionis campus sternitur, de jute Ægyptiorum privato: sed compellenda in angustum est oratio. Primum de matrimonio agamus, quod seminarium est reipubl. & fons perennis civium. Sed enim non pro cetera sua sapientia id constituerunt. Nam vide sodes rem scdissimam: licebat legibus ipsorum, sororibus jugari. id eo maxime, quod Osiris exemplo suo rem probasset. Præclara vero ratio: tanquam flagitia principum vim legum habeant. Videtur tamen & illa subesse causa, quod intra familiam nubere, generi suo decorum existimarunt. Sed eam certe rationem & superiorem juxta æstimo. Quapropter satis mirari nequeo, quo pacto facer iste mos ad alias quoque gentes penetraverit. Nam & Persis fas erat per legem Zaradæ, eodem patre natas uxores ducere, & Atheniensibus honestum habebatur. *Neque enim Cimoni fuit turpe, summo viro, sororem germanam habere in matrimonio: quippe cum cives ejus eodem uterentur instituto.* Sed violari hac lege tenorem juris naturalis, accurate probat Platonis ille æmulus, Philo Judæus. Quod satis est argumenti, inter veras leges eam recipi non posse: non magis quam ista altera potest, quæ Ægyptios in tabulis dotilibus imperium virile jubebat resignare, & plenum uxoribus obsequium spondere. Orta à Sesostris ista constitutio, qui (si Nymphodoro credimus) quo gentem in posterum sibi firmaret, effeminavit animos, ac munia virorum in mulierculas, harum ministeria in mares transtulit: quo quid est injustius aut facinorosius? Confundit enim ordinem naturæ, dedecus reipubl. postremo exitium importat. Siquidem ad hunc morem emolliti ab omni honesto vitæ genere se abrumpunt, suisque viribus attriti nequaquam sustinere valent hostiles impetus. Itaque nulla ætas eluet hanc maculam, quæ in Ægyptiorum nomine ob tantum facinus insedit. Nam quid

Diod. l. 1, p. 23.

V. Philon. de Special. LL.

Strab. l. 15,

Corn. Nep. præf. 4. & 5.

de LL. Spec. p. 779.

Diod. l. c,

rer. barbar. 13. & Scholiast. Sophocl.

Diod. l. 1.
Euseb præp.
cv. 6.
Gell. 15, 20.
V. Tholof.
Synt. lur. 9.
2, 17.
Arist. de lur.
Con. 2. 4. § 3.
Arist. Eth.
10, 9.
Strabo. 17.
Philo de circumcis.
Diod. l. 1.
p. 72.

ego nunc de eo memorem; quod viris permisissent, (excepto sacerdotum ordine) ut uxores una plures domum ducerent? Quanquam habent socios nequitiae Athenienses, quibus decreto facto idem jus fuisse produnt. Verum huic loco, à multis copiose pertractato, non est, cur longius insistam.

A conjugio proximus est ad educationem liberorum transitus, quæ duo fere continet, τροφή & ἐπιτηδεύματα. In utroque hunc Ægyptii tenebant modum. Pueros circumcisos (id à Judæis procul dubio traxere) tollebant alebantque: ac tantum abest, ut eos projicerent, quod moribus Græcorum ferme tenuit, etiam nothos pro legitimis habebant, cum solum patrem gignendi crederent autorem, matremque alimenta tantum & locum infanti præbere statuerent. Ut primum ex infantia ad ætatem firmiorem enatassent, sacerdotibus initiandos litteris tradebant: nec quicquam magis inculcabant, quam siderum vices, nomina, magnitudinem, efficaciam noscere, deque posito motuque eorum dicere quæ futura sunt, mensurasque inire locorum, & numerum ex numero perire ducere. Domi severe habiti, cibo modico & facili sustentati, bonis exemplis præceptisque consuefacti. In his de educatione legibus, quid rectum ac sincerum, quid diversum sit, non jam excutiam: est enim in promptu. Tantum veterum industriam Legislatorum admirari libet, qui in ordinandis juvenum studiis tantum curæ consumpserunt. Non sefellit ipsos, nequicquam rempubl. sperari beatam, nisi cives sint optimi: tales vero non nasci, sed fieri institutione, quæ & ipsa, nisi legibus descripta, vacillet & claudicet. Quis ergo temperet sibi, quin ævi hujus infelicitatem graviter deploret? Hic enim profecto hæsitamus, hic deficimus. Non externa bella, non sterilitas officit ingeniorum, quo minus proventu gravium virorum & vere eruditorum nostra ætas efflorescat, sed publica circa bonas artes socordia. Qui præsumunt imperio, hanc curam aut abjiciunt, ut minime decoram, aut sumptus perosi reformidant: inexcusabili errore, dum paullulum stipis immortalitatis præmio, futuroque tanto civitatis incremento, non comparant solum, sed anteponunt. Sciamus igitur, ex his malis, quæ nos hinc inde circumvallant, emergi

non

non posse, nisi imperantes personam assumant magistrorum, nec minus gymnasia curare, quam curiam incipiant.

Confero nunc me ad leges de contractibus, quorum in communitate civili frequentissimus est usus. Itaque tanquam fundamento, sic justitiæ & fidei insistant, quibus rebus maxime consociatio humana continetur. De mutuo igitur hæc à Bocchori sancita perhibent: *Si quis mutuum debere se negaverit, nec tabulis id factum possit argui, interposito jurejurando à debito solvatur.* Primam hujus legis causam reddit annotator, *ut religionem jurijurandi homines colentes, DEUM discant revereri.* *πρέπει γὰρ τῇ τιμῇ τῶν θεῶν ἢ ἑωρκίας ὡς αὐτὸν ὁμῶς καὶ ὁπαδὸς τῆς ἑωρκείας, ut bene Hierocles.* Quamobrem idem politissimus philosophus duplex ponit jusjurandum: alterum definit *τήρησιν τῶν θεῶν λόγων, ἢ δίδεται καὶ ἀνίστηναι πάντα πρὸς τὸν θεὸν καὶ τοὺς ἀνθρώπους, τὰ γεγονόσιν αὐτὸν πεφυκότα.* alterum, quod in negotiis humanis valet, hujus appellat *ἵχνος*, sive *vestigium*; quod ad veritatem ducat, eo, *ten par est, utentes.* Subsequitur alia legis hujus ratio, quoniam crebro dejerantes in dubium de fide veniant, ut in eo quique elaboret, ne tanto se Palladio privet. Ad hæc persuaferat sibi Legislator, si fidem in integritate vita collocaret, homines ad morum probitatem sese recepturos, ne tanquam indigni fide, perennem suæ famæ maculam inurerent. At enim his rebus satisfieri creditori non videtur. Imo optime: quid enim potes gravari, si illi creditur jurato, cui tute injurato credidisti? nam id hoc loco intellectum volumus. Aut quodnam tandem, extra jusjurandum, testandæ innocentiae dabis remedium? Haud falso illa apud Comicum dicebat: *aliud si scirem, qui firmare meam apud vos possem fidem, sanctius quam iusjurandum, id pollicerer tibi Lache.* His igitur ad liquidum videtur explorata legis æquitas.

Ceterum ad mutuum usuræ pertinent: in quibus ipsis, ut Legislatorem decet, prudenter oppido versatus est Bocchoris. Nam per interventum *syngrapha* fœnerantes, ultra duplum augere sortem vetuit: neque in nexum duci corpus, sed de facultatibus oblatorum usuras repeti permisit. Duas igitur fuisse legis partes, res ipsa indicat: de modo usurarum, deque vetito nexu. Usuras non tollit, sed moderatur. Neque enim rem dicunt, qui

Diod. l. 1.
p. 71.

in Aur. Pyth;
p. 34. ibid. p.
29.

ibid. p. 30.

v. Diod. l. 1.

Ter. Heec. 5.
1, 24.

Diod. l. 1. p.
71.

v. Melanch.
phil. mor. p.
250.

Grot. I. B. 2.
12, 20, &c.

I. 27. C. de
Usur. Nov.
121. 138. 160.
V. Tac. A. 65
16. & 17.

Sall. Or. 1. &
2, ad Cæf.
1. 42.

I. 12. C. de O.
& A.

V. Arnif. pol.
1. 4.

Diod. I. c.

V. Plut. Sol.
21.

Herodot. 2.
136.

Diod. I. 1. p.
81.

qui in eo disputant, usuras quasvis ab honestate esse remotas, & adversari cum naturæ, tum divinis legibus. Et si periculosum est, ob mali scænebris magnitudinem, usurarum patrociniū animosius suscipere. Itaque de viro quodam incomparabili sentire solebat amicus, haud exiguæ in Gallia auctoritatis: quæ in eam rem scripseret, premi profecto, quam in vulgus efferri, satius fuisse. Permisit igitur hæc lex usuras, sed tamen cum modo, dum ultra duplum extendi prohibet: quod idem suis legibus constituit Justinianus. Nimirum nulla capitalior pestis reip. immodicis usuris. Hæ *seditionum discordiarumq; creberrima causa*. Quare non immerito inter semina civilis belli memorat Lucanus *usuram voracem, avidumq; in tempore sanus*: non immerito Crispus, uti compescatur, Cæsari tam valde suadet, cujus postmodo secutam legem Tranquillus exhibet. Porro autem neminem legislator creditoris proprium fieri voluit mancipio & nexu, quod rescripto quoque Diocletiani continetur: *ob as alienum servire liberos creditoribus, jura compelli non patiuntur*. Causam & exempla hujus rei expromit sæpius laudatus scriptor: *Arbitratus*, inquit, *Legislator illorum esse bona, qui vel donatione legitime parassent: sed corpora deberi civitatibus, ad bellicos usus pacisq; munia*. Quam enim absurdum hoc fore, militem (exempli causa) qui periculo pro patria caput obiectet, abduci in nervum, & ob unius avaritiam salutem omnium in discrimen verti? Videtur autem hanc legem Athenis invexisse Solon, Sifachthia nomine, qua cives universos ab ære alieno in corporis nexum credito liberavit. Quo magis irridere libet alios Græcarum legum conditores, qui arma, avatrum, & reliqua ad opus faciundum necessaria, ob sanus pignerari vetuerunt, ceterum eos, qui istis uterentur, necesse permiserunt. Hæc ergo Diodorus.

Nos ad illam progredimur ab Asychi repertam legem, quæ extinctorum parentum cadavera pignori opponi jussit ob creditum: oppignerata vero qui minus redemissent, æterna hos infamia notavit, & spe humationis depulit. Hujus auctorem constitutionis dignissimum miratu proclamat Diodorus, quod morum sanctitatem non usu modo commendasset, quem viventes inter se perciperent, sed honore, quem expectarent morientes. Enimvero Græci (inquit) *fabellis poetarum & apologis, qui mercedem ante-*

ada

ad illa vita bonis olim ac malis paratam demonstrarent, virtutis pretium accendere contenderunt: ast hoc pertendere non valuerunt. Etenim non ad virtutem solum pellexerunt neminem, sed etiam improbi materiam irrisionis præbuerunt. Ægyptii, cum supplicia & præmia non fabulis includerent, sed certa lege locarent in conspectu, ad officium homines perpulerunt, scelerumq; ramos feliciter amputarunt. Sic ratio-cinatur Diodorus, cujus sententia aliquid Epicureum sapere videtur. Nos quemadmodum cordato Legislatoris proposito hanc legem condonamus, ita honestius censemus & utilius, corpora functorum tumulo quamprimum statui, suisque se-

V. Tholof.
Synt. Iur. 2,
14, 3.
Grot. 1, B. 2,
19.

Nunc à turba contrahentium ad ipsum pergamus forum, & judiciorum leges strictim percurramus. Ante omnia norimus ista, diligentiam haud vulgarem Ægyptios adhibuisse in judiciis constituendum, quippe qui sententias pro tribunali latus maximum ad visam afferre momentum in utramque partem judicarent. nam & minus delicta si scelerosi puniantur, scelerum inimici ab injuria defendantur; & violari hominum societatem, si favor, aut largitiones, aut mala gratia judicia contaminent. Quapropter ordinem judiciorum (quem processum dicimus) pulcherrimum excogitarunt, qui talis memoratur. Principio prætor veritatis imaginem cervici applicabat: hoc litis auspiciū. Mox legum octo codicibus apud judices depositis, actor scripto referebat & delictum ejusque modum, & accepti damni æstimationem. Reus huic libello scriptum opponebat, quo factum aut ab se alienum, aut juri consentaneum, aut censura molliori dignum arguebat. Replicabat inde & ampliabat querelam accusator, alter responsum duplicabat. His expeditis rebus, sententias dicebant judices, litemque dissolvebant. Quo ordine nihil videtur melius mihi, nec salubrius. Nullæ hic interveniunt judiciorum perturbationes, nullæ rerum judicatarum infirmationes, non ad tertium hæredem perductæ lites, & effusa altercando patrimonialia, & quæ plura mala nos fere senti-

Diod. 1.
P. 62.

Id. ibid.

Diod. p. 69.
l. c.

mus. Nulli præterea caussidici (quod ego vel palmarium puto) nulli patroni: quorum oratione multum caliginis offundi juri crediderunt. Artes enim ipsorum & fallacias, tum lacrimas periclitantium, inducere multos, ut flectant jux gratia & miseratione, & affectibus cecati, quos induit orator, reum patientur elabi. Quod si suam causam scripto traderet litigator, nudum proponens factum aut responsum, faciliorem fore dijudicationem: non sollicitiam tarditati, non vanitatem & audaciam veritati modestaq; prevalituram, sed æquum jux quemque experturum. Quæ si recta putamus via, nonne providos dicemus Ægyptios, nonne felices? qui tres immanes effugerunt justitiæ scopulos, corruptionem judicum, infinitatem litium, advocatorum sævitiam. De quibus præclara multa commentatus est C. Forstnerus, Vir splendore dignitatis & prudentiæ gravitate illustris: ut superfuturum sit, quicquid ab ingeniolo meo his accesserit.

in Tac. p. 90.
&c.

Hoc igitur præparato velut exordio, pœnales leges perstringendæ sunt. Ordinemur autem à perjurio, quod cum religionem solvat, quæ in metu Numinis & cærimonia est; hanc autem nobis non opinio, sed quædam innata vis afferat, promptum est intelligere, qua ratione cum natura pugnet, Sancitum

Diod. l. 1. p.
69.

verò pœna capitis apud Ægyptios fuit. Gemino enim scelere se obstringere perjurus putabatur, quod & pietatem in deos falleret, & fidem rumperet, commune societatis vinculum. Quare & duplicem

de LL. 2. add.
off. 3.

perjurii pœnam agnovit Tullius, divinam exitium, humanam dedecus. Sed pro dedecore graviolem adoptavit noster Legislator, quæ res ejus instituto maxime suffragabatur: siquidem fundamentum vitæ civilis in fide & religione collocabat. Nam illud quidem, deorum injuria diu cura, pœnas humanas non tollit, ut ostendit H. Grotius, ubi de pœnis tractat, quem locum exactissime elucubravimus.

v. supra.
Tac. A. 1.
73. 4.
l. 2. C. de
reb. cred.

de l. B. 2.
20. 44. 2. 13. 1.
Diod. l. 1. p.
69.

Cic. off. 1.

Hinc jam ad illam accedimus legem, qua capitis adibat pœnam, si quis in via hominem discrimini vitæ proximum, aut quoquo pacto vim patientem, minus vindicasset. Sin per infirmitatem auxilio subire non poterat, indicare latrones, & actione scelus persequi adigebatur, aut plagas perpeti, & famem in triduum. Qui fontes philosophiæ nobis aperiunt, omnino duo ponunt injustitiæ genera: unum eorum, qui injuriam inferunt, alterum illorum qui

qui non defendunt, nec obsistunt, si possunt, injuriæ: quod genus non minus averfatur natura, quam lædi hominem abnuit. In hoc enim corporis illi robur, isti vim consilii dedit, aliis aliud indulfit, ut alter alterius essemus instrumentum, utilitatumque existeret communicatio. Itaque recte quidem Terentianus Chremes humani nihil à se putat alienum. Ignoscendum tamen illis, quibus vires ad malum propulsandum non sufficiunt. *Succurram enim* (cum Stoico dixeris) *perituro, sed ut ipse non peream: nisi si futurus ero magni hominis aut magna rei merces.* Quod si igitur opitulari quis non valuisset, edere saltem latrones, ut jura scelus expiarent, quod vis reprimere nequibat; & experiri ipsum lex judicio monebat, quo criminis docendi facultatem obtulit, criminandi ademittit.

Quid vero, si quis in calumnia fuisset convictus? quas poenas expendebat? Eas, inquit Diodorus, *qua accusato prius imminebant.* Justissima nimirum patiendi vice, quod quis alieno excogitavit supplicio, excipit suo. Calumniari (ut ait Marcianus) *est falsa crimina intendere:* quare quid homine indignius, cujus in animo natura ipsa veritatem insevit? Quid atrocius, quam infantes reos subdere, iudicesque vicem numinis reddentes nequiter circumvenire? Grave malum ac pestilens, quodque altius penetrat, ac sæpe quod usquam civium est corripit, multorumque excindit status. Verba prave detorta, convivalium fabularum simplicitatem in crimen ducit, ibique se maxime effert, ubi minimum est libertatis. Quamobrem infames esse, gentes aliæ voluerunt, quos hæc

De cædibus hæc fere sancita habuerunt: *Qui sponte liberum, aut etiam servum hominem necasset, ut capitis condemnabatur.* Lex est communis, & auctoritate divina, consensuque gen-

Sen. de ben;

2. 5.
V. Grot. I. B.
2, 24. 7.

I. I. p. 69.

I. 5. 1. ff.
ad SC. Tur.
pill.

I. 2. C. de Cal.
umniat.
Plin. Paneg.
gyr.
Turneb.
Adv. 8. 22.
Vit. Ap. 5. 8.

Diod. I. I. p.
70.
V. Grot. I.
B. I. 2. 5.
Diod. I. c.

tium firmata: sanguis humanus sanguine piandus. Sed fructum tamen hujus legis multi populi servis invidebant, quos nostra constitutio liberis adæquat. *Quippe non conditionis & sortuna, sed factorum æstimatione probibere homines à maleficio, simulque tardiores reddere volebat, ad ingenuos injuria laceffendos, si ne servos quidem fas esset violare.* Eant ergo ceteræ gentes, quæ jus mortis ac vitæ heris in servulos addicebant, atque discant. Ægyptii, non quid impune fieret alibi, spectare maluerunt, sed quid permetteret æqui bonique natura. Meminerant istius: *cum in servum omnia liceant, est aliquid, quod in hominem lucere commune jus veter.* Qua de re plura differit Henn. Arnifæus, vir exquisitæ doctrinæ & industriæ.

Sen de
Clem. 1. 18.
Pol. 1. 1.
de Rep. 3. 8.
33 &c.
Philost.
Vit. Apoll.
58.

Jam porro de cædibus casu vel ignorantia patratæ, ita cognovimus. Si quis invitus hominem exanimasset, Memphisitarum lege mittebatur ad Gymnosophistas, à quibus absolutus, reditum ferebat in patriam: modo deos ante sacrificio propter cæsi tumultum propitiasset. Quod si difficiles se præberent absolvendo reo sapientes, carebat patria, & omnium egenus vastis inerrabat montibus, donec melior sensus ad lenitatem misericordiamque mentes ipsorum revocasset. Hanc legem inclementem vocat Apollonius, quod homines nec fontes libidini permetteret philosophorum, & cruciatibus differret. Interea declarare ea potuit, quanti pretii humanus esset sanguis, & quales promereret pœnas in homicidio conjuncta cum facto voluntas, si facti solius nemini gratia fieret.

Diod. 1. p.
70.

Transeo nunc ad interemtionem liberorum, quæ parentibus in Ægypto capitalis non fuit: *ceterum tres ipsos dies atque noctes amplexu mortuum tenebant, assidente publica custodia.* Id vero quamobrem? *Quoniam vitam quidem eripere eis, qui dedissent natis, præter æquum putabant: interim tali castigandi genere, in quo dolor inesset ac pœnitudo, ab hujusmodi commissis absterrere homines quærebant.* Ita restringere sibi visi sunt vitæ necisque potestatem, quam in filios, etiam adoptivos, gentes nonnullæ usurparunt. At enim detestari naturam hanc licentiam grassandi in viscera sua, & Manliana exercendi imperia, doctissimorum est judicium. Quare non immerito Constantinus parricidis æquavit nomine & supplicio parentes, filiorum interfectores.

Arnif. de
Rep. 4. 2. 18.
&c.

Ægy-

Ægyptios vero, tametsi nullus negem, capite rectius teterri-
mum hoc facinus fuisse punituros, eo gravior tamen & mira-
bilior illorum videtur poena, quia dolorem facit animi potius,
quam corporis, nec minus emendat, quam ulciscitur.

At vero in patricidas quæsitissimum supplicii genus sta-
tuerunt. *Damnati enim, simul præcursu calamistrum artus magnitu-
dine digiti minutatim avulsissent, incensis vepribus implicatum trun-
cum vivum adolebant. Immanitatis quippe ducebant plusquam bellui-
na, propter quos hanc suavissimam lucem aspexeris, eos indignissime luce
privare.* Itaque Solon & Romulus inter leges suas nullam
parricidii fecerunt mentionem, cum persuadere sibi non pos-
sent, usque ad cædem parentum duratura filiorum odia. Per-
fæ vero, si quis parentem jugulasset, eum spurium aut subdi-
tium colligebant. Omitto, quæ de hoc flagitio gentes aliæ
senferunt aut constituerunt. Neque enim omnia sunt hujus
disputationis ac temporis: & hunc locum satis alii elabora-
runt.

Diod. p. 70.
l. 1.

Cic. pro
Rosc. A.
Plut. Romul.
V. l. s. ff. de
L. Pomp. de
parric. Gothofr. ibid.

Quapropter ad Ægyptios se referat oratio, quorum le-
gibus & hoc erat cautum, ne gravidæ mulieres ante solutum
partum ad extremum supplicium dederentur. — Hanc legem
Diodorus à Græcorum multis ascriptam ait ac susceptam,
secutis has cumprimis rationes: *Iniquum enim videbatur, ab eo
pariter repositi poenam, qui nihil designasset poena dignum, & unius ob
noxam duos plecti. Adhuc cum animo maligno structum esset facinus,
damnari non posse carentem intelligentia. Super omnia intolerandum,
lucis usutam eripi scævi propter matrem, qui parentum utrique esset
communis.* Provisum hoc idem Ro. quoque legibus, & ad quæ-
stiones dilatatum. Ut infamis merito sit inhumanitas Clau-
dii, quem ferentibus uterum haud quaquam in supplicio pe-
percisse, Dio Cassius memoriæ prodidit.

Diod. l. 1. p.
70.

Plut. de sera
num. vind.

l. 3. ff. de pœ-
nis.
V. Briffon.
Ant. Jur.
Civ. 2. 20.

Sequitur lex quædam militaris, quæ *ordinum desertoribus*
& Imperatorum jussa indignantibus extremam infamiam irrogabat.
Deserere ordinem, quod Diodorus λιπὲν τῶν τάξεων, alii verbo
unico λευοτακίαν appellant, sensum duplicem sustinet. Nam
& in eum quadrat, qui turbat ordines in acie, locoque cedit,
& in illum, qui munus publicum deserit, quo maxime eum
deceret fungi. Hac autem lege prius vindicari, consentane-

l. 57.
Diod. l. 1. p.
70.

In Arist. Eth.
I. P. 376.

Diod. l. c.
V. Tholof.
Synt. l. x, 31,
29.

I. l. p. 79.
de qua v.
Tholof. Synt.
l. 36, 2.

I. c. 31, 16. 6.
Cl. 15.

Diod. l. c.

Const. 32, l.
30, f. f. C. ad

um est. Sed de utroque plura persecutus est Muretus, haud surdum in litteris nomen, ad quem lectorem delegamus. Nunc autem cur gravioribus annumeretur noxis si miles imperata facere abnuerit, cuius planum est. Si enim interpretari ducum iussa milites, quam exequi malint, pereunte obsequio etiam imperium intercidit. Quocirca noster legislator hoc alligatos crimine non morte, quod parum ipsi videbatur, sed infamia multabat, tum ut pro summo malo habendam doceret, quod nonnisi in optatissima sit rep. tum quoniam affectu morte nihil ultra commodarent reip. dignitatis vero gradu pulsus, honoris pristini desiderio ad bene de se sperandum signum quasi quoddam tollerent. Sanxerat enim, ut possent sortibus factu in priorem locum sese vindicare.

Postquam hanc legem recitavit Diodorus, duas conjungit, caussa pares, argumento dispares. Prior est de eis, qui secreta hostibus enuntiassent: quibus lingua solebat refecari. Altera, cui respondet in Ro. jure L. Cornelia de falsis, ad illos attinet, qui fidem, id est, ipsa reip. fundamenta labefactare & convellere ausi, monetae publ. adulterassent, immutassent pondera, sigillaq. & scripturas falsas concinnassent, qui de velatu in publicas tabulas dempsissent, mentitasq. syngraphas praeferissent. His ambas praeclidi manus lex istaec imperabat. Utraque vero, uti dixi, sententia discrepans, ratione congruit: quæ in eo est, quod qua parte corporis in legem quicq. offendisset, ea scelus lueret, aliisque praeberet exemplum, quo minus simili sibi facto similem contraherent poenam. Quibus nihil superaddo, nisi genus hoc supplicii falsariis constitutum (de quo P. Gregorius, quem à patria Tholosanum dicimus) ab aliis fuisse retentum, ut ex Suetonio colligitur.

Est autem falsi crimini confine adulterium, quippe quod adulterinam prolem in familiam intrudit, proque vera subji- cit. In hoc facinus ab Ægyptiis ita vindicatum fuit, ut macho mille plagas fustibus injicerent, mulieri nares abscinderent. Quippe femina ad irritandas libidines ornata, praecipua venustatis lenocinia detrahenda distabant: rati scilicet, quod res est, faciem non uxorem amari. Ad eundem modum in hoc flagitio compertus Leo Imp. truncari naso iussit, marito impurae dotem adju- dicavit, ipsam inter sacras virgines aetatem agere coëgit. Con-
stanti-

stantinus autem pœnam capitis à mœchis recepit. Qua severitate nostri majores eos coercuerint, ex Taciti narratione constat, quam eleganti finit characteristico: *nemo enim illic vitia videt, nec corrumpere & corrumpi sæculum vocatur.* Sed nimirum præterit hæc ætas, qua tantum pudoris & innocentiae erat imperium, & in pejora sensim vertit, donec perventum est ad ista tempora, quibus nec vitia nostra, nec remedia pari possumus. Et hæc de adulterio, consensu utriusque facto, dicta volumus intelligi.

L. Iul. de adult. de M. G. 19. Pl. v. ap. Muret. in Arist. Eth. 3. p. 381.

Si quis enim vi liberæ pudorem extorsisset, ejus, inquit Diodorus, *πρωτὰ τὰν ἀτοκμήτων τὰ ἀιδεῖα.* Credebant enim in hoc piaculo simul inesse *τὴν ὕβριν, καὶ τὴν φθορὰν, καὶ τὴν τῶν τίμων ὑπόψιν*, peccata tria immanissima. Ob eamq; causam idem hoc punishmentis genus Athenienses frequentabant, ut vel Eunuchus Terentiana docet. Romæ si quis virgini per vim vitium obtulisset, tenebatur lege Julia de vi publica, quæ aqua & igni interdicebat. Ejus in locum successit deportatio & bonorum ademptio, tenerique lege Julia de adulteriis stuprator cœpit. Exempli plura cumulare, religio est.

p. 71. l. 1.

§. 5. 15.
l. 3. §. 3. ad L. Iul. de vi publ. l. 10. §. fin. cod. l. 3. ff. ad L. Iul. pecul. §. 4. Inst. de publ. jud. Diod. p. 72. l. 1.

Restat lex unica, de furibus, suavis illa quidem ac lepida. *Qui furtu operantur, apud principem furum profiteantur nomen, prædamq; deinceps ad ipsum perferant. Cui furtum factum est, si apud eundem præsidem exponat, qualenam fuerit surreptum peculium, præterea quo loco, die, hora, captum sit desiderari. Æstimata postea re peculator quartam partem capiat, cetera ad dominum redeant.* Quid est dare veniam corvis, si hoc non est? Strophas tamen delirantium magis, quam ratiocinantium audi. Cum enim, ajunt, *ut à furto cuncti se sustineant, optandum, non sperandum sit, hac quidem via rem integram servari ablatam, extra redemptionis haud magnum pretium.* Astute: quasi donanda civitate sint ea vitia, à quibus temperaturos cunctos mortales desperaveris. Quanto melius gentes aliæ crimen illud aversum à natura grandibus multis, nonnunquam pœna capitis cohibuerunt. Nacti tamen stultitiæ consortes sunt Ægyptii, Spartanos, apud quos jus atque usus clependi fuit. Sed his pro ratione studium acuendi juveniles animos ad insidiarum astus, & vigilandi tolerantiam, & obrependi celeritatem, quarum rerum in bello maximus ef-

Tholof. Synt. Iur. 37. 1. &c V. Gell. N. A. 11. 18.

fec

set usus. Quæ de legibus Ægyptiorum reperi, quam paucissimis licuit, absolvi. Sed cum in his ætatis, festinationis, brevitatis vitio necesse fuerit multoties hallucinari; progressu temporis & auctiore studiorum profectu errata corrigere, & pressius commentariolum hoc eliminare constitui: interim ubi ingenio non erat locus, testimonium studii promeruisse contentus. quod non parum promovit Cl. noster BOECLERUS, cujus cum institutioni, tum verò Bibliothecæ pleraque debemus. Ergo facilius Latinæ conticescent litteræ, quam illius in animo meo exoleseat memoria.

V. Arist. pol.
2, 10. pr.

Ac possem ita quidem fastigium imponere operi, sed nimis. promisi etiam de legum laudatarum inventoribus aliquid dicere. Id igitur ut compendio fiat, non jam in exponendo multus ero, quam sit pulcrum, munere sanctum, beneficio gratum, usu certum, effectu arduum, fama gloriosum, leges dare mortalibus. Nec de Legislatoris definitione liber præfari, aut quo discrimine conditores legum à veteribus habiti. Rem ipsam putemus, & quomodo noster Diodorus, cujus præ ceteris hic eminet sedulitas, Legumlatores describat Ægyptios, in medium proponamus. Horum ergo sex commemorat præcipuos, Mnevin, Sasychin, Sefostrin, Bocchorin, Amasin, Darium Xerxis patrem. In quibus id statim consideratu videtur dignum, quod reges ad unum omnes fuerunt. Nam ex eo debet intelligi, jus ferendarum legum residere penes nullos, præterquam summo præditos imperio. Est enim Majestatis caput vel potissimum. (ut hodie loquimur) leges civibus dare libere, citra necessariam cujusquam suffragationem. Capitque exordium ab ipsa natura, quæ cum optime prospectum iret humano generi, sanxit imperandi parendique ordinem. Hunc rebus humanis eatenus inolevit, ut sine eo nec domus ulla, nec resp. nec mortalium genus omne stare, nec orbis ipse possit. Quo vero modo vel imperio locus erit, vel obsequio, si jussioni non sit? Hac igitur necessario posita ad legem pervenitur: quæ nihil est aliud quam summæ potestatis jussum, ad salutem civium vitamque omnium quietam & beatam.

Ut autem jus hoc penitus exploraretur, quænam complexu suo contineat, carptim expromam. Principio igitur, cui

cui fas rogare legem, eidem abrogare pari ratione licet. Quamquam, si intuearis, quid sit è rep. haud cito legum constitutor veteres abdicabit leges, & cornicum, ut vetus verbum est, effodiet oculos. Turpe legum suarum conditor idem ac subversor, Tac. A. 2, 28. l. 3. 21. qualia de Pompejo notant Historiæ. Quocirca non mirari se, ait Cincinnatus apud Livium, si vana Patrum ad plebem auctoritas est, siquidem sua decreta & consulta ipsi tollant: tantumquam id sit plus posse in civitate, plus levitatis & licentiæ habere. Itaque mutandas esse leges omnino quidam negaverunt. Sic enim comparatum esse natura, ut sapius conversa mutetur in deterius. Præsertim leges, quarum vis tota vertatur in usu longi temporis, quæque item ut planta tum demum florescant, cum comprehenderunt, egeruntq; radices. Habere venerandi quid in eis antiquitatem, quæ nisi cum parte reverentiæ deminon possit. Sed & una sublata lege ceteras infirmari, quo nullam atrocius malum cogitari queat. Contra hæc tamen aliis videtur religiosum nimis, vetustate legum, quam ratione duci, Semper ut in artibus, sic in constitutis reip. V. Arist. pol. 2, 6. cum N. priscam simplicitatem recentibus inventis cedere. Attemperandas flectendasq; leges ad mores temporum, rationes præsentium utilitatum, fervores vitiorum, quibus medela quaritur. Promptius deniq; leges despicere obsoletas ac inutiles, quam profuturas & nuperas. Huic liti judicem ponemus Valerium, qui apud Livium perite discernit, leges perpetuæ utilitatis causa in æternum latas, ab iis, quas tempora aliqua desiderarunt. Illas abrogandas negat, nisi quam aut usus coarguit, aut aliquis reip. status inutilem fecit: has docet esse mortales, ac ipsis temporibus mutabiles, Piccarti, 34. 6.

Porro autem legum etiam authentica (ut Græca voce utar) explanatio vi hujus potestatis Legumlatori convenit: quæ ad causas singulares pertinet, quamque ἐπιχειρῶν Græci, & ἐπαυρόμενα νομῶν δικάζον, Latini moderamen dicunt ex æquo & bono. Sed omninò qui jure hoc usuri sunt, præceptum Bernhaldi teneant: Ubi necessitas urget, excusabilis dispensatio est. Ubi utilitas provocat, dispensatio laudabilis est: utilitas, dico, communis, non propria. Nam cum nihil horum est, plane non fidelis dispensatio, sed crudelis dissipatio est. Jam vero legum emendatio ad quem, nisi Legislatorem pertinet? Huic in priorem formam erit revocandum, si quid in pravum vitio temporis

V. III. Forst-
ner, in Tac. p.
423.

elapsum est, ne legum corruptio ad mores penetraret. Et quoniam usu venit, ut leges, quantumvis admodum æquæ, brevi ferventur, dein frustra habeantur; hic etiam utetur jure suo Legislator, atque instaurando, repetendo, promulgando, firmamentum sanctionibus astringet, & ab occasu labentes restituet. Nihil enim æque publicas utilitates alit, quam si leges senescentes (ut de Æsone narramus pueris) sedulo quasi recoquantur, ne contemptu vel oblivione intercidant. Hoc instituto Venetorum gloriatur resp. hoc aliæ (in quibus honoris causa Ratisbonam nomino, germanum exemplar bene constitutæ civitatis) pacem & quietem bonis indigentem artibus sustentant.

L. I. P. 95.

Sed reflectendus animus ad nostrum Diodorum, qui in legislatoribus suis notandis atque describendis vel præcipuum commendationis argumentum ab ingenii ducit excellentia. Sic enim habet de Amali: *is & ingenij solertia, & facilitate morum ac justitia præstitisse traditur*. Quo videtur submonere, facultatem ferendarum legum vel maxime ponendam esse in ingenio, eoque non vulgari, sed illustri & (quod vocant) practico, & ad publica nascendi forte destinato. Quod quibus contigit, illi judicii fere pollentes acrimonia & alacritate, non rerum modo penitissimos recessus, causarumque nexum atq; seriem, ac multiplices negotiorum ambages, mentis acie percurrunt; sed vera statim consilia ac remedia propria habent in promptu: quas duas ingenii rarissimas ac nobilissimas dotes, *ingenium & sensum* & *prudentiam* & *moderantiam* vocabulis doctissimi Græcorum expresse- runt. Atque hujusmodi indoles est, quam in Amali dum notat Diodorus, ab omni exigit Legislatore.

P. 94. & 95.
L. I.

Quod idem putandus est agere, cum Sasychin *virum intelligentia præsignem*, Bocchorin *sapientem callidumque* prædicat. Sed quænam illa sunt, quibus sapientia Legislatoris atque calliditas absolvitur? Rerum civilium tenere cognitionem, perite judicare de instantibus, solleter providere de futuris, jura populorum, exempla majorum recordari, notitiam habere reip. & præsertim animorum, & sexcenta alia, quæ Legislatori Plato in suis XII. de legibus dialogis non destitit commendare. His rebus instructus, leges feliciter ac pruden-

denter sciscet. In arcanis habebit, antequam hoc opus moveat, institutione ad virtutem praeformare feroces spiritus, ducere eos tanquam in gyrum rationis & doctrinae, ostendere, vitam nec dulciorum esse, nec magis beatam, quam ad modestiam & aequitatem quae proxime accedat: praecupare favore optimatum animos, dein amicorum, deinde plebem paulatim facere suam, uti Solon: relinquere, ad quae constituenda non satis suppeditet virum, ignota scelera praeterire potius, quam prohibendo ostendere, posse fieri: vetare, ne in leges inquiratur vulgo, quod Cretenses servarunt & Lacones, & si quae sunt ejusmodi. Sed & artibus illis ac subtilitatibus (ut hodie vocantur) politicis hic erit locus, de quibus in eruditorum versantur manibus, quae Vir Excell. BOECLERUS edidit. Tam late patet prudentia illa νομοθετική, tamque in omnem legis excogitandae, perscribendae, proponendae, suadendae actum sese porrigit. Quae quibus paretur subsidiis, explicare longum est.

Plut. Sol. 9.
Id ib. 20.
Sen. de Clem. 1. 21.
Plato de LL.

Fecerunt autem veteres partem hujus prudentiae (quam *νομοθετική* appellat Aristoteles) Legislatoris virtutem. Eth. 6. 2. tem. Hanc intelligit Diodorus, cum in Amasi mansuetudinem praecipue morum ac justitiam collaudat. Quamvis enim non una solummodo virtus, sed omnis virtutum chorus colendus sit Legislatori: tamen ut in domo alii necessitudine se propius invicem attingunt aliis, ita quaedam virtutes ab officio Legislatoris propius absunt, quaedam longius. E proximis igitur est justitia. Nam ut prudentia efficit, ut leges reip. sint salutare, ita haec honestas eas praestat, & si facilitate morum temperata sit, aequas interdum magis, quam severas. Philo de virtute Legislatoris insigniter admodum philosophatur, cujus verba, sicuti sunt, apponenda duxi: νομοθετική, inquit, ἀλλὰ καὶ Συγγνή τίτλα διαφερόντως ἐστὶ τὸ φιλόπονον, τὸ φιλοδίκαιον, τὸ φιλόγαθον, τὸ μισοπόνηρον. ὑπὲρ γὰρ πάντων ἑκάς παρακαλεῖται πᾶς, ὅτι ἕλκεται ἐν τῷ νομοθετεῖν. φιλοφροσύνης μὲν εἰς μέτρον προτιθέναι τὰς κοινωφελεῖς γνώμας ἀναδιδασκῆσαι. δικαιοσύνης δὲ, ὡς τὸ κατ' ἀξίαν ἀπονεμῆσαι ἑκάστῳ. φιλογαθείας δὲ, ἐπιθεῖναι τὰ φύσει καλὰ, καὶ παύειν ἅπανσι τοῖς ἀξίοις ἀταμίευτα πρὸς ἀφρονοτάτην χρῆσιν, καὶ ὡς κοινὴς δυσμενείας τῷ τῶν ἀνθρώπων γένει ὑποβλίπειν. His ergo virtutibus ornatus Legis-

de vit Mos. 2. p. 655.

Pol. 7. 14.

tor, suas leges omnemque civitatem ad virtutum regulam formabit: quod quemadmodum oporteat fieri, præclare docet Aristoteles, quem locum inter illustria vere antiquitatis monimenta refero. Plura ad commemorationem Diodori annotare, impleta dissertationis mensura non finit. Quod reliquum est, DEUM obtestamur, ut egregias leges, legumque & latores & custodes optimos Germaniæ nostræ sufficiat: ipsam vero cohortamur, ut hæc talia providentiæ dona reverenter habere, & omni cultu prosequi discat.

*Quid mala justitii, quid longa silentia legum
Officerent, propriis docuit nos cladibus usus.
In melius tandem referat Germania curas,
Auspiciisq; novis (quando distringere ferrum
Desiit, ac belli sedem mutavit Enyo)
Ornamenta toga redeant, priscamque resumant
Canitiem leges: capiat prudentia sceptrum,
Succedensque foro, tabulas & jura soluta
Integret, ac senio delapsa recolligat ara.
Curia Polluci cedat, Themidique tribunal,
Legiferaque thronus Cereri: nova regna Solonis
Exsurgant, redeatque vetus de morte Lycurgus.
Excutiant somnum, celsò quos prona locavit
Imperii fortuna gradu, legesque retractent,
Pacis opus: teneant positas, ponantque tenendas.
Sic fremat omne licet pelagus, terraque rebellet,
Et rumpant elementa fidem, passimque globata
Succensis odiis coëant in fœdera gentes:
Non nobis metus ullus erit, non pristina virtus
Cedet fessa loco: stabis per secula, stabis
Imperii nullis concussus viribus orbis.
Hostes damna, pudor, terror, vindicta sequentur,
Servitiiq; jugum fracta cervice subibunt:
Nos, quodcumq; caput dederit fortuna, sub illo
Perpetuum incolumes volvemus Osiridis avum.*

XXIV.

XXIV.

MÆCENAS

*Sive*CONSILIATOR
REGIUS.

ex

Dion. Lib. 52.

delineatus.

B. L.

JOH. HENRICUS BOECLERUS

S. P. D.

Quod in publicum hic producitur industriæ *Barneviciana* monumentum, non debuit sine mea quadā præfatione comparere, quæ rei totius institutum candide & bona fide exponeret. Nec mea tantum id interesse videbatur, sed ipsius Nobilissimi Juvenis FRIDERICI BARNEVICII. Vixit is nobiscum per menses hosce hibernos: ingeniique sui etiam in tantillo tempore, nec pauca nec levia documenta dedit. Quippe cum Sorana ex Academja egregiis bonorum studiorum profectibus firmatus in Belgium se contulisset, ibique aliquantisper locupletandæ eruditionis substitisset, quamprimum in hanc urbem pedem intulit, moris & exempli sui memor, sed & exemplis electissimæ nobilitatis, quæ hoc tempore apud nos ad publicum decus exsplendescit, invitatus, in Academia nostræ & Musarum complexum ac familia-

T t t t 3

milia-

familiaritatem sese penetravit. Quæ facile illi ac merito patuit. Nam & humillima veneratione SERENISSIMI REGIS DANIÆ commendationem (qua cum non absque singulari Regia gratia & propensione, omnibus ac singulis ornandum fovendumq; demonstraverat, atque adeo ad peregrinationum non securitatem modo, sed & decus instruxerat) inspeximus pariter ac suspeximus: & in ipsius colloquiis moribusque ea statim deprehendimus, quæ amore & æstimo digna videbantur. Cum itaque mihi rationem suorum studiorum ad id temporis usurpatam exposuisset, & quid animi propositique universim haberet, declarasset, serio ei auctor fui, ut capax & promptum ingenium graviore eruditionis instructu roboraret, neque pateretur sibi deesse solidiora illa prudentiæ civilis præsidia, sine quibus nemo unquam in his studiis magnus evasit. Ut enim usui & reip. potius quam splendori & opinioni hominum serviatur, non ignoranda esse, quæcunque e. g. *Aristoteles in Nicomachicis & Politicis*, *Hugo Grotius in commentario de jure belli & pacis* (excipe pauca, quæ ex S. litteris diverso à nostris sensu explicat) ex penitissimis rerum fundamentis tradidere; & si quæ alia ad id institutum comparata sint. Rationem manifestam esse: niti quippe omnem Philosophiam civilem, cum ipsa Jurisprudentia, recta ratione tanquam fundamento; adeoque exacte tenendum esse, quid principia nobiscum nata quæ vocant, propius, remotius postulent, suppedient, admittant, aut secum trahant: tum quæ ratiocinandi origo, series, vis, rectitudo; sive, ut cum Philosophis loquar, quæ conclusionum practicarum efficacia, connexio, affinitas: & unde deducatur. Ita de-

mum

demum ad historias iudicium *πολιτικόν*, quo nihil sapientia humana sublimius habet, adferri; ita ex historicorum prudentia id hauriri posse, per mutuam prudentiæ ac disciplinæ secretamque conspirationem. Id quod disertis verbis hic repetendum duxi, ut denuo admoneatur studiosa juvenus, quantam rem neglegant, qui ista negligunt. Nunc ad *Barnevicium* Nostrum redeundum est. qui non huic tantum consilio animum accommodavit, sed insuper de specimine studiorum publicè in Academia edendo cogitare cœpit. Suasi ergo, ut vires ante omnia periclitaretur, vel in alio argumento, vel in aliqua earum exercitationum, quas in Tacitum cœperamus meditari. Cessit res feliciter & animavit Nostrum, ut cuperet altera vice in solenne auditorium prodire, & aliquid sui laboris Præceptoribus ac commilitonibus suis examinandum ritu Academico proponere. Delecta est in eum usum finemque magnificentissima illa *Macenatis Oratio*, qua apud *Dionem Octavio Casari* suadet, ut *Monarchiam in imperio Romano* formet firmetque, ac utriusque consilii rationes viasque fuse ac diserte declarat. Merebatur argumentum præcipua multiplicique prudentia fertile grassanti ad vitam & decus civile Juveni commendari: non modo, ut in præsens tantarum rerum lineamenta cogitando scribendoque sequeretur; sed etiam, & vel maxime, ut in posterum eruditionis ac experientiae suæ profectus huc conferret, & in nobili exercitatione quodammodo subigeret. Tractandi modum ab initio hunc demonstravi: ut præmissa expositione *paraphrastica*, complementum totius consilii huius monarchici & vim, in ipso *Augusti actu & regimine*, ex historia *Dionis & aliorum* ostenderet; penitiora temporis, status reip.

reip. momenta examinaret, indeque iudicium de similibus & dissimilibus dispositionibus imperatoriis informaret; atque adeo, si tempus ferret, ex universa imperii ac Imperatorum Romanorum historia id argumentum illustraret. Verum cum inter hæc ad continuandas peregrinationes à suis hinc evocatus esset, breviorē facilioremq; rationem sequi coactus, ut quidque se ex iis, quæ legerat, offerebat, paraphrasticæ declarationi satis libere & citra sollicitiorem curam adjecit. Neque mihi inter relegendum, ista quæ minus accurate exposita videbantur, immutare placuit. præterquàm enim, quod interpolationes istas minime amare possum, insuper ex usu scribentis fore existimavi, si olim ex intervallo regustatam hanc exercitationem, suapte censura expenderet atque elimaret. itaque à me, præter illa quæ in margine visuntur διορθώσεις causâ ab initio statim designata, nihil accessit. Quod quamvis ex re ipsa manifestum fieri attendentibus queat, propter imperitorum tamen præpropera & præpostera iudicia hic adjiciendum fuit. De cetero Deum ex animo precamur, ut egregio Juveni itinerum, quibus se reipubl. præparare cupit, dux & comes sit & magister; ut cordatam bonamque mentem, cum seriæ pietatis virtutisque studio, in eo servet augeatque: ut intelligentiam ejus & iudicium acuat, in sectandis utilibus, & declinanda vanitate sæculi. Nusquam enim desunt hodie, *quorum mores* (quod de Græcis gravissimus Romanorum pronuntiavit) *inspiciendos esse, non perdiscendos*, boni omnes animadvertant. Nusquam desunt, qui, ut à cultu animi generosos juvenes averrant, nobilitatis schemata, pulcritudinis pigmenta, gestuum scitamenta, artium delicias ostentant: quæ, si
virtu-

virtutis & bonæ mentis studium absit, quid sunt aliud obsecro, quam pappi volantes, aut si speciosius & ex rei decoro loquendum est, magnifica spectra? Ego, cum hæc tempora & fatalem imperiorum statum intueor, non possum, quin simplex, sed verum monitum Barnevicii nostri animo penitus impressum cupiam; *Turbandis & intricandis rebus, quam restaurandis fatis publicis aptiores fore, quicunque in posterum minus virtutis quam artis ad respublicas & regum aulas adferent.* Quod præfari hoc loco libuit tantum est.



P R O O E M I U M.

C Macenatem Cislum hic tibi sistimus, Lector, claris in historia Romana scriptoribus decore memoratum. Adducimus in medium non Seianum aliquem, atrocium facinorum ac consiliorum autorem, repertorem, executorem: Sed ejus vitæ ac instituti virum, qui quotquot in aulis versantur digniores ac honoratiores, maxime verò quibus secretissima principum innituntur, exemplum: talium consiliorum, si pauca excipias, autorem, quibus nihil unquam, nisi quod honestati, contrarium, Ortus is est equestri quidem, sed splendidogenere, ubi res vigiliam exigebat, infomnis, providens agendique sciens. Quodd vero secretissimorum consiliorum Augusto ex communi humani generis usu tum temporis imperatori rerumque moderatori particeps fuerit & autor, id, sepositis aliis diligentius hac vice expendendum, nobis delegimus. Rarum id apud potentes exemplum, qui animi consilia plerumque premunt, nec se uni facile incautos interfectosque reddunt: indiciumque *baud magni Principi assimantes magnos ministros*, in sui diminutionem accipiunt, cum supra homines positi sint, humano adhuc consilio indigere. Con-

MAECENATIS
PERSONA
DESCRIBITUR.

Vellej. 2. 33. 2.

Plin. Panegy.

V V V V

stat

lib. 9. stat tamen sua Dioni fides, qui majorem Mæcenati in Augusti aula potestatem attribuit, quam ferè fortuna ejus capiebat, inter multos admodum nobiliores & longa decora præferentes eminentis. Idem omnium arcanorum consiliorum conscius, moderator idem, per quem audiebat, per quem loquebatur, per quem scribebat Augustus.

Occasio consilii singularis quod Augusto dedit.

Tac. lib. 1 An.

Dio lib. 52. princ.

Tac. histor. 1.

1. Annal.

Consilii summa.

Tac. An. 1.

Postquam bellatum apud Actium, subibat animum Augusti cogitatio quantum moliretur, quam arduum & subiectum fortunæ esset illud cuncta regendi onus, & quanto cum periculo conjuncta illa crudi adhuc servitii populo objecta imago, funesto patris exemplo jam didicerat. De re tanti momenti, in qua universa salus ejus ac vita versabatur, tutius autumans deliberare, quam inconsulta festinatione de his omnibus periclitari, vocat in consilii consortium Mæcenatem & Agrippam: quorum jam pridem candor & prudentia perspecta ipsi erat & explorata. Scinduntur illi statim in contraria vota, & bini modo consiliarii contrariorum autores existunt consiliorum, sui quilibet ingenii igniculos secutus. Et Agrippa quidem populari magis animo, arduum nimis ratus *immensum illud imperii corpus ita recte librari posse, si unus omnia consilio ac cura complectatur, plures facilius munia reip. sociatis laboribus exequuturos; cujus itaque ipse parandæ Augusto socius fuerat, ut deponat Monarchiam, gravi oratione hortatur.* Scilicet militare ingenium & inter civilium bellorum strepitus eductum, quæ militiam spectabant, & bella accuratius didicerat, & si quo in his ulterius opus Augusto fuisset consilio, haud incommodus procul dubio ejus extitisset autor.

At vero Mæcenas noster callidus temporum, qui *haud aliud discordantis patriæ remedium fore, quam ut unius nutu & auspiciis regeretur, naturali prudentia ac sagacitate pridem providerat, pacis artibus & consiliis Agrippâ melior, ne Monarchiam pro qua tot labores ac pericula exhausserat, tot vitæ discrimina subierat, unquam deponat, hortatur.* Nec dixisse consilium sufficit, viam simul ac rationem monstrat, quam ingressus postea Augustus, id cui jam pridem inhiarat, imperium facillime nullo adversante in se traxit.

De-

Descripta est prudentissima hæc & modo memorata Oratio, qua omnes instituendæ firmandæque Monarchiæ artes solertissimè exposuit Mæcenas, à *Dione lib. 52.* tot tantisque rebus referta; ut jure optimo appellari possit POLITICA MONARCHICA. *Oratio ap. Dionem in qua continetur consilium.*

Idque ansam inscriptionis, quam fecimus, nobis præbuit. Quoniam enim in animum induximus Mæcenatis consilia illa monarchica expendere paulò altius, ita tamen ut veluti ad regulam modo laudatæ orationis omnia componamus, CONSILIATORIS REGII titulum haud alienum ab opere nostro & instituto esse existimavimus. Invisum quidem erat regium eo tempore nomen & ab Augusto diligenter declinatum: ipsa tamen imperii sub Augusto forma, & illius instituendæ firmandæque consilia reapse & vere fuerunt Monarchica & Regia. *Inscriptio hujus commentationis & præposita.*

Quemadmodum ergo ii qui præclari alicujus ædificii pulchritudinem penitus cognoscere cupiunt, haud satis sibi esse ducunt, illud unico tantum aspectu contemplari, sed singulas etiam partes accuratius perlustrant; ita nos commodissimè laborem nostrum disposituros existimamus, si primo & præcipue consilium istud Regium per partes tractemus, atque circumstantiarum consideratione declaremus: Deinde virtutes & artes quasdam colligamus, quibus Mæcenas ad tantum honoris & amicitiae apud Augustum gradum grassatus sit, eamque postea communiverit ac stabilierit: Deniq; quæ præmia tandem consultorem nostrum manserint, & qualem se erga consilium & Mæcenatem gesserit Augustus. *Partitio.*

Cum propemodum moritura Romana libertas, novissimum illud conamen edidisset, Cæsaremque cervicibus publicis depulisset, invidens tamen fortuna principi gentium populo prioris libertatis usum, Antonium, Lepidum, Augustum aliosque præterea, rursus in exitium ejus & internecionem armavit. Inde continuata per multos annos civilia bella ac jam sopita fere, denuo exardescunt, dissidentibus inter se libertatis vindicibus, & Imperii: Qui omni genere discriminum, civilibus, terrestribus, ac navalibus bellis, Italiam, gentes, nationes, totum denique qua patebat impe-

Tac. Ann. 1.

rii Romani corpus, acriter agitarunt. Antonius, Lepidus, Augustus, dominationi pariter inhiantes, primo sibi recidendum rati quicquid obstabat eorum voto, conjunctis viribus in Brutum primo ac Cassium feruntur, quibus in campis Philippicis fataliter occumbentibus, reliquum adhuc hostem Sextum Pompeji Magni, sed infelicis filium, paterna bona eadem, qua amissa erant, fortuna repetentem, cum armis vincere intutum videretur, imagine pacis opprimunt. Bruto itaque & Cassio cæsis, Pompejoque interempto, orbis universi imperium, sociati Triumvirorum nomine occupant. Sed non diu infida pax mansit inter regni consortes, statim erumpente æmulatione. Jam Augusto suspectæ Antonii ac Lepidi opes, & illis Augusti dignitas gravis.

Tac. Ann.

Mox ergo inter hos ad mutua arma icum, sed exuto exercitu Lepido, victo apud Actium & interfecto Antonio, omnis ipsorum potentia in Augustum cessit, qui sublatis æmulis, solus adhuc Julianis partibus dux reliquus, omnem rerum potentiam armis complexus est. Hoc illud tempus est, quo deliberasse cum Mæcenate & Agrippa fertur Augustus, utrum parito armis Imperio, illis depositis, se abdicaret, & pulcherrimum illud libertatis donum S. P. Q. R. redderet, & in pristinum eum statum assereret; an vero ferendæ libertati impares. Monarchiæ beneficio civilibus discordiis & popularibus factionibus tandem eriperet.

*Dubium an
seria.*

Tac. 4, An. 6.

An ex animi sententia hæc Augusti cum Mæcenate & Agrippa deliberatio profluxerit, difficile videtur definire: cum *abditos principum sensus, & si quid occultius parant exquirere, anceps maxime sit ac dubium, nec ideo assequare.* Si tamen quisquam in talibus conjecturæ locus est, verisimile vix videtur, eum cui tot periculis ac laboribus constiterat dominatio, eâ jam adepta sponte tum cessurum, cum nemine obistente securus pleno dominationis fructu uti fruique posset. nec dubito, quin omnes quos secum imperium tracturum esset labores ac molestias, statim ipsi longe minores visi sint, præ ista imperandi, quæ cunctis affectibus flagrantior est, cupidine. Nec tamen Suetonii ac Dionis illud affirmantium auctoritatem temerè rejiciendam existimamus, sed media incedentes via statui-

mus

mus idem planè Augusto usu venisse, quod plerisque solet dominantibus: qui cum Hesiodo præstantissimum esse per se sapere, proximum duci aliena ope rati, in consilii consortium haud idè alios vocant, quod ex eorum sententia quicquam agere ipsis animus sit, quippe quod jam pridem decusum illis est ac constitutum; sed ut consulendi imagine vel anticipi consilio adstipulatores, in quos si res male cesserit culpa redundet, vel aliud quidpiam quærant. Adeo ut sola ea ratione inductum Augustum existimemus de reddendo aut retinendo imperio cum Mæcenate & Agrippa consultandi, ne cupidine dominandi, sed pietate erga parentem & necessitudine temporum reipubl. non tam occupasse imperium videretur, quam præter votum suum, non alio discordantis patriæ remedio, ceu invitus, retinuisse.

Et sanè ea tum Romani imperii tempora erant & mores, *Stasmo tempo*
 ut cunctis discordiis civilibus fessis, in viso omnibus Senatus populiq; *peris.*
 imperio, ob certamina potentium, avaritiam Magistratum, inva- *Tac. Ann.*
 lido legum, qua reip. fulcra sunt, auxilio, ad unum omnem conferri *& Hist. l.*
 potestatem pacis interfuerit. Haud amplius capace rep. Roma- *Senec.*
 na status liberi, nec jam an serviret, sed cui, disquirente.

Atque ad hanc collineare necessitatem præcipuè consul- *Ad quem*
 lentis nostri propositum fuit. Quæ enim Agrippa suadebat, *Mæcenati*
 ut redderet reipubl. libertatem, ut egregia per se erant, ita *consilium*
 tempori ac reipubl. statui minus opportuna. Ut igitur in *præcipuè re-*
 medicis notitiam ægri naturæ requirimus, & morbi ac circum- *spicit.*
 stantiarum accuratam cognitionem, ad quam velut ad nor-
 mam omnia generalia medicorum præcepta componantur,
 cum diversis ægris eadem remedia haud semper conducant,
 sed pro tempore morbo profutura: eodem plane modo ille
 in republ. optimè suadet, non qui utile aliquod & generale,
 nullo temporis ac reipubl. habito respectu, promittit consilium,
 sed qui tempori accomodatissimè suadet. Estque veri Consi-
 liarii non in summam suadere, sed in articulos rerum tem-
 porumque consilia aptare, & cum Artabazo apud Curtium, *lib. V.*
 non modo in tristi, sed etiam in læto statu convenientes fortu-
 na sententias dicere, temporumque identidem admonere. Suadet er-
 go Mæcenas ut conditio temporum ac necessitas postulabat,

& ita omnem simul Monarchici imperii rationem & arcana suggerit. Valde tempestive! Suadere enim principi haud magni laboris est, viam verò simul, ac rationem monstrare, qua consummari facillimè consilium possit,

*Hoc opus, hic labor est, pauci queis tanta potestas
Ingenij.*

Denique cum vanissima esse ac minime profutura generalia illa consilia non ignoret Mæcenas, haud sufficere existimat Monarchiæ rectè formandæ præcepta dare, sed qualis hic constituenda erat, *nova videlicet & cum ratione prioris status* conjuncta, docet.

*Character
totius consi-
lii.*

Si stylum hujus consilii requiras, castigatus is est & gravis, qualis consultationes decet, & quod in talibus Cicero requirit, *sententiis ornatiores quam verba*. Si prudentiam, perlege si lubet orationem nostram, & comperies, omnia cura honestatis, judicii gravitate, in Augustum fide, providentia futurorum, cautione ac circumspectione, notitia status & temporum & ingeniorum, probè mista ac temperata. Quæ sanè maximum prudentissimumque consiliatorem abundè loquuntur.

Expositio ORATIONIS.

*Acceditur
ad rem ipsam:
Plin. Paneg.
princip.*

Quod ergo felix faustumque nobis DEUS O. M. esse velit, sine cujus ope & auxilio nihil rite unquam nihilque providenter auspicamur, ipsam nunc orationem diligentius inspicimus, qua non pereunte, nunquam in animis hominum interibit Mæcenas, sed vivit vivetque in omnium sæculorum memoria. Initium ejus, nescio qua fortuna, incuria jam pridem ac oblivio obruit, in reliquis quæ supersunt ad instaurandam Monarchiam Augustum anxie impellere nititur. Si, inquit, *ulla patria tibi incumbit cura, pro cuius salute tot bella ac pericula animosè subiisti, mortem nunquam detraçisti, capeffe per Deos rempubl. sustenta eam multis jam vitiis, ipsaque sua magnitudine vacillantem, corrige inveterata hac vitia, qua aliud remedium haud patiuntur quam ipsam formæ mutationem, eumque nobis reip. statum redde, qui omnium fortunis vitæque pariter consulit. Discordiis, bellisque civilibus heu nimium fessi lassique tuam implorant omnes opem, qui solus mederi potes. Sapientes pacis causa bellum gerunt,*

labo-

*Verborumq;
Mæcenatis in
quibus sum-
ma consilii
Versatur pa-
raphrasis in-
choatur.*

laborem spe otii sustentant : redde tibi ipsi orium , nobisque omnibus *adjuncta*
 desideratam toties votisque omnibus efflagitatam pacem , quod nisi se- *max hinc & in*
 ceris vinci an vicisse quid r. tulit ? *sequentibus ,*

2. Dignum Mæcenate nostro dicenti initium , & ex *explanatione*
 imis prudentiæ qua pollebat penetralibus petitem. Patriam *politica,*
 apprimè cordi esse vult imperanti , pro hac bella geri , pro *Sall. orat.*
 ejus salute , innumeris periculis caput objectari , vitam mor- *de rep. ord.*
 temque juxta æstimari. Equidem pietatem erga parentem *Tac. lib. 1 An,*
 & tempora reipubl. obtentui modo sumserat Augustus, inte-
 rim cupidine dominandi conciverat per largitiones veteranos,
 privatus adolescens exercitum pararat, corruerat consulis
 legiones , extorserat invito senatu consulatum , arma quæ
 pro republ. acceperat , contra rempubl. verterat , nec quic-
 quam omiserat præterea , quod potentiae acquirendæ firman-
 dæque visum fuerat. Mæcenas itaque qui Augustum pro pa-
 tria tanta bella obiisse , nec mortem vel pericula defugisse a-
 struit , facit id potissimum , ut mentione patriæ facta , quam
 hætenus neglexerat Augustus , ejus amorem aliquem ipsi in-
 generaret , nec tam ut quæ fecerat Augustus cognosceret ,
 quam quid facere debuisset , & quantum patriæ debuerit & in
 posterum ejus saluti atque incolumitati sedulo promovendæ,
 adhuc debeat , hoc , inquam , consilium ipsi , hoc propositum
 fuit. Quod si enim non patriæ amore flagret imperator , &
 ad ejus salutem atque augmentum dirigat omnia , sed vel suæ
 dominationi , vel privato commodo amicior evadat , quam
 publicæ incolumitati , corruat ipse , corruat simul resp. neces-
 se est.

3. Subjungit hic immutandæ reip. consilium & in me- *Ante omnia*
 liorem statum redigendæ. Quamvis enim omnes rerum mu- *mutationem*
 tationes cædem aliaque hostilia portendere non ignoraret *reip. necessa-*
 Mæcenas , neque fieri facile posse , ut resp. ab una forma in *riam essen-*
 aliam transformetur , nisi quædam vi tractentur ; tamen , *dis 3*
 cum plurimis illis malis , quæ mutatio minabatur , defuncta
 jam esset Respublica , ferocissimi quique & servitutis impati-
 entes per acies aut proscriptione cecidissent , nec superessent
 amplius qui pro communi libertate obistere Augusto , aut
 novos motus edere valerent , sed omnes exuta æqualitate
 jussa

jussa Principis asperarent, sapientissimè nunc mutandam & à vitis expurgandam esse remp. suadet, cum non opus amplius esset cæde ac sanguine sævire, sed bonis pacis artibus uti.

*Qua non ali-
ter quam per
μωαρχία
corrigi possit.
Eam enim
esse optimam
reip. speciem
& rationis
maximè con-
sentaneam.*

4. Detulerat hactenus ad stultos, imperitos & ignavos ple-
rumque tanti imperii fasces populari multitudo, quibus omnia factio-
nibus, invidia, impetu involventibus, Deum immortalem quid
non passa erat respub. quibus non consistata cladibus publico exemplo
testata fuerat, haud fallibile depravata corruptaque reipubl. ac com-
munis perniciæ indicium esse cum stulti imperant, sapientibus verò
obsequii onus relictum est? Corrupta erat ea ratione ressp. hanc corrigi
vult Mæcenas, inductum à stulta plebe imperante pessimum exemplum,
ab Augusto optimum vult opponi. Scilicet plerumque omnia tunc inver-
tuntur, & ima summis miscentur, cum ratio & ipsa natura inver-
titur. ita tum sensit Mæcenas, quod sequentia amplius declara-
bunt.

*Aristot. lib. 1.
pol.*

5. Quorsum enim furioso aut infanti gladius, quor-
sum degeneranti à bonis libertatis artibus multitudini pote-
stas, nisi ut tanto magis optimis quibusque noceat? Stulti-
tia armis instructa maximè malefica est. Cui reip. bono im-
perabunt quos servos ipsa improbitas sua fecit? & obedi-
ent, quos & prudentia & virtus ab ipsis incunabulis, tan-
quam imperandi instrumentis instruxit, ut eos plane ad im-
perium genuisse videatur? Id quia iniquum priscis videba-
tur, ideo passim illa Poëtarum effata leguntur, queis toties
barbaros ab imperio excludunt, Græcisque subjiçunt ut ser-
vos, quoties ferè mentionem eorum faciunt; atque tam a-
lienum id ab omni ratione ducunt, si minus prudentes, ne
dicam planè stulti, rebus præsent, ac si Dij minorum gentium
nec potestate, nec virtute ullatenus cum Jove comparandi,
ipsi Jovi imperare laborarent. Deploranda sane est eorum
conditio, quibus stultus contigit Imperator, nec præstan-
tius ferè donum in hac mortalitate conferre hominibus divi-
na bonitas ac providentia potest, quam bonum ac pruden-
tem rerum omnium moderatorem. Tali enim licentiam o-
mnia pro lubitu agendi loquendique tribuentes, non sine u-
tilitate publicæ felicitatis cum Mæcenate tribuunt: cum hic

*Aristot. lib. 1.
pol.*

omni-

omnibus omnino ipsisque adeo fatuis nolentibus licet ac repugnantibus commodam afferat & salutem.

6. Differuerat nihilominus Agrippa libertatis bona, & *Agrippa consilium speciosum forte videtur, suum utilissimum esse.* universum populum in regni consortium vocarat: Mæcenas, unum reip. corpus, unius animo regendum credit; rogatque Augustum, ne sibi decora vocabulorum specie imponi patiatur, esse equidem libertatem praestantissimum humani generis bonum, sed eam à vulgo haud unquam temperanter haberi, hanc itaque plebis ferociam unius imperio compefcendam: ita tamen, ut adiutores sibi adfiscat & consiliarios optimos quosque, cum unus haud facile omnia *Si tamen obferretur modus Monarchia & temperatio, quam describis.* cura sua complecti possit, ipsisque partem aliquam imperii gubernandam mander, ipse tamen nutu suo imperioque interea dirigat omnia.

7. Hæc reipubl. munia dum inter eos distribuuntur, non forti vel favori locum relinquit ullum, sed eam cuilibet demandandam provinciam suadet, cui par ferendæ & idoneus jam ante compertus erat. Cumque in rep. consilio omnia gerantur ac manu, ad consilia prudentissimos vocat, ad bella gerenda fortissimos quosq., quos Imperatore dignæ artes comitantur, quorum virtuti fortuna iungitur. Ad militia labores obeundos, qui robore corporis plurimum valent, ac maximè egenos. Hi enim si otiosi in rep. delitescant suam conditionem quacunque ratione meliorem reddere nitentes, promptos sese omnis seditionis ministros præbent, ex publica strage suum lucrum captantes. Educti vero in aciem, gravissimis laboribus assueti, de fortunis, quippe queis carent, neutiquam solliciti, vincere gloriosum, paupertate atteri miserrimum, vitamque miseram morte benè mutari rati, utramque juxta æstimant, tantoque fortius pugnant, quo firmitus vel mori, vel vincendo optimiori præda in posterum lætius vivere propositum ipsis est.

8. Sic instructam rempubl. supplente altero alterius vicem, sibi- *Quæque geram libertatem non excludit.* que è republ. concreditas partes sedulo agente, tandem stabiliri, sic veteram populi imperium, sic tutam minimeq., nocituram libertatem parari. astruit Mæcenas, non nimia illa plebi licentia, quæ optimum quemq., servituti addicit, & quam exinde *τὴν πόλιν, καὶ τὸν αὐτοῦ ἐκείνου ἐπίτολόν* vocat, quam nullo suo merito optimi quique, & ad imperium vocari dignissimi, toties erant experti. dum in hos vecors, mutabilis sui-que ipsius minus compos plebs, exilio, morte, vel

Xxxx

gra-

Corn. Nepos graviore, quam mors est pœna, grassata, tyrannorum more excellentis virtutis viros innoxios plecti maluit, quam vano aliquo metu distineri. **Uc** plane ingens fuerit virtutis specimen, ab imperita multitudine male mulctari. **Rectius** longe valet imperium dominante non tam effreni populi licentia, omniaque turbis ac periculis involvente, quam succedente in ejus locum modestia, qua non optimos quosque pessime subvertit, sed meritis quemq³ suu aestimat, omnesq³ in parem felicitatu gradum collocat.

quippe à tyrannico scopo plurimum differens.

Tac. An. 1.

Tac. An. 1.

Tac. An. 14.

Tac. hist. 1.

8. Utut verò Mæcenatis nostri consilia vere monarchica fuerint & regia, aliena tamen longe fuere à mente multorum, qui hodie in aulis principum versantur, Politicorum, quibus nihil tam in ore est, quam metu firmanda imperia, terrore subiectos nisi paveant, ubi pertimuerint impune contemni: vi tractanda pleraque quæ quiete non possunt: quæq³ ex iniquo habent atrocita facta, ea publicæ utilitatis larva obtegenda. Non enim ignorans vir prudentissimus, Augustum non servulis suis Dominum, ut possint esse contenti, quasi necessario hærede, sed Principem futurum civibus, cunctaq³ imperia crudelia acerba magis esse quam diuturna, neque quenquam à multis metui, qui non ipse metuat multos, eam vitam morte deteriorem existimavit, quoniam neque adversus, neque à tergo aut lateribus tutus esse tyrannus potest, sed semper in periculo ageret necesse est. Itaque ante omnia sedulo dehortatur Augustum, ne tyrannide aliqua servitutem cervici S. P. Q. R. imponens, metui malit quam amari, sed potius benignitate & clementia imperium temperet; sic latiora & candidiora ipsi ventura omnia, etiam hostes equiores fore quam alii cives. Hoc consilium gloria pariter atq³ emolumento Augusto & reip. fore promittit.

Sal. Orat. 1.
de rep. Ord.

id quod Gelus si subiecta imagine tam modestis modis declaratur.

10. Subjungit inde rationes, queis clementia ac civili prudentia temperata Monarchia optime induci possit. Si videlicet ante omnia nimia vis illa ac potestas, qua hæcenus maxima in plebe fuerat, totq³ malorum extiterat causa, ad Principem & Senatum paulatim transferatur, adeo ut quicquid illi ex reip. usu decreturi sint, ei populus, contradicere vel obniti haudquaquam audeat, ut ipsorum arbitrio bella finiantur, populo obsequii gloria relinquatur. Cum optimatibus Augustus Magistratus creet, premia idem ac supplicia decernat, deque rerum capitalium damnata sibi solus arbitrium servet. Quicquid ille

commu-

communi sententia statuerit pro lege observetur, quisquis violarit, morte expiandum crimen existiment omnes. Bella cum exteris quantum fieri potest declinent ac defugiant, ut neque unquam pugnetur nisi cum hostes laceffunt aut provocant, vel alias si tam commoda sese offeret occasio, ut certa in temp. redundet utilitas. Atque tum opera danda, ut quam fieri potest occultissime arma hostibus inferantur. Belli duces non impetu ambituve, sed boni militia, & quorum virtus jam ante perspecta fuit & explorata, deligantur. Præmia bonis absque invidia mancant, malos pœna ac supplicia: moderate tamen parceq̃, ne vel seditio oriat, vel cladi coercitio hac similio videatur quam medicina. Consilia neq̃ aperte agitentur, vel agitata statim divulgentur, cum nulli usui sit Consilium cum omnibus agitatum, omnibus notum, sed potius ipsa anima reip. ac salus in eo consistat, ne consilia arcana propalentur. Hanc viam, hanc reip. regendæ rationem ineundam demonstrat Mæcenas: ita fore, ut quæ jam inertia vulgi resp. consenuerat, præter spem omnium motura sit lacertos, & quasi reddita juventute revictura.

Tac. An. 1.

Flor. lib. 1.

11. Impossibile ante fuerat temp. inter tot periculosa bella impiasque seditiones eluctari, cum valente ubique aequalitate nunquam desint, quibus insatiabilis illa aliis præeminendi cupido stimulos suggerat, ut plus quam civilia spirent: qui postea infirmiorum operas conducentes, multitudinem in alios atque alios animant, exorta hinc bella civilia in proprium commodum vertunt; & ad suam explendam ambitionem per publicam civium stragem ipsi, resp. ruinam grassantur. Ita quod majus erat imperium Romanum quam ut ullis externis viribus extingui posset, internis discordiis subrnebatur, adeo ut ipsam hanc imperii magnitudinem ejus emolumento felicitatiq̃, obtulisse asserat Mæcenas, cum quæ in urbe exorta sunt dissidia, ut fomite quodam ignem concipiente, universum terrarum orbem atrocissimorum bellorum incendio semper involverint, cum tam varii populi ac multiplices & facile in furorem vertantur, & difficulter admodum rursus coalescant, vel si coaluerint tandem, concordia diu in tam multorum animis neutiquam intemerata subsistat.

Ex diverso pericula Polyarchies statim certa sunt.

12. Quousque Romani Imperii corpus nondum modum excesserat, nihil quod conceptis votis expeti poterat publica deerat felicitati. Postquam vero eversa Carthagine, illa imperii amula, victrix Roma vicinis undiquaque formidabilis esse cepit, & extra Italiam imperii limitibus regimur.

X x x x

miles

mites posuit, regesque & nationes sibi subiecit omnes, & totum, quæ patebat orbem, nomine ac majestate sua replevit, fortunam quasi dono dâns, regna, provincias, bella atque paces pro libitu quibus voluit vel dedit vel ademît. jamque in tantum excessit fastigium, ut cunctæ ubique gentes conglobata movere aut contundere hoc Imperium impares essent: ex eo intra mœnia discordiæ ac seditiones præludere quasi experirentur, inde extra urbem in omnes undiquaque gentes civilium bellorum tempestates detonuerunt, quibus effectum, ut Respubl. Romana, quæ paulo ante admiratione sua ac majestate compleverat omnia, tot malis pressa ac distracta ludibrio fuerit quibus ante terrori. Tantum abest ut quicquam ad imperii felicitatem conducat, fines ejus longe lateque proferre, ac plura quam cura ac cogitatione complecti possis subjugare, ut potius nihil æque interitum reipubl. acceleret & ruinam, quam si nimia sua magnitudine laboret. Admiratione digni Polybio Macedones visi sunt, qui subverso Persarum dominio, maximam orbis partem nihil quicquam ad se pertinere passi sunt. Persarum forte exemplo edocti, quorum magnum fuit imperium quousque suis se continuere finibus, quoties vero Asiam egredi ausi sunt, non de imperio solum, sed de propria etiam salute sunt periclitati. Tam difficile atque arduum est, eodem loco diu magnitudinem imperii stare posse ac felicitatem, cum, quo majus est imperium, tanto frequentius fortunæ telis ac insultibus ludibrioque exponatur.

hinc illa pericula reipubl. quassata è quibus non nisi beneficio Caesaris emergere possit.

Plin. Paneg. etc.

13. Redit jam ad ipsum consilii sui propositum Mæcenas, postquam turbulentum, & omnis generis discordiis repletum reipubl. Romanæ statum ob oculos posuisset Augusto, comparans rempubl. navi magnæ onerariæ, ac rectore destitutæ, cui laboranti ac propemodum perituræ, ne desit horratur. Quemadmodum enim magna navigia etiam si nauticus adsit, difficulter admodum reguntur, destituta vero rectore & cum tempestate conflictata, facillime in brevia syrtesque aguntur. vel laterum compagibus laxis, rimis fatiscencia, torquentibus undique fluctibus rapido tandem vortice vorantur: Ita sane miseranda reipubl. rectore destituta facies est, quæ permixta omnibus veluti ventis, quibusvis ingruentibus tempestatibus vela pandere cogitur, & iratos fluctus sequi quoscunque, qui eam tandem

dem in scopulos deferant. Lamentabili hac specie Remp. Romanam coram Augusto in medium producit Mæcnas, anxie flagitans, ut ejus miseretur suæque ope suffulciat, sua manu clavum regat, vel dirigat, & furentibus tempestatibus ereptam in portum sartam tectamque & incolumem reducat.

14. Hæc ut magna erant, in quibus respubl. versabatur, pericula, ita magna quoque ad Augustum erant reditura, si ipse imperium detrectaret. Metuendi ipsi erant quos laferat, laferat autem multos: hi nocere imperanti non poterant, poterant privato. Nec defore existimat Mæcnas, qui ipso imperium abdicante summam rerum tentaturi sint, iisq; nihil prius aut antiquius fore, quam ut Augustum, magnum in republ. virum, cujus in bello virtus in pace prudentia formidabilis erat omnibus, ceu pravis ipsorum cœptis obstantem subverterent. Loqui adhuc & imprudentiam suam post funera deplorare Pompejum, Casarem, Marium, Syllam, qui salvi fortassis esse potuissent, si voluissent, nec potentia sua ultro cedentes, aut remissius utentes, hostibus adversum se arma quasi in manus dedissent. quos si imitari velit Augustus, non meliorem ipsi sperandam conditionem: superesse enim adhuc è Romanis, quibus multi Lepidi, Sertorii, Bruti, Cassique insint. Stultissimum itaque esse stationem suam deferere, quodque in certamine dubium est, quorsum accidat, id per inertiam in se quasi victum recipere: cum omnis mutatio periculosa sit, summæ inprimis fortunæ in infimam, unde pronus in perniciem est lapsus, cum nec facile reperti sint, quos imperium deposuisse, constet, nec id factum postea doluisse.

Casarem etiam ipsum saluum esse non posse, nisi imperium retineat.

Sal. Orat. de rep. ord.

15. Pergit ulterius Mæcnas, & ultimum adhuc scrupulum Augusti animo, quem Agrippa injecerat, eximit: Haud scilicet esse cur sinistros hominum de se sermones metuat, quasi non tam salutis publica gratia susceperis imperium, quam cupidine dominandi occupaveris: laudem enim id potius mereri, quam insectationem, esse namque generosi animi maxima quæq; sperare, & ad summum omnibus viribus eniti. Quæ tamen ratione temporum antiquorum & more, à Mæcnate nostro dicuntur. pagani quippe lubidinem dominandi causam belli habere inglorium minime erat, sed imperii proferendi, suæque explendæ dominationis

deponendum ergo infamia metum.

Xxxx ;

gratia,

gratia, urbes totasque tandem nationes ac regna subegerunt, quo jure quaq; injuria parum interesse rati. Scilicet id in summa fortuna æquius, quod validius, & sua retinere privatae domus, de alienis certare regia ipsis laus fuit. Quod si vero maxime suspicio ista plerorumque animis infederit, Augustum per bella civilia ad imperium contendisse, neminem tamen esse, qui ignoret, pietate erga parentem & justissima vindicta cupidine, cum

Tac. i. A. 9. legibus contra parricidas agi non posset, quippe quæ vi, ambitu, postremo pecunia turbabantur, ad arma actum. Eos itaq; solos tot motuum malorumq; causas censendos, qui nisi nefaria conspiratione Casarem tot vulneribus confecissent, nunquam Augusto vel armis vel exercitu opus fuisset.

Tac. An. i. Multa interim Antonio, multa Lepido concessa, dum Cassium Brutosque ulcisceretur: quod vero post horum exitus paternis inimiciis datos cum Antonio ac Lepido fœdus fecerit, inque ipsos deinde vindicarit, id bellis civilibus adscribendum, quæ neque parari possunt, neque haberi per bonas artes, neque tuto, nisi re salva deponi; deniq; si vel maxime quid per bella civilia peccatum sit, ea corrigendi non amplius superesse Augusto facultatem. Nec posse melius eludi vanos illos, si qui sint, hominum sermones, quam ipsa imperii administratione. Si enim recte in posterum temp. gubernarit Augustus, omnibus palam fore, alios tantorum malorum autores extitisse, Augustum vero pacis ac bonorum omnium restitutorem esse, cum nemo videatur imperium malis artibus quæsitum bene exerciturus.

Plin. Paneg. 16. Confugit ergo, inquit, in sinum tuum concussa resp. ruensque super te imperium fortuna, quæ omnia ex lubricine sua agit, tibi uni ut imperatori defert, te solum in tanta sceptris reponit. Præclare eo ipso de nobis merita palam testatur, non tam ultionem nostram ipsi curæ esse, quam securitatem. Quemadmodum in annua cæli conversione fieri solet, ut mota sidera tonent, suosque flexus tempestate significant, sic postquam Romani imperii sceptris ad te convertere decrevit fortuna, penitus intremuit, omniq; genere discriminum, civilibus, terrestribus ac navalibus bellis omne imperii corpus agitatæ est: adeo ut sicut maris cœliq; temperiem turbines tempestatesq; comendant, ita ad augendam pacis à te redditæ gra-

Flor. lib. 4.
95

gratiam, tantos tumultus præcessisse crediderim, *Gratulamur nobis omnibus de tanta felicitate, quod ad te potissimum summam rerum detulerit fortuna*, qui sapientia tua atq; solertia perculsum undiq; & perturbatum imperii corpus ordinare optime potes, lubentissime voles, quod haut dubie nunquam coire aut consentire posset, nisi tuo unius præsidis nutu, quasi anima & mente regeretur.

17. Ac mihi quidem animus, quibus rebus alii timent, erectus maxime est, *ipsa imperii magnitudine, & quia tibi terræ ac maria simul omnia componenda sunt. magnæ curæ, magna merces est. Quo majus namq; est imperium, tanto plura etiam quæ conservetur, habet: facilius est parva tueri, quam parare; laboribus namque & periculis parantur omnia, quæ mediocris prudentia ac cura conservat.* Sane majorum nostrorum animos non inopia ærarii, non vis hostium, non adversa res subegit, quin quæ virtute ceperant, simul omnia retinerent. Jam te quoq; summa ope eniti decet, ut tanquam fabricata, sic virtute parva, quam maxima industria habeas, ne incuria deformetur aut corruant infirmata.

18. His præmissis ipsa tanti imperii rite administrandi nunc præcepta promit, omni ex parte summam prudentiam solamq; reip. & Augusti salutem spirantia, spectantiaq; quibus invictam, securam immotamq; fore Augusti majestatem, tanquam in medio mari altissimis defixam radicibus rupem, cujus summa immanes pelagi fluctus ne attingunt quidem, infima sic verberant, non ut eam commoveant, sed ut ipsi frangantur; non obscure innuit. Cumq; ipsa reip. anima, & Spiritus ille vitalis, quem tot millia trahunt, in eo versetur, ut suas partes sedulo agant & imperantes & subjecti, utrosq; hic format Mæcenæ, prius illos, utpote à quibus tanquã è fonte, omnis generis, sive bona sive mala, prout ipsi sunt, in subditos redundant.

19. Laborante quippe bellis civilibus republ. venaliq; patrum curia, cum plerique vel pecunia vel sordidis precibus exoluti essent, multi irreperant, haris potius quam reip. aris focisque qui præessent digni; hos tanquam magnæ navis supervacua onera ejici vult Mæcenæ, cum in portum jam delata sit resp. & eorum numerum melioribus ac dignioribus rursus suppleri. Sane quantopere hoc consilium æstimavit Augustus, ipse Dio nobis

neque metuendam esse imperii magnitudinem.
Sall. Orat. de rep.

Sall. Orat. de de rep. ad.

Acceditur ad præcepta gerendi imperii, i. e. ad potissimum consilia hujus Monarchici expositionem,

Cujus prima pars est, de reformatione Senatuum & equestri ordinis.
Lib. LII, sub fin. Suet. c. 35. Aug.

nobis testatum reliquit. ut enim indignos removeret à Senatu callida ratione, ne sibi multorum invidiam conflaret, si dignitate privatos infamia simul notaret, hortatus est omnes, ut propria conscientia teste ipsi vitam suam censerent, & an tanto oneri ferendo dignitatiq; pares essent, qua ratione sponte alii cessere, non cessuros vel invitos cedere adegit: & ita privatae redditu sorti, qui indigni privatum modum excefferant.

*qua versatur
in eo, ut indi-
gnis amoris
digni substi-
tuantur.*

*Orat. de rep.
ord.
ibid.*

20. Horum namq; in numerum hic substitui vult Mæcenâs nobilissimos, non ignorans quot motus turbasq; ciere soleat nobilitas spreta aut posthabita: deinde *optimos simul ac distissimos*; cum illi tanto impensius reip. curam agant omnes, quanto majorem periclitante rep. suorum quoq; bonorum faciunt jacturam. Neq; tamen pauperibus etiam aditum ad dignitates præcludit, sed *reliquos omnes, pauperiores quamvis & angustioris fortuna, modo boni sint, non excludendos senatu monet*; quin potius eorum censum prudenti liberalitate supplendum. neque enim, testante Sallustio, vel Rhodios vel alias civitates, unquam suorum judiciorum pœnituit, ubi promiscue pauper ac dives de rebus maximis juxta ac minimis consultant. Quæ enim vefania esset, ideo virtute bonisq; artibus claros arcere à rep. quod non pessimis quibusq; actibus lucro inhiant? Sane ad divitias quisq; qua cuiq; lubet niti via potest, & malis & bonis artibus eæ parantur; ad virtutē unica via est, eaq; maxime ardua.

*etiam alium-
de quæ ex I-
talia,
sedque inter
arcana im-
persi usuro-
pandum.*

*Tac. An. 11. c.
33. & 24.*

21. Adjungit egregium consilium Mæcenâs, *ut peregrinos etiam, socios, subditosq; extra Italiae limites positos publicarum dignitatum capaces reddat Augustus*. Quamvis enim adeo ægra non esset Italia, ut senatum urbi suæ, suppeditare nequireret, suberat tamen aliud arcanum, ne scil. nobilissimi quique & opulentissimi inter illos, domi apud suos cupidine eminendi res novas molirentur, cum viderent spes dignitatum acquirendarum præcisus sibi esse, nisi imperium Romanorum excuserent. Contra cum se Romana aula addictos obsequiis eadem ac studiis impetrare posse perspicerent, quæ alias dubio Marte, bellig. eventu, armis ac periculis experiunda ipsis erant; futurum esse, ut dignitate à Romanis ornati, reliquam multitudinem omni modo Romano Imperio addictam in officio retinere allaborent, neq; multitudo, quamvis maxime velit, ducibus destituta idoneis, moliri quicquam possit. Neq; enim insolitum fuerat Romanis peregrinos adsciscere, sed i-
dem

dem priori etiam populo factitatum. Ipse urbis ac Imperii conditor Romulus plerosque populos, eodem die hostes, dein cives habuit. Neque sane aliud quidpiam exitio Lacedæmonis ac Atheniensibus fuisse constat, quanquam armis virisque pollerent, nisi quod victos ut alienigenas à republ. sua arcuerint.

12. Ut in senatorium, ita & in equestrem ordinem cooptandos peregrinos, qui vel genere vel virtute ac divitiis secundum locum mereantur. Nihil de numero sollicitum esse vult Augustum, sed omnes quotquot digni fuerint adscribi; quippe quo plurimum eximiorum consilio ac consilio fruatur Augustus, tanto rectius ipsi omnium expediendorum facultatem fore. Denique hac ratione exteris ac peregrinis omnibus suspicionem demi, deteriori se loco ac conditione quam Romanos haberi, cum videant, omnia secum bona, ipsumque adeo imperium communicari: ita moribus, affinitatibus, artibus Romanorum mixtos, autem opesque suas illaturos potius in remp. quam separata hæc omnia habituros. Ita communi ope, communi consilio, communem rem (eam jam maxima ex parte ad se pertinere arbitantes) asserturos.

23. Latius adhuc progreditur Mæcenas, & ex usu reip. fore æstimat, si omnibus etiam iis, quos dixerat, civitas detur, ut ejus participes tanto fideiorem socii existant; & veram quidem patriam Romanam, suas autem urbes nihil aliud quam agros pagosque existiment. Romam vero, non ut urbem tantum imperatricem, sed ut solam suam patriam, suamque altericem amare ac defendere discant. Cautiorem tamen addit modumque, ne simul ipsis largiatur omnia, sed reservet sibi aliquid Augustus, reservet respubl. majora enim expectantes, majori cura ac industria acturos omnia, ut ea quæ felicitati suæ deesse adhuc existimant, plene nanciscantur.

24. Provida circumspectione Mæcenas noster in equestrem statum, juvenes anno ætatis decimo octavo coopari permittit, in senatum vero legi quemquam ante vigesimum quintum ætatis annum sedulo verat. Scilicet ut genus humanum compositum est ex anima & corpore, ita omnes actiones studiaque nostra omnia, corporis alia, alia animi viribus expediuntur. Corporis quidem optime iis annis, quibus floret robusta

Y y y

juven-

ventus, & ingenii igniculi adhuc succrescunt. Animi verò, & ubi consilio ac ingenio opus est, ea ætate, quæ annis maturior diligentius ac circumspēctius examinat omnia, nec in sequiorem partem, vel juvenili ardore, vel aliis minus temperatis affectibus, inconsulta festinatione abripitur. Neque enim privato priusquam hos expleverit annos, familiam gubernandam moderandamque concedi, sed curatore eum uti: multo minus talem ad remp. consiliis juvandam vocandum, cum minoris longe artis sit, nec tanto cum periculo conjunctum familiam ac domum regere, quam remp. adeo ut nihil alienum magis ab omni ratione excogitari possit, quam ei remp. curandam concedere, cujus lateri per ætatem leges adhuc curatorem adjungere.

*Secunda pars
consilii est,
de Magistratibus, primo
in genere qui
gradatim
conferendi.*

25. Subjungit Mæcenas consilium prudentissimum, ne statim, quamvis maturi annis ad summas dignitates vocentur, sed paulatim ac per gradus quasi, quod dicitur, ascendant, ex senatoribus quæstores primo, inde ædiles & Tribuni plebis, deniq; prætores creentur, ut assuescant prius imperio, assuescant reip. institutis, & si quid per inchoatam adhuc experientiam ab iis peccetur, peccatum correctu sit facillimum, nec tale quod ipsam remp. convellere valeat aut labefactare. Veneri sane, qui singulari sui regiminis administratione, quotquot sunt ubique gentes admiratione sui jam pridem complevere, neminem illotis, quod dicitur, manibus in curiam irrumpere & senatum patiuntur, sed qui multis annis prudentiam sibi acquisiverit longamque rerum experientiam. Ablegant ergo primo juvenes suos in aliorum principum aulas suæ reip. præparandos, primo ad plerumque Christiani orbis Reges, ad Batavos, denique ad Imperatorem Turcicum, utpote cum quo ipsis sæpius gravissimi momenti negotia intercedunt, & ita varia rerum cognitione atque experientia imbutis, domum revocatis demandant maximas dignitates, suisque consiliis rempubl. gubernandam concedunt.

*Et quidem
maiores, non
nisi Roma-
næ.*

26. Ad maiora hac reip. munia solos Romanos vocat, à solo Augusto non à senatu denominandos, ne pulsus ambitus campo denno reditus, novorum tumultuum causa existat. Romanos ideo, ne memoria obtruantur patria instituta, quæ majestatem imperantis tantò magis

gis adaugent, quanto majore studio ea præ se fert ac tueretur; tum ne omnibus palam fiat atque innotescat, machinari eum veteris reipubl. mutationem, quippe cujus securitati atque saluti expediebat, antiquam adhuc præ se ferre.

27. Qua sub imagine ac larva latius ut progrediatur, Augustum horratur, & paulatim munia magistratuum legumq; in se trahat, eodem omnibus relicto nomine, iisdem titulis, eadem specie externa ipsam imperandi, qua pollebant, vim imminuat paulatim ac potestatem, ne ulli quicquam contra principem moliendi facultas relinquatur. Accanum huic consilio annectit Mæcenas, Augusto apprimè profuturum: omnia eo dirigenda, omnes honores ac dignitates ita distribuendas, ne quisquam è superiorum magistratuum classe eodem tempore & dignitate polleat & armis, utpote præcipuis rerum gerendarum instrumentis. Intra mœnia itaque eorum concludendam potestatem, nec arma eis committenda, priusquam privata rursus assueti vitæ non dignitatem retinenda cupidine ad res novas stimulentur, sed redeat primæ obsequium, redeat in principem observantia: priusquam denuo vel novis honoribus ornentur, vel arma exercitusque eorum fidei committantur. Alias ipsa imperandi consuetudine ad imperium trahi videantur;

Eorum munia in Principem trahenda.

Et potestas imminuenda.

Corn. Nepos. Milt.

28. Qui in urbe majori dignitate præerant, iis ludorum quoque curam Mæcenas noster imponit. cum enim minimè consultum esset populum Romanum per tot annos mollior habitum statim ad duriora vertere, indulgenda ipsi erant theatrale spectacula, quæ ut cultus Deorum causa & ad hominum delectationem excogitata erant, ita religionem ac voluntatem postea civili sanguine macularunt. Ne tamen spectaculorum ludorumque gratia in unum confluens infana multitudo ferocius se efferret, turbisque misceret omnia, cautè provisum, ut urbani magistratus ludis illis præessent, militibus stipati, qui tanquam freno injecto efferatam multitudinem intra officii cancellos includerent ac continerent.

Iidem ludii præfinit.

Tac. An. 1. § 4.

Val. Maxim. lib. 1. cap. 4.

29. Eorundem providentiæ judicia omnia permittit, iis tamen criminibus qua capite luntur exceptis, cum ad auctoritatem Imperantis faciat, sibi id soli reservare, qui supplicantibus mortemque deprecantibus sive largiatur tantum beneficium, sive neget, utrumque faciat ex imperii maiestate.

& iudicium, exceptis capitalibus rebus.

*Consilii pars
secunda de ma-
gistratibus
& officio fi-
gillarium.
c. 6. de Præfe-
cto urbis.*

*Tac. An. 6.
c. 11.*

Dio libr. 55.

*de Subcenso-
re.*

*Tac. An. 3.
c. 4.
Val. Maxim.
lib. 2. c. 9.*

30. His universim de magistratibus præmissis, accu-
ratus nunc de iis agit, quiq; ex Senatorio, quiq; ex equestri ordine de-
legendi edocet. Ex senatoribus quidem præ omnibus præfectum
urbis constituendum suadet, alium planè ab eo & diversum,
qui olim profectis domo regibus, ac postea consulibus, ne
urbs sine imperio esset, in tempus deligebatur, qui jus diceret,
civibusque consuleret. de quo enim Mæcenas hic agit, ejus
munus insolitum ante Augustum erat in Rep. Romana: jam
verò rerum potiente Augusto ob magnitudinem imperii, tar-
daque legum auxilia, opus erat singulari unius cura, qui quod
undique civium nisi vim metuat, audacia turbidum, coërceret, causas-
que præter paucas quasdam, omnes, etiam de rerum capitalium damna-
tiis, & ubi provocationi locus erat dijudicaret, cujus imperium extra ur-
bem etiam ad LXXXI millia passuum se extenderet. Cui consilio in-
sistens postea Augustus ipsum Mæcenatem primo omnium
tantæ dignitati præfecit.

31. Censorii muneris dignitatem, ut penes solum Augu-
stum residere consultum arbitratur Mæcenas, ita cum levia
quæque haud facile cura sua complecti possit Augustus, alium
quendam ab eo in laborum curarumque consortium vocandum præcipit,
ex senatoribus tamen lectum, & à præfecto urbis virtute ac dignitate se-
cundum, qui in mores omnium quotquot in republ. vivunt inquirat,
pravas artes, malasque lubricines à juventute prohibeat, à senibus eas
voluptates, quas eorum ætas sine dedecore non attingit, arceat ab uni-
versa plebe otium, ut sua singulis peragenda sint negotia, quibus à ma-
lo publico distineantur, eò omnimodo laboret, ut omnes probitati magis
atque industria quam sumptibus ac divitiis studeant. denique eorum
existat corrector, quæ quamvis nondum supbia digna, neglecta ta-
men multis magnisque malis ansam præbent & occasionem. Cum e-
nim nunquam desint in republ. qui pessimis quibusque arti-
bus & voluptatibus dediti, pro virtutibus vitia amplecten-
tes vitam sicut peregrinantes transigant, horum corruptus si-
mul & corruptor æger ac flagrans animus haud unquam me-
lius restinguitur, quam si vita eorum censorio supercilio e-
xaminetur. cum hæc omnia funditus secum rempubl. tra-
hant, & parum profit foris strenuum esse, si domi malè viva-
tur, expugnentur licet urbes, corripiantur gentes, injiciantur
regnis

regnis manus, nisi foro ac curiæ officium, ac sua constiterit verecundia, partarum rerum æquatus cœlo cumulus oneri magis erit reipubl. quam emolumento.

32. Præfesto urbis, subcenforique huic continuam per omnem vitam addicit potestatem, quippe queis armis militibusque destitutus omnis novarum rerum molientium præfisa erat facultas. Præmia verò dignitate ac onere quod gerunt digna his constituit. Ne languescente industria socordia intendatur. Reliquis verò omnibus majori dignitate ornatis, temporis imponendum suadet modum, quibus potestatis non potest; ut misceantur hac ratione res aliæ inter se diversissima Imperium ac obsequium, si meminerint se, ut jam excellere atque eminere, ita brevi rursus parituros, ut jam præfesse privati. ita brevi privatos rursus fore, cum præfesse ipsis diu non liceat.

Viriusq. præfisa cum tempore summæ.

Plin. Paneg.

33. Eadem diligentia de Provincialibus agit, non ignorans frustra intra mœnia benè omnia ordinari, si non & externa eadem cura habeantur, forisque pax conservetur, domi tranquillitas. Ne igitur provinciæ etiam illum rerum statum abnuerent, quibus exosum jam erat S. P. Q. R. imperium ob tot potentium certamina, quibus subinde novis bellis turbisque implicabantur, & invalida legum auxilia, redditam ipsis pacem legumque vigorem ita optimè conservari posse arbitratur, si provincia non cuiusvis promiscuè ex plebe vel equestri ordine, sed eis qui in urbe præsuram rectè gessere, gubernanda relinquuntur, ita tamen ut duo Prætores, unusq. consularis in quamlibet provinciam ablegantur.

de Provincia libm. magistratibus extra urbem. Tac. An. 1. cap. 2.

34. Atque hic ex usu reipubl. putat Mæcenæ, cum tam varii sint populi, nationesque, quæ unum idemque Romanum Imperium suspiciant ac venerentur, si non Italia modo, sed omnes omnino gentes in certas classes distribuuntur, singulæq. urbibus quæ unius mero imperio gubernari possint, hi præfint, ita ut Prætorius alter privatis iudiciis causisque præsit, alteri publicorum negotiorum militumq. regundorum, cura incumbat, si eorum numerus unam legionem non excedat. Sin vero duæ in eadem gente simul urbana (quippe plures quam duæ unius imperio committere nimis quam periculosum

foret) sint legiones, pares sint utriusque pratorii partes. Ut diviso imperio, cum legionibus tum rebus civilibus ac privatis præsint. Crimina vero vel morte vel infamia nota expianda, soli consulari decidentia determinandaque relinquuntur: cui tamen nihil juris esse vult aut potestatis in eminentioris conditionis viros, sed eorum poenas præmiaque prout merentur solius imperantis arbitrio relinquenda. Neque enim consultum esse, ut unum aliquem tantopere homines metuendum habeant: ita fieri posse, ut adversus ipsum Principem impellantur ab eo, cui tantum sciunt licere, ut fata hominum in sua quasi manu habeat. Sunt aliàs quoque pleni omnes ferè historicorum libri, omnis exemplorum vetustas, quanto cum periculo conjunctum, aliquem ad id dignitatum culmen ac fastigium evehere, ut aliis æque ac ipse princeps formidabilis evadat. Quod tamen facillimè contingit, cum tales plena principis gratia tanquam secundo vela inflante vento in altum provecti, eos plerumque deprimant, qui minus promptis studiis ac obsequiis ipsis præsto sunt, adeo ut facillimè imprudentium animis eam opinionem injiciant, à suo favore, gratia, ac voluntate res omnes reliquorum fortunasque pendere, hinc prompta eos venerantium & infestissima studia, talis viri janitoribus etiam notescere magnificum quandoque habetur, per hunc præturiæ, per hunc dignitates, per hunc agri fundique, imò & ab hoc petuntur. Sedulo itaque Augustum hortatur Mæcenas, ne ulli tantam potentiam tribuat, sed ita omnes formet, ut se non principali fortuna sed privata metiantur. De cetero consulari huic tribuit potestatem, ut causas omnes, quæ à Prætorio ad ipsius tribunal deferuntur, examinet, deque iis statuatur, reliqui verò omnes ipsius iudicio acquiescere teneantur. Dixerat ante Mæcenas Italiam in certas redigendam classes, ac singulis urbibus longius à Roma distantibus suos rectores præfectosque adjungendos. Cujus consilii rationem ipse profert: magnitudinem scilicet, hominumque in ea frequentiam id exposcere, cum urbani magistratus sat, quod Roma expediant, habeant: Idq; ad Imperii augendam majestatem apprimè conducere, si præsentibus subditi videant eos, quorum imperio à summo se principe subiectos esse non ignorant. Sic singulos rectores singulu

bibus

Tac. Ann. 6.
c. 2.
Plin. Paneg.

Idem.

bibus datos optime prohibere ab omnibus posse injurias, ac providere ne cujusquam res per scelus aut vim crescant. Sall. in Iugurth. c. 12,

35. Omnibus hu, qui extra urbem Romanam cum dignitate aliqua & imperio ablegantur, certum laborum curarumque præmii constituit, cum industria spe præmii alatur, qua demta ipsa per se virtus amara plerisque atque aspera est. Quod si enim qui publici boni causa absunt à republ. suisque privatis laboribus, non ex publico etiam vivant, sed suis se sustentare sumptibus cogantur, quid mirum si lucro pervii, pretio leges figant & rehgant, cum omnes fere labores suos spe otii præmiique sustentent. Oreditur nunc de tempore agere, quousque imperium uniuscujusque extendere sese debeat, quod mediæ insititens via neque intra triennium concludit, neque ultra quinquennium prorogat, cum imperia diuturniora insent animos, red antequam plerumque homines insolentiores continuata dignitates. Neque facile prospici possit, quæ cuique longiori temporis spatio mens, domus, fortuna, mansura sit: cum primo quoque dignitatum die superbire multi incipiunt seque supra alios efferre. Si vero brevi temporis intervallo uni mox alii dignitates mandentur, cum experientia rerum omnium expediendarum quasi instrumentum sit atque magistra, priusquam reipubl. suoque muneri assuescere diducere, expleta momentanea dignitate, alii suum officium relinquunt. qui tum non nisi per reipubl. incommoda ac pericula experientiam aliquam acquirere possunt. Tum itaque demum recte in rep. dignitates ac imperia distribuuntur, si quæ laborum multum curarumque secum trahunt munia, per omnem vitam continuentur: quibus verò dignitatis plus inest ac potentiæ quam operæ, arctioribus temporis cancellis includantur. Sic enim & imperantium securitati, & reipubl. commodo optime prospectum erit. Mirum sane in modum Mæcenæ magna imperia si diu continuentur, extimescit, aded ut deposita dignitate aliqua majore idoneum temporis spatium interponendum moneat, priusquam alia rursus ornentur, quamvis diversis in provinciis longeque distitis locis. cum tamen posterioris ævi Imperatores, abunde securitati suæ prospectum existimarint, quoties ex una provin-

De præmiis
corundem &
functionis
tempore.

Tac. 2, An. c.
35.

cia revocatum in alteram ablegarunt, vel quem legionibus ante cum imperio præfecerant, ei classem postea commiserunt gubernandam, quique classem antea moderatus erat, ejus fidei exercitum concedidere.

*De præfectis
prætorii.*

Tac. 4. An.

36. Atque hæc de magistratibus ex Senatorum numero legendis, Mæcenati nostro dicta sufficiunt. nunc quæ munia ac honores equestri ordini viros maneat ostendit. Duobus itaque ex equitibus id officium imponit, ut satellitio Augusti præsent, imperiumque in reliquos stipatores obtineant, neque pluribus ob declinandas turbas, neque paucioribus ob principis securitatem. Frustra equidem, fateor, princeps stipatorum manus ad latus sibi adjungit, qui caritate septus non fuerit, opus tamen Augusto erat corporis custodibus. Julii patris quippe exemplo edoctus erat, miserrimam esse principis conditionem omnium insultibus impune expositi. Duos adsciscendos suadet Mæcenas noster, cum unus facilius longe transversus agatur quam plures, & ne desit, si alter novi quid molitur, qui coeptis ejus se opponat. Sane Augustum in imperio securus Tiberius proprio exemplo, uni Sejano nimium fidens, didicit, quanto cum periculo sit conjunctum unius se fidei tutelæque committere, uni se incautum intestumque reddere. Binos hos prætorii præfectos, ut appellari consueverunt, tanta ornat potestate, ut summum ipsis jus esse velit vita etiam necisque in omnes per universam Italiam milites, premia etiam pænasque in hos erogandas arbitrio ipsorum relinquendas. Quos rectius tanto onustos onere omnia expedituros existimat, si locum eorum suppleant vicarii ipsis adjuncti, quibus omnibus ut ipsa consuetudine uni Cæsarum domui addicti esse discant, una cum præfecto urbis subcenforeque perpetuam per omnem vitam dignitatem adscribit.

*De præfectis
vigilum &c.*

37. Proximum his equitibus vigilum præfectum constituit & an-
a nonæ, cujus dulcedine plebs tum devincienda Augusto erat, cum a nonæ cura perpetuo congario gratior omni tempore populo extitisset: cujus aliquando cura Pompejo non minus addiderat

gloriæ

gloriæ quâ pulsus ambitus campo, exactus hostis mari, oriens triumphis occidensque lustratus. Deniq; hû equestris ordinu virû atavii quoq; publici, ac fisci, aliorum præterea negotiorum Roma ac per Italiam expediendorum cura oneratis opera pretium constituit ac mercedem honori onerique cuiuslibet adequatam, utpote quorum facultates opesque tenuiores longè erant ac senatorum, neque tamen ab inopiam ut dignitate excludantur, justum: cum intersit potius Augusti, ut communicato, divisoque inter senatores & equites imperio illi sollicitiores reddantur, Augustus securior, cum præster publica multorumque opera publica tractari, ut ad multos experientia prudentiaque redundet, neque uni eidemq; exercitus atque arma, utpote soli rerum omnium gerendarum nervi atque instrumenta in manus tradi. Adjungit in singulas quoque provincias, unum aliquem equestris ordinis ablegandum, qui istic pecuniam conficiat, ac quoties opus fuerit, opera aliorum ac administrû utatur, ex equitibus itidem & Augusti libertis desumptis. Libertos enim huc adhiberi duplicem usum habebit, primo ut & ipsi virtutis præmio invitati tanto diligentius patroni salutem sueantur ac pro ea excubent: deinde ut ex invictis etiam cognoscere possit Augustus, quid uspiam peccatum patratumve sit.

38. In senatorium quoque ordinem equites rebus bello gestis al- *Attentior*
linque negotiis claros monet adsciscendos, sine obstaculo ætatis, quam *admonitio de*
virtus supplet. Ita etiam ex iis qui stipendia fecere interdum aliquem *Senatorio ho-*
assumi debere; modo ab initio centurionum munere ac officio functi sint, *nore extra*
vel civium legioni præfuerint, neque è gregariis militibus ad tantum *ordinem mon-*
fastigium subito eVecti, cum indignum sit senatoria maiestate, eum *nullis com-*
senatoria toga indutum, clavo uti, qui olim floreas corbesque gesta- *municando,*
vit.

39. Magna hæc erant quæ suaserat Mæcenæ, tot ex *Claudius*
omni omnino ordine ad partem reipubl. capeffendam evo- *quidquid ha-*
candos, tot novas dignitates honoresque excogitandos, qui- *Ænæus di-*
bus ornari ferè innumeri possent: Majus tamen unam urbem *sum est, ad-*
tot viris dignis ac illustribus subnixam esse, qui pares es- *monitione de*
sent singuli demandatam sibi è rep. provinciam ita tueri, ne *educanda*
vel ad rempubl. incommoda, vel ad ipsos infamia redunda- *patricii eque-*
ret. Itaque nec hic officio suo deest Mæcenæ, quique con- *strisque ordi-*
fili auctor fuerat de tot in rempubl. adsciscendis, viam simul *nis juveni-*
te.

indagat, qua reperiri possent viri optimi quique, quorum humeri dignitati ferendæ essent adæquati. Et inter prima quidem hic subsidia educationem numerat, quam ab omni ævo viri optimi quique rectè ordinatæ reip. fulcrum dixere ac fundamentum. Quæ neglecta, occasum imperii, occasum reipubl. indubitato accelerat. Flagrantibus civilibus bellis ludi literarii & studia sepulta ferè jacebant, & priorum temporum immanitas exiliis ea puniebat, quæ ut jam tandem spiritum ac sanguinem patriamque recipiant, ex Augusti laude patriæque communi utilitate fore existimat. Cumque duo sint reipubl. tempora, pacis alterum, alterum belli, utrique cives omnes subditosque vult præparari, *pueros quidem in ludum literarium ablegatos pacis artibus imbui: adolescentes vero armis militiaque præparari. Sic adversus quacunq; ingruentia reip. pericula subsidia comparari & adminicula. Sic adultos omnes ferendo oneri pares fore.* Nullum etenim in magno principe immortalitatemque merituro impendii curæque genus dignius est, quam quod in civibus bene formandis collocatur: nihilque tanta admiratione laudeque dignum, quam si eo omni modo enitatur optimus princeps, ut non multis modo imperet sed & optimis. Cum frustra princeps subditis suo genio relictis neglectisque, ut defectum corpore caput nutaturamque instabili pondere temp. tueatur.

Plin. Panc.
gyr. c. 16.
Xenoph. l. 1.

40. Plerique mortalium dum liberos educunt, suo ex ingenio omnia æstimant aguntque, liberisque haud raro licentiosius vivendi facultatem concedunt; nec in pueris ea, quæ in majora aliquando eruptura sunt vitia, ut debent animadvertunt, sperantes cum ætate meliora; quæque peccantur puerili animo asseribunt. Adolescunt interim illi licentiæ lasciviæque sueti, ipsaque consuetudine ad scelera rapiuntur, donec tandem dignæ factis poenæ eos sequantur. Rectius longe consiliator noster Persarum severitatem à Xenophonte edoctus, delicta antevertere laborat, seu probæ educationis habita cura id agere, ut cum ipsis veluti fasciis virtutibus liberi involuti, à teneris assuescant virtuti bonisque artibus studere, vitia aspernari, cum qualis principio quibusvis inseritur animus, haud facile adultiore ætate corrigatur, sed seu principio

cipio virtutibus deditus fuerit, seu vitiis, semper in majus adaugeatur ipsaque ætate crescat. Primis itaque annis omnium animis vitiorum radices exscindendas autumat, omnēque simul præcidendam occasionem, *ne vel vitium vel nobilitate, sed monstrante virtute viam ad summa quæque contendant, ne pro labore desidia, pro continentia atque æquitate lubricum dominetur & superbia, & vitam veluti pecora transigant,* Sall. princip. Bell. Catilia. quæ natura prona ac ventri obedientia finxit. Sedulo itaque publica cura educandos qui in bonum publicum nascuntur, ut sint subsidium bellorum, pacis ornamentum, ut castra ex iis, ex iis senatustribusque repleantur.

41. Quod Mæcenatis consilium ut ad reip. Romanæ augmentum, ita quoque non parum ad Augusti securitatem comparatum erat, cum omnes turba seditionesque plerunque ab iis Plin. Panemtuenda expectandaque sint, qui pueritiam adolescentiamque luxu- gy. c. 28, riosè transegerent: nullum etenim animal est quod rectorem morosius ferat quam pravè educatus. Contra qui à teneris assuescunt modestè se gerere, haud unquam tam facile novarum rerum contra principem moliendarum consilia captant, cum non ignorent tantum se principi ob educationis curam, quantum parentibus ob lucis viteque usuram debere. Accedit quod ipsa virtutum artiumque cognitio sua quadam innata vi ac venustate non alliciat modo omnes, sed rudes aliàs mores emolliat, probeque inter se omnia misceat temperetque.

42. Quod si tandem aliquis reperiat, apud quem plus possit perversa natura, quam summa educationis cura, ei præcidendas esse novarum rerum moliendarum occasiones, vel si quid nihilominus tentet, supplicio digno afficiendum: neque hic verendum esse Augusto quamvis tale quidpiam solus acerrimè vindicet, ne odio aut ira ceterorum exponatur. Neminem quippe fore cui justitia ritè administrata non arrideat, quam qui tollit ex imperio, solem è mundo tollere videtur; non enim tyrannidem id dici posse unquam, sed severitatem, ad quam non naturæ mitis instinctu adigitur Imperator, sed expressa necessitate. Medici hic fungi officio cogitur, quem crudelem facit intemperans æger, quique ne latius serpent & universum inde corpus contaminent fœda ulcera, ad ultimum illud urendi

Publius.

Tac. An. 3. 34. bi, nonnisi per dura & aspera coerceantur, cumque ejus qui periculum creare imperanti ausus est, supplicium nihil ex iniquo habeat; detestatos potius ostendens ejus perfidiam atque ingratitude, qui meritas principi tanquam publico parenti non reddidit grates, quam principis temperatam severitatem tyrannidem interpretaturos.

*Confilii tres
partes priores
adseratores
& equites
potissimum
spectabant:
sequitur
Quarta, de re
militari &
arario.*

Tac. de mo-
rib Germ. 13.
Quomodo mi-
lites habem-
di.

Tac. 1.
An. 6. 17.

43. Atque hæc de Senatoribus atque equitibus Mæcenati nostro dicta sufficiunt, nunc ad rem militarem rite formandam sese accingit. Formidabile enim omnibus omnino gentibus, nationibus, subditis, amicis, fæderatis, hostibus erat Romanum imperium, proinde non pauci ex his reperiebantur, qui imperii Romani gloriam suam infamiam, ejus magnitudinem suam diminutionem, fortunam, suam infelicitatem æstimantes, nocte dieq; eo omnes cogitationes dirigebat suas, & manibus pedibusq; quod dicitur laborabant, quo tantum fastigium si non subverterent planè, tamen clade aliqua insignirent, & aliquantulum imminuerent. Quorum omnium pravis machinationibus hic parandum remedium, ab armis & exercitu subsidium petendum indigat Mæcenas, nec unquam nudatum militibus latus aliis objiciendum, sed semper eos alendos ut in pace decus, in bello presidium, columen sint ac munimentum, quorum numerus tempori sese atque necessitati accommodet, qui nunquam arma ex manibus deponant, sed in pace adhuc ingruenti bello sese præparent, fictis velitationibus seriis præludant quasi experturi, ut ea ratione quacunque evenire in acie aut præliis possunt, omnia in campestri meditatione prænoscant, dum inter se in modum justæ pugne concurrunt, nihilque præter bella armaque meditentur: quibus constituentur hyberna loci opportuni, unde promptum quocunque libueris repente ab his auxilium accersiri possit, unde hostem horridasque gentes ac minaces brevique in bella erupturas tanquam è contuberniis aspiciunt. Providendum tamen ne iidem semper apud vexilla retineantur, sed dimittendos pluribus expletis stipendiis senes, truncato vulneribus corpore, ne verbera & vulnera, duras hyemes, exercituum aestates, bellum atrox ipsis sempiterna, sed superis breve aliquod ante extremum senium reddita quiete levamentum.

44. Miscendos juvenes senibus, veteranis tyrones, ut

ut securitati pariter imperantis prospiciatur & exercitæ militiæ. Solis quippe juvenibus ac robustæ ætatis viris, quorum animi libidinibus ac inani aliqua spe proposita facillè exardescunt, si armorum usus concedatur; proni in res novas, proni in seditiones, contra morem obsequii contra fas disciplinæ non rarè vim meditantur: quorum tamen confortio senes ac maturioris ætatis viri adjuncti, sua prudentia optimè tanta mala præveniunt, dum prout ratio postulat aliis spem offerunt, aliis metum intendunt, & ut reverentius & æqualius pareant, omnes adhortantur. Quod si contra juvenum manibus eripiantur arma, illi quieti velut tela atque arma rubigine ferè consumpti atque enervati, imparati inexercitati que in arma feruntur, qualium in bello pugnisque opera oneri magis est ac remoræ quam emolumento. Aliis itaque militiam committendam, aliis pacis artes: ut in bella ablegati *robustissimi quique ac pauperrimi, qui rapinis omnia alias infestant, pro reliquorum omnium salute excubent, ut eò securius interim vel arent, vel navigent, vel adficient, vel aliis bonis pacis studius vitam sustentare laborent.*

Tac. lib. 1.
An. c. 19.
Tac. lib. 1.
An. c. 29.

45. Ad militiam ut debet gerendam, pecuniæ comparandæ rationes Mæcenas noster investigat, cum pleraque in bello consilio & pecunia conficiantur, nec quicquam tam munitum quod non expugnari pecunia possit, nulla tam firma arx, quæ non subvertatur ac dejiciatur, si modo asinus auro onustus eam ingredi valeat. Ut omnia Cie. 1. ad At.
victurus hastis argentatis pugnaret, Philippo Macedoni o. tic. Ep. 12.
lim est datum consilium. Et revera bellum non magis ferre ab armis dependet, quam à sumptibus & expensis rerum gerendarum nervis, quorum opera arma utilia demum atque efficacia redduntur. Pecunia itaque hic opus esse affirmat Mæcenas, cum neque quies gentium sine armis, neque arma sine stipendiis, neque stipendia sine sumptibus haberi queant. neque hinc ullam ad Augustum recidere invidiam, Tac. hist. 4.
ac si eo imperitante solummodo tanta pecunie collectione opus sit, cum c. 74.
multa ejusmodi onera etiam olim à Consulibus ac Tribunis plebis constituta sint acti etiam Populi Romani tum libertate, & quacunque Tac. An. 350.

tandem fuerit reip. facies ac forma pecuniam flagitet, desideret atque exposcat.

*Quomodo æ-
rario subse-
niendum,*

46. Atque hac occasione transit Mæcenas ad ærarii publici curam: quod ita instruendum monet, ut tanto imperio idonei ex eo sumptus sufficiant: exhaustum ante bellis civilibus non per scelera, sed bonis artibus vult suppleri. Ac primo quidem ut ærarii augendi remedium Augusto commendat, si quacunque ab hostibus spolia reportata, prada parta, aliaque è publico, præter pauca, vendantur communi reip. bono, pretio, quantum fieri potest, maximo, indeque emergens pecunia non statim in ærarium conferatur, rubigine exedendum, sed mediocri fœnore aliis mutuo detur, ut ea ratione tacite in majus crescat fructumque idoneum reip. reddat; agros insimul fundosque omnes publicos certo pretio elocandos iis quibus agricultura scientia, quique ejus cupidine aliqua tenentur, ut tanto majori fœnore bene cultus ager exuberet, ipsi eo quod propria terra genuit, fidus aluit, annus tulit, fruuntur, nec aliud frumentum per incerta casuum atque tempestatum alienis ex oris exspectent, sed ipsi Italiæ agri probe culti cum feracissimis terris quasi nunquam cessuri certent.

Plin. Paneg.
c. 19.
Tac. 3. An. 54.

Plin. Paneg.
87r. 10.

47. His proventibus si ex metallorum fodinis quæ proveniunt primitiæ adjungantur omnes, aliaque fructuum multiplicata aut nova, ponendum tandem calculum, &c., si adhuc redditus expensis minores deprehendantur, defectum illum suppleendum pensione aliqua imperata de omnibus iis quæ questum aliquem possessori ferunt, cum specie magis quam vi illud à possessore ac venditore exigatur: quippe quod in pretii partem emptoribus accrescit. Quod si adhuc expensæ justos redditus anteeant, vectigalia universis subditis imponenda, usque dum ratio reddituum & necessitas erogationum inter se congruant, cum non injurium sit ut ex æquo onera ferant, ad quos ex æquo communis utilitas redundat. Vectigalium horum exigendorum curam certo tempore, certis viris committendam docet, qui in singulis provinciis imposita tributa statuto tempore exigant, nec officii negligentes diem ex die trahentes duplicatum exigant, quippe quod & difficilius solvitur & exigitur.

48. Quam-

48. Quamvis vero nec defuturi sint, qui subinde de tributis præstandis quiritantes modo principis modo exastorum avaritiam ac sævitiam increpent, tamen tales ultra verba nihil ausuros, sed sponte quieturos, cum viderint inter ipsos postea rursus pecuniam distribui, eoque reliquis bonis ac divitiis, bonorum vitæq; securitatem parari, quæ alias omni tempore hostium præda exposita essent ac rapinis; eosque tanto libentius ex imis visceribus deprompturos omnia, si animadvertant Augustum custodem ac dispensatorem communium bonorum continenter sobrièq; vivere, nec publicæ pecuniæ inhiantes adulatorum quorumvis cupiditates explere, nec per vanas delicias pecuniæ publicæ, quam sanguine ac sudore suo pepererunt subditi, illudere, neque eos imitari, qui pecuniæ ac divitiarum non alium fructum putant quam profusionem; quibus, cum omnia rapiunt, omnia retinent, omnia tamen defunt, ac si nihil rapuissent, nihil retinuisent; similes illis quos Crates olim ficibus assimilavit in altis præruptisque natis, quæ non hominibus fructum præbent, sed corvis solummodo ac milvis. Dandam operam, ut videant subditi atque reapse experiantur, in principis divitiis suas opes, suas divitias, suam salutem versari ac securitatem. Incassum timere Augustum, si ita rem gerens de pecunia sollicitus sit, cum ea ratione plura quam conceptis quidem votis expetere possit, in sinum gremiumque ipsi sint delaturi.

Aristoteles 5.
Polit. c. 11.
Tac. hist. 1.
c. 12.
Tac. hist. 26.
c. 94.
Suet. Ner. 30.
Plin. Paneg.
c. 41.
Stobæus
Serm. 156.

49. Subjungit his pauca quædam ad disciplinam Romanæ urbis ac provinciarum non obscure facientia, & primo quidem urbem Romam omnium gentium dominatricem, ad imperij majestatem ac splendorem magnifice exornandam suadet, cum multi sanè non ex plebe modò sed prudentibus etiam tali externa specie imponi sibi patiantur, ac grandia omnia existiment & augusta, quæ augusta imagine oculis eorum offunduntur. Quantoperè hoc Mæcenatis consilium æstima- rit Augustus, Suetonius non obscure nobis testatum reliquit, ipsum Augustum jactare solitum asserens, se reperisse urbem la- retissimam, reliquisse marmoream.

Consilii pars
quinta, de ce-
teris admini-
strationis pu-
blica capitu-
lum, c. 5. de
urbis magni-
fico ornamento.

*de caribus &
consilio pro
vinctualium.
Tac. lib. 1.
An. c. 16.*

50. In provinciū populum ab omni potentia excludit, quip-
pe in quo nihil modicum, ideoque à conventiculis arcendos omnes,
cum inter tam multorum mobiles animos, facile reperi-
antur, qui imperitos ad res novas impellant, & meliori-
bus dilapsis deterrimum quemque sibi congregent, usque
dum promptis & aliis seditionis ministris ad magnos & im-
placabiles motus pleno gradu tandem feruntur; Si vero cum
singulis modo res sit, facile universos vinci.

*de moderan-
di sumpti-
bus circa ad-
ficia & lu-
dos.*

51. Subjungit coercendorum intra terminos sumptu-
um consilium, ne exhaustis privatorum bonis publica defi-
ciant, quod commodissime fieri posse existimat, si privato-
rum adificiū modus ponatur, ne pari vel magnificentiori quam prin-
cipis aliaque publica aedes ornatu exstruantur: Cum si privatus
aliquis civis in ædibus fabricandis privatum modum egre-
diatur, easque signis, aulæis, aliisque parum profuturis

*Sal. Orat. de
rep. ord.*

operibus exornet, & omnia potius quam semet visendum ef-
ficiat, id sit non divitias decori habere, sed ipsum illis
flagitio esse. In ludos gladiatorios quoque magnam facultatum
suarum partem antea multi impenderunt. His spectaculis vi-
sendis & pecuniam & tempus frustra consumpserat desidio-
sa plebs, providendum itaque ne ludi tales quoque nimii
celebrentur, ne sumptibus inter se certantes mutuorum
dissidiorum causam ipsi præbeant, sibi que eripiant facul-
tatem summæ necessitudinis tempore, opibus suis & se &
remp. pro virili juvandi. Ne tamen subito nimis ad du-
riora verterentur provinciales assueri adhuc mollioribus,
majoris impensæ ludos Romæ exhibendos censet, provin-
cialibus vero eatenus ludorum spectacula indulgenda, quo-
usque nullam vel privatae vel publicæ rei inferunt jactu-
ram. ideoque antiquum illum morem, quo non suas mo-
do omnes, sed etiam peregrinorum facultates exhauriebant,
superfluis in certamina ludosque erogandis sumptibus,
solicitantes eos, ut esset unde perennem iis, qui victores
in certaminibus vulgaribus quibusvis extiterant, cibum
largiri possent, in melius mutandum suggerit, & nihil ul-
tra constituta præmia in hos erogandum. Ab omni nam-
que ratione alienum videri tantis in hæc factis impensis divi-

divitias ludibrio habere, nec nisi summæ inhumanitatis indicium, cogere quasi peregrinos, quibus cives omnem potius humanitatem & officiorum promptitudinem debent, in inania ejusmodi ac vana magnam facultatum suarum partem impendere. Certaminibus vero majoribus, ut sunt Olympia, Pythia & ejus generis alia, modum neutiquam imponit, sed iis quorum in his spectatissima virtus ac opera fuit perpetuam ut antea annonam tribui vult, cum quamvis feriarum curarum laxamenta sint, sint tamen & earum imitamenta quædam, & talia in quibus subditorum opera non tam inutiliter collocatur ac in aliis, cum hæc faciant ad belli meditationem ac veræ pugnæ præparationem. Et quod cum primis observandum, urbem Romanam caput rerum, caput imperii, unde in reliqua regimen non modo augustiore specie in hominum animos illabi sed ludorum quoque pompa ac splendore urbes alias omnes antequam ac longo post se relinquere intervallo, cupit Mæcenas: Proinde id tanquam privilegium soli Romanæ urbi indulgendum, neque ullis præterea communicandum suadet, ut soli liceat Ludos Equestres exhibere. Ut enim ipse Princeps super alios omnes eminet & excellit, ita principalis civitas & omnia quæcunque circa principem sunt, ludicra quamvis & inania suo quodam jure splendidiorum imaginem qua se oculis hominum infundant, videntur postulare. Provincialibus tum demum oculorum auriumque oblectamenta quædam concedit, si tolerabilibus exhibeantur omnia impensis, nec locum demant modestiæ ac tranquillitati. Numismata, pondera, mensuram, rerum omnium commutandarum media maxime necessaria, æqualia omnibus imperii tam latè exporrecti subditis attribuit, nec eadem pro varietate gentium vult variari. Cautè profecto, debent enim quantum fieri potest, eo omnia dirigi, ut unum imperii corpus unius animo regundum non appareat separatum. Quod certe contingit, si in tam parvi momenti negotiis diversitas aliqua appareat ac tolleretur, ubi haud incommode æqualitas locum esset habitura. Principis curas crebris provincialium per delegatos suos in-

terpellationibus de re sæpe levissima onerari cum nolit Mæcenas, aliam viam mediaque ostendit, quæ subveniri eorum desideriis optime possit; si videlicet singuli præfecto suo quid velint, quid exposcant, indicent, & per eum principis responsa exquirant: Sic enim superfedebunt & supervacuis sumptibus in iter exponendis & molestia ultro citroque mittendi legatos.

*de Senatu po-
testate & si-
mulacris Ara-
pocrassio.*

52. Pergit nunc Mæcenas, & ostendit, quomodo se Augustus erga senatum gerere debeat. Huic, ait, magnam relinquendam speciem, ut veteris reip. imago semper ostentetur, si e. g. legati exterarum gentium in senatum & curiam introducantur, ibi sua mandata exponant, inde responsa petant. Augeri ita majestatem imperii, si existiment exterarum gentium nationumque ac regum legati, venerabili illi senatorum consessui tantam relictam potestatem, ut absque eorum consensu si quid è rep. petatur nihil agi determinarique possit, si quid contra temp. vero ab exteris committatur, tanto plures fore patratorem vindices. Deinde si tale quid efflagitaretur à principe, quod largiri damnosum, minimeque concedi posset, invidiam ejus rei posse in senatum rejici, si testetur princeps, nisi autor fieret senatus, incassum à se quidpiam concedi. Itaque universi senatus decreto exterorum legatis responsa danda, ejusque auxilio legum vim retinendam ac suffulciendam.

*de criminum
cognitione.*

53. Criminum quoque cognitionem; cum & hæc secum tacite, aliquid invidiæ trahat, plerumque senatui relinquendam, ut discreta sint principis ac judicis officia, cum huic severitas, illi clementia nominis immortalitatem pariat: adeo quidem ut ipsi senatores, eorumque liberi ac uxores criminis alicujus rei peracti, non à principe, sed à Patribus, (quod institutum hætenus in Anglico quoque Parlamento viguit) dijudicentur: præsertim si quid contra principem tentare reapse ausi sint. Qui verò nihil contra principem nisi sutilia quadam convicia effuderunt eos dimittendos, cum magnam fortunam deceat magnus animus, taliumque contemptor. cui insitum placidum esse tranquillumque & injurias atque offen-

*de maledictis
in Principem.*

offensas supernè despicere: cum regium sit bene facere ac malè audire, neque quos facta non faciunt nocentes, eorum verba rigide arguenda: quippe quæ spreta exoleſcant, si irascere agnita videntur. Tyranni esse malique principis verba ac suspiria plebis plectere: à quo alienissimum esse bonum principem convenit, qui quia omnibus prodest, ab omnibus nihil nisi optima quæque pro meritis suis expectat; irridendam potius eorum socordiam qui præſenti potentia punitis verbis facta extingui posse credunt, & sequentis ævi memoriam: cum aliud nihil hac sibi sævitia quam dedecus pariant & ignominiam. Ita tandem intellecturos cives bona sua seque dignos tanto & tam beneficio imperatore præbituros, cum viderint licere sibi malè loqui, cum ita comparatum sit, ut de nullo unquam principe minus querantur homines, quam de quo maxime licet: ita paulatim de Augusto, quod de Diis immortalibus quorum vicem in terris gerit ac sustinet princeps, judicatuſ omnes, esse eum venerandum, neque vel re vel verbis ullatenus lædendum.

Tac. An. 42

c. 34

Tac. lib. 1V.

An. c. 34.

Plin. paneg.

54. Quod si vero quis reapse Augusti majestatem imminuerit, ejus causam senatus arbitrio relinquendam, cum injurium videatur eundem & accusatoris & judicis officio fungi. Adductum itaque in Senatum causam dicere jubeat princeps, verane sint objecta crimina an falsa ea accusatores in majus vulgaverint, ne objecta crimina pro adprobaris accipiantur. Patiatur si quos propinquus sanguis aut fides sua patronos causæ dederit, quantum quisque eloquentia ac cura valet, juvare periclitantem, ad eundem laborem ad eandem constantiam accusatores exhortetur: qui si tandem vicerint, moderato reum supplicio afficiendum monet Mæcenas, ne magis iræ indulgisse princeps videatur, quam clementiæ. & privatas potius injurias quam principis ultus. Idque facillimè obtineri si talis promulgetur sententia per quam neque impune reo sit delictum, & principem simul clementiæ ac severitatis non poeniteat, cum & in talibus præſtet principem omnia scire, quam omnia exequi, veniam sæpius quam severitatem commodare, nec atroci semper

de crimini-

bus majestae

tut.

Tac. An. 3.

c. 12.

Ibid.

Tac. 3. An.

c. 50.

Domit. ap.
Suet. in op.
vita c. 11.
Sal. bell. Jug.
c. 2.

supplicio sed pœnitentia sapius vel miti pœna contentum esse. Hac ratione fidem crimini fore, quod dubium aliàs plerorumque mentibus inhæsisset, non faciliè credentium ab inermi tot armato subsidiis structas insidias aut aliud quidpiam intentatum, ut non immerito ille apud Suetonium exclamarit, *miserrimam principum conditionem, quibus de conjurazione comperta non creditur nisi occisis*. cum omni tempore, qui potentior est, etiamsi accipiat injuriam, tamen quia plus potest facere videatur. Quò tamen effato non comprehendi vult eos, qui palam proditione exercitum corruptentes contra principem insurgunt: tales namque non in iudicium duccendos, sed illicit hostium more puniendos, cum nulla esse possit in tanti sceleris immanitate punienda crudelitas: & præsens immineat periculum si tales machinationes quæ consilio & mora valescunt, non statim præveniantur facileque hic mansuetudo ac misericordia in miseriam vertatur.

Sal. bell. Ca.
tilia,

Plin. paneg.
c. 2.

§5. Atque hæc & alia Senatus arbitrio relinquenda censet Mæcenas noster, ut & ipsi parte aliqua laborum curarumque reip. onusti, ament eum reip. statum, ament principem à quo ea bona in ipsos derivantur, ipsique eo majus præstent obsequium, quo magis libertate eorum, quam servitute princeps letatur. Concludit hanc de Senatus potestate ac specie potestatis tractationem, ea addita cautione, ne quis è senatorum numero temerarius, aliorum iudicio subjiçatur quam consularis, aut cererè patrum: cum ipse natura ordo inverti videatur, quoties magni in rep. viri minorum longe censura ac libidini subjiçuntur.

de Provoca-
tione & cau-
sæ majoribus
capitalibus;
Plin. paneg.

§6. Provocationem soli Augusto asservat, ab omnibus omnino quos ante memoravit ac recensuit magistratibus; nec cuiquam, tam merum concedendum imperium à quo provocari ad Augustum non possit: cum maximum majestatis munimentum in eo consistat, si ipse princeps supra omnes alios eminens velocissimi syderis instar omnia inviset, omnia dijudicet, ut abunde salutis subditorum prospectum sit, modo sciat princeps quid velint, quo egeant, quid exposcant. Provocationibus judicia majora, capitalia inprimis, quoque annumerat, eaque soli Augusti majestati determinanda relinquit: & eo Augusto latissimum aperit campum benè de omnibus merendi,

di, suamq; clementiam omnibus testandi, si nimirum pro ratione negotii paratus talibus reis, qui nec servati in periculum reip. vel interfecti in exemplum ituri sunt. Cumque Tac. lib. 9. An. c. 50. gravissimi momenti negotium sit in talibus causis, ubi peracto judicio poenitentiae haut amplius relictus est locus, nec unquam sat temporis ac circumspeditionis adhiberi possit, cum de vita hominis agitur, *Consiliarios in talibus causis ubi irrevocabili ferenda sententia adsciscendos monet praestantissimos quosq; qui ut in causis gravioribus libere prout sentiunt, sententiam dicant, nec vel studio collegii sui obscurandae vel contradicendi affectu in transversum abripiantur, ut aliena à mente sua in publico confesso promant, callidum hic aperit consilium Mæcenas, quomodo praeveniri istud malum optimè possit: Si scilicet sententia à singulis in tabellis scripta ad solum Augustum deferantur, eaque lecta atq; expensa statim deleantur, ut certi esse possint omnes in nullius unquam conspectum manumq; ventura, qua senserint scripserineve, quo metu liberatos, sensuros qua velint, quaq; sentiant prompte probaturos.*

57. Denique universim negotiorum adjutores adsciscere vult Augustum, cum magna negotia magnis adjutoribus egeant, & intersit reipub. ut usu necessaria dignitate emineant, & utilitas, plurimum autoritate tanquam subsidiis muniatur, cum summis imperii moderatoribus sua quoque esse debeant instrumenta, & quamvis rectori divinum ingenium & omnium virtutum prompta natura forte contigerit, tamen ut imagine ea hic uti liceat, optimos gubernatores haud mediocriter etiam remigum manus juvat. Cum vero maxime difficile atq; asperum sit consilium dare imperatori aut cuiquam mortalium, cujus opes in excelsis sunt, cum de futuro haut quisquam satis callidus satisque prudens sit: hanc difficultatem quam toties principum consilarii experiuntur eo demendam suadet Mæcenas, ut, quorum stare consiliis, in animum induxerit Augustus, eos & laude & praeiis afficiat, quorum verò sententia minus utilis visa ipsi fuerit, eos tamen non exagitet, multò minus infamia aliqua noceat; cum ad animum consulentis & propositum, non ad consilii eventum respicere jubeat prudentia, dum saepe prava magis quam bona consilia prospere eveniunt, plerasque res fortuna ex lubricine sua agitante.

De Amicis & adjutoribus. Vellejus, lib. 2. c. 127. Symmachus lib. 4. c. 7.

Sal. Orat. 2. de reg. Or.

58. Idem in re bellica observandum, cum & ibi fortuna non rarò supra prudentiam dominetur, ne prospera omnia sibi vindicet, *adversa si accidant, ministri & belli ducibus imputet princeps*; Nec ab altera parte eodem cum Philippo Magno Macedonum rege esse jubet Augustum animo, *qui magis indignatus ducibus fuit ac praefectis quorum captis fortuna favit*, quam qui infelicitè & ignavè gesserunt omnia. Id enim si fiat, plerisque ignaviam, pro sapientia fore, indeque certa in remp. redundatura incommoda. Sane potiente rerum Claudio illustre documentum Corbulo peritissimus militiæ dux præbuit quantum remoræ fortibus viris sit, si invidia principis ituris in publicum decus cœptis obster. Claudius quippe formidolosum paci virum insignem & ignavo principi prægravem ratus, molientem in hostili castra, literis domum revocat. Ille re subita, quanquam multa simul offunderentur, metus ex imperatore, contemptio ex barbaris, ludibrium apud focios nihil aliud prolocutus, quam *beatos quondam duces Romanos*, quippe quos rebus bene ac prosperè gestis gloriam ac præmia non invidiam reportasse innuebat, *signum receptui dedit*. Quæ res non parum rebus Romanis & majestati imperii obfuit. Cautius ac circumspectius hic Mæcenas consilium profert, cum quæcunque vel incommoda infliguntur ducibus belli ac exercitibus vel prospere ab ipsis geruntur ad principem tandem cum gloria vel infamia redeant; De bene itaque gestis, lætari vult Augustum factique autores præmiis ornare ac honoribus, infelicitè acta propriis imputare auspiciis quorum vi ac fortuna omnia geruntur.

*Consilii pars
sexta, de vir-
tutibus Prin-
cipis necessa-
ria & deco-
ra.*

Plin paneg.

59. Cum verò plerique mortalium, & in his & in aliis perversè consulant, & eò se munitiores putent, quo illi quibus imperitant nequiores fuerint: contra id eniti, jubet Augustum Mæcenas noster, ut cum ipse optimus, atque strenuus sit, uti quam optimis etiam imperet. Proinde *tum aliis de causis, tum etiam exempli publici causa virtutem pro virili colendam Augusto: cum flexibiles quæcunque in partem ducantur à principe subditi, atque ut ita dicam, sequaces sint, & omnes propè homines unius moribus vivant*. Infidelis recti magister est metus, melius longe ac lubentius exemplis ducuntur omnes, quam legi-

legibus, illa enim inprimis hoc in se boni habent, quod approbent, quæ præcipiunt, fieri posse. Vita inprimis principis censura est, eaque perpetua, ad hanc diriguntur, ad hanc convertuntur universi, nec tam imperio ipsis opus est, quam exemplo: nec unquam id furor efficit & metus, quod laudabiliter præeuntis principis reverentia. Summa itaque diligentia hic agere vult Augustum, ne sibi ipsi quicquam vel principali fortunæ licentiosus indulgeat: Quippe victurum eum veluti in quodam orbis terrarum theatro, in quo omnes omnino in eum solum converfis oculis quæcunque viderint aut observarint majori undique fama propalaturi sint. Habet namque hoc primum magna fortuna, quod nihil te- Plin. paneg.
stum, nihil occultum esse patiatur: principum vero non modo domos sed cubicula ipsa, intimosque recessus recludat, omniaque arcana famæ noscenda explicet & proponat; Quod si enim semel deprehenderint subditi Augustum ad alia legibus alios astringere, alia ipsum agere, exemplum principis minis ac timori ex legibus promananti prævaliturum, prudentissime ut ferè omnia, asserit Mæcenas.

60. Progreditur nunc ad eas virtutes, quarum sine o- e. g. de æqui-
pe & adminiculo incassum suæ vel majestati vel severitati vel tate.
publico bono consulit imperator. Cumque duobus veluti fulcris omnia principum innitantur majestati & amor; illique severitas, huic clementia decus addat, ante omnia probe hæc temperanda miscendaque suadet Mæcenas, *Inspicere itaque aliorum vitam vult Augustum, non gravius inquirere.* Atque ut non accuratius, in omnia inquirere jubet Augustum, ita nec omnia quæ sciat exequi, sed multa, dissimulatione prætermittere, cum rite imperandi artem neutiquam calleat, qui simulandi ignorat: modò ne tale sit delictum ex cuius neglectu resp. damnum aliquod capiat aut detrimentum, de eo enim si certo principi constet *quamvis nemine deferente tale facinus merita pœna persequendum*, cum lentum in aliis esse liceat imperanti, reip. vero injurias non largiri. Equidem non tam ea de causa privatorum perscrutari vitam vult Augustum, ut quæcunque minus decenter ab his geruntur, pœnæ severitate vindicentur omnia, sed potius ut de moribus uniuscujusque cer-

certius Augusto constet & ingenio, ut non ignoret quorum fidei classes, provinciæ, exercitus, aliaque ejuscemodi committenda, ne unquam ad imparem tantarum rerum onus devolvatur. Et sanè nescio an erravero, si dixerim maximum ferè prudentiæ politicæ momentum in eo situm esse, si suorum princeps perspecta habeat ingenia, neque enim inter bonos malosque solum delectum reperire licet, sed & qui boni sunt ipsi inter se de gloria certant, nec raro contingit, ut unius quamvis prudentissimi cura se non nisi ad unum aliquod munus rectè obeundum exerat, divina sunt ista ingenia quæ omnia cogitatione sua complectuntur & expediunt & cuicunque tandem præficiantur muneri, ejus omnium consensu capaces deprehenduntur.

Bard.
Icon, 22.

61. Perspectis autem singulorum moribus, non omnes statim quavis de causa puniendos esse, ait Mæcenas: cum insito naturæ vicio multi eo rapiantur ut animi impetus metui legum prævaleat, adeò ut qui pravis libidinibus flagrantem in plerisque animum violentioribus poenis ac remediis restringere parat, nihil aliud quam universi humani generis internecionem machinari, nec nisi vastitatem aliquam tam districta in omnes omnino animadversione relicturus videatur. Effluerat namq; pridem illud seculum, quo vetustissimi mortalium nulla adhuc mala libidine sine probro sine scelere, eoque sine poena aut coercionibus agebant, ubi neq; præmiis opus erat cum hostesta suoapte ingenio præferrentur & cum nihil contra morem cuperent, nihil per metum verabantur; Exui cæperant bonæ artes & pro virtutibus vitia pleno gradu incedebāt. Quod ergo imperio obtinere Augustus non poterat, eò temperata severitate ipsi elaborandum suadet. Misceri itaq; rigori vult clementiam, justitiæ æquitatem: cū legi quamvis gravissimas minanti poenas raro tantum ponderis sit ac vigoris, ut ipsam naturā intra æqui honestiq; terminos coercere potis sit. Nec paucos reperiri ait, qui cum aliquatenus occulta esse credunt sua peccata, aut mitibus verbis castigantur, emendantur sane atque resipiscunt; quorum delicta si in publicum statim protrahantur, & ita infamia ipsi vel alia graviore poena ob & ea afficiantur; nihil aliud eo ipso assequi principem, quam ut omnibus ostendat, quibus flagitium impar sit.

Nam

Tac. An. 3.
c. 26.

Tac. An. 3.
c. 26.

Nam si quis deliquerit, quo pœnam juxta ac infamiam promeretur, dum ignoratur adhuc à plerisque delictum, id sedulo agit, ne omnium sese ludibrio ac rumoribus exponat, ideoque meliori vita corrigere nititur antea, si vero semel manifestus compertusque fuerit delictorum, neque metus ultra neque pudor est. Concludit hunc de coercendis delinquentibus locum egregio epiphonemate, *neque omnes peccantes puniendos, neque eorum, qui pravis libidinibus ardescunt, nequitia impunitate latiore campum aperiendum: hoc enim est justitia ac imperii, illud clementia & aequitas.*

62. Et ita cum præcipua ferè civitatis felicitas in eo consistat, ut boni præmiis ornentur ac honoribus, mali (qui tranquillissimus reip. status est) non timeantur, posterius quæ ratione obtineri possit fusius jam explicavit Mæcenas: & recte, quidem hoc illi præmisit, cum præstet in republ. minoris beneficii quam maleficii, haberi curam; bonus namque segnior tantummodo fit ubi negligas, at malus improbius. Nunc subjungit, quomodo illi tractandi, qui in virtutibus bonisque artibus omne suum præsidium collocant ac munimentum, & *hos quidem majori etiam quam merita ipsorum postulant exiguntque honore afficiendos statuit.* Licet enim honesta sumptu ingenio ab optimis quibusque petantur, nullo vel divitiarum vel honorum intuitu, tamen & ista non raro stimulos multis addunt, ut eo alacrius virtutis tramitem emetiantur. Nec varia hic Augustum torqueri vult sollicitudine, ne si omnium benefacta tam amplis remuneretur præmiis, deficient ipsum tandem pecuniæ, deficient alia munificentiae instrumenta, ipsi enim cujus ditione nutuque terræ simul reguntur, mariaque omnia, defuturos potius dignos tantis præmiis donisque, quanta augusta fortuna, tantique imperii vis, robur ac majestas suppeditare valet ac largiri. Ita sibi omnes arctissimo vinculo devincturum Augustum, nec fore quempiam, qui eam ipsius liberalitatem ac magnificentiam turpi ingratitude vitio dedecoret; cum nihil æquè mortalium ingenia emolliat concilietque, quam si non modo injuria nulla, sed amplissimis etiam beneficiis afficiantur.

de munificentia & humanitate, præmiorum largitrice, Sall. de bell. Jug. c. 31.

*de celsitate
& modestia
in recipiendis
honoribus.*

63. Tantis honoribus alios ornari jubet Mæcenas: Augusto vero ipsi nimios omnes, derogat, diligenterque vetat, *insolens aliquid vel superbum, vel ab alio, vel à senatu, vel re vel verbis admittere*, cum in tantum jam euectus sit fastigium, ut nihil amplius ei adjici possit, & quicquid adjiciatur, demat potius splendori principali quam addat quicquam; videanturque potius omnes inviti majora adhuc tanto principi decernere: ita futurum esse, ut ipse ea sibi tribuens, omnium se odio risuque exponat. Sane Julium Augusti patrem, teste *Suetonio*, adeo prægravarunt nimis ab eo admissi honores, ut jure etiam cæsus ob id visus fuerit, quippe qui ampliora etiam humano fastigio decerni sibi passus est; sedem auream in curia, templa, aras, simulachra, juxta Deos pulvinar, flaminem, denique nullos non honores ad libidinem cepit. Id certò constat, maturatum ipsi exitium, ob suspicionem regii nominis, quod in Parthos expeditionem metuens, affectare videbatur. Alio ergo modo nominis immortalitati inhian- dum Augusto, suadet: non enim in multis statuis, sive aureæ illæ sint sive argenteæ, utpote invidiæ obnoxiiis & parum diuturnis gloriam quærendam: Ut enim vultus hominum ita simulachra vultus imbecilla ac mortalia sunt, forma mentis est decus æternum, quod tenere & exprimere non per alienam materiam & artem sed suis quisque ipse moribus potest. Cætera omnia, statuæ, templa, delubra, ut magnis sumptibus exstruuntur, ita eadem velut ingloria, posteritas ac longinqui ævi vetustas obruit, fama verò gloriaque benefactorum dictorumque adeo non aufertur ut augeatur potius, semper major semper clarior quibus postea contingit, manet ea mansuraque semper est in animis hominum & omnium temporum æternitate. Ad hanc famam apud posteros consequendam omnia sunt principibus rerum dirigenda, nam cætera ipsis statim adsunt, unum insatiabiliter parandum, prospera sui memoriæ: nam contemptu famæ contemnuntur virtutes. Quod tantum abest ut statuis templisque ingenti sumptu erectis consequi valeat princeps, ut nisi recte omnia agendo universa terra ipsi pro delubris sit, in animis hominum statuæ ponantur, (hæ enim sunt pulcher-
rimæ

*Sueton. Cæf.
Jul. c. 76.*

*Dio lib. 44.
p. m. 247.*

*Tac. Agric.
46.*

*Tac. Anal.
46.*

*Tac. lib. 4.
An. 32.*

rimæ effigies & mansuræ) frustra hæc omnia ex saxis extru- Tac. An. 4, c. 31.
antur, quippe quæ si iudicium posterorum in odium vertit,
pro sepulchris spernuntur, ac nihil aliud reipsa sunt, quam
malitiæ quædam trophæa ac iniustitiæ monumenta, quæ
quæ diutius intemerata subsistunt, tanto pluribus seculis ac
mortalibus malorum principum flagitia publicè testantur ac
loquuntur.

64. Atque hæc & alia rerum bene gerendarum præ- de Pietate &
cepta parum ponderis ac vigoris habitura non ignorat Mæ- religione.
cenas, nisi ante omnia divini numinis cultus vigeat ac præ-
polleat: cum hic neglectus aut prolapsus traxerit semper
rempubl. secum & tracturus sit. Omnia namque Deum co- Liv. l. 5, c. 31.
lentibus prospera eveniunt, spernentibus adversa.

Et

*Dii multa neglecti dederunt
Hesperia mala lucrosa.*

Horat. lib. 3.
Od. 6.

Nam ea de hoc argumento opinio, etiam Ethnicorum ani-
mis infederat, qui licet de vera pietate verba facere non pos-
sint, illis ipsius tamen quæ generatim ex lumine naturæ pro-
munt, coarguuntur de neglecto ad veræ pietatis notitiam
profectu. Provida itaque cura eo ante omnia laborandum
autumat Mæcenas, ne religio obliteretur: & ita ab ipsa Au-
gusti persona primum orditur, dum divinum illud numen sem-
per ab eo & utique colendum præcipit: cum id ad imperantis
pariter & imperii felicitatem faciat & augmentum. Quamvis
enim bono principi hunc pietatis suæ finem minimè præstitu- Lipf. IV, Pol.
amus, ad alia namq; aspiramus & contendimus regna, tamen c. 2.
Deo plerumq; visum, externa hæc quoque præmia adjicere. Val. Max. l.
Nec dubitavere olim optimi quiq; imperantes sceptrum sua, sa- 1, c. 1.
ceris summittere, ita rerum humanarum dignos se fore rectores
existimantes, si divinæ potentiae benè atque constanter es-
sent famulati. Ad eandem debitam Diis reverentiam præ-
standam subditos quoque omnes adigi vult & compelli.
Libenter namque religiosi subditi parent, & miti fractaque Lipf. lib. IV.
cervice humanum ferunt jugum, qui semel illud divinum. Pol. c. 2.

Bbbbb 2

Imò

Xenoph.
Pæd. l. 2.

Bœcleri
Dissert. de
Pol. Lips. c.
v.
Lips. IV Pol.
c. 2. notis ad
§. 12. & 13.

Imò incorrupta erga principem fide parent, pietas namque & Dei metus quasi frænum est & coercitio in animis ab omni rebellione & insolenti motu. Nec male olim Cyrus ratiocinabatur, si omnes Dei metuentes essent, minus eos aut inter se illicitum aliquid patratturos aut in ipsum. Quæ jam subiungit Mæcenas de peregrinarum religionum autoribus per supplicia extirpandis, in iis potissimum respicere videtur ad imperantis & imperii securitatem. Illa enim si sola spectatur, à plerisque creditur facile inter eos dissidia oriri ac motus, qui ipsis animis in religione dissident. Prave tamen interim utuntur talibus regulis, qui propterea barbaro more in diversorum sacrorum participes cæde ac igne sæviendum existimarunt. Quinimo ubi iis quæ Salvator ipse Apostolis ac discipulis suis præmonstravit remediis tolli tanti vis mali non potest, Deo merito negotium committimus, qui, quicquid non ab ipso originem trahit, nullo negotio tandem feliciter disperdet ac dissipabit, & ita sequimur potius hoc argumento Doctores è Theologis & ICris maximos quosque, qui solidioribus nixam fundamentis doctrinam expromunt ac explanant, quam viri si cætera pleraque spectes maximi, *Justi Lipsii* ad hunc locum notas; qui in hoc genere ubique sibi similis, i. e. in re Theologica aut quocunque modo ad religionem pertinente lubricus, anceps, vagus & in omnes formas mutabilis deprehenditur, qui modò largiri aliquid, modò adimere rursus cupiat. Magis ex usu statuit Mæcenas neque divini numinis contemptorem neque præstigiatores ullum tolerandum: cum prona vel in atheismum, vel in superstitiones multitudo, ni retineatur, facile horum opera ad conjurationes, coitiones & conciliabula impellatur: quæ nulli reipubl. formæ conducunt.

65. Addit quædam ex superstitione gentili de *divinatione & auguribus tolerandis*, ut sint quos de eventu consulere plebs curiosa possit. Ceterum sollicitudine vana futurorum, cui divini & harioli somenta præbent, torqueri, minimè consultum est: quin potius ita oportet vitam omniaque studia nostra instituere, ut tanquam è specula quadam, non ex augurum aut aruspicum ore vana quædam captantes, prospicia-

spiciamus ingruentia quæque, & benè usi præsentibus temporibus adversus omnia quæ ingruere possunt, adversa non tam ex volubilis fortunæ favore quam ex sapientum præceptis corrigamus & à nobis propellamus. Et revera fuere olim auspices isti auguresque non nisi instrumenta quædam coercendæ plebis: quippe quorum vaticinia sæpè ex ore imperantium dependebant tota, ut, prout præsens postulabat ratio ad accendendos vel infringendos plebis animos, vel largum hostiarum cruorem, vel avium sinistrum volatum, aut etiam felicia exta, felicia auguriâ secretorum impatientibus nuntiarent. Plura de auspiciis & auguribus, utpote quorum fere nomen hodie ignoratur consulto haut adjicimus, (patent ista cuivis ex Magni illius Ciceronis de divinatione libris,) sed potius horum loco Christianis principibus sacrorum & ecclesiæ ministrorum curam imponimus ac tutelam. *Magos*, genus hominum potentibus, infidum, sperantibus fallax, *sedulo in civitate Romana vitari jubet* Tac. Hist. 1, c. 22. *Mæcenæ*, sunt enim scelerum illi instigatores, & cum libentius obscura credantur, facile ad detestandas quasque machinationes, ab ejusmodi voto ac spe quam illi injecere transitur. Utut vero maximus Mæcenæ noster eruditorum extiterit patronus, *eos tamen Philosophos maxime odit ac detestatur*, ideoque sedulò ab illis cavere sibi jubet Augustum, *qui doctrina ore tenus exerciti animum bonis artibus non induerunt. non enim esse omnes, quamvis id præ se ferant Arco & Athenodoro similes*, Tac. An. 15, c. 42. quorum candorem jam pridem expertus erat Augustus, sed multos reperiri qui quamvis auctoritatem sectæ alicujus ostendent, habitu quidem & ore ad exprimendam imaginem honesti exerciti, animo perfidioso & subdolo avaritiam ac libidinem occultantes. Quæ reclusa sæpius, dedere exemplum cavendi tales homines, quomodo fraudibus involutos ac flagitiis commaculatos, sic specie bonarum artium falsos & amicitiae fallaces.

66. Bellicis laudibus innutritum Augustum, *ut quantum in ipsius manu est, pacem omnino colat*, impellere satagit, ne quicquam præter ea quæ possidet appetat, nihil alienum concupiscat, Quæ moderatio & alieni abstinentia utinam omni-

Bbbbb ;

bus c. 2.

de magnanimitate circa bella & pacem.
Just lib. 2.

bus mortalibus foret, profectò non tantum bellorum per omnia secula terris omnibus continuaretur, neque plus hominum ferrum & arma, quam naturalis fatorum conditio raperet. Ut verò provocare bella vetat Mæcenas; ita tamen eadem haut timenda existimat, si hostis provocet, quorum alterum fortitudine, alterum moderatione efficitur. Nam ut ipse nolit pugnare ejus moderatio; fortitudo præstat, ut nec hostes velint. Sic enim optimè veram & solidam gloriam Augustum reportaturum, tranquillitatem, & tamen confessa hostium obsequia: pulchrius enim hoc est omnibus triumphis si vincendus nemo sit. Si ergo gens aliqua vel hominum natio, si quis barbarus rex eò insolentiae aut furoris processerit ut iram Augusti indignationemque & patratorem vindictam meritus sit, tam promptum ad arma esse jubet Augustum ut sive interfuso mari, seu fluminibus immensis, seu præcipiti monte defendatur hostis, omnia ista tam pro-na ac cedentia virtutibus Augusti sentiat, ut subsedisse montes, flumina exaruisse, interceptum mare, illatasque sibi non classes & exercitus Romanorum sed terras ipsas arbitretur.

Plin. Paneg.
c. 16. §. 2. &
3.

Plin. Paneg.
c. 16. §. 3.

*de gravitate
circa auscultatores.*

Tac. An. XI.
cap.

Tac. An. I.
69.

67. Dixerat ante Mæcenas inspiciendâ Augusto esse privatorum vitam & diligentius examinandam, ne erret rerum gerendarum provinciam indigno alicui demandando: dixerat modo sive sub iis quæ dixit, intelligi voluerat, Augustum bellis promptum tum hostibus terrori fore, tum res novas cupientibus, qui, si, quid audeant statim prompta virtute & manu militari plerique possint, quæ cum sine auscultatorum atque exploratorum opera fieri neutiquam possint, egregio Augustum præmunit consilio, ne temere omnibus quæ ab his referuntur fidem adhibeat, opus namque vel maxime hic esse circumspeditione & rerum omnium moderatrice prudentia, qua accurate omnia examinentur ac discutiantur. Nihil etenim publicæ mercis æquè venale esse ac horum perfidiam: cum enim ut vis morborum pretia medentibus, ita aliorum interitus ipsis commodum afferat, eos non rarè vel aliorum bonis inhiantes, vel ab aliis offensos odia in longum jacentes aucta demum promere, falsoque aliquo intentato crimine, oblata vindictæ sumendæ occasione, penitus quos visum

sum fuerit, subvertere. Accuratè itaque prius hæc omnia examinanda statuit, (cum nemo innocens esse possit si accusasse sufficiat,) priusquam nimium maturando pœnam, peccatum aliquod irreparabile committatur. Cum præstet semper securitati prius quam vindictæ consulere, & cavere potius à malis, quam quid in illos statuatur consultare. Si enim tardius horum delationibus, nec nisi re certò explorata, adhibeatur fides, nulla inde ad Imperantem redundare posse incommoda: cum facile ita omnia ordinari possint, ut novi quid molendi his facultas præcidatur. Neque enim qui deprehensus est, nocere amplius potest, prodesse potest ad clementiæ famam, quæ non tantum honestiores principes præstat, sed & tutiores, ornamentumque imperiorum est simul & certissima salus. Haut enim gladius subito vagina eductus omnia conficit, id enim si esset magnum is profecto mortalibus bonum tribueret, sed uti corpus abolere alicujus potest, ita cæterorum animos à cædis autore plerumque avertit.

Tac. An. XI.
c. 31. Sall.
Cat. c. 52.
Sen. de
Clement. lib.
1. c. 9.
Idem c. XI.
Livia apud
Dion. lib. 55.
p. 562.
Plin. Paneg.
c. 88.

68. *Libertorum ac familiarium suorum optimum quemque honore afficere* jubet Augustum: nimiam tamen nulli indulgentiam potentiam suadet; summum illis quidem honorem, sed tanquam libertis, tanquam familiaribus habendum, ut abunde illis sufficiat, si probi ac frugi à Principe existimentur, nec se magis principali fortuna quam sua metiri assuescant. Hac enim ratione optimè cavere posse Augustum, ne lascivientes atque exultantes principis ministri ac familiares dedecore aliquo afficiant ipsam Augusti majestatem. Ita namque comparatum est, ut quæcunque delinquant principum ministri ea ipsis imperantibus impurentur, talesque omnes judicent ipsos, qualium eos ministrorum opera uti deprehendunt. Neque injuria. Qui enim cum possit non vetat peccare, jubere videtur. Hinc est quod post mortem suam Augustus, soluto jam omnium ore, ob Pollionis luxum quamvis eum coërcuerit, prudentiorum judicio malè audierit. Has ob causas moderandos ministrorū ac familiarium honores ac potentiam dicitur Mæcenæ, omnemque potentioribus facultatem adimendam infirmiores calumnia aliqua aut injuria affici-

de disciplina domus servanda.

de coërcitione injuriarum.
Sen. in Pro-
ad Act. 2 v.
289.
Tac. An. lib.
1. c. 10.

Sen. de ben.
lib. 2. c. 5.
Sall. bell.
Jugurt. c. 8.
Sall. jugurt.
cap. 12.
Vellei. lib. 2.
cap. 16.
Sall. princ.
bell. Catil.
Tac. An. 1. c.
16.
Sall. Orat. 1.
de rep. Ord.
Veget. de re-
milit.

ficiendi, cum plerumq; regiae potentiae ministri quos delectat
superbiae suae longum spectaculum, minus se judicent posse, ni-
si diu multumque singulis, quid possint ostendent, fretiq; prin-
cipali gratia aliorum capitibus insultent. Talia ergo faciendo
omnem ipsis facultatem adimit ita ut nec delinquant, nec de-
linquere possint. Cum qui opulentior est, quamvis acci-
piat injuriam, tamen quia plus potest injuriam inferre aliis videat-
ur. Inferioris itaq; sortis hominibus injuriam ab aliis passis
omnimodo succurrendum esse existimat, cum principalis fasti-
gii ac majestatis sit prohibere ab omnibus injurias, nec pati cu-
jusquam res per scelus aut vim crescere. Haut tamen infirmio-
ribus in omnibus credendum cum illi potentiorum odio labo-
rantes falsa haut raro proferant & inania, astruit. Optima in
rep. horum concordia est, si suspiciat potentem humilis non
timeat, antecedit non contemnat humiliorem potens.

*de prohibendo
otio.*

69. Cum à nullis unquam majus reipubl. tranquillitati
impendeat periculum quam ab iis qui ignavè ac per otium
vitam sicut pecora transigunt, & quoties intermittit multitu-
do solita munia nihil per lasciviam nisi seditiones meditatur,
sua plebi negotia attribuit Mæcenas, quibus à malo publico
distineatur. Et ad id incitari vult omnes præmiis ac infamiae
metu, quorum intuitu cuncti mortalium vel suscipiunt
vel fugiunt pleraque. Et profecto in bene ordinata republ.
merito ad id attendunt imperantes, ne otiosi turbatores pacis
publicae alicubi delitescant: quemadmodum enim in bello
nihil unquam tam salutare atque necessarium est, quam ut
perpetuo miles exerceatur opere: ita quoque ad conservan-
dam pacis gratiam vel maximè conducit, si omnes publico
magis privatoque commodo quam otio ac luxui studeant.

*de finiendis
privatorum
controversiis
& inhiben-
da prodiga-
litate in Go-
vorum mun-
dationes.*

70. Privatorum inter se, exortas controversias quam celer-
rimè componi jubet: eae enim si longius indecisae relinquantur
in odium facile transeunt & utrinque privatorum facultates
exhauriunt. Pro imperii Augustique fortuna vota immo-
dicis sumptibus solvi vetat Mæcenas, non ignarus in vulgo
nihil modicum, sed id semper in omnem partem volubile
modo huc modo illuc agi ac impelli caeco affectuum magis
imperu quam rationis ductu & impulsu; adeo ut si ob info-
litam

litam erga Augustum benevolentiam (qualis est vulgi natura ut aut amet nimium aut quod sæpius contigit nimio odio prosequatur imperantes) ultra facultatum suarum modulum in honorem Augusti alios atque alios sumptus profundere in animum forte induxerit, severis edictis ea animi intemperantia corrigatur ac refrenetur. Et cum omnes sint unius imperii subditi, unius corporis membra unius animo regunda, omnino id quod discordiæ inter hos ansam præbere posset præcidendum autumat, ut sunt cognomina disparitatem aliquam notantia, vel majora concepta privilegia: inducunt namque hæc omnia inæqualitatem quandam & æmulationis, inter se occasionem præbent; qua semel dominante, etiam quæ felicissimè alias coaluere facile dissolvuntur & corruunt infirmata.

*Et redigen-
dis ad æqua-
litatem com-
cordiamque
populi.
Tac. lib. 1.
An. c. XII.*

71. Atque hoc & alia quæ prudentissimè pariter ac differtissimè in medium attulit Mæcenus noster pari gravitate jam concludit, suggerens tamen adhuc subinde generalia quædam præcepta ac consilia, quæ si sequeretur princeps, vel sola ipsum deducerent ad summam illam quæ in his terris mortalibus ægris relicta est felicitatem. Collocatus equidem erat Augustus in sublime illud majestatis fastigium, super omnium regum, principum, ac tetrarcharum evectus splendor: nemo reperiebatur qui non cuncta venerantium officia ad eum verteret, arbitria ejus pro legibus agnosceret: tamen hic Mæcenus noster temperanter tantam potentiam habendam suadet. Ea enim mediocriter exercita omnia quæsitæ conservat: immoderatius adhibita pessundat & benevolentiam civium veram & firmam imperantis securitatem. Invasit ea, tanquam nocitura tabes multorum principum animos opinio quasi in diminutionem potentiæ suæ tenderet, nisi subinde quid & quantum possint ostendent. Ideoque tantum abest, ut summæ potentiæ rigorem clementia quandoque temperent & humanitate, ut lætentur potius de oblata occasione publicè testandi, nihil quicquam se vereri nihil metuere, & dominos potius civium suorum esse quam Principes. Quanto rectius hic Mæcenus eum scrupulum Augusto animo eripere laborat eoque impellere ut propria voluntate vinciat, qui alienis conditionibus non teneretur, ut cum omnia possit, sola

*Consilii pars
septima siq;
conclusio:
constans par-
tem præceptis
generalibus,
parum spe-
ciæ ac mon-
strat ut ne e-
gentis opor-
ti. Moderan-
dum poten-
tia, ne ad
impotentiam
evagetur
Cæsar apud
Dio lib. 4.
Cassiod. 10.
16.*

sibi licere credat laudanda, nec plus hic potentiae tribuat quam virtutis amori. Revera enim principes tanto magis eminent & excellunt, quanto magis homines se, quam hominibus præesse meminerunt. Eo itaque cuncta ab Augusto dirigi vult, ut tutissimum illud regni præsidium, subditorum benevolentia paretur: & amor clementia potius, quam reverentia & terrore capretur.

Regnandi

Summa:

*Quod tibi non
quis fieri, al-
teri ne fecerit.*

Plin. Paneg.

gyr. cap. 4.

Tac. An. XI.

8.

Tac. hist. 1.

16.

72. Nec satis huic consilio ac proposito prospectum esse existimat, si in præsens subditi præsentis rerum statu libenter acquiescant, nec quæcunque aliter ut debebat egerit Augustus ipsi aperte exprobrant: cum plerique, affectus etiam justissimos pro usu rerum aut occultent aut expromant, & præsentis hic magis usui quam affectuum vehementiæ consulant. Aded ut multi, quamvis maximè læsi, palam eos laudent, à quibus injuria affecti sunt, dum in commodum tempus ultionem differunt, idque interim agunt, ne succensere videantur: unde & plerumque fallat ea conjectura quæ de animo alicujus ex verbis & gestibus externis hauritur. minime ergo principis actiones tam fragili fundamento superstruendas existimat, sed aliam & meliorem longe viam indigitat perscrutandi subditorum animos quomodo erga Imperatorem affecti sint: si ipse, quasi alio rerum potiente privatum animum sumat, quidque aded placeat in imperante, quid displiceat sub illo schemate consideret. Nam quod caput est ac summa omnium eorum quæ in hanc rem dici possunt, & norma ad quam dirigere omnia princeps debet. utilissimus idem ac brevissimus bonarum malarumque rerum delectus est, cogitare quid aut volueris sub alio principe aut nolueris.

*Securitas in-
de & jucun-
ditas. Vera
principis pa-
ratur.*

73. Hanc enim si actionum suarum cynosuram sequatur princeps, fieri neutiquam potest, quin suavissimam simul ac tutissimam vitam agat. Quis enim populus, quæ gens quæ hominum natio tam immanis esset atque barbara, quæ non eum in sinu oculisque circumferret, quem videt noctes diesque pro communi salute excubare, neminem injuriâ afficere, nihil præcipere cujus non ipse primus auctor existat nihil jubere, ad quod non seipsum quoque obliget: denique in omnibus vitam subditorum moribus conformem reddere. Majus profecto, si ita omnia

omnia agat princeps, sibi præsidium parat, ac securitati suæ munimentum, quam si millenis stipatorum cohortibus se succingit: ita enim neminem lædens neminem metuit, & amoris excubiis non crudelitatis claustris defenditur. Valentior longè amor ad securitatem quam timor. Discimus enim experimento fidelissimam esse custodiam principis ipsius innocentiam: Hæc arx inaccessa, hoc inexpugnabile munimentum, munimento non egere. Hæc vita maximè jucunda, hæc divinæ similis, omni periculo vacare, & velocissimi syderis instar omnia invisere, omnibus præsto esse, & ex tanto bonorum cumulo aliis quoque tantæ felicitatis partem communicare.

Plin. lib. 8.
Ep. Epist. ult.
Plin. Paneg.
49.

74. Tantū, tibi Auguste bonis perfrui licet, inquit Mæcenas, nisi ipse detrectes & asperneris fortunam tuam. Amplissima Dii immortales in te contulere beneficia, pro quibus non flagitium à te aut malum facinus, sed ut nutanti patriæ succurras, exposcunt. Idem ad securitatem tuam faciet, idem ad Imperii augmentum, & nunquam perituram in animis hominum bene à te gestarum rerum famam, sed per omnes ea gentes volitabit. Egisti, fateor hac tempestate domi militiæq; multa præclara facinora sed eadem & olim præstantes multi in republ. viri, quorum memoriam nunquam sine admiratione virtutis recolimus, patrarunt: hætenus æquali cum illis gloria frueris. Quod si vero, urbem, regna, provincias, amplissimo nomine & maximo imperio tuo, prope jam ab occasu restitueris, quis te clarior quis major his in terris fuerit? nihil ulterius restat quod tuum sufflaminare amplius propositū possit, omnia cedunt virtutibus tuis prona, sceptris tuis omnia se submitunt. Quod si solum regis nomen cujus plenam potestatem Dii tibi ac fata tribuerunt, ut invidiam pariturum formidas ac subterfugis, *Cæsari nomen præsidium nobis ac hostibus terrorem parabit.* Quod si excelsæ fortunæ tuæ minus id satis esse existimabis, dabunt hoc, scio, suæ in te benevolentiae ac amoris ut *imperatoris* titulo, Patri quoque tuo dato, te exornent, ament ac venerentur. Stultissimus hercle mortalium foret, qui solius nominis ac tituli intuitu, quæ ut inania ita nihil aut parum admodum vel addunt vel dero-

Συμπάρομα generale: suscipiendam ergo monarchiam, & quidem sub Cæsaris nomine.

gant felicitati, rem maximam negligeret, & umbras hic potius & imagines quam res ipsas captaret ac sequeretur.

75. Hic jam finem consilio suo regio ac orationi imponit, sagacissimus Mæcenas: neque enim opus erat plura addere cum nihil omisisset. Suscipit in se lubens Augustus arduum illud cuncta regendi onus, & ex Mæcenatis nostri consilio pleraque gerens inter rarissimos mortalium malis artibus quæsitum imperium benè exercuit. Nobis quæcunque solertissimè in medium protulit Mæcenas latius deducere, & scrupulosius in omnia inquirere propositum neutiquam fuit, sufficere enim existimavimus tangere ac delibare solummodo quædam, & quæ forte in eam sententiam memoriæ occurrebant paucis adjicere, memores disputationem nos proponere exercitii gratia non perfectum aliquod opus elaborandum in nos suscepisse, in posterum fortasse limatius aliquid in eandem materiam meditaturi.

II.

DE MÆCENATIS
ARTIBUS.

Quibus favorem & potentiam apud Augustum reperit.

PROgredimur nunc ad alterum commentationis nostræ, sic ut initio proposuimus, membrum, breviter dicturi, quibus artibus ac studiis tantopere se Augusto commendatum reddiderit Mæcenas noster, ut non modo arcanis eum consiliis admoveat, sed omni honore cultuque affecerit. Ac primò quidem nolumus hic cum iis facere, qui viros illustres ob virtutem singulari ornatos dignitate conspiciat, felicitatem magis stupide ammirantur, eique cuncta ascribunt, quam virtutem imitati ad summa quæque propositæ via grassantur. Nam profecto frustra quæritur de natura sua genus humanum, quod imbecilla atque ævi brevis sorte potius quam virtute regatur. Contra enim reputando invenias felicitati consequendæ magis indu-

Sall. princ.
Bell. iugurth.

industriam hominum quam fortunam deesse. Neque enim Tac. An. IV;
 fortuna tantopere egemus, quippe quæ probitatem industri- 20.
 am aliasque artes bonas quæ sunt summæ in his terris felicitatis adipiscendæ instrumenta, provehere solet ac fovere. Neque etiam fortuna & sorte nascendi principum inclinatio in hos, offensio in illos oritur: sed est aliquid in nostris consiliis est aliquid in propria repositum prudentia, qua monstrante viam inter abruptam contumaciam & deforme obsequium pergere licet iter ambitione ac periculis vacuum. Neque ita divinam providentiam excludimus, sed quantum debemus illi meritò tribuimus. Deus enim Deus est qui omnia dirigit, qui potentum potestatem & deprimit & conservat, cor principis flectit, & cui vult benevolum aut alienatum reddit.

2. Sed inspecturi penitus eas sive virtutes sive artes, *Missio generalibus apertur hic primo, de libertate consiliarii, si generalis*
 quæ Mæcenatem ad tantum honorum culmen provexerunt & intimæ principis amicitiae insinuarunt, missa facinus generalia illa & communia, quorum ope & adminiculo destitutus, nemo unquam magnus, nemo honoratus evasit. Sed ad specialia quædam ingenio aulæ ac principis accommodata aut accommodanda, nos accingimus. Ac primo quidem intuitu hic nobis sese offert illa, quam rempublicam Romanam tantopere indigere Ateius Capito judicabat, *dicens libertas*; qua insigni profecto usus est Mæcenas. Solus ille quibusvis intemperantioribus Augusti affectibus se opposuit, solus cupiditatibus restitit, solus eas coercuit: tanta constantia, ut, quod sub tyranno capitale fuisset, boni Principis æquitate fretus, nunquam omitteret usurpare. In Dio IV. p. duxerat aliquando Augustus in animum multos virorum illustrium cædi addicere, jamque tribunal ascenderat, funestam brevi pronunciaturus sententiam. Quod ex multis passim indiciis haut obscure colligens Mæcenas cum appropinquandi Augustum ipsi non daretur facultas, tabellam in sinum imperatoris conjicit, quasi alia quædam continentem, cum nihil, nisi, *surge tandem carnifex*, ei inscripseret. Res mira profecto, carnificem appellat Mæcenas imperatorem, cujus tanta potestas: nec hic offenditur, sed amorem pro li-

Ccccc 3

berio.

Senec. de be-
nef.

teriori increpatione non odium reponit. Noverat enim Augustus, nullius rei inopia æque laborare magna fastigia, nihil tam omnia possidentibus deesse, quàm cum qui verum dicat, ideoque non committendum existimat, quo minus tanto bono plenè fruatur. Noverat Mæcenas consiliatoris esse, non quæ suavissima, sed quæ optima, quæ principi ac reipubl. utilia suadere: ideoque quæ sentit liberrime promit. Rem sane (cum modo & ratione adeoque moderatione) omnibus iis imitandam, quorum consilia princeps exquirat, ita fieret profecto, ut Augusti exemplo, non raro immutaret propositum, cujus sædam faciem tantum abest, ut Placentini illi ostendant Imperanti, ut potius minio ac fūco aliam ipsi formam, inducere conentur. Vanum est, quod obtinent illi, in tutum esse talia proferre, nec nisi certissimum inde consultori imminere exitium. Non enim principes qui hodierno tempore christianum orbem moderantur tyranni, sunt ac Cambysi aut Neronibus similes: nullos profecto, quæ Dei benignitas est, tales dari existimo: sed plerosque ita comparatos, ut meliora monentes si non cum gratia, certè sine odio audiant, nec horum veram in dicendo libertatem ad extremum vindicent. Et artem aliquam hic adhibere volumus ministrum, ut non importunè non acerbè non supervacuo rigore ubique principi resistat, & ita quicquid in ipso est, autoritatis, crebris ac intempestivis contradictionibus destruat, sed cum Hephæstione apud *Curium*, ita libertatis in admonendo principe jus usurpet, ut magis à rege permisum quam vindicatum ab ipso videatur. Discant Mæcenatis nostri exemplo, quibus mos illicita mirari; posse sub magnis principibus magnos viros incorrupta libertate agere: eamque si modestia aliqua accedat eo laudis excedere, quo nulli unquam per deformè adulandi obsequium inclaruer.

Tac. An. XIV.
Curcius 3, 12.
16.

*Secundo de
modestia Viri-
ra cuiusque.
Tac. An. 3, 10.
Vellejus 2,
88.*

3. Sed merito secundo loco in Mæcenate nostro commendamus modestiam illam, & similem cessationi quietem, qua par summis negotiis, mediocritatem otio similem ostentavit: quippe ubi res vigiliam exigebat insomnis erat, simul ubi aliquid remitti ex negotio poterat, otio ac militiis pæne ultra

ultra faminam affluebat. Quamvis autem aliquando Principes ament talis ingenii viros, qui mente luxu circumflua intactum norunt vitio servare vigorem, qui pares se negotiis præstant, & impares quandoque simulant: tamen nos, relegato luxu & mollitie (cui nulla pars commendationis competere potest) alteram tantum partem retinemus, illam scilicet cultus mediocritatem & modestiam. De cetero vident ipsi, quam bene sentiant, qui simpliciter dicunt: Sapientiæ esse, & singularis consilii atque artis aulicæ, mox per inertiam vilem demissumque animum adumbrare; mox prociac rursus liberumque ingenium. Interdum voluptatem consecrari, joci ludisque incumbere: quod non arto sæcundissimi laboris instar esse, annotavit *Barclajus*. sed modestiæ ratio certa est. Principibus namque viris, cum soli eminare cupiant, ingratum est, quicquid nimium splendet: humilitatem, & quietem simulantes plus diligunt, sibi que intimius adjungunt: Quod si incautius hic agant potentiores illi principum ministri, & subinde illam industriam illum animi vigorem non coram principe modo sed reliquis omnibus ostentent, aded ut suæ aliquid hic prudentiæ ascribere videantur, facile eam principi opinionem injiciunt, credi ab aliis, nihil in republ. clarum quod non hi reperiant sed omnium rerum benè gerendarum consilia ac rationes ab his principi subministrari. Quæ suspicio, si semel in animo principis radices egerit, nihil profectò dari ferè atque exco gitari potest quod citius ad perniciem secum trahat præcipientes aulicos ministros. Idem omnibus principali constitutis loco animus, eadem sententia, mens eadem, quod sibi solis rerum omnium benè gestarum gloriam ascribi, sibi tribui velint: quam ubi intercipere existimant ministros, hos subvertunt, ostensuri omnibus, non indigere se eorum opera, sed in propria prudentia tantum collocatum habere præsidium, ut rebus omnibus abunde sufficiant, paresque sint. Callidius ergò Mæcenas noster, cum omnibus curis ac negotiis abundè sufficeret, maxime se deficere simulat, ac raro isto in omni ætate ac populo ingenii acumine, puro, aptoque omnibus quibus præfeceris negotiis, ita utitur, tanquam vix medio-

Barclajus Euph.
Satyr. seu I.
con. anim.
part. 4. c. 13.

Tag. An.
XIV. 52.

pto ac parato ad capeffendos honores aditu eos ut fupervacuos, nec quicquam commodi aut felicitatis addituros contemneredidicerint.

4. *Calliditati quoque illi & providentia fingulari qua deprovidentia.* pollebat Mæcenas, ut aliquid tribuamus æquum eft. illa enim cui contingit, eum neutiquam obfcuro efle loco finit, fed ad fuma honorum rapit magis quam ducit. Magna erat Romani imperii moles, graviffimi principis labores quæ orbem terrarum capeffebat, egebant confiliis, quæ omnia abundè fuppeditat Mæcenas. Arduum profecto ac difficile, Tac. An. XII. tanti imperii benè moderandi præcepta ex profundis cogitationibus promere: cum excellentibus ingeniis citius defit 5. ars qua civem tegant, quam qua hoftem fuperent, fed nihil hic occurrit, quod non Mæcenatis noftri providentiæ prævium fit. Liv. Teftantur eam omnibus gentibus, omnibus feculis quæcunque de tanto viro fortuna pofteris reliquit. Atque tales quibus princeps præcipua reipubl. momenta committit, quos, arcanis confiliis adjungit, fi ex prudentiæ qua pollent dictamine, velut ex abdito, qui fentiant promant, incredible dictu eft quantum fibi hac ratione favorem & autoritatem comparent & dignitatis fuæ nervos altius intendant. Sic enim ad fe trahunt ac propemodum fuos faciunt altas illas & falutis omnium curas, ut non tam principe egeant & reipubl. quam fuis confiliis ac opera reipubl. & princeps.

5. *Accessit confians erga Auguftum amor, cujus faluti nihil propofuit.* Sed ad eam omnia flexit, omnia direxit, Idque animadvertenti Augufto anfam præbuit cur eo magis fidei amicitiaque Mæcenatis fideret. Hos enim principes magnificiunt, quorum ingenuum experti funt amorem, non minus amari volentes quam amare. Ita magni viri in altum lubricumque producti ftabiles facillime manent, fi animum principi fidum addictumque perfuaserint, fi omnia videantur per amoris per benevolentia fpeciem exequi. Tac. An. XI. Id enim extirpat omnes omnino ex animo principis finiftras opiniones, id omnem delatoribus aditum præcludit, è quibus alias maximum magno viro periculum imminet: cum non unquam capitalior ipfi hoftis efle poffit, quam armata quamvis

D d d d d

falſa

Plutarch.
Alex. c. 83.

falsa in eum fama. Contigit idem Mæcenati nostro quod de Hephæstione testantur scriptores: nihil ipsi æque profuisse, nihil tam eum intimæ Alexandri amicitiae insinuasse, quam pronum illum ac flagrantem, quo imperantem persecutus est, amorem. Placent enim hi præ reliquis omnibus imperantibus, & ab iis amantur quos se amare, quibus suum decus suam felicitatem, suam majestatem curæ, cordique esse animadvertunt, & ejus gratia nullum onus, nullum laborem subterfugere ac recusare.

de comitate
morum,

6. Addimus non immeritò *urbanitatem & comitatem* illam, qua ita omnia ad ingenium Augusti flexit, ut se plane etiam illius moribus conformarit. Læto Augustus erat ingenio, ideoque nec nimiam severitatem præ se fert Mæcenas, sed omnia ad hilaritatis ac lætitiæ speciem componit. Neque enim semper opus est truci vultu, & asperioribus præceptis: verum circumspectiores aulici per hæc lepiditatis nomina felicissimè quandoque emergunt: inprimis si ad principis vitam suam larvam inflectant. Et ita quamvis nunc choreis exultantes, nunc ad mutationem ludi sudore venatico confusi, pleni delitiis, omni festivitatis pompa spectabiles, nihil nisi publicæ hilaritatis speciem ostentare, ac nihil serius spirare videantur, accuratius tamen intuenti comperiuntur laboriosissimum negotiationis genus exercere, atque in illis delitiis reperire industriæ curarumque materiem gravissimam, temperant enim hi ita ludos ac jocos severiori intentione, ut eos convertant in acerrimi laboris fructum, dum omnia ad ingenium principum componunt, qui amant & libenter suæ adjungunt recreationi socios quos rerum seriarum ministros habuere. Essent & alia, quæ his adjungi haut incommodè possent, quorum adminiculo tanta consecutus est Mæcenas noster, sed ea omnia exequi neq; instituti nostri est, neque si vel maximè esset, tam angustis ista includere liceret cancellis,

III.

Quomodo erga CONSILIUM & CONSULTOREM se gesserit

Augustus.

Descendimus ergo ad id quod restat expendendum, quo- *Augustus ob.*
modo se erga consilium à Mæcenate suppeditatum, & *sequitur con-*
ipsum consiliatorem nostrum tandem gesserit Augustus. Ac *silio;*
primò quidem, quod consilium ipsum spectat, non heic arro-
gantia aut contumacia, qui multorum principum mos esse
solet, despicit consilium alienum: sed cum eo se indigere a-
nimadverteret, tanquam à se repertum amat, non ignorans,
cauti esse ac prudentis non ista aliena credere, sed sua; quæ
aliorum melior ratio suppeditat. Cum ergo uterque & Mæ-
cenas & Agrippa liberè quæ senserant, extulissent; miratur
utriusque prudentiam & laudat, laudat orationes, quæ nihil *Diolib. LII.*
nisi summas animi dotes omni ex parte spirabant: Præfert *P. 493.*
tamen Mæcenatis consilium, quia id tutius, id accuratius, id
melius videbatur: nec præfert solum & approbat, sed ad id
omnia dirigit, omnia componit, omnia flectit; sensim ta-
men, cum parum feliciter omnia subito corrigantur, & mul-
ta tempore ipso optimè invehantur, quibus confestim ad me-
tam perducendis, principis nec autoritas sufficit, nec severi-
tas aut majestas. Alia ergo statim, alia interposito temporis
intervallo, ut quæque postulabant, omnia tamen ex Mæ-
cenatis præscripto ordinavit, constituit, immutavit; & quæ
perficere fata negabant, successoribus perficienda reliquit;
adeo ut multis retro seculis, sequentes Imperatores mutum
mortuumque consiliatorem habuerint Mæcenatem, quibus
vivo frui, non contigerat.

2. Jam si Mæcenatem ipsum spectemus, Deum im- *amat consul-*
mortalem, quo amare, qua amicitia eum prosecutus est im- *tozem & ho-*
peratoria majestas: neque enim eum in speciem quod tyran- *norat & re-*
norum est, dilexit, aut honoris causa, sed superior quamvis *muneravit.*
descendit in omnia veræ familiaritatis officia, & in amicū *Plin Paneg.*
ex imperatore submittitur: vel tunc maximè imperator, *85.*
Tac. Hist. 4.

D d d d 2

cum 7.6.

Sall. Jugurt. c. X. cum ex imperatore ageret amicum. Non enim ignorabat; nullum majus boni esse imperii instrumentum, quam bonos
 Xenoph. lib. 8. amicos, & hos præsidia regni esse, non tam exercitus atque
 Plin. Paneg. 85. thesauros, non aureum illud sceptrum custodire regna, quam amicos, eos regibus sceptrum verissimum tutissimumque esse & cum tantopere amicitii indigeat principalis fortuna præcipuum esse principis opus amicos parare. Placet ergo hæc ipsi lecta & constantissimè amicitiam cum Mæcenate privata fide tuetur, sed imperatoris opulencia, ideoque & amplis eum, sed pluribus laboribus jactatum pro ingentibus meritis affecit præmiis gratiamque immensam, magnamque pecuniā circumdedit, nec quemadmodum in barbaro Turcarum imperio fieri annales memorant, ademittit rursus quod dederat ante, quæ infida sanè & tyrannorum liberalitas est, sed quæ dederat, iis plenè frui concessit, & ita utrique mensuram impleverunt, Imperator, quantum tribuere amico posset, Mæcenas quantum amicus à principe accipere. Nec minore eum honore ornavit, quam divitiis: ortus erat equestri loco, sed proceribus civitatis ab Augusto annumeratus & multos triumphalium consulariumque dignitate anteit. Inter nobiliores multo & longè decora præferentes enitet. & majora tribuisset Augusti in eum benevolentia, si Mæcenatis animus modicis contentus plura concupivisset, vel modestia non recusasset.

vitia ejus tolerat.

Suet. in Aug. 66.

ad extremum tamen aliena natura Mæcenate Augusto.

3. Et cum magnas virtutes, magna quoque non rarè comitentur vitia, neque ullus mortalium adeo absolutis numeris omnibus perfectus extiterit, cujus virtutes nullo vitiorum confinio læderentur, tulit vitia Mæcenatis patienter & indulgenter, Augustus. Hac principis amicitia cum floreret in tanta constitutus gratia, nihil ultra, quod conceptis votis experi posset, ipsi ad felicitatem deesse videbatur, felicior ipso Imperatore, cum omnibus regni bonis ipsi absque periculo frui liceret.

4. Sed cum magni quoque viri obnoxii sint humanis casibus, & omnia orta intereant & aucta diminuantur, fatumque potentiae rarè sit sempiternum, tanta quæ in eum collata erant bona neutiquam immunem præstabant, quo mi-

nus

nus cum multis admodum qui eum antecesserunt, ac secuti sunt & adhuc sequentur, experiretur aulæ culmine lubrico stare potentes omnes & præmia regiae amicitiae maxime esse infida. Quod si enim Cornelio Tacito & aliis scriptoribus gravissimis sua non deroganda fides, constat Mæcenatem posteriori tempore speciem magis in amicitia Augusti quam vim obtinuisse, nec tantis quibus cumulatus erat bonis, additam esse perpetuitatem. Parva omnino temporis intervalla omnes homines attollunt rursusque dejiciunt, maximè vero eos, qui in aulis versantur. Quos scite admodum Polybius adsimilavit abacorum calculis, qui ut secundum calculato- ris voluntatem, modo obulum modo aureum, modo talentum valent, ita aulici ad nutum principis modo beati modo miseri redduntur. Deum immortalem quot extirè, quos multorum annorum cumulata felicitas erexit, momenti fortuna depressit, ex quibus nihil superfuit quod carnifex traheret, cum paulo ante in eos Dii hominesq; quicquid congeri poterat, contulissent felicitatis. Sed ejus generis exemplis recensendis nolumus ullatenus immorari. sunt enim passim sub oculis multorum naufragia, quos invidiosa tranquillitate proventus improvisus turbo perculit. Nullum enim tam infidum mare, quam principum blanditiæ, quos si forte propitios hodie experitis, cras iratos habebis. Subducit se à Mæcenare nostro Augustus & odit quem antea amavit, illustrique exemplo testatur, revera periculosissimam esse regum familiaritatem, quorum consuetudinem spectatissimus quisque flammarum naturæ benè comparat, quæ sicut paulum à se remota illuminant, ita propius sibi admota comburunt. En ludibria vitæ & jactationes hominum, quibus nihil unquam est certi. Loquitur omnibus qui in lubrico illo culmine & fastigio aulæ pedem fixere nobili fluxæ potentiae documento Mæcenas noster illud Poëtæ:

Plutarch in
Arat Sub fin.
Tac 3. An.
30.
Dio LV. p.
333.

Seneca de
tran. 1. de se-
jan.

Sidon.

*Summum ad gradum cum claritatis veneris,
Consistes agre, & quam descendes, decides,
Cecidi ego, cadet qui sequitur.*

XXV.

ΣΥΝΕΔΡΙΟΝ ΑΜΦΙΚΤΥΟ- ΝΙΚΟΝ.

QUOD FELIX FAUSTUM-
QUE SIT!

2, d. Inv.

ΣΤΝΕΔΡΙΟΝ ΑΜΦΙΚΤΥΟΝΙΚΟΝ, *Commune Græciæ Con-*
cilium, ut vocat *Tullius*, ab AMPHICTYONE appellatum
esse volunt. Αυτὸς γὰρ ἀδελφὸς ὄρων καὶ ἑτάδιον ὑπὸ τῶν περιεικύντων
βαρβάρων ἐξανιλωθῆναι τὸ ἑλληνικὸν γένος, εἰς τὴν ἀπ' ἐκείνου κληθεῖ-
σαν Ἀμφικτυονικὴν σύνοδον καὶ πανήγυριν συνήγαγε, teste *Dionysio Ha-*
licarnasseo, & αὐτὸς συνήγαγε τὰ ἔθνη βασιλεύων, ut est apud *Sui-*
dam.

1. 4. A, R.

Sat. 1.

2. Erat iste Amphictyon Filius ἑλληνος, Hellenis, au-
thore eodem *Dionysio*, Neposque Deucalionis, Regis illius
Thessaliæ olim celebratissimi, qui, ut ait *Juvenalis*,

———— nimbus tollentibus aquor,
Navigio montem ascendit, fortesque poposcit,
Paulatimque animâ caluerunt mollia saxa,
Et maribus nudas ostendit Pyrrha puellas.

In Phoc.

Quem iccirco nonnulli ipsum Deucalionis filium faciunt; ut
testati sunt *Pausanias*: οἱ μὲν Ἀμφικλύονα τὸν Δευκαλίωνα νομίζουσι,
& *Suidas*: ὠνομάσθησαν δὲ Ἀμφικλύονες ὑπὸ Ἀμφικλίωνος τῷ Δευκα-
λίωνος. Fuit autem Amphictyon Rex Atheniensium, & im-
perio potiebatur, An. DCCC. ante Urbem conditam, Ter-
tius à Cecrope Διουεῖ, ut vult *Orosius*; Sive secundus, qui Cra-
nao successit, primus Minervæ urbem sacrauit, & nomen Ci-
vitati Athenas dedit, ut *Justinus* testatur. Traditur etiam te-
ste *Eustathio*, πρῶτος οἶνε καὶ ὕδατι κρῆσιν ἐπινοήσας, ἧ εἰς σύμβολον,
τὰς Νύμφας συνίδρυσε τῷ Διουτύσῳ, καὶ ἐβῆ Διουτῷ βαμνὸν ἰδρύ-
σασθαι.

1. 1, 9.

2, 6, 9.

3. Qui:

3. Quibusdam etiam placuit denominari ἀπὸ τῆς περὶ-
 κης εἶναι τῶν Διελῶν τὰς συναρχάς, seu quod undecunq; ad id
 Concilium ex omni Græciâ conveniretur, ut placet Anaxi-
 meni, ait *Erasmus*. Ex Androtione etiam hæc refert *Pausa.* Ch. 3, 5.
 πίας. Ἀνδρωτίων δὲ ἐν τῇ Αἰτίδι ἐστὶ συγγραφή ὡς ταξαρχῆς ἀφίκοντο
 ἐς Διελὲς παρὰ τῶν προσιόντων συνεδρεύον. δρῦστοντες, καὶ ὀνομα-
 θῆναι μὲν Ἀμφικλύοντας τὰς συνεδρίας, ἐκνικῆσαι δὲ ἀνὰ χρόνον τὸ
 οὖν σφίσιν ὄνομα.

4. *Strabo* Geographus percelebris, ab hac fortassis o-
 pinione non alienus, Acrisio nostri Concilii auspicia ascribit. 1, 9.
 Ἀκρίσιος, αἰὲν, τῶν μνημονομένων πρῶτος διατάξαι δοκεῖ τὰ πε-
 ς τὰς Ἀμφικλύοντας, καὶ πόλεις ἀρρεῖσαι τὰς μελαχρύτας τῇ συνεδίῳ καὶ
 ἡφον ἐκείνῃ δέσσει, & quæ sequuntur. Fuit Acrisius Filius A-
 bantis & Hypermnestræ, Rex Argivorum, Filiâ Danaë, Dau-
 nis, Turnoque illustris. Nam ut habet *Virgilius*, *Æn.* 7, 376.

Turno, si prima domus repetatur origo

Inachus, Acrisiusque Patres, mediaque Mycena.

Taceo, quæ ipsi fuere propria, à quibus fortasse ἡμῖν ἀνὴρ
 non frustra audit ap. *Suidam*.

5. Quisquis ille sit, qui nomen præclaro hoc facinore
 æternitati inferere voluit, ejus certè animum Heroicum, Pru-
 dentiamq; in hoc animo incomparabilem summâ admiratio-
 ne & laude prosequimur. ἀτὰρ γὰρ ἂν τὰ ἐπιπιδεύματα τῶν ἀν-
 θρώπων ἢ τοῦτον ἀνάγκη καὶ πρόημα ἔχουσιν inquit *Demosthenes*, Quid 3, Olym.
 Servium Tullium Romanorum Regem commendare posteri-
 tati magis potuit, quam quod imortali exemplo nostri Amphi-
 ctyonis æmulus, Latinæ gentis civitates in concilium coëgit?
 ἵνα μὴ στασιάζουσαι καὶ πολέμους πρὸς ἀλλήλας ὑπὸ τῶν προσιόντων
 βαρβάρων τὴν ἐλευθερίαν ἀραιρῶσι, ut *Dionysius Halicarnassens* lo-
 quitur. C. Cæsarem Romanæ historiæ princeps *Sallustius*, uti
 libertatem imperii Romani everfam, seu prope jam ab occasu 2, D. Rep.
 restitueret, obsecrans, *Hæc re*, inquit, *patrata, profecto per omnes*
gentes fama virtutis tue volitabit; qui tum te major, qui clarior fue-
rit? Amphictyoni equidem eodem jure dixeris: Afflictissi-
 mam universæ Græciæ libertatem, lubricini & rapinis Barba-
 rorum expositam, & pene, (ita enim loquuntur Authores) ex-
 haustam, laudabili invento quasi ex orco revocasti, & quum a-
 liam

liam maximi beneficii causam non haberes, solâ tui animi prudentiâ, & ardentissimâ præclarè de genere humano merendi cupidine usus, paci ac tranquillitati tam optatæ reddidisti; TUA unius mors vitâ clarior erit. Ac profecto cur tantos Heroas, à quibus in universas nationes beneficia tanta promanant, dignis laudibus exornare nequeamus, prolixè *Isoocrates* exposuit: ὅτι τοῦτων ἔδος ἡμῖν παρέδοσαν, ὥς ἀπειταμένους πρὸς ἀλλήλους καὶ τὰς ἐχθρας τὰς ἐννεγκύας διαλυταμένους συνελθεῖν εἰς ταυλόν· μετὰ δὲ τῷτο ἐνχρὰς καὶ δυσίας κοινὰς ποιηταμένους ἀναμνησθῆναι μὲν τῆς συγγενίας τῆς πρὸς ἀλλήλους ὑπαρχούσης, θυμινεστέρως δ' εἰς τὸν λοιπὸν χρόνον διατηρῆναι πρὸς ἡμᾶς αὐτούς. Exinde quoq; præ cæteris sibi laudandum esse Serv. Tullium eò magis *Dionysius* putabat, quo præclarior videtur & rectius, ut istis *Sallustii* verbis utar, ingenii quam virium opibus gloriam querere; cum nec eos suâ laude defraudare deceat, qui viribus roboreque corporis res humanas ornant: ἐπαίνε γὰρ καὶ ζήλου ἄξια τὰ τῆς γνώμης ἔργα, οἷς πλεῖστοι τῶ ἀπολαύουσι, καὶ ἐπὶ μήκιστον χρόνον καρπῶνται τὰς ὠφελείας.

I. c.

2. D. Inv.

In Phoc.

6. Ab inclyto Magni Regis nostri nomine, commune illud Græciæ concilium, ut habet *Cicero*, sive ipsi Iudices & Assessores ejusdem, οἱ ἐκ πόλεων καὶ ἐθνῶν αἰρετοὶ δικασταί, ut à *Suidâ* vocantur, dicti sunt AMPHICTYONES. καὶ τότε γὰρ τοῖς συνελθούσιν Ἀμφικτυόνας γενέσθαι νομίζουσι inquit *Pausanias*. Ita æquum omninò erat, ut à quo ipsi tanquam è fonte largissimo, tanta beneficiorum copia, quasi in sinum defluebat, ejus nominis memoriam, perpetuâ veneratione illibaram secum ipsi gestantes, id quod pro tanto munere poterant, aternitatis templo consecrarent.

D. F. Leg.

7. De Authore Synedrii, quum, quæ satis visa sunt, prægustavimus, in rem præsentem deveniendum est, & quænam celebri Concilio civitates communicarint, exponendum. Duodecim primò convenisse *Strabo* testis est. Quas cum enumeret *Suidas* & nos huc ascribemus. Ἰωνεῖς. Δωριεῖς. Περγαῖοι. Βοιωτοί. Μάγνητες. Ἀχαῖοι. Φθιώται. Μαλιεῖς. Δόλοπες. Αἰνειαῖοι. Δελφοί. Φωκεῖς. Easdem fere gentes recenset *Æschines*: κατηγενησάμην, ait, ἐν τῷ δώδεκα τὰ μετέχοντα τῷ ἱερῷ, Θετταλεῖς, Βοιωτὲς, καὶ Θυβαῖος μόνης, Δωριεῖς, &c. Deinde quin progressu temporis, cum subinde federatorum numerus, ut solet fieri, cresceret, plures etiam coierint

coierint civitates, dubitandum non est. Ut enim viciniore
primum oraculo, dein & ii, qui longius aberant, utebantur:
Ita plures se passim Concilio quoq; adjunxisse percusso federe,
idem Author gravissimus, *Strabo* testatur: ὅσους δὲ καὶ πλείους οὐκ ἴσμεν
ἄλλων πόλεις.

8. Federibus equidem, quæ præsertim cum viciniore
panguntur, ut ad potentiam nihil est efficacius, imò plus illis,
quam bellis proficitur: Ita multâ quoque cautione, in re tanti
momenti, ut ea ferias, opus esse intelligendum est, Sive enim
societatem ineas cum potentiori, ne dominum quam socium
magis quæsisse videre; sive infirmiori accedas parti; ne cum
miseris junctus, cum iisdem pereas, utrinq; considerationis &
diligentiæ est non prætereundæ. Luculentum nobis est exem-
plum, ne abeamus longius in ipsâ Græciâ. Ibi enim, cum pulsus
Persarum copiis, sanctissimum fœdus, addito juramento, sanc-
rent tantum non omnes Græciæ civitates, Athenienses, coactis
in Palladis arcem, paulatim, contra datam fidem, communibus
sociorum pecuniis, aucti divitiis & potentiâ sibi ipsi, ut *Bodini* D. Rep. 5. et
verbis utar, non modo immunitatem, verum etiam imperium
Græciæ pepererunt, cum sociale fœdus in Patrocinium muta-
sent, ac tandem etiam dominatum arripissent.

9. Quid igitur mirum est, si & nostrum Concilium, sur-
rexit initiis non adeò magnis? His enim similibusq;, qui vi-
tandi erant, scopulis, paulatim fœderatorum constantiâ subla-
tis, cæteræ quoq; Civitates iis facile sese adjunxerunt, ut am-
plissima deniq; regio & maxima, unius domus seu urbis dili-
gentiâ contineretur, ut illud *Flori* ad nostrum sensum aliquantum-
lum inflectamus. Belli Sacri temporibus etiam Macedones, ut
in Conciliū adnumerarentur, obtinuerunt, *Pausania* teste: Μα- In Phoc.
κεδόνες τελεῖν ἐς Ἀμφικτυόνας ἔρχοντο. De Philippo quidem id multi
testantur. Ita *Diodorus Siculus*: ἔδοξεν ἔν τοις συνέδροις μεταδύναμι τῷ 1. 16.
φιλιππῶ καὶ τοῖς ἀπογόνοις αὐτοῦ τῆς Ἀμφικτυονίας. Sub quo tamen
Societatis & amicitiae titulo revera durius aliquid latitabat;
quod non ignoravit *Demosthenes*, cum queritur: οἱ μὲν ὄντες Ἀμφι- D. F. Leg.
κτύονες εἰνυσὶ καὶ ἐξαλλήλων, καὶ ἀνάστασιν αὐτῶν ἡ χώρα γίγνεται, οἱ δ' ἐπὶ
ἐμπότῃ ἐν τῷ πρότερον χρόνῳ γινόμενοι Μακεδόνες καὶ Βάρβαροι νῦν Ἀμφι-
κτύονες εἴτα βιάζονται. De quâ μεταβολῇ in progressu, ubi de fatis
Concilii acturi sumus, fusius. Triginta Amphictyonas sua ætate

Eccce

fuisse

1. a

fuisse, *Pausanias* testatur: οἱ δὲ Ἀμφικλύονες οἱ ἐπ' ἐμὲ τειρόμενοι ἀείδ-
μεν ἦσαν.

1. 9.

10. Ad causas constituendi nostri Collegii, quando ac-
cedimus, (neq; enim in Epicureo atomorum regno vivimus, ut
sine ullâ naturæ seu lege seu instinctu, fortuito concursu, teme-
rè confluisse homines opinemur) illam omnium societatum
genitricem, Naturam studio præteribimus, à quâ tamen tanquâ
causâ remotâ etiam nostri Concilii originem *Strabo* repetiit, in-
quiens: καὶ γὰρ κατὰ πόλιν συνήσαν καὶ κατὰ ἔθνη, φυσικῶς κοινωνικὸν
ὄντες. Ex quâ finis etiam Concilii generalis profluit, quem idem
Strabo complexus est his verbis: συνελάθη δὲ τὸ Ἀμφικλυονικὸν σύση-
μα, ἅμα τῆς παρ' ἀλλήλων χρείας χάριν, καὶ τῷ περὶ τῶν κοινῶν βελύκεσθαι.

In Panegy.

11. Præcipua constituendi nostri Concilii causa Metus
est Barbarorum. De capitali illo gentium Græcarum Barbararumq;
inter sese odio, multa ex *Isocrate*, Oratore facundissimo,
possent adferri, nisi, chartæ simul parcentes, satis de eo constare
omnibus arbitramur. His enim ferè verbis Barbaros descri-
bit: οἱ Βάρβαροι ἀρχικάταλα μὲν τῶν ἔθνων καὶ μεγίστας δυναστείας ἔχοντες
ἐστὶ, Σκύθαι καὶ Θρᾷκες καὶ Πέρσαι. Exinde certè suâ potentiâ ferocia-
que freti, ita bellis perpetuis Græcos infestarunt, ut eosdē sub
jugum imperiumq; mittendi, nunquam animus ipsis defuerit.
Imò nec successus. Maximam quippe Græciæ partem bello jam
olim Barbaris cefsisse, ibid. *Isocrates* testatur, ἴδομεν γὰρ τὸς Βαρ-
βάρους τὴν πλείων τῆς χώρας κατέχουσας, τὸς δὲ Ἕλληνας εἰς μικρὴν τόπον
κατακλιθεμένους, καὶ διὰ σπανιότητα τῆς γῆς ἐπιβελύουσι τὰ σφέσιν αὐτοῖς
καὶ στρατίας ἐπ' ἀλλήλους ποιούμενους καὶ τὸς μὲν δι' ἰνδιαν τῶν καθ' ἡμέραν,
τὸς δὲ διὰ τὸν πόλεμον ἀπολλυμένους. Et anne quicquam est illâ in-
veterati utriusq; ad se invicem gentis odii descriptione clarius?

ibid.

Quum de se & Græcis inquit Orator: ὅτω φύσιν πολεμικῶς πρὸς τοὺς
Βαρβάρους ἔχομεν, ὥς τε καὶ τῶν μύδων ἡδιστα συνδιαλείβομεν τοῖς Τρωικοῖς, καὶ
Περσικοῖς, δι' ὧν ἐστὶ πυνθάνεσθαι τὰς ἐκείνων συμφορὰς. Sed & de Barba-
ris: περὶ τίνας ὑμῶν ἐκ ἐξαμαρτάνουσι; ποῖον δὲ χρόνον διαλείψασιν ἐκ
ἐπιβελύουλης τοῖς Ἕλλησι; τί δ' ἐκ ἐχθρὸν αὐτοῖς ἐστὶ τῶν παρ' ἡμῖν; Mife-
ra profecto conditio, metu perpetuo tanquam carnifice torque-
ri, & mutuo odio, manu, clade, interitu non dicam exhauriri, sed
atteri penitus & cominui. Hinc revera salutare his motibus ac
morbis remedium fore ratus est Amphictyon, si arctiori sædere
Græ-

Græcia coiret, iisq; legibus Concilium firmaret, quarum vinculo amicitia mutua contineretur: ἐξ ὧν φίλοι μὲν ὄντες ἀλλήλοις διπύλιν, καὶ τὸ συζητῆς φυλάττοντες, ἔργοις μᾶλλον ἢ λόγοις λυπηροὶ δὲ τοῖς βαρβάροις καὶ φοβεροῖς ut loquitur *Dionysius Halicarnassensis*.

12. Alteram causam Oraculi Delphici celebritatem faciunt Authores. Ubi Gentiles à Justissimo Judice, hujus universi conditore O. M. impuri illius Spiritus instinctu deficientes, alios Deos adjutoresq; sectati sunt, factum est divino judicio, ut à verâ Dei cognitione devii, in tenebris obscurissimis palpitarerent, ut aded jam non amore verum Deum quærendi tenerentur, sed pro corpore, ut dicitur, larvam amplectentes, pro verâ fictam imaginem prensarent; id est, internorum ignari, insano incautoq; impetu ad ea saltem ferrentur, quæ externo χήματι religiosam quandam speciem præ se ferebant. Exinde, cum in Græciâ quoque multis modis inclaresceret ac celebraretur Apollinis Delphici oraculum, magno etiam numero ibidem ex totâ Græciâ confluebant. Fictam hanc majestatem Oraculo fecit primo origo ridicula, quum capræ id primitus invenisse vulgò traderentur, teste *Diodoro Siculo*: λέγεται τὸ παλαιὸν αἶγας εὐρεῖν τὸ μαλ' ἵον, ὃ χάειν αἰεὶ μάλιστα χρησιμεύοντα μέχρι τῶ νῦν οἱ Δελφοί. Deinde verustas, Agamemnon enim oraculum consuluisse dicitur, in quibusdam versibus *Homeri*,

l. 4. A. R.

l. 16.

Od. 6.

ἀναξ δ' ἀνδρῶν Ἀγαμέμνον,
χάρει νόον:
ὥς γὰρ οἱ χρεῖων μυθήσατο φοῖβος Ἀπόλλων
Πυθοὶ ἐν ἀγαδίῃ.

Deniq; quod hoc oraculum aliis omnibus minus fallax esse videretur, ut testatur *Strabo*; ἐπὶ γὰρ τὸ πλεῖστον τιμὴ τῷ ἱερῷ τέτρω δια τὸ χρησίμιον συνίστηναι, δόξαντι ἀψευδὲς αὐτῷ τῶν πάντων ὑπάρχειν. Id quod & *Cicero* confirmat: nunquam, ajens, illud oraculum Delphi tam celebre & tam clarum fuisse, neq; tantis donis refectum, nisi omnis ætæ oraculorum illorum veritatem effec experta. Quæ omnia multâ magnâq; veneratione digna videbantur cæcutientibus Ethnicis. Auxit etiam hanc Oraculi majestatem conficta illa de occiso ab Apolline Pythone, immensæ magnitudinis serpente fabula, in cujus rei memoriam ludi deinde Pythici, solenni ritu celebrandi instituebantur, teste *Ovidio*,

l. 9.

l. D. Div.

l. 1. f. 2.

Ecc ec 2

Insti-

*Instituit Sacros celebri certamine ludos
Pythia, perdomita serpentis nomine dictos.*

Qui frequentia hominum Delphis convenientium mirum quantum adaugebant. Atque exinde factum est, ut privatam illam, quæ tam diuturnâ Sacrorum consuetudine, radices agere coeperat, amicitiam, deinceps publico fœdere firmarent. φιλικὸν γὰρ πᾶν τοιαῦτον, ἐπὶ τῶν ὁμοεισέζων ἀρξάμενον καὶ ὁμοσπόνδων καὶ ὁμοροφίων, ut *Strabo* loquitur.

L. 9.

13. Tertiam causam Divitiarum Templi Delphici custodiâ fecit *Strabo*, his verbis : συνθέσθη δὲ τὸ Ἀμφικλυονικὸν σύστημα, τὴν ἐπιμέλειαν ἔχον κοινοτέραν χρημάτων ἀποκειμένων πολλῶν καὶ ἀναθημάτων, φυλακῆς καὶ ἀγιστίας δεομένη μεγάλη. Erat templum Delphicum tantâ opulentiâ, ut proverbio locum fecerit apud *Homertum*,
ὃ δ' ὅσα λαῖν' ἔδδ' ἀφήτορ' ἐντὸς ἱερέως
φύβει Ἀπόλλων' Πυθοῖ ἔνι Πιτρινέσση.

H. 2.

L. 16.

Equidem tempore ierosulήσεως à Phocensibus patratae, incredibilem ferè pecuniae summam repertum esse *Diodorus Siculus* refert : τῶν ἀργυρῶν ἀναθημάτων τῶν τε ὑπὸ Κρόισῳ καὶ τῶν ἄλλων ἀπάντων ἀναθημάτων, τὴν πάντας τρατηγὴς διδάσκαλὸς τέλαιντα πλείων ἑξακισχιλίων προτιθεμένων δὲ καὶ τῶν χρυσῶν ἀνθημάτων ὑπερβάλλειν τὰ μύρια τέλαιντα. Quæ si de Talento Attico intelligamus, millies millenorum milliū, trecenties quinquagesies millenorū millium florenorum summam excedunt. Jam quid istâ *Strabonis* sententiâ verius? ἐπίφθον' ὦν ὁ πλεόν' δυσφύλακός ἐστι, καὶ ἱερὸς ἦ. Et *Taciti*, *Maximum discrimen penes quos aurum & opes, præcipue bellorum causa.*

L. 9.

4. H. 74. 7.

24. 6. 7.

14. Denique, constituendi Concilii occasionibus adjungenda etiam est loci conditio & situs. Congregabatur enim Synodus Amphictyonica Delphis, urbe Phocidos nobilissimâ. Conditionem *Justinus* à loci munimento mirabili, quod Templum & Civitatem non muri sed præcipitia, nec manu facta, sed naturalia præsidia defendunt, derivat : prorsus, inquit, ut incertum sit, utrum munimentum loci, an majestas Dei plus hic admirationis habeat. Situm verò his verbis *Strabo* commendat : προτελάβετο δὲ τι καὶ ἡ θεὸς ἐν τῷ τόπῳ, τῆς γὰρ Ἑλλάδος ἐν μέσῳ πῶς ἐστὶ τῆς συμπτώσεως, τῆς δὲ ἐντὸς ἰσθμῶ, καὶ τῆς ἐκτὸς ἰσθμοῖο δὲ καὶ τῆς οἰκομένης, καὶ ἐκάλισαν τῆς γῆς ὁμαλότης. addit calculum etiam *Ovidius*,

Vlt. Met.

mediam-

mediamque tenentes

Orbis humum Delphos adeunt, oraculaque Phœbi.

Orbis umbilicum Delphos vocat, non solum *Livius*, sed & in ver-
su quodam Romanæ Princeps eloquentiæ,

l. 7.
a. D. Div.

O Sancte Apollo, qui umbilicum terratum certum obsides.

Quæ certè talia fuerunt, ut sive majestatem munitionemq; spe-
ctes loci, quâ aliquam securitatem polliceri sibi vicini poterât;
sive situs commoditatem, quâ facilius ex omnibus Græciæ par-
tibus, esset congressus, momentum constituendo concilio adde-
re potuisse denegari nequeat. Cum adstipulantem præsertim
habeamus *Strabonem*: τοιαύτης ἢ τῆς εὐκαιρίας ἔσης τῆς πρὶ τῶν Δελ-
φῶν, συνέσαν το βῆδ' αὖς ἐκείσε, μάλα δ' οἱ ἐγγύθεν.

l. 4.

15. De Loco Concilii dum agimus, non omittenda sunt,
quæ ad ipsam historiam pertinent. Vocabantur enim Delphi

quoq; Pylæ & Thermopylæ; Θερμοπύλαι μὲν ὑπὲρ τῶν πλείονων Ελ-
λήνων, ὑπὲρ ἢ τῶν ἐπιχωρίων, ἢ περιείκων Πύλαις ut *Suidas* scribit. Ori-
ginem nominis Pylæ deducunt quidam à Pylade: ὅτι Πυλάδης

πρῶτος ἐκείθεν ἐπὶ τῷ Κλυταμνέστρῳ φόνος, δι' αὐτοῦ γὰρ ὄνομα χεῖν τὴν Πυ-
λαίαν. Quidam à formâ Loci ipsius: διὰ τὸ στενὴν εἶναι ταύτην εἰσο-
δον τὰς Θηλασίας εἰς τὴν φωνίδα ποταμὸν μένοις.

Thermopylarum verò
nomen inde huic loco inditum docet *Herodotus*: ἐστὶ γὰρ ἐν ἐσόδῳ

In Polym.

ταύτῃ θερμὰ λυγρὰ, τὰ χύτραις καλῶσι οἱ ἐπιχώριοι. Hinc dictus est non
tantum locus, in quo judicabant Amphictyones: Πυλαία γὰρ πρὶ

Ἀμφικλύσιν ἐστὶν ὁ τόπος, ἐν ᾧ ἐκάθεζοντο οἱ ἐκείσε πικτόμενοι, teste
Suida; sed & ipsum Concilium: τὴν σύνοδον Πυλαίαν ἐκάλεον, ἐπεὶ δὴ

ἐν Πύλαις συνέγοντο, ὥς ἔ' Θερμοπύλας καλεῖσιν, ut *Strabo* testatur. Un-
de Alexander M. ex Thessaliâ Thermopylas petiisse dicitur,

Curt. Supp.
l. 11.

Publicum Græciæ Concilium, Pylaicum appellant. Quin & ipsi
σύνεδροι, sive Concilii Assessores à loco Pylagoræ dicebantur, ni-
mirum, τὸ τῆ εἰς τὴν Πυλαίαν ἀγείροθ', ut *Suida* quoque exposuit.

l. 16.

Adde tamen, quod extra ordinem alibi quandoque convenie-
bant. Ita *Diodorus* Philippum Macedonem Corinthum convo-

casse Amphictyonas scribit: Ἐν Κορίνθῳ γὰρ τῷ κοινῷ συνεδρίῳ συνα-
χθέντι δ' ἐμλέχθη περὶ τοῦ πρὸς Πέρσας πολέμου. Quem secutus *Alexan-*

der M. exemplo Patris Corinthum evocatis civitatibus, Dux
in locum ejus substituitur, ut ait *Justinus*.

ll. 2, 5.

16. His ita præmissis, ad formam Concilii progrediendum

E c c e e 3

est.

est. In cujus explicatione dum initium facimus, imperare nobis non possumus, quin de insigni temporum injuriâ, circa hanc præsertim Concilii partem, quæ tamen potissimum in eo momentum obtinet, queramur & indoleamus; id quod & *Strabo* fecit jam olim: τὰ πάλαι μὲν ἐν ἀγνοίᾳ. Certè cum illustrius in totâ antiquitate Judicii, Federisque exemplum non habeamus, ejus notitiam, quæ tamen plenè nobis non contingit, ex obscuris ruderibus hinc inde quærendam potius, quam inveniendam esse, nemo non deplorabit. Nos iis, quæ huc pertinere videbuntur, collectis, ad explicandam Concilii formam, pro virili annitemur.

17. Fœderum naturam omnium accuratissimè investigavit **L. B. 2. 15.** *Hugo Grotius*, ejus ductum hic sequemur. Ad æqualia itaque, ἴσους καὶ κοινῶς ἐν ἀμφοτέροις ἔχοντα, ut *Isocrates* in Panegyrico loquitur, quæ non tantum ad belli communionem & comœrcia, sed & ad res alias pertinent, fœdus etiam Amphictyonicum referendum esse, *Æschines* nos docet. quum ait: κατπειθμισσάμεν ἔθνη δώδεκα τὰ μετέχοντα τῷ ἱερῷ, καὶ τότε τῶν ἰδεῖσθαι ἕκαστον ἔθνος ἰσόψηρον γενόμενον τὸ μέγιστον τῶν ἐλάττω, τὸν ἥκοντα ἐκ Δωρίος καὶ Κυλινίης ἴσον δυνάμενον Λακεδαιμονίοις, (δύο γὰρ ψήφους ἕκαστον εἰρεῖ ἔθνη) πάλιν ἐκ τῶν Ἰωνῶν τὸν Ερτεία καὶ Πεινήα τοῖς Ἀθηναίοις καὶ τοῖς ἄλλοις κατὰ ταυτά. Æqualia, quæ à singulis gentibus ferebantur, suffragia, æquale etiam fœdus constituisse, intelligendum est. Confer quoq; *Strabonem*: ἀκείσθησαν τῶν μνημονευομένων πρῶτος διαλλάξαι δοκεῖ τὰ περὶ τὰς Ἀμφικλυμένας καὶ πόλεις ἀφορεῖσαι, καὶ ψήφον ἕκαστη δύναι, τῇ μὲν κατ' αὐτὴν, ἢ καὶ μετ' ἐτέρας, ἢ μὲν πλείονων, ὑποδείξαι καὶ τὰς Ἀμφικλυονικὰς δίκας, δεῖναι πόλεις πρὸς πόλεις εἶσιν. Optandum multis votis esset, superesse integram nostri fœderis formulam seu descriptionem, qualem de federe Atheniensium cum Argivis, Mantineis & Eleis descripsit **L. B. P.** *Thucydides*. Quâ cum temporum fato destituimur, reliqua sive ex legibus, sive aliunde cognoscenda sunt. Fœdus Amphictyonicum non in certos aliquos annos, ut & alias fieri solet, sed in perpetuum, istum esse, nullum omnino est dubium.

18. Sed & ad Leges Amphictyonicas veniendum nunc esset; Ex iis enim cætera & attingi facile & expediri comode possunt; nisi quæ ad externam etiam Concilii formam spectant, expendi prius è re fore duceremus. Naturalis ordo, inquit *Gro-*

tius,

tius, inter socios hic est, prout quisq; in societatem venit. Theodorus & Valens in constitutione de ordine inter Consules servando: *Quis enim in uno eodemq; genere dignitatis prior esse debuerat, nisi qui prior meruit dignitatem?* Atque eundem ordinem in Amphictyonum quoq; societate obtinuisse, non dubitandum est. Cui enim primum jure, cui secundum, ultimumque assignabis locum, ubi superior nullus, nullus inferior agnoscitur? Quod deinde habitum inter ipsos Assessores discrimen, qui confidentium ordo servatus est, prudentiæ non juris esse intelligitur. Quippe habebant Græci in eodem consilio suos *ἡγεμόνας* seu *σεβήτας*, Principes federis, ex Amphictyonibus lectos, ad quos, ut & hodie consuevit, si extra conventus in rebus cōmunibus definiendum aliquid esset, consilio id communi deferebatur. Quæ tamen dignitas aut eminentia neq; federis æqualitatem, neque federatorum libertatem tollebat: quali fere ratione imperasse Græcis Agamemnonem legimus apud *Isocratē*, ubi Reges ipsi Græciæ paruisse dicuntur: *τὸς βασιλεῖς ἕς ποιῦντας ἐν ταῖς αὐτῶν ἀβέλοιαι καὶ τοῖς ἄλλοις προστάτορας. τότε ἔπεισεν ὁ αὐτῶν γενεὸς καὶ συνακολουθεῖν.* Unde *Rex Regum* in quadam ad Dolabellam Epistolâ, & *Princeps Heroum* alibi dicitur à Cicerone. Hunc tamen de Græcarum civitatum libertate adeo nihil detractum ivisse, ut potius quibusvis incommodis ac turbis, aliisq; malis easdem liberarit, sumâ cum ejus laude, ab eodem *Isocrate* scribitur. *ταύτην γὰρ λαῶν τὴν δύναμιν, ἐκ ἑστῆς ἢν τινα τῶν ἑλληνίδων πόλειον ἐλύπησεν, ἀλλ' ὅτως ἢν πέρῃα τότε ὡς καὶ τινες ἐν πολέμῳ καὶ ταραχαῖς καὶ πολλοῖς κακοῖς ὄντας τότε αὐτὸς ἀπῆλλαξεν,* & quæ plura in insigni illâ digressionē de Agamemnone perorat. Erant & in eodem Consilio sententiarum Rogatores, qualis fuisse dicitur Cottyphus Philippi temporibus: *τὰς γὰρ γνώμας ἐπιτηροῦντες ἐκκλησίαν ἐπὶ τοῖς Ἀμφικλυόνων,* teste *Æschine*. Erant Imperatores Bellici, qualis idem Cottyphus: *ἡγάγε γὰρ τὴν στρατίαν τῶν Ἀμφικλυόνων,* ut ait *Demosthenes*. Erant denique, qui sacris Deorum cultibus admoti Sacerdotes dicebantur, qualis fuit Clinagoras, eadem Philippi ætate, in publico Amphictyonum decreto, apud *Demosthenem*: *ἐπὶ ἱερὶ Κλεναγόρῃ ἱερωῆς Πυλαίας ἰδοῦσι τοῖς Πυλαγόροις &c.*

I. B. 2. 5. 21.

In Panath.

1. 9. fam.
2. D. N. D.

Cont. Ctes.
Pro Ctes.

19. Leges istius federis Amphictyonicas generali descriptione sic proposuit *Dionysius Halicarnassensis*: νόμος καὶ ἀσπασάμεν

1. 4. A. R.

ὁ Ἀμ.

ἡ Ἀμφικλυόν ἔξω τῶν ἰδίων, ἔς ἐκάστη πόλιν ἔχοντες κοινὰς ἀποσιν, ἢ καλῶ-
 σιν Ἀμφικλυονικὰς, ἔξ ὧν εἶλαι μὲν ὄντες ἀλλήλοις διέβλιν, καὶ τὸ συγγενὲς
 φυλάττωσι ἔργοις μᾶλλον ἢ λόγοις λυπηροὶ καὶ τοῖς Βαρβάροις καὶ φοβεροῖς.
 Quibus verbis omnino summa legum Cōcilii fundamenta-
 lium continetur. Accuratè enim primò ostendit, arctissimo licet
 federe tota inter se Græcia colligata, atq; aded una eadem resp.
 videri potuerit, singulas tamen civitates statum perfectæ civi-
 tatis retinere non desuisse, sed ut *Bodinus* loquitur, totidem pe-
 nē resp. habuisse quot urbes, quæ Amphictyonum decretis non
 aliter obligari potuere, quam ex pacto convento, perinde ut in
 arbitros compromitti solet. Sed & deinde finem legum Amphi-
 ctyonicarum per τὸ διατελεῖν φίλους ἀλλήλοις φυλάττειν τὸ συγγενὲς καὶ
 λυπηρὲς εἶναι τοῖς Βαρβάροις, elegantissimè demonstrat. Ex quibus
 porro profluit arctissima illa Civitatum Græcarum inter sese
 unio. Cujus certè intuitu *Demosthenes* in illo, qui est in Curtii
 supplementis, sermone, Græciam omnem unius Civitatis no-
 mine maximæ sociæ atq; federatæ, compellare non dubitavit.
 Quo strictiori federis vinculo omnes sui temporis Conventus
 superasse, indubium est. Ea animorum conjunctio & Concor-
 dia, quantum Græciæ incrementi dederit, multis disquirere
 nihil attinet. Pertinent huc eæ leges, quibus, ne quicquam
 cum Barbaris commercii incederet, cautum erat. Dicitur est
 Alexandri : ἀδικεῖν μεγάλη τὸς σεβλυομένους ἐναντία τῇ Ἑλλάδι τοῖς
 Βαρβάροις παρὰ τὰ δέοντα τὰ τῶν Ἑλλήνων. Federis enim conditio
 fuit : πάντας τὸν αὐτὸν ἔχοντες καὶ φίλον νομίζοντες ; quo facto olim A-
 theniensibus Spartani pacis federisque formulam præscribe-

1. 2. *M. G. bant, apud Xenophontem.*

20. Specialius in ipsas AMPHICTYONICÆ Leges *Æ-
 schines* inquisivit. in cōmemoratione illæ Expeditionis in Pylas,
D. F. Leg. cum Pylagoras esset, his verbis : ἅμα καὶ ἐξ ἀρχῆς διέβλιν τὴν κλισίαν
 τῆ ἱερῆ καὶ τὴν πρώτην σύνοδον γενομένην τῶν Ἀμφικλυόντων, καὶ τὸς ὄρκους αὐτῶν
 ἀνέγνων ἐν οἷς ἐνορκον ἦν τοῖς ἀρχαίοις, μηδὲμίαν πόλιν τῶν Ἀμφικλυόντων
 ἀνάσσειν ποιῆσαι, μηδ' ἐδάδιον βασιλείαν εἰρῆναι, μήτ' ἐν πολέμῳ μήτ'
 ἐν εἰρήνῃ : ἐὰν δέ τις ἢ συλαῖ τὰ τῆ Θιῆ, ἢ συνιδῇ ἢ ἢ βελούσῃ τὴν κατὰ τῶν ἐν
 τῷ ἱερῷ ἱμερήσῃ καὶ ποδὶ καὶ χειρὶ καὶ σὺν καὶ πάσῃ δυνάμει. Atque ma-
 ximam mereri laudem priorem legis partem, quâ, ne qua urbs
 Græciæ bellis exscinderetur, cautum erat, egregiis rationibus
 mon-

monstravit *Grotius*. Quod scilicet ista moderatio in servandis *I. Belli*,
 rebus primò magnum hosti telum eripiat, desperationem : de- *3. 12. 8.*
 inde speciem præferat manente bello, magnæ de victoriâ fidu-
 ciæ, & quod clementia apta per se sit, frangendis & cõciliandis
 animis. Ad hanc autem legem spectavit *Agésilæus Rex*, qui cum
 exules Corinthii dicerent, urbem deditionem facturam, osten-
 sis, quibus mœnia se capturos sperabant, machinis, copias ad-
 moveri noluit, præfatus : ὅτι ἔκ ἀνδραποδίζεσθαι δέοι Ἑλληνίδας
 πόλεις, ἀλλὰ σωφρονίζειν, sicuti *Xenophon* testatur. Et *Lacedæmonii* *Or. de Agel.*
 apud eundem : ὃ γὰρ ἔρασαν πόλιν Ἑλληνίδα ἀνδραποδεῖν μίγα ἀγα- *2. H. G.*
 θὺν εἰργασμένην ἐν τοῖς μεγίστοις κινδύνοις τῇ Ἑλλάδι. Altera legis pars,
 ut ad religionem & Sacra *Apollinis* spectat, ita multâ autho-
 ritatem & venerationem ipsis legibus conciliasse, credulis et-
 iam gentibus visa fuit. Ita *Valer. Maximus* : Non dubitarent Sacris
 impetia servire, ita se humanarum rerum futura regimen existimantia,
 si divina potentia bene atque constanter essent famulata. Rationem
 addit *Xenophon* : ὅπερ γὰρ ἀνδρες θεὸς σέβοντο, πῶς ἔκ εἰκὸς ἐν ταῦτα πᾶν-
 τα μετὰ ἐλπίδων ἀγαθῶν εἶναι.

21. At verò non minus perpetuandi federis vinculum ip-
 sum jusjurandum quo fidem suam *Amphictyonia* participes
 obstrinxere, additaq; iurijurando execratio constituebant. De
 modo formulâq; juramenti & atrocis illius execrationis non
 sumus admodum solliciti, cum temporis etiam injuriâ interierit : *L. 5. B. P.*
 Extat apud *Thucydidem* juramenti formula, quâ usi fuisse pa-
 trio more Græci dicuntur : ΕΜΜΕΝΩ ΤΑΙΣ ΣΥΝΘΗΚΑΙΣ ΚΑΙ
 ΣΠΙΟΝΔΑΙΣ ΤΑΙΣ ΔΕ ΔΙΚΑΙΩΣ ΚΑΙ ΑΔΟΛΩΣ. Hostias quoq; cæ-
 di consuevisse refertur paulo post : ἐμνύλων δὲ τὸν ἐπιχώριον ὄρνικον ἱ-
 κασοῖτον μέγιστον κατὰ τῶν ἱερῶν τελείων. Sed & iurijurandi formula
 paululum mutata ibi legitur : ἐμμενῶ τῇ συμπαχίᾳ κατὰ τὰ συκεί-
 μενα δίκαιως, καὶ ἀβλαβῶς καὶ ἀδόλως, καὶ ὑπαρξήσομαι τέχνη ἐδὲ μη-
 χανὴ ὑδμεῖς. Execratio prior, cum simile temporis fatum passa sit, *Contr. Ctes.*
 notari potest altera, sanè memorabilis, quam post devastationē
Cirrhæam dixere *Amphictyones*, apud *Æschinē* : γίγρεσθαι γὰρ
 ὅπως ἐν τῇ ἀρχῇ ἦτις τὰ δὲ παραβαίνοι, ἢ πόλις, ἢ ιδιωτὴς ἢ ἔθνος, ἐναγῆς
 ἔστω τῷ Ἀπόλλωνι καὶ τῷ Ἀρήμει δὲ καὶ Ἀθῆναις καὶ Ἀθηνᾶς Προΐας, καὶ ἐπεύ-
 χηται αὐτοῖς, μὴ δὲ γῆν καρπὸς φέρειν, μὴ τε γυναικας τέκνα τίκτειν γοναῦσιν
 ἐοικότα, ἀλλὰ τίεστα, μὴ δὲ βοσκήματα κατὰ φύσιν γονὰς ποιῆσθαι, ἥ τιαν
 δὲ αὐτοῖς εἶναι πολέμους καὶ δίκων καὶ ἀγορῶν, καὶ ἐξώλους εἶναι καὶ αὐτὸς καὶ οἰκίαις

καὶ γένετο τὸ ἱκέειν, καὶ μήποτε οἷός τις δύσωνται τῷ Ἀπόλλωνι μὴδὲ τῷ Ἀρτέμιδι, μὴδὲ τῇ Ἀθηνᾷ. μὴδὲ Ἀθηνᾷ Προνοίᾳ, μὴδὲ δέξαντο αὐτοῖς τὰ ἱερά. Atq; hinc fortasse jusjurandum fortissimū esse dicitur federum firmandorū vinculum, quod ex ipsā religione fluit & huic innititur. Est enim, ut ait *Autor Rhetorices ad Alexandrum*, ὅρα μὲν δέως παρὰ τὴν φύσιν ἀναπόδυνάτω. Jam cum non tantū omnib. innatum sit & in animo quasi insculptum, esse Deos, ut loquitur L. Balbus apud Ciceronem, sed etiam eadem naturæ lex omnium mentibus inscripserit, eundem Deum omnia videre & animadvertere, quod ita expressit *Hesiodus*:

Op. 1.

πάντα ἰδὼν Διὸς ὀφθαλμοῖς καὶ πάντα νοήσας.

2. d. Rep. O.

& *Sallustius*: Mihi pro vero constat, mortalium vitam divino numine invisi, neque bonum, neque malum facinus cujusquam pro nibilo haberi, sed ex naturā diversā pramiam bonos malosq; sequi: pejerare profecto quisvis non extremē perversus formidabit.

Ut bina diligenter evitet mala,

Culpari amicis & Deos offendere.

In Hipp.

2. l. C.

Ut *Sophocles* loquitur. Id quod elegantissimē ad nostrum propositum nobis explicant duo isti Belli duces apud *Xenophontem*. Clearchus & Tissaphernes. Quilicet isto utrinq; federe, jurejurando sese obstrinxerint, suspecti tamen sibi invicem adhuc erant, quam suspicionem volitantes hinc illinc tumusculi augebant. Donec ille oblatā colloquendi commoditate, ut animum utriusq; hoc metu liberaret, hac potissimum ratione sedus stabilire nisus est, quod juramenti Sacramento initum esset. Quis, inquit, bellum à Diis illatum, ullā celeritate effugere possit, quibus se latebris tegere, vel propugnaculis includere? πάντες γάρ, πάντα τοῖς θεοῖς ὑποχρᾶ καὶ πανταχῇ πάντων ἰσὺν οἱ θεοὶ κρατοῦσι. Atq; similiter quoq; Tissaphernes respondet: Quī, inquit, cum tot rationes nobis modiq; suppetant, ad bellum adversus vos gerendum, illum de omnibus eligeremus: ὅς μόνον μὲν πρὸς θεῶν ὑποχρᾶς, μόνον δὲ πρὸς ἀνθρώπων αἰσχροῖς, καὶ τῶν πονηρῶν διτιμῆς ἰδίᾳ λυσι δὲ ἐπιτοκίας τε πρὸς θεῶν καὶ ἀπιστίας. πρὸς ἀνθρώπων περὶ τῆς τιμῆς. Quæ certē ratio est, cur tanta vis semper apud omnes populos nationesq; juramenti fuerit, maximasq; perjūris imminere pœnas. ab omni ævo creditum sit & existimatum: δίκαιον γὰρ ὑπάλλυθαι τοῖς ἐπιτοκῶντας, inquit ibidem *Xenophon*.

22. Ex iis, quæ hætenus de Antiquissimo ac incomparabili Græcorum Amphictyonum federe & Conventu brevi enarratione dicta sunt, de illustri illius celebritate, famâ, splendore, dignitate, amplissimâ & maximâ: quilibet facillimè judicare potest. Cur profectò universa Græcia & viribus & dignitate Orbis terrarum princeps, regum gentiumque semper victrix, ut inquit *Jussinus*, famâ, gloriâ, doctrinâ, plurimis artibus, etiam imperio & bellicâ laude, floruerit, Tullio teste; ^{2. 4. 7.} Pro Fl. Cur terrarum regina, Scientiarum mater, Fons eruditionis, Omnium seculorum magistra, Communis virtutum officina, securitatis palladium audierit, cui acceptum ferri debet, nisi cujus præsidio tantorum nominum domina esse poterat? Ita enim *Isocrates*: συνθήκαις γὰρ πιστεύοντες, ὡς ἀλλήλους ἀφικνέμεθα καὶ πορίζομεθα, ὅν τινας οὐκ ἐκαστοὶ τυγχάνομεν δέοντες, κατὰ τούτων καὶ τὰ συμβέλλουσα τὰ πρὸς ἡμᾶς αὐτοὺς ποιέμεθα, καὶ τὰς ἰδίας ὄφρας καὶ τὰς κοινὰς πολέμους διαλυόμεθα; τίτῃ νόμῳ κοινῷ πάντες ἄνθρωποι διατελέμεν χρήμενοι.

23. Illud interim nimio plus quam oporteret verum est, federa, quacunq; sollemnitate & religione juramenti munita, sæpe parum firma esse, quasi verò ad existimationem quandam & famam & ceremoniam magis, quam ad fidem & securitatem & effectum istæ res adhiberentur. Quâ *Francisci Baconi de Verulamio* ^{Sap. Vett. c. 5.} sententiâ, ad tristia quoq; nostri federis & Synodi fata, quibus, quæ conditio & mixtura est rerum humanarum, subinde agitabatur accedendū esse putavimus. Eo enim usq; progressa est extrema hominum impietas & demenita, ut depresso ac conculcato sanæ mentis judicio, vel divinam aliquam esse mentem planè negaret, vel licet principem aliquem Deum, ut Cicero loquitur, qui omnem hunc mundum regat, sentiat, Divinam tamen majestatem contemnere, quinimò ausu nefario, bellis fatigare, & tantum non egregio, si Diis placet, facinore, laudem gloriamque quærere, non vereatur. Atq; hinc mirum fortasse cuiuspiam non videbitur, quod rumpendo tam sacra ac jurejurando firmata federa, ut ista Horatii verba paululum mutem, ^{1. O. 2.}

Audax omnia perpeti

Gens & Græca tuit per vetitum nefas.

FFF FF 2

24. Pri.

24. Primòs fedifragos & jurisjurandi transgressores; Contr. Ctes. Cirrhæos & Acragallidas, γένη παρρηγομάτα, fuisse *Æschines* scri-
bit: εἰς τὸ γὰρ ἱερὸν τὸ ἐν Δελφοῖς καὶ τὰ ἀναθήματα ἡτέβην, ἐξημέλειαν δὲ καὶ εἰς τὸς Ἀμφικλύοντας. Quà in re deliquerint, *Strabo* recenſet: ἐν-
Ιουρίσας γὰρ οἱ Κεῖσσοῦσι διὰ τὰ ἐκ τῆς Σικελίας καὶ τῆς Ἰταλίας τέλη πι-
κρῶς ἐτελέον τὸς ἐπὶ τὸ ἱερὸν ἀφικνυμένους καὶ παρὰ τὰ προσάγματάων Ἀμφι-
κλόνων. Iniquissimi facinoris temeritatem auxit ipsa peccandi
a. 55. ratio, fœdissima pecuniæ libido: Heu dicas cum *Virgilio*,

————— *Quid non mortalia pectora cogit*

AURI SACRA FAMES!

Immensam eâ tempestate auri ac anathematum summam in tem-
plo Delphico repositâ fuisse, ex versiculo discas, quē etiam supra
ex *Homero* recitavimus. Atq; tantas opes à Cirrhæis tum fuisse
exportatas, ut ne vestigiū illarum relictum apud posteros fuerit,
Strabo testatur: πρόσθεν δ' ἄλλην σύλησιν ἐπινοοῦσιν ἀρχαίαν, ἢ τὸν ὕψ' Ὀμήρου λεγόμενον πλῆτον ἐξέφορτην, ἐδὲ γὰρ ἔχοντες αὐτῆς σωθῆναι πρὸς τὸς ὕστερον χρόνους, ἐν οἷς οἱ περὶ Ονόμαρχον καὶ φαῦλον ἐσύλησαν τὸ ἱερὸν.

25. Sed quid horrendæ Sacrilegorum lasciviae præmiſſi,
Contr. Call. quid iudicii? *Isocrates* ad Athenienses: ἐδὲ πάντοτε τὰς συνθήκας ἐθ' ἡμῖν πρὸς ἑτέρας ἢ τ' ἄλλοις πρὸς ἡμᾶς ἐλυσιλέητε παρεβῆναι. Ergò pri-
mum conveniunt illustres iudicii asseſſores. Binâ n. quolibet
anno vice conventus, ut *Strabo* refert, celebrabatur: ἐκάστη γὰρ πό-
λις ἑπταπτε σφλαγόμενα, δις κατ' ἑτὴν ὕστερ τῆς συνόδου, ἑαυτὸς τε καὶ μεταπά-
ρξαι τὴν μὲν ἱερὴν τὴν δὲ μισοπωρεὴν ἐκάλει. Sed & deinde cōmunia
conferunt consilia. Non enim tam fero in delinquentium pœ-
nas & supplicia impetu eos ruisse, cum id neq; legibus, secun-
dum quas judicare tenebantur, conforme, nec è re fuisset salu-
tis publicæ, putandum est. Tertio ἀγανακτῶσι, indignantur; ita
loquitur *Æschines*. Quod pietatis partim erga Deos, partim stu-
dii est ac amoris in republ. Ubi enim ipsissimos Deos consili-
orum antistites, haberent infensos, quo pacto statui præſenti
consultum ire vellent? Accedit quartò ipsa iurisdicctio seu lata
ad quæſtionem facti sententia. Quæ talis erat. Quia fedifragi
Cirrhæi & Acragallidæ jus gentium & naturæ transgressi sunt,
& in ipsum Deum Apollinē Pythium gravissimè peccarunt, bel-
lis ipsum nefariis laceſſendo & Sacris anathematis spoliando,
visum est Amphictyonibus, iudicium ipsi Apollini, in quem po-
tissi-

tissimum est delictum, relinquere, ipsiusq; exequi sententiam. Sequitur denique statuti juris extremum, sive sententiæ ipsius executio. In quâ diversæ denuo actiones occurrunt. Quarum prima est Oraculi rogatio: ἀγανακτίσαντες γὰρ ἐπὶ τοῖς γενομένοις οἱ Ἀμφικτιόνες μαντείαν ἐμαντέσαντο παρὰ τῷ θεῷ Ἰνιγρῇ ἱεροῦ ἱεροῦ ἀνδράποδες τῆς μελῆς. Altera Oraculi responsio: καὶ αὐτοῖς ἀναιρῶν ἡ Πυθία, πολέμῃν Κιρραίοις καὶ Ἀκραγαλλίδαις πάνθ' ἡμάλα καὶ πάσας νύκτας καὶ τὴν χώραν αὐτῶν ἐκπορθήσαντας καὶ αὐτοὺς ἀνδραποδισμένους, ἀναβῆναι τῷ Ἀπόλλωνι τῷ πυθῖν καὶ τῇ Ἀρτέμιδι καὶ Ἀηοῖ καὶ Ἀθηνᾷ Προνοίᾳ ἐπὶ πάσῃ ἀεργίᾳ, καὶ ταῦτις τὴν χώραν μὴτ' αὐτὴς ἐργάζεσθαι, μὴτ' ἄλλον ἔχειν. Tertia dati Oraculi per Solonem Philosophum ac legumlatorem egregium interpretatio. Suasit enim ille: ἐπιστρέψουσιν ἐπὶ τὴν ἐαυτοῦ κατὰ τὴν μαντείαν τῷ θεῷ. Quarta est extrema explicatae per Solonem sententiæ executio, supplicium scilicet Sacrilegorum. συναθροίσαντες γὰρ δύναμιν ἱκανὴν ἐκ τῶν Ἀμφικτιόνων ἐξῆλθον ἀνδραποδίσαντες τὴν ἀνθρώπων, καὶ τοὺς λιμένας ἔχουσιν καὶ τὴν πόλιν αὐτῶν κατέσκαψαν καὶ τὴν χώραν αὐτῶν καθήρωσαν κατὰ τὴν μαντείαν. Tandem devastatâ Cirrhaeorum & Acragallidum regione, rebusque bello compositis, Amphictyones denuo ad arctius, quod istorum malitiâ turbatum erat, firmandum fedus coeunt, & consulto quid ulterius agendum esset, oraculo, tale responsum ferunt,

ὁ πρὶν τῆς δὲ πόλεως ἐρείζεται πύργος ἐλόντις,

Πεῖν γὰρ θεὸς τεμένη κυανώπιδ' Ἀμφικτείτης

Κῦμα ποτικλύζῃ κελαδὺν ἱερῶσιν ἐπ' ἀκταῖς.

Annexo itaque juramento fedus firmantes, manibus pedibusque, omnique vi suum se Deum adjuturos esse decreverunt.

26. Accidit ea mutatio temporibus Cræsi Lydorum Regis, quem in Annum M. 4638. Olymp. LIV. posuit Eusebius; Cujus ætate vixisse Solonem Atheniensem Legislatorem, satis notum est. Atq; post hanc mutationem celebriorem, turbas quandoque etiam alias in Amphictyonica extitisse, negandum non esse arbitramur. Cui rei potissimum facem subministrare potuit infelix illa ac fatalis Rerump. Atheniensis & Spartanæ de imperio bellico æmulatio: de quâ omnino ex Isocrate, Xenophonte, Thucydide, aliisque Græcis Latinisq; Scriptoribus multa differi possent, nisi consultius duceremus, ad extremum illum totiusq; Græciæ fatalem libertatis diem, quem bellum

FFF ff 3

illud

illud Sacrum seu Amphictyonicum, universo orbe celebratum ipsi acceleravit, paucula afferre, quæ ad pleniorē fortasse nostri Concilii noticiam, non parum subsidii opisque collatura esse videntur.

27. Præcessit Bellum Sacrum Græciæ tam funestum, tanquam cometa aliquis, feditio illa Locrorum Amphiffensium, Æschini, Straboni, Demostheni, aliisque celebrata, quæ eodem, quo

1. 9.

Contr.
Cics.

Cirrhai, rupti federis crimine laborabat. ταδ' αὐτὰ inquit Strabo, καὶ τοῖς Ἀμφισσέωσι συνέβη, Λοκρῶν δ' εἰσὶν Ἰων Ὀξέλων, ἱπποδρόμης γὰρ ἔται τὴν τε Κεῖσσαν ἀνέλαβον καὶ τὸ πεδίον τὸ ὑπὸ τῶν Ἀμφικλυόνων ἀνθρωπίνῃ αὐτοῖς κατεχούρων, καὶ χεῖρας ἦσαν πρὸς τὰς ξένους τῶν πάσαις Κεῖσσαιῶν.

Eadem habet & Æschines: οἱ Λοκροὶ οἱ Ἀμφισσέωσι μᾶλλον καὶ οἱ Τροισὴ καὶ αὐτῶν, ἄνδρες παρρηνομήτατοι, ἱππευράζοντο τὸ πεδίον καὶ τὸν λιμένα τὸν ἐξάγιστον καὶ ἱππάρων πάλιν ἐτέρχισαν καὶ συνέφικσαν καὶ τέλη τὰς παρρηνομήτας ἐξέλεγον, καὶ τῶν ἀρκενομένων εἰς Διελφὸς Πυλαγῶρων ἰνίας χρήμασι διεδομένον. Idem crimen eodem omnino dignum erat supplicio,

Pro Coron.

sed executionem sortitum est diversam. Postquam enim Amphictyones communi consilio ad perdendos tales homines proficiscerentur, portuq; ex sententia Oraculi everso, tum casis incensis recederent, Locrenses vi armata eos persequi, & nisi fugā sibi consulissent, manus inferre vix dubitabant. Quapropter consilio an fato dicam tale decretum statuerunt Amphictyones, quod extat apud Demosthenem: ἐπὶ ἱερῆς Κλεπαγούριαι ἐνὶ Πυλῆας ἰδοῦσι Πυλαγῶρας καὶ τοῖς συνέδροις τῶν Ἀμφικλυόνων καὶ τῷ κοινῷ τῶν Ἀμφικλυόνων, ἐπεὶ δὲ οἱ ἐξ Ἀμφίσσης τὴν ἱερὰν χώραν κατανεύμενοι γινώσκουσιν καὶ βοσκήματα νέμονται, καὶ κωλύμενοι τὸ τοιοῦτον ποιεῖν ἐν τοῖς ὅπλοις παρρηνομήται τὸ κοινὸν τῶν Ἑλλήνων συνέδριον κακωλύουσι μὲν ἀβίας, τινὰς δὲ καὶ τετραυματικάσιν καὶ τὸν στρατηγὸν τὸν ἡρμάνον τῶν Ἀμφικλυόνων Κότυπον τὸν Ἀρκάδα, προσβῆναι πρὸς φίλιππον τὸν Μακεδόνα καὶ ἀξύνειν, ἵνα βοηθήσῃ τῷ τε Ἀπόλλωνι καὶ τοῖς Ἀμφικλυσέωσι, ὅπως μὴ περὶ δὴ ὑπὸ τῶν ἀσέβων Ἀμφισσέων τὸν Θεὸν πλημμελόμενον, καὶ διότι αὐτὸν στρατηγὸν αὐτοκτετόρεσσι αἰρῆνται οἱ Ἕλληνες οἱ μετέχοντες τοῦ συνεδρίου τῶν Ἀμφικλυόνων. Quis

1. 4. 1.

O. ad Ph.

enim crederet, ut loquar cum Justino, in alterius ope, (ejus præsertim, qui libertati ipsorum jamdiu inhiabat) spem posuisse orbis terrarum vindices, eorum discordiā suā, civilibusq; bellis (quæ μάχην non ineptè appellat Isocrates, & Græciam furiatam, Euripides:) redactos, ut adulensur ultro sordidam paulū ante clientela sua partem? sed

sed ne diutius hoc in praeludio hæreamus, cætera ex *Æschine* peti, & ad Bellum Sacrum properare malumus.

28. A *Iustino*, *Diodoro Siculo*, aliisque, communi consensu Belli Sacri initia, auctores, causæ repetuntur. Causa, inquit ille, & origo huius mali Thebani fuere, qui cum rerum potirentur, secundam fortunam imbecillo animo ferentes, victos armis Lacedæmonios & Phocenses, quasi pæna supplicia cadibus & rapinis luissent, apud commune Græcia consilium superbè accusaverunt. Hic verò: Λακεδαιμονίων πρὸς Βειωτὰς διαπολεμισάντων τὸν Ἀλκτεικὸν πόλεμον καὶ καταπολεμηθέντων, οἱ μὲν Θηβαῖοι διὰ τὴν κατάληψιν τῆς Καδμείας δίκας μεγάλας ὑπάρχοντες τῆς Λακεδαιμονίοισιν ἐν Ἀμφικλύσοι, κατεδίκασαν αὐτοὺς πολλοῖς χρήμασι, οἱ δὲ Φωκεῖς ἐπιρρασάμενοι πολλῶν τῆς ἱερᾶς χώρας τῆς ὀνομαζομένης Κιρραίας δίκας ὑπέχον ἐν Ἀμφικλύσοι, καὶ πολλοῖς ταλάντοις κατεκείδησαν.

1. 1. 4.

1. 16.

1. 1. 71.

5. Pol. 4.

12. 53.

2. 1. 2.

Concurrunt omnes causæ hoc modo, ut ex alterâ parte multum tribuatur superbie Thebanorum, quæ causa exitit, ut Phocenses tantâ pecuniâ damnarentur, quanta exsolvi non posset, ut loquitur *Iustinus*. Ex alterâ vero, multo magis impietati Phocensium & Lacedæmoniorum, qui contra præstitum à seipsis in legibus fundamentalibus iusiurandum sanctissimum Amphictyonum decreta contempserant, multamq; impositam exsolvere denegarant. Atq; ex his quasi extra ordinem dicendus est, tanquam author facinoris κατ' ἐξοχήν Philomelus, homo Phocensis, qui merito αὐτῆς Θεάσει καὶ παρανομίᾳ διαφέρων *Diodoro* dicitur. Nam ille vel solus inflānasse bellum Sacrum scribitur. Longè aliud belli Sacri principium refert *Aristoteles*: ἐν Φωκεύσιν ἐξ ἱστοκλήρου τᾶσις γενόμενος πρὸς Μνάσταν τὸν Μνήσαντο πατέρα καὶ Εὐθυκρότη τὸν Οἰνομάρχου, ἡ τᾶσις αὐτῇ ἀρχῇ τῷ ἱερῷ πολέμῳ κατίσθη τοῖς Φωκεύσιν.

29. Priorem quoq; nobis sententiam comprobat *Ælianum*, qui præcipuam huius incendii causam facit exactionem iudiciorum, ἐμὴ δὲ ἡ ἀέληθεν πόλεμον τὸν ἱερὸν καλούμενον ἐκ τῆς ἐισπράξεως τῶν δίκων τῶν Ἀμφικτυόνων γιγνέσθαι. Cum enim Lacedæmonii & Phocenses à Thebanis in comuni Consilio accusarentur, Lacedæmoniis crimini datum est, quod arcem Thebanam induciarum tempore occupassent: Phocensibus, quod Bæotiam depopulati essent, adeoq; tantâ pecuniâ damnantur, quanta exsolvi non posset, ut *Iustinus* testatur. Latâ itaq; hac ab Amphictyonibus sententiâ, primò Phocenses, cum agris, liberis, conjugibus

priva-

privarentur, desperatis rebus, Philomelo quodam duce, velut Deo irascentes, Templum ipsum Apollinis Delphis occupaverunt. Sed & Lacedæmoniiis eodem judicio damnatis, hac usi ratione, ut bellum simul moverent, persuasere : *ὅτι κοινὸς ὁ ἀγὼν ἐστὶν αὐτοῖς πρὸς τὴν ποιῆσαι τὰς κείσεις τῶν Ἀμφικλύονων ἀκέρως*. Exinde Spartanorū Rex Archidamus, sive spe sive metu, clam tantum ea quæ ad belli necessitatem requirerentur pollicebatur: *φανερῶς μὲν καὶ τὸ παρὸν ἐκείνητι βεβηκόσιν, λάθρᾳ δὲ πάντα συμπέσσειν, χορηγῶν καὶ χρημάτων καὶ μισθοφόρων*. Et hæc quidem sunt Principia cruenti illius ac toti Græciæ tam funesti belli Sacri seu Amphictyonici; de quo equidem hac occasione multa in medium afferri possent, nisi nimium excrescerent, quæ breviter esse volumus. Versabimur tamen circa hanc etiam mutationem ita, ut quæ vel ad præsens institutum pertinent, vel ad notitiam Concilii ipsius accuratorem facere videbuntur, exponantur eâ quâ potest brevitate.

30. Tenebantur equidem Phocenses, Spartaniq; ex jure federis, jurejurando sacratissimo & execratione atroci firmato, quæ multa à communi Amphictyonum consilio ipsis imposita erat, aut solvere, aut si solvendo non essent, modo convenienti deprecari. Id quod certe non latuit partem utramque: Lacedæmonios præsertim, quorum Rex non aliâ de re propalam quidem opem non ferre, sed clam tamen omnibus modis bellum fovere volebat, quam ut rupti federis convictus, haberet, quo effugium quæreretur, & anguillæ instar elaberetur. Vincebantur tamen Phocenses insigni eloquentiâ & Philosophiâ (astutiâ dicere debebam & temeritate) Philomeli, Viri magnâ apud Phocenses autoritate. Qui homo nimirum callidissimus inclinantes ad pejorem ultro partem Phocenſium animos, suâ facundiâ facile vincebat: *διπλὴν γὰρ ὁμολογοῖς διδάσκων, ὡς ἐκτίσαι μὲν ὑδρανταὶ τὰ χρηματὰ διὰ τὸ μέγεθος τῆς καταδίκης, πειροτὴν δὲ καθ' ἑωμὴν τὴν χώραν ἢ μόνον ἀνάνδρως ὑπάρχειν, ἀλλὰ καὶ κίνδυνον ἐπιφέρειν καὶ τῷ τῶν πάντων βίῳ ἀνατροπὴν*. Ergo prima cura est Philomelo pro arcano politico ostendere injusta esse Amphictyonum decreta. Quod ut eo citius perficeret, duo saltem argumenta auditoribus suis egregius Doctor proponit. Quorum prius est, manifestè tyrannicum esse, ut ipse apud *Diodorum* loquitur: *μικρὸς πατριῶς χώρας καταργηθείσης μεγίστης ζημίας τιθείσθαι*.

Ipsam

Ipsam nimirum naturam rebus in omnibus ordinem ac proportionem quandam præscribere, quam cum transgressi essent Amphictyones, ipsos non amplius teneri; omne nimium, ut proverbio dicitur, verti in vitium. Posterius vero tale est: τὸ παλαιὸν τῷ μαντεῖι τὴν ἐξουσίαν καὶ προσασίαν ἐχέειναι ὥς φακῆς, καὶ μάρτυρα εἶναι τῶν ἀρχαῖότατον καὶ μέγιστον τῶν ποιητῶν Ὀμηρον λέγοντα.

Λυτὰρ φακῆων χάδι καὶ ἐπίτροφοι ἦρχον

οἱ Κυπείισσον ἔχον, Πυθῶνά τε περὶέισσαν.

διότι δὲν ἀμφισβηλεῖν περὶ τῆς τῷ μαντεῖι προσασίας, ὥς οὖσης παλεῖν τῆς φακῆς. Recuperandum esse oraculi imperium, quod Majorum suorum negligentia & socordia esset amissum. Ipsi patrium esse imperium, ipso Homero testante, Poëta & viro quanto! Ita dum Phocenlibus non invitis eximiè philosophatur Philomelus, jam non argumentis amplius sed armis certandum esse ratus, in id consilii delabitur, qui contractâ sufficienti militum copia, proposito suo satis facere possit. Itaq; postquam, ut diximus, eadem linguæ facundia Lacedæmonios in belli societatem pellexisset, Delphos invadit, occupat, expugnat.

31. Non licet ire per singula: prolixum id nimis foret & tædiosum. Exarsit hinc inde bellū adeò, ut Philomelus, audacior jam multis victoriis factus, cum excussa è columnis Amphictyonum decreta ac lacerata combussisset publicè, legatos de imperio in universâ Græciam mittere, jam non dubitaret, hoc edicto: ἄν τις δὲ ἔχθραν ἢ ρθρόνον πολέμῳ φακῆσι, μάλιστα μὲν συμμαχεῖν, εἰ δὲ μὴ γὰρ τὴν ἡσυχίαν ἄγειν. Quo certe Lacedæmonios & Athenienses permovit, ut in partem belli accederent. Sed & vicissim alii in alteram partem inclinantes, detestandum Philomeli facinus execrati sunt. Inter quos primi omnium fuere Bæotii. Qui ex suâ partim erga Deos reverentia, partim, ut ista Diodori verba ascribam, διὰ τὸ συμπεῖρειν ἀνδρῶς τὰς τῶν Ἀμφικτυόνων κρίσεις βεβαίως εἶναι, quod conducere ipsi firma esse Amphictyonum decreta, Thesfalos aliosq; Amphictyonas de bello contra Phocenses gerendo sollicitarunt. Atq; hoc modo decretum ac cœptum est gravissimum illud Amphictyonum bellum decennale, cujus, si quis velit plenam cognoscere historiam, Diodorum Siculum adeat necesse est; nobis ea, quæ aliquam ipsi concilio Amphictyonum mutationem attulere, considerasse sufficiet.

Ggg gg

32. Pho-

32. Phocenses fedifragi tum Atheniensibus & Spartanis
diversis praeliis modo victi, modo victores, eò tamen deniq; res
hostium perduxerunt, ut de majori ipsis auxilio dispiciendum
esset. Igitur de Bœotiis ita *Diodorus*: οἱ Βοιωτοὶ θλιβόμενοι μὲν τῷ πε-
λίμῳ καὶ πολλὰς τῶν στρατιῶν ἀπολωλέκότες, χρημάτων δὲ ἀπορρέμεινοι,
πρὸς βίαις ἐξέπεμψαν πρὸς τὸν φίλιππον ἀξιάντες βοηθῆσαι. Atq; ita re-
vera externa dominationi, quam in sui timuerunt, sponte succedunt,
ut *Iustinus* loquitur. Philippo, cum, ut supra diximus, variis
machinationibus, dominatum Græciæ expeteret, quicquam
hac legatione gratius, accidere non potuit. Itaq; confestim ad-
est cum magno exercitu, & quasi sacrilegii non Thebanorum
ultor esset, omnes milites coronas laureas sumere jubet, atq; ita
veluti Deo duce in prælium pergit. Phocenses verò & delicto-
rum conscientia & viribus Philippi territi, sponte sese dedunt;
atq; hoc pacto bellum sacrum ἀνὰ μάχης, ἀνεπίσως, absq; pugna
insperatò dissolvitur. Tanto ergo fortunæ successu elatus, ut a-
nimo suo satisfaceret, non eas modo urbes, ut *Iustinus* testatur,
quarum paulò ante dux fuerat, hostiliter occupatas diripit:
conjuges liberosq; omnium sub coronâ vendit: sed & deinde
Phocenses cædit rapitq; non liberos Parentibus, non conjuges
maritis, non Deorum simulacra templis suis relinquit. Quin-
imò reversus in regnum, cum res ibi pari sævitiâ gessisset, in
Græciam iterum venit, & sollicitatus paucarû civitatum dire-
ptione, bellum toti Græciæ inferre statuit. Græci quod vere-
rentur, non cessaturum Philippum, si prosperè prima succeffe-
rint, nisi omnem Græciam domuerit, Philippo armatâ manu
resistunt, sed assiduis bellis induratâ virtute Macedonum vin-
cuntur. Igitur hoc pacto fatalem ipsi sibi suæ libertatis diem
acceleravere Amphictyones. Hic enim dies, ait *Iustinus*, universæ
Græciæ & gloriam dominationis & vetustissimam libertatem finivit.

33. His ita insigni perfidia gestis, tanquam rei patratae pœ-
nitentiâ ductus, non tantum captivos gratis hostibus remisit, &
bello consumptorum corpora sepulturæ reddidit: sed & pacis
legem universæ Græciæ pro meritis singularum civitatum sta-
tuit, Conciliumq; omnium, veluti unum senatum ex omnibus
legit. Quo concilio impositus est finis Bello Sacro δεικνύσθαι perni-
ciosissimo; de quo *Pausanias*: κατὰ λαβάνων δὲ φρεσὶν τὸ ἐφ' ὧν καὶ ὁ

In Phoc.

54509

στὴν δικαίαν ἔτι λαβὲν τὴν πολέμου μετὰ βολὴν καὶ τὰ τῶν Ἀμφικλυόνων ἔχει. Proximum ergo fuerit, easdē mutationes expendere.

34. Prima ergo fuit receptio Philippi ejusq; posterorum in Amphictyoniam. Ita Diodorus: ἔδοξε γὰρ τοῖς συνέδροις μετὰ δ' ἔναι τῷ φιλιππῷ καὶ τοῖς ἀπογόνοις αὐτοῦ τῆς Ἀμφικλυονίας, καὶ δύο φήμους ἔχον, αἱ πρότερον οἱ καταπολεμηθέντες Φωκεῖς ἔχον. Accessit etiam confirmatio imperii bellici, de quo idem Diodorus: ἡ γὰρ ἀπὸ δέχθη τῆς ἑλλάδος πάσης. In quo ipsi quoq; Filius Alexander Magnus successit, qui exemplo Patris, ut Justinus ait, Corinthum evocatis civitatibus dux in locum ejus substitutus est. Cur enim illum, qui vindex Sacrilegii, ultor religionum, solus qui piacula exigeret, extitit dignus, hoc honore non dignarentur? Altera est supplicium Phocenium, eorumq; ἐκ federis Amphictyonico exclusio. ἔδοξε γὰρ τοῖς συνέδροις τῶν ἐν φοκεῦσι τειῶν πόλειων περιελθεῖν τὰ τέχνη καὶ μηδεμίαν κοινωνίαν εἶναι τοῖς φοκεῦσι τῷ ἱερῷ, μηδὲ τῷ Ἀμφικλυονικῷ συνεδεῖν, μὴ εἶναι δὲ αὐτοῖς μηδὲ ἱσπυς μηδὲ ὅπλα κλίσσασθαι, μήχρεις αὖτ' ἐλὰ χρήματα κλίσσασθαι τῷ θεῷ τὰ σεσυλημένα. Ita omnino etiam in gentibus Deus justissimus Divini honoris contemptum ac violationē ulciscitur. Cum enim partim contra suam faciant conscientiam, partim Deos, licet veri Dii non sint, Deorum tamen loco cultos subinde spernant, impietas illa impunita non manet: ne ed homines stultitiæ progrediantur, ut omnis religio & cultus divinus vel vilescat, vel prorsus ex animis hominum extingatur. Tertia est Poena fugitivorum, aliorumq;, qui cōmunicarunt Sacrilegio. ἔκειναν γὰρ τὸς περὶ γέτας τῶν φοκίων καὶ τῶν ἄλλων τῶν μετ' ἐκκλήσεως τῆς ἱεροσυλίας ἐναγείς εἶναι καὶ ἀγῶνιμος πάντοθεν. In Phocæ, Lacedæmonios quoq; federe exclusos fuisse, Pausanias scribit: φοκίων δὲ τὸ ἔθνος καὶ ἐκ τῆς Δωρικῆς Λακεδαιμόνιοι μετὰ ἀρχόντες ἐπ' αὐτοῖς τῷ Ἀμφικλυονίᾳ, οἱ μὲν τῷ ἰσχυρῶς ἐνέκα, οἱ δὲ συμμαχίας ἐνέκα οἱ Λακεδαιμόνιοι τῆς φοκίων ζημίᾳ. Tantumne dicas ab uno viro malorū? Ita. Aded veri sunt, quos Æschines ex Hesiodo recitat versiculi;

πόλλας καὶ θυμπαῖσας πόλεις κακῷ ἀνδρὸς ἀπυήσας,

οἳ κεν αἰλιφραίνῃ καὶ ἀτάσθαλα μηχανάται.

35. His gestis decreverunt Amphictyones, quæ ad cōmunem Oraculi curam, ad pietatem, pacem publicam & Concordiam spectabant, ut Diodorus Siculus testatur. Ita nimir, infelici

9, 4, 2.
1, 1.
1, 135.

In Archid.

2. Phil.

D. F. Leg.
1. Phil.)

De Pac.

1. 17,

Græciæ sub libertatis umbra homo callidissimus adhuc illudebat. Hinc etiam est, quod partâ victoriâ neq; se regem Græciæ, sed ducem appellari iusserit, teste *Iustino*. Quâ calliditate etiam post Alexander M. usus est, qui Græcos apud Curtium socios suos nominavit; certe ut apud *Livium* Eumenes Rhodiorum socios ait verbo esse socios, revera subiectos imperio & obnoxios. Et cæteræ quidem mutationes, si ad hanc conferantur, mutationes dici vix merentur. *μη ποιεῖν τὸ προσαιτιόμενον σημεῖον ἐλαδιδείας ἐστίν*, ait *Isocrates*. Ergo facere, quod ab alio imperatur, servitutis. Ubi verò non parere poterant Amphictyones suo victori? Quæ decreta non accipere? Quod profecto graphicè pro genio suo depinxit *Demosthenes*: Quid est, ait, quod seditionibus totam Græciam consumat? *τὸ τὸν φίλιππον ποιεῖν ὅ,τι βέλαιαι καὶ κατ' ἕνα ἕκασον ὑποστὰς πεικρόπιεν, καὶ λατοδιδῆν τὸ τὸν Ἑλλήνων, καὶ καλαδιδῆν τὰς πόλεις ἐπιβῆλα*. Perit certè hoc ipso nobilissima illa Græciæ libertas, de quâ tantopere sibi gratulabantur. Perit & aliquâ sui salutem umbram ac imaginem reliquit! *οἱ μὲν οὖν τῆς Ἀμφικλυόντος ἐτύγχευον καὶ ἐξελέλαντο καὶ ἀνάσταθ' αὐτὸν ἡχώον γεγονέναι, οἱ δ' ὅδ' ὡς ποτὶ ἐν τῷ πρόσθεν χρόνῳ γινόμενοι Μακεδόνες καὶ Βάρβαροι νῦν Ἀμφικλυόντες ἔστα βιάζονται*, queritur dictus *Otagotum Princeps*. Quo profecto, quam misere pereat illa Græciæ libertas, nemo melius unquam perspexit: *γένοιτο γὰρ ἄν τι καινότερον*, inquit, *ἢ Μακεδὼν ἀνὴρ Ἀθηναίοις κατὰ πολέμων καὶ τὰ τῶν Ἑλλήνων διοικῶν*; Unde tanto impetu semper contra Philippum perorabat, donec extremâ necessitate victus, pacem etiam cum Philippo facendam esse, suadere cogeretur, inquiens: *ὅτι καλύομεν τὸν φίλιππον κοιναίνεῖν τῆς Ἀμφικλυοντίας φοβῆμαι, μὴ πάντες περὶ τῶν ἰδίων ἕκασθ' ἐργιζόμενοι, κοινὸν ἐρ' ἡμᾶς ἀγάγωσι τὸν πόλεμον, τὰ τῶν Ἀμφικλυόντων δόγματα προσησάμενοι, εἴτ' ἐπισπαθώσιν ἕκαστοι πέρα τῷ συμφέροντι αὐτοῖς ἡμῖν πολεμῆσαι ὥσπερ καὶ περὶ φωκίας*.

36. Quin etiam paulo post, Philippo astu Pausaniæ, nobilis ex Macedonibus adolescentis obtruncato, Alexandri quoque rebus suis consiliis resistere non destitit. *οἱ γὰρ Ἀθηναῖοι Δημοσθένες δημοκρατικῶν καὶ τῶν Μακεδόνων τήν τε φιλικὴν τελευτὴν ἀσμένους ἤκωσαν, καὶ τῆς ἡγεμονίας τῶν Ἑλλήνων ἐκ ἰσχυρῶν τοῖς Μακεδόσι* *Diod. Siculo* teste. Verum major erat Alexandri M. fortuna, quam quæ consiliis Demosthenis reprimi posset. Unde tale iudicium fert

fert de Græcis idem *Diodorus*: τοῖς παρὰ τῆς αἰτίας ἀνδρείον μάλ- 1. 18.
 λον ἢ φρονιμώτερον χρησάμενος πρότερον εἰς πάνδημον τῆς πατρίδος ὁ-
 λίσθρον. Ille enim tantâ celeritate instructo paratoque exercitu
 Græciam oppressit, ut quem venire non senserant, videre se
 vix crederent, ut ait *Justinus*. Quo certè terrore id etiam effecit, ^{11. 2. 10.}
 ut non tantum missis legatis bellum deprecarentur, sed & om- ^{11. 3. 1.}
 nia ei vestigialia reditusq; , simul universæ gentis imperium,
 quibus id legibus Philippus habuerat, nullo jam repugnante,
 decernerentur, ut est in supplementis Curtii. Atque aded sa-
 tis demonstratum est, quantum Græciæ de libertate his bel- ^{1. 2.}
 lis decesserit, ut hactenus CONCILIUM AMPHICTY-
 NICUM imaginem potius ac umbram liberi Concilii dicen-
 dum esse, nemo amplius sit addubitaturus.

ΤΩ ΘΕΩ ΔΟΞΑ.



XXVI.

CLIENTS.

DE more & jure clientelarum acturo, occasionem
 mihi quam maxime præbere videtur, nobilis ille *Dionysii*
Halicarnassæi locus, qui in initio ferè libri secundi Antiquita-
 tum Romanarum exstat. Postquam enim primo originem
 urbis Romæ, ab ipsa fabulosa antiquitate repetiisset, secundo
 Romuli primi Regis Romanorum initia, ejusque præclara,
 quibus Rempubl. ordinavit instituta, latè persequitur. Inter
 quæ haud ultimo collocat loco, morem & jus patrociniæ, quo
 mutuam inter patricios atque plebejos obligationem Romu-
 lus introduxit, idque ut utilissimum Reipublicæ inventum,
 summa in laude ponit: atque aded non contentus, hæc ita à
 Romulo ordinata enarrasse, una cum utilitate juris istius, pri-
 mam quoque ejus originem, finem & formam denique par-
 tite ac diligenter exsequitur. Hujus igitur partitionem secu-
 turi, dum de nobili hac materia, quantum per ingenii vires
 licebit, agere animus est, inquiramus prius originem vo-
 cis, ejusque significationem, quo sic à primis ad ulteriora

Ggg gg 3

pro-

progreſſiendo, natura clientelarum accurate cognoscat ur
 l. 10. origin. I I. *Clientes* olim colentes dictos, notat Iſidorus, adeoque
 ab officio denominatos, dubium non videtur, quoniam patro-
 nos, quorum clientelæ ſeſe commiſerant, omni obſequio co-
 lere tenebantur. *Colentes* vero cum à colendo dicti ſint, clien-
 tes, quod vocabulum parum immutato ſono, progreſſu tem-
 poris priori ſubſtitutum eſt, ex eodem fonte derivare, haud
 forte abſurdum fuerit. Quemadmodum autem *cliens* de vi-
 ro, qui alieno patrocinio ſe ſubmiſit, ita & *clienta* de ſcœmina,
 quæ aliena ope tuta eſt, uſurpatur; uti videre eſt apud *Plan-*
tum in Milit. Glorioſ.

Aſt. 3 ſc. 1.

————— Habeo

Ecce illam meam clientam adoleſcentulam.

Et in Rudente:

Aſt. 4. ſc. 1.

*Jam clientas reperi,*ubi plura his ſimilia auctoris notata *ſoſpatro, Charifio*, aliis-
 que.

c. 2. a. 13.

I I I. *Clientes* porro à diverſis diverſimode appellatos anno-
 tat *Martinus Magerus à Schönberg in opere ſuo de Advocatia armata*;
 cum ab aliis dicantur *Ligii*, ab eligendo patrono, vel quod ſe
 arctiſſimo amicitiae vinculo, cum patronis colligarent; ab ali-
 is *ſuſcepti, affecla familiares, ambafſi & commendati*. Hæ autem
 appellationes, uti in latiffima vocis clientis ſignificatione,
 pro eadem nonnunquam accipi poſſunt, ita in ſtrictiori ejus
 ſignificatione, plurimum invicem diſtant, quod patere poteſt
 ex iis, quæ tradit *Corn. Fronto de differentiis vocabulorum*. Oſten-
 ſurus enim differentiam inter verba; comes affecla, ſodalis &
 cliens, ait: *Comes iter facit, affecla ſequitur potentiorum, ſodalis adole-*
ſcentia nomen eſt, cliens implorat opem & fidem. ita comes tutus, af-
fecla officioſus, ſodalis amicus, cliens ſummiſſus. Interim tamen clien-
 tes olim ſuſceptos dictos, notat etiam *Servius ad lib. 6. Æn.* quem
 locum paulo poſt videbimus.

I V. Proprie ergo clientes dicebantur antiquis temporibus,
 qui ſe & ſua tuenda ac defendenda potentioribus addicebant.
 Factū tamē eſt, ut etiam clientes appellarentur, qui rei in judiciū
 acti, ad defendendam cauſam, patronum ſibi adſciverunt; ſic-
 ut adhuc hodiē ita loqui ſolemus. *Vaſalli* vero magis clientium
 nomi-

nomine venire poterunt, cum, quod Dominus feudi atq; vassallus arctiori ac diuturniori vinculo inter se obstringantur, quam advocatus & reus, tum etiam, quod multa alia clientibus cum vassallis sint communia, ita ut eodem pene jure censeantur, licet in nonnullis inter se differant; verum de hoc fortasse postea. Præterea & coloni clientis nomine nonnunquam indiguntur; colonos autem dico, qui se culturæ prædiorum dominicorum seu glebæ; una cum suis addixerunt. Tales fuere Maryandini servi, qui sese Heracleotis sponte subjecerant, ea tamen lege, ut ipsis vitæ necessaria ministrarent, de quibus *Athenæus*. Porro clientum nomen nonnunquam servis impositum, quod peculiariter de servis Penestis & Menestis affirmat *Petr. Greg. Tholosanus* in *Syntagm. jur. univers.* Mulieres quoq; quæ pensæ diurna dominabus reddebant clientas dictas, videre est ex illo *Horatii*:

Trabunt honesta purpuræ clientæ.

Illos etiam qui jurisdictioni dominorum loci subijciuntur, clientes dici posse autumat *Tholosanus*. Deniq; & in l. 3. C. de Novat. & De loc. cit. leg. cliens delegatum designat, uti ibidem in notis observat *Gottfriedus*. Latius de varia vocabuli hujus significatione vide sis supra laudatum *Magerum de Advoc. arm. c. 2. n. 16. 17. & seqq.*

V. Clientela vocem, à clientibus denominatam, apud optimi ævi scriptores passim reperire licet, quam recentiores minus latine advocatiam seu protectionem reddiderunt. Latissimè autem patet hoc verbum, & ad omne genus subditorum, sive servi, sive liberti, sive vassalli, sive cives fuerint, qui cujusdā potestatis imperio tenentur, extenditur. Comuniore tamen usu loquendi, accipitur pro servitio, vel multitudine clientium, qui potentem aliquem patronum, favore prosequuntur, ejusq; dignitatem aliquo ducti beneficio tutantur; uti ex veteri *Lexico Terentiano* patet. Et hac in significatione vox clientelæ etiam à *Cicerone* accipi videtur, quando in epistola quadam ad *Atticum* ita scribit: *Scio quam diligam Siculos, & quam illam clientelam honestam judicem.*

VI. Cum vero neq; clientela subsistere, neq; cliens sine patrono, ob mutuum respectum, esse possit, patroni appellatio quoque paucis evolvenda erit. Dicitur *Patronus* quasi *Pater*, eo quod patroni instar patrum clientibus præsent, proq; iis faciant, quicquid

Modin. de re-
publ. l. 5. c. 6.

quid pro filiis parentes solent facere. Volunt nonnulli eos à *Patrono* quodam ita dictos, qui cum Evandro in Italiâ advenerit; hunc enim cum minorum curam gereret, & infirmioribus auxilio esset, defensoribus inferiorum hoc nomen reliquisse arbitrantur. Varias hujus vocis significationes *Magerus* inquisivit, opere jam laudato: proprie autem olim vocati sunt patroni, qui ex patribus à plebeis eligebantur, ut eos, tam absentes quàm præsentes, publicè ac privatim, non secus ac parentes liberos, defenderent, eorumq; commodis consularent; quæ significatio hujus est loci.

l. 2. c. 25. §. 7.

VII. Quantû autem dignitatis juxta ac honestatis in se contineat, jus clientelare, liquet, tum inde, quod patroni parentibus clientes verò liberis in omnibus fere assimilantur, tum etiam ex eo, quod omnis legitima defensio, quæ violentiæ occurrit, honestati quam maxime sit congrua. Juris enim naturalis esse, ut homo hominem, populus populum, ab injuria defendat, ex Platone & legibus Ægyptiorum optime ostendit *Hugo Grotius* præclaro opere de *Jure belli & pacis*; ubi illud *Ciceronis* affert; Qui non defendit, nec obsistit, si potest, injuriæ, tam est in vitio, quàm si parentes, aut patriam, aut socios deserat. Cum igitur jure naturæ, ex quo honestatis regula fluit, etiam ignotos teneamur defendere, multo magis eos qui ad opem nostram confugiunt, in tutelam suscipere, eosq; ab omni injuria, pro virili, imunes præstare, honestas ac lex naturæ nos jubet. Atq; hinc est, quod *Romulus* eos, qui contra hanc honestatem peccassent, clientesque suos, aut deseruissent, aut ipsimet læsissent, rigida de proditoribus lege teneri sanciverit; cujus criminis convictum, cui vis fas erat, ut *Diti* sacrum, interficere, memorante *Dionysio Halicarnasseo*, loco jam supra laudato. Neque hoc immerito ita constitutum, cum tanta inter patronos atq; clientes conjunctio esset, ut ex moribus populi *Romani* post parentes & pupillos proximum

Gell. noct.

Att. l. 5. c. 6.

ad l. 6. An.

clientes obtrinerint locum, cognatû atq; affinibus postpositis. Quod suo firmat testimonio *Servius*, quando ait: Si clientes quasi colentes sunt, patroni quasi patres, tantundem est clientem, quantum filium fallere.

VIII. Patet ergo ex his, quam sanctè veteres jus illud clientelare observaverint, ita ut detestabiles fuerint, qui etiâ minima ex parte suo defuerint officio; contra vero in maximo honore

nore, qui suas clientelas fideliter obirent. Notat enim *Dionysius* l. 1. c. 10. *Halicarnassens*, maximam laudem fuisse nobilium, habere clientes quam plurimos, non hereditariis tantum clientelis confervatis, verum & novis propria virtute partis, quod *Bodinus* ad nostra applicans tempora, jus illud clientelare omnium maximum & pulcherrimum inter Principes censer, affirmat. Nulla autem alia ex re magis discere licet, quanto in honore illud olim fuerit, quam si ipsas clientelarum formulas inspiciamus, quarum nonnullas nobis exhibet *Gruterus incomparabili opere*, p. 1101, n. 16 quo inscriptiones veterum collegit, ubi legimus, quemadmodum collegium Fabrum decreverit, petendum à *Jul. Silio Juliano*, libenter suscipiat, dicti collegii patronalem honorem. Et in alia tabula, p. 443, n. 6 Numia Varia Sacerdos Veneris, ob pronum in Peluinos animum, ab his digna judicatur, ut merito debeat ex consensu universorum Patrona dictæ Præfecturæ fieri, quo magis magisq; hoc honore, qui est apud nos potissimus (ut habent verba) tanta claritati ejus oblato, dignatione benignitatis ejus tuti ac defensi esse possimus. Et paulo infra: Petiq; ab ejus claritate, ut nunc honorem prono animo suscipere dignetur. Ita in multis quoque inscriptionibus legitur: Qui in honorem patrocini sibi oblatum sportulas divisit. Quibus similia loca quamplurima ibidem reperiuntur, quæ hic omnia adducere nimis longum foret, cum ex mutua inter patronos atq; clientes necessitudine, mutuusq; quibus invicem obstricti beneficiis, honestas ac splendor hujus juris infra magis elucescat.

I X. Nolumus autem hoc loco describere *Magero* collecta de variis Patrociniis, aut, ut vocant, Patronatus generibus. Hoc tantum notandum videtur: Patrocinium antiquum jure civili & lege ordinaria definitum fuisse; ita ut, qui hanc necessitudinem contraxissent, ad mutua officia vi illius juris obligati tenerentur. Cui juri aliquas accessisse consuetudines satis intelligitur. Hodie autem præter ea, quæ Ecclesiasticum patrocinium canonibus definiunt, à jure ordinario, ad pactiones & conventiones omnia translata sunt. Neque moris pristini satis expressa vestigia remanserunt. Sicut in jure & more hospitii etiam accidisse videmus. Non omittemus tamen, quantum superest, antiquioribus continuare.

X. Interea considerabimus primam juris clientelaris originem, quo propius ad id, quod nobis propositum, perveniamus.

H h h h h

mus.

lib. 3. de fin.

mus. Et sane nullibi fere reperire licet, quo tempore mos ille cœperit, tenuiores, quo à vi potentiorum tutiores essent, in fidem recipiendi, nisi ab ipsis naturalibus defensionum principiis eum derivare velimus. Scilicet omnis defensio eo spectat, ut vel nosmet ipsos tueamur, vel alios. Illa quin omni jure licita sit, non est dubitandum. *M. Tullius* de primis naturæ agens, inquit: *Primum est officium, ut quis se conservet in natura statu, deinceps ut ea teneat, quæ secundum naturam sunt, pellatq; contraria.* Cum vero sit ea conditio hominum, ut nemo solus sibi sufficiat, sed opis alienæ frequenter, ad sui conservationem, indigeat, natura quasi impellente fertur ad appetitum societatis, & maxime civilis, utpote in qua demum indigentiam expleat, suæ conservationi plene consulat, interq; bona externa haud postremum, securitatem consequatur. Quæ si forte ob ipsius civitatis impotentiam, aliorum vero nimiam potentiam, obtineri nequeat, locus datur ineundi fœdera, aliasque conventiones, quo aliorum auxilio tuta sit. Quo de agere nunc ad nos non pertinet.

lib. 6. Divin. Instit.

l. 4. de leg.
l. 1. de benefic.
c. 10.
l. 1. c. 5 & l. 2.
c. 25.

XI. Alterum genus defensionis, suscipitur, uti dictum, pro aliis, sive eandem incolant civitatem, sive aliam. Permissum id esse, nemo, ut arbitror, dubitabit, possetque ex iisdem deduci fundamentis, si res id exigat. De consensu gentium constat, quemque, non tantum sui juris, sed & alieni naturaliter vindicem & executorem esse, ita ut ideo manus nobis datas affirmarent, atq; adeo illum, qui non defenderat, aut obstiterat injuriæ, si potuisset, tam esse in vitio judicarent, quam si parentes, aut patriam deseruisset. Præclare hanc in rem *Lactantius*: *Dem, qui ceteris animalibus sapientiæ non dedit, naturalib; ea munitis, ab incursu & periculo, tutiora generavit: hominem vero, quia nudum fragilemq; formavit, ut eum sapientia potius instrueret, dedit ei, præter cetera, hunc pietatis affectum, ut homo hominem tueatur, diligat, foveat, contraq; omnia pericula & accipiat & præstet auxilium.* *Plato* puniendum censet, qui vim alteri illatam non arceat. *Seneca* est: *indignum si eripere latronibus potero, clamore sublato, salutarem vocem homini, non pigebit emitte.* Qualia loca plura collegit *Grotius de jure belli & pacis*. Est autem multiplex hæc defensio, fluitq; ex diversis causis; aut enim ex illa naturali conjunctione, quæ inter homines est, quæque vel sola ad opem ferendam sufficit;

aut:

aut ex jure subjectionis, quo subditi defenduntur; aut ex jure necessitudinis, quo parentibus, conjugii, liberis, cognatis, affinis, ad opitulandum adstringimur, quamvis ratione proximitatis iterum suos recipiat gradus; aut ex jure amicitiae, quando quidem non promissa est defensio, debetur tamen amicitiae quadam ratione; aut ex jure societatis, quocumque tandem modo conventum sit, quod alter alteri succurrere debeat; aut ex jure vicinitatis, nam & interdum vicini inclamantur, quique ejusdem civitatis sunt participes; aut ex defectu prudentiae, quae contingit, vel ob aetatem, hinc pupillis tutores adjunguntur, vel ob morbum, unde furiosi habent curatores, nihil enim *l. 1. ff. de mia.* tam naturale est, quam qui se ipsum regere aut defendere nequit, ut alteri prudentiori subjiciatur; vel ab imperitia, unde qui in foro litigant, plerumque causarum patronos sibi adsciunt; aut denique ex metu potentiorum, ex quo fonte provenit jus, de quo agimus, clientelare, quando aliquis debiliore aut inferiori contra potentiores opem suam stipulatur, neque aliud ab eo exspectat, quam honorem & reverentiam.

XII. Hinc igitur liquere potest, cum jus defensionis ex ipsa natura fluat, adeoque cum humano genere natum sit, etiam jus clientelare, quod isti innititur, inde originem cepisse, ut ut progressu temporis variis circumscriptum sit passionibus; uti nec inde defuisse dici potest, quod nonnullae gentes eo abusi sint. Idem ostendit *Dionysius Halicarnassensis*, quando hunc morem antiquum & in Graecia à Thessalis & praeceps Atheniensibus usurpatum refert: cui etiam ad stipulatur *Bodinus*, qui jus clientelare antiquissimum, & ante Romuli tempora, non modo Graecis, sed lib. 1. de rep. & Celtis, Illyriis, Asiaticis & Aegyptiis usitatissimum fuisse memorat. Hae vero Respublicae, cum omnium, quarum tam sacra, quam prophana, meminit historia, sint vetustissimae, nec apud illas hoc jus natum ullibi reperiatur, satis de antiquitate ejus constare poterit. Verum ex longo illo usu, Graeci eo tandem ab *Dionys. Halicarn. l. 2. c. 10.* uti coeperunt, adeo ut clientibus superbe imperarent, iisque quasi servis uterentur, opera injungentes quae liberis hominibus minime conveniebant; imo si forte iussa non statim fecissent, verbera illis intentare sibi non temperabant, ad omnia denique iis abutentes, haud secus atque emptitiis. Nec satis erat, eos servili adeo modo tractasse, inhonesto atque abjecto in super nomine ap-

pellabant, ipso quasi vocabulo fortunam iis exprobrantes: Athenienses enim à servitute, & ob ministeria, quæ præstare cogebantur, *θητας*: Thessali vero *πειστας*, id est, servos vel pauperes illos dicebant.

XIII. Romulus vero jus hoc patronatus, ad suam quam instituebat rempublicam transferens, omni sublato abusu in melius reformavit. Non tantum enim commoda tam patronis quam clientibus officia assignavit, sed & decora appellatione rem ipsam cohonestavit, vocando jus patronatus, tutelam pauperum & abjectorum. Atque mutua hæc patronorum ac clientum copula, summo Reipublicæ cum fructu diu in usu permansit, ita ut haud secus, quam cognatæ necessitudines, posteris per manus traderentur. Decemviri namque legibus duodecim tabularum etiam hanc inseruerant: *Plebes sibi ex patriciis patronum, quem volunt eligunt.* Qua lege optione plebeis data, omnes sese in tutelam ac patrocinium dederunt, nec facile, nisi ob graves causas, patronos mutarunt. Neque tantum urbana plebs ex patriciis defensores sibi parabat; sed & coloniæ, urbes tam sociæ atq; amicæ, quam bello subactæ, imo integræ Romanæ ditionis provinciæ, Regesq; socii, suos habebant patronos atq; defensores, eosq; pro lubitu è Romanis eligeabant Patriciis.

l. 1. offic. De bello subactis id testatur Cicero, quando ait: *illi, qui civitates aut nationes devictas bello in fidem receperunt, ut eorum patroni essent, more majorum receptum fuit.* Cato postquam Cyprum Insulam Romanæ ditioni adjecisset, hujus insulæ, ut & regni Cappadociæ patronus semper audiit, eorumq; causas in Senatu egit.

l. 4. c. 3. Fabricius Luscinus universos Samnites in clientela habuit, teste Valerio Maximo. Siculos Ciceronis clientes fuisse passim reperitur, præcipue vero ex ipsius Divinatione patere potest. Allobroges Fabium Sangam patronum delegerunt; Syracusani Marcellorum familiam, Bononienses Antoniorum quod inter alios etiam testatur Suetonius, quando ait: *Bononiensibus quoq; publice, quod in Antoniorum clientela antiquitus erant, gratiam facit, conjurandis cum tota Italia, pro partibus suis.*

In Augusto. Dion. Halic. XIV. Hisce ergo clientelis cum præessent maxima laude, sæpe factum, ut Senatus controversias civitatum ad earum patronos remiserit, eorumq; judicia rata habuerit. Ex quo accidit, ut licet multæ ac magnæ plebeios inter & patricios controversiæ

sive de Republica intercesserint, quod tam in parvis quàm magnis civitatibus sæpenumero evenire solet, per septingentos tamen & viginti annos à sanguine civium & mutua cæde sibi temperarint Romani. Obortis enim controversiis, patroni ea qua pollebant auctoritate & gratia, apud clientes suos intercedebant, eos edocentes mutuū officium, partim postulata, si res ita ferret, concedentes, partim rursus aliquid impetrantes à volentibus, civiliter componebant expostulationum negotia. Atque hoc modo vetus illud ac diuturnum certamen, quod mensuris Portuensibus cum Caudicariis Romæ fuit, Ragonius Vincentius Celsus Annonæ Præfectus, qui mensurum Portuensium patronus erat, ea æquitate composuit, ut utrumque corpus voti compos abiret, & beneficio se & victoria gratularetur affectum, uti verba habent statuae inscripta, quam ei mentores Portuenses ob hoc beneficium posuerant. Sed postquam Imperatores Rempublicam occupassent, patriciorum, procerumq; potentiam maxime suspectantes, omnibus modis eam imminuere tentabant, tum publicæ illæ clientelæ, quæ Imperatoribus formidabiles videbantur, paulatim in desuetudinē ivere, privatis istis patrociniis, quæ parū nocere poterāt, in usu manētib.

Inscr. vet.
Grut. p. 472.
n. 1.

XV. Quemadmodum autem Romani morem hunc à Græcis ita Galli atq; Germani à Romanis, qui Gallias, partemq; Germaniæ ad Rhenum coloniarum multitudine illustrarunt, accipere. Et Galli quidem stante adhuc Romana Republica, jure clientelari utebantur; uti hoc de iis testatur *Cæsar*, quando ait: Quo quicq; amplior erat, eo plures habebat clientes. Item: More Gallorum nefas esse clientes deferere dominos suos, etiam in extremis malorum. Et alibi de Equitum ordine loquens, inquit: Atq; eorum ut quicq; est genere & copiis amplissimus, ita plurimos circa se ambactos, clientesq; habet, hanc unam gratiam potentiamq; noverunt. Videri hac de re amplius potest *Magernus de Advoc. arm.* De Germanis idem affirmat *Tacitus*; enarrans enim quemadmodum *Segestes* *Socer Arminii* Romanis sese dederit, pergit: Germanico pretium fuit convertere agmen, pugnatumq; in obsidentes & ereptus *Segestes*, magna cum propinquorum & clientum manu. Et alibi cladem ac fugam *Vannii* Regis Suevorum, à vicinis Germanis regno pulsi describens adjungit: Caterum ad classē in Danubio operientem profugit; secuti mox clientes, & acceptis agris in Pannonia locati sunt. Etiam apud Anglos jam tum cliente-

Bodin. de res
publ. l. 1. c. 7.

l. 6. & 7. de
Bell. Gall.

c. 5. n. 70. &
scqq.

1. An. 57.

12. An. 30.

H h h h h 3

las

u. An. 37.

Chron. Spir.
l. i. c. 9.

las in usu fuisse, testis est idem *Tacitus*, quando narrat, quomodo *Caractacus* Rex Angliæ in prælio una cum suis captus, quaq; populus Romam deductus sit: *Vocatus* (inquit) *ut ad insigne spectaculum populus steteret in armis prætorie cohortes, tum incenditibus Regis clientela*, & quæ porro sequuntur. Apud priscos quoq; Francos minores civitates majorum ac potentiorum patrocinia elegisse ostendit *Hottomannus* in *Francogallia*, quando ait: *Earum porro civitatum alia alius potentiores erant, quarum se in fidem & clientelam, quæ minus per se poterant, studiose conferebant.* Cui ad stipulatur *Lehmannus*, dum opinionem *Beati Rhenani* adducit, qui putat *Nemetes* atq; *Vangiones* olim in fide ac patrocinio *Mediomatricum* fuisse.

cap. 12.

cap. 17.

cap. 18.

cap. 17.

XVI. Translato dein à Romanis ad Germanos Imperio, idem mos in Germania permanfit, quod ex antiquarum historiarum monumentis satis liquet. Non solum enim urbes, sed & Ducatus ac integræ provinciæ Regni titulo hodie insignes, sub Imperatorum nostrorum clientela fuisse, illius ævi scriptores annotarunt. *Burgundiæ* regnum, antea pene avulsum à Germania verum ab *Ottone M.* non nihil in ordinem redactum, ex eo tempore, usq; ad *Conradum Salicum* (cui illud ab ultimo Rege testamento donatum) in clientela Regum Germaniæ fuisse, ex *Frodoardo*, *Witrikindo* & aliis notat *Nobilissimus Conringius* præclaro opere *de Finibus Imperii Germ.* *Henricus III.* alias *Niger* dictus, *Petrum* Regem Hungariæ, ab *Ovone* quodam Regno pulsum, in clientelam recepit, eumq; cum exercitu iterum restituit: postea *Petro* à suis perfide interempto, *Andreas* ab *Hungaris* Rex electus, missis ad Imperatorem legatis, de cæde *Petri* se excusat, seq; in clientelam Cæsaris dicat, si ejus beneficio, auctoritate & pace, rerum Hungaricarum potiretur. *Salomon* quoq; post hunc Rex Hungariæ factus, ab *Henrico IV.* in clientelam receptus fuit, uti *Dn. Conringius* jam citato opere, ex *Aventino*, *Sigeberto Gemblacensi*, *Bonfinio* & *Lamberto Schaffnaburgensi* late ostendit. *Henricus V.* Imperator *Amadæum* ejus nominis *Secundum*, *Comitem Mauriciæ*, creavit *Sabaudia* *Comitem*, hac inter alias lege, ut clientelari feudali impofterum jure *Sabaudia* Imperium Romanum respiceret; ut refert *Lambertus van der Burch* in *Originebus Ducum Sabaudia*, citante *Couringio* modo dicto libro, ubi etiam ex *Arnoldo Lubecensi* observat *Cypri* atque *Armenia* Reges in clientelam *Henrici VI.* qui tum temporis expeditionem in *Palæstinam* suscep-

accepit, concessisse. Nec tantum Imperatores, sed & alii Principes potentiores, eos, qui ad opem illorum confugerant, in patrocinium atq; in clientelam recepere. ita *Marquardus Freherus in Orig. Palat.* testatur, ex eo tempore, quo Ducum Bojoriarum familia Palatinæ Domui per connubium Ottonis II. Ducis Bojoriarum cum Agneta Henrici junioris Comitum Palatini unica filia, inserta fuerit, complures Regulos, Comites, Barones, milites, ingenuos, defensionis & patrocinii ergo, se suaque in Palatinorum fidem, ultro dedisse.

part. I. c. 14.

XVII. Plura ejusmodi clientelarum exempla ex historiis si opus foret adduci possent, verum ut brevitati studeamus, & ad nostra propius accedamus tempora videndum, an hic mos sequentibus temporibus, ita propagatus adhuc apud nos vigeat. Superiore itaque seculo duo maxime illustria exempla nobis sese obtulere, quorum primum est, quod Duces Lotharingiæ Anno clō 15 XLII. à Ferdinando Rege Romanorum in specialem Imperii Rom. tutelam recepti sint, conscripta super ea re transactione quam Lotharingicam vocant, cujus tenorem videre licet apud *Magerum* sæpe dicto opere. Alterum exhibet transactio Burgundica, in Comitibus Augustanis, Anno clō 15 XLII. concepta, qua Carolus V. Imperator provincias inferioris Germaniæ, una cum Burgundia, quam hereditario jure possidebat, tutelæ Imperii commisit: quam verbotenus recenset idem *Magerus*, loco citato. Notum alias est civitatem Erphordensem ab immemoriali tempore, in clientela Ducum ac Electorum Sax. fuisse, & adhuc existere; quorum etiam tutelæ hodie subsunt Mülhausen & Northausen Imperii civitates.

c. 5. n. 504.

c. 5. n. 505.

XVIII. Delineavimus hætenus originem clientelarum, & quomodo usque ad nostra tempora propagatæ sint; Consequens est ut *finem* investigemus quare jus clientelare in bene constitutis rebus publicis introductum, severisq; legibus sit firmatum. Constat inter omnes absq; civium concordia rempublicam non posse esse salvam: Nihil enim magis ad tranquillitatem societatis humanæ facit, omniumque turbarum causas, atq; omnem status publici dissipandi, pacisq; turbandæ occasionem tollit, quam si caveatur, ne potentiores, tenuiorum fortunis inhiant, juribus & libertati eorum insidiantur, hisque ob hæc vim inferant; tum etiam ne pauperes ditioribus invident,

cos-

Id in confesso est, neutram partem sive pauperum sive divitum, æqualitatem & inæqualitatem, quam tantopere extollunt, ex iis principiis, ex quibus debebant, repetere; quippe cum nec opes nec libertas, nec aliud bonum externum, sed sola virtus sit verum æqualitatis personarum fundamentum, secundum cujus mensuram, honores administrationesque publicæ distribui debebant. Sed quis illis hoc persuadeat, quos amor sui nimium excæcat, & caliginem judicio offundit. *Fere plerique*, inquit Aristoteles, *de rebus suis mali sunt iudices.* Et forte nondum plene ad liquidum est deducta tota hæc doctrina de æqualitate inter divites & pauperes introducenda. *Ipsæ Aristoteles*, de democratia agens, fatetur admodum esse difficile æqualitatem istam Arithmeticam invenire, quæ nemini in republica injuriam faciat, facilius tamen esse eam indagare, quam potentioribus persuadere, ut ea uti velint. Etsi enim tenuiores nihil aliud spectent hac sua æqualitate, quam ne opprimantur à ditioribus, difficulter tamen in officio continentur illi, qui viribus & potentia eminent, nec facile adduci possunt, ut æquo jure cum tenuioribus vivant. *Plato*, citante *Piccarto ad adductum Aristotelis locum*, dixit: Dei judicium esse, æqualitatem ejusmodi determinare.

3. Pol. 4. 3.

loco citato.

6. Pol. 4. 3.

l. 6. de leg.

XXI. Aristoteles sane in opere suo Politico non semel inculcat harmoniam istam pauperum atque divitum, putatque obtineri eam posse aliquo modo, si legislator mediorum civium perpetuo majorem curam habeat, quam extremorum, tum enim medii extrema, tanquam in æquilibrio pacis, continebunt, firmabuntque Rempublicam. Aut si forte tanta copia mediorum non suppetat, operam dandam, ut ipsa administratio Reipublicæ, probe divisa & quasi mixta sit inter divites ac pauperes: quod fiet, si primo utraque pars consueti suo rigori nonnihil detrahat, sibi invicem aliquantum concedant: quo magis enim ab extremis recedunt, eo rectius inter se conjungi possunt. Ergo omnino necessarium est, ut uterque ordo imperii sit particeps, ita quidem, ut vel æquales numero ex utrisque deligantur, vel si non numero, proportionem tamen æquales; prout elegan-

6. *Pol. c. 3.* tissime de Democratia quidem ostensum ab Aristotele. Hæc tamen cautela ab eodem notata, sollicitè legislatori observanda; utile enim esse ait, tum in Democratia, tum in Oligarchia iis, qui Reipublicæ administrationis minus sunt participes, aliarum rerum aut æqualitatem, aut primas partes dare: in Democratia locupletibus, in Oligarchia pauperibus; reliqua vero imperia, in quibus totius Reipublicæ publica consistit auctoritas & potestas, solis iis, aut pluribus ex iis, qui Rempublicam administrant, committere. Ne scilicet status Reipublicæ sensim immutetur.

XXII. Atque huic efficacissimo æqualitatis introducendæ remedio, si ab utraque parte accedant cætera humanitatis officia, & benevolentia indicia, qua in gestu, qua in alloquiis, altera alterius commoda promoveat, incommoda declinet, forte sic satis bene talis respublica se habebit, dum nemo vel se opprimi, vel contemni conqueri queat, sed omnes pari jure inter se vivant. Expressit hanc ordinum harmoniam eleganti simili *Cicero* in libris de republica, ex quibus hoc fragmentum servavit *Augustinus*. *Ut in fidibus,* inquit, *ac tibus, atque cantu ipso ac vocibus, concentus quidam est tenendus, ex distinctis sonis, quem immutarum ac discrepantem aures erudita ferre non possunt, isque concentus ex dissimillarum vocum moderatione, concors tamen efficitur & congruens: Sic ex summis & infimis & mediis interjectis ordinibus, ut sonis, moderata ratione civitas consensu dissimilimorum concinit, & quæ harmonia à musicis dicitur in cantu, ea est in civitate concordia, arctissimum atque optimum omni in rep. vinculum incolumitatis.* Faciunt huc quoque verba *Menenii Agrippæ* in pereleganti illa fabula de discordia membrorum corporis humani cum ventre, quæ plebem, quæ in montem sacrum secesserat, in urbem revocavit, patribusque reconciliavit, ostendens, in firma ordinum conjunctione atque concordia, pacem reipublicæ, in discordia vero interitum positum esse.

XXIII. Huc igitur quin *Romulus* quoque in constitutione suæ reipublicæ maxime respexerit, non est dubitandum, putaveritque, præter alia conciliandi animos divitum

& pauperum instrumenta, concordiamque in Republica stabilendam, nullum melius fore, quam hoc jus clientelare. Eam maxime ob causam, ne inferiores à potentioribus cubito quasi protruderentur, aut egeni ac viles eminentioribus inviderent. Neque hac sua spe frustratus, feliciter finem, quem intenderat, obrinuit. Mutua enim hæc patronorum atque clientum copula per multas ætates permansit, ingensque certamen fuit utrisque, ne vincerentur mutua gratia & benevolentia, dum clientes patronis omnia pro virili obsequia præstare nitebantur, & vicissim patroni nullis corrumpi muneribus poterant, ut clientes injuria affici sinerent. Ab his itaque initiis ex auctoritate Romuli, firma Romanis coaluit pax, & licet non defuerint inter plebem & honoratiores, controversiæ de republica, auctoritate tamen Patronorum & obsequio clientum res facile composita fuit, donec Gracchus hanc ordinum harmoniam turbavit, oppresso, perniciosis legibus latis, senatorio ordine, plebei contra auctoritate in majus adaucta, unde quoque primus Romanæ reipublicæ everfor ab Historicis perhibetur.

XXIV. Quanquam verò, uti jam ostensum, concordia civium indeque dependens salus reipublicæ, verus clientelæ finis sit, accessere tamen etiam alii fines, quos ratione illius, minus proprios vocare possumus. Patroni namque, quorum in clientelam inferiores sese dedere solebant, in suscipiendis iis, magis privatum, quam publicum, respiciebant commodum: generosiores quidem cumulabant clientelas, quo sibi inde gloriam atque magnificentiam compararent, eoque in majori honore haberentur, quo plures eorum ope indigerent. Jam tum enim apud Romanos, maxima laus erat Nobilium, habere clientes quam plurimos, non hæreditariis tantum clientelis conservatis, verum etiam novis propria virtute partis. Quemadmodum autem multum requirebatur ad hoc, ut quis tantam sibi conciliaret auctoritatem ac fidem, quo inferiores sua sponte alicujus patrocínio sese crederent, ita contra illi, qui patrem aut proavos alicujus patronos elegerant, haud facile nisi magna de causa clientelam filii deserebant. Alii vero felicitatem suam,

*Dion. Halic.
l. 2. c. 10.*

non virtute, sed fortuna metientes, clientelas à parentibus acceptas sollicitè quidem conservare, aliasque iis addere solebant, sed spe lucri, aut alterius commodi gratia, qui hodie præcipuus omnium fere clientelarum scopus esse consuevit. De quibus videtur loqui Comicus, quando ait:

*Plaut. in
Menach.
Act. 4.*

————— *Morem habent hunc.*

*Clientes sibi omnes volunt esse multos,
Bonine an mali sint, id haud quaritant,
Res magis quaritur, quam clientium
Fides ejusmodi clueat.*

*Si est pauper atque haud malus, nequam habetur,
Sin dives malus est, is cliens frugi habetur.*

*Qui neque leges, neque æquum bonum usquam
Colunt, sollicitos patronos habent.*

XXV. A. cedit his tertium genus, eorum scilicet, qui ambitiosi ac turbulenti sunt ingenti, nec lium in finem clientelas sibi conciliant, quam ut suam potentiam eo majorem reddant, progressive temporis in tantum adaugeant, ut quando illis libitum fuerit, impune res novas moliri, & rempublicam turbare possint, & ita optimo ac saluberrimo ad salutem publicam conservandam instituto, ad eius cladem atque interitum pessimo exemplo abutuntur.

XXVI. Ne vero idem illud, quod pro reipublicæ utilitate institutum, in eius detrimentum vergeret, variegat huic malo obuiam itum, multisque remediis nimiam unius aut paucorum potentiam restrictam legimus. In nonnullis enim rebus publicis; non tantum homines turbulentos, sed & alios qui opibus atque clientelis nimium valebant, urbepulsos invenimus, à quibusdam quidem honesto titulo præfecturæ, aut legationis, quod Romani in usu habebant, ab aliis vero statim, nulloque prætextu, in exilium ire jubebantur, quod Syracusis per pedalismum, apud Argivos vero & Athenienses per ostracismum fieri solebat. Erenim cum non raro eueniret, ut homo novarum rerum studiosus, si ad potentiam aliquam pervenisset, aut rempublicam ad se trahens, Tyrannidem constitueret, aut si ad hunc apicem pervenire non posset, maximas in civitate turbas daret; hinc

hinc communis politicorum regula nata ; diligenter cavendum esse, ne quis unus honoribus, aut opibus, genere, clientelisve supra alios nimis exsurgat ; quod & Aristoteles in libris Politicorum sæpius inculcare solet.

XXVII. Neque immerito bene constituta respublica sibi ab huiusmodi hominibus cavere debet, cum malitiosis nunquam voluntas turbandi statum desit, quique si potentia accedat, haud quiescunt ; boni vero cives licet ita animati non sint, summa tamen fortuna haud raro animos mutat, nec est cuiusvis non inolescere fortuna secundiore, cum difficilior multo putetur, fortunam secundam quam adversam recte ferre. Atque hæc maxime causa subesse videtur, quare & boni alias viri, si ad nimiam assurgant fortunam, suspecti Democratiis redditi, & æque ac alii, si fieri potuit, in ordinem redacti sint.

XXIX. Omnium autem maxime sibi hac in re proficere solent, qui tyrannicum in suos exercent imperium ; dum enim timeri magis quam amari à subditis cupiunt, omnem facultatem sibi nocendi iis eripiant necesse est. Hinc variae artes excogitatae, quibus illustriorum potentiam frangant, aut eos longius amovendo, aut eorum opes conterendo, aut deniq; sub specie criminis commissi, vitam cum opibus eripiendo, sibi securitatem pariant. Quod remedium ad stabiliendam dominationem haud ignorarunt quidam Romanorum Imperatorum, qui illustriorem quemq; è medio sustulerunt, quo nihil sibi timendum esset ; quod innuit Tacitus, quando meliorum imperia cum deterioribus comparans, ait : *Dites olim familia nobilium, aut claritudine insignes, studio magnificentia prolabebantur. nam etiam tum plebem, socios, regna colere & coli licitum : ut quisque opibus, domo, paratu speciosus, per nomen & clientelas illustrior habebatur ; postquam cadibus saevitum, & magnitudo exitio erat, ceteri ad sapientiora convertere.* Quasi dicat: Olim quidem gloriae & magnificentiae erat, opibus excellere, sumptibus minime parcere, multos sibi socios atque clientes comparare, atque ita cum reliquis magnificentia certare ; postea vero cum in splendidissimum quemque cadibus saeviretur, & multi

nobilium interfecti essent, nulla alia de causa, quam quod ob claritatem nominis, atque potentiam Principi suspecti essent, ceteros, aliorum periculo melius edoctos, quo sibi consularent, nullas opes ad ostentationem congerere, nullos socios ob potentiam suspectos sibi iungere, nec amplius clientelas in infinitum cumulare voluisse. Hisce igitur atque aliis modis coercitos reperimus eos, qui salubre hoc reipublicæ institutum, in eius perniciem vertere conati sunt, aut tanquam statui graves, in suspicionem venerunt.

XXIX. Restat adhuc exponere *formam* iuris clientelæ, quæ partim in susceptione clientum, partim in mutui officiis patronorum & clientum consistit. Ipsam constitutionem clientelæ optime Dionysius Halicarn. loco sapientius laudato, exponit, quando in hunc fere sensum loquitur: Romulum commendasse patritiis plebeios, optionemque cuique è vulgo dedisse, ut quem veller patronum sibi legeret. Itaque progressu temporis factum, ut non tantum in ipsa urbe, plebs patriciorum sibi quæsierit patrocina, sed & multæ civitates, coloniæ, & denique etiam bello subactæ, suos sibi, quoscunque vellent, è Romanis elegerint tutores atque patronos, quos auctoritate & fide præ cæteris claros noverant, qui eos ab omni injuria tutos, inque omni negotio, suam operam præstarent. Formulæ ipsæ susceptionis, aut deditionis licet multis ex historia petitis exemplis ostendi queant, puto tamen eas rectius addisci non posse, quam tabulis illis æneis, quibus ejusmodi formulæ inscribebantur, atque in domibus patronorum postea suspendebantur. Retulit ejusmodi tabularum exempla etiam doctissimus *Gruerus* in inscriptiones veteres, quas ad rei literariæ nunquam intermorituram utilitatem, summo labore, unum in corpus congeffit.

pag. 470.
n. 1. & 2.

XXX. Inter alias duæ extant, quarum prima civitas *Apisia*, altera *S. P. Q. Siagitanus*, *C. Silium*, *C. F. Fab. Aviolam* patronum sibi cooprarunt: altera parte tabulæ civitas *Apisia*, *C. Silium*, liberos, posterosque ejus; sibi, liberis, posterisque suis patronum cooprant: altera vero, *C. Silius* civitatem *Apisiam*, liberos, posterosque eorum, sibi, liberis, posteris-

sterisque suis in fidem clientelamque recipit. Altera tabula iisdem quibus prior verbis concepta est, tantum mutatis nominibus. Alia habetur in appendice inscriptionum, quam domo J. Silii Juliani posuere collegium Fabiûm & Centena-^{p. 1101. n. v.} riorum Rhegiensium: præmissis nominibus Consulûm relatio habetur Quæstorûm collegii, qui retulerunt ita: *Jul. Silium Julianum, virum & vita, & modestia, & ingenita verecundia ornatum, & liberalem, oportere collegii nostri patronum cooptari, ut sit cæteris exemplo, iudicii nostri testimonium.* Huic relationi Quæstorûm subjungitur decretum civitatis quod ita habet: *Salubri consilio tam honestam relationem à Quæstoribus & magistris collegii nostri factam, & singuli & universi sentimus, & ideo excusandam potius honesto viro Juliano, huius tardæ cogitationis nostra necessitatem, petendumque ab eo, libenter suscipiat collegii nostri patronalem honorem, tabulamque aream, cum inscriptione huius decreti nostri, domo eius poni patiatur.*

XXXI. Admodum autem illustris est illa tabula, qua^{p. 443. n. 6.} Peluini Nummiæ Variæ Sacerdoti Veneris sese in clientelam dant, quam quia à cæteris longe differt, & ad rem nostram maxime illustrandam facit, integram huc appono.

C. Vectio Attico &

C. Asinio Prætextato Cos.

Pr. Idus April.

Peltuini Vestinis in Curia Aug. Ordinem habentibus T. Avdiaeco Restituto, & Blasio Natale Aedd. Q. Q. scribundo adfuerunt, quod universi verba fecerunt.

*Nimirum Variam C. F. Sacerdotem Veneris felicis ea adfectione, atque prono animo circa nos agere cœpisse, pro instituto benevolentia sua, sicut & parentes ejus semper egerunt, ut merito debeat ex consensu universorum patrona præfectura nostra fieri, quo magis magisque hoc honore, qui est apud nos potissimus, tanta claritati ejus oblato, dignatione benignitatis ejus gloriosi & in omnibus tui ac de-
fensi esse possimus. Q. D. E. R. F. P. D. E. R. I. C.*

Placere universis conscriptis Nummiæ Variæ C. F. Sacerdoti Veneris Felicis pro splendore dignitatis suæ, patrocinium
pra-

praefectura nostra offerri, petique ab ejus claritate, & eximia benignitate, ut hunc honorem sibi à nobis oblatum libenti & prono animo suscipere & singulos universosque nos remque publicam nostram in clientelam domus suae recipere dignetur, & in quibuscunque ratio exegerit, intercedente auctoritate dignitatis suae, tutos defensoresque praestet. Tabulamque aeneam, hujus decreti n. verba continentem, offerri ei per Avidiacum Restitutum & Blasum Natalem qq.

Item Numisenum Crescentem & Fl. Priscum primores Ord. n. viros censuer.

*p. 362. &
scqq.*

Eunuch.

Act. 5. Sc. 2.

Act. 5. Sc. 9.

Plures tabulae hujus argumenti in dicto opere videri possunt, adductae instituto nostro sufficiunt. Eodem autem modo quo se civitates, aut universitates alicui in clientelam dederunt, etiam privati homines, patronis se suaeque omnia commendabant; ita ut eadem formula usi reperiantur. Ita *Terentius* introducit clientem, qui sese patronae submittebat, ita loquentem: *Ego me tua commendo fidei, te mihi patronam capio.* Et alibi: *Thais patri se commendavit, in clientelam & fidem nobis dedit se.*

XXXII. Ex quibus liquido patere potest, modus quem veteres observarunt tam in adoptandis patronis, quam suscipiendis clientibus: Simul inde discimus, plerumque absque ullis id factum esse conditionibus, cum clientes ab iis, quorum tutelae sese commiserant, ob eorum candorem atque integritatem, nihil timerent, neque hi aliud à clientibus, praeter honorem & reverentiam cum officiis consuevis exigent; ita neque patroni cavere quicquam, neque clientes promittere opus habebant. Posterioribus vero temporibus, cum clientelae in quaestum verterentur, & defensio primus ad servitutem gradus esse coepisset, necesse fuit, certum quid patronis promittere, ne semper incerta à clientibus postularentur; & vicissim cautionem à patronis exigere, ne ab iis oppressi, subditorum plane loco haberentur. Quo enim magis clientes patronorum iniuriis expositi sunt, dum se suaeque omnia eorum fidei ac potestati credidere, tanto maiori cautione adversus malorum patronorum fraudes, atque

que perfidiam opus habent, ne patrocini specie libertatem amittant. Vere namque Bodinus: *Clientelare fœdus omnium esse periculosissimum, nisi bene accurateque libertati clientum caveatur, quoniam sapissime fiat, ut patroni in dominos, vel etiam in tyrannos, clientes in subditos sapius etiam in ferros evadant.* Et paulo post: *Periculosum est igitur, alterius Principis clientelam sine iustissima causa subire: licet enim nullius imperio tales teneantur, se ipsos tamen suæque omnia potentiorum arbitrio subjungere videntur, ut eosdem quos illi hostes habeant & amicos; proque eorum dignitate & æstimatione, necesse habeant, æque ac pro se ipsis pugnare, & eadem que illi detrimenta & pericula subire, victoriarum tamen utilitates nullas omnino adipisci. Quo fit, ut qui melius sibi caveant, huiusmodi clientelam, nisi armis coacti, aut potentium iniuriis oppressi, adire nolint.*

XXXIII. Cum vero, uti ex tabulis clientelaribus supra adductis patuit, olim magni beneficii loco habitum fuerit, in clientelam alicuius recipi, fortasse hodiernis temporibus clientes maximi commodi loco reponere debent, quod difficilibus & molestis careant patronis, atque hoc ob infecutum, & indies magis magisque crescentem abusum. Satis enim superque notum est, nonnullos principes jure hoc clientelari, quasi modo propagandi imperii jam dudum usos fuisse. Ita Romani sociis defendendis terrarum domini evasere; & cum olim Sequani cum Heduis de principatu contententes Ariovisti patrocinium atque opem implorarent, Ariovistus devictis Heduis superbe atque crudeliter Sequanis imperare cœpit, illosque licet clientes, durissime tractavit, denique majori terræ eorum parte occupatâ, eos imperio suo subdidit, iisque per annos quatuordecim potenter dominatus est, usque dum à Cæsare victus Galliam deserere coactus fuit. Superiori seculo Cameracum, Tullum, Verodunum, atque Metis, quæ liberæ Imperii urbes erant, cum sese in Gallorum Regis clientelam darent, sub plausibili patrocini nomine ab Imperio avulsæ sunt, libertatemque pristinam amiserunt. Frustra enim hic laborat Bodinus, quando ait; Carolum IX. Regem Veromanduos, Tul-

*l. 3. de rep.
c. 6. p. 914.*

p. 918.

*Cæs. de bello
Gall. l. 1.*

*l. 5. de rep.
c. 6.*

Kkk kk

los,

los, ac Metenses jure in provinciæ formam redegerit, eo quod allatum fuisset, clandestinis coniurationibus id agi, ut Hispanos in urbes admitterent: quasi non jam tum Henricus II. postquam has urbes partim vi, partim multis magnisque pollicitationibus, atque promissis, ut suam fidem eligerent, suæque sese submitterent clientelæ, adegisset, statim urbium portas omnesque munitiones in suam redegerit potestatem, inque sua verba (quod dominorum, non patronorum est) Senatum populumque, præfecto iis constituto, armisque adeptis, jurare coëgerit, uti testatur *Scri-danius*, qui ejus temporis gesta summa cum fide annotavit. Eodem sane modo Ordines nonnulli inferioris Germaniæ, cum sese Hispanico Imperio subducentes, Alenfonio in tutelam commisissent, pene ex clientibus subditi facti fuissent, si eventus consiliis Alenfonii respondisset.

XXXIV. Verum res per se clara, & exempla plura cumulare non est necesse; illud potius inspiciendum, quomodo huic malo obviam eundum, & cum ejusmodi tempora incidere possint, ut civitas absque patrono, salva esse nequeat, quamam adhibendæ sint cautiones, ne eodem modo quemadmodum aliæ respublicæ, specie patrocini in servitutem redigantur. Primo itaque ante omnia cavendum, ne facile gratuita ineamus patrocinia, cum semper periculum subesse soleat, ne tales clientelæ, etiamsi à potentioribus oblatae fuerint, plus noceant, quam prosint. Quamquam enim olim illud demum patrocinium appellatum fuerit, quando tenuiores liberam & gratuitam superiorum clientelam subirent, cum merces officio haud debeatur; hodie tamen nemo gratis patrocinium præstat, imo inferiores nonnunquam, invitis ac recusantibus patronis, honorarium promittunt, ut per hoc ceu mercede ad opem ferendam eos adstringant. *Postquam enim utilium & honestorum confusa ratio est, patrocinia potentium mercede conducì oportuit, ne imbecilles injuria tyrannorum opprimerentur:* uti optime hac de re loquitur *Bodinus*. Quippe cum hodie eo animo plerique omnes simus, ut nullam molestiam absque spe lucri, aut inde emergentis commodi, propria adeamus voluntate, haud

haud facile credo quisquam reperietur, qui difficile atque periculosum illud defensionis onus gratis in se suscipiat, cum nemo suo cum incommodo, alterius promovere commodum soleat. Maxime itaque metuendum, ne, dum patronus oblatum spernit honorarium, majori inhiet utilitati, & cum negligat pecuniam, libertatem ipsam nobis eripere tentet. Idcirco securitati suæ optime consulunt, qui certa promissa pecuniæ summa, potentiorum sibi emunt auxilium: tum enim defendere clientes tenentur, nec quicquam aliud ab iis exigere possunt.

XXXV. Deinde clientes ante omnia observare debent, ne ad longum & indefinitum tempus patrocinia contrahant, sed breviori temporis intervallo ea terminent. Ita enim juris clientelæ abusu optime obviam iri poterit, cum multæ res ex temporis diuturnitate in abusum vergere soleant. Cui accedit quod, si forte ad longum tempus patrocinium constitutum sit, nunquam, aut admodum difficulter illud, sibi ob iniquitatem patroni aut alias ob causas damnosum, mutare clientes queant, adeo ut longe melius sit, breve aliquod, idque certo annorum spatio definitum tempus, constituere, quo elapso aut abire à clientela, aut eandem renovare liceat; ita ut, si clientibus initum patrocinium grave videatur, mutare illud, si vero honestum atque proficuum, continuare pro lubitu possint. Quod enim de Vasallis dici solet, eos fiduciam dominis suis renunciare posse, si durius & acerbius, quam par est, habeantur; idem de clientibus judicandum est, ut si patronus leges fœderis neglexerit, neque etiam cliens patrociniæ legibus stare opus habeat.

XXXVI. Aliud *Bodinus* remedium affert, quo suæ clientes libertati caveant; Si nempe iis patrociniæ tabulæ, quas hodie protectionis literas appellant, à patronis dentur, quibus contineatur, ad quid patroni atque clientes sibi invicem obligentur; his enim expressis, declarant reliquis se teneri nolle. Longo vero intervallo hæ ab antiquis illis supra adductis tabulis distant, quibus nihil comprehendebatur, quam additionis in clientelam, & susceptionis in patrocinium formula, nullis omnino intervenientibus pactio-

*Bod. de rep.
l. 5, c. 6.*

loco citato.

nibus aut conditionibus, quæ in hodiernis utramque faciunt paginam. Quapropter optimam iterum cautelam nobis suggerit *Bodinus*, ut nempe hæ conditiones, quam maxime fieri possit, æquissimæ ineantur, neque alia patrōno in clientem potestas concedatur, quam sine qua eum commode tueri non possit; reliqua jura salva atque integra clientibus reserventur: ita ut singulariter cavendum, & in constituenda clientela determinandum sit, patronis, ultra illa tabulis expressa pacta, nihil juris in clientes esse debere. Certis enim his limitibus si constringantur patroni, eos metu amissionis clientelarum transgredi non audebunt, atque ita clientes eorum iis sese committere poterunt. Interim diligentissime observandum, ut conditiones, quibus clientes sese aliorum patrocinio submitunt, antequam inserantur tabulis, prudenter concipiantur, quo certæ ac perspicuæ sint, neque callidas admittant interpretationes. Cum enim tam patronis quam clientibus tabulis istis standum sit, sane necesse erit, ut quæ in iis exprimuntur clara sint, nec ullis verborum tegantur involucris, ne, dum quilibet verba ad suum applicat sensum, maximæ lites & controversiæ oriantur, cum vix frequentior ac speciosior reperiatur perfidiæ prætextus, quam ambiguitas verborum. Et quanquam non desint optimæ interpretationis regulæ, quas singulari studio & diligentia collegit *Hugo Grotius*, non tamen semper ab adversa parte admittuntur, aut ab utraque observantur. Melius itaque est, hisce ab initio perspicuitate verborum consulere, quam postea, quomodo interpretanda sint litigare.

de jure belli
& pacis l. 2.
c. 16.

XXXVII. Ut autem æquis clientela ineatur conditionibus, danda opera, ne iniquiore tempore patronum eligamus, nec in medio demum periculo, quasi in summa tranquillitate, de præsidio tutelari deliberemus. Sicut enim jam instante periculo difficulter inveniuntur auxilia, quæ in pace non quæsitæ, ita qui periculosas ejusmodi clientelas suscipiunt, vix patientur sibi à clientibus condiciones præscribi, adeo ut durissimas interdum inire cogantur pactiones, si à periculo imminente liberari velint. At non nisi flagitante summa necessitate patronus eligendus, ob periculum

lum amittendæ libertatis, cum, uti dictum, hodiernæ clientelæ primus ad servitutem gradus esse soleant! Verum necessitas quoque recipit suos gradus; quemadmodum enim ille suis rebus male consulere, qui in summa omnium rerum quiete, absque ulla causa periculosam clientis aleam subiret; ita etiam ille, qui cum seipsum tueri non possit, tamdiu in eligendo patrono cessaret, donec ingruentibus penitus obruto periculis, inde evadendi spes nulla superesset. Itaque si viri prudentes ad clavum reipublicæ sedent, facile malum aliquod ex longinquo prævidebunt, cui resistendo si pares non sint, opportuno tempore aliorum tutelæ sese committent, cum illi quos defensores eligunt, aut periculum non præsentiant, aut illud facili negotio averti posse sperent.

XXXVIII. Adjungamus adductis cautelis adhuc unam, *l. 5. de rep. c. 6.* quam *Bodinus* omnium cautionum maximam vocat. Ne patroni clientium arces vel oppida præsidio militari teneant. Cupido namque regnandi ita omnium animos invasit, ut vix quisquam inveniatur, qui non malit aliis imperare, quam æquali jure cum iis vivere. Igitur cum hæc voluntas præsertim in potentioribus plerumque præsumatur, omnibus modis cavendum, ne facultas, illam voluntatem perficiendi, istis concedatur. Hoc enim modo clientes in manu ac potestate patronorum toti erunt, & quicquid patronis libitum fuerit, clientes facere cogentur. Id quod optime plebi, quæ in montem sacrum secesserat, contra patres suggerit Brutus, quando ait: unam esse tenuium adversus potentiores securitatis cautionem, ut scilicet potentes, *Dion. Halic. l. 6. c. 78.* si nocere velint non possint, cum nocendi voluntas, ambiosis hominibus & imperandi cupidis, nunquam sit defutura. Quod si vero ea clientium sit conditio, ut aliter tuti esse non possint, nisi tempore belli arces ac civitates eorum protectoris defendantur militibus, hoc temperamento recipiendi sunt, ut numerus non sit major, quam ad necessariam requiratur defensionem, atque bello finito, & metu evanescente, statim urbibus excedant, nec diuturniorem in illis stationem habeant, ne longiore tempore dominium

cum custodia præscribatur, ut inde nec vi expelli possint. Hoc modo Vienna, Constantia, Trajectum ad Mosam, quæ urbes Archiducum Austriæ patrocínio sese dederant, recepto præsidio libertatem amiserunt, uti testatur *Bodinus*, qui latius hæc cautelas, multis ex historia adductis exemplis, illustrat; quique eum in plerisque secutus *Magerus à Schænberg*. Nobis modum constituendæ clientelæ, tam apud veteres quam hodiernos usitatum, paucis delineasse, quibusque cautionibus clientes, adversus patronorum injuriam sese tueri debeant, indicasse sufficiat.

*L. 7. de rep.
c. 6.
de Advoc.
arm. l. 9. a. 5.
339. usq. ad
§. 373.*

XXIX. Ordo nos ducit ad exponendam mutuam inter clientes atque patronos obligationem, & quænam sibi invicem officia præstare teneantur. Tripliciter ea dividit *Halicarnassens*, in ea scilicet, quæ clientes à patronis exigebant, & quæ rursus patroni à clientibus, & denique quæ communia utrisque erant, quibusque mutua illa necessitudo quam maxime declarabatur. Primum genus officiorum, quod Patroni clientibus debebant, in opera præstanda quam maxime consistebat. Docet hoc nos *Terentius*, quando servum, qui adolescentem instruit, quomodo fallat patrem, ita loquentem introducit.

*Adelph.
Act. 4. Sc. 1.*

*Syr. Cliens, amicus, hospes, nemo est vobis? Clitiph:
Sunt: quid postea?*

Syr. Hisce opera ut data sit.

Ad quæ *Magnificus Dominus Præses, Præceptor ac hospes plurimum honorandus*, in *Chrestomathia Terentiana* notat: *Cliens inter ea necessitudinum nomina, quæ ad officium excitant; clientibus autem operam dari, ex hoc ipso loco constat.* Hæc vero operas ordine enumerat *Halicarnassens*: quarum prima est, quod patroni clientibus de jure, cujus plerumque ignari erant, respondere, idque illis interpretari tenerentur, ne ex juris ignorantia, in judicio causa cadentes, damnum aliquod paterentur: id quod inter alios etiam testatur *Horatius*, quando ait:

l. 1. ep. 1.

*Roma dulce diu fuit & solenne, reclusa
Mane domo vigilare, clienti promere jura.*

Altera quæ ex priori fluit erat, quod si clientes in jus vocaren-

carentur, patroni accusatoris impetum sustinere deberent, ne, cum ut plurimum plebei essent, in primordio litis, ex imperitia forte peccarent, & ita causa caderent: Atque si quando cliens in judiciis ab adversariis opprimeretur, aut detrimentum aliquod pateretur, patroni totam in se susciperent litem, proque injuste circumventis in judicio respondentibus, totis eos viribus defenderent. Neque tantum presentium verum etiam absentium cura erat gerenda, ne, dum ipsi propter absentiam se tueri, accusatoribusque aut aliis qui ipsos insectabantur, resistere non possent, aliorum expositi essent ludibrio. Unde in tabulis clientelaribus expressa hæc formula addi solebat: *ut in omnibus tui ac defensi esse possimus, item: ut in quibuscunque ratio exegerit; intercedente autoritate dignitatis sue, nos tuos defensoresque præstet.* Quod certe magno cum clientum commodo inter patronorum officia relatum.

XL. Ut uno verbo absolvam, patronos in omnibus rebus atque negotiis, tam in pecuniariis quam aliis contractibus, pro clientibus omnia facere oportebat, quæ parentes pro filiis facere consueverunt; quæ obligatio, cum omnium sit arctissima, omnia etiam in se comprehendit officiorum genera, quæ homo homini præstare ullo modo potest. Atque hinc illud fluere videtur, quod non tantum nosmet ipsi clientibus ita obstricti simus, sed quod etiam propinqui nostri, si ita requirat necessitas, auxilio illis præsto esse debeant. Id quod apud Romanos in usu fuisse, liquet ex dicto illo C. Cæsaris Pontificis, quod affert Gellius, quando *Noct. Att.* de officiorum gradu atque ordine moribus populi Romani s. c. 13. observato agit. C. Cæsar (verba sunt Gellii) in oratione quam pro Bithynis dixit, hoc principio usus est: *Vel pro hospitio Regis Nicomedis, vel pro horum necessitate, quorum res agitur, defugere hoc munus M. V. non potui. Nam neque hominum morte memoria deleri debet, quin à proximis retineatur, neque clientes sine summa infamia deseriri possunt, quibus etiam à propinquis nostris opem ferre institimus.* Quid quod & cariores nobis clientes quam proximi esse debeant, ut, si cliens cum nostro cognato litem habeat, clienti contra cognatum

Noël. Att. l.
20, c. 1.

natum subveniendum sit, quod moris Romæ fuisse testatur idem *Gellius*, quando Sex. Cæcilius J. C. in colloquio cum Favorino Philosopho ita loquentem introducit: *Populus Romanus clientem in fidem acceptum cariorem haberi quam propinquos tuendumque esse contra cognatos censuit; neque peius ullum facinus existimatum est, quam si cui probaretur, clientem diversum habuisse.*

XL I. Verum uti primis temporibus, boni ac justitiam amantes patroni tantum clientium injuria affectorum causas contra accusatores tuendas suscipiebant, ita progressu temporis, cum nullum vitium esset sine patrocínio, etiam pessima clientium commissa, atque improba delicta à suis sibi similibus, id est, pessimis patronis defendi solita sunt. Quod in *Menach.* inter alia multa testimonia *Plauti* indicat locus, quem, quia ad hanc rem illustrandam apprime facit, huc apponere lubet.

*Juris ubi dicitur dies, simul
Patronis dicitur, quippe qui pro illis
Loquantur, male quæ fecerint, aut ad
Populum, aut in jure apud judices res est.
Sicut me hodie nimis sollicitum cliens
Quidam habuit, ita me attinuit, ita me detinuit,
Apud Aediles pro ejus factis plurimis
Pessimisque causam dixi.*

de jur. Maj.
l. 1, c. 4. n. 2.

XLII. Alterum vero genus officiorum continet ea, quæ clientes pro acceptis à patronis suis beneficiis reddere tenebantur. Inter quæ cum singularia Romulus retulerit officia, operæ pretium erit, ea breviter considerare. Primum itaque clientes, patronos suos ad paupertatem redactos, in elocandis filiabus juvare tenebantur, ne indotatæ inferioris conditionis viris nubere cogerentur. Mirari igitur merito licet cum *Arniseo*, quod *Bodinus* tam audacter asserere ausus fuerit, nusquam alibi, quam à *Plutarcho* hujus rei mentionem fieri: cum *Diomyfius Halicarnassens* non tantum hoc, sed & multa alia recenseat clientium officia, quæ non nisi pecunia præstantur. Cujus generis est etiam illud, quod si patronus vel filius ejus ab hoste captus esset, clientium

tium erat, cum quam primum redimere pretiumque hosti pendere; ob debita etiam nexos à creditoribus propria liberabant pecunia, & privatarum litium æstimationes & multas publicas pecuniarias, pro patronis soluebant. Atque hæc omnia gratis, proprio sumtu, nulloque fœnore, tantum gratiæ referendæ causa præstabant. Quod si patronus in magistratibus & muneribus gerendis sumptus fecisset, cliens non minus quam cognati & genere proximi partem suam ferebat: cum enim in omnibus rebus clientes sanguine junctis aut præferantur, aut ad minimum æquentur, merito etiam hac in re illis adæquari debent, æquasque cum propinquis sumptuum partes sustinere, juxta tritum illud, ut qui sentit commodum, incommodum quoque recusare non debeat. Quemadmodum autem patroni clientes à potentiorum vi defendebant, ita etiam clientes patronis suis in omnibus negotiis atque periculis auxilium ferebant, iisque non solum in pacē ac domi, sed & in bello præsto erant. Licet enim cliens atque patronus pacis tantum vocabula sint, nec inter illa clientium officia, quæ Romulus illis injunxit, onus militiæ reperiatur, videtur tamen hoc ex æmulatione cognatorum atque clientium fluxisse, quod, dum hi in beneficiis se illis præpositos viderent, etiam in officiis, & quæ ad demerendum patronum facerent, cedere illis noluerint. Ita Segesti in pro-Tac. 1. An. pugnando castro à Germanis obfesso magna propinquorum 57. & clientium manus aderat. Et Claudianus ait: 1, 2, in Ruff.

— — Circumque armata clientum.

Agmina, privatis ibant famulantia signis.

XLIII. Enumerata clientium officia maxime patroni utilitatem spectabant: Sequuntur quæ tantum in honorem patroni vergebant, & debitiæ clientium erga patronos observantiæ signa erant. Calendis enim Januariis clientes patronis munuscula ferre solebant, tenui tamen, & quæ grati magis animi indicia, quam ex suo valore magni facienda erant. Quod innuit Martialis, quando de phiala aurea, sed exigui pretii loquitur: Epigr. 1. 3.

Hoc linitur sputo Jani Caryota Calendis.

Quem fert cum parvo sordidus asse cliens.

LII II

At-

c. s. n. 51.33. Atque ex hoc more, probabile putat *Magerus*, nostram consuetudinem, qua eodem anni tempore strenas dare ac mittere solemus, originem cepisse. Major vero gloria, quam ex his minutiis, quæ honorarii loco dabantur, patronis accedebat ex altero officio, quo clientes eos demereri solebant. Mos enim Romæ erat, ut, quando quis filium ejus ætatis habebat, ut togam virilem sumeret, pater & omnes sanguine juncti, eum in forum deducerent, senatoribusque commendarent; hac solenni die clientes etiam, una cum cognatis, honoris causa, magno numero patronos suos comitabantur. Magnificentia quippe erat, habere clientes quam plurimos, & in publico, magna propinquorum, atque clientium manu stipatum apparere.

XLIV. Maximus vero honor quem à clientibus expectare patroni poterant, erat, si ob bene merita statuas iis erigerent, quas privati quidem in domibus & atriis, municipia vero, & urbes in publico ponebant. Adducit earum nonnullas *Magerus*, quarum tamen duæ priores non statuarum sunt inscriptiones, sed tabularum clientelarium, ut ex inscriptionibus *Gruterianis* patet. Quantum vero hæ tabulæ ab iis, de quibus loquimur, statuis, differant, ex supra dictis, quando de susceptione clientium egimus, non nihil patere potest. Ex magno autem numero, quæ in Codice *Gruteriano* habentur, pauca tantum & quæ huc maxime faciunt, adducere libet. Primo itaque occurrit, *L. Aradius Valerius Proculus Augur*, cui viri perfectissimi, & principales, & splendidissimus ordo & populus *Puteolanorum*, ut Patrono dignissimo statuam posuit. Binæ aliæ statuae à collegiis *Pistorum*, & *Suariorum* eidem positæ, hanc inscriptionem paulo antecedunt. Major vero statua eidem à collegio *Suariorum* & *Confecturariorum* posita ibidem legitur, in qua recensitis omnibus ejus quibus perfunctus honoribus atque officiis, in calce subjungitur: *Huic corpus Suariorum & Confecturarium autoribus Patronis, ex affectu eidem jure debito, statuum patrono digno ponendam censuit.* Ad quam clausulam notat *Magerus*: haud frustra inserta esse hæc verba; ex affectu eidem jure debito, cum forte, ad amoliendam adulationis suspicio-

cionem, adjecta fuerint. Certum enim est Romanos, posterioribus præcipue temporibus, ad talia nimis pronos fuisse, & quemadmodum erga subiectos, superbi plerumque & arrogantes erant, ita erga superiores, demisse humiles semper fuerunt: inde factum, ut non solum bene merentibus patronis, sed etiam indignis non raro ex clientium adulatione, statua ponerentur, cumque hæc suspicio contra omnes clientes valeret, tali clausula sibi ab ea cavere voluerint. Quod & ex illa statua clare patet, quam *Ragonio Vicentio Celso Mensores Portuenses posuere*. Enumeratis enim, quibus à Patrono affecti erant, beneficiis, subiungitur: *Nam ut hoc esset indicio, jam posito magistratu statua Patrono præstantissimo, testimonium gratulationis exsolvimus, cum res non adulatione privato, sed iudicio posito in ocio & quiete reddatur*. Cum vero ex hac clientium adulatione, omnibus fere Patronis statuæ erigerentur, non tantum earum numerus ubique in immensum crevit, verum etiam ipsi clientes, quam maximos huic rei impendebant sumptus, summo nonnunquam suo incommodo: hinc generosiores honorem hunc, ut nimis vulgarem, parum curantes, contenti quod à suis clientibus eo honore digni fuissent iudicati, impensas iis remiserunt.

P. 462.

XLV. Sicut autem superstitibus adhuc Patronis (quod plerumque fieri consuevit) statuæ dedicabantur, ita jam defunctis, monumenta ædificabantur, iisque funus publicum & alii honores à clientibus decernebantur. Ita decuriones municipii, cuius *M. Babius* Patronus erat, *funus publicum, statuam equestrem, clipeum argenteum, & locum sepultura* patrono dedicarunt. Provincia *Genevensis* *C. Valerio T. F. Patrono optimo B. M. P. monumentum*. Nec tantum à municipibus atque provinciis, aliisque universitatibus, monumenta ejusmodi patronis dedicabantur, verum etiam non raro à privatis clientibus. Sic *C. Bæbii Lupus* *C. Quintio C. F. Patrono optimo monumentum fecit*. Et *C. Pasquius cum liberis suis, D. M. G. Pasquii Optati Patroni optime meriti monumentum dedicavit*. Cum vero etiam fœminis, quarum patrocinia tenuiores elegerant, omnia Patronis debita officia præstanda essent, etiam statuæ atque monumenta iis à clientibus

Grut. p. 375. n. 1.

p. 477. n. 4.

p. 462. n. 2.

p. 448. n. 5.

P. 414. n. 4. tibus erigebantur. Habetur ejusmodi statua apud *Gruterum* quam *Helvidia Burrenia Augusta*, ob meritum, amoremque eius, cives *Interamnana* civitatis utriusque sexus ære collato post obitum patronæ dedicarunt. Ita *L. Aquillius Modestus* monumentum fecit, sibi & *Aquillia L. F. Patrona*, & *Decimia Prisca* conjugii suæ: ubi quam maxime notandum, hunc *Aquillium* patronam suam conjugii præposuisse, unde arctissimam illam, inter patronos atque clientes copulam & honorem patronatus perspicere licet.

XLVI. Superest tertium genus officiorum, scilicet quæ utrisque patronis & clientibus erant communia. Ea nobis iterum recenset *Halicarnassens* loco sæpius laudato, duorumque facit generum, faciendorum & omittendorum. Ad prius pertinet, quod, cum in omnibus primum post parentes ac pupillos clientes locum tenerent, proximisque præponerentur, cognatis & affinibus, clientibus etiam contra sanguine junctos opera esset danda, & aduersus ipsos cognatos pro cliente testimonium dicendum; pari modo & clientes patronos suos omnibus (exceptis tantummodo parentibus) præferre debebant. Atque quo major esset hæc inter illos conjunctio, haud raro una clientium & patroni domus erat, quod ex illo *Terentii* constat, quando *Chærea* ob summam amicitiam inter patrem eius & *Thaidem* initam gestiens, ait:

una est domus.

Thais patri se commendavit, in clientelam & fidem nobis dedit se.

Indeque esse videtur, ut, in qua domo habitare una cum familia licet, etiam clientes ex lege recipere permis-
 l. 3. §. ult. ff. sum sit, quod testatur *Paulus* 7 *Cius*. Quando enim *Ulpianus*
 de usu & ex *Labeone* affirmat, quod is qui ipse habitat inquilinum possit
 habit. recipere, idem & hospites, & liberos suos; adjungit *Paulus* le-
 l. 4. cod. ge sequenti & *Clientes*.

XLVII. Ad posterius genus communium officiorum spectat, quod neque fas neque jus fuerit patronis, accusare clientes, neque aduersum dicere testimonium, ferreve suffragium, aut denique cum inimicis eorum sese conjungere: Idem vice versa neque clientibus licitum erat, id quod clare

cc-

testatur supra laudatus Gellii locus, qui adducit verba Cato-
 nis ex Oratione ejus in Lentulum, quæ sic habent : *Quod
 majores sanctius habuere defendi pupillos quam clientem non
 fallere. adversus cognatos pro cliente testatur. testimonium
 adversus clientes nemo dicit ; patrem primum, deinde patro-
 num proximum nomen habere.* Hinc etiam factum, ut tam
 atrox in eos, qui vel patronum vel clientem deseruissent, aut
 contra ante enumerata aliquid commisissent, pœna sit consti-
 tuta. Voluit enim Romulus, hoc in maleficio deprehensos,
 lege de proditoribus teneri, ex qua criminis convictus, diti sa-
 cer erat, impuneque occidi poterat, uti jam supra monitum.
 Apud Virgilium, illis, qui patronos aut clientes fefellerunt, l. 6. *Aneid.*
 pœna infernalis assignatur, ad quem locum doctissimus Ser-
 vius notat, venire hoc ex legibus duodecim tabularum, in
 quibus hæc lex scripta reperiatur : *Patronus si clienti frau-
 dem fecerit sacer esto.* Subjungens porro : *Si enim clientes
 quasi colentes sunt, patroni quasi patres, tantundem est clien-
 tem, quantum filium fallere, & hoc posse fieri ex Horatio colli-
 gimus, qui cum loqueretur de avaris potentibus, de vicino cli-
 ente ait :*

———— pellitur paternos
 In sinu ferens Deos.

XLVIII. Ex quibus liquido patet ad quid patroni at-
 que clientes olim sibi invicem obligati fuerint, quid mutuo
 præstare, & à quibus sibi cavere necesse habuerint. hodie
 vero, si pure & absque ullis tabulis (quod tamen vix unquam
 aut raro fieri solet) clientela inita sit, patronus ad nihil aliud
 tenetur, quam ut clientes pro virili tueatur, & contra vim
 aliorum defendat. Clientes rursus ad obsequium & reve-
 rentiam patrono præstandam, eique in omnibus negotiis ad
 debitam operam obstricti intelliguntur. Verum cum, uti
 dixi, hodie vix ullum patrocinium absque tabulis iñeatur, in
 quibus omnia, quæ invicem præstare placet, consignantur,
 non ita certis limitibus ea officia includi possunt, ab his
 enim plus, ab illis vero minus nonnunquam exigitur, ita ut
 de iis non aliter quam inspectis tabulis cognosci possit.
 Qua autem diligentia, quibusque cautelis tabulæ ejusmodi

conscribendæ, jam supra tractavimus. Atque hætenus de forma juris clientelæ.

XLI X. Videntur autem clientelæ atque patrociniæ magnam habere convenientiam cum *feudis*, si opponamus ea, ad quæ Patronus & cliens, dominus feudi & Vasallus, sibi invicem obligantur; adeo ut eodem pene jure à nonnullis censeantur, & propter eam quam habent inter se similitudinem non ræto confundantur. Quippe non tantum in ipsis feudorum consuetudinibus vasalli passim clientes appellantur; sed & exhibitio servitiorum, quæ vasalli dominis suis debent, nihil aliud videtur, quam præstatio officii, qua clientes suos patronos demerebantur. Neque ætior inter patronum atque clientem quam inter Dominum & Vasallum obligatio intercedit, cum Dominus Vasallum æque ac patronus clientem tueri, ipsumque in omnibus defendere teneatur, quod maxime liquet ex eo, quod in jure feudali passim reperitur constitutum, ut dominus in omnibus vicem fideli suo reddere debeat.

L. Officia quoque tam Vasallorum quam clientum parum vel nihil inter se distare, ex supra notatis, collatis cum iis, quæ ex formula fidelitatis vasalli dominis suis præstare cogantur, satis apparebit. Quod autem nonnulli maximam inter eos differentiam faciunt, quasi omnia fere vasalli officia ad bellum tantum, clientium vero ad pacis tempora spectent, eos ipsa refutat experientia; cum innumeris ex historia exemplis ostendi possit, clientes uti ad alia officia ita etiam ad militaria patronis præstanda paratos fuisse, quod & jam supra indicavimus. Licet enim hæc inter clientium officia à *Dionysio Halicarnasseo* enumerata haud reperiantur, consuetudine tamen introductum videtur, ut potentiores bellum parantes, suos convocarent clientes atque amicos, qui ad depellendum periculum iis præsto essent. Ita Appius Claudius, cum plebem, quæ in montem sacrum secesserat, vi aggrediendam suaderet, rationibus quibus hoc effici posse putabat, etiam hanc adjungit, assumi debere omnes clientelas cum reliqua plebe, quæ in officio manserat, & iis tam externis quam domesticis hostibus occurrendum. Fabia quoque gens, cum

Bod. de
rep. l. 1. c. 7.

l. F. 10 & 13.
pr. §. Et si
clientulus

2. F. 6.

2. F. 7.

c. 10. l. 2,

Dion. Ha-
lic. l. 6. c. 55.

Dion. Ha-
lic. l. 9. c. 17.

cum propriis sumptibus bellum in Veientes susciperet, convocatis clientibus atque sociis suis, ex illis fere solis exercitum quatuor millium conscripsit.

LI. Decepit hæc similitudo feudorum atque clientelarum summos viros, adeo, ut ipsam feudorum originem, ex jure clientelari deducerent: cum tamen jura patronorum atque clientum merè fuerint personalia, jus feudorum autem in prædiis & rebus soli quam maxime consistat, sicuti hanc atque alias inter feuda & clientelas differentias latius exsequuntur *Bodinus*, *Magerus*, aliique juris feudalis commentatores. *de rep. l. 1. c. 7.*
De ipsa autem prima feudorum origine discrepantes admodum reperiuntur doctorum sententiæ, alii enim Romanis, alii Gallis, alii Longobardis, alii aliis eam attribuunt populis. Qui à Romanorum institutis feuda deducere conantur, aut à legibus Romanorum, aut à clientelis eorum, aut à prædiis, quæ hostibus erepta veteranis assignabantur, aut denique ab agris limitaneis, quos Alexander Severus militibus donavit, ut eos contra hostes tuerentur, ea derivant. Verum ex legibus ac jure Romanorum nullo modo feuda deduci posse, ipse innuit *Obertus de Orto* unus ex præcipuis feudali- *z. F. r.*um consuetudinum compilatoribus; clare enim leges Romanas istis opponit, nihilque cum illis commune habere diserte indicat. De clientelis jam tum diximus. Prædia autem illa veteranis assignata militibus, nihil ad feudorum originem contribuisse patet, si rationem, quare feuda primitus instituta fuerint, perpendamus. Principes enim beneficia, quæ postea feuda vocari cœperunt, in hunc finem militibus dare solebant, ut eos sibi adjungerent, quo belli tempore eorum ope contra hostes uti possint. Jam vero clientelæ in hunc finem primo non sunt institutæ, (uti supra audivimus) neque prædia illa veteranis aliam ob causam assignata, quam ut iis qui militia abibant, præmii loco, & ad senectam, aut imbecillitatem in bello contractam sustentandam forent. Agri porro illi limitanei militibus concessi, ut eos contra hostium incursiones defenderent, quantum à feudis distent, apparet ex eo quod feuda non sint Vasallorum pleno jure, ut isti agri militum. Neque etiam inde origo feudorum deduci poterit,

rit, cum hi agri etiam in heredes, si onus militiae susciperent, transirent; feuda vero primitus temporaria tantum fuerint proque dantis arbitrio, adimi potuerint.

l. 3. de bell.
Gall. c. 22.

de mor.
Germ. c. 14.

LII. Etiam hi qui à Gallorum Devotis aut solduriis, quorum *Cesar* meminit, originem feudorum repetunt, haud recta incedunt via; illi enim per omnia fere similes erant, Germanorum veterum Comitibus, de quibus *Tacitus* scribit: *Cum ventum in aciem, turpe principi virtute vinci, turpe comitatui, virtutem principis non adequare. Jam vero infame in omnem vitam ac probrosum, superstitem Principi suo ex acie recessisse. Illum defendere, tueri, sua quoque fortia facta, gloria ejus assignare, praeipuum sacramentum est. Principes pro victoria pugnant, Comites pro principe. Et paulo post: Magnum comitatum non nisi vi belloque tueri. Exigunt enim Principis sui liberalitate, illum bellatorem equum, illam cruentam victricemque frameam. Nam epula, & quamquam incompti, largi tamen apparatus, pro stipendio cedunt. Ubi nulla fit mentio praediorum, sine quibus tamen feuda consistere non possunt. A solis vero Longobardis qui feuda ortum traxisse putant, si eorum legibus illum adscribant, ab ipso *Oberto* refelluntur, qui eas expresse consuetudinibus hisce contra distinguit. Interim tamen illud negandum non est, nullum fuisse populum, qui feudorum consuetudines magis excoluerit, ita ut, quamvis (uti post audiemus) iis primam feudorum inventionem solis non possimus attribuire, perfectionem tamen eorum, & quod certis quasi inclusa sint legibus, illis merito acceptum ferimus.*

1. F. I.

6. 49.

LIII. Non autem mover nos *Sonsbecius*, qui feudorum originem ex historiis investigare, supervacuum existimat, eo quod Jurisconsulto ad causarum decisionem non profuit, quin paulo altius rem repetamus, inquirentes an non aliunde quam ex adductis fontibus, prima feudorum institutio derivari queat. Feuda igitur Germanis praecipue populis suam debere originem, omnium qui recte sentiunt interpretum constans est opinio; in illo non consentiunt, quod hi Longobardis, illi Francis, alii aliis eam populis & quidem solis adscribant. *Gryphiander de Weichbildis Saxonici Saxonicum*

nicum illud institutum vocat, à Longobardis, qui è Saxonia in Pannoniam, indeque in Italiam migrarunt, Italiæ illatum. Ex antiquissimis autem historiis discimus longe ante Longobardorum in Italiam adventum beneficiarium illud jus quod nunc feudale dicitur apud Francos in usu fuisse, uti probat *Alte-serra de originibus feudorum*, ubi adducit in hanc rem locum Aimoini: Unde cum Clodovæus, regnum suum usque Sequanam, atque postmodum usque Ligerim fluvios ampliasset, *Milidunum* castrum eidem Aureliano, cum totius Ducatu regionis, jure beneficii concessit. Idem testatur, *Gregorius Thronensis*, quando Mummolum quendam ex munere Guntranni Regis Machovillam tenuisse his verbis narrat. Et Amo quidem Ebre-dunensem carpens viam, usque Machovillam Avennici (Avernici) territorii, quam Mummolus munere mernerat Regio, accessit, ibique fixit territoria.

LIV. Optime hoc nobis probare possunt formulæ illæ veteres apud Francos olim usitatæ, quas *Marcuphys* Monachus, qui sub Clodovæo II. vixit, circa annum Christi DC. LX. collegit, quemadmodum eas, ut ipse testatur in proœmio, apud majores suos, juxta consuetudinem loci quo degebant, didicit, easque conscripsit, uti idem fatetur, fere septuagenarius; ex quibus earum vetustas patere potest, cum & tempore majorum suorum, pro firma consuetudine (quæ parvo temporis spatio non contrahitur) observatæ fuerint. In quadam harum formularum, qua vir uxori omnia sua bona donat, villæ quas possidebat distinguuntur, in eas quæ munere Regio, & quæ ex allode parentum teneret. Quod ita in notis explicat Doctissimus *Bignonius*: Munere Regio, id est per beneficium Regis, quod postea feudum dictum est. Idem alio loco vocem beneficii quæ sæpius in istis formulis occurrit exponens ait: Inde beneficii nomine ea prædia dicta, quæ pro servitio militari, à Rege, sive etiam ab aliis, concedebantur, quæ fenda posteritas dixit: initio namque vita accipientis finiebantur, & ex certis causis, revocari poterant. Atque hinc est, quod in antiquissimis Germanorum seu Francorum historiis passim reperiat vox *leudes* sive *leodes*, qui, ut explicat idem *Bignonius* ex *Gregorio Thronensi*: fideles Regis sunt & qui nul-

Mmm mm

li,

c. 1.
l. 1. c. 14.

l. 4. hist. c.
39.

l. 1. c. 12.

P. 471.
P. 552.

P. 543.

- li, *præterquam Principi obnoxii sunt*. Ubi duo testimonia ex dicto Gregorio adducit, quorum primo de pactione inter Guntrannum & Gildebertum Reges agens, inquit: *Leudes illi, qui domino Guntranno, post transitum domini Chlotarii, sacramenta præbuerunt*. Et mox: *Similiter convenit, ut nullus alterius leudes, nec sollicitet nec venientes excipiat*. Alteserra quoque ex vetustissimis monumentis probat, à primis Regni Francici cunabulis, passim *leudes* regios celebrari. *Iussu enim Sigeberti omnes leudes Austrasiorum in exercitum gradiendum banniti sunt*. Uti hoc confirmat ex Fredegario. Et Aimoinus Regem Guntrannum laudans, ait: *Eum leudis suis benevolum fuisse*. Hi vero leudes etiam *Antrustiones* dicti sunt, uti ex supra laudatis formulis constat, proprieque hi dicebantur fideles Regis, qui fidem ei servandam juramento promiserant. Derivare conatur hoc vocabulum *Bignonius* ab antiqua Germanica voce *Drou* quæ adhuc hodie in Saxonia inferiore idem quod fides significat, pro qua Germani superiores paulo immutato sono substituerunt *Treu*. Secutus autem hac in re videtur *Falcetum*, uti alio loco innuit, qui *Dru*-dos fideles à Germanico vocabulo *Drou* fides, dictos affirmat. Non solum autem in hisce formulis hæc vox reperitur, verum etiam in lege Salica, quæ antiquissima perhibetur, extat lex: *Si quis eum occiderit, qui in truste* (i. e. in fide) *Dominica est, XXIV. Denariis, qui faciunt solidos DC culpabilis judicetur*. In iisdem formulis fideles *Vassos* dictos legimus; ubi sæpe laudatus *Bignonius* vocem illam in legibus Alemanicis atque Bavaricis passim usitatam notat. A *Vassis* progressu temporis *Vasallos* dictos, extra dubium est, cum apud satis antiquos scriptores, hoc nomen inveniatur, quod etiam hodie in usu est. Postea vero tempore Imperatorum Germanicorum, iidem qui antea leudes, antrustiones, vassi sive vasalli, dicti fuerunt, *homines* passim appellabantur, quod apparet ex veteri illo Epigrammate, quod picturæ, coronationem Lotharii à Papa factam referentis, adscriptum fuisse testatur, *Sigonius*, ita vero habet:

*Rex venit ante fores, jurans prius urbis honores,
Post homo sit Papa, sumit quo danse coronam.*

L V.

LV. Ex quibus liquidum est, etiam ante Longobardorum in Italiam adventum, & circa ea tempora, in Germania atque Gallia, in quam Franci hanc consuetudinem invexerunt, feuda in usu fuisse, adeo, ut eorum originem solis Longobardis tribuere haud possimus. Illi enim centum & quinquaginta annos, ante, quam Italiam occuparent, Germania relicta, Pannoniam invaserant, ibique sedes posuerant, ita ut illis cum Francis cæterisque Germaniæ populis, qui occidentem versus habitabant, priusquam Pipinus & filius ejus Carolus Magnus eos in Italia subjugaverunt, nullum fuerit commercium. Neque adeo Francos aut alios Germaniæ populos hanc consuetudinem à Longobardis mutuatos esse dici queat. Eam tamen Germanicarum gentium propriam esse, tum inde patet, quod nusquam invenitur, nisi ubi Germani sedes posuerunt, tum etiam quod multa juris feudalis vocabula Germanica sint, neque aliud quam terminationem habeant latinam. Ita *feudum* ipsum, quanquam alii aliunde, optime tamen & communiter à *Fōden* / quod in Saxonica lingua nutrire significat, derivatur: *fodrum*, à *Foder* i. e. pabulum dicitur. *Treugam* pro induciis à Germanico *Treu* deducunt, *Vassos* à *Vassen* i. e. ligare dictos putant, quia per investituram atque juramentum fidelitatis Vasallus arctissime alligatur domino.

Gryphian-
der Weich-
bil. Saxon.
c. 49.

LVI. Germani namque populi, cum omnium liberrime viverent, Regesque vel Principes eorum auctoritatem suadendi magis, quam jubendi potestatem haberent: Duces quoque militiæ, exemplo potius, quam imperio, præessent, non cogi se ad militiam patiebantur, & quascunque vellent partes pro lubitu eligebant. Neque etiam stipendiis Duces sibi comparare milites poterant, cum pecuniam hoc modo quærere, turpe Germanis videretur & sordidum; hinc factum, ut Principes, quo militem fidum certumque haberent, fortissimis quibusque, prædia atque beneficia concederent; ea lege, ut sibi fidem promitterent, & ad bellum vocati, armis instructi, Principi præsto essent. Atque ex his initiis teuda fluxisse dubium haud apparet: sicut enim omnia jura, quæ ex consuetudine nasci solent ex incerto, tenuique principio proveniunt,

l. F. r. § Et
quia vidi-
mus

niant, idem in feudis factum videmus, quorum initia valde levia ac imbecillia fuere, paulatim vero in majus creverunt, uti hoc eleganter declarat feudista: Antiquissimo enim tempore, ita concedebantur feuda, ut ea, quandocunque voluisset, pro arbitrio suo dominus revocare posset. Postea vero eo ventum est, ut per annum tantum, nec amplius valerent. Vassallis deinde concessum, ut ad vitam usque beneficia tenerent, iis vero mortuis ad dominos reverterentur; ulterius processum est, ut ad filios devenirent, in quem scilicet dominus beneficium conferre vellet. In sequentibus vero temporibus, cum hactenus unus succedendi modus in feudis obtinisset, paulatim etiam nepotes ex filio, frater fratri, itemque fratris filio, & cæteri denique agnati ad septimum gradum sibi invicem successerunt, donec tandem ad eam, quam hodiè ex feudali consuetudine observamus, successionem perventum.

l. r. partit.
feud. c. 1. n.
4. l. 3. c. 28.

LVII. Illustrat hoc feudorum incrementum *Conradus Rittershusius* eleganti loco ex *Nicolai Cusani Cardinalis de concordantia Catholica libris*, quem hic adscribite forte non abs re erit. *Ordinabantur*, inquit, *etiam tunc Principes Duces, & Comites constituti, debere, tanquam officia publica, Imperiali jussione habentes ad nutum removibilia, rationem sui ministerii arario publico reddere.* Posthæc quia Senatorum filii, licet equestres primo forent, tamen ad Senatum demum perveniebant: introductum fuit, ut parentibus rite in officio se habentibus, filii eodem officio non privarentur, ad illum finem, ut patres minus avaritia stunderent, habentes de successione in officio certitudinem: & etiam ut eorum subiecti minus tunc gravarentur per patrem, quando & ipsis sui posterii præesse deberent. Tandem ut Imperiali Celsitudini nulla incommoda detractoria dominiorum in futurum crescente potestate officiatorum exorirentur; feudalia introducta sunt statuta, & de fide servanda strictissima juramenta, qua per unumquemque vassallorum instituendorum præstari, & sub pœna perditionis feudi inviolabiliter servari deberent. Est denique alia lex edita: Ad magna feuda plura nullum accumulative succedere posse; ne sic plura magna accumulando, potentia subditorum in tantum excreceret, ut dum tyrannica rabie, immemor ju-

ramentorum, apicem dominandi (cujus appetitus per acquisitionem crescit) appeteret, Imperii potentia schismatica turbatione vilesceret. Erat insuper Imperatorum consuetudo, facile accusationes fractæ fidei & perjuriæ admittere, ut fidelitas, per quam solum persistit Imperium, nunquam negligentia parvi penderetur. Pœna vero erat privationis, fidem non servandi. Et tunc ne invidia forte incitaret nobiles ejusdem sanguinis contra eum, cui hæc ablata donarentur: ista, quæ sic in commissum ceciderant, sacri Imperatoris Ecclesiis frequenter applicarunt &c.

LVIII. Verum cum de Solduriis Gallorum mentionem tecerimus, quæri posset, quinam illi proprie fuerint, & an clientibus annumerari possint? *Jul. Caesar in commentariis de Bello Gallico*, ita de iis loquitur: *Eorum conditio est, ut omnibus in vita commodis una cum his fruantur, quorum se amicitia dederint: si quid iis per vim accidat, aut eundem casum una ferant, aut sibi mortem consciscant. Neque adhuc (ait) hominum memoria repertus est quisquam, qui eo interfecto, cuius se amicitia dehonisset, mori recusaret.* Eodem fere modo *Athenæus ex Nicolao Damasceno* illos describit: *Soldurii Gallorum quos Græci Devotos vocant, cum Rege una & vitam agunt, & moriuntur, cum semet ipsi voto obligaverint, in cuius rei gratiam, ipsi quodammodo participes sunt regni, eodemque cum Rege victu ac corporis cultu utuntur. Ceterum cum Rex sine morbo, siue in prælio, siue alia qua causa interiit, simul ipsis moriendi necessitas incumbit, neque adhuc hominum memoria repertus est quisquam, qui mortuo Rege, mori recusaverit.* Clientes vero à *Cæsare* iidem appellantur, quando ait: *Litanicus cum suis clientibus, quibus nefas more Gallorum est, etiam in extrema fortuna, deferere patronos.* Et sane, si summum illud, quod inter illos intercedit conjunctionis vinculum spectemus, negari non potest, eos speciem aliquam clientium constituere. Interim tamen, nullo unquam tempore tam arctam inter patronos atque clientes copulam fuisse reperiemus, cum clientela tantum, defensionis, mutuæque benevolentiae conciliandæ causa, instituta sit: Soldurii vero hi, non tantum defendere dominos suos, verum etiam illis mor-

1.3. c. 22.

1.6.

1.7. de bello Gall., c. 40.

tuis, mortem quoque sibi, quocunque modo, inferre tenebantur. Quod cum ultra morem humanum sit, summam merito redolet barbariem.

LIX. Cum itaque apud hos & alios populos, clientelæ veterum in abusum versæ sint, adeo ut plane nonnunquam deprauatæ, vix nomen tam honestum mererentur, videamus, an & quid hodie apud nos de illis clientelis, quas delineauimus, supersit? Jam tum autem innuimus, clientelis protectiones illas fuisse substitutas, quæ vix iniri solent, nisi certis circumscriptæ pactis atque conuentionibus; ita ut protectio hodierna, nihil sit aliud, quam clientela ex conuentione atque pacto constans. Quamquam enim, ut supra dictum, clientelæ olim absque ullis constituerentur conditionibus, posterioribus tamen temporibus crescente abusu, necesse fuit, in certas consentire leges, ne vel clientes à patronis opprimerentur, patroni vero à clientibus perfide desererentur. Ex quo factum, ut hodie nemo alterius patrociniū subeat, nisi tabulæ clientelares, condiciones, in quas conuentum, exprimentes, conficiantur.

LX. Exemplum ejusmodi clientelæ admodum illustre, gesta huius seculi nobis subministrant. Anno enim XXXII. Germania bello ardente, Elector Treuirensis, qui hætenus Cæsarianorum partes arctissime amplexus erat, sibi à Suecis, jam fines sui Archiepiscopatus ingredientibus, metuens, in Regis Galliæ patrociniū certis conditionibus concessit. Aliorum quippe Pontificiæ religionis Principum exemplo edoctus, quos easdem cum ipso partes secutos, suis jam pulsos ditionibus videbat, maluit Regis Galliæ, uti ejusdem religionis Principis tutelam, destitutus aliis auxiliis subire, quam committere, ut Sueci suum Archiepiscopatum, expulsa religione Pontificia, reformarent. Rex itaque Galliæ, vi pactorum cum Rege Sueciæ initorum, facile obtinuit, ut Treuirensis, ab eius inuasiōe immunis, sub suo patrociniū, neutrarum quasi partium esset. Cum vero ex patrociniū legibus Gallus Electorem, contra quamcunque violentiam & inuasiōem, defendere teneretur, quod sane arduum erat, facileque (uti postea factum) ansam belli cum Hispanis, qui
calo

locâ nonnulla Archiepiscatus occupauerant, præbere poterat, necesse habuit Elector, deditiōe præcipuorum, in limite munimentorum, & propriæ personæ, ad maiorem pactorum fidem exhibitione, hanc clientelam sibi comparare. Neque suo defuit officio Rex, dum ex totius Archiepiscopatus finibus Hispanis electis Treuirensē strenue defendit; donec tandem annō XXXV. conspirante cum Hispanis Capitulo Treuiris urbs Gallis trucidatis capta, & Elector in Belgium, mox Viennam usque captivus abductus fuit, ita ut Gallis nihil sit relictum, præter Erenbreitstenium, quod etiam postea annō XXXIIX. à Johanne de Werdt ad summam famem redactum, se deditit. Hanc itaque inter alias suscepti contra domum Austriacam belli, causam adduxerunt Galli, quod illum, qui se eorum fidei atque patrociniō credidisset, perfide oppressum, captum detinuissent, interfectis Gallis, qui custodiæ causa ipsi aderant.

LXI. Præterea superest hodie imago quædam veteris clientelæ, quæ in magnis aulis Regum atque Principum viget; quando nempe illi procerum, qui primas apud Principem partes, sua virtute meruere, certos inferioris conditionis homines, qui se obsequio illis devinciunt, eorumque familiis sese dedunt, tuendos ac defendendos suscipiunt: eos, si forte ob ingruens aliquod infortunium periclitentur, defendentes; aut vero, si desideria sua ad Principem perferri cupiant, operam iis suam accommodantes. Quod sæpe optimis Principibus valde gratum esse solet, cum non parum decoris atque gloriæ ipsi Regi regnoque inde concilietur, si proceres inprimis gratiosi erga interiores apparent, eorumque studeant commodis, hi vero contra eos colant, inque omnibus honestis obsequantur. Eatenus enim hæc officia statui conducunt, Principique placere possunt, quatenus sine factione usurpantur, & civilem non turbant concordiam. Statim vero ac unus tantam sibi arrogare conatur potentiam, ut solus clientes sibi adsciscat, solusque suis suffragationibus, alios extollere possit, illud non solum indecorum Regibus regniisque, verum etiam periculosum haud raro esse solet. Reccatur enim ita contra communem omnium Politicorum

regni

regulam, qui nimiam unius in Republica potentiam nunquam probant. Accedit, quod & reliqui proceres, qui per unum hunc exclusi, quibusque nulla gratiæ facultas relicta est, statu Reipublicæ non contenti, illum immutatum velint; quod raro aut nunquam absque tumultu fieri consuevit. Attamen, ut jam innuimus, totum hoc negotium imagq. tantum est clientelæ illius apud veteres usitatæ, cum nullo certo jure, nullaque ut olim nitatur formula, verum ex patronorum ingenio atque moribus tota dependeat, ac definiatur.

LXII. Minus vero probari possunt empta illa patrocina, quæ in aulis in usu esse solent: *Si qui desideria sua explicare cupientes, ferri sibi à quoquam suffragium postulaverint, & ob referendam vicem, se sponsione constrinxerint*: quæ olim permiscere Imperatores, dum conditionem certi dederunt, ad consequendum illud, quod promissum erat alicui, ad illius suffragium, rei alicujus à Principe obtinendæ ergo, eliciendum. Imperator autem Justinianus, quantum damni ex hoc fonte in Rempublicam fluat, optime animadvertens, expressa constitutione vetuit, ullos honores, ullaque officia, emptis impetrare suffragationibus; quam etiam postea renovavit, cum paulatim in desuetudinem eam ire perspiceret. Et sane in omni bene constituta Republica ejusmodi constitutiones obtinere debere, recte monet *Ant. Perezius*, cum nunquam satis hominum avaritia compesci possit. Si enim malitiæ alium frena laxentur, certum est, in ultimo periculo Rempublicam, & quasi in præcipiti fore, cum hi, dummodo partem ferant, indeque aliquid corradere possint, nihil curabunt, ætarium donationibus exhauriri, atque ita Reipublicæ nervos incidi, Principem ludibrio, summoque exponi periculo; imo studio etiam hæc fieri concedent atque patientur. Dumque ejusmodi homines pessimi Rempublicam occupavere, boni interim & cordati viri, qui talia vix sine pudore cogitare possunt, quoque summum existimant flagitium, gratias atque beneficia pecunia emi, hi, inquam, situ obtorpescent, neque ullis admoti dignitatibus, vitam sine ullo Reipublicæ commodo inertes transigent. Cum enim nulla alia nisi largitionibus ad honores via pateat, hi vero privati esse malint,

l. unic. C.
de suffrag.

Nov. 8.

Nov. 161.

Ad Cod.
d. r.

malint, quam per eam ad capeffendos Magistratûs incedere, nunquam clavum Reipublicæ malitiosis hominibus extorquerè poterunt; qui tamen, dum pecuniam propter dignitates confequendas expensam omni modo recuperare annituntur, quin bonos injuriâ afficiant, cauere vix poterunt, atque inde fit, ut divifis tandem partium studiis maximæ rempublicam turbæ concutiant, inque extremum conjiciant periculum.

LXIII. Coronidis loco de confuetudine feudorum, quæ comparari fuo modo poffe cum patrocínio & clientela vererum, ante dictum eft, has fententias pro virili conabor tueri. Quæ uti difputandi ergo hic tantum apponuntur, ita latius eas pertractare, neque locus, neque instituti patitur ratio.

I. Primum feudorum institutum, non tam ad œconomiam quam ad militiam pertinuiſſe, cui aptiſſimum hoc inventum eſſe, ex ſupra allatis nonnihil conſtare poterit.

II. In Germania noſtra totius Imperii corpus, nexu feudalî neceſſitudinis, prout ea in uſu eſt, haud parum adſtringi atque contineri.

LXIV. Denique illud adhuc monebimus, cum jure noſtro clientelari etiam comparari ſolere jus urbium matricum in colonias; quod apud veteres Græcos quam maxime obtinuit. Eundem quippe honorem, coloniæ ſuis exhibere tenebantur originibus, quem parentibus filii, & quicquid filii contra parentes facere vetantur neque illis licitum erat: quod teſtatur *Curtius* quando ait: *Carthaginem Tyrii condiderunt* 1. 4. *ſemper parentum loco culti*; & *Themistocles* apud *Herodotum* 1. 8. negat, Ionas juſte agere quod contra parentes militent. Jura antem inter Origines & Colonias uſitata hæc fere erant: Primo qui in Colonias mittebantur à ciuibus ſuis armis & com meatu, inſtruebantur ex publico: deinde publica illis dabantur diplomata quæ *ἀποικία* vocabant, quorum exemplar in Archiuis publicis deſcriptum, eos ciues optimo jure eſſe boniſque omnibus in hanc aut illam coloniam miſſos teſtabatur. Sacra quoque patria ſecum aſportabant, ignemque factum è penetrali urbis depromptum & accenſum; qui quidem ſi caſu extinctus eſſet, ex Prytaneo conditorum denuo accendi debebat: Præterea quotannis legatos in majorem patriam (quam

N n n n n

Græci

Græci *μυτρόπολιν* vocant) Diis patriis sacrificaturos, mittere moris erat : Pontifices etiam, qui sacris præerant, ab originibus suis accipiebant. Verum inter alia multa jura, quæ origines in colonias habebant, haud ultimum erat, ut si quando coloni aliam coloniam aliò ducere vellent, ducem à majore patria postularent, quemadmodum hæc ex antiquissimis Græcorum historiis optime probat *Henricus Valesius* ad aurea excerpta *Peiresii*. Ex quibus & similibus facile judicare licet, in quibus coloniarum veterum Græcorum, cum clientelis conveniant, & differant.

LXV. Nos cum, quæ ad clientelarum explicationem facere videntur, hætenus attulerimus, Voto finimus: Ut melior fiat conditio clientum, quam haud raro esse hodie solet. Eligit sibi sæpe aliquis patronum, cuius consilio regi, ope juvari, serio animi proposito, & ingenuo cultu, observantiaque expetit; sed cum omnes obsequii numeros implevit, nimis tarde demum sentit, se in patrocinia simulata incidisse. Turpe sane generoso debet esse animo, fallere candorem & simplicitatem clientis, qui verbo contentus abire poterat, si ab initio audisset: non potes me patrono uti, alium quæras suadeo. Frustra tamen forte ad mores antiquos nostrum componere seculum nitimur, cum omnia in diversa ruant, nullaque spes amplius superfit, nisi in paucissimis nonnullis qui moribus vivunt antiquis; quibusque,

Ex meliore luto finxit præcordia Titan.

Hi enim iniquorum hominum conatibus resistentes, vetus illud summæ amicitiae atque concordiae vinculum inter patronos atque clientes, soli renovare, clientesque sua ope indigentes, ab improborum fraudibus atque technis, sua virtute tutos atque incolumes præstare poterunt.

XXVII.

COMITIA IMPERII

Sive

ELECTIO SUCCESSORIS

Descripta

C. Cornelio Tacito

1. *Hist.* 12, & seqq.

I.

PRincipio nollem quenquam putare, quòd *Exercitationi* huic *Academica* ambitiosè pompam addiderim, dum eam COMITIA IMPERII inscripsi. *Titulus* enim iste, ipso Tacito præbente, sese offerebat, 1. *Hist.* 14. 1. & conveniens videbatur quammaximè, quo totius Instituti *consilium* & *forma* nosceretur. *Interprete* quoque haut alio opus habet, quàm eodem Tacito 1. *Hist.* 13. num. 2. & cap. 14. n. 1. Unde intelligimus, Consilium GALBÆ IMP. de adoptando, & eligendo Imperii Successore, eo significari. Res tota illustratur exemplo COCCEI NERVÆ, eodem animo TRAJANUM in spem Imperii adoptantis. *Vid. Plinium in Panegy.* qui omnino cum re præsentī conferendus, & *Flav. Vopisc. in Aureliano, cap. 14.*

II. Antequam autem destinata componam, monendum est, Tacitum sub nomine, & æstimatione *Electiōis*, totum hoc negotium *Adoptionis*, sensu magis politico quàm *Iuridico* tractasse; quem prudentissimo, & eloquentissimo illi Panegyristæ Plinio quoque, in re simili exornanda placuisse, indicat, & distinctè explicat *Ampliss. & Excellentissimus Dn. Praeses, in Annot. Polit. in Tacit. l. 1. Hist. pag. 551.* his verbis: *Licet adoptio in subsidium successionis naturalis comparata sit, quotiens proles mascula deficit, electiōis tamen indolem sumit, cum ab adoptione non tam domui fulcrum, quàm reip. Princeps quaritur, atque æstimatione meriti virtutisque, vel in partem curarum assumitur, vel in proximam spem successionis admoveatur.*

Nnn nn 2

III.

III. Hoc quoque occupandum est, ut *Homonymia* evitetur, *Adoptionem* esse in hac re, tam apud *Tacitum*, quam *Suetonium*, nomen *generis*, non *speciei* (ut loquuntur in *Scholis Philosophorum*) hoc est, non sumi in ea significatione, qua ab *Arrogatione* distinguitur. *Historici* enim, & *Oratores* plerunque negligunt illam, quæ de *Arrogatione* & *Adoptione* traditur, discretionem, apud *Œtor* in l. 2. ff. de *Adopt. & emanc.* & in §. 1. l. de *Adopt.* secundum quos textus, *Piso arrogatus* potius dici deberet, quam *adoptatus*; erat enim sui juris. Quæ dixi modò, exemplis probavit *Auson.* *Popma de diff. Voc.* & *Carolus Sigonius, de jure ant. Civ. Rom. l. 1. c. 10.* qui dicit, hanc ipsam vocabulorum *διαλλαγήν*, etiam in antiquis *Œtorum* libris insuper esse habitam. Videtur hoc mihi, exceptis aliis, clarissimè constare ex §. 3. l. de *Adopt.*

IV. Nunc, quoniam *consultationem Galba de Adoptione successoris in Imperio*, tractandam hîc suscepî, ad illius primordia accedo, & ejus rei causa transactorum Imperii Comitiorum occasionem, inquirô. Hæc verò tota, ex seditione legionum, quæ *Germania* tum præerant, orta est. *Superiores* quidem *Germania* milites, qui sub *Verginio*, & *Flacco* meruerant, maximè fremebant. Hi enim fraudari se præmiis navatæ adversus *Gallor*, & *Vindicem* operæ (qua superbè exultabant) credentes, simulque metuentes, ne suspecti *Galba* viderentur, tanquam alias partes secuti, sacramenti religionem exuerunt, & statim legatos cum mandatis miserunt, quibus alium *Imperatorem* petierunt. Ne tamen omnem Imperii reverentiam deposuisse viderentur, *Senatui populoque Romano* arbitrium eligendi quem illi vellent, detulerunt. Vid. *Plutarch.* & *Dionem in vita Galba*, *Tacitum l. Hist. 8. 12.* *Sueton. in Galba cap. 16.* *Galba* igitur, cum novas res moliri milites cerneret, simulque secum reputaret, fessam ætatem, atque orbitatem suam despectui illis esse, & causam movendis in Imperio turbis, *Consilium Adoptionis*, quod pridem inter se atque proximos agitaverat, nova cura cœpit maturare. Vid. *Plutarch.* & *Tacit. l. c.* Mox nunciatum est, *Inferioris Germaniæ* legionis iisdem motibus inquietas, *Visellium*, quem cum imperio *Galba* illuc miserat, *Imperatorem* in castris salutasse.

Qua

Qua re perlata, *Galba Adoptionem* non ultra produxit. v. *Tacit. 1. hist. 9. Plutarch. Dionem. 1. c.*

V. Eadem consilia *Coccejus Nerva*, ob ingens seculi sui discrimen, assumere cogebatur. Cum enim corrupta tum esset disciplina astrorum, cumque in concussam *Remp.* & ruens *Imperium*, pessima indies inducerentur exempla, ut *Principi* absque filio herede, servandorum hominum nulla potestas amplius restaret; ratio atque tempus ipsi videbatur, ut alium per *Adoptionem* imploraret, qui salutis publicæ gubernaculis admoberetur. v. *Plin. Paneg. cap. 6. Atheas* quoque *Scytharum Rex*, cum subito *Istrianorum* bello peteretur, atque omnis *Scytharum* res fessa jaceret, *Philippi Macedonia Regis* Adoptione eam voluit erigere: Sed ille promissæ adoptionis pœnitentiam suo, & totius regni ingenti malo luit. v. *Iustin. 9. 2. Supplem. Cirt. Freinshem. 1. 5. & Authores ibi citatos.*

VI. Intentum novis circa *Imperii successionem* curis *Galbam* vaga populi judicia, & diversus tota civitate rumor, anteverterunt. Omnia enim facta dictaque *Principis*, rumor excipit, nec magis ei quàm *Soli latere contingit* (*Seneca. 1. de Clem. 8.*) Omnes igitur *Roma* statim liberius de *Principatu* loquebantur. Multi, qui *Neronis* juventutis adsueta erant, quique *Imperatores* forma ac decore corporis comparabant, inermem *Galba* senectutem, adunco naso suspendebant. Singulis maxima calumniandi illecebra, inter tantos motus, fuit spes impunitatis. Alii ambitiosis decretis hunc *Imperio* sufficiebant, quem aliorum odia eodem prohibebant. Paucis publica salus, & *Reip.* amor, melioris propositi sermones aut cogitationes dictavit. Fama, spe, veneratione potius omnes destinabantur *Imperio*, quàm quem futurum *Principem* fortuna in occulto servavit. vid. *Tacit. 1. hist. 12. 2.*

VII. Nihil autem moratus incerta vulgi studia, & impia dicta, IMP. GALBA, *Rempublicam* à periculo, se ipsum ab invidia citò liberare cupiens, *Concilium Amicorum* advocat, ratus, magna negotia magnis adjutoribus egere. Velleius. l. 2. c. 127. Erat divisa tum potentia *Principatus* in *T. Vinium Cos.* & *Corn. Laconem, Præfectum Prator*, quibus rerum gerendarum facultate, & gratia *Imperatoris*, haud minor erat *Scelus*,

summi jam *equestris gradus Candidatus*. His in *Comitia Imperii* assumtis, addidit *Galba Marium Celsum Cos. Designatum, & Ducennium Geminum, Præf. Urb.* à singulis solidiora & meliora iudicia exspectans; præsertim à tribus illis prioribus, qui assidue ipsi adhærebant: Unde *Principis Padagogos* eos vocatos fuisse *Suetonius* testatur in *Galba, cap. 17.* illi autem incautum, & facilem *Principem*, velut fatuum circumducebant, & diverso vitiorum genere grassantes, *Imperium* funditus trahebant. *Titus Vinius*, inter illos deterrimus immensæ cupiditatis, & in libidinem præceps. *Cornelius Laco*, arrogantia socordiaque intolerabilis, unà cum *Vinio, Galbam* odio & contemptu destruebat. *Icelus* mortalium avarissimus, plus in aula rapiebat quàm vel *Polycletus*, vel *Vatinii*, aut *Elii*, paraverunt, v. *Plutarch. & Sueton. in Galba. Tacitum* 1. *hist. passim*, ubi plura eorum vitia notantur. Ab hac dira *Tricipitina*, quid probi potuit cogitari, aut fieri, cùm ad bonum nunquam consentiret? *Galbam* enim, etiam si prudenter, & moderate nonnunquam rem gerere vellet, statim interpellavit, & rem omnem in suum potius commodum, quàm *Reipubl.* emolumentum vertit. Quare in his quoque *Comitiis* rebus minoribus egregiè sibi tendebat. Concors autem semper in perdendo *Galba*, circa *consilium eligendi successoris*, discordiis separabatur. *Vinius*, non tam fortunæ *Principatus*, quàm propriæ domus commodo prospiciens, conciliatum sibi donis, & multa familiaritate *Othonem, Successorem* nominabat, cumque eo filix suæ nuptias paciscebatur, & jam gener atque socer, ex rumoribus, nihil silentio transmittentibus, ambo destinabantur. (*Tacit. 1. hist. 13. 3.*) Moti hac suffragatione *Icelus*, & *Laco*, in contrariam sententiam ibant, atque diversis consiliis huc illuc fluctuantes, non tam unum quàm alterum fovebant. Observavit hinc, æmulum in Aula affectum, *Ampliss. Dn. Præses in annot. polit. ad Tacit. l. 1. hist. p. 535. 536. q. v.* Illam verò suasionum discordiam, illam crebram sententiarum, velut tempestatum, mutationem, & obnoxium privatæ rei studium, inter vada & impedimenta bonæ mentis locat, atque probis Consiliariis, exemplis modò propositis, cautè evitanda proponit *Lips. lib. 3. Polit. capp. diversis*, in quibus

bus etiam illud *Horatii* 2. *Serm. Satyr.* 7. obiicit *Galba*:

Ducitur ut nervis alienis mobile lignum.

VIII. Interea *Otho* quod omnium in se oculos, omniumque animos hærere credebat, optimam *Regni* spem conceperat. Favebant enim ipsi plerique milites, qui tum omne jus *Imperii* arbitriumque, sibi pernicioso exemplo pertinaciter vindicare cœperant; Quin & ipse *Galba*, haud alienus cæteroquin fuerat *Othoni*; sciebat enim primum hunc ex *Reſtoribus Provinciarum*, deserto *Nerone*, ab ipsius partibus steterisse; cùm antea inter præſentes ſplendiſſimus haberetur (*Tacit.* 1. *Hist.* 13. 6.) quare *Galba* eum multis, & insignibus donis sæpius augebat, nonnunquam super mensam invitabat, & eadem cum ipso lectica, toto itinere Hispanico, vehebatur. In cæteris quoque fidus erat *Galba Otho*, specimenque interdum præbebat, ut nemini prudentia rerum secundus videretur, teste *Plutarcho* in *Galba*. Igitur spem *Adoptionis* & *Imperii* indies simul ad se rapiebat *Otho*, magnam quidem jam & ut *Suetonius* (in *eius vita cap.* 4.) ait, ex conditione temporum, sed aliquanto majorem ex affirmatione *Seleuci Mathematici*, qui cùm superstitem eum *Neroni* olim fore ſponſendiſſet, ultro aliquando inopinatus eum acceſſit, imperaturum quoque brevi, promittens. Dehinc nullum officii genus in quenquam omittens *Otho*, urbanum quoque militem largitionibus ſibi demereri inſtitit; & cum aliquando cuidam de parte finium litigandi adhibitus arbiter eſſet, totum agrum redemit, emancipavitque: unde factum, ut jam, *Suetonio* teſte, &c. vix ullus eſſet, qui non & ſentiret, & prædicaret, ſolum eum ſucceſſorem *Imperii* dignum.

Sed qui veterem diſciplinam amabant (quorum pauciſſimi tamen in iſtius temporis fæce ſupererant) reliquos *Othonis* mores odio habebant, & *Imperio* indignos judicabant. Nam, ut *Tacitus* dicit. 1. *hiſt.* 13. 4. pueritiā incurioſè, adoleſcentiā petulantè egerat *Otho*, inque ea erubeſcendis indulgens amoribus, nihil ventri, nihil libidini negaverat, & quod peſſimum, in iſtam luxuriā haud caſu incidit, aut errore ætatis, ſed ſtudio & contentione eam affectavit, dum omnium prodigiorum ingenia ſumptibus nepotatus ſuperare laborabat, ut de-

libu-

libertas illas *Neronis* comessationes imitaretur : Quare, ut *Tacitus* paulò post ait, *prona in eum, tanquam similem, anla Neronis*, & gratus ipse *Neroni*, æmulatione luxus; cujus multa exempla, ipse (*Tacitus l. c. Plutarch. Dio. Sueton. in Galba vita*) exhibent.

IX. Erat alius tum *Roma* juvenis *L. Piso Frugi*, ex *M. Licinio Crasso*, & *Scribonia* natus, adstricti probique moris magister, vultu habituque adeò veteri, ut exemplum antiquitatis dici potuerit, in cujus ad omnem virtutem nata indole, modestia & severitas tanta concordia, & concentu quoque cæterarum laudum omnisque gloriæ, elucebant, ut nihil unquam severitati ejus, simplici humanitate, nihil humanitari, nimia severitate, detraheretur. Hæc pars morum, recta æstimatione, *Galba* præcipuè placebat; Cæteri eam, quasi tristitiam, culpabant (quam ne affectent *Principes*, Majestatis eorum interesse, *Lipsius 2. Polit. 16. 6.* & in *Not. ad istum locum*) Sed illi, authore *I. hist. 14. non nisi solliciti, & deterius interpretantes*. Porro in petendis honoribus nullis deductoribus uti solebat *Piso*, nec *Roma*, aut in *Italia* ambire, nec emendis suffragiis patrimonium consumere, nec senes orbos in literam digerere, ipsi mos erat. Nunquam illi jucundum fuit aliquem post se videre, quendam ante se habere. Domos potentium, & tumultuosa rixa salutantium limina, haur lubens adiit, apud *Rubellium Plantum* tantum amicitiam cum *Corn. Lacone*, sed simpliciter, colens, & ab eo multum, dissimulato tamen amicitia titulo, aliis commendatus, v. *Tacit. I. hist. 14.* & quæ occasione de suffragationibus aulicis designat *Ampliss. & Excellent. Dn. Praeses in annot. pol. ad Tacit. l. I. c. 14.*

X. Sed ad *Galbam* iterum revertendum est, qui velut ex gravi sopore expergitus, vigiles interim *Imperii* curas solus agebat, nec istorum *Pædagogorum* deliriis, & falsis somniis ultra obdormiebat. Cæpit enim sedulò perspicere *suffragationis Viniana* inania, & contemnere *Iteli* aliorumque huc illuc agitata consilia; cogitare contra unicam *Imperii* salutem, & illi etiam necessitudines privatas postponere. Inde in longum consulens, bene antea perpendebat, arduo suo molimini parum profectum iri, si rebus undique motis hominem imperitum aut pro-

propudiosum, Regno post se relinqueret; suam quoque gloriam haud durabilem futuram, si maximarum rerum instrumenta, quæ tanta industria ille jam parabat, *Successoris* inertia corrumpere. Præter hæc, iudicium *Optimorum* & posteritas, alia mente concipiebat, & ita in seipsum componebat, quasi turpe ipsi foret, si faceret, ut potius alii homines, quàm alii mores succederent, & post *Neronem* nova seculi dedecora Imperium infestarent. Huc referendum quod *Tacitus* *L. Hist.* 13. 4. Credo & *Reip.* curam subisse, frustra à *Nerone* translate, si apud *Othonem* relinqueretur, & quæ in h. l. observavit *Ampliss. Dn. Prasæ*, in annot. polit. v. etiam *Plin. Paneg.* c. 7. & 8. ubi simile quid de *Nerva*, circa idem negotium, notatur.

XI. His probè expensis, haud ultra cunctatus est *Galba*, quin *Adoptionem* & *successionem Imperii*, qua nihil magis ex officio & dignitate *Principis* gessit, ex sui animi sententia decerneret. Licet enim nihil adhuc de *Vitellio* certum esset, anxius tamen fuit *Galba*, dicente *Tacito*, quonam vis exercituum erumperet, & nec urbano militi confidebat: qui aliqua saltem præsentis *Galba* reverentia præstringebatur, & quòd nullum probabile mutationis exordium præ manibus esset, id restringebat, & suppresserat utcunque illorum seditionem atque offensam, teste *Plutarcho* in *Galba*. Itaque gladiatorum, hoc est, non *Principum* credens, in arena consilium, Comitium Imperii, & ea sequenti *Oratione*, quam ego ex mente potius, quàm verbis *Taciti*, concepi, hunc in modum auspicatur: Ego quidem, quotquot adestis, benè meminisse arbitror, quibus ominibus atque auspiciis, summam Imperii dignitatem inter vos sim consecutus. Placebat *Superis*, manebatque occulta fatorum lege, ut Senex ego, ætate extrema, post extinctam *Casarum* domum auratos Imperii fasces, & gravissimam curarum pondere sceptri molem, hisce manibus tractarem. Acceperunt omnes oraculi vice responsum illud, Avo meo, dum fulgur procuraret, datum, summum, sed serum Imperium familia portendi. Credo ego obversari adhuc oculis vestris canescentes repente illius pueri capillos, qui nuper intra adem publicam sacra facienti, acerram tenebat. Nostis ipsi, hanc defuisse tum qui inde augura-

gurabantur, successurum juveni senem hoc est, *Neroni Galbam.* Quid dirus *Augustus* acerrima mentis princeps? nonne salutanti ille inter aequales pueros, apprehensa bucula, quam tum gerebam, dixit: *Ec tu, fili, Imperium nostrum degustabis.* Quid tum *Tiberius*, *Augusti* heres? sentiebat ille quoque me imperaturum, verum in senectâ, unde exclamabat: *Vivat sane, quando id ad nos nihil pertinet.* Afficite nunc albicantem hanc senio frontem, & conferte priscum hoc Imperii insigne, circumfusam purpuram, cum humerorum totiusque corporis defecto robore, & vera extitisse deprehendetis, quod auguriis istis edocti, maximorumque Principum effatis, moniti estis. Equidem, uti dixi, inter decrepitos ego luhens me numero, & extrema tangentes, non sentio tamen in animo atatis injuriam, cum sentiam in corpore. Viget adhuc mens, & gaudet, non multum sibi esse cum corpore, faciens interdum controversiam mihi cum senectute: Cum vero in cogitationem ire juvat, & difficere, argumenta defessi senii tam in Imperio, quam in corpore meo video: In eo enim prisca fides, obsequium, & reverentia rectori debita velut in senili corpore sanguis, & robur flaccet frigentique. Emortuus sane in me est omnis civium amor: Expiravit quasi militum religio, & debitum ab Aula officium, tantum non animam ducit. Experior dolens, paucos Imperatores longissimam senectutem sine contemptu ad mortem perferre. Memini sapius, quid *Nymphidius Sabinus* perfidus ille, cum ex *Hispania* in hanc urbem à Senatu evocarer, dixerit, difficulter mihi vires suppeterre, ut lectica Romam portarer. Extinctum quidem est fœdum illud os, ultore ferro, sed superant adhuc haud disparis levitatis convitia, qua quotidie auribus meis observantur, & quoniam haud insitivus intra limen heres mihi est, nec per liberos fulta domus, orbitatem meam ab omnibus sperni, acerbè sentio. Quare antequam senilis anima in primis labris mihi hæreat, revocare destitutam Imperii meamque dignitatem illum cupio, quem dignissimum nunc judicabo ut orbi quietem, saculo pacem, reipublica decus suum reddat. Ad hunc forte modum cum locutus esset in Palatio *Galba*, repente ex media turba *Pisonem*, (de quo supra mentio facta,) arripit, eumque filium suum appellans, in Successorem Imperii eligit atque adoptat.

v. *Tatit. 1. Hist. 15. Sueton. in Galba, cap. 17. Plutarch. & Dionem in ejusdem vita.*

XII. Notari hîc inter *solennia*, &, ut hodie vocant, *ceremonias Adoptionis* hujus velim, quod *Tacitus & Suetonius* (*locis cit.:*) dicant, *Galbam manu apprehendisse Pisonem*. Neque enim ego frustra illud factum arbitror, sed firmiter credo fuisse id signum aliquod juris atque potestatis, quam *Galba* sibi in *Pisonem* isto modo asserere, & quasi vindicare voluit. Usus autem in eo est *Galba* exemplo *veterum*, qui adoptantes aliquem apud *Pratorem*, manu eum tenentes dicebant: HUNC HOMINEM FILIUM MEUM ESSE AJO. Unde etiam apud *Senecam libri 1. Controv. 3. In manum suam recipere*, est adoptare, uti observavit *Scipio Gentilis in Apolog. Apulei. num. 666.* Quæ prima hujus moris origo, causæ, atque affinia sint, vid. apud *Gellium. l. 5. c. 19. Boetium in Top. Cicer. Sigonium de Ant. Jure Civ. Rom. l. 1. c. 11. de Judiciis l. 1. c. 12. Polletum in hist. fori Rom. l. 3. c. 2. & in corollar. ad hoc c. 4. Brissonium de V. S. de formulis Rom. l. 5. in Antiq. Sel. Juris Civ. l. 1. c. 7. Rupertum ad l. 2. 1. ff. de Orig. Jur.* Observarunt hunc morem longis post temporibus alii quoque *Imperatores*, qui aliquem nuncupaturi *Cesarem*, aut *Collegam Imperii* vel *successorem*, manu dextera eum coram exercitu retinebant, quem ritum expressis verbis indicavit *Amm. Marcellinus in Constantino & Juliano cap. 7. in Valentiniano & Valente cap. 5.*

XIII. Apprehensum verò manu *Pisonem Galba* non ilicò dimisit, sed eum ore quoque proprium sibi dixit, atque iis artibus erudit, quibus unicè gerendi Imperii salus, dignitas & auctoritas continentur. Unde eximiam illam & gravissimam *Orationem*, quam in *Palatio* ad *Pisonem* adoptatum habuit *Galba*, adhuc hodie velut *compendium quoddam totius prudentia regnatricis*, & eorum *qua ad rem publicam pertinent*, agnoscimus, cujus *summam* paucis ego nunc, uti ingenium meum fert, recepto & ostendo. Continet ea, quod primum moneo, *summam aliquam judicii verè regii, & politici, gravitatem atque integritatem*, qua non solum *optimi Principis* schema aliquod in seipso exhibet *Galba*, sed idem *Pisoni*

Interea tamen *successio generis* etiam propria quædam splendoris *auspicia*, à *Divina constitutione & ordinatione quædam* mutuata, habet. DEUS enim non sine singulari quadam providentia certis familiis maxima rerum gubernacula nonnunquam permittit, & meritorum Principalium seriem per unam stirpem longa propagatione interdum continuat. Cujus rei exemplum manifestissimum extare voluit in Populi, quem proprium quondam sibi elegit, Republica: Regnum enim *Juda* continua serie in eadem tribu, & familia *Davidis* (ob singularem *Altissimi* in hanc domum, curam atque amorem) permansit usque ad *Sedeciam*. Unde haud frustra *David* ait 1. *Paral.* 19. *DEUS* elegit de *Juda* Principes, porro de domo *Juda* domum patris mei. Et de eadem domo dicitur 3. *Reg.* 15. *Dedit ei DOMINUS lucernam in Hierusalem*. Possim hic tollititam *Divini Numinis* curam in alias quoque familias, in quibus fortuna regnandi consenuit, latius ostendere, sed propositi ratio id non admittit. Videtur autem *Galba* istam dignitatem nativitatis regis valde minuere, nec ad ista, quæ dixi modo, referre, dum ait, *generari & nasci à Principibus, fortuitum, nec ultra æstimatur*: (*Tacit.* 1. *hist.* 16.) nisi quis *fortuitum* ita velit accipere, ad quod cura hominum nihil valet: Et ita *Galba* idem dixerit quod *Seneca Rhetor.* 1. 1. *controv.* 6. dicit, *homines sibi nascendi sortem non facere posse*. vid. de argumento *Ampliss. Dn. Presidem* in annot. *politic.* ad *Tacit.* 1. 1. *hist.* p. 554. 555. 556.

XIV. Quod si *Electum*, & adoptatum in spem *successionis Pisonem* ultra nunc consideremus, & digna in eo, Imperio fortunæ atque animi bona mirabimur, & laudabimus iterum eximiam *Galba* prudentiam, quæ meritum illis honorem publicè habuit. Postposuit enim hic eximio judicii documento, suorum propinquorum affectum patriæ amori, societates bellicas potiorum vinculo morum, ætatis evectæ dignitatem, maturioris indolis præstantiæ, cuncta idèò, ut ei plurimum tribueret, in cujus anima virtus inest. (*Vellejus* 2. 128.) & digna Imperio *authoritas* atque *Majestas* ex omni parte emeretur, id est *Pisoni*, in quo præcipua Imperiorum decora, & digniores tituli, ante alios concurrebant, virtus nempe, & morum

eximia gravitas, generis utrinque nobilitas, ætatis justæ vigor, & adversa fortuna tolerantia. Virtutis quidem & morum in eo studium, supra jam commendavi, & nunc tantum addo, arduum illud & gloriosum fuisse. Rara enim, & magna laudis est, cum virtutes specie dispares prudentia junguntur. Cicero ad Brutum cap. 10. (Applicantur hic, quæ in priori thesi dicta) Præter hoc, gloriari etiam potuit Piso hanc extrema luce natalium, fecit enim cum quam maximè nobilem, antiquum & multis magistratibus insigne Crassi Pompeique genus; Quare atria ejus veteres ceræ, & nomina familiæ longo ordine multisque stemmatum illigata flexuris exornarunt, & favorabilia fecerunt. Cicero ipse sanè huic familiæ se nobilitandi causa, sociavit, cum Tulliam filiam despondit C. Pisoni, L. F. Frugi. vid. Treb. Pollionem in vita Pisonis Thes. salici, & ibid. Casaubonum. Hæc nobilitas generis acre fuit apud Romanos, ad Imperium telum; unde Severus Imp. ait: τὴν Ῥωμαίων ἀρετὴν ἰνδοξὸν ἔσται, αἰεὶ οἱ πόροι, ἢ δὲ ἀνδρείας ἀναγίγῃς ἐκτίσασθαι, ἢ δὲ θυρίδας διδύξασθαι. Herodianus II. 13. vid. eundem cap. 2. ejusdem libri & Orationem Maximi ap. eund. VIII. 7. Inprimis, suasoriam Agrippæ ad Augustum, apud Dionem libr. LII. Capitolinum in Gordianis, cap. 30. Treb. Pollionem in Valeriano, cap. 1. Hujus rei causa est insita illa & altè infixæ hominum mentibus opinio, qua omni nobilitati generosum aliquid inesse tantum non omnes credunt. Habet autem, ut Seneca ait Epist. 39. hoc optimum generosus animus, quod concitatur ad honesta. Itaque Cicero pro Sextio inquit: Omnes boni nobilitati favemus; Et Aristoteles 3. Pol. 8. ἢ δ' αὖ γένεια παρ' ἐκείνοις ἔκείναις ἡμῖν. vid. eund. 4. Pol. 4. & in priorum locum Piccarti Commentarium l. 3. cap. 13. p. 438. 439. quique ibi citantur. Præterea ea fuit Pisonis ætas, quæ optimè faciebat ad regnandi studia: Jam enim illa despumaverat, jamque vitia primo fervore adolescentiæ aliàs indomita, extinxerat, atque ad salutaria, mitigatis frequenti rerum patientia affectibus, venerat. Itaque nihil ab eo immaturum in Regno, nihil perperam, nihil asperum expectari aut metui potuit, sed omnia gravia, cuncta seria, & ita quasi Respublica jubeat. Non ille vino aut floribus, non mulierculis aut popi-

nis

nis deditus erat, sed sui nominis opinionem immunem ab omni flagitio servavit, nec per licita & illicita se fœdavit. Denique ipsa fortuna adversas vires in eum ideo exercuisse videbatur, ut inde disceret, firmitus undique consilii robur imperandi artibus quondam addere. Reverà enim in omni re *nocumenta*, *documenta* sunt. Unde de se *Mithridates* olim dicebat: *Mihi fortuna multis rebus ereptis, usum dedit bene suadendi*, ap. *Sallust. in fragm. histor. lib. 4.* Et *Tacitus de Caractaco, Annal. 12. 13. Quem multa ambigua, multa prospera extulerant, ut ceteros Britannorum Imperatores praminceret*, v. *Lips. Not. ad l. 3. pol. cap. 4. §. 9.*

XV. In eo denique prudenter & optimè arbitrio suo usus est *Galba*, dum id unicè egit, ut nova *Elezione necessitatibus Reipublica* subveniat, & *ejusdem utilitates* promoveat. Hoc illis verbis intendit, quando ait, *se amore patria impulsus, ut principatum Pisoni offerret, & se in Republica successorem querere*: (ap. *Tacit. 1. hist. 15. n. 2. 3.*) quod ut evidentius probaret, removet *Adoptionis Pisoniana* finem, ab eo, quem antea *Augustus in Adoptione Marcelli, Agrippa, & Tiberii Neronis* intendebat: Ille enim per hos, suæ tantum domus disciplinam stabilire voluit, nempe ut servi aliquando dominos, bona heredes, haberent. *Galba* contrà in adoptando *Pisone*, beatam civium vitam sibi proposuit, & per eum disciplinam majorum, quæ olim quidem interciderat, tunc verò nequezrebat, *Imperio* voluit restituere, & illud opibus firmum, gloria amplum, virtute honestum reddere. Itaque graviter ad *Pisonem* ipse ait: *Nunc eò necessitatis jam pridem ventum est, ut nec mea senectus conferre plus Populo Rom. possit, quam bonum successorem, nec tua plus juvenia quàm bonum Principem.* (ap. *Tacit. 1. hist. 16. 1.*) Illius autem necessitatis pars haud levis fuit, finita *Cesarum in Nerone domus*; unde totius *rei Romana* moles, quasi submoto, cui incumbebat, fulcro, agitari cœpit & contremiscere: Antea enim satis quæta ea perstitit, cum ex *familia Julia & Claudia*, continuo ordine, munimenta status accepisset: quæ res initium debuit prudentiæ *Augusti*. Ille enim non minori cura quàm utilitate *Legem successionis in Imperium Rom.* introduxit, quæ quum ori-

primum fato durare desiit, atque in certamen & quæstionem creatio *Principis* post *Neronem* vocari cœpit, majestas *Imperii* atque salus, incerta diu, & quasi vaga fuit. *Galba* ipse, licet *Electione* postea *Imperator* factus sit, eam tamen stabilire non potuit, tum alias ob causas, tum ob æmulationem, & contentionem Ducum, tum ob contumaciam illorum militum, qui longo *Cesarum* sacramento imbuti, nova Imperia ferre non poterant, & vires suas cum aliis conferentes, æque se imperare posse quàm alios, ut magis, credebant. Itaque in longum consulens *Galba*, illam *Augusti Legem successionis* fundare iterum in *augusta* domo per *Adoptionem* voluit. Ingentibus enim malis edoctus jam erat *Minore discrimine sumi Principem quam quari*, & magnis aut novis conatibus opportunos esse transitus rerum. Contra, pravas aliorum spes cohiberi si successor non in incerto, & se ipsum per hanc viam securiorem esse, & pluribus velut munimentis insistere, optime potuit colligere. vid. *Lips. Polit. 2. 4. Ampliss. Domini Præsidis dissertat. polit. in Suetonii Octavium Cæsarem §. 17. in Galbam ejusdem §. 1.* Interea tamen vera manet illa sententia *Galba*, qua de se, & *Pisone*, dicit: *Loco libertatis erit, quod eligi cœpi-mus*: (ap. *Tacit. 1. hist. 16. 2.*) Ea enim formam regiminis principalis insigniter exprimit, cujus latiore designationem vid. in *Ampliss. Domini Præsidis annot. polit. in Tacit. l. 1. hist. pag. 554.*

XVI. Omne autem boni *Principis* simul atque *Patris* munus implevit *Galba*, quòd imperaturo *Pisoni filio*, tam illustri optimorum monitorum face, prælucebat, à cujus splendore nostra hæc *Exercitatio* lucem aliquam nunc mutuatur. Probè sciebat *Galba*, non satis cautam esse inter obsequia fortunæ mortalitatem: Illa enim acrioribus stimulis animos explorant, quàm adversa rerum. Quare *Pisonem*, ad tam magnæ & tam subitæ fortunæ cultum, primo omnium erudit, & tacitè quasi eum monet, ne, post tantam rerum experientiam, vi dominationis convellatur, & indulgentia fortuna, in superbiam mutet; Uti quondam *Tiberius* fecerat, vid. *Tacit. Ann. 6. 48. 3.* Sed, ut fortunam reverenter habeat, & semper

per in melius, uti decet, potens sit. Deinde, præcipua & sanctissima humani ingenii bona, *fidem, libertatem, amicitiam* eidem Galba commendat. Singula prudenter, & utiliter. Primo enim *nulla res vehementius Rempublicam continet, quam fides.* (Cicero 2. offic. 14.) Et sine ea juxta Silium Ital. 2. 484.

Non tellus pacem, non æquora norunt.

Ostendit hoc Aristoteles l. 1. Rhetor. quando ait: Ἀκύρον τῶν εὐθυκῶν, ἀνίσταται ἢ πρὸς ἀλλήλους χρεία. *Fidem* igitur magnopere conservandam censeant *Principes*, nec eam unquam *Imperio* posthabeant, aut perjurio latebras vi atque fraudibus quærant, sed promissa æquè in pace quàm in bello, tam hostibus quàm fociis, tam perfidis quàm bonis servant. vid. Lips. Polit. 2. 14. Grotium de Jure B. & P. lib. 3. c. 19. & seqq. etiam libr. 2. c. 15. *Libertas* quoque inter maxima decora est illius qui solus arbiter rerum jure ac nomine regio (Tacit. annot. 2. 73. 4.) Quæris autem, quæ sit ea? dicam Seneca verbis, Epist. 51. Nulli rei servire, nulli necessitati, nullis casibus, forennam in æquum deducere. Hæc libertas Regi proposita sit, ad hoc præmium ille laboret, cum præcipua muneris sui Majestas eo contineatur: Qui enim metu ab honesto deterretur, aut blanditiis ad turpia invitatur, aut assensum omnem in aliorum obsequium submittit, ille decus suum alienæ potentix gratificatur, & licet Argis imperet, atque Regnis, quæ quondam

Liquit Pelops

*Qua Ponto ab Helles, atque ab Ionio mari
Urgetur Isthmus,*

revera tamen impotens erit, & vilior servo qui quinque modios accipit, & quinque denarios. Nam,

tunc omnia jura tenebis,

Cum poteris Rex esse tui. Claudianus.

vid. imprimis Gruteri discours. ad Tacit. lib. V. hist. part. alt. Prætereà *amicitia* studium ad securitatem, & firmitatem regni imprimis conducit. Nam

Non sic excubie, nec circumstantia tela

Quam tutatur Amor. Claudian. in IV. Consul.

Honorii.

Principi omnia amor conciliat, longeque valentior in regno ad

PPP PP

obti-

nendum qua velis, quam timor. Plinius l. 8. Ep. ult. Unde Panegyrista ait c. 85. *Præcipuum Principis opus esse, amicos parare, Et Helvidius apud Tacitum hist. 4. 7. 6. Nullum majus honi Imperii instrumentum, quam boni amici.* Augusto certè præcipuas imperandi curas id fuisse novimus, ut amicos diligenter legeret, utiliter adhiberet, & constanter servaret; quod opus quàm arduum sit, doctissimè, uti omnia, explicat *Dn. Præses in dissertat. polit. in Octavium Casarem, Suetonii, §. 15.* Neque verò exiguam regiminis benè administrandi partem Galba in communi illa sententia ponit, *quod tibi fieri non vis, alteri ne feceris.* Quam sententiam, æquitati naturali omnino conformem, Tacitus his verbis extulit: (1. hist. 16. 6.) *Utilissimus idem, ac brevissimus, bonarum malarumque rerum delictus est, quid aut volueris sub alio Principe, aut nolueris.* Idem planè consilium adhibet *Mæcenas apud Dionem lib. 52. circa finem orationis*, qui locus optimè huc facit. *Lipsius l. 4. Polit. c. 5.* ubi fontes prudentiæ regiæ recludit, consilium illud ex notitia vulgi haurit, atque tractat haud vulgariter. *Dn. Præses* illam notitiam subtiliter dividit & præsentī proposito applicat in annot. polit. ad Tacit. l. 1. hist. cap. 6. Inde autem optimi Principes passim in *Historia Romana* commendantur, & tanquam benè formati ad gerendum Imperium ab ista cognitione laudantur. Plinius de Trajano ait in Paneg. cap. 44. *Privato judicio Principem geris, meliorem imo te præstas, quàm tibi alium precabare.* Antoninus Pius legitur Senatui Romano, tantum detulisse Imperator, quantum cum privatus esset, deferri sibi ab alio Principe optavit, apud Capitolinum in ejus vita cap. 6. Tacito Imperatori, omnis *Senatus Romanus* acclamavit: *Quod bonum faustum salutareque sit, diu privatus fuisti. Scis quemadmodum debeas imperare qui alios Principes perulisti. Scis quemadmodum debeas imperare, qui de aliis principibus judicasti. Mæcius (ita Salmasius hunc vocat ex Msc. Palatini optima fide) Falconius Nicomachus, Senator consularis, singulariter postea de eodem dicebat: Scit enim qualem sibi Principem semper optaverit: nec potest aliud nobis exhibere, quàm quod ipse desideravit, & voluit.* Vopiscus in vita Taciti, cap. 4. & 6. Adde Lampridium in vita Alexandri Seve-

ri,

ri, cap. 51. & ibi notas *Casanboni*, quæ benè merentur, ut legantur.

Sed & præter istas regnandi artes, & monita, ipsam quoque gerendi Imperii necessitatem, & difficultatem, juxta tradidit *Galba Pisoni*. Illam quidem hisce verbis indicavit: Si immensum Imperij corpus stare ac librari sine Rectore posset, dignus eram a quo Respublica inciperet. (1. hist. 16. 1.) Idem graviter de ejus Imperij corpore *Florus* dicit l. 4. c. 3. nempe illud hand dubiè nunquam ita coire, & consentire potuisse, nisi unius præsidis nutu, quasi anima & mente regeretur. Tacitum similiter alibi quoque locutum, *Freinsheimius* observavit, in not. ad loc. *Flori* citat. Benigna est hæc materia, de qua plura dici possent, sed ea concludi non possunt intra hujus Exercitationis modum atque spatium. Vide aliquid de eâ apud *Aristotelem* 1. Polit. 2. & ejusdem Interpretes atque Commentatores, *Senecam*, de Clementia. *Lipsium*, 2. Polit. 1. & 2. *Gruterum* in disc. ad Tacit. 3. *Annal.* part. 1. p. m. 51. *Rupertum* in animadvers. ad *Pompon.* l. 2. ff. de Orig. Juris cap. 12. Difficultatem verò regnandi, studio tractat, habita oratione *Galba*, atque infert. 1. Ex vitiis Consiliorum & ministrorum, per quos adulatio, blanditiæ pessimum veri affectus venenum, sua cuique utilitas, irrumpit. (Tacit. 1. hist. 15. 6.) In eo igitur summa judicii politici, & prudentiæ verè regis caput consistit, quomodo & quantum Princeps, qui sua scientia non potest cuncta complecti (Tacit. Ann. 3. 69. 2.) nec de sua unius sententia omnia gerere (Livius 44. 22.) iis obsequi debeat, quos in curarum partem adsumit, & quos publicè adjumenta credit, ne illa regni fundamenta, quæ *Galba* noster jecit, fidem nempe, libertatem, & amicitiam, imminuat. Facilis ea res esset, si omnes consulerent quod in rem est, si nemo obnoxie sententiam diceret, si privatæ res nunquam officerent consiliis publicis. Sed rarissimæ sunt Aulæ Principum, quæ ab ista peste liberæ, &, vis scire cujus rei inopia laborent sæpius magna fastigia? quid omnia possidentibus desit? ille qui verum dicat. (Seneca 6. de Benef. c. 30.) Adsunt ibi præcipuè homines, sine falsi verique discrimine, solitas adulationes edocti, animo subdoli & perfidiosi, avaritiam & libidinem occultantes (Tacit. Ann. 16. 32. 3.) Multi in

parvis rebus fidem præstant, ut, cum operæ pretium est, mercede magna fallant. Libertatem *Principum* per cuniculos tentant, & inscios sæpe, extremæ conditionis mancipia faciunt. Injuncta *Imperio* munia, & labores, soli invadunt; & inestimabile illud bonum, SUUM FIERI, *Principibus* eripiunt. Ita tamen se gerunt, quasi unice scirent suadere *Principi*, quod oporteat, cum interea sæpius ut aliquid sui videantur afferre, etiam recta commutent. Loquantur *byssina aula verba*, & magis cum fortuna *Principis*, quam cum ipso. Lædunt novo calumniandi modo, non culpantes, sed laudantes, & in omnibus *speciem magis, quam vim in amicitia retinent.* (*Tacit. Ann. 3. 30. 6.*) Ita *Principes*, cum omnia caverint, per ornamenta feriuntur *Seneca præfat. l. 4. quæst. Nat.:*) & non antea sentiunt proditores, quam proditi. vid. *Tacit. 1. hist. 15. n. 6. 7.*) Ne itaque in deteriora transeat *Princeps*, summè opus est, ut cum iudicio cuncta audiat, nec aures suas ita former, ut nil nisi jucundum & læsurum accipiant. Nihil generosum aut altum ab illis servitiis expectet. Et quamvis idonea illa videantur, tamen semper cogitet illud *Ciceronis Epist. ad Q. Fratr. 2. 1. Species ipsa gratiosi liberti, aut servi, dignitatem habere nullam potest.* Sed pauci sunt quibus istud à natura aut usu iudicium integrum. Imò, bonus, cautus, optimus venditur *Imperator.* vid. omnino *Popiscum in Aureliano, cap. 43. Alteram imperandi difficultatem, in Invidia* ponit *Galba*, quando aperte dicit: *Nos bello, & ab estimantibus adsciti, cum invidia quamvis egregij erimus.* (*Tacit. 1. histor. 16. 4.*) Malum hoc plerumque vulgi est, quod agris oculis alienam felicitatem intuetur (*Tacit. histor. 2. 20. 4.*) Sed & *Nobiliores* interdum, & magnos aliàs animos invadit, qui ingentibus honoribus & negotiis se quoque pares judicantes, acerbè ferunt si alius ea occupat. Unde *Sallustius ad Cæsarem ait, Orat. 2. Nemo alteri Imperium volens concedit; Et Seneca in Thebaid.* (quod tamen sobriè intelligi velim.)

Simul ista mundi conditor posuit Deus,

Odium atque Regnum.

Maxima autem circa hanc rem difficultas est, imò quandoque insuperabilis, adeò ut ad vitiorum irritamenta nonnulli dela-

delabantur, qui adversum illum fortunæ magnæ comitem, amoliri à se voluit. Prudenter tamen, quibus modis evitetur, monuit *Lippius*, l. 3. *polit. c. 11. n. 9. &c.* Tertiâ, nec potestremam imperandi difficultatem, à variis Populi moribus, & pugnantis inter se studiis *Galba* accersit. Hæc ille summa ratione *Pisoni* explicat. Nam revera

Principis est virtus optima nosse suos. Martialis.

Ita autem de Romanis inquit *Galba*: (ap. *Tacit. 1. hist. 16. 7.*) Neque enim hic, ut in ceteris gentibus quæ regnantur, certa dominorum domus, & ceteri servi: Sed imperaturus es hominibus, qui nec totam servitutem pati possunt, nec totam libertatem. Verissimè hæc *Galba*, & prorsus evidenter ad rem, quam hucusque statuo. Romani enim haud miti aut fracta cervice, jugum quodcunque tulerunt, atque flecti non minus turpe putarunt, quàm vinci. Ea fuit voluntas omnium, ut, qui libertati in illa urbe finis, idem urbi sit, (*Livius 2. 15.*) Huic quicunque plagas tendebat, eum statim everfio, odia, venena, gladii, à tergo sequebantur. Testantur id præcipuè exacti Roma, ob vindicandum libertatis decus, Reges, ardentes illæ Legum agrariarum faces, & toties pro libertate patriæ, aut sociorum, correpta arma. Quin imò ea fuit gens Romana, quæ etiam victa quiescere nequivit (*Livius 9. 3.*) Romani enim graviores tunc sunt cum vicuntur, inquit *Balerius Cadusiorum Rex* apud *Pollionem* in vita *Aureliani. cap. V.* Unus ex comitibus *Annibalis* (creditur is fuisse *Aristo*) apud *Iustinum*, 31. 4. haud frustra ait: Cum Romano seu occupaveris prior aliqua, seu viceris, tum etiam cum victo & jacente luctandum esse. Ut igitur commendaret Imperium suum Princeps Romanus, haud dominationem & servos, sed Rectorem, & cives cogitare debuit (*Tacit. Ann. 12. 11. 2.*) Hominibus liberis, ingenuis, honestis, non ut mancipiis abuti, sed his quos gradu antecedit, quorumque sibi non tradita servitus sit, sed tutela (*Seneca de Clement.*) Invitis haud faciliè modum imponere, omnem captæ urbis formam abhorrere, domiti ut pareant magis, quàm serviunt curare juxta hæc, eum oportuit. Nam abrupta illa & sine fine dominatio, semper intolerabilis fuit civibus Romanis. Quare nec ea *Augusto*, licet

ille cuncta nomine Principis sub Imperium acceperit, placuit. Et optimè Tacitus dicit *hist. 4. 8. 6. quomodo pessimis Principibus sine modo dominationem, ita quamvis egregiis modum libertatis placere.* Interea tamen idem Princeps inter præcepta imperandi illud Taciti quoque *Ann. 16. 18. 1. observare debuit: Contumacia inferiorum, lenitatem imperitantis deminui.* Et illud *Aristotelis Polit. 6. 4. Ἡ ἐξουσία τῶ πρῶτου ἐπὶ ἀνθρώπων* τις, ἢ δυνάμει φυλάττειν τὸ ἐν ἐκάστῳ τῶν ἀνθρώπων φαῦλον. Nam Romani libertatem non semper æqua mente passi sunt. Initia quidem illius plerumque bona, sed haud rarò mali eventus, ad quos si accessit Princeps nimia lenitate dulcis, facilè fortuna tanti Imperii in præcepta agebatur. Fatetur ingenuè apud *Livium 2. 29. App. Claudius: Non miseriis, sed licentia, tantum barbarum concitum.* Continebat diu veterem Rom. disciplinam imminens Pœnorum hostium metus. at postquam *Corinthus, Numantia, & amula Imperii Carthag.* everfa est, læta, vel potius decepta, libertatis suæ spectaculo Roma, luxuriari cœpit, & felicitare nova in perniciem Reipublice exultare, vid. *Florum 3. 12. & perpende ibi causas furorum civilium.* Usque adeò autem libertatem affectabant illi rerum domini, ut hujus auram inde captantes, unde servitutem timebant, in eum statum Rempublicam adduxerint. (*Livius 3. 37.*) Quare libertate discordi servientibus Romanis, utilis fuit tandem, unum esse cui serviant (*Plin. Paneg 32.*) Sicque Respublica in sinum *Julii Caesaris* ultrò concessit, & postea quoque pacis interfuit omnem potestatem ad unum (*Augustum*) conferri. (*Tacit. hist. 1. 1. 2.*) Itaque in propatulo nunc esse arbitror, quàm arduum & grave sit (id quod antea jam intendi) illorum ingenia temperanter, nec promiscuè habere, qui aut servant humiliter, aut dominantur superbe, & (quod omninò necesse est) juxta hæc aciem Imperii, nunc intendere, nunc continere, nunc iterum remittere: Denique id efficere, ut *Populi Romani vis illa, & magnitudo venerabilis, ad imaginem antiquitatis relata, non licentia effrenis exulcet, non abjecta languide jaceat; Sed sic assiduis Principis monitis temperata sit, ut morigeram se non terrori ejus prabeat, sed benignitati;* uti *Nazarius* loquitur in *Panegy. ad Constantinum.*

XVIII. Hinc causæ simul patent, quare pauci antiquis temporibus, *Romanum orbem* iusto & felici regimine moderati sint. *Aliis enim defuit caput ad consilium de Republica dandum*, notitia Reipublicæ (Cicero 2. de Orat. 82.) *Aliis ð ἐξοία μετρίωσα*, quæ juxta effatum *Cæsaris* apud *Dionem* l. 43. *πάρτα κτηθήντα τυπῆν*. Quorum numerus maximus fuit. *Alij non satis eruditi fuerunt illis artibus quibus ad magnæ fortunæ cultum ingenia formantur*. Talis fuit *Domitianus*, qui, ut *Tacitus* in *Agric.* c. 7. ait ex magna fortuna, licentiam tantum usurpavit. Sunt item amici mali, qui *Romanos pessimos etiam posteris tradiderunt suis vitiis laborantes* (ut loquitur *Lampridius* in *vita Alexandri Sev.* c. ult. ubi v. not. *Casaubons*) Inter hos non dubito ipsum *Galbam*, cum modo tamen, numerare. *Alij belluabantur viribus Romani Imperii*, & illud fato quodam deformabant. Tales fuerunt, *Vitellius*, *Caligula*, *Nero*, *Commodus*, *Heliogabalus*, *Maximini*, & *Philippi*, atque illa inconditæ multitudinis fæx, vid. inprimis *Vopiscum* in *Aureliano* cap. 42. & 43. Memorabile autem, & planè singulare est illud exemplum *Neronis*, quod *Pisoni* hisce verbis (ap. *Tacit.* 1. hist. 16. 4.) *Galba* proposuit: *Sit ante oculos Nero, quem longa Cæsarum serie tumentem, non Vindex cum inermi provincia, aut ego cum una legione, sed sua immanitas, sua luxuria cervicibus publicis depulere. Neque erat adhuc damnati Principis exemplum*. Rectè quidem illa se habent, quæ de fundata longo Imperio *Cæsarum domo*, & fatali vitiorum pœna differuntur, de qua vid. *Augustinum*, de *Civit. Dei* 5. 19. Sed rectitudo judicii, quo *Nero à Senatu* damnatus est, dubia adhuc videtur. Apparet quidem inde maxima *Amplissimi* illius *Ordinis* authoritas, atque potestati, quam ab eodem facta, magnificè, inter alia, extollit quoque *Clodius Albinus* apud *Capitolinum* c. 13. his verbis: *Et usque ad Neronem quidem Senatus autoritas valuit, qui sordidum & impurum principem damnare non timuit, cum sententia in eum dicta sunt, qui vita necisque potestatem, atque Imperium, tunc tenebat*. Utrum autem *Senatus Romanus* in hac re benè judicaverit, maximè controversi potest. Absolvere quidem *Senatum* videtur illa ratio,

ratio, quam *hostilis in Rempublicam Neronis animus* dictat, & quam *Barclaius l. 4. c. 16.* atque *Grotius de l. B. & P. 3. 4. 11.* licet hic remissius (*v. Dn. Præsidis Comment. ad Grot. l. c.*) assumpserunt. Sed contrà pronunciant aliæ, æque firmiores rationes, allatæ ab *Ampliss. Domino Præfide in dissertat. ad Neronem Suetonii §. 17.* quibus ego lubens, meritoque subscribo.

XIX. Hæc, velut præcipua momenta de ista *Oratione Galba* dixisse, nunc sufficiat. Possent quidem de illius arte, quatenus ad *Rhetores* spectat, nunnulla quoque afferri. Hanc enim inter præcipua facundiæ suæ opera *Tacitum* extare voluisse, eruditè judicat *Dominus Præses in annot. polit. ad Tacit. 1. hist. 15.* Sed ista non sunt hujus instituti. Possem etiam istius orationis ductu, interiora *Antiquitatis Romanae* investigare, atque priscos illos *adoptandi lege Curiata* apud *Pontifices*, ritus, causas, atque formulas, nec non accepta per *adoptionem* imaginum jura, explicare. Sed prohibet talia chartæ angustia. Intereà ne quid cognitioni tuæ desit L. B. vid. *Gellium in Noct. Att. libr. V. cap. 15.* *Sigonium de Ant. Jure Civ. Rom. lib. 1. cap. 10. l. C. Bulengerum de Imper. Rom. lib. 2. cap. 1. pag. 72.* *Polletum in hist. Fori Rom. lib. 3. cap. 2. Ravardum de Auctorit. prudent. c. 6.*

XX. Extant passim in *Historia* similes ferè orationes, quibus *Vita*, aut *Regni* decessuri *Principes*, filiis suis, aut propinquis, rei benè gerendæ curam commendarunt. Talis fuit illa *Micipsæ*, quam is, morbo atque ætate confectus, cum sibi finem vitæ adesse intelligeret, coram amicis & cognatis, itemque *Adherbale* & *Hiempsale* filiis, habuit, apud *Sallustium in Jugurth. cap. X.* vid. in eam *animadvers. Dan. Parei.* Hanc orationem *divinam* vocavit *Spartianus*, qui refert, *Severum Imp.* ingravatam morbo, eandem filio suo majori (*Basiano*) misisse: *In vita Severi, cap. 21.* Legimus quoque cygneam illam *Marci Imp.* canticum, quam *Senex* ille, cum gravissimo morbo repente percuteretur, convocatis omnibus amicis, & constituto in eorum conspectu adolescente filio *Commodo*, edidit. Eam *Herodianus l. 1. hist. cap. 4.* tradidit, & notis illustravit *Ampliss. Dn. Præses, ad illum Anthorem*; in quibus aliæ ejusmodi orationum exempla afferuntur. Huc non im-

perti-

pertinenter referri posse puto exemplum *Basillj, Graci Imp.* qui in usum *Leonis filij*, futuri *Principis*, libellum edidit, quem *μεγάλα παραιτυχὰ* inscripsit, *probum, pium & dignam quem Principes legant*; uti *Lipsius* de eo judicat in *Not. ad l. 1. Polit. cap. 9.* Inter recentioris autem *Historiæ* monumenta, insigniter eminet *Oratio Caroli V. Imp.* quam ille biennio antequam moreretur, viribus tamen, & propemodum vita, jam tum defectus, ad *Philippum II. filium* habuit, cùm administrationem *Regnorum & Provinciarum*, facta abdicatione ipsi reliquisset. vid. *Famian. Stradam de bello Belg. decad. 1. lib. 1.* qui istam orationem doctè & graviter, Latino sermone verit. Plura exempla non accumulo : Sed id addo tantum,

Ut esse Phœbi dulcius lumen solet

Jam jam cadentis :

Sic ista abeuntium aut dicta, aut monita.

XXI. Sed ad *Pisonem* nunc me iterum converto, qui *Galba Imp.* ritè jam constitutus *filius* atque *heres*, cuique *Principatus*, de quo *Majores, I. Caesar* nempe, & *Augustus*, armis certarunt, & quem ipse *Galba* bello adeptus est, quiescenti oblatus est. Quod equidem haud frequenter evenire solet. Nam *pauci sunt per quietem Rectores populi, & rarum felicitatis genus, obtinere sine contentionibus Principatum*, inquit *Cassiodorus*. Nihil autem potuit tam eximium, aut inexpectatum à fortuna incidere, quod diu multumque compositum animum *Pisonis* statu suo turbaret. Audita enim *Adoptione*, ita se confirmavit, ut conversos in se totius *Palatij* oculos & ora fortiter sustinuerit, neque ullum infirmæ mentis signum, ex novitate rei, prodiderit. Affectus, naturali corporis facilitate ad subita pronos, ita posuit, ut ostenderit omnibus, se imperare magis posse, quàm velle. Sermo erga *Patrem Imperatoremq;* gratus, ac reverens, (*Tacit. 1. hist. 17. 1.*) non mobilis, non incitatus, nec citò in os prodiens, de se ipso moderatus, &, si formare eundem meis verbis licet, forsitan talis : *Ego quidem, optime Imperator, minimè ausus fuisssem, tam amplam hereditatem augustæ domus tuæ, mihi polliceri, aut, tantas spes aliorum impediendo, Romani Orbis imperium occupare, nisi tua bonitate, atque consilio, ad ista invitatus, & adscitus essem.*

Nunquam enim eam de me opinionem habui, aut fiduciam, quod prisca illa Sulpicia, & Lutatia gentis decora, mea nobilitas equare, aut concussam tantis motibus rempublicam, mea vires, mea prudentia servare possit. Tuum est illud iudicium, quo me ex tota hac multitudine secernis, atque ex tot proceribus, qui adsunt, manu consilioq; gloriosis, solum dignum putas, in quem spem publicam, & senectutis tue requiem ponas. Meum igitur nunc erit, hoc agere, ut dictis tuis audiens sim, & ne Tu in caducum parietem inclines, aut respublica per me aliquid detrimenti capiat. Faciam autem, ut & ego quondam in locum liberorum populum Romanum adoptasse videar, & Tu sentias, arctius me Tibi alligatum quam ut fortuna ambos divellere possit. Talia in Palatio, non ex præparato locutus est Piso, sed subito deprehensus. Posteris temporibus mos erat, ut adoptati Cæsares, publicè in Senatu gratias agerent. Capitolinus id testatur in vita Antonini Pij, cap. 4. ubi inquit: Adoptatus Antoninus Pius in Senatu gratias eidem (Hadriano) quod de se ita sensisset, egit. De Cæsonio Commodo, Spartianus in Adriano c. 23. dicit, cum prævalitudine, ne gratias quidem in Senatu agere potuisse Adriano de adoptione. Ælius Verus orationem pulcherrimam (quæ Spartiani tempore adhuc legebatur) dubium an per se, an per scribentium aut dicendi magistros paravit, qua Calend. Januariis Adriano patri, pro sua quoque adoptione gratias ageret. vid. Spartianum in Ælio, cap. 4.

XXII. Interea, ad consummationem tam augusti muneris, nihil reliquum erat, quam publica ejusdem professio, & proclamatio; quæ ubi primum fieri debeat, mox consultatum est. (*Tacit. l. hist. 17. 2.*) Alij in Rostra procedendum putabant, pro quibus conciones ad populum habitæ, & magistratus suscepti atque positi, & ipsi Julio Cæsari Regni Insignia quondam oblata fuerunt. *Florus, 4. 2.* Alii dissuadentes inasensum illum superbie posterorum Principum locum terere, in Senatu iudicium de Imperio primum dari jubebant. Sed, quia magnis consiliis omne robur penes milites tunc erat, & invalida Senatus auctoritas jacebat, placuit ordo, quem tempus, & Reipublicæ status, potiore monstrabant, nempe, ut in castra primum iretur. Dum hæc agerentur, mira fuit, mo-

nem

nente *Tácito*, & incredibilis apud omnes illius rei expectatio, cujus fama aliquamdiu suppressa, sumptis inde viribus, ut fieri solet, in majus jam creverat. Dictus erat novæ solennitati quartus dies *Id. Januar.* qui exortus, mox fœda tempestate, & prodigiis cœlestibus horrebat: Inundabatur passim terra largis imbribus, aer crebris & insolitis tonitruum fragoribus quatiebatur, ignes hinc atque illinc minabantur. Videbatur adversis auspiciis, turbatis religionibus, adversus morem militarem, disciplinamque majorum, quicquam solenniter & publicè isto die geri. Antiqua enim inter *Romanos* lex erat: JOVE. TONANTE. FULGURANTE. COMITIA. HABERE. NEFAS. vid. *Ciceron. libb. de Divinat. lib. 2. de LL. Oration. in Vatín, ad Pontifices. pro Sextio. Philippic. 2. Gellium. 13. 14. Livium l. 7. cap. 6. & l. 40. cap. 42. Tacitum. Hist. l. 1. cap. 18. Plutarchum in Galba.* Nihil territus fortuitis, *Galba*, nec omen inde accipiens, officio suo haud segnius fungebatur. Itaque salvis auspiciis ea geri statuens, quæ *Reipublica* commodo suscipiuntur, nec præcaveri posse, quæ unumquemque manent, in castra pergebat, ubi more, & jure *Augustis* proprio ac singulari, milites in hunc ferè modum alloquebatur: *Quod faustum, felix, fortunatumque sit. Perduco ad vos Licinium Pisonem virum fortem, atque nobilem, in quo robusta maturitas, & vigor magnis rebus sufficiens. Hunc ego more D. Augusti, & exemplo militari, quo VIR VIRVM LEGIT, in familiam meam adoptavi, atque plurimum credens ipsius virtuti, proximum mihi constitui ut in vicem Imperij aliquando succedat. Habetis nunc aliquam de me expectationem, quam habere posse, cuncti negastis. Imperabit vobis Pison hic, & si Di j velint, diu imperabit. Ille enim, omnibus Imperij nervis, ad revocandam pristina disciplinam militie, annitetur; nec patietur, quemquam vestrum degenerare à robore ac virtute, assuetudine voluptatum. Quiescent, spero, nunc, nec per novas molitiones hunc rerum statum abnuent, quarta, & duodevicesima, in Germania, legiones. Desinam illis videri Senex, si præter spem omnium, senectutem Imperij, quasi reddita juventute, revirescere audiverint. Neque enim ultra verba ac voces hæcenus illa errant. Quare & vos lubentes accipite Pisonem quem meo ju-*

dicio probavi, & agite, ut hunc Principem factum, omnis Romanæ militia vobiscum gaudeat. Meminit *Plutar. huius*, *Galbam* hanc orationem partim habuisse, partim de scripto recitasse. Frequens hic mos *Principibus*, & notissimus ex *Dione*, (qui summo studio ejusmodi orationes notavit) *lib. 53. 56. & alibi.* *Tacitus* diligentius persequitur illam orationem *Galba* ad milites, & nonnulla notat, quæ ejusdem stilum, argumentum, & eventum, perspicuè nobis indicant. Ad primum, referenda sunt illa *Taciti* verba, cum ait, (1. *hist. 18. n. 2. & 4.*) *Galbam* imperatoria brevitate adoptionem *Pisonis* pronunciaſſe; nec ullum orationi lenocinium additum. Habet quidem suum gravitas locum, & ipsa brevitas loquendi haud incommodè, præsertim in orationibus *Principum*, adhibetur. Nam uti *Demeirius Phalerens* (quem nihil eorum quæ ad dicendum requiruntur fugit) in libro de *Elocut.* dicit: *Quod brevius est gravius est, & aptius ad imperandum*, & ut idem, paulò post, dicit: *præcepta & jussiones, quæ Principi conveniunt, brevibus verbis formantur: preces autem, quæ humilioribus, verbose & longa esse debent.* vid. *Lips. polit. 2. 15. 19. N.* Ista tamen sermonis gravitate, & brevitate, non ad omnes res gerendas uti *Princeps* debet, velut *GLADIO DELPHICO*. Nam utriusque virtus aliquando vana est, nisi comitatis permixta insit gratia, vid. *Dn. Præs. annot. in Tacit. 1. hist. p. 538. & seq.* ubi cuncta ex fontibus perfectæ eloquentiæ politicæ. In argumento autem illius *Orationis Tacitus* primò refert, formulam illam militarem (rei & loco convenienter à *Galba* adductam) qua olim *VIR VIRUM LEGIT.* vid. de ea *P. Victor. Lect. Var. 18. 19. Briffon. de formul. l. 4. Turnebi. Adversar. & Dn. Præs. in annot. Polit. ad Tacit. 1. hist. p. 559.* qui observavit, *Augustum*, eandem formulam, ad lectionem *Senatus* tranſtulisse, apud *Suetonium.* vid. hunc in *vis. Aug. cap. 35. & 54.* Deinde notat *Auctor* noster, (1. *hist. 18. 3.*) *Galbam* seditionem legionum *Germania* ultro asseverasse, ne dissimulata in majus crederetur. Rectè hæc, & prudenter *Galba*. Nam, ubi certus est malorum author, adversus famam, rumoresque hominum firmiter statuit, nec atrociora, quæ sparguntur, tam faciliè decipiunt, aut, quæ quisque fingere potest, ita timentur. Unde *Julius Caesar* milites suos fama hostilium copiarum per-

per-

perterritos, non negando, minuendove (seu malis legere inhibendove, quod liber Cujacii habet, & Casaubonus probat) sed insuper amplificando, ementiendoque confirmabat, relucente Suetonio in ejus vita, cap. 66. Sic illi, ad subita quævis parati fuerunt nec terri illis periculis potuerunt, docti, non præsentibus tantum, sed futuris etiam atque contingentibus animum opponere. Interea tamen, ut ad effectum magnorum interdum consiliorum & operum perveniat Princeps, multa simul et oportet invitare, & dissimulare, cum dolore quandoque; In bello præsertim, in quo sæpe exiguis momentis omnia inclinantur. Ibi sanè magnum haut raro malorum remedium est, si non intelliguntur, maximè cum in acie milites stant & jam differri bellum periculosum. Tum enim illi arma faciliè abjicient, & summi rei diffident, si suorum seditiones, & clades alibi exorta, prodantur. Igitur læta omnia fingenda potius, & dissentire vultus Ducis ab animo debet. Quod equidem *Alexandrum*, illum orbis domitorem, in maximo discrimine aliquando fecisse legimus apud *Curtium* l. 4. cap. 12. & c. 16. Sed summa hinc opus cautione, ne adversa ista spernantur magis quàm dissimulentur, & ne stulta dissimulatione remedia potius malorum, quàm mala differantur, uti *Tacitus* loquitur *Histor.* 3. 54. 1. Illud etiam cum laude melioris consilii in *Galba* probandum est, quòd in Oratione, ad milites habita, exemplum *Augusti* suo proposito accommodaverit: Nam non potuisset illi majorem auctoritatem conciliare, quàm ab eo, in cujus nomen omnes Imperatores velut quadam adoptione & jure hereditario successerunt. Apud milites quoque recens adhuc erat veneratio *Augusti Caesaris*, cujus nomen ipsorum animos, velut quoddam Deorum, obsederat, ut per longa tempora inde velli non potuerit. Sed cætera *Galba* non ad istum modum erant; quod satis declarat orationis illius eventus, à *Tacito* (l. 6. 18. 4.) sedulò quoque expressus. Tribuni quidem cum *Centurionibus*, & proximis militum, gratabundi respondebant, fortassis ex necessitate muneris magis, quàm sponte & ex animo. Reliqua multitudo iræ tristitiam, tristitiæ silentium miscens, nihil gratabundi significabat, nec *Pisonem* faustis ominibus prosequabatur. Videbatur enim illi, quasi vita cunctis erepta esset, quòd nullam

mentionem *Donativi*, cujus largitio priorum *Principum* liberalitate, etiam inter pacis ornamenta fuerat, & quod ob multos belli labores, tanquam debitum, ab omnibus hucusque expectabatur, *Galba* fecerat. Recreare potuisset, monente *Tacito*, (1. *hist.* 18. 5.) *Galba*, quibus

Τὸ ἀργυρίον ἔστιν αἶμα καὶ ψυχὴ,

si in præmium militiæ, aut in signum lætitiæ publicæ, quantulacunque liberalitate erga ipsos usus esset: Sed nihil tale ab eo extorqueri potuit, cui semel fixum erat, *Legere milites non emere.* (vid. *Tacit.* 1. *histor.* 5. 5. *Sueton.* in *Galba* 16.) Gravissimus hic erat error *Galba*, & qui omnem ejus in Imperio fortunam trahebat. Licet enim non deceat ἐνὶ χερσὶνασι ἀντιπαραστήσαν καὶ ἀπαθεῖσθαι ἀπὸ τοῦ εἶναι (Herodian. II. 7.) Custoditur tamen beneficis Imperium (Seneca ad Polyb. c. 31.) Et quandoque minus flagitiosum est armis vinci Principem, quam munificentia. (*Salust.* in *Jugurth.* c. 110.) Præcipue autem interest Principum, ut in novo Imperio (quale omninò fuit illud *Galba*) effusius donent. Sic enim illud sibi commodè firmabunt, cum paulatim ex novis rebus aucti cives, tuta & præsentia, quam vetera & periculosa malent. vid. *Lips. Polit.* 4. 8. 21. & seqq. ubi simul modi & cautelæ. Nam ex nimis largitionibus non minus quam ex sordida avaritia, tum alia mala, tum contemptus oritur, quem suo ære olim sibi comparavit *Julianus*, v. Herodian. II. 7. adde his omnibus *Dn. Præsid.* annot. *polit.* in *Tacit.* l. I. *hist.* cap. 2. p. 50. &c. & iterum *ibid.* pag. 538. Verissimè autem de *Galba Tacitus*: (1. *hist.* 18. 5.) *Nocuit antiquus rigor & nimia severitas, cui jam pares non sumus.* Adhibenda quidem est *Reip. causa Severitas*, sine qua administrari civitas nulla potest (*Cicero* 1. *Offic.* 25.) Sed cum modo tamen, & tempore, quia *severitas amittit assiduitate auctoritatem* (*Seneca* lib. 1. de *Clement.* c. 22.) quæ anima, & vita ipsa Regnum est. vid. *Lips. Polit.* 2. 16. & 4. 9. Dissolutionem itaque Imperii sequi oportuit, cum vincula, quibus illud continetur, rupta essent, & milites pacem jam omnem exnerent, Principis magis avaritia, quam obsequii impatientes (*Tacit. Ann.* 4. 72. 1.) Commodus hîc esset locus, illorum Principum liberalitatem per exempla recensere, qui, communium & propriorum bonorum non tam parci dispen-

dispensatores; ut *Galba*, in *Adoptionibus & Nuncupationibus augustis*, varia dona & ludos civibus, præsertim militibus, exhibuerunt. Sed, quia magnam horum partem collegit *Julius Caesar Bulengerus de Imper. Rom. l. 2. c. 1.* ideo ista non repeto. Hoc tantum addo, ejusmodi donativa adhuc sub *Valentiniano*, in usu fuisse (vid. *Amm. Marcellin. l. XXVI. c. 3.*) Et tempore *Anastasi* quoque; uti constat ex *Marcellini Comitis Chronico*, qui primus, omne ejusmodi munus, *Augustaticum* dixit; quod nomen recentior *Latinitas* servavit. vid. omnino *H. Valesium*, in annot. ad *Amm. Marcellin. l. XXVI.*

XXIII. Procedo nunc ex castris in *Senatum*, cum *Galba*; qui coram *Amplissimo* illo *Ordine*, *Adoptionem Pisonis* haud longiori aut leniori *Oratione nuncupavit*, quam apud milites; his forte verbis: *L. Pisonem, quem hic cernitis, mihi, Imperio, & vobis necessarium, in familiam meam adscivi P. C. ut liceat mihi salvam, & sospitem, Rempublicam in sede sua, per eum sistere. Cujus rei fructum si & vos percipere aliquando vultis, rogo, ut sententias, & imperium ejus, publice admittatis, & probetis. Mihi satis erit, ut melioris status Author dicar, & moriens feram mecum spem, mansura in vestigio suo fundamenta Imperij, quae ipse stabilivi.* Refugit in hac quoque *Oratione* (teste *Tacito l. hist. 19. 1.*) lenocinium sermonis, quasi quendam ingenii furorem, *Galba*. Verum, imprudenter, & ineptè. Quamvis enim *Oratori constet eloquentia officium* (*Seneca de Benef. VII. 13.*) & aliud in *Imperatore queratur*, aliud in *Poeta vel Oratore flagitetur*: (*Treb. Pollio in Gallienis c. 11.*) Debuisset tamen durus ille *Imperator*, honorem verborum illis viris reservare, penes quos *judicium publicæ mentis* ab antiquo; & quibus ille *arbitrium eligendi Principis*, quod apud eos fuerat, eripuit, iisdem nova quadam *humanitate* blandiri, decorum fuisset. Quare, sine dubio, invisa fuit *Senatui* ista *Oratio*, spirans undique horridam & intempestivam severitatem, qua ex suo ordine *Cingonium Varronem Cos. Design. & Petronium Turpilianum Consularem*, interemtum, data occasione, non absque tristitia & iracundia, recordari potuit.

XXIV. Longè aliter in *Senatu* se gessit *Piso*, qui *judicium de Imperio novo*, *Ordini huic dans* (quod & alii *Principes Ele-*

Et primo statim tempore fecerunt. *vid. Casaubonum ad Spártiani Adrianum, c. 6. & eundem, ad Capitolini Verum, cap. 4.)* comi oratione, uti Tacitus indicat, (1. *hist.* 19. 1.) eidem assurrexit, & fortunæ orienti cum decore & modestia suffragatus est. Patiar in hac quoque formanda, imbecillis ingenii mei vires periclitari, hoc modo: *Ardum & subiectum fortuna, cuncta regendi onus, nunquam ego in me susceperem P. C. si ex meo more vivere mihi liceret. Neque enim animum iis artibus indui, quibus, firmior adversus fortuna, Rempublicam capessere, atque universam illam hominum multitudinem, inquietam, discordem, turbidam, a quo Imperio continere possem. Mihi securâ quies, & ridens parvis in rebus libertas, potior semper visa est, quàm amplum finibus, sed triste curis atque tot sollicitudinibus Regnum. Neque enim nescius sum, quid mali sit imperare. Gladij & tela cervicibus eorum impendent, qui Imperio præsunt. Ipsi custodes timentur, ipsi comites formidantur; quisquis vitam suam contemnit, illorum Dominus est. Nunc, quoniam præter omnem meam mentem, atque expectationem, Augusta domus, atque Imperij per orbem maximi, heres atque successor ab ipso Galba, Principe & Patre meo, dictus sum, gratias quidem eidem, quod ita de me senserit, lubens meritoque habeo, atque sola obsequii gloria ductus, aspera omnia pervado. Vestrum autem adhuc est, aestimare quid velitis. Nam ego usq; ad Senatus iudicium incertus, & varius fluctuabo. Quod si & vobis placuerit, quod Galba placitum est, tenebo regimen, atque tota mente, & omni animi impetu, in Rempublicam incumham. Pro iudicio autem vestro, pristinam dignitatem ante omnia reddere vobis studebo, faciamque in Imperio, ut dignam Romani Principatus speciem in nomine vestro recipiatis. Denique ita liceat mihi Imperium gerere, quasi constet omnibus à vobis me electum esse. Placuit Oratione sua Senatui Piso, quoniam is Imperatorium fastigium ad summam civilitatem deducturus videbatur; itaque, ut Tacitus indicat, (1. *hist.* 19. 1.) singularum Patrum, prout quisq; affectus erat, favor aderat. Multi, quibus verus Reipublicæ amor atque cura fuit, recta & facili voluntate gaudium publicum testati sunt: Alii, saltem ut ægritudinem animi tegerent, majore lætitia, in plausus, & immodica studia proruerunt. Medii inter hos, & plurimi, qui vile puta-*

putabant decus publicum, omnia probarunt, modò præsentibus fruantur, nec privatis rebus defraudentur, vid. *Tacit. l. c.*

XXV.

Sed longè alius fuit *Adoptionis* hujus *eventus*, quàm bonus quisque aut sperabat, aut providebat. Et, quod *Adrianus*, cum adoptasset *Ælium Verum* (*Spartian. in vita Veri, cap. 4.*) atque *Gordianus*, cum filium suum videret (*Capitolinus in Gordian. Jun.*) dixerat:

*Ostendent terris hunc tantùm fata, neque ulterà
Esse finem.*

Id, dolenda Imperij, *Senatus & Augusta Domus* vice, in *Pisone* quoque apparuit, qui ad instar *tragici Regis*, per amplissimam *Imperij Scenam* introductus, uno actu ejus mimum expressit, cum cruentus mox, miserabili funere, è *theatro* elatus est. Postquam enim *Galba* in foro Romano, apud *lacum Curtium*, piacularis publici odii victima factus esset, atque morte sua illud *Seneca* dictum in *Thebaid.* firmasset:

Invisa nemo imperia retinuit diu,

Piso quoque, læva militum seditione, & tumultu, in foribus ædis *Vestæ*, quo ex foro vulneratus jam, confugerat, à *Sulpicio Floro* è *Britannicis cohortibus*, & *Statio Murco speculatore*, jussu *Othonis* nominatim in cædem illius ardentibus, trucidatus est: atque destinatus *Galba* successor, mox ipsi in eodem fato, mortuus successit, vid. *Tacit. hist. l. cap. 40. & seqq. Sueton. in Galb. cap. 19. 20. Plutarchum in ejusd. vit. Xiphilin. in Dione l. 64.* Ita citius occisus *Piso*, ad famam Principis, in Republica venire nequivit: nec aliud quatrduo illo, quod medium inter *Adoptionem* & cædem fuit, factum ab eo in publicum, dictumve, quàm *Oratio* in *Senatu* habita, de qua supra actum, vid. *Tacit. hist. l. 19. 2.* Fuisset quidem è re Romana, si inviolabilis ferro extitisset *Piso*, neque contra eum fuisset aliqua potestas eorum, qui neces infandas tristissima mente concipiunt; neque enim passus esset, tam excellens à *Galba* relictum Imperium, turpiter abjectum jacere, uti *Otho & Vitellius*. Sed securitatis ejus finis inde subsecutus est, unde novæ magnitudinis initium cœperat. Nam quum primùm *Otho* spe Regni atque *Adoptionis* (qua multis benevolentia signis primus à *Galba* dignus habe-

ri videbatur, & ad quam prope accesserat consequendam) decidisse se, atque à *Pisone* occupatum esse (mutato jam iudicio *Galba*) animadvertit, statim in amborum exitium vigilavit, & parricidiali scelere viam ad regimen paravit; cuius spem illum nondum abjicere sinebant *Mathematici* & *Chaldaei* frequens genus hominum apud *Principes* & *Duces Romanos*. vid. *Plutarch. in Mario*. p. 430. in *Sylla* p. 475. *Tacit. Ann.* l. 12. cap. 22. & 68. & alibi passim. Item *Freinsheim. ad Curt.* 4. 1. 22. & *Valesii Annot. ad Ann. Marcellin. libr. 29. in princ.*) qui novos motus, & clarum *Orthoni* annum, observatione siderum affirmarunt. Fuit autem *Orthoni* præcipuum facinoris irritamentum, & adjumentum favor militum, quibus illius luxuria, specie liberalitatis imposuit tantoperè, ut redeuntem aliquando à cœna *Orthonem Imperatorem* rapturi fuerint, nisi incerta noctis & tota urbe sparsa militum castra, nec facilem inter temulentos consensum timuisset. Horum itaque studiis fretus *Orbo*, quicquid impio animo conceperat, sine multo labore patrare potuit. His accessit siculnea adhuc *Pisonis* autoritas, quem velut juvenem trucem, & longo exilio efferatum singulari apud milites oratione paulo ante illius cædem, contempsit, & invisum reddidit *Orbo* vid. *Plutarch. in Galb. Tacit. Histor.* 1. 21. & seqq. Adde *Dn. Praesid. dissert. in Sueton. Galb. §. 13.* Mirum dehinc non est, Adoptionem *Traiani* magis ex voto successisse, quàm istam *Pisonis*. *Nerva* enim temerè fecisset si adoptasset alium quàm *Trajanum*, in quem nisi incidisset adoptio, irritamentum istud iratum, & fax tumultus fuisset. Nam in *Trajanum*, iudicium & favor militum, tunc statim, cum ad exercitum ille proficisceretur, & quidem inusitato indicio, enituit, ita ut si data esset omnibus potestas promendi arbitrii, quem *Imperatorem* vellent, alter non esset electus. vid. *Plin. Paneg. cap. 5. & seqq.* De *Pisone* autem non fuit eadem & tam constans inter omnes opinio. Quare alios non omnino negligere præ hoc debuisset *Galba*, præsertim eum, quem multis molitionibus dominationem affectare, benè sciebat. Præterea eò res devenerat, ut dubium visum fuerit, an dare Imperium possit, qui reverentiam amiserit? nisi id autoritate ejus efficiatur, cui daretur: cujus tamen autoritatis vim, pro suorum temporum more, apud alios non obtinuit

Pison

Piso, licet ejus fundamenta firmiter in se habuerit: Unde post illius adoptionem seditiones non desierunt, sed coeperunt; uti graviter dicit *Plinius in Paneg. Traj. cap. 8.*

XXVI.

Permanit diu in Imperio Romano tristissimi hujus, ex adoptione *Pisonis*, fati memoria, qua perterritus unus aut alter Princeps, veritus est in vita de Successore cogitare. Non enim consistunt ibi exempla, unde coeperunt. Itaque *Julianus Imp.* cum novissima verba in castris locutus esset, inter alia dixit: Super Imperatore verò creando cautè reticeo, ne per imprudentiam dignum prateriam, aut nominatim quem habilem reor, anteposito forsitan alio, in discrimen ultimum trudam. *Amm. Marcellin. l. XXV. cap. 4.* Ad quem locum doctissimus Gallorum, *Henr. Valesius* notavit quoq; , *Julianum* exemplum *Galbae Aug.* reformidasse, qui affecta ætate, cum *Pisonem Casarem* nuncupasset, & sibi, & *Pisoni* perniciem creaverit. Et fatendum omnino est, non minus periculo insidiarum subjacere, qui proximi Regnis destinantur, quàm quibus in primis testamenti partibus, pupillariter substitutum est (vid. §. 3. l. de pup. subst. & in eum, Comment. Vinnij) Id maximè quondam expertus est *Augustus* (lubens utor hujus exemplo) contra cujus adoptionem, inexpiabile bellum suscipit *Antonius*, furens alium sibi in Regno prælatum à *Julio Casare*; quæ res prima civilium motuum causa fuit. vid. *Flor. l. 4. cap. 4.* Sed hæc tanti non sunt, ut illos Principes errasse dicam aut putem, qui Imperij aut provinciarum Heredes, vel voce nuncuparunt, vel alio judicio fecerunt Successores, nominatim. Hinc enim non tam certa imminere credo pericula & discrimina, quàm si quis more *Alexandri*, dignissimum tantum succedere post mortem, jubeat; quo dicto majora certè inter Duces *Alexandri* de Imperio excitata bella sunt, quàm *Antonius* cum *Augusto* ad *Mutinam* aut *Adium* gesserat. Quòd si igitur Subsidia Aula, & Dominationis, Principi adsunt, manet pium iuxta & prudens consilium, ab iisq; semper Principibus usurpatum, qui Imperium recens partum firmasse in familia memorantur, Imperium in filij natu grandioris manus consignare, titulos & dignitates servare, uti verba habent Magnifici Domini *Christoph. Forstneri* in not. polit. ad Tacit. l. 1. Ann. 6. 1. Hujus rei certissimum argumentum est, auctoritas, securitas, & potentia

potentia Imperij, quæ singula, insigniter isto modo firmantur & promoventur. Et, si antiquam temporum seriem evolvimus, deprehendimus, longissimo ævo *successionem ordinariam* in Imperio Rom. locum habuisse, quoties status ejusdem quierus fuit, & quando Princeps haud eruenta morte, nec ætus decessit. Nam post Galbam, Othonem, & Vitellium, (solstitiales illos Principes) Vespasianus pacatum filium tradidit Imperium, nec ad Electionem suam vel milites vel Senatus redire nisi sunt, quamdiu legitimus Successor ex familia Vespasiani supererat. Extincta verò iterum in Domitiano tota familia Augusta, Nerva designatus est Imperator, cui per Adoptionem successit Trajanus, Trajano, eodem jure, Adrianus, huic Antoninus Pius, Pio M. Antoninus simul cum fratre Ælio Vero, omnes Adoptivi. Marco Imp. dein absque controversia successit Commodus, filius. Post occisum Commodum diu in turbulento Imperio, vis juri prævaluit, & milites tumultuario judicio Imperatores constituerunt, atq; de eorum Electione sæpius cum Senatu, qui idem jus vindicare sibi rursus coeperat, certarunt. Primus Severus Imp. denuò obtinuit, ut filius ejus, major natus, Bassianus (qui Imperator factus, Antoninus Caracallus dictus est) Cæsar appellaretur & Imperatoriis insignibus ornaretur. (vid. Spartian. in Severo cap. 14. & ibi Salmasium) Postea Maximus, Gordianus, Philipp. licet per vim Principatum invaserint, filios tamen Cæsares dixerant; sed violentia occupati, in successione stabilitos relinquere non potuerunt. Diocletianus, (& post eum Justinus, dum adoptavit Justinianum Imp.) reduxit potestatem Adoptionis, adeoq; suo arbitrio Reip. Principes dedit. Constantinus M. divisit Imperium inter liberos, quod facere non potuisset, si jus eligendi penes alium fuisset. Post hujus tempora Successio non tantum in Orientali, sed & Occidentali Imperio (quatenus ea per seditiones scelestas, aut tristitia familiarum fata, vel mollitio temporum, non interrupta fuit) constanter recepta quoque fuit, vid. omnino Onuphr. Panvin. de Comit. Imp. l. 1. c. 1. Zonaram, & reliquos Historia Constantinopolitana scriptores veteres. Item Gervoldum de S. R. L. Septemviratu, cap. 4. p. 23. Arnisa. Relell. Polit. libr. 2. cap. 2. num. 53. Deinde translato à Græcis ad Germanos Imperio, per Carolum M. mansit in hujus posteritate, continuus succedendi ordo, usque ad Ludovicum Arnulphi Cæs. filium, In quo def-

deficiente stirpe Carolina, quæ CX. circiter annos duraverat, Imperij axioma ad Conradum, à Franconia ortum, & postea ad Henricum Saxonem, Ancupem dictum, translatus est, cui successerunt mox Otto I. Magnus, ejus filius; post quem Secundus, & Tertius Otto. filius & nepos ad idem culmen Imperiale evecti sunt. Mortuo Ottone, factiones enatæ fuerunt inter Henricum Ducem Bavaria, Hermannum Ducem Suevia & Alsatia, & Alboinum Marchionem Saxonie, quis eorum Imperio præficeretur. Quomodo Henricus jure hereditario niti voluerit, auctoravit Cuspinianus in Henrico II. p. 261. cui non convenit cum Lehmanno, qui maternum genus Henrici II. Imp. alio refert, in Chron. Spir. l. V. c. 16. in princ. In Conrado II. Saliquo creando, morientis Henrici II. judicium valuisse, & sanctum habitum fuisse, testatur historia; præsertim Sigebertus, & Brovverus in Trevirens. lib. XI. Conrado II. successit filius Henricus III. Huic iterum filius Henricus IV. & nepos Henricus V. qui improlis decessit; ut & ejus Successor Lotharius: post quem haud levem Imperij prætextum habuit Henricus Bavarus (vid. de eo Cuspinianum p. 314. 323. 330. 337.) Sed Conradus III. Imperium contra ipsum obtinuit. In Friderico I. haud parum valuit delegatio Patru sui (vid. Cuspinian. in Friderico I. p. 323.) Friderico successit filius Henricus VI. Huic Philippus Frater, cui oppositus est Otto IV. vel, si Primum numeres, V. Fridericus II. Imp. etiam filius fuit Henrici VI. ex Constantia, Regina moniali. Mortuo Friderico II. annor. XXIII. circiter (v. Lehmanni Chron. Spir. l. V. cap. 95.) Interregnum intercessit, quo tempore magnitudo & potentia Romana valde decrevit, multa pristina jura imminuta, atque Electio Imperatoris Romani à septem Electoribus, spreto omni jure natalium invaluisse, probatione optima, creditur. vid. latè de hac re disferentem Arniseum, in relect. polit. lib. 2. cap. 6. sect. 5. Onuphr. Panvinium de Comit. Imp. cap. 9. Unde postea Rudolphus Habsburgicus, (Imperator electus,) omne jus hereditarium in Imperio repudiavit, & vel filio suo se hoc adoptaturum fore, negavit, justissime in arbitrio Principum esse decernens, ut post mortem ejus liberè non magis filium ejus, quàm alium eligerent, nisi quem ad id culminis, aetate & gravitate morum dignum invenissent. Paulus Bernriedensis in vit. Gregor. 7. Fuit nova palnè hæc res, nec ex usu paulo priorum temporum: quibus Electioni quidem multum locus dabatur, sed

tantum in casu, cum heredes deficerent. Annititur quidem probare Lehmannus in Chron. Spir. lib. V. c. 17. singulos Othones per Electionem Imp. Romanum accepisse. Sed Scriptores, quorum ille auctoritates adducit, per Electionem intelligere tantum consensum & approbationem, & hac significatione vocabulum Electionis id ætatis Historicis consuetum fuisse, pluribus præjudiciis explicat Arnisæus in rel. pol. libr. cap. 2. sect. 4. Interea fatendum est, Imperatoris Romani per solos Electores (uti hodie vocantur) absque cæterorum Principum & Senatorum consilio, Electionem, in Rudolpho Comite Habsburgico coeptam, & ad hæc usq; tempora continuatam, nulla expressa lege ante Carolum IV. Imp. sancitam esse; sed cum antea nova quali, & adhuc nutans esset, ab hoc demum reformatam, stabilitam, atque in Auream Bullam redactam fuisse. vid. Onuphr. Panvinium de Comit. Imp. cap. 9. pag. 131. Arnisæi, relect. polit. lib. 2. cap. 6. Sect. 5. num. 59. Arumæum de Comitatu Rom. German. Imp. c. 2. p. 26. & seq. Magnificum Dn. Nicol. Mylerum ab Ehrenbach, Ict. Sereniss. Württembergia & Teccia Ducu &c. &c. Consiliarium Intimum; & Illustris Consistorij Directorem Ampliss. in Archæologia Ordinum Imperialium, cap. IX. §. 5. Ineptissimi igitur hodie sunt, qui controversunt, an consultius sit Imperio nostro, nasci Imperatorem quàm eligi. Boni enim civis est, præsentem statum Reipublicæ boni consulere, & quantum fieri potest, in melius interpretari. vid. Gruter. disc. 3. in Tacit. Cum itaque in Imperio nostro etiam post Caroli IV. A. B. Electio tot Constitutionibus, Sanctionibus, & juramentis confirmata sit, de mutatione ejus periculosissimè disliceretur. Add. Arnisæi relect. politic. libr. 2. cap. 2. sect. 4. num. 1. Arumæi, discurs. Academ. de Jur. Publ. VII. tb. 27. Limna I. P. 2. 3. 12. Interea, ne quid detrimenti capiat res publica, per dubii Successoris incerta, solet ex more recentiorum temporum, vel vivo Imperatore, vel in casu vacantis Imperii, Rex Romanorum eligi, de quo multa adferri in medium nunc possent, nisi instituti ratio, & chartæ angustia ampliorem excursus prohiberent. Præcipue autem de eo notanda sunt. I. Comparatio, sive differentia illius, cum aliorum Regnorum Successoribus: Ubi observari potest, multum convenire Regi Romano, (ut hodie dicitur) cum illis, qui olim Augusta Domus Heredes, Principes Juventutis, &c. post tempora Adriani

Impe.

Imperatoris, Cæsares dicti sunt, qua de re vid. Jul. Cæs. Balengerum de Imper. Rom. l. 1. cap. 4. & Arnisa. relect. polit. lib. 2. cap. 2. sect. 4. num. 92. Tales etiam ferè sunt, qui in Gallia Delphini, in Anglia, Wallia Principes vocantur. vide plura quæ huc pertinent apud Limn. l. P. lib. 2. cap. 15. §. 3. & 4. II. Differentia inter Imperatorem, & Regem Romanorum. De qua vide iterum Limnaum l. d. §. 46. & seqq. & ad A. B. cap. 1. §. 1. obs. 5. III. De potestate & auctoritate Regis Romanorum notandum præ aliis, illum, qui vivo Imperatore eligitur, nihil posse Imperatorium, aut Regium facere, nisi ex commissione Imperatoris. vid. omnino quæ tradit Limnaus ad Capitul. Maximil. II. pag. 495. &c. ad capit. Ferdinandi I. p. 471. & seqq. ad Capitul. Rudolphi II. p. 518. & seqq. Item tom. V. p. 80. & seqq. Aliud dicendum est de eo, qui vacante Imperio eligitur, mox in Imperatorem creandus. Superiori sæculo, de Rege Romanorum, superstite Imperatore eligendo, quæstio mota est in Imperio; quæ tamen mox bona pace composita fuit. In nupera Pacificatione Monasteriensi & Osnabrugensi actum est de eadem re, & placuit, ut aliquid Decreto Comitiali, pro tranquillitate & securitate Imperij constitueretur. His omnibus autem, quæ hætenus dixi, conferri velim Clapmar. de Arcan. Rerumpublicarum. 3. 10. ubi casus notatur, quo nominare Successorem exitiosum est. Quod autem ad cæteros Principes, atque Comites in Germania attinet, neminem esse puto, qui non firmiter credat, non potuisse florentes illorum res, ad istam magnitudinem evehi, nisi in illorum Familiæ, beneficio priorum Imperatorum, Successionis per filios atque hæredes jura stabilita essent. De quorum origine, atque progressu, singulariter egit Magnif. Dn. Mylerus ab Ehrenbach. Ict. in Archolog. Ordinum Imperial. cap. VIII. IX. X. XI. Et quomodo ea sollicitâ curâ conserventur, atque omni modo ab interitu vindicentur, summa diligentia ostendit Nicol. Besius in tractatu Nomico Politico, de Statutis, pactis & consuetudinibus famil. illustrium. De Successione Principum Electorum in primogenitis, & hæredibus eorum, proposito studio tractatum est in Aurea Bulla Caroli IV. cap. VII. ad quod extat singularis Commentar. Marq. Freberi, quem ejusdem filius, Fridericus Freherus, edidit Ann. M. DC. XV.

Hæc

Hæc pro ratione ingenii, & temporis, dixisse de propo-
sita materia sufficiat. DEO T. O. M.

Qui terram inertem, qui mare temperat

Ventosum, & urbes, regnaq; tristia,

Sit laus, honor, & gloria ultrà omne sæculum.



XXVIII.

DE

PRINCIPALIUM FAMILIARUM PERPETUITATE.

Lipfl. 1. pol.
cap. 6.

Magnorum Principum felicitatem si quis animo
pensitaverit, deprehendet, magnam illius partem in eo
consistere, si tam ipsis Imperantibus liceat, secure Imperii fa-
sces moderari, & Leges ad publicum emolumentum dire-
ctas; sine timore vel periculo secururæ dissensionis propo-
nere, quam si subditi in parendo non negligentiores ad
quævis obsequii munia se paratos exhibeant, & sicuti Pr
ncipem, ita & ipsius edicta humili reverentiâ exosculentur.

Clapm. de
Arc. Ret. l. 1.
cap. 1.

Plin Paneg.
cap. 49.

II. Cum enim aliàs omnia, quæ præclara sunt, tum
inprimis summum Imperium cum invidia conjunctum
est. Ad hanc dignitatem omnes adspirant, deliniti partim
impulsu blandientis naturæ, quæ per se avida est Imperii, &
præceps ad explendam animi cupidinem: partim seducti
vanâ persuasione, ut existiment, nec se vires & ingenium de-
ficere, quo arduum ejusmodi munus subire, inque regali so-
lio velut arbitri vitæ & necis residere queant. Unde cum
spe suâ se frustratos vident, exardescunt in iram, & licet
metu supplicii absterreantur à publicis molitionibus, occul-
ta tamen odia animo foveant, proruptura sæpius ex occasio-
ne temporis, nisi prudenti remedio cohiberentur. Felix
igitur ille Princeps, qui ab insultribus hisce immunis est, &
cui hoc inexpugnabile munimentum contingit, munimento
non egero.

III.

III. Accedit autem proximè ad hanc felicitatem, eamque mirum in modum auget, quando Princeps non solum suo tempore omnia concinno ordine geri, seque subditorum amore satis tutum sentit, qui prospera quæque Domino precantur, & sibi invicem de eo gratulantes, exclamant:

Goth. l. 1.
Lig.

*Quæ tibi Libertas poteris contingere major,
quàm Regi jervire tuo?*

*Libertas maxima nobis,
tàm placido parere Viro.*

Id. l. 8.

Verùm etiam dum in vivis adhuc certum Hæredem & Successorem videt, qui ejus lateri interim adjunctus, in administrando Imperio paulatim succedat, & si quando satis ipse concesserit, eadem deinceps majestate & potentiâ coronetur.

IV. Natura nobis immortalitatem negavit, & nemo est, qui sibi possit polliceri, post mortem suam, sine subsidiis Posterorum, ea certò observatum iri, quæ ab ipso vivente constituta sunt, ut in effectum producerentur: Ideoque quod præprimis ad Principes referendum, si & ipsi velint, Leges latas vigere, & præsentem Imperii statum post fata quoq; eodem gubernandi modo continuari, necesse est, ut certos hæredes habeant, qui pari Autoritate firmati, Antecessorum voluntatem illibatam defendere pro virili conentur. Hi sunt munimen aulæ & regni subsidia, neque per legiones vel classes, quod per firma isthæc Imperii munimenta effici potest.

Scip. Amirat.

disc. in Tac.

l. 1. disc. 2.

Eurip. Tacit.

l. 1. Hist. c. 52.

V. Calluit hoc optimè Augustus. quocirca, ne orbitas sua, quod senex sine liberis decederet, contemptui foret, eam anxio valdè animo corrigendam, certumque hæredem stabilendum curavit. Et licet fortuna (quasi mirandæ Principis providentiæ obniteretur) primò M. Marcellum, mox Cajum & Lucium, Agrippæ filios, ejusque Nepotes eripuisset, non modò Hæredem sibi Tiberium fecit, sed superstite in Domo Tiberii filio Juvene, Germanicum insuper per Adoptionem asciri jussit, non alia ratione motus, nisi eâ, quam Tacitus paucis & nervosis verbis complectitur, nimirum, quo pluribus Munimentis insisteret.

Tac. l. 1. an-

nal. c. 3.

VI. Quæ verba, cum paulò diligentius perpenderem, eorum Meditatio ad considerationem *Principalium Familiarum in Germaniâ* me deduxit, quas itidem ut perpetua vassî corporis Imperii munimenta par est venerari. Quamvis enim ibi de Domo Augustâ, legeq; successionis in eam inducendâ & firmandâ, adeoque de securitate Imperatoris Romani agatur, non tamen inconveniens esse putabam, si sententiam usu & observatione certam, verbis gravem, ratione prævalidam, (prout unanîmi Sapientum judicio, Historici istius effata profunda ac in ipsis prudentiæ penetralibus nata) ad illustrissimas Principum Germaniæ Domos transferrem. Nam illis longè angustiori veritatis mensurâ competit, quod Imperatores de Consistorianis extulerunt, dum eos partem corporis Imperatorii appellavere: Siquidem hi non Magistratu vel Ministerio publico, ut illi, sed necessitudine pollent arctiori, nec Imperatoriæ tantum Majestatis, sed Imperii totius illustrem verè partem constituunt,

quos inclita Robora Regni,

Et validas, nunquam pudeat dixisse Columnas.

Ita ut omnino, quod statim & signanter ponendum est, Principalium Familiarum conservatio & propagatio in verissimis Imperii munimentis eminenti loco laudari debeat.

VII. De earum igitur perpetuitate dum meditarer, placuit in chartas animi sensa conjicere, eaque cum Præceptoribus & Commilitonibus meis communicare, ut illorum Sapientiâ & erudito colloquio de re totâ ampliùs erudirer. Quod si non secundum materiæ gravitatem & expectationem omnium præstitero, hoc unicum tamen, ab ipsorum benevolentia & humanitate me spero consecuturum, ut conatum potius, quàm tractationem ipsam approbantes, rem non pretio, sed voluntate & proposito metiantur, benigneq; permittant, quò illud Poëtæ mihi succurrat:

————— *In magnis & voluisse sat est.*

VIII. Aggredior itaque cum bono Deo, à cujus devotâ invocatione cunctarum rerum auspicia fieri decet. Cumq; in quolibet opere nil melius ordine, quo sine etiam natura constare haud potis est, nec ego ei hâc vice repugnabo, quasi

Gigan-

Boecler. de
Ausp. Reg.
c. 1, th. 1.

l. 5, C. ad L.
Jul. Majest.
Buleng. de
Imp. Rom.
l. 3, c. 9.

Gunth. l. 1.
Lig.

Briffon. de
form. l. 1. ex
Cic. in Vatin.
Scalig. Exerc.
1. sect. 1. Cic.
in Lal.

Gigantum more bellaturus cum Diis; verum præstituto ipsius ductui fideliter annuens, paucula de vocabulo *Principum*, & *Principalium Familiarum*, & *perpetuitatis*, tum de *Autoritate* & *Eminentia Germanicorum Principum* præmittam. Quibus expeditis, & hoc adjiciendum, *Cur Principalium Familiarum Perpetuitas optari debeat, quibusve modis illa contingat aut patetur?*

I X. Et quidem quoad vocabulum *Principis*, cum varias olim interpretationes admiserit, & adhuc admittat, operæ pretium erit, ut ad removenda dubia & luculentioris mentis explanationem, quid Antiquis notaverit, & quid recentius seculum per hoc velit intelligi, ulterius declaretur.

X. *Princeps* dicebatur is, qui vel tempore vel ordine *Primus* erat. Ita legere est apud Vellejum Paterculum, dum de Nino l. i. cap. 7. Assyriorum Rege ait; quod *Princeps* rerum potitus sit. Verba hæc Breviator Pompeji, describendo mores primævis rerum & populorum Natalibus usitatos, dilucidius enucleat, inquit Justin. l. i. cap. i. Fines Imperii tueri magis, quam proferre mos erat, intra suam cuique patriam regna finiebantur: *Primus omnium* Ninus, Rex Assyriorum, veterem & quasi avitum Gentibus morem novæ Imperii cupiditate mutavit. Eodem sensu u. Vellej. l. i. cap. 6. surpari vides à dicto Vellejo: Assyrii *Principes omnium Gentium*, *verum potiti sunt, i. e. Primi ex Gentibus*, quod Clariss. Dn. Boeclerus in Indice Vellejano notat. De Annibale, perito simul & Liv. l. 21. audaci Bellatore Livius; Equitum Peditumque idem longè *primus erat*, *princeps* inibat prælium, ultimus conferto prælio excedebat. Sic de Turno Poëta:

*Princeps ardentem conjecit Lampada Turnus,
& flammam affixit lateri.*

Virgil. l. 9.
Æneid.

Adjungit se Cornelius Nepos, in pulcherrimo de Viris Excellentibus libello: Cumque triginta Tyranni, à Lacedæmoniis præpositi, servitute oppressas tenerent Athenas & dirâ immanitate grassarentur, ipse heroicam Thrasybuli Magnanimitatem, ostensam satis in magnificentissimo recuperatæ Libertatis factio, intentè celebrans, hæc de eo prædicat: *non solum princeps, sed & solus initio bellum his indixit. Quæ locutiones Aurorum, sicuti ex contextu probè considerato, & adjunctis prudentissimorum Virorum annotatis colligi potest,*

Corn. Nep.
VIII, 6.

Tac. H. L. An. cap. 9. non alio quàm hoc modo accipi debent. Nec aliter Tacitus, qui, postquam Augustus, urgente senio & consumptis vegetæ ætatis viribus inter vivos esse desierat, vulgum subitaneo casu attonitum, varios de eo sermones habuisse refert, hoc præcipuè admiratum, *quod idem dies accepti quondam Imperij princeps & vita supremus fuerit.*

lib. 2. XI. Denotabit itidem eum, quem pro Autore vel Inventore cujusdam rei allegabant. Unde Brisslonius de formulis: Qui primus id censuerat, quod alii deinceps sequebantur, *is ejus sententia princeps & autor dicebatur.* Hujus opinioni Parens Romanæ Latinitatis majus adhuc robur addit, cum in Ipsius scriptis diversa inveniantur loca, quæ vocabulum istud eodem significatu exprimunt. Ita enim in epistolâ quadam ad Cassium: *Et si uterque nostrum, spe pacis & odio civilis sanguinis, abesse à necessariâ belli pertinaciâ voluit, tamen, quando ejus consilij princeps ego fuisse videror, plus fortasse ipse Tibi præstare debeo, quam à Te expectare.* Iterum: De me Senatus ita decrevit, Cn. Pompejo Autore & ejus sententia Principe. Nec in boni tantum commatis notam, verum etiam ad sceleratissimorum quorumque factorum perpetratores devertebat. Nam cum Eumenes Cardianus, non defectu Virtutis, sed Macedonum perjurio, miserabili vitæ exitu defungeretur, Antigonus, Ptolemæus, cum reliqua sociorum colluvie, *Principes nefandi sceleris* audiunt. Et structis Jul. Cæsari insidiis, quæ vitæ perniciem intendebant, addit Suetonius: *Conspiratum est in eum è L. X. amplius, C. Cassio, Marcelloque & Bruto Principibus conspirationis. i. e. iis, qui laudatissimi istius Herois necem primum machinati, lethalium ejusmodi consiliorum Autores erant, & talia invenerant subsidia, quorum ope nefandum hoc facinus vires suas nancisceretur.* Sic Metellus Macedonicus, quippe primus omnium Romæ ædem ex marmore in ipsis monumentis molitus, *vel magnificentia vel luxuria Princeps. i. e. Inventor fuit.*

XII. Usitatum porro erat, Principis nomen ad eos applicare, qui præclaris ingenii dotibus, vel Virtutum Eminentia reliquis excellebant. Nitimur hac vice auctoritate Justinii, cujus hæc sunt

Justin. l. 2.
c. 14.

sunt verba: *Inter Duces Princeps Themistocles Civitatum testimonio judicatus, gloriam Patriæ suæ auxit. Sic Tacitus Viros Palladios, qui ingenuam literarum notitiam majori præ aliis studio sibi comparassent, Principes bonarum artium* Tacit. II. ann. 6. *nuncupat, ubi Silium cum Suilio, ne quis ob causam orandam pecuniam donumve accipiat, controvertentem inducit: Discors Suilio Silius acriter incubuit, veterum Oratorum exempla referens, qui famam in posteros, præmia Eloquentiæ cogitavissent pulcherrima: alioquin & bonarum artium Principem sordidis ministeriis sædari: ne fidem quidem integram manere, ubi magnitudo quæstuum spectetur. Nec alienum foret, si quis annecteret Ciceronis illa: Tantus in adolescentente clarissimo ac Principe Juventutis pudor fuit &c. Quo elogio Brutum quoque prosequitur, dum eum Principem Juventutis vocat tanquam maximæ expectationis Juvenem, in quo de sæcundâ virtutum scaturigine spes infallibilis eluceret. Quin ipse Tullius, cum ei tantum encomii attribuitur, ut Princeps Eloquentia audiat, nemo est, qui non inde colligere possit, conciso & perbrevis isthoc titulo omnia contineri, quæ celeberrimum Oratorum eum pronuncient, miro quodam providentiæ dono genitum, in quo totas vires suas Eloquentia experiretur, ita ut apud posteros Cicero jam non hominis amplius, sed ipsius Eloquentiæ nomen habeatur.* Cic. Orat. in Ver. Id. Epist. ad Attic. Lips. I. 2. de Constant. cap. 5. Quint. I. 10. Instit. Orat. cap. 1.

XIII. Variis insuper modis veteres hoc vocabulo usos reperimus. Quandoque enim sumitur pro præcipuo inter alios Viro, cui primæ rei tutâ committere possumus. v. gr. *Princeps Ducum*, quo titulo Cornelius Nepos Datamem insignit. Item, *Princeps Legationis*, qui ex dato literarum commissorialium tenore, maximum hæc in re Autoritatis pondus obtinet, cujusque consilio & jussu omnia instituuntur; quemadmodum ex Taciti verbis apparet: Pavidos & conscientiam vecordes, (scilicet ditiosos nempe milites) intrat metus, venisse Patrum jussu, qui irrita facerent, quæ expresserant per seditionem. Utque mos vulgo, quamvis falsis reum subdere, Munatium Plancum, Consulatu functum, *Principem Legationis*. Scribæ Autorem incusant. Aliquando etiam officii notam prætendebat, sicuti *Agentium in rebus Princeps*, qui litigantes ad Præfectum citari jube-

Buleng. de jubebat, omniaque judiciorum acta exsequiebatur. Sed la-
Imp. Rom. l. tius hæc à *Bulengero* pertractata, quàm ut singula pagellarum
6. c. 44. angustis includi queant.

Suet. in Jul. XIV. Rursum *Principes* vocabantur, qui potestate conjun-
Cæf. c. 29. ctâ simul cum dignitatû auspicio fulgebant. Eò tendunt verba Ju-
Corn. Nep. lii Cæsaris, quæ à *Suetonio* in ipsius vita enarrantur: Sæpè
11, 8. ex eo auditum ferunt, difficilius se *Principem Civitatû*, à pri-
 mo ordine in secundum, quàm ex secundo in novissimum de-
 trudi. Quibus alludunt illa *Corneli Nepotû in Themistocle*: Hic
 crimine prodicionis absens damnatus, id ut audivit, quod
 non satis tutum se Argis videbat, Corcyram demigravit,
 cumque ejus *Principes Civitatû* timere animadvertisset, ne pro-
 pter se bellum his Lacedæmonii vel Athenienses indicerent,
 ad Admetum Molossorum Regem, cum quo ei hospitium
 fuerat, confugit. Ubi per *Principes Civitatû* hoc loco non
 eos intelligit, qui solo Autoritatis vel Honorum obtentu
 vigent, verùm qui Potentiâ & liberâ disponendi facultate
 præditi, utramque Potestatem nimirum & dignitatem possi-
 dent.

Suet. in Tib. XV. Aliter, si verba hæc *Excellentia tantum vel Magni-*
cap. 55. *tudinis* Characterem induunt. Ibi enim nudæ cujusdam *κα-*
Corn. Nep. *γαρρίας* vicem agunt, ad definiendam eorum conditionem,
V. 3. qui Honore rerumque gestarum amplitudine cæteris præsti-
 tere. Et in hac significatione *Suetonius de Tiberio*: Super vete-
 res amicos ac familiares viginti sibi è numero *Principum Civi-*
tatû depoposcerat. Nec quisquam melius dilucidat, quàm
Cornelius Nepos in Cimone: Hic cum unus in Civitate maximè
 floreret, incidit in eandem invidiam, quam Pater suus, *cæ-*
terique Atheniensium Principes (i. e. *Viri præcipui, clari, florentes*)
 Quæ nomina Honorem & Præcellentiam, non autem Potesta-
 tem arguebant.

Demster. An- XVI. Sic *Princeps Senatus dictus* fuit is, qui in Catalo-
tiquit. Rom. go Senatorum primo loco recitabatur. Is Honor prout exi-
l. 7. c. 5. & mus nemini, nisi Consulari & Censorio tribuebatur, quique
10. semel Principatum hunc acceperant, locum illum apud alios
 quoque retinebant Censores, nec, nisi eo mortuo, alius Prin-
 cept Senatus declarabatur. Anteibat cæteros omnes etiam
 extra-

extraordinarios Magistratus, sed dignitate saltem, non potestate aliquâ.

XVII. Rationem si cuiusdam indagare libuerit, adeat *Clariss. Dn. Bæcleri Annotata in Tacitum*. Accidebat nempe in liberâ Republ. idque per arcanum Aristocraticæ dignitatis, quæ id unice semper intendit, ut robur potentiae penes se remaneat: & licet uni vel alteri conniveat, eminere inter Illustres Viros, hoc velut in decus Ordinis, Optimatum sit, remque; eò callet dirigere, quò species tantummodò Majestatis illis relicta sit, iique Autoritate magis, quàm Imperio fruantur.

Boet. in Tac. annal. l. 1, c. 9. th. 7.

Boxhorn. Arcan. pol. l. 1, c. 4.

XVIII. Exemplum aliud si quis flagitaret, nullum commodius quàm *Venetorum* offerretur. Eorum enim Respublica propterea esse Aristocratia non desinit, postquam Dux creatus vel designatus fuit. Videtur quidem Regia *δύναμις* Ipsi delata, dum ornatus Corporis Regius est, vestis purpurea vel aurea, velamen linteum pro regio diademate, & tales ipsi deferuntur Honores, quos nec regia Majestas ampliores desideraret. Sed externa hæc sunt & velut umbra, quæ de vera & genuina Imperii possessione nihil sibi arrogant. Regia enim Majestas non consistit in apparatu externo, sed in summa potestate, quæ ut primum remitti, aut sub alterius arbitrium cogi cæpit, à se ipsa cadit, & regii nominis iacturam facit. Externa autem duntaxat Ipsi concessa esse, inde probatur, quia sine consensu Consiliariorum ne minimum quidem aggrederi potest, (*verba sunt Arnisei*), sed Ipsi absente etiam Duce tantundem valent, nec minùs Senatum consulendi facultatem habent, quàm Dux Ipse, perindeque cunctis interveniunt deliberationibus, ac Ille, & si cæteri dissentiant, solam consentiendi gloriam habet: aded ut nihil proprium aut peculiare supra cæteros Magistratus Duci relictum sit, præter primum in Comitibus locum, præcessionem in Solennitatibus, & cum Regia veste supremum honorem. Unde, cum ea tantum exequatur, quæ Senatus jubeat, Itali Dominum vinclum & captivum vocant, qui suæ Autoritatis nutu vix aliquid obtineat, ac idem, quod aliis in regionibus Imperator vel Dux Exercitus efficere potis sit. Quin apud Eum singularem quandam Majestatis præminentiam residere, tantum

Reinking. l. 1. cl. 2, c. 2. n. 245.

Cass. Con. taren. l. 2. de Rep. Venet.

Arnisei. Relicta. pol. 2, c. 4. sect. 4.

Id. ibid.

Boxhorn. Arcan. pol. l. 1, c. 4.

Carpz. de L. R. c. 13. sect. 4.

abest

& Camerar.
oper. subsc.
cent. 1. c. 7.

abest, ut etiam ex Concilii decreto ad crucem condemnari queat, & denigratam Ducis cujusdam Venetorum effigiem Venetiis in Camera Concilii extare Dn. Carpzovius, oculatus testis, corroborare non veretur.

Demister. l. 5.
antiq. Rom.
c. 25.
Buleng. de
Imp. Rom.
l. 5. c. 8.

XIX. Ut intra limites commoremur, in explicacione vocabuli Principis & hoc coronidis loco addendum, *Principem Juventutis* non solum, quod supra, modò nobilissima indolu *Juvenem*, modò Eum denotare, qui ex numero filiorum primi nominis Senatorum Augustorumve electus, pueri ad Trojanos Ludos, turmatim congregientibus praesidebat, vel qui in Equestri ordine recensendo primus erat; verum etiam Imperatores ex Filiis vel Nepotibus, aut aliis sanguine junctis unum atque alterum, quorum praeclaram indolem conspexerant, creare solebant, ad quos Imperii fasces imposterum transferrentur: & hi *Principes Juventutis* salutabantur, quos *Bulengerus de Imp. Rom.* convenienti perquam titulo, *Imperii Candidatos* nuncupat.

Id. ibid.

Tac. l. 1. ann.
nal. 3.

Lips. de
Const. l. 2. c.
26.

Tac. 12. ann.
nal. 41.

Suet. in Cal.
cap. 19.

Demister. antiq.
Rom. l. 7. c. 13.

Barthius l. 2.
Advers. c. 17.

Xiphil. ex
Dion. ut Ar.
nist. Rel. Pol.

l. 2 c. 2. sect.
4.

Corn. Nep.
l. 2.

XX. Autorem hujus instituti Augustum Tacitus laudat, qui Cajum ac Lucium Agrippa genitos in Caesarem familiam inducens, *Principes Juventutis* appellari, specie recusantis flagrantissime cupiebat. Hujus vestigiis secuti Imperatores deinceps institere, & quos, vel amore & benevolentia erga illos, vel promicantibus Honesti scintillulis moti, vivi adhuc Successores designarent, tali nomine insigniebant. Ita Nero *Princeps Juventutis* à Claudio dictus est: Cajus Caligula Tiberio fratri, die virilis togæ adoptato, idem nomen attribuerat, idque diu in usu fuisse, ex veterum aliquot numismatum testimonio satis liquet. Postea, quos in spem Imperii adoptabant Principes, iis postera ætas *Cæsarem* nomen impertivit: sicuti *Claudius de Honorio*:

— *mutatus Principe Caesar.*

Et *Xiphilinus de Vespasiano*: Vespasianus interim Imperator à Senatu creatur, Titus & Domitianus designantur *Cæsares*.

XXI. Tandem ad ipsos Imperatores devolutum est, qui flagitante statu & tempore illud assumere, Regia nihilominus dignitate potiti, quamvis nomine carebant. Ita Octavius, cum exploratum haberet, Rom. speciem titulumq; servitutis magis, quàm rem ipsam exhorrescere, ne Civium animos concitaret,

Regium

Regium omisit titulum, *Principis* non ad eò Reipubl. inusitatum Scipio Ami-
optavit: Quo specioso nominis tegumento, perinde ac si mel- rat. in Tac. l. 1.
le illitum propinaret absynthium, omnem quam amissa Li- disc. 2.
bertatis memoria suscitaverat, amaritudinem delinivit. Unde Tac. 1. an. 1.
Tacitus de eo: Cuncta discordiis civilibus fessa, *nomine*
Principis sub Imperium accepit. Eadem ratione Imperatores Demst. l. 2.
Augustissimi acclamabantur Principes: Et scriptores, si quando antiq. Rom.
eorum mentionem faciunt, *sub Principis nomine* id expedire vi- C. 2.
dentur. Hic, cum exempla passim obvia sint, sufficiat no-
bis unicum illud Thuani, cum ait: Divino provisum consi-
lio arbitror, ut tot *magni Principes* (i. e. Imperatores, Reges,) Thuan. l. 1.
eodem tempore Orbem terrarum moderarentur, ut quisque Histor.
eorum æmulatione aut metu æmuli in officio se contineret,
& alterius Virtus contrariâ alterius Virtute, quò minus li-
centiosa evagatione se effunderet, inhiaberetur.

XXII. Ne autem vetera nimis extollamus, recentium Tac. 2. ann.
incuriosi, quid hodiè etiam in Imperio Romano-Germanico
hoc vocabulum innuat, dispiciendum erit. Ibi videmus Reinking. de
primò quidem & secundum excellentiam Principis nomen Reg. sec. Eccl.
soli Imperatori competere, ut qui Summus Princeps velut l. 1. cl. 5. c. 6.
illustre quoddam sidus emicat, cujus radii pellucido sese & n. 601. Schütz
indelebili splendore in exteris quoque partes Orbis latissime l. P. vol. 1.
diffundunt. Et eâ appellatione non solum in legibus Roma- disp. 2. th. 3.
nis, sed adhuc hodiè in publicis literarum inscriptionibus de- l. B. l. ff. d. 11.
notari solet: *Dem Allerdurchläuchtigsten, Großmächtigsten, Unüber-*
windlichsten FÜRSTEN und Herrn, Herrn N. N. Erwehlten Römischen
Keyser. &c. Quia verò usu invaluit, ut excelsi hujus nominis
attributio ad præcipuos quoque Imperii & Principis Vassallos
deduceretur, & ex derivatâ hâc accommodatione, multifaria
iterum oriretur significatio, satius erit, ad evitandas ambages
& amplexandam breviter, Lectorem ad eos remittere, qui in
hoc scribendi genere plurimum industriæ collocantes, summam
laudem merentur. vid. Limn. Jur. P. l. 4. c. 2. Reinking. de Reg.
sec. & Eccl. l. 1. cl. 4. c. 8. & Schütz. J. P. vol. 1. disp. 8. th. 2.
lit. A.

XXIII. *Familia* ergò *Principalis* intelligitur tota illa series,
quâ illusterrimarum Domuum Majores & ab iis orti à stirpe

T t t t

per

per ordinem Successionis & Propagationis ad proxima usque tempora numerantur.

XXIV. Atque hinc etiam manifestum arbitror, quid de *Perpetuitate*, quam ita appellavimus, sentiendum sit. Autores enim, si, quod longâ temporum serie sine ullo impediens ruinæ obstaculo perstiterat, aut firmissimis impofterum momentis debebat inîiti, congruè describere conarentur, auxilio hujus vocabuli efficiebant. Lætitiam illius diei, inquit *Vellejus*, concursumque Civitatis & vota penè inferentium cælo manus, spemque conceptæ *perpetuæ securitatis æternitatisq;* Romani Imperii vix iusto opere abundè persequi poterimus, nedum hic tentemus implere.

XXV. Notus est Curtii locus, ubi optat Domui Flavix, ut sui seculi tempora ejusdemque Domus vitam *perpetuam aut certè diuturnam* excipiat Posteritas. Quo voto dum *Perpetuitatem* precatur, ea est, quæ cum innumero simul aliorum bonorum augmento. Illustrium Generum Stemmata nunquam sinit emarcescere, inq; infinitos descendendum gradus protrahit: Cum soboles Principum ad Reip. vota succedit, & adhuc futura spectatur numerosior, quod *Panegyrista* habet, imitatus procul dubio illa *Seneca*, quæ optimi instar Commentarii, Curtiana pariter verba eo melius explanant, dum felicem & perpetuam Claudio vitam sincere optat: Dii illum Deæque omnes terris diu commodent. Asta hic D. Augusti æquet, annos vincat. Quamdiu inter mortales erit, nihil ex Domo suâ mortale esse sentiat. Rectorem Romano Imperio Filium longâ fide approbet, & ante illum consortem Patris, quam Successorem accipiat. Sera & Nepotibus demum nostris dies nota sit, qua illum Gens sua cælo afferat! Huc etiam haud incommodè refertur, quod *Pedo* in carmine consolatorio ad Liviam pro Tiberii salute ingeminat:

Id. de form.
l. 1.

At tu, qui superes massa solatia Matri,

Comprecor, illi Ipsi conspiciare Senex.

Perq; annos diuturnus eas, Fratrisq; tuosq;,

Et vivat Nato cum sene Mater anus.

XXVI. Olim cum vota pro Principum incolumitate susciperentur, *Perpetuitatem* vovebant, velut universæ felicitatis compendium, quâ Principes ad maturam usq; senectutem, cum

cum lætâ præteritorum memoriâ, frui desiderabant. Sic à Senatu in gratiam Alexandri Severi acclamatum : Auguste innocens. Dii TE servant. Alexander Imperator Dii TE servant. Dii TE nobis dederunt, Dii conservent. Dii TE ex manibus impuri eripuerunt, *Dii TE perpetuent* ! Sic *Martialis*, communibus populi formulis se accommodans, quò benigniore vultu potiretur, Trajanum tanquam ex buccâ vulgi alloquitur :

Dii tibi dent, quicquid Princeps Trajane mereris,

Et rata perpetuò, qua tribuere, velint.

l. 10. Epigr.

34.

XXVII. Aliàs cum Principibus, ad solennitatem ludorum Circensium intransibus, obviam irent, gratanti plausu inclamabant : Diuturnum faciet Deus Imperium tuum in multos annos. Et post : Diuturnum faciet Deus acceptum Deo & à Deo custoditum, firmum & sanctum Imperium tuum in multa secula. Sed quando fervidi erant in amore & ebulliente erga Principem affectu, longi sermonis impatientes. Eos semper Augustos, Græci (*Σεβαστὸς αἰώνιος* i. e. *perpetuos* Augustos reddidère) vocabant, quòque citius candidam mentis sinceritatem testarentur, totum Orationis votivæ contextum unico inferebant vocabulo, reiterato cantu intonantes : *πολυχρονία*, ac si dicas, *multi temporu perpetuitatem*.

Demster, antiq. Rom. l. 5. cap. 5.
Bœcler, d. Ausp. Reg. c. 3. th. 2.

Demster, loc. cit.

XXVIII. Nec vivâ tantum voce id fiebat, sed certum est, in antiquis etiam monumentis inter solennes titulos, *Perpetuos* Imperatores Romanos appellari. Extant adhuc, prout ex obsoletis ruderibus erui potuit, aliquot inscriptiones, in quibus colligendis præclarissimi Viri, gratificantes seculuræ posteritati, multum defudarunt. Romæ ad Arcum Septimii Severi, in grandi quâdam basi hæc leguntur : D. N. VALENTINIANO. PERPETUO. AC FELICI. SEMPER. AUGUSTO. Alicubi ad Brixiam in Columna : D. D. D. N. N. N. VALENTINIANO. VALENTI ET GRATIANO. PERPETUIS. PIIS. FELICIBUS. SEMPER AUGUSTIS.

Grut Inscript. vet. p. 285.

Id. ibid. p. 1086.

XXIX. Quin Figurâ accedente majori, *Æterni* nuncupabantur. Nam *Æternitas* finem tollit, *Perpetuitas* modo Interruptionem. Unde *Æternitas* rerum, famæ, temporum ap. Tacitum. Poëtarum *Æternitas*, à *Nobilissimo Dn. Bar-*

Becman. Origin. ex Scalig. d. caus. lat. ling. c. 31.
l. 11 an. 7. s. 1. hist. 84-70

Agricol. 46 5. *thio* allegata, cum nimium sibi blandientes, carmina sua sine
Barth. l. 34. interitu & sine duratura credunt,
Adversar.

c. 13.

Orat. pro Ar-
chiâ.

Gruter, loc.
cit p. 192.

Id. ibid.
p. 163.

— — — *Gloria Vatum,*

Qua manet, aeterna similis.

Et Cicero: Non quisquam est tam averſus à Muſis, qui non
Æternum laborum ſuorum præconium verſibus mandari patia-
tur. Ita Romæ fragmentum Epistylî effoſſum, in quo verba
hæc penitus mutilata: *ÆTERNIS PRINCIPIBUS HO-*
NORI. It. *ÆTERNI IMPERATORES. DIOCLETIA-*
NUS. ET MAXIMIANUS. AUGUSTI. PERPETUI.
Plura ſi quis Antiquitatis ſtudioſus cupit, excellentiſſimum
Gruteri opus, quod hodiè reliquis palmam præripit, & unde
hæc deſumta, ulterius evolvendo acquieſcat.

XXX. Et hæc illuſtria nomina non tantum ob immor-
talem meritum memoriam, ſed aliquando etiam cum omine
& voto propagandæ in annos familiæ ac Domus Principaliſ aſ-
ſumebant. Verùm enim verò ſicuti in omnibus rebus ea eſt
imbecillitas humana, quæ medium tenere neſcit, ita & hîc lu-
culenta ejuſdem indicia proſtant. Quis enim modum non
excedi ac proinde turpiter errari diceret, inconvenienti ſu-
perbiendo Elogio, & illa, quæ Divinitati competunt, huma-
næ fragilitati conſecrare. Tenui filo pendet, quicquid hu-
manum eſt, ſummaque celeritate præterlabitur hæc vita, nec
tamen deterriſti etiam ex Purpuratis nonnulli, qui inſatiabili
gloriæ deſiderio, divinos ſibi honores vindicarunt, coque
in profundam erroris detrufi foveam, miſerandum ſtultitiæ
ſpectaculum dedere.

XXXI. Noſtrum quidem non eſt, in Magnatum facta
inſpicere, cùm difficile ſit, ſolidum de iis ferre iudicium, &
verba planè temperata aut ſerica potius requirantur. Interim
ipſa veritas aſſurgit, &, quod ipſius proprium, ut vera proſi-
tendo neminem timeat, errata illorum divulgat, quod ad lu-
endam delicti ignominiam poſteritati quoque innotefcant.

XXXII. Non curat Alexandrum, cujus famæ terror to-
tum aliàs Orbem inſaſerat, ut cunctæ Gentes velut deſtinato
ſibi Regi adularentur; ſed cum Jovem Hammonem pro Patre
aſciſceret, ſeverum Athenienſibus edictum præſcribens, ut Deus
deci-

Paganin.
Gaudent.
pars 1. c. 5.
d. morib. ſe-
cul. Juſt.

Curt. l. 10.
c. 4.
Plutarch. in
Alex. vide
diſſert.

decimus tertius coleretur, atque superatâ Perside & profligato Francisci Pe-
 Dario, deproperatis literis etiâ Græcis denunciaret, ut Deum trar. de rem :
 se facerent, Illa summam ab eo stultitiam commissam pronun- uir. fortunæ
 ciat. Exprobrat Ipsi per Hermolaum nimium Gloriæ appeti- l. r. dialog.
 tum, cum inquit: *Tu Macedonas voluisti, genua tibi ponere, venerariq;* 85. *Ælian var.*
Te ut Deum; Tu Philippum Patrem aversearis, & si quis Deorum ante hist. l. 5. c. 12.
Jovem haberetur, sustidires etiam Jovem. Contra laudat Matrem Id. ibid. l. 2.
 Olympiadem, prudenter de vesano hoc fastu exclamantem: O c. 19. *Cust.*
Fili, tu verò cum inter Calites locari volueris, & id perficere summo stu- l. 8. c. 7.
dio sis conatus, nunc neq; illorum quidem, quorum omnibus æquale mor- *Ælian. d. l. 3.*
talibus & par jus est, particeps fieri potes, Terraq; simul & sepultura. c. 30.

XXXIII. Nec veretur objurgare Diocletianum, de quo Zonar, r.
 Historicus: Victoriarum successu elatus, Insignia Imperatorum annal.
 admodum amplificaverat, inque splendorem adornans inusi-
 tatum, non sustinebat à Senatu saluari amplius, sed adorari cupiebat.
 Domitiano, quoniam intumesceret, ut ex sublimi arrogantia Sueton. in
 Procuratorum suorum nomine, formalem dictaret Epistolam, Domitian.
 sic tumide exordientem: *Dominus & Deus noster fieri jubet: ma-* c. 19.
ximè insultat, ac idem de eo & omnibus ipsius asseclis, libero
cujusq; arbitrio relinquit statuere, quod de Nerone Suetonius:
Erat illi aternitatis samag; perpetua cupido, sed inconsulta. Târn tur- Id. in Neron.
 pe est, & tantam infamiæ maculam parit, obtemperare nimis c. 34
 affectuum dominio, qui laxatis frenis, animum dictamina re-
 ctæ rationis negligere faciunt, & pallidas fragilis corporis ex-
 uvias Divinitatem æmulari.

XXXIV. Perrexit hæc lues ad inferioris itidem subfel-
 liti homines, cumq; animadverterent, elatos Principum Spiri-
 tus solâ divinorum nominum attributione placari, promptos se
 exhibuere & faciles, (prout fatale est plebi, placitis superiorum
 haud gravatim morigerari, solo interdum præsentium odio &
 cupidine mutationis: & pauci dantur Lacedæmonii, qui con- Tacit. l. 3.
 stanter refragantes dicunt: *Alexander si vult Deus esse, esto Deus.*) annal.
 quidam metu, alii provenientis emolumenti gaudio invitati, *Ælian. var.*
 par reputarunt, Deos aut Imperatores Deorum loco venerari. hist. l. 2. c. 19.
 Inde irrumpebat adulario, blanditia, pessimum veri affectus venenum, Tac. l. hist. 15.
 sua cuiq; utilitas. Numerosa enim parasitorum cottidiè accre- Id. ibid. &
 scebat congeries, qui libentius cum Fortuna Principu, quam cum ipso Boccal. Cent.
 2. Rel. 74,

*Principe loquebantur, & ad promerendam gratiam certatim adu-
lantes, Numina Imperatores jactabant, ut intumescences sæpè
exquisito hoc blanditiarum studio, immunes se ab omni mor-
talitatis incommodo fidenter existimarent. Extollebant supra
modum eorum Majestatem, quæ Humanitatis jam nescia, Deo-
rum naturam induisse crederetur, dumque firmum ipsis stabat
Principium, Deos esse, vel ad nutum eorum blandicella finge-
bant carmina, & breves aulae delicias nectareis Deorum Epulis
longè præferendas, stultè mentiebantur: procumbebant humi, ja-
ciebant oscula, & omnia serviliter pro Magnatum Favore. Tales ha-
bemus complures, atque inter eos coryphæum Martialem,
Domitiano ita abblandientem:*

Tac. l. 1, hist.
4. 36.
Martial. l. 9.
Epigr.

*Ad cœnam si me diversa vocaret in astra,
Hinc invitator Caesaris, inde Jovis.
Astra licet propius, Palatia longius essent,
Responsa ad Superos hac referenda darem:
Quærite qui malis fieri conviva Tonantis,
Me meus in terris Jupiter ipse tenet.*

XXXV. Adeò invaluerat hæc intemperantia! Adora-
bant Imperatores, colebant absentium statuas, nec abstine-
bant, quin ipsis mortuis divinos è vestigio cultus destinarent.
Euseb. in vit. Quà de re exaudiendus omninò Eusebius, cujus hæc sunt ver-
Constant. l. 4. ba: Duces Exercitus, Comites, & omnis Magistratuum Ordo,
quibus erat adorandæ Principis purpuræ consuetudo, nihil de
more solemni immutantes, statò tempore intrò ingressi, Impe-
ratorem in areâ clausum, etiam post mortem genu flexo quasi
vivum adorabant, unde Poëta:

Corippus l. 3.

—— — Poplite flexo

Plurima divinis supplex dabat oscula plantis.

Incommoda, quæ hinc emergere, Nobiliss. Dn. Barthius in-
geniosè recenset, inquires: Idololatria seu Daemonum sub statuis
Barth. l. 16. adoratio & cultus initium sumsit ex Imaginibus defunctorum. Cùm
Advcrs. c. 15. enim caci & extorres sapientiâ mortalium animi, Necessitudinum sua-
rum, fato sanctarum imagines ad similitudinem earum repræsentan-
dam, & vel sic præsentiam ipsarum restituendavi, colerent, impatientia
in Superstitionem venit, & desiderium in religionem.

XXXVI. Hæc cum ita se habeant, nemo inficiabitur,
mo-

modum nimis transgressos esse, & Reges abutentes regali cultu & magnificentiâ, & subditos dum in attribuendis hisce titulis & immodicâ veneratione haud benè consulti processere. Sed cum hæc Quæstio obiter tractanda veniat, hoc inter prima observandum, nos Imperatoribus, Regibus, & iis, penes quos est rerum summa, debitos Honores & Observantiam non denegare, vel ea, quæ theses præcedentes continent, eum in finem protulisse, ut Majestatem è cælo datam imminuere conaremur; quin profiteamur magis & dextrè statuimus, esse verendam illam Amplitudinem, Bæcl. præf. de Ausp. reg. quam Deus cum pignore & evidenti suæ in Humana curæ notâ, tanquam characterem, ac certam suæ Majestatis Imaginem iis impresserit, à singulis devotâ humilitate colendam. Nec improbamus, divinis appellationibus & elogiis Reges ornari, modò rectam teneamus viam, & mentibus semper illud infixum hæreat: *Medium tenuere beati.*

XXXVII. Vocantur Dii, nec inconvenienter, modò justa restrictio intercedat, & quomodo id accipiendum, castè perscrutemur. Nimirum cum videamus, *Dei imaginem Reges in terris representare, Ejusque vicem sustinere. Ad hæc residere apud Eos aliquid divine Dignitatis, divini vigoris & Efficacie, sive aliquid tam presentis opus Majestatisque, quod communi hominum sorte non debeat estimari.* Ultra progredi non licet, nisi ipsam summi Regis, à cujus potenti ordinatione cæteri dependent, supereminentiam inconsultè temerantes, abominandum blasphemiae peccatum committere vellemus. Illud autem veritati consentaneum esse, libere affirmare possumus. Nam perspicua rerum testimonia adsunt, ineffabile esse Dei Cælorum Regis ac Domini, cum Regali in terris fastigio commercium, Deumque peculiari quodam dono instruxisse Imperiorum Præsides, quo inclarescentes præ reliquis vel solo aspectu, aut titulo Regii Nominis, cordibus inferiorum distent, *Sibi esse parendum.* Ambros. in ep. Rom. 13. Bæcl. d. Ausp. Reg. c. 1. th. 15.

XXXVIII. Apparet ad satiem in sanciendo Legibus & publicâ Edictorum promulgatione, ubi non solum Deus Mentem Imperantium salubriter informat, ad excogitan-

gitandum id , quod conducat Populo , & stabiliendæ ejusdem salutis inferviat ; verum etiam tantâ armat Autoritate , ut subditi , velut perculsi interno quodam tactu , Principis verba pro oraculo æstiment , & citra temerariæ rebellionis meditamenta , satis habeant , Principem habere , ad cujus nutum se accingentes submissè obtestentur : Tuum imperare , nobis Obsequii gloria relicta est.

Plin. Paneg.
c. 33.

XXXIX. Regum Personam quod spectat , tantam , adjuvante Deo , præ se fert Majestatem , ut quivis illam humilimè revereatur , & certò credens , cum eâ spectatâ , Ipsum simul Deum , interno nexu cum Regibus colligatum rejici , vehementer abhorreat , vel minimis onerare conviciis , multò minùs perniciosum & lethale quid Ipsi intentare. Eadem proxima Deo ,

Gunther. l. 5.
Ligur.

*Semper metuenda : suo quæ
Plena vigore manet , nulliq; impune premenda
Creditur , & semper cunctis & ubiq; timeatur.*

l. 5. C. ad l.
Jul. Majest.
& Clapm. d.
arcan. Retiup.
l. 4. c. 13.

XL. Hinc grande nefas & dirâ morte piandum statuunt , sacra Regum Capita tangere. Pugnant pro iis Leges , concordî Gentium applausu introductæ , Corpora Regum esse inviolabilia , & maleficis istius sanctionis Transgressoribus atrox supplicium denunciant , quod ad illos , qui perditissimæ Conjuratationis conscii ; pari severitate se extendit. Imò experientia edocti comperimus , sceleros ejusmodi homines , ad necem Illustrum Virorum conductos , dum dignè mercedem adipisci satagerent , metu inopinato perturbatos , pusillanimes , stupidos & vecordes extitisse. Unde hic metus ? à solo Deo , qui panico terrore eos exanimat , quo à nefandâ intentione desistentes , manum inferre non audeant , seque ceu elucente quodam miræ divinitatis fulgore , in ipso opere impeditos , in rigidis tormentis sæpè fateantur. Hoc Deus facit , qui peculiarem Regibus securitatem circumdat , ne violentur : & propiori sua providentiâ curâ præstat , ne violari , quoties pericula imminant , possint.

Bæcl. d.
Ausp. Reg.
c. 2. th. 6.

Camérar.
hor. subcif.
cent. 2. c. 7.

XLI. Quod

XL I. Quod si contingat, clandestinis interdum mo-
 litionibus Reges è medio tolli, haud unquam tamen im-
 pune auctores evasisse constat: adeò, ut nemo crimen hoc
 foedum in fronte gesserit, quem non divina Nemesis à
 tergo statim sit subsecuta. *Nec enim errare diu Manes ejus*
inulsi, (inquit Marcellinus de Autoribus cædis Gordiani
 Junioris,) *quod velut clarescente Justitia, omnes, qui in eum*
conspiravere, cruciabilibus interiere suppliciis. Ita omni ævo ta-
 les detestandi Regicidæ vel duris nexi vinculis, horrendæ
 morti pœnas dedere, aut propria Conscientiâ flagitantis
 carnificinâ excruciat, tragicos sibi ipse comparare
 exitus, sæpius etiam *eodem illo pignore,* quo Principi vitam
 scelere & perfidiâ iverunt ereptum, desperati se intereme-
 runt. Et sic probato supremi Numinis cum Regibus com-
 mercio, non erubescimus, Eos sano sensu Deos in terris
 appellare.

vid F. rita,
 Hypomn.
 pol. 114. & in
 not. ad Tac.
 annal. Mar-
 cellin. l. 2.

Sueton. in I.
 Cæs. 89. &
 Cataubon. in
 not. ad h. l.

XL II. Simili ratione Æternitatis, Immortalitatis,
 epitheta ipsis comperunt, non quod eos supra sortem hu-
 manam extollere mens sit, cum in commune provifum
 fciamus, ut omnes mortales una lex teneat, unum mortis
 imperium:

Francisc. Pe-
 trar. de rem.
 fort. l. 2. dial.
 1.º.
 Horat. l. 1.
 Carm. od. 46
 Belford, dis-
 fert d Ma-
 jest. c. 2. th. 3.

Pallida mors aquo pulsat pede pauperum Tabernas,

Regumq; Turres:

Sed Principes sui per istud admonentur officii, ut seriò per-
 pendant, quam sanctum hoc sit, ac noverint, à Deo sibi com-
 missum, cujus vice in terris eminenter præfint, & ob hæc
 iis vacare Virtutibus debeant, per quas æterni Numinis I-
 mitatio servetur, Eorumque nomen maneat in animis Ho-
 minum, famâ rerum, temporum æternitate.

Tac. in Agric.
 c. 46.

XL III. Posset idem etiam responderi, quod suprâ,
 divinâ sc. cautum esse moderatrice providentiâ, unicum hoc
 veræ felicitatis palladium animis subditorum inculcare, ut
 Reges æternos & Regum Corpora immortalia, i. e. ab o-
 mni refragantium murmure & invasione truculentâ esse cu-
 stodienda, indubitanter sibi persuadeant. Quod argumen-
 tum dum *Clariss. Dn. Buxhornius* eruditissimè tractat, nævos si
 mul & delicta Regum ostendit, quando in opprimendis aut

Buxhorn. A-
 rcan. Pol.
 l. 1, c. 4.

Uuu uu

de

delendis Regibus aliis occupantur. Per hoc enim oculos subditorum aperiri statuit, & ipsorum juxta Majestatem labefieri, si Reges itidem ac vilioris farinæ plebem occidi posse videant. Idque Oratorem Gallum ad dissuadendam Mariæ Scotæ mortem contra Elisabetham, Angliæ Reginam, præcipuè adhibuisse ait.

Gerhard. d.
Magist. Pol.
aphor. 10.

Bæcl. præf.
d. Ausp. Reg.

Besold. dis-
sert. de Ma-
jest. c. 2. th. 4.
Justin. l. 13.
cap. 1.
Curt. l. 6.
c. 11.
Apollodor.
l. 1.

X L I V. Concludimus ergò fundati doctissimorum Virorum calculo, vel nostram potius iteramus sententiam: Imperatores, Reges, Deos, Æternos, Immortales dici posse, modo id non absolute, sed certa cum limitatione & respectu fist; nempe, ut Divinitatem istam non queramus in nudis ipsorum personis, quippè quæ cum aliis aequè hominibus humane fragilitati obnoxia sint; verum in eo, cujus Ministri & à quo ad illam evecti sublimitatem, ut in Imperio administrando Dei in terris vicarii essent: In ipso etiam imperandi ac judicandi munere, ubi Deus adest, viget in Regibus, agit, efficit, sui que muneris secreta in fructus efficaces dispensat. Cæterum si eo quo superbientes antea Imperatores, more usurpetur hæc loquendi formula, planè non ferenda est, tanquam impiissima fraus, quæ subditis metu, adulatione vel opinione vanâ seductis, Reges suos immortales præfigurat, ipsosque Reges, ut toti Orbi invisos, (Homines enim videtur despiciere, qui postulat Deus credi,) ita variis pœnarum generibus reservat. Insigne Exemplum inter alia format Maro in Rege Elidis, qui per pontem athenicum quadrigis vectus, & jaculatus facem, tonitru & fulmen imitabatur, & fulmine post à Jove ad inferos detrusus fingitur. Ita ille:

*Quatuor hic invectus equis & lampada quassans,
Per Grajum Populos, mediaq; per Elidis Urbem
Ibat ovans, divumq; sibi poscebat honorem
Demens, qui nimbos & non imitabile fulmen
Ære & cornipedum cursu simularat equorum.*

Addit pœnam:

*Vidi & crudeles dantem Salmonæa pœnas:
Nam Pater omnipotens densa inter nubila telum
Contorsit, (non ille facies, nec fumea radis
Fulmina) præcipitemq; immani turbine adegit.*

XLV. Reve-

XLV. Revertamur ad scopum, & præmissis, quæ requirebantur ad vocabula Principum, Principalium familiarum & Perpetuitatis enucleanda, necesse est ut ad ipsos *Germania Principes* deveniamus. de quibus quando sermo est, *Eos præsertim intelligi volumus, qui hereditaria successione stirpem suam propagant, certiq; Domibus numerantur.* Horum tanta est Eminentia & Autoritas, ut meritò incomparabilis habeatur, nec inconcinne aliquo modo ad eos referri queat, quod Pyrrhi Legatus de Senatu Romano, quem videns miratus obstupuit, & in unum coactam Regum multitudinem dixit.

XLVI. Dignitatem hanc anxie sollicitare, quasi micatim & per frustra colligi debeat, supervacaneum arbitror, cum ad satiem manifesta luculenter sese exerat, totque validæ pro ea militent rationes, ut earum quæ maximi sint ponderis delectum habere oporteat. Si enim solas Necessitudines & affinitates Regias ac Imperatorias in animum revocare libet, illud satis constat, Illustres Principum Germanicorum Familias non aliis tantum Populis Reges dedisse, sed ex se Imperatores genuisse plurimos, maximos.

XLVII. Si à Regia Carolingorum Familiâ incipiamus, his debemus Carolum M. Ludovicum Pium, Lotharium, Ludovicum II. Carolum II. Calvum, Ludovicum III. Carolum III. Cassum, Arnolphum, Ludovicum IV. Conradum I. Jam Duces Franconiæ nonne dederunt Burgundiæ Reges, Imperio autem Romano Conradum II. Henricum III. Henricum IV. Henricum V? Porro ex Gibellinorum stemmate prodierunt Imperatores Suevici, Conradus III. Fridericus I. Barbarossa, Henricus IV. Asper, Philippus Bambergensis, Fridericus II. Conradus IV. Ex Lûzelburgica stirpe ad Imperium pervenerunt Henricus VII. Carolus IV. Wenceslaus, Jodocus, Sigismundus.

XLVIII. Baviaræ Ducum & Palatinorum Rheni Familia Imperatores vidit Ludovicum V. & Rupertum. Ex Austriacis Imperatores numeramus, Rudolphum I. Albertum I. Albertum II. Fridericum III. Maximilia-

Briffon. de
form. l. 2.

num I. Carolum V. Ferdinandum I. Maximilianum II. Rudolphum II. Matthiam, Ferdinandum II. Ferdinandum III. (Quanta sit hujus meriti prærogativa, tum demum æstimabitur, si Augustissimi Imperii dignitas animo rectè concipietur. Nos quod fideles subditos decet, perpendentes meritò Herculeos Labores, qui ad augendam Imperii prosperitatem faciunt, summamque in Vafallos paternæ mentis Clementiam humilima vota, in humum proni proferimus: Ferdinande invictissime, Progeniem Tuam roborâ. Fac securi sint Liberi Tui. Tuum Imperium nulla vis lædat! TE Imperante non timemus, Te Duce securi sumus. Felices nos Imperio Tuo!) Ex Saxonica Witekindi Familiâ Henricus I. Auceps, Otto I. Magnus, Otto II. Rufus, Otto III. Mirabilia mundi dictus, Henricus II. Sanctus, Maximi Heroicorum Imperatorum celebrantur. Ex Ducum Brunsvicensium & Lüneburgensium Familiâ, Imperator Otto IV. memoratur. Sed actum ageremus, si, quod copiosissimi Indices Genealogici in recensendis ordine Imperatorum ac Regum Prosapiis, jam dudum præstiterunt, nostro labori vindicantes, Lectorem diutius detineremus: Majori nobis laudi cedit, veritatem ingenuè profiteri, quos hâc in re Informatores habuerimus, eorumque scripta, ulteriori disquisitioni satis accommodata, denominare. vid. Lampad. de constit. Imp. Rom. part. 3. cap. 5. §. 17. Henningis Theatr. Geneal. Reusner. in Genealog.

XLIX. Quod si non sufficiat, à Nobilitatis præstantiâ horum Eminentiam & Autoritatem comprobasse, singularis Jurium præcellentia defectum supplet, quâ bene perpensâ, nemo, utpote convictus ipsâ rerum demonstratione, in dubium illam vocabit. Nimis autem longum foret, omnia illa jura sigillatim recensere, quæ ob multitudinem in immensum ferè opus excrescerent, ideoque meræ assertionis. ergò aliquot saltem producere melius erit, unde liquidè appareat, rem ita se habere, & ex quorum diligenti inspectione plura colligere, ac velut ex ungue Leonem haud difficulter discernere possimus.

L. Evolventibus itaque Catalogum, Tituli Principum

pum primo loco considerandi veniunt, ceu locupletes Honorum Indices, non solum, quatenus Duces, Marchiones, Landgravii, sed etiam quatenus Illustrissimi, Celsissimi, Serenissimi nuncupantur. Gratiae Dei suos Principatus, praemissa ubique in mandatis & rescriptis suis formulâ, acceptos ferunt: Idque ex Privilegii indultu possidere videntur, quod ut maximè expressum quidem non extat, longissimi tamen observantiam temporis, ejus vice fungi communiter statuant: cum ex adverso clarum sit, in multis Regionibus hunc titulum summæ Majestati reservari, nec absque crimine læsæ Majestatis usurpari posse. Et solo Principis nomine utentes singularis prærogativæ notam habent, ut quæ in Regno Hispaniæ, Angliæ, Galliæ & aliis vel solis Regum viventium Filiis, vel iis tantum competit, qui ex Regiâ progenie oriundi.

L I. Accedunt alia jura: Non recognoscentibus superiorem æquiparantur: Dicuntur idem in suo territorio facere posse, quod Imperator in Imperio. Quam locutionem tamen eruditè examinat Lampadius de Constit. Imper. Germ. part. 3. cap. 3. §. 19. & seq. Reliquorum seriem Juris Publici Scriptores, unâ cum discussione & ventilatione utili ante oculos sistentes, nos hoc onere sublevant. vid. Limn. I. P. l. 4. c. 8. Schüz I. P. vol. 1. disp. 8. & c.

L II. Incomparabilem porrò Principum Germanicorum Dignitatem haberi, nemo mirabitur, qui Eminentiam Imperii Romani perspectam paululum tenebit. Non desunt enim rationes, quibus prisca illa Romani nominis gloria, Germanico Imperio nostro vindicetur.

L I I I. Neque certè alia Gens fuit dignior, quæ in amplissimi Tituli Honorem succederet. Romanos studium Libertatis & Fortitudo seu virtus militaris ad summum illud Monarchiæ fastigium extulit: Atqui tales erant Germani Francique, cum ipsorum Reges Augusti nominari cœperunt: Italicâ virtute tum extinctâ aut subjugatâ. Romani aliorum Libertati subveniundo, Tyrannos & Oppressores populorum ulciscendo, ad apicem laudis excrevere: Tales erant, non jam Romani, sed Germani, cum antiqui tituli gloria patriam mutaret, & Viros quæreret.

U u u u u 3

LIV.

Tac. 13. an. LIV. Prognati igitur Germaniæ Principes tantis Heroibus Germanis, id æstimmii & reverentiæ consequuntur, ut Exteri quoque spontè concedentes, nullos mortalium armis aut fide ante Germanos esse, eadem illos fortitudine præditos, simili etiam alacritate, per naturalem sanguinis communicationem instillatâ ebullire, arbitrentur.

Tac. l. 4. an. LV. Jam quod ad Magnitudinem Meritorum publicorum attinet, generosi tales stimuli nec hic deficiunt, vel torpidum sibi languorem obduci patiuntur, sed quos in dirigendis rebus aliis mirâ quâdam magnanimitate & promptitudine celebres videas, ita imprimis, quæ ad conservandum vel propagandum Imperii vigorem ac incrementum faciunt, summo conatu exequuntur. Si remotis bellorum turbis pacatâ tranquillitate frui licet, salutaria suggerunt consilia, quibus suffultum firmiter Imperium vires integras retineat, & amico benignioris fortunæ successu lætetur. Contra, si pro Patriæ gloriâ decertandum & imminetibus periculis ad arma accedere necessitas flagitat, pari animo induti, à scopo sibi proposito non deviant, cujus punctum in eo acquiescit, ne Imperium quid detrimenti capiat. Dextræ agiles ad præliandum, ex sincero erga illud amore nunquam defatigantur, erectus est vultus & vulnera ictusque gladiatorum serenâ fronte excipit, eò quod laudabilius sit, dilaniatas plane genas & pectora, velut certissima cordati militis signa in forum producere, quam quæ inturpi fugâ illata sunt, cum despectu & æterno ignominia probro occultare. **Horat.** Quin si vel præsentissimum mortis exitium adesse sentiant, hoc solatii loco ducunt, quod dulce & decorum sit, mori pro Patriâ, famæque indelebilis conciliare notitiam, quando Posteritas suum cuique decus justè rependens, exstructo publicè tumulo inscribi jubeat, Eos pro tuenda Libertate Imperii occubuisse. Sic ad utrumq; parati, & belligerare fortiter pro salute publica, & fideli consiliorum prudentia devotam mentem contestari, gloriosa haud rære fidei ac virtutis suæ specimina exhibuere, ita ut, quod justum aliàs est, legitimè certantes, speciali Honorum & Dignitatis prærogativa sublimari, nec illi de Virtutum præmiis & gloriæ corona diffidere debeant.

Tac. l. 4. an.
Brissou. l. 7.
de form.

Goldast. de
statu Regni
Bohem. l. 2.
c. 18.

LVI.

LVI. Exinde patet, cur Principalium Familiarum propagatio optari debeat? Nam ratio applaudit & æquitas postulat, ut Posteris exoptemus habere, qui meruerunt habere, quod non solum in præclaris Filiis, abhorrentibus probè, illustres Majorum cineres turpi vita conspurcare, Patrum Virtutes conspici, verum etiam damnum, quod illorum discessus attulit, sua de novo præsentia, imitando patrios mores, resarcire queant. Secus est in illis, qui corpori tantum servientes, demissi in obscuro vitam agunt, & nihil amant moliri, quod æternitatem redoleat: Hi enim, quamprimum terræ depositi, nulla insigni re gesta, cum vita memoria pariter Hominum excidunt, & timetur plerumque filius vitiorum, quæ Patri collibuerant, strenuus sectator, quemadmodum ex adverso juxta Venusinum,

Fortes creantur fortibus & bonis:

Est in juvenis, est in equis patrum

Virtus, nec imbellem feroces

Progenerant Aquilæ columbam.

Horat. l. 4.

Carm. Od. 44

LVII. Principum igitur Germanicorum virtutes & merita, cum sole meridiano claria existant, merito Successores ex iis speramus, qui æmuli laudum Avitarum, furculorum instar in loca deperditarum arborum succrescant, Imperiique Germanici gloria perpetuis hoc modo fulcris nitatur.

Recess. Imp.
de an. 1544.

LVIII. Pergendum nunc est ad ultimam Dissertationis partem, quæ modis recensendis navabit operam, quibus Principalium ista Familiarum perpetuitas contingat aut pareatur. Ibi rem paulò accuratiùs ponderantes comperimus, non fortè fortuna aut ex casu evenire, quod illustres Regum ac Principum Familiæ natales suos numerare incipiant, & per multa deinceps tempora, felici Proles serie ac optata Graduum extensione lætentur. Sed à Deo, velut uberrimo bonorum fonte, ordiamur necesse est, Eique & teneras Generum primitias, & sæcundum illorum progressum attribuamus. Deus enim est, à quo incrementum hoc & initia dependent, & quod omnium Cordibus impressum, ore divulgatum personat, divinam benignitatem esse Basin hujus Universi, ita hic extra dubii aleam positum scimus, DEUM excelsis Stemmatibus à primo lacte & incunabulis singulariter prospicere, quæque

Barth. l. 1.
Advers. c. 15.

que ad omnigenam horum amplificationem & firmandas ra-
dices profutura, evidenti benedictionis cumulo aggregare.

LIX. Noverint itaque Principes, debita gratitudi-
ne Eam prosequi, neque confidentes superbè huic Perpe-
tuitati, quæ irato numine citò dilabitur, piam sibi com-
mendatam habeant Modestiam, quæ ut omnes omnium or-
dinum homines, ita imprimis Principes Viros decet, ut in-
telligant, & sint memores in omni actione, esse Deum, à
quo proficiantur, & emanent omnia.

LX. Hic cum de Perpetuitate Principalium Familia-
rum agimus, moveret nobis forsitan aliquis controversiam,
cur igitur fiat, quod perpetuante ita Deo Familias, nihilo
tamen minùs suas quoque periodos & clades experiantur?
Respondemus verum hoc esse, quod vetustissimis Familiis
intereuntibus, mediæ succedant, his postremæ, & rursus
novæ exoriantur. Eadem etiam vicissitudo in mutatione
Imperiorum obtinet, quorum nullum est perpetuum, (vid.
pl. ap. Forstner Hypomn. Pol. 38. Richter. axiom. Pol. 1.
seqq. & Lambert. Pan. in Aphorism. Polit. ex Polyb.
n. 19.) sed ut hominibus singulis, adolescentia sua, ro-
bur, senectâ, mors: Sic oppidis, Rebuspub. & Regnis.
Et hoc, quod in Urbibus, Imperiisque videmus accidere,
ad familias & Gentes Nobilitatisque fata, rectissimè ac-
commodare possimus, ductore Vellejo, cum inquit: Quemad-
modum Urbium Imperiorumve, ita Gentium, (i. e. Familiarum,
annotante Cl. Berneggero p. m. in qq. Tacit. 153.) nunc
floret fortuna, nunc senescit, nunc interit. Nam sicut
DEUS sæpè unum aliquem populum cæteris vult & pa-
titur antestare, ita nunquam desunt certæ in populis fa-
milix, quæ Claritudine reliquas multum superent. Quo-
que alterius Imperii diuturnior est fortuna, alterius
brevior: ita Nobilitas hujus quidem Familix longissi-
ma Celebritate perennat, illius gloria caduca vide-
tur.

LXI. Sed omnia hæc, utut verissima, nihil tamen exinde
elici potest, quod Illustres propterea Familias Deo non cuncte esse,
probet.

Nov. 6 in
princ.
Comin l. 1.
Comment.

Pontus Heu-
ter, Præfat.
ret. Burg.

Lips. 1. de
Const. c. 25.

Vellej. l. 2.
c. 11.

Bæcler, in
not. Vellej.
adh. l.

prober. Si enim Deus averfaretur earum propagationem, non fuftineret, multas tam diu viguiffe, neque in emortuarum loca alias erigeret, verum aboleret penitus, præpotenti brachio utens, cui omnia cum tremore obtemperant, & nihil in Orbe, licet validiffimum, perennemque spondeat vivacitatem, quod non inferius fuppositumque Deo. Jam verò in-
tuentes Hiftorias, reperimus, nonnullas longum perftitiffe, alias noviter fufcitatas, adhuc florere, neque perpetuitati univerfæ obftare vices partium, pro modo fortis humanæ; & divinæ arbitrio difpofitionis, cui perpetuare Illuftres Familias folenne eft.

LXI. Ita interdum (ne de extraordinariis cafibus loquamur, ubi divini Numinis ira vehementior, exardescens, feverum Juftitiæ officium adminiftrat.) ex defectu confanguineæ Pofteritatis quasdam familiarum obiffe animadvertimus. Sed nimirum ut, de translatione Regnorum, ita de factis Illuftrium Familiarum, minimum eft, quod homines intimè poffunt perfpicere. Magna hæc Magnus difponit Deus, & pro divinâ voluntate fuâ transfert de uno in alium, *fine bono*, quia utilius mortalium conditioni novit, & fecurè credendum eft, enim nihil mali agere poffe.

Reinking:
præfat. de
Reg. fec. &
Eccl.
Locœn. de
Rep. ordin.
l. 1. c. 2.

LXII. Tum fi caufas naturales difquirimus, ea eft natura rerum mundanarum, ut ad fummum productæ, rufus ad infimum, velociùs quam ascenderunt, relabantur.

Senec. in
præfat. 1.
controv.

Sic omnia verti

*cernimus, atque alias affumere pondera Gentes,
concidere has.*

Ovid. l. 15.
Met.

Rebus cunctis inest quidam velut orbis, qui rotatus, affidue quicquid ex imo in altum produxit, rursus in fuum refolvit principium, & ad nihilum redigit, ut quantò plura recentium feu veterum revoluta cernas, tantò magis ludibria rerum mortalium cunctis in negotiis obferventur. Cur itaque cum nihil genitum fit æternum, ufitatas Familiarum Illuftrium periodos nimis miremur?

Tac. 3. ann.

Id. ibid.

LXIII. Præfertim autem notatu dignum eft, quod ficut Urbibus Imperiisque vel fatalis mors venit, vel violenta ingruit perniciēs: ita illuftres Familias, vel fortuita Orbi-

Boecler in
not. Vellej.
ad l. 2. c. 1.

Xxx xx

tas,

- Tac. 3. hist. *tas, sæpè etiam Posterorum exstinguit segnities, vel tyrannica suspicio & crudelitas perdet.* Illa Principem contemptum reddit, & misera res est, cum eò deventum, ut locum habeat, quod Tacitus de Vitellio: Tanta torpedo invaserat animum, ut si Principem eum esse cæteri non meminissent, ipse oblivisceretur. Hæc verò, ut exosa omnibus, ita vix diuturnitatem permittit. Infelix enim ille Princeps, qui exemplo Tarquinii Superbi, in caritate Civium nihil spei reponens, metu regnum tutatur. Et quid inde sequitur? Odium subditorum, occultæ machinationes, quæ consultantes de tollendo profani Principis Imperio, abrupto perpetuitatis speratæ filo,
- Liv. l. 1, *Ad Generum Cereis cum cade & sanguine multo Descendisse jubent tandem.*
- Tac. 14. an.

Elias Sebedius de Diis German. l. 2. cap. 49. Senec. in Hippol. act. 5. scen. ult. & Briffon. de form. l. 1.

Imò in apertum malevolentiae signum, terram gravem & onerosam ipsis imprecantur, funesto carmine addito:

Illum terra defossam premit,

Gravisque tellus impio capiti incubet!

LXIV. Adeò cautè itaque providendum, & suum cuiquetribuendum est. Quæ Deus hic facit, optimè facta: quæ secundum cursum naturalem accidere, æquo perferenda animo: quæ propriâ sibi culpâ attracta fuere, itidem probè dignoscenda, nec illis immiscenda sunt, ne turpiter erremus. Sed intricatam hanc quæstionem solidioris doctrinæ viris committimus, contenti, meliora audire.

LXV. Sequuntur, quæ de Matrimonii Felicitate ac Fœcunditate breviter dicenda. Per hoc Illustribus Principum Stemmatis multum accedere nemo non videt. Nam ut taceam, hoc naturæ nexu Principum animos arctissimè conjungi, & non solum, quæ per fœdera prius & mutuam concordiae sponsonem sancita est, Amicitiam eò magis stabiliri, verum etiam qui infenso antea odio inter se dissensere Principes, nil nisi detrimentum & totam partis adversantis extirpationem quærentes, reconciliatos denuò ac virulentas inimicitias in placidum congressum novique amoris contractum mutatas esse: Hoc insuper magni æstimandum, quod illius auxilio certa basis & fundamentum excelsis substruitur prosapiis, quo firmiter stante, non lapsum aut ruinam timeant,

ment, sed inter turbas, hostiliaque pericula cum tuto subditorum commodo lætanter eminere possunt. Quivis enim in Filiis etiam Principes veretur, & cum aliàs ipsis defunctis quasi classicum caneretur, ad supprimenda, quantum fieri queat, Principum nomina & facultates, adsunt Liberi, qui Patris Potentiam & Generis Perpetuitatem ab interitu vindicare allaborent. Non spernenda igitur Principibus Matrimonia, sed in iis colendis justa cautio adhibeatur, ne quid ipsorum saluti & Perpetuitati Familiæ officiat, & improvidâ festinatione obijciatur.

LXVI. Perpetuitatem hanc naturali etiam successionum continuatione firmari videmus. Et hanc non tantum in Imperio, (quod tamen cum grano salis accipiendum, scilicet rebus integrè stantibus,) sed apud plerasque alias Gentes in usu fuisse, nullus ambigit. licet hoc non diffitendum, quod pro cujusque Regni consuetudine modi varient, nec eadem in iis convenientia reperiatur. Unde variæ de eâ re Quaestiones ortæ, quas utpote à doctissimis Juris Publici & Feudalis interpretibus multum discussas, non nostras facientes, brevitati magis studendum arbitramur.

LXVII. Restat unus adhuc modus Adoptio, vetustioribus seculis haud incognita. Sed cum hodie valorem penè amiserit, & apud illustres Personas vix ejus mentio fiat, non absimile erit, Pacta successoria, eorum loco contemplari, quibus id actum est, ut unius stirpe extincta, Patrimonium & Principatus, certâ successionis lege ad alteram perveniret. Tale pactum initum novimus inter Saxoniarum Duces & Hassiæ Landgravios, cujus instrumentum & verba ob formales literas probè annotanda, vid. apud Limn, l. 4. cap. 8. Sic alias illustres Domos per pacta ejusmodi connexas, Carpz. de L. R. cap. 6. sect. 7. refert.

LXVIII. Has autem Confraternitates (*die Erbverbündungen*, ut vulgò vocant) sive fœdera Hæreditaria, an admitti conducere, multi animis pependere, pluribus distracti rationibus, quæ negativam tuerentur; verum argumentis non imbecillioribus pro parte affirmante pugnantis, validiora amplectimur, quæ in eo fundata sunt, quod

tam Imperatoris, quam totius Imperii consensu suscepta, cui diffidere, quasi non ad publicum dirigeretur commodum, instar sacrilegii esset, præsertim cum in omnibus Imperii Recessibus & aliis sanctionibus, hæc apologia legatur: *Gott dem Allerhöchsten zu Ehren und des gemeinen Wesens gesambten Aufserbauung.* innumerae aliæ rationes, à Carpz. Dan. Ottone in Jur. Publ. oculis propositæ, nos hic breviores excusant.

LXIX. Hic subsistendum, & si quæ rudi Minervæ conscripta sunt, neque ad eam elaborata Elegantiam, ut lucem dignè mereantur, ingenii tenuitatem nobis subsidio fore confidimus, felicitati interim nobis ducentes, habuisse benevolum Lectorem.



XXIX.

LIBERTAS
SENATORIA.

Libertas Senatoria describitur, lege & antiquitate valida ostenditur, & à cognatis rebus distinguitur.

Indicem quem nostra dissertatio sortita est, egregio rerum delectis & suis aded vocabulis enuntiandarum artificum Tacito acceptum refert, quando hic Annalium suorum XIII. 49 magnum illum Thraseam, factum novissime SCtum, quo civitati Syracusanorum finitum gladiatoribus numerum egredi permittebatur, impugnantem, hanc obtrektoribus sententiæ arguendæ materiem præbuisse tradit: *Cur, si Remp. egere LIBERTATE SENATORIA crederet, tam levia consecraretur?*

Ubi qualem Historicus Libertatem intellectam voluerit, cum quæ sequuntur ibi, tum alii ejusdem loci nos satis erudire possunt, scil. non illam in sententiis fortiter neque obnoxie dicendis fiduciam, quam *παρρησία* alias vocamus, quam-

quamque semper optimus quisque & offensionum pro utilitate publica non pavidus, adeoque etiam non raro Thrasea, aut iniquis Principum jussis, aut perniciosis aliorum consiliis opponere non dubitavit. Verum potius aliud & singulare quoddam curiæ Romanæ jus, quod inter cætera veteris Reipubl. simulacra initio relictum Senatoribus, à secutis vero Principibus paulatim imminutum, & denique plane ademptum est.

Ejus Juris modum, rationes, usum in Republ. paulò diligentius in præsentia considerasse, eo magis operæ fuerit, quod nullis hætenus, non nimis speciosum, atque insuper vix uni aut alteri veterum leviter perstrictum argumentum, accuratè exequi vacavit. Illud ergò loco jam laudato tale nobis describitur, tanquam quo licuerit Patribus, quoties jus dicenda sententia accepissent, qua vellent expromere, (i. e. quod antecesserat, de bello aut pace, de vestigalibus & legibus, quibusque aliis Romana continebantur, suadere dissuadereve) relationemq; in ea postulare. Alibi vero ab eodem Autore sub persona Tiberii, tanquam Jus, quo à majoribus concessum fuerit, egredi aliquando relationem, & quod in commune conducatur, loco sententiæ proferre. Estq; idem illud, de quo Gellius alicubi loquitur, quando Jus fuisse senatori refert, ut sententiam rogatus, diceret ante quicquid veller alius rei, & quoad veller. Atque id ex Ateji Capitonis lib. de officio senatorio, quem nisi invidisset nobis temporis malignitas, aut tam eleganti monumento idem pene fatum obtigisset cum aliis scriptoribus, quorum solum nomen, vel, ut adhuc felices fuerint, fragmenta quædam veneramus, foret certè, unde & pulcherrima quæque illustrandæ nobili huic materiæ haurire, & plura alia, quibus nostra in his talibus cognitio perficeretur, depromere liceret.

A. 2. 38. 2.

N. A. IV, 10.

Et hoc ipsum quidem Jus solenni olim more in tabulas relatum, religione munitum, & vim in Republ. perpetuam obtinere jussum, nec fortasse nudo tantum usu sensim introductum esse, rationi consentaneum maxime videtur. Licet enim ipsa ejus formula à nullo ex scriptoribus ad nos transmissa sit, tamen ideo Patres absque præscripto ac autoritate certæ alicujus legis tantum in commune momenti habitu-

Xxx xx 3

ram

ram potestatem adversante nullo in se trahere ac usurpare potuisse, verisimile non est, quum præsertim multa talia aut ab iis, qui reliqua nobis literarum monumentis conservarunt, interdum consulto prætermittenda sint, aut temporum quoque injuriâ non multo post occiderint; imò etiam hodie, licet florentissimæ cuique ævi nostri Reipubl. haud desint, non tamen nisi raro ferè, innotescant. Sane C. Plinius Secundus jam tum suo seculo singillatim circa totum Jus Senatorium, quod publici partem esse asserit, conquestus est: *Priorum temporum servitutem, ut aliarum optimarum artium, sic etiam ejus oblivionem quandam & ignorationem induxisse.*

l. 8. ep. 14.

Quæ tamen utcumque sese habeant, interim satis antiqua libertatis nostræ primordia esse vel ex supra laudato Taciti loco apparet, qui à majoribus ea repetens, simul autem ibi, quare ab iisdem hoc in Senatores jus translatus fuerit, egregie ostendens, nequaquam illud temere coaluisse, sed deliberato cuncta consilio gesta, nec unâ ratione, ut publico decreto firmaretur, evictum & ipse tacite subinnuit, & nos etiam, post duas prius Libertates alias, quæ cum hac confundi forte possent, ab eâ distinctas, pluribus mox declarabimus.

9. 39. & 41.
pr.

Scilicet, si Patres non nisi rogati, & cum jus sententiæ dicendæ accepissent, h. e. ordine & loco suo hanc Libertatem nostram exercere poterant, per se satis liquet, esse eam aliquomodo diversam ab illa Libertate Senatoriâ, qua unusquisque etiam nondum sententiam rogatus postulare poterat, ut sibi de Republ. dicere liceret. Cujus equidem documentum pulcherrimum Livius duobus in locis suppeditat, & in uno L. Valerium Potitum, licet prohibentibus minaciter Decemviris, acerrimum se tamen Juris ejus defensorem præbuisse; in altero etiam eundem suâ tandem pertinaciâ, ut, quæ vellent, dicere liceret extorsisse narrat.

3. 71. pr.

l. 2. p. 135.

Ubi tamen iis ipsis locis ex eodem Livio adhuc quendam aliam, verum nihil minus quam *παράκλησις*, Magnus ille Barn. Brissonijs in suis form. solen. incautius admiscuisse, obiter animadvertitur. Licet enim receptam & solennem illam vocem de Republ. dicere, legamus, præter eam tamen prorsus nihil Juri illi simile occurret. Quippe quum nec, qui ea libertate usus

usus est, Scaptius, unus ex Patribus, aut ubi usus est, illud Senatus fuerit: Verum quilibet alia ibi omnia, adeoque in tribus populi comitiis plebejorum quendam senem, cujus nullæ nisi solæ tum suffragii ferendi partes erant, consurgentem, nec jure ullo, nec exemplo, atque insuper invitis bonis omnibus, declamandi de Republ. licentiam sumpsisse sibi deprehendat.

Altera Libertas, quæ nobis sese offert ea est, quando scilicet Jus erat, ut minores Magistratus, quamvis nondum Senatores, in senatu tamen Patres sui muneris admonere possent, quotiens quid contra leges in his rebus, quarum curam fidei illorum Pop. crediderat, aut gratiæ aliorum dari, aut potentiæ vidissent. Veluti apud *Plutarchum* Catonem posteriorem, cum adhuc Quæstor esset, nunquam non Senatui interfuisse in vit, c. 23, 6 legimus, hoc unum veritum, ne se absente artibus quorundam, quos ita hominum favorem emere consuevit noverat, aut ærario debita remitterentur, aut vestigalium aliqua portio periret. Quantum autem & hæc à nostra, ut quæ unice juri Senatorio & ordini annexa erat, differat, unusquisque, arbitror, facillimè animadvertet.

Origo Libertatis Senatoriæ & introducenda ejus rationes explicantur.

Remotis ita, quæ commune quidem cum hoc Jure nostro nomen ferre poterant, de cætero autem aliquantum ab eodem deflecebant, propius nunc nobis accedendum, atque tum in causas quas ei originem dedisse credibile est, tum in reliquam constituentium *Idcirco* penitus introspicendum erit.

Et hic, veluti naturâ designante viam, ad illud statim instituti in civitate consilii publici principium deducimur. Quippe quum jam iis incrementis fortuna novæ Urbis sese extulisset, ut virium quidem amplius haud pœniteret, certorum tamen hominum, qui suâ prudentiâ feliciter easdem dispensare scirent, operam Respubl. requireret, tunc electis Senatoribus id munus datum, atque adeo injunctum est, ut ad ea, quæ felicitatem statui circumdare, vel accersere ruinam possent,

possent, nusquam avertis oculis respicientes, tunc quando in commune eis consulendum foret, dictis cum fide sententiis, hæc quidem avertere, illa vero promovere laborarent. Ad-ditâ tamen simul officio huic religione, quâ constringerentur animi ob privatas cogitationes parum publico egregio inten-ti, atque interventu odii & gratiæ haud pauca forsitan silen-tio & dissimulatione transmissuri.

Utque suus disciplinae honos etiam in curia constaret, ut ne quid confusè, aut per irritas contentiones tumultum-ve ibi gereretur, sed consideratè omnia, & modestè, & gravi-ter pertractata consiliis vim, legibus robur, auctoritatem Pa-tribus conciliarent, primo quidem Regibus, post ejectos ve-ro illos, certis semper Magistratibus Senatui consulendi, & quum de Republ. tum de singulis negotiis ad eundem re-ferendi cura incumberebat; ipsi vero Senatores loco, & ordi-ne, & modo ad interrogata respondere certa lege cogeban-tur.

Hic jam consultandi ritus sicut & aptissimus, & summe necessarius expediendis rebus erat: Ita nondum satis eo ipso incolumitati publicæ prospectum videbatur: quia scil. fre-quenter fieri poterat, ut oblivione, ignorantia, aut interdum quoque vitio dictorum Magistratuum referretur minime de iis, quæ resciri tamen, & cum cura haberi, civitatis multum interesset: Atque tum cuiq; Senatorum etiam curioso tali-um, & memori, & patriæ cum maxime amanti reprimenda nihilominus fuisset oratio, eo quod sententiam de illis non interrogatus foret.

Quæ res, quantum de proposito muneris hujus, quan-tum de religione, quâ illud continebatur, detractura fuerit, quis non videt? Nempe frustra hic Respubl. frustra Curia promissam fidem ab iis expectatura erat, qui ad alienam cu-ram toti alligati & restricti, ne, licet inviti, interdum illam fallerent, in sua manu non habebant.

Ergo tunc à Regulâ excipiendi, imo novæ Regulæ con-dendæ oblata necessitas, & ut hoc impedimentum penitus removeretur, nec de facultate salutarium consiliorum quic-quam Reipubl. decederet, Senatoribus id juris concessum est,

est, ut sententiam rogati non jam amplius oratione sua intra relationis fines sese continere cogerentur, verum egredi etiam aliquando illos, & si quæ alia in commune illis conducere visa forent, ea quàm liberrimè expromere, dicendo, quod vellent, illustrare, adeoque poscere, ut de iis ad Senatum referretur, possent.

In qua potestate quantum opis foret, vel tum præcipuè civitas & sentire potuit, & sensit, sicubi forte situm illud in relatione Magistratuum auxilium destituisset Rempublicam, sicubi illorum aut defecisset industria, aut vacillasset fides. Tunc nimirum surgere in Curia vidisses armatum illa Senatorum aliquem, qui seu ab externa vi, seu à civium perfidiâ, sive aliunde etiam impendere urbi periculum crederet. protinus audacter metus suos fateretur Patribus, protinus oratione acri atque vâlda partim aliorum incusando ignaviam, partim accendendo curam, ostentaret imminentis mali magnitudinem, enarraret seriem, extolleret fidem; & alibi quidem, ac in intestino scelere, expromeret, quos cognovisset socios, argueret suspectos, convinceret reos; alibi designaret hostium consilia, evolveret arcana, detegeret molimina; ubique vero aut ipse subjiceret aut ab aliis postularet remedia. Scilicet necesse erat eorū maxime modo & præsentibus malis medicinam parari, & insimul fieri, ut licet ab illis, quorum fidei inprimis se & vigilantia crediderat, neglecta foret civitas, nova tamen ope hac subnixa non libertatis suæ minus, quàm salutis admodum secura degeret, ac si tandem tempestas aliqua incubuisset, eam haud dubie ab uno inter tot excubitores aliquantulum prævisam aut promptius declinaret, aut fortius exciperet, aut certe levius, & minori suâ clade sentiret.

Interim tamen extraordinarium hoc quasi præsidium erat, quod sicut ubi omnia per se à Magistratibus sincere provideque gerebantur, non æquè magnum usum in Republ. habebat, sed tanquam gladius in vagina reconditus, necessarioque demum tempore stringendus, aliquantum quiescebat: Ita comparari hac in parte non malè cum potestate illa videatur, quæ interdum extra ordinem decerni Magistratibus

solebat, quando, in atroci scil. negotio, & desperatione omnium salutis, hâc solenni voce; *Darent Magistratus operam, ne quid Respubl. detrimenti caperet*, pronunciata, simul per *Senatum* eis, *exercitum parare, bellum gerere, coercere omnibus modis socios atq; cives, domi militiaq; imperium atq; iudicium summum habere, quarum tamen rerum nullius, sine populi jussu, Consuli cæterisque Magistratibus aliter jus erat*, dicente *Sallustio*, *permittebatur*.

Catil. c. 29.

Cæterum huic introducendi juris nostri rationi primariæ, quâ ut jam diximus, fortunæ & securitati civitatis non paulo melius provisum iri conditores ejus judicaverant; huic, inquam, præterea suffragabatur illud etiam, quod simul ita apparebat, singulorum provocari atque allici posse ingenia, ut majori cura bono publico intenderent, ut & sibi cogitandum sæpius de augmento ejus crederent, ut eo attentius, quicquid rerum hîc vel illic gereretur, observarent. Scilicet sicut hand dubie illic industriam languescere, socordiam verò augeri necessum erat, ubi non nisi de illis, quæ relatæ forent, vocem liberam emittere dabatur, ubi ab ingenio referentium curis omnium suspensis, ultra suis meditationibus ascendere, neque usum publicè, nec privatim gloriam habebat: Ita è contrario tunc ubi ex concessa Senatoribus quidvis in commune proferendi licentia majus affulgere lumen Curiaæ cœpisset continuo unius quoque aut alterius feliciter exercitata Libertas in exemplum apud reliquos itura, tunc quasi exposita cuilibet de civitate optime merendi gloria semper inventura æmulos, atque adeo pulcherrimum certamen excitatura videbatur inter anxios, ne fortasse minus ipsis patria, quàm aliis deberet.

Quæ res sicuti ad robur atque decus publicis consiliis parandum plurimum valebat: Ita adhuc aliud quidpiam, neque minus salutare ab usu Libertatis hujus Senatoriæ expectandum erat. Nempe illud, quod ita eorum Magistratum, qui jus referendi sibi vindicabant, partim quoque acui posset sedulitas, partim temperari potestas.

Quoad primum quidem, quum dicti Magistratus sibi potissimum urbem ac imperium, omniumque in eo fortunas custodiendi arduum ac difficile onus impositum scirent, quum
à se

à se majus aliquid excelsiusque, quàm à cæteris, atque adeo non levem aliquam, sed acrem, assiduam, indefessam in Rep. gerenda solertiam requiri satis cognitum haberent, nisi jam aut minus tantæ molis capaces, aut sui officii immemores, aut aliis charitate in patriam inferiores suspectari vellent, necessario omnes curas, omnes cogitationes suas eo, quantum poterat, impendere debebant, ut non magis alii, quam ipsi ingenio studioque suo civitatis commoda juvare viderentur: sicut, ubi egredi relationem, & quæ vellent, promere negatum Senatoribus fuisset, tuto omnium incuriosi instantia atque futura pari ignorantia ac oblivione transmittere poterant, neminem à Patribus admonitione suâ tacite exprobratione molestum ipsis fore certi & securi.

Quoad alterum vero, satis scil. infringebatur nimia illorum potentia, qui nihil soli rerum gerere, qui occulti nihil, nihil clausi etiam habere, non dissimulare longius, aut præterire quicquam inter tot observatores jam valebant: sed cum cæteris communicatâ potestate primo quoque tempore omnia sincere candideque exponere, aut, ne forte intellectâ fraude publice ab aliis silentii argueretur sui pravitas, vereri cogebantur. Quod rursus tamen, absque jure hoc fuisset, vix sperandum erat, quum nisi metu aliquo retineatur, frequens esse malis artibus soleat natura mortalium.

Tandem præter illa jam enumerata bona, quæ Libertas nostra Rempubl. mactare poterat, etiam auctoritati Patribus conciliandæ inservire credebatur. Cum enim indubiè muneri huic Senatorio multa cura adjuncta foret, multi ingentes labores, eo autem demum labor atque cura impendi soleat, unde emolumentum honorisve speratur, ideo amplificandam quoque ejus dignitatem apparebat, quæ ut antea, quum Senatores ad interrogata tantum respondebant, non æque speciosa erat: ita nunc, posteaquam illi liberam de rebus cunctis in Senatu differendi, & relationem quoque postulandi facultatem impetrassent, insigni virium accessione factâ maxime illustris, atque adeo ipsorum Magistratuum splendori aliquo modo in Curia æqualis reddebatur.

Ubi tamen egregium Libertatis hujus temperamentum

in eo agnoscimus, quod non statim orationis suæ pondere & argumentis penetrare, & quæcunq; vellent, obtinere poterant, sed quando ea perfici optarent, ut de illis ad Senatum referretur, prius petere debebant. Nam quod iste tanquam publici consilii dominus crevisset, id demum vim ac robur in Republ. accipiebat.

Quæ scilicet omnia, hætenus à nobis latius deducta, ejus generis sunt, ut quamvis nullus unquam Legislator tale quid sanxisset, nihilo secius tamen in quavis bene constituta Rep. perpetuo valere deberent, quum & naturalis æquitas ea præcipiat, & civitatis incolumitas deponcat.

In quibus rebus Libertas Senatoria valere debeat, disquiritur.

Postquam vero ea consideravimus, quæ primos Libertatis hujus autores in constituendâ eâ respexisse, vero nihil abhorrebat, superest, ut etiam, quibusnam proprie in causis & negotiis illa ipsa locum invenire, vimque suam & auctoritatem Reipubl. præstare debeat, aut possit, adhuc amplius dispiciamus.

Tacito hic nostro, maxima quæq; rerum in oculis sunt, atque ideo in loco illo, quem ut genuinam hujus argumenti sedem statim ab initio laudavimus, partim ea exempla, circa quæ absque insigni in publicum aut damno, aut emolumento, neq; suscipitur facile quicquam, neq; negligitur, enumerat; partim quoque reliquis, quæ enumerare omnia supervacuum duxerat, ipsum contineri imperium affirmat.

Nec apud eundem scriptâ ad Senatum epistola Tiberius velle aliud videtur, quando posteaquam primum omnium ædiles aucto in immensum luxui remedia poscentes, utrum ex merito, an magis ex usu dominationis hic jam non disquiritur, aliquantum perstrinxisset, in hæc verba denique erumpit: *Quantulum istud est, de quo ædiles admonent! Quam si cetera respicias, in levi habendum! At hercule nemo refert, quod Italia externæ opis indiget, quod vita Pop. Rom. per incerta maris & tempestatum quotidie volvitur, &c. Hanc P. C. curam sustinet Princeps, hac omissa funditus Remp. trahet.*

Scili-

Scilicet nil aliud hic ille, quàm præcipuum dignissimumq; argumentum Libertatis Senatoriæ designat, idque ipsum allato similiter in medium egregio exemplo tale repræsentat, quale non leviora quæque, sed salutem populi, æternitatem imperii, atque adeo utramque Reipubl. fortunam propius nonnihil reliquis spectantia complectatur.

Et certe, si cum finem primum, tum usum quoq; Juris hujus legitimum intuearis, vix aliter debere fieri censeas, quàm ut iis fere solum rebus, quæ ad felicitatem publicam tuendam quam plurimum momenti habent, à prudenti Senatore applicetur. Cum enim hoc, ut supra etiam jam dictum est, extraordinarium aliquid, aut certe subsidarium sit, nunquam huc descendendum erit, nisi ubi ordinaria omnia auxilia Remp. deficiunt, cæteri; quorum consiliis juvanda erat, aut plane nulla ejus cura agunt, aut pars imprudentiâ, pars studio, pars interdum metu quoque, tale quid silentio vel levi murmure transmittunt, quod neglectum aut interpellare prosperos successus, aut ingentibus damnis præbere materiam, si non in præsens, certe olim aliquando possit.

Aliter si fiat, ac omisâ maximarum rerum curâ ad minima vel aliis remediis facile coërcenda extendatur hæc Libertas, nec constituentium proposito sua satis ratio constabit, & cum hinc sperato fructu omnis etiam tanti Juris splendor atq; dignitas occumbet. Quod ipsum in primario & modo citato Taciti nostri loco cum Thrasea transmitteret, præscriptos nonnihil limites excessit, & sic illam ipsam obtrectatorum suorum censuram meruisse aliquo modo videri potuit.

Inter illa tamen, quæ in argumentum Libertatis hujus Senatoriæ ut veniant, præcipue merentur, ipse Status Reip. & forma adeoque ea quæ aut perpetuitatem illi atque robur addere, aut ruinam quoque & perniciem accelerare possint, locum hic tenere principem merito videntur.

Scil. quum raro absq; clade quadam publicâ & perturbatione omnium magnarum conversiones rerum fiant, præsentem suæ civitatis statum, qualemcunq; etiam, amare & si quæ adversus eum comparata credi possint, illis quantum equidem in ipso fuerit intervertendis occupatum esse, alias quoq; boni ci-

vis est. Interim verò tamen ea omnia, quæ decere bonum civem, quæ curas ejus instruere possunt, excellentiore modo quodam senatori conveniunt, qui tanquam præstantior ex cæteris electus, ut vigiliâ, labore, industriâ & occupatione suâ somnos, otium, delicias, vacationem omnium defendat, nunquam sanè tanti nominis mensuram feliciter implebit, nisi eo etiam inprimis curam omnem atq; animum intendat, quo pacto ea, quæ tranquillitati publicæ, quâ singulorum quoq; salus continetur, aliquando officere possint, atq; adeo huc præcipue spectantia hominû potentium, & quibus nulla fere Resp. caruit, ambitioforum consilia, artes, molimina maturè & deprehendat, & oculis etiam omnium ac conspectui in Curia exponat.

Pol. 5. 2.

Maturè, inquam; nam quæ tardè monentur, plerumque sero monentur, & malum, quod, dum adhuc nascitur, nullo negotio opprefferis; si insuper habeas, paulatim vires sumit, & in formidandam deniq; magnitudinem excrefcit. Hucq; spectat maximè elegans quidâ *Aristotelis* locus, ubi curam Reip. gerentes nocturnis vigilibus, tanquam procul visa & audita prope annuntiantibus comparans: Δὲν, inquit, τὰς τῆς πολιτείας φρονιζοντας φόβος παρασκευάζει, ἵνα φυλάττωσιν, μὴ καὶ ἀλύνωσιν, ὥς περ φυλακὴν ἑνὲς λαοῦ. τὴν τῆς πολιτείας λήρησιν καὶ τὸ πρόβω ἐγγὺς ποιεῖν.

Quid? quod hoc ipsum Civilis Prudentiæ, veræ scilicet Senatoriæ virtutis, & cujus proprium maxime munus, recte consulere, præscriptum sit; habere explorata ratione, provisâ consilio, præmeditata cautionibus, quæ hac viâ ad everisionem Reip. incedunt, teste rursus *Aristotele* cit. loco, quando dehac ipsa mutationum causa loquens: τὸ ἐν ἀρχῇ γινόμενον καὶ ὄντα ἐν τῇ τύχῃ, ἀλλὰ πολιτικῶν ἀνδρῶς, inquit.

Et hanc etiam gloriam egregius quisq; veterum sibi semper vindicare cupiens, in tali maxime negotio, si dabatur casus, Libertatem sibi senatoriam exercendam duxit: quos inter in Romanâ quidem Rep. qua nulla unquam bonis exemplis ditior fuit, *Cato* atq; *Cicero* præcellunt: ex quibus ille C. Cæsaris adhuc in Gallia bellantis periculosas libertati cogitationes & destinata omnia, non tanquam inimicus, sed quali unus inter conjuratos & participes fuisset, dicente *Plutarcho*, exposuit: hic haud dubiam patriæ servitutem molientem Antonium, ut primus in-

telle-

tellexit, ita quoque postea non tacuit, sed continuis actionibus in Senatu publicè, inspiciendum civitatis hostem dedit.

Aliam nec minus pulcram usurpandæ Libertati tali occasione suppeditare poterit enata forte alicubi facilis Bello inchoando materia. Ubi quoniam fortuna per omnia humana, maxime tamen in res bellicas potens, & ob id ipsum de eventu, qui nusquam minus, quàm in his responderet, nemo satis callidus, satisq; prudens est, jure suo optime utetur, qui omissis præcipitibus, tuta atq; salutaria capessere monebit. Tuta autem nunc vocabimus, quibus & armorum justitiæ satis cautum, & periculis quoq; ex eventu forte minus prospero oborituris, quantum quidem humano consilio provideri possit, via præsepta sit.

Si ergo ambiguum Jus belli, neq; satis exploratum fuerit, rectissime fecerit, qui hic constanter reclamaverit. Nam quum & de jure suo, quamvis satis cognito & comperto, interdum tamen decedere magis conveniat, ceu amplius docet *Hugo Gro- l. 2. c. 24. pr.* *rius de I. B. & P.* quàm ob triumphi honorem aut potentiae augendæ, aut explendæ ultioni quoq; iis, sine quibus nullum bellum cogitari potest, miseriis cives involvere, adeoq; eo descendere, ut, quod est apud *Tacitum*; aut perire, aut, quod æque apud *bo-* *H. l. 29. s.* *nos miserum est, occidere necesse sit*: quanto magis, ubi frons causarum non satis honesta fuerit, mitioribus remediis agendum, aut verendum erit, ne fiat illud, quod senator Carthaginensis *Hanno* in elegantissimâ illa apud *Livium* oratione, civibus suis *XXI. 10.* *priori bello Punico non inmerito accidisse testatur: ut sc. eventus belli, velut iustus iudex, unde iustabat, eum victoriam daret.* Idq; præsertim in bello civili, ubi & alterum, certissimum scil. ex eo, quocunque etiam eventu, periculum accedit.

Quo quidem nomine satis celebre magni Hospitalii in Gallia exemplum est, qui superiori sæculo hac in causa Libertatem Senatoriam egregiè exercuit, & pernicioso cuidam Regina Catharinæ à Lotharingo Cardinale, turbidi & violenti ingenii homine, persuasæ consilio, quo regni causam prodi, pacis vias intercludi, bellique *summississimi necessitatem imponi*, haud vane augurabatur, acerrime, quanquam nullo cum successu, contradixit; referente *Thuano*, apud quem etiam liberrima, & in co- *lib. 42. p. 468.* *dem argumento occupata Pauli Foxii ad Henricum III. G. R.* *159. pr.* *oratio legi omnino meretur.*

Cæte-

Cæterum, quod circa suscipiendum bellum modo dictum fuit, nempe aptam prorsus hoc Jure utendi materiam illud senatori sufficere posse, idem circa arduum sive ineundæ, sive abnuendæ pacis negotium salubriter tractandum suo merito valebit.

Quot enim, quæso, & quam efficaces in publicum causas hic offerre se necesse est, quæ modo suadendi, modo dissuadendi etiam necessitatem viris patriæ amantibus injungat! Non repetam hoc loco, quare absq; evidenti Jure, atq; adeo, quandiu mollioribus consultis adhuc locus quidâ superest, nec adversarii extrema pertinacia omnem coituræ rei spem absumpsit, turbare composita, & victoriâ quam pacem malle, non iniquum modo, sed & anceps, ac propterea à nullo ex cordatioribus alicujus Reip. consiliariis probandum sit: dicam tantum illud, etiam comisso semel bello, nunquâ tamen adeo de illo prosequendo Senatori cogitandum esse, quin simul perpetuo ad pacem primâ quaq; occasione reducendam ab eodẽ oculos adjiciatur.

Fac ita: vi magis ab initio, quàm causâ, ab alterutrâ partium, vel interdum etiam utraq; actum esse: interim verò paribus fere utrinq; incommodis acceptis, neutram adhuc sibi diffidere, aut bello imparem videri; nonne tunc egregium Senatorem decuerit, optimum illud, & , ut *Cæsar* inquit, *pene unicum tempus de pace agendi* non transmittere, sed de eo ocysus arripiendo reliquos indefinenter admonere?

Rursum indulserit alteri nonnihil fortuna, & plures Victorias in sinum ejus congerendo ferociorem hostis animum haud parum imminuerit: quam benè hic mihi aliquis generosum prudentissimi illius & modo laudati Hannonis in Curia Carthaginensi exemplum secutus, Libertatis Senatoriæ adhibebit remedium, & successu nimio tumentibus aliis: *Si hoc tempus pratermissimus, clamabit, quo dare magis, quam accipere possumus videri pacem, vereor, ne hac latitia luxuriet nobis, ac vana evadat.*

Quid si ex unâ parte nusquam interruptis successibus auctus, & non uno aut altero prælio, sed pene bello victor ferociter incumbat; ex alterâ victis non vires, non subsidia, sed adversa omnia, & jam nihil amplius, quam, quâ aut ultionem sibi patriat, aut finem, dextra cuiq; sua relicta sit: annon verò & tunc
utro-

utrobique pacem suasisse, boni civis & Senatoris præcipue gloria fuerit? *Ibi* quidem ea ratione, quod præter notum illud: *Bellorum egregii fines, quotiens ignoscendo vel etiam paciscendo, transigitur*; non facile quoq; victis hostibus ad desperationem usque insistendum sit, cum eâ ipsâ non audacia in iis magis, quàm rabies accendatur; *Hic* verò, quod necessitatis deniq; imperio parere, & quavis turâ conditione absolvere bellum præster, quàm frustra renitendo se & sua omnia in casum dare.

Tac. XII. 19. 3.

Modo tamen ea pax non nimis dura ac acerba fuerit. Nam tunc interdum illud quoque obtinuerit: *Cum dignitate potius cadendum, quàm cum ignominia serviendum esse*, ceu *Cic.* ait, qui egregium cum in Philippicis suis, tum in illa etiam pulcherrimâ apud *Dionem* oratione, quando pacem Libertate Senatoriâ dissuadere conveniat, documentum dedit.

Philip. 3. c. 14.

Scilicet, ut hic ejus verbis utar, quando *facta pax non erit pax, sed pactio servituti*; quando *paci nomine bellum involutum*; quando *cum eo hoste certamen fuerit, quo cum nulla paci ratio esse possit, sed in quo sit incredibilis crudelitas, fides nulla, qui non tam servitutem alienam, quàm sanguinem concupiscat, cui nullus jucundior ludus sit, quàm cruor, quàm cades, & ante oculos trucidatio civium*. Tunc nimirum speciosa illa & irrita otii ac concordiae vocabula detestari, tunc arcanam illam fraudis & fallaciarum scenam evolvere, & quàm sibi initio fidem præstruere dolus soleat, ut tandem cum mercede magnâ fallat, alios docere, pulcherrimus Libertatis hujus effectus erit.

Phil 12. c. 6.

Phil. 7. c. 6.

Phil. 4. c. 6.

& 5.

Sed nimirum ut de reliquis quoque, quæ inter Libertatis Senatoriæ argumenta maximè eminent, breviter agamus opus est. Et hic quidem Legum etiam magna merito ratio habetur. Cum enim ab illis salus civitatis dependeat, eodemque plane fato Resp. nunc æquabili fortunâ, nunc in præcipiti agat, prout hæc aut bono in usu aut vicissim oblivione vel contemptu abolitæ fuerint: ideo etiam Senatorum quisque se assiduum illis custodem appositum sciat, neque unquam harum causam è publica dividat, aut sejungat. Si ita suadenda nova Lex aut dissuadenda fuerit, illustre exemplum *Thrasea* circa faciendum XV. 20. 3 seq; novum *Scutum* apud *Tacit.* aut *Ciceronis* circa *ll. Maniliam* & *Serviliam* de agris dividundis (licet hic circa priorem defen-

Zzz zz

den-

Diol. 36.

XXXIV. 2.

XIV. 42.

dendam cogitationibus privatis multum dederit) imitabitur. Si retinendam fortè in Republ. crediderit, quæ abroganda postuletur, *M. Porc. Catonem* circa l. Oppiam, apud *Livium*, & *C. Cassium*, circa morem quendam veterem tuendum, apud *Tacitum* sequetur.

A. 3. 54. 4.

Est & ubi abrogari, interpretari, restaurari, corrigi, augeri leges oporteat. Ubique ibi optimus quisque ea, quæ ipsi è Republ. videbuntur, promere, muneris sui judicabit. Præsertim tamen hoc remedio adhibito quàm maximè cavebit, ne suâ auctoritate leges spolientur, ne aut plane nullum iis telum, aut forte tale tribuatur, quod sperni facillime possit. Quippe satius esse, nullas leges ferre, quàm eas, quæ contemni possint, aut quarum injuriam nemo ulciscatur, Imp. *Tiberius* eleganti ratione ostendit, quando apud *Tacit.* *Si velis, inquit, quod nondum vetitum est, timeas, ne vetere, at si prohibita impune transgesseris, neque metus ultra neque pudor est.*

Prævit autem hac in parte cuique bono Senatori exemplo suo *Libanius Sophista*, quando inter alias Orationem quoque *πρὸς τὸν προστάτην*, seu de *Patrocinio* ad *Theodosium M. Imp.* composuit, eaque legem jam prius ab eodem Imp. contra illa *Patrocinia* conditam poenâ propositâ sancientiam, & ita in effectum vere traducendam suavit. Quamquam enim ab administratione Reipubl. fortè abfuerit hic *Libanius*, non tamen ex eo genere *Sophistarum* erat, quod forensia saltem argumenta in scholis tractabat, sed ex alio quodam *πολιτικώτατο* & quod, ubicunque opus erat, consulere salutari voce imperio ad curam pertinere suam & sollicitudinem credebat; ceu de hoc ipso amplius consuli potest *Jacobus Gothofredus* in præfatione, quam editis ab se aliquor *Libanii* hujus orationibus præmisit.

Legibus benè adduntur *Judicia*, ut absque quorum vi & majestate fuerit, vanum illarum in Republ. auxilium futurum sit. Cùm tamen & hîc haud raro accidat, ut inde injuriarum nascatur occasio, unde jura nasci oportebat, & nisi integerrimus quisq; exercendis judiciis delectis, pari quoq; sanctitate in iisdem agat, legum etiam auctoritatem non tam perfecta conservari, quam imminui necesse sit; Senatori quoque hoc

hoc in loco meminisse Libertatis suæ, & sive muneri huic homines, à quibus non nisi prava quæque expectare possis, destinari sive etiam ab iis, qui jam degunt in officio, vel eorum quoque assessoribus, seu consiliariis subverti jura, precibusq; aut pretio omnia pervia reddi conspiciat, tollere publicè vocem, ac in ejusmodi abusus declamare conveniet, insignibus rursus exemplis ad hoc ipsum excitando: quorum alterum ejusdem *Libanii*, qui similiter egregiam κατὰ τῶν προσδιδόντων τοῖς ἀρχαῖς, seu adversus assessores Magistratuum orationem *Juliano Imp.* inscripsit: alterum *Q. Aurelij Symmachi* est, qui l. 10. c. 27. datis ejusdem fere argumenti literis ad *Theodosium Aug.* eundem ad mandanda melioribus viris officia talia excitavit.

Causa, in qua usus Juris nostri maximus & satis frequens esse possit, etiam illa est; si vestigalium augendorum spes, vel dissolvendorum metus prudenti Senatori forsitan oboriatur. Tunc enim hos nervos esse Reip. neque aliunde vel ornamenta paci, vel subsidia bello quæri posse cogitans, ita tamen hic versabitur, ut cum ratio quæstum, tum necessitas erogationum inter se convenient, neque cum injuria subditorum augeatur ærarium, neque diminutis imperii fructibus etiam illud paulatim dissolvatur. Cætera, quæ tractando huic argumento faciant, & *Cic. pro l. Maniliâ*, & egregius *Taciti* locus, ubi *Neronis*, an cuncta vestigalia omitti juberet, dubitantis imperiū attinuisse senatores refert, cuius suggerere valebunt. XIII, 50. 1.

His tamen, quæ hucusque allata sunt, & corruptos quoque civitatis mores non immerito jungas. Nam & hi orationem Senatoris satis amplis copiis instruere semper poterunt, & olim quoque integerrimis viris præcipuè digni visi sunt, in quos acerrime in Curia inveherentur. *Cato* de se ipso hoc apud *Sallustium* testatur, & quasi Libertate hac potissimum in causa adhibitâ gloriari velit: *Sepenumero*, inquit, *P. C. multa verba in hoc ordine feci, sæpè de luxuria atque avaritia nostrorum civium questus sum, multosque mortales eâ causâ adversos habeo &c.* Neq; minus apud *Tacitum* exemplum *Octavii Frontonis* hoc nomine laudari posset, nisi ille ob minus tempestive cœptum hoc negotium alias non parum reprehendi meruisset; de quo ipso tamen in tempore memorabimus. A. 2. 33.

Zzz zz 2

Et

Et hæc quidem præcipua fere argumenta Libertatis Senatoriæ visa sunt, circa quæ tamen omnia, ea semper adhibenda cautio est, ut discrimen quoddam inter ea, quæ incolumitatem Reip. & quæ potentiam spectant, assidue servetur. illa quam liberrime promenda neque unquam reticenda erunt: hæc vero justo moderamine indigent, & circumspicere admodum tractari volunt, quia scil. & Juris facile hic limites migres, aut diuturno bello, aliisque malis Rempubl. implicet, aut si consiliis eventus non responderit, ipse tibi periculum odiumve concilies.

Plutarch. in
vit. C. 51. &
Etol. 2, 15. 4.

Ubi quoad primum quidem, & quàm facile boni alicujus specie ab honestate, & interdum etiam prudentiâ defecti possit, notissimum alias Catonis Censorii exemplum docere potest, qui paulo ante Punicum bellum tertium quacunque etiam de re sententiam in Curiâ rogatus, nunquam tamen non: *Et Carthaginem videri sibi exscindendam esse*, suo adjicere suffragio solebat.

Erat hoc consilium: quo non tam incolumitati Romanæ, cui per leges pacis præcedente bello dictas, satis à Carthagine prospectum erat; quàm potentiæ, cui tot Regibus devictis jam nihil fere præter unam illam Urbem amplius obstabat, cavebatur; adeoque nec ira pertinaciter à Catone urgeri, nec quoque à Romanis statim approbari, & simul de eo quamprimum exequendo cogitatio suscipi debebat.

Liv. 27.

Verum nescio quomodo interdum consilia calida præcautis magis placent, præsertim si de imperio, cujus alias avida est natura mortalium, extendendo agatur. Ideoque cum in hoc nostro & illud accederet, quod non nimis arduum effectu videbatur, facile ratio ejus, & in tantum quidem apud animos priorû cladum memoria infensos valuit, ut mox contra ipsa belli jura, quæ majores eorum *non jussu minus, quam fortiter gerenda esse* jactaverant, dediticios jam suos Carthaginienses bello aggredi, mox traditâ etiam classe omnia jussu impetrata facturos, insuper ut migrarent finibus, quod prius tamen ipsi in Saguntinorum causa nunquam satis in Annibale reprehendere potuerant, cogere non vererentur.

Ubi quidem illis acerbitate rei hujus ad omnia extrema auden-

audenda accensis, mox cum obsidioni amplius ferendæ impares essent, manibus propriis in suam Urbem furentibus maturum exitum venit: Romanis verò statim post Carthaginem excisam, quam hic imprudenter etiam præ minus quidem specioso, salubriori tamen Scipionis illius Nasicæ, qui Catoni semper contradicere, & eadem prorsus Libertate singulis suis sententiis, Carthagini parcendum esse, addere solebat consilio, læta sane in præsens, sed olim exitio futura elegerant, apparere cœpit. Quippe metu hujus æmulæ ablato nimia continuo felicitas occulta illa vitia in securius peccante populo aperuit, & post inde orientium civilium bellorum crebra tentamenta urbs tot gentium prædatrix ipsa suis denique in prædam civibus concessit; pulcherrimo divinæ providentiæ consilio, quæ maxima quæque imperia eversionem atque vastitatem aliis moliri permittit, donec tandem, justitiâ fati ad impotentes possessores revertente, etiam ipsa aut suis, aut aliorum manibus evertantur.

Alias cum hoc singulari Libertatis Senatoriæ à Catone exercitiæ exemplo prorsus illud ex recentioribus, Marchionis nimirum Ambrosii Spinolæ convenit, qui, dum anno hujus seculi 28. Rupellâ à Ludovico XIII. G. R. obsidebatur, nunquam in Catholici Regis conclave vocatus fuit, quin, qualiacunque etiam consultanda proponerentur, ipse tamen statim in hæc verba sententiam promeret: Ego Rupellam liberari oportere existimo: ut *Gramondus* docet.

*l. 18. p. 770.
* 771*

Quando exercenda sit Libertas hæc, amplius exponitur.

Sed nimirum satis jam de iis dictum est, quæ per Libertatem hanc præ aliis tractari posse, & debere credebamus; ergo nunc ad alia pergendum, & quo tempore illam ipsam adhiberi deceat, breviter videndum erit.

Ubi præter illud, quod prudentem Senatorem minime latere debet, multum interesse, utrum idem illud ante, an post; sic, vel aliter affectis animis dicatur; Sciendum etiam est; omni quidem tempore hanc Libertatem exercendam

Zzz zz 3

esse,

7. Senec. 6.
de benef. 31.
& Curt. 3. 2.
11.

esse, quo quidam ejus esse usus possit; interim vero egregiam præcipue occasionem usurpandæ ei pateferi, quando reliqui consiliarii privatis stimulationibus decus publicum posthabent; ut olim Xerxe in Græcos, Dario contra Alexandrum expeditionem parantibus acciderat, ubi Demaratus Lacedæmonius, & ad ejus exemplum Charidemus Atheniensis soli ferè quâ liberrimas sententias dixerunt, Itē n, quando valta & periculosa consilia agitantur, quando infirmatis legibus, statûs mutatio portenditur, quando Respubl. aut corrumpi metuit, aut fortasse jam incipit; vel corrupta quoque emendanda iterum ac restauranda venit, aliisque quamplurimis vicibus, quarum partim quoque in superioribus fieri mentio debuit, omnes verò recensere nec facile, nec etiam necesse sit.

Referri tamen etiam huc possunt opportuni maximè Libertati huic nostræ transitus rerum, & mutationes Principum. Tunc enim haud raro, quæ diu premebantur, erumpere licet, estque *optimus post malum* præsertim *Principem dies pri-*
H. IV. 42. 12. *mus*; ceu in eadem fere causa Curtius Montanus inquit apud
H. IV. 7. & 8. *Tacitum*, qui hujus ipsius rei elegans specimen in Helvidio Pri-
sco, atque Eprio Marcello *alio* quodam loco annotavit.

Quin & unum præ altero seculum Libertatis Senatoriæ magis capax esse solet, & sicut interdum tam sæva & infesta scriptoribus tempora currere videas, quibus etiam vera dicere periculosum sit: ita rursus aliquando ea, ævi alicujus felicitas est, ubi, ut *Tacitus* loquitur, *et sentire, quæ velis, et quæ sentias, dicere liceat*. Quod ipsum exemplo suo docuere Fr. Petrarcha, Dantes Aligerius, Johannes Bocatius, & alii, qui in media Italia, concessâ, ut *Thuanus* notat, seculo illi libertate, Curia Romanæ mores, & libidines amarulente satis carpere in scriptis suis soliti, impune hanc audaciam tulerunt, cum tamen posteriores gentis ejus scriptores quam plurimum de illâ vitia adeò nimis ex propinquo arguendi licentiâ remittere coacti sint.

H. I. 1, 16.

I. 2, p. 48.

Verumenimvero ante omnia hoc loco circa temporum discrimina quam maxime providendum erit, ne tum hac Libertate uti quis præsumat, quando nulla uspiam effectûs alicujus spes affulserit, & irritandis magis, quàm in melius flecten-

Atendis mentibus remedium hoc valiturum sit. Estque huc potissimum trahendum nobile illud & paulo ante huc dilatatum Octavii Frontonis exemplum, quem *Tacitus* Tiberii temporibus post multa in Senatu contra luxum civitatis dicta, *modum* denique *suppellectili*, *argento*, *familia* postulasse refert. Ne enim nunc de ejus proposito dicam, quod etiam tale esse potuisse, ut invidiam creare aliis, Principique quosdam invidiosos sibi subvertendi, accusatoribus clarissimo cuique periculum facessendi materiam ita præbere voluerit, & arrepta ex miserrimo Libonis, quem irâ Tiberii pressum non ignorabat, exitu occasio, & socius quoque in hoc negotio ejus *Q. Haterius*, sœdissimæ adulationis senex, pene credere jubeant: tamen, absque hoc sit, tantam hac in postulatione negligentiam ostendit, ut non tantum non, quod hic maxime spectamus, eo tempore, quo, cum luxus in immensum ad cuncta, quæ pecunia prodigitur, erupisset, vix etiam nisi quam asperrimis remediis sisti poterat: verum insuper nec in illâ civitate, in qua corrumpere & corrumpi, perdere & perire seculum vocabatur; nec inter hos, qui maximam partem eo ipso morbo laborabant; nec sub Principe denique ex *ὑποδότη* quadam tyrannicâ dominationi suæ, si circa talia detinerentur subditi, conducere credente, verba sese de majorum in luxu coercendo institutis facere, scivisse aut cogitasse videatur.

Certè ipse Tiberius postea apud eundem scriptorem, sive *A. 3. 32. 4.* vero sive simulato etiam exemplo suo, unicuique, qui in argumentis talibus prudenter & feliciter versari velit, pensitandum prius esse satis docuit: *An coërceri illa, quibus remedia quæruntur, possint; num coërcitio plus damni in Rempubl. lata sit; quam indecorum quoque atrectare, quod non obtineatur; aut retentum ignominiam ac infamiam virorum illustrium possit; & similia, quæ pro diversitate rerum diversa sunt, in unum tamen fecit à Muciano collecta in initio magnificæ istius orationis, quâ Vespasianum ad imperium capeffendum hortatus, ita inquit: Omnes, qui magnarum rerum consilia suscipiunt, asti-* *Tac. H. : 76.*
mare debent, an quod inchoatur, Respubl. utile, ipsis gloriosum, aut *2.*
promptum effectu, aut certe non arduum sit. Et si quidem vel de
successu desperare necessum, vel majus adhuc malum metuen-
dum

dum fuerit, certe pertinax custodire silentium, & omittere talia melius erit, quàm intempestivis & inanibus clamoribus adulta validaque vitia accendere, ac tandem hoc assequi, ut palam fiat, quibus emendandis impares simus: sicut fere Imp. Tiberius in quadam suarum Epistolarum ad Senatum inquit.

Id. A. 3. 33. 2.

Quibus Libertas Senatoria permessa sit, & an ad solos Senatores pertineat, exemplis etiam aliquot subjectis, declaratur.

Vidimus hætenus & Originem Juris hujus, & causas præcipuas, in quibus usui esse, & tempus, quo maxime opportune exerceri possit: verum jam ad eos, quibus id permisum sit, transibimus, ac cum supra Senatoribus illud attribuerimus, an itaque ad solos illos restringi debeat, inquiremus.

Et hic quidem ante omnia notandum, quod Libertas Senatoria vel Lege quadam sancita sit, vel nulla Lex eam describat ac definiat. Ubi nulla Lex adfuerit, ibi omnino ipsa Reipubl. cui talibus remediis sæpissime consultum esse constat, necessitudo excitare debet bonos cives, ut curam suam & sollicitudinem pro communibus commodis promant; idque etiam apud plerasque gentes obtinuisse manifestum est. Nisi quod, si forsitan ad hanc necessitudinem accedat etiam officii religio, eo magis obligari unumquemque ad hanc operam Reipubl. præstandam facile pateat; sin minus, ipsa civilis conditionis pietas sufficere videatur.

Ubi lex adfuerit, tacitâ exceptione caveri videtur, ut tacentibus quibus Lex permittit loqui, alii viri cordati loquantur, quando scilicet tempora Reipubl. tali præsidio indigere vident. Quippe ut in cæteris Rerumpublicarum factis; ita etiam in moribus artibusque hominum, qui earum gubernaculis admoti sunt, quædam vicissitudo est. Potest fieri, ut quos Lex Libertatis hujus exercitio destinavit, Senatores Reip. & consiliarii deficiant ingenio, destituantur constantiâ, labascant verecundiâ; aut privato etiam affectu & mutuis interdum concertationibus in diversum abrepti non pervideant facile verum, & insuper etiam corrumpant. An ergo tunc
in evi-

in evidenti Reip. discrimine tacere, ac tanquam nihil talia ad eam pertinerent, eventum secure opperiri, viro gravi & prudenti satis pulchrum aut honestum erit? Non putem; si ulla, vel parvula, spes superet, excitari posse civium reliquorum animos ad cavendum aut propulsandum commune periculum. Sicut enim in certis causis quivis civis miles est: Ita etiam in certis causis quivis bonus civis Senatoris aut Consiliarii munia usurpare potest.

Paravit certe sibi præcedenti seculo, hanc cum civis boni, tum viri prudentis gloriam, in Germania nostra, illustribus alias in eam & peculiariter in hanc Argentinam meritis conspicuus, Joannes Sleidanus: quando duabus Orationibus, & unâ quidem ad Carolum Imp. altera ad Ordines Imperii compositâ, rejicienda utrobique sanguinaria Pontificis Rom. ejusque assensu consilia, amplectendam reverenter reparatam cœlitus veræ fidei doctrinam, firmanda concordie bona, discordie mala expellenda suasit: exemplo prorsus Scriptoris rerum Romanarum principis Sallustii, qui itidem geminâ oratione C. Cæsarem Dictatorem adiit, & quæ Reip. in sua sede collocandæ ipsi conducere videbantur, summâ prorsus libertate & prudentiâ designavit; felicior tamen in eo aliquo modo Sleidano nostro, quod meliore consiliorum suorum successu gauisus, non æquè difficilem probandis iis Julium, sed multo magis adeo pronum offendit, ut partem eorum quidem, non sine egregio in publicum usu, & magnâ suadentis gloriâ, in exitum statim deduxerit, partem vero reliquam adhuc exequuturus fuerit, nisi proposita ejus eximia, nefaria patricidarum sica prævenisset.

Libertatis Senatoriæ alias ita exercitæ complura monumenta in Actis publicis, præsertim vero in consultationibus de bello Turcico extant; & egregium ejusdem quoque documentum superiori ævo datum est, quando contra Pontificem Rom. nihil non in Imperatores, Reges, Principes, eorumque imperia ac ditiones juris sibi arrogantis fastum, diuersarum gentium & religionum homines, Theologi, Juris Consulti, Philosophi acriter insurrexerunt, & hujus doctrinæ vanitatem atque impudentiam toti mundo deridendam propinarunt: quorum scripta pene omnia Goldastius in *Monarchiam suam Imperialem* nun-

quam satis laudandâ industriâ collegit, & sic de Rep. egregie meruit.

i. 82. p. 46.
* 47.

Sane in eo casu, quo Sixtus V. Pont. R. horrendam admodum censuram in Henricum Nauarræum & Condæum strinxerat, eaque illos tanquam sectarios, omni dignitate atque ditio-
ne, speciatim vero illo in Galliæ regnum successionis jure prorsus excidisse decreverat, *Thuanus*, eandem Libertatem in his, qui tum temporis in aula summam rerum moderabantur, desiderat, & quàm ab Annæ Momorantii & Mich. Hospitalii cordatâ prudentiâ, quâ ipsi olim in simili causâ Pio I V. Pont. restiterant deflexerint, illis publice exprobrat, sicut amplius apud eum videre licet. Alias hanc de Pontificum in Reges potestate controversiam anno seculi hujus 15. & 20. in Gallia renouatam fuisse testatur *Gramondus* l. 1. p. 61. seqq. & l. 15. p. 678. seqq. cui etiam alius adhuc *Thuani* locus l. 28. p. 50. addi potest.

Apud nos *Autonomie* illi, quam haud dubie à seinitis talium dogmatum plus nimium sæcundis adornatam *Francisc. Burcardus* I. C. Colonien- sis emiserat, contradic- ti totius Imperii Germanici interiit. Et nuper etiam, cùm de pace unice necessaria publice instituta deliberatio foret, quin contra infestas Paci Germanicæ *Ernesti* cujusdam *de Eusebiis* (ut se appellabat) nœnias bene & laudabiliter publicis scriptis sententiam dixerint cùm alii, tum *Irenæus Eubulus*, nemo, puro, negauerit. Quod ipsum sc. de iis quoque affirmari potest, qui promulgatam illam contra jam conuentam Pacem ab Innocentio X. P. R. Bullam cum summo dedecore & ignominia Reipub. nostræ conjunctam prudenter judicantes, stultæ eam arrogantia & improbæ temeritatis publicè convincere feliciter tentarunt.

In Gallia etiam *Carolus Molinæus* magni nominis Ictus, & ut *Thuanus* alicubi loquitur, tam eruditione, quam judicio ac probitate conspicuus, Libertate illâ Senatoriâ in destruendâ Pontificiâ autoritate, quanquam magnâ apud illos, qui adversus Regni jura eam tuebantur, invidiâ susceptâ, non semel defunctus est; cujus quidem rei duo exempla modo laudatus *Historicus* enumerat: unum, ubi ille conditum ab Henrico II. G. R. in depravatam Curia Romanæ circa dispensanda sacer-
do-

doria disciplinam edictum scripto commentario, illustravit, & ob illud ipsum factum paulo post ab Anna Momorantio præfenti Regi cum commendante, hoc elogium meruit, quando ille ad Regem: *En homuncionem, inquit, qui, quod cum XXX. c. hominum facere nequivisti, ut Iulium Pontificem placatum haberes, libello edito perfecit.* Alterum, ubi tantæ libertatis adhuc retinens, cum à Regis Hispaniæ legatis de Concilio Tridentino admittendo mentio injecta esset, consultationem continuo scripsit, quâ ob multas causas Concilium illud nullum, vitio inditum, habitum & terminatum contra antiqua Patrum decreta, & Regni Francici dignitatem ac libertatem, contendit. l. 38. p. 162. l. 36. p. 290.

In Belgio, quanquam circa aliud argumentum idem fere *Dominicus Bandius* præstitit, quando, cum ibi de pangendis cum Hispano induciis ageretur, pluresque fraudis & insidiarum sub hoc nomine latentium metuentes, pace suspectâ tutius bellum esse crebris sermonibus jactarent, elegantem admodum Dissertationuculam sub *Latini Pacati* nomine satis tempestive edidit, quâ illis, quæ metum aliquem incutere possent, remotis, & gloriosum magis & utilius fœderatis Ordinibus fore, si in inducias consentiant, omnesque ita & suscipere eos juste bella, & finire judicaturos, ostendit.

An autem & *Franco Gallia Fr. Hottomanni*, & liber ille, qui sub *Steph Jun. Bruti*, (sive is *Mornau*, sive potius, ut aliunde constat, *Languetus* est,) nomine, contra Tyrannos prodit, venire in hunc censum atque Libertatis Senatoriæ bene usurpatæ titulo laudari possint, de eo quidem jure dubitatur. Quippe ibi primum omnium notandum est, quod tale philosophandi genus, quo ab uno extremorum ad alterum continuo descenditur, & secundum illud Aristotelis in Ethicis ἀκρὸν λάβει, καὶ μίσην ἔχει, summa omnia petuntur, quo vitæ infimis mediocritas obtineantur, nec conveniens satis Libertati Senatoriæ, atque insuper etiam semper in eâ periculosum, & ideo nunquam æmulandum sit: v. g. quando, ut, his in exemplis accidit, malo illi, ne Reges ex tanta fortuna solam usurpando licentiam, concessa sibi omnia in omnes, adeoque dominationem potius & servos, quàm rectorem & cives cogitent, ca-

vendo, violento nimis remedio adhibito omnis proflus potestas illis abnuitur, eaque è contratio ad populum translata, is, cui tantum ne metueret prospiciendum erat, tanquam metuendus ultro ostendatur: aut quando, quod superiore sæculo à quibusdam, licet bono forte proposito, publicis in scriptis minus caute admissum est, quo nimia bellandi libido coërceatur, statim eo decurritur, ut Christianis plane non bellandum esse, asseratur.

Neque enim, primo, muneris illius, à quo tamen Libertas nostra ordinarie dependet, & ad cuius simulacrum etiam ab alio, quàm Senatore semper exerceri debet, sanctitatem, fucus & mangonium potius, sine quibus tamen talia ostendi nequeunt, quam, quæ omnis boni consilii anima est, veritas decet. Deinde etiam, si fucus factus appareat, ut hîc quidem vix non denique apparet, cum consiliarii ipsius famam & auctoritatem gravissime lædi, tum simul quoque cæteris, quæ ex vero etiam ab eo dicta fuerint, omnem fidem adimi necesse est: Et postremo denique, ne malo illo, cui ita egregie provisum creditur, gravius longe aliud atrociusque ex ipso adeo immoderatæ medicinæ usu oriatur, nunquam satis cautum erit, cum nil quidem facilius fieri possit, quam ut, si in proposito primum exemplo maneamus, injuria ab una parte repulsa injungatur alteri, cuique præsens imperium semper grave esse solet, populus, tanta sibi in principem licere persuasus, speretâ obsequii gloria iudicium in actiones ejus affectare, mox quandocunque visum fuerit frenum excutere, & in vagam ac immoderatam non tam libertatem, quàm licentiam se vindicare discat; quo tamen ipso nil exitiosum magis, aut æque concitandis bellis civilibus, & evertendis Rebuspubl. natum fingi vel cogitari potest.

Alias ut singularim circa utrumque Librum, quando suis lenociniis lectoribus non satis cautis facile imponunt, aliquid notetur; in *Franco-Gallia* quidem, ubi per latus Galliarum omnes reliqui petuntur, unusquisque paulo prudentior, multifariam illorum Regum tempora confundi, & quod hi secundum ea nunc majori nunc minori jure atque potestate gavisî sint, non attendi: Præterea verò nihil valide probari, & restimo-

stimoniolum vicem loca partim non satis clara, partim etiam ambigua, aut ex scriptoribus nequaquam sufficiente talium rerum peritia instructis petita, adduci facile animadverter.

Bruti autem *Vindicia* illo tempore in Gallia scriptæ sunt, quo hæc de Tyrannis agitata quæstio majores adhuc turbas excitare potuit, & reipsa quoque excitavit, quando jam antea satis Protestantibus infensa factio Catholica, ubi tam perniciosum insuper ab illis dogma propugnari vidit, tanquam contra divinarum atque humanarum legum contemptores, Regisque & Reip. professos hostes acrius multo insurrexit, atque non nisi quam plurimo illorum sanguine tantum crimen elui posse judicavit.

De cætero libellum hunc, eas hypotheses, quæ tranquillitatem publicam in quibuscunque regnis perturbare valeant, defendere, iis firmandis plurima S. Scripturæ loca scdè corrumpere, adeoque eam libertatem præ se ferre, quæ ut verba *Fabii* huc transferam, comes seditionum, effrenati populi incitamentum, sine obsequio, sine servitute, contumax, temeraria, arrogans, nec in bene constitutis civitatibus oriri, aut prudentem virum sive senatorem decere possit, manifestum est.

Dial. de
Or. 40, 2.

Scilicet in toto hoc negotio omnia modo suo atque ratione fieri oportet, & si cancellos hic præfixos vel paululum egressus fueris, frustra jam idem, quod antea, aut privatim decus, aut publice compendium speraveris, de quo ipso mox nonnihil latius agemus, si prius unam adhuc causam, quæ antecedentibus cohæret, & quidem; An etiam in aliena Republ. libertatis hujus quidam esse usus possit, viderimus.

Ubi & posse maxime usum ejus esse, & reapse quoque sapius fuisse, respondetur; præsertim in eo casu, quo Legatus aliquis perniciem à fœderato populo, aut dedecus fortasse quoddam ita se avertere valere judicabat; sicut id quam plurima exempla docent. ex quibus hîc memoratu satis dignum illud Pomponii Belleurei, Legati Gallici videtur, qui Anno 1586. ab Henrico III. G.R. in causâ Reginæ Scottorum Mariæ in Angliam missus, præter elegantissimam illam & satis copiosam ad Elisabetham habitam orationem, quam *Thuanus* historiæ suæ inseruit, etiam ut *Cambdenus* testatur, semel atque iterum supplicium Principis illius scripto publice edito dissuasit,

l. 86. p. 157.
in Elisab.
p. 479.

*De modo à prudenti Senatore, vel pro re nata bono
cive, in hac Libertate adhibendo
differitur.*

Verum, prout diximus, ad illud nobis properandum est, ut quibus modis haberi temperanter Libertas nostra cum à prudenti Senatore, tum etiam à bono Cive possit, exponamus. Primum ergo statim illud, quod supra etiam modo tetigimus, monendum est: Seriâ Philosophiâ omnino niti Libertatem hanc debere, ablegatis omnibus *superfluis* & coloribus, ad opinionem falsam, quasi temporari necessariam, aut utilem, animis ingenerandam excogitatis, aut inventis.

Quo scilicet præter duos illos modo à nobis perstrictos
l.34. p.227. libellos, etiam ille apud *Thuanum* Anonymi cujusdam in Gallia pertinet, quo Principis & magistratus ab eo instituti auctoritas detortis ex sacra scriptura argumentis cavillatorie in dubium vocabatur; à Protestantibus tamen Lugduni, A. 1562. publice combustus. Nec non eo referri debet apud
l.36. p.294. eundem Joh. Begati, Senatoris Divionensis, Apologia, qua duas religiones in eodem regno admitti non debere, & vero id ad Dei contumeliam pertinere, nec citra publicæ quietis detrimentum ferri posse, multis rationibus probare conatus est. Quippe iis ipsis scriptis hi Autores nihil aliud, quam ut, quacunque etiam ratione id fieret, suæ factionis hominibus, diversæ parti eo magis resistendi animum fiduciamque adderent, quæsierunt.

Alterum, quod circa Libertatis Senatoriæ exercitium meritò observes, illud est: ut forma Reip. & legum auctoritas non mentem minus, quam linguam & calamus moderentur. Nam quisquis extra hos limites suaserit, ille dum præsentia fortasse ex usu rerum componere tentabit, ingentibus in futurum malis, & quæ in everisionem quoque Reip. valere possint, occasionem patefaciet. Quippe imputantur olim talia exempla, & dum sub iis excusatiùs omnia accipi mos est, ita progrediuntur paulatim, ut semper auctiora, non prius finem facile inveniant, quam ubi eo processum fuerit, ut aut perire civitatem, aut nova formâ imbui necesse sit.

Præ-

Præterea non intempestive etiam, aut declamatorie in hoc negotio versandum est. Plerumque enim talis oratio iis animis accipitur, quibus illa *Musonii Ruffi*, bona pacis ac belli *Tac. H. 3. 81* discrimina, inter armatos, & omnem prolationem, tanquam victoriæ inimicam suspectantes, differentis accepta est; ut nimirum *plerisque ludibrio*, pluribus *tadio* sit; alii vero insuper eâ ipsâ accendantur, & adversus monentem pervicaces fiant: de quo ipso etiam supra, cum de tempore huic Libertati nostræ opportuno ageremus, aliquid dictum est. Accedit ingens etiam ipsius, qui suadet, periculum, quod etiam *Tacitus* hic non reticuit, quando: *non deerant*, inquit, *qui propellerent proculcarentque, ni admonitu modestissimi cuiusque, & aliis minicantibus, omisisset intempestivam sapientiam.* Et adeo incommoda *ἀντισπαρά*, præterquam, quod vana & frustranea, etiam haud raro auctori suo infelix est.

Quod singillatim declamatorium dicendi genus attinet, quo *Musonium*, ut qui *studium philosophiæ & placita Stoicorum amulatus*, haud dubie tumorem inde arrogantiamque aliquam contraxerat, hoc loco usum esse historicus innuere videtur; illud certe ad explicandam Libertatem nostram nunquam ita feliciter adhiberi poterit, quin & ingens ille verborum inanum strepitus, & captata ubique sententiarum acumina, & ostentata nimis facundia, nec non denique ipsa gestus ineptia, ut etiam hic accidit, moveant fastidium auditoribus, & consilium quoque egregium ingratum irritumque rediant.

Quanquam ostentationem omnem alias à Libertate Senatoria non excludamus; quin desideremus ibi potius, & ubi adfuerit, insigni usui fore credamus. Sed nimirum differt stolidam quædam & inanis in dicendo elatio ab illâ ostentatione, quam *Mucianus* aliquis decorè, & cum inventione qua *Tac. H. 2. 80.* dam artificioque in Rep. adhibens, præter insitam vim eloquentiæ etiam decus dictis suis omnibus, & gratiam, & speciem eâ ipsâ conciliat. Quin enim hæc arcanis quibusdam radiis animos oculosque audientium perstringat, ipsam dicentis majestatem augustiorem efficiat, facilemque adeo assensum etiam ab invitis quodammodo extorqueat, negari, ut puto, non potest.

Si-

Sicut autem omnem declamationis speciem à Libertate hac abesse volumus : Ita quoque nec τὰ διαφθικὰ, nec τὰ γερνικὰ, hoc in genere omnino admittimus. Illa ideò, quod parum nobis ea hinc consilia se approbent, quæ miram equidem sagacitatis acrimonizque speciem præbeant, inventionis etiam subtilitate, ac rationum copiâ se efferant, ubique adeo auctoris sui ingenium ostendant : Interim tamen intra nudam contemplationis suavitatem subsistant, & quando in ipso rerum actu ad negotii, cui parabantur, formam, habitum, modumque exegeris, deficiant penitus, & tractatu inepta, temporibus aliena, stolta denique & ridicula plerunque appareant. Hæc, quod ipsa ratio minime ad summam profici posse, doceat, nisi vera rerum, quæ deductæ in deliberationem fuerint, species oculis animisque semper & ubique inhæreat, ac ad eam omnia quam proxime dirigantur.

Sed supersunt adhuc alia, quorum rationem maximam in Libertatis nostræ usu habere consultum est, & ista fere sunt : quod sc. verbis acerbioribus, & offensionis aliorum concitandæ nimis promptis, præsertim ubi responderi opus fuerit, abstinendum ; quod modestiæ privati aliquando non obliuiscendum ; quod per modum etiam iudicii, aut arrogantis definitionis nunquam ; semper vero mitiori dubitationis, comonitionis, obtestationis, consultationis viâ hinc progrediendum sit. Inprimis autem, quod ab odio, misericordiâ, favore, irâ, & similibus affectibus vacuum esse, non partium studio, non privatis utilitatibus duci ; sed salutem publicam unice quæri, huc impendi omnes cogitationes, exigere labores, institui sermones, neque fines cogitari alios, quam quos ipsa præscripserit, oporteat. Nam prioribus vel omnibus, vel singulis neglectis sperato nos successu plerumque quidem destitui contingeret : Posterioribus vero admissis, majoris adhuc mali metus ostenditur, & cum à vero multipliciter aberrari, tum Remp. desertam male mulctari, ac privatorum etiam copias varie affligi necesse est. Quippe constat & constabit semper dicto

XXVI. 36, illi Liviano sua veritas : *Rep. salva facile incolumis cuiusque res prestat : publica prodendo tua nequicquam serves.*

Hæc utilitatum privatarum hinc illata mentio egregii apud
Tac.

Tac. exempli nos admonere potest; ubi *M. Hortalus* Oratoris Hortensii nepos, loco sententiæ, subsidia liberis suis à Principe, in Senatu, petiisse, memoratur. Quippe posset hic alicui oriri ista dubitatio: An non etiam iste Libertate Senatoria malè & quidem contra *majorum* institutum usus esse videatur, à quibus, ut bene alias hoc loco *Tiberius*, egredi aliquando relationem, & quod in commune conducat, loco sententiæ proferre, non ideo ut privata quisque negotia & res familiares suas auget, concessum erat?

A. 2. 37. &
38.

Verum dari tamen innocenti Viri hujus in paupertate manifesta, illustris suæ domus ruinam ita avertere volentis proposito veniam posse crediderim, cum præsertim etiam nobilium familiarum bona aut mala ad Remp. pertinere videantur, neque parvum inde decus eidem conciliari posse, Principem optimum, Augustum existimasse appareat, quando ne clarissimæ stirpis posterius deficerent, liberalitate decies sesterium Hortalum hunc ducere uxorem, suscipere liberos illexit.

Nam Tiberium quidem preces has superbius accepisse, nihil mirum est, quando tyrannis sinistra erga eminentes interpretatio satis frequens, atque adeo nobilitas omnis ita exosa est, ut non tantum nihil minus, quàm ejusdem ab interitu servandæ curam suscipiant, ut potius, quicquid excoësum est, cadere cupiant, nec priusquam ingentem domuum illustrium solitudinem fecerint, securos sese esse credant. Certe vanitas illius vocis, quâ idem *Tiberius* postea, omnia se dicta factaque *Augusti* vice legis observare, aliquando in Senatu jactavit, hoc exemplo quoque non obscure deprehendi potuit: nam egregie sc. Augustum imitatus est, qui, quam iste familiam ad pristinum splendorem excitare tantopere studuit, ipse pudendam ad inopiam dilabi vidit, neque intercessit.

Tac. A. 44
37. 4.

Verum jam in viam nobis revertendum & ad ea rursum, quæ amplius in Libertatis Senatoriæ usu desiderari possint, veniendum est. Quin ergo Prudentia hîc universæ alias, perspicendis rerum non in præsens modo, sed in futurum quoque commodis atque incommodis; evoluendis latentibus plerumque earum causis; attribus, prætextis, coloribus, quorum nimis frequens in civilibus usus, discernendis, intelligendis,

Bbb bbb

de-

deprehendendis semper requiratur; præsertim vero ab ipsa negotii alicujus tractatione adeo abesse nequeat, ut si absit, etiam ea, quæ de cætero & benè, & honeste, & vere dicta fuerint, non irrita modo & inania, sed proflus majori quoque malo Reipub. conciliando idonea sint, vix quisquam dubitabit.

Nam arctissimum sane Divæ hujus cum Virtute commercium est, neque exempla defunt, quæ nec in Rep. aut bono Senatore invicem disjungi debere, nec etiam, ubi disjunctæ fuerint, feliciter cessisse, satis evidenter ostendant. Sicut notum & celebre alias, ita tamen magno præ aliis hîc documento illud Catonis, jam sæpius nobis memorati esse potest. Hic, ut *Vellejanum* elogium sonat, *homo virtuti semillimus*, modestiæque, decoris, sed maxime severitatis studiosus, & vicissim contra alios, qui diversis artibus in Republ. utebantur, semper obrectator, & obliquus, dum omnia ad suæ vitæ normam rigore quodam, cujus illud seculum non capax erat, exigit, & *tanquam in Platonis πολιτεια*, ut Cicero alicubi notat, *non tanquam in Romuli face sententias dicit*, hanc quidem gloriam, ut *optimo* in Remp. animo, & *summa fide uti*, diceretur, meruit; interea tamen prudentiæ moderationem plerumque egressus, non parum publico nocuit, & hac asperitate suâ nihil aliud, quam ut ingeniorum maximorum potentiam ad Remp. eo citius invadendam concitaret, effecit.

Inter recentiores pulcherrimum nobis & memorabile Libertatis Senatoriæ benè quidem satis, non tamen in universum prudenter exercitiæ specimen *Mich. Huraltus Hospitalius*, magni & supra laudati Hospitalii nepos præbet, libello illo suo, quem A. C. 1588. *Veracis* nomine in Gallia evulgavit. Erat ille libellus revera talis, qualem hic titulus pollicebatur, & summâ integritate patriæ calamitates, trium, in quas tum Regnum scissum erat, factionum opes, & malorum denique tantorum origines, quas ille partim Regis segnitiam, partim Guisii ambitionem interpretabatur, exponebat. Etiam eo tempore prodierat, quo omnibus studio partium accensis, liberam & nemini addictam vocem publice audiri, concordie pacisque intererat, quam sc. rarò pati possunt animi, ni fatalibus præparati remediis turbas & errorem suum prius derestari discant.

Ve-

Thuan. l.
92. p. 348.
& 349-

Verum enim verò in eo tamen Scriptoris prudentiam nonnihil desideres, quod parum secum reputans, melius talia in secreto moneri quam palam prædicari; & infirmitatem partis Regiæ nimis ostendere, & Regis ipsius ineptam lenitatem atque patientiam acerbe traducere; Guisii contra fortem & ad magna natam industriam, felicemque virtutem tantopere laudare, aut decorum satis, aut parum periculosum credidit. Quippe eo ipso Guisio, sua sponte nimis elato, ad majora facinora audenda animum addi posse, cogitare debuerat, & vicissim ne contemptâ prorsus majestate imperantis, regnum super regem ruere inciperet, vereri. Quorum alterum quidem, annotante id *Historico*, factum, Guisiusque sic accensus, novis exemplis priora vincere conatus est: Alterum vero omnino futurum erat, nisi tot tandem injuriis & contumeliis exacerbatus Rex capessere fortiora remedia, & paulo post pugionibus aliquot à contemptu sese vindicare prope- rasset.

Quemadmodum autem nisi Prudentia lumen suum Libertati Senatoriæ affulgeat, facile ea offendere & damnis etiam ingentibus Remp. mactare potest: ita rursus consiliatricis quoque hujus Prudentiæ proprium non modo adjumentum, sed & instrumentum, adeoque telum, Eloquentia est, quâ sine ista quodam modo languet, hebet, & semper suadendo, tandem nemini persuadet. Quomodo enim satis appareant, quæ non satis explicantur? Quomodo sic vel aliter sentiant, & decernant, quibus nondû idoneis argumentis, cur ita sentiendû, aut decernendum sit, ostensum est? Scilicet, & si omnia artificia & ornamenta hîc abesse jubeantur, tamen natura rerum, negotii cujuslibet ingenium, forma & habitus; Item, an, & qua ratione id, quod suscipitur, utile Reip. aut gloriosum, temporibus congruum, statui & statûs consiliis non adversum, neq; etiam effectui arduum sit, & similia, prius exponenda sunt, antequam assensum audientiû quis polliceri sibi possit. Quippe rarò admodû contingit, homines alia, quâ ad quæ propriâ libidine feruntur, ita pronis auribus accipere, ut statim absq; præviâ & quidem copiosâ satis, ac evidenti declaratione ea arripiant, ac in exitum deducant.

Quid? quod haud raro fallere eos oporteat, ut noscere

Bbb bbb 1

bona

bona sua, & salvi esse velint: An non, ergo tunc quam speciosissime adornare consilium suum, necessitatis erit, quodque simplex veritas non poterat, illud eadem exornata & expolita præstabit? Etiam interdum facundiæ maligne aut obnoxie suadentium, opponi aliam facundiam in Rep. necesse est, ac vicisset absque dubio illa apud *Sallust.* Cæsaris, de conjuratis Catilinæ, sententia, nisi tum Resp. Catonem suum habuisset, qui pari eloquentiâ instructus, in contrarium iret, & cæteros orationis suæ vi & pondere in viam revocaret. *Helvidii* certe *inexercitatem* & *ejusmodi certaminum rudem sapientiam* his artibus *Eprinus Marcellus* apud *Tac.* elulit, & quàm præcipui nuper rerum Gallicarum arbitri *Richelii* generosa & magnifica dicendi ratio etiam gravissima quæque & singularia valde consilia, quum primo nullius assensum mererentur, pro unicus denique & optimis accipi fecerit, ex *Gramondo* discere licebit.

Fab. Dial.
de or. c. 3.
H. IV. 7. &
2.

His ita Prudentiæ simul atque Eloquentiæ viribus subnixæ Libertas nostra, utrum voce melius, an scripto explicetur, definire eo difficilius videtur, quod uter etiam modus dextre adhibitus fuerit, de successu tamen non minus bene sperari queat. Interim ubicunque illud fieri possit, vel maxime ego vocem boni Civis aut senatoris desiderem: nescio enim quomodo suadentis præsentia aures sibi omnium facilius aperiat, citiusque visa & audita, quam lecta animos occupent. Non inconsultum tamen fuerit, simul scriptum quoque in eorum manus exhibere, ad quos aditus patere possit; nam ea ipsa, quæ sermone, cui brevitatis hic maxime convenit, non satis explicata fuerint, latius hinc deducta, adhuc melius se ita mentibus insinuabunt, & obsequio multo proniores eas reddent.

Cæterum, quoniam sæpissime accidit, ut neutrum fieri possit, non immerito quaeritur: An ergo edito publice scripto, & quidem interdum citra nomen Autoris, Libertas hæc bene exerceatur? Dici potest, quod si usquam nomen suum occultare liceat, id certe hinc admitti queat, si cætera nimirum omnia, & modestiam propositi commendent, & intra limites statutos subsistant, Secus enim tale scriptionis genus famosum libel-

libellum aliquom, cujus tamen institutum turpius merito censeas, quam ut tam sanctæ rei, qualis libertas nostra est, conveniat, facile referre, & sic decere bonum virum amplius non potest.

An per *ambigua* etiam hîc agere consultum sit, valde dubites; quando dum obscuriora & ambigua ea esse necesse est, vix per illa obtineri posse Libertatis hujus finis videatur, aut ne aliorum, etiam & in contrarium potius accipiantur omnia, insuper verendum sit. Datur tamen non malo, ita sibi melius cavere volentium consilio hæc venia, ut & illa ratione Reip. studium & curam suam approbent; quandoquidem non semper successum omnem talibus deesse, & interdum quoque iis ipsis homines, ut plures de præsentibus cogitationes suscipiendas sibi arbitrentur, excitari compertum est.

Quin nec Satyras omnino hinc excludimus, modo turpitudine verborum rerumque obscenitate vitatâ, ultra liberam vitiorum insectationem, aut errorum exprobrationem non procedant, nec fortasse in proteruam conviciandi & maledicendi libidinem erumpant. Nam vera quidem vocabula rebus imponere, atque nimis aucta vitia Satyrico sale perfricare, ut non æque liberum, aut tutum; ita tamen in publicum utile, & viris egregiis probatum semper, ac interdum quoque usurpatum fuit; adeo, ut ne quidem scriptores maxime sobrios, quin suis operibus, non sine arte tamen quadam, & servatâ instituti sui lege, tale quid infererent, abstinuisse videas; & quicumque apud *Tacitum* Vitellianos characteres diligentius paulo consideraverit, is fateatur necesse est, nec acerbius quicquam, nec rursus, in re tam seriâ, festivum magis ab ullo Satyrico dici potuisse.

Per Comica alias, & Dramatica quandoque etiam huic Libertati explicandæ locus erit; hueque maxime Vetus Comædia spectabat, quæ non modo privatos, sed publicos etiam civitatis mores sugillare, quamvis, ut vulgata libertas in licentiam denique transire amat, nimîa interdum petulantia solebat. Sed inter recentes ævique nostri scriptores, cuius tamen pene ex antiquis comparandus *Barclains* elegantissimum hîc specimen, & in spectaculo illo, quod sub fictis nominibus con-

filia Melandriorum, Icoleontis libertati specie pacis insidian-
rium, exponens, Satyrico ejus insertum est; & in venustissima
illa *Argenide* suâ exhibuit. Hæc enim cum tota fere libertatis
Senatoriæ prudenter & decore exercitiæ nomine commendari
mereatur, etiam perfectum & nisi quod numeris nullis adstri-
cta ejus oratio est, omnibus suis partibus absolutum Drama
appellari potest.

Inprimis tamen Libertatem Senatoriam sub Veteris
Historiæ imagine repræsentari decorum etiam, & tutum fue-
rit; repertique cum hujus tum prioris seculi magni quidam
viri sunt, qui hanc potissimum suis sententiis securè in pub-
lico exponendis attem adhiberent. Horum è numero etiam
qui ingens in literis nomen, ac in Græcis quidem ipsi etiam
Erasmo præferri meruit, *Guil. Budam* est. Nam hic in egre-
gio ille & nunquam satis commendando opere, cui *de transi-
tu Hellenismi ad Christianismum* titulum posuit, pulcherri-
mum rei huius documentum dedit, & dum antiqua omnia
lectoribus promittit, interim se ad præsentem semper Galliæ
suæ statum oculum reflectere, eique his consiliis subventum
velle, satis evidenter ostendit.

Neque etiam alio *Antiqua Batavia Grotii*, quam eo
pertinuit, ut cum Remp. in qua degebat, palam arguere
non satis tutum judicaret, laudando publice antiquam, id
ipsum, sed tamen mollius occultiusque patrarer. Cui Gro-
tiano proposito simile illud *Jacobi Goshofredi* fuit in tribus
illis Orationibus, quibus *Vipiani*, *Juliani*, & *Achaice* nomi-
na indidit. Quippe & ille sub veteribus exemplis Liberta-
tem Senatoriam bono Imperii nostri pulcherrime exercuit,
atque adeo ita in universum ibi differnit, ut & ipse à menti-
one rerum, quas animo agitabat, abstineret, & tamen pru-
dentioribus, quo hæc omnia collimarent, haud difficulter
apparere posset.

His ergo diversis Libertatis nostræ modis breviter osten-
sis non frustra illa Quæstio adjicitur: Quonam itaque modo
hodiè in Imperio nostro bonus aliquis, Reip. tamen nego-
riis alias non permixtus Civis eâ ipsâ Libertate commodè,
securè & laudabiliter defungi possit? Ubi quidem, relicto

ta-

tamen cuique libero alia & meliora censendi arbitrio, & tutissimus & utilissimus modus ille videtur: quando scilicet, cum quædam controversia, aut aliquid aliud, quod Libertatis Senatoriz remedium exposcere videatur, inciderit, ex antiquis rerum monumentis, quid olim in tali aut simili causâ actum, disceptatum, iudicatum sit, edito publice scripto, bonâ fide, solide & clare ostendatur; suspensio tamen hîc iudicio suo, & ad lectores candidos, adeoque eos, quorum de re totâ notio futura sit, rejecto. Namque ita Scriptôr & invidiam partium vitaverit, & nihilo secius tamen, quid de præsentî negotio sentiendum sit, cuivis facile patebit.

Neque vero metuendum erit, ne omnes promiscue has sibi partes sumant, aliisque diligentia, aliis fidei, aliis etiam iudicii non satis huc afferentibus, ipsi ita Libertati huic & decus omne & pretium & utilitas decedat. Quippe tale quid audere, tamque arduo operi haud succumbere, non quorumvis, sed eorum tantum esse, qui non evoluerè demum priorum seculorum memorias necesse habeant, sed vasto eas ingenii sui ambitu conclusas circumferentes jam plene possideant, adeoque non peregrinentur amplius in Antiquitate, sed jam diu habitaverint; prudentissimus quisque mihi largietur.

*Vsus Libertatis Senatoriæ in diversis Rerump.
formis monstratur.*

Post modum in Libertate Senatoria servandum satis expositum; Vsum quoque ejus ex propinquo speculabimur, & quidem; qualis ille in distinctis Rerumpub. formis esse possit, ostendemus.

Hîc nobis primo statim loco *Regnum* sive *Principatus* sese offert. In eo igitur Senatores & Consiliarios ita Libertate Senatoriâ uti debere notandum est, ut maxime caveant, ne Principis potestatem minuire, & præter auctoritatem consilii, potestatis consortium affectare videantur. Alias enim fiet, ut quandocunque Principes, qui plerunque tanquam rerum temporumque domini, trahere consiliis cuncta, non sequi volunt, spirare altiora illos, & quomodo suis consiliis necessitatis vim adjungant, cogitare senserint; etiam optima quæque ab iis proposita, tanquam arrogantia suspecta con-

remnant, & ne eorum parere sententiis coacti videantur, in diversa ac deteriora quoque interdum transeant. *Senatum* certe *Lutetianum* pervicaciâ illa suâ, quâ sibi competere edicta Regia aut confirmandi, aut rejiciendi potestatem asserendo, inde etiam eorum promulgationi crebro repugnabat; aliquoties nil aliud obtinuisse legimus, quam ut gravissime increpitus, dare denique manum, & Regis imperio invictus obedire cogeretur: quemadmodum *Thuanus* l. 29. p. 75. & l. 35. p. 251. nec non *Gramondus* l. 5. p. 278. seqq. ac l. 15. p. 669. seqq. illud ipsum annotarunt.

Quo postremo quidem loco, dignum mihi, quod hîc etiam memoraretur, visum est, illustre & multum aliis laudatum Libertatis Senatoriæ ad extremum usque halitum constanter propugnata, in *Lud. Servino*, Fisci Advocato, exemplum. Hic tunc, cum pro more suo confidenter & facunde, ingentique animi contentione, ad præsentem in Curia Regem, pro populo loqueretur, subito correptus deliquio, & mox intercluso spiritu exanimatus est; adeo ut primo quidam fingi hoc ab eo, & quo magis morientem populum exprimeret, simulari mortem crediderint. Scilicet non magis Imperatorem, aut militem, quam Senatorem stantem mori decere, hoc exitu suo approbavit: vel ideo etiam non parum felix judicandus, quod adeo similem sibi, & in quo pro superstite haberi posset, successorem nactus est *Hieron. Bignonium*, virum eloquentiæ, virtutis, ac eruditionis famâ illustrem, & *Gallicum*, ut *Historicus* loquitur, *Catonem*; qui & ipse tamen nuper non sine magno Libertatis Senatoriæ in Galliâ damno, & omnium Eruditorum luctu, fato suo functus est.

VI.4.

Sed hi quidem officii sui partes pulcre impleverint: aliud vero documentum ejus, quàm ægerrime Principes à Senatoribus in jura sua involari, aut quicquam in iis rebus, quarum sibi curam unice servarint, attingi, ferre soleant, *Tiberius* olim apud *Tac.* dedit: Cum enim, non tam quidem altiori aliquo consilio, quam adulationis studio *Junius Gallio* in Senatu censuisset; ut pratoriani actis stipendiis inus adipiscerentur in quatuordecim ordinibus sedendi; non tantum violenter continuo & velut coram rogitando: *Quid illi cum militibus, quos neq, dilecta Imperatoris, neq, præmia, nisi ab Imperatore accipere par esset?*

esset? à Principe increpitum, sed & Curia statim, deinde Italia exactum *Historicus* refert.

Nempe semper & in universum hinc in Principatum meminisse imperantium, & summum iis rerum iudicium datum esse, cogitare Senatorem oportebit. Nec non illud etiam: Placere modum libertatis etiam optimis Principibus; sævorum ingenia prudentiâ & moderatione leniri; mirandum Labeonem aliquem, Capitonem non culpandum, Lepidum tamen sequendum esse; & sicut inani jactatione libertatis unâ cum famâ odium etiam futurumque plerumque provocari contingat: ita inter abruptam contumaciam & deforme obsequium eo laudis haud raro excedi posse, quo multi alii per præcipitia, sed in nullum Reip. usum ambizioso exitu inclaruerunt.

Principatum *Aristocratia* sequitur: In hac, aut mixtâ etiam Rep. valde excellenter locum hæc Libertas habet. Id quod & Romana exempla testantur, & ipsius etiam Senatûs multo amplior in tali, quam alio statu splendor & autoritas facile evincit. Sed legibus tamen Aristocraticis, & disciplinæ Curiaæ perpetuo hic serviendum est, nec *Catonis* illa, quâ diem dicendi mora extrahebat, consuetudo approbati unquam posset, nisi Cæsaris & aliorum potentium continua adversus libertatem omnium molimina, hac ipsa sc. arte nonnihil reprimenda, necessariam cam Reip. fecissent. Quod etiam *Cicero* agnovit, qui cum *alibi* non diffiteatur; *constantiam magis & integritate, quam consilio aut ingenio* Catonem Remp. curare videri; tamen in libb. de legibus hunc ipsum prolixæ orationis usum in eo laudat quodammodo, dum ita inquit: *Non brevitatis modo Senatoris, sed etiam Oratoris magna laus est in sententia. Nec est unquam longâ oratione utendum, nisi aut peccante Senatu, quod sit ambitione sapissime; nullo magistratu adjuvante, tolli diem utile est; aut cum tanta causa est, ut opus sit Oratoris copia, vel ad hortandum, vel ad docendum: quorum generum in utroque magnus noster Cato est.* Cætera, quæ ut nunquam non in usu Libertatis nostræ, ita quoque hic servari debent, partim cum *de modo* ageremus, satis indicata sunt, partim etiam mox infra indicabuntur.

Nunc quidem & de *Democratia* pauca nobis dicenda restant. In illâ clarissimos quosque Oratores Libertate Senato-

riâ egregie usos esse satis constat. Nam & interdum, quamvis non consulti aut ad dicendum invitati, nihilominus tamen quæ in præsentibus negotiis è Rep. esse credebant, gravi & composita oratione explicabant, & rursus cum de hac vel illa causa dicere rogati, aut dicturos se professi essent, plerunque alia quoque in melius mutando civitatis statui prudenter reperta adjucentes, quandoque etiam, de quibus nemo alias referre ausus erat, proponebant.

Exempli tantum causâ, quando aliud jam institutum nostrum non patitur, Oraciones *Olynthiacas Philippicasque Demosthenis*: *Socialem* seu de *Pace*, nec non *Areopagiticam Iſocratis*; ut & istam *Lyſia contra Philonem* nominamus. Nempe facile cordatus lector singulorum, per quæ oratores eximios exercuisse Libertatem Senatoriam diximus, specimina ibidem deprehendet, & exinde etiam de iis, quæ tanti viri hac in causa alia occasione præstiterint, etsi omnia eorum scripta non evoluat, statim judicabit. Sane neque in *forensibus orationibus* inspergere ea, quæ ad Remp. in universum pertinebant, omnino omittebant, sed tanquam perpetui salutis publicæ custodes, dum alii ex Tribunis aut in vulgus grata, aut plane aliena, nonnunquam etiam nocitura loquebantur, ipsi imminetia etiam cum periculo suo, non minus verè, quam cordate libereque, & quocunque loco atque tempore, populo multo ante denunciabant.

Vbi quidem alias monendum fuerit, nisi talium potissimum, prudentiâ, cæterisque Senatoriis artibus valentium virorum ore efferri Libertatem hanc contingat, maxime de cætero periculosum ejus in Democratia usum esse. Quippe neque paucis aliquibus concedi eum posse; cum hoc jam æqualitatem dedecere videatur; nec rursus promiscue omnibus; nam inde turbas & contentiones aliaque mala oritura; Multo minus vero Tribunis; illos enim non nisi ad multitudinis arbitria loqui & tacere consuevisse: Certe ut aliquis inter Tribunos aliter faciat, h. e. publicam utilitatem, non favorem vulgi respiciat, spei magis, quàm formæ esse, in mera quidem Democratia, de qua nobis hætenus sermo erat.

Cæterum cum hodie puras & meras Democratas nupiam dari,

dari, constet, de his etiam non multum laborandum nobis erit. Temperatæ quidem Democratiae Libertate Senatoria & ornantur multum, & juvantur; ita tamen ut nec in his difficultate omni hoc negotium careat. Quamvis enim Democratia temperata naturaliter insit, ut vel collegium aliquod, vel magistratus, vel consilarii Libertate Senatoria quoties opus erit, uti possint; ne sc. aut hinc libido populi grassetur, illinc paucorum dominatio increseat; Tamen ubi pauci isti populi oculos animosque in se traxere, tum illi quanquam rem Democratiae adversissimam, *ἐναντιοκρατία* nempe sæpe moliuntur, populi auxilium, adversus homines libere & cordate consulentes, suis partibus adjungant, & sic utilissimas ac necessarias Reip. linguas aut ad silentium prorsus redigunt, aut ne oratione sua obtinere possint, efficiunt.

Quaedam Libertati Senatoriae adversa, atq. discrepantia enumerantur, & brevis epilogus subjicitur.

Et hic etiam diversus Libertatis nostræ usus est; restat itaque ut abutū quoque ejus, adeoque ea, quæ sub rei tam honeste imagine haud raro fallunt, quam paucissimis evoluamus.

Nempe sicut Libertatem nostram Reip. juvandæ destinari, vero etiam sinceroque proposito niti, moderatis rationibus & civiliter admodum gubernari omnino debere statuimus, nisi licentia, & quidvis potius, quam Libertas Senatoria audire velit: Ita sequentia ejusdem sancto nomini minime convenire, sed pleraque malis artibus accenseri debere, arbitramur.

E, c. in *Monarchia* aliquis auctoritatem sibi & potentiam in aula obtentu Libertatis Senatoriæ, sicuti in *Philota* causa apud *Alexandrum M. Craterus*, quærit. Alius favorem ita Principis adulatorie, ut sub *Tiberio* plerique *Senatores*, ambit. Alius rursus seditiosis molitionibus suis, ut sub *Dario* olim *Nabarzanes*, sub *Henrico III. G. R. Guisus*, hoc schema induit. Alius etiam invisos populo Principes, occultis & speciem hujus Libertatis præferentibus libris, quemadmodum prioris seculi exempla in *Gallia* testantur, facit. Neque ralia omnia hîc referre, servanda non immerito *Dissertationi* justa magnitudo concesserit.

Curt. 6. 8. 2.

Tac.

Curt. 5. 9. 3.

Thuan.

Id. l. 57. p.

969.

Interim non prætereundum callidissimum illud *Tiberii* in novo principatu *ἐπίστω* est, quo artibus quoque dominationis Libertatem senatoriam pulcherrime adhibuit. Offerebat ille se plerunque Magistratibus pro tribunali cognoscentibus consiliarium, assidebatque mistim vel ex adverso in parte primori, & si quem reorum elabi gratiâ rumor esset, subitus aderat, iudicesque aut è plano, aut è quaestoris tribunali legum, & religionis, & noxe de qua cognoscerent, admonebat &c. Nempe speciosa hic omnia, neque, si externa tantum spectes, inter laudes Principis egregii & ad utilitates publicas prout à *Suetonio* immerito relata. Sed nimirum aliud arcanum suberat, & ita ille statuendi potestatem judicantibus ereptum ibat. Id quod *πολιτικώτατος* Tacitus in loco illo, quo eadem alias de ipso refert, brevibus his annotasse satis habuit: *Dum veritati consulitur, in-quiens, libertas corrumpebatur.*

Frequens tamen & in aliis Rerump. formis Libertatis nostræ abusus est. In *Aristocratiâ*, aut mixto statu, velata hoc prætextu contendendi illa adversandique libido *ἐλπίς ἀρχῆς* plerunque *ὑπόθεσις* sapit: quod exempla *Appiorum* apud *Livium* testantur. In *Democratiâ* sub hac specie Tribunorum illa & Demagogorum importunitas populo imponit: de qua re *Demosthenes* toties in suis orationibus queritur.

Nihil verò, in omni etiam statu, sæpius contingit; quam ut interdum hic aut ille insanâ quadam gloriæ cupidine, & quo ipse etiam consiliis suis Remp. juvare, ac Libertatem istam exercere videatur; non tam quomodo profutura, quam quomodo nova in medium afferat, labore: Ut quidam rigorem quendam stolidum & intempestivam contumaciam, exemplo quorundam senatorum apud *Sueton.* pro libertate Senatoria accipiant: Ut multi exemplo *Laconis* apud *Tac. consilii*, quamvis egregii, quod non ipsi tamen attulerint, inimici nil præterquam dicta aut facta aliena reprehendere sciant, & sic Libertate nostrâ se egregie defungi credant. De quibus equidem illustrem *Sallustii* locum adscribere non piger, quando ita ille scriptor inquit; *Plerique mortales ad judicandum satis ingentis habent, aut simulant: Veruntamen ad reprehendenda aliena facta aut dicta ardet omnibus animus.*

Vix

Vix satis apertum os, aut lingua prompta videtur, quæ medicata pectore evoluet.

Ceterum cum & illi, & omnes hic enumerati, quique eorum rationes æmulantur, in usu Libertatis nostræ Senatoriæ graviter impingant, hacque suâ vecordiâ vel Reip. vel sibi ipsis periculum exitiumque attrahant; certe boni & cordati Senatoris aut etiam Civis fuerit, ad hos scopulos non obhærescere, sed recto itinere incedere, bonis artibus fidere, ad Remp. omnia referre, & debitum denique suis consiliis felicem successum secure expectare.

Et si quidem ille votis contrarius acciderit, tunc, Nec de futuro quenquam satis callidum satisque prudentem esse, quin etiam sæpe prava magis, quam bona consilia prospere evenire, quia plerasque res fortuna ex libidine sua agitat, cum *Salustio* cogitato. Sin vero ille tantum ab hominibus improbis interventus; aut ipsa sententia turpiter elusa ac illusa fuerit; tunc facti conscientiam satis sibi esse credito, & alio magnorum virorum, imprimis autem illo *Christophori Thunani*, Senatus Parisiensis primarii Præsidis exemplo se erigito. Hic enim, cum in Regis Henr. III. & Aloisiiæ Lotharingæ nuptiis, ex sumptibus inutilibus ac superfluis, qui in ludicra spectacula sine modo quotidie fiebant, aliquid, quod in militum stipendia impenderetur, rescari debere, magnâ & assiduâ contentione clamaret, aulicis Remp. privatis rebus suis posthabentibus, vir moris antiqui nihil præter ritum movit. Quem quidem risum ipse patienti tum & æquo animo pertulit, at iste postmodo, ut frequenter fieri amat, in fletum vertit, neque illud filius ejus *I. Aug. Thuanus* frustra, sed l. 61, p. 35. omnium aliorum consiliariorum solatio annotavit.

Orat. 2. ad
Cæs. pr.

Et huc usque etiam de Libertate Senatoria differere, præsentis instituti ratio permisit: reliqua occasione temporique alii melius seponentur. Candidi vero interim Lectoris erit, si quæ

hic bene dicta fuerint, iis acquiescere, cæteris
ignoscere, omnibus se æquum & benevolum præbere.

DISSERTATIO POLITICA

ad

Lysiae Summi Oratoris Orationes

XV. & XXX.

ΔΟΚΙΜΑΣΙΑΝ ΑΤΤΙΚΗΝ

exhibentes.

CAP. I.

CUM jam per aliquod tempus constituissem, exercitationem aliquam Academicam conscribere, in delectu vero argumenti idonei semper hæsissem: commodè tandem facta mihi fuit copia elegantissimarum orationum *Lysiae*, in quibus, cum inter alia præclara & utilia deprehendissem, *Orat. 15. & 30.* contineri consuetudinem δοκιμασίας Magistratum apud Athenienses, idque argumentum cum ob raritatem, tum ob dignitatem mirifice mihi placeret, statim cum animo meo decrevi laudatissimum illum & nobilissimum morem, quem Athenienses à δημοτικῷ λόγῳ *Solone* acceperunt, hæc dissertatione delineare.

2. Hic mos ita se habet. Quum *Athenienses* Magistratus suos per sortem, beneficio fabarum, eligerent, nemo admitti poterat, qui non examen vitæ & morum subiisset, atque demonstrasset, idoneum se esse ad capeSSendam rempublicam. Quod si qui igitur parum laudatæ vitæ convincebantur, in illorum locum substituebantur, qui secunda sortitione lecti erant, ἐπιλαρόντες dicti: Sin autem probabantur, solenni jurejurando fidem suam reip. obstringebant, quod accuratè docet *Sigonius*. Rationem hujus consuetudinis hanc intendit hominum cautiSSimus *Solon*, ne per incuriam, quod in sortitionibus sæpe fieri amat, fortasse constituerent eos homines κυρίως ἀπάντων νοινῶν, οἷς εἰς εἰς τῶν ἰδίων τὴν ἐπιβίβειν &c. ut loquitur *Iſoc.* Præter hanc rationem, aliam adhuc suppeditat nobis *Lysias*, ne scil. δι' ἧς ἡ δημοκρατία κατελύετο, ἔτοι ἐν αὐτῇ τῇ πολιτείᾳ πάλιν ἄρξωσιν &c. causam statim subjungit, dicens; ὡς ἐν τῷ ἑκατονδικοτάως ἄρχειν, ἢ τὴν πολιτείαν, καὶ τὸ ἄλλο πλῆθος σώζεται. Et hanc ratio-

l. 2. de rep.
Athen. c. 3.
& l. 4. c. 1.

in Panath.

orat. 25. de
probat. E-
vandri.
in orat. pro
Mantith.

tionem maximè urget *Noster*, ideoque dicit; ἐν ταῖς δοκιμασίαις l. 8. ονομαστικὸν εἶναι πάντες τὸ βίη λόγον διδόναι. Confirmat nostram de *mass.* c. 6. δοκιμασίᾳ Attica sententiam *Pollux* his verbis: Δοκιμασία δὲ, τοῖς ἀρχαῖοις ἀπὸ πηγυρίαις, καὶ τοῖς κληρωτοῖς, καὶ τοῖς αἰρετοῖς, εἴτ' ἐπιθρονοῖς εἶσιν ἀρχαῖν, εἴτε καὶ μὴ. Notanter dicit *Pollux*, καὶ τοῖς κληρωτοῖς, καὶ τοῖς αἰρετοῖς, quia non tantum sorte electi, tenebantur examen publicum sustinere; sed etiam αἰρετοί, hoc est, qui extra ordinem operibus publicis perficiendis, ex Senatus, populi-que decreto præficiébantur: imo idem etiam Magistratibus χειροτονητοῖς eveniebat. Erat autem Oratorum à civitate probatorum, si quem nossent ex candidatis, ordine Senatorio indignum, id significare, & quare eundem ininus idoneum censerent, declarare: idque sub religione Jurisjurandi, quod ex principio *orat. Lys.* patet, qui ita loquitur: Ἐγὼ δὲ ὑμῶν, εἰς-πλῆθος εἰς τὸ δικαστήριον, τὰ βέλτιστα συμβαλύνειν τῇ πόλει, ὥστε δὲ ἐν τῷ ὄρκῳ, ἀποφαίνεσθαι, εἴ τις τινὰ ἑὶδὲ τῶν λαχόντων ἀνεπιτήδειον ὄντα βελύνειν, quam rationem mox repetit. Quum autem Athenienses, homines quippe πολιτικώτατοι, non sufficere existimarent, ante initum magistratum aliquem esse vitæ integræ; sed insuper requirerent, ut Senatores in ipsa administratione rei-publicæ essent scelere puri, aliud adhuc quoddam genus δοκιμασίας excogitarunt, quod ὑπόμνην nuncuparunt.

contraPhi-
lon.

Quæ eo respiciebat, ut ii, qui magistratu abirent, ratio-nes ad Logistas referrent, utrum munere suo probè, an secus defuncti fuissent. Qui igitur convincebantur rerum malè gestarum, pœnas ex lege dabant, docente eod., *Sigon.* l. c. Dicitur hoc *Lysia* ὑπόμνην δέναι & per synonymiam δίκην δέναι.

orat. 13. in
Alciadiad.
it. or. 24. &
29. in Nico-
mach. hu-
jus crimi-
nis reum.
it. or. 25.
prob. Ev.

3. Nomen δοκιμασίας *Interpres Pollux* latinè reddidit *cen-
suram*, *Sigon.* probationem. quam vocem etiam *Interpres Lysia* retinet, vocat tamen alicubi etiam *inquisitionem*. Confirmatur vox probationis à *Glossariis vet.* Græco Lat. & Latino Græco, itemq; *Onomastico antiquo*, ubi δοκιμασία per probationem & examinationem, atque hæc rursus per δοκιμασίας explicantur.

4. Specimina duo Nobilia hujus δοκιμασίας proponuntur nobis in *Lysia*, uno X. Græciæ Oratorum, Scriptore optimo, perspicuo, & eleganti. Cujus quidem orationes plurimæ in-
juria

juria temporum, & incuria majorum, interciderunt, ex reliquis tamen nobis adhuc judicare integrum est, de viribus & nervis ingenii ipsius. Quantus autem fuerit stili puritate, & proprietate, sententiarum probitate, aliisque ornamentis rhetoricis, nostrum nunc non est dispicere, adeantur ipsi fontes, *Cic. Quintilian, aliique. Plutarchus & Photius* vocant illum *πιδανώτατον καὶ βραχυτάτον*, ex omnibus splendidissime de eo judicavit *Dionys. Halicarnas.* acerrimus Græcorum Censor, qui omnes ipsius virtutes, prolixè refert, inter alia autem hunc in modum de illo censet; *πάντες δὲ γράφας λόγους &c. τῶν μὲν ἔμπροσθεν γεγενημένων ῥητόρων, ἢ κατὰ τὸν αὐτὸν χρόνον ἀκμασούντων ἡπάντι τὰς δόξας, τῶν δὲ ἐπιγενομένων ἢ πολλοῖς τισὶ κατέλιπεν ὑπερβολήν.* Horum speciminum unum est *pro Mantistheo*, Magistratu recens lecto, quem nonnulli deferebant, quasi minus esset idoneus ad rempublicam gubernandam, propter amorem oligarchiæ, & vitæ improbitatem: *Lysias* verò adversariorum calumnias diluendo, docet, *Mantisthem* munere publico dignissimum esse ob rationes, quas infra notabimus. Alterum *Lysia* nostri specimen est *contra Philonem*, sortitione in senatum allectum, quem ipse vehementer accusat, cujus accusationis rationes infra quoque exponemus.

§. Ex lectione duarum harum orationum, nasci potuit occasio observationis alicujus politicæ, quàm laudabili nimirum exemplo Populus Atheniensis, in delectu Magistratuum proborum, aliis præverit. Hanc Magistratuum probationem *Isocrates*, aliique magno opere commendant. Si enim Certaminibus Olympicis nullis interesse licet, nisi iis de quibus exploratum habebant, parentes ipsorum nulla infamiæ
 v. Lys. or. 24. de pop. statu.
 labe asperfos fuisse: quanto magis in vitam & mores eorum erit inquirendum, qui censores aliorum in rebus similibus futuri, & in excelso loco constituendi sunt?

6. Quoniam verò duo in hac *δοκιμασίᾳ* spectabantur, ipsam proinde in duas partes secabimus. I. pars aget de moribus Senatoris, ad eam præcipuè civitatis formam, in qua vivit, relatis. II. de moribus privatis. De utroque capite operæ pretium est agere.

CAP. II.

1. **C**oncurrunt officium boni civis & boni viri in hac δοκιμασίᾳ, id est, oportebat & civem bonum & virum bonum esse, qui Senator aut Magistratus Athenis erat futurus, ex norma bene constitutæ reip. Quanquam autem Aristoteles aliàs distinguat boni civis & boni viri virtutem; in Magistratu tamen conjungit. Inquit enim: *φαμὲν δὲ τὸ ἀρχόντα τὸν σπουδαῖον, ἀγαθόν, δυνεῖν εἶναι καὶ φρόνιμον τὸ δὲ πολιτικὸν ἀναγκάειν εἶναι φρόνιμον.* Itaque 3. (al. 4.) asserit, Magistratum & civis & viri boni virtute præditum esse debere. Nam Magistratus debet esse prudens, ut sciat imperare, quia est politicus: politici autem propria & maxima virtus est prudentia. Non minori tamen cura anniti debet, ut sit vir bonus, ne ea in remp. admittat, quæ parum decora sunt; vel formam reip. in *παρέκβασιν* aliquam deflectat. Hæc igitur duo in δοκιμασίᾳ Attica spectabantur. Itaque *Mantithen* utrumque statim in propositione sibi probandum sumit, *se nimirum, & civem & virum bonum esse*: & contra, *Philonem* utraque hac virtute destitutum esse, ostendit *Lysias*.

2. De priori prius erit agendum. Boni civis officium duabus rebus absolvitur: 1. amore & studio reip. II. Facultate civilia munia, imperando vel parendo, exequendi.

3. Amor & studium in remp. intelligitur ita: ut officio civis, qua civis est, contineri cogitemus, ut amet præsentem statum, sive eam reip. formam salvam velit & firmam, cujus est civis. quod *Aristoteles* simili à nautis deducto egregiè il. 1. sup. cit. illustrat. Etsi enim nautæ dissimilia obeunt munia; nihilo tamen minus, ἡ σωτηρία τῆς ναυτίλλας ἔργον ἐστὶν αὐτῶν πάντων ὁμοίως τοίον καὶ τῶν πολιτῶν, καὶ περ ἀνομείων ὄντων ἡ σωτηρία τῆς κοινῆς ἔργον ἐστὶ. Sicut igitur navigantium commune est opus navigatio, finis verò ejus, navis in portum deductio, & ex ea emergens salus omnium: ita omnium civium una & communis est aliqua virtus, & finis, reip. nimirum conservatio, quæ ex amore & studio erga eam maximè profluit. In hac conservatione salus totius civitatis est fundata. quoniam ex mente *Isocratis*, ἐστὶ ψυχὴ πόλεως ἑδὲν ἄλλο, ἢ πολιτεία, τοσαύτην ἔχουσα δύναμιν, ὅσην περ ἐν σώματι φρόνησις. αὕτη γάρ ἐστιν ἡ βουλευομένη in Arco- pag. & Pa- nathen.

Ddd ddd

πτεῖ.

13. Philipp. πρὸς ἀπείρην, καὶ τὰ μὲν ἀγαθὰ διαφυλάττειν, τὰς δὲ συμφερούς διαφύγεσθαι, καὶ πάντων αἰτία τῶν τῆς πόλεως συμβαινόντων ἀγαθῶν. quia igitur, suffragante *Cicerone*, omnibus bonis expedit, temp. esse salvam, nullo alio fundamento salus ipsius firmitus innitetur, quàm amore, quo eam civis bonus tenetur protequi.

4. *Amor autem reip.* non tantum in eo consistit, ut civis, rebus suæ civitatis maximè florentibus, illam amet, & nihil contra eam molietur vel machinetur: sed quod caput fermè amoris in rempublicam habetur, insuper requiritur, ut eidem nutanti & periclitanti pro viribus subveniat, neq; periculis sese subducatur, sed caput eisdem fortiter objeget, quo in argumento *Manti-them* non exiguam fiduciam & robur collocat, dicens: πρὸς τοῖνυν τὴν ἐρασίαν, καὶ τὴν κινδύνον τὴν πρὸς τὴν πολέμω, σκίψας ἑὸν ἱμαυλὸν παρέχω τῇ πόλει. ordine deinceps recenset, quanta animi constantia & firmitudine pro patria pugnârit. ex eâdem ratione *Lysias Philonem* in odium inducere conatur. quod vitæ & facultatibus suis parcens, oppressæ reip. nullas suppetias tulerit, adeoque utilitati privatæ magis, quam publicæ salutis consulerit. asserit igitur hominem illum Senatui maximè esse idoneum, qui temp. prosperè agere velit, etiamsi id cum domestico fiat incommodo: διὰ τὸ ἀναγκαῖον σεῖσιν αὐτοῖς ἡγεῖσθαι εἶναι μετέχειν τὸ μέρος τῶν δεινῶν, ὥσπερ καὶ τῶν ἀγαθῶν μετέχειν, ut ibidem *Noster* loquitur.

Cic. l. 5. Tuscul. quæst. 5. Ex quo probare non vult calcatum vulgo proverbium: *Patria est, ubicunque bene est*, quod *Poeta* generalius. Stat. l. 8. ita expressit:

Theb.

Omne homini natale solum.

Et Ovid. l. 1. fastor.

Omne solum forti patria est, ut piscibus aquor,

Ut volucri vacuo quicquid in orbe pates.

Pro aris & focis potius dimicandum esse judicat *Lysias*, ita disputans: καὶ γὰρ οἱ φύσει μὲν πολίται εἰσὶ, γνῶμεν δὲ χρῶνται ὡς πάντα γῆ πατρὶς αὐτοῖς εἶναι. ἐν ᾗ ἂν ἐπιπρόσθετα ἔχουσιν, ὅτε δὴ καὶ εἰσιν, ἔτι ἂν παρίεντες τὸ τῆς πόλεως κοινὸν ἀγαθόν, ἐπὶ τὸ ἑαυτῶν ἰδίον κέρδος ἰδόντων. διὰ τὸ μὴ τὴν πόλιν, ἀλλὰ τὴν εἰς αὐτὴν πατρίδα αὐτοῖς ἡγεῖσθαι. Propterea bonus civis patriam non minus diligere debet,

l. 4. fam. ep. 2.

bet, quando deformior est, sed misereri potius, sicut scribit Cic. & si vires adsint in libertatem asserere. Fœdissimam illi sibi maculam inurunt, iudicio *Lysia*, qui, patriâ sub ictu reli-
ctâ, aliò sese conferunt, & ruinæ otiosos se spectatores ex tu-
tiori loco præbent. quum tamen

Dulce sit & decorum pro patria mori.

quo modo Cato apud *Lucan.* Brutum suum instituit,

Horat. l. 1.
carm. od. 2.
l. 2. pharsal.

6. Exempla fortissimorum patriæ propugnatorum, apud
historicos plurima occurrunt, qui immortalem adepti sunt
gloriam. Meminerunt Deciorum, Bruti primi Cos. Codri,
Thrasylbuli, aliorumque *Livius*, *Sallustius*, *Iustinus*, passim,
Cornelius Nepos. Eximiam meruerunt laudem Athenienses,
qui nulla pericula detreçarunt, vitæque prodigi omnia sibi
tentanda & sustinenda putarunt, ut temp. pristinam recupe-
rarent, sicut id, præter *historicos*, ex *Lysia* constat, qui & ipse
suis sumtibus 300. equites bono reip. armasse perhibetur. Et,
quicumque id facere abnuebant, civium loco amplius non ha-
bebantur. inde est, ut contra *Philonem Lys.* ita ratiocinetur:

Val. Max.
l. 5. c. 6.

ἔστιν ἢ ἔσσοι δύσκολος ἢν ὠφελεῖν, τοσούτον κακὸς ἢν, πῶς ἔα εἰς οἰκίαν
ὑπὸ πάντων ὑμῶν μισοῖται.

7. Hic autem affectus partim *natura* & *ingenio* suscita-
tur: partim *disciplina* & *proposito* paratur firmaturque.

8. Sunt enim homines omninò diverso ingenio prædi-
ti, ut alii magis *regnum*, alii *aristocratiam*, alii *democratiam*,
quinimo harum formarum excessus sive *παρεκβάσεις* appetant.
Quemadmodum in omnibus rebus vel appetendis vel fugien-
dis, hominum ingenia varia sunt: alia enim in has, alia in illas
diducuntur partes, prout quemq; sua trahit voluptas: ita quàm
maximè hoc observatur; singulis nationibus non tantum singu-
larem quendam genium, cum lacte quasi materno, & aëre patrio
infusum esse, ut his vel illis affectibus, studiis & moribus præci-
puè sint addicti. hinc majorum suorum virtutes vel vitia, quasi
sorte quâdam sibi contraxisse videntur. Aliis enim inest natu-
ralis quædam levitas; aliis gravitas: aliis Bœotica quædam tar-
ditas; aliis Attica ἀργιότης: aliis mansuetudo; aliis quædam
ferocia: de qua re vid. *Barclajus*. Sicut igitur homines uni-
versim diversissimis sunt præditi ingeniis; ita & pro hac inge-

in Icone.
mor.

Ddd ddd 2

mo.

niorum & studiorum varietate, alii amant hanc, alii aliam reip. formam, quod ipsum Aristoteles nobis suggerit, dicens: *ἡ δὲν δὴ κατανοήσεν ἂν τις τὴν τέλει, βλέπει ἐπὶ τὴν πλείω τὰς εὐδοκίμους τῶν Ἑλλήνων, καὶ πρὸς πᾶσαν τὴν οἰκουμένην, ὡς διεληπταί τοῖς ἕνεσι.* Inde docet, homines frigidiora loca incolentes, libertatem constantius tueri, adeoque ad tolerandam monarchiam non aptos esse, quod de *Germanis Tacit.* sæpius affirmat. Asiae vero populos contra, qui servitute & regno despotico sub regnis Persarum, Parthorum, Macedonum, & deinceps Romanorum, semper fuerunt pressi. Græcos autem suos, ut magno animo & intelligentia pollentes, dicit *Aristot.* optimam & liberrimam reip. administrandæ rationem habere. Et sanè ita est. vet. Græci, nunquam passi sunt sibi imponi jugum, usque ad tempora Romanorum; sed semper Aristocratia, vel Democratia, ἀριστοκρατία tamen μακρομύνη, ut *Isocr.* in *Panath.* testatur, naturâ suâ favebant. Romani quoque, licet resp. eorum variis mutationibus fuerit obnoxia, popularem tamen statum vel mixtum, natura sua omni tempore amaverunt, usque ad Julii Cæsaris tempora, qui perpetuam sibi dictaturam sumsit, atque Monarchiæ Princeps exitit, quæ in sequentia etiam secula permansit, etiamsi nonnulli sæpius recalcitrare voluerint, & interdum quædam per simulachra aristocratia, in primis sub novis Principibus administrata fuerint à populo, qui illustribus familiis, monarchiæ capacibus, non multum favebat; In populari enim Imperio, cui P. R. præcipuè antea suetus erat, plerunque iniquior æstimatio illustriores familias excipit, è prava multitudinis opinione, quasi libertati plebis nihil magis adversetur aut obtreddet, quàm generis prærogativa, & honor sanguinis. Itaque cum in omni hominum genere, quædam voluntatum & studiorum circa imperii formas dissimilitudo animadvertatur: ut alii quidem unius imperio sponte faveant; aliorum natura optimatum potestati accommodatior sit; nonnullos popularis libertas unicè afficiat (ut hætenus verbis *Exc. Dn. Pras. ex Diff. in Tib. Cæs. §. 2. & 5.* utar) luculenter apparet, nullos esse gratiores & utiliores cives, quàm qui formam civitatis suæ amant naturali quâdam propensione.

9. Pra-

9. Præcipuum ergo erit in cive eminente, & ad regendam ope & consilio temp. diligendo, si ingenio sit in reip. formam sua sponte propenso, ejusdemque studiosus & amans in omni fortuna. Sed inanendum est nobis in democratia, cujus exemplum habet respublica Attica, ad cujus administrationem ineptos & perniciosos esse judicat *Lysias* eos, quorum, ut *Philonis*, *ἡπιθυύματα πάσης δημοκρατίας ἀλλότρια*. Quanquam autem in ea inprimis legum & judiciorum adversus spiritus oligarchicos severitas spectetur; quia tamen hæc ad *δύττερον πλεον* pertinent, isto negotio nos superfedebimus. Illa vero *δοκιμασία*, de qua loquimur, *τῶν προφυλακτικῶν* est.

10. Hinc præcipua & perpetua custodia democraticæ reip. est, ne in senatum adiscantur, aut Magistratum gerant, ingenia oligarchica aut tyrannica. Talia definiuntur *superbia* & *crudelitate*. *Superbia* indoles est hæc, ut omnes alios præ se contemnat, & alto supercilio despiciat, invadit illa homines præcipuè eos, qui secundo fortunæ afflatu utuntur, vel magnitudine aliqua animi excellere sibi videntur: unde volunt esse Principes omnium, neque disceptione, nec ullo jure, nec legibus communibus vinci se patiuntur, vel teneri arbitrantur: existuntque in rep. plerumque largitores, ut gratiam imperitæ multitudinis, & auram popularem venientur, sicut tales *χαρακτηρίζει Cicerō*. ex quo deinde provenit, ut fiant autores factionum, facces & tubæ seditionum, neque curant, quibus artibus quàm maximas opes consequantur, & in id omni studio contendunt, ut vi potius sint superiores, quàm justitia. nam istiusmodi ingeniis

Stat. I. 1.
Theb.

Stare loco.

Summo dulcius unum

Ex qua ratione hoc sibi symbolum cum *Niobe* constituunt:

Major sum, quàm cui possit fortuna nocere:

Excessere metum mea jam bona.

Ovid. l. 6.
metamorph. f. 3.

Nunquam cogitantes de querela *Capne*, quæ æmula quondam erat Romanorum, apud *Ausonius*:

Hec nunquam stabilem sortita superbia sedem!

Sed omnia pro lubitu suo agunt; in rep. principes se constituant, suoque ingenio adblandientes parasitastros admini-

Ddd ddd 3

Ata-

stationi publicorum munerum admovent; viros prudentes, paupertate, bonæ mentis plerumque sorore, depressos, à muneribus & officiis publicis arcent, tandemque, postquam indies majores spiritus sumserunt, ex rep. libera dominatum faciunt.

Sen. Herc.
fur. v. 252.
& 342.

11. Succenturiatur demum superbix crudelitas, quæ ex-
lex esse cupit. *cujus symbolum: ϕ us est in armis. &*
Quod civibus tenere te invitis scias,
Serictus tuctur ensis.

orat. de
popul. sta-
tu,

Aufert hæc, & rapit imperium falsis nominibus. maximos honores decernit delatoribus, & improbitatis suæ juratis ministris. quod *Lys.* noster expressit de XXX virali oligarchia: γ ὰρ τὸς τῶ πλείοι ἀγαθῷ τινὶ αἰτίῃς γενομένοις χάριτος παρ' αὐτῶν ἤξιον τυγχάνειν, ἀλλὰ τὸς πλείοι κατὰ ὑμᾶς εἰργασμένοις εἰς τὸς τιμὰς καθίσταν, ὥς ταύτην παρ' ἡμῶν τίσιν εἰληφότες. quod argumentum, si quisquam alius, splendide persequitur *Cornel. Tacitus* plur.

Juven. sat. locis. Ex delationibus nascuntur innumeræ cædes, nam:

4-

————— *Quid violentius, aure tyranni?*

inprimis vitorum illustrium, quorum virtutes hominibus oligarchicis & tyrannicis vehementer sunt suspectæ. cujus rei plena est historia Romana apud *Sueton. Tacit. Herodian. &* alios. Crudelitas autem ubi semel radices egit, nunquam ex animis truculentorum illorum hominum, evelli potest, quia

Lucan. l. 1.

————— *Nullus semel ore receptus*

Pollutas patitur sanguis mansuescere fauces.

Tales homines erant XXX. illi tyranni, Atheniensibus à Lacedæmoniis præfecti. evidentissimum documentum habemus in nostro *Lysia* orat. 11. contra *Eratoſth.* unum ex illis XXX. Tyrannis, qui *Lysia* fratrem in urbe sibi obviam factum comprehendit, & cum nonnullis aliis indicta causâ, eâ morte peremit, quâ Socratem sublatum esse dicunt. Hic *Eratoſthenes*, ex ingenio spiritus oligarchici, & accusator & Judex erat *Polemarchi*, fratris *Lysia*, de quo *Noster* ita: ϵ τος μὲν γὰρ, κατήγορος καὶ δίκης αὐτὸς ἦν τῶν γινομένων. & mox postea de omnibus tyrannis ita loquitur: καὶ τοὶ ϵ τοι μὲν τὸς ὑδὲν ἀδικήτας ἀκρίτως ἀπέκλειναν. dignissima sanè est illa oratio, quæ tota legatur, exhibet enim perfectam descriptionem non tantum

XXX.

orat. cit.
31.

XXX. illorum tyrannorum, satisque clare & prolixè crudelitatem facinorum ipsorum exponit; sed etiam hypotyposin habet omnium aliorum, qui animo in rempublicam solent esse infesto ac oligarchico, ex qua brevibus exscribere liber atrocitatem & immanitatem XXX. tyrannorum, quam *Lyfias* his verbis complexus est: τὸς μὲν ἐκ τῆς ἀγορῆς τὸς δ' ἐκ τῶν ἱερῶν συναρπάζοντες, βιαίως ἀπέκλειον. τοὺς δὲ, ἀπὸ τέκνων καὶ γυναικῶν ἀφελόντες, φοβίας αὐτῶν ἠνάγκασαν γινώσκειν, καὶ εἰδὲ ταφῆς τῆς τομιζομένης εἶασιν τυχεῖν. quibus verbis nihil rotundius & simul explanatius dici potuisse videtur.

12. Solent autem homines oligarchici nonnunquam crudelitati suæ quasdam προφάσεις καὶ σκέψεις prætexere; quâ in re mirum in modum etiam subacti fuerunt illi XXX. viri, de quibus *Noster*: ἐπεὶ δὲ οἱ πριάκοντα, πονηροὶ μὲν καὶ συκοφάνται ὄντες, εἰς τὴν ἀρχὴν καθίστησαν, φάσκοντες χρεῖναι τῶν ἀδίκων καθαρεῖν ποιῆσαι τὴν πόλιν, καὶ τοὺς λοιποὺς πολῖτας ἐπ' ἀρετὴν δικαιοσύνην καλεῖσθαι. καὶ τοιαῦτα λέγοντες, ἢ τοιαῦτα ποιεῖν καὶ ἐτόλμων. Ex quibus fluit, omnibus viribus prohibendum esse, ne ingenia oligarchica summa rerum in democratia potiantur.

orat. cir.
con. Era-
tostr.

13. Quia verò non rarò evenire solet, ut homines πονηροὶ καὶ μακάριοι, in principio mira vafricie & calliditate animum regere possint, quod in Monarchia Romana, in *Nerone*, *Commodo*, aliisque videre est; & demum postea, quando dominatum suum satis stabilitum & confirmatum credunt, erumpant, & ad ingenium redeant, alio opus erit remedio. Ut nimirum, quod in democratia facillè fieri potest, adamantinis legum, judiciorum, & coercionū vinculis constringantur, ne ea faciant, quæ democratico reip. statui parum congruunt, aut civili consuetudini, ac libertati populari intoleranda sunt. Apud Romanos vetus atq; insita Claudii familiæ superbia. *Tacito* memorata, apud *Livium*, superbissima & crudelissima ix. imperiosissima & superbissima dicitur, *Suetonio* dicuntur Claudii adversus populum violenti & contumaces. Hæc plurimarum Romæ turbarum causas dedit, & adhuc intolerabilior fuisset in mera democratia: sed propter jus ex aristocratia mixtum, populus facilius ista sustinuit.

I. r. annal.
c. 4.
l. 2. c. 56. l. 9.
c. 29.
c. 2. in V.
Tib.

14. Diximus hætenus, affectum benevolum in remp. excitari naturâ & ingenio. Dicendum nunc de altero, quo amor

in

in civitatem paratur, nempe de disciplina, quæ provenit I. ex bona educatione. Nam in natura hominum & ingenio, non satis firmum, & omnibus numeris absolutum præsidium ad conservandam rempublicam esse putamus: quia ingenium humanum, inprimis juvenum, valdè est instabile, &

Sen. Thy-
est. v. 308.

Pejora juvenes facile præcepta audiunt:

In Areo-
pag.

or, allata.

idcirco amor & studium in temp. arcta & severa educatione fortius est confirmandum. Ex proba educatione omnia bona in civitatem Atheniensium reduplasse autor est *Isocrates*. Præfecerant illi quondam Censores morum, quibus inspectio juniorum demandata erat. Tantum autem ibi ponderis habebat proba educatio, ut eam omnibus legibus præferre non dubitet *Orator modo nominatus*. Neque leve accuratæ educationis exemplum elucet in nostro *Mantitheo*, hunc in modum gloriantes:

I. 8. polia.
6. 1.

μέγιστον μοι ἡγῆμαι τεκμήριον εἶναι τῆς ἡμῶς ἐπιτηκίας, ὅτι τῶν πατέρων, ὅσα πρὸς κύβητος ἢ πόντος ἢ πρὸς τούτας τὰς ἀπολαύσεις τυγχάνουσι τὰς διατριβὰς ποιούμενοι, πάντας αὐτὸς ὄψιδέ μοι διαφέρεις ὄντας &c. ex quo apparet, nisi Mantitheus egregie fuisset educatus, & per exactam disciplinam à commercio malorum segregatus, eum nunquam de se potuisse talia prædicare. Omnium illustrissimus est locus, *viri maximi, Aristotelis nostri*, de educatione dicentis: ὅτι μὲν ἐν τῇ νομοθεσίᾳ μάλα καὶ πραγματευθῆναι περὶ τῶν νέων παιδείαν, οὐδεὶς ἂν ἀμφισβητήσειν, καὶ γὰρ ἐν ταῖς πόλεσιν ἡ γήγρομενον τῷτο, βλάπτει τὰς πολιτείας. Præcipit autem ibidem, juvenes iis moribus esse imbuendos, quibus maxime illa respublica gaudet & juvatur, in qua vivere debent, exempl. gr. in Populari statu, populares mores imbibere decet: sicut in statu optimatum, eos, quibus Aristocratici delectantur. Educatio autem ipsa, ex mente *Aristotelis* sit publica, δὲ γὰρ τῶν κοινῶν κοινὴν ποιῆσαι καὶ τὴν ἀσκήσιν. Sed quia hæc instituto nostro non magnopere inserviunt, lubenter ea præterimus.

15. Hinc est, quod viri summi, *Plato, Cicero, Isocrates, Plutarchus* tanto studio de diligenti liberorum educatione scripserunt. Potest juvenis manu parentum & aliorum, quorum fidei commissus est, fingi ad instar ceræ, ut imago universæ educationis ipsius, in omnem secururam ætatem sit mansura. Semina virtutis.

virtutum, maximâ curâ & diligentia, ita ei sunt inferenda, ut in naturam abiisse postea videri possint: vitiorum verò terro aspectu ob oculos posito, inclinationes ad illa paulatim sunt excindendæ. maxima profectò debetur puero reverentia *se-* Sat. 14.
cundum *Juvenalem*:

Nil fædum dictu visus, hac limina tangeant,

Intra quæ puer est. nam

Gratum est quod Patria civem, populoq, dedisti,

Si facis, ut patria sit idoneus.

id. ibid. conf. *Hor.* passim. Ubicunque igitur hæc duo, bonum ingenium, & proba educatio conspirarint, ibi de prospero successu, & salute publicâ non erit dubitandum.

16. Comparatur II. vel augetur studium in rempublicam *literis & doctrina*:

Doctrina sed vim promovet insitam,

Rectique cultus pectora roborant.

*Horat. l. 4.
carm. od.*

4*

ἢ μὲν ὁραοῖς ἀπὸ τοῦ περιέχοντος αἴρος λαμβάνει τὸ φῶς, ἢ δὲ ψυχὴ ἀπὸ τῶν μαθημάτων, solitus fuit dicere *Aristoteles* apud *Diogen. Laert.*

Et si quosdam impetus amor ille in rempublicam à natura sumit, tamen est perficiendus doctrina: avidè hæc animo haurienda, sed ad usum quoque deinde transferenda, ab illis præcipuè, qui in spem patriæ succrescunt, & in luce hominum ac foro aliquando versari debent. unde dogma Euripideum discendum, cujus memoriam nobis conservarunt *Aristoteles &*

Stobæus: quum aliquis principi cuidam suasor esset & autor, ut verborum flores & lenocinia aucuparetur, Princeps laudabiliter respondit: *l. 3. polit. c. 3. serm. 43. de Principi*

Μή μοι τὰ κομψά, ἀλλὰ ὧν πίλει δέῃ.

17. Studia verò talium esse debent, *prudentia civilis & militaris*, partim usu; partim assidua historiarum evolutione acquisita. Cui ex more & ingenio hodierni inprimis seculi, accedere debet scientia *architectura*, & similium artium, quibus reip. negotia carere non possunt. Ita olim laudatissimi quique Virorum informati & educati fuerunt.

vid. omnino Xenoph. in præd. Cy.

18. Sed ne discedamus ab exemplo: qui in democratia, ut Athenis, de quibus nobis sermo est, vitam acturi sunt, debebant potissimum talibus scriptis gaudere, ex quibus cogni-

Ecc ecc

tio-

tionem rerum Atticarum haurire liceat, qualia consignaverunt Historici, Oratores, Poetæ. Ex illis *Thucydides* & *Xenophon*; ex Oratoribus *Demosthenes* & *Isocrates*, nocturna diurnaque manu versandi. *Isocrates* præsertim solus, civi in populari rep. honores gesturo, plus prudentiæ, & utilis disciplinæ præmonstrabit, quam omnis peregrina versutia, cum suis artibus ad fallendum, opprimendum, dominandum plerumque pertinentibus. Quid de peregrinis istis versutiis & technis sentiendum sit, complexus est, *Cl. Dn. Præf. in diss. de peregr. Cas. German. §. 47.* *Livii* historia Romana, civi democratico rempublicam gesturo, non parum suppediet accurationis disciplinæ, ut intelligatur ex ipsa mixtura moris Aristocratici, Democraticarum artium sinceritas, & variz declinationis gradus cognoscantur.

19. Studium erga rempublicam acquiritur & conservatur III. *legibus*, ad reipublicæ cujusque formam examussim accommodatis, monente *Aristotele*, qui ita philosophatur: οἱ δὲ νόμοι ἀγορεύουσι περὶ πάντων, τοχάζοντο ἢ τῇ κοινῇ συμφέροντος πᾶσιν, ἢ τοῖς ἀρίστοις, ἢ τοῖς κυνέοις, ἢ κατ' ἀρετὴν, ἢ κατ' ἄλλον τινὰ τρόπον. quod ipsum latius ibidem diducit, monstrans quomodo leges unicuique præscribant, vitam suam agere, ac nihil mali in rempubl. admittere. *Michael Ephesius* doctissimus hujus libri *Interpres*, τὸ τῇ κοινῇ συμφέροντι πᾶσι κατατοχάζουσαι ad δημοκρατίαν refert. cum alter, quem *Daniel Heinsius Andronicum Rhodium* putavit, minus accuratè, ad quamvis reipublica formam applicet. Nobilissimus apud eundem *Arist.* occurrit locus de legislatione, ubi ad nostram rem ita differit: ἐν γὰρ τοῖς νόμοις ἐστὶ σωτηρία τῆς πόλεως. ὥστ' ἀναγκαῖον εἶδέναι, πόσα τί ἐστὶ πολιτικῶν εἶδη, καὶ ποῖα συμφέρι ἐκάστη, καὶ ὑπὸ τίνων ἐθιρῆσαι πείσκει. Nam ut idem habet: τὸ τίλος ἐκάστης πολιτείας ἐστὶ λαοδότης. Sed nunc de illis legib. peculiariter sermo est, quæ mores democraticorum, sive consuetudinem democraticam præcipiunt & formant. de quibus regula: *quam feliciter aget respubl. democratica, in qua civibus remp. administrantibus impune licebit violare leges Democraticas*, illæ verò omnes spectant libertatem, siquidem δημοκρατίας τίλος ἐλευθερία. Si quando igitur leges democraticæ remittuntur,
- tum

Arist. I. I.
rhet. c. 8.
& I. 4. pol.
c. 8. II. I. 6.
c. 2.
orat. 13.

tum Democratia fit debilior, ut tandem migret in oligarchiam.

Aristoteles ibid.

cont. Alcibiad. leges patrias violantem.

20. Hinc est, quod *Lyfias* dicit : δοκῶ δὲ μοι καὶ πολίτη χρηστῷ, καὶ δικαστῷ δίκαιον ἔργον εἶναι, ταύτην τὴν νόμον διαλαμβάνειν, ὅσην εἰς τὸ λοιπὸν χρόνον μάλλιν συνοίσουν τῇ πόλει. Immo non posset stare ulla democratia, nisi acerrima custodia, & severa sanctione, legum democraticarum vigor conservaretur. Lege *Alcibiadis* historiam; quo potuissent bono cive uti Athenienses, nisi mores inciviles & oligarchicos tentare, mox apertius exerere, etiam peregrinè inferre eum sivissent. De quo *Noster* orat. contra *Alcibiadem* filium patri simillimum, gravius adhuc censet, eumque non tantum coercendum fuisse, sed citius necandum existimat, inquiens; ἢ τηλικούτων ὄντα ἀπεκτείναντι, ὅτε πρῶτον εἰς ὑμᾶς ἐλάβετε ἑξαμαρτυροῖα, ἐκ αὐτοῦ γιγνόντο συμφοραὶ τοσούτων τῇ πόλει.

21. Ad officium porro boni civis, spectat in δοκιμῶν Ἀττικῶν, ut aliquis facultate civilibus muneribus, imperando parandoque, fungendi, sit præditus. de quo tractat magnus noster *Aristoteles*: ἀλλὰ μὲν ἱπαινεῖται γὰρ τὸ δύνασθαι ἀρχεῖν καὶ ἀρχιδαι καὶ πολίτη δοκίμῳ ἢ ἀρετῇ εἶναι, τὸ δύνασθαι καὶ ἀρχεῖν καὶ ἀρχιδαι καλῶς. & rursus: δὲ δὲ τὸ πολίτην τὸ ἀγαθὸν ἱπτασθαι καὶ δύνασθαι καὶ ἀρχιδαι καὶ ἀρχεῖν. Hæc facultas in rep. democratica, sed & Aristocratica, mixtaque, fere concurrat, id est, ut unus idemque per vices scientissimus imperandi parendique sit: sed & de cetero suppletur altera pars in imperantibus, animi civilitate, & communi sensu, ut princeps, exempl. gratia, animum privati quodammodo induat, cogitetque, quid aut voluerit, aut noluerit sub alio principe. Aristotelis locus potissimum ad civem democraticum pertinet, illustraturque à *Cicerone*, qui sic philosophatur: nam & qui bene imperat, parnerit aliquando necesse est: & qui modestè paret, videtur, qui aliquando imperet, dignus esse: itaque oportet & eum, qui paret, sperare, se aliquo tempore imperaturum: & illum, qui imperat cogitare, brevi tempore esse parendum.

l. 3. politic. 3.

22. Sicut autem ex omni in rep. actione & vita τὸ δημοκρατικὸν τῷ ἥθει καὶ ἰσότητι potuit cognosci: ita δοκιμασία Ἀττικῶν apud *Lyfiam* singulare ejus rei argumentum petit ex ipso statu, & mutatione aliqua, sive perturbatione reipublicæ.

(de qua v.
diff. Ampl.
Dn. Præf. de
amnest. ad
Vell. c. 1. §.
16. seqq.)

Terent.
Andr. act.
1. sc. 1.

in orat. de
populari
statu.

Conf. Isocr.
de Bigis.
Amarit.
& advers.
Callimach

23. Perducta eò res erat, ut pauci ad se omnia traherent, adeoque *οι ηγάρχοντα* superbissimam, crudelissimamque oligarchiam exercerent: *Lyſſas* ergo, licet plura alia argumenta adducat pro Mantictheo, hinc tamen potentissimum argumentum petit, volens ostendere, tum maximè potuisse perspicui, qui à populari imperio animo essent alieno, nec ne. hîc enim locum habet illud poetæ: *qui cum ingenii conflictatur ejusmodi, neque commovetur animus in ea re tamen, scias posse habere jam ipsum sua vite modum.* Mantictheum autem rationes suas ab oligarchica ista consuetudinne omninò sejunctas habuisse, studioque in remp. constanti meruisse, ut Magistratu dignissimus judicaretur, ita demonstrat: Si Mantictheus spiritu fuisset oligarchico, & amans novitatis, in exilio certè non commoratus fuisset, sed commodissima hac occasione arreptâ, partibus tyrannorum accessisset, quoniam, *ἐν μὲν γὰρ διαγῆν ἐν ἐκείνῳ τῷ χρόνῳ χαλεπὸν ἦ, ἐξαρματάνειν δὲ τῷ βυλομένῳ ῥάδιον.* quem arietem *eadem* intorquet, quando ita argumentatur; *ὥς τε γὰρ τότε ὕδιν ἐξήμαρτον, ἔτω πολλὰς δεδομένης ἐξουσίας ἤπερ νῦν σφόδρα προθυμῶσμαι χρεῖσθαι εἶναι ἐν εἰδῶς, ὅτι ἰὰν ἀδικῶ, παραχρῆμα δάτω δίκην.* Tantum autem abest, ut Mantictheus in remp. peccaverit, ut potius contra hostem fortiter decertaverit; adeoque patriæ studiose subveniundo, salutaris civis, eamque ob causam honorum publicorum capax fuerit. Quemadmodum autem ætate XXX. virorum, animi oligarchici fuerunt detecti: Sic Romæ temporibus Marianis, Sullanis, Catilinariis, cognoscere potuerunt, quinam civium essent cupidi rerum novarum.

24. Ex his, quæ dicta sunt, non inelegans quæstio politica oritur, & ab *Oratore nostro* alibi tractatur: *An venia sit danda viro, qui vocatus vel coactus adjunxit sese improbis rebus dominis?* censetur omninò iniquum, improbis sese associare, decreta ipsorum tacendo probare, & ad flagitia illorum connivere. Possit tamen is rerum status incidere, ut bonus vir, etiam ubi mali dominantur, non planè debeat à rep. se abstinere. Quia hic bonus alii cuidam pravo aditum præcludit, & ita numerum improborum minuit. Bonus ille nihil mali machinabitur, ipse leges iniquas non feret, &c. Quæ omnia facturus vel aucturus fuisset nefarius civis, qui loco boni vi-

ri reip. esset adhibitus. Bonus porro, si malis consiliis aperte contradicere non audebit, interrogando tamen & disputando, quædam in controversiam vocabit & denique, occasione oblata, ipso facto conamina malorum reprimet, vel penitus abolebit. Quam quæstionem eruditè valdè, singulis momentis probè consideratis, discutit *Noster*, & inprimis hoc argumentum urget: *Si honi malis in urbe non fuissent permisi, exulibus nunquam paruisset reditus in urbem.*

orat. 19.
Polystr. &
loc. parall.
or. 24. & 25.

25. Licet autem haud rarò magnum constantis in temp. fidei argumentum esse hoc possit; majus tamen nonnullis videntur dedisse Theramenes, Autolycus, Thrasylbulus, cum sociis, æternam laudem adeptis, qui partim vitam, partim patriam amittere maluerunt, quàm democratici status violatoribus non resistere.

v. sup. laudatam diff. de amnestia c. 1. §. 20. seqq.

CAP. III.

HActenus boni civis officium. Nunc *boni Viri* *munus* considerandum erit. quod alteram *δοκιμασίαν* Atticæ partem tenet, ubi omninò requiritur, ut is, qui *Senator*, aut *Magistratus in Democratia* vult esse, sit *vir bonus*. Vir autem bonus ex sententia *Aristotelis* *καλοκαγαθία* præditus esse debet, hoc est, universo virtutum choro stipatus, quem *Justitia* universalis in se complectitur. *Cicero* virum bonum *innumeralibus officiis* contineri ait; debet hic omni & loco & tempore, eodem se habere modo, neque de statione sanæ mentis pari se dejici. debet esse *τετράγωνος*, *ἀμετάπτωτος* & *ἀντακίνητος*. Ratio hujus est duplex: 1. quia *fundamentum* omnis bonæ administrationis in republ. est *Virtus*. Quæ proprium hominis bonum. Quod unicum est immortale, contingens homini mortali. bona omnia sub se complectitur. nam omnia in se habet, omnia assunt bona, quem penes est virtus, ait *Plautus*. Ubi autem fundamentum probe est jactum, ibi partes reliquæ omnes appositè coagmentari possunt. Hinc *Isocrates* *ἀνάγκη γὰρ τοῖς περὶ ὅλων τῶν πραγμάτων καλὰς τὰς ὑποδείξεις πεποιμένους, καὶ κατὰ μέρη τὸ αὐτὸν ὅπλον ἔχειν ἐκείνοις.* In quacunque igitur rep. summæ rerum præficiuntur viri boni, hoc est, eximiis virtutibus insigniti, in ea necesse est, omnia ex voto procedere. Altera ratio, ob quam *Senator* *Vir bonus* esse

l. 3. off.

Tacit. l. 4.
hist. c. 17.
Sen. ep. 98.
Sen. ep. 98.

Amphit.
act. 2. sc. 2.
In Areopagit.

Ecc ecc 3

tene-

- tenetur, est hæc; quia eminentiores cives, id est, Senatores
 l. 3. d. ll. c. 4. & Magistratus ceteris exemplo esse debent. Utrumque com-
 plexus est Cicero; Ordo (Senatorius) vitio vacato; ceteris spe-
 cimen esto. Quapropter omnes, qui ad dignitates publicas sunt
 evecti, debent πάντες ἀλόγῃ πάθῃ καὶ πάσῃ κακίᾳ ἀμειψόμενοι εἶναι,
 ut vult Philo de iudic. ἄτοπον γὰρ (inquit ille ibid.) ἀμαρτήμα-
 σιν ἰσόχως εἶναι τὰ τοῖς ἄλλοις τὰ δίκαια βραβεύειν ἀξίοντα, οἷς ἀναγ-
 καῖον καθάπερ ἀρχεῦντι γραφῇ ἀπομάττειν τὰ φύσει ἔργα πρὸς
 μίμνησιν. Cui calculum adjicit Isocrates hac sententia: τὸς μὲν
 μισοῦντες τοιοῦτους εἶναι νομίζομεν, οἷος περ ἂν τὸς προσάταις ἡμῶν: ὡ-
 τοὶ δ' ἐκ οἰόμεθα τῷ αὐτῷ λήψεται δέξαν τοῖς προεῖναι ἡμῶν.
 Conf. Lipf. Tantum autem præsidii collocat Mantitheus in eo, quod sit
 l. 2. pol. c. 9. vir bonus, ut hanc ipsam rationem juxta eam exaudiri velit,
 quâ probat, se esse bonum civem. sic autem ille: ἀξίῳ δὲ εἶναι
 μὲν τῷ τοῦ μόνον ὑμῶν ἐπιδείξω, ὡς ἄν τις εἰμὶ τοῖς καθιστηκόσι πράγμα-
 σι &c. μηδὲν σῶ μοι πλεον εἶναι. εἰ δὲ φαίνομαι περὶ τὰ ἄλλα με-
 τρώως βεβιωκώς, &c. δοῦμαι ὑμῶν ἐν μὲν δοκιμάζων.
 in Panath. 2. Quandoquidem autem εἴ τις ἐξ ἡμῶν ἐπὶ τῶν ἐπιτηδευμάτων
 προκρίνει ὑποβέβαιον, τῷ περὶ τὴν θῶν, καὶ τῷ δικαιοσύνην, τῷ περὶ
 τὴν ἀνθρώπων, laudatissimo Oratore Isocrate innuente: Emi-
 nentior quoque virtus apud Lysiam nostram, primo loco po-
 nitur *justitia*, cujus pars est publica privatis antepone, de quo
 cap. sup. quoq; jam actum fuit. Est quidem τῷ δημοφιλῆς καὶ κοινῇ
 συμφέροντος ὁλόγη τοῖς καθ' ἕνα φροντῖς, τὸ δὲ καθ' αὐτὸν ἕκαστος εἰ μὴ προ-
 χωροῖν, εἰ δὲν τὴν μέγα ἀφελῆδον νομίζω. Sicut Pertinax Imp. conque-
 ritur. Et sanè multitudo ita est animata. Longè verò aliter com-
 paratus esse debet Princeps vel Magistratus in rep. aliqua. il-
 le enim privata publicis postponere debet, quem ordinem
 Herodian. describit Cicero. Omnibus (inquit ille) qui reipubl. præfutura
 l. 2. c. 3. sunt, utilitas civium sic est tuenda, ut, quicquid agant, ad eam
 referant, obliti commodorum suorum. Ut enim tutela, sic
 l. 1. offic. c. procuratio reipubl. ad utilitatem eorum, qui commissi sunt;
 17. non ad eorum, quibus commissæ est, gerenda est. Private res
 l. 2. c. 30. semper offecere, officientq; publicis consiliis, ait Livius. hoc au-
 tem mirum non est, quia pessimum veri affectus & judicii ve-
 Tac. l. 1. h. nenum est sua cuiq; utilitas. Quod præceptum, cum Philo val-
 15. de neglexerit, Lysias eum à Senatoria dignitate rejiciendum
 esse

esse asserit. de toto hoc negotio vid. *Cic. l. c.* & *Isocr. orat. de pace sive sociali.*

3. Pars hujus *Justitia* est etiam *equitatis amor & studium.* l. 6. pol. c. 2. Nam, ut est apud *Aristotelem*, in *Democratia* φασὶ δὲν ἴσον ἔχειν ἕκαστον τῶν πολιτῶν, hæc æqualitas ex ipso fine *Democratia* manat, qui est libertas. cujus hæc nota; ut vicissim omnes imperent, ac pareant. *Lysias*: ἡγῆμαι ταύτῳ μέγαν σωτηρίαν τῇ πόλει, ἅπασιν Ἀθηναίοις τῆς πολιτείας μέλειται. Nam sicut alia forma rerum. orat. 34. pro forma recip. ecce-ria. certis quibusdam fundamentis innituntur, ita etiam status popularis, peculiare habet quoddam Jus, in quo æqualitas spectatur. Consentit *Isocrates*, qui ita scribit: Ἐν γὰρ τῇ τῶν ἀρχῶν αἰρέσει, καὶ τῷ βίῳ τῷ καθ' ἡμέραν καὶ τοῖς ἄλλοις ἐπιτηδεύμασιν, ἴσοιμεν ἂν παρ' αὐτοῖς (λακκιδαιμονίοις) τὰς ἰσότηας καὶ τὰς ὁμοιότη- in Arcopag. ras. τας μᾶλλον, ἢ παρὰ τοῖς ἄλλοις ἰσχυράς: οἷς αἱ μὲν ἀρχαὶ πολέ- μῳσιν: οἱ δὲ καλῶς δημοκρατούμενοι, χρώμενοι διατελοῦσιν.

4. Noteitur autem *argumentum*, quod *Lysias* petit à *Justitia* erga proximos, ad *Justitiam* erga *republicam*. qua *Mantitheus* insignis fuit. Exigua ipsi substantia, à patre fuerat relicta: ex qua tamen duas sorores non tantum honestè elocavit; sed fratri, qui id ipse fatebatur, plus, quàm sibi assignavit. geminus planè *Proculus* illi, ab *Horatio* laudato. Et contra, hoc ipsum argumentum, tanquam validissimum iterum adhibet *Lysias* in vituperio *Philonis*, quem vel ex hac unica ratione repudiandum esse ducit, quod erga familiares, inprimis verò matrem injustus fuerit; dicit enim: τοιαῦτα γὰρ ἴσιν ὥστ' οἱ καὶ μηδὲν αὐτῷ ἄλλο ἡμάρτητο, διὰ μόνα ταῦτα ἱκανὸν εἶναι ἀποδοκιμασθῆναι. Huc pertinet *Cicero*n. tractatio, quibus rebus l. 2. off. & virtutibus in *republica* autoritas & benevolentia comparatur vel teneatur. Ducuntur autem homines aut benevolentia, ac beneficiorum magnitudine, aut dignitatis præstantia, aliisque rebus, quæ singula ibid. eruditissimè pertractata, legi malumus, quam huc transcribere.

5. *Justitia* partem fecere *Ethnici pietatem*: Nos *Christiani* In Panath. Arcopag. Plin. l. 14. nat. hist. c. 19. Cic. 2. 4. in Verr. primo loco in omni & cive & viro bono eam requirimus. Commendat hac in parte magnopere *Athenienses* vet. *Isocrates*. Magnum est pietatis & religionis in animos hominum imperium. Religione enim vita conitat. Omnes moventur religione, & de-

cōnf. Iſocr.
l. i. ad Ni-
ceſ. &
laud. Buſi-
rid.
l. 7. polit. c.
8.

os patrios, quos à majoribus acceperunt, colendos sibi diligenter & retinendos arbitrantur. *Aristoteles* civitati maximè necessariū esse cultum divinum fatetur. *Plutarchus* adversus Colorem ita sentit: facilius sibi videri urbem, condere sine solo, quàm opinionione de diis penitus sublarā, civitatem coire aut constare: religionem videlicet συνεκτικὴν εἶναι πάσης κοινωνίας, καὶ νομοθεσίας ἑρμῆς. Atque hæc Ethnici, à veræ religionis notitia alieni. Christiani autem religionis multò accuratiorem debent habere curam, planè persuasi, eā neglectā vel prolapsā necessariò quoque remp. pessundari. Siquidem, quando Deus, Auctor & Gubernator omnium bonarum Rerumpubl. despicitur & relinquitur: fieri non potest, quin civitas ab eo vicissim derelinquatur. Debet E. omnis Magistratus Religionis veræ esse studiosissimus.

6. *Humanitas* quoque in Magistratu vehementer est laudabilis. Quando is cum suis civibus, ita versatur, sicut Pater cum suis filiis vivere solet. Quo modo efficitur, ut subditi amorem & fidem erga Magistratus tenacissimè servant & custodiant, majoriq; promptitudine animi imperata exequantur. Debet autem ista humanitate non cives duntaxat gaudere; sed etiam ignoti & exteri. Hanc ob causam *Aristoteles* reprehendit *Platonem*, qui permiserat, χαλῆπες εἶναι πρὸς τὸς ἀγνώτους. Neque, ut *Plato* quidem sentit, optimi sunt custodes, qui canibus sunt similimi, qui notis quidem adblandiuntur, ignotos verò allatrant, & dentibus petunt. Non ita. πρὸς οὐδένα γὰρ εἶναι χρεὶ τοιοῦτον. Prorsus indecorum est, si Magistratus sit

Nec visu facilis, nec dictu affabilis ulli.

Nam, qui erga peregrinos difficiles sese superbosque præbent, eadem, si facultas erit, importunitate, adversus cives utentur. Et, verendum esset, ne inhumani & austeri mores in crudelitatem adversus quosque degenerent.

Et hæc de celebri illa δοκιμασία Magistratuum, & Senatorum Atheniensium, quod statum inprimis democraticum attinet, breviter dicta sufficiunt. Plura quidem adhuc in medium proferri potuissent, de reliquis præsertim virtutibus, quæ Magistratum exornare solent: verum quia ratio nostri propositi noluit nobis permittere, omnia persequi, satis esse duximus, præcipua capita attigisse, & ad reliqua, veluti digitum intendisse.

XXXI.

XXXI.

PRÆSIDIA PACIS.

MAgnum, sed, ut in bellicosa civitate, rarum erat apud Romanos festum *Augurium Salutis*. Quod *Dio Cassius* tale divinationis genus fuisse ostendit, quo omnia captabantur, an fas esset, populo salutem à Diis precari: die inprimis solenni, i. e. quo nullus in hostem exercitus eductus, nulla pugnata pugna esset. Quæ etiam causa fuit, cur inter bella civilia & perpetuas tot annorum discordias, celebrari ista solennitas non potuerit. Itaque Cæs. Augustus, referente *codem Historico*, maxime lætatus est, illo honore, quod post bella civilia, Actiaco prælio finita, *Augurium Salutis* factum est. Tum enim clausæ sunt Jani portæ, adeoque opportunum visum est tempus, solennia tamdiu intermissa, & ante annos ab illo tempore quadraginta quatuor, parum prosperè tentata, faustiore successu repetendi. Concurrerunt ad felicitatem tanti Principis adornandam, sive ad sæculum istud Augusteum insigniendum, tria ista incomparabilis celebritatis specimina, *Templum Jani clausum*, (i. e. pax per orbem terrarum diffusa) *Augurium Salutis* celebratum, & *Ludi seculares* instituti. Sicut autem his tam singularibus sæculi sui titulis plurimum tribuit Augustus: ita trina hæc fecilitas sæculum hoc nostrum, proximosque ejus annos longe luculentius beare visa est. Remota enim omni superstitione Ethnicorum, Germania nostra itidem incomparabilium ejusmodi festorum celebritate inusitata adhuc personat, Deoque laudes & grates habet, & augusta maximorum Principum nomina, quibus ad hanc felicitatem DEUS uti administris & actoribus dignatus est, solennium obsequiorum pietate extollit atque veneratur.

Et si quidem summatim agendum esset, beatissimo PACIS vocabulo, tergemina istam, de qua agimus, solennitatem non jejune exprimeremus. Pax enim est, quam post diuturna bella, ab omnibus desideratam, à plurimis desperatam, DEUS insperato plane beneficio, communi patriæ reddidit; neque jam Jani, qui nullus est, sed belli, inno Orci, unde bellum exoritur, portas clausit; illudque proprium nostris annis carmen fecit, ex *Poeta*:

Fff fff

dire

Virgil. l.
Aen.

— — — — — *dire ferro, & compagibus arctis
Claudentur belli porca, Furor impius intus
Sava sedens super arma, & centum vinctus ahentis
Post tergum nodis fremet horridus ore cruento.*

Pax est, sive pars solennitatis & celebritatis, quæ ob pacem Germanicâ agitur, illud *Salutis augurium*; quando non ex avium volatu, non ex curiosa dierum hariolatine, sed ex sanctissimis, vereq; cælo proditis oraculis, DEO pacis nostræ Auctori supplicamus, ut nostra tempora, nostra pectora, consecrata & apparata esse velit jubeatque, ad insequentium annorum quietem & securitatem, pie ominandam, prudenter meditandam, feliciter impetrandam. *Pax* est, imo fundamentum & hujus novæ pacis, & pristinæ in Germania concordix, quæ bellis tam atrocibus temerata est, *Secularis memoria, Pacis à Religione nomen adepte*: quæ non ludis quidem, ut Romani talia temporum intervalla insignire solebant, sed religiosis officiis serioque æternitatis studio, cohonestanda & concelebranda est. Indigni certe ad omnem posteritatem tantis muneribus haberentur, qui ad ea vel intelligenda, vel celebranda, non satis ingenii, non satis curæ deprehenderentur attulisse. Sed ingenii quidem palmam, aliis merito relinquimus. Studio autem & proposito boni civis nemini cedere, inter ea est, quæ jure sibi vindicant, quicunque Germaniam patriam habent non novercam.

Congruentissimam itaque felicitati sæculi rem videmur facturi, si veluti in pio salutis Augurio, *PACIS GERMANICÆ PRÆSIDIA* pro cæptu & simplici officii civilis proposito, ita meditemur, ut aliorum prudentiâ nostras cogitationes erudiri, & favore secundari, eadem opera exoptemus.

Si quis ergo *Præsidia Pacis* voluerit requirere, ipsa *Pacis* natura & indoles monebit, in eo tutelam ejus consistere, si injuriæ omnes absint, & ex diverso officia civilis socialisque vitæ & necessitudinis, studiosè colantur. Quibus partibus veteres Philosophi *Justitiam*, i. e. virtutem maxime socialem & continendæ paci civili unice accommodatam describunt, sicut videre est, apud *Cic. in officiis*. Nos, quibus hoc compendium loquendi alio loco non incommodum videtur, hic malumus singillatim quædam enumerare.

Pri-

Primum ergo inter *Præsidia Pacis* locum merito sibi vindicat

PIETAS.

Et quanquam nulla pietatis pars sit, quæ non paci firmandæ servandæque aliquid præsidii polliceatur; potissimum tamen hoc volumus: ut firmo constantique animi proposito DEUM pacis nostræ auctorem & conservatorem unice credamus; ut Deum, qui Principibus & Proceribus nostris, mentem pacandæ Germaniæ indidit, supplices exoremus, quo servandæ tuendæque pacis immobile studium iisdem commendet; ut DEI opem auxiliumque, adversus omnia ea, quæ possunt pacem infirmare, aut perturbare, primum & summum, sine quo nulla secunda, nulla inferiora, vel valere possunt, auspiciū constituam⁹. Dum hæc adferuntur, non potest non in oculis nobis esse sæculi nostri genius, à serio cordatoque pietatis studio, plurimum averfus. Verbo equidem ubique præferuntur pietatis elogia; quotienscunque de malis Reipublicæ vel præteritis vel imminentibus sermo suscipitur. Conspirant in eo monumenta publica, in historiis & Archivis: neglectum Divini Numinis puniri periculis & detrimentis Reipublicæ, sed quando propius rem ipsam inspicimus, plerique humanis consiliis operibusque omnia Reipublicæ fata tribuere videntur, infausto utique omine, & ad perpetuitatem pacis parum accommodato. Persuasissimum enim omnibus esse debet, ad pacem colendam nihil esse efficacius studio seriæ pietatis, quæ ad Deum pacis auctorem irretorto oculo respicit, quæ pacis magistra est, quæ sui in terris operis summam, in pacis fructu & consuetudine constituit.

II. BONI MORES.

Hoc quoque *pacis præsidium*, in fundamentis cæterorum collocandis præstruendum est; eo magis, quia ex pietate potissimum oritur. Quid enim valeant bonæ leges in Civitate, nisi boni moris disciplina, autoritati legum animos præparet, formetque? Hinc est, quod rectissime Prudentes statuunt, omnis ejus curæ quæ in tuenda ornandaque Republica ponitur, principium à bonis moribus repetendum esse: qui nisi in civitate sint, frustra de cæteris præsidiis cogitatur.

Apud Gol-
dastum in
Politiciis
Imperiali-
bus Parte
164

Itaque hac de re bene differit *Julius Pflugius Episcopus Naumburgensis*, in oratione de ordinanda Republica Germania, ante annos paulo minus centum scripta : *Rempublicam satis bene administratam esse, dum boni atque antiqui mores in natione nostra vignerunt. Hominibus nostris*, inquit, *ut nihil fuit antiquius, quam honeste vivere, ac de patria bene mereri, ita vicissim nihil odiosius quam turpiter vivere, & patriam deserere : ut Respublica nostra, etiam cum minus quam ante posset, moribus tamen bonus hominum nostrorum, se ipsam satis bene tueretur ; & appareret, verissimum esse, quod sapientissimi homines in ore habent, non esse, cur quisquam statum Reipub. bonum non virtute potius ac pietate, quam pecunia, opibus, potentia metiatur, cum finis ejusdem sit, ipsa bene beateque vivendi ratio. Inter mores illos antiquos quorum meminit, fuit præsertim, Fides, Constantia, Fortitudo, Parcimonia, Frugalitas, Continentia. Hi mores, quotiens mutati sunt, totiens Respublica in periculum non corruptionis modo, sed diminutionis atque eversionis incidit. Bonis itaque civibus studiosissime videndum erit, an non in hos mores maxima labe invec̃ta sit, tum ante hæc bella postrema ; tum in ipsis bellis augmenta ceperit, & nunc post pacem nondum persanata sit. Ut enim de Fide ordiamur, quæ à natione nostra illustre quondam cognomen tulit, ut Fides Germanica, pro sincerâ, candidâ, constanti, genuinâ celebraretur : Verendum sane est, ne valde degeneraverit apud multos patrium hoc & gentile bonum. Apud majores nostros mores cuique sui pro jurejurando erant, ut hoc Libanii verbis dicamus, Senatorum Judicumque suorum laudem præfantis Tom. 2. Operum. oratione 28. Hodie consuetudo peierandi, astutia simulandi ac dissimulandi, vafrities cavillandi, quæ promissa, quæ dicta, quæ conventa sunt, prorsus infecit sæculi mores. Sive à Gallis, Italis, aliisque nationibus hæc tantum xenia reportamus Germani : sive licentia bellicorum temporum & facinorum, ut cœpimus dicere, has in Germaniam reliquias ita disperfit, quasi novorum bellorum semina. Fortitudo saltem, inquis, antiqua Germanica, non decrevit bello, sed aucta est : Nihil minus. Fortitudinem enim nemo unquam constantiâ tantum & peritiâ pugandi aestimavit : sed præsertim disciplinâ & amore honestatis : quæ nisi subsit, nullis virtutum*

tite.

ritulis locus est. Auximus sane peritiam & consuetudinem bel-
landi : sed omnem disciplinæ amorem & scientiam amisimus.
Fertur Regis Galliarum superiore sæculo, dictum de Germanis,
Joachimo Camerario quoque annotatum, *in rebus anni 1558. Ger-* Tom. 36
manos nationem esse, illam quidem militarem & fortem, sed German.
præterquam quod igne & ferro non vastent suorum regiones, non Ret. Freb.
videre quid hostes detrimenti amplius dare possent. Multum
detrahit hoc dicto de vera fortitudinis laude; utinam proximi
temporis memoria, non plus detraheret! talia enim fuerunt
bella nostra, ut non disciplinæ tantum militaris detrimentum
nobis inveherent, sed omnis prope boni moris oblivionem,
propinato incolis Germaniæ, veluti lethæo poculo infunde-
rent. Sancta olim erat *patria necessitudo* : adversus quam ut
Germanus quisquam militaret, nullo peregre sacramento in-
duci potuit. Sancta amicitiarum inter populares sinceritas :
sanctum Juris communis, decorisque civilis studium. Ad
quod violandum, ne cui sua dignitas aut familia licentiam
faceret, Nobilitati quoque placuit gravissimum istud & Ger-
manico nomine vere dignum *censura genus*, quo ad ludos e-
questres & militares nemo admittebatur, qui ullo probri ge-
nere (raptu, adulterio, homicidio, aut simili infamia) con-
taminatus esset. Dici posset amplius, si locus & instituti ra-
tio pateretur, plerasque *Ordinum Equestrium leges*, à Germa-
nis profectas inter prima commendasse receptis in collegium
Equitibus, curam honestatis, pudoris, justitiæ, temperantiæ.
Verum, quantum bella nostri temporis deflexerint animos,
non est nostrum, prolixè dequeri. Hi sunt nimirum fructus
bellorum, de quibus conqueritur etiam Tiberius apud Tacitu- 3. A. 94
tum : *externis victoriis aliena, civilibus etiam nostra consu-
mere didicimus.* *Intemperantiam* autem & *luxum* inter ea es-
se, quibus civitatum status & fortuna debilitatur, nullo nego-
rio ostenditur. Quando enim in victu cultuque nullus ser-
vatur modus, perierit oportet apud cives communis ille ho-
nesti amor, quo tanquam spiritu civilis socialitas viget, omnis-
que rerum ad felicitatem & incolumitatem ducentium seri-
es continetur. Deflexi autem à publicæ salutis sensu, studio-
que animi, strenua ignavis, generosa mollibus, præclara inani-

bus, posthabent; totoque rerum expetendarum bono civi & fugiendarum delectu, sine frustrantur. Nimirum sacrosanctos civilis conditionis, quæ æqualitate constat, limites ambitio migrat: omnique humani Juris terminos avaritia dissipat. *Luxu* enim *Ambitio* magistra; *Avaritia* famula est. Illa impendiorum & profusionum machinatur consilia, designat genera, captat præmia: hæc, ne absumendi materia desit, opes conquirir, & flagrantibus cupidinibus tanquam incendio ligna subministrat. Tetriorem avaritiæ vultum ambitionis blanditiæ & delinimenta, quadam simulandi calliditate velut excusant. Ita, dum utraque sibi tendit, Respublica in medio relicta merces fit facinorum, de quibus ambitiosi & avari inter se contendunt. Dum que hac ratione, multi per rapinas spoliuntur, multi ad rapinas pelliciuntur, perit amor pacis & concordiæ, acciditque, ut bellum ultro placeat. Et in Germania quidem nostra, nullum putes forte à luxu periculum superesse: postquam instrumenta luxus bello absumpta videntur. Nimis tamen videtur remansisse apud nonnullos eadem pereundi perdendique libido, quæ in pace fuerat. Sed huic rei succurrendum est, tum aliis modis, tum restitutione legum, quæ inter bella oblivioni traditæ, securiorem fecere luxum. Novum enim inter *præsidia pacis* titulum meretur.

III. LEGUM AUCTORITAS.

Imperium nostrum Germanicum eâ *Legum* sapientia & æquitate instruitur, ut nullus possit reperiri populus vel olim vel hodie, cujus *Eunomia* præferri mereatur. In quam rem magnorum virorum extant dissertationes & panegyrici: quos, non exscribimus. Nobis enim *de una tantum & altera lege*, cujus vinculo pax in solidam firmitatem colligatur, propolitum est mentionem inferre. Præcellunt judicio omnium illæ leges, quæ ad ipsum totum Reipublicæ statum pertinet, & vastum illud Imperii corpus connectunt, amplitudinem ejus disponunt, membra interioribus inter se vinculis devinciunt, quales sunt: *Aurea Bulla*, *Constitutiones de Pace publica*, *Capitulationes Caesarum*, *Pax Religionis*, & nuper *Instrumentum pacis*. Imprimis autem *Pax religionis*, & *Instrumentum Pacis* in hoc transcurso non possumus non inter sacrosancta pacis præ-

præsidia venerari : quando recogitamus, utramq; hanc constitutionem non nisi incomparabili gravissimorum bellorum impendio, infinitis cædibus, totaque malorum & plus quam Illiade constituisse : flagrantissimisque desideriis, suspiriis, lacrymis, & lethali pene deliquio totius Germaniæ, unico ultimoque remedio subvenisse.

Invitaret sane nos secularis celebritas, quam OB PACATAM ECCLESIAM ET RELIGIONI CHRISTIANÆ QUIETEM PARTAM anno superiore vergente agitarunt, qui Augustanam Fidei formulam profitentur ; ut in admirationem & considerationem tanti boni digrederemur. Quis enim non videt cœleste & divinum hoc bonum, sive originem ejus, sive argumentum, sive conservationem reputemus, plane mysteriis plenum esse ? Sed, quoniam hujus tractationis ea est amplitudo, ut in hunc scripturæ modum cogi nequeat, summa tantum fastigia velut indice digito demonstrare licebit. Reperendæ ergo sunt animo, omnes illæ tragædiæ, quæ per quadraginta circiter annos, dissidentes in Religione animos superiore sæculo ita perturbarunt, & exacerbarunt, ut spei vel parum vel nihil ad concordiam restituendam, & infesta odia comprimenda superesse videretur. Inter hos metus generosissimæ Caroli V. Imperatoris, & Ferdinandi Fratris Eius, Romanorum Regis, mentes ad sanctiora conversæ consilia, divinis auspiciis, restituerunt, quod humanis concertationibus paulo post interiturum erat. Quærunt hic, non uno proposito consilioque plerique ; unde Augustissimo Cæsari tam repentinum pacandæ religionis propositum ? & repentinum quidem fuisse, non satis bene dixerit, qui totius negotii seriem altius introspexerit. Sed ut ematresceret, quod incomparabile par Fratrum inter arcana Reipublicæ præsidia animo conceperant, variæ adferuntur causæ. In quibus primo loco collocari solet, *infida & subdola Pontificum Romanorum amicitia ; tot eorum simultates, tot adversus Austriacos consilia*, nunquam diu celata, sæpe prorsus dementi ratione patefacta. Hinc *importuna illa & abnormia postulata*, cum diminutione Imperatoriæ dignitatis conjuncta, nullamque vel tralatitiæ prudentiæ imaginem præ se ferentia. Certe, ante constitutam religionis pacem Paulum Papam IV. ad Gallicas partes transisse, ne *Bronius* quidem in

In anno 1555. p. 305. *annalibus*, haud magno judicio compilatis dissimulare potuit: qui & ex *Theatinorum quorundam*, quos elogio sanctitatis, honorat, literis demonstrat, hunc Pontificem minime studiosum pacis publice, sed instigatu & delationibus hominum turbidorum, maximarum calamitatum causam extitisse. Unde mirum non fuerit, si Maximus Princeps Carolus talem Pontificis perfidiam ad paciscendum cum nostris incitamentum habuerit. Huc accessisse dicunt *Gallici & Turcici bellum*: adversus quem non nisi pace domi stabilita, satis se muniri Cæsar credebatur. Additur terror ille *Oenipontinus*, quem Mauritius Saxo, Germanicæ libertatis assertor fortissimus, Carolo incusserat. Hæc, inquam, omnia aliquid ad pacem Religionis momenti attulisse non frustra creduntur. longe tamen efficacioris fuisse stimuli *interiorem illam instigationem*, qua Carolo animum pridem talibus consiliis attemperabat, non desunt quæ nos credere jubeant rationes. Ecce enim qui Smalcaldicum bellum minoribus de causis susceperat & promulgaverat, nunc nihil agit de Oenipontina offensa demenda, & fama vindicanda. Imo post Passavienſe fœdus, cum munimenta libertatis Germanicæ in Mauritio Saxone extincto concidisse viderentur, magnæque Cæsari timendi cavendique causâ decessisset, religioni plena pax confirmatur ab eo, quem non jam periculi, sed religionis & conscientiæ necessitudo huc vocabat. Cum enim non defuissent, qui excelsam Caroli & Ferdinandi indolem non simplici illecebra ad aciora, quam tutiora potentia augendæ consilia deflectere anniterentur; quasi & tempus fatumque Germanis adventasset, quo Dominum pati docerentur, & extirpatio religionis tum repurgari cœpta, Cæsarei muneris præcipua pars esset: DEUS T. O. M. arcanis hortamentis tanti Principis mentem admonuit, impetum sufflaminavit, prudentiam altiori disciplina perfecit. quo factum est, ut prorsus persuasum haberet, peregrina illa & vasta consilia, quibus nonnulli res Germanicas inquietatum ibant, Deo minime cordi esse: Tum Majestate imperatoriâ indignum esse, dominationi Pontificiæ suam fortunam & manum commodare, adversus eam religionem, quæ ex verbo DEI revinci non poterat; cum præsertim sciret, cujus vitio nulla in colloquiis conciliisque (quæ ipse generoso con-

so consilio sæpe commendabat) spes esset. Ita Princeps non minus gloriose triumphare, quam feliciter bellare solitus, pacis amorem & concordia publicæ desiderium, ex omni occasione præ se tulit. Factum id est, cum deposito imperio Gandavi Legatum Pontificis alloqueretur, Pauloque citra ambages neque sine tacita exprobratione nunciari juberet, *ne publica Christianorum tranquillitati consuleret.* Quod hæcenus, ut ante dictum est, Pontifex scilicet minime fecerat. Miraculum vere fuit, sed divinum: *Cæsar Pontificis Doctor & Magister; Miles sacerdotis ad pacem amandam consultor.* Quo eodem tempore & fratrem moneri Cæsar voluit: ne *Germaniam domesticis bellis ulterius atteri pateretur; Turcicæque præda futuram, nisi pace convalesceret.* Atque, ne vicinus tantum morti hoc pacis studio incaluisse videatur Carolus, satis constat jam ante complures annos tabulas testamenti eum confecisse, in quibus Filium hortatus est: *ut pacem tantopere à Deo hominibus commendatam coleret, neque in bellum nisi agre & justissimas ob causas atque prorsus coactus, consentiret.* In iisdem supremæ voluntatis tabulis præcellerat; se post tentata omnia, *ad componendum religionis dissidium nullum aliud remedium idoneum, quam concilium reperire potuisse.* Quæ omnia *Bzovius in annalibus repetendo conficitur.* Sed & Ferdinandus frater gratulari sibi impofterum semper solebat, quod DEUS sibi hanc mentem indidisset, ut pacem religionis ope consilioque juvandam conficiendamque existimaverit.

Nec minus religionis est in ipso sanctissimæ constitutionis argumento, quod alii toris voluminibus sibi explicandum sumplerunt. Nos in hac festinatione *unanimem consensum & heroicum concordia studium in omnibus Ordinibus imperii ac Statibus; asseverationem verborum gravissimam & Germanico nomine prorsus dignam; sanctionem acerrimam ac severissimam,* prono cultu veneramur, & *Comitiarum Augustanorum anni 1555. decretum,* sæculi novi ac felicitis auspiciu, pignus, compendium deprædicamus. Vocat enim nos illa Providentiæ divinæ in res Germanicas cura, quæ non minus benigne *conservavit* Germaniæ tantum munus, quam admirabiliter instituit, Fas equidem erat legem publicis comitiis, sanctione Seve-

Ggg ggg

rissi-

rissima, fide contestatissima firmatam, nullo cujusquam verbo ac ne cogitatione attaminari, violari. sed longe secus accidit. Pacem religionis infamarunt calumniæ; cavillatæ sunt disputationes; diltraxerunt litigia; territarunt arma. Frustra id quidem. DEUS enim præsto erat, qui muneri suo perpetuitatem parabat. Recidit in autores turpis calumnia. Quis enim est, qui non detestetur *Campanellam*, *Carasam*, Sciolos alios, qui Caroli V. imprudentiam & parvi lentitudinem animi incusare non verentur, quod is, cum Mauritium Saxonem Septemvirsatus insignibus ornaret, nihil in religionis negotio urserit, nihil extorserit: scilicet in tam humiles animas & depravatas, non cadit rectum de generosis gravioris prudentiæ actionibus iudicium. Quare ne Ferdinando quidem, ejusdem cum Fratre ingenii Principi pepercerunt maledicæ linguæ: dum alii non satis constantem in pertendendis contra Protestantes consiliis incusant; alii Religionem in quæstu habuisse, nullaque conscientia cura, ut Imperium sibi pararet, talis pactionis blandimento irrepsisse in Germanorum animos, flagitiose ementiuntur. Quæ tam turpis calumnia etiam ab illo Gallo, qui absolutum *Ministri Status*, ut hodie appellant, exemplum sibi visus est formare, incaute, & prorsus imperite recocta est. Quam enim abludit ab omni ejus temporis historiâ, adeoque ab ipsa ratione, Ferdinandum, jampridem de imperio, etiam Fraternali suffragatione, certum, intempestivi ambitus postulari? Nihil dicemus de illa malignitate, speciem religionis indutâ, quam *Dillingenses commentarii*, & *Loiolicæ* sub personato *Francisco Burcardo* furores, in Pacem religionis profuderunt. Quin imo (quod nemo bonus civis & Germanici sanguinis memor sine horrore audiat) repertus est ante annos non adeo multos vir non incelebris, qui publice auderet scribere: *pacem religionis à Pontificiis & Protestantibus vere observatam, quo facta sit animo*: quasi diceret, tam Catholicos quam Augustanæ Confessioni addictos, non ex animo consensisse in hanc pacem. Quæ audacia gravissimis utique pœnis digna, omni exemplo caret; atque ut in posterum careat Reipublicæ interest. Non defuerunt, sicut diximus, qui Carolum, qui Ferdinandum, ob pacem religionis initam, incusarent. At, qui fidem tantorum Heroum in dubium vocaret, eosque non ex animo pepigisse, i. e. quid

Minist. d'
Estat.

De auto-
nomia.

notat et-
iam Schu-
tzius Coll.
Juris Publ.
vol. 2. disp.
4. thes. 9.
pag. 150.

quid aliud quàm publicis sanctissimisque cæremoniis ipsique jurisjurandi religioni illulisse, citra piaculum ne cogitari quidem, nedum pronuntiari, nemo fuit quin crederet. Verum nos relictis tam tristibus, quibus res sanctissima non nisi impie temerata est, molitionibus, DEO potius iterum gratias agimus, quod in hujus temporis felicitatem servavit tantum Securitatis Germanicæ munimentum.

Quod ut esset inexpugnabile, in omnibus, quæ hoc toto seculo celebrata sunt, Comitiiis, nominatim confirmatum est. Neque Comitiorum tantum decreta & Recessus Imperii, sed Instrumentum quoque pacis, solennissima formula Pacem Religionis, sancte & inviolabiliter servandam denuo sanxit; declarationem nonnullorum perpetuo valituram adiecit; omnesque & undecunque profectas contradictiones irritas & inanes pronuntiavit. Ut jam nihil opus sit, Bullam istam Jovis Latialis prolixis commentariis refutare. Sacrosancta est & ad omnem posteritatem venerabilis, & contradictionibus quibuscunq; superior, Majestas, Serenissimorum Principum, Augusti Cæsaris, Regum, Ordinum ac Statuum Imperii, quæ huic pactio- ni auctoritatem & vim irrefragabilem esse voluit, jussit. Fuit itaque, sicut esse debuit, nuper, quando secularem Pacis Religionis memoriam instauravimus, inter titulos & argumenta pietatis publicæ, imprimis nobile studium celebrandi, & coram DEO commendandi hanc vere augustam, vere Germanico nomine dignam summorum Heroum nostrorum prudentiam & moderationem: qua certe totius pacis Germanicæ firmitas continetur. Permissis enim quæ olim increbuerant, & adhuc hodie quibusdam in locis obtinent, dissidiis ex religione captatis, Pax Germanica, præter nomen inane nihil haberet. Jubet me ipsa Pietas, ut HÆRO meo SERENISSIMO AC POTENTISSIMO SAXONIÆ ELECTORI, PATRI PATRIÆ, TOTIUSQUE GERMANIÆ SINGULARI PRÆSIDIO, submississime gratuler, quod, post tot in Religionem Christianam instauratam merita, nuper etiam tanto Festo, in quo & sanctissimorum Majorum, & Ipsius virtus inter publicos laudum, gratiarum, gaudiorum titulos fuit, suum auspiciū commodavit. Nimirum non potest obscura esse divina in res nostras benignitas, quæ summum Heroem, videre, instituere, illustrare

vid. Ludov
de Monte-
perato: in
vind. paci-
fic. Osnabr.
& Ioh.
Hornb. in
exam. Bul-
læ Pap. In-
nocent. X.

voluit illum diem, quo nullus fere vel complemento temporis perfectior, vel SERENISSIMÆ DOMUS SAXONICÆ meritis cumulator, vel fatorum exantlatorum in melius profectu beator, nominari potest. Sed hæc quidem æternus annalium honor perpetuitati famæ commendabit: de quibus tenuitas stili mei, post humillimam professionem devotissimi ad omnia obsequia animi, me jubet conticescere.

Neque opus fuerit longum sermonem ordiri, de *Instrumento Pacis*: quod inter leges Imperii nostri, singulari divinæ providentiæ consilio receptum consecratumque est.

Illud unum adjicere, officii fuerit, quo patriæ omnes Germani obstringimur. Supplices, inquam, ad DEUM preces fundimus, ut civibus nostris mentem sanctissimi pacti amantem, Augustissimo Cæsari ac Principibus nostris auctoritatem & consilia implendi perficiendique, quod semel instaurandæ ex ruinis imminentibus patriæ decreverunt: exteris studium pacis nostræ fovendæ conciliet, inspiret, conseruet.

IV. ÆQUITAS JUDICIORUM.

A legum sanctitate ad *Judiciorum æquitatem* ipsa res deducit eum, qui de *Præsidis pacis* cogitationem suscipit. Omnis enim bonarum legum vigor sanctissima Judiciorum auctoritate consummatur. Et quoniam illa res in Imperio Germanico, varietate temporum aliquid difficultatis contraxit, summo opere iterum prædicanda est *Augustissimorum Principum* providentia, qui non tantum, de Templo Justitiæ per omnem Germaniam instaurando exornandoque in Osnabrugensi formula asseveratissime admonuerunt; sed in nuperis quoque Comitibus in eam curam incubuerunt, & adhuc vigili oculo omnia perlustrant, quæ tam salutari operi perficiendo idonea contingere possint.

Quid aliud hic, quam pium & simplex votum, pro felici successu nobilissimorum consiliorum, addere fas est? Si quid amplius desideretur, majoribus opus est autoribus, qui ista suadeant, eloquantur, explicent. In quibus *Magnifici & Nobilissimi* OELHAFII singularis prudentia & pro patriâ studium non potest non omnibus bonis civibus probari, & à me hoc loco, venerationis ergo, commemorari: cum præsertim de aliis ad *Tem-*

plum

vid. Templ
Pacis orat.
3.

plum Pacis communiendum pertinentibus, ut de *Onerum Imperii aquabili partitione & dispensatione*, similibusque gravissimis argumentis, talia differantur in illo opere, quæ & pondere rerum ingentia, & expositionis facultate illustria, merito habentur. Nam *præsidia pacis* omnia & singula satis demonstravit Ipsa *Pactionis Osnabrugensis Formula*. sed quomodo ad tutelam pacis adornari & in totum Imperii corpus efficaciam suam diffundere debeant, id vero *Mecenatibus suis & Patria patribus* amplius consultandum, expediendum, maturandum, supplicibus votis jam pridem Germania, in eventum exoptatum suspensis animis intenta, commendavit. Hujus desiderii inter privatos suffragari, & felicitatem sæculi in Academia, id est, in ea officina, quæ nos ad omne actus publici specimen præparare debet, pie meditari, fas & jura sinunt. Sequitur ergo

V. PRUDENTIA ADMINISTRANDÆ REIPUBLICÆ.

Prudentiam Pacis servatricem, recte faciunt opinor, qui partim ad *Scutum Reipublicæ*, partim ad *Actiones in Rep.* referunt: eo dispositu, ut à priori pars posterior pendeat, suamque æstimationem accipiat, neque enim prudenter in Republica, vel imperando vel parendo versabitur, qui ad statum sive formam Reipubl. non omnia exegerit, direxeritque. *Prudentiam Status*, ut ita vocemus, non una hominum genera, nec unis de causis in Republica violant. I. Fatale quodammodo periculum est, à *Peregrinorum Ingeniis consiliisque* sive etiam à *peregrinis consiliis*. nam & domi sæpe inveniunt Respublicæ, qui ad omnem posteritatem peregrinitatis rei non immerito audire debeant, eò quod nihil illis præter externi moris exempla in Republica placerent: quique ex sua patria, modo Galliam, modo Hispanicum regimen, modo Italicam ~~constitutionem~~ constituere aggressi essent, si proposita eorum provenissent. Ita superiore sæculo in Gallia non defuisse feruntur, qui ad Turcici Imperii instar Franciam redigendam censerent; subornato Ponceto quodam qui suaderet, *Proceres ante omnia è medio tollendos, & nobiles sensim carpendos*. Nam cum in regno tres Ordines sint, eos aliorum quasi vindices & assertores esse & regia potestatis quasi

Thuan. lo
57.

arbitros ac moderatores, ita ut qui legem aliis debet dicere ab iis plerumque accipere cogatur. ad tollendos autem proceres & nobilitatem in ordinem cogendam, placere, ut bellum religionis colore, qui apud alios duos ordines, Ecclesiasticum & Plebejum, speciosus est, alatur. nam sic paulatim ad internecionem eos, præsertim quo quisque generosior est, deleri posse: neque defuturas artes, quibus ii, quæ belli fortuna pepercerit, in pace opprimantur. Sequuntur hujus generis alia: de proceribus & nobilibus per periculosas & sumptuosas legationes ac subtrahita honoraria & pensiones atterendis; de comitiis vitandis tollendisque; de primoribus civitatum opprimendis, de mœnibus & munimentis urbium arcibusque diruendis. Hæc peregrina Politica tentamenta, subinde atrox bellum concitarunt. Quare optima ratione in Capitulationibus Casareis provisum, declarat Vir Magnus Benedictus Carpzovius, ut illustria in Imperio officia, non nisi illustribus Germanis committantur. II. Quibus summa ratio & prima lex prudentiæ esse debet, eum Reip. Statum amare & tueri, quem majores instituerunt, avi & patres nostri comprobant, tot Augustissimi Casares iurissurandi religione confirmant. Nam qui subinde ad ulteriorem antiquitatem respiciunt, & ad ejus exemplum omnia componi volunt, ex iis audire velim, quid tot sanctissimis caerimoniis & legibus, per quarum ruinam, ad ulteriora ista incedendum esset, faciendum? Si qui autem de antiquissima illa Romani Imperii formula nihil immutatum, sed omnia in hunc diem durare, vel credere ipsi vel aliis persuadere possunt: illorum sapientiam inauditam, qui capiat rerum temporumque haud imperitus, nescio an unquam extiturus sit. Prudentissima est Eprii Marcelli apud Tacitum & huic loco propria vox: *se meminisse temporum quibus natus sit: quam civitatis formam patres avique instituerint: ulteriora mirari, præsentia sequi.* Scilicet ubi absoluta unius potestas, ex lege & pacto recepta obtinet, imprudenter & arroganter se gerit, qui ad morem liberæ Reipub. formæ agit & loquitur: ut invicem, ubi libertas aut mixtus status valet, obnoxie loqui & agere, neque concessio jure uti, nec prudentis nec constantis viri est. III. Hujus prudentiæ, præsertim hodie, pars est, ne prudentes viri se persuforis assertionibus accom-

Comment.
L. Reg.
Germ. c. 10.
sect. 2.

4. Hist. 8.

modent; quibus tota de Statu Reipubl. controversia intrin-
catur. IV. Omnis ævi experientia docet, infauſta eſſe qua de
mutanda Reip. forma ſuſcipiuntur, conſilia. Lege & intellige
hiſtorias, quæ unquam Reſpublica, ſemel conſtituta, bonis
conſiliis in alium ſtatum mutata eſt? quicquid ad demutan-
dum & corrumpendum Reip. Statum conſultari agique vidi-
mus, pravis conſiliis originem ſuam debet. Per ea, cum
Reſpublica in ſummum diſcrimen eſt deducta, tum vero DE-
US novum Reipubl. Statum ſingulari ſuæ providentiæ opere,
conſtituere ſolitus eſt; ut pro everſione imminente, converſio;
pro afflictiōe, concuſſio; Rempublicam non perderet, ſed in
alium ſtatum tranſponeret. Hæc per mutationem inſtauran-
dæ Reip. ſpecimina, vere divina ſunt opera: ſicut hominibus
propriæ ſunt molitiones convellendæ, infirmandæ, deſtruen-
dæ civitatis formæ. V. Ita autem feliciffime ſtatus Reipub.
conſervabitur, ſi ſuprema ratio Status conſtituatur in unitate
Reipublicæ: Ut ita adminiſtretur Reſpublica tanquam unum
corpus. Habet enim hic locum, & meliore philoſophia,
quàm ipſe autor explicaverat, applicandum venit Platonikum
illud: Rempublicam tanto fore feliciorē, quanto ad unitatem
fuerit reſtriſſior; ſive, eo plus felicitatis in Republica eſſe,
quanto plus unitatis. Quicquid ergo ad divellenda omnium
commoda pertinet, quicquid ad unam partem extollendam,
alteram deprimendam ſpectat, ad prudentiam ſtatus parum
idoneum debet videri. VI. Talia enim ad novam & pravam
rationem ſtatus deſlectunt, quæ Prudentibus noſtris plurimam
vitanda eſt. Quid ad Germanos cives, quæ exterorum vaſtri-
ties excogitavit, & ſpecioſo Rationis Status titulo præſcripſit,
commenta, & myſteria κακοπολιείας: ne ſane ea ignoremus, ipſa
ſecuritatis noſtræ ratio ſuadet. Ad cavendi enim agendique
peritiam pertinet, eorum ingenia & inventa noſſe, quibuſcum
Reipublicæ noſtræ negotiū aliquid haud raro intercedit. ſed
inter cives, civiliter; inter Germanos, Germano candore; in
Republica optime conſtituta, optimis, id eſt ſinceriffimis con-
ſulendi agendique rationibus vivendum eſt.

Prudentia quæ ad actiones pertinet ampliffimæ conſide-
rationis eſt, & per omne argumentum Reipublicæ diſcurrit:

Ita-

Itaque non est hujus loci, ad singula sermonem porrigere. Ingenium Germanorum in prudentia consiliorum & actionum, hodie incusare, non nisi per magnam imperitiam aut malignitatem, possunt Exteri. Quinimo non desunt rationes, quibus ostendatur, neminem popularibus nostris in hoc genere præferri posse. Itaque ne refutatione quidem dignos putamus, qui acceptas à veteribus quasdam nœnias, nulla temporis aut negotiorum distinctione, impotenti cavillandi studio redintegrant. Nos satis scimus, quæ in Germania parum prudenter actitata sunt, non ab ingenii vitio, sed ab aliis causis, quarum commemoratione hic merito abstinemus, provenisse. neque tam obesa naris, puto, illi ipsi criminatores, putabunt Germanos, quin astutiarum & vastamentorum intima, quibus se & alios fatigatum eunt, qui soli præter ceteros sapere sibi videntur, animadvertant, intelligant, caveant. Non desuit hætenus ad istam quoque prudentiæ partem ingenium; neque deerit in posterum. Jam vero, quantum est quod usus & exercitatio robur adstruxit? si vel sola sesquifæculi disciplina utamur: nihil est, ex omni prudentiæ publicæ privatæque argumento, quod non intra hoc temporis spatium, suas vices, suos casus, sua momenta, sua fata, per utriusque fortunæ genera, per consecutionum variarum seriem, per intertrimenta & successus, per eventa & prodigia, nec impleverit modo, sed geminaverit, imo cumulaverit. Huc respicientibus irretorto oculo, non poterit obscurum esse, quid sequendum, quid virandum sit, quomodo prudentia deliberandi, dexteritate agendi, Respublica servari, à corruptelis vindicari, felicitatis publicæ instrumento perornari debeat. Si præsertim consilii in Republica & de Republica capiendi, tum laboris ad perficienda consultata sumendi, auspiciū à DEO repèratur: qui solus, Principibus solertiam, administris industriam largitur; veramque prudentiam non humanis tantum disciplinis docet, sed arcano motu instinctuque ad efficaciam salutarem temperat. Prudentia Imperii Germanici moderatrix, per corporis late fusi vastam molem, ita distrahitur, ut parti consulere nequeat, qui totum animo non complectitur. & in tot tamque prægrandibus membris, cum semper aliquid sit quod altero fir-
mius

nius aut infirmius valeat, suaeque commoda aut incommoda alteri debere aut non debere cupiat: itaque nullus tam vigil tam perspicax oculus est, qui omnia obrutu pervidere, providere, discernere, ac quæ, ex quibus, & quando consecutura sint, arbitrari possit; nisi ille, qui totus est lux, totus est oculus, conspicienda præparet, nubeculas discutiat, aciem dirigat.

Prudentiæ insuper in medium conferendæ, & lociatio provisu acuendæ firmandæque, salubri instituto Comititia majores nostri destinarunt. Comititiis aliquid sanctum inest, in omni regiminis genere: etiam ubi omnes unius iussa aspectant. Non enim audiendos esse, qui Regem infra dignitatem facere ajunt, cum conventus habet, præclare disputat Hospitalinus Gallie Cancellarius apud Thuanum. Quid enim magis regum, lib. 27. p. 10 inquit, quam jus suum cuique tribuere? aut qui fieri illud commodius potest, quam cum facultas datur omnibus mala sua, incommoda, questus, libere ac publice, ubi fuco ac fraudi locus non est, expromendi? Sic enim fit, ut reges officii sui admoneantur, & populos antiquis tributis levent, nova non imponant, nimis & damnosis sumptibus abstineant, munera publica ac magistratus minime venales habeant, ad episcopatus ac cetera sacerdotia non nisi dignos provehendo, curent, quæ hodie pravo usu negliguntur: quippe cum Reges non nisi alienis oculis & auribus, videant & audiant, alieno arbitrio vivant, & de summa rerum statuant, à suis veluti fraudulenta indagine cincti; & qui alios ducere debebant, ipsi ducantur. Cujus generis plura ibi adferuntur. In mixto autem Reipublicæ statu, & in Libertate, ipsius formulæ partem Comititia faciunt; ubi de communi consensu ordinum, decerni & statui, quæ ad Rempublicam pertinent, summa ratio est. In nostro certe Imperio, sanctissimis, quibus Respublica describitur, legibus, Comitiorum jus & auctoritas sancitur. His Comititiis, nihil habet orbis, quod maiestate Procerum, aut splendore libertatis æquare possit. Sicut & aliàs Reipublicæ nostræ nihil ex omni antiquitate par aut secundum nominari potest. Unde Thuanus, accurati judicii scriptor, postquam Reipublicæ Germanicæ Amphictyonicum concilium XV. populis constans & Achæorum sædus XII. civitatibus in unum corpus collectis institutum, compa-

Hhh hhh

rare

lib. 2.

vid. Polyb.
2. 41.

rate cœpit, opus habuit adjicere: *Verum hac cum Germania comparata, quasi musca ad elephantum: nam facile fuit, ut populi inter se contermini, exterorum injuriis obnoxii, cum alter alterius ope indigerent, una convenirent, & idem sentirent communis salutis tuenda causa: quemadmodum & facile ii conventus aut externis opibus, aut domesticis dissensionibus postea dissoluti sunt: Quamvis eorum umbra quadam etiam sub Romanis Imperatoribus remanserit. mirum vero tot potentes populos, non vicinorum metu, aut ulla necessitate adductos in hanc statum formam consensisse, & semel acceptam, per tot sæcula tam constanter retinuisse, ut nullum robustius corpus, licet ex debilibus plerumque membris conflatum, si singulos spectes, aut hodie sit, aut olim fuisse homines meminerint. & quod magis admirabile est, cum ex diversis administrationum generibus constet, summa concordia ab eo tempore inter eos extitit; nisi si quando, semina dissensionum inter eos cæta sunt, quibus id effectum est, ut excusso imperii iugo, Pontifices in Italia rerum potiti sint, & ad alias nationes atque adeo Germanos ipsos paullatim Pontificii nominis terror pervaserit, salva tamen & incolumi in Germania ad nostra usq; tempora Imperii majestate. Adjiciendum est his admirandis, quod inter nova discordiarum semina, natasque exinde exitiabiles pene concertationes, hodieque stat Reipublicæ majestas: Pacisque (faxit DEUS) invictæ vigor, tum in aliis rebus, tum in Comitiiis instauratis elucet. Sicut autem Achaicus confessus, nostris comitiis exæquari nullo modo potest; Ita leges Comitiales Achæorum non possunt non omni laude dignæ haberi. Inter eas fuit, quæ moras consultationum, & frustrationes præcideret, efficeretque, ne cunctando senescerent consilia, quando constitutum erat: ne ultra diem tertium concilium gentis traheretur, verum ut eo omnino die decretum fieret. Non dissimilis prudentiæ altera lex fuit: Nec cui exteragenis legato Concilium daretur, nisi editis prius mandatis scriptis, per quæ ante appareret, cujus causa concilium postularetur. Ita prospectum fuit, ne quid in concilio legibus Reipublicæ adversum, aut utilitatibus alienum moveretur; atque de exploratis sententia dici accuratius posset. Fertur & alia lex: ne cui Achaici concilii civitati seorsum legatos mittere ad*

exte-

exteros fas esset. Adversus munerum quoque corruptelas, egregie cautum est: *Ne quisquam donum à quoquam Regum caperet.* Quæ omnia præclare explicat & ex *Polybio* præcipue repetit, magni nominis Jureconsultus *Jacobus Gothofredus* in oratione, cui titulus est *Achaica, seu de causis interitus Reip. Achaorum.* Nostri Comitii boni consilii nunquam potest copia deesse, si scopus Germanicæ libertatis, ac Imperii majestas, &, ex utraque, DEI gloria, deliberationibus consultandis auspiciū faciant: neque locus relinquitur aliorum spectantibus propositis, quibus ab omni ævo optima desecti, maxima debilitari consueverunt. Fuit inter solennia fere argumenta comitiorum, deliberatio de bello Turcico; cui quæ objectæ sint moræ, quæ difficultates innatæ, non est nostrum disserere. omnes certe sciunt, vel ad mentionem rei tam probatæ quondam, animos hominum diverse trahi, & solícite cuncta circumspicere ac suspicari. Sed nos alia vocant: nec omitti inter præsidia pacis debet

VI. REI LITERARIÆ CONSTITUTIO.

Pax enim & Quies bonis artibus etiam hoc nomine indigent; quatenus boni moris disciplina, & administrandæ dexteritas Reipublicæ, doctrinâ traditur capacibus animis, & perficitur. Scholis ergo bene constitutis, quin de pace bene sperandum sit, dubitari nequit. Nemo certe tam imperitus est civilis vitæ, quin bonos in Republica mores, educatione scholastica, & religiosa Theologorum institutione unice generari & formari intelligat. Sine bonis autem moribus parum cætera ad solidam felicitatem perficere, supra dictum est. Quò itaque propius componendis moribus scholæ fuerint attemperatæ, eò habendæ erunt meliores rectioresque. Vix autem in perpetua pace res scholastica à corruptione, & inoleſcentibus nævis immunis servatur. Vnde judicium fieri potest, quantum tam diuturna, tam sæva bella, labis consciverint rei tam delicatæ sanctæque. Verum ista in meliorem statum reducere, altioris fuerit curæ, quam omnibus publicæ salutis moderatoribus in parte officii DEUS ipse monitu instinctuque commendavit. De literis & studiis ipsis, quibus per

plures annos operatum me habuit parentum voluntas, cum venia doctorum virorum pauca quædam hoc loco interrogare licebit. I. *An scholis illustribus, non tamen summis* (Gymnasia vocabulo veteri significatione nova appellantur) plurimum esset profuturum, si ad docendas, quæ ibi traduntur, disciplinas, mature largioribus stipendiis conducerebantur, qui primum ipsi docenda serio condiscerent? ita, ut e. g. unus græcæ literaturæ, alius hebraicæ, alius Latinæ eloquentiæ, & variæ eruditioni, alius Philosophiæ canonicæ aut naturali, aut activæ, in peregrinationibus Academicis juberentur vacare; hanc Academiam, hos viros, primum; hos deinde; hos postea adire; indeque ex præscriptâ peritè formulâ, hæc aut ista, aut illa eruditionis præsidia reportare. Ex quibus scilicet postea ad gravissimum docendi munus periti vocarentur, quique à peritis didicissent; neque facile, ac cuius committendum judicaretur munus scholasticum. II. *An ex usu & natura Academicarum sit, operam dare, ut sint quod dicuntur, id est literarum Universitas, sive ut nullum studiorum genus negligatur, nullum contemnatur; sed omnia cultu & honore afficiantur ab omnibus, qui barbarorum nomen, studiis Academicis directâ fronte adversum volunt subterfugere: ut series & ordo profectuum sit, ut conjungenda conjungantur; ut obiter tractata, & per compendium percepta, sine probro nemini jactare, aut in modum eruditionis penitus hauste arrogare fas sit: ut bonorum autorum (quorum apud paucissimos vix perfunctoria notitia est) & antiquitatis erudita sapientisque reverentia renovetur?* III. *An industria Academica in lectionibus audiendis, in speciminibus edendis, in disputationibus habendis, ad pristinum vigorem & quomodo restitui possit; ne ex opinione, sed profectu, nec ad speciem, sed ad usum, serio æstimandi pensandique studio, omnia à discipulis referantur?* IV. *An idonea spei argumenta de re literaria in posterum in majus provehenda prudenter cogitanti in oculis sint?* Verum, hic quoque satis habere debeo tetigisse hunc locum: quem implere soli possunt, qui usu docendi pollentes, tum cætera interpretari sciunt, quid de tot novis methodis, quibus *οριαρχία* artis magis, quàm *αγνασία* rerum sectari, inter artes hodie est, judicandum sit;

fit; Itemque in medium consulere, quibus adornari præfidiis debeant, qua cura, quo delectu, illa scripta vel vetera vel nova, qua ad erudiendam juventutem, suggerendaque & docentibus & discipulis adminicula, publice adhiberi fas est. Mihi ad finem properandum est. Quem ut bono omine constituamus, non alienum videtur, apponere

VII. ISOCRATÆA DE PACE GRÆCIE CONSILIA.

Aurea est oratio *Isocratis de pace*, ex qua, forte aliqui erunt, qui nostro ævo utilia eruere cupient, nos summatim annotabimus ea, quæ salubritatem pacis vel obtinendæ vel firmandæ Atheniensibus repræsentabant. Inter quæ I. existimari debet emendatio consultationum de Republica. Oraculum Orat. 2. de rep. ord. est, quod Sallustius observat: Omnia regna, civitates, nationes, usque eo prosperum imperium habuisse, dum apud eos vera consilia valuerunt: ubicunque gratia, timor, voluptas, ea corrumpere; post paulo imminuta opes, deinde ademptum imperium, postremo servitus imposita est. Vera autem consilia valere non possunt, si sit, quod Athenis factum Isocrates conqueritur: convenitis, inquit, tanquam ex omnium sententiis electuri, quod Reipublica conducatur; nihilo tamen minus interim tanquam de eo, quod factu optimum, jam certi, nemini vultis auscultare, nisi grata & vobis placentia suadentibus. Tacitus diceret, aures vestra ita formate sunt, ut nihil nisi jucundum & læsurum accipiant. Hinc fiebat, ut cum alieni cupiditas in Atticis esset maxima, nec minor ambitio, nemo plus in consilio fidei & autoritatis haberet, quàm belli autores suaforesque. ex bello enim sperabant, quæ corrupti libido animi exposcebat. Ex talibus autem consiliis ad arma instigantibus, plurimas maximasque Athenis calamitates provenisse, perpetuis superiorum temporum exemplis constabat. II. His ita constitutis, orator suadet, pacis leges quàm justissimè & moderatissimè, i. e. relicta singulis civitatibus sua libertate, componi debere. Quo enim plus Justitiæ & moderationis in pace fuerit, eò plus firmitatis habituram esse. III. Quomodo pax semel confecta conservari debeat, gravissima & proluxa dissertatione ostendit. Scilicet 1. immodicas animi libidines compefcendas

H h h h h h 3

esse.

esse. quippe ubi quietis & otii tædium odiumque sit; ubi aliena appetantur, ubi jura negligentur, ibi pacem durare non posse. Itaque 2. ambitiosa & vasta de premendis insolenti potentatæ ceteris Gracia civitatibus, imperioque maris per fas & nefas obtinendo, abdicanda esse. 3. Non externis militibus, sed domesticis, more majorum, fidendum esse. 4. Leges non multiplicandas, sed studiose inviolabiliterque servandas esse. 5. Consilia quæ Statui Reipublicæ & libertatis conducunt, unice sequenda esse. 6. Magistratus esse constituendos peritia & fide præstantes. 7. Fiduciam securitatis non in similibus adversariorum delictis, sed potius in recte factis prudenterque consultis reponendam esse. 8. Pietate, Temperantia, Justitia & reliquis virtutibus unice pacem fundandam esse. 9. Demagogos & Sycophantas probe noscendos: minimeque audiendos esse. Quæ omnia tandem in summam colligit cunctosque patriæ amantes cohortatur, ut ea dicant scribantque de Republica, quibus civitates ad virtutem & justitiam incitentur, quæ unica felicitatis civilis origo, & Pacis duraturæ fundamentum est. Attuli ista hætenus sive potius excerpfi, ut cupiditas excitaretur apud Commilitones, legendi meditandique orationem, quâ gravior, sanctior, prudentior, & ad nostram Pacem accommodatior, in antiquitate quidem nulla extat. Neque dissimulo, me eadem opera nonnihil compendii sectatum esse, ut, quæ de rebus maximis dici plurima possent, & forte, si temporis mei ferret ratio, deberent, ex idoneis autoribus repetenda esse, subinde declararem.

Atque adeò nunc in fine hujus minime elaboratæ Scripturæ, DEO O. M. Pacis Principi, quietis publicæ fundatori, Germaniæ instauratori, felicitatis Patriæ conservatori, genua reverentissime inflecto, piasque suppliciter preces allego, ut SERENISSIMUM HERUM MEUM, CUM TOTA ELECTORALI SAXONICA DOMO, tanquam INGENS PACIS ET FELICITATIS GERMANICÆ PRÆSIDIUM sospiter, & ad omnem posteritatem hoc electissimo instrumento beandi ornandique, quicquid super est avi usque ad initium regni Pacis, cujus nulla sunt vices, nulli termini, suam mortalibus indulgentiam exhibeat, suæ benignitatis thesauros repræsentet.

XXXII.

XXXII.

CLYPEUS REGIUS.

I.

Ingressus in hunc Sermonem. Delectus Argumenti, ex Hieroglyphicis. Scopus ad Historiam & Sapientiam civilem relatus. Ordo dicendorum.

CLypeus regius, huic Dissertationi, in usum Academicæ Exercitationis natæ, veluti Index præfigitur. Si quis hoc obscurius fieri putabit, tuebor me exemplis, ex ultima antiquitate, ne nostro quidem ævo ignotis aut inusitatis.

II. Sapientissimi Veterum, maxima quæque tum civilis prudentiæ, tum naturæ mysteria solebant imaginibus, Symbolis, sacris sculpturis sive Hieroglyphicis, quæ vocantur, complecti.

III. In ipsis sacris & verè Divinis monumentis, non exiguæ nec profanæ significationis Symbola, permulta occurrunt; sicuti vel ex structura Templi & sacra suppellectilis, & habitus sacerdotalis (ne alia nunc attingamus) obvium est perspicere.

IV. Ex Nationibus huc præter cæteros Ægyptii incubuerunt; ex Philosophorum generibus, Poëtæ: felicius, infelicius; aptius, ineptius. neque enim semper propitiâ Minerva res successit. Interpretandi studium attulere Valerius Pierius, Laurentius Pignorius, Causinus, & commentariorum scholiorumque scriptores veteres & nuperi.

V. Ex infinitis speciminibus forte obversari cœpit oculis meis eruditus & ingeniosus labor, quo tres Poëtarum principes, HOMERUS quidem ACHILLIS; HESIODUS, HERCULIS; VIR-

iliad. 2.

Αχιλλεύς.

Αν. lib. 2.

GILIUS, ÆNEÆ CLYPEUM sinxerunt & formarunt.

VI. Alias res agat oportet, qui non animadvertit, plus quàm picturam aut simulacri oblectamentum in istis tam ope-

operosis descriptionibus exhiberi. Si dicendum quod res est, *omnis civilis prudentia summa*, verum tegmen, quo magnarum & publicarum rerum actores muniuntur, Clypeis istis perscribitur atque designatur.

VII. Quare, non obscurâ ratione, lector, qui ingenium talibus scriptis debitum attulerit, hinc fabricabit CLYPEUM REGIUM, id est præsidium armorum ac instrumentum, non jam Achilli & Æneæ ad militiam, Herculi ad pugnam; sed REGI, ad muneris & operis Regii fortunam accommodandum.

VIII. Quod ut clarius appareat, repetemus primo; CLYPEI INTER ARMA ÆSTIMATIONEM ET SIGNIFICATIONEM; deinde, CLYPEI, ut REGIUS FIAT, ELABORATIONEM interpretabimur: Tertio, & præcipue, USUM VIRTUTEMQUE REGII CLYPEI, IN PRUDENTIA REGIA contemplabimur.

IX. Atque in his, tum aliæ *historia Regia*, tum præsertim Patriæ sive Suevicæ nobis lucem, vim & spiritum murabuntur. Æquum enim est, ut suæ quisque gentis res gestas, præ ceteris, studiosius meditetur.

Deum, ut annuat; Lectorem, ut faveat cœptis, rogamus.

II.

Clypei in armis nota prerogativa. Clypeus Poëtarum à nonnullis ad Magiam naturalem refertur. Armis Heraldica in eo specimina. Significatio Regii muneris operisque in eo præcellit.

IN Armis propugnantibus CLYPEUS & GALEA præcipuam Æstimationem habent, ita, ut sæpe, cum conjunguntur, totum hominem militariter armatum referant. Exemplo sint, *Trophæa Veterum*. Et ratio non obscura, ex *legibus & moribus*, tum *ludorum* militarium, tum veterum *Certaminum* petitur: quando superioribus sæculis indecorum habebatur, ictus aliter inferre, aut infra cingulum. Pectus & caput opponebant

Chiffet, ad
vindie.
Hispan. lum.
Prærogat.
4.
Proverb.

nebant adversariis pugnatores, quorum illud Clypeo, hoc Galeâ tegebatur. Sed de Galeâ, nunc non agimus.

II. In *Clypeo* adornando plurimus labor. sicut in Exemplis Poëtarum ante nominatis apparet. Quare curiosis ingeniis, multa commentandi & divinandi occasio suppeteret visa est.

III. Quidam enim, Homerum, Hesiodum, Maronem, in fabricâ Clypei, MAGIAM NATURALEM ET MYSTERIA OCCULTARUM VIRIUM voluisse exprimere, arbitrantur. Itaque variè *mixturam metallorum*, ad altiores virtutes elevandorum; *Characteres*; *fabricandi tempora & artes*, inquisitum eunt; & ex figmentis suis, quandam quasi disciplinam & sapientiam extruunt.

IV. Plus ad veri fidem pollentia afferunt, qui ARTIS HERALDICÆ, ut vocant, signatas hinc imagines arcessunt, exponuntque. Adfunt *Metallorum Auri præsertim & Argenti*; *Colorum*; *Symbolorum*, insignia, discrimina, exempla. Neque multa videntur in præceptis & observationibus extare, ex quo *Armorum descriptio* in artem ivit; quibus non talis *Clypei non-enarrabile textum*, vel specimen, vel rationem & lucem suppeditare queat.

V. Juvaturque hæc opinio perpetuâ illâ sentiendi loquendique consuetudine, à vetustissimis temporibus in propria propagatâ, de *Armis Heroum*, eorumque singulari origine, virtute, formâ: quæ omnia ad divinum munus, aut Fortune beneficium consiliumque referre solebant; non sine fabulis quidem; Sub quarum ambage aliquid veri significari, plerumque creditum est.

VI. Hoc enim est inprimis ad veterum sapientiam eximium, ut non Heroici modo, Martique; sed *Regij præsertim operis munerisque contextus*, Clypei talis imaginibus exhibeatur, omniaque Regni agendi decora tam operosâ picturâ figurentur. VIRTUS præsertim & PRUDENTIA REGIA, expressas hic videntur habere figuras. Aut, si conciso genere loquendi utimur, in *Prudentia Regia* inest, quicquid pace belloque validum aut decorum est.

VII. Ipse *Virgilius* interpret esse potest hujus senten-

III III

tiz.

Lib. 6. Æ-
neid.

1. 1. Æneid.

tix. Cum enim, imperii regendi pace belloque artes commendasset, & in Romanorum gestis exempla præcepisset; postea Clypeo Æneæ eandem *Famam eadem Fata nepotum* inscribit.

VIII. *Divinum munus* faciunt talem Clypeum, tum *beneficij*, tum honoris causâ, neque promiscue, datum. *Admirabile* faciunt & *venerandum*. *Arte varium*, *virtute potentissimum*, concinnant. Hinc Æneas

— *Dea donis & tanto latus honore*
Expleri nequit, atque oculos per singula voluit
Miraturque.

Et de Vulcani Cyclopibus præcesserat:

Ingentem Clypeum informant, unum omnia contra
Tela Latinorum.

IX. Quæ omnia, *Regium* quid spirant. Nam & *Majestas Regum*, à *Deo*, cujus vices in terris gerit, deducitur: & *virtus Regum actioque*, *divinis* viget auspiciis: & *successus fructusque Regij operis*, *communem hominum sortem excedit*. Quare & *symbola*, ac *insignia*, quibus hæc denotari & exprimi solent, *divinitatem* quandam habere, etiam remorâ superstitione & nugandi licentiâ, putantur. Juvat hoc genus sapientiæ propius & singillatim intueri.

III.

Heroum, Regumque Clypeus est, qui à Poëtis describitur.
In quo Nativitas & Indoles Regia signatur. Edu-
cationis & Studiorum Regionum imagines. Virtu-
um Regiarum Symbola. Operum Regionum pi-
gnora. Artificii & Fabricæ comparatio & colle-
ctio.

HEROES fuerunt, quorum de Clypeo sermo est; id est, à divino numine magnis publicisque rebus gerendis destinati: Singularibus & supra communem mortalium sortem doribus artibusque instructi; vi mentis atque ingenii inusitatâ eminentes, operum mirabilium patratores; quibus varii ancipites-

pitesque casus haud raro intercedunt : inter homines reliquos, quodammodo Reges ; inter Reges, fatis operibusque Regiis maximi clarissimique regnatores. Eo enim redeunt, quæ de Heroibus antiqui commentantur.

II. ACHILLES inter Reges Græciæ non supra verum ab excellentissimo Poëtarum deprædicatus ; ut *Philostratus* judicat : *in Heroicis*
ÆNEAS, præter alia Regia merita, novi & incomparabilis regni conditor ; Virgilii præsertim ingenio descriptus ; nec vanè à sociis indicatus :

Rex erat Aeneas nobis, quo justior alter

Æne., lib. 1.

Nec pietate fuit, nec bello major & armis :

HERCULES autem, tyrannorum domitor, quicquid ubique monstri aut sceleris fuit, virtute animi atque robore dextræ comminuendo, omni Regio fastigio sublimius opus regium perfecisse judicatur, quotiens è fabulis veritatem eruere, scriptores antiqui & novi solent. *Grot. de I. B. lib. 2. c. 10, n. 10.*

III. Retinebit, in gratiam triplicis exempli, hæc dissertatio nostra illam viam & rationem, ut pleraque de CLYPEO REGIO dicenda, referamus ad ORIGINEM ET EDUCATIONEM REGIAM, tum ad MERITA ET FACTA REGIA, tam in condendis, quam in tractandis Regnis.

IV. Licebit nobis, aliter more *Homerico* uti, quam vulgo solebant. Quamvis enim talem Clypeum habuisse Achillem, ut *Homerus* describit, merito neget apud *Philostratum* *in Heroicis*
Protesilaus ; quia tamen Poëta jucundissimum ac ingeniosissimum in eo fabricando argumentum excogitavit, *Urbesque & astrorum ignes & caelestia signa, pacis præterea bellique instituta & decora depinxit* ; non erit obscura in fabularum imagine veritas, nec ex commento, doctrina sapientiæ non elucescet.

V. Divina ope, & Parentum curâ, Clypeus accommodatur Heroibus. Deus est nimirum, qui format & armat Heroes ; Illustribusque Familiis hanc fortunam adjungit ; Ut magnam ex se indolem, per seriem Heroicæ successionis, progenerent, jura gentibus, exempla sæculis daturam. Gravis est, & prudentiæ specimine magnifica *Diodori Siculi* sententia, cum genus *Herculis* recensuisset : *Virtus ejus non tantum* *lib. 4.*

in actionibus & præclaris facinoribus spectari debet, sed etiam antequam nasceretur, cognosci præviderique potuit.

VI. Mira sæpe est, & quodammodo imperscrutabilis, Fortunæ Regnorum industria, in moliendis machinandisque matrimoniis, conservandâ profapiâ, excitandis incrementis, sive, ut propius ad rem loquamur, generandis Regibus Heroibus. In Suedicis memoriis, RAGNERUS, patri-Hundingo successurus, ab injusta noverca ad jumenta pascenda ablegatus, omni spe regis conditionis quasi fulmine dejicitur. Adversus extremas calamitates en subito adest Achilli Theris, Æneæ Venus, & regnaturi juvenis indolem Regia virgo Suavitâ in oculis & ore legit, ex desperatione ad spem Regni excitat; &, ut illæ Divæ clypeum, ita hæc *Gladium* porrigit; vere Regium; & mox Regiâ manu vibrandum, Absint superstitiones, quanquam illis temporibus valdè familiares. *Gladium* credamus, consilium & instrumentum excitandæ ad regnum capessendum Regiæ indoli opportune suggestum supeditatumque. *Johannis Magni nostri* eximium in hac re judicium est. *Non tulere fata, inquit, ut Regius sanguis inter servilis conditionis angustias obsolesceret, quem natura aliorum genuerat præsidem & rectorem.*

VII. Qualis illa Indoles in GUSTAVO ERICI DE WASSA; quam Johannes Daniæ Rex ex ipso pueri vultu deprehensam, vero vaticinio celebravit; *Hic si vivet, Vir erit magnus?* vixit: magnus & vir & Rex fuit. Et tantarum rerum fidem generosa paterni maternique sanguinis nobilitas in ore, in oculis, conspicua & præfaga imagine expinxerat.

*Quæ propior sceptris facies, quis dignior aula
Vultus erat?*

Scilicet — mens ardua semper

Claudian.
*A puero, tenerisque & jam fulgebat in armis
Fortuna majoris honor.*

VIII. In GUSTAVO ADOLPHO adhuc puero, exsplenduit Regiæ virtutis indoles, à condito orbe paucorum cepit spiritus. Atque inter rudimenta militiæ, cum incredibili ardore configendi cum hoste teneretur, Rex
Pater

Pater in subsidiis eum collocaverat. Lacrymas non tenuit Regius adolescens, quod à spe configendi, & virtutis suæ exultatione, submotus, & quasi in tutiorem locum relegatus videretur. Quasi cum poëta dicere vellet:

*Cur annos obicis! pugna cur arguor impar?
Aequalis mihi Pyrrhus erat, cum Pergama solus
Verteret, & Patri non degeneraret Achilli.*

Claudian.

Quo Parens animadverso, in primam aciem transtulit cupientem, vestigia magnæ indolis agnoscens. At cum hostis interim à tergo coortus esset, rursus deplorabat suam infelicitatem, quod à certamine longius abesset. *Quis illa cum cerneret, non jam tum etiam tempestatem illam, quæ hostes suos obruit, prädiceret?* ut hoc oratoris eximii verbis efferamus.

Matth. Bernegger, in laudat. funebri.

IX. At ne quis à laude apud nos cessaret sexus, quantā in TANTI PARENTIS INCOMPARABILI FILIA CHRISTINA eluxit Indoles? Quis non ipso aspectu commotus, cum poëta exclamasset:

*O quam Te memorem virgo? namque haud tibi vultus
Mortalis, nec vox hominem sonat, o Dea certe:
An Phœbi soror, an Nympharum sanguinis una?*

Virgil.

Cælestis indoles in tor Heroum Regumque maximorum stirpe, etiam fœmineâ, plusquam viriliter emicuit; & poëticas ambages ad verum revocavit.

X. Et quis hic præterire queat Divinum germen CAROLUM Regem nostrum? In cujus ore, Parentum Avorumque majestas, omne Regium decus suspensæ ab hoc spectaculo Patriæ ostendit proinititque. Faxit Deus, ut

*Magnorum soboles Regum, genituraque Reges
Vivat, & Artoum repleat virtutibus orbem.*

Pignora habemus, quæ futuri fidem faciunt. Instandum est votis & pietate precum, ut mox abundè eventus respondeat.

XI. Indolem ejusmodi Heroicam & Regiam, multa sunt in Clypeo Homérico quæ significant; præter ea, quæ jam diximus. Nam admirabilis illa *metallorum & elementorum commixtio*, contemperatas optime in unius ingenii vim vi-

res opesque portendit. Et dum *totius mundi, omnisq; Reipublicæ argumentum*, uno concluditur Clypei ambitu, facile licet intelligere, hanc fabricam non aliis accommodari posse, quam ingeniis omnis sapientiæ & actus civilis capacibus. Quæ *prima sortis, & divina* vocari, mos est.

XII. Neque in singulis tantum Principibus Heroibus, quos certis populis & temporibus Deus, ut conditores, aut servatores attribuit, Indoles hætenus descripta elucet: Sed integris aliquando *Familiis* fato singulari competit. Sunt exempla in oculis, in præcipuis Europæ imperiis. Domi quoque non pauca invenimus. E quibus Inelyta Gens de WASSA, rei Suedicæ, verè fatale & incomparabile bonum fuit. Intestina Discordia, & Tyrannis, bestiarum, quæ res humanas vastant, truculentissimæ; Sueciam in eo collocaverant statu, quo nihil potest esse miserius. Hic vero Deus, maximum illum Heroem GUSTAVUM ERICI, ex captivitate in libertatem; ex libertate in liberatorem; ex liberatore in Regem, per varios casus, per mille rerum discrimina provexit. Ex hoc sanguine CAROLUS IX. rebus difficillimis sustinendis; & postea, infinitæ gloriæ ac securitati parandæ, GUSTAVUS ADOLPHUS, quem merito Magnum usurpant, veluti benefica sidera, enituerunt; suffecitque his decoribus tutandis & amplificandis Serenissima Regina CHRISTINA: nisi quod animo à conjugali fœdere alieno, metu deficientis *Familia tam Heroica, tam Suecis auspicata*, septentrionem terruit. Sed unde formido, inde remedium extitit. Demonstravit enim & fecit successorem, ex eadem Familiâ per maternam originem profatum Heroem, CAROLUM GUSTAVUM, qui instauravit Regiæ Fortunam Domus, & avita utrinque merita quibusdam quasi pignoribus Patriæ promisit; imo in FILIO CAROLO exhibuit. Absolver, & proprium Sueciæ faciet tantum munus, cœleste Numen; pluresque Heroes & Reges emittet ex *Familiaris Fortuna* penetralibus; qui manu sua, ferre *Clypeum septentrionis propugnatorem* queant.

Suav. in Christi-
an. II. lib.
2. c. 12 n. 13.
1 occen.
hist. Succ.
lib. 6.

XIII. Licet enim, si fabulas respicimus, quilibet horum Heroum, eas detrectare, & cum Poëta queat dicere,

non

— non Mulciber auctor

Mendacis clypei, fabricataque vatibus arma

Conatus juvare meos:

Claudian,

Si tamen, quod sub fabularum ambage occultari, antiquitas; & explicando repeti, fas esse junior ætas credidit, attendimus; non meretur nullam æstimationem fingentium ratio & auctoritas. Adeo nihil abest earum rerum, quas in hoc theatro spectari dignum æquumve est.

XIV. Ipsa præsertim EDUCATIO HEROICA ET REGIA, eximie in Clypeo sæpius nominato scribitur. *Cælum* cum suis *sideribus*, *Ignis*, *Aer*, *Oceanus*, *Tellus*, *Natura rerum cum suis elementis*, hic consignantur. Regia est enim & Heroica totius universi cognitio: in cujus partibus hærent, quæ inferiora sunt ingenia.

XV. Minerva apud Homerum Diomedæ tribuit *scientiam*, *Deum & hominem noscendi*; id est, si interpretes Sapientiæ intentos audimus, RERUM DIVINARUM ET HUMANARUM COGNITIONEM. Quam qui consecutus est, ad quandam quasi similitudinem accedere videtur; Ut Pythagoreorum habet ratio, & modus philosophandi, cujus aliquod specimen reliquit *Ocellus Lucanus, de Natura universi*. Eustath. ad Iliad. 2. l. v. 128.

XVI. Ascendendum est altius, illis, qui Heroi Clypeum Regium formare cupiunt. Rex imaginem & vices gerit regnatoris omnium Dei. Ut imitari velit & possit Deum, propius ad hunc lucis & sapientiæ fontem accedendum est. NOTITIA Dei opus est Regi uberiore & sanctiore, quam quæ potuit cadere in sapientum primos, horumque principem Homerum; aut Heroes gentium, Achillem, Æneam, Herculem. Melius præcipit futuris Regibus, qui teneris auribus inclamat: *Concupiscentia sapientiæ deducit ad regnum perpetuum. Si ergo delectamini sedibus & sceptris, & Reges populi, diligite sapientiam, ut in perpetuum regnetis: diligite lumen sapientiæ omnes, qui præstis populis.* Nam ut postea additur, Sap. 6. v. 21. &c.

v. 26. *Arnob.* tur, *Rex sapiens, stabilimentum populi est.* Nulla est an-
 tem religio verior, officiosior, potentior, quam Deum Prin-
 adv. Gent. cipem nosse, scire Deo Principi supplicare, qui bonorum
 lib. 2. omnium solus caput & fons est. Hic solus Regum & Prin-
 cipum, rex & auctor & Princeps & Dux est. Multum
 de Civ. Dei dixit, neque tamen quantum diceret intellexit *Seneca, Au-*
 lib. 5, c. 8. *gustino* quoque laudatus, quod ante omnes Regibus pro-
 nuntiandum est: *Duc me, summe Pater, alti dominator*
Olympi, quocunque placuerit; nulla parendi mora est. Ver-
 bo dicam: aurea Clypei Regii pars & præcipuum muni-
 menti robur est, RELIGIO, QUÆ RECTE PIÆQUE
 NOVIT ET COLIT DEUM. Non debent à latere Regis
 discedere graves & pii Theologi, qui Regiam disciplinam
 probe calleant, & bona fide doceant: ne vel ignorantia,
 vagandi; vel fucus aut superstitio, illudendi occasionem
 præbere olim queat. Utroque enim modo, ab auxilio Dei,
 & felicitate regiminis disceditur.

XVII. Eat in Exemplum, è domesticis adoreis, Gu-
 STAVI MAGNI industria; qui, ut omnia *Sancti Bibliorum*
Codicis monumenta perdidicerat; ita Regis pietatem & religi-
 onem in *Regio Psalme*, Regia facta, & tata, in *Regum libris*,
 quique consimilis argumenti sunt, admirari & meditari cal-
 lebat. Optabat etiam, & auspicio regio incitare & conqui-
 rere destinaverat, *interpretes illorum Librorum*, solidâ pru-
 dentia & pietate, quæque his explicandis abesse non debet,
 facundiâ, instructos.

Tat. Agr. 4. XVIII. Ex reliqua *sapientiâ, modum tenuisse*, beatum
 Regii Educatores existimant; quando temporis & aliarum
 curarum rationes accuratius subducendas sumunt. NATU-
 RÆ OBSCURITAS, veteribus dicitur; quæ claritas erit, tum
 per alia subsidia, tum si cum opificis cultu conjungatur, quod
 in animo habuerunt *Theologi Veteres*, in luculentissimis de
 lib. 4. veti Hexaëmero commentationibus; & exemplo brevior *Lactan-*
 Christia- tius, de opificio Dei, tum ex Junioribus *Arndius*.
 nismi:

XIX. Regum ingenia non abhorretere ab his studiis,
 vel

Plin. hist.
nat. lib. 2.
cap. 16.
Athenæ.
dipnos. lib.
9.

vel Alexandri laudata merito munificentia ostendar, Aristotelem in naturis animalium perspicendis omni ope impendioque adjuvantis. Quod & nostro Sæculo Magnæ Britanniæ Rex optimus CAROLUS I. in conatibus *Harvæ* fovendis, singulari cum laude præstitit.

XX. Imo in universæ naturæ amplitudine indagandâ & explicandâ, Regio auspicio successoris Serenissimi CAROLI II. multa cotidie & magna tentari perficique, labores egregiæ Societatis, in hoc eruditionis & studiorum genere, subtiliter operosæ, satis superque demonstrant.

XXI. Interiora naturæ partim constituunt, partim explicant, MATHEMATICÆ SCIENTIÆ: neque magnus Physicus absque Mathesi, aut magnus Mathematicus absque Physicâ multum profecerit. Conjunctio igitur utriusque sapientiæ, quiddam parit pulcherrimum & admirabile, & regio favore dignum. Qua in re, forte nostra ætas antiquitatem quodammodo vincit, nisi quod plurima etiam antiquis cognitiora, amisimus, & ignoramus, vel vix per nubem speculamur. Proposuit sibi hanc conjunctionem doctissimus *Mersennus* in *cogitatis Physico-Mathematicis*: ubi & candide variorum inventorum utilitatem laudat & explicat. Et jam pridem Galliam præcellere in hunc diem usque dicas in hoc genere; dum Christianissimi Regis auspicio & incomparabili munificentia, ut omnes aliæ doctrinæ, ita Physicæ & Mathematicæ, cotidianis incrementis provehantur ac extimulantur.

XXII. Magna indoles his studiis attollitur supra humiles cogitationes; & eruditur, ad discernendas à vera sapientia inanes & sine usu exituque contemplationes ac molitiones. Insidiari & interdum illudere solent Regum opibus, mirabilium promissores operum; in Architectura civili & militari, in arte Navigandi & Fabrica Navium, in Metallis eruendis tractandisque, in unionibus extrahendis, in Opticis, in Tacticis, in Tormentis & sclopis, in omnibus denique magnarum rerum moliendarum instrumentis. Luce scientiarum, quas laudavimus, opus est, ne decipiant grandiloqui; pro Naturæ & Artis commercio, utriusque prodigium haud raro venditantes.

Kkk kkk

XXIII.

XXIII. Ipsa Ars vitæ Civilis, tota & plena exhibetur in Clypeo Homérico; per utriusque temporis in quæ hominum occupatio tribuitur, negotia, Pacis Bellique. Quod ex ad Iliad. 5. veteribus, apud *Eustathium*, *Demo* sapientissima scæmina, & *Cercyræus* quidam *Sophista* diligenter annotarunt. Et *Bel-lum* quidem *Homerus* sobrie pinxit, duplicem belli gerendi rationem, aperto *Marte*, vel ex *insidiis*; varios itidem *casus*, & *multam mortis imaginem*; tum *finem belli* per *excidium* aut *multam* indicans. Arma etiam consilio temperanda, *Martis* & *Minervæ*, quasi *vim* & *consilium* diceres, sociatum certaminis regimen ostendit. In Heroico *Hesiodi* Clypeo, eadem omnia, & præterea amplius exhibentur: *discrimen*, bella ex *animi libidine* sumentium, quos contentionis vesanus amor, quasi mentis inopes imperu in hostem agit; & *aqui Jovis auspicio* arma induentium; quorum his victoriam, justitia causæ, illis pavorem clademque temeritas & iniquitas sua conciliat: Vices belli sæpe ante finem ancipites, quando modo pelluntur, qui modo pepulerant. *Lapitharum* & *Centaurorum*, *aprorum* & *leonum* certamina, curiosius etiam superadduntur; non nisi ad injustos, truces, immanes, feros, rationi parere nescios bellatores pertinentia.

XXIV. In Clypeo Regio nostro, nec *Martis* robur ac vim, sine *Minervæ* prudentiâ, extare volumus; nec utriusque virtutem commendamus, nisi *Themis* accedat tertium numen. Nisi forte poëtam hic audiamus:

Juvenal.

nullum numen abest, si sit prudentia.

Minervæ certè fabula, eam consilii copiam signat, quæ primam juris habet rationem. Quis enim consilio auspicari & tractare bellum dicatur, nisi omnis prudentiæ auspiciū & moderamen in jure belli reponat, justeque non minus quam fortiter id gerere instituat? Regium est, nec timere bella, nec provocare.

XXV. Quare prudentiam vere Regiam dixeris, causas bellandi justificas a suasoriis discernere; harum illecebras non magis admittere, quam *Hercules* blandimenta voluptatis,

tis, contra sapientem disciplinam virtutis apud *Xenophontem*, lib. 2. Me-
admisit. Hæc, ut opinor, ratio Regiis consiliis intentos morab.
Reges nostros permovit, ut publice in Academia Upsalienti
explicari juberent, optimum hujus argumenti scriptorem *Hu-*
gonem Grotium, qui præclaro opere, *de Jure belli ac Pacis*,
omnem à bellis non suscipiendis modo, sed gerendis quoque
finiendisque, ut injustitiam, ita temeritatem submovendam
sibi delumfit.

XXVI. PACATUM CIVITATIS HABITUM Cly-
peus Achillis præclare repræsentat. Hic *Sponsi, agricultores,*
messores, vinitores, pastores, judices, in suis occupati operi-
bus conspiciuntur. Et *Judices* quidem, auctoritas & gloria
circumstat: Reliquorum labores innocuæ genii lætitiæ,
musicæ & choreis solatur.

XXVII. Privata videntur, connubii, agriculturæ,
reique rusticæ universæ nomina. Sed Regiis curis compre-
hensa, publicam æstimationem assument; felicitatemque re-
gni non minima parte constituunt. Conscripsit vir doctus
Oeconomica Legalia. Superest labori locus nobilis, si quis
animo concipiat, & in literas mittat, OECONOMICA RE-
GIA. Inter Senatores Regis Regnique Sueciæ fuit, qui cre-
bris usurpabat sermonibus; Oeconomicam scientiam Rei-
publicæ necessariam non satis studiosè appeti; & propter-
ea destinaverat à Reginâ petere, quo liceret in Universi-
tate Upsalienti *Professionem Oeconomicam* condere & dota-
re, cui præficeretur, qui æconomicas artes, ex literis, &
peregrinatione, gentiumque exemplis cognitas, ad temp.
referret.

Io. Gryphi-
ander.

XXVIII. Licet enim Unius regni ratio princeps &
architectonica magis ad Oeconomiam pertineat, quàm al-
terius; illud tamen dubio caret, quod ea quoque regna,
quorum status vel ob situm, vel ob vicinos æmulosve potis-
simum militia fundari videtur, æconomicis consiliis & in-
ventis militiam suam meliorem faciant. Domestica exem-
pla vel ideo nequeunt omitti, quia in Christiano orbe vix
occurreret similis dispositio. Quid enim magis sustentat Mili-
tiam

Kkk kkk 2

tiam

tiam *Suecicam*, quam illa *militum per pradia rustica descriptio*? Optimumque videtur firmiteris reipublicæ status temperamentum, si ad utrumque tempus, Belli ac Pacis, æquali robore, opibusque instruat.

XXIX. *MERCATURA* *majoris* & *NEGOTIATIONUM*, magna & multiplex in hanc rem virtus est. *Tanta de rer. suf- ficientia. tract. 3. c. 1.* *est Mercatura vis*, inquit *Bornitius*, ut sepe temp. ad fastigium summa potentia perducatur; & culturam terra emolumento publico & privato superet. De potentiâ amplificandâ, non ambigitur, & exempla vel è Belgio obvia sunt. Sed quæ de cultura terræ additur comparatio, cautione opus habet: Nam mercatura variis casibus non modo imminui, sed intercidi potest. Igitur major & certior ratio publici commodi in stabiliiori terræ variè excolendæ studio reponenda est.

XXX. Et præstitit quidem egregiam in hoc genere operam *Jacobus Bornitius*, quem modo laudavimus, quando de sufficientiâ rerum in rebusp. & civitatibus procuranda, per culturam agrorum & metallorum, per opificia omnis generis, per mercaturam nauticam & terrestrem, per ministeria varia, opusculum edidit, quo nolint carere, qui civilia tractant studia. Sed, sicut in locos communes & titulos sedulo colliguntur, quæ huc pertinent: ita interior hujus argumenti pars adhuc culturam expectat: scilicet consiliorum & eventuum circa has curas specimina, inventa, artes. Ex historiis & variarum ætatum experientia, provisuque ingeniorum in hanc quoque prudentiæ partem fecundorum, construendo opere, quod genium habeat, ad Regium Clypeum aspirare dignum. Hujus confecti non modica esset gloria; utilitas etiam ingentior.

XXXI. *MORUM ET CIVITATIS CONSTITUENDÆ* *REGENDÆQUE SCIENTIA*, sicut Regio muneri propria est, ita in Clypei Regii insignibus pulcram & amplam figuram facit. Cumque lectione, peregrinatione, & conversatione eam parari, plerique consentiant: multa quidem de his studiis dicta scriptaque sapientum extant, sed

sed felicem judicare debemus Principem, qui Educatores & magistros nactus est, Indoli Regiæ ad recta & alta tendenti suppetiari doctos peritosque. Copia *legendorum* & meditantorum, multis vel indicibus vel consiliis prodita est. Sed Studia Regum, temporibus & negotiis reipublicæ adstricta, neque discursus multos, neque disputationum ambages desiderant.

XXXII. Ut legat imperaturo Utilia Regium germen, idonei doctoris vox præmonstratrix multa commendabit, plura subministrabit. sciat & legerit optima, qui non præceptoris magis quam consiliarii operâ, apud eum fungitur, quem à varia lectione, haud raro summa reipublicæ ratio excludit, Deus moderetur oportet, & genius præstigiis calliditatis non contaminatus eum virum, qui huic officio dignum os commodare debet. Ubique salebræ, illecebræ, trica: quibus Regia institutio, nisi pio magnoque animo tractetur, implicatur.

XXXIII. Regiam verè curam dixeris, si Rex qui regnatos genuit, deligat etiam viros idoneos, & inducat ad scribendum ea, quæ Regiæ disciplinæ, ex ipso usu & tractatu rerum, quàm maximè videantur convenire. Non statim placebunt, aut ubique valebunt omnia: sed ex pluribus speciminibus, proclivior erit ad hanc metam via. Prudenter ac decorè Patrem Regi miscuit, neque patrium magis quam *Regium*, in hoc genere, *Donum* prodidit Rex Magnæ Britanniæ, in opere notissimo, & undique celebrato.

Iac. R. *Sup.*
Basiliæ.

XXXIV. Duo autem imprimis ex pluribus scilicet præcipua, ad regnandi scientiam absolvendam commendare fas est: SACRORUM VOLUMINUM SIVE SANCTIORIS PHILOSOPHIÆ præsidium; & HISTORIARUM COGNITIONEM, tanquam pulcerrimum imperii instrumentum. Laudari magnopere meretur, quantum ad institutum operis attinet, *Johannis Boteri* studium: qui, cum videret, multis magnisque viris non displicere turpem & falsam istam sententiam, quasi *Regem, si majestatem suam salvam atque incolumem velit esse, non oporteat, intra Evangelii fines administrationis sua rationem continere*; copiosius eam opinio-

nem refutare & ex omnium sensibus evellere, atque divinis oraculis primum in Regiis curis locum assignare aggressus est, conscripto opere, cui titulus, *Sapientia Regia*. Neque, quicquid boni etiam ethnicorum libri continent, alio pertinet, quam ad tria illa quæ fecit, capita: primo, *regna & victorias à Deo pendere*; deinde, *ea hisce rebus conservari, quæ res Deum nobis conciliant*; postremo, *hisce everei, quibus Dei in nos ira accenditur*. Hinc est, quod Clypeo Regio ubique inserta animadvertitur divinitas.

XXXV. *Historiam* quidem, omne Clypei decus & argumentum *Maro* concinnavit. Quæ hoc ipsum, quod modo dictum, vel testatissime docet: cujus scholam, Regiam esse, nemo abnuat. HISTORIA TEMPORUM, mature concipienda est animo. Subsidia varie suggeruntur: inter hæc imagines ne concinnæ quidem, sed ineptæ monstrosæque, valde vereri aliquis possit, ne illa compendia, memoriz & judicii dispendium portendant. Cordatum esse debet, quicquid Regiis profectibus destinatur. Veteres cautè & sobriè in omni arte memoriz versati sunt, unamque omnibus prætulerunt *Exercitationem*.

Fab. Quinti-
liã Instit.
orat. lib. II.
c. 2.

XXXVI. HISTORIAM LOCORUM, non desunt, quæ facilem & suavem reddere possint hodiè; & accedunt cotidie nova industriæ hujus meditamenta. Res digna, quæ munificentia Regiâ ad majora semper incrementa provehatur.

XXXVII. IN GENEALOGICIS, vana & vaga, temereque asserta vel conficta aspernari, loco & animo excelso dignum est. Hiç quoque GUSTAVI ADOLPHI Magni Regia gravitas laudanda est, qui, licet antiquissimâ stirpis Regiæ nobilitate, editus esset, vanitatem tamen hominis, qui originem ejus à Noacho deductam in Tabula peregrè obtulerat, merito derisit. Et postquam sagacior ætas nostra, probationes exigere cœpit à Genealogicis, publice sordent commenta, quibus ante quasi auctoritas artis obtendebatur. In Regia disciplina, non est nullus huic notitiæ locus. Sicuti enim inter boni Regis notas habetur,

tur, suum quidem genus ornare, ceteras autem familias illustres in suo Regno fovere ac tueri: ita easdem notare verum fuerit, & tali consilio consentaneum. cum præteritum hæc cognitio multum de Reipublicæ & regni facis contineat.

XXXVIII. Quamvis autem Historiam omnem omnium gentium & seculorum perdiscere ei convenit, qui altissimo loco est constitutus, *Domestica* tamen & propior propiorem curam meretur. Hactenus non caret laude recti iudicii *Didacus Saavedra*, qui Politicam Regiam serenissimo Hispaniarum Principi dicaturus, symbola sua & exempla potissimum ex Hispanica Historia, eaque Regiâ, desumit.

v. præfat.
ad Pr. 1640.

XXXIX. RERUM PUBLICARUM PRINCIPATUUM IMPERIORUMQUE TOTIUS ORBIS HISTORIAM variis linguis, operibusque tradere aggressi sunt multi. Et adhuc tamen, absoluti operis idonei specimine caremus. Nam & veterum hoc in genere curæ, *Aristotelis Respublica*, aliæque aliorum opera interierunt. Vix est res unius hominis; nec alterius, quàm publica munificentia & subsidii adjuti. In hoc genere, unum sæculum, non unam affert mutationem & varietatem, inde novæ descriptionis necessitas subnascitur.

XL. De suæ quisque ætatis rebus, varii varia, Rex omnia, colligere amat. Quo in studio *Relationes* quæ vulgo vocantur & emittuntur, non sufficiunt. Ipsa publicè actorum monumenta & pignora expetuntur. Non male faciunt, qui animose sumtus huic curiositati publicè utili impendunt. Et commovit se duobus ferè abhinc sæculis ea industria, ut Archivorum insignium Museis, non domi tantum, sed foris ubivis gentium acta, ubere instructa, custodirentur.

XLI. Quod de domestica Historiâ dictum, Clypeo *Æneæ* æternis figuris insculptum est. Hic enim, omnis Romana historia, Romanis condiscendis artibus consecratur: non sine civilis iudicii studiique expressis imaginibus. Origines, incrementa, vices bonorum malorumque, usque ad fastigium

Virg. Æn. 8.

poten-

potentiæ; intra quam fuit, si rectè reputes, quicquid postea maximum fuit.

XLII. Clarius etiam, quomodo Reipublicæ præfuturus adolescens debeat se, in tractanda historia patriâ adhibere, de 4. con- *Claudianus* ostendit, qui parentis monitus ad Filium regna- ful. Honor. turum ita exhibet:
v. 396. &c.

*Interea Musis, animus dum mollior, instat,
Et, qua mox imitere, legas: nec desinat unquam
Tecum Graja loqui, tecum Romana vetustas.
Antiquos evolve Duces, assuesce futura
Militia. Latium retro te confer in avum.
Libertas quaesita placet? mirabere Brutum.
Perfidiam damnas? Meti satiabere pœnis.
Triste rigor nimius? Torquati despice mores.
Mors impensa bonum? Decios venerare ruentes.
Vel solus, quid fortis agat, te ponte soluto,
Oppositus Cocles, Mucî te flamma docebit.
Quid mora perfringat, Fabius: quid rebus in arsis
Dux gerat, ostendet Gallorum strage Camillus.
Discitur hinc, nullos meritis obfistere casus.
Prorogat aternam ferit. Tibi Punica famam,
Regule: successus superant adversa Catonis.
Discitur hinc, quantum paupertas sobria possit:
Pauper erat Curius, cum Reges vinceret armis.
Pauper Fabricius, cum Pyrrhi sperneret aurum.
&c quæ alia sequuntur.*

XLIII. IUS DICERE POPULIS pars est officii Regii luculentissima; Clypeo Achillis magnificè consignata. Quare Educatio Regia non omittere potest eam curam, quo Regnaturi mens DIVINI HUMANIQUE JURIS INTEL-
TAC. 4. AN- LIGENTIA imbuatur. Suedica exempla non parum disci- nal. 38.
plinæ hujus continent. Codex, nec multitudine Legum præ-
gravis; nec paucitate mancus: Judicia, præsertim Regia Au-
lica, quæ vocantur, multis auctoritatis & gravitatis præfidiis
Loccen; ornata ac munita: Jurisconsulti ad latus Regis Revisuri judica- Hist. Succ.
1693. lib. 8. ta, præstantes. Rex Carolus IX instaurator & confirmator
Juris

Juris Suedici æterna laude cluet, quod nova latinâ versione accuratius explanari, inter GUSTAVI ADOLPHI Regis destinata erat. Brevis & facilis consequendi & disceptandi juris via: qualem beatis antiquitus sæculis Poëtæ tribuunt, Nullum interim peritiæ juridicæ, alibi ad summa provectæ, subsidium deficit. Nisi festinandum esset, ostenderemus, non satis bene informatum, nec sibi consentaneum fuisse *de autho- rit. juris Civ. Rom. lib. 2. c. 14. n. 5. usque ad fin.* *Arthurum Duck*, ubi de Suecorum legibus loquitur.

XLIV. Quid abesse potest Regum Filiis in omni Regiâ institutione; sive præceptores quærentur, sive in convictum & comitatum assumuntur; quorum prudentiâ Regiæ artes tradantur instillenturve? Non impensæ, non egregii ministri defunt Regnis unquam, nisi quæ ruitura, fato suo urgentur. Sueciæ etiam domi nascuntur incitamenta Educatoribus ad recta consilia, Educandis ad summam omnis profectus laudem. Non ad exuendos sed deligendos & fovendos magistros, *satis amplis doctores sunt instructi* Reges nostri, *majoribus suis* & parentibus. Ne ad longinqua eamus, quantis honoribus, præmiis, & quod his est amplius, favoribus præceptores suos & Educatores prosequeretur Rex GUSTAVUS ADOLPHUS & Regina Christina, Regiarum laudum duo sidera? Nec mirus illustre exemplum hujus virtutis Filio in spem regni genito, (quod ut plenus regiis moribus & artibus duntissime gubernet, Deum veneramus,) Divus Parens reliquit. Ille *Torstenonium*, Martem Suedicum, quo duce, militiæ labores condidit, parentis loco habuit; Ejusque Filiis, post fata patris, invicem se pro patre, non verbis modo sed factis exhibuit. Ille venerandum senem, *Lenaum* Archiepiscopum, cujus librum institutionis christianæ Religionis descriptum, non avide modo perdidicerat, sed individuum peregrinationis viaticum circumtulera, itidem, ceu Patrem amavit, coluitque. Et quid non expectent à Filio per omnia decora patris, qui nunc patrio provisu adolescentiam Regis firmant, vel ut Administratores Regni Atlantes, & Senatores, vel ut Doctores, vel ut ad omnia Regi Regnoque utilia comites ac ministri assidui ac domestici. Nam pietas, quam Regiæ OPTIMÆ MATRI promittit Regia Filii in-

doles, verbis exprimi non potest. Extat Numus Divæ Memoriz sacer, magni Regis LUDOVICI XIII. Christianissimi, anno 1617. editus, una facie Regem solio insidentem, & è regione loco honoratiore Matrem; ab altera parte junctas Regias manus ostentans, pulcrâ inscriptione; UT SALOMO, SIC EGO MATREM. Probum & jure optimo nixum exemplum.

XLV. Licet autem, ut dictum est, vix unquam summæ fortunæ defint, electissima Educationis Regiæ instrumenta & adjumenta: Suecia tamen parum intelligere videri posset sua bona, nisi sibi ex voto & supra votum quodammodo contigisse gauderet celsissimarum artium copiam, quibus ad fabricandum Clypeum, *Septentrionis Ancile*, grandibus auspiciis, indefessis laboribus, pulcro ordine, mirifico bene de rep. merendi certamine, opera confectur. Non Martis, non Minervæ, non virtutis aut Consilii nomina in Clypeis Heroicis magis celebrare aut perpetua reddere, ingenium Homeri, sapientia Hesiodi, Eloquentia Virgilii potuit: quam vestra vos merita, ô nomina æternitati nata, ad posteritatem prædicabunt.

Hom. Iliad
Σ. & Τ.

XLVI. Perficitur ergo divina arte Clypeus *magnus, firmus*, REGIUS: & orbe, cuncta virtutis Heroicæ auspicia pignoraque complexo, concluditur: *Splendorem emissurus*, ut *Luna*, in omnes orbis partes. Sueciæ Carolus, Achilles: Carolo Suecia, Thetis est: hæc, ceu

Ovid. 13.
metam.

— pro nato carula mater
*Ambitiosa suo fuit, ne cælestia dona,
Artis opus tanta, præstanti pectore princeps
Indueret: quique hæc Clypei calamina nôrit,
Oceanum & Terras, cumque alto Sydera Cælo.*

Quem Divus Parens Clypeum gestaverat, hoc elogio ad omnem posteritatem auctus noscitabitur:

Ex Ovid,

— — — — — OBSTANTIA FATA REMOVI.
Qui aptabitur Filio, merito indicabitur

— — — — — PATRIÆ SIGNUM FATALE SALUTIS.

ap. Hesiod.

XLVII. In *Herculis Clypeo Hesiodæo*, nec penetrato, nec
penc-

penetrabili, aliis ornamentis accedit *Concilium Deorum*, in eo-
que *Phœbi Sonans Cithara*, & *Musarum amabilis cantus*.
Quod genus formæ nobilioris omisit in eodem Herculis Cly-
peo describendo *Quintus Calaber*. Illustria & Regia facta
meritaque, illustres postulant scriptores. Igitur fovere in-
genia & artes, Regii non modo consilii sed exempli est.
Quamquam autem non desint, qui historiam rerum ac tempo-
rum propiorum non statuunt scribi oportere: eo quod ratio-
nes actus publici interiores sine quibus historiæ Utilitas non
explicatur, in secreto reponendæ sint; videtur tamen adhuc
superesse via hujus expediendæ difficultatis; si scribantur qui-
dem, sed non nisi opportuno tempore divulgentur historiæ.
Præterea, nemo sane optaret, Julium Cæsarem abstinuisse
manum à commemoratione rerum suarum, eo quod multa,
ex aliis supplenda, aut alio habitu cognoscenda sunt. Sunt
& hodie exempla libertatis in scribendo non vulgaris: ejus-
que incitandæ tuendæque consilia & artes. Quæ tamen omnia,
non nisi publico consilio provisuque regi & administrari, ne-
quaquam autem privatæ quamvis egregiorum virorum indu-
striæ relinqui debent. Interea *Ephemerides Politica*, foris
Legatorum, domi *Palatina* ac *senatoria*, perpetuis historiis
argumentum & Materiem in Utilissima Archivi parte, ceu The-
saurum, reponunt ac custodiunt.

XLVIII. In *Ænea Clypeo* virgiliano, *vis Romana*, Æn. 2.
& fastigium potentæ, quale non est aliud in historiis; &
Augustus triumphis felix, pacis artibus etiam copiosior, ma-
gna omnis prudentiæ regnatricis exempla præbent. Futura
in præteritis consignantur, nam virtutem fortuna plerumque
sequitur; neque spes luculentæ messis fallit eos, qui virtutis
semina Regio solo mandant. Inscriptum, & jam prævisum
huic Clypeo carmen, Romanarum artium summam referens,
dixeris:

Parcere subjectis & debellare superbos.

Virg. 6 Æn.

XLIX. Si fortes Virgilianas, absque omni supersticio-
ne, liceret captare, abesse vix potest, quin statim Lector, in
Serenissimum Regem Carolum, ad paterna & avita decora
efflorescentem, accommodaret illud divinum:

LII LII 2

HA

HÆ TIBI ERUNT ARTES:

Quint Ca.
lib. lib. 6.
paralip,

Et illud, veluti auctarium adderet, quod Eurypli Clypeo, Herculis certaminibus adornato, pulcherrimum inest, de Heroica Regum indole, apud Poëtam:

— ἡ γὰρ πειρὰ δὴν ἱεραιῶν.
ἀπειρὸν τελεῖται, καὶ ἀμύχανον, ἀλλὰ εἰ ἀλλῇ
ἔσται ἀπειρίῃ, καὶ νῦν ἔνδον ἐόντι.

— neque enim soboles angusta decorum
Ignavos motus, cœn machina tarda, capessit:
Robore sed firmo jam primâ ab origine pollet.

IV.

*Usus & Virtus Regii Clypei: in negotiis belli, & Pacis:
in curis & consiliis ordinariis; & extraordina-
riis: domi, forisque.*

Sed jam Clypeum sibi aptaverit Rex, & Heroicorum operum patranderum fatale instrumentum circumferre cœperit. Quanta hic surgeret rerum scribendarum series? quanta, in admirationem & exemplum sine exemplo irent, Virtutis Regiæ Spectacula? Sed servanda est lex cœpti operis. igitur in paucis, sed insignibus, speciminibus, vim & robur Clypei Regii designabimus.

II. Habebat Suecia *Busiridem*, hospitem mactatorem.
1520. Christiernus iste fuit, qui *per speciem convivii* illustres opti-
10. Magni mosque viros *contractos*, immanitate barbarâ trucidaverat.
hist. lib. Quo disperso terrore, cœn fulmine afflati, servitute oppressi
24. c. 3. jacebant Sueci; appositis diris canibus prædæ futuri: cum
GUSTAVUS PRIMUS, Magni Alcidx functurus munere, divini
& fatalis

Opposuit molem Clypei, ceciditque jacentes.

Ita submota tyranni rabies & in libertatem resurrexit Suecia. Quot ille Liberator discrimina, quot à tyrannidis ministris rela immissa excepit clypeo impenetrabili? At quæ emisit ipse, certam hostibus cladem portendebant. Servant
me-

memoriam tantæ rei *Nummi à Gustavo Liberatore cusi, cælamini-*
bus Clypei Regii accensendi; qui ab unâ parte ARMATI VI-
RI IMAGINEM, ab alterâ, DUAS SAGITTAS præferebant.

Loccen.
hist. Suec.
lib. 6.

III. QUANTA IN MILITIA Gustavi hujus fuerit DIS-
POSITIO, & ex dispositione, regni securitas veluti Clypei
Regii opus emerferit, vel Comitiorum Arhosiensium decre-
ta anno 1544. ostendere queant. ubi *omne regni, provincia-*
rum, civitatum, pagorum robur in indicem mittitur; ad omnes
regni partes, veluti excubie & præsidia, munimenta, labores, con-
silia differtuntur; ad exemplum singularis prudentiæ.

Indid.

IV. Sicut autem, hostili nunquam potuit succumbere
dextræ tantus Heros; ita *occulis quoque insidiis & fraudibus*
frustra tentatus est. Deus erat Clypeus Gustavi. cujus lucu-
lenta pro eo cura, quando *immanis conjuratio de Rege vel*
sulphureo pulvere, vel sicâ, vel venenis tollendo, mirabiliter
detecta in exitium confceleratissimorum capitum recidit, potuit
conspici.

Indid.

V. Quantus fuerit *in legibus ferendis, in moribus Cle-*
ri emendandis, in *œconomia publica institutis*, longa esset enu-
meratio. Fœdera longe lateque ad negotiationum incremen-
ta diffudit: & quod inter rariores curas referri debet, hic
est, qui Europæi orbis, & præsertim Germaniæ, potentati-
bus Sueciam non unis vinculis conciliavit & illigavit.

VI. Inprimis ad gloriam & perpetuitatem rei Suedicæ
eximium fuit Clypei Regii argumentum, quod *in Comitibus*
Arhosiensibus Suecia regnum, quod suffragiis & electione an-
tea deferebatur, HÆREDITARIUM factum, & ancipiti,
incerta ac sæpe pravis aliorum cupiditatibus ac turbis opportu-
na eligendi rationi tollenda, & maxime insignibus ac ferme
incomparabilibus Gustavi Primi Regis erga regnum ac patriam
meritis remunerandis instituto succedendi modo, ad familiam
Regis Gustavi ac mares ejus hæredes ac posteros, solenni lege &
pactò, quod UNIONEM HÆREDITARIAM vocant, alliga-
tum & adstrictum est. Dixi hoc verbis Cl. Loccenii ex hist.
Sued.

1544.

lib. 6.

VII. Si unquam regni obtinendi modus summâ pru-
dentix ratione, & eventu felici est mutatus; Suecia certe le-

gem successionis constitutam, pro fatali & cœlesti pignore regni, ab eo tempore habuit, & hoc ipso sæculo non semel instauravit. Faxitque Deus, ut Sueciæ nunquam redeat illud tempus, quo regem magis quærere quàm sumere debeat. Hic est Clypeus, quo dissidia domi, improbæ spes foris depelluntur; *Clypeus Gustavianus*, omni præsidiorum salutis publicæ copiâ & ornatu dives.

VIII. Antequam à Gustavidarum communi clypeo discedamus, non alienum fuerit mentionem signi Heroici facere, quo præsaga futuri Natura Gustavi illius Primi *pectus rubra cruce* muniverat. Prima quasi genethliaca vox illa ex-
 Loccen. Hist. Succ. lib. 6. titit: *Hic Christiana religionis studium, tutelam regni existimabit; posterisque exemplum, nunquam sine periculo negligendum, transmittet.* Stat in hunc diem, contra varia molimina & *rubrum librum*, aliaque pericula, rata omni & spei, & consilio fides; Stabitque. quid enim non auguremur boni, ex Indole illa Regiâ, omnium Regiorum consiliorum & operum auspiciatissimâ imitatrice?

IX. Nepos Gustavi Primi ex Carolo IX. *Gustavus Adolphus* Regium Clypeum suscepit librandum adolescens, in summis rerum difficultatibus; imminentibus undique bellis: quæ paulatim, partim ut potuit, propulsavit; partim frustra componere tentavit: Donec, Russis præsertim, fortitudine supra ætatem eximiâ pacem extorsit. Quanta in illo Rege virtutis fiducia? *Clypeo Regio* feliciter & decorè utitur; eo se, patriamque & cives tutatur, indefessus operis & laboris: Coronam tamen Regiam nondum capiti suo imponi vult; *donec*, inquit, *finis Regni mei ab hostibus vindicavero*, quasi
 Loccen. Hist. Succ. lib. 8. plus in meritis Regiis, quàm in insignibus, esset.

X. Inter initia regni, *vestigalia*, nervus reipublicæ, constituta; *res Academica*, regni præsidium, ordinata & instaurata; *peregrinandi*, anceps inter bona & mala, consuetudo, iis limitibus & legibus conclusa, ne Patriæ noxia esse posset; neve hostiles apud gentes, hostiles animi ex non-animadverso formarentur. Quæ, si magis placet Heroicum carmen, ita signavit eximius Poëta:

Re-

— *Redeunt artesque Scholæque,
Et studis nova templa patent; non pramia Musas
Destituunt, sed colla levant contempta Camæna,
Seque inter Scopulos atque invia saxa, lacusque
Et Dryadum saltus spectat Doctrina renasci.
Urbes ipse jubet alias & mœnia condi,
Et Gothicas fulcit mansuris legibus arces.
Hic vallos operi, tum propugnacula signat,
Et tuios aperit portus, pulcrisque colonos
Pollicitis, placidisque levat commercia iussis.*

Barla, in
Tumul.
Gustav.
Adolph.

XI. Duo sunt quæ maxime miretis in hoc Heroe : quod fundamenta reipublicæ, quæ jecit, manserunt in vestigio suo, meliorque tam *Pace*, quam *Bello* status, etiam tum duravit, imo incrementa cepit, cum in ipso ætatis & victoriarum robore, interceptus, Infantem Regno Filiam reliquit. Tanto facilius amplitudo regnorum attollitur, quàm incolumitas constituitur.

XII. Non fefellit eum fiducia venturæ sortis, crebris sermonibus testata. Cum enim amici sæpe monerent, ne assiduus belli periculis caput Regium, in quo fors cunctorum sit, obsecraret : respondere solebat : *nunquam regno, etiamsi aliquid sibi humanitus contingat, de fore propitiam Dei tutelam, & Procerum virtutem.*

XIII. Quare si *Clypeus Gustavianus* denuo adornandus foret; inter præcipua symbola, extaret FORTUNA, & FAMA, & EGREGIORUM MINISTROS PEPLUS. *Fortuna* in seriem fecunda hæc est, quam *Fama* gentibus tradidit; & *virorum fortium* humeri continenter sustinuerunt. Acceperat ipse Rex Gustavus Adolphus à Divo Parente, amicos Sapientiæ pacis & virtute belli præstantissimos. Sed plures ille suis auspiciis, exemplis, consuetudine fecit & reliquit tales successoribus suis adjutores. Distrahunt intuentem illustria Heroum nomina, quem primum, quos primo pares nominare deceat, anceps est animadversio. Ipse Rex candidissimè suorum virtutes æstimavit, quorundam etiam merita in futurum prævidit & vaticinatus est.

XIV. Talis certe ab illo tempore fuit *Regni Senatus*,
ut

ut posteris miraculo & exemplo esse possit. Tenent *Regis Regniq; in Suecia Senatores*, locum quasi medium, quo intervallum illud inter Regem & populum, tam præclarè expletur, ut nec Regiæ potestati quicquam decedat, nec libertati civium sua defit fiducia: tanta felicitatis publicæ contemperatione; quantam optarunt potius quàm descripserunt Sapientes. Hæc Chymia politica, ut ita dicamus, Clypeo Regio occultæ & arcanae virtutis characterem impressit, quo longe lateque invalescit.

XV. Sicut *arma* sunt membra militis; ita viri tam illustres, *Pars corporis Regii* merito habentur. Horum forci fidelique operâ totius regni utilitates & necessitates explicantur. *Principes hujus Senatus*, antequam Rex aut Regina in suam tutelam perveniunt, vel, si Rex valetudine aut absentia attinetur, diemve suum obiit, Vicem Regiam sustinent, & in omnia regimen obtinent. Ita facilius consilia & beneficia in omne corpus dispartuntur.

XVI. Sunt enim iidem Collegiorum, in quæ administrationis publicæ ratio describitur, capita. Quorum *Procerum* quidem regali nomine & officio summum à Rege Justitiæ ac judiciorum præsidem agit: *Marschus*, seu Archistrategus Militarium curarum, dispositionum, legum, arbiter est: *Ammiralus*, seu Architalassus, omnis rei & militiæ navalis moderator audit: *Archicancellarius*, civilium negotiorum expediendorum, omnisque scripturæ publicæ temperandæ, auctoritate pollet: *Archithesaurarius*, Fisci & Ærarii, subsidiorum regni, erogationum, compendiorum, curam gerit. Quibus accedit *Commerciorum* ordinatio & provisio.

XVII. Horum Procerum vigili curâ, sicut jam ante effectum est, ut auctoritati & potentia Rei Suedicæ, per infantiam & puellares annos Serenissimæ Regiæ CHRISTINÆ nihil decederet, multum imo accederet; ita, ut nunc quoque Divi Parentis Sceptrum & Clypeum, non sine incremento gloriæ, maturâ ætate suscipiat Rex Carolus, spes septentrionis, eorundem supremorum Caputum & Munerum provisio erit.

XVIII. *Comitia* non minimam partem Clypei, sub cuius

ius tutela Suecia floret, roborant. Hic collectis Regni Ordinibus primò accuratè recensentur, quæ inde à superiorum novissimorum Comitiorum tempore, in Republica evenerunt, aut decreta & acta sunt. Refertur deinde de Republica: & ordines, in suo quisque Senaculo deliberant: dicuntur sententiæ; & denique perscriptæ recitantur: Senatoribus Regni inter Regem & Ordines consulentibus, & consultis; agentibusque, donec proveniat Comitiale Decretum Legis vicem ad omnes habiturum. Occasione horum Comitiorum, omnis genetis *desideria* civium ad Regem deferuntur; & benignè excipiuntur.

XIX. Est & in subitis *conventus arctior ex omnibus Ordinibus delectorum*; cui tamen idem pondus auctoritatis inest, quod integris Comitiiis. Neque enim tempus anni, aliaque impedimenta, semper sinunt ex tam latè fuso Regni corpore, numerum ampliorem exciri.

XX. In his & reliquis consultandi decernendique generibus, anima consilii, *secretum*, vix alibi accuratius custoditur. Quo pertineant illa & ista, belli, pacis, legationum momenta, non nisi exitu comperiri solet. Facile enim occurritur istis conatibus, qui prænoscentur, antequam fiunt. Legem, certe morem prudentiæ Suedicæ dixeris, nihil insolitum, aut ad summam reipublicæ parum pertinens, aut provisus haud abunde præsidiiis, aggredi.

XXI. Sed quomodo *Clypeus Regius* ab Heroibus Septentrionis gestatus, & à Serenissimo Rege CAROLO deinde gestandus & adhibendus sit; annalium est, non brevis scriptiunculæ, labor. Et de *prudentia Regia*, Clypei symbolo comprehensa, suffecerit specimina quædam attigisse potius, quàm commentarios instituisse.

XXII. Unum & alterum tantummodo adjiciemus. Ad Regna munienda & protegenda, auspiciatum & felix signum in Clypeo Regio lucet, *singularis Fœderum pro pace jungendorum prudentia*. Quæ in bellicas societates ineuntur amicitia, multum sanguinis & cladum portendunt. At vero sancta est & salutaris fœderum ratio, quæ pro pace

M m m m m m

gen-

gentium facit. Nunquam tam bene cum rebus humanis agitur, quin pericula genti à gente immincant; quin æmulationes, metus, suspiciones, animos & curas Regum exercent. Verum ne erumpant hi motus in cruenta bella, sub *Clypeo Regio*, non tantum instaurandæ sed servandæ tutandæque Pacis securitas convalescit.

XXIII. *Clypeus Fæderum* est, cujus conferta robora quædam, quæ fas est, signari merentur. Tempestivis fœderibus efficitur, ut maxima potentia non magis formidabilis sit quàm modica: ut Fortunæ & Ambitioni, potentissimis ad perturbandam gentium quietem nominibus, limites ponantur: ut amici esse discant, qui inimici esse mallerent. Quam pulchra Pacis inventa insunt huic prudentiæ? Bellum parare & sanguini parcere: communes facere utilitates, domesticarum virium opumque collatis in medium officiis, absque querela & jactura ullius gentis: fidere, absque negligentia; diffidere, absque injuria: amicos non destituere, inimicos non parare: plus auctoritatis, ex certa pace, quàm gloriæ ex incerta victoriâ, lucrari: incrementa aliis non invidere, detrimenta domi non metuere.

XXIV. Amata Deo consilia, quantum possent felicitatis parere toti Christiano orbi? Quod multa non viderunt sæcula, prope in spem veniret, ut Fæderum consuetudine, Europa, amica amicorum suorum, nullam barbararum Christianoque nomini infensarum gentium vim vel sentire vel expectare posset.

XXV. Quid potius, pii civis voto pro Regis Regni-que salute congruat, quàm si *Clypeum Regium*, ut nemini impune lacessendum, ita solis qui Pacem sæculi & Christiani orbis odisse potuerunt, terribilem, ad posteros celebrari exopet? Non aliud inter Regia decora illustrius, quàm VIRTUTIS INVICTÆ, sed PACIFICÆ ET SOCIABILIS.

XXXIII.

Consideratio

MERCATURÆ
POLITICA.

I.

QUando de Origine mercaturæ in civitate quærimus, ea nobis omnino ex fine civitatis deducenda est. Propositum habet quævis societas civilis, parare sufficientiam omnium rerum ad victum & amictum in vita beatè & feliciter agenda necessariorum; hæc sufficientia non nisi mercaturæ adminiculo obtineri potest. Indiget administratio, provisio, cura reip. multum pecuniariæ opis, quæ non aliò modo feliciter paratur, quam ex mercatura, quia id sine privatarum apud cives facultatum dispendio; aut cum exiguo, parumque molesto fieri potest. Civium singulos sibi divitias parare, subsidium reip. in necessitate futuras; conducit: mercaturâ vix aliis fecundior quærendæ rei modus est. Si cives ad laborem applicandi sunt, mercaturâ id præstat. Verbo dicam; quævis societas civilis ad bene vivendum colit; quod mercaturæ beneficio absolvitur. Mihi itaque qui de mercatura tractare suscepì, semper ad felicitatem civilem, ad cujus necessitates supplendas illa in reip. introducta est, respiciendum: hinc scriptiõni materia, hinc verbis modus repetendus erit.

II. Quod si ergo in mercaturæ primordia inquirimus, & quibus incrementis ad hanc, quâ nunc habetur, plenitudinem excreverit, ita se res habuisse videtur. Cum primum res omnes quæ nunc in possessione habentur, ex usu communi in privata dominia abiere, ob varietatem rerum ad vitam sustinendam necessariorum fieri non potuit, ut cuique in longum tempus suppeterent, quæ necessitates ejus desiderabant. Igitur ut suis invicem necessitatibus succurrerent, quo quisque vel occupatione, vel labore, vel aliis nominibus quæsito abundabat, & quo vel ex parte, vel in totum ad tempus carere poterat, id cum altero, qui hujus rei sufficientiâ destituebatur, habebat contra alicujus, quâ ego indigebam copiam,

municabat; sub pacto, ut de illo quo ego indigerem, ipse in vicem quantum conventum erat redderet. Hinc commutandæ rei origo.

III. Quoniam autem cum non exigua incommoditate & difficultate conjunctum erat, invenire semper aliquem qui simul & meæ rei indigeret, & posset quæ mihi necessaria erant reddere; adhæc, quæ invicem commutabantur, difficulter & molestè transferri possent, singulorum utilitas postulabat, ut in societate esset aliqua communis mensura, qua omnium rerum commutabilium pretium æstimeretur, & cujus beneficio quisque quid vellet, & à quo vellet, sibi posset comparare. Quod cum à singulis & privatis ita fieri non posset, ut omnis incommoditas tolleretur, (quia nemo privatâ auctoritate aliquid in societatem introducere potest, quod firmiter in omnes valeat) ipsa rei natura indicabat, ab iis qui voluntatem & consensum omnium sustinent, id est, à rectoribus societatis id faciendum esse. Ab his nummi ex auro, argento, aliaque materia signati sunt, quorum portus, pretium lege definitum repræsentaret; signum, esset compendium examinis, & infusæ bonitatis argumentum. Ita emptio & venditio nata est.

IV. Hæc ut mercaturam, quæ societatem non egreditur, absolvent, ita quasi incunabula tantum sunt prolixæ hujus mercaturæ, quam inter diversos & diffitos longè populos hodieque videmus exerceri. Nam postquam dilatatum est humanum genus, & homines ad excolendam & perficiendam suam vivendi rationem animum adjecerunt, alii locorum suorum inopiâ, alii lucri cupiditate, quæ infinita est, apud alios quoque populos illi suæ indigentiae remedium, hi cupiditatibus suis materiam quasivêre. Quorum conatibus & optatis cum læto successu fortuna responderet, usu & arte tandem in hanc amplitudinem mercatura evaluit.

V. Atque hæc non sine singulari Dei providentia & consilio ita facta sunt, qui dum nemini hominum, nulli terræ omnem sufficientiam elargitus est, & alteri ab altero utilitatem & auxilium monstravit, homines ob inductam lapsu Adami humanæ naturæ malignitatem in irreconciliabiles dissensiones ituros, his invicem utilitatibus junctos animis quoque unire voluit.

VI.

VI. Sub mercaturæ vocabulo comprehendo quicquid Græcis sub *ἐμπορίαν*, *αὐτοπωλείαν*, & *καπηλείαν* cadit. Adeoque præcipue intelligo negotiationem, quâ quis rem mobilem emit venditque, non ut opera & usu ejus naturali utatur, sed revendendi lucrandique animo: deinde etiam quatenus in suis principiis, emptione & venditione vertitur. Atque hæc ita præfari libuit.

VII. Ergo quæ à societate civili ad suam felicitatem ex mercatura petuntur, sunt, ut jam fere in principio innui, Res necessariae; subsidia pecuniaria; & proposita pecuniaria, quæ nonnunquam imperantes extra alimentorum & divitiarum rationem habent. Res necessariae, vel ad vivendum necessariae sunt, vel ad bene vivendum. De prioribus sciendum malo loco ejus reip. conditionem stare, quæ vel loci sterilitate, vel per imprudentiam in eum statum commissa est, ut vita ejus unice à mercaturæ incolumitate pendeat, & quæ ad necessariam vitæ sustentationem requiruntur, casibus & cladibus alienis obnoxia sint. Neque enim de *αὐταρκεία*, quam civitatis perfectionem Philosophus ubique celebrat, talis resp. gloriari potest, quæ non intra se maximam alimentorum partem procreat, sed precariam prope vitam agit, & quoties sive is, à quo copiæ petendæ sunt, sive intermedius aliquis & conterraneus, vel ex malevolentia nostræ felicitati invidet, vel aliquâ calamitate affligitur, toties nostra respubl. de vita periclitatur. Adeoque talis necessitas vel imbecillitatis exiguæ confessio est, vel corruptæ reipubl. indicium.

VIII. Sit nobis exemplo respubl. Romana jam à laudatis & pristinis moribus deficiens, cujus cives Africam & Ægyptum potius, quàm Italiam suam olim fecunditate haud incelebrem exercentes, eò quòd, ut *Tacitus Ann. 12. 43. 4.* loquitur, navibus & casibus vita eorum permissa erat, semper in penuriæ metu (2. 59. 4.) sæpe in periculo, ut h. 3. 48. 5. aliquando in ipso discrimine deficientis annonæ extiterunt. 12. 43. 3. Unde non immeritò Tiberius apud eundem Tacitum. 3. 54. 6. in epistola ad Senatum tam acriter conqueritur, *quod Italia externa opis indigeat, quod vita P. R. per incerta maris & tempestatum quotidie volvatur, quodque ea res funditus aliquando remp. tra-*

here possit. Quod malum adhuc hodie Italix grave est, & magnorum sæpè periculorum causa; notante *Forstnero in libr. Omisforum*, notà ad *Tac. 3. § 4. 6.*

IX. Itaque in consiliis de mercatura, etiamsi forte aliunde minori labore & sumptu tenuiori alimenta advehi & haberi possint, hæc tamen semper primaria cautio esse debet, ne advectionis studio quicquam agriculturæ decedat, neque quæ ex nobis ad vitæ sustentationem habere possumus, ab aliis precario obtinere necesse habeamus. Atque hæc palmaria ratio est, cur in qualibet rep. agricultura præ mercatura colenda sit. Aliam non minorem affert *Verulamius* de vita Henrici Sept. in excellenti & valde politicâ *ἡτοιμασμένη* ad legem quandam ab ipso hac de re latam, & *Aristot. Oecon. l. 1. cap. 2.* Quando verò aut infelicitate soli, aut oppidorum propinquitate nimia, copia alimentorum domestica deficit, ut fit in Hollandia & alibi, tum tanquam pro aris & focis, pro capite & salute in talium rerum mercaturam incumbendum, & societatibus, amicitiiis, fœderibus, legibus, privilegiis & quibusvis promovendæ mercaturæ inventis ad progressum ejus & securitatem nostram adspirandum.

X. Ad bene vivendum autem, à nulla non republ. minus infelicitè mercatura; & si legibus ad veram civium utilitatem attemperetur, salubriter potest usurpari: cujus utilitas ad bene vivendum in eo posita est, ut sit in civitate omnium quæ ad felicem vitæ sustentationem expetuntur sufficientia, & ut ea sit quàm minimo potest pretio comparabilis.

XI. Inter ea sine quibus civitas nulla subsistere potest referuntur, ab Aristotele subsidia ab opibus, & pecuniis, *ἐν χρημάτων τινὰ ὑποεῖν ὑπάρχειν δὲ, ὅπως ἔχῃσι καὶ πρὸς τὰς κατ' αὐτὰς χρεῖας, καὶ πρὸς πολέμιας. Pol. 7. 8.* Ad quas publicè privatimque parandas non postremo loco mercaturam ponit *Idem, Oeconom. l. 2.* Ita autem ea ritè ad hunc finem dirigitur, quando aut omnibus aut pluribus sit lucri faciendi copia, neque ex impensissimo aliorum in mercaturam studio aliis parandæ substantiæ materia subtrahitur. Magis enim expedit reip. ut omnibus sufficiat, quàm ut quidam præter cæteros abundè habeant.

XII. Præterea mercatura imperantibus ad arcana nonnun-

nunquam consilia validè & efficaciter inservit. Ad magnam hominum multitudinem à novarum rerum cogitationibus abstrahendam, frequenti exemplo utilissimum imperantibus visum est, mercaturæ subsidio, quæ necessario nexu artium manuariarum incrementa secum trahit, homines ad laborem & lucri dulcedinem applicare. Horum enim studiis & cupiditatibus ut nihil magis conducit, quàm pax, ita adversatur quicquid paci inimicum: unde subministratis ditescendi occasionibus, quacunque republ. contenti, rectoribus suis molesti esse desinunt. Hinc porro infert *Dn. Forst. Not. ad Tac. 3. 46. 4.* parum eos reipubl. suæ conversiones animadvertere; modo mercaturæ suæ utilitate & lucri dulcedine non priventur. Cujus rei experimentum exemplo non obscuro etiam hodie Christiano orbi ostenditur.

XIII. Quemadmodum ad continendam à turbis hominum frequentiam efficax satis remedium est, ita ad concinendam non inane inventum. Eum enim sibi quilibet ferè præ ceteris locum habitandum eligit, ubi sustentandæ familiæ & parandæ rei familiaris materia pinguior est & copia uberior. Eum etiam in finem prudenter usurpata est, ut magnis amicitiiis & confœderationibus initium & fundamentum esset. His enim moribus, vix est ut arctiori ejusmodi amicitia homines cohærescant, nisi mutuis invicem utilitatibus conjungantur & contineantur. In quem usum jam olim mercatura celebris & honorata fuit, memorante *Plutarcho in Solone cap. 3.*

XIV. Id quoque inter laudata imperantibus artificia est & esse debet, ex iis quæ ad mercaturam pertinent, prudenti consilio quædam eò dirigere, ut præter id, quod ad mercaturam & capiendas ex ea utilitates conferunt, ad aliam quoque necessitatem magnum momentum afferant. Sic Heinrichus VII. Angliæ Rex, ut sunt verba *Baconi de Verulamio in vita ejus*, curam adhibens, ut regni potentia non minus mari quam terrâ augetur, in *Classis* sui adornationem & incrementum, ordinavit, ut vina & glastum ex partibus Gasconia & Languedocia allata non nisi navibus Anglicis importarentur. Ita quoque Hispaniæ Rex, ut est apud *Crantzium Saxonico-rum XI.* olim (circa annum 1419.) *Alemannis* interdixit, suos portus ne ingrediantur; præcipiens ut *Bruggis* expectarent suo-

rum ex regno mercatorum adventum. Addit causam auctor : *Vidit oculatus Rex ob Germanorum in suos portus navigationem, navib. procurandis nullam suis esse curam.* Plurimas utilitates, quæ præter lucri materiam, ex Indicis navigationibus in Belgarum societatem redundant, & propter quas illæ tam acriter à confederatis Belgis propugnantur, lege apud *Bandium de Induciis belli Belgici libr. 2.*

XV. Ex iis quæ dicta sunt, nemini obscurum esse potest, necessarium esse, ut aut resp. speratis ex mercatura utilitatibus excidat, aut ea inter primarias curas sit rectoribus civitatis, qui eam ad reip. emolumentum applicent prudentiâ, temperent legibus, dirigant consilio, sublevent ope, tueantur auctoritate, firment providentiâ : qui sciant quid circa omne hoc negotium juris, quid consilii sit ; quibus item personis, & in quantum licita ; quomodo publicè, quomodo privatim usurpanda : qui definiant exportandorum & importandorum modum ; evitent quæ cavenda ; promoveant augendæ mercaturæ subsidia ; tollant impedimenta.

XVI. Ars hæc sive prudentia senatoria fundatur in perfecta notitia præsentis reip. & arcanorum in ea consiliorum ; alitur & augetur notitiâ eorum quæ exteris vel abunde adsint, vel desint, & scientiâ geographicâ ; perficitur judicio exacto & pragmatico circa ea quæ nostræ reip. honesta sint quæ turpia, quæ utilia, quæ noxia, quæ bona, quæ meliora ; absolvitur prudenti & fideli horum ad civium & reip. usus applicatione. Nimirum respiciendum ante omnia, quis sit status, quæ ratio reipublicæ ; cui vitæ generi resp. potissimum incumbat & incumbere debeat ; qui sint civium mores ; quæ locorum opportunitates ; quantæ civium nostrorum facultates ; quanta rerum quarumlibet tum apud nos, tum apud externos vel abundantia, vel necessitas : pro harum rerum, & earum quæ culibet loco propriæ sunt, diversitate, diversus circa mercaturam modus, diversæ leges, diversa consilia formanda sunt.

XVII. Sunt autem emolumenta quæ ex mercatura in civitatem fluere possunt, applicanda ad utilitatem rei tum publicæ seu patrimonii civitatis, tum privatæ seu singulorum. Patrimonium civitatis augeri potest ex mercatura ipsa sive negotiatione, & ex vestigalibus. Ex mercatura seu negotiatione ad subsidium reip. lucrum

lucrum & divitias petere imperantibus, & intet eos etiam Principibus, tam non est pro inhonesto habendum, ac pro sublevandis civibus niti. Nam secundum astimationem rectam ea imperantibus honesta sunt, quæ cum in se non inhonesta sint, pro ut utilitas parentium suadet fiunt. Ergo subjectorum conditio interroganda est; quæ ut vix unquam imperantibus mercaturam dissuadet, ita pro vario suo statu alium atque alium exercendæ ejus modum poscit. e. g. si regio parandæ rei difficultate premitur, aut aliquâ calamitate cives in facultatum jacturam inciderunt, ut tum talis Mercatura eo modo temperetur, quo commodis suis & lucris quàm minimum decedat.

XVIII. Neque verò alia mercatura imperantibus convenit, quàm magna illa & honestior, quam Græci *μεγαλμπερία* vocant, quæque dum fisco prospicit, singulorum quoque, quantum ejus fieri potest, utilitatem cogitat: neque aliter exercenda, quàm ne rectores civitatis à cura reip. abstrahat & avertat. Factum Theophilii Imperatoris Constantinopolitani (quod ex *Zonara* *tom. 3.* à Domino Præside in Vita Ludovici Pii refertur) qui navem Uxoris, mercaturæ muneribus profundè depressam & ex Syria reversam exussit, motus indignitate, ut præ se ferebat, rei, quasi turpe esset & imperatorio fastigio adversum, mercaturæ utcunque operam dare, addito colore quod pro privatis mercatura inventa sit, generosum magis & ob felicitatem ævi sui & regiminis spectatum exemplum est, quàm ab aliis quibusvis citra respectum sui temporis & suæ reip. usurpandum.

XIX. Ne monopolium quidem exercere imperantibus inhonestum est. Neque enim per se monopolia naturæ repugnant (quà de re videndus *Aristoteles. l. 1. Pol. c. 7. Grotius de J. B. l. 2. 12. 16. Salmas. de Usuris cap. 9. p. 554.*) neque semper reclamante utilitate publicâ fiunt. Quin imò multum sublevantur cives, quoties egente republ. cum collectis & tributis cives prope enecandi essent, monopolii publici subsidio tanta molestia minuitur. Rependitur publica utilitate, quod privatis uni aut alteri decedit: & iidem illi possunt incumbendo alii parandæ rei modo acquirere, quantum ipsis ereptâ hac lucri faciendi occasione prævertitur. Interdum longo usu & consensu publico monopolia quædam imperantibus in partem stipendii concessa sunt.

XX. Pretia de rebus monopolii ab imperantibus constituta, si intra terminum à justitia naturali præscriptum (de quo infra) consistunt, nihil ab æquitate discedere manifestum est. Possunt autem salvâ justitiâ qui reip. præsumt augere rerum pretia supra modum naturalis in vendendo æquitatis, eo jure modoque & eodem ferè consilio quo civibus tributa imponere, exteris vectigalia; à quibus parum differt hæc monopolii exercendi ratio; & hoc insuper commoditatis habet, quòd occultius & insensibilius, adeoque tutius & cum minori molestia ac difficultate fit, quicquid exigitur.

XXI. Illud præterea hoc loco annoto: quò laxior est civilis libertas, eò magis necessarium est publicæ mercaturæ exercitium; quia cum libertate restrictior quoque esse solet exigende pecuniæ modus; & nihilominus administratio reipubl. æquè pergit esse opum in futuros usus sepositarum indiga. Quæ causa est cur à rebuspubl. liberis magis, quàm à principibus mercatura frequentetur.

XXII. Vectigalia originem & jus suum debent sumptibus in viarum & mercium transeuntium tuitionem impensis. Transitus naturaliter mercibus omnibus debetur. Declarari solet hoc jus ex hypothese juris illius primævi, quo ad noscendam rectius dominiorum distinctione, omnium rerum nondum ad usum præsentem occupatarum communio concipitur, ita ut, postquam res præterque omnes ex usu comuni in privata dominia translata sunt, permanferit circa usum innoxium, id est, qui citra ullum domini dispendium, incommoditatem, periculum fit, invariata libertas. Neque enim hujus libertatis immutatio ad perfectam & plenam possessionem necessaria videtur. Hujusmodi alienæ rei usus est transitus mercium innocuus. Adeundus omninò. *Grotius de j. B. lib. 2. cap. 2.* nisi quod quæ habentur de origine domini præsertim. §. 2. benigno interprete opus habent; partim admitti omnino non possunt. Hic tamen transitus, ne quis erret, non ita necessariò debetur, quin possit ex jure aliunde nobis adversus alterum parto interrumpi, puta ex pacto (qualia exempla *Grotius* affert *d. j. B. 2. 3. 15.*) ex consuetudine, ex injuria, ex damno vel periculo jam dato, aut certò ex transvectione orituro, aut alio quodam actu æquivalente.

XXIII.

XXIII. Jam quando viæ, pontes, portus & talia instaurari, & si edacitate temporis aut transeundo attrita sunt refici debent; aut merces militibus vel custodibus publicis à raptorum vi atque injuria tutandæ sunt, aut labore vel aliis impensis publicis adjuvandæ, jure optimo quicquid in transeuntium subsidia impendendum est, ab iisdem repositur. Atque hinc pendet justitia vectigalium naturalis, tantum enim jure naturæ debetur & exigi potest, quantum bona ratione insumitur.

XXIV. Verùm ab hoc juris naturæ canone usus & consuetudo populorum non parum discessit. Tantum enim abest ut modus causæ non excedatur, ut ex quo mercatura in aliquam amplitudinem evaluit, à plerisque omnium temporum populis inter instrumenta fisci locupletandi habita vectigalia sint, & iis etiam locis interdum imposita, ubi aut nihil, aut parùm ad præstandam securitatem requiritur. Nempe non tam à jure modus quæritur, quàm ab eo quod sine graviore molestia fieri potest; idque ut videtur in jus Gentium abiit; facilibus ad hanc rem rerumpubl. moderatoribus; qui quod alteri ab alterius civibus dependitur, id ipsi inter se compensant; à suis verò tributum colore & pallio juris naturæ obvelatum exigunt.

XXV. Hæc consuetudo utut longo populorum usu firmata sit, id nihilominus certum manet, nimia vectigalia imponere exteris, inhumanum esse, civibus tyrannicum. Est ergò moderatio adhibenda, & prudenti omnium quæ adsunt, subsunt, circumstant pensitatione arbitrandum quantum conducatur. Et quidem si cives respicias probè examinandus erit publice necessitatis modus; laxior vel adstrictior imperandi potestas & consilium; observata longis retrò temporib. consuetudo; regionis opes; reparationis facultas vel difficultas; & quos in civitate onera vectigalium maximè feriant. *Optima autem & laudatissima via est, à volentibus impetrare: consensus magnitudinem vectigalium minus invidiosam faciet, ut sunt verba Excell. Dn. Præsidis in nota ad Herodian. 2. 4.* quo in loco cautiones circa hanc rem aliquàm multæ ponuntur, & ostenditur quàm non expedita res sit, de vectigalium æquitate vel iniquitate sententiam ferre, etiam hanc ob causam,

quòd nonnunquam cohaereat res tributaria cum arcanis imperii : quæ nec propalare consultum , nec inquirere licitum aut decorum sit.

XXVI. Si de exteris deliberatio est, consilii ratio potissima consistit in intuitu finitimorum, quomodo nostri cives à finitimis in re & negotio vectigalium habeantur, & haberi possunt. Deinde si de rebus importandis agitur, plerumque quidem non tam exterorum quam incolarum causa vertitur, ac propterea ex iisdem observationibus & cautelis modus vectigalium determinandus erit : quod si verò sejuncta causa est, attendendum quanta sit nostra rerum quas inferunt indigentia, & quantum boni malive in civitatem importent; tum quanta exterorum advehendi cupiditas & lucri faciendi materia; denique an merces easdem commodè ad alias civitates vehere possint. Si de exportandis, quanta sit nobis eorum quæ suis usibus petunt copia, exteris verò quanta indigentia, sive an aliunde æquè suis necessitatibus prospicere possint. In nudo mercium transitu, ad necessitatem transeundi advertitur, quæ iterum ex variis, quæ circumstant, æstimanda est. Est enim hoc omne negotium merè *empiricum*, neque exactè regulis, rectius autem & felicius exemplis docetur, quibus in tam contracto scribendi genere non datur locus. Adeundi scriptores hac in re proprii, & inter eos præcipuè *Obrechtius in Secretis Politicis*, & *Hermannus Latherus de Censu*.

XXVII. Eorum, quæ in quæstione de modo vectigalium, tum in civibus tum in exteris, attendenda dixi, diverſa ratio facit, ut frequenter in mercibus iisdem, mitiora civibus vectigalia sint, duriora exteris; interdum contra mitiora exteris duriora civibus. Neque tamen temerè de consilio imperantium in deteriore partem pronunciandum est. De mercibus, pro quibus vectigalia exigì debeant, id quidem negari non potest, favorabiliora esse & gratiora in vulgus quæ non gravant annonæ & alimentorum necessitatem: neque tamen hoc ita in regulam abit, quin, si aliorum remediorum defectus, ingenium regionis, res nata postulat, aut consuetudo vel consensus civium permittit, aliter bono jure & successu fieri possit, ut iterum docet *nota supra laudata in Herodianum*, Tantum de mercatura publica, & redundante ex ea ad usum publicum utilitate. Sequi-

ur

tur mercatura privatorum, quam auspicabimur à personis quibus honestè competat.

XXVIII. Mercatura necessitatis inventum est, societatis humanæ externum vinculum & cui, nisi aliquid alieni accedat, cum iustitia & æquitate optimè convenit. Nemini igitur suâ naturâ illicita est, aut inhonesta. Ergò quando illiberalis, inhonesta, sordida apud Græcos Latinosque audit, sit hoc, non suâ culpâ meritoque, sed partim ob vitiositatem quæ mercatoribus lucri cupidine faciliè ad avaritiam prolapsis, frequenter innascitur; partim in respectu ad personam, quatenus exercitium mercaturæ pugnat cum occupationibus & negotiis, quæ muneris cujusque & officii ratio sibi vindicare solet, adeoque vitium πολυπραγμοσύνης in homine culpâ non suâ procreat; partim denique in comparatione ad artes liberales & meliorem eruditionem, quibuscum nunquam sustinuit certamen subire dignitatis. Atque adeo mercatura non polluit hominem, sed homo mercaturam.

XXIX. De Principibus & imperantibus aliis quatenus ipsæ mercatura conveniat supra dictum. De magistratuum (ex veterum more vocabulum accipio) mercatura privata malè dicitur sentire *Aristoteles Polit. 3. 3. & 7. 9.* ubi inquit quinam debeant esse cives, id est, οἱ κοινοῦν ἔστιν ἀρχῆς, ut ipse explicat; & *Plato de Legibus.* Et *Aristoteles quidem Pol. 3. 3.* laudat constitutionem Thebanorum, quæ vult τὴν δίκαν ἵσταν μὴ ἀπεχρημένον τῆς ἀγορῆς, μὴ μετέχειν ἀρχῆς. Ἀπὸ τῆς ἀγορῆς alii vertunt, à mercatura; *Lipsius Pol. 3. 6. 15.* fortè suæ hypothese indulgens, à commerciis; Vir quidam in literis valde eminens, ab omni mercatura: cùm tamen ἀγορὰ *Aristoteli* sit negotiatio artificum & concionum seu καπλῶν qui in foro versantur ad sua vendenda, ut ostendit *Salmas. de Usuris p. 340. & alibi.* Certè in hac capitis parte non aliud inquit *Philosophus*, quàm an βάνουσι mereantur haberi cives, qui jus aut aditum habeant in partem administrandæ reipublicæ: & *l. 6. cap. 7.* denuò mentionem facit hujus legis, his verbis: καθάπερ θεοῖς, ἀπεχομένοις χρόνον τινα τῶν βανύσων ἔργων. Βάνουσι autem sunt qui artes sellularias exercent, eas quas sordidas appellamus. *Libro 7. c. 9.* hæc verba leguntur: Ἐν τῇ κάλλιστα πολιευμένη πόλει, καὶ τῇ κακῆς δίκαις ἀνδρῶς ἀπλῶς, ἀλλὰ μὴ πρὸς τὴν ὑπόθεσιν, ὅτι βάνουσαν βίον, ὅτι ἀγοραῖον δὲ ζῆν τὸς πολίτας. ἀγνοεῖς γὰρ ὁ τοιοῦτος βίος, καὶ πρὸς ἀρετὴν ὑπαναπίος. Audis (ut nihil de

Nnn nnn 3

abso-

absoluta civium & administrationis justitia & perfectione dicam, quam à societate humana exulare ipse auctor subinnuere videtur) audis, inquam, eos à reip. administratione ab *Aristotele* excludi, qui ita in foro versantur, ut vita eorum, si rectè examinetur, sit virtuti adversa, sicut vertit *Paraphrastes*. Videtur per *Ayopaius* eos potissimum hoc loco indigitare auctor, de quib. *Cic. Off. l. 1. Sordidi putandi, qui mercantur à mercatoribus ut statim vendant: nihil enim proficiunt nisi admodum mentiantur.* His ita se habentibus *Aristoteli* nihil repugno, ut brevi audies. Quod verò attinet ad *Platonem*, mirum non est eum mercatoribus iniquum esse, qui alibi mercaturā omnem è sua rep. exterminat: de cujus scopo & scribendi ratione passim Viri eruditi commentati sunt, quos vide.

XXX. Ergo cum nec obstat *Aristoteles*, nec morari debeam *Platonis* auctoritatem, dico, non dedecere mercaturam legitimam senatores aliosque in officio tali constitutos; modò ea talis sit, quæ non à laboribus officio debitis avocet, nec minuat auctoritatem; quod facit ferè quæ non exercetur per famulos & institutores, & quæ in foro fit. Talis metus si sublit, rectè magistratibus, si habent ex officio unde vivant, lege civili hoc vitæ genere interdicitur. Neque abludit hæc sententia à consuetudine hodierna, secundum quam omnes rerump. species mercatoribus aditum quendam ad publicos honores aperiunt, & cum honoribus libertatem exercendæ mercaturæ concedunt, nisi, quod dixi, obstat. Quod *Lipsius* quamvis mercatoribus sit parum æquus, fateri tamen cogitur *Pol. 3. 6. 15.* ubi *Venetos, Florentinos, Genuates, Batavos sic usitasse ait, haud magno suo malo.* Quæ verò ibidem in mercaturam torquet, ad ea maximam partem ex his, quæ jam dicta sunt, responderi potest, & dabitur fortasse uberius de iis mentem explicandi locus.

XXXI. Apud Germanos, Gallos, Hispanos & alios mercaturæ exercitium putatur officere splendori nobilitatis. De cujus vel legis vel consuetudinis origine & causâ egregiè differit *Cl. Dr. Forstnerus in notâ ad Tac. 3. 46. 4.* cujus verba, quia multum ad momenta quæstionis faciunt, merentur adscribi. *Longe alia veteribus, Imperatorumq. constitutionibus causa fuit, cur Nobilib. mercimoniis interdiceretur, quàm hodiernis Gallorum, Germanorum, Sarmatarum, Hispanorum moribus, à negotiationibus Nobi-*

Nobilitatem excludentibus, Majores nostri mercatura exercitium dignioribus idè non concedebant, quia perniciosam urbibus, & potentiam nobiliorum obstituram commerciorum libertati censebant. (l. III. C. de commerciis) Nostris autem persuasum est, vile atque nobili generositate indignum istud esse exercitium. Quæ opinio non tam quod omnino vera sit, quam quod ea Principum arte primum seminata, nunc etiam alatur, invaluit. Cum enim illi magnitudinem suam atque securitatem in armis consistere sciant, nec ignorent, Nobilitatem semel degustatâ lucri ex mercimoniis provenientes dulcedine, abjectis armis negotia mercantitia sectaturam: necessarium fuit eam ipsis sententiam paradoxo proximam infundere, quâ acquirere sibi emendo vendendoque vile & abjectum esse crederent. An lex III. C. de commerciis, quæ nobilibus mercaturâ interdicit, de omni mercatura intelligenda sit disputat Salmasius de Usuris p. 536.

XXXII. Cicero certè, laudatissimus de Officiis scriptor, si hac de quæstione interrogaretur, tenuem & fordidam mercaturam à nobilitate juberet abesse; *tu vero id est mercaturam magnam, quæ navigat & multa undique bona in civilem societatem convehit non valde in nobilitate damnaret. Ita enim loquitur Off. l. 1. Mercatura si magna & copiosa est, multa undiq; apportans, multisq; sine vanitate impertiens, non est admodum vituperanda: atq; etiam si satiata quaestu vel cotenta potius, ut ex alto in portum ita ex ipso portu se in agros possessionesq; contulerit, videtur jure optimo posse laudari. Ubi notare te velim temperamentum, quod Ciceroni probatur, dum non tam vitam mercaturæ planè deditam laudat, quàm quosdam ejus actus, per intervalla hominem ad laudatiores cogitationes & operas dimittentes. Consuetudo populorum hoc ferè discrimen invenit, ut in rebus, quæ à monarchico regimine discedunt, liberior sit mercaturæ usus & rarò nobilitati habeatur indecorus, nisi ubi consuetudo monarchiæ temporib. recepta continuat.*

XXXIII. Ne Ecclesiasticis quidem abstinendum à mercatura esset, nisi gravitas muneris operam negotiationi impendendam excluderet, & sanctitas fugam omnium suspicionum de avaritia & falso, quæ ut jam supra dixi, mercatoribus facillimè innascuntur, inculcaret: hinc fit ut gentium plerarumque more à mercatura removeantur, eò magis quod ex salariis sustentari possunt.

De

De aliis vitæ generibus dubitatio nulla est, quin si officium non prohibeat, mercatura illis concessa sit. Nonnunquam nullâ lege, sed solâ consuetudine aliquod hominum genus mercaturâ abstinet: id quod naturali libertati non præjudicat. Sequitur de jure emendi vendendique.

XXXIV. Venditionis & emptionis justitia, si naturam respicimus, consistit in duobus: alterum est, ut venditor exhibeat emptori mercem, qualem scit ipsum quærere & stipulari: alterum ut sit æqualitas in pretio, id est, ut neuter contrahentium habeat plus minusve, quàm ipsi debetur.

XXXV. Prius illud membrum has ferè habet regulas: 1. *In dubio emptor præsumitur talem velle mercem, quæ vel sit sine vitio, vel talis qualem præ se speciem fert.* 2. *Si mentem suam explicat emptor, ea debet esse mercium norma.* 3. *Si vitii aliquid latere scit venditor, aut aliquid novit quod materiam subjectam per se contingit, & quod scire emptoris interest, tenetur id bonâ fide indicare, ne in fraudem incurrat emptor.* 4. *Si post contractum aliquid demum vitii apparet, quod jam ante contractum in re erat, tenetur venditor ad alterum damno liberandum.*

XXXVI. Hæc quia naturali justitiâ flagitante ita in communione societateque humana esse debent, non aliud potest circa ea magistratus, quàm curare provisu, jure dando, legibus, pœnis, ut huic justitiæ naturali satisfiat. Quod si quando sive legibus, sive judiciis connivet, & rem vel causam talem ad statutum aliquod tempus, aut certam pretii summam, infra quæ lis non recipienda sit, aut ad aliam circumstantiam determinat, sit hoc, non ut hæc leges sint actionum regula civibus, aut quod à viro bono honestè agi gerique possit, quicquid talium legum indulgentiâ non vindicatur; sed partim quia fieri non potest, ut magistratus omnia minima examussim persequatur, partim ut occurratur multitudini litium, quas alioquin in infinitum extenderet hominum malitia. Hujus curæ quoddam interdum quasi compendium est; si ipsis mercatoribus injicitur circa hanc rem æmulatio. Quid apud veterum nonnullos circa hoc negotium in usu fuerit vide ex Theophrasto apud *Stobæum Serm. CXLV. p. 459.*

XXXVII. Circa æqualitatem in pretio non tantùm obtinendam sed & arbitranda res valde intricata est. In æstimando

mando rerum pretio jure meritoque attendendum esset, quanti res tum quoad expensas sumptus, tum quoad habitos labores venditori constaret, quæ fuerit periculi magnitudo, qui fructus dum huic rei efficiendæ parandæve vacavit intercepti, quod damnum consequens, quanta possessori hujus rei indigentia, quanta recuperandi difficultas, & quæ alia sunt accidentia ejusmodi æstimabilia. Verum cum etiam in his necessario ad eandem æstimandi difficultatem redeundum sit, neque possit inveniri in talibus certa aliqua & constans norma, consuetudo populorum negotium hoc omne, non invitâ illinc acquirendi, hinc retinendi cupidine, ad vim promissorum & stipulationum traduxit, ut inde tantum res valere putetur, quantum pro ea emptor pollicitus est. Talium promissorum obligatione emptor quidem jure Gentium tenetur firmiter, & venditor non repugnante eodem id est externo jure, si non aliunde prohibetur, licitè accipit. At secundum justitiam intrinsecam, id est eam quæ conscientiam ferit, si emptor ex ignorantia aut indigentia necessitate plus justo pollicitus est, obligatur venditor liberare emptorem in tantum, aut, si pretium jam accepit, restituere, quantum scit supra æquum alterum stipulatum esse aut se jam accepisse. Non quidem quod jus naturæ aut gentium juris aliquid adversus venditorem emptori exhibeat; sed venditor obligatur tamen, & quod non dat jus naturæ aut gentium, potest dare lex civitatis, de qua paulo post. Atque in hujus intrinsecæ justitiæ neglectum (quanquam etiam in regularum quas supra posui) potissimum mihi invehi videntur dicta *Syracidis* 26, 28. & 27, 2. & monitum *Pauli Apostoli* 1. *Thess.* 4, 6.

XXXVIII. Æqualitas ergo illa, quam in emptione & venditione naturam postulare dixi, cum ex aliqua certa & statâ regula judicari non possit, inter eos qui vendendi & emendi animo propositoque convenerunt, ex pretio communi æstimari solet, id est, si tantum postulatum datumque est, quantum res communiter & ex viri boni arbitrato valeret. Quod vix est ut non aliquam latitudinem habeat, intra quam plus minusve dari aut exigi possit, nisi ubi lex certum rebus pretium in *scrip* sive in puncto constituit, ut observat *Grotius de I. B.* 2. 12. 14. Quando verò aut emptor invitante pretii lenitate emit, aliàs non empturus, aut venditor ob insperatò oblatum

O o o o o

pre-

pretium tantum, vel in gratiam emptoris vendit, alias non venditurus, in tali casu etiam si à pretio communi vel minuendo vel augendo disceditur, nihil fit contra dictam æqualitatem: ibi enim quod noluerit emptor, hic quàm cara res sit suo possessori in aliquam æstimationis rationem venit. Nisi aliud interdum jubeat Christiana caritas, quod præsertim in necessitate nullo alio remedio evitabili frequenter usu venire solet.

XXXIX. Hæc cum ita sint, muneris ratio ab imperantibus postulat, efficere, quantum res patitur, ut singuli in vendendo emendoque æqualitatem quam dixi obtineant. Quod fit partim ponendo pretia mercibus quibus necesse est, & in quibus fieri potest: partim scribendo leges quibus succurratur emptori, qui per imprudentiam, vel alterius fraude inductus stipulatus est, quod pretium commune aut id quod à quolibet viro bono diceretur, enormiter excedit: & venditori circumvento.

XL. Quibus mercibus pretia imponi possint & debeant vix est ut possit certis regulis ob infinitam circumstantiarum alibi atque alibi diversitatem definiri. Id certum est in plerisque fieri non posse. Solet autem frequenter in iis, quæ inter incolæ loci magnam partem distrahuntur, idque præsertim quando periculum est, ne vendentes factâ conspiratione pretia talium mercium supra æquitatem augeant, aut si empturientium frequentia & aviditas facit rerum pretia in suam ipsorum perniciem incrementum. Ponuntur autem pretia vel *in situ*, ut *Aristoteles* loquitur, sive in puncto, à quo discedere & plura exigere non audeas: vel constituendo pretium aliquod commune sive medium, infra vel ultra quod tamen exigi darique licitum sit. quod præsertim locum habet in quibusdam mercibus nativis, quæ singulis annis ex necessitate legis civilis post messem collectam publicâ auctoritate æstimandæ sunt, ut possint dum in herba sunt, nec adhuc maturitas de bonitate atque præstantia earum testata est, tutò vendi emique. Vel denique duo præscribuntur pretia quæ excedere non licet, alterum vilissimis, alterum in eodem genere optimis; relicta in reliquis quæ mediæ bonitatis sunt, intra hos terminos libertate; cujus egregium exemplum refert *Baconus de Verulam, in Henrico VII.* In quibusdam rebus publ. laudabili more ordinatur magistratus aliquis, qui rebus æstimandis censendisque præ-

præsit, ad cuius arbitrium & æstimationem possint emptor & venditor, si inter se consentiant, provocare iis in rebus, in quibus per consuetudinem receptum est.

XLI. Leges scribere, quibus emptori venditorique per imprudentiam suam aut fraudem alterius enormiter lapso succurri possit, res est plena æquitatis. Quid enim æquius, quam ad id alterum publicâ auctoritate adigere, quod ipsi ut sponte faciat honestas & iustitia interna dicat? Sed dico enormiter. Neque enim omnia minima leges & quæ secundum eas fiunt judicia persequuntur, præsertim in talibus, ubi non tam ratio quam id quod in eo temporis articulo communiter fit, æquitatis mensura est. Nimirum *leges iniqua tollunt quatenus comprehendendi manu possunt*, ut ex celebri Ciceronis loco de Off. III. adducit Grotius. *Lex Romana succurrit emptori venditorique non in quavis inæqualitate, sed in gravi & qua dimidium iusti pretii excedit.* Ibid. 2. 12. 12.

XLII. Libertas emendi inter ea jura est, quæ ex utilitate innoxia, quam supra dixi ex origine dominii deduci, descendunt. Ergo naturaliter omnibus concedenda: id enim ut fiat interest humanæ societatis, quæ sublatiis commerciis ipsa quoque magnam partem intercidit. Per hanc autem *libertatem*, non aliud intelligo, quam *ne facultas emendi lege impediat, aut conspiratione eam impedire liceat.* Quod tamen ipsum quibusdam exceptionibus restringitur: ut quando vix nostris usibus sufficit, aut si empturus hostis noster est, aut ad hostem transportare in animo habet.

XLIII. Hoc autem naturale præceptum; ut ulterius mentem explicem, non porrigit se ad aliud, quam ut sit libertas cuilibet suis necessitatibus beneficio emptionis consulendi. At quo personarum ordine, si non tanta adest rerum copia, quâ omnium omnino desideriis possit satisfieri; aut quantum supra præsentem necessitatem coëmere concedendum sit; aut quibus rei qualitatibus vel conditionibus; aut per quos; de his prout conducit disponere, civilis societatis moderatoribus liberum solumque est.

XLIV. Quantum ergo ad ordinem personarum, in emendo cives, si opus est, præponendi sunt exteris: æquum enim est ut copia frumentorum mercesq; aliæ civitati vel provin-

ciæ primùm profint, cui natæ sunt. Atque hinc leges & prohibitiones quæ exteros interdum arcant, interdum postponunt, jus suum derivant. Quòd si, quæ exteros arcant, ad minuendum pretium tantum, non verò ob copię defectum inventæ sunt, exteri autem non habent unde suis necessitatibus succurrant, in tali casu prohibitiones ejusmodi aut nullæ sunt, aut contra naturam pugnare videntur. Inter cives, quos ipsa societas in pari jure constituit, non est hac in re prærogativæ locus: nisi quod qui ad usus quotidianos emunt, iis, qui revendendi & lucrandi animo, rectè præponuntur. In magna alimentorum necessitate ne peregrinis quidem semel admissis emptionem intercludendam esse, sed commune malum communiter tolerandum piè sensit *Ambrosius de Off. 3. cap. 7.*

XLV. Modum, quantum coemere licere debeat, publicâ auctoritate definiri posse supra dictum. Præscribitur autem modus nonnunquam ut omnibus fiat emendi facultas, nonnunquam ut pluribus lucri faciendi copia, nonnunquam ut pretia rerum leniantur mitigenturque: ex quibus facile apparet, quando & quâ mensurâ modus determinandus sit. Exteris tantum concedendum est, quantum nostris nostrorumque necessitatibus superest: unde rectè alicubi incolis spatium aliquod emendi frumenta aliaque antè conceditur quàm exteris. Inprimis id ab imperantibus præcavendum est, ne aliquis privatus arte subdolâ & omnimodâ coëmptione monopolium meditetur: id enim emolumentis ob quæ mercaturam in civilem societatem introductam esse diximus, adversatur, dum aliis omnibus lucrandi facultatem præripit, & obstat quo minus pretio quàm fieri potest exiguo cives necessaria sibi comparare possint. Et in iis quidem rebus quæ ad vitam sustentandam pertinent, prohibenda sunt omninò; in reliquis si concedi monopolium necessitas postulat, qualis tamen plerumque evitari potest, id ita concedendum, ut magistratus constituat pretio modum.

XLVI. Ad hunc locum referenda est quæstio quid sentiendum sit de Dardanariis, quos ita scriptores nonnunquam appellant, qui alimenta e. g. frumentum supra necessitatem eum tantum in finem coemunt, retinent, coarcervantque, ut aucto rerum pretio eodem loci carius revendant. Dubitationi

cau-

causam dedit, quòd cùm reliqua mercatura ad sublevandum suis commodis humanum genus inventa sit, habeatque utilitatem aliorum, labores, periculum aliaque æstimabilia accidentia, quæ honesto lucro patrocinari possunt; talis contra coemptio nihil horum possit prætexere, sed commodis humanæ societatis inimica in tantum nihil ad copiam rerum & emptionis facilitatem conferat, ut eadem & re & voto ex communione civili auferat, & non nisi in incendio annonæ spem omnem & prætextum collocatum habeat. Quod contra caritatem esse & Christiano indignum videtur. Quibus omnibus accedit dictû Salomonis *Prov. 11. 26. Qui abscondit frumenta maledicetur à populis; benedictio autem super caput vendentium.* Ex parte adversa adducitur, si talis coemptio pro inhonesta habenda sit, id fraudi agricolis fore, quibus hujus assertionis observatio vendendi difficultatem & magnum temporis dispendium importaret; alia ejusmodi plurima, satis, ut fateor, gravia, sed quæ in consilii magis quàm honestatis rationem veniunt. Si sententia dicenda est, (quam rectius à Theologis petes) videtur talis coemptio & venditio propriè cum jure alterius non pugnare ut ait *Grot. de l. B. 2. 12. 16.* quæ verò in Christianam caritatem offendunt, ea prudenti & religioso moderamine declinanda esse & declinari posse; imò negotium hoc omne posse satis feliciter dirigi ad laudem Christianæ pietatis. Magistratûs interim est, talem coemptionem eo usque non prohibere, dum nullius incendii & flagellationis annoniæ causa existit. Ad prævertendum hoc malum in pluribus civitatibus leges reperire est, supra mensuram determinatâ coemere prohibentes, vectigali graviore onerantes, tempore & emendi jure reliquis civibus postponentes, exteris omninò interdicentes, prout circumstantiarum ratio id postulat.

XLVII. Ex eo quod dixi liberum esse imperantibus constituere quibus qualitatibus merces coemendæ sint, modò emptor suæ necessitati possit satisfacere, fuit quod materiam, quæ non propter se, sed ad aliud ex ea efficiendum petitur, nullo jure teneamur rudem exteris vendere, sed posse nos cavere ne nisi elaborata vendatur, ut ira duplex lucrum inde ad nostros redeat, Quod tamen etiamsi fortè facultas non deesset, infeliciter tentatur, nisi talis merx aut alibi omninò non reperiatur, aut copiâ non sufficiente.

XLVIII. In mercibus valde desiderabilibus interdum constitutione publicâ caveri solet, ne exteris emere liceat nisi per mercatores aut institores civicos: id quod in locum de prærogativis quoque referri potest. Interdum etiam sancitur, ne avehantur merces nisi operâ civium. Quæ inventa sunt ad suppetandam lucri materiam civibus, nec ab æquitate discedunt. Ad certum locum nonnunquam alligantur eementes, ne vectigalibus aliquid decedat.

XLIX. Atque hæc sunt quæ natura circa emendi libertatem vel requirit, vel permittit. De rebus apud nos vendendis qualiter constitutum esse debeat, nihil natura præscripsit; sed cuique tum societati, quàm privato liberum reliquit, statuere quid velit acquirere, quid non, ut habent verba *Grotiana de J. B. 2. 2. 20.* Atque adeo liberum omninò est ex utilitate reip. definire quid aut quomodo vendendum vel non vendendum sit.

L. Hinc est quod nonnunquam exteræ merces arcentur, quando aut non satis præstantes sunt, aut si ipsi habemus earum rerum copiam, ne ob exterorum invectionem difficilius nostri possint, quæ multo labore acquisiverunt, vendere. Ob causam eandem interdum temporis aliquod spatium mercibus præscribitur, intra quod vendere eas liceat cuilibet, alio non item. Nonnullibi ex quibus regionibus vina importanda sint, ex quibus non, item quo tempore, lege definitur. Legem ab *Heinrico VII.* Angliæ Rege conditam laudat *Bacon. de Verulamio, quæ prohibebat importationem alicujus manufacturæ ex bysso, vel simpliciter vel cum mixtura alterius fili, textæ.* Subjicit judicium auctor: *Lex hæc vera regula nixa est; Vbi materialia exterâ superflua sint, ibi manufacturas earum apud externos prohibendas. Hoc enim haud superfluitates illas arcebit, aut manufacturam lucrabitur.* Illæ præsertim merces feliciter prohibentur, quæ utilitatis in republ. inferunt nihil, magnam autem pecuniæ vim asportant, & ad effeminandos animos pertinent, qualia quod non importentur, fortiores præ cæteris esse Belgarum populos *Cæsar* judicat *lib. 1. de Bell. Gallico.* Ne mercatores exteri suis navibus ingrederentur Hispaniæ portus vetuit olim Hispaniarum Rex, ut supra ex *Crantzio* relatum est.

LI. Dum agimus quid circa emendum vendendumque liceat imperantibus, non omittendum, quid ulterius erga
cives

cives seu subditos liceat. Breviter, subditi possunt ab imperantibus huc adigi, ut non nisi intra civitatem quod ibi abunde est emant, neque extra civitatem vendant, quod in ipsa civitate desideratur. Quorum utrumque ex eo descendit, quod vi vinculi societatis civilis ita inter se conjunguntur cives, ut reliquorum suæ societatis membrorum utilitates potius promoveri teneatur quilibet, quam exterorum. Talis obligatio bona cum ratione interdum in legem abire potest. Alioquin quæ adversus externos constitui posse dixi, eadem possunt adversus cives, si ita ex re & utilitate sit civitatis, quæ omnium talium constitutionum norma est.

LII. Id tamen hac in parte studiosè observandum est, ut semper potior civium ratio habeatur, & si temporum conditio non regugnat, majores sint eorum prærogativæ, quàm exterorum. Cives ij esse debent, ad quorum felicitatem omnia quæ circa externos disponuntur, referenda sunt. *Αὐτῇ γὰρ ἡ πόλις, ἀλλ' ὅτε ἄλλοις δέῃ ἵνα τὴν πόλιν:* ad suam enim non aliorum utilitatem debet esse mercatura dedita civitas, ut *Aristoteles* ait *Polit.* 7. cap. 6. Sciendum autem est, stare nihilominus posse hanc curam, etiamsi interdum par sit aut etiam tolerabilior quoad mercaturam exteri conditio quàm civis. quia nonnunquam temporum calamitas duriora in cive quam in extero circa hanc rem postulat.

LIII. Inter cives verò ipsos hoc magna cum cura agendum est, ut singuli felicitatem, quam ex mercatura, si rectè habeatur, posse in rempubl. derivari supra dixi, ritè obtineant. Leges ergò constituendæ sunt, quæ, quantum fieri potest, caveant ne alter alterius utilitatibus & commodis obster, quales aliquot jam supra attigimus. Sic etiam in pluribus & optimè constitutis civitatibus Statarii & Forenses mercatores, qui merces ad ulnam vel stateram vendunt, lege distinguuntur à magnariis, qui per aversionem negotiantur. Et statariis inter se præscribitur, quas quilibet merces exponere & vendere audeat, quas non; & an plures quam unam ejusmodi negotiationem gerere liceat: ut ita quilibet de mercibus suis vendendis certior sit, & pluribus fiat negotiandi facultas.

LIV. Et hætenus quidem dictum est, quantum circa emendum vendendumque & circa importandas exportandas-
que

que merces imperantibus liceat : quod non sic intelligendum est , ac si in omnibus & ubique ita fieri debeat ; id enim esset mercaturæ incrementis obstare : sed usurpanda hæc talia sunt quando hâc viâ magis possumus civium nostrorum utilitates promovere , quàm per aliam , aut quando necessitate urgemur . Alioquin mercaturæ amplitudo & ubertas in importandorum & exportandorum libertate & copia consistit . Quæ qualiter se in civitate habere debeant , & quibus incrementis decrementisque augeri minuique soleant , videbimus .

LV. Importatio mercium earum , quæ intra nostræ ditioris terminos consumendæ sunt , à nulla societate civili appetenda est , nisi quatenus necessitatis modus postulat , aut ratio minuendi pretii admittit . Est enim non parum incommoda & perniciofa rerum ejusmodi superflua invectionio , utpote quæ utilitatis aut lucri nihil in civitatem infert , homines ad faciendos frustraneos sumptus invitat , rempubl. ære & nummis , id est , succo & sanguine emungit . Quale detrimentum ut prævertatur , mercium ejusmodi superfluitas necessariò aut lege arcenda , aut onerum difficultate impedienda est : reliquum quod per hujus generis invectionem aufertur , exportandorum ubertate & lucri recipiendi copia supplendum . Memorabilis est circa hanc rem cura Regum Anglorum , qui sub pœna confiscationis omnium bonorum præceperunt , ut mercatores exteri quascunque merces importarent , eas in merces regni coëmendas converterent . Quam legem Henricus Sept. hac insuper adjectione munivit : *Ut in pecuniis persolvendis nulla fieret solutio in auro , quibuscunque mercatoribus alienigenis : quandoquidem aurum ejus generis metallum sit , quod facillimè & in occulto transportari possit :* sunt verba *Verulamii in Vita ejus.*

LVI. Securior ergo mercatura consistit in mercibus exportandis & importandis iis , quæ aut ad alias merces efficiendas pertinent , aut per nos ad alios transeunt . Res exportandæ vel à natura fiunt , vel ab arte . In utrisque maximè advertendum , quibus modis possint introduci , teneri , promoveri , sublevari , augeri ; & qua ratione cum civium utilitate maxima exportentur . Quæ si vellem hoc loco diducere & in amplitudine sua exhaurire , novæ disputationis paginas tractatio requireret . Mecum alia parare jubeat tempus , & impletus sit disputationis Academicæ modus ,

das, cum facili, ut spero, venia amici & benevoli lectoris, iis pertractandis superfedeo.

LVII. Antequam me à scribendo abjungo, recensendi sunt modi aliquot, quib⁹ possint mercaturæ incrementa promoveri, & quid ipsis maximè obstat; quæ brevi & rudi designatione absolvam. Inter augendæ mercaturæ subsidia occurrunt ante omnia fœdera commerciorum causâ instituta, qualia habent Belgæ Fœderati cum Hanseaticis civitatibus, cum Danis, Suecis, Turcarum Imperatore, aliisque: Hanseaticæ civitates inter se & cum aliis: Sueci cum Lusitanis: Helvetii cum Austriacis. In ejusmodi pactis articuli præcipui esse solent de emendi vendendique libertate: de tuitione viarum & mercatorum: de vectigalium modo: de juris dicendi ratione.

LVIII. Deinde sunt Nundinæ magnæ & celebriores, quibus numerus mercatorum & mercium concietur. Circa hanc curam dicendum nobis esset 1. De potestate instituendi & ob quam necessitatem ea inter jura Majestatis esse debeat. 2. De Nundinarum privilegiis, quæ in omnimoda vendendi libertate, in mercatorum & mercium securitate, interdum etiam in vectigalium lenitate consistunt. 3. Quæ cautiones cum in institutione, tum in nundinis ipsis observandæ sint. 4. Denique de loco & quæ circa eum in rationem veniunt. Sed properamus.

LIX. Mercatores magnatios aliunde injuriâ pulsos aut suâ sponte migrantes, si honestè fieri potest, recipere. Ii enim negotiationibus assueti atque inde viventes, easdem secum in rempubl. ubi confidunt, inferunt. Ita quoque artifices opificesque rerum ad mercium copiam facientium consciscere, recipere, colere inter augendæ mercaturæ artes habendum est. Vide *Strad. dec. 1. lib. 7. p. m. 310.*

LX. Magnum quoque momentum ad mercaturæ incrementa accedit, quando homines à fœnoris cupiditate, vel lege vel certioris aut uberioris lucri dulcedine abstrahuntur & invitantur ad commercia colenda. Occurritur eadem operâ fœnebrimalo, quod multis sæpe rebuspubl. grave fuit: consulitur redditibus publicis qui ex mercium vectigalibus augentur, cum ex privatorum fœnore nihil recipiant. Quam in rem valde incubuit *Henricus Sept.* Angliæ Rex, qui à Parlamento suo petiit, ne coercerent spiritum illum & sterilem pecuniarum usum in fœ-

nus & illicita excambia jam erogari solitarum; unde ad naturalem suum usum, Mercatura & commercii legitimi & Nobilis applicentur. Et memorat Verulamius auctoritate ejus Parlamenti latas fuisse leges bonas & politicas: ipsas autem leges non recenser.

LXI. Societates erigere, promovere, tueri, quæ junctis auspiciis, laboribus, opibus alicubi negotiationem gerant, magnopere plurimis in locis reipublicæ commerciorum auxit. Quales societates sunt Indiæ Orientalis & Occidentalis apud Belgas, de quarum potentia, redditibus, & quam valida Belgarum munimenta sint vide *Bandium de Induciis Belli Belg. libr. 2. & Commentariolum de Statu Fœderatarum Provinciarum Belgii cap. 8.* Societates Adventurariorum, ut vocant, in Anglia, quæ cum Belgis commercia exercent, quarum meminit Verulamius loco jam sæpius laudato. Sic in Suecia habetur societas eorum, qui ex Lusitania salem maximâ copiâ in regnum important cum ingenti suo & incolarum commodo. Ad eandem similitudinem prodest ad promovendas manufacturas opificum societates instituire, quæ, præter alia, procurent, ut quilibet possit expediri aliquâ ratione vendere, quæ multo sudore elaboravit. Talibus autem societatibus leges & inspectores publicâ auctoritate constituendi sunt. De augenda mercatura vide omnino *Xenophontem in libro de Proventibus.*

XLII. Inter impedimenta mercaturæ primum ferè & maximum est proscribere & pellere mercatores opulentiores splendidioreque: quorum migratione non potest non intercidere quicquid longo tempore in mercaturæ augmenta impensum est. Sensit ingruentem hujus mali vim olim Maria Belgii gubernatrix, unde, ut est apud *Stradam*, fugam ob sævitiam Albani in Britanniam adornantes edicto prohibuit, & in ipsa fuga deprehensos bonis exutos, ut aliis exemplo essent, severe punivit. Ob rationem eandem nonnullibi mercatores, qui alioquin cogerentur ob sacrorum diversitatem solum vertere, solâ commerciorum quæ exercent magnitudine tui sunt.

LXIII. Quæ artes aut opificia alicubi exulta alibi non usurpantur, de iis opera impense dari solet, ne vel artifices eò habitatum conigrent, aut alio modo illuc artificiorum ejusmodi notitia & usus traducatur: secus si fiat, multum decedit illorum nego-

negotiationibus, neque apud hos tantum deletur mercium quæ ab illis antea petendæ erant desiderium, sed iidem suâ ad vicinos importatione etiam apud hos negotiandi lucrandiq; occasione illos privant. Qua de re prudenter conqueritur eadem illa Belgii Gubernatrix apud Albanum Ducem, eumque sub exemplo texturæ pannorum ab expulsis per eluvionem Belgis in Angliam non sine magnis Belgarum opum decessionibus translata, monet atque hortatur, ne committat ut per consilia tam aspera, tam funesta opifices artes quæ in Belgio adhuc supersint & quarum affusi circa populi sint expertes, ad eos transferant, haud modicè opificiorum ejusmodi accessione & usu ditandos, ut narrat *Strada dec. 1. l. 7. p. m. 350*. Memoratur imprimis dignum est, quod de Batavo quodam refertur in Commentariolo de Statu Fœderatarum Belgii Provinciarum, qui cum per annos plurimos Hispanis & Lusitanis mercatoribus in Angliam navigantibus ministerium suum & fidem probavisset, eo tempore quo Belgis nulla adhuc notitia & cura Indicæ navigationis erat, in patriam subsidio & arte Amstelodamensium mercatorum reversus arcana omnia, leges & commoda Hispanicæ navigationis in Indiam revelavit. Occasione hujus, cum tantos inde redditus sperari posse audissent, ad navigationes easdem animum adjecere: ex eo tempore tantopere præcisi sunt Hispano Indicæ navigationis redditus, ut sæpe de earum amissione periclitatus sit.

LXIV. Id quoque progressui mercaturæ insigniter obstat, quando securitas apud nos vel mercium, vel mercatorum affligitur, & ob publica debita aut aliam ejusmodi culpam privati & transeuntes aut manentes attinentur, quod Græci ἀνδροπαλίαι vocant. Ergo licet non desit ejusmodi processibus aliquis juris titulus, de quo *Grotius agit de Jure Belli 3. 2.* prudenter tamen imperantes rarò & inviti ad talia remedia descendunt.

LXV. Cura de securitate viarum neglecta necessariò mercaturam sistit & decrementa ejus importat. Neque immeritò *Philo Judæus in Legatione ad Cajum* inter præcipuas, & dignas bono laudatoque Principe curas recenset, ut ejus provisu mare omne tutum navigetur. Unde opes navales adesse debent iis, qui mari rem gerunt, ad præstandam navibus securitatem; de quibus *Aristotelem vide Pol. 7. 6.* Quantopere mer-

catores bella & bellorum metus naturaliter horreant, supra retulimus.

LXVI. Vestigialia intermediorum locorum si modum excedunt, fieri non potest, ut importatio & exportatio mercium satis latè succedat. Unde pacta commerciorum causa necessaria sunt, quibus utraque pars ad lenitatem æquitatemque deducatur. Sed ut dixi, non suppetit nunc tempus, quo hæc & ejusmodi alia possim uberius exponere: in aliud tempus pleniorē materiæ hujus tractationem mihi repono, & benevolo interim Lectori me commendo.



XXXIV.

CIVITAS MARITIMA.

CAP. I.

Instituti rationem, & vocum explicationem præmittit.

CIVITATEM MARITIMAM, non quidem penitus & ad modum integræ disciplinæ, sed summatim designando magis hujus Philosphiæ capita, quàm tractando, Academicæ Exercitationis causa in medium examinandam dare, animus est, Præceptorum favorem, commilitonum studium, vel sperare, vel exorare fas est.

Civitatem voco, quæ suis ipsa auspiciis, suis legibus utitur totumque & separatum ab aliis, civilis consociationis corpus constituit; neque ut pars alterius corporis spectatur. Quæ ratione ab urbe quid differat, manifestum est: quamquam fieri posset, ut civitas integra unius urbis ambitu contineretur. Sæpius tamen civitas, ut nunc accipitur, amplioribus spatiis, agro, pagis, vicis, urbibus, pluribus paucioribus describi creditur.

Maritima autem Civitas dicitur, quam vel tota amplectitur Amphitrite, ut Insula sit; vel ex maxima parte, ut Peninsula habeatur; vel notabili loco, & ad accedendum egredientumque opportuno alluit mare. Nam & huic generi fauet
usus

usus & consuetudo loquentium, scribentium, negotiantium. Quinimo, si Civitas habet urbem aut urbes maritimas, utitur illa in parte iis rationibus, quibus uti licet toti, si tota maritima sit. Videre licet pulcherrimam quæstionem de Pharo insula & Heptastadio, apud *Ammianum Marcellinum*: dilce- lib. 23. c. 41
prætam *Joanni Gryphiano* in erudito de insulis Commentario. cap. 20. n.
Quid? si quis destitutam Cleopatram tueatur? Liceat hoc fa- 115. usq; ad
cere, sicut in iudicio nemini patronus invideri solet. 127.

Permiscetur autem persæpe hæc quæstio, cum de commodis incommodisve situs maritimi, vel urbis, vel totius civitatis exemplo, disputatur: sicut videre est apud *Interpretes Aristotelis*. Et ad lib. 7.
sane pleraque, quæ de urbibus maritimis dici possunt, sua qua- Polit. c. 6.
dam ratione ad rotas, etiam maximas, civitates pertinent, nisi quod Civitates & regna, antiquitus suas sedes adepta, non opus habent illa deliberatione, de situ eligendo, sicut interdum de Urbe, consultatio incidit, penes mare ne sit, an ab eo longius propiusve constituenda. Et quanquam apud *Ciceronem* Ad Attic.
Dicæarchus, & in principio libri quarti de legibus *Plato*, marit- lib. 6. ep. 2.
timum situm non valde probent: nos tamen eum hac vice commendabimus, & ad amplitudinem Civitatis ac potentiam haud paulo plus conferre, quam situm mediterraneum, statuemus.

CAP. II.

Qua forma reipublicæ Civitas Maritima utatur, an intersit. Nullam formam excludi, neque comparisonem inde recte peti in hoc negotio. Legibus tamen in quavis forma opus esse, rem maritimam regentibus. Discerni illas leges varie.

Qua forma autem reipublicæ Civitas maritima utatur, parum refert. Omnem enim reipublicæ formam, ei aptam esse, præterquam quod usu magistro docemur, nulla dubitandi ratio ostendi potest.

Quanquam enim *Libertatem* & plurimum regimen aliquis præferre videatur posse, ex illa ratione, qua *Sallustius* in *Catharina* utitur, quando exactis regibus; homines magis ingenium in promptu habuisse, & se suave magis extollere cepisse, purat; id cap. 7.

PPP PPP 3

quod.

quod etiam Belgarum exemplo, postquam Hispanica ditione exempti sunt, nonnulli ostendere parant: non tamen recte instituitur comparatio talis, aut ad formam statumue Civitatis refertur; cum aliunde pendeant, qui hic memorantur eventus; & ad casus quosdam temporum, rerumque, in quavis republica exoriri solitos, pertineant.

Jam, si quis dicat, in singulari unius imperio, in expedito magis esse maritimam administrationem, hæc ratio non spectabit magis ad maritima, quam ad reliqua negotia Civitatis gerenda: quæ nonnulli, dum formas inter se contendunt, præsentius efficaciusque unius nutu confici demonstrant.

Nam, cum in rem præsentem ventum est, in *Monarchia* quidem antiquitus *Minois* exemplum præcellit; & si propiora quærimus, *Magna Britannia*, id est Civitatis maritimæ, hac imperii forma ad summa provectæ: *Aristocratica* Civitatis maritimæ incomparabile specimen *Veneti* præbent: sicut in populari imperio, *Athenienses*: in mixto ex *Aristocratia* & *Politia* statu, si multos sequimur, *Confederati Belgæ*.

Quæ res facit, ut quamvis reipublicæ formam Civitati maritimæ aptam, nihil dubitemus pronuntiare. Illud autem satis intelligitur, cum administratio Civitatis Maritimæ in rebus haud paucis differat ab administratione Civitatis non Maritimæ; Legibus opus esse ad hanc Civitatis conditionem pertinentibus. Argueretur enim insignis defectus ab hac parte, si non essent provisæ omnia ac destinata. Exemplis clarius fit, quod dixi. Si Civitas aliqua opposita esset, non dicam exposita, barbaris, à fide omni ac virtute alienis; non bene constitutam dixeris, nisi leges, quibus adversum illos defendatur & excitetur, solleter excogitatæ, graviter perlatae fuerint. Nam & latrones ac piratæ non possunt hoc genere le-

Orb. marit. gum carere: si quidem velint non in diem vivere. Ferri autem lib. 1. c. 30. tem solent tales leges, *vel de jure navigandi*, sive *utendi mari*, & lib. 2. c. *vel de ejusdem utilitate*; *vel de ejusdem ordine*. Poterit qui 9. de Insul. c. 31. §. 83. volet, & aliter, ac fortasse subtilius, partiri. Exempla autem habemus in antiquitate, *Leges Rhodias*; & *Romanas*, aliasque; & c. & c. collectas *Morifoto*. Addi debet jus nauticum *Wubjense*, *Luccon. leg. becense* (de quibus doctissimus *Gryphiander*) tum *statuta vav. lib. 1. c. 35. riarum Civitatum nautica*. n. 32. & c.

CAP.

CAP. III.

De Imperio maris alibi agitur, nunc quaestio est, quid Civibus Civitatis maritima concedatur aut interdicator. Tum quid sibi reservet Civitas. Religio. Locus. Tempus Quaestus.

Civitas Maritima, in quantum sibi vindicare possit imperium in mare, aut non possit, alii diligentius exquisiverunt: in his *Grotius*, & qui aliquid annotant. Relictis ergo iis, quæ de externorum jure quærentur, hoc tantum monemus: Civitati Maritimæ jus esse, usum maris suis Civibus laxandi restringendive (extra usus innoxios & necessarios) prout Reipublicæ salus postulat.

de I. B. 2, 29
& 3.

Neque enim audiendi sunt, qui navigationibus (celeberrimo frequentissimoque maris usu) plane abstinendum, vix serio, scribere tamen non dubitarunt. Quos enim Deus apud mare constituit populos, illis usum maris ultro videtur commendasse.

Reservat ergo sibi Civitas, omne, quod ad arma pertinet, arbitrium. Ita munire Insulam, classem armatam in mare educere, non est privati arbitrii. Non tamen vetita censentur privatis, munimina & aggeres mari, ne agris cujusque ingruat, oppositi, nisi quod hæc quoque cura (ob lites de hac re inter vicinos, diversa commoda allegantes, exoriri solitas) ad jura summæ in Civitate potestatis transferri cœpit. Naves non bellicas ob fines non bellicos à portu proficiscentes armare, naturaliter licet illis, quibus itineris maritimi potestas facta est. Sicut viatori, gladium necessariæ defensionis causa gestare licet. Sed vix consuetum aut usitatum est, hanc quoque partem inspectione aut cura legislatoris vacare. Vestigalia à præternavigantibus exigere, non singulorum civium, sed Civitatis est. An & jus naufragii colligendi sibi vindicare Civitas potest? Ita, nisi urbibus quibusdam ad mare sitis permittat; aut civibus suis, utrobique tamen temperamento opus est: ut, si de naufragis constat, facultas recipiendi eis non adimatur, repensâ impensâ.

vid. Grot. I.
B. 2, 7, 16

De cetero, Civitas maritima, merito constituit, quæ ad navigationem religiose ineundam & peragendam pertinent.

Apud

Devenati-
one c. 35.
lib. 1. cap. 1.
od. 35.

Apud Ethicos quoque non mos tantum, sed lex erat, diis preces in principio, grates in fine operum dicare. Gallorum hac in re legem laudat Arrianus; & addit: ἀλλὰ καὶ ὅτοι ναυπλάροται, ἀπὸ θεῶν ἀρχοῦται, ὅτοις τε τῷ σώζεσθαι μίλει, καὶ ἀνασῶντες χάρις ἔχουσι τοῖς θεοῖς τοῖς θαλάσσις, ποσειδῶνι, καὶ Ἀμφιτρίτῃ, καὶ Νηρηΐδι. Lucas Holstenius ita vertit: nam & rem nauticam exercentes a diis faciunt principium, quotiensque suam sibi salutem cordi habent, & ubi salvi evaserunt, diis marinis, Neptuno, Amphitrite, & Nereidibus, gratias referendis sacra faciunt. Et de Fortuna, quæ dea marina πηδάλιον gestans, Antii, aliisque urbibus maritimis colebatur, vel ex Horatio notum. Quid ni Dei notitiam uberius adepta Civitas, cultum lege publica decernat ei, cui venti & maria obediunt? Ita videmus in regnis maritimis, classem perpetuo, expeditiones seorsum, Deo custodi & servatori, publicis precibus commendari, multæque bonæ consuetudines, etiam citra legem, inter Christianos nautas invaluerunt. Quamquam hoc genus ad superstitiones multas proclive, & vento secundo, licenter vivere assuetum, rerum adversarum & prosperarum rationes, raro cum Divino numine putat. Bodinus in amplissimo de abditis rerum sublimium arcanis opere nunquam edito, sub initium, cum cadaveris conditi (Mumiam vocant) jactu, tempestatem sedatam, retulisset, Dæmonibus & geniis nimis multa videtur attribuire his in rebus. Adversus quæ una Lex Civitatis Maritimæ valere debet: unum esse

Quem maris & terra tempestatumq, potentem
respicere & venerari omnes oporteat cives.

Potest etiam loca quædam navigationibus privatorum interdicare: tum ad quæ loca cives suos velit excurrere, quibus abstinere; denique quas exterorum naves admittere, quas non admittere velit, decernere licet Maritimæ Civitati; dummodo juris & commercii humani reverentia regantur ex leges. Idem debet nimirum juris esse maritimis, quod in mediterraneis agris sibi Civitates vindicant. Sicut de Nervii antiquis (hodie Hænovii & Cambresiani illam partem incolunt) Julius Cæsar testatur: nullum aditum ad eos esse mercatoribus; nihil pati vini reliquarumq, rerum ad luxuriam pertinentium inferri. Quod & Sævos statuisse, ad quos de cetero mercatoribus aditus erat, apud Eun-

de Bell.
Gall. 2. 15.
B. G. 4. 2.

dem

dem *Historicum* legas. Chinenſes cum naufragio male multati eſſent in freto Zeilano, pœnam capitis ſtatuiffe in eos, qui in illas partes navigarent, *Boterius* auctor eſt: atque id conſilium, ſuis ſe continendi finibus, multis laudibus fert. Iidem, *homines* exteros difficillime in urbes ſuas admittunt, ne moribus externis oblit, ab inſtitutis ſuis paulatim deducantur. teſte *Oſorio*. An hæc ratio quæ crebro auditur, juſtiæ ſit uſquequaque conſentanea, dubitare queas. placet, diſputandi cauſa, negare.

in Polit.
Reg.

de reb. Im-
manuel.
Luſit. lib.
II,

Tempus (*καιρὸν αὐτὸ ἐπιτρέπειον*) Natura demonſtrat, Sapientes obſervant, Lex decernit. Igitur quæ *Hefiodus* ſuaviſſimis 77. verſibus de tempore ad navigandū idoneo aut non idoneo diſſerit, merentur pro Suaſoria Legis maritimæ haberi. Neque *maris clauſi & aperti* diſcrimina, in civitatib⁹ maritimis, tantū inter obſervationes Nautarum, ſed inter præcepta legiſlatorum leguntur. Notæ ſunt *Imperatorum conſtitutiones*, de hyematione & naufragiis, quatenus huc pertinent. Pro conditione autem & diverſitate locorum, navium, cauſarum, non uno ubique & ſemper iſthæc talia modo ſtatu conſueverunt. Sæpe atroces caſus Legiſlatoris animum huc adverterunt. Ita, cum anno 1468. Navis *Lubeca* *Revaliam* tendens, una cum mercibus, & vectoribus 200. diverſi ſexus & ordinis, in faucibus ſcopulorum *Sueciæ* & *Finniæ*, naufragio interiſſet, inde, lege conſtitutum eſt, ut poſt *Martini feſta* nulla navis in *Livoniam* ſolvat ex portu *Lubicenſi*, referentibus *Alberto Krantzio* ſine libri XII. *Vandalia*; & *Jo. Regkman* in *Chron. Lubec. Germ.* daß niemand nach Martini von der Drave ſolte ſeglen. Addit tamen *Chronicum*: und diß wird nicht gehalten. Item contineri in ſtatutis nauticis *Hamburgenſibus*, ut terminus navigandi ſine *Octobris* aut principio *Novembris* concludatur, memorat *Gryphiander*.

l. 6. C. de
offic. rect.
prov. & l.
3. C. de
Naufrag.

Oecon. le-
gal. lib. 1. c.
25. §. 149.

Quæſtum piraticum nec connivendo tolerabit *Maritima Civitas*, & ſeveris ultro legibus interdiceret ſuis civibus: quinimo ad coercendos aliunde infeſtos piratas ſedulam operam, ſui & aliorum cauſa, navabit. *Necceſſariam Piraticam*, nullo tempore, in præteritum aut futurum agnoſcimus, neque ita excuſari poſſe illum rudi vetuſtati apud ethnicos quaſi probatum acquirendi modum, ſtatuiamus, de quo *Interpretes Ariſtoteliſ*, & *ad l. polit. Clar. Schefferus de miſticia Navali*: licet prætexatur, vel victus quærendi, vel ſedium requirendarum neceſſitudine, Non ma-

ad l. polit.
§. l. 1. c. 1.
& in Add.

gis Septentrionalium populorum, iisdem in Medio Ævo consiliis suffragari fas est. Cordate Crantzius in *Dania*: *Compertum est, apud veteres hujus ditionis homines, justum esse habitum questum, exercere piraticam. Fuere tamen inter reges hujus nationis, qui rem scelestam perosi, summis conatibus improbitatem illam sunt infectati. Christianis autem temporibus, omnis ea depredatio piratica abolita est. Alibi, de Winulis ob piraticam bello petitis, piratica inquit, nullum faciebant finem, arbitrati (barbaro sensu) honestum id esse militiae genus. Iterum: arbitrabantur in paganismo barbari, jure possideri quicquid vi aut armis querebatur. Quam sententiam inter Christianos nec dum multi antiquavere, armati, praesertim militiam sequentes. Licet enim Christianis, ut ante dixerat, ex instituto sui ordinis, abominabilis esse debeat piratica, tamen neglecto conscientiae dictatu, mulri, quod verbo damnant, factis æmulantur. Querat curiosus aliquis: an illa piratica, quæ auctore Wethemanno Roskildiz cœpit, tempore Suenonis IV. & Canuti V. etiam improbanda sit, cujus disciplinam describit Saxo Grammaticus? sed illa nomine *piratica* dicitur: ceterum auspiciis publicis utiliter adversus piratas instituta militia haberi debet. Rectius diceretur militia nautica voluntariorum, spe prædæ de piratis capiendæ auctorata.*

lib. 1. c. 38.

Wandal.

lib. 3. c. 35.

Wandal.

3. 7.

lib. 14. pag.

259. & seq.

CAP. IV.

Studium rei nautica Civitati Maritima necessarium. In structurâ navium Civitati accommodandâ. In arte navigandi tradenda. In mechanicis & mathematicis physicisque disciplinis colendis. In exercendiis nautis. In premiis & privilegiis decernendis.

UT Maritima Civitas, maris & patiens & sciens sit, primarii est consilii, cumque usus maris, navigando potissimum absolvatur, ad rei navalis studium cives assuefaciendos esse, satis intelligitur.

Non dicemus de illa consuetudine, quæ in Undis prolem educari constat, ab iis, quibus maria & flumina atque adeo naves pro patria sunt. Quanquam hoc non apud *Chinenses* tantum factitari, ob exuberantem hominum multitudinem comperimus, sed cotidie fieri videmus, vel ob navigationis moras, vel ob pontium

tium navalium custodiam, aliisque de causis. Nam de longinquis navigationibus, ubi multos sæpe per menses non descenditur in terram, nunc non loquimur.

Naves certe, in quibus magna pars Civitatis maritimæ, sæpe ipsum robur & compendium, versatur, summo sunt studio comparandæ, prout earum varietatem, structuram, ornatum, maris conditio, usus negotiorum, temporum & casuum circumstantia postulat. Rebus enim angustis & modicis, rudimenta quoque & tumultuariæ naves aliquando sufficere potuerunt. plura & exactiora, cupido habendi, aut subnati æmuli inimicive admonuere. In Aremoricis sive litoralibus Venetorum in Gallia civitatibus, laudat *Cæsar* inprimis, quod habuerint illis Oceani partibus penitus accommodatas naves. Pro magnitudine autem Civitatis, utile est, magnum numerum omnis generis navium præsto esse. Potest enim fieri, ut bello ingruente, ad alios quàm ad quos factæ sunt, usus valeant. Belgis certe hæc res fiduciam non exiguam semper, & usum eximium sæpe præstitit.

de B.G. lib.
3. c. 13.

Non autem diligentia tantum ædificandis navibus opus est (de qua etiam *Vegetius* ad usus bellicos aliquid præcepit, & ex eo *Ægidius de regimine Principum capitulo ultimo in Manuscripto codice, supplementum libri tertio professo*) sed etiam frequenti repetitione structuræ. Nam quæ exempla antiquitus feruntur, de valde longævis navibus, in exemplum trahi non debent.

lib. 4. c. 34.
& seqq.

Ars porro navigandi constat, rudimentis, observationibus, experimentis, Nam rudis aliqua meditatio, etiam ad adolescentiorem ætatem pertinet. variæq; exercitationis specimina, etiam in Ludis Nauticis & Piscatoriis edebantur, quamvis, ut in reliquo hoc genere, Naumachiarum ingens apud Romanos abusus esse cœpit. Videatur *Cl. Schefferus de milit. Nav. lib. 1. c. 5. & 1. 2. c. 2.*

Observationes ad scientiam referri par est mathematicam, qua & ratio constituendi naves indicatur, & peritia *isodopias* seu velificationis comparatur, & usus pyxidis nauticæ intelligitur. Sed hæc subtilius ostendenda sunt.

Siderum quoque notitia, Geographica & Hydrographica scientia, ventorum cognitio, Civitatis Maritimæ institutis unice conveniunt. Quid de Æstu marino dicemus? cujus desperata pæne est hætenus explicatio. Probandi autem inprimis sunt, qui ad eam ingenium & observationes suas conferre velint. Quin

enim hæc cognitio, labores & pericula navigationum, totiusque negotii maritimi plurimum sublevare queat, nulla est dubitatio.

In his studiis duæ cautiones videntur opportune adferri posse: quarum unam *Strabo*, alteram *Ptolemaeus* suppeditant. *Strabo* nis hæc est admonitio: Καὶ γὰρ εἰ μὴ δυνατόν, κατὰ τὴν ὑπὸ δέσιν τῶν τοιαύτων ἀπαιτῶν ἀκριβῆν, διὰ τὸ εἶναι πολιτικώτεραν, τό γε ἐπὶ τοσούτου ἴφ' ὅσον καὶ τῇ πολιτικῇ παρακολουθεῖν δυνατόν, προσήκει αὖ ἐκδέσθαι. Etenim si in hoc genere non possunt omnia exactius investigari, eo quod civiliter philosophandum est; eoque, certe procedendum fuerit, quo viri civilis industria queat pertingere.

Ptolemaeus autem cautela, de Geographia universè, ad maritima studia pulcre congruit, quando exertius suadet, ὅτι τῶν ἐξυπέραις τῶν ἰσοριῶν προσεκτικόν, διὰ τὰς ἐν τῇ γῇ κατὰ χρόνον μεταβολάς, quod novissimis historiis potissimum attendendum sit, propter multas in variis terrarum locis tempore procedente factas mutationes. Sane quantum observationis novissima quæque navigatio prioribus adjecerit, volumina & Descriptiones unius & alterius sæculi abunde demonstrant.

Civitati ergo Maritimæ consultum fuerit, semper Artifices mechanicos, & intignes Mathematicos, denique præcipuos talium studiorum auctores, in promptu habere; eosque animosis mercedibus conducere: ut nunquam hujus disciplinæ cupidos ulla possit occasio deficere.

Nec in ampliore civitate impensæ deesse queant. Ex annuo enim quæstu nautico facile aliquid in hos usus seponeretur. Accederent liberalitates extraordinariæ mercatorum, & aliorum qui hæc studia amant, peculiari fisco inferendæ. Disciplina quoque, ut parabilis esset, sæpe lingua vernacula institui posset. quod utiliter hodie alicubi factitatum novimus. Instrumenta quoque omnis generis & machinæ impensis publicis ad manum esse debent, ne vel pauperculis adjumenta denegari videantur. Jam, quæ volet esse Maritima Civitas, quæ non ingenia aliquot idonea, peculiaribus invitamentis ad culturam horum studiorum traducat? Hos postea peritissimis naucleris commendari, & experimenta maris, in minoribus primo & propioribus, mox in majoribus & longioribus itineribus capere, fas est.

An aliunde in Civitatem Maritimam multitudo hominum nauticorum conducenda sit, dubitarum est. Periculosum hoc esse,

se, ostendit *Isocrates in Panathenaisco*, ubi ait: potentiam maris augeri ex τῶν τεχνῶν, τῶν πλεὶς τὰς ναῦς καὶ τῶν ἐλαύνειν αὐτὰς δυνάμει P. 506.
 τῶν, ex artibus nauticis & hominibus qui remos agere possunt: & hos esse plerumque homines, quibus nullā domi bona res, omnis de alieno visitandi spes; qui si in Civitatem confluant, mores & fata ejus ne mutantur, periculum esse. Ubi notandum, non de mathematicis artibus & artificibus, & machinatoribus eximiis, sed de nautica turba sermonem esse. Nam rariores illi & majores artifices, quin aliunde pelliciantur, nihil vetat. At ut cives ipsi nautica obire munia discant, vel Lacedæmoniorum exemplo intelligi potest, quā sit necessarium: qui cum domi rei navali non dedissent operam, aliunde nautarum omne genus, magno suo cum incommodo & periculo arcessere cogebantur. Atheniensibus autem domi nascebatur hæc peritia, quos Civitas Maritima imitari debet, efficiendo, ut sæpe cives navigent. Verissime enim *Xenophon ἀνάγκη γὰρ ἀνθρώπων πολλὰς πλοῦντα κώπην λαβεῖν καὶ τὸν αὐτὸν καὶ αὐτὸν οἰκέειν, καὶ ὀνόματα μαθεῖν τὰ ἐν τῇ ναυτικῇ, δι' ἐμπειρίαν δὲ τῶν πλοίων καὶ διὰ μελέτην. Necesse est utique hominem, qui sæpe naviget, remum in manus accipere, & ipsum & famulum ipsius, atq; adeo condiscere vocabula rei nautica partim experientia nautigiorum, partim meditatione.* Et de meditatione subjicit: ἡμελέτησαν δὲ οἱ μὲν πλοῖον κυβερνῶντες, οἱ δὲ ὀγκάδα. οἱ δ' ἐντεῦθεν ἐπὶ πρῶτῃ κατέστησαν, οἱ δὲ πολλοὶ ἐλαύνειν ἑσθὺς ὡς ὄντες ἰσθάντες ἐς ναῦς, ἅτε ἐν πατρί τῷ βίῳ προεμελετηκότες. *Meditatio autem fiebat, dum alii navem gubernabant, alii onerariam regebant; alii hinc ad triremes transibant: quidam statim ut navis sunt ingressi, remigabant, per omnem scilicet vitam meditationibus talibus preparari.* Dum autem variis ex causis, sæpe navigatur (unde vel ad celebre tribunal, vel ad nobilem mercatum suscipi itinera maritima, ratio erat) fieri nequit, quin cives, quasi ignorantes, & aliud agendo, nautica quadam scientia, quod *Xenophon* ait, imbuantur.

Sed & præmiis huc invitandi sunt. ubi iterum exemplum Atheniensium singulare est: qui honoribus & muneribus civilibus plebem ad studia nautica excitant, populareq; maximam partem imperium instituerunt; ne, qui potentia in Civitate Maritima effectores essent, commodis & honoribus carere viderentur. *ἔτι ὁ δῆμος ἐστὶν ὁ ἐλαύνων τὰς ναῦς, καὶ ὁ τὴν δυνάμιν περιτιθεὶς τῇ*

de rep. Athen. p. 404

Xenoph. de Athen. rep. p. 1.

τῇ πλείῃ. καὶ οἱ κυβερνήται καὶ κελδεραὶ, καὶ οἱ πεντηκόνταρχοί, καὶ οἱ
 πρῶτοι, καὶ οἱ ναυπηγοὶ, ὅτοι ἐσιν οἱ τὴν δύναμιν περιτιθέντες τῇ
 πλείῃ πολὺ μᾶλλον ἢ οἱ πολῖται καὶ οἱ γυναικῶς καὶ οἱ χρεῖσαι. quia plebs
 est, quæ naves agit, & potentiam Civitati conciliat; tum guber-
 natores, hortatores, Pentecontarchi, proreta, navium fabricato-
 res, hi sunt, inquam, qui potentiam Civitati conciliant magis,
 quàm cives alii, & nobiles, & sœneratores, sicut Xenophon expli-
 cat, qui & reprehensum ab aliis hoc institutum, pro conditio-
 ne & ex ὑποδοσὶ popularis Civitatis defendit laudatque, pos-
 set forte etiam ex hypothese Civitatis Maritimæ defendi.

vid. Ulb-
 bon. Em.
 de rep.
 Athen,

Pertinent huc etiam alia præmia, quæ civibus incitandæ in-
 dustriæ, ut ad alia studia, ita ad rem nauticam, varie excogitan-
 tur decernunturque.

CAP. V.

*Civitatis Maritimæ consilia & instituta circa rem Pesca-
 riam. Distinctio navigationis & usus navalis. Pi-
 scatus, modus acquirendi, ad αὐτάρκειαν Civitatis refe-
 rendus. Controversiæ de piscatu inter Civitates ma-
 ritimas. Leges Civitatis Maritimæ, quibus regitur
 piscatus, vel quoad artem, vel quoad jus, vel quoad
 mercimonium.*

Maria & flumina Deus dotavit piscibus. Igitur Civitas
 Maritima non negligere debet has opes : sed potius provi-
 dere, ne unquam desint, qui huic rei operam dent ; tum aliis mo-
 dis, tum navibus & navigationibus.

Solent enim *Navigationis* illa noscitari genera ; *Piscatoria*,
Mercatoria, *Militaris*, *Curiosa*. Quæ & misceri aliquando videmus.

I. Politic. Et *Piscatum* quidem ad modos acquirendi ex venatione
 peti solitos, *Philosophus* refert, occasionem & consilium & inge-
 nium subministrante loco & situ eorum, ὅτοι λίμνες καὶ ἕλη, καὶ
 ποταμοὶ ἢ θάλασσαν τριῶν τῶν προσοικῶσι, qui lacus, paludes, sinuos aut
 mare accolunt. Quod de generibus hominum hic dicitur, recte ad
 totam Civitatem Maritimam refertur. Quæ, naturâ demon-
 strante, hoc victus & copię parandæ instrumentum non omittit.
 Quin etiam, pro conditione loci & temporis αὐτάρκεια Civitatis,
 sive rerum necessariorum sufficientia, magnam partem hinc in-
 struitur. Et sane mirum est, etiam si de illis nil dicamus, qui-
 bus

bus siccati pisces pro pane sunt, quot myriades hominum Deus passim alat præcipue piscibus & marinis animalibus & fassamentis. Ut fortasse non bene *Plato* de venatione agens, maritimam venationem sive piscationem dissuaserit, Legislatorẽ ita loquentem ad juvenes inducens: ὦ φίλοι, εἴθ' ὑμᾶς μὴτε τῆς ἐπιθυμίας μὴτ' ἔρωε τὴ πρὶς θάλασσαν θήρας ποτὶ λάβοι, μηδὲ ἀγκιστρίας μὴδ' ὅλας τῶν ἐνὶ ὕδασι ζώων, μὴτε ἰζηγορᾶσι μὴτε εὐδεσι κύρτοις ἀργὸν θήραν διαπονεμένοις. *Ne capiat vos, o amici, ulla cupido venationis maritimæ aut hamatilis piscatus; neque omnino, ut velitis aquatica animalia, vel interdum, vel noctu, sagena otiosam capturam exercendo, venari.* Nisi quis putet, ad mores eum respexisse talium hominum, ipsarumque quibus vita utitur, discrimina artium, quo sc̄su *Cicero* non probat illas artes, *cercariorum, piscatorum*, comparatione scilicet instituta honestiorum & viliorum artium. Imo vero *Plato* sibi met ipse potest esse interpres, quando ex omnibus venationis generibus, eam probat unice honestissimamq; decernit, quæ equis, canibus, robore corporis perficitur. Ut ab hac mente minus probanda videatur, quæ minus laboriosa ac exercitata est; & ad otium propius accedit. Sicut fere *Philostratus*, piscatores suos ἀμυχανῶντας circa thynnorum capturam delicias inducit.

Halecum captura abundantissima, circa Rugiam insulam olim celebris, postea apud Scanienſes increbuit, hinc ad Noruegos, ab his ad Scotiæ Angliæque oras migravit. Ubi frequentissima in hunc diem exercetur, & Europæ quodam modo sufficit, ex quo artem muria hunc piscem condiendi circa annũ Christi 1416. *Gulielmus Buckeldius* Belga invenit, atque ut durare & longe lateque asportari posset, effecit. De periodo hujus piscatus notabilis est *Camdeni* annotatio: *Haleces Britanniam nostram non sine Divino consilio, numerosis examinibus quotannis circumnatant. Circa solstitium æstivum ex alto litora Scania petunt; quo tempore quum pinguiorẽs sunt, statim divenduntur. Inde Anglica litora adveniunt, & ab Augusto medio ad Novembrem optima & noberrima eorum est captura à Scarborrough usque ad Tamisim ostium. postea aliqua vehementi procella in Britannicũ mare deferuntur, & in eo ad Christi nsque natalitia se piscantibus offerunt, hinc Hiberniam utrinque pernatantes in septentrionalem Oceanũ circumnavigata Britannia se transferunt, & ad Junium quasi subsistunt.* Hæc copia effecit, ut Belgis facile concederetur illis in locis

lib. 7. d. 11.
p. 641.

l. 1. offic. 42.

Icon, lib. 1.
tit. ἀλιῆς
p. 73.
Ic. Pontan.
hist. Dan.
lib. 6. pag.
242. & disc.
euss. hist.
ib. 1. c. 18.

in Britan-
nia p. 642.

Mar. Clauſ.
lib. 2. c. 21.
adde loc.
cen. de ju-
re marit., l.
1. c. 9. §. 4.

orb. marit.
l. 2. c. 18.

lib. 3. al.
eu. 4. & 5.

lib. 1. c. 9.
differt. de
Imp. mar.
c. 8 n. 4 &
seqq.

locis piscatus, sicut Seldenus amplius ostendit, unde Dominii Anglorum Marini argumentū speciose extruit *idem Seldenus*. Alii mallent, vi conventionis quā titulo Imperii hunc piscatum niti. Controversiæ inde magnæ, & nuperæ, nec incruentæ. De quarum compositione Pax inter Britannos Belgasque inita docere potest.

Quid contentionis circa piscationem Islandicam & Norvegicam, Anglis & Danis intercesserit, legas licet apud *Seldenū in Mari clauso*, & præsertim *Joh. Isac. Pontanum in Discussionibus Historicis*. Quibus addi potest *Camdeni Historia Elizabethæ in annis 1600. ac subsequentibus*: & *Morisotus contra Seldenum*. Elegantes ibi quæstiones de Imperio maris probando ex petita & concessa facultate piscandi: an continuatio hujus rei & exercitium utrinque non omissum, servitutis mari impositiæ nomine à petentibus allegari possit: an omiſſa diutius *propter incertum regni concedentis statum* petitio, necessitatem petendi extinxisse, & facultatem piscandi præscripsisse, credenda sit: an facultas illa diu continuata, & post interruptiones, ad prædictū modum instaurata, juris patrimonialis nomine possit laudari & quæ sunt hujus generis alia.

Legibus piscatum ordinabit Civitas Maritima, quantum ad artem piscandi attinet, & instrumenta, & tempora, & modos. Neque enim, obtentu juris vel naturæ vel gentium hujus rei libertatem infinitam statuere, fas est, ordinabit, ut cœpimus dicere, summa potestas, ut ceteras civium actiones, ita piscatū, ut rationibus rei publicæ convenit; & id jure suo se facere non dubitabit. Vere nimirum quantū res patitur, locutus est *Oppian. ad Imperatorem Romanum*:

οἷς μὲν γὰρ ὑπὸ σκήπτρῳσι θάλασσα
ἰλεῖται, καὶ φύλα ποσειδάων ἐν αὐλῶν.

Tuis enim sub sceptris voluitur & mare, & quicquid est incolarū sive domesticorū Neptuni. Quia de re satis explicite egerunt *Cl. Loccenius in Jure Maritimo*, & doctissimus *Jo. Stranch*. Si modo dux cautiones efficiant, ne cōtra externos, aut cōtra cives nimis omnia adstringātur. Id enim ne fiat, videm⁹, plerasq; sumas potestas temperamentū alicuj⁹ licentiæ reperisse, ac humanè non minus quā utiliter usurpasse. Altera cautio providebit, ne laxata piscandi disciplina, foris contemptus, domi confusio, litium paulo post mater subnascatur. Et quando quidē hac de re cogitatio suscipitur, valde profuerit cognovisse, quæ *Pocia* modo laudatus, & in hoc ge-

nece

nere, incomparabilis *Oppianus*, præsertim à libro nominato, non explicavit minus quàm suavit: tum etiam juverit, exempla talium legum inspexisse, non indiligenter ex diversis Civitatibus collecta *Gryphiandro*, & aliis.

Sicut autem, ut dictum est, de omnibus rebus ad piscatum pertinentibus, Civitas præcipere potest: ita ipsum jus piscandi his illisve locis, circa hoc aut illud genus piscium, hoc illove instrumentorum genere, non civibus modo, sed ubi sine injuria horum fieri potest, externis quoque gratificari, elocare, vendere, sub vestigali concedere, aut etiam non concedere, non nequit. quod & de fœderibus hac de re ineundis ultro intelligitur. ubi, ex tot in utramque partem prosperi improsperive successus exemplis, satis apparet, quid factu optimum consultissimumq; haberi debeat.

Ut & circa *mercimonia* piscium: exportandosque aut importandos pisces. Sanitatis ratio in his habenda: ne veneant e. gr. fœdamenta, quæ corrupta, aut pisces pridem mortui, unde graves & contagiosi morbi generari queunt. Quare forum piscarium diligentissime & severissime ordinandum est. Jam, si abundat Civitas piscibus, qui exportari commode nequeunt, nil prohibet lege statuere, ut certis diebus carniū esu cives abstineant. Ratione, ut dixi, magistra; non superstitione. quæ in alteram partem duxit Græcos, ut ex Stagno Nepruni apud Ægias pisces eximere vererentur, ne piscator in piscem mutaretur, referente *Pausaniâ*, qui de Mercurii fonte,

In Laconia,

cui Hama nomen, similia memorat: τὸς δὲ ὕδρας ἐν αἰψῶνι ἐξ αὐτῆς (πηγῆς) ἀνέσθουσι ἔστι τῷ θεῷ ἁγία ἕρως. pisces exinde non educunt, eo quod Deo sacros credant. Pretia quoque piscium, ut aliorum cibariorum, finiri, probabilis plerumque est consilii, etiam tempora venditionis, non enim omnes pisces omnibus temporibus, vel valetudinis, vel fœturæ & propagationis habita ratione, venum ire ratio est. Atque huc referuntur medicamenta è piscibus, (de quibus *Plin. hist. nat. lib. 32.*) & varia instrumenta adjumentaque. Non autem piscatus modo ipse, sæpe *mercimonii* celebritate urbem aut Civitatem in profectu mercaturæ potest attollere, sicut de halecum, asellorum, & aliorum generum mercatu hodie constat; & *Tyrum* olim nati-

P. 203.
in Achaïis
P. 441.

væ purpuræ piscatu immensum celebratam esse legimus: Sed piscatorum quoque stationes & casulæ admonuerunt non raro fatali augurio homines de maximis & summam postea nobilitatem adeptis urbibus, portubus, munimentis extruendis; quod de *Malmogia*, in *Scania*, & ut aliqui tradunt, de *Hafnia* in *Sialandia*, de *Ostenda* piscatorum in litore *Flandrico* quondam sede, de *Dankerka*, & aliis, manifestum est.

CAP. VI.

De Navigatione mercatoria, sive mercatura maritima. De Consulatu Maris. De Magnis societatibus mercatoriis in civitate maritima. De Hanſa Teutonica.

Mercaturæ consideratio alibi suum habet locum: hic non Maliter, quàm ut maritima est, spectatur. Et inter ea quidem, quibus publicæ curæ & consilia invigilare debent, exportanda & importanda numerantur. Quid efferat ergo, quid inferat Mercatura maritima, ante omnia probe decernendum est: ne efferat e. g. quibus domi indigemus; ne inferat, quibus felicius caremus. Tum de hominibus mercaturæ maritimæ destinatis, destinandisve, per ordines civium ac genera operis laborisque dispiciendum est. Denique, disciplina, ordine, legibus vel maxime hæc res vincienda & ordinanda est.

Sicuti autem priora alibi fusius tradita repetere non attiner; ita postremum in *Consulatu Maris* accurate perscriptum explicatumque reperitur: additis legibus inclyte *Reipublice Venetæ* ad hanc rem pertinentibus. Quanquam autem antiquioribus ista hærent radicibus; constitutionum tamen nauticarum, sæculis à Christo nato, undecimo, duodecimo, tertiodécimo, celebris in Italia, Gallia, Hispania, proventus fuit, sicut indidem discas: Quo referas licet consuetudines marinas probabiles; quibus absque esset, non procederet compositi moris disciplina, in genere hominum licenter agere cupiente. Sicut alias videmus, in opificiis quibusdam fieri.

De collegiis & societatibus mercatoriis navalibus longam historiam texere, non est hujus loci. Duæ sunt hoc sæculo

culo valde celebratæ apud Belgas, *Societas Indiæ Orientalis*, & *Societas Indiæ Occidentalis*. *Orientalis illa*, inter dura & aspera rerum, quasi necessitate admonente, societas plurium laboribus & impensis privatis, ut ærario parceretur, invaluit. Invitante successu, propior cura rei adhiberi cœpit. cum enim singuli æmulatione accensû pretia rerum apud Indos intenderent; & propter dissociatas aut infirmas collegiorum vires, hostibus aliquando prædæ essent; Respublica ex pluribus unam societatem fecit, certisque curatoribus ex diversis civitatibus in unum coituris, quotiens res postularet, rem administrandam tradidit. *Ex hoc tempore*, inquit Grotius, *velut novo bello per orientem exorto*, *Societas Indicana magna pars reipublica cœpit haberi*, cum non modo pars prædæ ad ærarium perveniret, sed privato civium sumtu hostis publicus per rapinas & impendia exhauriretur. Unde intelligitur, præter mercaturam, etiam ad armorum consilia, hujus Societatis rationes pertinuisse. Addi debet *Thuanus*.

1602. & 1603?
hist. lib. II p.
429

Crevit subinde mercatorum & nautarum, sed & pecuniarum numerus; neque jam adempto Hispaniæ commercio, India Orientalis suffectura videbatur. Igitur, Americam respicere cœpit nautica mercatorum industria, unde sal & succinum, & pretiosa ligna, medicamenta, itemq; metalla asportarentur. Verum infestis ab Hispano litorum præcipuis, privatæ opes publica auctoritate muniendæ erant. Hinc deliberatum & disputatum de Societate Indiæ Occidentalis instituenda: sicuti Grotius describit amplius. Dilata negotii perfectio in annum sæculi XXI. Quamvis enim in novo Belgio ab anno 1614. loca quædam frequentarentur & tenerentur: postea tamen, Diploma Ordinum Fœderatorum Societati huic amplissima formulâ concessum, haud parum mercatorios successus deductis coloniis promovit. Diploma variis linguis publicatum est. Operæ pretium fuerit notare in progressu fata prægrandium cœptorum. Non enim ex æquo hactenus utraque societas floruit: imo, quomodo alteri subveniretur, aut non subveniretur, non parvæ consultationis & molitionis negotium fuit. Sed de illa re alibi.

hist. lib. 120.
p. 1087. &c.

hist. lib. 1.16.
p. 305. &c.

Jo. de Laët.
Nov. orb. lib.
3. c. 9.

Nunc, qui florentem Galliarum statum, non modicis in-

crementis attolli animadvertunt, hujus quoque generis consilia agitari, & *Gallicanam Societatem* commercio Indiae Orientalis destinatam non industriâ minore quàm solertiâ parari, observent licet. Qua de re eximii prorsus Viri extat dissertatio: subiectis conditionibus, Regiâ auctoritate firmatis.

De *Hansa Teutonica*, sive *Civitatibus Hanseaticis*, plerumque agunt, & *Lexica Juris Publici*, quod vocant, & ipsi *Scriptores systematum*. Inprimis *Jo. Angelius à Werdenhagen*, vasti operis partibus posterioribus, quarta, quinta, sexta. Singulare id esse exemplum *Societatum Mercatoriarum*, praesertim *Navalium* (id enim ab initio & postea actum est) negari nequit. Sed *Notitia* tanti corporis atque adeo *historia*, magnos hiatus patitur in hunc diem. neque in hoc transcurso licet moras trahere, aut ad ea aliquid notare, quæ summatim *Chytræus in chronico Saxoniae*, & ex eo potissimum, *Thuanus in digressionem de Hansa* consignant.

lib. 23. pr.
lib. 51 p. 783.
& 1099.

De initio praesertim, & primo profectui, obscura est satis memoria; mereturque notari quod *Chytræus* dicit: de quatuor emporiorum initiis, ut de ipsius etiam *Hanseicae societatis* certa origine, quo anno *Christi* coeperit (assignant quidem vulgo 1200. sed documenta non afferunt) & quomodo emporia singula occupavit; saepe multumq; ex aliquot praecipuarum urbium *Syndicis*, *Secretariis*, *consulibus*, & alio sciscitatus sum, qui non modo de emporiorum origine certi nil docebant, verum etiam, quo anno ipsorum civitates in *Hansa* societatem primum receptae essent, pleriq; non indicabant.

Ad hunc notitiæ plenioris defectum, licet aliquo modo pertinere, negari nequeat, prorsus tamen referri non debet, quod *Recessu Augustano* 1548. §. 48. praecipitur *Circulis*, ut inquirant de conditione *Civitatum Hanseaticarum*, quam & ubi essent, qui vocarentur, an & quomodo Imperio aut aliis Statibus subjicerentur, cum similibus circumstantiis. Quia enim unius nominis obrentu, non unius conditionis civitates ad alia, quàm postulabatur, uti affectabant; discrimen illud in literas referendum fuit, & haud dubie relatum est: sicut distinctius jam loquentes *Recessus Ratisbonensis* 1557. §. 53. & *Augustanus* 1566. §. 50. indicare videntur.

Ut mirum forte sit, aliquos de conditione & statu *Civitatum*

tatum Hanseaticarum, securius, si non negligentius, loqui. Licuerit homini peregrino forte existimare, Civitates Hanseaticas, esse Civitates Imperiales & Immediatas; illud autem capere non possumus, quomodo in *Observationibus Webneri* asseratur; in *Recessu Augustano 1540*. §. 47. dici, *Dass die See- und Ansee-Städte weder dem Reich noch andern Chur-Fürsten, Fürsten oder Herren unterworfen seyn wollen.* Licet enim, non de jure quod sit, sed de jure quod pretendatur, hic sermo sit; res tamen ipsa clarissime ostendit, agi non de Civitatibus Hanseaticis indefinite & communiter, sed de illis tantum in eo corpore, quæ nec Imperij nec Statuum alicujus jurisdictionem agnoscere velint. de illis enim ad erogationem communis denarii invitandis actum decretumq; erat. cæteræ autem, quæ Imperio mediate vel immediate parebant, quid deberent, ratione suæ conditionis, in publicis indictionibus, non poterant ignorare. Sed cum in exequendis, quæ decreta erant, Commissarii ultra decreti formulam, communiter ad omnes omnino Civitates Hansæ destinati viderentur; quædam Civitates Hanseaticæ, casum illum in compendium suum versuræ, Principum suorum edicta de collecta Imperiali, atque adeo non subcollectionem modo, sed collationis omnem ordinarium modum subterfugere instituerunt. Quibus molitionibus ut iretur obviam, decretum est, inquiri & in literas referri debere, quæ civitates Hanseaticæ, extra Imperij Jurisdictionem; quæ Imperio immediate vel mediate subjectæ essent. Tria enim genera Civitatum Hanseaticarum in illo *Recessu* disertis verbis enumerantur; & providetur, ne vel Imperium vel quisquam Statuum sui in civitates illas Juris detrimentum sentiat. Quare *Webnerus* recte de cætero subjicit: *Civitates Hanseaticas esse partim Imperiales ac liberas, (paucas scilicet) partim mediate Imperio subjectas, partim etiam plane extra Imperium sitas.* Cumque in posterum de collectis Turcicis cum toto corpore Civitatum Hanseaticarum ageretur, cautio illa diserte interpolita est, ne quid decederet de ordinaria subcollectione à Principibus Statibusve in subjectis sibi Civitatibus fieri solita: Mediatis ejusmodi Civitatibus scilicet, propter insignem opulentiam, etiam ordinariæ subcollectionis portioni, aliquid cum & in corpore societatis adjecturis, ut habetur in *Recessu Augustano 1566.*

§. 50. Quomodo interpretetur illos textus *Magnificus vir Rein-kingius*, videas licet *lib. 1. class. 4. c. 20. §. 61. & seqq.* & quæ ex *Klockio Linnaus* annotat *Addition. tom. 1. ad lib. 7. 1. 1. num. 79. p. 141.* inprimis vero, quæ disputat *Knipschildius de Civitatibus lib. 1. c. 4. n. 38. &c.* ubi de mixtis civitatibus citra omnem necessitatem videtur pronuntiare. quod in colloquio de hac re ostendi poterit.

lib. 2. p. 26.

In enumeratione Civitatum Hanseaticarum, quàm varie consignentur, quæ suspectam reddunt notitiam enumerantium, totiens & tot modis discordem; non est tam brevis annotationis, exhibere. Si in summam stare debet, quod plerique de potentia & numero intra unius sæculi spatium tantopere exaucto jactitant, quomodo *Regkmanni Chronicum Lube- cense anno 1270.* non plures quàm 37. numerat? Notanter enim ait Historicus, *se demonstraturum, vvas vor Städte gevesen, die zu der Zeit in der Hense gevesen.* Etiam si velis opinari, plures intelligi per illa verba, *und alle die Stätt so in Preussen liegen, &c. und andere Stätt in Lyfland gelegen &c.* ne sic quidem, vel ratione loci situsve, vel ratione *circumquias* corporis, vel singula- tum civitatum nomine poterit res expediri. cur enim (ne de aliis dicam) *Brunsviga* non numeratur? quæ si anno 1374. exclusa est collegio (quod ex *Krantzj Wandalia* scimus) vix dubitabile est, quin anno 1370. in collegio fuerit. sed hoc ex minimis est, quæ annotari hic possunt.

lib. 9. c. 7.

l. 4.

Non dimittenda est *Alberti Crantzj* auctoritas, qui memorabili descriptione communionem *Hanse* ait esse *participationem privilegiorum, quæ in quatuor emporiis* (ut tum erant) in *Flandria Bruggis*, in *Anglia Londoniis*, in *Norvagia Bergis*, in *Russia Novogardie* permissa sunt olim mercatoribus, ab retro principibus & terrarum gubernatoribus, universis ejus communionis participibus. Hæc si satis considerentur, facile apparebit, cur etiam Principes aliqui, nonnullis suis civitatibus permiserint, ut jungerentur *Hansico* fœderi. Neque statim hinc *jus fœderis proprium*, si aliæ probationes desint (nulli enim Civitati vel minimam opinionem juris detractam cupimus) recte inferri videtur.

Quid autem ex ipso fœdere tacite vel aperte permissio consequatur e. gr. *an jus proprij præsidij, ararium & libera ejus dispositio,*

positio, libera condendi statuta potestas, & similia, non confusa & obscura, sed liquida explanataque tractatione opus habent, quam nostram non facimus. Ex amplissima enim materie, paucula attingere in tam præcipiti festinatione suffecerit.

CAP. VII.

Navigatio Militaris. Classis & classicus apparatus, in eo notanda. praelia navalia. victoriarum navalium fructus. Navigatio Curiosa.

UT Civitas Mediterranea, terrestri defensione, ita Maritima, navali militia opus habet. Nam ad propulsandam vim semper intendendum est: inferendæ enim minus favoris adest: nisi quod interdum defensionis pars est offendere. Hujus rei necessitatem ostenderent tot direptiones & invasiones hostiles ac piraticæ, impune in eas terras factæ, quæ navali armatura carebant: nisi indicanda verbo magis essent, quæ supersunt, quàm declaranda exemplis.

Mercatoriae quoque navigationi, conjungi aliquando militem, ex ante dictis potuit intelligi. De cetero, Civitas Maritima habebit, pro modo virium opumque, *Classem* vel *classes*. Præcellunt hîc hodie exempla Britannorum, Hispanorum, Gallorum, Venetorum, Belgarum; quæ imitantur Dani & Sueci. Minor, quàm pro cetera potentia, navalis militiæ vis Turcico Tyranno: & fortasse Fortuna hîc viam vel monstraverat vel patefecerat Christianis ad victoriam, si conjunctis viribus consiliisque niti placeret. Jucundum esse comparare, quibus rebus conveniret, aut differret Vetus ac Nova Militia Navalis. *Classis* autem, nequaquam hic de una & altera nave (sicut accipi interdum posse *Servius*, de l. B. 328. & *Albericus Gentilius* notant) sed de idoneo numero hostibus resistere & obviam ire parato capitur.

In *Apparatu* ejus variæ formæ, & præsertim optima bellicas ædificandi ratio, armamenta, rudentes, vela, tormenta, suum habent singula consilium & artificium. De incendiariis, & ignivomis instruendis, peculiaris itidem disciplina est. De stationibus etiam in pace; & excubiis perpetuis,

tuis, curaque & curatoribus classium, idem dixeris. Ad bellum milites, duces, nautæ, mechanici, fabri, tormentorum libratores, omne ex dispositione & ordine, robur accipiunt. Atque huc ærarii militaris nausici rationes etiam congruere debent.

In *Expeditione classica*, notitia marium & portuum, ad accuratæ peritiæ normam exquiritur. In prælio, primum est venti suis partibus conciliandi beneficium: tum accurata ratiocinatione pugnæ vel subterfugiendæ vel committendæ, & mobili ne potius impetu recursuque, an stabiliore certamine res gerenda sit, inprimis, quàm longe aut prope, quàm tutum aut periculosum receptum habeat classis. Oblidionum quoque navalium vel faciendarum vel solvendarum præcepta & artes sunt.

Victoriarum navalium ingentes sæpe fructus fuerunt. Sæpe civitas salva fuit, in muris ligneis. sæpe naves auro onustæ, impensas belli & securitatis præsidia supplere. Sæpe corona navalis, unico patriæ ornamento fuit. Sed hæc ex historia peti debent; cujus summas texit *Morifortus in orbe maritimo*; ut nihilo minus tamen desideremus vehementer, *Historiam Navalem novissimam, Iboma Rivii, Antiqua & Media* pari diligentia addendam.

In *Navigatione Curiosa*, ne valde curiosi simus, expletus hujus scriptiunculæ modus imperat. Neque decuerit huc asferre, quæ ad lusoria instituta, & voluptatum potius inania, pertinent, quàm ad *inquisitionem rerum naturæ, & inexploratorum cognitionem*. Homo non sit oportet, qui non capiatur spectandis Divinæ sapientiæ & providentiæ speciminibus, in sideribus, animalibus, plantis, mineralibus, hominum longius propiusve ab humanitatis cultu remotorum aut eodem invitatorum institutis, moribus, fatis; navigatu demum perspectis. Sed alterius ista sunt operæ. Civitas Nostra Maritima, omnes sui actus quæstusque rationes ad divini humanique juris reverentiam exigere, summam & legem Felicitatis arbitrat.

XXXV.

ARGO NOVA.

Tituli Explicatio.

I.

ARGO NOVA in argumentum dissertationis venit: id est Navis longa, & vel origine, vel itineribus suis cursibusque maritimis, vel Nautarum vectorumque nobilitate, ad summum celebritatis singularis decus provecta. Talis enim antiquis *ARGO VETUS* describitur: non simplici equidem fabularum mixtura (ut in rebus antiquis & magnis fieri solet) sed in qua nec nulla historica fides insit, sapientia autem nautica eximiè contineatur, imo imago tot sæculis postea venturi fati tam præclare exhibeatur, ut hoc quoque nomine *Valerij Flacci* vocabulo, *Fatidicam Ratem* queamus agnoscere. Argonaut. lib. 1. pr.

II. Et communi quidem sententia eorum, qui *Sapientiam Veterum* ad mores & fortunam vitæ humanæ referunt, *Argo* Poëtarum fabulosis inclyta carminibus navis, non obscuro videtur augurio portendere: *ex maris usu magnas quidem opes, sed ingentia simul mala humano generi comparari; ut Thomas Rivi* Hist. Nav. annq lib. 1. C. 1. effert. Fatendum est, ita sæpe evenisse, sed vitio Argonautarum, qui rem optimis usibus opportunam copiosamque, in deteriora trahere, neque rectis consiliis administrare instituerunt.

III. Sed nobis à communi illa contemplatione celebrium Navium & Navigationum abducendus, & ad propiora & singularia quædam convertendus est animus, quæ verbo indicanda sunt. Et primo quidem ipsum nomen *Argo*, Phœniciâ Syriæque origine, *navem longam* norat; & accedentibus testimoniis historicis, *inter longas primam* se offert. Potiora enim nobis esse debent, quæ *Samuel Bochartus in Geographia sacra*, parte 2. l. 2. quàm quæ *Apollonii Rhodi Græcus Scholiastes* aliique C. 11. consignant. Hinc ergo, ut comparatio congruat, satis apparet, quæri & spectari hic à nobis Naves non vulgares & mercatorum communi consuetudine frequentatas, sed longas belli;

SSS SSS

non

non minus, quàm cursus nautici subsidiis apparatusque instructas, neque enim longinqua itinera maritima, etiam ob fines non bellicos suscepta, sine bellico robore rectè processerint) & quidem tales quæ novum & primum aliquid ausæ, à nemine aut paucis quæsitum quærendumve decus obtinuerint.

Morisset. orb.
Marit. lib. 4.
C. 2.

IV Unde nomen, exemplumq; suum Argo hîc nobis iterum commendat, eo, quod auctores, navarchos, vectores, nautas, meros *Heroes* ostentat. Hic, Jason in prorâ, Tiphys in puppi, Lynceus in corbe, regendæ navi invigilant: Hic, Hercules, Castor, Pollux, Theseus, Deorum filii, ad remum sedent: Hic Celeustes, Orpheus, Vates, Mopsus & Idmon fuere; nota & auspicata Argonautarum nomina. Nam ad res magnas & novas & à nemine tentatas, vel exploratum vel tractatum non ingreditur ignota & longinqua itinera Navis, nisi ductu, consilio, virtute Heroum, ceu propriis armamentis instruatur, provehaturque.

1492.

lib. 3. c. 22.

V. Nihil horum defuit sæculis propioribus, ex quo præsertim *Christophorus Columbus*, vergente ad finem sæculo, quod à nostro respicientes alterum numeramus, inusitatâ animi magnitudine mira ausus magnificeque conata executus, Argonautis recentioribus consilium, viam, exemplum, & fiduciam præmonstravit. Sed non est consilium, res tot voluminibus designaras in compendium mittere hoc loco: cum præsertim etiam *Joh. Baptista Ricciolius in Geographia Reformatâ exhibuerit Chronicon Breve Navigationum, ad Orbis Novi aut quasi Novi Regiones, ab anno Christi 1470. insignioribus, etiam aliquando suis designatis.* Idem, qui subinde, scriptores quoque & collectores talium Navigationum consignavit.

VI. Ea tantum Argo nobis è pluribus, quas *Heroicas & Fatales*, ob singularia Heroum & fato novorum temporum destinata consilia operaque, liceat dicere, nobis nunc proposita est, quam in circumnavigato Orbe, sive Navigationibus circa totum orbem Terraqueum perfectis, *Periegeticam*, excellentissimo quodam modo vocare possimus. Hæc enim gloria, quod ullis retro sæculis contigerit, si superius & hoc nostrum excipiamus, nemo queat confirmare.

VII.

VII. In tam rara & sæculis novissimis reservata gloriâ insunt prorsus multa, civilis prudentiæ vel monita, vel consilia, vel observata: quibus & jucunditatem maximam & utilitatem numerosam deberi, non abnegat, qui utriusque noscendæ æstimandæque non imperitus est.

Prima Navis Periegetica seu Orbis circumnavigatrix.

I. Hæc est, cui merito, tot casibus superatis, *VICTORIA* nomen fuit: sive, integra appellatione, *Fernandi Magellani Navis Victoria*. Hic enim, cum quinque navibus, & viris 237. Hispalensi portu egressus, quæ repererit, quæque gesserit, & quomodo interierit, mox perstringetur. Una autem de quinque cum 18. viris rediit Hispalim *Victoria*, anno 1522. d. 8. Septembris, cum abfuisset, annos tres & dies 28. emensa leucas 14360. & totum orbem ambisset. Legi potest Historia velut in compendio apud *Joan. de Laet descript. India Occid. lib. 13. c. 4. Ricciol. Geogr. Reform. libro periegetico c. 22. & 24.* & unde hi hauserunt.

II. Sed inspiciamus hanc Navim paulo propius, nec illaudabili curiositate. Cujus auspiciis egressa est? Auspiciis summi Herois, summorumque, qui unquam vixere, Principum æmuli, Caroli V. Hispaniarum Regis, & jam tum Imperatoris. Apud *Davidem Chytraum*, ubi de his navibus sermo est, Chron. Sax. lib. 7. p. 190. legas: *Quarum una, toto terrarum orbe, auspiciis Caroli, circumnavigato, Hispalim incolumis rediit.* Omen fecit Navis argentea inter munera Carolo infanti in baptisterio oblata, non obscure portendens, novi orbis argentei & aurei navigationes prosperas, ut est apud *Guiliel. Zenocarum à Schavvenburg.*

III. Quo tempore egressa est? Tempore fatali, sive magnorum & novorum fatorum fœtura, prægnante; Certè quo res Europæ in novum habitum ibant: quo Deus magnis rebus gerendis, magnos Principes, magnos magnorum Principum ministros, fortunamque & famam magnam struere cœperat. Neque tam Principis, quàm sæculi, sive emblemata sive symbolum erat, *Plus ultra.* Statim post natum hunc *Carolum* (Imp. V.) omnes artes mechanica, omnia ingenia, quacunq; in re hominum, præ-

stantia eximia cujusdam causa, singularem omnium gratiam & amorem promerebantur, idque in re militari, in re navali, in architectonica, in pictura, in statuaria, in peristromatis, in textrina vario artificio, luce meridiana clarius apparet. Sicut & hæc & alia observat dilaudatque Guil. ille Zenocarus.

Hieron. O.
for. in rebus
Emanuel. lib.
XI.

Ibid.

IV. Cujus consilio ductuque, & qua causa, quove proposito egressa est? Cohærent hæc, ut non nisi incommodè divellantur, Consultor hujus expeditionis idem & dux fuit *Fernandus Magellanus*, Eques Lusitanus, non generis modo, sed animi insuper nobilitate in paucis spectatus, Indicisque & Africanis bellis non mediocri virtutis & industriæ testimonium consecutus. Sed cur nunc Hispanus miles est, qui hæcenus Lusitanica auspicia secutus erat? Accusat eum proditionis, defectionisque à Rege suo, longamque execrationem hujus facti ponit *Hieronymus Osorius*. neque nobis nunc defendere ejus discessum ex patria animus est, aut curiosius examinare. Nisi quod in transitu de illo more disputatio suscipi posset, quo ejusmodi nobiles putabant, sibi licere, renuntiare patriæ & Regibus suis, abdicare dignitates, munera, civitatem, cum omnibus pristinis fidei vinculis: describente & notante *Historico*. Parum sane probabilis ille mos, sed mos tamen, non leviter Magellanum commovit, ut jure se posse facere, quæ facturus erat, existimaret.

V. Magnitudinem animi, rei nauticæ peritiam, & memorata jam virtutis nomina, non segniter prædicant, etiam qui de cetero reprehendunt. Et à nobis inde spectandus est, quando jam Hispanicis & Carolinis auspiciis militare & navigare cœpit. Sed nova de consilio, quod Carolo V. suggessit, lis movetur; quando Carolum admonuit insulas, quas *Moluccas* appellant, quæ sunt ultra auream Chersonesum constitutæ, ad limites Castella pertinere, & ab Emmanuele Rege Lusitania, contra pacem jam factam usurpari.

VI. Pactio illa celebris, acciderat circa, aut post secundam Columbi profectionem: quando Joannes II. Lusitaniæ Rex Hispanorum successibus ductu Columbi factis vim opponere decreverat: cum tamen oblatam pridem à Columbo novi maris inquisitionem, ultro repudiasset. Quo argumento ni-

tens

tens Ferdinandus Castellæ Rex, ne cum Rege cetera amico bellandum esset, consensit, ut Alexander VI. Pontifex maximus arbiter lectus Controversiam finiret. Is consilio Geographorum usus, ultra extremam Hesperidum insulam, lineam iussit duci à polo ad polum, distantem inde leucas 100, ut hic terminus esset, citra quem Lusitani, & ultra quem Castellani quicquid intra 180. gradus occuparent, jure optimo possent retinere. Quæ celeberrima *Alexandri Linea* postea 1524. consensu partium producta fuit ultra insulam S. Antonii occasum versus leucas 370. Quam accuratè, aut minus accuratè factum hoc sit, utroque tempore, distinctione mensuræ Geographicæ per gradus, & Hydrographicæ per spatium navigationis, sive tempus navigationi in Moluccas vel à Lusitanis vel à Castellanis institutæ debitum, eleganter explicat *Ricciolus*. Quibus addi possunt, quæ *Fournerius in Hydrographiâ* de linea *Alexandri* annotat.

Geograph.
Reform. l. 2.
c. ult.

VII. Et Pontifex quidem quatenus more communi, & si à Regibus arbiter lectus est, auctoritatem suam facile tuetur. Quando autem sibi arrogavit Alexander VI. potestatem terras inventas Ferdinando Regi Castellæ donandi, sicut Martinus V. erga Lusitanos Reges eodem modo, de alieno liberalis fuerat, id vero, nullius Juris obtentu defendi potest. Rei enim alienæ donatio, omni jure nihili est, neq; cuiquam proprietatem, nisi imaginariam constituit. quale est etiam imperium dominiumque, quod sibi Pontifex in omnes terras arrogat. merito detrectatum irrisumque omnibus sanis hominibus. Unde quamvis quæstionem Juris declinet, sententiam tamen cordatam Elisabethæ Anglorum Reginae *Camdeno* descriptam, laudat *Joannes de Laet*, præmio Novi Orbis.

VIII. Concilium Magellani de Moluccis Castellæ vindicandis, (quod erroris inculcat, sed probabilis *Oserius & Chytræus*) excitavit hominum studia, Lusitanorum præsertim, ad metiendam diligentius locorum per maria distantiam, observatis Lunæ deliquiis, & arte *Petri Nonii* mathematici nobilissimi, contra *Roderici Falerii*, quo Magellanus utebatur, rationationes Ptolemaicas, adhibita. Sed hæc postea acciderunt.

Oser. lib. XI.
hist. Lusit.
Chytr.
Chron. lib. 7.

Ofor. lib. II.

IX. Interea in primâ acie consilii Magellanus speciosa *juris* nomina, ut dictum est, gloriæ stimulis armata posuit. Hinc multiplicati *lucrorum & commodorum tituli*, ex *amplificati imperii finibus*, ex *opum varietate ac magnitudine*, ordinantur: in quibus & ipsa *sententia* ac *cognitio rerum hæcenus incognitarum*, prolataq; *Physica & Geographia pomæria*, pulchrè conspiciebantur: ut *terras atque regiones* quas neque viderat, neque ab aliis exploratas audierat, sed *suspitione tantum*, eas *adiri posse*, *consecutus fuerat*, *perlustraret*. Ardua res, sed cui conficiendæ, par erat ingens animus suavoris, qui consilio periculum suum junxit: adeoque heroicum consilium Heroi Principi facile persuasit. Stabimus enim in certamine literario à partibus Caroli, illiq; hunc animum consilii singularis capacem gratulabimur.

Jo. de Laet.
lib. 13. c. 10.

X. Quo successu navigavit Magellani Navis? Ex consultore Dux classis factus Magellanus, *accepta supremâ vitæ & neci in reliquos navarchos potestate*, cum die Augusti decimo anni 1519. portu Hispalensi solvisset, incerta maris & tempestatum, famem, defectionem & insidias suorum, abundè expertus, documento fuit, ardua esse principia, difficiles progressionés operum, quibus *luculentus debetur exitus*. Insulis, fluminibus, maribus, locis, ex eventu temporis & rerum congruentiâ, imposita nomina, alii memorant. Inter illustrissima successuum fuit, quod anno 1521. festo Paschatis insulam Zubut ingressus, Regi & Reginae persuasit, ut cum octingentis hominibus Christiano ritu suscepto baptismo, initiarentur, quod exemplum paulo post omnes Insulani secuti sunt. Pro hoc Rege contra Matani regem in insula Matana fortiter dimicans, mense insequenti, in prælio occubuit. Ita *pleriq; Oforius*, ab ipso Rege, cui opem tulerat, post prælium per insidias extinctum memorat. *Sed perit quidem* (ut hoc verbis Historici dicamus) *ipse Magellanus in hac expeditione*, sed non *ipsius fama*, *meruit enim præclaro hoc factò*, ut non modo *Fretum* sed & *Australior America meridionalis pars* hodieque ab *ipsius nomine* appelletur. Neque *Magellani tantum Freti*, *Magellanica in America provincia*, *illustria nomina*, sed *insecutorum quoque progressus temporum*, *Argonautarumque aliorum opera*, non minimam gloriæ partem his auspiciis *Magellanicis* debent.

XI.

XI. *Quo eventu sive exitu navigavit?* Quamvis ex classe unica navis, Victrix propositi, *Victoria*, unde egressa erat, cum Octodecim Vectoribus rediit, exemplum tamen & consilium primum fuit virtutis & tolerantiae, quod secuti Periegetæ, nemo tamen ante quinquagesimum posthæc annum (adeo magnitudo operis & difficultas horrorem in animis hominum reliquerat,) in immensum inclaruerunt. Ostentat quidem frontispicium *Geographiæ Reformatae* emblematico schemate N. V. F. M. Totum sed semel. cum inscriptione: *Non semel ambito Victoria vincitur Orbe.* Sed vera æstimatione, plus inventori, quàm imitatori, auctori, quàm amplificatori debetur gloriæ. Nec post ambito *Victoria* vincitur orbi. Reliquæ Navis *Victoriae* *Hispaniæ* memoria posteritatis jure meritoq; servantur: inter visenda, quæ *Hispani* scriptores tribuunt plurima, rarum cimelion. Chytr.

Secunda Navis Periegetica, sive ambito orbe celebris.

I. Hæc est *Francisci Draci* seu *Draconis Equitis Angli*, qui anno 1577. portu, *Plimuthensi* primo cum quinque navibus, mox rejectus indidem cum quatuor Navibus & viris armatis 164. egressus, circumnavigato orbe annis plus minus tribus, rediit domum, anno 1580. Vide Historiam apud *Camdenum* in *Elisabetbâ*, *Ricciolum* in *Periegetica* cap. 22. & 24. Jo. de Laet. Nov. Orb. lib. 3. cap. 5.

II. Fretum quidem *Magellanicum* (*Laetio* probè descriptum) amplius cognoscere annexi erant, post inventorem, *Hispani*: sed ab anno 1577. non invenio (inquit *Laetius*) memoriae proditum, Fretum hoc à quoquam *Hispanorum*, aut aliarum nationum tentatum. controversia enim illa notissima de *Moluccis Insulis* inter *Reges Castellæ & Portugalliæ* sedita, exiguus esse illius videbatur usus, & summa superandi difficultas, & aliorum, qui antea tentaverant, discrimina meritò deterrebant. Anno demum quo dictum est, fortissimus Eques & maritimarum rerum peritissimus *Franciscus Dracus Anglus*, heroico plane ausu cum paucis navibus, neque ita magnis, expeditionem in *Oceanum Australem* per hoc Fretum suscepit. Tum quoque repertæ novæ *Insulæ*, aliaque detecta. *Nova Albion*, inprimis *Thuan. Draci* appellatio est, ubi regnum ei cfferebant incolæ.

III. Huic quoque litem movent de auspicio expeditionis, de quibus-

l. 71. pr.
part. 2. p.
225.

quibusdam in expeditione admissis, de jure praeda & opum partarum. Nullis, inquit, publicis auspiciis exivit, privata omnia sunt, sine auspicio & jure. Sive rei faciendae, sive nominis propagandi causa, expeditionem hanc ausus est, verba sunt Thuanus. Apud Camdenum, privata Hispanorum in se injuria satisfacere voluisse, prae se fert. Posset ergo hic locum habere, quod de Oxenhamo Anglo similia aulo referunt historiae, qui cum interrogatus, an Reginae auctoritate Regis Hispaniarum ditiones esset ingressus, nullam auctoritatem exhibere posset, pro Pirata & generis humani communi hoste supplicium tulit. Sed nos Academicam libertate, hac vice, jus hujus expeditionis, à Draco susceptae propugnabimus.

IV. Atque hinc etiam jus praeda & partarum opum pendet. Licet enim quidem primarii aliquot in Aula viri, vel magnitudine animi, vel æmulatione, oblatum à Draco aurum repudiarent, tanquam piratico scelere quaesitum: tamen nos partim defensuri, partim excusaturi Dracum, Reginae Elisabethae judicio stabimus, quae Dracum ob expeditionis tam feliciter susceptae gloriam laudatum, equestri honore decoravit, ut Camdenus, & ex eo Thuanus memorant.

V. De admissis in expeditione superest ut videamus. Cum enim Joannem Dougtheium, crimine concitatae seditionis supplicio affecisset, æquiores in classe ita judicasse feruntur, quod Dracus virum, tumultuosius quidem in classe agentem, ceterum quasi sua gloria amulum amovisset, & non tam quos navali laude superaret, quam qui ipsum aequarent, respexisset. Alii etiam in aliorum gratiam quasi domo accepti mandatis, quovis colore è medio eum tollere voluisse, dictitabant. Ita quidem apud Camdenum. Sed Thuanus ultro apologiam scribit. Duodecimo, inquit, Kal. Util. S. Juliani portum ingressis & partibulum quoddam procul conspicientibus, Magellani memoria mentem subit, quod eo loci olim Magellanus de quibusdam rebellibus supplicium sumsisse diceretur. Severitatis illius in talibus expeditionibus, si rem salvam Duces cupiunt, contra imperia Ducum detrectantes necessaria memor Dracus exemplum ejus edere voluit in Thomam Duguthum, (ita variat in nomine,) nobilem Anglum: quem facta diligenti inquisitione ex Ducum qui aderant consensu ad mortem damnavit, gratia facta, priusquam supplicio afficeretur, facta

part. 2. p. 322.

lib. 71. p. 418.

sacra synaxi more inter eos recepto participandi. Ipse etiam Camdenus adversariorum criminationi tribuit, & hoc supplicium incusatum, & quod iactum est de Lusitano quodam capto & postea Hispanorum crudelitati relicto; tum de puella Nigrita dono accepta, & cum in navi prægnans facta esset, in insulam exposita, de quibus, nisi cognita penitus causâ, judicari nequit.

VI. Cæterum Regina Angliæ Navem hanc, de qua hætenus nobis sermo est, in qua Dracus ipse navigavit, in monumentum orbis tam feliciter circumnavigati, subdixi Depfordiam ad Tamesin iussit. (*ubi ejus cadaver adhuc cernitur, inquit Camdenus*) & in ea insigni memoria sacrata, epulata, Dracum equestri dignitate ornavit. Applausu vario, quem etiam illud carmen auxit:

*Digna ratis, qua stet radiantibus inclyta stellis
Supremo cæli vertice digna ratis.*

Tertia Navis Oceani, circumlustrato orbe, domitrix.

I. Hæc est Thoma Candischii Nobilis Angli: quæ cum aliis duabus discessit anno 1586. d. 21. Julii, & rediit 5. Septemb. 1588. perfuncta cursu diebus 777. sive annis 2. mens. 1. dieb. 17. Summatim describunt iter Ricciolius, Jo. de Laet. l. 3. c. 6. Hic Candischius sive Cavendischius rediit opima cum præda, & insigni cum gloriâ, utiq; tertius à Magellano, qui orbem terrarum circumnavigavit, verba sunt Camdeni. Exceptus est à Regina Elisabetha magna cum gratulatione, lata ob majorem successum, inquit Thuanus, qui totam expeditionis seriem, ex commentariis Nauticis descripsit. part. 3. p. 306.
lib. 89. p. 256.
&c.

II. Hujus enim Reginae tempora, tum aliis rebus novis clarisq; tum præsertim nauticis, insigniri DEUS voluit. Unde inter decora imperii, quo non facile fuit aliud laudatius, illustriusque, Periegetarum Anglorum illæ navigationes ponuntur: quibus via aperta est, ad Hispanorum toti tum Europæ terribilium, opes velut in secreto Gazophylacio repositas. Angliæ enim non parum adversus infensam sibi potentiam subsidii fuit Belgarum Argonautarum virtus, qui per vestigia Draci Candischiique progressi, fata rerum commutare cœperunt. In elogiis Reginae Elisabethæ non omittunt con-

versionem rerum tam fatalem, qui Rempublicam intelligunt. Non immeritò igitur inter Periegetas universè Tertiū, in Britannia, Secundi, NAVIS, Heroicarum & Fatalium censum auget, estque

*Altera post Dracum hac spes & fortuna Britanno,
Ut minus inde tuas curet, Ibere, minas.*

Quarta navis circumiti Orbis titulo inscripta.

I. *Quarta Navis Oceani totius triumphatrix, inquit Ricciolus, Simonis Cordesii & Jacobi Mahu. Sed tempus reditus non reperi annotatum. Auspiciū hujus gloriæ videbatur ab initio Jacobo Mahuvio deberi; qui quinque navium classem ex Hollandia, anno 1598. (ut habet Laet.) per fretum Magellanicum ducturus erat. Sed cum in mari Atlantico supremum diem clausisset, Simon de Cordes Antvverpianus (rursus Laetij auctoritatem sequimur) qui proximo gradu curabat, Dux classis factus, circumnavigati Orbis gloriam consummavit. Meteranus paulo fusius ista persequitur: quem potissimum laudat Morisotus in Orbe Maritimo.*

II. Atque hinc sicuti à Castellanis ad Anglos processerat, ita ab Anglis ad Belgas propagatur, ut aliorum Nauticorum cœptorum ita *Periegetice*, quam hic spectamus, gloriæ non modicis audibus deinde profecturæ, studium. Hæc in Belgio memoriarum nova & illustris epocha annales deinde insignivit. quæ & apud Laetium ita præscribitur: *Belgarum Navigationes per fretum Magallanicum, & quidem prima Duce Simone de Cordes.*

III. Liceat ex multis nova appellatione designatis locis, nominare *Sinum Equestrum* ad Australem freti plagam, cui nomen indiderunt, ab *Equestri Ordine* ibi à se instituto, quem *Soluti Leonis* titulo, certis ceremoniis, & fidei mutua vinculis inter se celebrarunt. ut est apud Laetium. Quæ res præberet curiosis materiam cogitandi: de auspicio instituti hujus Ordinis *Equestri*, (quod alias non nisi à summis potestatibus, præsertim à Coronatis capitibus, reperi solet) de auctoritate, quando, quomodo illis *Equitibus* posset accedere. Non enim de inventione emblematis sive *Symboli Equestri*, *Soluti Leonis* scilicet, aliquid dicam.

IV.

IV. Memorabili errore ab hac classe deerravit *Navi Sebaldi de Wersb*, quem describit *Laetius*. Hinc enim tum aliarum rerum notitia, tum accuratior Arborum *Sinus Viridu* descriptio, quam *Carolus Clusius Exoticis* suis inseruit. Infinitis, & singularibus casibus superatis domum reversa, miraculo fuit popularibus.

V. Sortiatur ergo & haec Navis titulos Argonauticis majores, auspiciumque faciat celebritati saeculi, quod nunc agiramus, hoc vel simili elogio:

Tu quoque, lustrati circum maria omnia mundi,

Prima tuis Belgis spemq; fidemq; facis.

Quinta triumphati Oceani gloria illustris Navis.

I. Haec est Oliverii de Noort, qui anno 1598. egressus, rediit 1601. confecta periegesi diebus 1077. sive annis 2. mens. 11. d. 16. Videantur *Ricciolius & Laetius*. Quia eodem tempore quarta illa navigatio, de qua modo diximus, facta est, fefellit nonnullos numerus, & distinctio nominum honorumque nominibus debitorum.

II. Hugo Grotius ita memorat: Longinquas ad navigationem crescebat Batavi audacia: quippe & fretum, quod Magellanicum à repertore dicitur, *Draconi & Cavendisso Angli* emensum postea, quartus eorum, quos fama excepit, *Oliverius Norius Roterodamensis* penetraret: nec sine magnis difficultatibus inter America fines & ignotum adhuc orbem, longis anfractibus arctatum mare vix eluctatus, *Australem* qui dicitur *Oceannum*, eique obtentum *Chiliorum* litus magnitudinis incognita ferens corpora, inde reflexo cursu *Borneorem* insulam devenerat: bonaque spei promontorium pravectus, circumnavigato omni terrarum ambitu, non quidem opes ullas, sed clarum patria decus & non audita ante locorum nomina domum retulit.

III. *Thuanus* vocat hunc *Olivarium, Septentrionem*. & ejus navigationem priori comparans, *Illustrior*, inquit, longe *Olivarii Septentrionis* eodem anno ac ferè tempore navigatio instituta fuit; qua circumdato toto habitabili Orbe, triennii & XXIV. dierum spatio *Magellanicum fretum* certius exploravit, & *Tabula exactissime delineata* aliis navigabile reddidit. Postea autem totam hujus expeditionis historiam plenius enarrans, cum varias ad naturalem historiam, aliaque memoratu digna, observationes posuisset,

T t t t t 2

clau-

clausula hac finit: *Circumdato toto orbe post XXXVIII. mensium navigationem Rotterodamum, unde solverat, incolumis cum pratoriâ reversus est.*

lib. 15. Ind.
Occid. c. 8.

IV. Memorabilis fuit inter alia hujus Olivarii Venatio, qua ad insulam Pinguinarum (Penguin) quinquaginta millia earum volucrum, cum innumerabilibus ovis, tum vitulos marinos cepit. Describit hoc prægrandis anseris genus, *Carolus Clusius*, & ex eo *Laetius*. Mira DEI mortalium genus ubique nutientis, benignitas!

nomen navis
pratoriæ,

*Et te Mauritium celebrant non sulva metalla,
Quinta sed edomito gloria ab Oceano.*

Sexta Triumphatrix Oceani Navis.

I. Quam Te dicemus? Exieras *Concordia*; redis *Amstelodamum*. Unam enim Te dicemus; quia unius operis successusque; consortes primum alterâ avehis, altera revehis. *Jacobus Maire*, *Concordiâ* exierat: illa cum detineretur in itinere, alia conscensâ navi (cui *Amstelodamum* nomen) ipse quidem obiit; sed qui cum ipso conscenderant, circumnavigato orbe redierunt.

Ergo Dua sint una ratis: Concordia nomen

In commune ferat præcipuumque Decus.

II. *Mariano* nomini debetur præcipuum hujus expeditionis *Argonauticæ* consilium. *Isaacus* enim *Maire* concepit animo formam itineris, in *Indias*, quod esset *Magellánico* facilius breviusque. Id exposuit *Wilelmo Cornelii Schoutenio*, maritimis itineribus exercito, nauticarum artium apprimè gnaro. Qui cum bene cogitata probasset, assumti sunt in conscientiam plures, ejusdem peritiæ nomine laudati. Consilio à se reperto junxit *Isaacus* periculum suum. Filiumque *Jacobum* misit destinata executurum: socia *Wilelmi Cornelii* opera impensisque. Videatur *Meyeranus* lib. 34.

III. Occasio arrepta est, æmulatione *Mercatoria*: ex quo *Societatis Indicane Orientalis* privilegia, & monopolia reliquis *Mercatoribus* iniqua videri cœperunt. In novas ergò artes dimittendus animus, viaque legibus non interdicta requirenda erat. Hinc prima *Freti Lemarii inventio*, per quod minori difficultate & discrimine in Oceanum *Pacificum* penetraretur,
egregiè

egregiè descripta *Laetio Ind. Occid. lib. XIII. cap. 11. Diarium Itineris, Meteranum*; summam *Ricciolum* exhibuerunt. Tempus infumtum biennii, & dierum octodecim, ab A. C. 1615. Jun. 14. ad 1617. Jul. 2. adde *Morisoti Orb. Marit. lib. 2. c. 37.*

Septima Circuiti Orbis successu celebrata Navis.

I. Hæc est de classe Nassauica, cui præfuit *Jacobus Eremita*; secundum imperii gradum tenente *Joanne Hugone Schapenhamio*. Egressa est portu Goereensi A. 1623. Aprilis 29. viris, armis, commeatu instructissima. Sed uterque Ducum, *Eremita* quidem, in obsidione Limæ; *Schapenhamius* cum duabus navibus domum repetiturus, in itinere, diem suum obierunt. Ipsæ Naves, *Concordia*, cum *Hornana*, circumnavigato Orbe in Hollandiam reversæ sunt 9. Jul. 1626. post dies inici itineris 802. seu annos 2. mens. 2. d. 10. Hæc summam *Riccio* *lium*.

Geogr. Reform. lib. 3. c. 22. & 24.

II. Cursum per fretum Lemærium paucis antè annis inventum, in Oceanum Meridionalem, exhibet *Joannes de Laet. Insula Eremita (Hieremitens Eylandt) & sinus Schapenhami (Schapen-* *hams Bay)* in *Tabulis Nauticis*, horum Argonautarum nomina & memoriam conservant. *Meteranum* quoque partim apparatus egressumque classis, partim res gestas exsequitur.

Ind. Occid. lib. 13. c. 13. lib. 40. & c.

*Ergo Duce orba tuo revenit Concordia, Victrix
Inclita sublimis septima propositi.*

III. Toties enim hætenus, *Argo Nova*, quam induximus, periegeticæ laudis eundemque Naturæ & Orbis terminum attingit. nunc paucioribus nunc pluribus, nunquam modicis casuum varietatibus jactata. Plures eadem tentaverunt, successu non eodem, imo nullo: quasi Tritonum aliquis occideret illud Poëtæ:

*Dii revocant, rerumque vetant cognoscere finem
Mortales oculos.*

Sola nimirum nostra *ARGO NOVA* domum redux, dicere suis civibus meliori jure & citra figuram potuit, quod de Argonautico Veteri molimine, non nisi Poëtice exauditur:
Sola suis Argo,

Ttt ttt ;

Quod

ap. Val. Flacc.
Argonaut. l.
14. v. 313.

— — Quod primum ingentibus ausis
Optavisti, ait, veterumque quod horruit ætas,
Assumus en, tantumque fretus enavimus orbem,
Nec pelagi nos mille via, nec fama sefellit.

ARGO NOVA Themidi spectanda sistitur.

Antequam hinc abeamus, Themis advocemus spectatricem, Nostræ Navis; quæ hactenus sororis ejus æquoreæ Thetidis arbitria respexit.

I. Dispiciet Themis, quomodo egrediatur Argo, & ad res gerendas ingrediatur. Non agnoscer, aut sua dignam amicitiam judicabit, nisi quæ optimo auspicio egressa fuerit; id est, summæ potestatis nutu, voluntate, imperio. Quid ergo faciemus illis, qui sine auspiciis publicis argonautas agunt? exceptis piratis, vix dices casum evenire. Sed hoc evenit (eaque de causa quæstio hæc instituta est,) ut aliqui audeant ejusmodi expeditiones suscipere, permittente summâ potestate. Nondum ita evaseris scopulos, in ambigua dictione latentes. Si re ipsa manifesta permittitur, id est, dicitur publica voce, quibus commodum est exire adversus hos illosve insulanos, aut ad novas Terras inquirendas, illicet; jam res erit definitu facilior. Sin, permissio in connivendo tolerandoque reponitur; Themis vix bonis ominibus prosequitur ausuros.

Divisa est quæstio: alterum enim, ex iis quæ diximus, tempore belli evenire potest; alterum tempore pacis.

Sicut autem bellum quidem privato nomine suscipi nequit, ita vel cœpto publicis auspiciis bello, quibusdam locis & temporibus licet nocere privatis impensis hosti, prædamque more vel lege loci pro navata opera capere; vel nondum cœpto quidem bello, sed nec pace jam constante, clam dari nonnullis solet licentia, nocendi his & illis pacis violatoribus. clam autem an palam aliquid permittatur, hactenus non interest. Sed &, qui permisso summæ potestatis classem expediunt, quin jus habeant defendendi se adversus aggressores in itinere aliisque locis, minus dubitationis habet.

Illud Majoris operæ est; an Argo nova possit e.g. in Americanos aut aliorum locorum Barbaros, moribus & religione à Christianis diffi-

diffidentes, absque ullo eorum facto hostili precedente, hostiliter expectari? Non siverit Themis, juris Divini humanique custos, cognati generis reverentiam fanciens, armorumque noxam longè submovens. Pacata debent esse proposita Argonautica, ad notitiam locorum terrarumque comparandam, ad commercia exercenda. Sed, quid, si alia Argo insulani jugum aut bellum meditatur, an Tua praeipere potest imperium? Deducta est hæc res in quæstionem, cum in Belgio de societate India Occidentalis instituenda ageretur. repetit momenta Grotius in utraque partem. Salvo Themidis judicio, neutri parti quæstionem juris seriò curæ fuisse dixeris: adeo virtus post nummos esse in ejusmodi consultationibus solet.

II. Jam, si Argo pacificis consiliis in expeditionem egressa est, licetne ei in Insula quam attigit, munimentum extruere, nolentibus Insulanis; aut prohibentes Insulanos pro hostibus habere? Pactionibus hæc impetrari, jubet Themis: ignoscere tamen parata iis, qui morbis aliisve necessitatibus adacti, in litore moram trahere, munimentum non perpetua possessionis causâ, sed securitatis, dum casibus huc vocantibus, remedium Deus & dies attulerit, extruxerunt; illudque adversus oppugnantes defenderunt. Idem judicaveris de casu aquisitionis, piscationis, venationis, adversus famem & moras itinerum, si pactionibus ista impetrari nequiverit, in magna & obvia copia talium ex feris alimentorum. Si enim insulani ipsis parcior natura prospexit circa alimenta necessaria, causa retinentium & denegantium ea, quibus indigent, melior est.

An maleficium paucorum insulanorum adversus Argonautas, jus armorum dat in totam gentem? Ne dixeris; ubi satisfactio offertur præsertim.

Quid, si de hostili alicujus nationis voluntate adversus omnes externos constat; an non statim ut hostes tractari possunt? Tum quoque satius sit, denunciare jus humani commercii, inhumanam feritatem omittentibus, cum significatione contrarii in ausuros hostilia. Sola autem conjectura de animo insulanorû, non habet locum. Quid de ἀνθρωποφάγους dicendum est? Videantur meruisse, ut humani juris expertes habeantur, quæ humanitati ipsi bellum indixerunt bestiae. Sed Themis laudabit illos

los Argonautas, qui hos quoque emendare, & ad humaniorem cultum traducere, quam perdere aut spoliare malent.

De *mercimoniis* quoque, non pauca dubitantur. Sanctè illa tractabit Themidi placitura Argo. *An fas est*, exiguam ferri partem pro tanto aut majori pondere, auri permutare? An pro *aromatibus*, fructibus, edulis, ludicra rependere, specula, fistulas, cultellos fas est? Multa sunt, quæ hic de regula & varietate pretii disputari, neque nunc adeo ad liquidum perduciqueunt. *An homines quoque mercium partem licitè faciunt?* Ita solent. Sed Argo, Themide submonente, mancipia emet, ut ex barbarie ad culturam, ex servitute ad libertatem traducat. Si hoc institutum tenebitur, favor libertatis efficiet, ne peccasse videatur emptor, qui à venditore, nullum titulum justæ possessionis habente, emerit. nisi fors à venditore per furtum adepto liberam corpus, ad te translatus, vindicaverit, qui verum jus in personam habet, itidem libertati restituendam. Sed hæc exemplis melius intelliguntur. *Sicne de commercio servorum atque emtione Lusitanorum ex insulis Promontorii Viridis cum finitimis Africa locis, in Insula D. Thoma, & in finitimis regnis Angola, Manicongii, in Castreria locis, in India & aliis Asia locis, in utraque Guinea, disquirat subtiliter Ludovicus Molina.* Laudanda est hoc loco *Lex Caroli V. Christiano Imperatore dignissima, quam tulit de mancipiis Novi Orbis, ut omnia libertate donarentur, nulliusq; deinceps servituti subjicerentur.*

III. Ultima Themidos cura & votum est, ne velleris aurei cupidine Medeam, aut si quod Medea nocentius malum, Argo referat; casibusque patriam infinitis impleat; tum ut aureo vellere non tanquam irritamento vitiorum, sed tanquam subsidio civilis virtutis uti studeat.

Non enim nulla est de usu abusuque, de commodis & incommodis Argonauticorum operum dubitatio. quam non alias magis, quam in consideratione Periegetici instituti minui, facile tamen deprehendas,

de Just. &
jur tract. 2.
disp. 34. 35.
36.



XXXVI.

MINOS MARIS
DOMINUS.

Minoëm Cretenſium Regem multa ſunt, quæ ad poſteros celebraverunt. Hinc eſt quod modo Legislatoris, modo Judicis, itemque Regis exemplar, proponi ſolet. Eſt & alia commendatio ejus, ad *Imperium Maris* perti- nens: quæ nobis nunc materiam Academicæ ſcriptionis præbitura, multo cum honore titulis tanti Herois inferitur. Quod ſi ergo veniam nobis dare velint, quorum judiciis noſtra omnia cupimus approbare; de nobili ſæpeque in controverſiam vocato argumento, pauca quædam paulo altius repetere aggrediemur. Deus *juveni* faveat conatui; proficiendique occaſiones ex ipſa ſcriptione propitius demonſtret!

Ipſa autem Minois tum hiſtoria tum fabula, calamum dicturi aliquid de *Imperio Maris* partitim in rem præſentem deducet, ſi citra ambages quædam capita ſcriptionis, ut ſeſe offerunt, proponantur.

I. enim

MINOS primus imperio maris potitus eſt.

Diſertis verbis id affirmant veteres: inprimis Apollodo-
rus, qui & Imperium illud omnibus fere vicinis Inſulis deſcribit. lib. 3.
Thucydides autem ita explanat: Minos antiquiſſimus eorum, quos lib. 1.
ſama accepimus, claſſem habuit, & majorem ejus, quod nunc Græ-
cum vocant, maris partem obtinuit: ſubjectiſq; imperio Cycladibus in-
ſulis, primus complures colonias, pulſis Caribus deduxit, & filios ſuos
eis præſecit. Ita Græca verba Latine reddidit L. B. Eneuchelius.
Palam eſt, non de navigationis origine hic ſermonem inſti-
tuit. Quin enim in prima illa hominum terrarumque diviſio-
ne, in inſulas quasdam navibus trajiciendum fuerit, & traje-
ctum ſit, nemo dubitat. Refertur imperium maris Minoium, de
quo agitur, ab Eufebio ad annum Mundi MM D LXXV. in Chion.

Uuu uuu

qui

in Doctr.
Temp.

lib. 1. cap. 2.

qui fuit Periodi Julianæ 3305. ante Christum natum 1409. putante *Dionysio Petavio*. An alius ante Minoëm, imperium mari tenuerit, ex historia doceri nequit. Nam τὰ πρὸ τῶν Ἰωνίων, ea quæ Trojano bello antiquiora sunt, involvuntur fabulis apud Ethnicos Scriptores, & interpretationem habent dubiam, ita ut certi nihil fere colligi possit: licet fabulæ illæ non omnino interim falsæ sint. Adiri potest *Morifortus in orbe maritimo lib. 1. cap. 1. & 2. & Thom. Rivius hist. nau. antiq. lib. 1. cap. 4.* *Seldenus* quidem in mari clauso antiquitatem imperii maritimi Minois, superari exemplo filiorum Saturni existimat. Jovem enim, cui cælum cessit, Plutonium qui inferos accepit, Neptunum, qui maris dominium obtinuit, tres Noachi filios fuisse; adeoque in fabula historiam latere, non solum interpretatur. Verum hæc atque talia non sunt ejus generis, ut eodem modo ab omnibus accipiantur: & nos de historia fabulari hic non cœpimus agere. Sed nec curvis promptum erit, eruere conjectura ex antiquitatis eruditæ vestigiis, quod & quale fuerit Neptuni imperium maris. Licuerit itaque id hætenus seposuisse, dum in Minoë ea spectamus, quæ Historici consentiunt.

II.

Minos imperio maris jure potitus est.

Laudant enim consensu scriptores hoc Minois imperium (exceptis malignis quibusdam judiciis, de quorum causa post agetur,) & tanquam res meritis ejus debitam extolunt. Ergo, si propius ad rem veniendum est, *quis hujus juris titulus est?* Ante omnia hic occurrit *occupatio*; deinde *Consensus populorum de occupatione iusta sive de jure per occupationem quaesito, non impugnando*: denique *consensus eorum, quorum propius inteterat, ex causa speciali, id est, ex compressis piraticis sceleribus*. Hoc enim meritum verè Heroicum effecit, ut expulsores piratarum & piraticæ consuetudinis, facile dominum optarent, quibus inter maritimos prædones nihil tutum fuerat, sicut diligenter annotat *Thucydides*. Ex talibus causis Regna uni-
versim delata, ut Heroicorum temporum morumque notam non solum, sed et Aristoteles laudat. Cæterum in occupante hic spectandum est, *privatus ne an Rex fuerit. Privato enim occupatio-
talis.*

talís, quæ toto suo effectû ad rempublicam pertinet, non magis conceditur, quam arma capere, exercitum conscribere, & quæ similia sunt. Neque etiam *propositum* negligi debet, quod ipso scilicet munere continetur; nam qui Rex est, Regi muneris proposito uti censetur: id est, ut in re nostra maneamus, Rex censetur occupasse mare reipublicæ suæ tuendæ amplificandæque causa. huc enim præcipuè referuntur, quæ vere Regia consilia & opera sunt. Minos igitur & jure Regio & consilio Regio occupasse videtur mare vicinum, ad tutelam & incrementum Regni Cretensis, id est, ut Regno Cretensi, & incolumitas sua constaret, & potentia amplificaretur. Ex diverso, si *pirata* societate aliqua inter se constituta mare occupent, nihil habebit juris ejusmodi occupatio, non tantum, quia ejusmodi turba nihil potestatis publicæ justæ habet; sed etiam quia maleficii causa, id est, nullo honesto proposito coit. Quare nec societatis legitimæ nec civitatis titulum sibi applicare potest talis multitudo, quantumvis numerosa & valida.

Postquam in jure occupationis *occupantem* consideravimus, nunc *Rem ipsam occupatam vel occupandam*, ut spectemus, ratio jubet. frustra enim hæc tota disputatio susciperetur, nisi constaret: an res de qua agitur, sit *occupabilis*, sive, *an mare talem habeat naturam atq; conditionem, ut in dominium ire sive occupari aut imperio possideri possit?* Atque hoc ipsum est, quod toti huic dissertationi occasionem dedit, & materiam daturum est. Verum, ut vitemus, quæcunque ad obscurandam atque involvendam rem pertinent, non pigebit nos partitè omnia, & dispositis in obvio conspectu membris consignare. Adferemus ergo *primo* quandam hujusce controversiæ historiam; *deinde* momenta sententiarum dissidentium comparabimus; *denique* judicium, quale de toto negotio, variis ex causis facere solent viri rerum agendarum usum habentes, consignabimus.

Quando ergo quæritur, *an mare sit imperij capax?* videntur apud veteres scriptores non pauca ejusmodi loca occurrere, quæ diversas de hac quæstione apud antiquos sententias ostendant. sed utrum verborum an sententiarum id dissidium sit, diligenter concertant, qui nuper eam quæstio-

nem ex professo tractarunt. Hic non opus fuerit, ista omnia repetere. Dicemus potius de ipsis præcipuis Scriptoribus, qui hanc controversiam sibi examinandam desumpserunt. Principes sunt *Grotius* & *Seldenus*. Cum enim non procul ab initio hujus seculi inter Hispanos & Belgas de induciis tractantes multum etiam disceptaretur, de libertate Indiarum commerciorum, quam sibi Belgæ foederati vindicabant, Hispani autem inter arcana dominationis suæ sepositam cupiebant: ea occasione (utemur nunc verbis Dominici Baudii ex lib. 2. de induciis belli Belgici peritis) editus est libellus, cui titulus, *Mare Liberum*, suppresso nomine, sed autore Hugone Grotio Fisci advocato. — illic solidis rationum momentis, illustribus exemplis, sanctione Regum, auctoritate ipsorum Juris-consultorum, qui inter Hispanos magno in honore sunt, evincitur, liberam ad Indos navigationem nec divino nec humano jure subditis Ordinum foederatorum interdici posse. Postea Grotius ipse non parum limitavit, partim etiam supplevit disputationem de Mari Libero coeptam, in egregio opere de jur. bell. & pac. l. 2. cap. 2. §. 3. itemque c. 3. à §. 8. usq; ad 16. ubi præsertim in notis nova accessio est supplementi & explicationis. Postea præterlapsis pluribus annis, nimirum anno hujus seculi 35. Job. Seldenus IC. Anglus contrariam sententiam, & simul totam de Dominio maris quaestionem tractavit edito opere, cujus titulus est *Mare Clausum*. Ubi præsertim ostenditur, mare dominii capax esse, semperq; pro tali habitum fuisse. Reprehensus est titulus *Maris Clausi*, tum ab aliis eruditis, tum ab ipso Grotio, ut primum fama propositum Seldeni distulerat. Itaq; in præfatione is defendendum sibi suum titulum existimavit: eo successu, ut homines moderati de titulo non valdè disceptandum judicarent, quamquam is elegantiae titulorum inter eruditos amata non congrueret. Grotius certe existimavit, *Thalassocraticum* rectius vocari potuisse librum Seldeni, itaque nec alio nomine citat in notis ad librum 2. de jur. bell. & pac. 2. §. 2. Qua in re videtur & ipse Seldenus, amica & modesta æmulatione Grotio objecisse titulum operi de jure belli & pacis, (quem Grotius ex oratione Cicer. pro Balbo c. 6. desumpserat) non satis commode attributum: quando suum opus ejusdem argumenti, simplicius, & magis ad communem sensum formulam.

mulamque inscripsit, *De jure natura & Gentium*, quippe in titulo Ciceroniano latet aliqua figura: hic quo *Seldenus* usus est, communi loquentium consuetudini ita consentit, ut statim intelligi possit. Quantum ad rem ipsam attinet, *Grotii* partes defendendas sibi existimavit *Theodorus Graswinckelius*, conscripto opere, cui titulus *Vindictarum Maru liberi*, quinque libris constante: in quo *Seldenum* per singulas partes insequutus refutare aggressus est. Non tamen editum est hactenus (quamvis subinde ab auctore ipso citatum, & *Seldeno* per excerpta ab amicis communicatum) rationibus reipublicæ ut apparet, editionem non usquequaque suadentibus. *Johan. Isacius Pontanus* quoque duobus *discussionum historicarum* libris *Seldeno* se opposuit, ut *Danis Norwegisque* præsertim quædam jura vindicaret, quæ *Seldenus* ad *Britannos* traxisse, visus est: insertis tamen communibus momentis, ad varias quæstiones hujus argumenti pertinentibus. *Ceteri recentiorum*, qui hanc quæstionem disceptarunt, non tam in partes iverunt, aut ex professo tractarunt, quam vel reperiverunt, vel excerpterunt aliquid, aut annotarunt ex tota argumenti amplitudine. Ita *Thomas Rivi* *histor. naval. media lib. 3. cap. 37. & 38.* pleraque argumenta *Seldeni* pro dominio maris in compendium colligit, *Jacobus Gothofredus* in dissertatione de imperio maris ad legem *Aziæ* seu legem deprecatio 9. ff. de *L. Rhodia de jactu*, ex occasione ostendit: *Romanos imperium maris apud suas ditiones sibi vindicasse*, idque jure se & exemplo aliorum populorum facere putasse. *Loccenius & Stepmannus*, de jure maritimo, itidem repetendis & diffundendis hujus disputationis locis occupantur. *Morisotus* in orbe maritimo lib. 2. c. 10. de imperio & dominio maris in genere quædam præmittit: c. 20. Imperium Hispanorum maritimum; cap. 21. imperium Lusitanorum maritimum; c. 23. maritimum Genuensium imperium percurrit, & sic postea de aliis gentibus agit. Nam de *Gallu* jam ante tractaverat: sunt autem illa pleraque ejusmodi, ut ad accuratissimam controversiæ disputationem non multum proficiant.

Neque sane nobis in re tanta judicium sumere animus est. id enim onus *Æterna* gravius *Joh. Isac. Pontanus* existimat. Quædam tamen licebit nobis annotare, quæ fortasse in com-

in præfatio-
ne discus-
sionum histo-
ricarum

parandis sententiarum pugnantium momentis, & eligenda inter utrumque opinione non improbabili, aliquem usum habere possunt. Et I. quidem nunquam defuerunt, præsertim hodie, qui putarent: supervacaneum esse de hoc argumento disputare. Id enim armis potius & gladijs summorum potestatum, quam scripturis & commentariis privatorum disceptari consuevisse. Quæ ratio si adversus nos valere potest, plerisque omnibus oberit, qui de magnis reipublicæ negotiis & controversiis, haud raro Marte discerni solitis, aliquid conati sunt. Humanius certe sentiendum est, de ipsis summis potestatibus: ad quarum existimationem pertinet, ne vi pro jure uti censeantur. II. Sunt alii, qui putant, si omnino hac verbis atque literis disputanda sint, argumentum tamen fontem non ex titulis juris aut rationibus Philosophiæ, sed potius ex ratione status, ut loquuntur, peti debere, id est, Principes & populos imperium maris modo animosius affectare, & laxius interpretari, modo dissimulante & lenius agere; imo interdum sententiam flectere, & defensum aliquando dominium maris impugnare, si ratio & utilitas reipublica ita postulet. Quæ sicut non frustra dicuntur, ita ob stare nequeunt, quo minus, de re ipsa ex capite honesti & boni æquique agatur: suasoriis in tantum dilatis ac suo loco relictis. Hæc sunt quæ communiter circa hoc argumentum agitari solent.

Seorsum autem notari merentur, quæ ad partes disputationis propius referuntur. Hic ergo observare licebit I. In scriptoribus hujus controversia subinde deprehendi propositum aliquod peculiare, ac studium partium. Qui affectus cum se disputationi miscent, fieri non potest, quin vel citra vel ultra rectum consistatur. Ita Hugo Grotius in mari libero, dum commerciorum in utramque Indiam libertatem Batavis suis vindicat, subinde animosius egit, & plus ultra progressus est. Fortasse enim non adeo pertinebat ad rem, mare universè liberum facere, ut libere navigaretur in Indias. Neque necesse fuit miscere ea, quæ colorem habent, cum iis, quæ argumenti vim possident. Ab altera parte Seldenus, dum Patriæ suæ dominium maris Britannici asserere studet, nimis obsequutus est aviditati humanæ in proferendis imperii dominiique finibus.

Qua-

Quapropter II. non potest improbari Pontani sententia. qui tutissimum judicavit, *media incedere via, & asserere; nec liberum esse mare omne, nec etiam claudi quodcunq; aut omne posse.* haecenus, inquam, non potest improbari, quatenus utraque sententiarum è diametro pugnantium à modo probabili abest,

Quis enim III. non putaret, *interesse generis humani, ut maris dominium universale sive universi maris imperium illicitum judicetur?* Res clara est, si cogitemus vel nostra tempora: quibus non defuit causa disputandi: *an Monarchia universalis, (quoad terras gentesque) vel possibilis sit, vel, si esset, justa & licita haberi debeat?* Sententiam dixere universi pæne Europæ Principes, liberrima severitate damnantes, qui aliquid tale probatum ac defensum ibant.

IV. Considerantibus præterea paulo intentius, hanc de dominio in certam maris partem controversiam, constabit: *non tam de dominio, quam de domini effectū plerosq; qui in negantem eunt partem, sollicitos esse.* est enim humanæ vel cupiditatis vel elationis hic mos, ut quicquid ad imperium vel dominium pertinet, amplissime interpretetur. nec desunt fere Principibus repertoires titulorum, colorum, argumentorum, quibus id propositum stabiliri videatur. quo fit, *ut qui alicujus freti se dominos ferunt, nihil sibi non licere putent in exercendo jure in omnes eos, qui quacunque de causa hujus imperij limites ingrediuntur aut transeunt.*

Qua occasione V. non intempestive forsitan aliquis ita annotaverit: *parum consentire cum vera prudentia regulis, si talia in vulgus efferantur, jactentur, ostendentur.* Fingas enim, juris ejuscemodi indubiam esse auctoritatem: erit tamen tota ea res ex illo genere, quod in arcano altissimo reponendum, multa sunt, quæ suadent. quicquid enim ad omnes invidiosum est ac durum, variis dissimulationibus abstruendum est: ipsaque rei asperitas humanitate verborum, & mutui commercii mitiganda.

Hoc sicut probatissimi est consilii, ita non dubitaverit aliquis VI. necessitatis etiam legem huc advocare, hunc in modum. Evolvantur omnium gentium annales & ætatum: *patebit, nunquam bene cessisse cuiquam talem jactantiam.* Nisi ergo
velis

velis mala supervacua in tuum caput attrahere, moderatius certe philosophandum erit.

Quid? quod ipsius negotii natura VII. talis est, ut restrictius interpretandi necessitas neminem latere possit. quod, ut clarius dicatur, sic poterit intelligi, si domini imperique maritimi talis esse conditio reputetur, quæ à cætero dominandi imperandique jure aliquid diversum habet. In cæteris enim non adeo multum aliarum gentium interest, quomodo dominium imperiumque in tua exerces. Quomodo verò maris imperio utaris, hoc ad omnes nationes pertinet, præsertim hodie, ubi totius orbis commercia, navigationis beneficio veluti perpetua serie coherent. Quod autem omnes nationes suis utilitatibus obstare existimant, id absoluto & infinito unius populi arbitrio subjacere, injuriam interpretantur.

VIII. Exemplis nobilioribus res fit clarior. Mercandi & negotiandi, itemq; ex una regione in aliam vel ob belli vel ob pacis negotia transeundi libera facultas, talis est, ut sine ea vix mundus videatur posse consistere. Itaq; causam hanc, favore plenam, divinis humanuq; literis assertum ire, in proclivi est. Qui ergo jus sui domini, rei tam favorabili opponit, is quantam difficultatum molem in se recipiat, in propatulo est.

Statim enim audiat necesse est, IX. fines particulares, (qui spectantur in dominio hujus vel illius) fini universali, sine quo humani generis digna hominibus societas consistere nequit, ut concedant, optimi maximi jure esse.

Et profecto hæc ratio X. apud plerosque prudentiores tanti potest momenti esse, ut particulares illos domini maritimi fines moderate, restricteq; ac interdum pane dissimulanter tractandos esse, arbitrentur.

Quæ enim XI. de incolumitate & potentia domestica ex diverso adferri queant, talia sunt, ut nisi modo & ratione, id est, moderatione nitantur, vim argumenti habere nequeant. Tum enim incolumitatis rationibus postulantibus, aliquid dicitur fieri, quando aliter salvi esse non possumus. Sed quæ ad potentiam, viriumque & opum amplificationem pertinent, ut minus favoris, ita minus juris putantur habere. Non est interim hodie inusitatum, ut incolumitatis obreptu præscribantur.

bantur, quæ ad opes & amplitudinem civitatum pertinent.

Interea XII. dememinisse non oportebit: *hanc controversiam de dominio maritimo vix unquam hodie ad liquidum deduci*; etiam ubi non deest rationum copia aut exemplorum. *semper enim fere aliquid hic dissimulari solet: semper item opera datur, ne plurimarum gentium contradictio irriteretur, aut in disputationem cum plurimu gentibus descendatur.* Ita fit, ut mutuis prudentiæ mysterioris, & occultis rationibus status, ad usum potius reipublicæ quam ad titulos & schemata in vulgus proponi solita, pleraque vis hujus argumenti referatur.

Non possunt illustriori exemplo demonstrari, quæ diximus, quam *Hanseatici Fœderis*. Coierunt in id fœdus civitates partim in imperio Germanico, partim extra id, arctissima societate, condiderunt sibi leges, instituerunt magistratus, judicia, archivum. Causa & origo, commerciorum libertas. Cui adeo non intercesserunt vicini Principes, ut ultro privilegiis & immunitatibus auctum irent. Si causam quæras hujus favoris, potiorē haud dubie invenies nullam, aut priorem, quam vim naturalem illius juris, quod mercibus permutandis aut transferendis deberetur: Unde etiam, si paucissimas nationes excipias, plerique omnes populi pro libertate illa exigenda & invicem danda consenserunt: Non obstante dominio maritimo, quod illis aut istis in locis de cætero asseritur. Scio & alias fuisse causas, cur Principes Hanseaticæ isti societati (*Thuanus Teutonicam vocat*) ab initio faverent, suasque lib. 51. inde opes & copias amplificare cuperent. Sed ipsa ratio consociationis illius talis est, ut citra dissimulationem imperii maritimi, alias passim affectati, concedi ac foveri non potuerit. factumque est, quod dicimus, ut ornaretur Hanseatica societas ab iis, qui non poterant non prævidere, ad tantum potentiæ eam processuram, ut Principibus formidabilis existeret. Id cum postea usu venit, non potuit tum demum tota societas factionis & conspirationis nomine designari. Ad quod crimen solide responsum est ab ipsa Societate anno hujus seculi nono. Extat seorsum, & apud *Joh. Angelium à Werdendhagen tractat. 6. de civitatibus Hanseaticarum antiquo & nobilissimo fœdere.* addi potest *Limnaus l. P. 7. c. 1. 79. & seq.* Illud

XXX xxx

interim

interim nemo negaverit, Principes maritimos retinuisse opinionem de jure resistendi & declinandi, si possent, quæ fiducia virium insolentius & amplius quam par est tentarentur. Id jus tamen sæpe dissimulandum & in occasiones opportunas differendum fuit. Quod si nunc de instaurandis opibus Teutonicæ Hansæ (cujus vix umbra reliqua est) ageretur, non est dubium, quin ex præteritorum usu, præsentia & futura paulo aliter ordinarentur, quantum ad Principum jura attinet.

Hac occasione illud quoque observatu dignum est, quod *consuetudinum maritimarum & nauticarum*, quæ subinde in jus evaluerunt, non aliud potest principium dari, quam consensus quidam hominum prudentum, qui navigationibus & itineribus maritimis inde ab antiquo utebantur. atque ita *Consulatus Maru* (c. 44.) bonas consuetudines maritimas, ex regulis sapientia, jam inde ab antiquo per prudentes viros commercii maris utentes tractata, repetit. unde hoc saltem liceat colligere: semper aliqua ejusmodi placita communi gentium consensu valuisse, quorum usus non tam à particulari dominio maris aut legibus per dominos maris particulares latis, quam ab illo quasi communi jure derivaretur. imo (quod observatu forte non indignum est) pleræque leges maritimæ à particularibus maris dominis latae, veluti normam communium illarum consuetudinum, sive rationem illam universalem sequebantur, aut ad eam dirigebantur.

Hæc licet ex usu temporum & negotiorum, tum pro diversitate ingeniorum, diversis plane modis vel explicentur vel allegentur, ignorari tamen & negligi nunquam debent, quocunque etiam scopo quaestio hæc tractetur.

III.

Minos imperium maris, justis, fortibus, & felicibus armis conservavit & munivit.

XV. Annal.
cap. 2.

Non ignavia contineri magna imperia, virorum armorumque faciendum certamen, vere dictum putabimus à Tiridate apud Tacitum; si omittatur, quam ille addit, interpretatio: *id in summa fortuna aequius quod validius; & sua retinere privata domus, de alieni certare regiam laudem esse.* Hoc proposito detractio verissimum

mun est, imperium maris iisdem artibus optime retineri, quibus ab initio partum est. Vix autem aliter, quam armis parari potest & solet. Sicut ergo Minos, apud *Diodorum Siculum*, primus imperium maris idonea classe constructa obtinuit: lib. 4. se dicitur: ita, apud *Eundem Scriptorem*, per copias terrestres & lib. 5. navales, sive, per Exercitus & classes conservasse memoratur.

Scilicet maris domino incumberebat, curam agere navium exstruendarum; quarum & firmitas, & numerus, & agilitas proposito responderet. Pertinet huc Dædali artificium, qui navibus quasi alas accommodavit, invento velorum usu. vid. *Morsforti orbem maritimum lib. 1. cap. 1.* ad hoc exemplum qui imperium maris firmum cupit, studiis nauticis debet animum accommodare; idoneos nautas & remiges legere, eosque crebro exercere; machinas ad rem nauticam vel excogitare vel emendare; illisque, qui hoc faciunt, præmia constituere; ad usum ista magis quam ad pompam referre. Ecquid enim immanium navium moles, aut lusoriarum spectacula? perit reipublicæ pecunia, quæ in veros usus classici oportune iisumi poterat.

Faciunt huc studia mathematica; unde inexhausta prodit ad rem nauticam vel instaurandam vel amplificandam solertia. Incredibilem tamen cupitor aut molitor, non debet esse dominus maris. Dicamus exemplum nostri ævi. Reperti sunt hodie illustres mathematici, qui varia ad rem nauticam commenta longeque utilissima proferrent. Sed quod nonnulli etiam polliciti sunt, *navem sub unda natantem, & integras navigationes submarinas*, id jam non Dædalei operis, sed fortasse Icarii conatus specimen videtur. Descripsit rem quidem valde plausibiliter *Mersennus in Cogitatione Physico-mathematica*: sed consultius forte fuerit, alia operis illius, nobilissimi sane, argumenta amplecti, quam huic cogitationi animum accommodare.

Studium rei nauticæ sive militiæ navalis in Minoë committatur & ornat *iustitia bellandi*: à qua præsertim commendatur. Unde belli, quod Minos cum Atheniensibus gessit, iustitiam, non tantum agnoscit *Plato in Minoë*, sed etiam inde demonstrat *Plutarchus in vita Thesei*, quod Athenienses oraculo

Xxx xxx 2

jussi

jussi sint Minoi, juste ipsos impugnant, satisfacere. Et *Ovidius* itidem justitiam ejus celebrat, proditricem præsertim patriæ averfantis *lib. 3. Met. fab. 1.*

Justitia hæc in bello non tantum suscipiendo, sed & gerendo finiendoque æstimatur. Qui enim injustè aliis bella inferunt, licet ad tempus videantur lucro exoptato potiri, tandem fatali infortunio mactantur; intereuntque, qui aliorum interitum per fas & nefas moliti sunt. In ipso autem bello, qui omnia sibi licere autumant, crudeles habentur & immanes, & plus invidiæ quam potentiæ sibi comparant. Quæ de re graviter disputat *Cic. lib. 1. officiorum*. Debet nimirum dominus maris cum Minoë, discipulus Jovis esse, sive disciplina perfectæ sapientiæ uti (id enim vult fabula) ut divini humanique juris reverentiam custodiat; neque à norma accuratæ justitiæ uspiam discedat.

Inter jura belli præsertim est jus victoriæ. quod, sicut temperamento opus habet, ita in universum repudiari non potest. Durum quidem videtur in bello finiendo leges à victore accipere: sed pax plerumque non aliter firmari potest. More igitur Philosophi loquutus est *Poëta* de Minoë, post victos hostes domum reversuro:

*Ovid. Met. l.
3. fab. 1.*

— ut leges captis justissimus auctor
hostibus imposuit, classis retinacula solvi
jussit.

Quali diceret, victoriæ partæ fructum in dispositione pacis contineri. si nimirum victor victis leges dicat, seu victos legum vinculo sub imperio suo contineat.

In iis, quæ victis imponuntur, *Tributa* sunt; omni jure concessa victori, si modus adsit. Apud *Tacitum* Cerialis ad Treveros & Lingonas in ditionem Romanorum pridem redactos: jure victoriæ, inquit, id solum vobis addidimus, quo pacem tueremur. Atque ne ullum de jure tributis à victis exigendi, dubium superesset, gravissima philosophia seriem totius negotiis in hunc modum ostendit: nam neque quies gentium sine armis, neq; arma sine stipendio; neq; stipendia sine tributis haberi queunt.

Sæpe quidem querelas moveri videas à victis, imperium victoris rigida cervice subeuntibus, & tributorum onera detestantibus: sed id more potius humani ingenii ad omne domini-

minium refractarii, quam jure, plerumque fit. Satis exempli in Minoë est, qui, cum Atheniensibus victis, jure victoriæ tributum annuum, pro consuetudine ævi, neque novum neque nimium imposuisset; immerito male audiit: dum Attica dicacitas non tantum varia movendæ invidiæ commenta in vulgus disperfit, sed etiam ad posteros monstrosas ea de re confinxit fabulas. Juvenes enim & puellas, qui Minoi annuo tributo tradebantur, monstro objici & in Labyrintho perdi ementiebantur. cum Labyrinthus nihil fuerit aliud quam custodia, ubi asservabantur juvenes illi & puellæ; neque Minotaurus quicquam monstri habeat. Fuit enim Taurus apud Minoë inter præclaros Duces, qui præmii nomine in certamine Gymnico accepit Atticorum liberos. Sicut apud *Plutarchum in vita Thesei*, & apud *Platonem in Minoë*, egregiè ista partim explicantur, partim excusantur. Addenda sunt etiam *Palephati incredibilia*, titulis, qui huc pertinent.

Non diffitendum est equidem, Minoia bella, si de accuratioris descriptione sermo sit, per summam potius quam per singulorum notitiam momentorum ad nos pervenisse. Sed *Platonis* testimonium omni exceptione majus est: qui & consuetudinem Atticorum in criminando ostendit; & in locum communem ea causa digreditur, quæ soleat illos fama manere, qui cum civitate doctorum hominum ferace contendunt. Quid? quod ipsi Attici Poëtæ Poëtis popularibus, aliisque scriptoribus contradicunt? Dum enim tradunt injustum & immanem fuisse Minoë, magno interim applausu accipiunt, & propagant fabulam de Minoë, ante susceptum imperium Jovis disciplinæ ducato; post excessum, Jovis sceptrum & splendidissimum iudicis apud inferos munus adepti. Ex eodem ore laudes & ignominiam videmus proficisci. Exprobrat hoc Græculis *Jarchas* Indorum sapientum Princeps, apud *Philostratum de vita Appollonii Tyanei lib. 3. cap. 7.* & ad corrumpebros bonos mores pertinere istam philosophiam, increpat. Poëtarum, inquit, apud vos principes, bonos vos esse, etiam si vel maxime cuperetis, non sinunt. Minoi enim mortalium savissimo, qui navibus suis plurimos, partim in insula, partim maris accolæ servitutis oppressit, sceptrum justitiæ tradunt, eumque apud inferos anima-

rum iudicem collocant. Non est dubitandum, quin respiciat, ad criminationes quorundam Atheniensium, qui subactas Insulas, aliaque loca in ditionem redacta, ut injuriam & sævitiam interpretantur. Quod si velis concedere, ipsius Jarchæ hoc iudicium esse, atque in auctoritate tanti Philosophi plurimum reponi debere asseras; nondum videmus cur maledicentibus potius auscultandum sit, quam bene interpretantibus. Non latet nos consuetudo veterum quorundam, nimis abruptè omnia bello quæsitæ damnantium, & suspicaci supercilio non tam causas belli reputantium, quàm præmiis victoriæ invidentium. Estque proprium magnæ fortunæ factum, ut pro bene factis male audiant præcipui Regum omnis ævi. Infirmiori parti, non tam iudicio, quàm impetu favetur, licet satis ut plurimum constet, ipsos facturos fuisse, quæ passi sunt, nisi à viribus & occasione fuissent defecti, prorsus quasi fortuna favendo nocentes faceret; adversando innocentes testaretur. Longe rectius fecerit, qui *Diodorum* audiat, Minoem ab alio objecto crimine ita purgantem, quod consensu omnium ei tribuatur δικαία προέφρησις καὶ βίη ἐπ' αὐτῷ, iustitia & laudata vita studium. Quinimo non desunt vestigia nos eo ducentia, ut credamus, nimia bonitate Minoem peccavisse, eaque re exitium sibi conscivisse, justæ eum causæ adversus Siculos, Dædali receptatores, armaverant. quo nomine magnam & fortitudinis & iustitiæ gloriam reportasse, *Diodorus* ait. Sed cum Cocalus Siciliae Rex armis desperaret, ad fraudes conversus, hospitalitatis obtentu virum optimum in perniciem præcipitavit. Sicut amplius memorant *Diodorus Siculus lib. 4. Canon apud Photium, narratione 25. Herodorus lib. 7. cap. 70.*

IV.

Minois imperium maritimum tam bonis rationibus suaderi, quam Atheniensium potentatus maris, ab Isocrate postea dissuaderi, posuit.

Argumenta ab honestate & æquitate petita jam vidimus, quantum ad Minoem. Facultatem, vel situs Cretæ ostendebat. nam loci ea erat opportunitas (sunt hæc verba *Thome Rivii*) ut
ad

hist. nav. antiqu. L. I. c. 5.

ad maris imperium pene natus fuisse videretur. nam & toti mari undique imminebat, & aberat inde brevi spatio, hinc Græcia, illinc Asia litus: in quibus degebant populi numero infiniti, viribus infirmi, suis legibus, suæque urbibus vivere contenti, sed qui in commune nihil adversum communem hostem consulere didicerant: ex quo facilem Minoi ad imperium maritimum obtinendum viam patuisse docet Philosophorum princeps Aristoteles. Desumit hæc omnia Riviùs ex Aristotelis 2. Polit. 8. (aliis 10. caput est) sed non satis retinuit Philosophi mentem. De imbellia enim Græcorum populorum, nihil dicit; neque Minoem hinc imperii constituendi occasionem, sed potius ex opportuno situ desumisse ostendit. multo minus, suis legibus suisque urbibus vivere contentos, illos populos maritimos laudat. nam hoc esset, eadem opera Minoem accusare, tanquam quieros & justos populos per injuriam subegisset. Aristoteles autem, tantum de facultate agens, aliquos maritimorum populorum à Minoë subactos (causæ potuerant esse justæ ut supra ex Thucydide attulimus) in aliquas autem insulas, citra bellum scilicet, colonias deductas esse docet. Aristoteli addendus est Strabo lib. 10. Alteram partem facultatis, melius deducit Riviùs ex majorum Minois profectu, qui jam disciplinam nauticam impense coluerant. Fuitque hæc quasi fatalis epocha imperii maritimi Cretensis, qua Minos, disposita divinitus & præparata tantæ rei præsidia consummando operi adhibuit. Itaque qui suadere voluisset rum imperii maritimi constitutionem, egregie ita potuisset ratiocinari: non frustra divinitus Cretensibus contigisse viros Heroico ingenio consilioque præditos, quorum ut cætera præclara facinora; ita studia nautica imitari, perficere, superare, æquum esset. Cum præsertim inter primas Regum curas esse debeat, decessorum suorum, aut majorum, nationis denique suæ profectum implere atque consummare. De utilitate, in consilium adhibenda supervacaneum est dicere. & jam antea demonstratum est, non ad Cretensis modo Regni amplitudinem, sed, ad vicinorum quoque utilitates maritimum Minois imperium pertinuisse.

At Isocrates in oratione sociali sive de pace, Athenienses graviter dehortatur ab imperio maris amplius affectando: argumen-

cis ita dispositis, ut primo ostendat, *sine injuria parari id non posse*. quod enim, inquit, in *Lacedæmonii carpsimus*, hoc in nobis *aquum putari non debet*. Hæ duæ civitates de Principatu maris diu concertarunt: eoque tempore, quo *Lacedæmonii prævaluerunt*, *Athenienses* missis ad alias Græcas urbes & Regem Persarum legatis questi sunt: *Principatum marii pugnare cum libertate Græciæ, quæ scilicet esset optimi juri; neq; fas esse, ut, qui plus possunt, infirmiores imperio premant; Deniq; nec utile publice futurum, si una civitas Græciæ dominetur*. His querelis adjecta sunt arma, quibus dominium maris à *Lacedæmoniis* vindicatum impugnaretur. Unde validè inferre potuit Orator: *nullo jure affectari, quod ut iniquum verbis armiq; impugnatum sit*. Cum præsertim *Athenienses* in illa adversus *Lacedæmonios* lite, juris naturalis, libertati Græciæ faventis, & omne dominium ejuscemodi aspernantis, speciosissimum titulum magnifice ostentarent.

Hinc progreditur ad alteram sui consilii partem & ostendit: *Athenienses imperium marii ne posse quidem constituere*, primo enim, *opes*; deinde *mores* deesse, quibus Principatus maris obtineri queat. De opibus facile potuit fieri judicium in hanc sententiam; *Si opes nostra & pecunia, cum adhuc majores essent, non suffecere ad tuendum marii principatum; quomodo nunc sufficient ad parandum, quando ararium nostrum exhaustum depletumque est*. Accedit, quod ad magnas res consequendas parandaq; magnus opus est virtutibus & moris emendati disciplinâ; qualis apud *Atticos* forte viguerat, cum magnam sibi olim potentiam compararent.

In tertia consilii parte, imperium maris, maxime noxium *Atheniensibus* fuisse, ostendit. Hinc enim ad *luxuriam* descitum omnemque virtutem civium enervatam fractamque esse: ortâ domi & foris tuendam opum negligentia, actusque strenui ac efficacis inertia: nec interim ab *avaritia* cessatum: dum aliena immensum appetuntur; longinquarum rerum curâ, pericula domestica arcessuntur; crebrisque expeditionibus, ipse flos reipublicæ & quicquid roboris erat, exhauritur. Hinc non potuit non gravissimum in *Athenienses* odium inflammari apud cives & externos: neglectâ enim justitiæ & fœderum religione, multa in omne genus hominum, superbè, impotenter, sæve, ac proterve gesta. Quæ omnia egregie denarrat, &

Lace-

Lacedæmoniorum exemplo, quibus & ipsi potentatus maris noxius fuerit, illustrat *Orator*.

Verumenimvero, quæ postrema dicuntur, debilia ferè sunt. abusum enim imperii maritimi, non usum attingunt: possisque eodem modo omnem adipiscendæ felicitatis curam dissuadere, quia secundis corrumpi solent homines. Ergo tam ineptus Isocrates, non prudentiæ modo, sed ætatis provectæ homo cum illa scripsit? Minime vero. Dictum est de vi argumenti, cum in se spectatur, de quo longe aliter existimandum est, si consideremus, ad quos, quo tempore, quibus propositis, enuntiatur sit. Erant revera Athenienses, appetendis, addam, si ita videbitur, & consequendis magnis opibus prompti. sed in usum & decus vertere parati, aut nulla illis, aut brevis solertia fuit. præsertim ex quo pravitas morum semel ita infecit civitatem, ut nec sustinere pristina vitia posset, nec emendare veller. Quid melius suaderi potuit, quam ut desinerent, qui deficere properabant? Non est plausibile hoc genus consilii. magis placet ex pertinaci temeritate petitum: Tyrannidem nemini nisi pedibus tracto dereliquendam. Ita nihil medium in medio est, nec inter præcipitia quicquam tuti.

Quæ de jure & injuria dicta sunt, eo plus habere auctoritatis debent, quo accuratius reipublicæ suæ mysteria, & consiliorum arcana, introspexit Isocrates. Scilicet obrentu æqualis foederis, & societatis pro Græciæ libertate tuenda in nitæ dominari sociis studebant, in quo & fidem violabant, & communem Græcarum civitatum hypothesein, de sua cuique libertate conservanda, conculcatum ibant: id est, tales adversum se irritabant sociorum querelas, quales ipsi postea adversus Philippum Macedonem, ut justissimas, Soli & Lunnæ commemorabant.

Facultati quoque ratiocinandæ non minimum hinc roboris accedit. Neglecta incuriosis, non sefellit cautissimum Oratorem, prudentia, mores civitatis & justitiam causæ non minus imo haud paulo plus posse in amplificandis rebus, quam ferrum & aurum, & copias virorum. nunquam periculosius magna tentari, quam, ubi amissa virtute & bonis

artibus, eadem, quæ prius, audendi dominandique libido permanet. denique ubi fatalis ante actorum pœna in cervicibus est, non nisi per furorem, fatum denuo provocari; id est, operam dari, ut fortuna civitatis fastigio suo jam depulsa à mediis ad ima præcipitetur.

In quibus omnibus, gravissimus Orator consultandi de Republica auspiciis, à virtute & reverentia Divini Numinis, (cujus neglecti gravissima & exitialis civitatibus pœna est) repetendum sibi existimavit: inanemque & temporariam utilitatis speciem, cui ambitiosa ingenia inhiant, à solida reipublicæ felicitate, & duraturis commodis sedulo distinxit.

Quantum vero ista à Minois consiliis & Cretensi exemplo abeant, abunde demonstratum puto. Tempus quoque plurimum discrepat; quo nimirum Minoia fata in profectum, Attica in deliquio, per totam rerum causarumque seriem, versabantur.

V.

Nec Jasonis & Argonautarum gloria ejusdem generis est, cum instituto Minois, quantum ad imperium maris.

In doctr.
Temp.

hist. naut.
antiq. l. 1.
cap. 7.

Argonautarum expeditionem, ejusque Ducem Jasonem, integro amplius sæculo juniorem faciunt Minoë, Chronologi. Petavius ponit ad annum *periodi Julianæ* 3451. *Mundi* 2721. ante *Christum natum* 1263. non dissimulans tamen, cum hoc calculo non convenire, quæ de Helenæ fratribus traduntur. *Thomas Rivius* similibus dubitandi caussis inductus, *Jasonem & Minoë* eodem tempore floruisse, & è duobus *Jasonem* ætate majorem fuisse, contendit. Quod nunc in medium relinquitur: ubi facta & consilia Heroum, non tempora comparantur. Est autem omnis de *Jasone* historia ita impedita fabulis & obscurata, ut ad liquidum deduci paucissima queant. Illud videtur omnino de *Argonautica* expeditione existimandum: *Missum Jasonem* (seu sponte sua animum hûc adjecit) in longinquas oras, opes raræ nobilitatis, aut thesaurum fama celebratum noscendi acquirendique causa. Auctores præcipui è Græcis *Apollonius Rhodius*; è Latinis, *Valerius Flaccus*, *Poëta*,

tæ, *Argonauticorum* opere clari: quibus addendi sunt *Appollodorus*, *Herodorus*, *Diodorus Siculus*, *Ovidius*, *Justinus*. Quod si quis disputationem eam hic ingredi vellet, quo jure quave injuria, ad aureum vellus reportandum Argonautæ profecti sint, animadverteret historiæ deliquia, & exinde ad directam planamque sententiam pronuntiandam impedimenta. Longe certe aliud est, cupidine & fama divitiarum longinquas expeditiones adversum eos, à quibus nihil injuriæ acceperis, suscipere; aliud justo bello victis populis dominari, imperiumque apud maritima firmare. neque quisquam unquam audiendos putavit Græcos, cum adversus Barbaros bellandi jus à natura sibi datum inani prætextu jactarent. hoc enim si admittamus, omnium inter se gentium bella existerent: nec minus pro barbaris habebuntur, qui barbarorum vocabulo alios contemnunt. Huc respexisse arbitror eos, qui Jasonem vellus quidem aureum rapuisse, sed cum eo Medeam, id est, domui suæ incendium & pestem retulisse ita interpretantur, tanquam hoc augurio significaretur, longinquis navigationibus magnas quidem opes, sed simul ingentia generi mortaliū mala comparari. Ad argonautas veteres non inepte contenderis Indicanas navigationes, obtentu vario, sed revera, cupidine divitiarum, plerumque susceptas. Et res ipsa quidem, si per commercia cum longinquis & opulentis gentibus, reipublicæ opes & subsidia parantur, non parum favoris habet. Sed accedunt multa, quæ prudentium animis rem aliquando suspectam aut invisam faciunt. Itaque cum superiore seculo Franciscus Dracus orbe terrarum tribus plus minus annis circumnavigato, magna cum gloria domum redisset, non defuisse *primarios aliquot in aula Anglica viros*, *Camdenus* refert, *qui allatum ab eo aurum respuerent, quasi scelere piratice quæsitum*. constet licet, potiore prædam tum de Hispanis actam; quorum navigationes Indicanæ non levibus de causis jam pridem in odium apud omnes venerant. Admonuit me Hispanorum mentio, ut de portentosa illorum circa hoc negotium philosophia cordatum Semiramidis Anglicæ, Reginae Elisabethæ judicium, ex eodem *Camdeno* annorem. Cum eam Hispani per Legatos res repeterent, & Oceanum Indi-

1580. in Eli.
22. part. 2.

cum ab Anglis navigari conquererentur; Regina respondit: Hispanos iniquitate in Anglos, quos commercio contra jus gentium prohibuerunt, hac sibi mala accersisse. Dracum praesto futurum ut in jure respondeat, si quid contra jus egisse certis indicis & testimonio convincatur. Opes illas eo consilio sepositas esse ut Hispano satisfaciat: licet Regina grandiore pecuniam, quam Dracum intulerit, contra rebelles, quos Hispanus in Hibernia & Anglia excitavit, profuderit. Praeterea, Reginem non intelligere cur sui & aliorum Principum subditi ab Indiis prohibeantur, quas Hispanici juris esse, persuadere sibi non posset ex Pontificis Romani donatione: in quo prerogativam in ejusmodi causis agnoscat nullam, nedum auctoritatem, ut Principes obligaret, qui nullam ei obedientiam debent: aut Hispanum Novo illo Orbe quasi infeudaret, & possessione investiret. Nec alio quopiam jure, quam quod Hispani hinc illinc appulerint, casulas posuerint, flumen aut promontorium denominaverint; qua proprietatem acquirere non possint, ut hac rei aliena donatio, qua ex jure nihili est, & imaginaria hac proprietas obflare non debeat, quo minus ceteri Principes commercia in illis regionibus exerceant, colonias, ubi Hispani non incolunt, jure gentium nequaquam violato, deducant: cum praescriptio sine possessione haud valeat; nec non Oceanum illum vastum libere navigent, cum maris & aeris usus omnibus sit communis, nec jus in Oceanum, populo aut privato cuiquam possit competere, cum nec natura, nec usus publici ratio occupationem permittat. Quae ex Camdeno etiam Thuanus descripsit lib. 71. Pontificiae donationis auctoritatem, qua formula & solennitate, allegata soliti fuerint apud Americanos Hispani ex Herrera etiam Johannes de Laet in nov. orb. introduci generali, consignat. Sed nos relictis, quibus saeculo illuditur, prodigiis, lubenter sane, pulcras complures & memorabiles, circa navigationum & coloniarum Indicarum negotium, quaestiones attingeremus, nisi modus instituti & temporis calamum sisteret. Deo gloria!



XXXVII.

Τὸ πρεσβεῖον τῶν κηρύκων.

five

SA-

SACRA LEGATIONIS.

I.

Ratio tituli ante omnia reddenda est. Græcam inscriptionem sumpsi ex *Eustathio in Homerum*, qui ad *Iliados* p. 83. Edit. Basil. annotat. ἵστα δὲ, ὅτι τὸ πρεσβεῖον τῶν κερύκων δηλοῖ καὶ Ἡρόδοτος κτλ. *Saiendum autem, quod & Herodotus prerogativam Legatorum significat, quando dicit &c.* Πρεσβεῖον enim hoc loco Prærogativam notat singularem, & quidem sanctimoniâ quadam censendam. Unde multa & hic, & ad nobilem illum versum, qui est *Iliadis* α. 334.

Χαίρετε κήρυκες, Διὸς ἄγγελοι ἦδ' ἐ καὶ ἀνδρῶν.

Salvete Legati, Jovis simul & hominum sive Principum nuncii.

Annotatur singularis Legatorum sanctimonia, sive eorum progenies (Cerycum Familiâ, Mercurio Deo Deorumque Legato progenita, sati credebantur) sive functiones obeundæ, sive Jura Legatorum Legationumque sanctitas spectentur. Unde videatur aliquis non ineptè Latinam interpretationem adhibere posse ex *Taciti Annal.* 1. 42. ubi *Sacra Legationis* eodem sensu legimus. Ita placuit inscribere, quæ de Legatis & Legationibus pro captu ingenii & studiorum in chartam conjeci, quibus, Lectorem, ut faveat, veneror.

II. Legati, ut omissis aliis præloquiis ab etymologia nostra incipiat Disputatio, vel à legando sive mittendo (hinc enim relegare sæpissimè in Jure Civili, & ablegare,) vel à legendo, quod Varro existimat, nomen acceperunt: cùm præcipui è civibus, virtutibusque clari, & huic muneri capessendo præ reliquis apti, legi soleant debeantque, Electio enim optimum quemque invenit: & magis in cujusque vitam famamque penetrat judicium Reip. quàm *sors & urna, quibus mores non discernuntur.* Tacit. l. 4. Hist. c. 7. Gravis enim hæc functio, nec nisi lectissimis mandanda.

III. Verùm multifariam Legatorum nomen accipi solet. Dicebantur enim antiquitus quoque legati, qui unâ cum Pro-

consule in Provinciam, ut negotiorum publicorum administrari, mittebantur; potestate tamen non absolutâ, sed aliunde dependente præditi, nisi à Cæsare ad corrigendas Provincias mitterentur: tunc enim laxior illis agendi jurisque dicundi potestas data. Erantque vel Consulares, vel Prætorii. Consulares toti Exercitui præerant, ut constat passim ex Livio; isti singulis Legionibus, idque Augusti invento, qui eò majorem cuncta dispensantis Imperatoris dignitatem fore existimabat, quò minus ambitiosis vocabulis impositi Provinciis Duces splenderent. Ita nec triumphare his licebat, cum omnia auspiciis alienis gererent. Sed hæc multum diversa à nostro proposito vocis sumptio. Legatos enim nos dicimus, qui publicis Principis vel Reip. mandatis instructi, magnâque auctoritate nec violandâ unquam pollentes, extra patriam dimittuntur.

IV. Dicuntur autem modo *nuncij*, ut à Cicerone alicubi; modò *oratores*. &, ubi bellum indicendum, fœdus faciendum aut pax ineunda, *caduceatores aut feciales*. Fecialium jus admodum est antiquum, & à Numa Pompilio Rege apud Romanos institutum videtur, exemplo ab Æquiculis sumpto, apud quos videtur primum jus feciale sancitum. Nomen accepisse videntur *Varroni* ex eo, quod fidei publicæ præessent, *Sextus vero Pompejus* potius existimat, eos à jure bellum pacemque faciendi denominationem traxisse. Ritus autem ineundorum fœderum hierant: Fecialis, sumpto in manibus lapide, postquam de fœdere inter Patres convenerat, erectus & fidens animi, altâ voce in hæc verba exclamabat: *Si sine dolo malo hoc fœdus atque hoc jusjurandum facio, Dii mihi cuncta præstent felicia: sin aliter aut ago aut cogito, ceterû omnibus salvû, solus ipse peream, ut lapis hic è manibus meis decideret*. Nec locutus plura manu lapidem excutiebat. *Cal. Rhod. l. 21. c. 15. Lect. Antiq.* Sed & horum erat, belli indicendi ministeria exequi: quando sincera adhuc & innoxia Pastoriarum illius sectæ integritas nullum bellum justum putabat, nisi quod aut rebus repetitis gereretur, aut denunciatum antea esset & indictum. Formula, recensente *Gellio l. 16. c. 4.* (quamvis paulò aliter conceptam apud *Livium lib. 1. legam*) talis erat: *Quod Populus Hermundulus homi-*

hominesque Populi Hermunduli bellum secere deliqueruntque, quodque populus Rom. cum Populo Hermundulo hominibusq, Hermundulis bellum iussit, ob eam rem ego Populusque Rom. Populo Hermundulo hominibusque Hermundulis bellum indico facioque. Briffon. l. 4. de Formul. Popul. Rom. Sollemniter ita & publicitus denunciatis armis,

Tunc certare odiis, tunc res rapuisse licebas.

Caduceatores vocari, qui ad pacem mittuntur Legati, *Cel. Rhod. testatur d. l. c. 6.* Appellabantur Græcis κήρυκες. Cerycium enim lignum erat rectum, utrinque duos continens serpentes implexos invicem, ita ut se mutuo & ex adversum intuerentur, quales Græci dicunt ἀντιστροφῶτες. Ferebant id caduceatores pacem publico nomine inituri, & inde illis injuriā intulisse maximum habebatur nefas. Unde & *Eustathio ἄσπιλοι* appellantur, quod crederentur esse *Θείον γένος*. Nostro ævo vix species quidem sanctissimi hujus muneris extat; quum impetu plerumque ruimus in arma, non verā vincendi viā. Extincta (eheu! & apud nos, qui quādam præ his eminentiā Christiani vocamur) cum ipsis celebratæ simplicitatis moribus vitæ sanctitas. Initia bellorum iniqua; perinde fines. Ecce ea demum fortitudo vocatur, cum insidiis, proditionibus, perfidiā hostes superāris, improvisosque in suo solo & nil tale metuentes occupāris.

V. Legatorum originem ad ea tempora refero, quibus finita est aurea illa ætas; quā nondum auri sacra fames, nondum Principatūs ac dominandi cupido, mortalium animos ad invadendas finitimorum terras impulit,

*Nullaque mortales præter sua litora nōrant,
Nondum præcipites cingebant oppida fossæ,
Non tuba directi, non aris cornua flexi,
Non galeæ, non ensis erat: sine militis usu
Mollia securo peragebant otia gentes:*

*Ovid. l. 11
Metamorph.*

Μηδελικῶν ἔτι ζῶντων ἡρώων ἑστῶτος, ait Josephus. Hi enim mortalium, nullā adhuc malā libidine, sine probro, scelere, atque sine cōviciationibus agebant, nec quidquam contra morem cupiebant. Tacit. l. 3. Annal. Ubi plus boni mores valebant, quam hodie

bonæ

bonæ Legēs, & iustitia Gentium ingeniis colebatur, non! Legibus. Verūm, postquam exui æqualitas, ac pro modestia & pudore ambitio, vis & habendi libido incedebant, hebescere virtus, paupertas probro haberi, innocentia pro malevolentia duci cœpit. Tum provenēre bella, & per omnia secula terris omnibus continuata calamitatum heu quantum! in miserum mortalium genus effuderunt; ita ut plus hominum ferrum & arma, quam naturalis factorum conditio rapuerit; quæ gravis est *Justin* Historici sententia. Hinc rerum repetendarum; aut, si hoc secus caderet, indicendi belli per publicos præcones apud omnes pæne gentes consuetudo inolevit: hinc fœderum faciendorum, amicitiarum contrahendarum, pacis ineundæ mos per lectos viros, quos nos Legatos generali cognomento appellamus. Nullus enim bellorum finis futurus esset, eoque infinitis incommodis subjiceretur vita mortalium, nisi personis quibusdam, nomine eorum qui bella gerunt, licitum esset securè colloqui, gravamina proponere, & de pactis deliberare.

VI. Suscipiuntur legationes tot ob causas, quot inter gentes vel eorum Rectores negotia possunt intercedere; sive bonum publicum directè, sive solum Regentium utilitatem spectent. Hodie sine modo & levi quacunque ratione sumuntur. Sunt, qui rebus afflictis ad auxilia apud finitimos quærenda mittuntur, sint illi focii, sive nullo aliâs necessitudinis vinculo connexi. Talis fuit legatio Eumenis ad Antipatrum apud *Justin*, l. 14. c. 2. Alii bello indicendo, rebus repetendis, induciis paciscendis, paci contrahendæ adhibentur, dicunturque Feciales vel Caduceatores, de quibus Thef. IV. Alii, per quos in societatis fœdera alligarentur, Legatos invicem mittunt: quorum infinita in Historiis exempla. Alii conciliandis exterorum vel etiam ejusdem secum fœderis sociorum inter se animis mittuntur. Alii officii & honoris, utpote gratulandi, vel gratiarum agendarum pro acceptis beneficiis, vel donorum ferendorum gratiâ. Sic, cum mortuus esset Lusitaniæ Rex, Alexander Farnesius Belgii Gubernator, misso propterea in Lusitaniam Fabio Farnesio ad Cardinalem Henricum, Sebastiani Regis Patrum, suum

suum illi in communi iactura privatum ex affine mœrorem, simul ob suscepta Regni insignia lætitiā testatus est. *Strada Decad. 1. lib. 10. bell. Belg.* Et Masinissæ Legati in Senatum introducti gratulati sunt Senatui, quod Scipio prosperè res in Africa gessisset. *Liv. lib. 30.* Saguntini, eodem Livio Auctore l. 28. ob hæc, quibus majora neque sperare, neque optare ab Diis immortalibus poterant, gratias actum decem Legatos Romam ablegarunt. Hernicorum Legati itidem Romam missi donum ob concordiam Patrum & Plebis Jovi Opt. Max. Coronam auream in Capitolium tulere. *Idem lib. 3.* Principes quoque vel Respubl. pro quærendis sibi vel totius Populi nuptiis mittunt Legatos, ut Cambyfes Rex Persarum ad Regem Ægypti. *Herodot. lib. 3.* Romani ad Sabinos. *Liv. lib. 1.* Bassianus Caracalla ad Artabanum Parthorum Regem. *Dion. lib. 78.* Alii auxiliis offerendis contra communes hostes: ut Galli Senones olim ad Dionysium Seniore Siciliæ tyrannum. *Justin. lib. 20. cap. 5.* Sic Philippus Macedo Romanis ad bellum contra Antiochum susceptum auxilium, pecuniam & frumentum pollicebatur. *Liv. lib. 36.* Quin & sedibus quærendis ab Helvetiis olim ad Julium Cæsarem; vel petendis ab exteris Legibus, à Romanis ad Athenienses Decemvirovum dimissa Legatio. In fœderibus æqualibus vel inæqualibus de injuriis conquerendis ad totum corpus vel Principem fœderis Legatos sæpe etiam missos constat exemplo Carthaginensium, ob injurias Masinissæ, ad Senatum Rom. teste *Liv. l. 42.* Et aliorum ad eundem Senatum propter populationes Gentii Illyriorum Regis. *Liv. eodem lib.* Omitto de libera Legatione agere, utpote nec bono cōmuni, nec illius, qui summa potestate præest, utilitate suscepta: sed tantum, ubi quis privati commodi gratia, publica instructus commendatione, extra patriam abiit. Et tantum de nomine, origine & speciebus Legatorum: de persona eorū est ut jamjam dicamus.

VII. Quia fidos & negotiorum usu exercitos multæque sollertiæ capaces Legationis muneri legendos esse ad thes. 2. diximus; cū magna negotia magnis adjutoribus egeant; *Vellej. Patercul. lib. 2. cap. 127.* interfitque Reipubl, quod usu

necessarium, id dignitate eminere : qua de re prolixius disserens videatur *Lips. lib. 3. Polit. cap. 2.* Ideoque de virtutibus, quæ in Legatis requirantur, dispiciendum nobis est.

- In eo tamen brevitati studentes, tum ne prolixitate fatigemus lectorem; tum quia dotes necessariae ad negotia ista peragenda non possunt in compendium tam arctum conferri. Ante omnia verò imitandum Principibus Henrici III. Regis Galliarum exemplum proponimus, qui nullam negotiorum suorum partem cautius exigebat, quàm dilectum eorum, quibus ad exteros Reges aut Populos Legationem concederet; reputans, illos venarum instar esse, quæ pro suo habitu occultam salutis aut morbi vim ex diverso tractu terrarum inspirarent in Patriam.

VIII. Primum itaque in Legato requiro, *ut gratus sit & acceptus iis, ad quos mittitur*, aptus scilicet alliciendis in sui favorem eorum animis, & contrabendarum conservandarumque amicitiarum peritus. Et hanc virtutem voco comitatem: removeoque à Legatis fastum & foedam arrogantiam. Quum turbulenti impetu animi imperitiâque superba laborantes, hinc quidem asperius obloquendo, illinc verò renunciando, deterrimas sæpè turbas concitare soleant, quæ superfluae initio, ex mutua contentione & subinde crescentibus causis in necessarios motus exæstuant: cum *brevibus momentis summa saepe verti possint.* Tacit. lib. 3. Annal. c. 4.

IX. Secundo loco ipsis commendo *fidem & integritatem*, quâ privato usui Reipublicæ bonum anteponant. Ubi enim hi se prius, quam Dominum suum fidemque respiciunt, Patriæ dignitatem & consilia produnt. *Fides, ait Seneca, sanctissimum humani pectoris bonum est, quod nullâ necessitate ad fallendum cogitur, nullo corrumpitur premio. Ure, inquit, occide, non prodam. Sed, quo magis secreta quæret dolor, hoc illa condet aliis.* Magna sunt, quæ Vobis introspicere licet, Reipubl. secreta; eoque majori custodienda fide: quâ Vobis sublesta, quid tuti esse posset? Cavete, ne in quod vos fastigium Princeps vel Respublica extulere, de eodem vos ipsosmet turpi perfidiâ deiciatis. Huc refero, ne Legatus præter mandata agat quidquam, nec difficultates negotiis ex proprio sensu inge-

ingerat; sed mandata mittentis pro summa agendi regula habeat. Tanti id olim apud Athenienses erat, ut extremum supplicium Legatis in Arcadiam missis irrogarent, quod aliâ, quam iustum erat, viâ reversi essent, Legatione licet optimè defuncti, referente Æliano. Invertuntur quidem negotiorum momenta sæpius, Legato jam profecto; unde pro re nata ipsi agendum, uti media præscripta ad expeditionem faciliorem immutare queat; sed, rebus integris, mandatis inhæreat, ne gravissimam contrahat culpam, ipsaque rerum momenta pervertat.

X. Tertia virtus, conveniens valdè Legatorum muneri, est *Eloquentia*. Nam

Nil tam difficile est, quod non persuadeat, & non

Efficiat docti lingua disertæ viri.

Ancipiti eloquium longè penetrantius ense:

Hoc rabiem motam sedat, & arma movet.

Quod Ciceronis exemplo ostendit *Plutarchus in ejus vita*. Hinc & *Demetrius Philosophus* apud *Diog. Laërt. pag. 355.* dicebat: *ὅταν ἐν πολέμῳ δύνασθαι σίδηρον, τόσον τὸν ἐν πολιτείᾳ ἰχθυὺν λόγον.* Hi sunt, sententia est *Celsi Rhod. l. 23. Lect. Antiq. c. 7.* quos exhorrescunt homines, quos stupent dicentes, in quibus exclamant, quos Deos inter homines putant, qui distinctè, qui explicatè, qui abundanter, qui illuminatè & rebus & verbis dicunt, & in ipsa oratione quasi quendam numerum versumque conficiunt. Inde à *Sophocle* vocata *Regina rerum Eloquentia*: Hæc vehementiâ quandoque detronans altius, imò verò clariùs fulgurans, tam potenter mover, docet arguè, & ad delicias usque ita delectat arctitque, ut, quod de *Olympio* dictum *Pericle* est, non *Græciam* modò, ut ille, sed universa ferè valeat permiscere. Quod dictum verissimè non inficiabitur, cujus dictionem sic demum multiplex ac interior formârit eruditio, ut nare jam queat sine cortice, quod ajunt. *Eloquentia* verò quum sit una quædam de summis virtutibus, tamen quò major in ea vis, hoc magis est *probitatis justitiæque ac veracitatis* jungenda: quarum virtutum expertibus si dicendi copiam tradiderimus, non eos qui-

dem oratores effecerimus; sed furentibus arma dederimus.

XI. Hinc & has quarto loco inter virtutes Legati numero. Μὴ διατρέμμεθα δὲ, ἀλλ' ἐπὶ πάσῃς ὁρμῇ τὸ δίκαιον ἀποδιδόναι, inquit *Plutarchus*. Quando neque *Hesperus*, neque *Lucifer* ita nitent, sicut iustus vir, ut dixit *Euripides*; completaturque una iustitia omnes virtutes, Auctore *Theognide*. Absit itaque à Legatis omnis injuria, quâ vel eos, per quos transeundum, gravibus oneribus, latrociniiis, rapinis infestent; vel eos, ad quos mittuntur, criminibus probrisque infestentur, aut ambitu, corruptionibus, aliisque illicitis remediis, sicuti illius perfidi *Jugurthæ* Legati Romæ fecerunt, in suas partes pertrahant. Vix enim est, ut, ubi talibus Legatis utitur Princeps, publica mala effugiat. Absint, quibus fluxa mendacio fides & corrumpens veritatem adulatio. Malo hos, quibus τὴν σκάνην σκάνην appellare mos est. Hac enim ab una virtute maxima rerum momenta pendent. Nihil morum elegantia aut ingenium illustre valent, cæteræve virtutes, quas obfuscat mendaciter loquendi licentia.

XII. Quinto doctrinâ & variarum rerum notitiâ antecellere debent Legati. Scientia enim perficit animam; anima autem citra scientiam veluti caput sine cerebro dici potest. At, quid si tale ad finitimos Reges mitteretur? neque verò modicam aut vulgarem in Legatis desidero: sed perfectam, qualis per indefessa studia acquiritur, exquisitam, & vulgi scientiam supergredientem: ne, si forte nil nisi unum alterumve *Virgilij* aut *Homeri* versum, aut quædam sophismata Philosophica memoriâ teneant, ipsis accidat, quod jam quondam *Christophoro* Cardinali *Eboracensi*, viro exigui ingenii, sed multæ ambitionis. Cum enim, præsentibus *Reginaldo Polo* Cardinale & *Thomâ Moro* Angliæ Cancellario, versum *Homeri* laudare vellet, quem tamen memoriâ sibi excidisse dicebat, *Thomas Morus* ad *Reginaldum* conversus: ἵδεν πρὸς ἐπὶ, nihil ad rem, ut erat, dixit. Tum *Eboracensis*: Ipsissimus est; verum mihi exciderat. Quam ob rem magno his derisui fuit. Ita vilescet Legatorum dignitas, qui rudes & nullâ bonarum artium cognitione præditi sunt, rerumque agendarum ignari. Præcipuam autem eruditio-

ditionis partem, Legatis valde utilem, facio *Historiarum cognitionem & linguarum exoticarum notitiam*. Nam, ait *Polybius lib. 1.* ἀληθινωτάτη παιδεία καὶ γυμνασία πρὸς τὰς πολιτικὰς πράξεις ἢ ἐκ τῆς ἰσορίας μάθησις. Legatos turpe est pueros esse: pueri autem erunt, nisi in hac Historiarum Schola illuminati, hac ambrosia innutriti fuerint. Hinc Ægyptii Græcos dicebant semper pueros esse: cum semper juvenis sit animus, in quo nulla est ex vetustatis commemoratione prisca opinio, nulla cana scientia. Ingredere, Legate, Historiarum tuarum Theatrum; cernes hîc, quàm varii casus humanæ sortis, quàm stupendæ vicissitudines, quàm sæpe optima consilia destituerit eventus, pessimis faverit: dabitur tibi, quod possis in tua Legatione imitari, quod fugere. Non sine causa igitur malleus ille Africæ & Annibalis depulsor Scipio Xenophontem nunquam de manibus posuit, cum à lectione ejus discesserit nunquam quin melior, prudentior, acutior, fortior evaderet. Addidi & linguarum notitiam. Quo fine Themistocles Persicum sermonem & Mithridates duarum & viginti gentium, quæ sub regno ejus erant, linguas addidicit, ut eos, quibus imperabat, sine Interprete alloqui posset. *Valer. Maxim. lib. 8. cap. 7.* Longinquæ enim Legatis adeundæ Provinciæ: & in iplis Principum aulis qui nil nisi vernaculam strepunt ludibrio habentur.

XIII. Sexto quoque *senectutem* requiro; non tamen simpliciter & absolute. Nam est quidem illa ætas animæ propria, moribus item bonis proinde dulcior, consiliis paratior promptiorque: ad minarum autem terriculamenta constanter, ac inconnivens prorsum: libidinum verò incentivis retundendis multum firmior. Et, ut scribit *Xenophon*, sicut incipientes citharædi multas citharas corrumpunt; ita juvenes gubernatores Rempublicam evertunt. Egregiè *Lycosthenes* in *Apophthegm.* *Quemadmodum novella vitis copiosius gignit vinum: ita plura loquuntur juvenes, sed utiliora senes. Senes nempe prudentiâ suâ Respublicas gubernant, & labefactas erigunt ac restitunt.* Inest tamen & juvenibus aliquis ingenii vigor, & sæpe supra senes: his præsertim, quos intentos in honesta

Zzz zzz ;

flu-

studia ipsa etiam natura ad magnam spem effinxit. Tales ad te missos, licet juvenes, noli contemnere Princeps: ne fortè tibi eveniat, quod quondam Rudolpho Imperatori, cum, ad eum missis Venetorum Legatis, juvenibus quidem, sed multæ prudentiæ, obliquè perstrinxisset Rempublicam Venetam, quoddam imberbes ad se Legatos misisset. Tunc enim respondit Senatus: *si barbato mittere voluissent, capros utique huic officio delegissent.* Quapropter, uti illos ob singularem variarum rerum experienciâ Legationibus obeundis aptissimos crediderim (unde & *πρωτοβουλός* Græci vocarunt Legatos, à *πρωτός* senex) ita nec hos aliquando mittendos abnuerim.

XIV. Septimò, insignem curam habeant Legati *temperantia & moderationis.* Ea in tribus rebus consistit: 1. in sobrietate circa cibum & potum; &, quæ ex abundantia horum sequitur, libidinis. 2. in abstinencia à pecunia. 3. in moderatione animi. *Blandum malum luxuria, quam accusare aliquando facilius est, quam vitare,* ait Valerius Maximus lib. 9. cap. 1. Vitent tamen Legati summo studio, moderenturque ventris fræna, ne fortè effusæ libidinis tale pretium ferant, quod illi ad Amyntam Regem Macedonum missi Persæ. Ubi enim illi incaluere vino, jamque & Veneris stimulis agitantur, adduci pulcherrimas de Regio sanguine filias quasi jure suo postularunt. Alexander, Amyntæ filius, stultæ petitioni insensus, egregia fraude Legatos elusit. Conquisita enim robora juvenum muliebribus vestibus induit, conditis sub iis gladiis. Legati, jam stupra ganeasque meditantes, pro virginibus sortes viros, pro pelli-
cibus interfectores suos & perniciem habuere. Quid ergò hoc vitio fœdus, quid etiam damnosius, quo virtus atteritur, sopita gloria in infamiam convertitur, animique pariter & corporis vires expugnantur? vos itaque, quos Legatos suos esse voluit Respublica summoveat consilio ac ratione à pectoribus vestris furoris similes libidinis impetus. Quia demum (gravis est Valerij Maximi sententia lib. 4. cap. 3.) *si penates, ea civitas, id regnum aeterno in gradu facile steterit, ubi minimum virium Veneris pecuniaque cupido sibi vindicaverit.* Nam, quo ista generis humani certissima pestes penetraverint, ibi injuria do-
mina-

minatur, infamia flagrat, fides, probitas ceteraque bonæ artes subvertuntur. Hinc & frugalitas egregia Legatorum virtus, quam in Epaminonda, veluti in speculo depictam, habent. Celebrata jam olim à Veteribus mensa necessaria, quam tenuem & frugi volebant intelligi, & quæ naturæ modò expleret desideria, quamque ad panem & aquam Seneca produxit; ut nil sit necesse saliaribus distendi epulis, quarum gurgitibus & familia proluitur & pecunia, nec tantum vorare, quantum vix alterius diei nox percoquat: quando nil prorsus ita animum adobruit, ut oppletus venter atque exæstuans. Pecunia abstinentiam, vel potius non nimiam cupiditatem, Legatis suasi: quia nullum vitium est deterius scribit Cicero, quam avaritia, præsertim Rempublicam gubernantibus. Haberi enim questui Rempublicam non modò turpe est, sed etiam sceleratum & nefarium. Ea quasi venenis malis imbuta corpus animumque virile effeminat, semper infinita, insatiabilis est, neque copiâ neque inopiâ minuitur. Sallustius. Gravius quidam apud Gell. lib. 3. c. 1. Noct. Attic. Quos avaritia minuit & corrumpit, quique sese in quarenda undique pecunia dederunt, eos plerosque tali genere vita occupatos videmus, ut, sicut alia in hiis omnia præ pecunia, ita labor quoque virilis exercendique corporis studium relictum sit: negotiis sæpe plerumque umbraticis & sellulariis questibus intentos habent, in quibus omnis eorum vigor animi corporisque elanguescit. At muneri Legationum, quo nullum honorificentius, quis tam projecti animi homines præficeret, aut, salvâ Reipublicæ Majestate, præficere posset? Egregium abstinentiæ exemplum est in Q. Fabio Gurgite, Cn. Fabiis Pictoribus & Q. Ogubrio, qui Legati ad Ptolemæum Regem Ægypti missi, munera, quæ ab eo privatim acceperant, in ærarium, & quidem prius quàm ad Senatum de Legatione referrent, detulerunt. Cùm verò etiam ad cœnam invitatis aureæ coronæ mitterentur, eas illi honoris causâ acceptas postera die statuis Regis imposuerunt. Valerius Maximus lib. 4. c. 3. Justin. lib. 18. cap. 2. Ego sanè, uti nimia illa, & quibus animus sæpe & Reipublicæ salus tentatur, munera exulare velim à Legatorum manibus: ita honoris causâ, qui non facillè spernendus, ubi à Regibus exhibetur, oblata accipere non vetuerim. Tertiam, quæ

quæ & saluberrima laudisque quæstu opulentissima, continentia partem feci *animi moderationem*. Eam scilicet, quæ mentes nostras impotenti temeritatis incurfu transversas ferri non patitur. Quæ animi moderatio quoque suadet, ut, si quando privatim personæ ad Legationem missæ dissensu sive æmulatione sive etiam gravibus testatque inimiciis inter se contenderunt, suscepta Legatione vel omnino ea omnia omittant, vel saltem ad tempus suspendant, bonum publicum privatis inimiciis anteponentes. Ubi enim talibus vitiis laborat Legatio, nil uspiam sani, resque plerumque caret eventum.

XV. Octavum, quod in Legato requiro, est, ut *sit fortis, laborum tolerans, moribus gravis*, aptus simul & civilibus & militiæ muneribus obeundis, animoque & corpore validus, quod invia itinerum salebrosoque viarum, & alra montium, quæ sola virtuti & tolerantia pervia (omnia enim laboribus Dii vendunt, dixit *Epicharmus*) possit superare. Conflitandum enim sæpe Legatis cum insensu latrocinio itineribus, sordidisque tempestate, & sæpe naufragii pericula adeunda. Unde tunc solatium, nisi à fortitudine mutantur? Contra, qui imbelles omnisque experientia expertes, ad subita illa discriminum pavidos prius Patriæ desiderium occupat, quam ex eorum Legatione fructum ceperit Respublica. Morum gravitas præter insignem corporis membrorumque speciem, loquendi agendive etiam libertatem comprehendit. Egregium ejus rei specimen in Popilio. Cum enim Antiochus Syriæ Rex Alexandriam Ægypti obsideret, missus ad eum Legatus C. Popilius, qui abstinere eum Ægypto; aut, si jam incessisset, excedere juberet. Cùm in Ægypto eum invenisset, osculumque ei Rex obtulisset, (nam coluerat inter cæteros Popilium Antiochus, cùm Romæ obses esset,) tunc Popilius facessere interim privatam amicitiam jubet, dum mandata Patriæ intercederent; prolatoque Senatus decreto & tradito, cùm cunctari Regem videret, consultationemque ad amicos referre: ibi Popilius virgâ, quam in manu gerebat, amplo circulo inclusum non prius inde exire jussit, quam responsum Senatui daret, aut pacem aut bellum

lum cum Romanis habiturum. Adeoque hæc asperitas animi Regis fregit, ut paritulum se Senatui responderet. *Justin. lib. 34. cap. 3.* Tam efficax fuit animi sermonisque abscissa gravitas! Q. olim Fabius, à Populo Rom. missus Carthaginem paciscendi causâ; verum, cum nullus modus utrisque commodus ad concordiam patefceret, duo pignora, alterum pacis, alterum belli, quasi è sinu, obtulit, ut alterutrum sumerent. Sic tandem belli consilium sedit, referente *Livio*. Inutile foret, eo negotiorum situ momenta rerum frivolis & non nisi ad moram compositis propositionibus terere, ne, quod quondam Dionysii tyranni Legatis, tibi usu veniat. Missi enim Syracusas, pacis conciliandæ causâ, à Dione summo Exercitus Duce distinebantur diversis mediis, nullâ certitudine, donec collapsum murum, unde aditus hosti patebat, reficerent. Unde audaciâ elati non prius se in ulla pacis conditiones cum Dionysio ituros responderunt, quam, depositis regni insignibus, pristinum statum reciperet.

XVI. Nonò, Legatos vellem genere nobiles & præcipuarum in Republica familiarum, amplisque usos honoribus, notos vel per Majorum vel per sua decora. Magnificum enim est, quo funguntur, officium, eoque nec mandandum promiscuæ plebi, ne muneris sanctitas obfusceretur personarum utilitate.

XVII. Decimò, in actionibus sint circumspecti, nec nimium contumaces nec in servilem adulationem soluti; sed media via incedentes. Non enim omnibus Popilliana illa libertas successerit. Quibus verò proclivis est in assentationes animus, simulatione & quodam obsequio capti Dominos quoque suos, nihil verum aut exactum referentes, pessimâ simplicitate decipiunt. Et hanc virtutem *Prudentiam* communiter Politici appellant; quæ tamen ubi virtute destituitur, calliditas potius est & malitia, ait *Lipsius lib. 1. Polit. cap. 1. n. 5.* Et tantum de virtutibus, quæ in Legati persona requiruntur, satis. Jam ipsum Legationum jus propriè introspeciamus.

XVIII. Jus Legationum non à jure Naturæ profluere, sed juris esse Gentium voluntarii, ex his, quæ Theſ. V. diximus, patet, firmaturque insuper ratione & consensu omnium penè Scriptorum. 1. quia naturà nobis est æqualis cum omnibus amicitia: Ergò, quæ pactis initur, non est à natura; eoque nec Legatorum jus, quod hujus rei gratià institutum est, à jure Naturæ fluit. 2. à Natura est, ut omnes homines sint inviolabiles. At, qui Legatos inviolabiles asserit, præsupponit, extra Legatorum personas quosdam homines non esse ita inviolabiles. Non ergò jus Legatorum à jure Naturæ est. Verum consuetudine diversarum gentium & necessitate inductum, longoque usu probatum. Hinc est, quod apud omnes Populos tantus habeatur honos Legatis, tanta reverentia, nomenque ipsum sanctum. Et vox ipsa *Sanctum* à sagminibus, herbis quibusdam, quas Legati Populi Rom, ferre solebant, ut argumento essent, eos Legatos esse, eoque inviolabiles, derivat *Marcianus Ictus* in lib. 8. ff. de rer. divis. Ipsaque illa herba Græcis *ἁποβόταν* dicitur, teste *Plin. lib. 22. cap. 2. & lib. 25. cap. 9.* de ritu ipso vide *Livium lib. 1. Legatorum nomen*, ait *Cæsar lib. 3. de bell. Gall. cap. 9. ad omnes nationes sanctum inviolatumque semper fuit; & ejusmodi esse debet, quod non modò inter sociorum jura, sed etiam inter hostium tela incolume versetur. Cicer. Verrin. 3.* Hinc justa & acerba illa Hannonis querela apud *Livium lib. 21. Legatos ab sociis & pro sociis venientes bonus Imperator vester in castra non admisit: jus gentium sustulit.* Quæ igitur Legatorum dignitas, quoque nitatur jure, ex his manifestum est.

XIX. Jus Legatos mittendi audiendique sive recipiendi, sic ut & multa alia, quæ gentium voluntaria consuetudine sunt inducta, inter jura Majestatis, quæ Regalia recentior ætas interdum vocat, numerant Politici, & omni ætate ad eos pertinuisse constat, qui summo in Republicâ Imperio gaudent. Unde liquet, eos, qui vel alterius Civitatis, vel ejus, ad quam mittunt Legatos, subditi sunt, de jure hoc non participare. Licet enim *Justin. lib. 12. cap. 10. devictarum gentium ad Alexandrum Magnum nuncios Legatorum nomine*

nomine indigitet; improprie id tamen facit, & suo more, non agens Philosophum, sed oratorem. Devicti enim, uti omnia reliqua jura in victorem transmittunt, ita & hoc, de quo agimus. Ex quo etiam id patet, non admodum proprie eundem *lib. 18. cap. 7.* exulibus Carthaginiensium militibus *Legatorum* nomen imposuisse. Quod attinet ad eos, qui impari junguntur fœdere: quale est id, quod ex ipsa vi pactionis manentem prælationem quandam alteri, qui Superior in fœdere vocatur, donat, ut reverentiam, protectionem, & alia honoris insignia: sanè, cum tali fœderi annexi nihilominus summum Imperium omniaque ejus jura retineant, ut prolixè probat *Grotius lib. 1. de jur. bell. & pac. cap. 3. §. 21.* facile constat, etiam Legatos mittendi jus ad illos pertinere; cum sit pars summi Imperii. Vbi Majestas Imperii est dubia, utramque partem jus hoc sibi sumere posse, ob emerfura incommoda, si contrarium statueretur, vult *Grotius lib. 2. de jur. bell. & pac. cap. 18. §. 2.* Neque tamen huc pertinet, quod in bello Civili Catilinario C. Manlius, Catilinariorum partium, ex suo numero Legatos ad Q. Martium Regem misit, *Sallust. p. m. 91.* aliàs passim in Historiis Romanorum legimus à Cinna ad Sullam, à Pompejo ad Cæsarem, ab Octavio ad Antonium, à Vitellianis ad Flavianos missos Legatos, & vice versâ. Piratæ & latrones, sicut non faciunt Civitatem, nec ulla jura civilia, aut quæ ex gentium consensu oriuntur, participant; (nam capta à Latronibus capientium non fiunt, ideòque nec eæ res postliminio gaudent, *l. postliminio, §. à piratis ff. de capt.* neque de victis triumphatur, ne dignitas triumphi piraticâ inscriptione violaretur, ut de servili bello dixit *Flor. lib. 3.* ita nec jure Legatos mittendi frui possunt. Differentia tamen magna est inter eos, qui, cum Populus non sint, latrociniorum exercendorum causâ coeunt; & inter totam gentem, ut olim erant Illyrii, Garamantes. *Tacit. Hist. lib. 4. Catti.* Idem *lib. 12. Annal. Venedi;* vel Regem, qui summum Imperium tenet, qualis fuit Philippus Macedo. *Justin. lib. 8. cap. 3.* Hi enim, quamvis piraticam agant, & latrociniiis infestent finitimos, jus tamen Legatos mittendi,

sicut illi, haftenus non amittunt. Gentes enim nihilominus & Reges sunt. Sicuti enim corpus morbidum corpus tamen est; ita & civitas, quanquam graviter ægrota, civitas est, quamdiu manent Leges, manent judicia, & quæ alia necessaria sunt, ut ibi jus exteri consequi possint, non minus quam privati inter se; quæ gravis est Grotii, quem jam sæpius adduximus, sententia d. l. 2. c. 3. §. 2. Audiendi Legatos jus penes eum esse, qui summam in Republica potestatem habet, tum ratione; quia, cujus est mittere, ejusdem etiam erit recipere Legatos, & quod res, ob quam mittuntur, Rempublicam attineant, adeoque ab eo judicandæ sint, qui summâ potestate præditus est; tum exemplis manifestum est. Audiuntur tamen & ab iis, quibus Respublica ejus rei potestatem commisit: ut Legatis militaribus. *Vellejus Paterculus lib. 2. cap. 29.* ait: ad Sullam, primum omnium Romanorum, Legatos Parthorum venisse.

XX. De hisce ad privilegia, quibus juris Gentium beneficio gaudent Legati, flectamus; rem paucis, quantum quidem illustris materię amplitudo patitur, expedituri. Duo sunt, quæ Legatis ab eo, ad quem mittuntur, debentur: prius, ut admittantur; posterius, ne violentur. Romanâ Sapientiâ in more positum erat, ut exterorum Legati, priusquam admitterentur, eorumque causâ adventûs coram Senatu expenderetur, in Græcostasi manerent, qui locus fuit à Comitio euntibus ad dextram Rostrorum. *Marlian. lib. 3. cap. 26. Varro lib. 4. de L. L. Plin. lib. 33. c. 2.* Hinc quoque apud *Livium lib. 25. & 29.* simpliciter in Comitio steterisse dicuntur Legati. Proinde apud *Josephum lib. 13. Antiquit. Jud. cap. 37.* pro κομπίω levi apicum divulsione, κομπίω legendum esse rectè judicavit *Briffon. lib. 2. de Formul.* Exterarum itaque nationum Legati, Romam venientes, antequam mandata sua exponerent, sibi Senatum dari petierunt, sicuti passim rerum Romanarum Scriptores memorant. Et his quidem, qui ab Amicis venerant datus in Urbe Senatus: οἱ δὲ ἐκ τῶν πολεμίων, οἷς ἰδοὺ ἰσὺν, ἔξω τευχῶν ἐσάδμουον. *Appian. in Ἰβερικῇ* Non enim omnes absque discrimine admittere cogitur Civitas. Multos in Historiis legimus ne intra fines quidem

quidem intromissos: alios verò Urbe pulsos, ut Persei Regis & aliquando Ætolorum Româ, teste Livio. Unde, iure gentium id licere, manifestum. Sed non nisi ubi iusta causa id facere suadet. Facimus autem triplicem rejectionis causam: 1. in eo, qui mittit Legatos, 2. in iis, qui mittuntur, 3. in re, ob quam mittuntur. Sic initio primi belli Peloponnesiaci, cum jam omnia ad prælium essent parata ab utraque parte, Lacedæmonii Legatum incundis pacis conditionibus Athenas miserunt. Sed Athenienses, concitati à Pericle, eum nec in urbem nec in concionem admitterunt, causari, quòd ab hoste armato venisset. *Thucyd.* l. 3. quam ramen *πρόσσω* potius fuisse existimem: veram autem hujus repulsæ causam ingens Atheniensium in Spartanos odium; cum & ipsi Athenienses, jam locis aucti, milites in armis, classem in littore habuerint: jamque quasi hostes Spartanos vocarint ad pugnam.

XXI. Quod ad secundam rejectionis causam, excellentes, ut jam supra prædiximus, in Legati persona virtutes requiruntur, animique multis studiis & historiarum lectione, quibus plurimum prudentiæ sibi comparare possunt, huic quasi officio assueti, ne propter suam pravitatem aut incuriam infectâ re domum redire cogantur, aut etiam multas calamitates in Civitatem suam invehant. Vnde id huc adjicio, ut ad rem aliquatenus pertinens, quod admonendos Legatos *Bodin* censet *lib. 5. de Republ. cap. 6.* ne securitate publicâ Legationis specie abutantur, nève Principum ac Populorum Majestatem verborum arrogantiam violare sibi fas esse putent. Nec enim omnibus fortassis integrum aut impune erit, eam, audaciam dicam an temeritatem, usurpare, quâ Populorum Romanorum Legatum usum fuisse supra memoravimus. Multis accidit, vel ob ignobilitatem, vel ob malam famam, vel ob scelera, vel alia de causa publicitus invisus, ut intra fines territorii non admitterentur, vel saltem intra legitimos dies hinc excedere juberentur. Quantum inde in Rempubl. cam dedecus! Magni itaque momenti, quæ de Legatis eligendis suscipitur, deliberatio. Hoc loco solet & illud quæri: *an admissioni obstat, si Legatus ritus*

Aaaa aaa ;

quos-

quosdam, eo loci, quò mittitur, usitatos observare nolit? Ismeniae Thebani factum, ut sapiens, à Græcis plerumque laudatur. Legatione fungebatur is pro patria ad Persarum Regem. Eò ubi ventum, ut admitteretur, enixius operam dabat. Tithraustes erat militum Tribunus simul & admissionum magister, qui ad Ismeniam intuens ac renidens vultu, per Interpretem, nobis, inquit, *Hospes, Patria Lex est, ut Regis congressum affectans non prius consabulandi fiat compos, quàm illi cultum exhibeat adorationis.* Quodd si per te ipsum grata tibi functio est, opportunum accommodumque est jam, te Legi satisfacere: id si recusas, meâ licet operâ utare: & tibi, etiamsi adorationem aspernâre, negotium omne effectum dabo. Ille adnuens ubi ad conspectum Regis perventum, mox annulum detractum ad suos clam projecit pedes: eundemque celeriter adorantis specie proclinator arripuit: atque ita consilii vafricitâ & Regi satisfacere est visus, & suæ gentis instituta transgressus minimè est, dedecus ejusmodi aliàs haudquaquam laturæ. Quo factum, ut omnium abiret compos, quorum nomine venerat Legatus. Hactenus *Cal. Rhod. lib. 11. Lect. Antiq. cap. 28.* Huic ego dubitationi distinctione aliquâ subveniam. Instituta Populorum, quibus ab aliis differunt, vel sunt levis, vel magni, vel maximi momenti. Quoad primum genus, periti Legati est, Romæ Romano more vivere, locorumque consuetudines pro Patriis captare. In altero ordine, si talia sint instituta, ut à more gentico Legatorum aliquid quidem discedant, salvâ tamen conscientia possint suscipi, simulandum dissimulandumque cum Ismenia; sed leviter: si præsertim tantum intersit Reipublicæ, ut hac una dissimulatiuncula ejus summa utilitas vertatur. Ita enim sunt Dominantium ingenia, ut Majestatem suam sperni credant, ubi talia floccipenduntur. Legati itaque eo temporis articulo, ut ad effectum consiliorum suorum veniant, multa simulent oportet inviti. *οἱ μεταίως χρώμενοι*, inquit *Aristoteles lib. 4. Ethic. cap. 7.* τῇ εἰρωνείᾳ, καὶ περὶ τὰ μὴ λίσσιν ὑποδοῦν καὶ παντὶ ἐπαυδόμενοι, χαρίεντες φαίνονται. Maximi momenti instituta intelligo, quando Sacris & Religione differimus. Hic absit simulatio, nisi velis iratum experiri Deum, cujus illuditur numen.

numen. Præstat infectâ re rediisse quàm Divinam Majestatem læsisse: Deo enim magis obedire oportet, quam hominibus.

XXII. Tertium, ut diximus, admissionis obstaculum est in causâ mittendi Legatos: ubi illa vel suspecta est, vel fraudibus involuta, vel non ex dignitate vel tempori non conveniens. Sic Alexandri Magni Legatio ad Tyrios meritorè potuisset non admitti, cum eo remedio usus Alexander ad defectionem concitare voluerit cives: & Gibeonitarum Legatos Josua potuisset rejicere, ut fraudibus agentes: sicuti Themistoclem quoque Atheniensium Oratorem Lacedæmonii, quoddum moras nectebat, tanquam socios muneris expectaret, tempus muniendæ patriæ urbi traheret. Magnâ iis casibus prudentiâ opus est & oculis in omnia intentis. Unde Athenienses industriè caverunt, ne Xerxis emissarii cæterorum Græcorum fœderibus accederent, aut cum quocumque, dum apud ipsos commorarentur, sermones caderent. Et tantum de primo Legatorum privilegio, nempe admissione, dixisse sufficiat.

XXIII. Alterum, quod jure Gentium Legatis conceditur, est privilegium, ut non violentur. Quo honore Gentes Legatorum Majestatem ultra privatum modum extollere voluerunt, ne scilicet, Legatorum & literarum missione inter hostes sublatâ, omne commercium paciscendi intercederet, omnisque via ad pacis condiciones concipiendas intercluderetur. Unde *sancta Legatorum corpora* nominat Varro lib. 3. de LL. & Aſconius Padian. ad Orat. 3. Ciceronis in Verrem: *Legatorum in fœderibus faciundis, vel legibus pacis bellicque dicendis sancta corpora jure Gentium atque inviolata servantur.* Germanicus ad milites apud Tacitum lib. 1. Annal. cap. 42. *Hostium quoque jus & sacra Legationis & fas Gentium rupistis.* Et lib. 3. Hist. cap. 80. *sacrum etiam inter exterarum gentium Legatorum jus vocatur.* Quapropter Scipio Africanus, ille qui vitam adeo dignissimam egit, ut nullius ad id temporis, præterquam avito, fulgore vinceretur, teste Vellej. Patercul. lib. 2. cum onustam multis & illustribus Carthaginensibus viris navem in suam potestatem redegisset, inviolatam dimisit, quia se
Legat-

Legatos ad eum missos dicebant; tamen si manifestum erat, illos virandi præsantis periculi gratiâ falsum Legationis nomen amplexos fuisse. *Valer. Maxim. lib. 6. cap. 6.* Fuere tamen, ut olim, sic & nostrâ memoriâ, qui, exutâ penè humanitate, Legatorum corpora ad exitium usque temerârunt. Sic Tyrii Alexandri Magni Caduceatores, qui ad pacem eos compellerent, missos contra jus Gentium in altum præcipitaverunt. *Curtius lib. 4. cap. 2.* Et Achilles Dioscoridem & Serapionem Cæsaris Legatos, priusquam in conspectum ejus venissent, aut, cujus rei causâ missi essent, cognosceret, corripui ac interfici jussit. *Cæsar. lib. 3. bull. Civ.* Quem tamen fœditate longè & perfidia superavit Helena Russorum Regina: cujus nuptias cùm Rex Prutenorum peteret, ipsa Legatos viventes ac spirantes terrâ obrui jussit; ac priusquam ad Prutenos fama perveniret, digniores Legatos ad se mitti petiit, quod cùm obtinuisset, gentis quinquaginta Principes, ac summæ inter ipsos autoritatis, ad se missos uno cremari incendio mandavit. Post etiam pactum matrimonium, convivii specie, hostium quinque milia, quos inebriari curaverat, trucidari jussit: postremò se ipsam aquarum voragini immisit, referente *Bodin. lib. 5. de Rep. cap. 6.* Dignum Russicâ sævitiâ exemplum, si modò in hostes perpetratum. Amicos amicitiamque quærentes ita per injuriam opprimere, non modò contra jus gentium, sed ab ipso etiam homine alienum est: eoque minùs excusari potest, quòd totiens initis pactis, totiens interpositâ securitate datâque fide, dolos nihilominus paraverit, & contra jus hospitale Gentis alterius Proceresè medio sustulerit. Justas ideoque & violati juris & tantorum cædis virorum pœnas, in suamet necem miserrimè versa, dedit: qualia etiam aliis sive Principibus sive Nationibus, idem ausis, accidisse constat. Quot enim Civitatum everSIONES in Legatos commissa perfidia & juris Gentium violatio pepererit, id exemplis numero quam multis docent Historiarum monumenta. Corinthum certè idèd à Romanis everSAM, quòd Legati Romanorum à civibus durius appellati fuissent, *Cicero refert orat. L. pro L. Manilia.* Idemque eo nomine Ro-

ne Romanos horratur, ut Pompejum eligant Imperatorem adversus Mithridatem, à quo Legati Romani, qui inter hostes incolumes esse debuerunt, fuissent occisi. Sed & Illyricis bellum aliquando indictum legimus propter unum ex Legatis, quem Romani ad eos miserunt, occisum, apud *Livium epit.* 20. Et *Suidas* adnotavit, Lacones pestilentia conflatos, quòd Xerxis Persarum Regis Legatos, aquam & ignem postulantes, urbe expulissent, & Civium aliquem, qui Regi parere suaserat, lapidibus obruissent. Ita talium perpetratores, ut maxumè facinorosos, meritò ultione Deus prosequitur. Quid enim usquam tutum, ubi tanta scelera impune habentur? Quà ratione diversæ gentes in mutua fœdera amicitiarumque jura coalescere poterunt, ubi modi, quibus id fiat, iis adimuntur? Verùm & illis, qui Legatione obitâ interissent, non vulgares honores Civiles Leges constituerunt. His enim in antiqua Republica Romana statuæ in publico erigebantur, ut per interitum in honorem æternum viverent. Sic enim quatuor illorum Legatorum, quos Lars Tolumnius Rex Vejentium interemerat, statuas in Rostris longo pòst tempore stetisse, *Cicero* testatur in *Philipp.* 9. non secus ac si in acie mortui fuissent aut pro Republica cecidissent: tales enim in perpetuum per gloriam vivere intelliguntur. §. *filij autem, Instit. de Excusat. Tutor.*

XXIV. Quamvis autem in violatione Legatorum nulla satis justa causa ad sceleris patrocinia prætexi possit: sunt tamen quidam casus, quibus non quidem violari Legati, finibus tamen excedere juberi, aut apud mittentes de illata injuria conveniri possunt. Legati enim civili jure Populi, apud quem vivunt, non tenentur, eoque nec pœnæ ab iis exigi queunt. Tales autem causæ sunt, 1. Si Legati Populum ad quem mittuntur, ad defectionem concitent. Sic Pelopidas, cùm Thessalam in Thebanorum potestatem vellet redigere, eique fini Populum ad spem libertatis erigeret, Legationisque se jure satis tutum arbitraretur, quod apud omnes gentes sanctum esse consueisset, ab Alexandro Pheræo Tyranno simul cum Ismenia comprehensus ac in vincula conjectus est. *Plutarchus & Cornelius Nepos in ejus*

vita. Ita quoq; *Justin. lib. 36. c. 1.* scribit, Legatos Romanor. ad Achæos missos occulta mandata accepisse, ut corpus Achæorum dissolverent, singulasq; urbes proprii juris facerent, quo facilius ad obsequia cogerentur; & si qui contumaces essent frangerentur. Tales, ut pestes, optimo jure posse remitti, naturalis etiam ratio suadet. Singulæ enim Civitates salutem suæ societatis discupunt, & circa eam conservandam omni studio occupantur: cui studio tamen hi diffidentiae & seditionum concitatores quam maxumè officunt, 2. quod si vim armatam intenter Legatus, sanè occidi poterit, non per modum poenæ; sed per modum naturalis defensionis. Tertius casus est stuprum illustrium personarum. Theodatus Gothorum Rex ad Justiniani Legatos apud *Procop. lib. 1. Goth. κτεῖναι ἀνδρα προσβυτην ἐν δίκῳ νομιμασίῳ ἄνθρωποι, ὅταν ἢ εἰς Βασιλίᾳ ὑβρίσας φαίνται, ἢ γυναικὸς ἄλλῃ ἑυσεκίᾳ εἰς ἐνὴν ἔλθοι.* ita existimant homines, fas esse vel interficere Legatum, si is in Principem, ad quem mittitur, sit injuriosus, aut alienum matrimonium violet. De Legatis Persarum ad Amyntam Macedonem, supra memoravimus, qui non reverenter habitæ pudicitiae Nobilium foeminarum apud suum Regem accusari potuissent; vix autem, ut in crimine non perfecto tam crudeliter ad necem dari. 4. si pecuniâ Primores Civitatis, ad quam mittuntur, corrumpunt. Quod Jugurthæ Legatos Romæ fecisse, indicat *Flor. lib. 3. cap. 1.* Et *Sallust. in bello Jugurth.* his verbis: *Ubi Romam Legati venere, & ex praecepto Regis hospitibus aliisque quorum eâ tempestate in Senatu auctoritas pollebat, magna munera misere: tanta commutatio incescit, ut ex maxuma invidia in gratiam & favorem Nobilitatis Jugurtha veniret: quorum pars spe, alij premio induci, singulos ex Senatu ambiundo nitebantur, ne quid gravius in eum consuleretur.* Cyneas tamen Romam cum ingentibus à Pyrrhodonis missus, neminem cujus domus muneribus pateret, invenit. Egregio in posteritatem exemplo. Utile enim, ut remittantur tales cum suis muneribus, ne, ubi semel iis capti Primores vel Populus, ipsam cum libertate Rempublicam evertant. Noxiæ res sunt maloque gentium in medium proditæ; cumq; plurimum, ubi magni momenti deliberationes suscipiuntur. Verum enim verò, utrum eorum Legatos violare impunè

impunè liceat, qui tempore missionis hostilia fecerunt, sive etiam inducias ruperunt; qualia Ulpeteres & Tenchteros fecisse Plutarchus scribit in Casare, & ipse Cæsar lib. 4. bell. Gall. res est magni æque momenti. Morte sanè affici non possunt: quia, ut mox docetur, jus gentium non tam existimationi mittentis, quàm securitati missi, hoc privilegio providit. Retineri tamen ob utilitatem publicam possunt, ne secreta nostra prodant hostibus. Ego (liceat in re magna judicium ferre) quod Cato in Senatu censuit, Cæsarem barbaris tradendum ob Legatos eorum malè habitos, privato potius affectui, quàm studio observandi juris Gentium, tribuo. Non sufficit autem, ut pœnis ac verberibus in Legatos nil statuatur: verba quoque contumeliosa & probra ablint: multò minus ipsorum animi pecuniâ expugnentur. Quod callidissimum illum Numidam fecisse Florus scribit loc. cit. & Sallustius his verbis notat: Decretum sit, uti decem Legati Regnum, quod Micipsa obtinuerat, inter Jugurtham & Adherbalem dividerent. Cujus Legationis Princeps fuit L. Opimius, homo clarus, & tum in Senatu potens. Mox: Eum Jugurtha, tamen si Roma in amicum habuerat, tamen accuratissimè recepit: dando & pollicendo multa profecit, ut fama fidei, postremò omnibus suis rebus commodum Regi anteferebat. Reliquos Legatos eadem viâ aggressus, plerosque capit: paucis carior fides quàm pecunia fuit.

XXV. Quod autem de Legatorum personis hætenus statutum, de ipsorum quoque Comitibus & Ministris, uti etiam vasis & bonis mobilibus, intelligendum censeo; non tamen ita laxè, ut de ipsis Legatis. Quando itaque Comitibus Legatorum injuriâ quenquam ex iis, ad quos mittuntur, affecerint, postulari possunt apud Legatos. & hi, si atrocius sit crimen, ad deditionem coguntur. Reliqua fusiùs definit jam sæpius citatus Grotius de Jur. bell. & pac. c. 18. §. 8. 9 quem adeat Lector. Et tantum de privilegiis, quibus gaudent Legati apud eos, ad quos missi sunt.

XXVI. Illâ autem immunitate Legati non fruuntur, nisi apud eos, ad quos mittuntur; & quidem tum demum, ubi fuerint admissi. Posse enim repelli quoque, jam ante statutum à nobis est. Itaque jure illo Gentium observando

non tenentur, quibus nulla cum Legatis aut iis, qui eos miserant, hâc saltem parte, intercedit communio. Possunt itaque intercipi ab his aut repelli, si vel ad hostes eorum commeent, quemadmodum Annibalis ad Philippum Macedonem Legatos à Romanis captos legimus apud *Livium*: pericula enim multa obstant, tum & metus prodicionis, ne hostes, Legatorum animos perspectos sibi obnoxios habentes, simul adversarum partium secreta rimentur, quorum transeuntes Legati non possunt ferè esse ignari: vel ab hostibus eorum veniant, eandem ob causam: quin etiam ab iis interfici possunt, si hostilia moliantur, per Legem naturalis defensionis. Quòd si nihil horum fecerint Legati, ac nihilo tamen seciùs male habeantur, non quidem illud, de quo hic agimus, privilegium violatur; quia, uti jam definivimus, non nisi inter mittentem & admittentem intercedit: existimationi tamen mittentis vim inferri pro certo habendum; quæ etiam vel deditio violantium, vel armis poterit expiari: nullo enim scelere præcedente, infantes occidere nefas, ipsique etiam naturali æquitati contrarium est. Est & altera quæstio, huic vicina; *Utrum nempe jure rationis Legati ejus violari jure possint, qui simile quid patravit?* Et respondendo, ut jam ante, cum *Grotius*, jus Gentium non tantum cavere dignitati mittentis auxilio hujus privilegii; sed etiam securitati ejus, qui mittitur. Unde & personas Legatorum sacras vocari supra memoravimus. Quare, licet mittens poenam aliquam ex Jure Gentium fuisset meritis; parcendum tamen esset Legatorum sanctitati, ne scelera sceleribus expientur. Egregium & observantiæ Juris Gentium & reverentiæ fidei publicæ exemplum in Romanis, quod & *Grotius* adducit, extrat apud *Valer. Maxim. lib. 6. cap. 6.* Timens Amilcar, ne, quas Punicâ fraude Cornelio Afinae Carthaginenses injecerant catenas, iisdem ipse oneraretur, ire in Romanorum castra ad pacem petendam noluit. Anno autem, virtutis Romanorum certus, nihil tale timens, maximâ fiducia ad colloquium eorum terendit. Apud quos cum de belli fine ageret, & Tribunus ei dixisset: *posse illi merito evenire, quod Cornelio accidisset*; uterq; Consul, Tribuno tacere jullo; *istote*, inquit,

quit, metu, Anno, fides Civitatis nostra liberat. Quasi dicerent: vos, Pœni, quibus lubrica semper fides, eadem vos fraude perituros timeris, quâ alios impetitis. Sed fides Populi Romani quæ in jure Gentium rigidè observando tota versatur, ne id metuatis, efficit. Et hæc de privilegus Legatorum dicta pro modo artæ hujus Dissertationis sufficiunt.

XXVII. Quoniam verò ex omni delicto actio nascitur, quâ parti læsæ satisfiat, ob malè habitos Legatos idem evenire necesse est. Paucis itaque persequamur, quæ pœnæ in violatores Legatorum sint statuendæ, & quis sit exequendi eas modus. Vel privato ausu aliqui vim Legatorum personis, aut quæ circa eas, vim intulerunt; vel ipse, qui summâ potestate præditus est, extra casus supra adductos, sive per se sive per alios id perpetravit. Quoad priorem casum, ita omni ævo obtinuit, ut tales violatores in potestatem mittentis, uti pro justo & æquo de iis decernat, traderentur; vel saltem ab ipsis, ad quos mittuntur Legati, dignis pœnis afficerentur. Quapropter teste *Valer. Maxim. lib. 6. cap. 6.* M. Æmilio Lepido, C. Flaminio Coss. L. Minucium & L. Manlium Carthaginensium Legatis, quia manus his attulerunt, per Feciales Prætor ex SCTO dedendos curavit. Quod etiam Q. Fabio & Cn. Apronio Ædilibus, qui Legatos ab Urbe Apollonia Romam missos ortâ contentione pulsaverant, accidit. Posteriori casu, quia summam Potestatem habentis arbitrium nullius alterius regimini subest, eoque nec dedi, nec in judicio causâ ipsius agi potest: hinc factum, quod non tantum hoc, sed etiam priori loco, si privatos violatores Magistratus dedere recusaret, bello jus sum persequantur gentes. Et adeò refertæ sunt ejusmodi bellorum exemplis Historiæ tum Sacræ, (quale illud Davidis in Regem Ammonitarum susceptum, 2. *Sam.* 10. & 1. *Paralipom.* 20.) tum profanæ, ut qui omnia colligere cuperet, ei immensum excresceret opus.

XXVIII. Legatos necessariis sumptibus, tum pro itinere, tum in alias expensas, esse instruendos ab eo, qui summam Potestatem habet, utpote cujus, non suo, nomine id

muneris gerunt, haud sanè ambiguum. Antiquitus Legatis viaticum & aureus annulus de publico dabatur. Annullum quoque illum publicitus gerebant, eoque postea depositum, ferreo intra domos utebantur, ut Plinius memorat *lib. 33. Hist. Nat. cap. 1.* Sed hoc primis quidem Reipublicæ annis ita fuit observatum: quo tempore nemo præter Legatum aureos gestavit annulos: postea autem & Senatores habuerunt: à quibus ad Equites, & inde ad omnes ingenuos usus hic promanavit. Jure Civili dispositum est, ut, si Legatus in munere Legationis, antequam in Patriam revertatur, decesserit, sumptus, qui proficiscenti sunt dati, non restituerentur ærario: sed ad Legati hæredes transirent. *lib. 10. §. fin. ff. de Legation.*

XXIX. Id magis in controversia: *utrum Legatis ab iis, ad quos mittuntur, munera accipere liceat?* Commendavimus jam supra inter Legatorum virtutes etiam abstinentiam; avaritiam verò quam longissimè ab iis exulare debere diximus. Ostendimus etiam exemplo Jugurthæ, quoties per magnam auri vim, quam per speciem benevolentia obtulere Legatis exteri Principes, capti fuerint eorum animi; & uti, quam pro salute suæ Reipublicæ illibatam servare debuissent, aliorum muneribus corrupti fidem vendiderint. Id certum, ubi Legibus Civilibus, sicuti olim apud Corinthios & Athenienses; hodiè verò apud Venetos, teste Hermolao Barbaro, Legati munera capere prohibentur, non jam amplius liberum iis arbitrium circa ista permitti: sed patriarum potius Legum observatione teneri. Sunt aliqui adèd excelsi animi, ut ab hac continentia Regula ne latum quidem unguem recedant. Qui, uti eximiam laudem merentur, ita reliquis pro vitæ norma non sunt. Distinguenda, ut mihi videtur, sunt tempora Legationis, in id, quod est ante exposita mandata & expeditum officium Legationis; & in id, quod post rem bene gestam. Priori tempore omnia munera Legato repudianda existimo, cum vix facile fieri possit, quin talibus unguentis delibuto salus & auctoritas Patriæ vilescat. Malè verum examinat omnis corruptus Judex. Xenocrates, teste Laërtio, ad Antipatrum Legatio-

gatione functus, ut, qui ex Atheniensibus in bello Lamiaco capti essent, redderet, ab eo invitatus ad cœnam hisce verbis respondit :

Ὁ Κέρκη, τίς γάρ κεν ἀνὴρ, ὃς ἐναίσιμος εἴη,
πεῖν τλαίῃ πάσαις ἰδιότησιν ἢ ὅτι ποτὶς,
πεῖν λύσαιτο ἑτάροις καὶ ὀφθαλμοῖσιν ἰδῶς.

Quibus docet, non se prius cibum gustaturum, quàm quod petebat, impetrasset. Postea verò, ubi munus Legationis executus est, quin pro rebus prudenter ac feliciter gestis honorarium aliquod donum accipere ipsi liceat, non est quod controversetur: ita tamen, ut nihil salute Patriæ potius habeat. Romam certè vix Legatio veniebat ab exteris amicis, quin donis ac muneribus afficeretur. Ac ut plurimum, si plures essent Legati, in singulos munera binum millium æris decernebantur. *Briffon. lib. 2. de Formul. Antiq.* hodie summa non grandis. Ea tamen liberalitas aliquando in majus aucta est. Antiochi enim Regis Legato centum millium æris munus missum *Liv. lib. 42.* scribit.

XXX. Quid autem, si quid Legatis à Principibus, ad quos mittuntur, donatum fuerit? num proprium hoc ipsorum erit; an verò in ærarium Republicæ suæ publicum id cogentur conferre? Illi, quos supra retuli ad Ptolemæum Regem missos fuisse Legatos, munera, quæ ab eo privatim acceperant, in ærarium, & quidem prius quam ad Senatum de Legatione referrent, detulerunt: de publico scilicet ministerio nihil cuiquam, præter laudem bene administrati officii, accedere debere judicantes. Verùm attendenda hic æquitas Senatus, reddita enim sunt Legatis, quæ in ærarium reposuerant, eaque ipsis Quæstores promptè unicuique distribuerunt. *Valer. Maxim. lib. 4. cap. 3.* Et quanquam Legati in Legationis actu non privatas suas personas; sed Herum, à quo mittuntur, repræsentare videantur; (unde & his non secus atque Domino mittenti honor exhiberi solet) ideoque donationem illam Legationis contemplatione intervenisse quis putaret, & exinde mittenti restituendam, alii aliter sentiunt. quibus 1. argum. est à pari: Etsi enim quid donetur socio societa-

societatis occasione; quia tamen personæ, & non societati, facta est illa donatio, idcirco quod donatum fuit, soli donatario cedit, non verò societati: sicut è contr., si socius extra societatis contemplationem damnum fecisset, sibi id soli, non verò & societati, possit imputare. Injustum autem, damna ferre eum, cum præmia sint apud alios. 2. quia exploratum est, Legatos interdum sæva incurrere pericula; præsertim cum vel navigandum illis fuerit, vel per insidiosa loca eundum; aut si etiam ætate fessi sint. Ideòque remuneranda hæc eorum pericula & præmiis compensanda. In hac tamen re mentem donatoris perspectam habere oportet: utrum nimirum rem eam ipsis Legatis, an verò Principi mittenti donasse voluerit. Ita, quantum arctæ Dissertationis modus cepit, suscepti operis telam pertexui. Qui plura in hanc rem desiderarit, adeat Commentarios Alberici Gentilis, Varsevicii, Ærodi, Paschalii Kirchneri, Marselarii, aliorum. Mihi ea, quæ ipse ex Historiarum & bonorum Auctorum monumentis decerpssi, sufficiunt.



XXXVII.

DE

ORATIONIBUS
PRINCIPUM.

Postquam Respublica Romana ab exiguis primùm initus profecta eò potentia suæ terminos protulisset, ut ipsa tandem magnitudine labore occideret, non poruit etiam à communi illa rerum humanarum sorte quâ tam hominum quam urbium fata volvuntur eximia esse. Non hic prolixè causas investigare lubet, quibus vastissimo tunc temporis imperio tanta contigerit mutatio, quippe cum hanc operam jam pridem occupaverint illi, quorum inter illustres quos hæc ætas fert rerum civilium scriptores eminent nomina; ut adeò secundum amplissimam eorum messem, spicas colli-

colligere vix operæ pretium videatur. Illud saltem animadvertendum, postquam Senatui amplius sua non constabat autoritas, Populo nimîa libertate insolescente & majora sibi paulatim per vim arrogante, nactus esse occasionem, qui paullo elatiori erant animò dissolutæ adedò licentiæ clandestinis primùm consiliis insidiandi, donec tandem diversis distracta studiis ac voluntatibus Civitas, in se suaque viscera ferrum cœpit convertere. Tum demum plane ad Tyrannidem via facta, libertas de qua certabatur, conclamata, victorique in medio præmium constitutum servituræ civitatis dominatio. Ita nempe evenit, ut fatigata mutuis cædibus resp. tandem aliud discordiarum remedium non invenerit, quam ut *Senec. ep. 91.*
ab uno regeretur. Tacit. Ann. 2. 9. 11. conf. Flor. lib. 4. cap. 3. n. 7.

Igitur cuncta civilibus discordiis fessa nomine PRINCIPIS sub imperium accepit Augustus. *Tacit. Annual. 1. cap. 2.* Cum enim pristinae libertatis memoria civium adhuc exerceret animos, satius visum fuit eos adornatâ in speciem quadam libertatis umbrâ mitigare, dum facilioribus ingeniis imbuerentur, & indignantes mollior consuetudo permulceret. Idcirco & Pompejus si Cæsarem obtinisset, quamvis summum imperium vix depositurus crederetur, atramen potestatem illam aut Consulis aut Dictatoris ἢ τινὸς ἄλλης μαλακωτέρας ἀρχῆς παραιτούμενον τὸν δῆμον retenturus putabatur, referente *Plutarch. in Bruto p. m. 997. C.*

Ejusmodi igitur sibi titulum arrogabant, qui nec in libera adhuc Republica infrequens erat. Dicti enim non solum *Senatus Principes*, qui rerum gestarum magnitudine cæteris præferebantur: quo sensu *Vellej. lib. 2. cap. 43. n. 3.* Q. Catulum omnium confessione *Senatus Principem* fuisse, dicit: sed illi quoque, qui primi sententiam rogabantur, qui honos ipsis Censorum arbitrio deferebatur: vid. *Livium lib. 27. cap. 13. A. Gellium lib. 4. cap. 10. ibidemque animadvers. Philippi Caroli, Vopisc. in Aurel. & ibid. Casaubon. Zamos. de Senat. Rom. lib. 1, Tiraquell. ad Alex. ab Alex. lib. 4. cap. 11.* Placuit hoc nomine Imperatoribus potentiaæ suæ lenocinari, atque adedò qui magis populares videri volebant, id præcipuè adfectabant; De Augusto scribit *Dio lib. 53. pr.* Πρόκειτο τῆς γερσίας ἐπεκλιθεῖν, ὥσπερ ἐν τῇ ἀκρεβῆι δημοκρασίᾳ ἐννόμιστο. De Tiberio idem

CCCC CCC

auctor

autor est lib. 57. pag. 603. & de Pertinace lib. 73. pag. 839. Quò pertinet quod de Caligula in contrarium refert Sueton, in vit. cap. 49. Edixit & reverti se, sed in tantum, qui optarent, equestri ordini. & Populo, nam se neque civem neque Principem Senatui amplius fore. Auxit paullatim hæc nominis dignitas, dum progressu temporis Principes Optimi Maximi dicti fuerunt: Sic in l. 20. §. 6. fin. de hered. petit. Adrianus Imperat. dicitur Maximus Princeps. & alibi sæpius. ut l. Jurisperitos, ff. de excusat. iust. l. 8. ff. de vocat. l. 39. ff. de penis. l. 17. ff. de questionib. Tandem καὶ ἑξῆς PRINCIPES MAGNI vocabantur. Julian. in Misopog. Κέντημα ἔδιν, καὶ τὰ ταῦτα βασιλεὺς ἀνέων μίγες. Apulejus lib. 10. Miles. p. m. 219. Literas ad MAGNUM scriptas PRINCIPEM Romam perlaturum. Idem lib. eod. pag. 251. De literis fausta vota prefatus PRINCIPUM MAGNO, Senatuique, & Equitibus, totique Populo Romano.

Sed neque nomine solo populi auræ velificabantur, quin potius solliciti non minus erant, ne summam potestatem palam ad nutum ac arbitrium suum redigendo ad funesta sibi patriæque consilia eum compellerent. Idcirco extinctæ jam libertatis veluti reliquias conservando, omnia ita ordinabant, ut Reipublicæ facies non tam mutasse quam ad pristinæ formæ similitudinem iterum accessisse imprudenti populo persuaderetur. Ejusmodi σκῆμματα πολιτικά & libertatis simulacra prolixè persequitur Excellentiss. Dn. Preses, Mæcenæ noster omni cultu venerandus, in Comment. ad Tacit. annal. lib. 1. cap. 2. Præcipua eo spectabant, ut adfectatæ Tyrannidis, aut eversæ saltem libertatis invidiam amolirentur. Ne igitur ab unius arbitrio Respublica pendere videretur, majoris momenti pleraque civitatis statum spectantia cum Senatu communicabant, factâ illi liberrimè sententias ferendi copiâ, ut ita secundum veterem morem SCta conderentur, Principe nihil aliud agente, quam vel ut rem in Senatu referret, vel suam pariter cum cæteris sententiam expromeret. Hanc in rem celebrantur ORATIONES PRINCIPUM ab ipsis in Senatu habitæ, quæ nunc exercitii hujusce nostri argumentum erunt, dum quæ è mediâ antiquitate & historâ Romanâ eò pertinere visa fuerunt, quantum per ingenii mediocritatem ac temporis rationem licuit, congerere ac uno velut

florum

florum corpusculo connectere animus est. Et cum ab hisce non adeò abludant antiqua Germanicorum Comitiorum instituta, non incongruum arbitratus sum, de iis etiam paucula quædam adspargere: Id quod feli. faustumq; esse jubeat summum Numen.

Quod igitur ORATIONES Principum Romanorum at-
tinet, diversa earum reperiuntur genera. Siquidem cum Prin-
cipatum suscipiebant, moris erat, ut Senatum inaugurali vel-
ut oratione compellarent, quâ de collato sibi honore gratias
agebant, seque Imperium ad Patrum Populique sententiam
administraturos spondebant. Cujusmodi illa fuit Caligulæ
Oratio, quam quotannis legi SCto cautum fuit: *Dio lib. 59.
pag. 641.* De Severo scribit *Herodian. lib. 2. cap. 14.* Cum
imperium suscepisset curiam intrasse, ibique Orationes reci-
tasse, *Ἐπικαίς πάντῃ καὶ χερσὶν ἰλιπιδὼν μέγας.* Ineptissimam de
se suisque laudibus Juliani Orationem vid. apud *Dion. lib.
73. pag. 843.* Cui non absimilis multum Commodi illa, apud
Xiphilin. in Commod. nec non ejusdem notæ credo fuisse aliam
Vitellii, de quâ *Tacit. hist. l. 2. c. 90.* Magnificam Orationem habuit de
semetipso, industriam temperantiamque suam laudibus attollens. Erant
quædam objurgatoriæ, quando Senatum increpabant: Qualis
est Severi apud *Herod. l. 3. c. 8.* & Claudii apud *Tacit. ann. 16. c. 27.* A-
liæ, quibus se excusabant Senatui de facinore perpetrato, ut
Antonini apud eundem *Herod. lib. 4. cap. 5.* Laudati aliquan-
do oratione Principis, qui se ipsos Senatu propter rem domi
angustam moverant: *Tacit. annal. 12. cap. 52.* De fastigio &
eminentiâ Imperii Romani Orationem aliquando Claudium
habuisse scribit *Tacit. annal. 12. cap. 11.* Et sunt earum exem-
pla præterea non minori numero obvia etiam in Historiæ
Augustæ scriptoribus, quæ huc cumulare, si disquisitionis
modus pateretur, in proclivi foret. Cæterum quæ præcipui
ponderis Orationes erant, Rempublicam, ac civitatis statum
spectabant potissimum, nihilque aliud continebant, quam va-
ria rationum momenta, quibus Princeps Senatum ad hoc vel
illud publici boni causâ instituendum vel abolendum, per-
suadere nitebatur, ut ita secuto Patrum consensu Principis
voluntas Senatus Consulto confirmaretur. Egregiè hanc in
rem scribit *Scipio Gentil. in orat. 3. de L. Reg. p. m. 52.* Hoc ego pri-

num juris condendi simulacrum ac genus usurpasse Imp. video, quod valde mihi populare videtur. & ex veteris Reipubl. imagine relatum: quasi enim rogatio quadam erat hoc Orationum institutum.

Hæc autem consuetudo in universum inde principio manasse videtur, cum primis Monarchiæ initis inter cætera libertatis simulacra Principes etiam antiquarum dignitatum ac officiorum honorem tueri inter præcipua haberent, ipsimet quoque ea in se recipiebant, Consules se renunciari patiebantur, & Tribunit, potest. præditos, ut hæc ratione citra invidiam aut affectati dominatus suspensionem, ea tamen suscipere possent, quæ firmandæ paullatim quam moliebantur, potentia conducere videbantur. Detegit nobis arcanum hoc Dio lib. 53. pag 507. Ne videantur, inquit, Imp. ex potentia potius, quam Legibus habere omnia, qua in populari Reipubl. formâ multum valuerant, Senatu populoq; volentibus, ea cum ipsis nominibus in se recipiunt: Consules enim sunt sapenumero &c. ac ita hoc nomine omnia qua Consulibus aliisque cum pleno imperio Magistratibus facere licet, agendi jus habent: Paucis interjectis: At tribunitia potestas quam clarissimus quisq; Imp. olim habuit, effecit, ut intercedere iis, qua ab aliis contra ipsorum sententiam moventur possint, ac sacrosancti sint. De hoc Tribunitiæ potestatis jure ita Tacit. annal. 3. cap. 56. n. 1. Id summi fastigij vocabulum Augustus reperit, ne Regi aut Dictatoris nomen assumeret, ac tamen appellatione aliquâ cætera imperia præmineret.

Atque ex hoc jure fluxit, ut Senatum, quo tempore vellent, convocare possent. Hoc enim in libera Republica præter alios Magistratus etiam Tribuno plebis concessum fuisse, constat ex Valer. Maxim. lib. 2. cap. 1. A. Gell. N. A. lib. 14. cap. 7. Cum verò Tribunatus hic perpetuus ipsis esset, ut perpetuo quoque hoc jure gauderent, sub illius dignitatis autoritate quam alterius, quæ certo tempore terminabatur, Senatum convocare maluisse fit verisimile. Ita enim de Tiberio Sueton. in vit. cap. 22. Jure autem Tribunitia potestatis coactio Senatu incoataque allocutione repente velut impar dolori congemuit. Deque eodem etiam Tacit. annal. 1. cap. 7. n. 3. Ne edictum quidem quo Patres in Curiam vocabat, nisi Tribunitia potestas præscriptione posuit, sub Augusto acceptæ.

Jure autem Consulatus, quo tempore hoc munere fungebantur, in Senatu referre poterant; quæ tamen facultas postea

postea quoque ipsis propria ac perpetua facta fuit, ut jus referendi in Senatu integrum ipsis esset, quamvis non Consulibus. Idque jam cum Augusto tributum fuisse testatur Dio lib. 54. pag. 518. *Eapropter Senatus Augusto hos decrevit honores, ut Tribun. pl. perpetuus esset, & quoties Senatus haberetur, etiamsi Consulatum non gereret, de unâ re, quâ vellet, referre posset. Quem locum malè intellexisse, qui ita verterunt, de quibuscunque rebus vellet, notat Casaubon. in Suet. Cas. cap. 20.*

Apparet autem hanc primam ferme consuetudinis hujus fuisse originem; Siquidem quoties in Senatu referebant, non his solum verbis id factum, ut in libera Republica consuetum erat: Referimus ad vos P. C. super eâ re quid fieri placet; Briffon. form. Rom. lib. 2. pag. 164. Sed ipsi rationes simul expromebant, quibus Senatum permoveri posse rebantur. Colligere id licet ex Dione lib. 57. pag. 603. ubi de Tiberio, Suo, inquit, arbitrio perpauca agebat, de rebus etiam minutissimis ad Senatum referebat, posito in foro tribunali, in quo sedens jus diceret. paucis interpositis: *Propositâ suâ in medium sententiâ omnibus contradicere liberum relinquebat.* Facit in rem hanc Tacit. lib. 4. annal. cap. 36. n. 8. *Sub idem tempus de flamine Drasi in locum Servii Maluginensis defuncti legendo, simul rogandâ novâ lege differuit Caesar.* Ipsam deinde Orationem subjungit, eâdem de Lege habitam. Similis locus est & annal. lib. 11. cap. 32. n. 4. *Retulit deinde ad Senatum super Collegio aruspicum, ne vetustissima Italia disciplina per desidiam exolesceret, &c.* ubi ipsa porro habitæ orationis verba subjungit autor. *Imp. Julianus de se ipso ep. 29. διαλέθω δὲ ὀλίγα τῇ βουλῇ περὶ θεοσεβείας, ἀλλὰ τοῖς λόγοις ἰπῆραν μὲν ἅπαντες ἐπὶ τῇ θρησκείᾳ δὲ αὐτοῖς ὀλίγοι πάντες.* i. e. *Cum Senatu pauca de religione differui, & laudarunt quidem omnes orationem meam, pauci verò consenserunt.*

Cæterum in libera Republica autores sententiæ dicebantur illi, qui de re aliqua consilium suum rationum argumentis subnixum in medium adferebant, atque ita Senatum in suas partes inclinabant; Quemadmodum Cicero in Pison. cap. 15. *De me Senatus ita decrevit autore & ejus sententiâ Principe Pompejo. Idem pro Balbo cap. 16. Harum ego sententiarum Princeps & autor fui.* Pari ratione tum quoque Senatus cum decreta sua populo proponebat, autor fieri dicebatur, & decreta au-

Cccc ccc 3

AORI-

Autoritates. Prolixe eam antiquitatem annotavit *Dio Cass. lib. 55. pag. 549. D.* ubi inter alia hæc: *Dicta etiam fuit autoritas cum Trib. pleb. intercessissent, nam hic quoque cum SCtum fieri nequireret, tamen sententiam suam Senatus volebat occultam esse, quæ dein more Romano rata fieret ac SCti nomen acciperet, idque ab antiquis multo tempore observatum, nostra ferè ætate exolevit.* Pertinet huc locus *Cicer. ad fam. lib. 1. epist. 7.* Quoniam SCtum nullum extat, quo reductio Regu Alexandrini tibi adempta sit, eaque quæ de ea scripta est *Autoritas*, cui seu intercessum esse ut ne quis omnind Regem reduceret, tantam vim habet, ut magis iratorum hominum quam constantis Senatus consilium fuisse videatur. Nimirum ita solent Romani scriptores cum accuratè loquuntur Senatus auctoritatem, à SCtis discernere, quam diversitatem negligentius prætervectus *Brissonijs.* quo nomine vapulat *Jano Langla. Semestr. lib. 7. cap. 12.* Alia erat quæ dicebatur Senatus auctoritas, quando populi placita ut auctoritatem obtinerent, confirmanda essent ejus ordinis auctoritate, qui & nobilitate & prudentia in republica emereret, consiliique publici dominus esset constitutus. Perelegantia eam in rem sunt loca bina *Sallustij Orac. 2. de republ. ordin. & Ciceron. lib. 3. de LL. 12.* quæ observavit *Excellentiss. Dn. Præses comm. in Tacit. annal. 1. in not. polit. add. Guilielmus Bellendin. de statu lib. 3. qui inscribitur Ciceronis Consul, Senator, Senatusque Romanus cap. 23.* Græci utramque significationem pariter eodem vocabulo exprimunt: *Autoritatem* enim hanc vocant illi *προβούλευμα.* Quod priorem significationem attinet, plana ea est ex *Suida: προβούλευμα*, inquit, τὸ ὑπὲρ τῆς βουλῆς ψηφισθὲν πρὶν εἰς τὸν δῆμον ἵστασθαι. De altera constat ex *Plutarcho. in Coriolan. p. 127. lit. D.* ὁ δῆμος ἄκυρος ἦν ὅτε ψήφισαι καὶ νόμος τι ποιεῖν ἄνευ προβούλευμα.

Cœpit hoc postea Impp. tribui, ut quoties de re quâpiam Orationes in Senatu haberent, autores fieri dicerentur. *Tacit. annal. 3. cap. 13.* *Confidius Æquus, & Calius Cursor, Equites Romani quod fictis Majestatis criminibus Magium Prætozem petivissent, autore Principe, ac decreto Senatus puniti. add. annal. 15. cap. 21. lib. 3. Hist. cap. 8. lib. 4. cap. 13. Sueton. Otton. cap. 8. in Vespas. cap. 11. sic & Ulpianus in fragment. tit. 25. §. 28.* Civitatibus omnibus quæ sub Imperio P. R. sunt, legari potest, idque à *D. Nerva* introductum. postea à Senatu autore *Adriano* diligentius constitutum est.

est. *Id. in lib. 32. ff. de donat. inter vir. & uxor.* Imperator noster Antoninus Augustus, ante excessum D. Severi patris sui, Oratione in Senatu habitâ autor fuit Senatui censendi, ut aliquid laxaret ex juris rigore. SCti autore Trajano facti meminit *lib. 5. Cod. de magistratib. conven.* Et aliud autore Adriano factum memoratur in *lib. 1. C. de petit. hered.* sic in *lib. 5. Cod. de excusat. tutt.* Amplissimus ordo autore Marco censuit. Adde *Plin. lib. 2. ep. 7.* Heri à Senatu Vestricio Spurinna Principe auctore triumphalis statua decreta. Erat enim olim hoc jus statuas decernendi unum ex iis quæ Majestatis vocamus & in libera republica non nisi SCto, vel plebiscito fieri poterat, ut constat ex *Plin. N. H. lib. 34. c. 5. & 6.* Postea id auctoritate Principum fieri cœpit, vid. *Suet. in Calig. c. 34. Tacit. ann. 3. cap. 10.*

Atque ita ut diximus, quando quidem SCti aut constitutionis alicujus autor esse volebat Princeps, eam in rem Orationem coram Senatu habere solebat. Consignavit nobis ejusmodi quasdam *Tacit. annal. 3. cap. 12. & 47. lib. 4. cap. 37. 38.* Orationis Severi de rebus eorum qui sub tutelâ sunt non alienandis mentio est in *lib. 1. ff. de reb. eor. & l. 7. C. de præd. minor.* Hanc singulari libro exposuit Paulus, ut ex Florentino Indice & aliquot LL. inscriptionibus constat. Orationis Severi & Commodi meminit inscriptio *l. 20. de R. V.* cujus emendationem pete ex *Ampliss. D. Strauch. Parrono ac Preceptore quondam nostro omni cultu devenerando diss. de statut. à summ. Principe, n. 12.* Nobilis est & D. Pii Oratio de Professoribus in *l. 4. C. de Professorib. & Med.* Oratio Antonini fuit, ne quis messium vindemiar umq; tempore cogat ad judicium adversarium venire. *l. 1. ff. de feriis.* Alia ejusdem memoratur ab *Ulpian. fragm. tit. 27 num. 6* Oratione Pertinacis cautum est, ne tabule priores jure facta irritæ fiant, nisi sequentes jure ordinata perfectæq; fuerint. *§. 7. Inst. 96. mod. testam. infirm.* De quâ Oratione scribit *Capitol. in Perimac.* Legem tulit ut testamenta priora non prius essent irrita quam alia perfecta essent, neve ob hoc si quis succederet, addiditq; SCto hac verba; satius est P. C. inopem temp. obtinere quam ad divitiar. cumulum per discrimina & dedecoris vestigia pervenire. Imprimis multæ existant D. Marci Orationes, qui legum curam multò maximam habuisse videtur: vide earum vestigia, in *l. 60. ff. de ritu nupt. l. 16. eod. l. 16. ff. de sponsalib.*

Salib. l. pen. ad Scit. Tertull. l. 8. de transact. l. 7. de feriis. l. 1. §. 1. ne de statu defunctor. Capitolin. in Mario.

Observandum porro, quod iccirco Principes Rom. inter prima studia sua, Eloquentia censuerint, eamque ut non in leve gloriae decorisq; sui argumentū valiturā maximi semper fecerint. Hinc eleganter *Symmach. l. 10. ep. 21. Nos humi reptamus socco magis idonei quam cothurno, postquam sacundia res esse cepit Imperij. Musis in Palatio loca lautia data.* Inde fit ut plerumq; etiam inter laudes Imperat. à scriptorib. ponatur Eloquentia: *Sueton. de Augusto, in vit. c. 84. Neq; in Senatu neq; apud milites neq; apud populum locutus est unquā nisi meditata & compositā Oratione, quamvis non ad subita deficeret extemporali facultate.* Tiberium iccirco *Corvino Messalae* operam dedisse ait *id. in Tib. c. 68.* Et de *Cajo Calig. in vit. c. 53. Disciplinis liberalibus minimum, eruditioni ut & eloquentia plurimum attendit, quantumvis sacundus & promptus.* De *Claudio id. in vit. c. 40. Principe nec insacundo nec indocto.* *Domitianum* vocat. *Principem ut in omnibus, ita & in Eloquentiā eminentissimum Quintilian. Inst. Orat. l. 4. in proem. Symmach. l. 1. ep. 89. ad Antoninū: Non incognito nobis eloquij splendore nituisti, sed magnis rebus accommodata & maiestate scripti aprata, gloriā quam magisterio ante quasivisti, recens auxit Oratio. Nam praeter loquendi phaleras, quibus Te natura ditavit, simile quiddam planeque conveniens auribus Patrum, gravitate sensuum, verborum proprietate tenuisti. Ausonius in grat. act. ad Gratian. Aliqua Oratorij virtutibus tuū dicerem, nisi vereretur mihi gratificari. Non enim Sulpicius acrior in concionibus, nec majoris Gracchi commendabilior fuit modestia, nec Patrii gravior auctoritas, &c. ubi prolixè Gratiani extollit eloquentiam. De Numeriano quoq; scribit *Vopisc. in vit. Hujus Oratio fertur ad Senatum missa tantum habuisse eloquentia, ut illi statua non quasi Caesari sed quasi Rhetori decerneretur, ponenda in Bibliothecā Ulpia, cui subscriptum est, Numeriano Caesari Oratori temporibus suis potentissimo. Incerti panegy. ad Constant. August. Dicerem plura de Divinis Orationib. tuis, ac oblata potius quā impetrata benignitate, nisi mallet dicta reticere dum facta propero laudare: Quamlibet verba tua in Senatu habita nobis nota sint, tamen qualia fuerint, clementia Tua gloria nunciavit Pateretur hic locus ut in illud dicendi genus quod ejusmodi fastigio conveniens, ut in *capod. digrederemur; Est enim, ut ait Quintilian Inst. Orat. l. 11. c. 1. in Eloquentiā quod Principem decet, quod alii nos concesserit.***

Sed

Sed huic operæ superfedere satius existimo, dum quæ eâ de re adferri possint, exquisitissimo sanè judicio suo pridem examinavit Excellentissimus Dominus Praefes, in tractat. de Eloquentiâ Princip. Romanor. add. comm. ad Tacit. ann. 1. cap. 7. num. 5. Non audiendus P. Diaconus qui lib. 2. solum post Julium Cæsarem in Senatu Orationes recitasse scribit Julianum: Primus enim ex Imp. Nero aliorum operâ in conscribendis Orationibus usus, id quod vitio ipsi datum fuit. Notat Tacit. annal. 13. cap. 3. Annotabant seniores primum ex iis qui rerum positi essent Neronem aliene facundia eguisse. Nam Dictator Cæsar, summis Oratoribus amulus, Augusto prompta ac profluens, quæ Principem decet Eloquentia fuit: Tiberius artem quoque callebat, quâ verba expenderet, tum validus sensibus aut consulto ambiguus: Etiam C. Cæsar turbata mens vim dicendi non corruptit. Nec in Claudio quoties meditata differeret Eloquentiam requireres. Hoc autem operæ Nero Senecæ ut plurimum injunxit: Tacit. annal. 13. cap. 11. Nero clementiam suam Senatui crebris Orationibus obstringens, quas Seneca testificando, quam honesta præciperet, vel jactandi ingenii voce Principis vulgabat. Ita & Orationem illam quâ se excusavit Senatui de cæde in matrem patrata à Seneca confectam colligas ex eod. annal. 14. c. 11. Et meminit quoque Orationis illius Quintilian. 3. O. lib. 8. c. 5. Qualis est Seneca in eo scripto quod Nero ad Senatum misit occisâ matre, cum se periclitatum videri vellet, saluum me esse adhuc nec credo nec gaudeo. De Trajano scribit Julian. in Cæsarib. ὁ δὲ καίπερ δυνάμενος λέγειν, ὑπὸ παύσεως ἐπιφέρει γὰρ ἰσώδει τὰ πολλὰ τῷ Σέβρα γράφειν ὑπὲρ αὐτοῦ i. e. quamvis dicendo valuerit, solebat tamen propter ignaviam in mandatis dare Sura, ut quam plurima suo nomine Oratione orna- ret. De Domitiano testis Sueton. in vit. cap. 20. Præter commentarios & acta Tiberii nihil lætitavit, epistolas, Orationes & Edicta alieno formabat ingenio. Vitellium Trachali cujusdam operâ usum autor est Tacit. histor. lib. 1. cap. 90. De Maximino indicat Herodian. lib. 7. c. 8. ὁ μὲντοι Μαξιμῖνος συγκαλίσας πάντας τὸν στρατὸν εἰς τὸ πρὸ τῆς πόλεως πεδίον προσελθὼν τῆς τρίτης ἡμέρας ἀνελθὼν τε ἐπὶ τὸ βῆμα, ἐπιτερόμενος τὸ βιβλίον, ἔπει αὐτῷ ἦσαν συντόξαντες τινὲς τῶν φίλων ἐξ ἀναγνώσεως ἔλεξε τοιαῦτα. i. e. Tertio die convocatis in campum militibus suis Maximinus tribunal

Dddd ddd

con-

conscendit, atque ex libello Orationem ab amico compositam, in hanc sententiam recitavit. Apparet autem ex hisce id muneris tum quidem nondum certo cuidam ex Augustæ domus ministris demandatum, sed eo plerumque functos esse, qui Principem locum in amicitia Impp. tenuere. De Adriano scribit Ael. Spartian. in vit. Trajani cum eo familiaritas crevit, causa præcipue Orationum, quas pro Imperatore dictaverat.

Uti verò nonnunquam ipsi principes coram Senatu orationes suas recitare amabant; Ita sæpius evenit etiam, ut per absentiam, aut alio impedimento distracti, hoc officium alteri injungerent. De Augusto Sueton. in vit. cap. 84. Neque in Senatu, neque ad milites, neque ad populum locutus est unquam, nisi meditata & composita Oratione: Ac ne periculum memoria adiret, aut discendo tempus absumeret, instituit recitare omnia. De Tiberio testis idem in vit. cap. 23. & de Claudio similiter in vit. cap. 23. & 42. Ipsi vero Principibus impeditis, Quæstori incumbere, eas coram Senatu recitare. De Augusto scribit Dio lib. 54. Συμαγωγὸν ὃ ἐκ τῆς τοῦ βασιλέως αὐτοῦ ἐστὶν ἔπειν ἐπὶ τῷ βεσῶγι, τὸ ὃ δὴ βιβλίον τῷ ταμίᾳ ἀναγρῖναι τὰτε πεπραγμένα οἱ καθ' αἰδμήσαντο. id est: Convocato Senatu ipse gravedine laborans, nihil locutus, Quæstori libellum dedit recitandum: Eo recenscebantur res ab ipso gestæ. Indicat hoc Quæstoris munus etiam Sueton. in Tit. cap. 6. Filius ejus recepta ad se omnium officiorum curâ cum Patris nomine epistolas ipse diceret, & Edicta conscriberet, Orationesque sapissimè etiam in Senatu Quæstoris vice recitaret. Suidas in Κλαύδιῳ. ὃ πάντα ὅσα αὐτὸς τοῦ συνέδριον εἰσέειπεν αὐτὸς ἀνέγνωσκειν, ἀλλὰ τῷ ταμίᾳ ὅσα πλείονα ἀναλίσκειτο ἰδίᾳ, ὅσα δ' αὐτὸς ἀνέγνωσκε καθ' ἡμῖν ὥς τὸ πᾶν ἐπέλεγετο. i. e. Non omnia, quæ in Senatu referebat, ipse legit, sed legenda ut plurimum tradebat Quæstori, quæ verò ipse legebat, plerumque sedens recitare solitus. Symmach. lib. 10. epist. 2. de seipso ad Gratianum: Scio amore factum, quo Summates Viros plerumque dignamini, ut sacra Orationi vestra Lector adhiberetur: Sed cum intelligo sermonem illum præminere omnimodo scriptis aliis, quacunque ad hoc locorum Senatus audivit, me quoque arbitror plurius habitum quàm ceteros. Pertinet huc locus Sidon. Apollin. in Paneg. major. vers. 62.

--- cuius

— *cujus dignatur ab ore*
Cæsar in orbe loqui, licet & Quæstore diserto
Polleat.

Paullatim verè non legendis solum, sed & conficiendis Orationibus adhibitos fuisse Quæstores arbitror: Siquidem in illis præcipuè Eloquentia commendabatur. Eleganter Cassiodor. lib. 5. variar. 4. *Ingenio Principis servit, quod universa superat, illius ore loqui cogitur, cui nullus invenietur similis.* Et lib. 6. epist. 5. *O quam arduum est subiectum, verba dominantis assumere, loqui posse, quod nostrum credatur? Si quid dubitamus, à Quæstore requirimus; qui est thesaurus fama publica, armarium legum, paratus semper ad subita; & ut ait Tullius, Magister eloquentia.* Nam si Oratoris proprium est graviter & ornate dicere, ut possit animos judicum commovere, quanto facundior debet esse, qui ore Principis populos noscitur admonere? Talem denique oportet esse Quæstorem, qualem portare Principis decet imaginem: Nam si nos, ut adsolet, causam audire contingat, qua autoritas erit lingue, quæ sub oculis regalem genium implere possit?

Cæterum qui ad hanc admoti erant dignitatem, Candidati Cæsaris seu Principis dicebantur: Sic Vellej. lib. 2. cap. 23. *Quo tempore, inquit, mihi fratrique meo Candidatis Cæsaris proximè à nobilissimis ac Sacerdotibus viris destinari Prætoribus contigit.* Lamprid. in Alex. *Quæstores Candidatos ex suâ pecuniâ jussit munera populo dare.* Consule de eorum munere Guerber. de offic. dom. Aug. lib. 2. cap. 18. Panciroli. in notis. Imp. orient. cap. 72. Dicebantur autem Principum Candidati, quod ex eorum commendatione absque ambitu & repulsâ essent designandi: Inde jocus ille apud Quintilian. Inst. Orat. 6. cap. 3. ubi negligenter pilam petenti, dixit alter, *sic petis tanquam Cæsaris Candidatus.*

Recitatis porro in Senatu Orationibus, ordine rogabantur sententiam Patres, atque ita ritè peractis omnibus SCtum fiebat. Manasse id videtur ex consilio præcipuè Mæcenatis, qui in præclara Oratione illâ apud Dion. lib. 52. pag. 485. *Per Senatum, inquit, fac omnia, quæ decernuntur, nec omnino quicquam æque ad omnes pertineat, quam SCta, sic enim & majestatis Imperii magis confirmabitur.* Nimirum ut con-

stitutionibus suis eò majorem adderent auctoritatem, nec sibi omne Legum arbitrium vindicare viderentur, prudenter eas Senatus auctoritate munire volebant. Illustrat rem Tacit. annal. 12. cap. 14. Eodem anno sapius audita vox Principis, parem vim rerum habendam à Procuratoribus suis iudicatarum, ac si ipse statuisset, & ne fortuito prolapsus videretur, Scitò quoque cautum, plenius quàm antea & uberius. Idcirco & alia Principum Edicta nonnunquam Scitis confirmabantur, ut illud Augusti, ne fæminæ pro viris intercederent. lib. 2. ff. ad Scrum Vellejan.

Non ante igitur vim Legum obtinebant Orationes Principum, quàm Scito confirmatæ essent. Exemplorum hanc in rem affatim nobis suppeditat historia Romana: Innuit Tacit ann. 1. cap. 6. Multa sine dubio sævaque Augustus de moribus Agrippæ conquestus, ut exilium ejus Scito confirmaretur, sanxit. De Claudio id. lib. 11. cap. 18. Retulit deinde ad Senatum super Collegio Aruspicum, ne vetustissima Italia disciplina per desidiam exolesceret: & factum ex eo Scitum, viderent Pontifices, quæ retinenda firmandaque aruspicum. Sed illustre est hujus antiquitatis exemplum apud eund. lib. 11. annal. cap. 22. Cum de Gallia comata primoribus, num in urbe ad honores admittendi essent, multus esset variusque rumor, & studiis diversis apud Principem certaretur, asseverantium, non aded agram Italiam, ut suppeditare urbi suæ nequiret, suffecisse olim indigenas sanguineis populis &c. His atque talibus haud permotus Princeps, etiam statim contra differuit, & vocato Senatu ita exorsus est: Majores mei &c. Orationem Principis secuto Patrum consulto primi Adui in urbe Senatorum jus adepti sunt. add. Sueton. Tib. cap. 48. Atque inde solent Juris Civilis interpretes disidium hoc componere, quando quod hoc loco Scitis tribuitur, alibi Orationibus Principum adscribitur. Vid. ejusmodi exempla apud Brissou. lib. 1. select. antiqu. cap. 16. Gothofred. in lib. 7. C. de pred. minor.

Præterea, quoniam sæpius Româ abessent Principes, ut ipsi quæ ex re publicâ credebant præsentibus Senatui exponere non possent, per literas eum de sua sententiâ reddebant certiores: Quod genus literarum nonnunquam
epi-

epistolæ , nonnunquam orationum nomine venit. *Juven. Sat. 10. vers. 71.*

— *Verbosa & grandis epistola venit*

A Capreis.

Indicat epistolam Tiberii , qua se excusat Senatui ob repudiatos honores , quos ipsi detulissent. Eandem & *Xiphilin. in Tib.* vocat Epistolam. *Sueton. autem in Tib. cap. 66.* Orationem. Sic est apud *Tacit. annal. 16. cap. 7.* Oratio missa ad Senatum , & apud eundem *annal. 3. cap. 53.* Tiberius de lege quâdam Senatum per epistolam consulit. Sic & in *l. 2. C. Theod. de Curator. Calendar. est* , Oratio missa ad Senatum. Antonini talis exstat Oratio apud *Vulcat. Gallican. in Avid. Cass.* Hæ verò Epistolæ hoc nomine quoque naturam ac similitudinem Orationum referebant , quod pariter SCtis confirmandæ essent. *Vopiscus in Aurelian. Sabinus Prætor urbanus dixit : Referimus ad Vos P. C. suggestionem & Aurelij Principis literas , quibus jubetur , &c.* Interrogati plerique Senatores , sententias dixerunt , quas longum est innectere : Deinde alius manum porrigentibus , alius pedibus in sententiam euntibus , alius verbo consentientibus , factum est SCtum. Geminum huic alterum est exemplum apud eund. in *Probo. vid. verba in contextu. Aelius Scorpionus Cos. dixit : Audistis literas P. C. Aurelij Probi , de his quid videtur ? Tunc acclamatum est , Probe Auguste , Dii Te servant , &c.* Posthac *Manlius Mucianus , qui primæ tunc erat sententia , Senator ita locutus , &c.* Posthac acclamatum est , Omnes , Omnes. Addo tertium ex *Capitolin. in vit. Maximin. SCti hoc fuit exemplum ; Cum ventum esset in eadem Castorum , acceptas literas , Junius Syllanus Cos. ex Africa Gordiani Imp. Patri Patria , recitavit ; Lectis literis Senatus acclamavit : Gordiane Auguste , Dii Te servant ! Item Cos. retulit , P. C. de Maximino quid placet ? Responsum est , hostes ! hostes ! hinc SCtum perfectum est.*

Denique peractis omnibus perfectoque SCto publicè promulgabantur Orationes , & in perpetuum decus Principum , æreis tabulis incidebantur. *Dio Cass. lib. 6. p. m. 668.* Tunc etiam *Kalendis Januar. cum recitarentur ex SCto Orationes quædam Augusti atque Tiberii , ut ita ad vesperam usque Senatus*

detineretur, finem imposuit, satis esse dicens, eas tabulis incidi. *Plin. in Paneg. cap. 75.* Sed quid singula confector & colligo? Quasi aut oratione complecti aut memoriâ consequi possem, quæ Vos P. C. ne qua interciperet oblivio, in publica acta & incidenda in ære censuistis. Ante Orationes Principum tantum ejusmodi genere monumentorum mandari æternitati solebant, acclamationes quidem nostra parietibus curia continebantur. Specialis honos Neroni habitus, cujus Oratio argenteæ columnæ incisa fuit, teste *Xiphilin. in Neron.* Vetustum ejusmodi tabulæ exemplum Lugduni adhuc in æde Lateranensi conspicuum, exhibent *Lipsius in lib. 11. ann. Tacit. p. 279. Guther. de offic. dom. Aug. lib. 1. cap. 30.* Consuetudinis hujus originem à liberæ Reipubl. tempore arcessendam esse facile patet, quippe cum quævis SCra, & quæ promulgabantur Leges publicè æreis tabulis incisæ proponerentur: Unde *Cicero Philipp. 1. cap. 26.* Quid tum? quod tum ita gestum erit, id Lex erit, & in as incidi jubebitis? & in *Catilin. 3. cap. 19.* inter prodigia recenset, quod Legum æra liquefacta essent. Unde postea honori Principis hoc datum etiam ut Constitutiones ejus æri inciderentur. *Plin. lib. 34. N. H. cap. 9.* Usus æris ad perpetuitatem monumentorum jampridem translatus est. tabulis æneis in quibus publica constitutiones inciduntur. *Senec. lib. 3. de benef. cap. 4.* Magis autem illa constitutio rata erit, quam si in as incidissem. Præmittebantur autem Orationes Principum ac postea SCra de hisce facta subjungebantur, quod non obscure colligitur ex *Plin. lib. 8. epist. 6.* Ea, inquit, qua quarto Kalend. Febr. qua proxima fuissent, in amplissimo ordine Optimus Princeps recitasset, Senatūque Consulta de his rebus facta in as inciderentur, idque as figeretur ad statuam loricatam D. Julii. Parum visum tantorum dedecorum curiam esse testem: delectus est celeberrimus locus, in quo legenda presentibus, legenda futuris proderentur. Placuit ære signari omnes honores fastidiosissimi mancipii, quosque repudiasset, quosque quantum ad decernentes pertinet gessisset. Incisa & insculpta sunt publicis monumentis pratoria: sic quasi fœdera antiqua, sic quasi sacra leges.

Atque ita hætenus expedivisse nos reor ea, quæ ad historiam veterem de Orationibus Principum illustrandam per-

pertinere visa sunt : Reliquum est ut hæc ad censuram Politicam vocemus, & illam speciosis admodum coloribus adumbratam libertatis imaginem, quibus imprudenti populo fucum facere amabant Principes, paullo altius contempleremur. Enimvero, quod jam in limine dissertationis attigimus, inter præcipua hoc Augustæ domus arcana fuit, eversa exstinctaque libertate, inania libertatis simulacra ostentare : Unde Dio lib. 45. pag. 277. *Imago quadam libertatis proponebatur dum omnia ex potentia agebantur. Et Tacit. in fin. lib. 1. annal. Speciosa verbis, re inania ac subdola, quantoque majore libertatis imagine tegebantur tanto impensius ad servitium eruptura.* Inter ea vero simulacra non ultimum erat, quod Senatus munia ac auctoritatem, multis quantumvis partibus defloratam ipsi Principes fovere ac conservare videri saltem volebant, eo consilio ne pristina Reipubl. species uno velut ictu incisa diceretur, id quod grave nimis futurum esset populo, nondum exoleta in animis dulci libertatis memoria. Quem Consilii finem innuit Mæcenat apud Dion. lib. 52. pag. 546. ubi de ejusmodi simulacris sermonem habet, eaque duplici ratione Augusto commendat : τῆς ὃ τῶν παλίων μνήμης ἕνεκα, ἡ τῇ μὴ παντελῶς τὴν πολιτείαν μεταλλάττειν δοκῶν, partim ad conservandam institutorum patriorum memoriam, partim ne penitus respubl. & status omnis immutari videretur. Nimirum idcirco non temere nec non communicato ante cum Senatu consilio ad Legum curam aut arduas res suscipiendas prolabeantur, sed ea prius in medium adferebant, facta singulis sententiæ dicendæ, copia : Cujus consilii quoque autorem Augusto fuisse Mæcenatem argumento est ipsius Oratio apud Dion. lib. 52. ubi hoc quoque inter alia Augusto commendavit : Id quod sequi etiam non detrectavit teste eodem lib. 53. pag. 520. Non omnia, inquit, proprio arbitrio egit, multa publicè deliberanda proposuit, ut, si quid aliud displiceret, id corrigere possent : omnes verò adhortatus est ut suum sibi consilium aperirent, si quid rectius invenirent, libertatem omnem eis concedens, eorumque motus sententiis quadam quoque retractavit. Par quoque ingenium in Tiberio laudat idem lib. 57. pag. 603. *Proposita suâ in medium sententia non*

tan-

tantum omnibus contradicere liberum relinquebat, sed ferebat quoque aliquando contraria sua sententia decreta fieri &c. Quin in id eo res devenerat ut Thrasea disertè in has voces prorumperet : Egregio sub Principe nulla necessitate Senatum esse obstrictum, Tacit. annal. 14. cap. 48. ad quem ipsum Thraseam & Helvidium Priscum Tacit. in Agric. cap. 2. vocem P. R. & Senatus libertatem refert. De Nerone scribit idem annal. 13. cap. 4. Nihil, inquit, in penetribus suis venale aut ambitioni pervium : discretam domum & Rempubl. teneret antiqua munia Senatus ; Coss. tribunatibus Italia & Provincia publica adsisterent &c. pauld post : nec desuit fides, multaque arbitrio Senatus constituta sunt. Quam plena callidæ adulationis vox illa Othonis apud eund. Hist. lib. 1. cap. 84. Aternitas rerum & pax gentium & mea tum vestra salus incolumitate Senatus firmatur : Hunc auspicio à Parente & conditore urbis nostræ institutum & à Regibus usque ad Principes continuum & immortalem sicut à majoribus accepimus, sic posteris tradamus. Cæterum ecquis diffiteatur hæc & adhines orationes alias plus dignitatis quam fidei habuisse, ut notat Tacit. annal. lib. 1. cap. 11. æque ac illa adscititia Principum modestia, & ostentatum libertatis studium : Neque enim aliter cum Senatu egisse videntur quam cum populo : Siquidem nec huic libertatis suæ antesignani adepti erant, sed mansit Tribunor. pleb. nomen ad Constantini usque tempora, ut observat Onuphrius in comm. fast. lib. 1. ad ann. 261. dabaturque iis etiam intercedendi facultas. Ostendit Tacit. lib. 1. annal. cap. 77. Actum, inquit, de ea seditione apud Patres, dicebanturque sententia, ut Prætoribus jus virgarum in histronibus esset : Intercessit Haterius Agrippa Trib. pl. increpitusque est Asinii Galli oratione, filente Tiberio, qui ea libertatis simulacra Senatui præbebat. Illustrior locus est apud Dion. lib. 57. p. m. 646. ubi pœnas in Astrologos exercitas refert : Nisi, ait, Trib. pl. intercessisset, etiam contrâ quàm censuerat Tiberius omnes cives impunitatem fuisse habituros ; &c. Et quamvis Tacit. hist. lib. 1. cap. 55. Senatus populique oblitterata jam nomina dicat, nihilominus tamen de Macrinò refert Herodian. lib. 5. cap. 1. ἰποκρί-
σε δὲ καὶ δημόσια γέμματα πρὸς τὴν τῶν Ῥωμαίων δόξαν καὶ τὴν
εὐχέλαντον.

Cate-

Cæterum ut ad Orationes Principum revertamur , hisce pariter nec fides nec sinceritas inerat , dum Principes gnari erant quantum nutui ipsorum intentus esset Senatus , ut tantum abesset , ut ipsorum Orationibus obloquerentur , ut potius nescio quibus non verborum lenociniis ac divinis laudibus eas in cælum extollerent : Hinc Pisonis illa vox emortuæ libertatis luculentissimum argumentum præferens : *Quo loco censebis Cæsar ? si primus habeo quod sequar , si post omnes vereor ne imprudens dissentiam* Tacit. ann. 1. cap. 34. Adumbrat adulationem eam *Idem lib. 3. annal. c. 31.* Cæterum , inquit , tempora illa aded infecta fuere ut non modo primores civitatis quibus claritudo sua obsequiis protegenda erat , sed omnes Consulares , & magna pars eorum qui Prætura functi , multique etiam pedanei Senatores certatim exsurgerent , sædæque & nimia censerent : memoria proditur , Tiberium quoties curiâ egrederetur , gratis verbis in hunc modum eloqui solitum : *ô homines ad servitium paratos ! scilicet illum quoque qui libertatem publicam nollet , tam projecta serviensium patientia tadebat.* Nec aliter describit temporum illorum miseriam Plin. lib. 8. epist. 14. *Idem prospeximus curiam trepidam & elinguem , cum dicere quod velles periculosum , quod nolles etiam miserum esset ; Quid tunc disci potuit ? Quid didicisse juvit , cum Senatus aut ad otium sumum , aut ad summum nefas vocaretur : & modo ludibrio modo dolori retentus , nunquam seria , tristia sape censeret ? Quo pertinet ejusdem querela in paneg. cap. 72. Quis ante loqui , quis hiscere audebat ? Præter miseros illos qui primi interrogabantur , cæteri quidem defixi & attoniti ipsam illam mutam & sedentariam assentiendi necessitatem quocum dolore animi , quocum totius corporis horrore perpetiebantur , unus solusq; censebat , quod sequerentur omnes , & omnes improbarent.*

Unde facile constat , qualis fuerit Senatus autoritas , quantum de Legum potestate , de Reipubl. curâ participaverint : Nimirum omne id in manu Principum positum erat , qui quoties tenaciores suæ potentiæ essent , parum indulgere Senatui , aliis paulld modestioribus hanc libertatis umbram Senatui facile largientibus. Ab eâ modestiâ præcipuè suum commendat Principem , Plin. in paneg. *Illuxerat ,*

Eccc ecc

in-

inquit, primus consulatus Tui dies, quo tu curiam ingressus, nunc omnes, nunc singulos adhortatus es resumere libertatem, capeffere quasi communis Imperii curas, invigilare publicis utilitatibus & insurgere. Omnes ante Te eadem ista dixerunt, nemini tamen ante te creditum est. Erant sub oculis naufragia multorum, quos insidiosâ tranquillitate provellos improvisus turbo perculerat. Hæc omnia ita in speciem adornata, populo quidem grata erant, sed in se spectata nihil potestati Principis derogabant. Ipse enim Princeps contentus erat consilii publici Dominum se esse, quemadmodum in Liberâ Republ. Senatus erat: Nimirum ita ut Senatus nihil auderet, cujus ipse non esset autor. Illustria hanc in rem sunt loca Taciti *annal.* 13. cap. 8. Per idem tempus actum in senatu de fraudibus libertorum, efflagitatumque, ut adversus male meritos revocanda libertatis jus Patronis daretur, nec deerant, qui censerent: At Coss. relationem incipere non ausi ignaro Principe, perscribere tamen Senatus consensum: ille auctor constitutionis fieret. *add.* l. 14. cap. 18. lib. 15. cap. 26. & consule Langlaum *semestr.* lib. 7. cap. 13. Hinc apparet, quomodo accipienda sint Vlpiani verba in l. 11. ff. de Legib. Non ambigitur Senatum jus facere posse: Hæc enim non ad historiam juris antiquam pertinere videntur, ut sentit *Desider. Herald.* lib. 2. de *autorit. rer. judic.* cap. 1. & alii. Sed de suâ ætate locutum Vlpianum non potest dubitari, ita tamen, ut quid in speciem actum fuerit nullâ adhibitâ censurâ Politicâ referat: SCta enim ad Constantini usque tempora fuisse condita, testatur *Paganin. Gaudent. de Justin. sec. morib. part.* 2. cap. 14. Sed illa ad arbitrium Principum composita erant.

Apparet præterea quam insignem errorem errent, qui externis hisce schematibus decepti extinctâ liberâ republ. non Monarchiam, sed Principatum fuisse inductum persuadere conantur: Quo errore sibi placet *Bodin.* 1. de *Repub.* cap. 8. iccirco notatus etiam *Excellentiss. Dno. Prasidi in Comment. ad Grot.* lib. 1. cap. 3. n. 10. Quantumvis enim talem mixturam in Nervæ imperio laudaverit *Tacit. in Agric.* cap. 3. quem ait, res olim dissociabiles miscuisse, Principatum ac libertatem: quod etiam ferè tendit, quod de Trajano *Plin. in paneg.*

Scis, ut sicut diversa natura dominatio & Principatus, ita non aliis esse Principem gratiorem, quam qui maximè Dominum graventur: Attamen ecquis non videat, quam oratoriâ arte hi ipsi sententiis ac laudationibus suis formam, habitum, vim & decus Principibus suis machinentur, ut judicat Ampliss. Praes. d. l. add. eund. ad Tacit. annal. 1. cap. 9. not. Pol. n. 7. Ita consistit Dionis sententia, qui sub initium lib. 52. de Romanis asserit: post praelium Aetiacum ἀρετὴς μοναρχίας αὐτοῦ ἡγεῖσθαι.

Antequam autem huc digredimur, & illud attendi meretur, quantumvis hoc Orationum institutum longo satis tempore usu receptum fuerit, eas tamen pederentim à prima ac nativa sua forma ita descivisse, ut non nisi nomen ac speciem qualemunque veterum illarum tandem referrent: Primis enim temporibus, id quod jam declaravimus, nullatenus ratae erant, nec vim legum obtinebant, nisi Senatus auctoritate ac consulto confirmatae essent: Iccirco & Principes Orationes suas ita in Senatu proponebant, ut non certum jus constituere viderentur, sed quod constituendum erat, Patribus deliberandum exhibere. Id quod apparet ex iis, quæ supersunt, fragmentis; quale *ἐπιτομή* ex Oratione Adriani adfert *Ulpian. l. 21. ff. de heredit. petit. Dispicue P. C. nunquid sit equus possessorem non facere lucrum & pretium, quod ex re alienâ percepit.* Et in *l. 1. ff. de reb. eor. qui sub intel.* Orationis Severi hæc verba referuntur. *Præterea P. C. interdiciam tutoribus, ne pradia rustica suburbana distrabant, nisi ut id fiat, Parentes codicillis vel testamento caverunt.*

Geminam planè speciem exhibent illæ, quas supra ex Tacito & cæteris scriptoribus citavimus. Cæterum insequenti tempore mutavit hæc rerum facies; Siquidem SCra non jam amplius sequebantur Orationes Principum, nec iis confirmandis adhibebantur, sed SCra Oratione Principis erant confirmanda, quam cognito Patrum decreto & consilio eam in rem ad Senatum mittebant. Ostendit *Symmach. l. 10. ep. 28. Superest, ut ea, quæ Serenitas Vestra Patribus deliberanda proposuit, cognito SCto Lex Augusta confirmet. Idem lib. 6. ep. 62. Super impetratis adhuc speratur Oratio.* Prolixè autem in hanc rem facit *l. 8. Cod. de Legib. & Constit. Princ.* ubi Impp. Theod.

Eccc ccc 2

dof.

dos. & Valentinianus, sui sæculi morem satis accuratè describunt. Et hi ferè Impp. ultimi reperiuntur, quorum orationes ad Senatum missas constat. Sic eorum est *oratio missa ad Senatum l. 2. de curat. Calendar. Cod. Theodos. § l. unic. C. Theod. de cretione vel bon. poss. hac Oratione sancimus, add. l. un. de Respons. prud. l. 8. de legit. heredit. l. ult. de revocand. donat. l. penult. § ult. de matern. bon. l. un. de bon. que filiosam.*

Ut tandem nunc ad Germanicorum quoque Comitiorum instituta deveniamus, quæ congregato Imperii Senatu ab Orationibus, quas Propositiones appellant, nomine Imperatoris recitandis exordium sumunt: Eas ipsas Propositiones cum Romanorum Principum Orationibus comparari posse putavit Goldast. in *repl. pro Imper. cap. 11.* quem tamen hoc nomine aliquot argumentis in contrarium adductis confutat *Aruna. de comit. cap. 7. n. 3. § seqq.*

Qua occasione non incongruum erit, si illam in Imperio nostro Comitiorum rationem, tam eam, quæ remotioribus sæculis in usu fuit, quam quæ nunc recepta est, pauldò altius, succinctè tamen perscrutemur.

Ordiendum autem nobis erit à tempore demum Caroli M. cujus quippe auspiciis in unum corpus coalita Germania, initia ejus vastæ Reipubl. cujus laciniae etiamnum supersunt, cœperunt. Is igitur posteaquam maximam partem Germaniæ, quæ nunc ita vocatur, Francorum imperio adjecisset, eadem penè forma rempublicam constituit, qua Francia regebatur: Siquidem præter Abbates & Episcopos etiam Duces ac Comites, singulis regionibus in provinciæ formam redactis præfecit, quorum scil. virtute ac viribus adjutus, felicissima ubique arma circumtulera, torque ditiones acquisiverat. Horum præcipua erant munera, Imperatorem concomitari, jura subditis dicere, & velut in partem curarum ab Imp. assumptos decet, consiliis: peraque sua eidem præstò esse. Vid. quos hanc in rem allegat *Nicolaus Mylerus ab Ehrenbach in Archolog. Ordd. Imperial. c. 6. n. 5.* Ita enim Imp. Carolus Magnus in Comitibus An. DCCCLXXVII. Padabruni celebratis antequam Coronam Romanam obtinuerat, milites seu nobiles Francos & Germanos suos alloquitur: *Ite, milites mei, vos Heroes vocabimini socij Regum, Judices criminum: Vrsute posthac laboris*

boris expertes, consulite Regibus publico nomine, favete orphanis, juvato pupillos, consilio circumdate Principes, ab eis victum & vestitum, & stipendia petite. *Golaust. in Constit. Imp. tom. 3. latin. fol. m. 120.* Atque hi ipsi sunt, cum quibus de gravioris momenti rebus deliberare solebat Carolus, eorumque consilia in Comitibus explorare. Quod ipsum luculente nobis testatum reliquit *Hincmarus Archiepiscopus Rhemensis nobili Francorum prosapia oriundus, inque aulicis regni negotiis aetate Ludovici Pii, ejusq; filiorum versatissimus epistola ad Episcopos Francia perscripta 3. cap. 29.* Consueundo, ait, erat tunc temporis trita, ut non saepius, sed bis in anno placita duo tenerentur. Unum quando ordinabatur status totius regni ad anni vertentis spatium: quod ordinatum nullus eventus rerum, nisi summa necessitas, quae similiter toti regno incumberebat, mutabat: in quo placito generalitas universorum Majorum, tam Clericorum quam Laicorum conveniebat. Seniores propter consilium ordinandum: Minores propter idem consilium suscipiendum, & interdum pariter tractandum, & non ex potestate, sed ex proprio mentis intellectu, vel sententiâ confirmandum. Quibus verbis unum solum concilii genus describit, nimirum quod erat universale & commune totius populi. In quo non Majores solum, sed Minores quoque conveniebant: Unde hunc *Hincmari* locum optimè emendat *Excellentiss. D. Conringius in disp. de Germanic. Imp. civib. n. 32.* ut ita legatur: generalitas universorum Majorum & Minorum: Per Majores vel Seniores, tam Laicos quam Clericos, intelligit Duces, Comites, Abbates, Episcopos, quibus jus suffragii in Comitibus ferendi erat: Per minores verò non tam Schultetos, Judices & Magistratus oppidanos, quò tendere videtur *Lehemann, in Chron. Spirens. lib. 2.* quam populum universum, quod solidis satis rationibus probat *Dn. Conring. disp. alleg. n. 33.* Ejusmodi verò concilia, seu, ut illa aetas vocat, placita singulis ferme annis habebantur, quod prolixè ostendit *Dn. Aruma. tr. de Comit. cap. 4. num. 13.* Cæterum quando hæc concilia vel cum Senatu Romano, vel cum iis, quæ hodiernum constituuntur Comitibus in contentionem arctissimus, apparebit, quanta eorum ab utroque hoc concilii genere sit diversitas. Quod enim Senatum Romanum attinet, quantumvis ex permissione

ac mera Principum indulgentia suam obtinerent auctoritatem, ea tamen ita comparata erat, ut præter nudam consulendi facultatem etiam decernendi confirmandique, ea quæ à Principe proponebantur, potestatem continere videretur, ita ut in condendis Legibus non consilium modo Patrum, sed consensus etiam requireretur. At verò Caroli M. potestas verè regia fuit, nullius arbitrio hunc in modum obnoxia, ita ut quod Leges & cætera Majestatis jura spectat, omnia suo arbitratu peregerit, adhibitis in consilium saltem Proceribus & populo.

Quantumvis enim longè aliud colligere liceret ex iis, quæ adducit *Fr. Hotomannus in Francogall. passim imprimis cap. 12. 13. & 14.* attamen quàm ea parum solidis rationibus innitantur, pridem ostensum est *Excellentiss. Dn. Bæclero nostro in Comment. de reb. sec. 9. & 10. p. m. 19.*

Cujus hac de re judicium nobis pariter cynosuræ instar esse poterit ad discutienda ea, quæ adferuntur ab *Arumæ. in l. de Comit. cap. 4. n. 12. & seqq.* ubi dissetrè astruere non veretur, *Placita illa sub Caroli M. & successorum imperio habita, tam nostris Comitibus, quam ovum ovo quadrare.* Quod enim ait, *credibile non esse unquam Germanos eam in servitutem se demisisse, & à pristina libertate in obsequium Caroli venisse, quod ad ejus vel successorum quoq; nutum statim graviora regni negocia ordinare coacti fuerint,* ecquis non videt parum firma ratione hæc colligi, cum id jure belli à Carolo factum, quo victi leges à victoribus accipiunt. Quod Hincmari porrò auctoritatem attinet, parum ad rem ea facere videtur. Præterquam enim quod locutio ejus ævi Scriptorum non accuratè adedò attendi meretur, ut inde argumentum peti possit, ipsa etiam illa Hincmari verba aliam longè mentem præferunt, quam quod ea detorquet Arumæus. Verba ea sunt quæ superius jam adduximus: Unde hanc exstruit collectionem: *Id. quod ordinatum ac statutum in conventu nullo eventum rerum illo anno, nisi sola necessitate mutari potuisse. Regis ergò vel arbitrio Imperatoris Comitiorum subiecta conclusio non fuit, sed necessitate quadam ad ejus observantiam non minus ac ordines constrictos fuisse.* Sanè hanc argutationem parum convenire menti verbisque Hincmari satis liquet: Quod enim *ordinatum ac statutum in conventu erat, jussu nimirum ac auto-*

autoritate Caroli ut Regis, adhibito Procerum plebisque saltem consilio, id mutari non potuit: Quo ipso non tam libertas Caroli, quam Procerum constricta fuit; Et quis credat, eo animo fuisse Carolum, ut sponte se arbitrio eorum submitteret, quos ipse tum temporis ut Præsides singulis præfecerat Provinciis.

Cæterum quamdiu Imperium continua successione ad posteros Caroli magni propagatum fuit, dubium non est quin conciliorum ac conventuum eadem manserit ratio; Ea verò stirpe in Ludovico IV. deficiente, arctius paullò astrictam pedetentim fuisse Imperatorum potestatem nonnulli arbitrantur, partim quod tum temporis libera electione Imperium conferri cœpit, partim etiam quod dignitates Procerum progressu temporis hæreditariæ factæ fuerint. At vero illud à fide historiarum planè alienum, quod subsequentes Imperatores nuda Electione ad Imperium pervenerint, tum nec dignitates Procerum simul omnium jure hæreditario possideri cœperunt, sed paucissimorum saltem, invalescente postea longo temporis tractu feudorum conferendorum usu. Idcirco Comitria quidem sæpius celebrata, in illisque de republica, de pace & bello, de tributis & vestigalibus, de legibus ferendis &c. deliberatum, vigente tamen in omnibus regia potestate, ut inculcat *Excellentiss. D. Prasfes in Comm. sect. 1x. & x. p. 323.* Satis id ostendit quoque Friderici I. Oratio, qua Proceres Imperii hortatus est, in medium ut consulant, de Legibus novis vel ferendis, vel antiquis senium passis & justicio diuturno oppressis renovandis, apud *Gunth. Lig. l. 8. v. 457.* ubi inter alia hæc:

*Ipse quidem quamvis divino munere Princeps
Summus in orbe ferar, legumq; immunis & expertus
Non servire quidem cogar, sed condere jura
Fas habeam, vestris cupio disponere cuncta
Consiliis, nostro non agrè spondeo jussu,
Vel sancire novas, vel prisca legibus uti.
Nam nihil, ut verum fatear, magis esse decorum*

*Aut regale puto, quam legis jure solum
Sponte tamen Legi sese supponere Regem.*

Duæ adhuc ejusdem Friderici exstant aliæ Orationes apud eundem *Gunther. lib. 7. §. 327. & lib. 9. ps. 197.* quibus Principes Imperii contra Mediolanenses instigat. Dicebantur tum temporis Comitia signanter CURIAE, Germanicè Hœve, vid. quæ notat *Marquard Freher. in proleg. ad Commentar. in Constit. Adolf. Rom. Reg. in Curia Norimbergensi promulgata.* Ubi de Curiis Cæsarum & Legibus Curiatis agit: Celeberrima fuit illa Caroli IV. apud Nurembergam Anno MCCCCLVI. habita in qua cum summa rerum in Imperio, pleraque distinctissimè ordinata fuerunt, tum de ipsa ratione & forma Curiarum habendarum dispositum. vid. *A. B. cap. 26.* unde magnam partem in suum Commentarium de Imperio Romano transtulit *Petrus de Andlo lib. 2. cap. 15. add. Hippolit. à Lapid. de R. S. part. 1. cap. 5. sect. 3. n. 15. 16.*

Atque ab hoc tempore paullatim crevisse tam Comitiorum quàm Statuum auctoritatem indubium est, donec Maximiliano I. Imperatore sergè roborata, antiquæ Imperatorum potentiæ tantum fuit derogatum, ut in iis quæ pacem ac bellum, leges ferendas &c. spectabant, non consilio solum sed consensu quoque Imperii Statuum opus esse cœperit. Quod enim ante dicebatur consilio Procerum factum, ut & in *Reformat. Friderici III. de Anno 1441. adhuc & in Constitut. Maximiliani I. de pace publ. de Anno 1495.* videre est, id postea consilio & consensu eorum constitutum ferebatur: unde illa in Recessib. Imp. semper ferè adjecta clausula nata: *Und haben wir uns mit den Ständen und sie sich binnieder mit uns verglichen;* Hocque ipsum esse videtur quod *Tobias Paurmeister. lib. 2. de Jurisdic. Imp. cap. 2.* Consensum mutuum Cæsaris & ordinum Imperii formam substantialem facit decretorum Comitiorum.

Unde jam satis constat ea quæ nunc instituuntur Comititia, secus quam astruere conatur *Arumæus*, à placitis ac Curiis illis veterum Imperatorum in plurimis differre.

Muleò

Multò minus autem Comitia nostra cum antiquo Romanorum Senatu qui Impp. tempore fuit, contendì poterunt: Enimverò nihil hic fictum, nihil quod subdolum ut in speciem tantum agatur, nihil quod ab Ordinibus precariò & ex conniventia Imperatoris teneatur, sed omnia certis legibus ordinata, quibus tam Imperatori sua potestas quam Ordinibus jura ac libertas integra & illibata conservantur. Nimirum in ejusmodi Senatu qualis erat tum temporis Romanus, aut si quæ alia id genus comitia adferri possunt, Ordines cum Principe consultantes habent se instar causæ instrumentalis, nec efficiunt decretum, sed Principi efficienti operâ & ministerio præstò sunt. In nostris verò Comitiiis Ordines Imperii vera & propria efficientia ad decretum concurrunt, & unà cum Cæsare causam efficientem principalem referunt. Ibi consensus ac voluntas Ordinum ad bene esse, hic ad esse decreti concurrunt. Hæc omnia miris modis conturbat ac involvit *Hippolit. à Lapidè part. 1. cap. 4. sect. 1. & sequ.* quando omnem comitialem potestatem Imperatori detrahit, eumque ut ministrum Imperii, aut Præsidentem saltem Comitiorum confidentius paulò agnoscit, Ordinibus contra omni summa potestate attributa. Cujus quidem argumenta facili negotio convelli posse videntur, nec id ab instituto alienum foret, siquidem temporis ratio longius exerrare permetteret: Nos impræsentiarum hic anchoram figimus: hæc & quæ hisce gemina adferri possent alia in commodius tempus differentes.



XXXVIII.

THE MISTOCLES

SIVE

IDEA MAGNI CIVIS.

MAGNI civis exemplum proponimus THEMISTOCLEM Atheniensem: eoq; elogio intelligimus virum magnum omnibusque civilibus rebus accommodatum; sed qui sub republica populari imperio gubernata vixit; adeoque illius, non suo auspicio omnia gessit.

Ffff fff

Hujus

Hujus vitam eleganti & prudenti stylo *Cornelius Nepos*, auctor longe majoris quam quæ vulgo intelligitur præstantiæ, exsequutus est. Eius scriptio nostræ hujus operæ consilium, rationem & membra hausimus: dicturi breviter I. de *Ingenio Themistocli*. II. de *educatione*. III. de *virtutibus & artibus civilibus*. IV. de *illustribus factu & in patriam meritu*. V. de *fortuna ejus exituque*.

Laboris tenuitatem ut prolixè excusemus, fortasse non opus fuerit: quippe cum repetitioni qualicunque & exercitationi studiorum, quæ hætenus aliquantisper ætatem meam exercuerunt, tota hæc scriptio destinata sit.

CAP. I.

De Ingenio Themistocli.

Ingenium
Themistocli,
magnum.

I. Ingenium magnum & primæ notæ habuisse THEMISTOCLEM *Nepos* non obscurè per quædam quasi indicia & documenta declarat: præsertim *cap. 1.* ubi neminem ei anteferrì, paucos pares putari ait: paremque ei tam in rebus gerendis quam excogitandis promptitudinem attribuit: quod & de instantibus, ut ait *Thucydides*, verissime judicabat, & de futuris callidissime conjiciebat. Nam in hanc veluti summam contrahit amplius illius *Thucydidis* elogium, quod *l. 1. hist.* legitur, & in *comment.* *Nepotis* fuscè explicatur. Neque sane hujus loci est seorsim ista expendere: cum commodior sit occasio, talia in *cap. 3.* exsequendi: nunc enim nihil aliud quam ingenii singularis præstantiam tali characterè volumus indicatam.

Magnorum
ingeniorum
in republ. u-
sus & neces-
sitas.

2. Scilicet non cadunt magnæ & multæ boni civis laudes in angusta ingenia, aut depressiores naturas. Sed nec geri quidquam in Rep. illustre potest, nisi auctores rerum actoresq; , naturæ felicitate & ingenio, veluti in efficaces curas animentur. Quanquam sane pauci tales reperiuntur: quos propterea magis æstimandos esse mortalibus, satis liquet. Pertinet huc quod apud *Livium* ex *Hesiodo* expressum lego *lib. 22. cap. 29.* *Sæpe audiui, eum primum esse virum, qui ipse consulat quod in rem sit: secundum eum, qui bene momenti obediat: qui nec ipse consulere, nec alteri parere scit, eum extremi esse ingenij.*

3. Certè, ubi Reip. magna incumbunt pericula, ad illa primæ

mæ fortis ingenia tanquam ad sacram anchoram decurritur: quod *Nepos* noster tum *alibi* passim, tum in *vita Epaminondæ*, c. 7. n. 1. satis clare ostendit. Sed & cum Principibus magnorum negotiorum magni adjutores quærentur, statim magna illa ingenia respiciuntur, quibus pleriq; eminentes viri ad gubernandâ fortunam suam usi sunt, sicut *Vellejus* 2, 127. claris sub exemplis, testatur.

4. Intelleximus, magnis ingeniis accensendum esse Themistoclem: quæritur, an plane heroicu? Affirmari posse viderur, non tantum ex nobili descriptione *Corn. Nepos* qui Themistoclem heroico. ut sic dicam, charactere depinxit, sicuti supra mentionem fecimus: sed etiam ex illis argumentis, quæ alias inter requisita ponunt & intelligi volunt boni authores cum de talibus loquuntur. Nempe homines (sicuti in characteribus *Vellejani* describuntur c. 2. n. 10.) qui non in una alterave dote eminent, ut pleriq; excellentes viri, sed plurimis: & quocunq; se intendunt, admirabili sui actus efficacia pertendunt: & splendorem suâ magnitudinis, non cum apparatu ostentationis, sed per venerationem operis, humani generis conscientia infundunt. Quæ omnia in Themistocle nostro revera mihi videntur concurrere.

An heroicum fuerit ingenium Themistocle

5. Verum quia magna illa & heroica ingenia in utramque partem suis viribus uti possunt, amplius dubitari potest, an mixtis ingenijs annumerandum sit Themistocles, qualia in *Pausania* & *Alcibiade* *Nepos* agnoscit? quorum ille ut virtutibus eluxit, sic vitiis est obrutus; 4, 1. 1. hic excellentiss. vel in vitiis vel in virtutibus fuit 7, 1. 1. & posset aliquis in hanc opinionem venire, cum legeret, adolescentiam Themistoclis infamem vitiis fuisse. Sed diversa sententia videtur stabiliri, primo quidem auctoritate ipsius *Cornel. Nepos*, qui longe alio charactere *Pausaniam* & *Alcibiadem* notavit, quam Themistoclem: deinde etiam ex regula judicii, quæ circa ejusmodi quæstiones traditur in comentario *Nepotis*, p. 59. ex verbis *Livii* quæ ita sonant: *Qua major pars visa atq; ingenij stetit, ea judicandum de homine est.*

itemque an mixtum.

CAP. II.

De Educatione Themistoclis.

I. Postquam huc usq; tractavimus de ingenio & heroica indole Themistoclis sequitur nunc ratione instituti ut de educatione

Educatio Themistoclis primum improperia,

FFFF FFF 2

zione aliquid memoriæ mandemus, quibus nimir. doctrinis puerilis ætas sit imbuta. Videtur autem statim hic obstare iudicio meo adolescentia satis vitiis inquinata & licenter acta, quod Nepos claris verbis testatur, cum inquit: *Hic cum minus esset probatus parentibus, quod & liberius iusto vivebat, & rem familiarem negligebat, à patre exheredatus est.* Verum Nepos etiam hic pro nobis ipse respondit. dicens: *Hujus vitia ineuntis adolescentia magnis sunt emendata virtutibus: adeo ut antefatur huic nemo, pauci pates putentur.* Videmus ex his, quod animus ejus non habitaverit & permanserit in malitia, sed aliquantisper peregrinatus sit. Quamquam minime sane coloribus Ciceronianis ex oratione pro Cælio, istam licentiam primæ ætatis excusamus: sed potius cum patre Themistoclis improbamus & averfamur; interq; rarissima exempla numeramus, quod ex tam infausto flore eximia provenit maturitas. Mentio fit hujus exempli apud Achillem Tacitum l. 8. p. 529. *Καὶ μὲν ἔν τῳ περὶ τοῦ τοῦ Θμιστοκλέους, ὅτι καὶ κῆνθ' τῶν πρώτων ἡλικίας σφόδρα δοξας ἀκόλας ἔνει· πᾶντας ὑπερέλαβεν Ἀθηνάϊος ὕστερον σοφία τε καὶ ἀνδραγαθία.* Ac mihi tum venit in mentem illud quod de Themistocle olim dictatum fuit, qui cum in adolescentia perquam dissolutus esset, omnes tamen deinceps Athenienses prudentia & fortitudine superavit. Alias hic regula valeret alibi ab ipso Corn. Nepote insinuata (in vita Eumenis 1, 4.) quod statim in adolescentulis ad magna ituris fulgeat virtutis indoles.

mox egregiis
studiis emen-
data.

2. Potior & præcipua pars hujus capitis est ut consideremus industriam Themistoclis circa officia publica & meditamenta civilis actus, ad quæ severiore patris animadversione revocatus erectusque est. Atq; hic inveniemus rudimenta & tyrocinia magno ingenio dignissima, magna; spe futuri sæcundissima. Totum, inquit Nepos, dedit se republica, diligentius amicis, fameq; serviens. Intellexit autem per hæc verba, Themistoclem rudimentis civilium officiorum operam dedisse, & civilia negotia sectatum esse, magnamq; industriam in tuendis opibus amicorum & sedulitatem in exhibendis officiis præstitisse. Sequitur, quod multum in judiciis privatis versatus, sæpe in concionem populi prodierit. Ubi quid differant judicia publica à privatis, ex Sigonij lib. 3. de Republ. Atheniensium, cap. 1. qui hæc omnia prolixè & signanter tractavit, commodius peti potest.

3. Brevi-

3. Breviter hic aliquid adjiciemus de rudimentis clarorum ^{rudimenta} juvenum, h. e. de Tyrocinis ^{civilis vitæ} *vita politica*, quæ præsertim olim apud Græcos & Latinos ^{pud veteres.} *exercitatione eloquentia* in foro actuq; publico constabant. Ut sub exemplis loquar: Nero postquam *togam virilem* sumpsisset, ut *studiis honestis & eloquentia gloria* nitesceret, pro Bononiensibus Latine & pro Rhodiis atq; Iliensibus Græce verba fecisse, publice sæpe declamasse, carmina recitasse fertur, non modo domi, sed etiam in foro sive theatro. sicut Sueton. testatur in eius vita c. 7. & 10. Simile exemplum occurrit in *vita Caligula* cap. 3. ubi exponitur quod in utroq; eloquentia doctrinaq; genere maxime excelluerit, causas triumphales oraverit, quodq; inter cetera studiorum monumenta *condidit Græcas reliquerit*. Moris autem ita fuisse reperio, apud veteres, ut juvenes qui foro & eloquentia parabantur, imbuti jam domestica disciplina, ferriq; honesti studii, deducerentur à patre vel à propinquo, ad eum oratorem qui principem sive præcipuum locum in civitate tenebat. Hunc virum sectabantur, prosequabantur, omnibusc; ejus dictionibus intererant, ut etiam ipsi postea in concionibus publicis verba facere assuescerent. Quæ omnia clare & perspicue videre licet in dialogo de *causis corruptæ eloquentiæ* cap. 34.

4. Sed possit hic aliquis interrogare: *an Themistocles sine doctrina potuerit vir tantus evadere?* Testatur enim Thucydides, eum absque doctrinæ adjumentis in id celebritatis profecisse. Respicendum autem hic est ad duo. Primo quidem notandum est, quod hoc exemplum sit unum ex rarissimis, si quis sola ingenii felicitate & industria suppleat defectum doctrinæ magnusq; vir evadet. Accurate autem loquendo non potest plane expertus studiorum dici, quod secundum hic est: quippe cum potissimum hic studia politica attendantur, quæ possunt interdum accurata & solerti observatione negotiorum, eventuum, artium, multæ exercitatione & assidua industria ex rebus ipsis hauriri, regulæque & præcepta, quæ alias ex libris petuntur, ex ipsa praxi formari, nec sine arte in animo reponi. Quæ res tamen summum & primæ notæ ingenium requirit, quale supra Themistocli assignavimus. Interim manet certum, quantumvis magnum Themistoclem, si *literæ adfuissent*, majorem futurum fuisse.

An & quomodo doctrinâ carere potuerit Themistocles,

CAP. III.

De virtutibus & artibus civilibus Themistoclis.

Ffff fff 3

I. Ex-

Prudentia
Themisto-
dis,

I. Explicato THEMISTOCLIS ingenio, & educatione nunc de Virtutibus ejus consequens est, ut agamus. Neque vero animus est, longum texere catalogum virtutum, quæcunq; in viro civili, aut ipso Themistocle merentur considerari, aut laudari: sed illas tantum attingemus, quas reip. administrationi intimius innexas Nepos perstrinxit. Inter quas merito primum locum sibi Prudentia vendicat, propria Politici, & imperantis virtus; quæq; cæteras omnes ad publicos privatosque usus dirigit ac temperat. Partes ejus potissimum duas constituunt: *Intelligentiam*, atq; *Providentiam*. Illam per rectissimum de præsentibus judicium; hanc, per callidissimam de futuris conjectationem, breviter, ut solet, sed notabiliter expressit Nepos. Ratio utriusq; prolixè exponitur in *coffient*. *Nepotus à pag. novæ edit. 6. usque ad 23.*

in consilio
de ratione
bolli,

2. Erit autem expeditissima declarandi ratio, si ipsa illustria Themistoclis consilia, tanquam felices partus nobilissimæ matris prudentiæ consideremus. Tale consilium prolixè Nepos describit c. 2. ex quo maxime hujus viri prudentia elucet. Cum enim Xerxes terra mariq; universæ Europæ bellum inferret, & tantum copiam eam invaderet (sicuti rectè judicat Nepos) quantas neq; antea, neq; postea quicquam habuit, cumq; de ejus adventu fama in Græciâ percrebuisset, & maxime Athenienses peti dicerentur, propter pugnam Marathoniam, miserunt Delphos qui consulerent Apollinem, quidnam facerent de rebus suis? His Pythia respondit, ut mœnibus ligneis se munirent, quoniam igitur nemo erat qui responsum Apollinis quo valeret intelligeret, Themistocles persuasit; consilium esse Apollinis, ut in naves se suaq; conferrent, hoc enim significari murum ligneum. quod consilium non modo probatum est, sed etiam eventu felicissimum fuit. Ex quibus, attendentibus clare licet perspicere, quam vere judicaverit de præsentibus, & quam callide de futuris conjectaverit. Namq; vires Atheniensium, oppidi vim ad resistendum, rationem bellandi adversus Persas, accurate judicavit atque perspexit: quid futurum item esset, si urbs à Persis esset capta, satis ratiocinatus est, indeq; rectissimè suavit, tutiores in mari quam in terra, in navibus quam in urbe Athenienses fore.

In decipien-
do hoste.

3. Sed & postea bis callidissime prospexit rebus suis Themistocles: semel, cum Xerxem compulit uti loco sibi iniquo Atheniensibus vero oportuno confugeret. Iterum, cum eundem poten-

potentiss. hostem in Persiam suam relegavit. Si quis hujus rei pleniorē cognitionem habere cupit, is accedat ipsum *Nepotem* qui hæc prolixè c. 4. & 5. exsequutus est. Possemus hac occasione, unum atq; alterum tale occultum consilium inventumq; exempli loco ex *Frontino* & *Polyeno*, propriis harum rerum scriptoribus, adducere, si ipsa operis ac instituti ratio ferret.

4. Cum primis illustre specimen prudentiæ suæ in eo dedit Themistocles, quod singulari comento & arte muros Atheniensium à Persis funditus deleros restituit. Breviter res ita se habebat. Cum Athenienses urbem suam murosq; reficere vel-
In restituendis muris,
 lent, Lacedæmonii prohibere conati sunt, quanquam frustra, Legatosq; Athenas miserunt, qui id fieri vetarent. His quidem præsentibus, ut loquitur *Nepos*, desierunt, ac se de ea legatos ad eos missuros dixerunt. hanc legationem suscepit Themistocles, solusq; primo profectus, reliquos legatos tum demum exire iussit, cum muri ad justam altitudinem essent exstructi, unde comode adversus hostem pugnare possent, neq; privato, neq; publico ædificio eos parcere debere præcepit. Cumq; hæc & alia multa Athenienses docuisset, quid interim ipsis faciendum esset se absente, discessit. Ubi autem Lacedæmonem venit, non adiit Magistratus sed multa prætendit. quoties ab aliquo quæstorum interrogaretur, cur non in senatum procederet, dixitque se expectare sociorum adventum. Fuit autem præcipua causa hujus dilationis, ut longissime tempus duceretur, constitutaque domi firmitate legatio effectum sortiretur, de quo amplius *Nepos* exponit. Singulari igitur consilio & arte Themistoclem usum esse videmus, quanquam præcipuo suo periculo, ut Atheniensibus muros suos restitueret.

5. Si quis hæc exempla hætenus producta per singulas partes considerare vellet, revera *solertiā* Themistoclis in rebus inveniendū, *celeritatē* in cogitandū, *gravitatemq;* in consultandis inveniret. Ex quibus magis magisq; apparet, quā vere *Nepos* dixerit, eum rectissime de præsentibus iudicasse & callidissime de futuris conjecisse; quoq; convenienter illustre istud Elogium ipsi congruat: *unius viri prudentia Graciam esse liberatam.*
In pecunia dispensanda.

6. Progrediendum nobis est ad præcipuas Reip. partes & functiones, in quibus Themistocles materiam prudentiæ suæ exercendæ vel

dæ vel quæsit, vel invenit. Videmus & quotidiana experientia testatur, inter munimenta rerum publicarum præcipui roboris & æstimmii esse, partim *pecuniam*, partim *mœnia*, *portus*, & *similia*. Vir autem prudens non tam de multitudine & copia *pecuniarum* laborare quam de usu opum ad Reip. utilitates & salutem dispensando sollicitus & diligens esse debet. prudenti enim dispensatori videndum est, ne aurum argentumq; (ut loquitur Alexander Imperat. apud Lampridium c. 32.) in delectationes suas suorumve convertat, nefas enim est, Tyrannis quâ principibus dignius, divitiarum & pecuniæ non alium fructum putare quam profusionem. Bonus vero dispensator suæ pecuniæ parcus, publicæ avarus est. Hæc & alia multa de Themistocle nostro dici posse egregie mihi videntur, quippe qui largitiones magistratuum & inanis popularitatis blandimenta ad meliores utilioresq; sumptus convertit, populoque persuasit, ut mallet Reipubl. securitati quam singulorum voluptati consulere, quæ omnia prolixè habentur apud Nepotem, c. 2.

In portu ex-
truendo,

7. Idem sentiendum est, sicuti jam antea cœpimus dicere de *edificandi muniendiq; studio*. quod nisi singulari consilio prudentiaq; gubernetur, inani potius splendori servire solet, quâ solidæ civium utilitati. Itaque hic rursus sapiens, & singulare consilium Themistoclis elucet, quo usus est in muniendo piræo portu. Cum enim Phalereo portu neque magno neque bono Athenienses uterentur, hujus consilio triplex Piræei portus constitutus est: mœnibusque circumdatus, ut ipsam urbem dignitate æquipararet, utilitate superaret. Verum non exiguas utilitates hanc munitionem portus secum traxisse, eventu cognitum est. quippe non solum ad depellendam vim hostilem, sed etiam ad potentiam amplificandam, opes parandas, cives in re nautica peritos reddendos valde utilis & opportunus fuit. qua de re amplius, videri potest apud *Thucydidem*, qui copiose hujus rei mentionem facit *lib. 1.*

8. Egimus hætenus de prudentia Themistoclis; quam statim excipit *Fortitudo* sive *virtus militaris*, quæ non tantum *peritiam bellandi*, *generosa mentis adversus pericula constantiam*, *successumque & artes bellandi* complectitur, sed etiam *ab ipsa prudentia plurimum roboris accipit*. Laudem verò hujus virtutis non melius intelli-

intelligi posse existimo, quam ex ipsius rebus gestis, de quibus *Nepos* ex professo agit c. 2. 3. & 4. Ubi eum fortem fuisse his rationibus prædicat, quia *Corcyraeos* fregit, mare tutum reddidit expulsis maritimis prædonibus, deniq; quia ipse solus, sicuti *Nepos* testatur, *Xerxi* *Thermopylis* expugnatis restitit. Eset nobis nunc amplius agendum de *gravitate morum*, de *popularitate*, de *magnanimitate*, cæterisq; virtutibus, quibus vita civilis ornari juvari; potest: quoniam autem nostram scriptionem accommodamus ad libellum *Nepotis*, qui paulo generalius agit, ideoq; has virtutes de quibus expressis verbis mentionē non facit, silentio involvemus. Fuisse autē talia in *Themistocle* nostro tum facilis est conjectura, tum ex scriptorib. satis constat.

9. Interim multa contineri in illo Elogio, quo eum *Nepos* prosequutus est, quis neget? cum inquit: *Magnus bello Themistocles fuit, nec minor in pace.* Hac enim formula boni authores plerumq; summam variarum laudum solent complecti: rara scil, felicitate, si quis non tantum belli sed etiam pacis artibus ex æquo præcellat. Nam alias plerumq; qui bello optimi sunt, pace pessimi esse solent; sicuti maxima quæq; exempla demonstrant.

10. Instrumentum autem harum virtutū artiumq; civilium *Eloquentia* commune & ex ratione temporum solenne fuit *Civilis eloquentia*, *eius.* qua *Themistocles* apud Athenienses maxime valuit. præbet ei hujus rei testimonium *Thucydides*. lib. 1. hist. p. 92. ubi dicit: quod natura solers fueris, neq; precedente ulla neq; accedente doctrina ad subitos casus presentissimi consilij, futurorum optimus conjector, deniq; in omnib. dicendi. tum natura beneficio, tum consilij celeritate præstantissimus. & in nonnullis codicibus *Nepoti* Nostri, etiam illa verba adscribuntur: celeriter quæ opus erant reperiebat, facile eadem oratione explicabat. Verum enim vero magnum usum habere eloquentiā in vita civili omnibus notum est. Venit hic mihi in mentem exemplum *Catonis* apud *Sall.* in *Catilina*. Nonne hic eloquentia sua animiq; & consilij præsentia effecit, uti de conjuratis more majorum supplicium sumeretur, quos *Cæsar* exilio mulcandos, pecunias eorum publicandas, ipsos in vinculis habendos esse censebat? Interim magnum discrimen est inter eos, qui orerentur tantum, uti *Tacitus* vocat, docti sunt, & inter eos, qui vere & accurate eloquentiæ operam dedere.

Macula five
nexus in vita
Themisto-
clis.

11. Ingentem tamen *maculam* ad extremum sibi suisq; virtutibus Themistocles noster conscivit, dum ingratham licet patriam Xerxi Persarum Regi prodere cuperet. cujus rei sufficientissimam mentionem facit *Corn. Nepos* in ejus vita c. 10. cum dicit: *Hic tum multa Regi est pollicitus, gratissimumq; illud, si sua uti consiliis vellet, illum Graciam bello oppressurum.* Valde autem vehementerq; Themistoclem aberrasse (quod injurias à patria sua sibi illatas proditioe vindicare voluit) videre licet ex ipso *Nepote* in vita *Epaminondæ*, de quo scribit & inter elogia ejus ponit, quod *suorum civium injurias tulerit, & quod nefas esse irasci patriam duxerit.* Ita *Val. Maxim.* in *Marco Coriolano* viro maximi animi, & altissimi consilii, optimeq; de republ. merito carpit, quod is injurias à patria sua acceptas bello vindicare voluerit. Nam licet iniquissimæ damnationis ruina, sicuti *Valerius* loquitur (à Romanis) prostratus esset, tamen a nullo historicorum ejus propositum laudatur: quod patriæ bellum inferre voluerit; notum enim est, *nullam justam causam adferri posse ad inferendum patriæ bellum.* vide tamen, quomodo *Valerius* Themistoclem excuset 5, 6. ext. 3. & *Cic. ad Attic. lib. 9. epist. 10.*

CAP. IV.

De Factis & meritis Themistoclis.

Magnitudo
meritorum
Themistoclis
monstratur.

1. Videtur mihi non necesse esse, enumerare Themistoclis facta & res gestas per seriem; quia jam in præcedenti capite pleraque quæ *Nepoti* narratio habet, adduximus & consideravimus. Idcirco hic tantum summam expendemus, quantum profuerit rebus Atheniensium Themistocles. Magnas vero seriasque res Themistoclem apud Athenienses molitum esse colligi posse existimo, tum ex Authorum judiciis & imprimis nostri *Nepotis*, tum ex comparatione ad cæterorum virorum illustrium Atheniensium res gestas.

1. Judicii
Authorum,

2. *Nepoti* judicia huc recidunt: quod peritissimos belli navalii fecerit Athenienses, solus Xerxi terra marique potenti resistit, sua prudentia Graciam liberavit, magisq; consilio suo quam armis Gracia Xerxem devicerit: quippe qui non solum in bello, sed etiam temporibus pacis magnus fuerit. Quanta autem saluti fuerit universæ Gracia, id cognitum esse dicit bello Persico. Qualia pleraque etiam in capite præcedente

dente attigimus, Consentit his testimoniis *Valer. Maxim.* cum inquit: *Themistocles patriam incolumem, claram, opulentam, principem Græcia reddidit.* §, 3, ext. 3. *Cicero orat. pro Sext.* 67. magnifico præconio conservatorem patriæ vocat. adde *Ejusdem Lal.* 12. His consentanea sunt, quæ cæteri habent: neque enim prolixitati hic studemus.

3. Quod si quis nunc Themistoclem cum cæteris à *Nepote* 2. *Compara-* memoratis illustribus viris velit comparare, Occurrit primo *tione aliorū* Miltiades, vir magnæ autoritatis, testante *Nepote*, apud o- *virorum illu-* mnes civitates, cujus nobile nomen lausque rei militaris ma- *strium.* xima est, qui multas Insulas in ditionem potestatemq; Atheniensium redegit. Datimq; Darii ducem compulit uti loco sibi iniquo Atheniensibus verò opportuno confligeret, Miltiadem excipit ejus filius Cimon haud exiguis virtutibus & in patriam meritis præclarus, vir magnæ eloquentiæ & prudentiæ cum in re civili, tum in re militari, versatus enim est cum patre in exercitu à puero, ut loquitur Nepos. Quod hujus viri res præclare gestas attinet, scimus eum apud flumen Strymona magnas copias Thracum fugasse, decemque millia Atheniensium eo in coloniam misisse, apud Mycalem Cypriorum & Phœnicum ducentarum navium classem devictam cepisse uno congressu, postquam ex classe copias suas eduxisset maximam vim barbarorum prostravisse, Thasios opulentia fretos, suo adventu fregisse & quæ sunt ejusmodi præclara alia.

4. Pauca quædam de Iphicrate Atheniensi adjiciemus: nam omnium virorum illustrium Atheniensium in patriam merita censere & hoc volumine, si ita loqui fas sit, comprehendere instituti ratio non fert. Is ergo non tam genere aut magnitudine rerum gestarum, quam disciplina militari nobilitatus est, talisq; dux fuit, ut recte de eo *Nepos* judicat, qui non solum ætati suæ cumprimis compararetur, sed ne de majoribus natu quidem quinquā anteponeretur. Sed quis non videt Themistoclē hos omnes superasse ingenio, vicisse magnitudine rerum gestarum, antecessisse gloria?

CAP. V.

De Fortuna exitusq; Themistoclis.

I. Absoluto ingenio, educatione, virtutibus & artibus civi- *Infortunium*
libus, *Themisto-*
lis,

libus, factis meritisque Themistoclis, super est ut etiam videamus & memoriæ mandemus, *quali fortuna usum sit, & quo tandem exitu vir tantus sit defunctus*. De pueritia ejus nihil dicemus. Fortuna autem quæ virum excepit, varia & diu quidem prospera fuit, floruit enim ut felicitate, sic auctoritate & gloria inter suos, dico diu prosperam habuisse fortunam, non vero perpetuo felicem fuisse: expertus enim est sicuti plerique præclari viri Fortunam volubilem, caducam, fragilem, puerilibusq; crepundiis consentaneam esse, quæ subito affluit, repente dilabitur; nullo in loco, nullaq; in persona stabilibus nixa radicibus consistit: sed quæ incertissimo motu huc atq; illuc agitur, & quos in sublime extulit improvise decursu destitutos, profundo cladium miserabiliter immergit. Verum hoc esse patet non tantum ex verbis *Curtii*: nunquā diu eodem vestigio stare fortunam, semperq; homines quantamcunque felicitatem habent, invidiam tamen sentire majorem: Sed etiam maxima quæque exempla confirmant.

ex invidia
populari.

2. Est autem ratio calamitatis ejus paulo propius inspicienda. Videmus nihil aliud Themistoclem civibus suis invisum reddidisse exilioque multasse, quam virtutem & meritorum gloriæq; magnitudinem. quod probari etiam amplius potest, ex ipsius *Nepotis* verbis, quæ sic se habent: *Tamen non effugit civium suorum invidiam, namq; ob eundem timorem, quo damnatus erat Miltiades, testarum suffragiis è civitate ejectus, Argos habitatum concessit*. Unde hic intelligere & pronunciare licet: *magnis viris in civitate democratica, qualis tunc Athenarum urbs erat, ex ipsa licentia populari commune ac veluti perpetuum periculum imminere*. Metuunt enim horum civium potentiam. Clarum hujus rei exemplum habemus in Miltiade Cimonis filio, cui inerat (uti *Nepos* testatur) cum summa humanitas, tum mira comitas, ut nemo tam humilis esset, cui non ad eum aditus pateret: magna auctoritas apud omnes civitates, nobile nomen, laus rei militaris maxima. *Hac populus respiciens, maluit eum innoxium plecti, quam se diutius esse in timore*. Idem ferme accidit ejus filio Cimoni, qui cum unus in civitate maxime floreret, incidit in eandem invidiam quam pater, cateriq; Atheniensium principes. Nam testarum suffragiis, quod illi ostracismus vocant, i. e. decem annorum exilio multatus est. Hinc verissime Ifo.

me Isocrates Rhetor (ap. *Eliau. l. 12. c. 52.*) de civitate Atheniensium dixit, ad peregrinandum eam jucundissimam esse, omnibusq; totius Græciæ civitatibus præstantiorem: ad habitandum verò non item securam ac tutam. Quibus verbis innuere voluit in civitate Atheniensium multos Sycophantas & delatores esse, qui se populares esse simulant, interim tamen viris illustribus multis modis insidias struunt ac parant. Non omittenda tamen hic est cautio, quæ nos jubet vitare eorum errorem, qui ex Democratiæ ipsius natura proprie originem hujus mali arcessunt. Non enim Democratia per se, sed vitiosa Democratia licentia causam ejusmodi fortunæ suppeditat.

1. Posset hac occasione illa quæstio tractari, de Ostracismo an scil. probari excusariq; possit nec ne? Legimus Ostracismum quoddam genus suffragiorum apud Athenienses fuisse, quod per calculos, aut testas ferebatur, initio quidem ad democratiæ æqualitatis statum contemperandum repertum, sive, ut loquitur Aristoteles, inventum in civitatibus quæ maxime æqualitatem complectuntur, ut illi qui superexcellere viderentur, vel propter divitias, vel propter amicos, vel propter aliquam aliam civilem potentiam, relegerentur ad tempus determinatum. Cœpit autem hoc genus punitionis, ut est genius popularis libertatis, intemperanter haberi & in abusum trahi, uti videmus omnia mala exempla ex bonis etiam initiis, ut loquitur *Sallust.* in Cat. orta esse. In explicanda hac quæstione primo cum Aristotele, excipienda est virtutis eminentia: ob quam neminem multandum fuisse exilio, certissimum est. Secundo, non fingendi sunt casus, præter & extra rerum, quæ evenerunt, exempla. Ita e.g. ob potentiam & auctoritatem quietam, civilem, moderatam nemo fuerit Ostracismo puniendus: & si quis propterea punitus est, ut sane sunt non pauci, factum istud est inique & seditiose. Unde Aristotelis *σασιατικὸς γὰρ ἔχρῳλο αἱ πόλεις*. Quod si autem aliquis, sua potentia & illa *δυνάμει πολιτικῇ*, quam Philosophus appellat, utatur incivilius, elatius, insolentius: jam ex *ὑπεδίστη* status Democratici, & æqualitatis qua nititur ille status, intolerabilis liberæ civitati & nimius homo videbitur. Unde auctum Livii judicium de Manlio lib. 6. c. 20. Vir memorabilis, nisi in libera civitate natus esset.

Quid de Ostracismo
sentendum.

Transfugium
Themisto-
elis ad Per-
sam.

4. Quid de *transfugio* ejus ad Regem Persarum dicemus, ad quod denique post tot exilia & pericula adversantis fortunæ quasi adactus videtur? Excusarunt Cicero, Valerius, alii: nisi in hoc uno male consulisset suæ existimationi, quod Persarum Regi promisit subjugationem patriæ, qua de re sufficienter mentionem facit Corn. Nepos c. 10. §. 2. Quanquam quid alii hic sentiant supra indicavimus *sine cap.* 3.

Mors ejus.

5. De morte hujus magni viri variant Authores. quidam enim ajunt eum sponte ex desperatione sumpsisse venenum & ita decessisse, dum ea quæ Regi de Græcia opprimenda pollicitus esset præstare non posset; alii morbo correptum vita defunctum esse: deniq; aliqui ne cogeretur adversus patriam aliquid moliri, mortem sumpsisse eum produnt: ego libenter Thucydidi accesserim, qui memoriæ prodidit illum Magnesiæ morbo mortuum esse, quiq; non negat fuisse famam, venenum sua sponte sumpsisse, cum se quæ Regi de Græcia opprimenda pollicitus esset, præstare posse desperaret. Fuit ergo ipse exitus valde miserabilis, quique documentum vertentis fortunæ jam antea demonstratum maxime confirmat. Ubi videmus complures præclaros viros unum eundemq; exitum vitæ habuisse. quod etiam Thucydides affirmat lib. 1. hist. pag. 97. sub finem inquit: *Hunc exitum habuerunt Pausanias Lacedæmonius & Themistocles Atheniensis apud suos uterque nobilissimi.* Finem nunc etiam imponere scriptioni meæ cogor: postquam pro imbecillitate ingenii, tenui filo contexui quæ ad hujus viri ingenium, educationem, virtutes & artes civiles, illustria facta & in patriam merita, fortunam exitumque declarandum ac exprimendum utilia necessariaque visa sunt. Sit igitur DEO TER. OPT. MAX. sine cujus ope & auxilio, quæcunq; sunt vel suscipiuntur vana sunt, HONOR ET GLORIA in æternum.



XXXIX.

COMPARATIO

INTER

HIPPOLYTUM EURIPIDIS

ET SENECAE.

Quam

QUum nobis sit propositum, collationem instituere inter Hippolytum Euripidū, & Seneca, non abs re facere videbimur, si quædam scitu necessaria præmittamus. Fabulam ipsam quod attinet historica fide eam præter alios refert & *Plutarchus in parallelis, comparatione 34.* quam inde peti malo, quam huc excribere. Præter hos duos, Euripidem & Senecam, scripserunt etiam Hippolytum (ut *Mart. Delrio* annotavit) *Lycophron*, & *Sopater*; utriusque verò opus injuria temporis periit. De *Euripide*, quod is sit Auctor hujus fabulæ, dubium non est. Sed cui Latina adscribatur, à Clarissimis Viris jam olim disceptatum est. Nos missis iis, quæ *Lipsius*, *Delrio*, & alii hic scripserunt, judicio *Dan. Heinsii*, accuratissimi quippe in his talibus Censoris, statimus, qui eam *Lucio Seneca* adjudicat, simulq; id gravissimis rationibus asserit, in dissertatione de Auctoribus Tragœdiarum, quæ vulgo sub Senecæ nomine circumferuntur. Videtur etiam illi hæc Tragœdia antiquissima, adeoque ante Troada scripta, & nisi hanc excipias, nulli Latinorum secunda. Si quoq; eadem cum *Euripidū* Hippolyto conferatur, patebit, eam non semel superiorem esse; quod etiam *Scaligeri* est judicium in suo *Hypercritico*, de *Seneca*. Sed hæc infra latius patebunt. Notandum verò hic breviter est, duplicem esse hanc fabulam, quod ex connexion & solutione satis constat; longe enim aliter *Seneca* fabulam connexuit & solvit, quam *Euripides*, de quo in tractatione ipsa pluradicenda erunt. Propius jam ad rem ipsam accedemus, & primo de fabula vel tota Tragœdiæ dispositione dicemus.

De Fabula.

Aristoteles, (cujus manu ductionem mæximi Viri secuti sunt, & nos in præsentia sequemur) c. 6. de Poëtica sex facit Tragœdiæ partes, quarum quatuor priores sunt fabula, mores, sententia, dictio; duo posteriores, apparatus, & modulatio. Sed quum, hæ duæ potissimum ad Tragœdum referantur, de iis jam nihil dicemus.

Quum autem Tragœdiarum plures sint formæ, quas *Aristot.* recenset c. 17. de poët. hæc ad *πασιτικήν* refertur, quia tota est perturbationibus plena, & exitum tristissimum per cædes sortitur. In fabula potissimū spectatur *οικονομία* Tragœdiæ. Hic jam *Euripides*, ut semper fere solet, teste *Aristotele* c. 14. *μὴ τὸ οἰκονομεῖν*. Ita enim rem omnem intricavit, ut, quomodo eam arte sua

te sua iterum solveret, non appareret. Nam, quum Phædra jam strangulata esset, & Theseus ab inferis venisset, nulla via amplius patebat, quâ causa hujus mali illi indicari potuisset. Nutrix enim non aderat amplius, quippe quam Phædra ipsa abire jusserat v. 708. & chorus illi prius juraverat. v. 713. se nihil de malis istis Theseo enunciaturum: neq; etiam Hippolytus præsenserat. Quum igitur hæreret, confugit ad literas quasdam, quas ex manu Phædræ pendentes accepit Theseus, ut ex illis disceret, ob quam causam illa esset suspensa; & per eas simul ipsa actio promoveretur, quam potius hac ratione sufflaminavit. Nam cum nullam jam personam haberet, quam in scenam produceret, recurrit ad Hippolytum, eumq; Patri obviam ire fecit, quod *Heinsius non placet*; nulla enim, ut dicit, verba digna tanto scelere inveniri poterant. Quum igitur ira Thesei præsentia Hippolyti, tam scelerati ut illi persuasum erat, hominis, exasperari debuisset, ille potius subtiliter disputat; de quo inferius plura. Præterea, quum Hippolytus, ut *Heinsius* dicit, se uno verbo expedire potuisset, obitare sibi jusjurandum dixit, quod Nutrici præstitisset; quasi vero ullum jusjurandum obligare posset, quod non dolo tantum elicitum est, sed etiam, ubi is, qui jurat, aliquod factum supposuit, quod revera se ita non habet, ac nisi id credidisset, juraturus non fuisset, de quo *Grotius de jure belli ac pacis l. 2. c. 13. §. 4.* Hippolytus autem Nutricis verba de re honesta tacenda intellexerat, non de adulterio, & incestu, ut *idem* ibidem habet in *notis ad §. 2.* huc accedit, quod ipse Hippolytus id jusjurandum irritum esse prius dixerat v. 612. sed, ut recte *Heinsius*; signum est poenitentis Poëtæ, ut qui male œconomiam suam orsus esset. Si enim Hippolytus rem omnem, ut gesta erat, patri enarrasset, jam fabula fuisset soluta, antequam solvi debuisset. Nam prius erat Hippolytus dilacerandus ob votum patris, quod votum itidem concipi debuit à Patre ignaro adhuc, quomodo revera res gesta esset. Alias in doctrinam affectuum peccasset. Si enim Theseus sciens filio imprecatus esset, tum patricida, & omnium bipedum nequissimus fuisset, neque commiserationem in animis spectantium excitare potuisset, quod tamen tragici præcipuum est munus, qua de re consulendus *Heinsius in libello de constitutione Tragediæ, cap. 9.*

Omnia

Omniū enim maxime hoc terrorem, & commiserationem in animis nostris excitat, si tam horrenda inter consanguineos, & quidem per ignorantiam, & imprudentiam accidant; neque etiam illi, per quos hæc fieri debent, nimis, sint vel boni, vel mali, sic enim nemo facile inter spectatores erit, qui non talium misereatur, & simul sibi timeat, cū cogitet, eadem etiam sibi vel suis evenire posse. Jam, ut unum absurdum ex alio sequitur, quum nulla amplius persona *Euripidi*, qui æque ac Hippolytus jam miser erat, restaret, qua in solutione fabulæ uti posset, confugit ad machinam, & per eam adduxit Dianam, quæ Theseo caput tantæ calamitatis indicat; nempe eam Hippolyto immisissam fuisse à Venere, quam ille contemnebat; & postea Patri & filio suadet reconciliationem. Interea Hippolytus ægre spiritum adhuc trahens in scenam affertur, ubi placide expirat. Atque sic jam se habet dispositio illa *Euripidea*.

Contra illa quæ in *Seneca* est, optima videtur *Heinsio*, id, quod jam clarum erit, si eam explicemus. Habuit autem *Seneca* non unum, quem imitaretur; plures enim ut supra dictum est, fuerunt, qui Tragœdiam hoc nomine scripserunt. Quum igitur *Lucius* videret, quantum in hæc parte ab *Euripide* peccatum esset, dandam sibi operam esse putavit, ut meliorem adornaret æconomiam. si *Lycophronis*, & *Sopatri* Tragœdiæ extarent, videri posset, num ex illis aliquem in hoc imitatus fuisset. Summum autem artificium imitationis in *Seneca* apparet. nam, cum idem sit utriusque Tragœdiæ argumentum, longe tamen alia ejus est fabula, ab illa *Euripidis*, ob maximam connexionis & solutionis diversitatem. Licet enim cum eo in primaria actione conveniat; nimirum, quod Phædra amarit Hippolytum, eo autem in petitionem tam execrandam non consentiente interitum ei struxerit, & manus sibi violentas intulerit, unde Theseus ab inferis reversus, his cognitis, Hippolyto imprecatus fuerit, quam imprecationem Neptunus etiam ratam fecerit, eumque per marinum taurum dilacerarit: tamen in iis, quæ ab ingenio Poëtæ pendent, qualia sunt solutio, & quæ ad eam viam quasi sternunt, episodica, ita eum imitatus est, ut non tantum ab eo in multis abierit, sed sæpe eum superarit, plane ad præceptum illud *Horatii in arte*, v. 131.

H h h h h h h

Pu-

Publica materies privati juris erit, si

Nec circa vilem patulumque moraberis orbem:

Nec verbum verbo curabis reddere fidus

Interpres.

& quæ sequuntur. Nam primo personas Phædræ & Nutricis commutavit, ut melius solutioni inservirent. Quum enim *Euripides* ita Nutricem induxisset, ut summa niteretur ope Phædræ eo perducere, ut Hippolyto suum amorem aperiret; illa autem adeo ab hoc abhorruisset, ut vix tandem à Nutrice id fieri permiserit: *Seneca* contra Nutricem suam ita informavit, ut Phædræ, quibus posset rationibus à tam scædo amore deterre-
ret, & vix tandem pateretur, ejus petitionem ad Hippolytum emanare: Phædræ autem ita furentem dedit, ut ipsa Hippolytum ad incestum amorem sollicitaret. Quod quum factum esset, & Hippolytus à tam nefanda petitione abhorruisset, illa etiam amplexibus apud eum institit, unde ille ensẽ adversus eam strinxit. Hoc ut Phædræ vidit, gratissimum sibi fore dicit, si se occidat. Ille vero, ne ullo modo eam voti sui compotem reddat, abstinet se à sanguine illius; simulque gladium abjicit, purum non amplius esse ratus, quod eum contra tam scelestam mulierem strinxerat. In hoc jam latet illa æconomia optima, qua factum est, ut ipsa actio sine ullo labore protinus ad finem perduceretur, ut jam patebit. Amor igitur ille, suasu Nutricis in odium fatale convertitur, quo omne scelus in Hippolytum devolvitur. Redeunti enim Theseo Phædræ maximo cum dolore exponit factum Hippolyti, quod nimirum suam sollicitavit pudicitiam, simulque gladium relictum testimonii loco ostendit. Quo viso Theseus statim excandescit, & omnia dira capiti ejus imprecatur, qui jam fugerat. quod itidem melius longe ordinatum est, quam apud *Euripidem*, etiam si temporis rationem spectes. Ibi enim vix Hippolytus à Patre abierat, & statim nuntius adest, qui fatum ejus narrat: Hic verò aufugerat, antequam Theseus rediisset, unde putandum est, ut primum Theseus has diras in filium effuderit, Neptunum ei marinum istum taurum immisisse, quod cum Phædræ audisset, cœpit, partim stimulis conscientiæ agitata, partim commiseratione infantis adolescentis ducta, rem omnem; ut gesta erat,

erat, Theseo exponere. Hic adjunxit Seneca, ut *Heinsius* dicit, duas ὁ-*Jeis* σκηνικάς, quibus oculorum lenocinium quæsit, quod illi etiam in aliis solenne est. Nam Phædra coram populo manus sibi infert, quod apud *Euripidem* melius narratur; & Hippolyti reliquiae exhibentur, quas Theseus componit, & in ordinem redigit. Sed *Horatius* hæc talia non probat, eo quod revera exhiberi non possint, & hac ratione sibi fidem detrahant. Nemo enim crederet, Phædræ se revera gladio confecisse, aut has reliquias esse illius Hippolyti, qui prius in scena exhibitus fuit, quod tamen est contra naturam Tragediæ, quæ semper in argumento verisimili versari debet, ut *Aristot.* docet c. 10. Ex his ita dispositis per se fluunt omnes perturbationes, & affectus, in quibus Euripides mire excellit; quorum doctrinam hic non repetendam esse duco, cum supra quædam in hanc rem dicta sint, & ab ipso *Aristotele* accuratissime eadem tradita fuerit c. 14. & 15. de Poëtica, editionis *Heinsiana*. Pergimus jam ad chorum.

De Choro.

In choro plerumque vincit Euripides: inter alios eminet ille, quo sævi cupidinis potentiam deprecatur, imo videtur is *Heinsio* plane inimitabilis. Idem tractat argumentum *Seneca* choro 1. sed non tam bono successu, latius enim evagatur. Nam quid huc pertinent Apollinis, Jovis, Herculis exempla? longe melius ille canit de amoribus Ioles, & Semeles, perniciosius quippe, & qui Phædræ à suo incesto amore deterrere poterant, reliqua nimis sunt vulgaria, vix ultimo versu ad rem propius accedit, cum canit, v. 355.

Vicit πάρα κηρα ποτρίαι,

Contra, quam divina sunt illa, & vel Nectare dulciora, v. 325.

Ἔρω, ἔρω· ὁ κατ' ὀμμάτων

στάζει πῶδ' ὁ, ἰσάγων γλυκύναν

Ψυχὰ χάεν· ὡς ἱππευδίστη·

neq; minus hæc, quibus suadet cultum amoris legitimi, v. 338.

Ἔρωτα β· τὸν τύρηνον ἀνδρῶν,

τὸν τὰς Ἀερδίας,

φιλάτων θαλάμων

Κλεῖδον, ἢ σφίζον;

H h h h h h h 2

hæc

hæc vero plane aculeos habent, v. 563.

Διὸν γὰρ τὰ πάντ' (Venus) ἱππυῖα, μέλιστα
Δ' οἷά τις πεισάλαι.

Chorus tertius apud *Senecam* idem fere est cum sexto *Euripidis*, v. 1102. ubi providentia divina in dubium vocatur, quum Hippolyto innocentia sua tam male cedat. sed nec hic satisfacit præ illo *Euripidis*, in quo apostrophe illa ad Hippolytum neminem non ad misericordiam commover, magis itaque inservit scenæ, & promovet actionem. hæc autem sunt admiranda, & digna quæ huc adscribantur, v. 1111.

Ἴδτε μοι ἑυχαμένα
Θεῶν τὰ δὲ μοῖρα παρέχου.
Τύχην μετ' ἑλθεῖ
καὶ ἀγέρον ἄλγισι θυμὸν.
Δύξα ὃ μὴτ' ἀτρεκέως, μὴτ' αὖ
Παράτημα ἰνέω.
Ράδια δ' ἥδια τὸν ἄνελον
Μεταβαλλομένα χρόνον αἰεὶ
βίον σὺνδτυχοῖλω.

De providentia divina nunquam satis certi fuerunt Gentiles: sæpe enim dubias traxit sententia mentes, cum votis suis contraria evenire viderunt. Non parum etiam convenit cum choro *Euripideo* exordium illustre *Claudiani* in *Ruffinum*, ubi *Cass. Barabius* multa in hanc rem congeffit ex sacris & profanis. Hinc est, quod quidam *Ethnicorum* aliam post hanc vitam statuerint, ubi quemque sua præmia secutura sint, cujus etiam meminit *Eurip.* v. 191. quo pertinent campi Elysi, Apotheoses non paucæ, inter quas etiam Hippolyti nostri, Virbii postea dicti, ut *Ovidius* habet *l. 15. Metam.* v. 544. numeranda erit; Judices apud inferos, pœnarumque varia & horrenda genera, à poëtis decantata, quæ *Ovidius* fere omnia coacervavit in carmine suo in *Ibin*. Essent etiam in reliquis quædam observanda, sed brevitas, cui hac vice operam dare constituimus, non concedit ea prolixius examinare.

De Moribus.

Ventum jam est ad secundam Tragœdiæ partem, quam Græci ἥθος vocant; latini, quia aliter non possunt, mores. verum

rum non tam mores hac voce significantur, quam morum quædam proprietas, ut recte hoc observavit *Fabius l. 6. c. 2.* & ex recentioribus *Heinsf. de constitutione Tragedia c. 14.* Morata autem oratio est, ut idem *Heinsf. ex Aristot. tradit.* in qua non ex indicio dicentis, sed ex ipsa, quæ in hac elucet proprietate morum institutum alicujus intelligimus, ut voluntatem, qualis est illa Phædræ apud *Eurip.* præ amore decumbentis & delirantis. v. 198.

Ἀρστέ μιν δέμας, ὀρῶντι κάρη,

ἄλυμαι μελίαν σύνδεσµα, φίλαι.

Hic, ut notat *interpres Græcus* *Ἐυριπίδης ἐφύλαξε τὸ τῶν νοσηρῶν τῶν ἡδῶ, κομματικά γὰρ οἱ διανοιοι*, & concisæ, quemadmodum ægri loquuntur, & illi, quibus fauces mœrore strangulantur, unde latinis verba tertiata dicuntur. in reliquis delirantis mores expressi sunt. licet enim amantibus res amata desit, semper tamen species ejus intus versatur; unde amentia capiuntur, qua ea proferunt quorum postea statim pudet, ut Phædra hic. v. 208.

Ἐ, ἰ, πῶς ἀνδρῶσι γὰρ ὑπὸ κρηίδῃ

καθαρῶν ὑδάτων πόμ' αἰσταίµαν; &c.

Vix hæc & similia protulit, cum pudore suffusa subjicit, v. 239.

Δύσανθ' ἰγὰ τί σὸτ' ἐργασάµαν;

Ποῖ παρὶ πλάγχθῃ γνώµας ἀγαθὰς; &c.

Eadem quidem apud *Senecam* dicit, v. 385. sed sunt grandiora, quam ut ægris convenient. Alias in attribuendis moribus superior est *Euripide*, qui semel inconvenientes dedit. Nam cum in Nutrice satis accurate expressisset, ἡδῶ-
famulæ, eam postea inducit philosophantem de vita futura v. 191. de qua tamen non nisi inter acutissimos Philosophos constabat; talem etiam de amicitia inducit disputantem. v. 253. Melius autem eadem Nutrix invocatur *Venerem* v. 522. ut sibi sit auxilio in corrumpendo Hippolyto, quam illa apud *Senecam* *Dianam* v. 405. non enim virgo contra castitatem invocari debet, dicit *Heinsius*, neque etiam *Diana* est conciliatrix amoris, sed *Venus*. *Delrio* tamen & *Farnabius* ita excusant, quod invocavit *Dianam* tanquam Numen patrium, &

Hhhh hhh 3

non

non ut faveat, sed ne obftet facinori suo. hoc quoque non bene. Multa etiam absurda dicit Hippolytus in oratione inventiva in genus muliebre, qui tamen erat discipulus ἀγὼ Πλάτωνος v. 11, adeoque Philosophus, quorsum enim ista v. 618.

Εἰ γὰρ βρότειον ἡδύτατον ἀνέστι γένος, &c.

an non absurda? quæ etiam *Scholias* observavit, οἱ γὰρ πέντες ἐκ ἀνὶ ἰκτίσαντο παῖδας, quorum tamen pars major est, quam divitum, qui dona ista, quorum ibi meminit, possident. Deinde quorsum Jovi est opus auro, ære, ferro? insuper si τοὺς τιμήματα τῆς ἀξίας ἕκαστον ἐπὶ πᾶσι παῖσιν oportet: annon plures erunt mali quam boni, quomodocunque hæc verba accipiantur. dupliciter enim ut *Scholias* notat, capi possunt: alii enim de æstimatione doni accipiunt; alii de æstimatione illius, qui hæc dona offert. si prius est, tum tanto meliores quis liberos habebit, quanto splendidius donum dederit; tanto peiores, quanto vilius. palam autem est, pauciores esse, qui aurum possideant, quam ferrum; imo etiam est rarior proventus auri, quam ferri: pauciores igitur erunt boni. Si posterius, tum mali non nisi malos dabunt, unde brevi tanta malorum segēs futura esset, ut omnes boni ab iis opprimerentur. Verum nemo non videt, quam puerilia hæc sint, & non deceant hominem ἐποιδῶν γυναικα, ut prius eum descripserat v. 309. talia sunt quæ habet v. 634. quasi statim necesse esset, si quis bene in conjugio viveret, ut semper habeat malos affines; aut si affines sint boni, uxor sit mala; aut ille felicissime vivat, qui simplicem habet uxorem. Nec melioris commatis sunt, quæ sequuntur, v. 645. Certe *Euripides* mihi hic videtur potius seipsum expressisse, quam Hippolytum; modo enim sexui sequiori maledicat, nihil pensi habuit, num absurda proferat, aut verisimilia. Vix in fine orationis hujus v. 654. castitas Hippolyti elucet. Meliora sunt illa, quæ prius dixerat, v. 601. cum ex Nutrice de insania Phædræ audivisset.

Deinde, quam leviter res transigitur redeunte Theseo, ubi Hippolytus ei occurrit in primo furore, quod melius cavit *Seneca*, ut supra quoque dictum est. Sane non est verisimile, Theseum filium suum tam placide allocuturum fuisse, quum vix verba tanto scelere digna inveniri possint. imò nullus Pa-

tens

rens tam patienti esset animo, ut vel aspicere sustineret filium, in tanto scelere modo deprehensum. Ille vero sic incipit, v. 916.

Ὡς πολλὰ ἀμαρτάνοντες ἄνδρες μαίωται,
 τί δὴ τέχνας μὲν μυρίας διδάσκεις,
 καὶ πάντα μηχανᾶσθαι, καὶ δεισκέλεις;
 Ἐν δ' ἔκ ἐκὶ σταθ' , ἔ δ' ἰδνεῖσθαι τοῦ,
 φρονεῖν διδάσχειν, ὅστις ἔκ ἐνδοῦ νῆς;

Talia ibi plura sequuntur. sed tam subtilis disputatio, ut ipse Hippolytus eam vocat v. 924. non convenit animo tantis affectibus occupato. Seneca in his longe præstat. Nam, ut in Phædra alia omittam, quid oratione ea, qua Hippolytum aggreditur, delicatius esse potest, & mollius, quæ quidem Heinsio ita placuit, ut neminem, nisi Ovidium, hæc dicere potuisse putarit qualia enim sunt illa? v. 608.

Me vel sororem, Hippolyte, vel famulam voca:
Famulamq; potius, omne servitium feram.

&

Mandata recipe sceptræ, me famulam accipe.

Rationes etiam addit,

Te imperia regere, me decet jussa exequi.

Muliebri non est regna tutari patriæ.

Item averso ab Hippolyto vultu;

O spes amantum credula! O fallax amor!

Saturne dixit?

Omnium autem mollissima sunt hæc;

Hippolyte sic est. Theſei vultus amo

illos priores, quos tulit quondam puer.

& quæ sequuntur. Non pauca etiam habet, in quibus felicissime imitatus est Ovidii Epistolam 4. Heroidum quam Phædra scripserat ad Hippolytum; sed hæc afferre nunc non est nostri instituti.

Phædra apud Euripidem plane aliter est morata. qualis autem sit, ipse Hippolytus unico versu dixit. v. 1034.

Ἐρωεσθῆναι, ἢ ἔχουσα σαρραφῆναι.

Nempe erat amore corrupta, sed talis noluit videri, proinde vix Nutrici id confitebatur, occultabat quidem amorem sed
 non

non bene. tenerior enim est affectus, quam ut occultari queat, inprimis si oratione tangatur. hinc est, quod, cum forte Nutrix mentionem Hippolyti fecisset, statim illa exclamet, v. 310. ἦ μοι ! Ἀπώλωσάς με μάλα. Deinde quum amorem suum Nutrici conatur indicare, quanto id pudore facit? primo enim ex prioribus, ubi de amoribus matris & sororis conquesta erat, Nutricem vult colligere, qualis sit amor suus, dum dicit, v. 345.

Πῶς ἂν σὺ μοι λέξεις, ἄμ' ἔχρην λέγειν ;
post interrogat,

Ὅτι τίς ποδ' ἔτος ἰδ' ὁ τῆς Ἀμαζύνης ;
deinde addit, modo ne ipsa hæc confessa videatur ;
οὐ τὰς, ἔκ ἐμῶ κλύεις.

Præterea pulchre in ea expressit ἦθ' & desperantium, qui, cum certi sunt de morte sibi inferenda, sedatiores fiunt, ne, si furere pergant, à suis nimis observentur, & in opere ipso impediuntur, quod imprimis in *Didone Virgiliana* videre licet. Ita Phædra, postquam satis cum Nutrice litigasset, ob eventum infelicem, & proditorem amoris sui, tandem dicit, v. 706.

Πᾶσαι λέγουσα,

&c

Ἄλλ' ἐκπεδῶν ἄπειθε, ἢ σαυτῆς πέρι
φρόντιζ'. ἐγὼ γὰρ τὰ μὰ Δῖος καλῶς.

Deinde ad chorum conversa obstringit sibi ejus fidem jurejurando, quo tamen non opus fuisset, additque se remedium huic malo invenisse, quo & ipsa juvetur, & liberi sui, mortem nimirum spontaneam. Quia vero semper gloriæ cupida erat, ideo scelus omne in Hippolytum derivare conatur, ut ipsa honestius mori possit, quod non obscure minabatur v. 728. Sed redeamus jam ad *Senecam*. Oratio Hippolyti longe est præstantior ea, quæ est apud Euripidem, non enim tantum sibi temporis sumit, ut otiose nugetur, & in genus muliebre invehatur, sed qua erat pietate & castitate, advocabat Deum judicem, v. 668.

Magne Regnator Deum.

Tam lentus audis scelera? tam lentus vides?

& quæ

& quæ sequuntur, omnia digna, & pietate, & indignatione Hippolyti, quin & in quibus *Euripidem* imitari voluit, superavit. Nam cum ille dixisset v. 654.

πῶς αὖτ' ἐν εἴλω κακὸς,

Ὅς ἐδ' ἀκούσαι τοιάδ', ἀγνούειν δοκῶ;

hic plus dixit v. 680.

sum nocens; merui mori;

Placui noverca.

Neque communibus locis occupatur, ex quibus mulieres malas esse evincat, qualia sunt ea, quæ habet v. 617. sed in præsentis sceleris versatur. dicit enim v. 684.

O scelere vincens omne fæmineum genus!

O majus ausa matre monstrifera malum! &c.

Illa autem eleganter dixit, v. 674.

tuque Sidereum caput,

Radiate Titan, tu nefas stirpis tua

Speculare?

Thesei oratio etiam longe superat eam, quæ est apud *Euripidē*: propius enim rem ipsam accedit, animo etiam commotiori, & verbis vehementioribus. quid tamen in ea desideremus inferius dicendum erit.

Heinsius etiam in *Euripidis* Hippolyto notat τὸ ἀλογον. prius enim, cum nullum periculum instaret, jusiurandum, quod præstiterat Nutrici, irritum esse dixerat v. 612. eo quod

Ἡ γλῶσσ' ἐμώμοχ', ἢ δὲ φρενὶ ἀνώμοτος.

Cum autem jam in summo periculo versaretur, dicit Patri, se veritatem profiteri non audere propter jusiurandum, quod dedisset: quod nemo sanus faceret, impium etiam dedit, cum non opus fuisset v. 1415. dicit enim;

Ἐὶθ' ἢν ἀρῶν δαίμοσι βροτῶν γένε'.

Superessent quidem plura, in hoc capite observanda, sed festinus ad alia.

De Sententia.

Tertiam Tragædiæ partem *sententiam* esse dicunt, inprimis eam, quam Græci γινώμην vocant, quæ, ut *Heinsius* dicit c. 15. nunquam est de singulis, nec de universis quibusvis, sed de illis,

lii lii i

quæ

quæ ad actiones pertinent nostras, & aut eligenda sunt, aut fugienda. In iis attribuendis non semel peccarunt *Euripides*, & *Seneca*; interdum plane falsas dixerunt; qualis est illa *Euripidis* v. 253.

Χρὴν γὰρ μετρίως ἀλλήλους
φιλίας θνητὸς ἀνακρίνασθαι.

& quæ sequuntur. *Plutarchus* in *sermone de πολυφιλία* negat ei fidem habendam, cum sit inimica bonorum amicitii, eamque potius ad inimicitias transferendam esse. Idem etiam *Scipio* sensit apud *Ciceronem* in *dialogo de amicitia*, p. m. 151. de sententia *Biantis* (si modo illius est, ut bene ibi dubitatur) *Ama, tanquam osurus*. neque huc, probationis loco, est trahenda sententia illa, alias sapientissima, μηδὲν ἄγαν: quippe, quæ Auctorem habet unum ex 7. sapientibus Græciæ. Amicitia enim quo est intensior, eo est verior, ut potius ejus perfectio in ἀκμῇ posita esse videatur, quam in mediocritate. Sed videtur *Euripides* hic se applicasse ad ingenium *Nutricis*, quæ potius ex indignatione hoc dixerat. Ipse non uno in loco aliter locutus est: ut in *Iphigenia* priore v. 408.

Ἐς κινδὺν ἀλγεῖν τοῖς φίλοισι χρὴ φίλος.
item in *Oreste* v. 455. 727. 804. & alibi passim.

Quæ *Nutrix* de *Venere* dixit, ea melius *Seneca* in contrarium vertit. Sic enim illa v. 359.

Κύπρις ἔκ ἀρ' ἔμ' εἶδε,
Ἄλλ' ἔτι μείζον ἄλλο γίγνεται θεῷ.

hæc verò invertit, v. 194.

Deum esse amorem turpiter vitio favens
Finxit libido: quoque liberior foret,
Titulum furori Numinis falsi dedit.

Hinc etiam est, quod *Nutrix* illa *Phædræ* præcipit, dum vel ultra aras illi fidelis esse cupit, ut velit se majori potestati subjicere, & amoris incesto obtemperare, quis enim contra amorem aliquid possit, si Deus est: sed hæc sententia est fomes omnis libidinis, quam insuper exemplis ex cælo petitis adstruxerunt, quæ, licet Poëtæ fabulis illis semper alio respexerint, tamen vulgo animum liberius peccandi addiderunt, ut videre est in *Chærea Eunuchi Terentiani* Act. 3. Sc. 5. qui, quod *Jovis* & *Danaes* historiam in

ta.

tabula pictam vidisset, eo confidentius in proposito petrexit:

Ὅταν γὰρ αἰχρὲ τοῖσιν ἰδολοῖσιν δοκῇ,

Ἡ κάρτα δόξει τοῖς κακοῖς ἵνα καλὰ.

ut ipsa Phædra vulgus argumentari dicit v. 411. Longe melius in sequentibus *Seneca* docuit, unde hæc libidines ortum habeant, nimirum v. 203.

Quisquis secundis rebus exultat nimis,

Fluitque luxu, semper insolita appetens,

Hunc illa magna dira fortuna comes,

Subit libido, &c.

Hinc rarius in tabernis pauperum hæc Venus habitat. Videtur hæc sententia expressi, & amplificata ex illa *Enripidis* v. 409.

Ἐκ δὲ γενναίων δόμων

Τὸ δ' ἄρ' ἐξ ἀπλείωσι γένεσθ' κακόν.

splendidam enim sortem plerumque solet sequi libido & intemperantia.

Est etiam locus apud *Enripidem*, ubi inquiritur in causas vitæ nostræ corruptæ, sed certe infelici successu, licet magno conatu. Dicit Phædra, v. 375. se noctu sæpius in eam cogitationem venisse quinam sit fons, & origo tam corruptæ hominum vitæ. Videri autem sibi homines ἡ κατὰ γένους φύσιν ἀ tramite virtutis deflectere, sed alios propter ignaviam, alios propter voluptates, quas honestati præferunt, alios propter aliam causam virtutem derelinquere; idque ex hoc argumento sibi certo colligere videtur, quod multi adhuc sint boni, hoc, licet non nagevarim, id tamen non evincit, quod debebat. nam unde illi suam bonitatem habent, nisi ex castigatione naturæ in vitium ceteræ, & præceptis sanioris Philosophiæ. certe, si ductum corruptæ naturæ sequuti fuissent, nihilo meliores evasisent, quam vulgus reliquum. Quæ *Scholias* hic ex Philosophia affert, ut mentem *Enripidis* explicet, nimirum, ὅτι τὰ φυσικὰ πάντα πᾶσι παρέπιται, οἷον τὸ γλασικόν. τὸ ὑπὸν καὶ τὰ ἴμοια, καὶ ἔκ αὐτῶν τινος ἔνους χωρὶς τίτων, ea ut verissima sunt, ita mire dictis nostris subserviunt. Nam cum ea, quæ natura insunt, omnibus insint, & paucissimi dentur, qui iis careant, necessario omnes boni esse deberent, paucissimis exceptis, in quibus naturæ defectus deprehenderetur sed. contrarium quis non videt? *Cicero* certe aliter sensit, licet vix proferre ausus sit, l. 2. *Tusc. quæst. p.*

264. ubi dicit : *Est in animis omnium fere natura molle quiddam, demissum, humile, enervatum quodammodo, & languidum.* Interim verissima hæc est sententia v. 380.

Τὰ χεῖν' ἐπιδάμνῃ καὶ γυνώσκων,
'Οὐκ ἱπποῦμεν δ'.

Qua Euripides videtur Gasp. Scribino in notis ad hunc locum, oblique notare Atheniensium mores, de quibus hoc tritum ferebatur apophthegma; scire Athenienses, qua sint agenda, verum non facere; & ad bene dicendum, quam ad graviter agendum instructiores esse, eandem sententiam etiam eleganter reddidit Seneca v. 176.

Qua memoras, scio,
Vera esse, Nutrix, sed furor cogit sequi
Peiora; vadit animus in praeceps sciens,
Remeatque frustra sana consilia appetens.

Rotundius expressit Ovidius in *Medea metamorph.* l. 7. v. 20.
video meliora, proboque,

Deteriora sequor.

Hæc dum Phædra ita secum reputat, & cum appetitu ratio ejus pugnat, speravit quidem, non futurum esse, ut de statu rectæ rationis deturbetur, sed infirmiores experta est vires suas, quam ut pugnae tantæ sufficerent. Sentiens autem se sacro isto amore teneri, conatur sibi ipsi medicinam afferre, primo quidem silentio; γλώσση γὰρ ἔστιν ἄνθρωπος ut dicit v. 395, quod Seneca sententiose protulit v. 873.

Alium filere quod voles, primus file.

Verum amor non vult fileri, sed cum maxime opus est silentio, tum prodit animum maxime, ut *Plutarchus* dicit in quaestione, πότερον τὸ τῆς ψυχῆς, ἢ τὰ τῆ σωματικῆς πάθος χεῖρον. Id quod etiam Phædræ accidit. Quum igitur videret, se hac ratione nihil efficere, statuit amorem castitate vincere, & temperantia. Sed nec hoc remedium amanti prævalere poterat, unde tandem ad mortem spontaneam confugere cogitat, simulque in eam invehit, quæ primo se clam viris prostituerat. Ubi *Interpres Graecus* ex *Herodiani monobiblo* tradit, Euripyli cuiusdam filias Μοῖρῳ καὶ Κλυτῳ, nomine, primas fuisse. Mortem autem elegit, ut suæ & liberorum famæ consulat, quæ quidem cura non infima esse

esse debet, ut ex *Cicerone* discimus, l. 3. de finib. p. m. 146.

Διότι γὰρ ἄνδρα (ut dicit) καὶ θρασύπαραχρῆς τις ἢ

Ὅταν ζυνεῖδῃ μητὴρ, ἢ πατὴρ κακὰ.

quem locum etiam *Plutarchus* in libro πειρᾶ ζωῆς laudat. Gravissima autem est sententia, omniumque animis inscribenda, qua hanc claudit orationem v. 426.

Μόνον δὲ τὸ το φαδ' ἀμιλλᾶσθαι βίῃ,

Γνώμῃ δικαίαν, καὶ ἀθλῷ, ὅτῳ παρῇ.

Causam statim reddit, quod eos, qui boni videri malunt, quam esse, tempus tandem prodar, veluti speculum virginem. Hac sententia *Phædra* potissimum vult evincere, mortem se honestius expetere, quam vitam, quod quidem apud *Stoicos* est officium sapientis, ut *Cicero* de hac re disputat l. 3. de fin. p. m. 147. His quæ sapienter à *Phædra* dicta sunt, *Nutrix* suam orationem opposuit, qua, ut *Virgilius* in re simili loquitur, incensum animum inflammavit amore, quantum quidem potuit. Longe vero hæc est superior illâ *Seneca*, quum *Hippolytum* aggreditur, ut *Heinsius* iudicat. Habet enim (ut dicit *prefat. in Hippolytum Seneca*) *Enripides* noster τὸ κομψὸν, καὶ πανῆρον. Neque quicquam est tam scelestum, quod non ab eo ἐνδιξας dicatur. Profecto aliam illius temporis *Rhetoricam* fuisse oportet, quam est *padagogulorum* hodie, qui ad suas nescio quas *præceptiunculas*, καὶ τυχῶδρια, puerorum ingenia adstringunt. Quas enim non colligit rationes, quibus tam impium *Phædræ* amorem elevet, simulque persuadeat? Primo nihil hoc novi esse dicit, si amet. commune hoc illi esse cum multis. quæ ratio plurimum valet in animis hominum. Nam *solamen* miseris, *socios* habuisse *malorum*, ut *Pœta* loquitur. Deinde quam scite subiicit, v. 440.

Κἀπει τ' ἔρωσθ' ὕνεκα ψυχῇ ἐλπίς;

Ὅκ ἄρα γ' ἢ δὴ τοῖς ἔρωσι τῶν πέλαις

Ὅσοιτε μίλλαις, εἰ θανόντες αὐτὲς χερσίν.

quasi dicat, nihil naturæ amoris magis contrarium esse, quam mori velle propter amorem. Cedendum potius ei esse, quod demonstrat amoribus *Jovis*, & *Semeles*, de quibus *Ovidius* l. 3. *Metamorph. fab. 3.* *Auroræ*, & *Cephalî*, de quibus *idem* l. 7. *fab. 26.* qui tamen ἐν ἔρωσιν ναιῶσι, neque à *Diis* spernantur. sed nec *Dii* ea quæ naturâ turpia sunt, honesta reddere possunt. addit

etiam, quod sit hac conditione genita, ut amet, verum non illicitè. Propius jam ad rem ipsam accedit, & scrupulum ei eximere conatur, qui eam vellicabat, metuebat enim ne hæc ad alios effluerent, quum sint inhonesta, sic enim prius dixerat v. 403.

Ἐμοὶ γὰρ εἴη, μὴτε λαυδᾶναι καλὰ,
Μήτ' αἰχρᾶ δρῶσα, μαρτυρᾶς πολλὰς ἔχειν.

subiicit ergo Nutrix, hæc sapientiæ hominum tribui, ut lateant ea quæ non sint honesta: & multos esse, quos eadem fors premat, qui tamen eam dissimulent. cum nemo tam fœdam maculam suæ familiæ cupiat adspeigere, aut talia eliminare, quasi vero, id excuset vitia si lateant. Pergit præterea Nutrix, & specie philosophantis, improbam profert sententiam v. 467.

Οὐδ' ἐκποιεῖν τοι χρεὶ βίον λίαν βροῦτος.

quam tamen, cum videatur bonis moribus officere, similitudine committigat:

Οὐδὲ σβύλω γὰρ, ἢς καθιρφεῖς δόμος,
Καλῶς ἀκριβοῦσιαν.

Deinde exhortatur eam, ut cogitet, se hominem esse, adeoque nihil humani à se alienum putet, imo, si plura habeat bona quam mala, præclare cum ea actum esse, eleganter eam sententiam his verbis concepit. v. 471.

Ἄλλ' εἰ γὰρ πλείω χρηστὰ τῶν κακῶν ἔχης,
Ἄνθρωπος ἔσῃ, κάρτερά γ' ἀπερξῆναι ἄν.

Instat deinde, ut sortem suam patienter ferat, inprimis cum id Dei sit voluntas, quo impium magis nihil dicere potuisset. Simul etiam promittit, se incantationibus suis efficere velle, ut Hippolytus in casses suos pertrahatur, ubi mire extollit τὸ πανουργον, siue calliditatem, & vafritiem sexus muliebris, cum dicit, v. 480.

Ἦτ' ἄρα γ' ὅψιν ἄνδρες ἐξάροισιν ἄν,
Εἰ μὴ γυναικίς μηχανὰς ἀρπύσμεν.

Hæc splendida dicta cum aspernaretur Phædra, quippe, quæ non tantum familias, sed & totas evertere urbes soleant; acutè subjicit Nutrix v. 490.

Τί στυγεροῦς; εἰ λόγων ἐιχνημένον
Δῆσ', ἀλλὰ τᾶνδρός.

Hæc

Hæc omnia jam licet sint turpissima, ut nutrix ipsa agnoscit v. 500. magnam tamen speciem veritatis acceperunt hac oratione.

Apud *Senecam* omnia secus fiunt; ibi enim Nutrix, quum frustra Phædræ ab incesto amore dehortata fuisset, aggreditur Hippolytū, illique commoditatem vitæ urbanæ dilaudat, oratione floridissima, sed argumentis minus validis, si cum his *Euripideis* conferantur. Hæc enim quæ habet, v. 443.

*potius annorum memor
Mentem relaxa; motibus festis facem
Attolle; curas Bacchus exoneret graves;
Ætate frui: mobili cursu fugit.*

& quæ sequuntur, nondum sufficiunt animo tali expugnando. sordent enim hæc omnia illi, qui rure tantum delectatur. speciosiora sunt, quæ dicit v. 462.

*Hoc esse munus credis indictum viris,
Ut dura tolerent? &c. &c.
Providit ille maximus mundi parens,
Cum tam rapaces cerneret fati minas,
Ut damna semper sobole repararet nova.*

sed nec hæc movere possunt animum Hippolyti, qui aliis machinis est expugnandus.

In Phædræ oratione, apud *Senecam*, qua Hippolytū aggredditur, non placet cumlatio illa sententiarum. vix enim ea animo erat reddita. Sunt autem sententiæ opus ratiocinantis, ut constat; qui vero modo animi deliquium passus est, ratiocinari nequit. Sed neque Theseus *Euripidis* culpa hac vacat, quem & *Seneca* imitari voluisse videtur; neque etiam Hippolytus. inter alias ejus quidem eminet ista sane sapientissima in tyrannidem v. 1019.

*κρίνον δ' ἀπὸ
κρίνον δ' ἀπὸ τῆς τυραννίδος χάριν.*

sed his jam non erat opus. plura etiam hujus generis supersent, sed animus non est omnia persequi. properamus enim ad finem.

De Dictione.

Restat ultima pars Tragœdiæ, quæ est de dictione; de qua, licet plurima essent dicenda, paucissima tantum tangemus. Hic enim de omnibus dextre iudicium ferre, adeo non est ingenii nostri, ut solius *Heinsii* cujusdam, vel *Scaligeri* id esse affirmare aulam. Tragici ut in multis conveniunt cum Epicis; ita & in dictione, cujus præcipuæ virtutes sunt magnificentia, & perspicuitas, quas tamen vix conjunctas videas. Est enim *Sophocles*, ut optimi in his rebus Critici observarunt magnificus, sed ut sæpe perspicuitatem negligat. *Euripides* quidem perspicuus est, sed minus grandis.

De *Latinis* cum vix aliquid in hoc scribendi genere ad nostra tempora pervenerit, præter quædam fragmenta à *Ger. 70. Vossio* notis illustrata & tragœdiis *Seneca* à *Petr. Scriverio* editis, adjuncta, suspendendum fere est iudicium nostrum. Iis tamen, quæ *Seneca*, *Patri* & *Filio* adscribuntur, plurimum à *Dodælis Viris* tribuitur hac in parte. Inprimis *Lucius* proxime à *Græcis* abesse censetur, cui etiam hæc nostra adscribitur, ut supra diximus. Iudicia de *Græcis* & *Latinis* *Tragicis* pluribus peti possunt, ex *I. C. Scaligeri Hypercritico* p. 773. *Dan. Heinsii de constitutione Tragœdiæ* c. 16. *Ioh. Gerard. Vossii Institut. Poëticarum* l. 2. c. 14. §. 18. & seqq. itemque ex aliis. Nos pauca quædam, ut instituimus, conferemus. Florida sunt, quæ *Nutrix* apud *Euripidem* dicit de amore v. 447.

Φύλα δ' ἄν' αἰθέρ', ἔσι δ' ἐν θαλάσσιᾳ
Κλύδωνι Κύπρις. πάντα δ' ἐκ ταύτης ἔσθ'. "Hδ' ἴσιν &c.

sed *Seneca* non cedit, etiam mutato schemate. v. 468.

Excedat, agedum, rebus humanis Venus,

Qua supplet, ac restituit exhaustum genus, Orbis jacebit &c.

Sed non placet hic vox ista, *agedum*; comica enim videtur, certe *Virgilius* ea nusquam usus est in opere divino: in reliquis *Euripidem* superat. cum enim ille amoris amplissimum regnum celebrat, πάντα δ' ἐκ ταύτης ἔσθ'; hic etiam necessitatem addit; dicit enim *supplet*, & *restituit genus*, & quidem *exhaustum*. Quum Hippolytus dixisset, v. 664.

μίσθον

μισῶν δ' ὑπὸ ἱμνησθῆσθαι
 Ἰοναῖκας, ἃ δὲ φησὶ περὶ αὐτῶν λέγειν.

hic longe gravius dixit pathetica αὐξήσει, v. 564.

*Detestor omnes, horreo, fugio, execror,
 Sit ratio, sit natura, sit dirus furor,
 Odisse placuit.*

Imprecationem etiam Thesei feliciter imitatus est iisdem fere verbis. Insuper in narrando vel *Euripidem*, *Heinsii* calculo, provocat. Dixerat *Euripides* v. 1162. ἰππολύτῳ ἐκ τῶν ἐστίν, hic eadem brevitate effert, v. 994.

Hippolytus, hen me, flebili letho occubat.

Melius etiam Pater subjungit,

*Gnatum Parens obuisse jam pridem scio;
 Nunc raptor obiit.*

Quam ille quaestionem suam:

Πρὸς τῷ; δὲ ἔχθρας μὲν περὶ ἡν ἀφ' ἡμῶν,
 Ὅτι καλὴν αἰσχρὴν, ὡς πατὴρ, βία:

quomodo enim hoc fieri potuisset, quum Hippolytus vix à Patre abierit. Illustris etiam est διατίπαισις illa belluæ marinæ. quum enim *Euripides* satis habuisset v. 1214. illam ἄγριον τέρας vocasse hic 12. versibus nempe à v. 1033. usque ad v. 1045. ita describit, ut vel legendi horrorem incutiat. Pari venustate etiam tempestatem descripsit, v. 1004. Simile ab arte nautica petatum, quod tribus tantum verbis concepit *Euripides* v. 1221. eleganter quoque amplificavit v. 1069.

Reliqua, quæ satis multa adhuc sunt, asferre propter brevitatem non licet. Sufficiant igitur hæc, quæ in præsentia pro ratione instituti tumultuaria hac opera congeessimus. Omnia enim ordine annotare, & recensere animus non fuit. Sicubi etiam erravimus, placide monentes audiemus. Interim hæc minora, æquo, & harum literarum amanti Lectori commendamus.

CLARIGATIONE,
ET MANIFESTIS.*Ad locum Tit. Livii Hist. Lib. 1. Cap. 32.*

Medium erat in Anco ingenium, & Numa, & Romuli memor : & , præterquam quod aui regno magis necessariam fuisse pacem credebat, quum in novo tum feroci populo ; etiam quod illi contigisset ocium, sine injuria id se haud facile habiturum : tentari patientiam, & tentatam contemni : temporaque esse Tullo regi aptiora, quam Numa : ut tamen, quoniam Numa in pace religiones instituisse, à se bellica caremonia proderentur ; nec gererentur solum, sed etiam indicerentur bella aliquo ritu : jus ab antiqua gente Æquicolis, quod nunc Feciales habent, descripsit, quo res repetuntur. Legatus, ubi ad fines eorum venit, unde res repetuntur, capite velato (filum lane velamen est) Audi Jupiter, inquit, audite fines (cujuscunque gentis sunt, nominat) audiat fas, ego sum publicus nuncius populi Romani, juste pieque legatus venio, verbisque meis fides sit. Peragit deinde postulata. Inde Jovem testem facit : Si ego injuste impieque illos homines, illasque res dedier nuncio populi Romani mihi exposco, tum patriæ compotem me nunquam sinas esse. *Hac quum fines suprascaudit ; hac quicunque ei primus vir obvius fuerit ; hac, portam ingrediens ; hac, forum ingressus, paucis verbis carminis, concipiendique jurisjurandi mutatis, peragit, si non deduntur, quos exposcit, diebus tribus & triginta (tot enim solemnes sunt) peractis, bellum ita indicit : Audi Jupiter, & tu Juno, Quirine, Diique omnes cœlestes, vosque terrestres, vosque inferni audite. Ego vos restor, populum illum, (quicunque est, nominat) injustum esse, neque jus persolvere, sed de istis rebus in patria majores natu consulamus, quo pacto jus nostrum adipiscamur. Cum is nuncius Romam ad consulendum redit, confestim rex his ferme verbis patres consulebat : Quarum rerum, litium, causarum condixit pater patratus populi Romani Quiritium patri patra-*

to priscorum Latinorum, hominibusque priscis Latinis, quas res dari, fieri, solui oportuit, quas res nec dederunt, nec fecerunt, nec soluerunt, dic, *inquit ei, quem primum sententiam rogabat, quid censes? tum ille*: Puro pioque duello quarendas cenfeo; itaque consensio consciscoque. *Inde alii rogabantur, quandoque pars major eorum, qui aderant, in eandem sententiam ibat, bellum erat consensu fieri solitum; ut fecialis hastam ferratam, aut sanguineam præstam ad fines eorum ferret, & non minus tribus puberibus presentibus diceret*: Quod populi priscorum Latinorum, hominesque prisci Latini adversus populum Romanum Quiritium fecerunt, deliquerunt, quod populus Romanus Quiritium bellum cum priscis Latinis iussit esse, senatusque populi Romani Quiritium censuit, consensit, conscivit, bellum cum priscis Latinis fieret: ob eam rem ego populusque Romanus populis priscorum Latinorum, hominibusque priscis Latinis bellum indico facioque, *id ubi dixisset, hastam in fines eorum emittebat. Hoc tum modo ab Latinis repetita res, ac bellum indictum: moremque cum posterius acceperunt.*

Clarigationem & Manifesta, ut appellant, nomina in castris & Principum aulis quam scholis frequentiora, hac dissertatione explanare constitui: non quod tantæ rei amplitudinem me aut complecti ingenio, aut eruditione penetrare potuisse confidam (majora enim doctrinæ pariter ac experientiæ subsidia hæc res poscit) sed ut his tanquam hastiludiis animum meum quodammodo exercerem. Quod ipsum nec sic ausus fuisset, nisi autoritas & consilium Clarissimi Bæcleri, cui hoc, quicquid est, totum debeo, calcar dubitanti addidisset. Omnes itaque qui hoc opusculum meum lectione sua dignabuntur, rogatos cupio, ut id corrigant potius quam culpent, & quicquid eruditionis ipsi deest, benevolentia sua suppleant. Id si fuero consequutus non me pigebit, leve hoc ingenii mei specimen publicasse. Plura jam non præfabor sed conceptis ad Deum Ter Optimum Maximum votis pro felici operis successu, ad propositum meum properabo.

CAP. I.

De Nomine Clarigationis.

Nomen cla-
rigationis
& ejus am-
biguitates.

l. 8. c. 14.

Novell. 52.

l. 4. Tur.
publ. c. 8.
non 302.

lib. 24. c. 31.

AD ordinem dissertationis nostræ pertinebit, ut de clarigatione-
ane acturi, ab ipso nomine auspicemur, præsertim cum il-
lud multa labore ambiguitate. Primum igitur clarigationem
hic non accipimus pro pignoratione, quo sensu Livius hanc vo-
cem usurpasse videtur, dum *Veliternos ob crimen rebellionis*
jussos trans Tyberim habitare, dicit, ea lege ut ejus qui cis Ty-
berim deprehensus esset, usque ad mille pondo (multæ sc. nomine)
Clarigatio esset; ubi Clarigationem idem esse vult *Calv. Lex. Ju-*
rid. quod Imperator Justinianus τὴν ἐνέχυρα πῶν vocat, vetus In-
terpres pignorationes vertit; quas, ut *Budæus* habet in annotat.
posterior, in *Pandect.* Juris Interpretes malunt Repressalias dicere,
usque adeo barbaries ad stomachum rusticitatis facit. Item *Bu-*
dæus etiam refert annotat. in *Pandect.* p. 347. *Hermolaum Barba-*
rum Repressalias Clarigationem appellare, quasi aliud non esset
verbum græcum aut latinum, quo res omni tempore usurpata signi-
ficari possit. Cui consentit *Vossius* qui lib. 3. latino-barbarorum,
cum de repressaliis agit, eas cum *Hermolao Barbara* vocari posse
clarigatione, affirmat. Cæterum in *Androlipsia* speciem aliquã re-
pressaliis cognatã Græci observasse videntur, quapropter & in ve-
teri glossa *Androlipsia* clarigatio exponitur. Verum, nos neq; Re-
pressalias, neq; androlipsiam per clarigationem intelligimus, neq;
cum *Budæo* in forensibus pag. 67. vocem clarigationis ad citatio-
nem per authorizationem accommodamus, qui ejusmodi homines
(scilicet qui solum verterunt) si controversias habent judiciales,
cum domicilium habere desierint, praconio evocari, ait, cum opus est,
vel citari in finitimis oppidis exterarum nationum i. e. per anto-
rizationem, quæ latine prisco verbo clarigatio dici potest. Sed in-
dulgeat unusquisque suæ opinioni, nobis cum *Limneo* inter cla-
rigationem publicam & privatam distinguere placebit. Privata-
tam enim clarigationem appellamus, de qua *Livius* lib. 8. su-
pra laudato, & eam repressaliarum aliquam speciem obtinere
non negamus. Publicam verò eam, cujus *Livius* meminit lib.
1. cap. 32. De qua in præsentī sumus acturi, quamque *Plin.* fa-
ctam esse dicit, cum legati ad hostes res raptae clarè repeti-

END

um mittebantur, quod quia verbis solennibus & clara voce fiebat, à claritate vocis, vel quia per bellicam sortem agros hostium invadebant, ἀπὸ τῆς κληρῆς, hoc est, sorte, *clarigationem* dictam esse vult *Servius*. Est autem *clarigationem* exercere, idem quod per *feciales* bellum indicere; bellum censere & jubere, bellum denunciare, arma sive hostilia nuntiare. Sed & per *diffidationem* exponi potest *clarigatio*, quæ idem quod denuntiatio, *Die Absagung*: unde & recentioribus, imprimis *Crantzio*, literas *diffidationis* mittere, idem est quod bellum denunciare. Est tamen differentia quædam inter *clarigationem* & *belli denuntiationem*, quod nempe *clarigatio* conjunctam semper habet rerum raptarum repetitionem, & justam ob illatam injuriam vindicationem, quapropter *Groc. conditionatam* appellat *denuntiationem*, quæ cum rerum repetitione conjungitur; *Belli* verò *indictio* non item. Sæpe enim bellum, nulla justa extante ratione, nec vindicandæ injuriæ causa, sed cupidine proferendi imperii, aut dignum ob præmium indicitur. Hinc *Selden*, inter *clarigationem* & *belli indictmentem* distinguit, jusque *clarigationis* Orientalibus populis non commode attribui posse autumat, cum illis nec injuria præcedens nec tutela sui necessaria, sed augenda imperii amplitudinis ratio tantum, ex magistrorum recepta sententia justa belli suscipiendi causa haberetur. Ad ejusce *denuntiationem* seu *indiscendi formulam*, rerum repetendarum seu *clarigationis* jus, quod ferè in occidente, saltè olim, obtinuit, semper obtinere non potuisse nemo non videt. Bellum autem indicere eis erat, *deditionem* ac fœdus solum ab hostibus deprecari, quod offerre eis, seu invitare eos ad pacem nuncupabant. *Conf. Wilb. Schickard. Jur. Reg. Hehr. cap. 5.*

*Descriptio
clarigationis.
lib. 9. & 10.
Ancid.*

*Nomina
idem significan-
tia.*

*Distinctio
clarigationis
ab indictio-
ne belli.*

*de Jur. bel-
li & pac.
l. 3. c. 3. §. 7.
de Jure
gent. lib. 6
cap. 13.*

CAP. II.

De *Clarigationis origine & usu apud gentes antiquissimas.*

O Riginem *Clarigationis* quod spectat, antiquissimum eam judicamus, quoniam ad jus *feciale* pertinet, quod omnium apud Romanos vetustissimum fuit, docente *Fenestel.*

*Clarigatio
ex jure feci-
ali.*

Kkk kkk k 3

la

la. Verum quo tempore, vel à quo inventum sit, inter Auto-
 res non satis constat: nam ut loquitur Alex. ab Alexandro, *Feciales*, quos fœderibus sancientis & rebus repetendis & bellis indicendis Romanos habuisse constat, à Tullo Hostilio, seu Anco Marcio, ut vero alii à Numa Pompilio creatos fuisse liquet, qui ab antiqua gente Equicolis, iura & verba solennia, quibus res repetuntur & bella indicuntur, accepere. Fecialium quidem antiqua est memoria, cum varia eorum in historiis etiam antiquissimis fiat mentio. nam & apud veteres Aborigines eorum usus fuit, dictiq; sunt *σφοδρότεροι*, q. d. fœdiferi vel fœderum latores: apud Pelasgos etiam antiquissimos Græciæ populos eos vgnisse, meminit Dionys. Halicarnass. Quoties bellum, inquit, aliis illatur, aut illatum propulsaturi, copius ultra agri sui fines emittebant, feciales, qui erant viri quidam sacri, sine armis alios precedebant: Verum nobis de fecialibus proprie non est sermo, nec primam ipsorum originem inquirere nostri propositi erat; tantum de collegio fecialium, quod Romæ olim fuit, deque ejus origine pauca dicamus. Prima igitur ejus institutio Numæ inprimis adscribenda videtur. is enim, omnis divini & humani juris consultissimus, regno potitus, *leges moresque Romanis constituit, qui consuetudine pralorum, jam latrones & semibarbari putabantur, urbemque novam vi & armis conditam, jure, legibus ac moribus de integro condere paravit; quibus cum inter bella assuescere videret non posse, (quippe effertis militia animis) mitigandum ferocem populum armorum desuetudine ratus, feciales pacis custodes, cognitores, arbitrosque causarum belli indicendi legitimarum instituit.* Hujus constitutionis Cicero meminisse videtur, dum inter leges antiquas & hanc recenset: *Fœderum, pacis, belli, induciarum oratores, feciales indices duo sunt belloq; disceptanto.* Testatur etiam Dionys. Halicarnass. Numam hoc fecialium collegium primum constituisse, septimamque legum sacrarum partem ipsorum collegio dicasse, utrum autem ab Equicolis exemplum sumserit, ut nonnulli arbitrantur, an ab Ardeatibus, ut scribit Gellius, affirmare non vult, illud tantum monuisse sibi satis esse, inquit, ante Numæ regnum fecialium collegium nondum Roma fuisse; Numa enim id constituit, cum esset bellum Fidenatibus illaturus, qui latrociniis

&

Et incursionibus in ipsius agrum factis eum vastarant. Paulo aliter sentiant Livius, & ex eo Servius, qui Ancum Marcium illud jus feciale primo ab Æquiculis descripsisse volunt. Quoniam enim, lib. 1. c. 32. inquit, Livius, avus ejus in pace religiones instituisse, à se bellicas quasdam ceremonias prodire voluit, atque ideo ut nec gererentur bellum, sed & indicerentur bella aliquo ritu, jus ab antiqua gente Æquiculis, quod nunc feciales habent, descripsit, apud quos hujus juris inventor primus fertur extitisse Rhefus. In eadem est opinione Servius, quam ex Livio fortasse hausit, Ancum Marcium, ad lib. 10. cum videret Populum Romanum ardentem amore bellorum, & ple- Ancid. rumq; inferre gentibus bella, nulla iusta exstante ratione, & exinde pericula procreari, misisse ad gentem Æquiculana, & accepisse jura fecialia, per qua bella indicebantur. Cæterum jus feciale vel officium fecialium quod attinet, in iis præcipuè consistebat. 1. ut feciales curam gererent, ne populus Romanus ulli fœderatæ civitati bellum injustum inferret. 2. ut cognoscerent, si qui fœderatorum se à Romanis injuriam passos dicerent. 3. ut Imperatorum delicta contra jusiurandum ac fœdera commissa expiarent. Plura ipsorum munera recenset Dionys. Halicarnass. Feciales ideo dicti sunt, quod fidei publicæ inter populos præerant. Pacis enim custodes ex officio suo nomen trahentes disceptatione comprimant certamina, neque prius quam abscissa omni juris obtinendi spe ad arma iri sinebant. Frequenter commeabant ad eos qui injuriam inferrent, poscebantque res reddi, si non redderent, Deos testati, multa diraque sibi ipsi ac patriæ suæ, ni iuste injuriam vindicatum irent imprecabantur: Ita indicebant illis bellum. Intercedentibus quoque fecialibus aut improbantibus, neque militi licebat, neque Regi Romano arma movere, sed ab his auffsicandum ei bellum, ut iusto duci erat, inde quid expediret expendendum. Bellum igitur aut suadebant olim feciales, quod pacem inutilem & inhonestam putabant; aut nuntiabant, quod etiam suis ritibus & quadam velut religione olim definitum erat, de quibus jam pauca sunt addenda. Missi ad fines hostium feciales quatuor, filo lanæ capite velato, quædam solennia præfati, res sibi dari clara voce poscebant, quorum unus verbenam, scilicet gramen, ut vult Plin. ex arce cum sua terra evulsum lib. 22. c. 2. por-

Sext. Au-
rel. Vict. in
Anco.

ad lib. 10.
Ancid.

lib. 2.

Plutarch.
in Numa.

Marcellar.
de legat.
lib. 2. dis-
sert. 21.
Ritus clari-
ficationis.

portabat, indeque verbenarius vocabatur. Herbx id genus ex arce sumtum dari fecialibus solebat etiam in fœderibus faciendis, de quo *Livius*, ornabatur autem ideo unus veste & sacris insignibus, ut præter ceteros esset conspicuus. Non autem cuicumque ex fecialibus, sed soli Patri patrato indicendi belli facultas erat, quem fecialis verbena caput & frontem cingens indicendi belli principem faciebat. Ibat enim pater patratus ad hostium fines & verba solennia præfatus, bellum à populo R. contra præscriptos hostes ob certas & legitimas causas; aut quia socios læserant; aut quia nec abrepta animalia, nec obnoxios redderent, clara voce indicebat, (*erat autem pater patratus is, cui pater & cui filii erant & maximus habebatur.*) Hic cum primum hostium fines attingeret, Jovem ceterosque Deos invocans, testatur se à Romanis iuste pieque legatum venire, verbisque suis fidem petit. Quibus peractis Jovem iterum testem facit, se venire ad injustum populum, seque suosque cives, si quid injuste impieque exposceret execratus, intra fines ingreditur, & quem primum obviam nactus est, eum testatus, sive is urbanus sit, sive rusticus, & repetitis eisdem precibus & execrationibus ad urbem pergit & forum ingressus adventus sui causam iterum indicat. Tum si non detur, quæ exposcit, confestim Romam ad consulendum, quo pacto jus adipiscatur, proficiscitur, & diebus XXXIII. peractis, si jus suum non impetraverit, consilio senatus, & populi jussu hastam ferratam, aut sanguineam prærustam (apud Æquicolas primum & horum exemplo apud Romanos ulitatum) ad fines eorum perfert, & non minus tribus puberibus præsentibus bellum tali formula indicit; *Quod populi priscorum Latinorum, hominesque prisci Latini, adversus populum Rom. Quiritium fecerunt, deliquerunt, quod populus Roman. Quiritium bellum cum priscis Latinis jussit esse, senatusque populi Roman. Quiritium censuit, consensit, conscivit, ut bellum cum priscis Latinis fieret, ob eam rem, ego populusque Roman. populi priscorum Latinorum, hominibusque priscis Latinis bellum indico facioque. Id ubi dixisset, hastam in fines eorum emisit.* Hæc *Liv. l. i. cap. 32.* Cum quo consentio *Gellius*, qui fecialem populi Romani bellum indicentem hostibus,

lib. 30. ca-
pit. 43.
Alex. ab
Alexandr.
lib. 5. cap. 3.
& Serv. in
lib. 9. & 10.
Æneid.
Rosin. An-
tiquit. Ro-
man. lib. 3.
cap. 21.

lib. 10. c. 4.

bus, telumque in agrum eorum jacentem, his verbis uti scripsit: *Quod populus Hermundulus, hominesque populi Hermunduli, adversus populum Romanum bellum fecere, deliquere, quodque populus Romanus cum populo H. hominibusque Hermundulis bellum jussit, ob eam rem ego populusque Romanus populo Hermundulo & hominibus Hermundulis bellum indico facioque.* Qua de re sic Ovidius:

lib. 6. Fast.

Hinc solet hasta manu belli prænuntia mitti,

In regem & gentes cum placet arma capi.

Solebant etiam interdum Romani hostibus suis duo signa, caduceum nempe & hastam mittere, ut eorum unum eligerent, hoc vero pacem, alterum bellum indicabat. Caduceum enim & hastam mittere nihil aliud erat, quam permittere, ut pro arbitrio quis vel bellum iniret, vel pacem amplecteretur. Sic L. Fabius Imperator Romanorum dedit ad Carthaginenses pistolam, qua scriptum fuit; populum Romanum misisse ad eos hastam & caduceum, signa duo belli aut pacis, exque iis utrum vellent eligerent: quod elegissent, id unum ut esse missum existimarent. Videri possunt hac de re Livius lib. 21.

Gell. l. 10.
cap. 27.

cap. 18. & Florus lib. 2. cap. 6. paulo aliter memorantes. Cæterum hastam in fines hostium intorquere non minus in consuetudine Græcis & Barbaris quam Romanis fuit. Alexander enim in Persidem profecturus, à navi in littus hastam ejaculatus est, terramque primus egressus navigio, quasi captivam cepit. De Grambade Chionitarum Rege, refert Ammian. Marcell. Quod ubi hastam infectam sanguine ritu patrio more fecialis consecisset, armis exercitus concrepans involaverit in muros. Indicebat enim hasta projecta pugnae principium, jamque licebat more belli res rapere, excursions facere, prædas agere, fines populari eosque ferro igneque vastare, atque omnia hostilia facere permissum erat. Unde Virgilius de Turno Ardeam obsidente.

Diodor.
Sicul. l. 7.
cap. 2.

lib. 19.

lib. 9. Æneid.

Sic ait, & jaculum emittens intorsit in auras

Principium pugnae.

Præter hunc autem communem morem hastæ in terram hostium emittendæ, nonnulli populi peculiare olim ritus & ceremonias adhibuerunt. Græcis enim in more fuit, post res repetitas, si ad constitutum diem non darentur, artem in

LII IIII

ho-

hostium agros immittere, eoque modo bellum indictum, & armis uti licere arbitrati sunt. Persæ autem bella suscipientes prius *præconem misere, qui terram & aquam exposceret*. Sic enim Xerxes Persarum Rex cum adversus Græciam bellum medicaretur, primum præcones misit *postulantes terram & aquam*, ut habet *Suidas in Xerxe*. De Germanis refert *Auentinus*, quod Alexandro magno ipsis, ne Tanaim atque Histrum amnes injussu suo transirent prohibenti, militiæ factis magni ad verborum linguæque certamina rudes, gladium per legatos miserint, fortitudinis & injuriæ propulstandæ indicem puto. Sed plura de his priscorum ritibus, qui scire satagit videat *Alex. ab Alexand. lib. 5. cap. 3.*

Cæterum hodie omnibus fere populis usitatum est, quoties amicitias dirimere volunt, *litteras componere* (quas *diffidatitias* appellant, *Feind-und Absagbriefe* /) iisque declaratis prius & ostensis belli causis & rationibus, deque injuriis sibi factis testantibus, amicitiam renunciare & bellum indicare. Quo enim bellum magis testatum esse videatur, *litterarum testimonio id signatum volunt*; quas perferendas dant *juveni nobili*, cui *comitem Tubicinem* adlociant, & hic hodie appellatur *ein Herold*. Talem Saxo & Hessus Carolo V. miserunt, qui juxta belli legem scriptum aliquod protulit, quo repetitis superiorum temporum actionibus, & purgatis iterum quæ obiciebantur criminationibus; postquam justa esse arma, quæ induerint multis rationibus demonstrassent, bellum denunciabant. *Namque Comes* quidem, singulari quodam & olim apud Germanos usitato ritu hanc indictionem factam esse scribit, *dum litteras hasce ad teli amentum alligatas, in castra Casariana missas esse, ait, juxta morem veterum Germanorum belli denuntiandi*. Idem habet *Strius in Comment.* sub anno 1546. & *Hortensius lib. 2. de bello German. pag. 70. & 73.* Verum Amplissimus quondam *Casspar. Birschius* in notis suis ad Comitem putat, hos omnes Ludovici Avilani verbis deceptos fuisse, qui eo errore ductus, ita habet, *lib. 1. de bello German. pag. 17. B.* Dum eo statu res essent, *Joannes Fridericus & Hessus puerum cum ancatore ad Casarem miserunt. Quo cum pervenissent &c. epistolam proferunt ad amentum teli deligatam. Hic vetus Germanorum mos est: per hos illi faciales bellum hosti denunciant.*
Sed

Thuanus
lib. 2. Sleidan. l. 17.

lib. 1. hist. pag. 15.

Sed falsam hanc ejus esse opinionem *Bischius* inde præcipuè probat, quod de hoc singulari & propterea memorabili Germanorum more, bellum per epistolam amento, vel cuspidi sagittæ alligatam indicendi, nusquam alibi quicquam literis proditum sit. Adducit deinde & alias rationes, quas curioso lectori ibi legendas relinquimus.

C A P. III.

*An Clarigatio requiratur ad
justitiam belli.*

PRæmissis jam iis quæ ad Clarigationis originem & usum, tum etiam ad varios circa eam ritus & ceremonias pertinent, consequens esse videtur, ut jam ipsa jura clarigationis aggrediamur, & an ea omnino ad justitiam belli requirantur, dispiciamus. Quæstio igitur nobis nascitur: *An bellum sine clarigatione susceptum, justum dici, mereatur.* Inculcæ sane agrestesque olim gentes omne jus suum in viribus locabant, & prima ipsis bellorum jura erant, se invicem ultro laceßere, ejicere, adeoque jus in armis ferre. Omnes enim lites armis dirimebant, pleraque causarum judicia duello sive singulari certamine decernebant, inque duhiis judiciis, cum utrinque argumenta essent obscura, armis litigantium credebatur: in circum arenamque dimissi pugnabant, victus pro nocente habebatur, quique felicius, ille & justius arma sustulisse putabatur. Apud quosdam id legibus etiam sancitum fuit, ut de qualibet controversia ferro decerneretur, speciosius viribus quam verbis confligendum existimantes. Pigrum quinimo & iners ipsis videbatur verbis id impetrare, quod sanguine potuissent parare; hostes enim vocare, vulnera mereri, exque rapto vivere, id virtutis argumentum, id gloriæ habebatur. Id in summa fortuna æquius quod validius, sua retinere privata domus: de alienis certare, regiam laudem esse putabant. Sed apage cum feritæe ista Ethnica & bestiali ab ipsa profecto barbarie veniente, nec unquam animum Christianum penetrent illa voces: in armis jus ferendum & omnia fortium virorum esse. Haud desunt tamen hodie & nostro seculo homines, qui in bello omnia jura cessare, armatisque nullas leges positas esse putant, quique cum Mario præ armorum strepitu

Quæstio
proponitur.

Clarigationis jus cum toto jure belli spernitur negaturq; à nonnullis.
Sallust. Jug. c. 18.
Barclaius Icon. Animor: c. 3.
Saxo Gråmat. l. 5. pag. 86.
Tacit. German. c. 14.
Tacit. Annal. 15. c. 1.
Lips. polit. lib. 5. c. 3. num. 7.

leges à se posse exaudiri negant. *Hanc enim juris partem ita contemnunt, quasi nihil ejus prater inane nomen existeret.* Unde Grotius, cum competissimum haberet, esse aliquod inter populos jus commune, quod & ad bella & in bellis valeret, de eo descriptionem instituit, & librum istum vere aureum, de jure belli & pacis, quo de tota posteritate optime meritus est, scripsit; *Videbat enim, ut ipse fateretur in prolegom. hujus libri, per Christianum orbem, vel barbaris gentibus pudendam bellandi licentiam: levibus aut nullis de causis ad arma procurri, quibus semel sumtis nullam jam divini, nullam humani juris reverentiam, plane quasi uno edicto ac omnia scelera emissio furore.* Hodie enim fata ex bellis bella, porrectus late in gentes terror, oppressa armis aut fraude libertas, non virtutis modo, sed heroum fama celebrantur. *Estque non vulgi tantum opinio bellum ab omni jure longissime abesse, sed & viris doctis & prudentibus sepe dicta excidunt, qua talem opinionem foveant, quibus illud Euphemi dictum semper in ore est, Regi aut civitati imperium habenti nihil injustum quod utile, & Rempublicam sine injuria geri haud posse; quibus nullæ rapinæ infames si quæstum, nulla bella injusta si utilitatem aliquam promittant.* Hi sane homines incidunt in grande illud iniquitatis mysterium: *utilitatem pro jure esse; deque iis dici potest, quod Plutarchus in Agesil. de Lacedæmoniis usurpavit. Jus aliud nec discunt nec norunt, quam unde existimant Sparta magnitudinem & incrementa promoveri posse.* Ergo cum objicitur spes magnæ prædæ, statim illis in ore est: *Dignum id premium esse ob quod justitia deferatur & honestas violetur.* Nulla igitur belli occasione abstinere ne injusti quidem ac periculosi, tam fœderatis quam infestis bellum ultro inferentes, idque interdum de talibus causis, quæ vix querela & expostulatione dignæ sunt. Cæterum prolixum nimis foret, per ævi nostri exempla ire, nec ad institutum nostrum pertinere videtur, præsertim cum omnibus satis cognitum sit, quod & hodie reperiantur, qui omnia cum pretio honesta, nihilq; esse cum lucro malum gloriose dictitant, quiq; honesto postposito, suis comodis ac cupiditatibus lenocinantur, *potentia ad impotentiam utuntur, jus in armis ferunt, sine injuria potentiam levem atque inopem esse arbitrantur, quibus nulla jura, leges, fœdera, divina humanaque sancta nisi ex usu, nec timenda nisi per simulacrum.* Atque inde est, quod

Boclerus
in Com-
ment. ad
Corn. Nepot.
Grot. de
jur. bell. in
prolegom.
Thucyd. lib. 6.

Vellej. Pa-
lenocinantur,
ter. 2. cap.
29.

quod omnes, quæ inter Reges & populos hodie incidunt controversiæ, ferme Martem habeant arbitrum, & arma jam non in juris custodiam, sed interitum assumantur, ut recte cum Ennio conqueri possimus.

*Pellitur e medio sapientia, vi geritur res,
Spernitur oratur bonus, horridus miles amatur.
Haud doctis dictis certantes, sed maledictis
Miscens inter sese inimicitias agitantes.
Non ex jure manu confertum, sed magis ferro
Rem repetunt, regnumque petunt, vadunt solida vi.*

Sed his qui injustam hanc belli licentiam, fas armorum & jus hostium hodie appellant, recte responder *Clapmar*. Tu mihi, inquit, *jus appellas, in quo ne umbra quidem justitiæ est?* Quamquam ipsis prætextus non desunt, quos obtendant; ut quod non injustum sit vicinos sive alios vi & armis sine ulla causa, absque omni denuntiatione occulte invadere: cum æquitati naturali consentaneum sit arma vicinorum reprimere, ne contra se insurgere audeant, more veterum Germanorum, qui hoc proprium virtutis existimabant, expulsos agris finitimos cedere, neque quenquam prope se audere consistere: simul hoc sese fore tutiores arbitrabantur repentinae incursionis timore sublato. Quod ipsa ratio distiter, ut is hostis minime provocetur, qui sat promptus & expeditus ad sui defensionem est, sed imprudens & imparatus, parva manu facilius opprimatur, quam paratus quamvis magno exercitu. Quod præstet inscium & nil tale timentem hostem obruere, quam longum tempus & spatium relinquere, quo se munire, fortiorque ad resistendum possit evadere; id enim artis esse, hosti ultro metum inferre, & à se remoto periculo, eum in discrimen adducere, atque ex occulto attentare, ut integris suis, quantum possint hostem interimant, certe vel terreant: multum etiam interesse alienos populari fines, quam suos uri excindique videre. Contra si indicatur bellum, tum hosti tempus concedi, quo vires suas reparare, arma contra ciere, auxiliaque ab aliis petere possit: unde non modo major nascatur vis belli, sed & quod antea per dies, jam non per años aliquot impetretur: ad grande enim & inextinguibile bellum rem redire, quæ expeditiori remedio antea potuisset sanari. His subnectunt utilitatem belli. Quod bella inu-

*Arcan. l. 54
cap. 11.
allatis et-
jam rationi-
bus contra
morem cla-
rigandi.*

*Cæsar l. 6.
bell. Gall.*

*Corn. Ne-
pos in Da-
tam.*

*Liv. l. 28.
cap. 44.*

- Bodin, de
republ. l. 5.
cap. 5. tili ac ignavi turba rempublicam liberent, *cum nullum majus remedium sit, homines otio turpi, inertia, voluptatibus dissuantes à civitate sive republica tollendi, ac veluti pravis ac corruptis humoribus plenum corpus vacuandi, quam ad bellum eos emittere.* Deinde, quod in Republica otium & luxuriam non patiantur, unde
- Liv. lib. 1.
cap. 22. *Tullus, senescere civitatem otioratus, undique materiam excitandi belli quaesiverit.* Denique quod continuis bellis populi fortiores evadent, contra verò si omnes dissensiones jure & indicio non bello discernantur, jam arma otio hebescant, & respublica in luxum & molliem prosteratur, *nullam ideo apud veteres Germanos infamiam habuisse latrocinia: fiebant enim juventutis exercenda & desidia minnenda causa.* Quin & juri divino non adversari suam sententiam probare conantur: Quoniam
- Jul. Cæsar.
l. 6. bell.
Gall. Abrahamus adversus quatuor istos reges, qui Sodoma diriperat, arma sine ulla indictione suscepit, eosq; nocte clam aggressus fuerit, quodq; hoc ejus factum à Deo per Sacerdotem Melchisedecum comprobatum fuerit. Quo etiam referunt exemplum
- Gen. 14. Israëlitarum, qui divina autoritate mandatoque freti terras Cananæas ingressi, nulla prævia belli denuntiatione debellarunt.
- Alii requirunt & probant clarigationem exemplis sacris.* Atque his utuntur rationibus, qui lites non jure, sed gladio domandas volunt. illi vero, quibus
- De meliore luto finxit præcordia Titan*
- ab hoc belluarum per vim decertandi genere abhorrent; *bella etenim nec suscipi nisi ad juris consecutionem volunt, nec suscepta geri nisi intra juris ac fidei modum.* nam requiri ad omne bellum, ut non perfidiose, sed juste, non ad internecionem, sed ad juris defensionem geratur. Et id bellum *pium & justum* appellant, non quod ex libidine, nec quod ex ambitione & avaritia, sine justa & necessaria causa, ad fines imperii ampliandos, sed quod post illatam injuriam, rebus prius repetitis, omnibusque pacificis remediis, quibus offensiones hostium possent restingui tentatis, suscipitur. Nam *pium & humanum* est, inquirunt, omnia prius amica compellatione experiri, quam armis & contentionibus locum concedere, *idque sapientem decet omnia prius experiri quam armis contendere.* Et æquum est, inquit Gerhard. in loc. de Magistrat. polit. bellum prius indicare quam inferre, perinde ut in causis forensibus prius in jus vocamus & litem de-
- nun-

nuntiamus: *solidum contra armis repetere, quod vel postulatio-
nis equitate, vel sola armorum comminatione impetrari possit.*
Nunc id jure tam Divino, quam omnium gentium & civili.
Juri Divino id conforme esse apparet ex *Deuternom. 20. vers.*
10. ubi Deus singulari effato denuntiationem belli cum obla-
tione pacis conjunctam populo suo commendavit. *Si quando,*
inquit, accesseris ad expugnandam civitatem, offeres ei primum
pacem, si receperit & aperuerit tibi portas, cunctus populus qui
in ea est salvabitur, sin autem fœdus inire noluerit, & cœperit
contra te bellum, oppugnabis eam. Meminit ejusdem legis à
Deo latæ *Joseph. cum bellum, inquit, instabit, caduceatores pri-*
imum ad destinatos hostes sunt mittendi: decet enim ante arma
verbis ad eos uti, docendo, quod quamvis & copie vobis adsint nu-
merosa & equi & arma, & super omnia Deus auxiliator propitius:
mauultis tamen non cogi ad bellum, neque ex rebus illorum dire-
ptis ingrata lucra querere. Et si quidem quod equum est, persua-
deri sibi patiantur, præstat pacem inviolatam servare, quod si plus
suis viribus tribuentes jus in armis reponant, exercitum contra
eos educite imperium Deo committentes. Atque huic præcepto
obsecuti, Moyses, ad Sihonem Regem in Hesbon legatos misit
verbis pacificis, etiamsi Deus eum cum tota regione in manus
Israëliitarum tradiderit: Jephthe nuncios pacem oblatores ad
Regem filiorum Ammon ablegavit, qui illum sine jure invadere
fines Israëliitarum, validissimis rationibus demonstrarent, &
causam invasionis expererent: Joas Amaziam Regem Judæ sibi
bellum indicentem ad pacem hortatus est. Nec minus Necho
Rex Ægypti legatos de contestanda sua innocentia ad Josiam
Regem Judæ misit. Israelitarum quoque huc pertinet exem-
plum, quod egregie *Josephus ex lib. Josua cap. 21.* describit.
Israelita, inquit, cum audivissent Rubenis tribus & Gadis, &
quotquot Manassitarum eos secuti sunt, altare super ripam for-
danis erexisse, putabant eos novata religione alienorum numi-
num cultum velle introducere: & temere hac suspitione viola-
ta religionis moti, arma corripuerant, vindicaturi patrios ritus
& pœnas à violatoribus exacturi. Josua vero & pontifex Ele-
azarus cum senatu cohibebant eos, dicentes: verbis prius quam
armis rem aggrediendam, & sentiendum qua mente id fecerint:

Antiquit.
Judaic.
1. 4. c. 8.

Deuter. 20

Judic. 2.

2. Regum
cap. 14.
2. Paralip.
cap. 35.
Antiquit.
Judaic. 1. 5.
cap. 1.

ES

& si forte malo animo factum deprehensum sit, tum demum armis impetendos. Respectu igitur cognationis & ea spe, quod fortasse admonitione ad sanitatem reduci possent, miserunt legatos qui cognoscerent, quid sibi volentes altare in ripa construxissent. Et cap. 2. ejusdem libri simile refert exemplum desumptum ex lib. Judicum cap. 19. Cum Gabaëni Levitæ cujusdam uxorem vi ad stuprum abripuissent, Israëlita ad indignationem graviter commoti, & justo furore perciti, Gabaenos hostiliter armis impetere decernunt; sed hunc impetum senatus cohibuit, suadens non ita temere cognatis bellum inferendum, priusquam verbis agerent de criminibus: quando ne in externos quidem ob injuriā acceptam armari leges permittunt, nisi legatis prius de satisfactione missis. Rectum igitur esse ad Gabaenos mittere, qui fontes ad supplicium deposcant: qui si dedantur, horum pœna contentos esse debere: sin contumaces fuerint, bello in eos vindicandum. Itaque mittebantur ad Gabaenos accusaturi eos juvenes, qui vim pudicitia mulieris intulerant, & postulaturi ut pro violatis legibus, morte justas pœnas dependerent. Atque his tam præceptis quam exemplis sacris Hebræorum magistri videntur adducti, ut bellum nisi indictum à populo suo geri noluerint; etiā si enim clarigationis jura non strictè semper observaverunt, tamen bellum nisi nuntiatum, nisi indictum, ut habet Seldenus, de Jur. gēt. lib. 6. c. 13. geri nolebant, disertis divina legis verbis satis moniti, bellum autem indicere eis erat deditionem ac fœdus solum ab hostibus deprecari, quod offerre eis, seu invitare eos ad pacem nunciabant. Hactenus de jure divino; jam ostendendum est, quod & jure omnium gentium æqua & pacifica remedia armis bellisque præcedere debeant. Ut igitur bellum, inquit Grotius, solumne sit ex jure gentium, duo requiruntur; primum ut geratur utrinque auctore eo, qui summam potestatem habeat in civitate, deinde ut ritus quidam adsint, & hæc quia conjunctim requiruntur, ideo alterum sine altero non sufficit. Hi autem ritus de Jur. bel. lib. 1. cap. 3. de quibus supra cap. 2. egimus, consistunt in ipso clarigationis jure, pro more & consuetudine unius cujusque populi, olim suis ritibus & ceremoniis munito, & eorum varios nobis tra-gen. diæ. didit Alexand. ab Alex. Cæterum apud omnes fere populos id peræque olim custoditum est, ut bella legitimo more &

& certis ceremoniis indicerentur, quo magis iusta belli causa, injuriaque sibi facta omnibus innotesceret, & hostis de injuriarum satisfactione, vel ablatorum restitutione admoneretur, bellumq; ex quo plurima mala, etiam in innocentes sequi solent *dum innocentes ac noxii juxta cadunt*, vitaretur. Multa autem ac pene infinita sunt exempla, quibus cultissimæ quæque gentes, jam pridem non minus ac hodie, clarigationis jura, tradita quasi per manus consuetudine approbarunt, quorum paucissima, illustriora tamen, quantum fieri potest colligam. Certe apud Romanos clarigationis jura maxime olim vixisse, ex historiis sat pater. Illi enim nullum bellum justum voluerunt, nisi indictum, nisi nuntiatum, nisi repetitis rebus: gloriosius existimantes, indicare prius quam gerere bella, denuntiare etiam, quam per insidias hostem aggredi. Romanas enim appellabant artes, collatis cominus viribus, hostem virtute non casu vincere. *Hinc cum Q. Marcius gloriaretur, decepto per inducias & spem pacis Perse: veteres & moris antiqui memores, negabant se in ea legatione Romanas agnoscere artes, majores enim non per insidias, nec ut astu magis quam vera virtute gloriarentur, bella gessisse, indicare prius quam gerere solitos bella, denuntiare, etiam interdum locum finire, in quo dimicaturi essent. Hæcque Romana esse, non versutiarum Punicarum, aut calliditatis Græcæ; apud quos fallere hostem, quam vi superare, gloriosius fuit. Cum itaque, non fraude neque occultis, sed palam & armatus, populus Romanus hostes suos ulcisci soleret, ideo clarigationis jura ab ipsis sancta æstimata sunt, adeo, ut ea religionis instar observaverint, inque bello omitti non posse, sine jactura religionis, sine oblivione Decorum, crediderint. Hinc feci les constituti, & inter sanctos numerati, qui curam gererent, ne populus Romanus ulli bellum injustum interret: & si populus Romanus ipse injuria afficeretur, satisfactionem, vel ablatorum restitutionem flagitarent, eamque recusantibus bellum indicerent. Sed de his sup. c. 2. egimus. Cæterum egregie de Romanis locutus est Cic. Belli æquitas, inquit, sanctissime feciali P. R. jure perscripta est, ex quo intelligi potest, nullum bellum esse justum, nisi quod aut rebus repetitis geratur, aut denuntiatum ante sit & indictum. Gerebant enim bella Romani, non minus juxta quam fortiter, bellicue sic: & pacis jura esse, non ignari erant, ut olim Camillus dixit.*

Tacit. Ann.
nal. 1. c. 48.

Romanor.

Liv. 1. 48.
cap. 47.Tacit. Ann.
nal. 2. 88.Liv. lib. 38.
cap. 46.

lib. 1. Offic.

Liv. lib. 5.
cap. 27.

lib. 2.

Mmm mmm m

Qua

- Qua in parte etiam Varro illos commendat: *Romani*, inquit, *nullum bellum pium putabant geri oportere, priusquam indicerent iis, à quibus injurias factas sciebant. Feciales legatos res repetitum mittebant quatuor, qui si postulata impetrassent, fœdus cum iis faciebant; sin minus, re deliberata bellum indicabant. Non defunt nobis exempla; Nam Tullus Hostilius, res prius repetens & negantibus Albanis, pie bellum se inferre posse putavit, Ancus Latinos incurſionem in agrum Roman. facientes, re prius repetita, sed superbo sibi responſo reddito, juſto bello adortus eſt. Veientibus etiam in agrum Roman. excuſiones faciemibus, noluerunt Romani confeſſim bellum indicare, religio enim obſtitit: feciales prius mittendos ad res repetendas cenſuere. Nec ad auditum obſidium ſocia civitatis Sagunti, ſtatim ad arma procur-rere voluerunt, ſed prius more legitimo queſti ſunt, teſte Floro. Ut enim omnia juſte ante bellum fierent, legatos in Africam miſerunt, ad percunſtandos Carthaginienſes: publicone conſilio Annibal Saguntum expugnaret: & ſi faterentur & defenderent, publico conſilio factum, ut indicerent populo Carthaginienſi bellum. Prætereo alia bella à Romanis cum Antiocho, Philippo, Annibale, & Pæ-nis geſta, qua omnia populus juſſit, ſape legati ante miſſi res repetita, poſtremo qui bellum indicerent miſſi ſunt. Et ideo felicia ſua bella, quia juſta præ ſe ferebant Romani, nec tam exitu eorum, quod vicerunt, quam principiis quod non ſine cauſa ſuſceperunt, gloriabantur, ut Rhodii de ipsis quondam prædicabant. Unde & Cicero dixit, Romanos non calliditate aut robore, ſed pietate & religio-ne omnes gentes nationeſque ſuperaviſſe. Non igitur injuria accuſatus Cneus Manlius, nec injuſta concertatio triumphi ipsis im-pediendi videtur, quod Gallogracis, non ex ſenatus authoritate, non ex populi juſſu, non rebus repetitis, non denuntiatur bellum intuliſſet. Nec injuſte Cicero Crallum reprehendit, quod Euphratem tranſiverit & Parthis nulla injuria cognitis bellum intulerit. nam ut narrat Florus; Dum titulorum cupidine Araxem & Euphratem ſub imaginibus ſuis legi concupiſcit, neque cauſa, nec conſilio, ac ne imaginaria quidem belli indiſtione, quaſi hoc quoque ex arte Ducis eſſet obrepere, in Parthos impetum fecit, Violarunt ſane hi Roma-na arma, fecerunt enim contra Romanorum morem, qui, teſte Polybio apud Suidam, id ſemper ſummopere curarunt, ne priores ipsis finitimis inferrent violentas manus, ſed ut ſemper crederentur*

in

in hostem ire, ad arcendas injurias. Quanquam non tam sancti & innocentes semper fuisse videntur Clapmario. Nam & bella interdum ob præmia & divitiarum cupidinem suscipiebant. De Cyprio enim occupata ita *Ammianus Marcellinus* loquitur: *Nec, inquit, piget dicere, avide magis hanc insulam populum Romanum invasisse quam juste. Ptolomæo enim Rege confederato nobis & socio, ob ararii nostri angustias, jussu sine ulla causa præscribi, ideoque hausto veneno voluntaria morte deleta, & tributaria facta est, & velut exiles ejus exuvia classi imposita in urbem advecta sunt per Catonem.* Florus quoque non obscure indignitatem rei innuit dum inquit: *Divitiarum tanta erat fama, nec falso, ut victor gentium populus, & donare regna consuevit, P. Clodio Tribuno Duce, socii vivique regis confiscationem mandaverit.* Arguit & alibi *Florus* Romanorum iniquitatem, nimirum in bello Cretico, his verbis: *Creticum bellum, inquit, si vera volumus noscere, nos fecimus; sola vincendi nobilem insulam cupiditate.* Exprimit etiam *Galgacus* Romanorum avaritiam apud *Tacitum*: *Romani, inquit, si lo cuples hostis est, avari; si pauper, ambitiosi.* Sed adscribemus id seculi vitium, crescentibus cum ipsa magnitudine imperii: stabit tamen, Romanos præ omnibus aliis gentibus in bello justiciam maxime coluisse. Et tantum de Romanis. Porro etiam si non omnes gentes, tam stricte, ut Romani, clarigationis jura observaverint, fuerunt tamen populi, qui jura quædam in bello, ipsa natura dictante, aut aliarum gentium consensu agnovere. Nescirem enim alias, unde olim Sabini, Albani, Egyptii alique, istam in bello hauserint æquitatem, quæ interdum apud ipsos emicuit. Certe Vexorem Regem Egyptium in bello Scythis illato, justitiæ quandam habuisse reverentiam nemo negabit. *Bellum enim ipsis indixit, missis tamen primo lenonibus, (fecialibus de quibus vide Bernec. notis) qui hostibus parendi legem facerent.* Etiam Sabinos hujus juris aliquantulum gnatos fuisse inde apparet, quod Romulum, qui virgines ipsis rapuerat, quemque armis pro Barbarorum more cogere potuissent, æquis tamen conditionibus tentare non intermiserunt. *Legatos enim prius miserunt ad Romulum, cum æquis & moderatis postulatis, redderet sibi puellas, & vim illatam resolveret, tum cum bona gratia & lege amicitiam & affinitatem inter utramque gentem contraheret. Verum cum non remitteret Romulus puellas, peteret autem à Sabinis, ut hanc necessitudinem*

Arcañ.
lib. 4. c. 11.

lib. 14. capit. 27.

lib. 3. c. 2.

lib. 3. c. 7.

Agr. 30. 6.

Aliarum
nationum.

Iustin. 1. 2.
cap. 2.

Plutarch.
in Romul.

M m m m m 2

proba-

probarent, *infectum agmen Romam moverunt*. Nec minus Albani
 aliquam juris belli notitiam præ se tulerunt, qui cum ex ipsorum
 agro Romani, illi vero ex Romano, invicem prædam egissent, Ro-
 mam prius legatos miserunt res repetituros, & ni reddantur, bel-
 lum indicturos. Imo & veteres Galli, gens aliàs naturâ ferox, mo-
 ribus incondita, *quorum nominis tantus erat terror, ut etiam Reges*
 Gallorum, *non laceffiti, ultro pacem ingenti pecunia mercarentur, ipsi se in*
 Iust. l. 24. *armis, ferre & omnia fortium virorum esse gloriose alias jactitan-*
 e. 4. n. 7. *tes*, jura tamen aliqua in bello olim animadvertisse videntur. Nam
 Liv. lib. 5. *eorum abundans multitudo, quam non capiebant terra qua genu-*
 cap. 36. *rant, ad novas sedes quærendas ingenti agmine profecta, frugum*
 Iust. l. 24. *fortasse dulcedine, maximeque vini nova tum voluptate capta Al-*
 e. 4. n. 1. *pes transivit, jamque per Italiam vaga Clusinos obsedit: pro qui-*
 Liv. lib. 5. *bus ut pro sociis & fœderatis intervenit populus Romanus missis*
 cap. 36. *ex more legatis. Quorum unus accepto duriore Gallorum respon-*
 & *so, se jam munere legationis defunctum ratus, fortissime dimi-*
 Plutarch. *cantem inter Gallos provocavit, victoriamque obtinuit oppresso*
 in Numa *Gallo. verum legentem spolia, ubi Galli agnoverunt, per totam a-*
 & Camil. *ciem, Romanum legatum esse, signum datum est; Deosque testa-*
ti Galli, violato jure gentium, quod apud omnes sit nationes sacro-
sanctum, eum qui ut legatus venisset, hostilia perpetrasse, omiſſa
in Clusinos ira, receptui canunt, minantes Romanis. Fuerunt qui
extemplo Romam eundum censerent, sed vicere seniores, qui, ne
cupientibus quisquam existimaret oblatam injuriam & quæſitam
occasionem, mittendos prius legatos, quæſtum injurias voluerunt,
postulatumque, ut pro jure gentium violato, legatus ille dedere-
tur. Verum cum accepiſſent, ultro honorem Romæ habitum vio-
latoribus juris humani, elusamque suam legationem, flagrantem
ira, confestim signis convulsis citato agmine Romam petunt. Jam
ad septentrionales populos progrediamur, & an illi jura quædam
in bellis suscipiendis habuerint observanda, dispiciamus. Ubi
quidem negare non possumus, illorum quam plurimos viventes
ex raptis, vitam assidue sub armis egisse olim, proferendique im-
perii gratia, multis alienis regnis & imperiis inhuisse, nullamque
ideo apud quosdam atrocitiam habuisse infamiam, quod de Ger-
manis Caesar, deque Danis & Vandalis Crantzius asserunt. Pirati-
ca, inquit Crantzius, in honore fuit, non minus quam olim apud
Lacedæmonios furtum, arbitrantibus in paganismo barbaris,
qui-
bue

Septentri-
 onalium
 populo-
 rum.

lib. 6. bell.
 Gallic.
 Vandal.
 l. 1. cap. 7.

bus nulla leges prodite, nulla iustitia comperta monita,) iuste pos-
sideri, quicquid vi aut armis quareretur. Pontanus quoque Da-
 norum Historicus gravissimus, fatetur, ex hac parte haud magis
 Cimbros veteres, Normannosque ac Danos, quam Græcos, apud
 quos latrocinio maris vitam tolerare olim gloriæ habebatur, posse
 excusari. Quod quidem verum est; nam ut habet Aveninus, vel
 ob inundationem Oceani, vel ob exonerandam turbam, pragravan-
 tem regnum domi, sive ut aliis scriptis mandarunt, latrocinandi mo-
 re & cupidine prada, regē Medo, patria relinquentes penates, nova-
 rum sedium avidi, ab ultimis terrarum oris profecti sunt, exclusi-
 que Gallia & Hispania, immensa millia ferorum atque immitium
 populorum, more procella Italiam inundarunt. Et ideo à Romanis,
 communi barbarorum, infami apud ipsos cognomine, vocitaban-
 tur: quippe qui barbarici tantopere obnoxii, ut pacem non intelle-
 xerint. Verum non plane barbaros fuisse, exinde probari posse ex-
 istimo, quod novas sedes quærere coacti, cum terrarum inun-
 dasset Oceanus, legatos prius in Silani castra honestis precibus, a-
 liquid sibi terræ dari, petitum miserint, simulque manus & arma
 sua utenda velut stipendium obtulerint: repulsi vero, quod ne-
 quiverant precibus, armis tandem petere constituerint; quod sa-
 ne à Barbarorum more maxime alienum fuit, qui honestas preces
 armatis nunquam anteferebant, quodque potuerunt cogere, mi-
 nime rogabant. Huc etiam accedit, quod his gentibus antiquitus
 lege sancitum fuerit, ut dum nimis regiones essent hominibus reple-
 ta, viri audaciores de propriis migrare sedibus cogerentur. Ita enim
 è Dania inedia languore attrita, Longobardi, cum iis alendis suf-
 ficere non potuerit, exierunt, & multam terrarum partem emen-
 si armisque depopulati, postremo in Italia sedes posuerunt. Id equi-
 dem libenter concedamus, priscis Germanis, Cimbris & aliis ar-
 morum studiosis, bellicque semper amore flagrantibus, facile rem vel
 levissimam quamque in causam belli sufficere potuisse, adeo, ut iraro
 iustum aliquod bellum ab iis susceptum cum Cluvero existimemus,
 nisi bellum illatum propulsa verint, aut exortam tyrannidem ex-
 stinxerint. Verum hoc vitium certe commune fuit ab initio uni-
 verso terrarum orbi, quod nemo historiarum peritus negare potest.
 Nam omnia illa Egyptiorum, Scytharum, Assyriorum, Medorum,
 Persarum, Græcorum, Romanorum, in externas gentes imperia, per
 mera occupata fuerunt latrocinia. Quis enim negabit, Romanos

In Chord.
 graph. Da-
 niz descri-
 ption. p.
 776.

lib. 1.

Iust. l. 38.
 cap. 4.

Florus l. 4.
 cap. 2.

Florus l. 3.
 cap. 3.

Mauth.
 Vestmon.
 in Flori-
 bus Hist.
 pag. 179.
 Sax. Gram-
 mat. lib. 8.

Cluv. Ger-
 man. An-
 tiq. lib. 1.
 cap. 46.
 Cluv. Ger-
 man. An-
 tiq. lib. 1.
 cap. 19.

Tacit. An-
nal. 3. c. 26.

lib. 10.

Germ.
19. 6.
Germ.
c. 35.

Vellej. 1. 2.
cap. 108.

Tacit. An-
nal. 2. ca-
pit. 46.

Meurf. hi-
stor. Dan.
lib. 1.

consuetudine multorum bellorum latrones & barbaros fuisse, antequam ipsos Numa cultioribus institutis mitigasset? nam is populum, *religionibus & divino jure, primum devinxit*. Idem & de Danis dici potest, quorum barbariem Poppo Slesvicensis Episcopus conspicuo quodam miraculo flexit, *eternumque religionis spiritum, ut Saxo ait, ipsis ingeneravit*, cum candens ferrum, chirotheca formam præferens, sine ulla læsione manus indueret. *quo evenit, inquit Saxo, ut Dani abrogata duellorum consuetudine, pleraque causarum judicia, eo experimenti genere constatura decernerent, controversiarum examen, rectum ad arbitrium divinum, quam ad humanam rixam relegandum putantes*. Sed inepta erat hæc quoque disceptandi ratio, nec facile excusanda, quod tum mandato tum promissione divina destituebatur. Mittimus hæc, ne nos longius ab incepto trahant. Nos septentrionalium populorum, in bellis iuste gerendis ritus & mores diligentius inquirentes, exempla, quæ non tantum Romanorum mores & leges exæquant, sed etiam interdum superant, facile invenimus: protus ut admirabile videatur, ipsos justitiam ingeniis non legibus coluisse, hocque ipsis naturam dedisse, quod Romani & Græci longa sapientum doctrina & assidua legum disciplina consequi nequiverant, ut recte Tacitus dixisse videatur: *plus ibi bonos mores quam alibi bonas leges valuisse*. Ideo & Chaucos idem Tacitus, populum inter Germanos nobilissimum, commendat, quod *magnitudinem suam maluerunt justitia tueri, sine cupiditate, sine impotentia, quieti secretique, nulla provocaverint bella, nullis raptibus aut latrociniis populati sint: idque præcipuum virtutis argumentum, quod ut superiores agerent, non per injurias sint affecti: prompta tamen omnibus arma, ac si res posceret, exercitus*. Eleganti quoque encomio, Maroboduus Marcomannorum Ducem effert Velleius Paternulus, *natione eum magis quam ratione barbarum fuisse predicat*. Gerebat enim, inquit, ita se adversus Romanos, ut neque bello nos lacefferet, & si lacefferetur, superesse sibi vim ac voluntatem resistendi declararet. Idque ipse Marobod. de se gloriari non abstinuit: se nempe à Tiberio duodecim legionibus peti- tum, illibatam Germanorum gloriam servavisse, nihilque admisisse, quod Germania dedecore esset, sed rem totam sic administrasse, ut brevi æquis conditionibus pace facta hostis discederet. Nec parvam hac in parte Danorum Rex Frotho tertius meretur lau- dem

dem, qui tot gentium victor & domitor *arma nunquam nisi la-*
cessans sumsit. Verum ut amplius videamus, quanti olim jus cla-
 rigationis æstimarint, id prius nobis constet, nullibi in historiis
 reperiri, ipsis de belli indicendi jure, certas, ut Romanis, leges
 positas fuisse, cum tamen eandem quam Romani, in bellis colue-
 rint æquitatem. Quemadmodum enim duella, secundum statu-
 tas leges, sine prævia provocatione non gerebantur; sic bella ple-
 rumque, non nisi prius indicta, suscipiebantur, unde interdum
 locum diemque prælii condicebant. Sic *Haraldus Dania Rex*, Saxo lib. 8.
ne improvidis bellum Sueonibus pararetur, misit legatos Ringoni
palam inimicitiarum mandata perluturos, ipsamque sequestra
pacis disruptionem vulgatu- Hisdem pugna locum præstitueret quo-
que jussim. Ita *Olaus Norvagiæ Rex* *Suenoni, uxorem quam ipse* Meurs. hi-
petiit, per legatos in suum conjugium trabenti, ira ardens, antea to- stor. Dan.
ties devicto, & nunc quoque, uti sibi persuadebat, vinci facili, nimis lib. 3.
temere contemnens, bellum indicit: & in freto, quod est inter Sca-
niam & Sialandiam, locum prælii præscribit. Solebant etiam in-
 terdum, damni compensationem, vel raptorum restitutionem pe-
 tere, æque ut Romani, quamvis non iisdem solennibus verbis &
 ceremoniis. Observavit id *Gottricus Danus*, qui *Carolus M.* bel-
 lo Saxones invadentem, per legatos suos ab incepto ita dehorta-
 tus est. Dudum nempe, *Saxones Danis vestigales esse: itaq; orare* Meurs. hi-
ipsum armis abstinere velit, neq; illos divexare. Quod si autem ad stor. Dan.
inceptum frustra bellum revertatur, se ad arma suis opponenda co- lib. 7.
gi. Item voluit *Canutus*, qui, cum *Slesvicensis præfecturam* pa-
 trui *Nicolaus* ipsi demandasset, *Henrico Vandalo* eandem, acer-
 rimis excursionibus diu vexanti, per legatos mandat, se cum eo
 libenter de pace acturum, ea lege, ut qua dederat damna sarciat,
 & abductam prædam reddat. *Henricus vero se neq; cum Danis* Saxo lib. 19.
amicitiam gesturum, neque à paterna hereditatis petitione cessatu- &
rum respondit: quo accepto, Canutus rursus ad eum legatos mittit, Meurs. l. 4.
omnem sequestra pacis communionem publice rescissuros. Idem ante in vit. Ni-
 colai.
 secula aliquot fecerunt Dani, qui in electione Regis Christiani
 primi occupati, cum de Suecorum armis inaudivissent, ad *Ca-*
rolum Gothiam infestantem, quemque sibi constitueret regem, Meurs. in
legatos miserunt, postulatum, ut copias revocaret, neq; porro Go- vita Chri-
thiam infestare vellet, quippe eam Dania non Suecia iuri subja- stiani I.
cere. Itaq; si postulata recusaret, neq; exercitum deduceret, Chri-
stian-

- ftianum ad injuriam propulsandam armis experiri certum. Sed reddita responsione, Suecos exercitum revocare nec posse nec velle, indignatus Christianus Rex, bella omnia nisi necessaria detrectans*
- Meurf. l. 2.
in vit. Io-
hannis. *armis Suecos coercendos statuit. Lubecenses quoq; cum in bello quodā Danorum contra Suecos navis quadam, Suecicas merces vehens, ipsis à Dano intercepta fuisset, tumultuari quidem ac vociferari in principio cives; non ferendam vim Danorum; qua injuste abstulissent bello petenda; gerendam tamen per legatos prius rem existimabat moderatior Senatus, itaq; missi qui navem interceptam peterent, quam si reddere recusaret Rex, bellum minarentur. Huc etiam pertinere videtur, Eduardi Angliæ Regis exemplum, indignum sane quod prætereatur, qui datis ad Gallum literis bellum ei denunciabat, quarum hac erat summa, ut Gallia possessionem, qua jure ad se pertineat, sibi reddat, quo nobilitatem & ordinem ecclesiasticum pristino juri & libertati restituat. Id si non impetret, earum calamitatum, qua postea sint ex hac injuria nascitura, culpam à se removebat, qua quidem, inquit Cominæus, contestationis formula, est usitata principibus, dum alter alteri hostem se profiteatur. Recentiora alia huc facientia exempla historiæ nobis satis suppeditant, nec eorum mentionem ulla festinatio transgredi debet. Certe Saxo, Heflus & alii socii, Carolo V. Imp. missis literis, bellum juxta legem denunciabant, cum antea tam privata epistola apud Cæsarem, quam publico scripto apud omnes populos se purgassent, & coactos se ad arma venire quæsti essent, vim injustam, Cæsarisq; persona indignam depellendi causa. Sic ductor exercitus Ferdinandi Romanorum Regis, bellum Saxonix Ducis populo denunciat, annuens nihil opus fuisse, ulla denuntiatione, propterea quod ille Saxonicus à Casare esset proscriptus, tamen ne quid prætermisum esse videretur, voluisse hoc pro sui muneris ratione significare. Sic Ferdinandus Rex Romanorum & Mauritius Elector Saxonix, Alberto Marchioni Brandenburgico bellum indixerunt, missis literis crimini dantes, quod lites, juxta commune Imperatoris & ordinum consilium, legibus prosequi recusaverit, ideoq; omnis calamitatis, qua per hoc bellum oriretur, culpam in ipsum, qui nullam ad aquam conditionem accedere voluit, transferendam esse testabantur. Ita Fridericus II. Danorum Rex, cum variis injuriis affectum se diceret, Sueco hostilia, scripto denunciavit, testatus se, ad justam suorum subditorum, & fœderatorum defensionem*
- Cominæus
lib. 5.
- Sleidan.
lib. 17.
- Sleidan.
lib. 18.
- Sleidan.
lib. 25.
- Thuan.
lib. 34.

nem

*nem contra ambitiosum regem & publice tranquillitatis turbato-
rem iusta arma pro communi libertate induisse. Hisce exemplis
probari jam satis existimo, clarigationem esse juris gentium, ut-
pote ipsa naturali ratione dictante, tot populis communem.*

Pergimus jam ad jus civile, ex quo probare quidam conan-
tur, justitiam belli, omnino præcedentem denuntiationem requi-
rere, idque apprime colligi posse putant ex l. 24. ff. de captiv. & *postlim. ab host. redempt.* Ubi hæc hostium definitio: *hostes sunt
quibus bellum publice populus Romanus decrevit, vel ipsi populo Ro-
mano, ceteri latrunculi, vel predones appellantur.* & l. 118. ff. de
verb. signif. *Hostes hi sunt, qui nobis, aut quibus nos publice bel-
lum decrevimus, ceteri latrones aut predones sunt.* Dicunt, osten-
dere jus civile voluisse bella, quæ spe lucri improba geruntur, mi-
nime bella esse, sed mera latrocinia & injustas rapinas, istosq; po-
pulos, qui aliena imperia sine pietatis respectu, sine justitiæ reve-
rentia invadunt, tam-ut fœdæ suæ avaritiæ, & improbræ nocendi
cupiditati consulere queant, non hostes esse, sed latrones & præ-
dones, & ideo nec belli legibus tractandos, deque iis dici posse
illud, quod à Romanis Jurisconsultis proditum est, *predones esse
eos, qui rogati de possidendi causa nullam aliam adferunt, quam ut
possideant.* Quibus non male aptemus illud Augustini: *Inferre
bella finitimis, & inde in cetera procedere, ac populos sibi non mole-
stos, sola regni cupiditate contere, quid aliud quam grande la-
trocinium nominandum est?*

Denique & evidens ratio ab omni injusto suscipiendi belli
modo abhorret, & viam potius juris armis præmittere suadet,
omnesque ad justitiam & æquitatem invitat. Quæ autem hæc
dementia! ritu ferarum, non ratione, sed impetu injurias ulcisci,
rerumque suarum judicium permittere impio armorum furori,
fortunæque sæpe ipsis armis obstitenti. Grave profecto est, & ab
omni æquitate remotum, ita bellum inferre aliis; Convenit

*Piscibus hoc nemorumq; feris, avibusq; se ut ipsi
Invicem edant: juris quia non discrimen in illis.*

Hesiod. l. 1.
Epy.

At homines, quibus Deus rationem & judicium supra cetera
animalia dedit, ad æstimanda, quæ sunt honesta quæ turpia, quæ
delectant, quæve nocent, quig; justitiam colunt, boni & æqui no-
titiam profitentur, æquum ab iniquo separantes, licitum ab illicito
discernentes, æquitatem quam sanguine, causa quam armis se sua-

L. 1. ff. de
iustit. &
jur.
Tacit. An-
nal. 15, 2. 3.

Nnn nnn n

que

Augustin.
contra
Faustum.
lib. 22. c.
74. tom. 6.
Senec. epi-
stol. 88.

Marselaer,
de Legat.
Dissert. 22.
lib. 2.
Cic. Offic.
1. cap. 11.

Lipf. polit.
5. 3. 11.
Lucan. 7.
vers. 343.
Grotius de
Iur. bell. in
prolegom.

Lipf. polit.
5. c. 3. n. 3.

que tueri decet; præsertim cum prorsus inhumanum esset vim vi, culpam damno, & injuriam vindictæ aviditate semper pensare. Inde enim fiet, ut homines ira aut odio impulsæ, arma sæpe moveant non movenda, id quod damnat pius ille Aristes Augustinus: *Nocendi, inquiens, cupiditas, ulciscendi crudelitas, implacatus & implacabilis animus, feritas rebellandi, libido dominandi, & si qua sunt similia, hæc sunt quæ in bellis jure culpantur.* Homo igitur pius & Christianus, alieno sanguini tanquam suo parcat, & sciat homini non esse prodige homine utendum, sed quoniam fatalis, proh! humani cerebri astus aut morbus est, ut sine dissensione durare omnino non possit, imitetur potius illud Ciceronis monitum: *Cum duo sint genera decertandi, unum per disceptationem, alterum per vim: cumque illud proprium sit hominis, alterum bel-luarum, confugiendum est ad posterius, si uti non licet superiore.* Idque non modo juris, sed etiam consilii est. Primo enim justior hostem impetendi causa succedit, qui justum & pium bellum induit, idque legitimo more, cum prius remedia pacis omnia frustra tentarit, denuntiat; nam is ante omnia confidere potest Deo, eumque vera ac firma fide in bello necessario amplecti, inque ejus solo præsidio omne suum auxilium constitutum habere, certo sciens, Deum sibi secundum jus fasque felicem belli exitum daturum. Accedit etiam spes justæ ac bonæ causæ, quæ eum velut caput bonæ spei (liceat huc alludere) ad triumphales terras ducat. Nam *Causa jubet superos melior sperare secundos.* Quantam autem vim habeat in bellis justitia conscientia, passim ostendunt historiæ scriptores, qui victoriam sæpe huic causæ præcipue ascribunt; Inde proverbium illa, raro eum sospitem redire, qui injusta arma sumserit, bonæ causæ spem adesse comitem. Grotii hæc sunt verba. Quo apprime pertinet illud Dionis Cassii monitum: *Maxima nobis justitia habenda est ratio: quæ si adsit, vis bellica spem bonam præbet: sin absit, nihil quis certi habet, etiam si prima, ex sententia succedant.* Nec ineleganter Lipsius, omnia injusta bella fugienda, nec ullo bello nisi justo animum accommodandum suadet, præceptaque juste suscipiendi, gerendi & conficiendi bellum præscribit, quorum aliqui qui negligit, inquit, aut perperam administrat, vix est, ut bono eventui unquam licet. In suscipiendo imprimis bello serio monet, ut omnis injustitia absit, armaque moveri haud vult, nisi quæ mos & ratio suadent; bellum

ar-

*arduum esse opus existimans, quod semel temere ceptum si even-
tus arguat, sera pœnitentia nequaquam emendabit.* Justus igitur
belli suscipiendi modus, quemadmodum recta & legitima sua
causa fretis Deum propitiuin promittit, spemque victoriæ cer-
tam concedit: ita etiam, *secundò*, militibus alacriorem pugnan-
di animum incurrit, spem accendit, metum minuit, firmat animos,
multaque virtuti, incitamenta præbet, jamq; milites justam cau-
sam, suamque necessitatem intuentes, victoriam ut sperent, mor-
tem non recusabunt, tam quia salus, quam quia gloria ipsis caris-
sima est. Contra turpis & nefaria belli causa, male & injuste au-
spicatum bellum, formidinem & timorem militibus suppetit, *qui
metu solliciti formidant* ac pavent, Deumque omnium injuriarum
vindicem, proque meliore causa stantem verentur, respicientes
ad illum, qui iusta Dei vindicta, injusta bella fere comitari so-
let, tristem & luctuosum exitum. Vere enim

Curt. sup-
plem. 2. 2. 5.Onofand.
Strateg.
cap. 4.

Frangit & attollit vires in milite causa,

Qua nisi iusta subest, excutit arma pudor.

Propert. 4.
eleg. dict.
26.

Quare Herodes militibus suis post cladem in Arabia, armorum
suorum justitiam exponere omnino voluit: *ostendam vobis, in-
quiens, quam iuste susceperimus hoc bellum, coacti inimicorum con-
tumelias, id enim si intellexeritis, magnum vobis ad audendum erit
incitamentum.* Allocutio etiam Cæsaris ad milites suos digna ut
apponatur apud Dionem extat, qua milites suos ita adhortatus
est: *Cum & auditu acceperissem, & re ipsa expertus essem, maximas
ac plurimas bellicas, aut potius omnes actiones humanas, feliciter
ab iis confectas, qui in consilio capiendo, inque agendo, justitiam
& pietatem præ aliis observassent, nunc id & mente cumprimis re-
peto & vos considerare iubeo. Nam etsi tantis sumus instructi vi-
ribus, ut etiam in causa iniquiore victoriam sperare nobis liceret,
tamen paulo plus fiducia in belli causa, quam in apparatus robore
pono. Tercio & ultimo, consilii etiam est, bella legitima suscipere
eaque prius indicere, quam gerere, quia id maxime valet ad bo-
nam famam apud vicinos populos consequendam, firmumque
ad amicitias conciliandas & fœdera ineunda momentum est;
cum iis enim quibus nec ara, nec fides, nec ulla firma pactio est,
non facile quis fœdera aut amicitias contrahere satagit, & nemo
se facile iis adiungit, inquit Grotius, quibus jus, fas, fidem vilia
putat.* Hos enim ob fidem quam flocci habent, cuncti conte-

Grot. l. 2.
c. 16. in an-
not. ad §.
4.Aristoph.
Acharn.
act. 2. scen.
2. v. 29.
In proleg.

Nnn nnn n 2

mnunt,

nunt, ob injurias forte inferendas metuunt, dumque metuunt, oderunt, & ob illatas ulcisci cupiunt. Quis igitur tam stolidus esset, ut non potius gloriæ & famæ suæ, quam impio suo furori itæque consuleret? quis non fidem & justitiam potius coleret, quam se tot hominum calumniis & oburgationibus objiceret? quis non potius justus bellator, quam omnium ore prædo & litro dici cuperet? Nos igitur post conscientiam semper famæ consulendum esse putamus, hortatuque Taciti, *præcipua rerum ad famam dirigenda*, nec bella sumenda, quæ nomini famæque aliquid detrahunt; sed potius illud fortitudinis veræ indicium amplectendum, *nihil nisi turpem famam metuere*, contra bonam famam non contemnere, *quia contemptu famæ contemnuntur etiam virtutes*, quod iterum inquit Tacitus. At gloriæ militantes nihil magis, quam perfidiæ famam timent. Hanc sane volo timeant, (elegantè Lipsius) quia vere scriptor Græcus: *Qui legum metuentissimi, iidem in hostes audacissimi, & pati quidvis minime verentur, qui male audire maxime verentur*: hi omnibus cari, hostibus terrori sunt. Quid quod multi nomine & justitiæ suæ fama, gentes vicerunt. Alexander M. certe plura fama quam armis evertit; nomine enim ac fama sua, maximo in bello utique momento, sepe pavidos in fugam convertit. Hinc Darium ut pacem ab eo peteret, nulla vis subegit, sed justitia & continentia ejus expressit, quod fateri ipse cogebatur Darius. Falisci quoque non Romanorum vi ac potentia, sed fide & Camilli Imperatoris justitia provocati se dediderunt. Camillus enim, scelestum Ludimagistri munus spernens, justitiæ & æquitatis fama id assecutus, quod longa armorum cominatione haud forte impetrasset. *Vir sane sanctus & sapiens veram sciebat victoriam, quæ salva fide & integra dignitate pararetur*. Atque ita omnes qui legitimas belli suscipiendi rationes habent, easque recte & juste exequuntur, non bonam famam, veram & solidam gloriam tantum, sed etiam tranquillitatē, & confessa hostium obsequia inde reportare videm⁹, quod pulcherrimis omnibus triumphis, si vincendus nemo sit. Reliquis autem, qui famam & gloriam aspersiones bella justa extante ratione, movent, nullo juris habito respectu gerunt, illud Aristotelis cogitandum proponitur, non pejerare, timentes & divinam ultionem, & humanam infamiam. Nam profecto

Lips. polit.
2. 14. num.
ubi.

— — — — — *Esti quis primò perjuriam celat,
Sera tamen tacitis pena venit pedibus;*

Nos

Nos cum Gerhardo Theologo vere incomparabili, omnia bella injusta, temeraria & illegitima, quæ ex ambitione & avaritia, sine justa & necessaria causa, ad fines imperii ampliandos suscipiuntur, ex animo detestamur, tanquam latrocina, non dubitamus affirmare, auctores ejusmodi bellorum, gravissimam aliquando Deo reddendos esse rationem, pro cadibus, rapinis, incendiis, stupris, devastationibus, adeo, pro omnibus, quæ occasione talium bellorum fuerunt gesta.

Locorum
Theolo-
gicæ, dema-
gistratu
pol.

Difficilio
controverfia

Grot. Jur.
bell. l. 3.
cap. 3. §. 6.
Lib. 1.

l. 1. §. 27. de
vi & vi
arm.
Cic. pro
Mil. c. 4.
Epist. fa-
mil. 12. 5.
l. 45. §. 4.
ad L. Aq. l.
3. de l. & l.
Cic. pro.
Mil. c. 11.

Liv. l. 43.

L. ut vim
ff. de iust.
& iure.

Cæterum cum jam legitimam belli indictionem, & prævia pacis oblationem, jura omnia jubeant, evidens ratio suadeat, bona conscientia, præclaraque fama hortentur, quæri potest: An injusta omnia bella, quæ sine clarigatione, sine denuntiatione geruntur? *Defensionis causa bellum* quod sumitur, ulla indictione non indiget, denuntiante id ipsa natura; *Naturali enim jure*, inquit Grotius, ubi aut vis illata arcetur, aut ab eo ipso qui deliquit pœna deposcitur, nulla requiritur denuntiatio, nec magis necessaria est, ac si dominus rei suæ manum injicere velit. *Ælianus ex Platone* ita expressit, quod ad propulsandam vim suscipitur bellum, non à caduceatore, sed à natura indici. Est id apud Ulpianum, vim vi repellere licere Cassius scribit, idq. jus natura comparatur: Apparet autem, inquit, ex eo, arma armis repellere licere. id quoque Cic. non modo justum sed etiam necessarium judicavit, cum vi vis illata defenditur, & alibi inquit, quid est quod contra vim sine vi fieri posset? Vim enim vi defendere omnes leges omniaque jura permittunt; & quod quis ob tutelam corporis sui fecit, jure fecisse existimatur, cum adversus periculum naturalis ratio se defendere permittat. Hoc enim & ratio doctis, & necessitas barbaris, & mos gentibus, & feris natura ipsa præscripsit, ut omnem semper vim quacunq. ope possent, à corpore, à capite, à vita sua propulsarent, ideo singulis animantibus vires à natura sunt attributæ, ut sibi tuendis juvandisque sufficiant. *Etiam jure gentium ita comparatum esse*, inquit Livius, ut arma armis propulsentur. Ex Florentinus ait: jus esse gentium ut vim atque injuriam propulsemus, ut corpus nostrum tutemur. Hoc jure ante annos aliquot Suecorum Rex Gustavus Adolphus, quem Cæsariani ob hostilem, sine ulla indictione, Germaniæ invasionem incusarunt, se defendit, se nempe injuria Cæsareanorum laesum, dum prius hostilia ipsorum arma in Prussia expertus esset, ad injuriam propulsandam arma sumere

lib. 7. pag. 351.

de iur. bell.
& pac. l. 2.
c. 20. §. 3.

lib. 5. polit.
cap. 4. n.
12. & 13.

re coactum fuisse, idque bellum omnium gentium jure, non à
 feacialibus, sed ipsa natura indici. prolixum ejus hac de re scri-
 ptum videre licet in *Theatro Europeo Anno 1630*. Sic etiam Oran-
 gium arma adversus Hispanum corripuisse, *F. Strada* memorat,
 tanto honestiore specie, quanto se tueri, sua repetere, socios, fi-
 lium, patriam in libertatem asserere, non æquum modo, sed et-
 jam gloriosum videri potuit. Atque hæc de extemporaneo bello
 defensivo, quod sine prævia indictione admittimus, cum extrema
 necessitas, moram nec patiatur, nec interpellandi vel indicendi
 belli tempus concedat, & periculum aliter effugi non possit. At
 bellum quod in injuriarum vindictam suscipitur, sine denuntiatio-
 ne, forte non usquequaque approbari potest, quia ejus causa ali-
 quando est impia vindictæ aviditas, & clarigatione adhibita of-
 fensio sanari, & delictum forte pœnitentia & satisfactione expia-
 ri potest. Naturæ quidem jus nudum si respiciamus, tale bellum
 ut indicatur, non est opus, vindictam & ultionem ipsa injuria ci-
 tante. Hoc naturali jure Plataenses apud *Thucydidem* se defen-
 dere voluerunt, merito, dicentes, eos ultis summi jure apud omnes re-
 cepto, ut hostilia patrantem ulcisci liceat; & *Demosthenes* oratione
 adversus *Aristocrat.* communem, ait, esse legem inter homines, qui
 nostra, vi rapiat, ulcisci nobis fas sit. Sed vindicta talis, quærens si-
 bi remedium ex alterius damno, natura quidem congruit, sed ei
 quam homo cum bestiis habet communem, (ita *Grotius*) est enim
 ira ut in bestiis, ita in homine, ideoque talis appetitus in se spectatus,
 non convenit parti rationali, cujus est imperare affectibus; ac pro-
 inde nec juri natura, quia id est dictatum natura rationalis ac so-
 cialis, qua talis est. Dictat autem ratio, homini nihil agendum quo
 noceatur homini alteri, nisi id bonum aliquod habeat propositum.
 Oportet igitur delicta multa dissimulari potius quam vindicari, &
 quamvis sæpe legitimæ adsint rationes, justa damni vel injuriæ
 vindicta, tamen non juste statim sine indictione ad arma propera-
 bitur, nam non sufficit bellum ex causa necessaria & justa suscipi,
 sed oportet etiam legitimo more illud geri, juxta illud, quod *justū*
 est, juste exequaris. Invasio quidem licita est, sed non omnis. Illa pa-
 lam cum injuriam vindicas, (inquit *Lipsius*.) & jure gentium res
 tuas repetis. Nam justitiæ primum hoc munus est, ut ne cui quis no-
 ceat nisi laceffit injuria. Itaque si quis res tuas aut jura rapiat, ca-
 pe arma: cum ea conditione tamen, ut ex forma veteri prius mittas
 cla-

*clarigatum, non enim etiam laesus jure statim bellum inferes. Sunt enim, ut olim Cicer. dixit, offensa etiam adversus eos, à quibus injuriam acceperis, servanda, estque ulciscendi & puniendi modus. Et cum bellum sit medium vindictæ grave & periculolum, ideoque ut justum sit bellum, prius pacifice ab hostibus debita satisfactio petenda est, id honestius, & ad quietem hominum conducibilis. Tum enim hostem, si respectum aliquem amicitiae tuæ habere cernas, & is de injuriis quæ tibi factæ satisfactorum promittat, inique vi impetas, juxta illud Archidami apud Thucydidem, in eum qui inire agere & satisfacere paratus est, nefas bellum sumere, tanquam in injurium, nec utendum imperio ubi legibus agi potest. At si satisfactio ipsi gravis videatur, & res tuas retineat armatus, quod blande non potueris minaciter impetrabis, tuncque honestius erit offendere, quam odisse. idque omnium confessione ut justum & æquum est, si quis alieni non appetens, contentusque res suas repetere, passus repulsam, armis jus suum persequatur. Hic enim illud valeat, justum est bellum quibus necessarium, & pia arma quibus nulla nisi in armis relinquitur spes. Attamen nemo existimet, ubi jus jam satis compertum est, statim aut oportere bellum suscipi, aut semper etiam licere. Interdum enim magis pium rectumque sit de jure suo cedere, quam illud cum tanto aliorum incommodo, quantum secum ferunt bella, adipisci, idque non modo laudabile, sed & debitum est, ratione ejus quam hominibus, etiam inimicis debemus, dilectionis, sive in se spectatæ, sive qualiter eam exigit sanctissima lex Evangelii, de quibus videri potest Grot. Etenim nonne præstat al. quid de suo jure concedere, quam paululum commodi innumeris mercari fortasse malis? Cæsar Augusti præclarum præceptum attendite quæso: *prælium aut bellum nunquam suscipiendum, nisi cum major emolumentum spes quam damni metus ostenditur. Nam minima commoda, ait idem sapientissimus Imperator, non minimo sectantes discrimine, similes sunt aureo hamo piscantibus, cujus abrupti damnum nulla captura pensari potest. Quæ cum ita sint, nonne multo satius erit jus suum relinquere & omnes præcipitibus, tuta & salutaria capere, vetera novis, & quæta turbidis antehabere, quam se suosque armis & ferro in casum dare? Hic affectus o utinam omnibus impressus! profecto non tantum bellorum per omnia secula terris omnibus continuaretur, neque plus hominum ferrum & arma, quam naturalis fatum conditio raperet.**

lib. 1. offic.

Tacit. Annal. 3. 69.

Tacit. Agric. 22.
Dionys. Halicarn. lib. 8.

Liv. lib. 9. cap. 1.

de jur. bell. l. 2. cap. 24. §. 1.

Sueton. August. cap. 25.

Tacit. Annal. 12. capit. 29.

Tacit. Annal. 1. 58.
Iust. l. 2. c. 2

CAP.

CAP. IV.

De Uſu & Effectu Clarigationis.

V Sum Clarigationis in genere ſi conſideremus, ad ipſam humanitatem, vel jura ſocietatis humanæ pertinere videtur.

I. Quia enim *homines*, ut Cic. ait, ad congregationem nati ſunt, ad ſocietatem, communitemque generis humani, tum etiam ut communiter ad eas virtutes apti eſſent, quæ notæ illuſtresq; ſunt, juſtiti-
 Cic. de ſin. bon. & mal. lib. 4. am dico, temperantiam ceteraq; generis ejusdem: merito eos ſumma openiti decet, ut ea jura, quæ ſocietatem validiſſimam efficiunt, conſerventur; iis enim neglectis ſocietas ſalva eſſe non poteſt. Certe aliis nocendo ſua commoda quærere, eſt humanam ſocietatem omnino diſſolvere; ea enim ſalva, niſi amore & cuſtodia partium, eſſe non poteſt. Id quoque contra naturam eſſe, olim Cic. dixit. Detrahære alteri aliquid, & hominem hominis incommodo ſuum augere commodum, magis eſt contra naturam, quam mors, quam paupertas, quam dolor, quam cetera quæ poſſunt aut corpori accidere, aut rebus externis. Nam principio tollit convictum humanum & ſocietatem. Si enim ſic erimus affecti, ut propter ſuum quique emolumentum ſpoliet aut violet alterum, diſrumpi neceſſe eſt eam, quæ maxime eſt ſecundum naturam, humani generis ſocietatem. Unde apparet, bella quæ utilitatis cauſa non indicta ſuſcipiuntur, injuſta eſſe, quia naturæ ſocietatis repugnant, damnisque aliis illatis, ſuo commodo conſulunt, quod ſane ſocietatem, quæ alieni abſtinentiam, & ſi quid alieni habeamus, aut lucri inde fecerimus, reſtitutionem, damni- que culpa dati reparationem jubet, penitus evertit. Salva igitur ut ſit naturalis hominum ſocietas, clarigationem omnino adhibendam putamus, quo magis bellum ſumtum ob cauſas moventes, non ſub ratione utilis, ſed ſub ratione juſti, conſtet.

II. De Effectibus clarigationis jam tandem ut agamus, reliquum eſt; ob quos bellum ſæpius juſtum dicitur, non vero ob cauſas ſemper unde oritur, idque eo ſenſu, inquit Grotius, quo
 delur. bell. l. i. cap. 3. inſtrum. teſtamentum codicillis, juſta nuptiæ ſervili contubernio opponuntur: non quod non liceat codicillos facere ei, qui velit, & ſervo ſecum mulierem habere in contubernio; ſed quod teſtamentum & nuptiæ ſolennes, peculiare quosdam ex jure civili habeant effectus. Cum itaque clarigatio adminiſtrationem belli præcedat,

varii

varii ejus sunt effectus, qui bellum justum maxime reddunt: primum enim ne pericula bellorum in infinitum multiplicentur, offert se facultas aut reddendi juris, aut apparandæ defensionis: deinde armorum furor facile sopitur, tot gentium internecio mitigatur, pax interveniente mora fortè revocatur, & cessantibus paululum injuriis, causa belli evanescit, *multaque homines, ne bellare necesse sit, voluntate remittunt, quæ bello & armis cogi non possint.* Nam clarigatio non prius ad bellum venire permittit, quam cum omnis spes juris obtinendi perierit. Igitur egregie utrum & effectum hunc clarigationis prodit *Philo Jud: Bella caduceatores fecialesq; dirimunt offerendo pacem aut inducias. Qui nisi admittantur, nec modus nec finis erit calamitatibus & ultro citroque illatis injuriis.* Apud Romanos ideo mittebantur feciales patre patrato, ut mora quæreretur, qua bellandi furor temperaretur, & lites sine clade, sine multo sanguine dijudicaretur. Porro & illum effectum adsequitur clarigatio, quod cum rebus prius repetitis, nulla satisfactio sive restitutio secuta sit, tum ad arma statim procurrare liceat. amicam enim interpellationem aspernantibus, justè arma necessitatem adhibebunt:

Tum certare odiis, tum res rapuisse licebit.

Inque eum injusta vis non est, qui jus æquum pati non potest. Sunt & qui clarigationi hunc effectum tribuunt, quod bello denunciato, ex eo fraude utriusque & fas sit, quem enim perdere mos fasque sit, quid refert quo modo? Tritum illud poetæ innotuit, *dolus an virtus quis in hoste requirat?* Imo hostem hosti lædere licere & in persona & in rebus à multis probatur. videri hic potest *Grotius de Jur. bell. l. 4. cap. 4. §. 3. & seq.* Et *Augustinus*, ait, *Cum justum bellum suscipitur, ut aperte pugnet quis aut ex insidiis, nihil ad justitiam interest.* Jurisconsulti Romani bonum dolum vocant, si adversus hostem latronemve quis machinaretur. Nos itaque fraudes dolosve in hostibus ob peculiarem hunc quem clarigatio obtinet effectum, admitti quidem posse putamus, ceterum ante indictum bellum aliquem dolose & fraudulenter invadere, iniquum existimandum est. Sed ut ad propositum redeamus, hic clarigationis effectus dicitur effectus licentiæ & impunitatis, & non eos tantum comprehendit, qui actu ipso arma gerunt, aut qui bellum moventis subditi sunt, sed omnes etiam qui intra fines sunt hostiles. quod apertum fit ex hac formula apud *Livium*

Liv. l. 36.
cap. 45.

de legat.
ad Cajum.
Gailius de
pac. pub. l.
cap. 4. §. 37.

III.

Virg. Æ-
neid. 10.
Liv. lib. 38.
c. 50.
IV.

Xenophō;
c. 517.
Lips. polit.
§. c. 17.

Quæst. 10.
supra Ios.

Grôt. de I.
B. l. 4. c.
4. §. 6.

Baetlerus
dissert. in
Cæsar.

§. 18.

Id. Annot.
1. ad Tacit.
An. 1. c. 10.

Aug. cap.
10.

Tacit. An-
nal. 1. cap.
10.

Lib. 2. cap.
2.

dicamus. Ita enim de Julio Cæsare: *prætextum quidem illi ci-
viliū armorum hoc fuit, causas autem alias fuisse opinantur;*
speciosissimum enim hunc Cæsari titulum præbebat Pompeius,
quasi necessitate inevitabili in arma ageretur, licet hoc prætextu
alias causæ & præsertim profunda imperii cupido velaretur.
Est autem ingens causarum & prætextuum discrimen: *Causæ*
sunt quæ proprie & vere moverunt aliquem, ut bellum susciperet,
aliudve negotium moliretur: prætextus autem, quæ ad dissimula-
tionem vera causæ speciose excogitantur jactanturq;. Sic causæ ve-
ræ belli civilis à Cæsare Octavio suscepti erant, primo quidem
cupido dominandi; deinde quod videbat Cæsar, Remp. inva-
dentibus opportunam, per factiones & discordias, & enerva-
tam legum authoritatem: prætextus autem atripiebatur ultio
cædis paternæ. Indicasse id Suetonius quoque videtur, ita di-
cendo, *omnium bellorum initium & causam hinc sumisit, nihil con-*
venientius ducens, quam necem avunculi vindicare tuerique
acta: sed animadverterunt prudentes Taciti, pietatem, in
parentem, & tempora Reip. obcenitū sumta; ceterum cupidinem
dominandi, tot malis artibus abunde ostensam esse. Florus & mul-
ti alii historici, falsas has belli causas, quæ plerumque præten-
duntur, speciem, reliquas vero quæ silentiū nube teguntur, rem
veram nuncupant; de Romanis ita Florus; *specie quidem juven-*
di socios, revera autem sollicitante prada, fretum Carthaginense
ingressi sunt. Antiochum in Romanos bella suscepisse memo-
rat Livius *in speciem causas habentem, revera quod ex labente Ro-*
manorum disciplina spem magnam concepisset. Dionysius Halicar-
nass. alias belli causas manifestas, alias occultas appellat, belliq;
Samnitici manifestam causam, quæque cum aliqua honestatis
specie narrari omnibus potuit, eam Romanis fuisse affirmat:
Lucanis qui ad ipsos confugerant se velle opitulari, (tanquam com-
munis & patria Romanorū civitati consuetudo esset, ut qui injuria
affectedi ad ipsos confugerant opem ferre,) occultam autem & quæ
magis ipsos amicitiam dissolvere cogebat, fuisse eam, quæ prædicti
Samnites erant, potentiam. Ex his & multis aliis, quæ ubique le-
guntur exempla, apparet, alias belli causas, quia favorabiliores,
plerumque in vulgus jactari, alias quia secretiores, & inter-
dum solæ causæ nomen merentur, reticeri. Sæpe enim ante
¶

*Et sub initia bellorum speciosissimi sanctissimiq; tituli, sermonibus, rumoribus, scriptis vulgantur: in quibus continentur, mera causa iustifica bellorum, sed quæ respectu usurpantium meri sunt prætextus: nam cause ipse iustitia, quæ vera impulerunt ad ejusmodi consilia & actiones, studiose teguntur & dissimulantur. Id fieri inde putamus: quoniam fundamentum proprium omnium Manifestorum est jus belli, iustitia armorum, & super ea disputationes, ideoque omnes qui manifesta edunt, summa ope summoque studio laborant, ut ipsorum arma omnibus legitima & iusta appareant, ac etiam si interdum non imaginem, imo ne vel umbram aliquam iustitiæ habeant, tamen lusciniola prius defuit cantio, (ita Plautus) quam ipsos decora vocabula, species & prætextus varii deficiant, quibus sceleribus suis honestatis colorem inducere, injustæque causæ veritatis titulum imponere queant. Quis enim unquam bellavit, quin sanctitatem juris, & speciosa vocabula suis consiliis præterret: verèque Cerealis apud Tacitum: *Libertas & speciosa nomina prætexuntur, nec quisquam alienum servitium & dominationem sibi concupivit, ut non eadem ista vocabula usurparet. Et nemine est, egregie Quintilianus dicit, tam malus ut malus videri velit, & qui de re nefaria delibere, id solum querit, quomodo quam minimum peccare videatur.**

Ex 10. 1.
Annot. 1.
in Tacit.
Annal. 1.
cap. 10.

Hist. 4.
cap. 73.

Verum notum jam est, quemadmodum causas bellorum, ita etiam *Manifesta* omnino in duplici esse differentia: ut enim causæ quædam sunt revera iustæ, quædam apparentes: ita *Manifesta* quædam declarationem & demonstrationem juris exhibent, quædam autem colores juris & schemata conficta, prætextusque proponunt: interdum etiam miscent ea, quæ aliquem juris titulum habent, cum illis quæ fictis coloribus præteaduntur, neque revera iustæ sunt, sed tantum apparentia, penitus enim introspecta, & ad rectam rationem expensa, improba, & ab omni respectu juris remota reperiuntur.

Sed nos brevitem pro lege habentes, jam ad formam hujus generis scriptorum pergitur, quam semper ad gravitatem & honestatem comparatam esse volumus. Gravitatem commendamus, quia generosam debet esse, nec pondus modo, sed quandam magnificentiam habere quod princeps definit; indignis.

Baculus
Annot. 5.
ad Tacit.
Annal. 1.
cap. 7.

- lib. xxxvii. Hostis sit ille, qui intra ejus praesidia sunt, tum etiam ex hoc Jstorum axiomate, Diffidat princeps, diffidati ejus adherentes. Patet etiam ex decreto isto apud Livium: Vellent, jubberent Philippo Regi, Macedonibus, qui sub regno ejus essent, bellum indici. Huic effectui & alius accedit, qui dominii effectus recte appellari potest; quia omnibus dominium rerum legitimo bello captarum concedit, idque tam jure naturæ quam gentium. Jure naturæ quidem, iusto bello ea acquiruntur, quæ aut paria sunt ei, quod cum nobis sit debitum, aliter consequi non possumus, aut etiam quæ nocenti damnum inferunt, intra æquum*
- 1.4.c.6. § 1. pænæ modum, hæcque prolixè tractat, Grot. de jur. bell. Jure*
- ibid. §. 2. gentium affirmat idem Grotius, quemvis in bello solemni, sine fine modòq, dominum fieri eorum, quæ hosti eripit: eo sensu nimirum, ut à gentibus omnibus & ipse, & qui ab eo titulum habet, in possessione rerum talium tuendi sint, nam ea quæ hostibus capimus, jure gentium statim nostra fiunt. Hinc Romani Auruncis restitutionem agri, Ecetranis ademti postulantibus, tale dederunt responsum: Renunciarent Auruncis, Romanos æquum esse censere, ut quacunque quis sua virtute hostibus ademerit, & sibi compararit, ea suis posteris tanquam res proprias relinquat. Ita & Volcicis à Romanis idem petentib⁹ respondendū esse T. Largius judicavit,*
- ibid. Romanos nimirum ea honestissime & iustissime quasita esse existimare, quæ jure belli fuerint paria, nec se unquam passuros, ut virtus stultitiâ deleatur, quod fieret, si res jam parias traderent iis qui eas amiserint. Ita etiam inter Ericum inferioris Saxoniae Ducem, & civitates Lubecam & Hamburgum, aliorum principum consensu, decretum esse meminit Krantzius, ut nimirum memoratarum civitates, in arcibus Begerdorpe, Ribenborg, & Cuddevorde, cum omnibus pertinentiis possidendis manean, quia constabat eas legitimis causis, militari more indicto bello, non injuste captas esse. Et tantum est quod de Clarigatione, pro ingenii mediocritate dicere potui, quanquam non diffitear, multa quæ à nobis dicta sunt, variè & in contrariam partem disputari posse, de quibus cuique liberum permittendum est judicium.*
- Bald. adl.
2. Cod. de
servis n. 70
Lib. 31.
V.
- 1.4.c.6. § 1.
ibid. §. 2.
- §. 17. l. de
R. D.
- Dionys.
Halicarn.
lib. 6.
- ibid.
- Saxon lib.
xi. cap. 5.

DE MANIFESTIS, quæ dicuntur.

Acturus de *Manifestis*, ante omnia veniam iis, quæ non satis apte traduntur, peto, quam etiam facile me impetraturum confido in ardua & difficili materia, quam nemo quod sciam adhuc scriptis illustravit, quæ jam mihi huic labori minime parî, adjumento esse potuissent. Certe ego non ingenii aut virium fiducia, sed spe Lectorum benevolentia, à qua benignam mihi censuram polliceor, hoc meum institutum aggredior, & *Manifesta* describi posse aptissime ita judico, *quod sint scripta publica, quæ Princeps vel Resp. in bellorum principis, ad ius suum declarandum, itemq; belli justas causas omnibus & singulis demonstrandas, toti orbi exponit, omniumq; lectioni commendat.* Manifesta ideo dicuntur, quia patent, quia clara, aperta, vulgata, & omnibus nota fiunt, & præsertim notum faciunt, quod in quaestione est.

Distinguenda autem sunt à Clarigatione, quod ea in bello adversus hostes & armis invadendos locum suum inveniat: hæc autem tam in pace quam bello, omnibus & singulis in toto mundo, tam amicis quam inimicis, tam hostibus quam fœderatis publice exhibeantur. In bellis equidem, Clarigatio manifestorum vicem olim gessisse videtur; nam manifestorum adeo antiqua non est memoria, cum olim semper & ubique, ut hodie per scripta publica, sed per famas tantum & rumores belli causæ promulgarentur. Ideo Clarigationem claris verbis, alta voce, actibusque solennibus fieri voluere veteres, ut à singulis legitimæ intelligerentur belli causæ, omnibusque populis innotescerent: Ex quibus apparet, quod belli causæ olim, etsi non scriptis, tamen fama rumoribusque publicabantur, dum nemo erat, quin justitiæ & æquitatis suæ famam per omnes gentes vulgari cuperet.

Hinc apud *Thucydidem* distinguuntur causæ vulgatæ ab illis quæ veræ & interiores erant; Hasque Polybius vocat *προφασις*, quia palam proferri solent; Quæ Latinis prætextæ, colores, species, vocabula, tituli, speciosa nomina dicuntur. Illas Græci nomine *αἰτίας*, Latini per *rem veram* & *ceterum* exprimunt. Has cum Suetonio vult Grotius *prætextas*, illas causas

Lib. 1.

Cap. 30.

O o o o o o 2

dica-

Exclerus
dissert. in
Cæsar.

§. 18.

Id. Annot.
1. ad Tacit.
An. 1. c. 10.

Aug. cap.
10.

Tacit. An.
mal. 1. cap.
10.

Lib. 2. cap.
2.

dicamus. Ita enim de Julio Cæsare: *prætextum quidem illi civilium armorum hoc fuit, causas autem alias fuisse opinantur; speciosissimum enim hunc Cæsari titulum præbebat Pompeius, quasi necessitate inevitabili in arma ageretur, licet hoc prætextu alia causa & præsertim profunda imperii cupido velaretur.* Est autem ingens causarum & prætextuum discrimen: *Cause sunt quæ proprie & vere moverunt aliquem, ut bellum susciperes, aliudve negotium moliretur: prætextus autem, quæ ad dissimulationem vera causa speciose excogitantur jactanturq;.* Sic causæ veræ belli civilis à Cæsare Octavio suscepti erant, primo quidem cupido dominandi; deinde quod videbat Cæsar, Remp. invadentibus opportunam, per factiones & discordias, & enervatam legum autoritatem: prætextus autem atripiebatur ultio cædis paternæ. Indicasse id Suetonius quoque videtur, ita dicendo, *omnium bellorum initium & causam hinc sumisit, nihil convenientius ducens, quam necem avunculi vindicare tuerique acta: sed animadvertenter prudentes Taciti, pietatem, in parentem, & tempora Reip. obtentui sumta; ceterum cupidinem dominandi, tot malis artibus abunde ostensam esse. Florus & multi alii historici, falsas has belli causas, quæ plerumque prætenduntur, speciem, reliquas vero quæ silentii nube teguntur, rem veram nuncupant; de Romanis ita Florus; specie quidem juveni socios, revera autem sollicitante prada, fretum Carthagenense ingressi sunt. Antiochum in Romanos bella suscepisse memorat Livius in speciem causam habentem, revera quod ex labente Romanorum disciplina spem magnam concepisset. Dionysius Halicarnass. alias belli causas manifestas, alias occultas appellat, bellique Samnitici manifestam causam, quæque cum aliqua honestatis specie narrari omnibus potuit, eam Romanis fuisse affirmat: Lucanis qui ad ipsos confugerant se velle opitulari, (tanquam communis & patriæ Romanorum civitati consuetudo esset, ut qui injuria affecti ad ipsos confugerant opem ferre,) occultam autem & quæ magis ipsos amicitiam dissolvere cogebat, fuisse eam, quæ prædicti Samnites erant, potentiam. Ex his & multis aliis, quæ ubique leguntur exempla, apparet, alias belli causas, quia favorabiles, plerumque in vulgus jactari, alias quia secretiores, & interdum solæ causæ nomen merentur, reticeri. Sape enim ante*

&

*Et sub initia bellorum speciosissimi sanctissimiq; tituli, sermonibus, rumoribus, scriptis vulgantur: in quibus continentur, mera causa iustifica bellorum, sed quæ respectu usurpantium meri sunt prætextus: nam causa ipse susceptor, quæ re vera impulerunt ad ejusmodi consilia & actiones, studiose teguntur & dissimulantur. Id fieri inde putamus: quoniam fundamentum proprium omnium Manifestorum est jus belli, iustitia armorum, & super ea disputationes, ideoque omnes qui manifesta edunt, summa ope summoque studio laborant, ut ipsorum arma omnibus legitima & iusta appareant, ac etiam si interdum non imaginem, imo ne vel umbram aliquam iustitiæ habeant, tamen lusciniola prius defuit cantio, (ita Plautus) quam ipsos decora vocabula, species & prætextus varii deficiant, quibus sceleribus suis honestatis colorem inducere, injustæque causæ veritatis titulum imponere queant. Quis enim unquam bellavit, quin sanctitatem juris, & speciosa vocabula suis consiliis præferret: verique Cerealis apud Tacitum: *Libertas & speciosa nomina prætexuntur, nec quisquam alienum servitium & dominationem sibi concupivit, ut non eadem ista vocabula usurparet. Et nemine est, egregie Quintilianus dicit, tam malus ut malus videri velit, & qui de re nefaria delibere, id solum querit, quomodo quam minimum peccare videatur.**

*Ex 10. 43
Annot. 1.
in Tacit.
Annal. 1.
cap. 10.*

*Hist. 4.
cap. 73.*

Verum notum jam est, quemadmodum causas bellorum, ita etiam *Manifesta* omnino in duplici esse differentia: ut enim causæ quædam sunt revera justæ, quædam apparentes: ita *Manifesta* quædam declarationem & demonstrationem juris exhibent, quædam autem colores juris & schemata conficta, prætextusque proponunt: interdum etiam miscent ea, quæ aliquem juris titulum habent, cum illis quæ fictis coloribus prætenduntur, neque revera iusta sunt, sed tantum apparentia, penitus enim introspecta, & ad rectam rationem expensa, improba, & ab omni respectu juris remota reperiuntur.

Sed nos breviter pro lege habentes, jam ad formam hujus generis scriptorum pergimus, quam semper ad gravitatem & honestatem comparatam esse volumus. Gravitatem commendamus, quia generosum debet esse, nec pondus modo, sed quandam magnificentiam habere quod princeps definit; indignis

*Baculus
Annot. 5.
ad Tacit.
Annal. 1.
cap. 7.*

dignissimum certe foret principe, publica promulgare scripta, quibus suspensa & obscura essent verba; quæque sensus suos penitus abdere, inque incertum & ambiguum magis implicari viderentur: & subdola, inania & falsa merito sane suspectantur. Huc igitur imprimis pertinebit, ut talia dicantur,

Idem

Annot. 7. *scribantur, dictentur, quæ prompta ubique sensuum nobilitate, pu-*
ad Tacit. *blicum quendam, ut sic dicam, colorem, ulro legentibus offerant*
Annal. 1. *& insinuent;* Gravitatem aliquam omnino præ se ferant, & qui-
cap. 11. dem talem, quæ authoritati & majestati personæ edentis re-

spondeat; nam scripta ambagibus verbosissimis plena principem minime decent; sed ea potius, quæ Reip. dignitati, & præsentium rerum necessitati accommodata omnia ex decore & usu publico, cum gravitate & authoritate quadam expo-

Idem

Annot. 7. *Gravitas autem illa, quam hic laudamus, non minimum ro-*
ad Tacit. *boris habet ex inaffectedato verborum pondere, & formulis solen-*
Annal. 1. *nitatem & asseverationem præ se ferentibus.* Verba, inquam,
cap. 7. *gravia quidem esse debent, sed ad modestiam tamen flexa, de*
se & suis causis magnifica, de hoste autem cum decore & mo-

destia, citra omnis vehementioris affectus indicium. Formulæ utendum est etiam gravibus, & quæ solennitatem & asseverationem aliquam judicant, non vero morosis, rixosis aut superbis: Omnino enim abstinendum est à nimia jactantia sui, & multis in hostem probris. Quid enim turpius, quid inhonestius, quam hostem jurgiis & cavillationibus insectari, eumque scriptis procacibus diffamare velle? Est sane id nonnunquam ab honestate remotum, odio apud multos, despectui apud omnes habetur: & ejusmodi scripta etiam si æqua sint, amittunt tamen omnem æquitatis partem, irritant etiam & exasperant hostes, honore verborum facilius placandos. Pertinebit quoque ad honestatem, (cui in conscribendis Manifestis, non exiguus merito tribuatur respectus) ut inanes verborum strepitus, omnesque petulantes discursus omittantur, proque iis potius omnia modestiæ signa ostendantur; quod tum præsertim fit, cum nominibus hostium contumeliosa nulla imponantur vocabula, quæ forte ipsorum famæ & nomini obesse possent: sed potius honesti & generales isti tituli, qui ipsorum dignitati conveniunt, iis adscribantur, quod in omnibus & hodie scriptis publicis usi-

usitatum reperitur, dum semper affinitatis, consobrinitalis, vel alia humanitatis vocabula, inter ipsa dissidia miscentur: quibus sane hostis de reddendâ vice admonetur, & velut in mutuae benevolentiae & honorificentiae certamen provocatur.

Tandem ad scopum & finem Manifestorum pervenimus, quem duplicem constituere possumus. *Partim* enim hæc scripta, ad existimationem bellantium spectant; cum nemo sit qui velit sponte subire infamiam armorum, injustis de causis sumtorum, seque omnibus invisum reddere, sed potius sibi voluntates populorum, & opinionem ad decus & subsidium bellandi parare. Principes ideo & Rerump. moderatores, quibus *precipua rerum ad famam dirigenda*, ut magnitudinem & gravitatem summæ suæ fortunæ retineant, invidiam autem & infamiam effugiant, scripta hæc publica, quibus justitiam suam testantur, non solum hujus ævi sed & sequentis hominibus commendant. *Partim* etiam hæc scripta ad *spem probabilem juris exsequendi spectant*, notante Grotio, & hic alter ipsorum scopus & finis est. Quippe justitia causæ magnum non immerito in bello momentum censetur. Bellantes enim quanto justitiæ causæ propiores, tanto impensius pro ea nituntur, freti felici exitu, quem bona plerumque concedere solet causa. Huc etiam accedit, quod melior causa populi favorem non raro sane profuturum sibi facile conciliare possit. Unde hæc scripta longe lateque per populos dimitti, & ut ab omnibus intelligantur, in varias linguas transferri solent.

Deberent certe quidem Manifestorum nomine ea tantum venire scripta, quæ veras & proprias bellorum causas contingerent, ita futurum esset, ut instrumenta juris appellari mereantur, & ad scopum juris bellici pertinerent: Hac scilicet ratione clarigationis partem facerent, vel certè cum ea valde conjuncta essent. Verum enimvero sicut cœpimus dicere, sub hoc genere scripturæ, sapissime soli prætextus & speciosa vocabula præferuntur, causis interioribus ac verioribus, & quæ proprie merentur appellari causæ, dissimulatis & profunda silentii nube involutis. Et quis ignorat id in plurimis bellis usu venire, ut veris eorum causis dissimulatis ac suppressis, prætextus tantum & tituli in theatrum producantur? Id Merius

Tacit. An-
nal. 4. cap.
40.

De jure
belli l. 3.
cap. 1. §. 3.

Livius lib.
1. cap. 33.
Suf.

nunt, ob injurias forte inferendas metuunt, dumque metuunt, oderunt, & ob illatas ulcisci cupiunt. Quis igitur tam stolidus esset, ut non potius gloriæ & famæ suæ, quam impio suo furori iræque consuleret? quis non fidem & justitiam potius coleret, quam se tot hominum calumniis & oburgationibus objiceret? quis non potius justus bellator, quam omnium ore prædo & litro dici cuperet? Nos igitur post conscientiam semper famæ consulendum esse putamus, hortatuque Taciti, *præcipua rerum ad famam dirigenda*, nec bella sumenda, quæ nomini famæque aliquid detrahunt; sed potius illud fortitudinis veræ indicium amplectendum, *nihil nisi turpem famam metuere*, contra bonam famam non contemnere, *quia contemptu fame contemnuntur etiam virtutes*, quod iterum inquit Tacitus. At gloriæ militantes nihil magis, quam perfidiæ famam timent. Hanc sane volo timeant, (elegantè Lipsius) quia vere scriptor Græcus: *Qui legum metuentissimi, iidem in hostes audacissimi, & pati quidvis minime verentur, qui male audire maxime verentur*: hi omnibus cari, hostibus terrori sunt. Quid quod multi nomine & justitiæ suæ fama, gentes vicerunt. Alexander M. certe plura fama quam armis evertit; nomine enim ac fama sua, maximo in bello utique momento, sæpe pavidos in fugam convertit. Hinc Darium ut pacem ab eo peteret, nulla vis subegit, sed justitia & continentia ejus expressit, quod fateri ipse cogebatur Darius. Falisci quoque non Romanorum vi ac potentia, sed fide & Camilli Imperatoris justitia provocati se dediderunt. Camillus enim, scelestum Ludimagistri munus spernens, justitiæ & æquitatis fama id assecutus, quod longa armorum combinatione haud forte impetrasset. Vir sane sanctus & sapiens veram sciebat victoriam, qua salva fide & integra dignitate pararetur. Atque ita omnes qui legitimas belli suscipiendi rationes habent, easque recte & juste exequuntur, non bonam famam, veram & solidam gloriam tantum, sed etiam tranquillitatem, & confessa hostium obsequia inde reportare videntur, quod pulchrius omnibus triumphis, si vincendus nemo sit. Reliquis autem, qui famam & gloriam aspersiones bella iusta extante ratione, movent, nullo juris habito respectu gerunt, illud Aristotelis cogitandum proponitur, non pejerare, timentes & divinam ultionem, & humanam infamiam. Nam profecto

Lips. polit.
2. 14. 2. 14. 2. 14.
yhim.

— — — — — *Etsi quis primò perjuriam celat,
Sera tamen tacitis pœna venit pedibus;*

Nos

Nos cum Gerhardo Theologo vere incomparabili, omnia bella injusta, temeraria & illegitima, quæ ex ambitione & avaritia, sine justa & necessaria causa, ad fines imperii ampliandos suscipiuntur, ex animo detestamur, tanquam atrocissima, non dubitamus affirmare, auctores ejusmodi bellorum, gravissimam aliquando Deo reddiduros esse rationem, pro cadibus, rapinis, incendiis, stupris, devastationibus, adeoque, pro omnibus, quæ occasione talium bellorum fuerunt gesta.

Cæterum cum jam legitimam belli indictionem, & prævia pacis oblationem, jura omnia jubeant, evidens ratio suadeat, bona conscientia, præclaraque fama hortentur, quæri potest: An injusta omnia bella, quæ sine clarigatione, sine denuntiatione geruntur? *Defensionis causa bellum* quod sumitur, ulla indictione non indiget, denuntiante id ipsa natura; *Naturali enim jure*, inquit Grotius, ubi aut vis illata arcetur, aut ab eo ipso qui deliquit poena deposcitur, nulla requiritur denuntiatio, nec magis necessaria est, ac si dominus rei sue manum injicere velit. *Alianus ex Platone* ita expressit, quod ad propulsandam vim suscipitur bellum, non à caduceatore, sed à natura indici. Est id apud Ulpianum, vim vi repellere licere Cassius scribit, idque jus natura comparatur: *Apparet autem*, inquit, ex eo, arma armis repellere licere. id quoque Cic. non modo justum sed etiam necessarium judicavit, cum vi vis illata defenditur, & alibi inquit, quid est quod contra vim sine vi fieri posset? *Vim enim vi defendere omnes leges omniaque jura permittunt;* & quod quis ob tutelam corporis sui fecit, jure fecisse existimatur, cum adversus periculum naturalis ratio se defendere permittat. *Hoc enim & ratio doctis, & necessitas barbaris, & mos gentibus, & feris natura ipsa præscripsit, ut omnem semper vim quancumque, ope possent, à corpore, à capite, à vita sua propulsarent,* ideo singulis animantibus vires à natura sunt attributæ, ut sibi tuendis juvandisque sufficiant. *Etiam jure gentium ita comparatum esse,* inquit Livius, ut arma armis propulsentur. *Ex Florentinus ait:* jus esse gentium ut vim atque injuriam propulsemus, ut corpus nostrum tutemur. Hoc jure ante annos aliquot Suecorum Rex Gustavus Adolphus, quem Cæsariani ob hostilem, sine ulla indictione, Germaniæ invasionem incusarunt, se defendit, se nempe injuria Cæsareanorum lacescitum, dum prius hostilia ipsorum arma in Prussia expertus esset, ad injuriam propulsandam arma sume-

Locorum
Theolo.
gicæ de ma-
gistratu
pol.

Difficilio
controverfia

Grot. Jur.
bell. l. 3.
cap. 3. §. 6.
Lib. 1.

l. 1. §. 27. de
vi & vi
arm.
Cic. pro
Mil. c. 4.
Epist. fa-
mil. 12. 3.
l. 45. §. 4.
ad L. Aq. l.
3. de l. & l.
Cic. pro.
Mil. c. 11.

Liv. l. 43.

L. ut vim
ff. de iust.
& iure.

lib. 7. pag.
351.

re coactum fuisse, idque bellum omnium gentium jure, non à
 fecialibus, sed ipsa natura indici, prolixum ejus hac de re scri-
 ptum videre licet in *Theatro Europæo Anno 1630*. Sic etiam Oran-
 gium arma adversus Hispanum corripuisse, *F. Strada* memorat,
 tanto honestiore specie, quanto se tueri, sua repetere, socios, fi-
 lium, patriam in libertatem asserere, non æquum modo, sed et-
 jam gloriosum videri potuit. Atque hæc de extemporaneo bello
 defensivo, quod sine prævia indictione admittimus, cum extrema
 necessitas, moram nec patiatur, nec interpellandi vel indicendi
 belli tempus concedat, & periculum aliter effugi non possit. At
bellum quod in injuriarum vindictam suscipitur, sine denuntiatio-
 ne, forte non usquequaque approbari potest, quia ejus causa ali-
 quando est impia vindictæ aviditas, & clarigatione adhibita of-
 fensio sanari, & delictum forte pœnitentia & satisfactione expia-
 ri potest. Naturæ quidem jus nudum si respiciamus, tale bellum
 ut indicatur, non est opus, vindictam & ultionem ipsa injuria ci-
 tante. Hoc naturali jure Plataenses apud *Thucydidem* se defen-
 dere voluerunt, merito, dicentes, eos ultis sumis jure apud omnes re-
 cepto, ut hostilia patrantem ulcisci liceat; & *Demosthenes* oratione
 adversus Aristocrat. communem, ait, esse legem inter homines, qui
 nostra, vi rapiat, ulcisci nobis fas sit. Sed vindicta talis, quarens si-
 bi remedium ex alterius damno, natura quidem congruit, sed ei
 quam homo cum bestiis habet communem, (ita *Grotius*) est enim
 ira ut in bestiis, ita in homine, ideoque talis appetitus in se spectatus,
 non convenit parti rationali, cujus est imperare affectibus; ac pro-
 inde nec juri natura, quia id est dictatum nature rationalis ac so-
 cialis, qua talis est. Dictat autem ratio, homini nihil agendum quo
 noceatur homini alteri, nisi id bonum aliquod habeat propositum.
 Oportet igitur delicta multa dissimulari potius quam vindicari, &
 quamvis sæpe legitimæ adsint rationes, justa damni vel injuriæ
 vindicta, tamen non juste statim sine indictione ad arma propera-
 bitur, nam non sufficit bellum ex causa necessaria & justa suscipi,
 sed oportet etiam legitimo more illud geri, juxta illud, quod justum
 est, juste exequaris. Invasio quidem licita est, sed non omnis. Illa pa-
 lam cum injuriam vindicas, (inquit *Lipsius*), & jure gentium res
 tuas repetis. Nam justitia primum hoc munus est, ut ne cui quis no-
 ceat nisi laceffit injuria. Itaque si quis res tuas aut jura rapiat, ca-
 pe arma: cum ea conditione tamen, ut ex forma veteri prius mittas
 cla-

delur. bell.
 & pac. 1. 2.
 c. 20. §. 3.

lib. 5. polit.
 cap. 4. n.
 12. & 13.

clarigatum, non enim etiam laesus iuste statim bellum inferos. Sunt enim, ut olim Cicer. dixit, offi- s. etiam adversus eos, à quibus injuriam acceperis, servanda, estq; ulciscendi & puniendi modus. Et cum bellum sit medium vindictæ grave & periculosum, ideoque ut justum sit bellum, prius pacificè ab hostibus debita satisfactio petenda est, id honestius, & ad quietem hominum conducibilius. Tum enim hostem, si respectum aliquem amicitiae tuæ habere cernas, & is de injuriis quæ tibi factæ satisfactorum promittat, inique vi impetas, juxta illud Archidami apud Thucydidem, in eum qui iure agere & satisfacere paratus est, nefas bellum sumere, tanquam in injurium, nec utendum imperi ubi legibus agi potest. At si satisfactio ipsi gravis videatur, & res tuas retineat armatus, quod blande non potueris minaciter impetrabis, tuncque honestius erit offendere, quam odisse. idque omnium confessione ut justum & æquum est, si quis alieni non appetens, contentusque res suas repetere, passus repulsam, armis jus suum persequatur. Hic enim illud valeat, justum est bellum quibus necessarium, & pia arma quibus nulla nisi in armis relinquitur spes. Attramen nemo existimet, ubi jus jam satis compertum est, statim aut oportere bellum suscipi, aut semper etiam licere. Interdum enim magis pium rectumque sit de jure suo cedere, quam illud cum tanto aliorum incommodo, quantum secum ferunt bella, adipisci, idque non modo laudabile, sed & debitum est, ratione ejus quam hominibus, etiam inimicis debemus, dilectionis, sive in se spectatæ, sive qualiter eam exigit sanctissima lex Evangelii, de quibus videri potest Grot. Etenim nonne præstat aliquid de suo jure concedere, quam paululum commodi innumeris mercari fortasse malis? defur. bell. 1. 2. cap. 24. §. 1.

Cæsaris Augusti præclarum præceptum attendite quæso: prælium aut bellum nunquam suscipiendum, nisi cum major emolumentis spes quam damni metus ostenditur. Nam minima commoda, ait idem sapientissimus Imperator, non minimo sectantes discrimine, similes sunt aureo hamo piscantibus, cujus abrupti damnum nulla captura pensari potest. Quæ cum ita sint, nonne multo satius erit jus suum relinquere & omnis præcipitibus, tuta & salutaria capessere, vetera novis, & quieta turbidis antehabere, quam se suosque armis & ferro in casum dare? Hic affectus o! ætinam omnibus impressus! profecto non tantum bellorum per omnia secula terris omnibus continuaretur, neque plus hominum ferrum & arma, quam naturalis fatum conditio raperet. CAP.

lib. 1. offic.

Tacit. Annal. 3. 69.

Tacit. Agric. 22.

Dionys. Halicarn.

lib. 8.

Liv. lib. 9.

cap. 1.

defur. bell.

1. 2. cap. 24.

§. 1.

Sueton.

August.

cap. 25.

Tacit. An-

nal. 12. ca-

pit. 29.

Tacit. An-

nal. 1. 58.

Iust. 2. 6. 2

CAP.

CAP. IV.

De Usu & Effectu Clarigationis.

V Sum Clarigationis in genere si consideremus, ad ipsam humanitatem, vel jura societatis humanæ pertinere videtur.

I. Quia enim *homines*, ut Cic. ait, *ad congregationem nati sunt*, ad societatem, communitatemque generis humani, tum etiam ut communiter ad eas virtutes apti essent, quæ notæ illustresq; sunt, iustitiam. lib. 4. *am dico, temperantiam ceteraq; generis ejusdem*: merito eos summa openiti decet, ut ea jura, quæ societatem validissimam efficiunt, conserventur; iis enim neglectis societas salva esse non potest. Certe aliis nocendo sua commoda quærere, est humanam societatem omnino dissolvere; ea enim salva, nisi amore & custodia partium, esse non potest. Id quoque contra naturam esse, olim Cic. dixit. *Detrahere alteri aliquid, & hominem hominis incommodo suum augere commodum, magis est contra naturam, quam mors, quam paupertas, quam dolor, quam cetera quæ possant aut corpori accidere, aut rebus externis. Nam principio tollis convictum humanum & societatem. Si enim sic erimus affecti, ut propter suum quisque emolumentum spoliet aut violet alterum, disrumpi necesse est eam, quæ maxime est secundum naturam, humani generis societatem.* Unde apparet, bella quæ utilitatis causa non indicta suscipiuntur, injusta esse, quia naturæ societatis repugnant, damnisque aliis illatis, suo commodo consulunt, quod sane societatem, quæ alieni abstinentiam, & si quid alieni habeamus, aut lucri inde fecerimus, restitutionem, damni que culpa dati reparationem jubet, penitus evertit. Salva igitur ut sit naturalis hominum societas, clarigationem omnino adhibendam putamus, quo magis bellum sumtum ob causas moventes, non sub ratione utilis, sed sub ratione justæ, constet.

II. De Effectibus clarigationis jam tandem ut agamus, reliquum est; ob quos bellum sæpius justum dicitur, non vero ob causas semper unde oritur, idque eo sensu, inquit Grotius, *quod iustum testamentum codicillis, justæ nuptiæ servili contubernio opponuntur: non quod non liceat codicillos facere ei, qui velit, & servo secum mulierem habere in contubernio; sed quod testamentum & nuptiæ solennes, peculiares quosdam ex jure civili habeant effectus.* Cum itaque clarigatio administrationem belli præcedat,

varii

vatii ejus sunt effectus, qui bellum justum maxime reddunt: primum enim ne pericula bellorum in infinitum multiplicentur, offert se facultas aut reddendi juris, aut apparandæ defensionis: deinde armorum furor facile sopitur, tot gentium internecio mitigatur, pax interveniente mora fortè revocatur, & cessantibus paululum injuriis, causa belli evanescit, *multaque homines, ne bellare necesse sit, voluntate remittunt, quæ bello & armis cogi non possint.* Nam clarigatio non prius ad bellum venire permittit, quam cum omnis spes juris obtinendi perierit. Igitur egregie usum & effectum hunc clarigationis prodit *Philo Jud: Bella caduceatores fecialesq; dirimunt offerendo pacem aut inducias. Qui nisi admittantur, nec modus nec finis erit calamitatibus & ultro citroque illatis injuriis.* Apud Romanos ideo mittebantur feciales patre patrato, ut mora quæreretur, qua bellandi furor temperaretur, & lites sine clade, sine multo sanguine dijudicarentur. Porro & illum effectum adsequitur clarigatio, quod cum rebus prius repetitis, nulla satisfactio sive restitutio secuta sit, tum ad arma statim procurrere liceat. amicam enim interpellationem aspernantibus, iuste arma necessitatem adhibebunt:

Tum certare odiis, tum res rapuisse licebit.

Inque cum injusta vis non est, qui jus æquum pati non potest. Sunt & qui clarigationi hunc effectum tribuunt, quod bello denuntiato, ex eo fraude uti jus & fas sit, quem enim perdere mos fasque sit, quid refert quo modo? Tritum illud poëtæ innotuit, *dolus an virtus quis in hoste requiras?* Imo hostem hosti lædere licere & in persona & in rebus à multis probatur. videri hic potest *Grotius de Jur. bell. l. 4. cap. 4. §. 3. & seq.* Et *Augustinus*, ait, *Cum justum bellum suscipitur, ut aperte pugnet quis aut ex insidiis, nihil ad justitiam interest.* Jurisconsulti Romani bonum dolum vocant, si adversus hostem latronemve quis machinaretur. Nos itaque fraudes dolosve in hostibus ob peculiarem hunc quem clarigatio obrinet effectum, admitti quidem posse putamus, cæterum ante indictum bellum aliquem dolose & fraudulenter invadere, iniquum existimandum est. Sed ut ad propositum redeamus, hic clarigationis effectus dicitur effectus licentiæ & impunitatis, & non eos tantum comprehendit, qui actu ipso arma gerunt, aut qui bellum moventis subditi sunt, sed omnes etiam qui intra fines sunt hostiles. quod apertum fit ex hac formula apud *Livium*

Liv. l. 36.
cap. 45.

de legat;
ad Cajum.
Gaius de
pac. pub. l.
cap. 4. §. 37.

III.

Virg. Æ-
neid. 10.
Liv. lib. 38.
c. 50.
IV.

Xenophō;
c. 517.
Lips. polit.
5. c. 17.

Quæst. 10.
supra 106.

Grôt. de I.
B. l. 4. c.
4. §. 6.

O o o o o o

lib.

lib. xxxvii. *Hostis sit ille, quique intra ejus praefidia sunt, tum etiam ex hoc Jstorum axiomate, Diffidato principe, diffidari ejus adherentes. Pater etiam ex decreto isto apud Livium: Vellent, fu-berent Philippo Regi, Macedonibus, qui sub regno ejus essent, bellum indici.* Huic effectui & alius accedit, qui dominii effectus recte appellari potest; quia omnibus dominium rerum legitimo bello captarum concedit, idque tam jure naturæ quam gentium. Jure naturæ quidem, justo bello ea acquiruntur, quæ aut paria sunt ei, quod cum nobis sit debitum, aliter consequi non possumus, aut etiam quæ nocenti damnum inferunt, intra æquum

1.4.c.6.5 i. pœnæ modum, hæcque prolixè tractat, *Grot. de Jur. bel.* Jure
 1bid. §. 1. gentium affirmat idem *Grotius, quemvis in bello solemnì, sine fine modoq; dominum fieri eorum, quæ hosti eripit: eo sensu nimirum, ut à gentibus omnibus & ipse, & qui ab eo titulum habet, in possessione rerum talium tuendi sint, nam ea quæ hostibus capimus, jure gentium statim nostra fiunt.* Hinc Romani Auruncis restitutionem agri, Ecetranis ademti postulantibus, tale dederunt responsum: *Renunciarent Auruncis, Romanos æquum esse censere, ut quacunque quis sua virtute hostibus ademerit, & sibi compararit, ea suis posteris tanquam res proprias relinquat.* Ita & Volcicis à Romanis idem petentib⁹ respondendū esse T. Largius judicavit,

1bid. *Romanos nimirum ea honestissime & justissime quasita esse existimare, quæ jure belli fuerint parta, nec se unquam passuros, ut virtus stultitiâ deleatur, quod fieret, si res jam partas traderent iis qui eas amiserint.* Ita etiam inter Ericum inferioris Saxonie Ducem, & civitates Lubecam & Hamburgum, aliorum principum consensu, decretum esse meminit *Krantzius*, ut nimirum memoratarum civitates, in arcibus Begerdorpe, Ribenborg, & Cuddevorde, cum omnibus pertinentiis possidendis maneat, quia constabat eas legitimis causis, militari more indicto bello, non injuste captas esse. Et tantum est quod de Clarigatione, pro ingenii mediocritate dicere potui, quanquam non diffitear, multa quæ à nobis dicta sunt, varîe & in contrariam partem disputari posse, de quibus cuique liberum permittendum est judicium.

DE MANIFESTIS,
quæ dicuntur.

A Cturus de *Manifestis*, ante omnia veniam iis, quæ non satis apte traduntur, però, quam etiam facile me impetraturum confido in ardua & difficili materia, quam nemo quod sciam adhuc scriptis illustravit, quæ jam mihi huic labori minime pariri, adjumento esse potuissent. Certe ego non ingenii aut virium fiducia, sed spe Lectorum benevolentia, à qua benignam mihi censuram polliceor, hoc meum institutum aggredior, & *Manifesta* describi posse aptissime ita judico, *quod sint scripta publica, quæ Princeps vel Resp. in bellorum principis, ad ius suum declarandum, itemq; belli iustas causas omnibus & singulis demonstrandas, toti orbi exponit, omniumq; lectioni commendat.* Manifesta ideo dicuntur, quia patent, quia clara, aperta, vulgata, & omnibus nota fiunt, & præsertim notum faciunt, quod in quaestione est.

Distinguenda autem sunt à Clarigatione, quod ea in bello adversus hostes & armis invadendos locum suum inveniat: hæc autem tam in pace quam bello, omnibus & singulis in toto mundo, tam amicis quam inimicis, tam hostibus quam fœderatis publice exhibeantur. In bellis equidem, Clarigatio manifestorum vicem olim gessisse videtur; nam manifestorum adeo antiqua non est memoria, cum olim semper & ubique, ut hodie per scripta publica, sed per famas tantum & rumores belli causæ promulgarentur. Ideo Clarigationem claris verbis, alta voce, actibusque solennibus fieri voluere veteres, ut à singulis legitimæ intelligerentur belli causæ, omnibusque populis innotescerent: Ex quibus appareret, quod belli causæ olim, etsi non scriptis, tamen fama rumoribusque publicabantur, dum nemo erat, quin iustitiæ & æquitatis suæ famam per omnes gentes vulgari cuperet.

Hinc apud *Thucydidem* distinguuntur causæ vulgatæ ab illis quæ veræ & interiores erant; Hasque Polybius vocat *προφασεις*, quia palam proferri solent; Quæ Latinis prætexta, colores, species, vocabula, tituli, speciosa nomina dicuntur. Illas Græci nomine *αἰτίας*, Latini per *rem veram* & *ceterum* expriment. Has cum Suetonio vult Grotius *prætextus*, illas *causas*

Lib. 1.

Cap. 30.

Facile
dissert. in
Cæsar.

§. 18.

Id. Annot.
I. ad Tacit.
An. R. c. 10.

Aug. cap.
10.

Tacit. An.
mal. 1. cap.
10.

Lib. 2. cap.
2.

dicamus. Ita enim de Julio Cæsare: *prætextum quidem illi civilium armorum hoc fuit, causas autem alias fuisse opinantur; speciosissimum enim hunc Cæsari titulum præbebat Pompeius, quasi necessitate inevitabili in arma ageretur, licet hoc prætextus alia causa & præsertim profunda imperii cupido velaretur. Est autem ingens causarum & prætextuum discrimen: Cause sunt quæ proprie & vere moverunt aliquem, ut bellum susciperet, aliudve negotium moliretur: prætextus autem, quæ ad dissimulationem vera causa speciose excogitantur jactanturq;.* Sic causæ veræ belli civilis à Cæsare Octavio suscepti erant, primo quidem cupido dominandi; deinde quod videbat Cæsar, Remp. invadentibus opportunam, per factiones & discordias, & enervatam legum authoritatem: prætextus autem attripiebatur ultio cædis paternæ. Indicasse id Suetonius quoque videtur, ita dicendo, *omnium bellorum initium & causam hinc sumsit, nihil convenientius ducens, quam necem avunculi vindicare tuerique acta: sed animadverterunt prudentes Taciti, pietatem, in parentem, & tempora Reip. obtentui sumta; ceterum cupidinem dominandi, tot malis artibus abunde offensam esse. Florus & multi alii historici, falsas has belli causas, quæ plerumque prætenduntur, speciem, reliquas vero quæ silentii nube teguntur, rem veram nuncupant; de Romanis ita Florus; specie quidem juveni socios, revera autem sollicitante prada, fretum Carthaginense ingressi sunt. Antiochum in Romanos bella suscepisse memorat Livius in speciem causæ habentem, revera quod ex labente Romanorum disciplina spem magnam concepisset. Dionysius Halicarnass. alias belli causas manifestas, alias occultas appellat, bellique Samnitici manifestam causam, quæque cum aliqua honestatis specie narrari omnibus potuit, eam Romanis fuisse affirmat: Lucanis qui ad ipsos confugerant se velle opitulari, (tanquam communis & patriæ Romanorum civitati consuetudo esset, ut qui injuria affecti ad ipsos confugerant opem ferre,) occultam autem & quæ magis ipsos amicitiam dissolvere cogeat, fuisse eam, quæ prædicti Samnites erant, potentiam. Ex his & multis aliis, quæ ubique leguntur exempla, apparet, alias belli causas, quia favorabiles, plerumque in vulgus jactari, alias quia secretiores, & interdum solæ causæ nomen merentur, reticeri. Sæpe enim ante*

&

*Et sub initia bellorum speciosissimi sanctissimiq; tituli, sermonibus, rumoribus, scriptis vulgantur: in quibus continentur, mere causa iustifica bellorum, sed qua respectu usurpantium meri sunt prætexus: nam causa ipse superiora, quare vera impulerunt ad ejusmodi consilia & actiones, studiose teguntur & dissimulantur. Id fieri inde putamus: quoniam fundamentum proprium omnium Manifestorum est jus belli, justitia armorum, & super ea disputationes, ideoque omnes qui manifesta edunt, summa ope summoque studio laborant, ut ipsorum arma omnibus legitima & iusta appareant, ac etiam si interdum non imagine, imo ne vel umbram aliquam justitiæ habeant, tamen lusciniola prius defuit cantio, (ita Plautus) quam ipsos decora vocabula, species & prætexus varii deficient, quibus sceleribus suis honestatis colorem inducere, injustæque causæ veritatis titulum imponere queant. Quis enim unquam bellavit, quin sanctitatem juris, & speciosa vocabula suis consiliis præferret? verique Cerealis apud Tacitum: *Libertas & speciosa nomina prætexuntur, nec quisquam alienum servitium & dominationem sibi concupivit, ut non eadem ista vocabula usurparet. Et nemo est, egregie Quintilianus dicit, tam malus ut malus videri velit, & qui de re nefaria deliberat, id solum querit, quomodo quam minimum peccare videatur.**

Verum notum jam est, quemadmodum causas bellorum, ita etiam *Manifesta* omnino in duplici esse differentia: ut enim causæ quædam sunt revera justæ, quædam apparentes: ita *Manifesta* quædam declarationem & demonstrationem juris exhibent, quædam autem colores juris & schemata conficta, prætexusque proponunt: interdum etiam miscent ea, quæ aliquem juris titulum habent, cum illis quæ fictis coloribus prætenduntur, neque revera iusta sunt, sed tantum apparentia, penitus enim inspecta, & ad rectam rationem expensa, improba, & ab omni respectu juris remota reperiuntur.

Sed nos brevitatem pro lege habentes, jam ad formam hujus generis scriptorum pergitur, quam semper ad gravitatem & honestatem comparatam esse volumus. Gravitatem commendamus, quia generosam debet esse, nec pondus modo, sed quandam magnificentiam habere quod princeps definit; in-

Ooo oooo 3

dignif.

Ea 10. 11.
Annot. 1.
in Tacit.
Annal. 1.
cap. 10.

Hist. 4.
cap. 73.

Bacterus
Annot. 1.
ad Tacit.
Annal. 1.
cap. 7.

Idem

Annot. 7.

ad Tacit.

Annal. 1.

cap. 11.

Idem

Annot. 5.

ad Tacit.

Annal. 1.

cap. 7.

dignissimum certe foret principe, publica promulgare scripta, quibus suspensa & obscura essent verba; quæque sensus suos penitus abdere, inque incertum & ambiguum magis implicari viderentur: & subdola, inania & falsa merito sane suspectantur. Huc igitur imprimis pertinebit, *ut talia dicantur, scribantur, dicantur, quæ prompta ubique sensuum nobilitate, publicum quendam, ut sic dicam, colorem, ulro legentibus offerant* *et insinuent*; Gravitatem aliquam omnino præ se ferant, & quidem talem, quæ authoritati & majestati personæ edentis respondeat; nam scripta ambagibus verbosissimis plena principem minime decent; sed ea potius, quæ Reip. dignitati, & præsentium rerum necessitati accommodata omnia ex decore & usu publico, cum gravitate & autoritate quadam exponunt. *Gravitas autem illa, quam hic laudamus, non minimum roboris habet ex inaffectato verborum pondere, et formulis solennitatem et asseverationem præ se ferentibus.* Verba, inquam, gravia quidem esse debent, sed ad modestiam tamen flexa, de se & suis causis magnifica, de hoste autem cum decore & modestia, citra omnis vehementioris affectus indicium. Formulæ utendum est etiam gravibus, & quæ solennitatem & asseverationem aliquam judicant, non vero morosis, rixosis aut superbis: Omnino enim abstinendum est à nimia jactantia sui, & multis in hostem probris. Quid enim turpius, quid inhonestius, quam hostem jurgiis & cavillationibus insectari, eumque scriptis procacibus diffamare velle? Est sane id nonnunquam ab honestate remotum, odio apud multos, despectui apud omnes habetur: & ejusmodi scripta etiamsi æqua sint, amittunt tamen omnem æquitatis partem, irritant etiam & exasperant hostes, honore verborum facilius placandos. Pertinebit quoque ad honestatem, (cui in conscribendis Manifestis, non exiguus merito tribuatur respectus) ut inanes verborum strepitus, omnesque petulantes discursus omittantur, proque iis potius omnia modestiæ signa ostendantur; quod tum præsertim fit, cum nominibus hostium contumeliosa nulla imponantur vocabula, quæ forte ipsorum famæ & nomini obesse possent: sed potius honesti & generales isti tituli, qui ipsorum dignitati conveniunt, iis adscribantur, quod in omnibus & hodie scriptis publicis usi-

usitatum reperitur, dum semper affinitatis, consobrinatis, vel alia humanitatis vocabula, inter ipsa dissidia miscentur: quibus sane hostis de reddendâ vice admonetur, & velut in mutuâ benevolentia & honorificentia certamen provocatur.

Tandem ad scopum & finem Manifestorum pervenimus, quem duplicem constituere possumus. *Partim* enim hæc scripta, ad existimationem bellantium spectant; cum nemo sit qui velit sponte subire infamiam armorum, injustis de causis sumtorum, seque omnibus invisum reddere, sed potius sibi voluntates populorum, & opinionem ad decus & subsidium bellandi parare. Principes ideo & Rerump. moderatores, *quibus præcipua rerum ad famam dirigenda*, ut magnitudinem & gravitatem summæ suæ fortunæ retineant, invidiam autem & infamiam effugiant, scripta hæc publica, quibus justitiam suam testantur, non solum hujus ævi sed & sequentis hominibus commendant. *Partim* etiam hæc scripta ad *spem probabilem juris exsequendi spectant*, notante Grotio, & hic alter ipsorum scopus & finis est. Quippe justitia causæ magnum non immerito in bello momentum censetur. Bellantes enim quanto justitiæ causæ propiores, tanto impensius pro ea nituntur, freti felici exitu, quem bona plerumque concedere solet causa. Huc etiam accedit, quod melior causa populi favorem non raro sane profuturum sibi facile conciliare possit. Unde hæc scripta longe lateque per populos dimitti, & ut ab omnibus intelligantur, in varias linguas transferri solent.

Tacit. Ann.
nal. 4. cap.
40.

De jure
belli l. 3.
cap. 1. §. 3.

Deberent certe quidem Manifestorum nomine ea tantum venire scripta, quæ veras & proprias bellorum causas contingerent, ita futurum esset, ut instrumenta juris appellari mereantur, & ad scopum juris bellici pertinerent: Hac scilicet ratione clarigationis partem facerent, vel certè cum ea valde conjuncta essent. Verumenimvero sicut cæpimus dicere, sub hoc genere scripturæ, sæpissime soli prætextus & speciosa vocabula præferuntur, causis interioribus ac verioribus, & quæ proprie merentur appellari causæ, dissimulatis & profunda silentii nube involutis. Et quis ignorat id in plurimis bellis usavenire, ut veris eorum causis dissimulatis ac suppressis, prætextus tantum & tituli in theatrum producantur? Id Merius

Livius lib.
1. cap. 33.
Suf.

Jugurth.
cap. 38.

Suffetius de se & suis sponte fateri haud erubuit: *injurias*, inquit, *& redditas res ex fœdere qua repetita sunt*, *Ego Regem nostrum Cluiliū causam hujusce esse belli audisse videor: nec te dubito Tulle eadem pra te ferre: sed si vera potius, quam dictu speciosa dicenda sunt, cupido imperii duos cognatos populos ad arma stimulat*. Idem suis temporibus accidisse Sallustius scribit: *quicumque*, ait, *Remp. agitur, honestis nominibus, alii sic, ut jura populi defenderent, pars quo senati auctoritas maxima foret, bonum publicum simulantes, pro sua quisque potentia certantes*. Hoc ut turpe, ita frequens & usitatum! omnibus seculis plurimorum artificium est, ambages & subtiles interpretationes, ad pingendum honestiori schemate quodvis facinus artificiose excogitare, omnesque prætexus, colores & titulos, tam eleganti mangonio adornare, tamque speciosis verbis adumbrare, ut nihil in ipsis desiderari posse videatur, nisi animorum fides & sinceritas, quam, introsipientibus, longe abesse apparet. Recentiora, supra nostram intelligentiam sunt: vetustiora, censuris veterum exposita habemus.

Sallust. Ca-
tilin. c. 10.

Verum ut obvii & aptissimi plerumque arripiuntur tituli, injuriarum vindicta, subditorum defensio, libertaris tuitio, saepe religionis necessitas, & ejusdem generis alia. Hæc in ore & calamo semper ipsis sunt, ceterum in animo, consilio & conatu, amor ruinæ aliorum, immensa proprii lucri cupido, avaritia & ambitio, *qua multos mortales falsos fieri subegit, aliud clausum in pectora, aliud promptum in lingua habere, amicitias inimicitiasque non ex re sed ex commodo estimare, magisq; vultum quam ingenium habere bonum*. Quæ ubi jam semel prævaluere, technis & commentitiis prætectibus, se suaq; consilia obtegere, simulare, dissimulare non erubescunt, quid proferant aut scribant parum peniti habentes, dummodo cupitis potiantur, seque voti compotes faciant. *Non virtutem quarunt, sed virtutis speciem affectant; non fidem colunt, sed fidei colorem ostentant; non amicitia, sed speciem amicitie; non pax, sed imago pacis; non fœdus, sed simulatio fœderis, non facta sed verba locum habent*. Ita fallere & decipere, multis prudentia est: auferre, trucidare, rapere & solitudinem facere, in legitimæ vindictæ vocabulum vertitur, honestoque principatus nomine obumbran-

brantur ea, quæ re ipsa nihil nisi latrocinia sunt: Deus & pietas magna nomina præfiguntur improbæ ambitioni: Religio, inquam, sanctus titulus, pravæ rei. Carolum Octavum G. R. hac ex parte reprehendit Baconus quod flagrans ambitione & cupiditate Britannia Ducatum recuperandi & reannectendi, occasionem pulchram & speciosam arripuerit, *quæ ambitionem suam tegeret & belli ansam adversus Britanniam porrigeret; Eo scilicet nomine, quod Dux Britannia Ducem Aurelianensem, & alios ex nobilitate Francia (qui contra se arma sumpserant) ad se recepisset.* Guilielmum Orangium ejusdem fere criminis arguit F. Strada, quod in Apologia sua, qua testatus est omnibus, se à puero, reformata religionis perquam studiosum fuisse, eoque pertinere quæ domi, quæq, militia patrarat ipse, nempe ut religionem tot legum edictorumq, telis à Cesare, à Rege petitam, pro vetere suo cultu ubique tueretur, nec vera scripserit, nec ex animo senserit cum Calvinianis, sed Religionem obtentui habuerit, eamq, cen vestem pro temporis opportunitate sumpserit juxta ac deposuerit, non enim usque adeo religionis habendam esse rationem, ubi de acquirendo, firmando imperio agatur, aliquando scripserit. Sed hæc verane, an invidia vel studio partium dicta sint, aliis judicium relinquimus. Illud satis omnibus constat, Orangium arma non movisse, ut se Albani tyrannidi objiceret, *qui ut eo licentius grassaretur, culpam violata religionis pratexebat.* Id quod publico libello edito testatus est, quo belli contra Albanum suscepti causas exponit. *Se sibi gloriam DEI, ac commodum Regis proposuisse. Nec se aliud agitare, quam ut favientem Albanum cervicibus innocentis populi, & per vim oppressi, depelleret: ac rogare universos, ut favore atque auxilio institutum tam præclarum adjutum velint.* Sed nobis redeundum est eo unde degressi sumus. Est sane id politicorum usitatum artificium, idque pro prudentiæ suæ parte æstimant, veritatem plurimis modis infringere, eamque tanta arte tegere, & verbis adumbrare, ut luce sua & authoritate carere videatur; contra falsa & omnimendacio plena tam eleganti colore, & decora vocabulorum specie circumponere & oblinere, ut vera & falsis contraria appareant: ita ut eo sane nomine *Manifesta* hodie interdum

Hist. Henr.
VII. p. 79.

Lib. 2. p. m.
90.

Meursius
Guil. Auri-
ac. l. 3. p. 68.

Ibid. lib. 4.
pag. 51.

PPP PPPP

rectius

Centur. 1.
Relat. 10.

rectius aliquis diceret *Obscura*, & involuta politicorum artificia, quibus arcana dominationis & dissimulationis reguntur. Egregie sanè hanc politicorum artem descripsit T. *Boccalinus* è *Parnasso*, politicus sane ingeniosus & acutus, qui *Siculum* quendam in forum mercatura aliquando prodixisse, refert, ut pallia in terram usque propendentia cocimeret quamplurima; cuiusdam vero cum admiratione eum dum incucenti, & interroganti quisnam esset, & cujus conditionis? Respondisse, se esse *Siculum*, & navigia piratica duo propriis conducisse sumptibus ad infestandum latrociniis mare, & se prada locupletandum; non vero ignorare, talia facinora omnium plerumq; odiis & calumniis esse exposita, ideoque ut omnibus hominibus, prætextu belli, idioris & liberalium artium hostibus inferendi imponeret, hocque suum institutum obtegeret & palliaret, se longo omnino indigere pallio. Sed egregium redditur huic *Siculo* responsum: *Illum frustranea ope niti, cum latroni omnes qui in Anglia concinnantur panni, nunquam ad pallium sufficiant, quin vel ima aliqua pars pedum nuda appareat.* Magnopere itaque falluntur isti pseudo-politici, qui flagitia sua velamento quodam tegi posse putant: certe dum alios fallere cupiunt, semet ipsos fallunt, cum decipiendi & mentiendi libido se tandem facile prodat, exque effectis magis innotescat: est enim mendacium instar fumi, qui cum in altissimum pervenerit, evanescit. Apud imperitum vulgus, ubi verba plurimum valent, bonaque ac mala non sua natura, sed vocibus & interpretationibus callidorum hominum æstimantur, hæc scripta, quia plerumque verbis magnificis, ad ostentationem & deceptionem fictis composita sunt, facilem assensum nanciscuntur: at in prudentiorum manus cum incurrunt, misere sinistra fama lacerantur: hi enim acrioribus oculis ea intuentes, non ex verbis, sed ex re iudicium ferunt, titulos & colores statim animadvertunt, & larvam ipsis obductam facile detrahunt, tuncque veritas antea laborans, genuinam & propriam claritatem atque lumen ipsa sibi vindicat, vimque suam ostendit, *quæ contra hominum ingenia, calliditatem, solertiam, contraque fides omnium insidias facile se per se ipsam defendit.*

Cic. pro M.
Cœl. c. 26.

Verum

Verum hic necesse est, ut cautionem aliquam & moderationem adhibeant, qui hæc Regum vel Principum Manifesta legunt. *Primo enim in conjiciendis causis consiliisq; minime festinandum, aut precipitandum est judicium: donec res ipsa eventusque claris argumentis ostenderit, mala cupidine susceptum esse, quod honestis nominibus tegebatur. Deinde nimia diffidentia & suspicio vitanda est. Verissimum quidem est, plerumque sub causarum nomine, pretextus adornari, & dictu potius speciosa quam vera ostentari. Sed si quis tamen omnium idcirco Regum Principumque, sine ulla exceptione, eadem censura vellet complecti consilia, atque nemini prorsum credere, fallor an ferocius sentire diceretur, quam judicii civilis modestia requirit. Illorum certe credulitatem damnamus, qui omnia quoquo modo scripta & tradita, pro certis & veris habent, nec an ea quæ referuntur vera aut falsa sint, diligentius inquirunt, sed statim credunt, & avide arripiunt. Illorum malignitatem detestamur, qui de ejusmodi principum scriptis statim suspiciose judicant, & omnem ipsis fidem derogant. Utrumque in vitio est, tam omnibus credere, quam nulli; sicut jam olim Seneca dixit. Legenda igitur sunt hæc principum scripta sine ira & studio, sitque animus legentis omnino ab istis liber. Judicium de iis non vulgari curiositate; sed officii necessitudine, prudenter, caute, modeste ferendum; &, præter rationem necessariam, omnino declinandum.*

Boetius
Annot. 1. ad
Tacit. A. 1.
c. 10.

Epistol. 3.

Ultimo tandem & illud annotare utile duximus: ex talibus scriptis aliquando occasionem arripi, integris voluminibus disceptandi de causis & jure bellorum, quod nostris præsertim temporibus usitatissimum. Nota sunt Martis Gallici ab Armacano editi, & quas, ut satis constat, Justus Aferius opposuit, Vindictarum Martis Gallici, exempla.

HANNONIS PERIPLUS.

CUm omnino mihi hoc tempore publicè esset aliquid proponendum ; unde & doctoribus & commilitonibus meis constaret de studiorum meorum ratione & via, quâ decurrere instituissem : cœpi in animo meo recordari, quæ de Hannonis Periplo differentem pro cathedra auidiveram Virum Amplissimum, JO. HENRICUM BOECLERUM, Historiarum Professore Publicum longè Celeberrimum, magnum meum Fautorem, Patronum, atque Præceptorem, omni observantiæ cultu prosequendum.

Juvabat pervenisse in notitiam scripti, multis vix nominetenus noti : quod ab Eo acceptum in Latinum sermonem, ut meus est captus, transtuli ; adjecis nonnullis, quæ in tractando tam nobili monumento, fortuna oculis meis obtulerat. In quo genere ut amplius erudirer, examini eorum, quos à principio laudavi, omnia subicere constitui : veniam imperitiæ, & favorem conatui ausus sperare, cum præsertim scirem, plerisque rem gratam me facturum, si libellus, cujus nulla pridem copia, studiosis antiquitatis veluti postliminio redhiberetur. Græca ex editione Frobeniana Basileensi Gelenii anni 1533. ita se habent :

ΑΝΝΩΝΟΣ ΚΑΡΧΗ- ΔΟΝΙΩΝ

βασιλεὺς παύλῃς, τῶν ὑπὲρ τὰς ἡερκελῆς σῆλας λιβυκῶν τῆς γῆς μερῶν,
ὃν ἐξ ἀνέστηκεν ἐν τῷ τῷ χρόνῳ τεμένει, δηλοῦντα τὰς.

ΕΔοξεν τερρχηδόνιοις, ἄνθρωπον παλὴν ἔξω σελῶν ἡερκελῆων, ἐξ πόλεως κλίζην λιβυφονίκων. ἐξ ἐπιδόσιν, περὶ τικοντόρεως ἐξήκοντα ἄγων, ἐξ πλῆθος ἀγρῶν ἐξ γυναικῶν, ἡς ἀειδμὸν μυριάδων τριῶν, ἐξ ὅτα, ἐξ τῶν ἄλλων ὄρα σελῶν. ὡς δ' ἀναχθῆναι τὰς σῆλας περὶ μέγιστον, ἐξ ὅτων πλῆθος ἡμερῶν ἐπιδόσιν, ἐκτίσασιν πρῶτον πόλιν, ἣν πια ὠνομάσαμεν θυμολήκειον. περὶ δὲ ὡλὴν μέγα σελῶν. καὶ πητα σελῶν ἐπιδόσιν ἀναχθῆναι, ὅτι σελῶντα λιβυκὸν ἀφρωτήκειον, λάσπον δίνουσι σελῶντα μόν.

μιν. ἔνθα ποσειδῶν ἱερὸν ἰδρυσάμενοι πάλιν ἐπέβησαν πρὸς ἥλιον ἀ-
 νίσχοντα ἡμέρας ἡμισυ. ἄρτι ἐκομίσθημεν εἰς λίμνῳ ὑπὲρ ῥῶ τῆς θαλάτ-
 τῃς κρημνίῳ, χαλάμεν μιστὴ πολλὰ καὶ μεγάλα. ἐνῆσαν ὃ καὶ ἐλέφαντες, καὶ
 τὰλλα θηρία νομόμενα πάμπολα. πῶς τε λίμνῳ ὄρθαλλάξαντες
 ὅσον ἡμέρας πλεῖν ἐλαυνόμενοι πόλεις πρὸς τῇ θαλάττῃ χαλαμέ-
 ναι, κασικόντες τοῦχθ, καὶ γύπτι, καὶ ἄκρα, καὶ μέλιττα, καὶ ἄεθ-
 βον. καὶ κῆτον δ' ἀναχθίντες, ἤλθομεν ὅτι μέγαν ποταμὸν λίξον, ἐπὶ τῆς
 λιβύης ῥέοντα. ὅρθε δ' αὐτὸν, νομάδες ἀνδραποὶ λιξίται, βοσκήματ'
 ἔναμον, παρ' οἷς ἐμίσταμεν ἄρτι πρὸς. φίλοι γυρόμενοι. τούτων ὃ καὶ
 ὑπερδιν, αἰδίοπτε ὤκιν ἄξινοι, γῶν νομόμενοι θηριώδη, διελκμμένῳ
 ὄρεισι μεγάλοις, ἐξ ὧν ῥέον φασὶ τὸν λίξον. ὅρθε ὃ τὰ ὄρη, κατοικεῖν ἀν-
 δράσας ἀλλοιομόρφους τραυλοδίτας. ὡς ταχυτίρες ἵππων, ἐν δρόμοις
 ἔερχον οἱ λιξίται. λαβοῦντες ὃ παρ' αὐτῶν ἐρμυνίας, παρελθόμεν πῶς
 ἐρήμῳ πρὸς μισσημβείας, δύο ἡμέρας. ἐκεῖθεν ὃ πάλιν πρὸς ἥλιον ἀ-
 νίσχοντα, ἡμέρας δρόμον. ἔνθα ἔυρομεν ἐν μυχρῷ πνθ κέλυ, ἤσαν μι-
 κρὰν, κύκλῳ ἔχουσιν σαδίων πέντε. ἡν καὶ κένισμα, κέρνῳ ὁνομάσω-
 ντες. ἐλεκασιρόμεθα δ' αὐτῶν ἐκ τῶ ὀρίπῳ, καὶ ἐν αὐτῷ καὶ ὄρθα κερχιδόνθ.
 ἐφ' ἧς γὰρ ὁ πῶς, ἐκτε κερχιδόνθ ὅτι σήλας, καὶ κῆτον ὅτι κέρνῳ. τῶν-
 τι δὲν εἰς λίμνῳ ἀφικόμεθα, διὰ πνθ ποταμὸν μέγαλα διαπλάσαντες,
 ῥέτας, ὅρθε ὃ ἤσαν λίμνη πρὸς μέγας τ' κέρνῳ. ἀφ' ὧν ἡμερήσιον πλεῖν
 κατανύσωμεν, εἰς τὸν μυχρὸν τ' λίμνης ἔλθομεν. ὡς ἦν ὄρη μέγιστα ὡς
 ἔπειτα, μετὰ ἀνδράπων, ἀχρίων δέρματα θήρια ἐσημμένων. οἱ πύτρες
 βάλλοντες, ἀπέρχον ἡμᾶς, καλύοντες ἐκβῆναι. ἐκεῖθεν πλέοντες, εἰς
 ἔπειτα ἤλθομεν ποταμὸν μέγαν, καὶ πλατὺν, γέμοντα κροκοδείλων, καὶ ἵπ-
 πων ποταμίων. ὅθεν δὴ πάλιν ἀποστέφαντες, εἰς κέρνῳ ἐπανήλθομεν.
 ἐκεῖθεν ὃ, ὅτι μισσημβείας ἐπλάσμεν δύο ἡμέρας, πῶς γῆν ὄρθα-
 λυόμενοι. ἡν πᾶσαν ἐλθόντες αἰδίοπτε, φάροντες ἡμᾶς, καὶ ἔχ' ἱσχυμέ-
 νοντες. αὐτῶν δ' ἐρθέζοντο, καὶ τοῖς μετ' ἡμῶν λιξίταις. τῇ δ' ἔν
 πλατύνῃ ἡν ῥῶ, πρὸς μισσημβείας ὄρεσι μεγάλοις διαστήσιν. ἡν ὃ τὰ ἡν
 δένδρον ξύλα, δ' ἄδρη, καὶ ποικίλα. ἐπλάσαντες ὃ ταῦτα ἡμέρας
 δύο, γινόμεθα ἐν θαλάττῃ χάσματι ἀμυστήτῳ. ἡν ὅτι δάπτει πρὸς
 τῇ γῇ, πιδίον ἦν. ὅθεν σικλὸς ἀναστρέφει, πῦρ ἀναφαιρόμενον πωταχό-
 διον καὶ ἀποσάσεις. τὸ μὲν πλεῖον, τὸ δ' ἐλαττον. ὑπὸ δ' αἰσίνου δ' ἐκε-
 ρνῳ, ἐπλάμεν εἰς τὸν πρὸς ἡμέρας πέντε πρὸς γῆν, ἄρτι ἤλθομεν
 εἰς μέγαν κέλυ, ὅν ἔρασαν οἱ ἐρμυνεῖς καὶ ὄρθα, ἱσχυρὸν κέρνῳ. ἐν ὃ τῷ
 ἡν ὃ ἦν μέγαλη, καὶ ἐν τῇ ἡν ὃ, λίμνη θαλασσοδίνῃ ἐν ὃ τῷ ἡν ὃ

ἑπείγε, εἰς ἣν ὑποβάντες, ἡμέρας μὲν ἕδιν ἀναρωῶμεν, ὅπ μὴ ὕλην. ευκ-
 λὺς δ', πρὸς τι πολλὰ καίμενα, καὶ συνὺ ἀνλῶν ἠέκουεν, κυμαλάων τὲ καὶ
 πυλάων πᾶταρον, καὶ κρυζὺ μῦειον. οὐδ' ἔν ἔλαβεν ἡμᾶς. καὶ οἱ
 μάλιστα ἐκείδον ἐκλείπειν τὴν ἡσόν. ταχὺ δ' ἐκπλάσωσιντες, παρημει-
 βόμεθα χύεον διάπυρον θυμαμάτων. μετοὶ δ' ἀπ' αὐτ' πυρώδεις ρύα-
 κες, ἐκίβαλλον εἰς τὴν θάλαπιν. ἡ γῆ δ' ὑπὸ θέρμης, ἀβαλ' ἦν. ταχὺ
 ἔν κ' ἐκείδον βοήθεντες ἀπεπλάσωμα. τίππερος δ' ἡμέρας οὐκ ἐμῶν,
 ευκλὺς τὴν γῆν ἀναρωῶμεν, φλογὸς μεσὺ. ἐν μέσῳ δ' ἦν ἠλίβατον λίπυρ,
 ἥλ' ἄλλων μείζον, ἀπτόμενον ὡς ἔδεκεν ἥλ' ἄσπον. τὸτο δ' ἡμέρας, ὅρ' ἔ-
 φαίνετο μέγιστον, θιῶν ὄχημα καλόμενον. πεταῖα δ' ἐκείδον, πυρώδεις
 ρύακες παρὰ πλάσωτες, ἀοικόμεθα εἰς κόλπον, νότῃ κέρας, λεγόμενον.
 ἐν δ' πῶ μυχῷ, νῆσ' ἦν, ἐοικυῖα τῇ σφώτῃ, λίμνῳ ἔχουσα. καὶ ἐν ταύτῃ
 νῆσ' ἦν ἑπείγε μετὰ ἀνδράπων ἀχρίων. πολὺ δ' σφείας ἦσαν γυναικας
 δασπαῖ τοῖς σώμασιν. αἳ οἱ ἐρμηνέες, ἐκάλαν χορίλλας. διώκοντες δ',
 ἀνδρα μὲν συλλαβεῖν ἐκ ἡδυνήθησαν. ἀλλὰ πάντες μὲν ἐξέφυγον, κρηνοβά-
 ται ὅστις. καὶ τοὺς μετέοις ἀμυνόμενοι. γυναικας δ' τρεῖς. αἱ δ' ἀκνυσαί-
 τε, καὶ σπασάπιντα λὺς ἄγοντες, ἐκ ἡθιλον ἐπιδάει. ὑποκλίναντες μὲν
 τῶν αὐτῶν, ἐξεδίερχον. καὶ τὰς θορὰς ἐκορύσαμεν εἰς καρχηδένα. ἐν δ'
 ἐπ' ἐπλάσωμα περὶ τῆς, ἥλ' οἶτων ἡμᾶς ὀηλιπόντων.

HANNONIS CARTHAGINEN-

*sium Regis Periplus, seu navigatio, qua circumvectus est
 Africam ultra columnas Herculis: quem commentarium
 in templo Saturni consecravit, ista memo-
 rantem.*

Placuit Carthaginensibus Hannoni negotium dare, ut na-
 vigatione ultra columnas Herculis instituta, Libyphœni-
 cum oppida coloniis frequentaret. Et profectus est cum
 classe sexaginta navium (actuarias quinquaginta remorum
 vocant) & virorum, mulierumque numero ad triginta mil-
 lia; instructus & frumento, reliquoque apparatu. Portu
 autem egressi, cum Herculis columnas præterissemus, bidui-
 que cursum confecissemus, primam urbem condidimus,
 eamque Thymiaterium appellavimus. Suberat ibi magna
 planities. Subinde ad occidentem evecti, ad promontori-
 um Libycum multis arboribus confitum, Solocenta, seu
 Su-

Solunta, pervenimus. Ibi excitato Neptuni templo iterum progressi sumus ad orientem solem iter dimidiæ diei: donec venimus in paludem non procul à mari, multa magnaque arundine plenam. Inerant & Elephantes, aliaque complura, quæ pascebantur, animalia. Cum autem quasi cursu unius diei paludem prætervecti essemus, urbes ad mare extruximus, quarum nomina: Cariconticus (sive Murus Caricus) Gytte, Acta, Melitta, & Arambys. Inde digressi in magnum flumen Lixum pervenimus, quod ex Libya oritur. Accolas habet pastoritium genus Lixitas, pecoribus pascendis deditos: cum quibus amicitia conjuncta aliquantum temporis substitimus. Supra horum regionem Æthiopes omnis hospitalis commercii expertes terram incolebant feris plenam, magnisque distinctam montibus, è quibus originem Lixi reperunt. Circa montes autem inusitata specie homines Troglodytæ habitant: quos cursibus equorum pernicitatem antecire, Lixitæ ferebant. Nos, interpretibus acceptis, deserti oram ad meridiem per biduum prætervecti sumus: unde rursus ad orientem solem conversi, unius diei cursum confecimus. Ibi in recessu cujusdam sinus exiguam insulam, stadiorum quinque ambitu, invenimus; eamque, deductis colonis, Cernen appellavimus. Notavimus autem in circumcundo, eam è regione Carthagini sitam esse. Videbatur enim cursus Carthagine quidem ad columnas, inde ad Cernen aequali intervallo procedere. Hinc per ingentem cursu delati fluvium in stagnum, nomen est Chretes, pervenimus: in quo tres cernebantur insulæ majores, quam Cerne. Ab his confecto cursu diurno in sinum quendam stagni perventum est. Imminebant autem stagno alti montes: è quibus homines feri, & belluarum pellibus amicti, saxa jaculantes nos abigebant, neque egredi navibus sinebant. Digressi inde in alium delati sumus fluvium magnum, & latum, in quo multi crocodili; & hippopotami vivebantur. Tum converso cursu ad insulam Cernen regressi sumus. Illinc versus meridiem profecti duodecim per dies oram legebamur litoris: in quo Æthiopes habitabant, refugientes congestum nostrum, linguaque utentes etiam Lixitis, qui nobiscum

biscum erant, parum intellecta. Postremo die accessimus ad montes magnos & sylvosos, lignis arborum odore & varietate notabilibus. His biduo circumitis, in immensum maris barathrum delati sumus. Ejus maris ab altera parte, planities erat; unde de nocte prospiciebamus ignem undique efferri per intervalla locorum, alibi magis, alibi minus. Aqua autem inde petita, ulterius provecti, quinque diebus oram legebamus, donec in magnum quendam sinum, quem interpretes Hesperii Ceras sive Cornu vocari aiebant, deventum est. Hic insula erat ingens, & in insula stagnum, maris specie: in stagno alia insula. In hanc exscensione facta interdum quidem nihil cernebamus præter silvam. Nocte autem multi ignes collucebant, & vox tiliarum, cum cymbalorum, & tympanorum strepitus, cum clamoribus dissonis audiebantur. Timore itaque nos perterritos, vates quoque abscedere insula jubebant. Celeriter igitur profecti præterivimus regionem odoribus æstuantem, unde & plures igniti torrentes in mare ferebantur: ita ut præ fervore inaccessible esset. Quare neque hic moras trahere pavor nos sinebat. Repetito autem cursu post quartum diem, apparuit nobis de nocte terra flammis plena, cujus in medio ignis altissimus, majorque ceteris, sidera attingere videbatur: diurno autem tempore montis maximi speciem præferebat, quem deorum vehiculum appellitabant. Tertio post die, præteritis illis ignitis torrentibus, in sinum pervenimus, qui Cornu Austri vocabatur. In recessu insula erat, priori similis, stagnum habens, in quo alia insula, feris plena hominibus. Multo plures autem fœminæ incrant hirsuto corpore, quas interpretes vocabant Gorillas. Cum autem confectaremur incolas, virorum quidem neminem intercipere potuimus. Omnes enim effugerunt: per præcipitia discurrete, & nullo negotio vim à se propulsare assuevi. Fœminæ autem tres captæ, eos, à quibus ducebantur, morsu, laniatuque appetebant, neque sequi volebant. Occisis tamen pelles detraximus, & Carthaginem derulimus. Neque enim ulterius navigare contendimus, cum annona jam nos deficere cœpisset.

De

DE hoc Hannone non præclare sentit magnus ille *Gerardus Joannes Vossius* libro quarto de *Historicis Græcis*: fidèq; prorsus indignum existimat propter locum *Athenai*, *Libro III.* Filius autem *Isaacus Vossius*, verissimam hanc commemorationem putat: ejusque explicationem pollicetur; & antiquitatem supra *Homeri* & *Heliodi* ævum profert: partim ex fabula *Gorgonum*, quàm à tribus *Hannonis* *Gorgidibus* repetit; partim ex loco *Strabonis*, vulgatam *Phœnicum* navigationem celebrantis extra columnas *Herculis*, qua in media *Africæ* ora maritima, urbes condiderint paulo post *Trojani* belli tempora. Quod non debuit onittere *Thomas Ruvius*, cum de illis temporibus ageret. Memoravit in ejusdem instituti opere *Claudius Bartholomæus Morisotus*. Plura autem fuisse *Hannonis* scripta, faciliè intelligas, si veterum loca de hoc viro probè consideres.

P 513. & 514.
ad Melam.
l. 3. c. 9. p. 302

l. 1. p. 48.

Histor. Na-
val. antiq.
lib. 1. c. 12.
Orb. marit.
lib. 1. c. 31.

Naves, quibus usus est Hanno, *Pentecontoros* vocat: quæ sunt actuariæ quinquaginta remorum. Quas observes hîc tantæ multitudinis capaces fuisse, ut una quingentos caperet homines.

Urbis primùm conditæ nomen *Θυμιατίειον* occurrit. De qua doctissimus *Samuel Bochartus* in *Geographia sacra* ita annotat: In *Scylace* *Θυμιατίειος*, & in *Stephano* *Θυμιατίειος* scribitur. Notum, Græcè *Θυμιατίειον* esse acerram vel thuribulum. Quo nomine cur *Phœnices* urbem appellarint, nemo facile dixerit. Sed quod à Græcis passim fieri jam alibi notavimus, *Hannonis* Græcis interpretis barbaram vocem ita molliovit, ne laderet aures *Atticas*. Nempe verum urbis nomen erat *Dumathiria*, quasi *πιδιάδα* dixeris, i. e. campestre urbem. Arabice saltem in *Giggeio* *Dumathir* & *Dumthor* est terra plana; inde petiit urbis nomen docent ipsa verba *Hannonis*: ἐν τῇ αὐτῇ πρώτῃ πόλει, ἣν πρὶν ἀνοικίσαιεν *Θυμιατίειον* πιδίον δ' αὖτ' ἡμῶν ἵππῃ. primam urbem condidimus, quam vocavimus *Thymiatierium*: illi quippe suberat magnus campus. ὃ pro ὃ hoc loco sumimus, ut passim apud *Homerum*: quia nulla apparet causa, cur Hanno addiderit *Thymiatierio* magnum subesse campum, nisi ut sciremus, quorsum oppidum ita nominaverit.

part. 2. Cha-
naan. lib. 1.
c. 37.

Addamus, quæ sequuntur, quia liber ille est in paucorum manibus: *Inde ventum ad Σολοιῦτα Libycum promontorium* λα-
στον δένδρεα, arboribus opacum, in quo Neptuni templum adifi-
carunt. Hinc in Hesychio: Σολυῦντις ἀκρα ἢ Λισῦντις. Et in Ptole-
mio: Σολοιῦντις ἀκρα, ἔξ Σολυῦντις populi, quamvis utrumque
ad meridiem removeat justo longius. Apud Plinium Agrippa
corruptè Surrentiam appellat. Verum nomen erat Σολῦς Hebr.
Selaim, rupes. Adde Stephanum de Urbib. voc. Σολῦς. Pergit
Bochartus: Promontorium istud post iter semidiei excipit lacus
ingens, unde diei navigatio ad quandam oram, in qua quinque
urbes se condidisse refert Hanno, nempe Καεικὸν τῆχθ, ἢ Γύπλω,
ἢ Ἀκρω, ἢ Μάλιππῳ ἢ Ἀράμβω. Fallor, an Καεικὸν τῆχθ mu-
rus Caricus Pœnis erat Kirchares, murus Solis, cuius nominis ur-
bem in Moabitis memorat Esajas 16, 11. Quidni enim Cares
ex Chares fecerit Græcus interpres, quomodo alii Carrhas ex
Charan, ἔξ Malacam ex Malacha, ἔξ Tapsacum ex Tisfach
Hebræa aspiratione mutata in consonam K. Aut ut ex hoc ipso
Chares factum est Persicum Cores vel Cyrus pro Sole. Plutar-
chus in Artaxerxe, ubi de Cyri nomine: ἐν τῇ ἡλίῳ φησὶς φε-
εῖ, κῦρον δὲ καλεῖν Πέρσας ἢ ἡλίον.

Gytta nomen habet à pecu, ut Creta urbs Πολύρρω, quam
sic appellari scribit Stephanus, ἐπὶ τῇ πολλῇ πλώῃ, τῶν ἑσπέρ-
ατα, ἰχθυῶν. Nempe Syris Geth est pecus, cuius plurale Githim.
Sed veteres sine aspiratione scripserunt. Inde Gath Philisteorum,
à Polybio, Josepho, ἔξ Stephano Gitta dicitur, à Plinio Getta.

Acra est Hakra, i.e. arx seu munitio. Quam vocem, Gra-
ecis frustra repugnantibus, Syri sibi vindicant. Hinc in Iona-
thane urbes Hacra, i.e. munitio sive munita Dent. 3, 5. ἔξ
Chaldaea Paraphrasi 2. Sam. 2, 7. Hakra de Sion, arx Sionis. Et
cap. 7. v. 9. habitatio David in hacra, id est in arce. Græci A-
gram dixerunt neglecta aspiratione. Sic 1. Macchab. 1. 35. Et
adificaverunt civitatem David muro magno & firmo, ἔξ
turribus firmis, ἔξ facta est illis ἀκρῶν, in Acram, Tamen à
civitate David Iosephus Acram ita distinguit, ut in illa τὴν ἀκρὴν
πάλιν, in hac τὴν κατὰ πάλιν sitam fuisse asserat.

Melitta vel Melica proprie significat calicatam urbem, si
verbo datur venia, i.e. in qua condenda multum calcis sit adhi-
bitum

bitum vel in structurâs, vel etiam in tectoria. Radix meli reperitur Jerem. 43. 9. pro cemento ex arena & calce. Stephanus : Μίλιωα, πόλις Λιβύων.

Arambyn, qua sola superest, à seipso puto vocasse Phœnices har-anbin, montem Uvarum, vel har-anbi, montem racemiferum. Vites enim uberiores sunt in montibus, ut scribit Servius in illud magni Poeta :

Bacchus amat colles.

Et vites fuisse in illis locis, constat ex periplo Scylacis, qui de vicinis Ethiopibus ita habet : οἶνον δ' ποιοῦσι πολὺν ἀπὸ ἀμπέλων. vinum autem ex vitibus multum faciunt. Quibus consona hæc Plinii lib. 5. cap. 1. Ibi fama existere certa vestigia habitati quondam soli, vinearum, palmetorumque reliquias. Sed Strabone nihil expressius, qui in Mauritania refert ex aliorum fide, ἐπ' ἀμπέλῳ φύεται δυνὶ ἀνδράσι τὸ πύχῳ δυοπερικλήῳ, βίτρου παχυαῖον πῶς ἀποδίδῃσα, nasci vitem tam crassi caudicis, ut eam duo homines vix amplectantur, racemos cubitales nonnunquam producentem. Sequitur de Lixio fluvio, quem Bochartus, cujus hæcenus explicationem nominum afferre placuit, à Phœnicio Laix s. Lix, leo deducit. Hebr. לֵיִשׁ. eo quod oriatur ex Æthiopum terra λευώδει sive feris & leonibus frequenti. Stephanus : Λίξα πόλις Λιβύης, ὃς Ἀλέξανδρος ἐν πρώτῳ Λιβυκῶν, ἀπὸ Λίξου ποταμοῦ, τὸ ἐσθινὸν Λίξιοι, λιξίτης, καὶ λιξάται πρὸς ποταμὸν.

De Troglodytis sive Trogodytis (nam & ita scribi Turnebus pridem notaverat) vide Diodorum Siculum lib. 3. & Agatharchidem apud Photium, τρώγων & τρώγων dici; Salmasius, cod. 250. Casaubono crediderat, ad Strabonem ita annotanti: quo nomine reprehenditur à doctissimo Isaaco Vossio in observat. ad lib. 1. c. 4. Melamp.

Cernen insulam Hanno quinque stadiorum facit. At Cornelius Nepos apud Plinium ambitum ejus definit duobus lib. 6. c. 31. millibus, id est, quindecim stadiis, quasi legerit in Hanno ne αἰσίον δὲ πέντε vel ἰ pro ἑ. Ut autumat Bochartus: idem qui nomen ejus Phœnicibus fuisse credit Chernaâ, postremum habitationis, sive ultima habitatio. Plenius esset Achernaâ; sed prima radicalis sæpè excidit. Ultima autem & Dionysio dicitur:

πυμάτης πόλις τίμια κέρως.

in Perieges.

Qqq qqqq 2

Phœ-

- Phœnices enim ulterius nullam deduxerunt coloniam, licet Hanno hunc terminum navigationis excesserit. Esse autem
 ad Mel. 3, 9. Cernen hodie insulam *Arguin*, *Vossius* annotat. Falli enim
 66. eos, qui Cernen voluerunt esse Menuthiadem, id est, Madagascar vel S. Laurentii insulam, quæ inter maximas locum habet, modus spatii satis ostendit. ut rectè monet *Bochartus*. De situ insulæ Hanno: καὶ ἰσθμὸς κείνης ἑσπερίων, i. e. tantundem hanc insulam à freto distare, quantum fretum à Carthagine. καὶ ἰσθμὸς Græci dicunt de locis in eodem sitis parallelo.
 ad Mel. 2, 7. Hæc *Is. Vossius*: & addit: Sed tum fœdè hallucinatus fuisset
 44. Hanno, vicinaque admodum freto esset Cerne. Quapropter puto, interpretem non rectè hac ex Punico reddidisse. Vicinque enim Hanno non rectè eum, quem existimavit, cursum tenuerit, satis tamen ex ipsius verbis colligi potest, non adeo errasse, ut *Æthiopus* & *Carthaginenses* collocavit sub eodem parallelo. *Ptolemaeus* medium ferire voluit, & ex adverso *Atlantis Majoris* posuit Cernen. Verum hoc est geminare errorem, sic enim neque in eodem parallelo sita erunt *Carthago*, & *Cerne*, neque eadem erit distantia à freto *Herculeo*.

Navigatio Hannonis procedit à Cerne per fluvium magnum, cui nomen Chretes. Verba sunt; τὸν πύθιν εἰς λίμνην ἀρικόμειν, διὰ πνὸς ποταμὸν μάλῃ διαπλεύσαντες, χρέτης. Corrigit hunc locum feliciter, ut arbitror, *Bochartus*: legendum puto, inquit, ὄνομα χρεμέτης. Muto χρέτης in χρεμέτης, quia *Chretis* vel *Chretes* amnis planè est ignotus. At de *Chremete* Africa fluvio ad Oceanum, hac *Aristoteles Meteorologicon* l. 1. c. 13. de maximis *Libya* fluviiis agens: οἱ δὲ μέγιστοι πάντων διατομασμένων δὲ, τὸ χρεμέτης καλούμενον, ὃς εἰς τὸ πρὸ ἔξω ῥὰ θάλατταν, καὶ τὸ Νεῖλον τὸ ρεῖμα τὸ πρῶτον. &c. Celebratissimum autem maximus sunt, & is, quem vocant *Chremetem*, qui in mare exterius, id est, in Oceanum influit, & primus *Nili* fluxus &c. Et eum secutus *Basiliius* in *Hexæmeron* Homilia 3. ὁ καλούμενος χρεμέτης, ἀπὸ τοῦ ὅτι ὁ Νεῖλος. Et *Hesychius*: χρεμέτης, ὄνομα ποταμοῦ. Et *Suidas*: χρεμέτης, ὄνομα ποταμοῦ. Et *Nonnius Dionysiac.* lib. 13. v. 347.

οἱ πρὸς χρεμέτι, καὶ οἱ ἑξῆς Κινυθὸς ὕδωρ.

Ad ripam *Chremetis* qui sunt & *Cinyphis* nudam.

Et lib. 31. v. 103.

ἄνθρωποι

αὐτὴ δ' χρημέταο μετῆεν ἑσπερον ὕδωρ,
 "Ἡρη μηπύωτα γίρων βαρὺς, ὅτ' ἀπὸ δὲ κάμιν
 ἔχεν ἡ σπινθάλιζγι, λίβος κερτῦμαν & Ἄλως.

*Hesperias Chremetis trajecit fluminis undas
 Magni sancta Jovis conjux, ubi cœlifer Atlas
 Axem humero torquet stellis ardentibus aptum.*

Fluvius Chremetis Punicè dicebatur naar Cheremath, i. e. fluvius vinearum. Nam Arabibus Chermath idem quod Hebraeis Cheramim. Confirmatur id ex Scylace, qui eos ipsos Æthiopes, qui prope Cernen degunt, nempe ad amnem, quem diximus, vinum afferit è vineis plurimum conficere. Verba sunt: εἶπον δ' ποιῶσι πολὺν ἀπὸ ἀμπέλων. Hæc de fluvio isto Bochartus.

Memorat dehinc Hanno alium fluvium latum & magnum, crocodilis & hippopotamis refertum. De quo ita prosequitur Bochartus: Hujus amnis nomen ab Hannone omissum ex Polybio supplet Plinius: Flumen, inquit, Bambotum crocodilis & hippopotamis refertum. Et Solinus Plinii Simia: Bambotum crocodilis & hippopotamis refertum. Sed legendum, Bamothum, nomine facto ex Bamoth. Bamoth seu בְּמוֹת Bhemoth esse hippopotamum Job. 40, 10. iis argumentis probatur in libro de animalibus, quæ viros undecunque doctos traxerunt in assensum. Ergo fluvius Bamoth seu Behemoth est fluvius hippopotami. An intelligitur Gambia fluvius, unus ex Nigri brachiis, in quo solo Caballinum piscem, i. e. hippopotamum reperiri scribit Aloysius Cadamustus c. 44.

Quæ sequuntur de navigatione ad Ἑσπέρην & Νότον κλέατον & montem igneum, quem vocant πῦρ ὄχνηα, & de crebris ignibus, qui solum noctu micant, & insulis tibiæ cantu, tympanorumque & cymbalorum sonitu strepentibus, consulto prætereo, quia merè fabulosa sunt. Hactenus ista ex Bocharto in meum & aliorum usum describere licuerit, nam & libri paucis copia est, & annotationes ad Hannonis periplus non extant meliores. Non tamen ista omnia fabulosa esse, paulo post ostendetur.

Qualia autem hic Hanno tradit de insula quadam Hesperii cornu, habent similitudinem cum Pliniani istis de Atlante: In-

litudinum horrore: subire tacitam religionem animos propius accedentium, praterq, horrorem elati super nubila (montis) atque in viciniam lunaris circuli, eundem noctibus micare crebris ignibus, Aegipanum, Satyrorumq, lascivia impleri, tibiaram ac fistula cantu tympanorumque & cymbalorum sonitu strepere.

lib. 3. c. 9.

Propiora sunt illa Pomponii Mela: super eos (Æthiopum populos fabulosos) grandis licoris flexus grandem insulam includit, in qua tantum feminas esse narrant, toto corpore hirsutas, & sine coitu marium sua sponte fecundas: adeo asperis, effersisque moribus, ut quadam contineri, ne reluctentur, vix vinculis possint. Hoc Hanno retulit, & quia detracta occisis coria pertulerat; fides habita est. Ultra hunc sinum mons altus (ut Greci vocant) *Σῶν ὄχνηα* perpetuis ignibus flagrat; ultra montem vires collis longo tractu longis litoribus obductus, unde visuntur patentes magis campi, quam ut prospici possint, Panum, Satyrorumque. Hinc opinio ea fidem cepit, quod cum in his nihil culti sit, nulla habitantium sedes, nulla vestigia, solitudo in diem vasta, & silentium vastius, nocte crebri ignes micant, & veluti castra late jacentia ostenduntur, crepant cymbala & tympana, audiuntur tibia sonantes majus humanis. Et post aliqua: Contra eosdem (Æthiopus Hesperios) sunt insula Gorgades, domus, ut ajunt, aliquando Gorgonum. Ipsa terra promontorio, cui *Ἰσθμὸς τῆς χερσὸς* nomen est, finiuntur.

Sed sequamur ordinem, quem Hanno tenet. *Ἐσθμὸς τῆς χερσὸς* est promontorium illud famosum, quod Viride (Cabo Verde) appellatur. Valde hallucinatur Salmasius, cum hoc negat, ac caput Palmarum interpretatur, eo enim usque non est progressus Hanno. Ita Is. Vossius ad Melam.

3. 9. 67.

Ad Melam

3. 9. 46.

Idem de ignibus, quos Hanno sibi in litore pernoctanti visos tum de sonitu audito, ita annotat: Verum vero Æthiopes interdum fugientes, noctu autem se colligentes, ac facibus, clamore, tympanis ac incensis pyris belluas abigentes, ut etiamnum apud ipsos fieri solet, causam huic spectaculo dederint; an vero naturali hoc factum sit ratione, ex apparitione nempe ignis illius, quem fatuum appellamus, qui adeo frequens est in Zona torrida, ut toti in Æthiopia campi noctu ceu stellis colluceant, id vero non addit. Ego postremum verum esse existimo.

3. 9. 43.

Quantum ad montem *Σῶν ὄχνηα*, Vossius ista ad Melam adjicit: Mons iste hodie appellatur Sierra Lisona. Adeo altus, ut ducentis

centis & amplius passuum millibus nonnunquam sit conspicuus. Latera ejus perpetuò virent odoratis omnis generis arboribus. Vertex æternis incingitur nebulis, quas ne ardentissimas quidem Sol unquam dispellere ac vix perrumpere possit. Hinc fit, ut continuis fulminibus ac tonitruis noctu præsertim percutiatur, quorum fragor à navigantibus ad 50000 passuum exaudiri potest. Sonitum istum Lusitani assimilarunt leonum rugitui; ac ea propter monti nomen indidit *Sierra Lione*.

Insula, quæ Γοργιδας habebat (ita enim legendum fuerit) hodie Palmifera sive S. Annæ creditur. Corrupti Mela historiam, secutus illos Græcos, ut putat Plossius, qui Hannonis periplus variis fabellis inquinaverunt. Dari veto integros populos toto corpore hirtos, Idem ostendit præcipue exemplo terrarum illarum, quæ supra Japoniam sitæ, non ita pridem à Belgis detectæ sint. Plinius: contra hoc promontorium (Hesperion Ceras) Gorgades insula narrantur, Gorgonum quondam domus, bidui navigatione distantes à continente, ut tradit Xenophon Lampiscenus. Penetravit in eas Hanno Pœnorum Imperator, prodiditque hirta fœminarum corpora: viros pernicitate evasisse: duarumq; Gorgonum cutes (trium, Hanno ait) argumenti & miraculi gratia, in Junonis templo posuit, spectatas usq; ad Carthaginem captam. Suidas: Γοργίδας νῆας καὶ ποταμὸς ἢ τὸν Λιβύης, ἔνθα αἱ γοργόνες δέτρεβον. Et Strabo quidem fabulis confectis illa, quæ de Gorgidibus sive Gorgonibus feruntur, accenset; ita ut nec in re, nec in loco quicquam veri sit. Sed, utut fabulæ plures cumulatae sint, ex verotamen, ut apparet, originem traxerunt. Γοργονῶν certe & τῶν γοργονίδων, ne de numero Gorgonum dicam, unde confingi cœperint, nemini obscurum esse potest.

Ad id quod Hanno dicit, se penuria annonæ adductum abruptisse navigationem, referendum est illud Strabonis: ὅτι καὶ περιπλῖν ἐπιχειροῦντες, εἴτε αἰσπρίσματος ἢ χάριτος ἢ περὶ πῶς αἰσπρίσματος ἢ καλῶντος, τὸν ἐπὶ πείρῃ πλεῖν ἀναγκασθῆναι φασίν, ἀλλὰ ὡς ἀπορίας, ἀβηρίας, ἰδὲν ἥτιον ἢ θαλάττης ἐχέουσιν τὸν πόντον. Nam qui circumnavigare aggressi, de cursu destiterunt, non dicunt objectu alienius continentis se quo minus in alteram partem penetrarent, impeditos, sed inopia rerum & solitudine, aversos, etiamsi mare haud minus esset navigabile.

Libet

Libet adjicere ista amplius disquirenda :

I.

Strabo lib. 1. dicit & explicat : *Geographiam maxima parte ad civiles usus pertinere.* Τῆς γεωγραφίας τὸ πλεον ἐστὶ πρὸς τὰς χρή-
αι τὰς πολιτικὰς, -- -- -- τὸ μὲν δὲ πλεον, ὡς περ ἔρηται, πρὸς
τὰς ὑπομονικὰς βίους καὶ χρήας.

II.

Idem eodem libro laudat Hipparchū, quod præclare scripserit, *Geographiam sine observatione rerum cælestium & defectuum solis & lunæ parari nullo modo posse.* Εὐ θ' ὅτι Ἰππάρχου ἐν τοῖς πρὸς Ἐγλα-
δίην διδάσκοντι, ὅτι παντὶ καὶ ἰδιώτῃ καὶ τῷ εἰλωμαδένῃ τῇ γεωγραφικῆς ἱστο-
ρίας προσκεκῆσθαι, ἀδύνατον λαβεῖν, ἀλλ' ὅτι τῶν ἰσχυρίων καὶ τῆς τῶν ἐκκλη-
σιαστικῶν τυρήσεων ἐπικρίσεως. Est enim duplex hujus πραγματείας
pars: artificiosa & mathematica, tum historica. In primis autem
Geometria & Astronomia hic opus est. Μάλιστα θ' δοκεῖ, γεωμετρί-
αι καὶ ἀστρονομίας δέον τῇ ποιούτῃ ἐπιδίδασθαι. Et lib. 2. τὸν θ' μὲν γεω-
γραφόντα πισυνσαι δὲ καὶ τῶν ἰσχυρίων αὐτῷ τάξιν ἀρχῆς, τοῖς ἀναγε-
τρήσασιν πλεον ἄλλω γυν γεωμέτραις, τέτοις θ' τοῖς ἀστρονομικοῖς, οὐκ ἔναι
θ' τοῖς φυσικοῖς. Adde Ptolemæi lib. 1. c. 2.

III.

Optimum est consilium Strabonis (lib. 1.) aliis regioni-
bus alium convenire χωροχρόνον. Unde videmus fere omnes
eos, qui totum orbem describendum sumserunt, dum incom-
perta sibi tradiderunt, plurimis fabulis sua opera (etiam de re-
centioribus capias licet) implevisse. Unde cautio Ptolemæi
locum habet lib. 1. Geogr. c. 4. Idem Ptolemæus (lib. 1. Geogr.
c. 12. & 13.) commendat peregrinationum & navigationum usum
ad exactiorem notitiam Geographicæ comparandam. Sed
cautio Strabonis (lib. 1.) sæpe locum habet: ἀλλὰ τῶν θ' δὲ καὶ πᾶς
ὁ πλεον αὐτῷ διωγέμεν. Quicunque peregrinationes suas nar-
rant, fere ad arrogantiam solent prolabi, & inflatus pleraque
jactare. Id quod exemplo Menelai ostenditur.

IV.

Quænam sit illa magna insula in vasto Oceano, posita
contra Africam, complurium dierum navigatione à Libya
in

in occasum declinans, quam memorat *Diod. Siculus l. 5.* & de qua in *Aristot. Admirandis auditionib.* legitur, quod Carthaginenses crebro eo commercarent, donec edicto ista navigatio vetaretur: dubitare licet. non adeo absurde *Becanus, Turnebus, Pamelius* Continentem Americæ intelligunt. putat tamen *Gerardus Johannes Vossius*, posse Britanniam esse. *de scientiis Mathem. c. 42. §. 10.* V.

Hannonis Periplus non nihil conjecturæ suppeditat de America. ab Hesperidibus enim (quorum fabulam primum ex Hann. Periplo promanasse non nemo censet) sive insulis de Cabo Verde, brevissimus ad Continentem Americæ creditur esse tractus. *Johannes Laet in Introductione Novi Orbis.*

VI.

Ad prodigium usque absurdus est titulus Donationis Pontificiæ, quo Hispani dominium & proprietatem Americanarum terrarum vindicarunt: quod diploma ex Antonio de Herrera describit *Johann. de Laet* in præmio Americæ suæ.

VII.

Esset ne probabilior titulus, si quis commercandi causa ad Americanos accessisset, indeque cum pacifica omnia prætulisset, vi repulsus esset, bello propterea illato imperium in victos sibi vindicare? opus est hic quoq; cautionibus, ut justa fiant ejusmodi arma.

VIII.

Franciscus Dracus privatim ab Hispanis injuria affectus ad navigationem illam, qua tribus plus minus annis orbem terrarum circum navigavit, animum adiecit, ut damna accepta in auctores vindicaret. id licere Theologus quidam classiarius persuaferat. Cum autem egregie ditatus opibus Hispano ademptis domum redisset, primarii aliquot in aula viri oblatum ab eo aurum quasi scelere piratico quæsitum respuerunt. *Camdenus Part. 2. anno 1580.* utri rectius senserunt Theologus ille, an aulici? Tutius fuerit à parte Aulicorum stare.

IX.

Quæri amplius potest, an Regina Angliæ obstricta fuerit, ut redderet Hispano repenti aurum à Draco ereptum? aut an idonea fuerit ratio compensandi damna, cum Regina diceret:

R r r r r r

se

se grandiore pecuniam, quam Dracus intulerit, contra rebelles profudisse, quos Hispanus in Hibernia & Anglia excitarat?

X.

Cum Thomas Arundelius ab Imperatore Romano, Comes sacri Imperii creatus esset, disputatum est in Anglia, an honos ab extero Principe admittendus sit? quidam allatis rationibus affirmabant, quidam contrariis rationibus negabant: quibus & Regina accessit. vide Camdenum parte 4. an. 1596. placet hac vice cum Regina sentire.

XLIII.

DE FATIS LITERARIIS NOSTRI TEMPORIS.

Crebra subiit animum meum reputatio fati publici cujus non minima pars ad rem scholasticam scilicet ac litterariam pertinet. Ea enim est, quæ sacris profanisque rebus non ornamentum modo ac decus, sed robur & vigorem ipsum largiri consuevit: ejusque florem, genitum prosperis, Deus gratificari; inclinationem, terrarum devastationi semper visus est præmittere. Inclinationem autem illa, proxima plerumque fastigio est: fastigium ipsum, plerumque inclinationis causis obnoxium. sicut cum magna imperia, quæ non habent quo crescant amplius, causas sibi interim illa ipsa magnitudine sua elaborant, quibus decrescant. Quod ubi cœpit fieri, observatione prudentium & cura opus est: qua licet interverti non semper possit præcepta indiciis fortuna, mitigari tamen hætenus potest ne incautos & incogitantes adeoque fortius percellat. Quemadmodum autem in regnis ac civili statu, duabus potissimum rebus, corruptio & profectura ad interitum aut conversionem labes deprehenditur, si *et mores singulorum populique vita sit vitiosa; & administratio reipublica ipsa vel aperta iniquitate, vel arcanis artibus, flagitiis, simulationibus,* (qualia hodie pleraque *ratione status*, quam vocant, reguntur) *in parvum deflexa comperiatur*: Ita in studiorum quoque regno sive litterario orbe, tum alia infelicitatis fragilitatisque præfagia observari possunt, tum quædam *Ratio status* conspicitur, de qua nunc amplius, disseremus. Placuit enim

hoc

hoc nomen consuetudinis & comparationis gratia retinere : quo Itali primum *salutem & necessitates reip.* honestamq; administrationis civilis *συντοκρίσις* videbantur denotare : nisi quod mox infames ab Etruria artes, totumque *κακοπραξίας οὐκ ἐν πολί- πλῃς* commentum, decoro in speciem vocabulo cœpit involvi, quo lusu in hunc diem, quæcunque parandi, retinendi, intendendi dominatus ergo, citra aut contra jus & fas, per vim aut dolum geruntur, hoc mangonio publice exponuntur, hoc titulo in vulgus obtenduntur. Cujus consuetudinis incrementa, certissima sunt rei & utilitatis publicæ decrements. quæ nuspiam magis deprehendas, quam, ubi ad felicitatis & potentiae summum sceptrâ pervenere. Ejus rei similitudinem & fata, ut sic dicam, *ἐγγίμνα* ut in doctrinam scholarumque studiis reperiamus, ante omnia cognoscendum est, *an hoc tempore quædam litterarum ἀκμή, studiorum excellentia, eruditionis principatus, in orbe Europæo vigeat.* Quod omnino affirmaverim. Eamus per præcipuas ejus provincias. Hispania haud dubie satis litterata est : Gallia superioris sæculi memoriam doctis viris illustravit, nec adhuc suæ laudi impar amat censerî. Eadem Italiæ conditio : quæ & ipsa non quidem verustissimam, sed veterem quam instauratis litteris meruit gloriam nondum plane dememinit. Anglia & Hibernia supra pristinam sortem longe longeque caput extulere. Dania & Suedia, numquam litteris cultiores fuere : nec fortasse Polonia. Belgium ad invidiam usque floret studiorum varietate & nobilitate. Et quid Germaniam nostram omitto? quam licet omni sævitia Martis furor ataminaverit, convulserit, imminuerit, nondum tamen penitus *ruit alto à culmine Troja* : sed perstat adhuc quoddam doctrinæ fastigium sive *ἀρετῆς*, quod partibus circumcirca incendio ambesis aut corruptis, veluti miraculo servatum, ostentui jussit esse gentibus Deus immortalis, ut diligenter ac cum mora pristini fati exemplum pariter & orbem, ferme impletum contemplarentur atque observarent. Id quod facile æstimant, qui viros doctos non consuetudine & opinionibus vulgi, sed facta prudenter ingeniorum operumque quibus tractandis divinitus admoventur, tum distinctione tum comparatione & conjunctione, didicerunt indicare. De scho-

larum multitudine aut paucitate nihil hic dicemus: quarum abusus, ubi crebrae sunt; & exempla industriæ, ubi rariores, ambigua æstimationem faciunt, cum de fati litterarii summa & profectu quæritur. Si ad instrumenta literarii nominis & paratum attendimus: superbit magnifice Bibliothecis Italia, præsertim postquam spoliis Germaniæ (quam alias contra plerorumque laudes poteramus nominare) priorem pompam amplificavit: æmulatur id institutum Anglus; sequitur, sed ut properet antecedere, Gallus; cum quo Belga concertat. De ipsa doctrinarum copia, perfectione, plenitudine quid dicimus? nonne ad magna & celsa & splendida pervenere? Quod cum dico, non obliviscor eorum, quæ inter excolenda potius quam exculta sunt: non eorum, quæ partim non tentata, partim vix tentata, partim tentando intricata, meliorem fortunam adhuc expectant aut sperant, aut ne sperant quidem. Quorum quantus sit numerus, soli ignorant, qui solidas omnium studiorum rationes ignorant. Verumenimvero perfectam omnibusque absolutam numeris eruditionem non habuit his orbis, non habebit, neque latere potest, cum de summis loquimur, ubi & quo sensu loquamur. Igitur, prout cæpi dicere, tam florentem studiorum in Europa statum, *ratio* nihil minus quam optima hujus aut cujuscunque alterius *status*, malo omne invasit, hætenusque magno molimine exercet ac debilitat, quæ sicut superioribus etiam ætatibus observari potuit in iis quæ supererant fortunæ publicæ ornamentis, ita nunc alia ejusdem ut fati, ita observationis periodus volvitur, in iis quæ supersunt. Statim enim nobis hic occurrit illud *ἡ ἀντιπαραβολή* ut Aristotelicam vocem huc accommodem; in quo ceteræ fraudis commenta continentur aut ex eo oriuntur, litteratorum doctorumque *Ἀντίχρησις*. nam & hoc Græcorum lingua dicendum est, qui rotunde exprimunt, illam æmulandi adversandique circa & propter studia libidinem, affectum, consuetudinem, artem. Philosophi civiles, cum inter gentes & in publicis rebus talia usurpantur, *ἀντιπαλίδες, ἀντιπάραι, ἀντιπαραστάται, ἀντιπαραστάται, ἀντιπαραστάται* appellant; & Latine *adversarii in gerenda rep. factiosi, amuli, inimici, malevoli, invidi, obrectatores inciviles, feroces, inquieti* cum similibus titulis, aliquan-

aliquando idem notant. vitium & frequens & diffusum, & insidiosum, & propterea plerumque exitiosum. tollit enim de publico, id quod est publicum, & quo est publicum. Quis itaque non metuat infamem & receptissimum hodie morem, quo ad injuriam studiorum aut contumeliam sufficit, *diverse gentis esse, aut in diversis gentibus litteris studuisse?* Namque hæc est prima & quasi generalis *ἀντίρροπος* cujus hypotheses & arcana hæc sunt: *domestica extollere, externa deprimere: ibi figuras, commenta, simulacra, inania, speciosa adhibere; hic fastidio, supercilio, mendacio, convitiis, probris uti: utrobique, nullam obtinendi instituti rationem turpem ducere: denique, de scelere, si occasio & res ferat, pro populari gloria, virtutem & laudem redigere: quod in reipublicæ administratione non dubitavit Pseudopoliticorum quidam commendare.* Ita Græci quondam (res misera & mirabilis!) cum haberent haud dubie eruditionis inter populos principatum, ne non viderentur habere, ceteros omnes magno fastu aspernati insectabantur etiam ut barbaros, adimebantque singulis, quæ cuique debebatur, laudem, cum suam ab omnibus non consentiri modo, sed cumulari quotidie cernerent. donec, fato ultionem meditante, in Romanos migravit tota studiorum felicitas. Sed & hic eodem caussarum eventuumque nexu circuloque felicitatem abusus, & patilis noxa, ream primo, mox exulem fecit. Equidem talio & jus videri poterat, cum Roma contemtoribus Græcis contemptum suum regereret: nisi quod prudentum animis altior fati veneratio insita, quicquid vanitate aut insolentia fortunam irritare consuevit, perpetua cautione damnat ac devitat. Quod si ad recentiora oculum reflectimus quis nescit quæ jam antea posui sine nomine gentis crimina? obtrectare inter se animo, lingua, calamo; deterere aliena merita, sibi famam studiorum vendicare: peregrinam gloriam, ubi palam attrectare non licet, tristi silentio damnare; aut cum alterius, itidem peregrini, injuria, tantisper fateri, dum ipsi inter se commissi, novum detrahendi argumentum præbeant. clarius loquerer, expressis titulis, nisi tam inglorii de gloria certaminis adeo me pridem fuisset pertæsum, ut in præsentia vel instituti

dememinisse videri malim , quàm ea dicere , quæ ingenuis auribus molestiam vel sola mentione possint creare. Illud planius est , quam ut possit negari ; indignius , quam ut occultari debeat : Exterorum multos adeo conspirata ambitione in Germanici nominis invidiam consensisse , ut clam palam laudes nostras imminutum eant. Qui insulse & imprudenter id agunt , ne mentione quidem digni sunt. Doctiores autem quis non miretur , cum Germanorum scripta oblique & aliquando , ut secretius noceant , perplexe arro-
dunt : cum in aliis , vestem scriptionis accusant , cujus ipsum corpus & solidas vires deberent æstimare : cum , ubi hac quoque parte satisfactum , dissimulatione tam fastidiosa peregrinam eruditionem ulciscuntur , ut quod legerunt , quod utile senserunt , nec legisse nec usurpasse velint videri : cum in suis , ut nova , & sibi primum observata , edunt , quæ alibi pridem sunt copiosius & diligentius pervestigata pariter & in publicum tradita : qualia plura nemo tam obsecræ naris est , quin dudum animadverterit. pæne nominatum prodidisse tum alia tum illud insolentiæ peregrinæ invidiæque gentilis insigne specimen , cum in editis alibi Magni viri epistolis , quas ipse ad alios & alii ad ipsum scripserant , ex *Caselianis* pluribus ne una quidem luci reddita est. cujus rei causam non aliam fuisse , quàm quod doctissimi viri patria & gens haud placuit , non conjicimus , sed compertum habemus. Scilicet urebant ambitiosos spiritus luculenta illa bona , quæ Deus Opt. Max. non larga tantum manu Germaniæ obtulit , sed munifica cumulavit. Videbant nuper hujus terræ , imperiique incrementa , imo apicem : ea lumina nolebant suo splendori officere , *hinc illa lacryma* : illa judicii morosi iniquitas , illa malignitatis machinatio. Hoc loco gratulatione prosequendi sunt Germani & miseratione. facit enim augendæ laudi nostræ , quod gnari fastus talis & rotiens ad paria provocati , simplici tamen æstimatione cordatoque animi proposito , alienam gloriam & agnovimus semper , nec parce prædicavimus. quanquam cum hujus meriti eventum quarimus , nostra ingenuitate aliorum arrogantiam auximus , atque audaciam nos spernendi intendimus.

Dura

Dum non pauci callide, candorem Germanorum in occasionem, sive in rationem sui status attollendi trahunt. Sexcenta possent memorari ejusmodi artificia, quibus hæc scena instruitur, ut nimirum, quod *Statistis* (concedatur nobis paulisper, ut ita loquamur) proprium & solenne est, *astus astu colatur*, ac persona quam sibi induit illa æmulatio, — *servetur ad imum*

Qualis ab incepto processerit, & sibi constet.

Disquirat forte hic aliquis de remedio & levamento hujus incommodi. quod si ab illis petimus, qui eandem histrioniam in civilibus negotiis exercent, statim in promptu erit vulgatum istud: *adversus vulpem vulpinandum; rationem status, ratione status deludendam; artem arti, fraudem fraudi opponendam: neque aliter hæc sacra constare.* Verum quis non videt, esse hæc dehonestamenta verius quàm præsidia Germanici nominis? cum cujus germana indole ac virtute pugnat, quicquid fucatur coloribus, simulacris obtenditur, inanibus emasculetur, vafricie corrumpitur. Quinimo popolare candoris decus & Christianam religionis integritatem professos unum pro omnibus arcanum decuerit: arcanis ejusmodi non indigere aut delectari. Quippe Deum benignissimum & sapientissimum bonorum omnium dispensatorem unicuique genti sua, nobis nostra dedisse. Quorum certam possessionem & securam apud eos, qui aliena non appetunt, sua non negligunt. neque nostra sane interesse, quid alii nos accepisse autument disputentque, dum modo nos semper meminerimus, quid in acceptis Deo ferendum habeamus. non enim splendori ad exteros aut ambitiosos, sed usui patriæ & reipublicæ inter Christianos ista destinari. Præter hæc & talia, fortasse & illud in consilii vicem veniat, quod hætenus equidem me violasse ultro confiteor: dissimulatione & silentio, rem ipsis censoribus & detractoribus nostris, si viri sumus & Germani, molestiorem vindicare, adeoque eadem opera gentilem istam *ἀντιχριστιανισμὸν* à nobis prorsum amoliri. Quanquam ne sic quidem malatum artium finem attingimus: offertur enim nunc genus non minus triste *ἀντιχριστιανισμὸν*, quod & ipsum pergentes passim diffusum, nec minus

minus, imo magis etiam priore noxium, *nomen ab ipsis studiorum disciplinarumque nominibus sortitur*: cum scilicet non ὁμότεχνοι modo & idem literarum genus tractantes hunc & sunt plerumque ἀνίτεχνοι, sed praesertim etiam, *qui diverso eruditionis opere occupantur, spernunt mutuo & spernuntur, invident & invidentur*. Theologi, Jurisconsulti, Medici, Philosophi, Philologi, nomina sunt non tam artis & scientiae, quam saluberrimae societatis & amicae pro republica conjunctionis: sed ratio illa status, quae cum ambitione in studia irrepsit, factionum & partium titulos facit. Quem ad modum in Civitate, Magistratum, dignitatum, potestatum officia atque jura non alia magi, ratione in distinctionem operis sunt partita, quam ut instituto operis ac fine in unum conspirent ac collineent. nisi quod, ambitiosa consilia nunquam patiuntur rempublicam esse rempublicam; sed consulatum praetura, praeturam consulatu, aut utrumque tribunatu, aut tribunatum utroque, & sic cetera ceteris oppugnant: & dum in singulis contentiose patentia affectatur, universi corporis vires enervantur. Indignum factu! studia in mutuas operas nexu naturali devincta, in amicitiam proprio instituto ordinata; in consensum salutis publicae Christiana religione consecrata, tantum à seipsis degenerare, ut in dissidiorum, æmulationum, causas & artificia non raro valeant. ita perit singulis, quod universos nobilitare poterat, publici actus efficacia & religio. in cuius locum quid succedat, & quibus rationibus succedat, differo explicare. Nam & atrocia & fœda sunt, ad quae deveniunt nonnunquam, qui ex alterius studii ordinisque fama sibi infamiam, famoso timore metuunt; aut obliquae mentis pravitate abrepti, publici privati obliviscuntur, dum libidini suae obsequantur, & obtrectanti cacoëthes expleant. Ac cetera quidem occultius aut insidiosius geruntur: in humanitatis studia & philologiam, velut agmine facto, palam impressio datur: & ne quid ad extremam vim reliqui fiat, linguarum, antiquitatis, historiae non trivialis illa, sed seria & accuratior tractatio, *ineptiarum, quisquiliarum, stultitiarum* probris à quibusdam traducitur, adeoque id, quod singularis muneris nomine mortalibus semper consuevit imputare supremus sapientiae mode-

moderator, injurio in Deum hominesque fastu inter rejectamenta despectatur. quæ figura tam prodigiosa est, ut nullius rethoricæ technologia tropum adeo insolentem excusari posse pro comperto habeam. nisi quod *Ratio status*, quam incuso, ut in ceteris à regula & recto abit, ita nomenclatione plane nova & inaudita plerumque utitur. Oportet enim ut talia sint, quæ novam & supra fidem rerum, auctoritatem, scientiam, eminentiam, opinionem cupientibus immensa animis apud homines conciliare debent. Sed, non revelo τίτε τῷ παρθεῖς τὸ ἱερὸν ἀλίουμένον, καὶ ὑπερφανὲς καὶ κρύβιον, καὶ κακοπραγὲς, καὶ τοῖα ἄλλα. Properandum enim est ad tertiam ἀντιτύχην: quæ titulum est & honoris litterarii. cum antiquitus jam obtineret, ut egregii labores, præcipue publici, tum aliis præmiorum generibus, tum quibusdam præmiorum testimoniis & mansuris in meriti honorem cognomentis ornarentur: æquissimum erat, præstantissimis quoque laboribus & utilissimis (tales autem sunt litterarii) istud decus non denegari. Ea Magistrorum, ea Doctorum, per quos pleraque in studiis hodie geruntur, origo. Salva utrisque dignitas & tranquilla, si de dignitatis causa utique constanter cogitassent. sed inirium injuriæ à potentioribus factum. Hi cum plus titulum, quam eruditionem aut merita sua in animo & ore haberent, eademque existimandi ratione erga alios uterentur, cœperunt aliquando viros præstantissimæ eruditionis &, si exciperes minoris tituli insigne, cetera innoxios nec privatim aut publice male meritos despiciere, vexare, subfannare, deniq; (nam huc summa ejus arcani redit) infra fastigii sui majestatem alte deprimere ac ferociter contundere. quid tibi voluerit amplius istud institutum, nemo nescit. Pupugit ergo conditorum quorundam indolem: neq; ferendum videbatur, honores eruditionis & insignia super ipsam eruditionem æstimari. esse quædam studia, quibus licet minores aut nullos titulos consuetudo decreverit, non minor interim labor impendatur, sed nec emolumentum in republica minus debeat. aliud in juvene præmiis donatum, aliud in viro æstimatione & pretio dignum. quot præterea reperiri, qui, variis de causis, titulorum insignibus vacui, ingenio, meritis, doctrina, nemini titulis splendido concedant, sed nec raro tales superent. Servaretur sane gra-

dus & ordo, & præstantiæ differentia: sed citra injuriam aut fraudem personæ, functionum, scientiarum, quas nec pendere à nominibus magnis, nec obumbrari debere. Dicemus, hætenus bene philolophatos, qui intra modestiam & testationem suæ injuriæ subistit. ceteros in vitii alieni, quod damnabant, affinitatem nimium admissus intra præcordia retentusque dolor egit, & de ἀνίσταται nequaquam laudabili commonuit, in posterum enim titulos solennes & Academica honestamenta ludibrio vexarunt, risu & satyra notarunt, odiosissimaque abusu exagitatione rei totius splendorem obscurarunt. Atque hæc secta spernendorum nominum magnis nominibus se approbasse visa est. inveniasque, qui non parum suæ gravitati se arbitrentur velificari, si festivis ex occasione dictariis ceteroque arrogantia apparatu, in honestissimos ritus & cæremoniam invehantur. Qua re duo potissimum assequi contendunt: ut adversarios, quos sibi constituere, premant & possessione solitæ laudis depellant; tum ut declinando in extrema, dum longissime ab invidiosa titulorum affectatione & usurpatione videntur remoti, non tam nullis quàm aliis nominibus gloriam sibi comparent. Quali ferme astutia, Augustus cum dictatoris & Regis & Domini honores ac jura reapte obtineret, diligentissime & cum averfatione nomina ipsa abnuit, diversissimoque Principis vocabulo vim dominationis totam corripuit & complexus est. Notari procul dubio pridem potuit, me in evolvendis magni illius sophismatis literarii, quod ἀνίσταται appellacione hætenus indicavi, artibus, calliditatibus, adminiculis, subsidiis, momentis denique illius αἴτιος ἀνίσταται, festinanter, adeoque parce ac perfunctorie versari. Imperat mihi hanc rationem dicendi, temporis angustia, argumenti amplitudo, vestrarum aurium reverentia quæ diutius detinendæ non sunt aut delassandæ. Alias per hoc vestibulum ingressi, litterarios statistas (perseverabo enim ita loqui) in ipsis conciliabulis suis adytis, inter arcanas callidasque provisiones, & immanium molitionum mediramenta poteramusprehendere. Pompejum alicubi & Cæsarem, quorum nec ille parem, neque hic posset superiorem ferre, suæ furia exercerent, atque ad obtinendum per miras artes eruditionis in regno litteratio principa-

cipatum, sive ejus famam stimulant. Alibi cerneremus ingens & prodigiosa molis cœptum, cum insolentissimæ atque violentissimæ *παρρησιας* titulo & imagine assumpta, aliquis audacia pro jure usus, omnes doctrinas, scientias, artes repentino & arbitrario dominatu terreret aut attentaret. cui consilio quod comparem non reperio aliud, quam infaustum illud infestumque Hispanicæ Monarchiæ idolum, quod terribilimento gentium prostituere studuerunt, qui omnium & rerum & hominum dominum esse Hispanum, turpius an superbius aut iniquius, non dixerim, jactitarunt. Licuisset quoque eruditorum qui usquam sunt, unam veluti civitatem constituere: ponere ea ordines; distinguere senatum, notare equites, præficere magistratus, partiri populum. in hac equiti sua adversus Senatorem, huic adversus illum & populum arcana; in hac, essent, qui exemplo Octavii Romani, modo senatus modo populi favorem indeque potentiam ambitiose affectarent; qui cum Curione procellas populares excitarent, cum Cæsare senatui imposerent, cum Tiberio omnes ordines simulacris & inanibus suspenderent & sensu ejus, quod ageretur, diverterent. Nec disconvenirent instrumenta, quibus quisque spei suæ tenderet. Satellitum numerus & nationes & artes: jactæ in vulgus voluptates & ludicra & missilia, quibus plerique hodie supra doctissimorum præconia provehuntur. grandia nomina, speciosi prætextus; magnifici oris spiritus, & aliquando non minores minutiloquii insidiæ. inita, quoties conduceret, cum impiis federa, rescissa apud bonos, blanditiæ apud simplices; minæ apud vividos & erectos. ingentia magnorum & utilium operum promissa, quæ ne attrèctare quidem destinavit interrim promissor, publica altercatio: intestina bella, clades, tumultus, pax rursus, & in ea technæ armorum. Hujus generis pleraque ad instituta & exempla Politicorum, quibus occulta & vafra, qualem Florentinus veterator non formavit (quæ enim resp. non sensit hanc labem?) sed in publico laudavit, *ratio status* tanquam artis compendium placet, possent non inconcinne examinari contendique, ut intelligeretur denique ac judicaretur, de fato totius status litterarii: cujus dum intima hic morbus pervasit, quod proximorum præsentium-

que documentis temporum liquet, prudentibus non immerito suspecta et futurorum conditio & formidolosa. quam divinationem ut plane patiantur irritam esse, prodigia nostra, eventa antiquioris ætatis, valde veremur. præsertim cum accedat insaniendi pereundique obstinatio, justaque & certa Dei talia averfantis indignatio, quæ rerum quarumcunque statum solenni lege & more convertit aut subvertit, quoties *perversa illa ratione gubernandi status* irritatur. Quod si enim aliquis mori potius hominum & consuetudini artium isthæc tribuenda, adeoque nulla hinc majoris rei autumat præfagia petenda, is mihi negligentibus & imperitis in scena spectatoribus similis esse videtur: qui inter dramatis actum non cogitant de dramatis *καταστροφῇ*, & in ipsa catastrophe actum omne in dememinere. Sed nec proxima & quæ in partibus geruntur suffecerit cordato sapientique viro observare. licet enim singularem gentium, civitatum, locorum fortuna, multa trahat ex causis & similitudine universi fati: longe tamen alia & altior philosophia est, quæ summas rerum & contextum illum ampliorum complectitur. ex quo plenius nimirum & uberius de divinæ providentiæ operibus, de divinorum operum prædictionibus, de tota denique prudentia iudicium fieri potest, & acquiri disciplina. Fueritque hæc veluti Academia prudentiæ; sicut inferiorum scholarum & particularium, quas vocant, in rerum particulis cognoscendis imago quædam statui potest. Sed nos manum de tabula. in qua rudes & primores tantum lineas signavimus: *incedere in re litteraria & scholastica pravum morem, & perversam status tam nobilis agendi rationem, publico inimicam, privata cujusque libidini opportunam, plenam superbia, invidia, emulatione, arrogantia, discordia, injuria, calumnia, iurgio, ceterisque malis, adornata in diversos vultus specie vastre dissimulatis, eoque nocentioribus cuius lex suprema sit, adversari mutuo & ἀντιπρῆξιν, ita convelli intestino vulnere societatem doctrinarum & firmitudinem regni litterarii: quod & ample diffusum, & splendide auctum ornatumque, dum malis artibus regitur, singulare periculum & conversionem minari: præsertim cum magnitudo per se onerosa sit & lubrica & sapius fatalis. Faxit æternus universi fati litterarii moderator, ut ἀντιπρῆξις tam ominosa*

&

& ἀνίσταται (quam paganisimi characterem & veluti notam propriam Sancti quondam Patres judicarunt) ex oculis Christiani visceribus bonæ pietæque mentis artibus expellatur, supremæque doctorum & nostra ratio status sit; status inquam administrandi, tuendi, firmandi, amplificandi; *Deum nostri status auctorem venerari, & rectorem invocare, & inspectorem revere-
ri, & judicem metuer.*



COMPARATIO MILITIÆ VETERIS ET NOVÆ.

Bellorum originem tristis quidem primi Auctoris memoria infamat, humanæ verò Societatis securitas eorundem necessitatem ultrò commendat. Bellum enim gerere, licet nonnulli, aut ex mitioris mansuetudine ingenii, aut aliis ex causis, olim iniquum judicarint, tamen experientia testatur vim injustam non nisi armis interdum ab aris & focis posse depleri. Nemo igitur hodie dubitat, quin hostibus obviam eundum, impendentia pericula magnanimitate propulsanda, Patria Parentesque armis tegendi sint. Quo factum, ut omnes Gentes artem militandi crediderint necessariam, inque ea subinde aliquid novi attulerint, & quasi inventis bellorumque usu, alter alterum æmulatus fuerit. Possent quidem adduci Nationes vetustissimæ, Assyrii nimirum, postea Persæ, tum quoque Græci, ut præcipua magni in re militari studii exempla; sed Romani in suam militiam omnium Gentium priorum inventa conduxisse, eamque novis quoque commentis auxisse videntur. Siquidem divina providentia huic præsertim Monarchiæ plurima maximeque bella gerenda attribuit. Itaque celeberrimus Scriptor militaris *Vegetius* sibi temperare nequit, quin in hæc verba erumpat initio sui operis: *Nulla, inquit, aliâ re videmus Populum Romanum orbem subegisse, nisi armorum exercitio, disciplina ca-*

strorum, usuque militia. Quid enim adversus Gallorum multitudinem paucitas Romana valuisse? Quod adversus Germanorum proceritatem brevitatis potuisset audere? Hispanos quidem non tantum numero; sed etiam Viribus corporum nostris præstitisse manifestum est. Aphrorum dolis atque divitiis semper impares fuimus, Græcorum artibus prudentiaque nos vinci, nemo unquam dubitavit; sed adversus hæc omnia profuit scientia rei bellica. Quæ jactatio ad rem penitus inquirendam ac ponderandam, me quoque invitavit: An hæc bellandi scilicet peritia, quoniam successu temporis pleraque immutata sunt, adhuc floreat, aut supra priorum inventa, aliis exculta accessionibus, ad majorem perfectionem perducta sit?

Volentibus igitur considerare Veterem & Novam Militiam, altera alteri quid præstet, attendendum est: *Primò* ad apparatus & instrumenta militiæ: *Deinde* ad Vires Ducesque & Milites: *Denique* ad Consilia belli, artesque. Apparatum dicimus copias, res necessarias, instrumentaque belli, ut ea semper provisa, parata sint. Non autem hic agemus de administratione ætarii seu pecuniæ, quæ nimirum peculiarem exigit disquisitionem: sed paucis verbis tantum attingemus ea, quæ ad comparandum prius, quam gerendum bellum pertinent. Quam verò industrii hæc in re fuerint Romani, et si Exemplis non paucis docere possemus, tamen nobis satis erit, sub exemplo tantum Mithriæ prætorii Præfecti, hanc industriam proposuisse. *Nam hujus Viri tanta in Republ. dispositio fuit, ut nulla esset unquam Civitas Limitanea potior, qua non posset Exercitum populi Romani ac Principem ferre, qua totius anni in aceto, frumento, & larido atque hordeo & paleis condita non haberet: minores verò urbes alia triginta dierum; alia quadraginta, nonnullæ duorum mensium, qua minimum quindecim dierum. Quæ dispositio admiranda nobis videtur, si ponderamus omnia oppida ita fuisse instructa, ut majora per totius quidem anni spatium; minora autem ad tempus aliquod pro toto videlicet quodam Exercitu, copias haberent præparatas: sed augebitur admiratio hujus apparatus, si tempora consideramus, quibus illud à Mithreo sub Gordiano nimirum Imperatore effectum est, cum jam priorum Principum vitia*

Rei.

Capitolinus
Gordian. 3.

Reipublicæ dispositionem non parùm corrupissent. Ne autem hic Præfectus Prætorii solus videatur admirabilis, intelligi etiam debet, hæc ab illo fuisse procurata, imitatione meliorum temporum & Principum. Scimus enim, imò historia abundè docet, Augustum Imperatorem, ut omnium bonorum ferè in Republ. exemplorum, sic etiam hujus longè antea Auctorem extitisse. Nam ille minimè ignorans tantam Imperii molem sine Exercitibus stare non posse, omnia providentissimis dispositionibus ordinavit. Cujus rei *Dionem*, *Suetonium*, aliosque gravissimos Auctores habemus. Sicut igitur huic Principi cura in defendendis terrestribus limitibus magna, ita nec minor in tuendis maritimis fuit. Ut enim Classes semper in procinctu haberet, duo Castra navalia, alterum ad Misenum mari pimum infero, alterum autem ad Ravennam mari scil. supero constituit, dato utrique Classi præfecto, vel Admirallo, (ut hodiè loquuntur) cum sex armatorum millibus. Hi universi Maris mediterranei curam agebant, ut Conatus Prædonum primo impetu opprimendo Mare tutum redderent, aut si hostium Classes se commovissent, in promptu essent, aut si qua expeditio Mari facienda esset, ad hæc duo loca Conventus Nautici indicerentur.

Vide
Thom. Ri-
vium lib.
1. Hist. Na-
val. med. c.
3 & 4.

Denique propriè hûc pertinet magna illa & incomparabilis, & à prudentibus apud *Tacitum* summis laudibus ornata dispositio, quâ nimirum *Legionem*, *Provincias*, *Classes*, *cuncta inter se connexit*, atque ita Imperium tum armis septum reddidit, tum obtinuit quietum. & sicut hæc dispositio imperium Romanum munivit, ita postea ejus neglectio multa magnaque incommoda attulit. Sublato enim præsidio militari, factum est, ut ingentes barbarorum copiarum ripas Rheni & Danubii Legionum præidiis nudatas trajecerint, viciniioresque sibi Imperii occidentalis provincias invaserint. ita Franci & Burgundiones Gallias; Hunni & Gepidæ Pannoniam, & Illyrium & reliquas cis Danubium Germaniæ vicinas Provincias, atque alii alias invasere, ita ut sola in Imperatorum occidentis ditione relicta esset Italia. Quàm igitur ordinarii milites præsertim magnis Imperiis, necessarii sunt, ab Historicis quoque indicatur, notato hâc in re Parthorum errore, qui, cum potentissimi

1. Annal. 9.

Onuphr.
præf. lib. 4.
fast.

Herodian.
lib. 3. x.

V. Pol. I.

Laur. Mel-
lier, in dis-
cuss. milit.
& Polit. ad
Tacit. pag.
9. discours
quatrief-
me, que la
difference
des armes
&c.
Lib 9. c. 19
II. A. 22.

pag. 702.
doutieme
de l'utili-
té de s. Ca-
non.

essent, numero, opibusque, tamen plurimum ipsis in bello no-
cuit, quòd ingruente bellandi necessitate, nullum ordina-
tium militem habuerint; sed tumultuariam manum coacti
fuerint colligere. Quapropter laudandus est *Lipsius*, quod
prudenter ordinarios ac subsidiarios milites distinguit, & utros-
que magnis Principibus, ut decus in pace, & prædium in bel-
lo commendat. Sed ad instrumenta belli præsertim etiam per-
tinent ipsa arma & machinæ militares. quippe multum refer-
re quo armorum genere aliquis utatur, patet ex *Livio* in aureâ
illa egressione, ubi *Alexandri Macedonis* & *Romanorum* mi-
litiam comparat hisce verbis: *Arma, Clypeus, Sarissæque Ma-
cedonibus: Romano scutum majus corporis tegumentum & pi-
lum hand paulò quam hasta vehementius ictu missuque telum.*
Tacitus verò in describendo *Romanorum* cum *Germanis* præ-
lio, notabili comparatione id observat, cum inquit: *Nec mi-
nor Germanis animus, sed genere pugna & armorum superaban-
tur.* Longum esset percensere, fabricas scutarias, loricarias,
arcuarias, clibanarias, hastarias, ballistarias, quæ magno nu-
mero provinciatis sub Imperatoribus Romanis instruebantur.
Neque Machinas & opera oppugnandis aut defendendis mu-
ris reperta, arietes, testudines, Vineas, pluteos, musculos, sam-
bucas, tollenones, balistas, scorpiones, variasque turres hîc
prolixè referre vacat. Quippe hæc in obviam notitiam posue-
re, ex antiquitate quidem *Vegetius*, è recentioribus in Polior-
ceticis suis *Lipsius*. Sed illud hîc statim utilius fuerit disqui-
rere, quænam sit horum Instrumentorum cum modernis com-
paratio. Incipiemus enim ab eo, quod ultimum posuimus, ut
ad primum retro veniamus. Non desunt inter viros doctos,
qui existimant, machinas Veterum bellicas & arma idem præ-
stitisse, quod hodiè præstant bombardæ, ac tormenta pilas mu-
rales jacentia. Ita sentiunt eâ de re celebris ille *Italus Scipio*
Amiratus, è Gallis quoq; idem argumentû in discursibus milita-
ribus & Politicis ad Tacitum tractat *Laurentius Melliet*, nec gla-
diis, inquit, nec pilis muros perfringere ulla manus possunt, præ-
sidium igitur à machinis bellicis sumendum, quarum etiam Ve-
teres invenère & varias & effectû admirandas. Nam inter co-
rum instrumenta ad jaciendos magnos lapides & subruendos mu-
ros

ros

ros fuit & balista, qua tam graves emissiones habuit, ut nihil tam longinquum quin subrueret, & instar fulminis penetraret ac per-
 rumperet id in quod incideret. Cujus rei locupletes testes erunt
 balista illa, quibus Batavi in obsidione Veteris Romani Castellī usi,
 magna præsistere. Nam excussa, ait Tacitus, balistis saxa stra-
 vere informe opus. & Corbulo expugnavit uno die Volundum,
 immittendo nimirum vibrandoque missilia candentia, ac faces
 ardentes; sicut hodie nostri glandes sclopetarias jaciunt. Quibus
 exemplis & compluribus aliis balistæ & machina veteres, quanquam
 nostris tormentis diversa, tamen eodem ferè effectus habuisse &
 præsistisse videntur: nimirum in evertendis turribus, perfrin-
 gendis muris, cadendis hominibus, & defendendis locis. Ita
 hæcenus ille. Sed sanè multa in contrarium dici possunt, quæ
 ostendant Sclopos sive fistulas, & tormenta majora longè ce-
 lerius & facilius ea efficere, quæ Veterum tormentis tardè &
 ægrè, aut ne quidem efficiantur. *Laonicus Chalcochondylas* libr.
 5. de rebus Turcicis, ubi Bombardas describit, ad commune
 orbis judicium provocat. Orbis, inquit, judicat, bombardas,
 arma & munimenta esse optima, id est, accommodatissima instru-
 menta, & ad inferendum, & ad propulsandum bellum. Id
 quod aliis in locis, repetitis bombardarum elogiis ostendit: sed
 & illud magnum est præstantiæ argumentum, quòd à Germa-
 nis in totum terrarum orbem progressus est bombardarum u-
 sus, cunctis scilicet Gentibus priora arma huic invento postha-
 bentibus. Jam, quid de cuniculis dicemus? quorum usus Ve-
 teribus non quidem planè incognitus fuit, sed reverà nihil ha-
 buit, quod cum nostris Cuniculis comparari possit: quando
 ignea & sulphurea ex abdito vis ingentes moles, munimenta,
 propugnacula, arces, maximosq; montes subruit & in aërem dis-
 sipat. Admirabile hoc inventum immittendi pulverem tor-
 mentarium Cuniculis militariis plerique adscribunt *Petro*
Navarro Cantabro, qui scilicet, in arce Luculliana, quæ ovi di-
 citur, propè Neapolim primum specimen ediderit. Sed *Franci-*
ciscus Georgius Senensis primum excogitavit hoc genus mili-
 taris machinæ, à quo *Petrus* ille *Cantaber* didicit. Sicut col-
 latis, quæ hæc de re scripserunt *Cardanus* & *Guicciardinus* con-
 ciliarunt *Vannochius Birngucius* & *Gerhardus Joannes Vos-*

Vid. Guic-
 ciard. lib. 6.
 Histor.

Theol. Gen
 til. lib. 2. c.
 63. fin.

T t t t t

fin

lib. 7.

sus. Nihil dicam de armis cæteris gladiisque, quos videas comparantem apud varias nationes, & dijudicantem, *Laonicum Chalcochondylam*, quem supra laudavimus. Cæterum, quod ad connexionem Virium militarium attinet, haud dubie nullum exemplum in recentioribus historiis dari potest, quod undiquaque cum Augusti ordinatione possit conferri. Sicut nec copiarum, armamentariorum, officinarum dispositio ad Mili-thei exemplum, & Veterem Romani Imperii formulam accuratè respondebit, si Regnorum statum à propioribus seculis inspiciamus: negari tamen non debet maximis quibusque regnis usque in hunc diem magnam talium dispositionum curam fuisse. Sicut eâ de re brevitaria & instrumenta publica leguntur. Ita de Galliâ memorant, non minus victu atque armis instructam, quam populosam semper fuisse. Nulla enim Civitas (ut est apud Scriptores ejus Regni) limitanea est, quæ non sit munita, præsidii firmata, & armis, tormentis, aliisque ad bellum necessariis instructa. Nervus autem militiæ Gallicæ in milite terrestri positus, & quidem magis in equitatu, quàm peditatu cognoscitur. Nam equestres copiæ sunt omnes nobiles, qui nimirum certo equorum numero pro opibus beneficiarii prædii præstò esse, & Principi operam militarem navare tenentur, & quia nobilium numerus magnus, itaque nec minor quoque equitatus habetur. Sed hæc de Galliâ: nunc de Hispaniâ. Cujus Monarchiæ membra jungi pridem poterant vñribus maritimis. Rex enim, duobus Castris navalibus, mediterraneo & Oceano mari constitutis, omnes status, quos in Europâ & novo Orbe possidet, unâ junctos tenere solebat. Quid verò adhuc nuper Hispanus mari potuerit, remittunt nos plerique ad apparatus illum Anno Christi M. D. LXXXVIII. factum, quo scil. tempore illam *Invincibilem* vulgò dictam, Classẽ extruxit contra Angliam. Sed non absurdè huic dispositioni maritimæ terrestri quoque æquiparari videtur. Præter enim pedestres copias, etiam multas equestres alere Rex solet, nimirum in Hispaniâ, & aliis in locis sex millia equitum, quorum numerum ingruente bellandi necessitate, faciliè in majus excrefcere posse Vasallorum, quos vocant, officio cognoscitur, qui numero utique non pauci, servitia bellica Regi præstare omnes tenentur.

Vid. Les
Estats Em-
pires &
Principau-
tez du
Monde.

Vene.

Venerorum quoque in re militari fertur eximia dispositio. inter omnia enim benè composita, elucet etiam armamentarium admirandum tam ob amplitudinem quam ob ædificii magnificentiam, apparatusque omnium rerum necessariorum. Alienum autem videtur hîc prolixè illud describere. quippe in hac Martis officina laudanda, accuratèque delineanda consensit complurium industria. Satis igitur nobis erit uno verbo indicasse simile ejus non reperiri per totam Europam. Et quoniam placuit nonnullis opinari Galliam & Hispaniam esse quasi lances in Europæ librâ, & Angliam lingulam sive libripendem; itaque duabus illis lancibus, ut ipsis placet, hanc lingulam adjungemus. Videtur igitur Anglia minimè invidere cæteris regnis apparatus suos. quippe mari & terrâ Vires in promptu habet, ad propulsandos omnes insultus externos: quadringentarum enim navium anchoris patriam semper niti, jam olim gloriatur Britannus; & hosti ingruenti opponi posse Exercitum centum millium peditum, & viginti millium equitum quoties quinquaginta Comitibus miles imperatur, in breviariis Anglicis habetur. Et quid de bellicosissimâ nostrâ Germania dicemus? quæ illas lances, quas diximus, suâ manu poterat librare, si suis uti Viribus constanter & concorditer perseverasset. sed nescio an semper satis diligenter provisio ejus rei administrata sit. Nobis per modestiam non licet, in ea, quæ cæptu nostro majora sunt, odiose inquirere. Recordamur tamen gravissimi illius Consilii, quod *Augerius Bæbequius* superiori seculo, de re militari contra Turcam instituendâ, diligenter perscripsit. Ubi castigatâ hujus rei negligentia, prudentissimè suadet, ne quiescant Germani, donec ad minimum præter ordinaria præsidia, duodecim millia ex Germanis delecta habeant, eaque diligentis armorum exercitio ad omnes usus belli condocerant. Idque vel Turcorum exemplo, quorum imperium virtute & numero Janizarorum tanquam parato semper, expeditoque præsidio unicè firmatur. Claudemus hunc locum illo *Xenophontis* dicto, cum inquit, eos qui semper in promptu & expedita habeant arma, hoc consequi, ut amicos habeant multos, inimicos nullos.

Camden.
in Elisab.

lib. 5 polit.
cap. 10.

Accedendum nunc est ad milites & duces, quorum virtute & consilio res militaris administratur. Atque si de Europæis Gentibus loquimur, apparebit nondum eas degenerasse à veteri virtute & militari confidentia. Licet enim fortasse una & altera Gens antiquæ laudi bellicæ minimè par sit hodie, tamen nolumus nunc talia odiosè disquirere: cum certum sit (ut rectè animadvertit *Lipsius*,) è quavis Europæ parte non minus hodie, quàm olim posse manum bellis aptam congregari. Sed illud in dubio est, an ea, quibus milites homini fiunt, æque nunc ac olim in usu sint? Delectus enim est & disciplina, quibus militi robur, militiæ decus conciliatur. Hinc Veteres fastidiosè legisse milites intelligimus. minimè enim ignorantes fundamentum Regni Romani in prima delectorum examinatione consistere ponderabant in milite patriam, ætatem, corpus, animum, vitamque. quem postea armis simulatâq; pugna excercebant, & non minus ad ordinem agminis, quàm ad imaginem omnem præliorum assuefaciebant, ut quæcunque evenire in acie atque præliis possunt, omnia in campestri meditatione prænosceret. Quibus exercitiis atque variis laboribus induratus miles non minus sua arte, quàm virtute hostem profligabat. Hic jam videmus nostram ætatem longo intervallo esse inferiorem. de quâ re, quoniam nolim mihi ipsi censuram sumere, adhibebo duorum eruditissimorum Virorum judicia *Lipsii* & *Hermanni Hugonis*. quorum ille, cum ad delectum describendum accedit, respectu nostrorum temporum ita loquitur. *delectus qua forma apud nos? nulla. Emunt militem non legunt, ut queritur apud Tacitum Galba. Pecuniola proponitur, tympanum strepit, & ecce coeunt aliquot inter se ignoti, ignorantesque. Purgamenta urbium suarum, vocat Curtius. quibus ob egestatem & flagitia maxima peccandi necessitudo est. Pleriq; profectò tales (nam omnes absit ut culpam) aut si qui melioris notæ, immixti faciliè abripuntur, & velut obducuntur, à reliqua illâ face. Hermannus autem Hugo, cum de equitum delectu*

lib. 5. vult agere, cum gemitu orditur: Quò abiisti, inquit, priscum militiæ decus? Eques legi quondam solebat virtute, nobilitate, robore. quid nunc? ô mores! Eques non legitur, sed qui vis de trivio arripitur, nulla discrimine, lixa an calo, Vibices dicam, an vo-

mi-

micus Martis nostri? Et postea *Lipſi* quoque descriptionem adfert, ſuoque iudicio approbat, inquiens: *Non poteſt Lipſio odium conciliare tam certa notaque Veritas: vident, fatentur omnes, adeoque ſi rediret junior aliquis Africanus, pullo ſe indueret ſago, & perambulans caſtra, diceret; lugere ſe infamiam Exercitus.* Neque circa diſciplinam melius res geritur hodie. Hinc tot querelæ: & deplorationes Scriptorum rei militaris, cùm de diſciplina tractant. Itaque haud dubiè Metellis & Corbulonibus opus, qui res lapſas inſtaurent, & militiæ decus ſuum reſtituant. Quorum ille (Metellus) majorum diſciplina laborare cœgit exercitum ſibi à Sp. Albino Proconſule traditum inertem, imbellem, neque periculi, neque laboris patientem, violentum ad prædas, & ignavum ad prælia. Itaque is exercitus (ut cum *Salluſtio* loquar) prohibendo à delictis magis, quàm vindicando confirmatus, & edicto adiumentum ignavia ſublatus fuit. At Corbulo non minoribus fertur laudibus apud *Tacitum*, quàm Metellus apud *Salluſti* XI. A. 12.

*um: Cuius præſentiâ legiones operum & laboris ignare, populationibus latentes veterem ad morem reducæ videbantur. tales, inquam, Viri nobis hodie optandi ſunt, quoties trifti oculo cum Lipſio intuemur Duces ſine imperio, & milites ſine obſequio, inter diſciplinam negligentes aſpernantesque: adeò ut Imperatoris munus, & militis officium de hiſtoriis vel libris potiùs reperendum videatur, quàm ab exemplis. Sed quid, ſi *Julius* aliquis ſe nobis hîc opponat, & milites laxè etiam habitos benè pugnare poſſe affirmet? Notum eſt illud *Julii Cæſaris* apud *Suetonium* qui, cùm omnem paſſim in *Julio c.* laſciviendi licentiam militibus ſuis permitteret, jactare ſolebat: 67.*

militēs ſuos etiam unguentatos benè pugnare poſſe. Et fanè, frequens hodie eſt iſta cantilena, utinam magis decora. Nam *Julii Cæſaris* exemplo ſe tueri non poſſunt, qui animadverrent *Julium Cæſarem* per bella præſertim civilia illaudabilem illam indulgentiam adhibuiſſe. neque ſufficit fortiter gere-re bella, niſi & ſine turpitudine gerantur. Æternam infamiam habent *Oſtonianorum* ac *Vitellianorum* temporum bella, in quibus an plus fuerit acerbitatum, an verò libidinum, dubitant ſcriptores. In bonorum Virorum animis eò triftior eſt

est hæc cogitatio, quia Turcarum barbaries, quoad disciplinam militiæ, longè minus barbara est: adeò, ut sæpè licentia Christianorum exercituum, occasionem victoriæ immensissimo hosti aperuerit, sicut Historiarum monumenta abunde pro nobis loquuntur. Conferunt alii culpam non levem hujus rei in certas nationes, quasi præ cæteris intractabiles, & exaudiendis Imperiis inassuetas: Unde *Thuanus* descriptionem prælii inter Nassovianos & Hispanos apud Monacum tali clausulâ finit: *tanta Victoria Hispanorum præcipuè virtute parva, fructum eorundem insolentia corrumpit, dum complurium mensium stipendia per seditionem repossunt: quod illis post pugnam ut Germanis ante pugnam solenne est, exitioso pariter exemplo & exitu, cum & alteri rei bene gerenda occasionem adimant, alteri re bene gestâ, ut successu careant, efficiant.*

Thuan.
lib. 19.

Vellei. lib.
1. c. 13.

Le par-
fait. Ca-
pitaine.

Lips. lib. 5.
cap. 15.

Progrediendum nunc est ad Duces, quorum tam illustria apud Veteres præfulgent nomina, ut fortasse obscurari videantur primo aspectu hodiernæ militiæ laudes. Videmus Romanos Scipiones, & postea Julios, Augustos, Tiberios, viros omnibus artibus instructissimos, qui juxta armis & studiis clari, ut corpus periculis; ita animum disciplinis exercere. Nihil quod ad morum politiam, quod ad Sapientiæ apparatus, quod ad actionis solertiam atque promptitudinem pertinet, in ipsis desiderari potest. Quicquid *Onosandri Strategici* præceptis docetur, id Cæsar aliquis exemplo exhibet, sicut rectè existimavit Gallus ille, qui ex militia Cæsaris delineavit Ideam perfecti ducis. Et fortasse haut paulò efficacius docet, qui tantorum Ducum personas, loco omnium præceptorum proponit, exponitque. Interim tamen, si eamus ad Philosophorum quoque Scholas, & ex *Cicerone* aliquo innumerabilium, quibus Duces eminere debent, artium copiam admiremur, semper nobis exempli loco Vetustas prædicabit viros omni bellorum fortunæque genere exercitos, quibus labor in negotio, fortitudo in periculo, industria in agendo, celeritas in conficiendo nunquam defuerit: qui innocentia, temperantia, fide, facilitate, humanitate nemini cesserint, quorum actiones semper gubernaverit ratio: nunquam præcipitaverit temeritas: quibus ad res maximas gerendas divinitus adjuncta fortuna præ-

sto

sto fuerit ; quorum nomen apud hostes , apud cives plenum auctoritate & veneratione perviguerit.

Verumenimvero , si in his tantum hæreamus , neque recentiorum quoque temporum Heroas admiremur , fortasse non immeritò aliquis nobis illud *Taciti* objectabit : quòd *vetera extollamus recentium incuriosi*. Non jam dicam , Veru- 2. Annal. cap. 88.
statem nimis interdum indulgere amplificandis suis laudibus (maneat enim per nos & perennet intacta priscorum ducum gloria) sed profectò vel soli Impp. Romani , ex quo imperium translatus est ad Germanos , suppeditare nobis possunt illustrissima exempla omnigenæ laudis artisque Imperatoriæ. Quis enim nescit quanta belli fulmina fuerint Octones , Henrici , Conradi , Friderici , Caroli , aliique , quos melius æternus Annalium honor , quàm nostra prædicatio commendat. Quod si hic à Galiarum Gentium Reges aut inferioris conditionis duces , qui sub magnis Regibus , Principibusque militavere , egrediendum esset , faciliè appareret , nullam omninò ætatem in hunc usque diem præterisse , quæ non militarem gloriam in perfectissimis Ducibus viderit. Magna quidem est diversitas , multique gradus laudis Imperatoriæ : sed quomodocunque aliquis vetera cum recentioribus velit contendere , non deficiemus exemplis , quæ opponamus. Itaque , quantum ad Heroas accuratè & eruditè sic appellatos attinet , verissimè utique omnibus agnoscendum , nobis prædicandum est , Deum non antiquis tantum seculis ; sed singulis quoque ætatibus suos dedisse Heroas , non pacis modò , sed bellorum quoque artibus eminentissimos. sed quia hæc illustrium virorum monumentis & historicis elogiis sunt prodita , non opus est huic vel narrationi , vel prædicationi immorari.

Venimus nunc ad consilia artesque militiæ : In quibus multum sanè laudis Veteribus partum est : sed si rectè rem volumus æstimare , ne hac quidem parte inferior erit recens militia. Quod , ut rectè intelligamus , paulo distinctius agendum erit ; referuntur enim illa consilia artesque militiæ , partim ad consuetudinem famamque bellandi ordinariam , & ad usitatum bellica munia administrandi morem : de quo non opus est hîc verba facere. Quis enim non videt omnes artes &

Lib. 3. An-
nal. c. 55.

& consilia in veteri militia usurpari solita, hodiernorum quoque Ducum, militumque exemplis contineri. Idque eò magis, quia recentiora secula omnem vetustatis memoriam in conspectu habuerunt, indeque quicquid usui esset, hauserunt, sed etiam, ut est facile inventis aliquid addere, novis subinde accessionibus cumularunt. Itaque eximiè huc pertinet illud Taciti; *non omnia apud priores meliora, sed nostra quoque ætas multa laudis & artium imitanda posteris tulit.* Quinimò certum est, nullum seculum adeò esse sterile, quod non aliquid tamquam proprium munus ac inventum ad posteritatem transmittat. Jam, si consilia artesque belli ponderemus, quatenus à singulari quadam animi solertis ingeniique dote procedunt, absurdus sit haud dubiè, qui divinam in exornandis recentiorum temporum ingeniis benignitatem putet defecisse. Denique, si exemplis certandum sit, (nam maximè va- est in talibus declaratio) assumantur Veterum strategemata: evolvantur *Frontini, Polyani*, qui callida veteris militiæ consilia artesque & furta belli memoriæ prodidere. Hæc inquam, conferantur cum recentiorum temporum strategematis: apparebit iterum, nihil habere Veteres quod nobis objiciant, aut in quo nostra fastidiant tempora.

Quod si denique in summam judicandum loquendumque sit, de veteri novaque militia, omninò distingui debent intervalla & solennes periodi seculorum temporumque. Observamus enim fermè continuationem diuturnam bellorum, in una eademque Gente magnas peperisse militiæ mutationes. Quod ut clarius appareat, rursus exemplo bellicosissimi populi ac Imperii utemur. Romani enim ab initio suæ potentiæ, bella & justius & majori disciplinâ gerebant: postquam assiduitas bellandi in consuetudinem vertit, cœperunt jura belli, & causæ & virtutes militares negligi, omniaque in licentiam & quandam militiæ dissolutionem degenerarunt. Idem aliis gentibus accidit: neque hodie quicquam ad restaurandam superioris militiæ gravitatem accommodatius suaderi unquam, aut excogitari possit, quàm restauratio pacis: cujus humanitate & disciplinâ innutritæ mentes, bellorum decus, & veras genuinasque artes denuò condiscant ac meditentur.

Ante-


Antequam finiamus, summatim expedienda est illa quæstio, *An veterum militia, an verò hodierna solida Virtuti exercenda accommodatior fuerit?* Extant multorum querelæ, ex quo inventæ sint bombardæ, nullum esse in militiâ veræ virtuti locum, cum ignavissimus quisque calonum, fortissimum ducem aut militem unius globuli jactu possit prostertere. Præsertim, cum pleraque militiæ munia hodie scloppis & pyrio pulvere gerantur. At in veteri militiâ, inquiunt, omnia strenua, & viribus animisque ostendendis apta erant. In torquendis missilibus lacertorum robur, in dirigendis mucronibus armorum exercitatio, in congressu denique prælij omnia manu, arte, confidentiâ gerebantur. Hinc legimus tot singulares & admirandas magnorum Virorum pugnas, dejectos hostes viribus, elusos agilitate, terribitos ferociâ. Quorum omnium minor hodie vel occasio, vel admiratio videtur, ubi volantibus temerè pilis omnis illa virtus quodammodo intervertitur. Verum enimvero non usque quaque hæc rectè inter se comparari, liquidior animadvertentibus consideratio facilè persuadebit. Quippe quod de temeratio pilorum & globorum jactu adferunt, id non aded nostræ militiæ proprium est, ut non veterum quoque sagittæ, & è fundis balistisque lapides eundem fortunæ lusum retulerint. Nonne enim fortissimus quisque Heros, ignavi alicujus lixæ arcu fundaque potuit occumbere? Nec sanè infrequens est in lectione veterum super talibus casibus querela. Jam verò ipsa militiæ munia hodie nescio an plus etiam constantiæ, fortitudinis, laboris requirant, cum inter volantes circumcirca pilas, inter tormentorum fulmina ac tonitrua, inter plumbeos ferreosque nimbos, vel tot objectæ difficultates eluctandæ, vel perrumpendæ acies, vel scandendum vallum, vel muri expugnandi sunt. Quò enim majora & plura bellorum per hodiernas bellandi rationes pericula sunt, eò major ad audendum animus; ad vincendum labor, requiritur. Itaque nondum videmus, quomodo à sententia ante proposita recedere debeamus, cum nimirum postrema hæc tempora inde à fastigio Romanæ Monarchiæ incomparabili

Uuuuuu

militiæ

militiæ gloriâ præcellere judicavimus. Quod superest, Deum
 Exercituum, Deum fortem in prælio devotis precibus ve-
 nerabimur, ut, quandoquidem extremis hisce temporibus
 nunquam defutura videntur ingentia bella, inter Christia-
 nos tamen bellorum semina extinguat, concordie amorem
 instauret, atque ita pacatos unitosque suos fideles, adversus
 vim barbararum & Christiano nomini infensarum gentium
 potenter armet, copiosè instruat, militaris disciplinæ
 artisque præstantiâ nobilitet, perpetuisque victo-
 riis ac triumphis muneretur.





INDEX

Berum in hoc Volumine præcipuarum.

A.

Aaronis Persarum Regis legatio
ad Carolum M. pag. 218

Academici honores & tituli a quibusdam sine debita discretionem
Etati. 1241

Ab aliis planè spreto. 1242

Achaici Concilii leges Comitiales. 978

Adelfonsus Rex Gallacie Caroli M.
auxiliis adjunctus adversus Saracenos. 185

Adoptandi per arma mos. 106

Adoptionis & arrogationis discrimen. 836

Adoptionis solennia. 843

Adulatio Senatorum Rom. quâ Principum orationes excipiebant. 1137

Adulatorum intemperantia in tribuendis Principi divinis honoribus. 825

Adulterii pœna ap. *Ægyptios*. 624

Ægyptiorum Sacra & Dii. 621

Sacerdotes & eorum Studia ac prerogativa. 683

Magistratus. 683

Ægyptiorum leges, quibus etiam Reges obtemperarent. 674

leges circa matrimonium. 685. circa judicia 689. pœnales 690. circa mutuum & usuras. 687

Emulationes in aula corrumpunt consilia. 838

Equalitas pretii quomodo estimanda. 1025

Equalitatem inter divites & pauperes introducere in Republ. difficile. 801

Æternum & perpetuum quid differant. 883

AGESILAVS. 425
quomodo ad Regnum pervenerit. 427

Leotychidi per injuriam praelatus in successione regni. 428

Claudus fuit. 428. 441.

Agésilai virtutes & merita in remp. 429. & quos inde fructus tulit. 440

Agricola & Opifices ab *Ægyptiis* fastiditi. 680

Uuuuuuu **2**

Agri-

INDEX.

<i>Agricultura pre mercatura curanda</i>	<i>Amphiſtyonici concilii leges.</i>	784
1014	fata.	789
<i>Agrorum diviſio ap. Aegyptios.</i>	mutationes.	797
680	<i>Anci Marci origo.</i>	495
provida diſtributio inter Legisla-	res geſte.	496
torum precipuas curas	DE ANNONA SUB IMPP.	
681	ROM.	512
<i>Albinus Alcoinus Caroli M. Prace-</i>	<i>Annona Auguſti & Auguſtorum.</i>	514
pior.	142	
<i>Alexander M. quas cauſas belli Perſi-</i>	<i>Annona vox quid noſet & quam ety-</i>	512
ci pra ſe tulerit.	mologiam habeat.	
656	<i>Annona tanquam Dea figura qualis</i>	
<i>Alexandri M. crudelitas in Bran-</i>	in nummis.	515
chidas (ap. Curt. 7. 5.) improba-	<i>Annona cura in Civitate precipua</i>	
tur.	eſt.	513
659	arcta & difficilis remedium.	534
<i>militia navalis non aequè proſpera</i>	<i>Annus magnus.</i>	589
<i>ac terreſtris.</i>	<i>Annua bima, trima die promittere,</i>	
661	quid ſit in ſure.	588
<i>mors (ap. Curt. 10. 5.) conſidera-</i>	<i>Avrixyrus litteratorum.</i>	1236. 1239.
tur.	1241. 1244.	
662	<i>Appiorum oligarchici ſpiritus Roma.</i>	
<i>elogium, ſ. iudicium Curtii de</i>	574	
<i>hoc Regè.</i>	<i>Argenis Barclaji perfectum drama,</i>	
663	nifi quod numeris non adſtringi-	
<i>Allectus annonæ.</i>	tur.	934
519	<i>Argentinerſium in Rudolphum L. Imp.</i>	
<i>Allegoriarum abuſus in Eccleſia.</i>	ſuprema pietas.	283
406	bellum cum Epifcopo ſuo Walthe-	
<i>Ambicio Optimatum in republ. Rom.</i>	ro à Geroldſegg.	252
inter primas factionum cauſas.	62	
62	<i>Argentoratensis Civitatis in peregrini-</i>	
<i>Americam, qua hodie dicitur, Vete-</i>	nos prudenter diſpenſata benefi-	
ribus cognitam fuiſſe, ex conſpectu-	centia per tempus publica viſita-	
ris & Scriptorum locis quibuſd.	tis & famis.	336
colligitur.	ARGO NOVA.	1057
1233	<i>Argo Phœnicià linguà navem lon-</i>	
<i>Amici Principum & adiutores.</i>	gam notat.	1057
741	<i>Argonautarum fabula quid ſignificet.</i>	
<i>Amicitiam debere eſſe mediocrem,</i>	1057	
<i>malè dicitur.</i>	Argo-	
1170		
<i>Amphiſtyones unde dicti.</i>		
778		
<i>Amphiſtyonici Concilii origo.</i>		
776		
<i>membra quamam Civitates fue-</i>		
<i>runt.</i>		
778		
<i>inſtituendi cauſe.</i>		
780		
<i>locus, ubi celebrabantur conventus</i>		
782		
<i>forma.</i>		
783		

INDEX.

- Argonautarum expeditio, qualis fuerit.* 1090
- Arionis Delphino velli fabula s. historia.* 382.
- Aristotelis textus (2. Polit. ab inst.) explicatus.* 646
- Armamentarium Venetorum incomparabile.* 1251
- Armorum & machinarum militarium ap. Vett. Romanos comparatio cum hodiernis.* 1248
- Arrogationis & adoptionis discrimen.* 836
- Th. Arundelius, Anglus, Comes Imperii creatus.* 1234
- Aßyla an & quatenus probanda.* 473
- Athalaricus nepos Theodorici in regno Italia successor.* 121
- Attica Origines.* 382
- Auctoritas Senatus & Auctor Sententia quid ap. Rom.* 1125
- Augurium Salutis quale festum Rom.* 961
- Augustaticum, i.e. donativum, quod Principes militibus dabant.* 863
- Augustus provisionis annonaria in Rep. solertissimus autor.* 514-515
- quomodo erga consilium Macenatis & consultorem se gesserit.* 773
- Augusti Cas. consultatio de restituendo retinendo ve imperio.* 706
- dubium an seria.* 708
- Augusti Cas. provida dispositio circa res bellicas.* 1247
- Aurea Bulla an & quatenus sit lex fundamentalis Imperii.* 46
- primitus Latine conscripta est.* 70
- de Aurea Bulla iudicium Possivini.* 45
- Aureo seculo suo tribuerunt multa Poëta, ex detortis Prophetarum V. T. vaticiniis transumpta.* 390
- Auscultatoribus & delatoribus non temerè credat Princeps.* 750
- Auxilia Legionis Rom.* 552
- Ἀυτοκρατία quæ caret Respubl. malo loco stat.* 1013
- B.
- Babyloniorum mores.* 385
- Bannus Imperialis.* 75
- Barbari nomen aliquando non convicti sed discriminis.* 124
- Barbari, quorum de hostili adversus omnes externos animo constat, an statim ut hostes tractandi.* 1071
- Baronum titulus nonnunquam Comes sub se comprehendit.* 56
- Behemoth apud Jobum est hippopotamus.* 1229
- Bella an omnia iniusta, quæ sine clarigatione aut denuntiatione geruntur.* 1205
- Bellum Sacrum in Græcia.* 793
- Saxonicum à Carolo M. gestum.* 86
- Bellum denuntiari prius rebus repetitis, ius gentium exigit.* 497
- Bellum transferre in hostilem terram utile sæpe.* 429
- Bellum in compendium mittere, duello scil. decidendum, an probari possit, dubitatur.* 490
- Bellum multis utilitas suadet, de jure non sollicitis.* 1128
- Belli*

Uuuu uuu 3

INDEX.

- Belli causa in gentem aliquam an sufficiat hac, quod illa gens non sit Christiana.* 87. 1071
- Belli indicendi ritus ap. Rom.* 1183. ap. alias gentes. 1185. hodie qualis. 1186
- Belli causa a prae-textibus probe distinguenda.* 1212
- Belli causa ex metu potentia vicinorum injusta.* 480
- Belli iustitia victoriam spondet, & militibus animum addit.* 1201
- circa Bellum inchoandum quam maxime cauta esse debent consilia.* 911
- in Bellis comparandis provida dispositio Romanorum.* 1246
- Beneficij voce veteres feuda designabant.* 825
- Bertha Heraclij Imp. filia, Caroli M. mater.* 141
- Blondellus refutatur.* 8.13.37
- Bocharti suspensiones de locis quibusc. ab Hannone nominatis.* 1225
- Boethij fatum à Theodorico Ostrogotho condemnati.* 119
- Boni Civis officium quibus rebus absolvatur.* 945
- Boni mores inter praesidia pacis.* 963
- in Branchidas poena & ultio ab Alexandro crudeliter exercita.* 659
- Britanni citeriores ad obsequium redacti à Carolo M.* 175
- Bruti Vindiciae, liber in Gallia scriptus censura subjicitur.* 923. 925.
- Bruti simulatio stultitia laudatur.* 510
- Bulgarorum quando prima in historia mentio.* 109
- Buccellatum quid sit.* 531
- IN BUCOLICON VIRGILII**
- QUARTUM.** 387
- Budei liber de Transitu Hellenismi ad Christianismum commendatur.* 234
- C.**
- Cadavera Parentum ab Aegyptiis oppignerari solita.* 688
- Caduceatores qui dicti.* 1095
- Casaris nomen an aliis quoque conveniat, praeter Imperatores Rom.* 40
- Calumniatorum poena.* 691
- Candidati Casaris qui dicti.* 1131
- Thomæ Candischij, Angli, navigatio periegetica.* 1065
- Capitulatio Casarea non rectè dicitur Lex Regia.* 298
- est lex propriè fundamentalis.* 119
- perpetua ut fieret, pacificatione Westphalica conventum.* 321
- Carolus M. quam causam habuerit belli adversus Saxones.* 87
- quas terras Sedi Rom. donaverit.* 155
- an ab Hadriano Pontifice acceperit potestatem eligendi Episcopos & ceteros sacros ordines.* 156
- Pannonicum bellum gerit.* 180. 184
- à plerisque exteris Regibus cultus* 220
- Rhenum Danubio committere per fossam conatur.* 221
- solutos Ecclesiasticorum mores corrigere laborat.* 224
- disciplinam militarem severè exercet.* 225
- Irenes Imperatr. nuptias ambit.* 330
- Pere-**

Carolus

*quas
ad
an Im
sit.
Lutb
Lo*

*Med
re
Vila
Imp*

*Caroli
in S*

*exp
cla
tes
stu*

*pr
be
pr
ca
le
m
u
m
f*

*sa
re
Ca*

INDEX.

<i>Carolus M. peregrini vestitus osor.</i>	237	<i>de Carpophorum studio in emen-</i>	
<i>quas provincias regno Francico</i>		<i>danda lingua Germanica judi-</i>	
<i>addiderit.</i>	210	<i>cium.</i>	350
<i>an Imperium à Pontifice adeptus</i>		<i>Caudicarij qui.</i>	524
<i>fit.</i>	213	<i>Causa bellorum diversimodè conside-</i>	
<i>Lutbergam uxorem, Desiderii</i>		<i>randa.</i>	489
<i>Longob. R. filiam repudiat.</i>	150	<i>Causidici nulli ap. Ægyptios.</i>	689
	229.	<i>Celeritas in duce laudata.</i>	430
<i>Mediolani coronatur coronâ fer-</i>		<i>Celta unde dicti.</i>	342
<i>reâ.</i>	157	<i>Celtarum pater & conditor Asche-</i>	
<i>Uilzos subigit.</i>	178	<i>nazes.</i>	341
<i>Imperator Aug. proclamatus Ro-</i>		<i>Census institutus Romæ à Servio Tul-</i>	
<i>ma.</i>	189. 212.	<i>lio.</i>	504
<i>Caroli M. patria.</i>	140	<i>Cerne Insula qualis.</i>	1228
<i>in Saxones expeditio.</i>	149. 158.	<i>Charidemi ap. Curt. consilium & ora-</i>	
	159. 172. 174. 180.	<i>tio examinatur.</i>	653
<i>expeditio in Hispaniam adversus</i>		<i>Childericus ultimus Merovingorum</i>	
<i>Saracenos.</i>	163	<i>ex Franc. Rege monachus.</i>	141
<i>clades in montibus Pyrenæis ac-</i>		<i>Christianorum quorundam, Eclo-</i>	
<i>cepta.</i>	169	<i>gam 4. Virgilii de Christo inter-</i>	
<i>testamentum.</i>	197. 232	<i>pretantiam error.</i>	392
<i>studium in exornandâ linguâ</i>		<i>Cimbri unde dicti.</i>	342
<i>Germ.</i>	348	<i>Circoprimum designatus locus à Tar-</i>	
<i>primus adventus Romam.</i>	154	<i>quinio Prisco.</i>	501
<i>bellum cum Danis.</i>	204	<i>Civilitas & comitas in Principe com-</i>	
<i>præceptores.</i>	142	<i>mendatur.</i>	457
<i>cura circa sacra.</i>	222	<i>Civis boni officium quibus rebus ab-</i>	
<i>leges & constitutiones.</i>	225	<i>solvatur.</i>	945
<i>mores & vita familiaris.</i>	229	<i>Civis quilibet in certis causis Sena-</i>	
<i>uxores & liberi.</i>	229	<i>toris aut consiliarij munia usurpa-</i>	
<i>mors.</i>	234	<i>re potest.</i>	921
<i>sepultura Aquigrani & epita-</i>		<i>debet amare præsentem reip. sta-</i>	
<i>phium.</i>	239	<i>tum.</i>	435
<i>stirps.</i>	241	<i>Civibus maritima civitatis quid con-</i>	
<i>rerum Scriptores.</i>	139	<i>cedatur aut interdicator.</i>	1039
<i>Carolomannus frater cum Carolo re-</i>		<i>CIVITAS MARITIMA.</i>	1036
<i>gnum partitur.</i>	146	<i>Civitas maritima jus piscandi conce-</i>	
		<i>dere</i>	

INDEX.

- dere aut non concedere potest. 1049
 vid. Maritima.
 Civitates Libera in Imperio Rom.
 Germ. an votum decisivum ha-
 beant in comitiis. 329
 habent jus superioritatis, die
 Landsfürstliche Obrigkeit. 307
 DE CLARIGATIONE ET MANIFESTIS. 1173
 Clarigatio an requiratur ad iustiti-
am belli. 1187. 1205
 Clarigationis vox quam vim habeat
 & significationem. 1180
 Clarigationis origo & usus ap. gentes
 antiquissimas. 1181. 1195.
 Clarigationis jus & necessitas affe-
ritur exemplis sacris. 1190. con-
 suetudine & exemplis gentium. 1191
 rationibus. 1201
 Clarigationis usus & effectus. 1208
 Fl. Claudij vita cum adjuncta com-
 paratione Trajani. 626
 Claudia famil. Rom. superbia. 574. 951
 CLIENS. 799
 Clientes unde & qui dicti. 800
 Clientes & Vasalli parum aut nihil
 inter se differunt. 822
 Clientes quamplurimos habere maxi-
 ma laus erat Nobilium. 803. 818
 Clientum ac Patronorum mutua ob-
 ligatio qua sit. 814
 Clientele vox latissime patet. 801
 Clientelarum abusus. 804. 809
 de Clientelis quid hodie adhuc ap. nos
 superfit. 830
 Clientelare jus quam sanctè olim ob-
 servatum fuerit. 802
 ap. quas gentes obtinuerit. 807
 quomodo usque ad nostra tempora
 propagatum sit. 808
 utrum feudis originem dederit. 823
 Clientelaris juris formula. 803. 806.
 origo 802. finis. 809. forma. 806
 circa Clientelare fœdus incendendum-
 cautela observanda. 810
 Cliti (ap. Curt. 8. 1. & 2.) cades in-
 justa, quamvis & ipse peccaverit. 660
 Clodovei Regis Franciæ de Aleman-
 nis victoria & conversio ad fidem
 Christi. 116
 CLYPEUS REGIUS. 983
 Clypeorum in armis prerogativa. 984
 Clypeorum heroibus attributorum à
 Poëtis mystica explicatio. 986
 Cohors militaria. 545
 Colonia quibus obligationibus obstri-
 cta fuerint urbiatrici. 833
 COMITIA IMPERII. 835
 Comititia in Imperio breviter descri-
 buntur. 326
 Comititia Imperii hodierna cum Sena-
 tu Rom. comparata. 1145
 à Placitis & Curiis veterum Impp.
 differunt. 1142
 Comititia celebrata à Rudolpho L. 273
 Comititia Noribergensia à Rudolpho I.
 celebrata. 262. 273. item, Augu-
 stana. 263
 Comititia regni Sueciæ qualia. 1009
 Comitiorum in Imperio auctoritas cre-
 vit inde à tempore Aur. Bulla. 1144
 Comititis aliquid sanctum inest in
 omni regiminis genere. 977
 COM-

INDEX.

COMPARATIO INTER HIPPOLYTUM EURIPIDIS ET SENE- CÆ.	1162	Consilia & artes militares hodiernæ cum veteribus comparata.	1255
COMPARATIO MILITIÆ VETERIS ET NOVÆ.	1245	Consiliarii obnoxii & malè fidi.	851
Concilium Paderbornense à Carolo Mag. congregatum.	89. 93. 160	Consiliarii boni & Ministri Regis virtutes, sub exemplo Macenatis proponun- tur.	757
Concilium à Stephano III. P. Roma ce- lebratum.	148	Consuetudines & Jus non scriptum quid.	323
Francofurti à Carolo celebratum.	182	Consulatus maris.	1050
Conditæ, i. e. Species annonaria in horreis repositæ.	525	Simonis Cordesii navigatio periegeti- ca.	1066
CONDUCTOR CAROLINUS.	45	Cornu Austri.	1224
Conductus pro hospitio apud sequiorum avi Latinos.	61	Crimen Majestatis an in Electores com- mitti possit.	81
Conductus Electorum qua in re confi- stat.	58	Crodon Saxonum idolum.	172
securitatem meandi & commeandi notat.	50	Cræsi Lyd. R. historia breviter <u>exposita</u> , cum epicrisi.	380
debet esse armatus.	60	Crudelitas & Superbia oligarchiorum ingeniorum character.	949
obligat ad præstanda victualia.	61	Crudelitas Nobilium in plebem dis- cordiarum Roma causa.	566
quibus pœnis sanciantur.	71	Cuniculi in veterum militia nihil ha- bent, quod cum nostris cuniculis comparari possit.	1249
quibus præstari debeat, & quo di- scrimine.	50	Cuniculos militares pulvere pyrio immis- so succendere, quis primus institue- rit.	1249
Conductus Carolini constitutio an hodie adhuc vigeat.	76	Curator annonæ alius à Præfecto an- nonæ.	517
Conducendi à Conductore Carolino, qui sint.	65	Curia, Germ. Hove / dicebantur o- livi Comitæ Caesarum Germanico- rum.	1144
Conductores Electorum in A. B. qui, & quomodo describantur.	52	Curtii judicium de Dario, circa ne- gotium insidiarum à Besso & Na- barzane structarum, examinatur.	657
Confraternitates, s. Fœdera heredita- ria an admitti conducat in Impe- rio.	899	Cyrus an jure occupaverit imperium A- styagis avi.	383
Constantini M. oratio ad Ecclesiam scri- pta, & Sibyllinorum in ea oraculorum cum Ecloga Virgilii comparatio, exa- minatur.	392	Xxxx xxx	Cyri

INDEX.

- Cyri maj. res breviter enarrata, cum** **942**
ἱστορίαι. **383**
Czar Moscovitico sermone Regem signifi-
cas. **40**
- D.**
- Dacia à Trajano in provincia formam**
redacta. **603**
Dadalus velorum usum in navibus inve-
nit. **1083**
Dardanarii qui dicantur, & quid de iis
sciendum. **137. 1028**
Decebalus Rex Dacia. **599**
Deiocis Medorum Regis artes & virtutes
regia. **385**
Delatoribus & auscultatoribus non teme-
rè credat Princeps. **750**
Delphi orbis umbilicus. **782**
Demosthenes Macedonum potentia semper
adversus. **798**
Denuntiatio belli ex jure gentium est.
497
Desiderius Longobardorum Rex à Carolo
M. captus. **157**
Ductio, una inter partes Tragædiæ.
1176
examinatur in Euripidis & Seneca
Hippolyto. **ibid.**
Diffidatio quid sit. **1181**
Diffidatitia litera. **1186**
Dii, quo sensu appellantur Principes Re-
gesq. **887**
Disciplina militaris hodie corrupta & ne-
glecta. **1253**
Divinitatis elogia affectantes Principes.
884.
ΔΟΚΙΜΑΣΙΑ ΑΤΤΙΚΗ. **942**
δοκιμασίας magistratum apud Athe-
- nienfes consuetudo qualis.** **942**
Dominium mari expenditur. **1075**
quinam de eo scripserint. **1076**
Domus regenda ars cum civili regimine
convenit. **410**
Donativa Principum militibus data. **862**
Fr. Draci navigatio periegetica. **1063**
ejus expeditio an piratica fuerit.
1233
Duces militares an hodie tam bonos
habeamus, quam olim Romani. **1254**
Ducis militaris perfecti descriptio. **1254**
Dux Venetus præter externa, nullam præ-
rogativam præ cæteris Senatoribus ha-
bet. **879**
- E.**
- Eardulphus Nordanumbrorum Rex à Ca-**
rolo M. restituitur. **198**
Ebræo-Græca lingua. **355. 357. 365**
Ecclesiasticis an abstinendum à merca-
tura. **1023**
Eginhardi & Imma, Caroli M. filia,
amores. **245**
Edictum Theodorici. **126**
Educatio liberorum sollicita ut sit, reip.
interest. **730. 952**
de ejus neglectu querela. **686**
ELECTIO SUCCESSORIS. **836**
Electio Imperatoris per solos Electores,
absque cæterorum Principum & Sta-
tuum consilio, in Rudolpho L. capta
est. **870**
Electio Rudolphi L. in Casarem describi-
tur. **260**
Electivum quando caperis esse Imperium
Rom. Germ. **119**
Ele-

I N D E X.

<i>Electores non prestans conductum Coelectoribus utrum ex sanctione A. B. ad tempus tantum suo jure Electorali privetur, an in perpetuum.</i>	<u>72</u>	<i>derungen quid differant.</i>	<u>110</u>
<i>Electores ad electionem Imperatoris proficiscentes an recte Legati Imperii dicantur.</i>	<u>65</u>	<i>Erfordia an immediata Civitas.</i>	<u>79</u>
<i>Electores ad conducendos Coelectores suos obligantur.</i>	<u>55</u>	<i>Euripides reprehenditur in œconomia tragœdia Hippolyti.</i>	<u>1159</u>
<i>in Electores utrum committi possit crimen majestatis.</i>	<u>81</u>	<i>in Choro vincit Senecam.</i>	<u>1163</u>
<i>Elephas Carolo M. dono missus ab Aarone R. Pers.</i>	<u>218</u>	EXCERPTA CURTIANA.	<u>653</u>
<i>Elipandus Christum statuit esse adoptivum Dei Filium.</i>	<u>181</u>	<i>de Exercitiis corporis quid sentiendum.</i>	<u>450</u>
<i>Eloquentia in consiliis dandis efficax & necessaria.</i>	<u>931</u>	<i>Exportatio mercium, & circa eam consideranda.</i>	<u>1039</u>
<i>legato necessaria.</i>	<u>1099</u>	<i>Exteri an & quatenus à mercibus coemendari arceri possint.</i>	<u>1029</u>
<i>inter prima studia Principum Rom. fuit.</i>	<u>1128</u>		F.
<i>Eloquentia exercitatio olim apud Græcos & Romanos præcipuum tirocinium vite politica fuit.</i>	<u>1149</u>	<i>Fabula, una ex partibus Tragœdia.</i>	<u>1169</u>
<i>Emendi libertas an & quatenus omnibus concedenda.</i>	<u>1027</u>	DE FACTIONUM IN REPUBL. ROM. CAUSIS.	<u>559</u>
<i>Emtionis & venditionis justitia qualis.</i>	<u>1024</u>	<i>Gähnlehen.</i>	<u>226</u>
EPAMINONDAS.	<u>443</u>	<i>Falsarii quomodo puniti apud Ægyptios.</i>	<u>694</u>
<i>Epaminonda genus.</i>	<u>445</u>	<i>Fama Principi quarenda non ex statuis, sed ex benè factis dictisque.</i>	<u>749</u>
<i>educatio & institutio.</i>	<u>446</u>	<i>Familiarum illustrium periodi unde & ex quibus causis orta.</i>	<u>896</u>
<i>mores & virtutes.</i>	<u>456</u>	DE FATIS LITERARIIS NO-STRI TEMPORIS.	<u>1234</u>
<i>Ephorum Spartanorum potestas.</i>	<u>426</u>	<i>Feciale jus quid & unde.</i>	<u>1182</u>
<i>Equites in Legione Rom. quot, & quomodo distincti.</i>	<u>549</u>	<i>Fecialium institutio Numa debetur.</i>	<u>487.</u>
<i>Erboerbrüderungen.</i>	<u>899</u>		<u>1182</u>
<i>Erbvereinigungen & Erbverbrü.</i>		<i>Felix Urgellitanus Christum adoptivum esse Dei Filium docet.</i>	<u>181</u>
		<i>Fendorum origo unde.</i>	<u>823</u>
		<i>maxima est convenientia cum veterum clientelis & Patrociniiis.</i>	<u>822</u>
		<i>de Feudis theses quadam.</i>	<u>833</u>
		Xxxx xxx 2	Fides

INDEX.

- Fides an perfido sit servanda.* [432](#)
- Fidei publica templum à Numa primum consecratum.* [486](#)
- in Fidem populi Romani se permittere, quo sensu accipiat.* [596](#)
- Fœderum pro pace jungendorum prudentia laudatur.* [1009](#)
- circa Fœdera ineunda cautiones.* [779](#)
- Fœmina morse & laniatu pugnantes.* [1224](#)
- Forma reip. ex omnibus delecta laudatur citius, quàm evenit.* [673](#)
- è optima est, principatus.* [674.](#)
[712](#)
- Forma Reipubl. Romane non optimâ harmonia mixta factionibus causam dedit.* [561](#)
- Forma Reipublica in Imperio Romano-Germanico hodierno qua sit.* [287](#)
- apud Francos antiquissima Feudorum mentio.* [825](#)
- Francosurteuse Concilium à Carolo M. convocatum.* [182](#)
- Fruentaria provincia Rom. qua fuerint.* [522](#)
- Fundamentalis lex qua dicatur.* [47.](#)
[117](#)
- Furum pœna lepida apud Egyptios.* [695](#)
- G.
- Galba res suas perdidit non promittendo donativum militibus.* [862](#)
- Galba consultatio de adoptione Successoris in Imperio expenditur.* [836](#)
- Oratio ad Pisonem examinatur & illustratur.* [848](#)
- Gallorum veterum jus clientelare.* [807](#)
- Gentes omnes ut habitu, sic ingenio inter se differunt.* [674](#)
- Geographia ad civiles usus pertinet.* [1232](#)
- Germani antiqui an literarum prorsus ignari.* [344](#)
- Germanorum nomen unde?* [343](#)
- Germanorum in literas merita obtinere studentes Exteri, taxantur.* [1237](#)
- Germanorum in prudentia consiliorum & actionum defectus frustra accusatur ab Exteris.* [976](#)
- Germanorum veterum jus clientelare.* [807](#)
- De Germanorum degeneratione à pristinis bonis moribus, querela.* [964](#)
- Germanis debetur origo feudorum.* [824.](#)
[827](#)
- Germanicâ linguâ ut omnia acta, edicta &c. concipiantur, in Comitibus Norimbergensibus sub Rudolpho I. decretum.* [273. 349](#)
- Germanica lingua antiquitas.* [342](#)

COTTN-

INDEX.

corruptio.	346	derium Longob. Regem excitat.	151
restitutio.	348	Halecum captura.	1047
elegantia.	351	Hamburgum olim Hochburg.	243
Germanicor. Principum eminentia.	891	HANNONIS PERIPLUS.	1220
Godofredus Danorum Rex Saxones ad rebellandum Carolo M. incitat.	192	de Hannone judicia doctorum.	1220
cum Carolo paciscitur.	194	de Hansa Teutonica s. Civitatibus Hanseaticis.	1052. 1081
rebellat.	204	Hastam immittere in fines hostium, signū belli ap. diversas gentes.	1185
Goldasti Monarchia Imperiali commendatur.	921	Heerschild & Heerbann.	226
Gorgades Insule.	1231	Hellenistica lingua.	355. 357. 365.
de Gorgonibus fabula an aliquid veri habeat.	1231	HERCULES MUSAGETES.	373
Gorilla, femina gentis barbara.	1234	cur ita appelletur.	374. 377.
Gothi à Claudio magna suorum strage victi.	630	Heresburgum in historia vet. Saxonica non est Mersburgum.	87
Græci, & postea Romani, ceteros omnes ut barbaros aspernati sunt.	1237	Herodorus pater historia.	376
Græcorum nominatissimi quique in Ægyptum profecti, ad cognoscendas ejus populi leges.	666	defenditur contra iniquas quorundā censuras.	376
Gravidarum supplicium dilatum apud Ægyptios, dum satum deponerent.	693	Herodoti reprehensores.	375
Græwinckelii opus de Libertate Venetā.	202. 203	consiliū scribendi & institutum.	378
Gregorii Pontificis preces pro salute Trajani Imp. fabulis annumeranda.	625	Heroas non antiquis tantum temporibus, sed singulis ætatibus Deus dedit.	1255
Grotij sententia de mendacio salubri Tullii Hostilij &c. improbat.	492	Hexacionita præstantissimum genus Arrianorum.	138
Gustavi L. Suec. R. law.	1006	Hesperium Cornu Hannonis, an Caput viride.	230
Gymnastica exercitia veterum.	450	Hieroglyphicorum usus in civilis prudentia & natura mysteriis.	983
H.		de S. Hieronymo judicium.	371
Habsburgica gentis origo.	248	Hildegardis uxor Caroli M.	150. 229
Hadrianus Papa Carolo M. potestatem eligendi Episcopos &c. concedit.	156	de ea narratio fabula similis.	224.
Carolus M. ad bellum adversus Desiderium Longob. Regem excitat.	151	HISTORIA CAROLI M.	138
		Historia scientiam actorum & prudentiam agendorum pro sine habet.	378
		Historiam ad solam contemplationem legere, puerilis & otiosa voluptas est.	677
			Histo-

XXXX xxx 3

INDEX.

- Historiam rerum ac temporum propiorum non scribendam, quidam statuunt. 1005
- Historicorum easdem res memorantium collatio utilis. 467
- Hippolytus, Tragedia Latina, quem auctorem habeat. 1159
- Höve dicebantur olim Comitibus Caesarum Germ. 1144
- Homicidium etiam in servis commissum morte puniebant Aegyptii. 692
- Homines an inter merces emitioni & venditioni subjecti licite habeantur. 1072
- Homines dicti tempore Imp. Germ. qui alias Vasalli. 826
- Horologium Carolo M. dono missum ab Aaron. R. Pers. 219
- M. Hortalius (ap. Tacit. 2. A. 37.) an libertate Senatoria male & contra majorum institutum usus sit. 922
- de Fr. Hottomanni Franco-Gallia iudicium. 923-924
- Humanitatis studia à multis, prater meritum, tanquam vilia traducuntur. 1140
- Hunoldus Aquitanus Carolo M. rebellis. L 146
- Jason utrum post Minoem vixerit. 1090
- Imma Caroli M. filia. 245
- Immedietas in Imperio ex jure atq; onere conductus Electoribus prestandi demonstrari non potest. 53. 67
- Imperator non potest Electorum numerum augere, aut Principes Imperii constituere, sine Ordinum consensu. 303
- Imperator quo sensu dicatur nullius imperio teneri. 299
- quibus in rebus solus legislatoriam potestatem exerceat. 302
- Imperator est Imperium quàm excellenti significatione de Imperatore & Imperio Rom. Germ. dicatur. 37
- Imperatoris Rom. titulus non pendet à coronatione Pontificia. 28
- Imperatori Rom. praeter ceteris incumbit patrocinium Ecclesiae prestare. 5
- Imperatorum Romanorum cura praecipua fuit circa annonam. 526
- Imperatorum Germanicorum in Italiam & Romam jus etiam post ann. 1225. asseritur. 17
- Imperium Germanicum unde & cur dicatur Romanum. 11
- Imperium Rom. quo sensu dicatur sacrum. 1
- quando coeperit Sacri elogio solemni insigniri. 2. 45. ex quibus causis. 3
- Imperii Rom. hodierni quis sit status & forma reip. & unde judicanda. 287
- Imperii Rom. status eo tempore, quo Rudolphus Habsburgicus electus est Imperator. 259
- Imperii Rom. Germ. statum praesentem ad ulteriorem antiquitatem componere volentes, reselluntur. 974
- Importatio mercium quarundam exterarum prohiberi potest. 1030
- circa Importationem mercium qua consideranda. 1032
- Indictio belli multis videtur supervacua. 1189
- vid. Clarigatio.
- Ingeniorum magnorum in rep. usus & necessitas. 1146
- Insti-

INDEX.

*Insignia Witekindi ex equo nigro in al-
bum mutata.* 25
*Instrumentum Pacis Westphalica lex est
fundamentalis in Imperio.* 322
*Josephus Patriarcha incomparabile e-
xemplum administri Regis.* 424
Josephi historia in fabulam versa. 424
*Josephi in Aegypto dignitas & tituli
varie explicantur.* 413
*de Josephi poculo in quo auguratur, di-
versa interpretum sententia.* 419
*de Josepho Patriarcha liber Ambrosii,
item, Isidori Pelusiotæ Epistolæ.* 424
*de Irmensula, Saxonum idolo, quinam
scripserint.* 88
Isocratus de pace Græciæ consilia. 281
*Judæi sub Trajano tumultuantes in Ro-
manos saviunt.* 611
Judicium Westphalicum arcanum. 194
an à Carolo M. institutum. 98
*Judiciorum aequalitas est inter præsidia
pacis.* 972
Judiciorum ordo ap. Aegyptios. 682
*Jurjurandi religio sancta ap. omnes
gentes.* 788
Jus belli nullum esse quidam existimant.
1187
Jus feciale quid & unde. 1182
Jus territoriale Ordinum Germaniæ.
306
*Justitia virtus maxime socialis, sum-
mum pacis præsidium.* 962
*Juvenalis locus (sat. 12. v. 75.) illu-
stratus.* 523

K.

Rünigensleur. 226

L.

*Largitio Principum in novo imperio ne-
cessaria, sed cum modo.* 862
*Largitiones annonariae plus nocuerunt
Rom. quàm profuerunt.* 527
*Legati quibus ex causis rejici & finibus
expelli possint.* 1109. 1113
*Legati an etiam ap. alios, quàm ad quos
missi, sint inviolabiles.* 1115
*an possint violari, si à quo missi, si-
mile quid patravit.* 1115
necessarius sumtibus instruendi 1117
Legatorum nomen, origo & species.
1093
privilegia. 1108
*in Legatorum violatores pœna, & exe-
quendi eas modus.* 1117
*Legatis an liceat munera accipere ab iis,
ad quos mittuntur.* 1117
*Legatos mittendi audiendique jus est in-
ter regalia.* 1106
*Legatos cur inviolabiles esse voluerit jus
gentium.* 1111
*Legatorum jus est ex jure gentium vo-
luntario.* 1106
*Legationum suscipiendarum causa va-
ria.* 1096
LEGES ÆGYPTIORUM. 665
Leges quales esse debeant. 668
in futurum & in omnes ferenda
670
iniqua ap. varias gentes. 408
olim ari incisa. 1134
*Leges Imperij universales ferre est penes
Imperatorem & Ordines Imperii si-
mul.* 288
*Leges Imperii Rom. Germ. fundamenta-
les.*

INDEX.

les.	966.	castra.	553
de Lege Regia.	540	in Legione Rom. quis militum numerus.	543
Legum origo, distinctio, &c.	666	qua officia & ministeria.	558
interpretatio, & emendatio ad Legis-		Legiones duodecim, quas Christus se im-	
latores pertinet.	697	petrare posse dicit à Patre <i>cælesti</i> ,	
Legum ferendarum potestas penes quem		(<i>Matth. 26, 53.</i>) quo sensu sint acci-	
fit in Germania.	285	pienda.	545
Legum ferendarum modus in Germania.	325	Lemarium fretum quando & à quo in-	
Legum ferendarum nomine quid in Ger-		ventum.	1068
mania veniat.	313	Leo III. Papa claves S. Petri & vexil-	
Legum Germanicarum distinctio inter		lum Urbis Carolo M. transmittit.	
fundamentales & non fundamenta-			185
les.	117	malè multatus à Romanis ad Caro-	
Legum auctoritas inter præsidia pacis.		lum in Germaniam fugit.	188
	966	à Carolo in Pontificatum restituitur.	
in Legibus ferendis qua vitanda.	669		189
LEGISLATOR GERMANICUS.	283	ad Carolum Aquisgranum venit.	
Legislatoris Germanici virtus & pruden-			125
tia.	332	Leudes s. Leodes quinam dicti sint Fran-	
Legislatores Ægyptiorum vet.	696	cis.	825
Legislatoris est non tantum legem ferre,		Lex fundamentalis quam dicatur.	
sed & legi lata addere.	313		47. 117
item, legem renovare, & à se condi-		Lex Salica qua & unde dicta.	225.
tam explicare.	314		249
legem abrogare.	36	Liberorum proba educatio, & de ejus	
dispensare circa singulare factum &		neglectu querela.	686
personam. ibid.		LIBERTAS SENATORIA.	200
de Legislatoribus & Legislatione.	696	Libertas Senatoria ap. Tacit. (13. A. 49.)	
de LEGIONE ROMANA.	541	quid sit.	201
Legionis nomen unde.	542	in quibus rebus valere debeat.	908
partes.	545	quando exercenda.	217
ordinatio in acie.	550	quibus permessa sit.	920
militis distincti in diversa genera.		Libertatis Senatoria origo & introdu-	
	547	cenda rationes atq; utilitas.	903
auxilia.	552	modus quis observandus.	226

exerci-

INDEX.

- exercita exempla quadam. [221](#)
 usus in diversis rerumpubl. formis. [935](#)
 abusus. [239](#)
 Limpurgios non Barones, sed Comites
 esse, asseritur. [551. 80.](#)
 De LINGUA CELTICA. [338](#)
 De LINGUA NOVI TESTAMENTI O-
 RIGINALI. [354](#)
 Lingua s. stylus N. T. an habeat barba-
 rismos & solæcismos. [368](#)
 Lingua N. T. consonantia & congruentia
 providentia divina tribuenda. [355](#)
 character novus & peculiaris [356. 366](#)
 dignitas, gravitas, simplicitas. [358](#)
 puritas. [360](#)
 Linguam N. T. an intelligat Græcus
 gentilis, [363](#)
 Linea Alexandri, s. pactio inter Hisp.
 & Lusitanos de limitibus in India,
 ex arbitrio Alexandri VI. P. [1062](#)
 Literæ in dissidiorum & amulationum
 causas vertuntur. [1240](#)
 Literas utrum antiqui Germani habue-
 rint. [344](#)
 circa Literarum studia promovenda,
 quæstiones quadam. [980](#)
 de Literariis fati nostri temporis.
[1234](#)
 Literaria rei corruptio & perversus sta-
 tus de futuris male ominari jubet.
[1244](#)
 Literaria rei constitutio, unum inter
 præsidia pacis. [979](#)
 Literatorum contentiois studium repre-
 benditur. [366. 373](#)
 Luxu ambitio magistra, avaritia fa-
 mula est. [966](#)
 Lysia, Oratoris Atheniensis, elogium. [942](#)
 Longobardi Carolo M. rebelles opprimun-
 tur. [159. 175](#)
 Longobardici belli à Carolo M. suscepti
 cause. [150](#)
 Longobardis an solis debeatur origo seu-
 dalium consuetudinum. [824](#)
 Ludi ap. Romanos sæpe occasio cadum.
[723](#)
 in Ludos gladiatorios sumtus nimij Ro-
 ma impensi. [736](#)
 Lupus Vasconia dux. [146](#)
 Lutherus ad exornandam linguam Ger-
 manicam plurimum contulit. [349](#)
 Lydorum Imperium & ejus excidium.
 M. [380](#)
 Machina militares veterum an idem
 præstiterint, quod hodie bombarda &
 tormenta. [1248](#)
 MÆCENAS S. CONSILIATOR RE-
 GIUS. [701](#)
 Mæcenatis ad Octavium Cæs. oratio de
 retinenda imperio exponitur. [710](#)
 Mæcenatis artes, quibus favorem & po-
 tentiam ap. Augustum reperit. [756](#)
 Fern. Magellani navigatio periegetica.
[1059](#)
 Magister militum præfens, quis. [106](#)
 Magistratus gradatim conferendi, cur.
[722](#)
 Magistratus potestas nimia Principi peri-
 culosa. [726](#)
 archioribus temporis cancellis circum-
 scribenda. [727](#)
 Magistratuum probatio ap. Athenien-
 ses. [942](#)
 Yyyy yyy Is.

INDEX.

- Is. le Maire** instituit iter brevius in *Indias*. 1068
- Manifesta** quid differant à *Clavigatione*. 1211
- gravitatem aliquam præ se ferre debent*. 1214
- sape solos pretextus præferunt, verioribus causis dissimulatis*. 1215
- hodie nonnunquam rectius dicerentur Obscura*. 1217
- Manifesta** Principum cum cautione & moderatione legenda. 1219
- Manifestorum** differentia. 1213
- scopus & finis*. 1215
- Mare** ignitis torrentibus æstuans. 1224
- Mare** an domini capax sit. 1075
- de Maris** imperio ac dominio qui scripserint. 1076
- Maritima** Civitas juri piscandi concedere aut non concedere potest. 1094
- Maritima** Civitatis consilia circa rem piscariam. 1046
- Maritima** Civitati necessarium studium rei nautica. 1032
- Maritima** Civitati quævis reip. forma apta. 1038
- Maritimis** Civitatibus convenientes leges. 1038
- Mathematici** frequens genus hominum ap. Principes ac Duces Rom. 866
- Mathematica** Scientia quatenus Regi profit. 294
- Mathematica** studia ad rem nauticam apprimè faciunt. 1083
- Marrimonium** inter fratres & sorores apud quas gentes licitum & honestum. 685
- Marrimonia** Principum. 829
- Medium** ingenium, diverso sensu à Livio & Tacito accipitur. 425
- Medorum** regnum. 485
- Mendici** in arctiore annonâ an urbe expellendi. 125
- Jo. Mentelin** primus inventor typographia. 349
- MERCATURÆ** CONSIDERATIO POLITICA. 1011
- Mercatura** Imperantibus nonnunquam ad arcana consilia inservit. 1014
- inter primarias rectoribus civitatis curas esse debet*. 1016
- necessitatis inventum est*. 1021
- an illiberalis discenda*. ibid.
- an Senatores & in magistratu constitutos dedecet*. 1022
- an Nobilitatis splendori officiat*. ibid.
- an Imperantibus conveniat*. 1026
- ex Mercatura** qua ad civitatem emolumenta fluere possint. 1016
- Mercatura** vocabulo quid intelligatur. 1013
- Mercatura** origo & primordia. 1011
- augenda subsidia*. 1033
- impedimenta*. 1034
- Mercium** transitus an omnibus promiscue debitus. 1018
- Mercium** quarundam exterarum importationem prohiberi, non iniquum. 1030
- Mercium** importatio & exportatio. 1032
- Michaël** Cuiopalaes Or. Imp. amicitia cum Carolo M. firmat. 217
- Militares** artes & consilia hodie non sunt inferiora veteribus. 1256
- Milites** quomodo habendi & quales. 732
- ordinarii in magnis imperiis necessarii*. 1247

INDEX.

- Militum in Legione Rom. diversa genera.* 547
Militia veterum an hodierna solida virtuti exercenda accommodatior sit. 1257
Militia veteris & nova comparatio. 555-1246
Militia mutationes in una eademq; gente per intervalla & periodos temporum. 1256
MINOS MARIS DOMINUS. 1073
Minos prius imperio maris potitus est. 1073
& jure quidem. 1074
idem armis conservavit. 1082
Minos utrum ante Jasonem & Argonautas vixerit 1090
Minois imperium maritimum cum potentatu maris Atheniensium, quoad justitiam comparatur. 1086
Ministri Regum Egyptiorum quales esse debuerint. 674
Minotauri explicatio. 1085
Minuciarum curator, quale officium ap. Rom. fuerit. 516
Moguntia an immediata Civitas 73
Moguntino Elefiori cur Conductores non assignentur in A. B. 66
Monarchia temperata veram libertatem non excludit. 715
Monarchiam, extincta republ. Rom. introductam esse negantes, refutantur. 1138
Monopolia exercere Imperantibus non inhonestum. 1017
privatorum minus concedenda. 1028
Monumenta Patronis defunctis erecta à Clientibus 819
Mores s. Æn una ex partibus tragediæ 1164
Mulierum Rom. illustrium ad solennia sacra euntium pompa & apparatus. 579-586
Munimentum in Insula recens inventa in vitis Insularis extruere an liceat. 1071.
IN MUSAS HERODOTI, s. HERCULES MUSAGETES. 373
Musa quid & unde dicta. 374
de Musica quid senserint veteres Philosophi. 447

N.

Naves periegetica s. Orbis circumnavigatrices. 1059
Navigatio militaris. 1055
Navigationis genera quatuor. 1046
de Navigationibus longinquis sine auspiciis publ. susceptis, quid judicandum. 1070
Nautica res mathematicis studiis potissimum juvatur. 1083
Nicephorus Imp. Græcus cum Carolo M. paciscitur. 200. 217
Irenen Imperio dejicit, qua causa. 216
perit. 217
Nero an à Senatu Rom. jure damnatus sit. 855
Nobiles an mercatura exercitio nobilitatis derogent. 1122
Nobiles ignorantia & contemptu doctrinæ metientes nobilitatem. 582
Nobiles Rom. foro operam dare solebant. 583.

Yyyy yyy 2 Nobis

INDEX.

<i>Nobilium Roma filij quomodo ad militaria munia evecli, & ut in iis se gesserint.</i>	<u>195</u>	<i>Optimatum ambitio.</i>	<u>162</u>
<i>Nobilitas generis in imperaturo respicitur.</i>	<u>846</u>	<i>Optimi cognomen quando & cur Trajano à Senatu datum.</i>	<u>604</u>
<i>Nomarcha Aegyptiorum.</i>	<u>684</u>	<i>Oraculi Delphici auctoritas & majestas.</i>	<u>781</u>
<i>NOMIMA TON AITITITION, s. Leges Aegyptiorum.</i>	<u>665</u>	<i>Oratio Macenatis ad Octav. Caesarem, ap. Dion. lib. 53. paraphrasi & explanatione politica illustratur.</i>	<u>710</u>
<i>Nomothetice, magna pars prudentia civilis.</i>	<u>284</u>	<i>Oratio Galba ad Pisonem (ap. Tacit.) illustratur.</i>	<u>848</u>
<i>Noribergensia Comitia à Rudolpho celebrata.</i>	<u>262. 273</u>	<i>De ORATIONIBUS PRINCIPUM.</i>	<u>1120</u>
<i>Oliverii Noortii navigatio periegetica.</i>	<u>1067</u>	<i>Orationes Principum diversi generis.</i>	<u>1123</u>
<i>Numa non fuit versatus cum Pythagorâ Samio.</i>	<u>482</u>	<i>Orationes Principum à primo suo instituto successu temporis degenerarunt.</i>	<u>1132</u>
<i>fecialium collegium primus instituit.</i>	<u>1182. 1094</u>	<i>SECTO confirmata legum vim obtinebant.</i>	<u>1132</u>
<i>Numa Pompilij origo.</i>	<u>481</u>	<i>areis tabulis incise.</i>	<u>1133</u>
<i>modus perveniendi ad regnum.</i>	<u>482</u>	<i>Orationes Principum nomine recitare solebant Quæstores.</i>	<u>1130</u>
<i>res gesta.</i>	<u>483</u>	<i>Orationes Principum moriturorum ad filios paranetica.</i>	<u>856</u>
<i>cura circa constitutionem magistratum & judiciorum.</i>	<u>486</u>	<i>Ordines Imperij in ferendis legibus nunc sunt tantum consiliarij Imper.</i>	<u>295</u>
<i>Nummi cur inventi.</i>	<u>1012</u>	<i>Ordinum Imperij potestas circa leges ferendas in suis ditionibus.</i>	<u>306</u>
<i>O.</i>		<i>de Ostracismo quid sentiendum.</i>	<u>1157</u>
<i>Odoacer Herculorū Rex victus à Theodorico. 110. ab eod. occiditur.</i>	<u>113</u>	<i>Otho Pisonem è medio tolli curat.</i>	<u>866</u>
<i>Officia Patronorum erga Clientes.</i>	<u>814</u>	<i>Othonis descriptio. & spes succedendi Galba.</i>	<u>839</u>
<i>Clientum erga Patronos.</i>	<u>816</u>	<i>Ottocarus Bob. Rex imperium Rudolphi agnoscere renuit.</i>	<u>263</u>
<i>utrorumq. communia.</i>	<u>820</u>	<i>cum Rudolpho paciscitur.</i>	<u>265</u>
<i>Oligarchica ingenia quem characterem habeant.</i>	<u>249</u>	<i>dum homagium Cesari præstat, ludibrio exponitur.</i>	<u>265</u>
<i>Oligarchici Spiritus præcipui inter nobiles Romanos.</i>	<u>574</u>		<u>bellum</u>
<i>Opifices & Agricola ab Aegyptiis fastiditi.</i>	<u>680</u>		
<i>Opinatores qui dicti sint.</i>	<u>520</u>		

INDEX.

- bellum restaurat.* 266
vincitur pralio & occiditur. 268
P.
Pacis ineunda consilia & cautiones. 212
Pacis Westphalica Instrumentum lex est fundamentalis in Imperio. 322
Pacis religiosa commendatio, & ineunda ex parte Caesaris causa. 967
de Pace religiosa qui sinistrè judicaverunt & scripserunt, notantur. 270
Pacta Successoria. 892
Pacta illustrium familiarum an Imperatoris confirmatione opus habeant. 110
Paderbornense Concilium à Carolo M. congregatum. 82. 93. 160
Palastina reditus Carolo M. concessi ab Aarone Persa. 220
Panegyricorum finis cohortari laudis specie, & amorem virtutis accendere. 677
Παντισημοσύνη à quibusdam jactata. 1243
Panes gradiles qui, & unde dicti. 528
Papa an habeat potestatem recens inventas terras donandi cui velit. 1061
an Imperium Rom. in Carolum transtulerit. 213
Parlamentum Parisiense potestatis suæ vim pertinacia sua amisit. 936
Pastoralis ars rudimentum tractaturi rempubl. 407
Pater patratus Pop. Rom. quis. 1184
Patres minorum gentium, qui à Tar-
quinio Prisco in Senatum allekti. 508
Patriam amare, qualiscunque sit, debemus. 246
Patritij unde dicti. 476
Patritiatu hodiernus quo fundamento nitatur. 476
Patrocinij Jus. 476
Patrocinio alterius se committentes quas cautelas observare debeant. 810
Patronatus ius à Romulo institutum. 806. *vid. & Clientelare Jus.*
Patronatus ius quale Roma & quæ ejus efficacia. 806
Patroni unde & qui dicti. 801
Patronorum & Clientium mutua obligatio qualis. 814
Paulinus Patriarcha Aquilegiensis. 236
Paulus Diaconus à Carolo M. in Diomedas Insulas relegatus. 236
Paupertas utrum plus prosit an obstat ad magna nitentibus. 445
Pecunia inventa, ut esset communis mensura pretij rerum commutabilium. 1012
inter ea est, sine quibus Civitas nulla subsistere potest. 1014
Peregrina ingenia & consilia reip. periculosa. 273
Peregrinos urbe expellere per tempus arctioris annonæ, an liceat. 535
Periodi familiarum, rerumpubl. regnorum. 896
Perpetuitas familiarum illustrium quibus modis contingat. 875
Perpetuitatis vox quid denotet. 882
Persa-

INDEX

<i>Persarum imperium constitutum.</i>	<u>383</u>	<i>lorandis falsis.</i>	<u>1217</u>
<i>Persarum mores.</i>	<u>384</u>	<i>Pons Traiani, quo Danubium junxit.</i>	<u>602</u>
<i>Petrus Pisanus Caroli M. praeceptor.</i>	<u>142</u>	<i>Pontifex Maximus à Numa primum institutus.</i>	<u>487</u>
<i>PHILONIS JOSEPHUS.</i>	<u>404</u>	<i>Portus Augusti.</i>	<u>523</u>
<i>Philota causa (apud Curtium) examin- ni subijcitur.</i>	<u>658</u>	<i>Possivini iudicium de Aurea Bulla.</i>	<u>45</u>
<i>Physica & mathematica scientia quate- nus Regi conveniat.</i>	<u>993</u>	<i>Præfectus Urbis sub Augusto primum con- stitutus, qualè potestatem habuerit.</i>	<u>724</u>
<i>Pietas, inter præsidia Pacis.</i>	<u>963</u>	<i>Præfectus annonæ quando primum consti- tutus.</i>	<u>526</u>
<i>Pipinus Caroli M. pater.</i>	<u>141</u>	<i>Præfecti annonæ munus quale. ejus officiales.</i>	<u>517</u> <u>519</u>
<i>Pipinus Caroli M. fil. cum Veneris bellum gerit.</i>	<u>199</u>	<i>Præfecti prætorio potestas quæ, ex consi- lio Mecenatis.</i>	<u>728</u>
<i>Piraticam exercere an ullo modo conce- sum sit.</i>	<u>1041</u>	<i>PRÆSIDIA PACIS.</i>	<u>961</u>
<i>Piscatus, modus acquirendi ad æulapnæ civitatis referendus.</i>	<u>1040</u>	<i>Præij aequalitas in emtione & venditione quomodo æstimanda.</i>	<u>1025</u>
<i>circæ Piscium mercimonia quæ sit legum cura.</i>	<u>1049</u>	<i>DE PRINCIPALIU FAMILIARUM PERPETUITATE.</i>	<u>872</u>
<i>Pisistrati tyrannis.</i>	<u>385</u>	<i>Principatum, non monarchiam introdu- ctam esse Romæ, extinctâ liberâ republ. quidam statuunt.</i>	<u>1138</u>
<i>Piso jussu Othonis occisus.</i>	<u>865</u>	<i>Princeps Senatus quis Romæ dictus.</i>	<u>878</u>
<i>Pisonis à Galba adoptati mores.</i>	<u>840</u>	<i>Principis vocabulum quàm varias signifi- cationes admittat.</i>	<u>875</u>
<i>nobilitas.</i>	<u>846</u>	<i>quid in Imperio Romano Germ. in- nuat.</i>	<u>881</u>
<i>oratio in Senatu.</i>	<u>864</u>	<i>Principis appellatio cur primis Imperato- ribus R. placuerit.</i>	<u>1121</u>
<i>Placita sub Carolo M. & successoribus habita, an similia sint hodiernis Comi- tiis in Imperio.</i>	<u>1142</u>	<i>Principis felicitatem auget certus heres & successor.</i>	<u>873</u>
<i>Plebis Rom. mobilitas, lascivia & licen- tia.</i>	<u>568</u>	<i>Principi quæ virtutes necessaria & deco- ra.</i>	<u>742</u>
<i>Plenitudo potestatis, quid significet.</i>	<u>42</u>	<i>Principem Juventutis quem vocaverint Romani.</i>	<u>880</u>
<i>ex Plenitudine potestatis cum decernere dicitur Imperator, quomodo hæc for- mula sit intelligenda.</i>	<u>298</u>	<i>Principes Regesq, quo sensu & quarestri- dione Dii appellentur.</i>	<u>887</u>
<i>Pœta de aureo seculo loquentes ex detortis Prophetarum vaticiniis de regno novo &c. multa trassumserunt.</i>	<u>390</u>		
<i>Politici semidocti.</i>	<u>455</u>		
<i>Politicorum artes in regendis veris & co-</i>			

Prin-

INDEX.

<i>Principum favor quàm infidus sit & mutabilis.</i>	<u>775</u>	<i>Ratio status in re literaria.</i>	<u>1235</u>
<i>Principum Germania eminentia.</i>	<u>821</u>		<u>1241. 1243</u>
<i>potestas constituendi aliquid in sacris quouque se extendat.</i>	<u>312</u>	<i>Ravenna per triennium obsidetur à Theodorico.</i>	<u>112</u>
<i>Principibus an pro inhonesto habendum mercaturam exercere.</i>	<u>1016</u>	<i>Relationem egredi quando licuerit in Senatu Rom.</i>	<u>905</u>
<i>Privilegium quid sit.</i>	<u>302</u>	<i>Regicida Nemesin nunquam effugiunt.</i>	<u>889</u>
<i>Privilegia circa personas.</i>	<u>303</u>	<i>Regis Romanorum in Imp. Germ. quæ sit potestas.</i>	<u>870. 871</u>
<i>circa res.</i>	<u>304</u>	<i>Regum Sanctitas.</i>	<u>888</u>
<i>Privilegia conferendi potestatem habet Imperator solus sine Ordinum consensu.</i>	<u>302</u>	<i>Religio præcipuum Regis & regni munimentum.</i>	<u>993</u>
<i>Propositiones in Senatu Imperii, quæ nomine Caesaris fiunt.</i>	<u>1140</u>	<i>Religio & cultus Numinis Principi commendatur.</i>	<u>747</u>
<i>Promissum non præstare sine perfidia quomodo possimus.</i>	<u>432</u>	<i>sine Religione Civitas nulla stare potest.</i>	<u>485</u>
<i>Prudentia administranda reip. inter præfida Pacis.</i>	<u>973</u>	<i>Repressalia an idem cum clarigatione.</i>	<u>1180</u>
<i>Prudentia temporaria s. quæ sapienter temporibus utitur.</i>	<u>412</u>	<i>Rolandi facinora gloriosa.</i>	<u>166</u>
<i>Prudentia politica cum somniorum interpretatione comparatur.</i>	<u>415</u>	<i>mors.</i>	<u>169</u>
<i>Præventurum Burgundie Comiti ademtum Episcopo Basileensi datur à Rudolpho L.</i>	<u>272</u>	<i>epitaphium à Carolo M. scriptum.</i>	<u>170</u>
<i>Pseudo-Fridericus turbas movet sub Rudolpho L.</i>	<u>271</u>	<i>statua.</i>	<u>171. 224</u>
<i>Pyrrhicæ saltatio.</i>	<u>449</u>	<i>ROMA SUB SEPTEM REGIBUS.</i>	<u>465</u>
<i>Q.</i>		<i>Romani omnes gentes peritia rei militaris superarunt.</i>	<u>1245</u>
<i>Quæstor orationes Principum recitare solitus.</i>	<u>1130</u>	<i>Romanorum mores corrupti & luxuria jam Polybii tempore.</i>	<u>578. 584</u>
<i>R.</i>		<i>Romanorum mores duorum factionum causa.</i>	<u>562</u>
<i>de Raptu Sabinarum.</i>	<u>379</u>	<i>Romanum, unde & cur dicatur Imperium Germ.</i>	<u>11</u>
<i>Raptus Sabinarum & belli inde orti iustitia examinatur.</i>	<u>478</u>	<i>Romulus ius Patronatus ad suam temp. transtulit.</i>	<u>806</u>
<i>Ratio status quid dicatur.</i>	<u>1235</u>	<i>Romuli origo.</i>	<u>468</u>
			<u>edu-</u>

INDEX.

educatio.	<u>470</u>	bella, qua ante adeptum Imperium	
modus aut jure perveniendi ad re-		gessit.	<u>251</u>
gnum.	<u>471</u>	cum Ottocaro Bohemia R.	<u>264</u>
parricidium in fratre commissum		civilia studia, virtutes & mo-	
improbatur.	<u>472</u>	res.	<u>273</u>
res gesta pace.	<u>472</u>	uxores & liberi.	<u>280</u>
& bello.	<u>477</u>	mors & sepultura.	<u>282</u>
imperium an fuerit absolutum.	<u>481</u>	S.	
Runa Danorum.	<u>344</u>	Sabini post confociationem Romuli cum T.	
RUDOLPHUS L IMPERA-		Tatio non manserunt separata civi-	
TOR, GERMANIÆ INSTAU-		tas, sed Romana tanquam pars ac-	
RATOR.	<u>246</u>	cesserunt.	<u>477</u>
Rudolphus in aula Ottocari Bohemia Re-		SACRA LEGATIONIS.	<u>1093</u>
gis versatus.	<u>252</u>	circa Sacra quousq; se extendat potestas	
Argentoratensium dux in bello con-		Principum in Imperio.	<u>312</u>
tra Episcopum.	<u>254</u>	SACRUM ROMANUM IMPE-	
Dux Tigurinorum contra Regens-		R I U M.	<u>1</u>
bergium.	<u>256</u>	Sacrum quo sensu dicatur Roman. Impe-	
bellum cum Basileensi Episcopo ge-		rium.	<u>1. 43</u>
rit.	<u>257</u>	ex qua causa dicatur Rom. Impe-	
Imperator eligitur.	<u>259</u>	rium.	<u>3</u>
coronatur Aquigrani.	<u>262</u>	Salica Lex qua, & unde dicta.	<u>225.</u>
Ottocarum vincit.	<u>268</u>		<u>243</u>
Eberhardo Wirtembergico rebelli		Saltatio & ejus usus.	<u>448</u>
bellū infert, & reconciliatur.	<u>270</u>	Sanguis Christi Martua servatur.	<u>195</u>
impostorem pro Friderico II. Imp. se		Sapientum consilia Ionibus data.	<u>386</u>
gerentem punit.	<u>271</u>	Satyra an & quatenus admittenda in ta-	
Burgundia Comitem rebellem subi-		xandis erroribus politicis.	<u>233</u>
git.	<u>270. 272</u>	Saxones Ostfali, Angarii, Westfali.	<u>89</u>
cur nunquam in Italiam profectus		Saxonicum bellum à Carolo Magno ge-	
fit.	<u>274</u>	stum.	<u>86</u>
an libertatem Italia vendiderit ac		SCIPIO POLYBII EX FRAG-	
donaverit.	<u>275</u>	MENTO PEIRESCIANO.	<u>576</u>
juri hereditario in Imperio tenuit-		Sceptrum Ægypt. Regum hippopotamo ci-	
tiavit.	<u>869</u>	coniaq; insignitum.	<u>626</u>
Rudolphi L Imp. res ex quibus auctoribus		Scipionis (minoris) virtutes.	<u>578</u>
petenda.	<u>247</u>	Scripta-	

I N D E X.

<i>Scriptores rerum Caroli M.</i>	<u>139</u>	<i>Rom. auctor celebratur.</i>	<u>505</u>
<i>rerum Rudolphi I. Imp.</i>	<u>247</u>	<i>Servii Tullii origo.</i>	<u>502</u>
<i>Scytharum mores opesque.</i>	<u>385</u>	<i>modus perveniendi ad regnum</i>	<u>503</u>
<i>Secretum consiliorum nusquam ac-</i>		<i>res gesta.</i>	<u>503</u>
<i>curatius servatur, quam in Suecia.</i>	<u>1009</u>	<i>pöpopularitas. 504. forma Imperii</i>	<u>506</u>
<i>Semidocti politici perstringuntur.</i>	<u>455</u>	<i>sub eo.</i>	<u>506</u>
<i>Semperfrey quid sit elogii.</i>	<u>56</u>	<i>Sibyllina oracula, quae hodie circumse-</i>	<u>393</u>
<i>Senatus Rom. an jure damnaverit</i>	<u>855</u>	<i>runtur, an sint genuina.</i>	<u>393</u>
<i>Neroxem.</i>	<u>855</u>	<i>conferuntur cum Eclog. II. Virgi-</i>	<u>393</u>
<i>Senatoria libertas.</i>	<u>900</u>	<i>li.</i>	<u>393</u>
<i>in quibus maxime causis exerceri</i>	<u>911</u>	<i>Sierra Lione mons, Ilanoni</i>	<u>1230</u>
<i>debeat.</i>	<u>911</u>	<i>exqua vocatus creditur.</i>	<u>1230</u>
<i>quando exercenda.</i>	<u>917</u>	<i>Simeon cur potissimum à fratre Josc-</i>	<u>416</u>
<i>quibus permessa sit, & an ad solos</i>	<u>920</u>	<i>pho in vincula conjectus sit in A-</i>	<u>416</u>
<i>Senatores pertineat.</i>	<u>920</u>	<i>gypto.</i>	<u>416</u>
<i>Senatoria libertatis exercita exem-</i>		<i>Simulacra libertatis à primis Cæsari-</i>	<u>1122. 1135</u>
<i>pla quadam recensentur.</i>	<u>921</u>	<i>bus ostentata.</i>	<u>1122. 1135</u>
<i>modus adhibendus.</i>	<u>926</u>	<i>Slavi à Carolo, Magni filio, vincti.</i>	<u>196.</u>
<i>usus in diversis rerumpl. formis.</i>	<u>935</u>	<i>Sleidani elogium, & orationes ad Ca-</i>	<u>921</u>
<i>abusus.</i>	<u>939</u>	<i>rolum V. & Ordines Imp.</i>	<u>921</u>
<i>Senatusconsulta usque ad Constan-</i>		<i>Societates Indiane Belgarum.</i>	<u>1051</u>
<i>tini tempora facta, sed ad Prin-</i>	<u>1138</u>	<i>Solonis cum Cræso colloquium.</i>	<u>382</u>
<i>cipis arbitrium.</i>	<u>1138</u>	<i>Soldurii Gallorum quales, & an Cli-</i>	<u>829</u>
<i>Senectus non est absolutè necessaria</i>		<i>entibus annumerari possint.</i>	<u>829</u>
<i>Legato.</i>	<u>1101</u>	<i>Spartana origines.</i>	<u>382</u>
<i>Seneca meliore ἰκονία usus est in</i>		<i>Spartani Reges quid à cæteris Regi-</i>	<u>425</u>
<i>Hypolyto tragædia, quam Euripi-</i>	<u>1160</u>	<i>bis differant.</i>	<u>425</u>
<i>pides.</i>	<u>1160</u>	<i>Speñtacula ap. Rom. saepe turbarum</i>	<u>723</u>
<i>Sententia, una ex partibus tragædia.</i>	<u>1169</u>	<i>& cædium causa.</i>	<u>723</u>
<i>Sententia Euripidis & Seneca in Hip-</i>	<u>1169</u>	<i>Spiritus S. concursus operationis ad</i>	<u>372</u>
<i>polyto examinantur.</i>	<u>1169</u>	<i>Scripturas divinos quoad sty-</i>	<u>372</u>
<i>Serapis Egyptiorum Deus Josephum</i>	<u>424</u>	<i>lum.</i>	<u>372</u>
<i>signat.</i>	<u>424</u>	<i>Statua non satis valent ad perpetuan-</i>	<u>746</u>
<i>Servius Tullius præcipuus juris civilis</i>		<i>dam gloriam.</i>	<u>746</u>
<i>Statuta provincialia in Imperio qua</i>		<i>Statua Patronis posita à Clientibus.</i>	<u>818</u>
<i>pol.</i>		<i>Statuta provincialia in Imperio qua</i>	<u>818</u>

Z z z z z z z

INDEX.

polleant auctoritate.	308
an sine Imperatoris confirmatione valeant.	308
Status Imperii Rom. quotempore Ru- dolphus electus est Imperator.	259
Stellatura quid?	532
Stipendium annonarium.	531
Strenas dandi mos initio anni unde natus videatur.	818
Stylus N. T. vid. Lingua N. T.	
Successio ordinaria in Imperio Rom. longissimo tempore locum habuit.	868
Successionis per filios atque heredes jus Principibus & Comitibus Ger- man. beneficio Imperatorum con- cessum.	871
Successionis jus in regno Spartano quale.	427
de Successione in locum Alexandri M. certamina civilia.	664
Sueci in consiliorum secreto custodi- endo accuratissimi.	1009
Suecici regni Senatus & officia descri- buntur.	1008
Suetonii locus (Galb. c. 7.) conside- ratur.	533
Superbia & crudelitas oligarchico- rum ingeniorum character.	949
Superbia Nobilium inter causas fa- ctionum in republ. Rom.	564
Susceptores.	521
SYLLOGE MISCELLANEO- RUM.	650
SYNEPION AMIKTONIKON.	776

T.

Tacitus singulari prorsus stylo usus est.	361
Taciti locus (1. Ann. 61.) illustratus.	554
alius locus (2. Ann. 37. & 38.) il- lustratus.	929
Tarquinius Priscus Lucum prius di- ctus.	499
Tarquinius Prisci origo.	499
modus perveniendi ad regnum, & res gesta.	500
Tarquinius Superbi origo.	507
modus perveniendi ad regnum, & res gesta.	508
Tarquinius an Romani jure expule- rint.	511
Tassilo Bavaria Rex.	172
Carolo M. supplex, veniam impe- trat.	177
ab eod. in monasterium detru- ditur.	178
Terminales Deos excogitavit Numa	484
Testamentum Caroli M. Leoni Pa- pa transmissum.	197
Teutsch / ab antiquissimo Teut, L. e. Deus.	342
THEMISTOCLES S. IDEA MAGNI CIVIS.	1145
Themistoclis ingenium.	1146
educatio.	1147
virtutes & artes civiles.	1150
navus, quem sibi conscivit, dum pa- triae prodenda consilia init.	1154
merita in Athenienses.	1154
comparatio cum aliis viris illustri- bus.	1155
for-	

for-
tra-
mo-
THE-
TH-
Theoa-
int-
à 2-
fui-
qu-
Ro-
reg-
fui-
Theoa-
iust-
cin-
an-
ci-
cin-
ci-
ci-
no-
na-
se-
ex-
v-
m-
el-

INDEX.

fortuna & exitus.	ibid.	adificandi studium.	130
transfugium ad Persas.	1158	Thermopyla ubi, & unde dicta.	723
mors.	ibid.	Thymiaterium, urbs Hannoni memorata, quam videatur Bocharto.	1225
THEODORICUS OSTROGOTHUS ITALIÆ REX.	101	Titulus solennis quid differat ab epitheto.	2
Theodoricus Ostrogothus nonnunquam inter Visigothos Italia Reges numeratur.	119	Tituli & honores literarii sine debita discretionem iactati.	1241
à Zenone, ejus opera reducto, Consul factus.	105	ab aliis plane spreto.	1242
fuit Arrianus Hexacionita.	134	Tragœdia partes sex, secundum Aristotelem.	1159
quo jure Imperium Italia possederit.	107	TRAJANI ET FL. CLAUDII VITÆ COMPARATÆ.	592
Roma excipitur.	117	Trajanus à Nerva adoptatus, & Caesar appellatus.	597
regnum suum matrimonii & affinitatibus munit.	114	cum Decebalo bellum gerit.	599
fuit illiteratus.	127	Armeniam subigit.	604
Theodorici cura circa rem bellicam.	123	Optimi & Parthici cognomen à Senatu adeptus.	604
justitia administranda cura.	124	Parthis à se victis Regem dat.	607
legum conservandarum, & circa lectionem magistratuum.	126	disciplinam militarem severe, exercet, alioqui in milites benignus.	609
circa literarum studia.	177	in terramotu Antiochia periclitatur.	610
annona.	128	delatores punit.	612
circa restituendam rem nauticam	129	legem majestatis tollit.	613
circa spectacula publ.	131	Christianos persequitur.	623
circa tributa & vectigalia.	132	Traiani genus, patria, studia adolescentia.	594
circa Ecclesia immunitatem.	134	honores militares & civiles.	596
nomen & genus.	103	virtutes.	598
nativitas & educatio.	104	expeditiones ipsius ductu confecta.	598
sententia de matre filium, ut peregrinum, expellente.	125	gesta civilia.	611
expeditio in Italiam.	102	leges & instituta.	613
victoria de Franciscis.	119		
mors.	120		
elogia. 122. liberalitas.	128		
	Zzz zzz z 2		mp-

INDEX.

<i>moderatio</i> & <i>civilitas</i> .	<u>615</u>	<i>rium Orient. & Occidentale</i>	
<i>Opera</i> .	<u>619</u>	<i>constitutus.</i>	200
<i>vitia</i> .	<u>622</u>	<i>Venetorum armamentarium incom-</i>	
<i>uors</i> .	<u>624</u>	<i>parabile.</i>	1251
<i>Transalbins Saxones in Franciam</i>		<i>institutum in eligendis idoneis Se-</i>	
<i>translati à Carolo M.</i>	<u>26.193</u>	<i>natoribus.</i>	<u>722</u>
<i>Transitus fluminis Halys.</i>	<u>382</u>	<i>Venetorum dissidia.</i>	<u>121</u>
<i>Transitus mercium an omnibus pro-</i>		<i>& ex his natum bellum, Græcis</i>	
<i>miscuè debitus.</i>	<u>1018</u>	<i>hinc, inde Francis auxiliantibus.</i>	<u>199</u>
<i>Tribuni pl. adhuc sub Principibus</i>		<i>Venetus Dux quam prerogativam</i>	
<i>aliquam auctoritatem habuerunt.</i>	<u>1136</u>	<i>præ cæteris Senatoribus habeat.</i>	<u>879</u>
<i>Tribunitia potestas discordiarum Ro-</i>		<i>Victoria, navis Ferdinandi Magella-</i>	
<i>ma causa.</i>	<u>568</u>	<i>ni.</i>	1059
<i>cur ab Imperatoribus assumpta.</i>	<u>1124</u>	<i>Victoria jus quale.</i>	<u>1084</u>
<i>Tribunitii Spiritus Romæ qui potissi-</i>		<i>Vicus Saxonum Romæ, unde?</i>	<u>193</u>
<i>mum.</i>	<u>576</u>	<i>Viltzi à Carolo M. subacti.</i>	<u>178</u>
<i>Tributi à victis exigendi jus.</i>	<u>1084</u>	<i>Vir virum legit, formula militaris.</i>	<u>860</u>
<i>Troglodyte.</i>	<u>1227</u>		<u>394</u>
<i>Tulli Hostilii origo, & militaris ani-</i>		<i>Viri boni munus.</i>	<u>957</u>
<i>mus instituto Numa diversus.</i>	<u>488</u>	<i>Virgilii versus Ecl. IV. Si canimus</i>	
<i>res geste.</i>	<u>489</u>	<i>tylvas, &c. explicatus.</i>	<u>392</u>
<i>imperium quin fuerit absolutum,</i>		<i>& alter ibid. Ultima Cumæi &c.</i>	<u>324</u>
<i>non impedit Horatii provocatio ad</i>		<i>& alius ibid. Aspice nutantem</i>	
<i>populum.</i>	<u>494</u>	<i>&c.</i>	<u>401</u>
		<i>locus (Georg. 2. v. 279.) explica-</i>	
		<i>tus.</i>	551
		<i>Virtutes quæ Principi necessaria &</i>	
		<i>decora.</i>	<u>742</u>
		<i>Vita humana cum somnio comparatio.</i>	414
			590
		<i>Voconia Lex.</i>	
		<i>Urbes, in quibus Principes resident,</i>	
		<i>in angustiore speciem adornan-</i>	
		<i>da.</i>	<u>737</u>
			Ur-

V.


<i>Vaisarius Aquitania Dux à Pipino</i>	
<i>repressus.</i>	<u>144</u>
<i>Vasalli & Clientes parum aut nihil</i>	
<i>inter se differunt.</i>	<u>822</u>
<i>Vassi, qui postea Vasalli.</i>	<u>816</u>
<i>Væligalium jus & origo.</i>	<u>1018</u>
<i>moderatio.</i>	<u>1019</u>
<i>Venetia Caroli M. tempore amplifi-</i>	
<i>cate, annexæ pluribus insulis.</i>	<u>203</u>
<i>medius veluti limes inter Impe-</i>	

INDEX.

<p><i>Urbium matricum in colonias jus.</i> <u>833</u></p> <p><i>Usura an omnes ab honestate remota.</i> <u>688</u></p> <p><i>Uxorum imperium in viros ap. Ægyptios.</i> 685.</p> <p style="text-align: center; margin-top: 10px;">W.</p>	<p><i>quibus causis impulsus bellum Carolo M. moverit.</i> <u>86</u></p> <p><i>ad Christianismum convertitur. 175. & à Carolo M. ex S. baptismo suscipitur.</i> <u>24</u></p> <p><i>Witikindi uxores & progenies.</i> <u>27</u></p> <p><i>stemma, & exitus.</i> <u>242.</u></p>
--	---

<p><i>Westphalicum iudicium.</i> <u>124</u></p> <p><i>an à Carolo M. institutum.</i> <u>98</u></p> <p><i>WITIKINDUS <u>MAGNUS.</u></i> <u>83</u></p> <p><i>Witikindus an fuerit Rex.</i> <u>84</u></p>	<p style="text-align: center; margin-top: 10px;">Z.</p> <p><i>Zopyri in Babylonios & Sexti Tarquinii in Gabios factum improbat.</i> 509.</p>
--	--

FINIS.



(Faint vertical text, likely bleed-through from the reverse side)

Errata.

Pag. 14. lin. 27. leg. *distinxissent*. p. 89. lin. ult. l. *amne*. p. 155. lin. 23. l. *præcipue*. p. 112. lin. 2. l. *vocabulis*. p. 254. lin. 10. l. *clarissimi*. p. 314. lin. 6. l. *constitutione*. p. 317. lin. 17. l. *imperium*. p. 331. lin. ult. l. *alterum*. p. 356. lin. 16. l. *exprimendi*. p. 380. lin. 7. *Mermnadarum*. p. 464. lin. 29. l. *que*. p. 482. lin. 2. l. *quo*. p. 497. lin. 31. l. *inulerit*. p. 59. lin. 5. l. *aliis*. p. 565. lin. 32. l. *exprobrantes*. p. 568. lin. 6. l. *querentes*. p. 576. lin. penult. pro *Scipio* l. *Polybius*. p. 628. lin. 9. l. *Aureolo*. p. 634. lin. 15. l. *paucis*. p. 662. lin. 12. l. *capiebat*. p. 694. l. 33. l. *lenocinia*. p. 741. lin. 21. l. *plurimum*. p. 744. lin. penult. del. *Et*. p. 746. lin. 10. l. *uim*. p. 747. l. 23. l. *ubi*. p. 754. l. 10. pro *ut*, l. *ac*. *ibid.* lin. 11. l. *exprobranti*. p. 756. lin. 29. l. *propositi*. *ibid.* lin. 30. l. *queritur*. p. 757. lin. 22. l. *qua*. p. 758. lin. ult. l. *delituit*. p. 759. lin. 12. l. *raro*. *ibid.* lin. 26. pro *secum* l. *suam*. p. 771. l. 19. l. *quid*. *ibid.* lin. 26. l. *propositi*, sed. p. 773. in marg. l. *obsequitur* p. 775. lin. 19. l. *recensendis*. *ibid.* lin. 24. l. *Macenate*. *ibid.* lin. 25. l. *exemplo*. p. 780. lin. 30. l. *μύθων*. p. 782. lin. 17. l. *reperiam*. p. 783. lin. 20. l. *Θεσσαλίας* p. 784. lin. 25. pro *η* l. *τ*. p. 785. lin. 24. l. *πύλων*. p. 786. lin. 25. l. *pactio*. p. 788. lin. 23. l. *rumusculi*. p. 792. l. 23. l. *ἐαρινῆς*. p. 796. lin. 1. l. *cum*. p. 798. lin. 17. l. *saltem*. p. 800. lin. 22. l. *ambacti*. p. 807. l. 33. l. *dediderit*. p. 808. lin. 35. l. *Originibus*. p. 817. l. 32. l. *tenuia*. p. 829. l. 6. l. *servanii*. *ibid.* lin. 9. l. *Imperatores*. p. 832. lin. 33. l. *quid*. p. 833. l. 33. l. *ominibus* p. 834. lin. 8. l. *Peirescii*. p. 836. lin. penult. l. *legiones*. *ibid.* lin. ult. l. *Galba*. p. 837. lin. 5. l. *castrorum*. p. 840. lin. penult. l. *molimine*. p. 841. lin. 30. l. *Cesarum*. p. 842. lin. 2. l. *divus*. *ibid.* lin. 26. l. *faridum*. *ibid.* lin. 28. l. *obversantur*. pag. 843. lin. 34. l. *repeio*. pag. 846. lin. 9. l. *Pompeji*. pag. 848. lin. 9. pro *ut* l. *aut*. pag. 853. lin. antepen. l. *serviant*. pag. 854. lin. 4. l. *Princeps*. *ibid.* lin. 8. l. *ἀνδρώπων*. p. 855. lin. 4. l. *atq.* p. 869. lin. penult. l. *planè*. p. 870. lin. 7. post. libr. adde. 2. p. 874. lin. 14. l. *appellavere*. p. 876. lin. 7. l. *Denotavit*. *ibid.* lin. 10. l. *dicebatur*. *ibid.* lin. 26. pro *è* l. *à*. p. 878. l. 9. l. *Cornelii*. p. 883. lin. 17. l. (*Græci Σ. βασις*. p. 898. in marg. pro *Sebedius* l. *Schedius*. pag. 912. lin. 17. l. *oculus*. pag. 913. lin. 14. l. *Senatoria*. *ibid.* lin. 34. pro *è* l. *à*. p. 914. lin. antepen. l. *delectus*. p. 919. lin. 5. l. *supellectili*. p. 928. lin. antepen. l. resp. p. 946. lin. 19. l. *consultuerit*. p. 954. lin. ult. l. *ἐλευθερία* p. 955. lin. 16. l. *δοκιμασία* p. 956. lin. 21. l. *cōtra*. p. 961. lin. 4. l. *omina*. p. 962. lin. 7. l. *hariolatione*. p. 964. lin. 9. l. *bonis*. p. 966. lin. 31. l. *pertinent*. p. 978. lin. 15. l. *jaēta*. p. 979. lin. 9. l. *aliorum*. p. 982. lin. 9. l. *peritia*. p. 988. lin. antepen. post. *indoles*, l. *qualem*. p. 997. lin. 20. l. *statim*. p. 1000. lin. 25. l. *Fabricius*. p. 1001. lin. 22. l. *minus*. p. 1212. lin. 1. l. *communicabat*. p. 1015. lin. 33. l. *sua*. p. 1019. lin. 29. l. *publica*. p. 1020. lin. 7. l. *possint*. p. 1021. lin. 27. l. *Cocionum*. p. 1030. lin. 12. l. *idē*. p. 1031. lin. 14. l. *repugnati*. p. 1034. lin. penult. l. *notitia*. p. 1040. lin. 1. l. *Ethnicos*. p. 1045. lin. 31. l. *Xenophon*. p. 1047. lin. 7. l. *ἀργῆν*. *ibid.* lin. 13. l. *cetariorum*. *ibid.* lin. 21. l. *abundantissima*. p. 1048. lin. 33. l. *potestates*. p. 1052. lin. 29. l. *essent*. *ibid.* lin. 30. l. *que*. p. 1055. lin. 26. l. *esset*. p. 1059. lin. 26. l. *baptisterio*. p. 1071. l. 2. l. *Themis*. p. 1076. lin. 24. l. *rem*. p. 1078. lin. 12. l. *argumentorum*. p. 1079. lin. 31. l. *abstrudendum*. p. 1085. l. 32. l. *Apollonii*. p. 1088. lin. 29. l. *tuendarum*. p. 1102. lin. 30. l. *legatione*. p. 1105. lin. 24. l. *vilisate*. p. 1114. lin. 10. l. *sanè*. *ibid.* l. penult. post. *ubi*, l. *magni momenti*. p. 1115. lin. 13. l. *absint*. p. 1121. lin. 17. l. *quandam*. p. 1148. lin. 15. l. *Tatium*. *ibid.* lin. 17. l. *Ἀθηνάϊος*. p. 1154. l. 33. l. *liberaverit*. p. 1160. l. 34. l. *parricida*. p. 1167. l. 7. l. *ἐπίσταθ*. p. 1168. lin. 11. l. *Ἀμαζόνες*. pag. 1171. lin. 5. l. *hæ*. *ibid.* lin. 14. l. *κακόν*. *ibid.* lin. 25. l. *bonitatem*. p. 1177. lin. 22. l. *legenti*. p. 1180. lin. 14. l. *idem*. *ibid.* lin. 19. l. *Barbaro*. p. 1190. lin. 1. l. *ignara*. p. 1211. lin. 22. l. *olim non semper*. p. 1217. lin. 22. dele. non p. 1217. lin. 31. l. *politicorum*. p. 1241. lin. 2. l. *rhetoricæ*. *ibid.* lin. 10. l. *κακὸν παρὰ γὰρ*. *ibid.* lin. 15. l. *ornarentur*. p. 1246. lin. 2. l. *quid*. p. 1251. lin. 4. l. *magnificeniam*.

VA1

1520323



